

清
實
錄

高宗純皇帝實錄(八)

卷五五四至卷六二七
乾隆二十三年至二十五年

清實錄

第一六冊

中華書局影印

清 實 錄

(第 一六 冊)

高 宗 實 錄 (八)

•

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

•

787×1092毫米 1/16•66 1/8 印張

1986年 2月第1 版 1986年 2月北京第 1次印刷

印數 0,001——1,500 冊

統一書號: 11018 • 1355-16 定價: 49.00 元

清實錄第一六冊目錄

高宗純皇帝實錄(八)

卷五五四	乾隆二十三年正月上	一
卷五五五	乾隆二十三年正月下	一四
卷五五六	乾隆二十三年二月上	三五
卷五五七	乾隆二十三年二月下	四六
卷五五八	乾隆二十三年三月上	六七
卷五五九	乾隆二十三年三月下	七八
卷五六〇	乾隆二十三年四月上	九二
卷五六一	乾隆二十三年四月下	一〇六
卷五六二	乾隆二十三年五月上	一二三
卷五六三	乾隆二十三年五月下	一三五
卷五六四	乾隆二十三年六月上	一四七
卷五六五	乾隆二十三年六月下	一五九
卷五六六	乾隆二十三年七月上	一七一
卷五六七	乾隆二十三年七月下	一八七
卷五六八	乾隆二十三年八月上	二〇一
卷五六九	乾隆二十三年八月下	二二三
卷五七〇	乾隆二十三年九月上	二二七
卷五七一	乾隆二十三年九月下	二四一
卷五七二	乾隆二十三年十月上	二六一
卷五七三	乾隆二十三年十月下	二七八
卷五七四	乾隆二十三年十一月上	二九二
卷五七五	乾隆二十三年十一月下	三〇九
卷五七六	乾隆二十三年十二月上	三三〇
卷五七七	乾隆二十三年十二月下	三五〇
卷五七八	乾隆二十四年正月上	三六九
卷五七九	乾隆二十四年正月下	三八一
卷五八〇	乾隆二十四年二月上	三九六
卷五八一	乾隆二十四年二月下	四一一
卷五八二	乾隆二十四年三月上	四三一
卷五八三	乾隆二十四年三月下	四五二
卷五八四	乾隆二十四年四月上	四六八
卷五八五	乾隆二十四年四月下	四八五
卷五八六	乾隆二十四年五月上	四九七
卷五八七	乾隆二十四年五月下	五一二

卷五八八	乾隆二十四年六月上	五三八
卷五八九	乾隆二十四年六月下	五四二
卷五九〇	乾隆二十四年閏六月上	五五四
卷五九一	乾隆二十四年閏六月下	五六五
卷五九二	乾隆二十四年七月上	五八〇
卷五九三	乾隆二十四年七月下	五九三
卷五九四	乾隆二十四年八月上	六一二
卷五九五	乾隆二十四年八月下	六二四
卷五九六	乾隆二十四年九月上	六三六
卷五九七	乾隆二十四年九月下	六四九
卷五九八	乾隆二十四年十月上	六七四
卷五九九	乾隆二十四年十月下	六八八
卷六〇〇	乾隆二十四年十一月上	七二六
卷六〇一	乾隆二十四年十一月下	七三三
卷六〇二	乾隆二十四年十二月上	七五一
卷六〇三	乾隆二十四年十二月下	七六五
卷六〇四	乾隆二十五年正月上	七七九
卷六〇五	乾隆二十五年正月下	七八九
卷六〇六	乾隆二十五年二月上	七九九
卷六〇七	乾隆二十五年二月下	八二二
卷六〇八	乾隆二十五年三月上	八二四
卷六〇九	乾隆二十五年三月下	八三七
卷六一〇	乾隆二十五年四月上	八五四
卷六一一	乾隆二十五年四月下	八六三
卷六一二	乾隆二十五年五月上	八七二
卷六一三	乾隆二十五年五月下	八八九
卷六一四	乾隆二十五年六月上	九〇一
卷六一五	乾隆二十五年六月下	九一六
卷六一六	乾隆二十五年七月上	九二六
卷六一七	乾隆二十五年七月下	九三九
卷六一八	乾隆二十五年八月上	九五二
卷六一九	乾隆二十五年八月下	九六〇
卷六二〇	乾隆二十五年九月上	九七〇
卷六二一	乾隆二十五年九月下	九七九
卷六二二	乾隆二十五年十月上	九八九
卷六二三	乾隆二十五年十月下	九九九
卷六二四	乾隆二十五年十一月上	一〇〇七
卷六二五	乾隆二十五年十一月下	一〇一七

卷六二六

乾隆二十五年十二月上

一〇二九

卷六二七

乾隆二十五年十二月下

一〇三八

大清高宗法天隆運至誠先覺體元立極敷文奮武孝慈神聖純皇帝實錄卷之五百五十四

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書僕散孫滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十三年戊寅春正月戊子朔

上詣

奉先殿行禮○詣

堂子行禮○率王以下文武大臣詣

壽康宮慶賀

皇太后禮成御太和殿受朝作樂宣表如儀○

詣

大高殿

壽皇殿行禮○遣官祭

太廟後殿○御乾清宮賜宗室王公等宴○已

丑諭去歲豫省衛輝等府被災地方屢降恩

旨將應徵錢糧蠲免並於普賑一月之外疊

予加賑四次計費帑金三百餘萬自去歲十

月起可至今歲二月矣但自仲春以至麥收

為時尚遠賑單之後二麥未及登場譬如赤

子出慈母之懷未能強飯遽斷其乳其何以

堪朕心深用惻然著加恩將被災十分之極

次貧民暨被災九分之極貧民再行加賑一

月俾得接至麥收用示體卹至意該部即遵

諭行○又諭據黃廷桂奏稱現在陝甘賈補

摘缺營馬官價八兩實有不敷及買解巴里

坤等處屯田牛隻請於官價四兩四錢外添

給一兩六錢等語兩省連年需馬甚多市價

未免昂貴若拘定成例誠有不敷著於定價

八兩外准其加給二兩至牛隻係本省農民

所需用時值春耕不惟官價四兩四錢不足

即增一兩六錢亦未必充裕若再加二兩給

以官平足數採買自屬易集而閭閻亦無滋

累。因此次購辦過多。特加恩格外以示體卹。後不為例。○又諭甘肅一省。承辦軍需。雖絲毫不以派累閭閻。而小民之趨事勤勞。殊堪軫念。前經降旨。將該省乾隆二十三年地丁錢糧。悉行加恩蠲除。但本年正項。雖已免徵。而歷年舊欠。尚有應須輸納者。邊氓仍不免追呼之擾。著再加恩。將該省乾隆十六年。至二十二年。一應民欠未完銀糧草束。通行豁免。該督撫其董率屬員。實心查辦。倘有不肖官吏。以完作欠。侵蝕中飽。及違例私徵。致百姓不霑實惠。即行嚴叅究治。用稱朕嘉惠體卹之至意。該部遵諭速行。○諭軍機大臣等。前因烏魯木齊屯田處所。需用牛隻。已有旨令開泰。購買犛牛解甘。以備墾種。今據黃廷桂奏。川省所產大半俱係水牛。其黃牛不過十之一二。口外天寒。不能適用等語。黃廷桂久任川陝。於兩省情形。皆所熟悉。川省黃牛既少。於口外不甚相宜。自可無庸採買。且現

據黃廷桂。於陝省竭力措辦牛一千頭。添補應用。似可無誤春耕。著傳諭開泰。所有川省犛牛一項。不必辦解可也。○又諭晉省辦解兒騾馬一事。現據黃廷桂奏稱。晉省民間騾駒甚少。其購解者。不過老騾馬。冬月趕解出口。恐多倒斃等語。著傳諭塔永寧。於該省各營。現在挑解備戰馬匹之外。再挑選不堪乘騎之騾駒馬。一千匹。於三四月內。解赴甘省。以備屯種。所有兒騾馬一項。既無裨實用。停其辦解可也。尋奏。購辦騾馬。未奉旨前。已驗解四百匹。未便撤回。至諭挑解各營騾馬。晉省現存營馬。因上年挑換陝馬。多老瘦難解。請買民間口輕耕種騾馬。三四百匹。或五六百匹。並將原買未全解肅之騾馬。一併挑解。得旨。如所議行。既欲集事。亦不欲累民也。○又諭據黃廷桂奏稱。川省既無黃牛。而晉省騾馬。多老不堪用。已諭開泰。塔永寧。停其購辦。但令晉省於標營內。挑取不中乘

騎之騮馬一千匹。解甘備用。至軍營牛馬。自應充裕。現命軍機大臣。於太僕寺上駟院。牛馬羣內挑取。亦可以資接濟。著傳諭知之。○又諭曰。阿桂等奏稱。原任杜爾伯特郡王。巴雅勒當之職。據汗車凌等懇請轉奏。令巴雅勒當之弟博斯和勒承襲。衆心悅服。博斯和勒既經汗車凌等保奏。巴雅勒當郡王之職。即著伊承襲。庚寅。

上奉

實錄卷五十四

五

皇太后幸重華宮侍宴。諭據高晉奏報。上江鳳潁。泗所屬水利要工。均於上年歲底一律完竣等語。安省河道淤墊。頻年被水。特命袁曰修。夢麟等。會同督撫河臣和衷籌議。發帑興修。廣為疏濬。自開工以來。諸臣能仰體朕懷。悉心經理。所在要工。俱能迅速集事。甚屬可嘉。袁曰修。夢麟。尹繼善。白鍾山。嵇璜。已於下江各工告成。疊予議叙。外高晉著交部議敘。其在工承辦各員。並著該督撫等查明分

實錄卷五十四

六

別咨部議敘。以示獎勵。○又諭上年豫省被水。疊經降旨蠲賑。昨復於加賑四次之後。更予加賑一月。小民得此接濟。可至麥收矣。其該省駐防八旗官兵。額支兵米。向例俱給折色。現在糧價稍昂。若照定例。粳米每石一兩五錢。粟米每石一兩二錢。支給恐不敷買食。著加恩於本年二月起。將應支米石。給與半年本色。以裕兵食。用示體卹。旗兵至意該部即遵諭行。○又諭去歲河南衛輝等屬。所有官借牛具籽種銀兩。例應於今年麥收後徵還。但該處災民餬口無資。現在尚降旨加賑。若照例徵收。民力殊為拮据。著加恩緩作三年帶徵。以紓民力。○諭軍機大臣等。昨因將軍成衮扎布等辦理進剿毫無端緒。業已分別示懲。兆惠車布登扎布富德等領兵勦賊。當以為戒。同心協力。自可奏功。此時如逆賊阿睦爾撒納有竊發之信。即將勦除賊黨。及辦理回部之事。暫行停止。專意擒拏。若無信

息。則將沙喇伯勒賊衆。回部諸城。於本年內辦竣。方為妥協。數年來屢次用兵。自當休息。即阿逆未就擒獲。亦可相機辦理。著傳諭兆惠。車布登扎布。富德等知之。○又諭。從前平定伊犁時。達瓦齊敗走回部。為圖爾瑞。阿奇木伯克霍集斯等。遣阿舒爾瑪特。擒送軍營。不知此時圖爾瑞地方。尚係伯克霍集斯辦事。抑或更替他人。可傳諭雅爾哈善等。於進兵時訪問。若仍係伯克霍集斯辦事。則即向

實錄卷五十四

七

伊等云。爾等從前將達瓦齊擒獻。係有功之人。皇上即施恩賞。尚欲陸續加恩。因辦理厄魯特等無暇。今厄魯特等俱已平定。領兵前來。專為問兩和卓木之罪。與爾等無涉。爾等惟誠心效順。自必永承恩澤。仍酌賞緞疋等物。以示獎勵。凡大兵經過地方。皆當如此宣示。及酌量獎賞。俾回人聞風歸嚮。或將賊首拏送。亦未可定。即不然。而衆心內附。賊首等。自必力窮無助。我兵擒勦亦易。如歸附人

等。有奮勉行走者。更宜覈實獎賞。雅爾哈善等當加意辦理。○又諭曰。兆惠等奏稱正月內馬匹送到。即追勦巴圖爾烏巴什等。再往葉爾羌。喀什噶爾。擒拏布拉呢敦。霍集占。倘辦不隨意。不能即入回部。則且屯田積穀。市哈薩克健馬。俟次年整兵再進等語。兆惠等所見亦是。但不可有意遲疑。惟當相機以應。如上年進兵時。即計及辦理回部。其後竟成空言。今謂賊人在沙喇伯勒。恐又復他往。或

實錄卷五十四

八

向內來。俱未可定。若伊等果在沙喇伯勒。坐食。勢必貧人盜竊其富家。不堪為命。互相殺害。斷無安靜之理。我兵來機取之。甚易。兆惠所奏。未免豫留地步。即非有心觀望。而怯懦固其本懷。以為事若無成。伊已先為奏及。不知臨時果有阻滯。即俟次年辦理。又有何礙。況車布登扎布。陛辭日。朕已諭今年儘力趕辦。如趕辦不及。即明歲辦理亦可。且辦理回部。現諭添派綠旗兵八千名。兆惠惟帶原議

四千兵。前往沙喇伯勒。其辦理回部。已命雅爾哈善額敏和卓前往觀。今日兆惠所奏。顯係以兵少為慮。欲留雅爾哈善所帶之索倫兵一千。用壯聲勢耳。可於綠旗兵八千內。派出一千。合原議之四千兵。前往沙喇伯勒。其索倫兵一千。仍令雅爾哈善帶往。○又諭。朕因兆惠有辦理需時之慮。已命專辦沙喇伯勒賊衆。其葉爾羌喀什噶爾回部。令雅爾哈善額敏和卓二人辦理。已添派綠旗兵八十

實錄卷五十四

九

名。合之雅爾哈善所帶索倫兵一千。自足敷用。額敏和卓熟悉回部情形。伊等盡心商酌。以奏膚功。即或今歲不能竣事。惟整兵前進。蹂其禾稼。振旅而還。彼力自絀。將來進取更易。至額敏和卓傳示庫車回人之事。及此次進兵。何時起程。作何辦理。著即行奏聞。再兆惠處侍衛頗多。雅爾哈善進兵時。可咨取數人以備差遣。辛卯

上奉

皇太后居長春仙館。○詣

安佑宮行禮。○幸圓明園。諭上年兩江災地

業經截漕蠲緩。賑借兼施。恩膏疊沛矣。但賑

竣後。距麥收之期尚遠。貧民難以支持。朕心

深為惻然。著將下江被災最重之清河。桃源

銅山。沛縣。邳州。宿遷。睢寧。海州。沭陽。等九州

縣。極貧各加賑三個月。次貧各加賑兩個月。

其次重之豐縣。蕭縣。贛榆。及山陽。安東。高郵。

興化。寶應。碭山。九州縣。并上江之宿州。靈璧。

實錄卷五十四

十

虹縣。鳳臺。懷遠。鳳陽。太和。泗州。盱眙。五河等

十州縣。極貧各加賑兩個月。次貧各加賑一

個月。又下江被災較輕之甘泉。阜寧。二縣。上

江之壽州。阜陽。潁上。亳州。蒙城。等五州縣。無

論極次。各加賑一個月。所需賑糧。酌倉貯多

寡。銀米兼放。折賑銀兩。仍照加增之數折給

該督撫。務督率屬員。實心妥辦。使災民均霑

實惠。以副朕軫念黎元至意。○又諭。上年山

東被水處。所業經屢降恩旨。蠲緩賑卹。其鄰

勝金魚濟寧荷澤單縣城武曹范蘭鄭館陶恩武臨清等州縣內毗連災地收成歉薄之處所有乾隆二十二年應徵錢糧及二十二年十一月帶徵未完銀兩若照常輸納小民未免拮据著加恩一體緩至麥收後開徵以紓民力該部即遵諭行○諭軍機大臣等昨命兆惠雅爾哈善等分路進剿以專責成但兆惠既有畏難之心雅爾哈善至今猶未至魯克察克朕心深為厘念辦理沙喇伯勒賊衆已派兵五千自屬裕如兆惠等宜加意擒勦不留餘孽若仍不能集事朕惟兆惠是問至由庫車阿克蘇進兵回部雅爾哈善惟與額敏和卓同心協力資其計畫加以鼓舞不可稍存歧視再額敏和卓所屬之回兵亦屬可用宜向彼商酌派出或得一十或得數百即將綠旗兵照數撥除此項撥除兵丁所得分例著賞給回兵○又諭自京至巴里坤所設臺站向俱特派人員巡察今觀內地軍臺遞

送事件較前稍覺遲滯總因日久懈弛馬匹亦多疲乏著將直隸軍臺事務交按察使永寧山西軍臺交按察使明山陝西軍臺交布政使武忱自甘肅至巴里坤軍臺交巡撫吳達善專司巡察管理如馬匹有疲乏者或令更換或於事簡臺路調撥壯健者應用其應如何辦理之處即各具摺奏聞○又諭數年進兵以來自巴里坤至軍營所設臺站官兵馳送事件尚無貽誤且有勦殺賊衆奪回刳擄官物者應加特恩以示獎勵著永貴吳達善查明臺站筆帖式內有遇賊勦殺奪回官物者或即題補本部主事或交部議敘請旨其餘兵丁概賞兩月錢糧巴里坤以外臺站事務即著永貴巡察管理臺馬有疲乏者即會同吳達善等調撥更換○壬辰享太廟遣誠親王允祕恭代行禮○上詣長春仙館問皇太后安○遣官祭

太歲之神。○諭軍機大臣等。昨命黃廷桂。再辦馬二千匹。留富紹於巴里坤。續送烏魯木齊軍營。今雅爾哈善領兵由魯克察克進發。著改送魯克察克。分給所領索倫兵一千名。富紹將馬匹交收後。即在雅爾哈善隊內行走。其巴圖濟爾噶勒。果木尼勒圖。將前起馬匹。送至烏魯木齊。即在軍營行走。可傳諭兆惠。雅爾哈善。富紹等知之。○又諭。朕昨諭雅爾哈善。將額敏和卓所屬回兵。派出進剿。因伊等情形熟悉。而額敏和卓。亦便於指使。但恐回人馬匹不敷。著傳諭雅爾哈善。將原派綠旗兵。每人馬一匹。照數給與回兵。此次辦理。回部朕專交雅爾哈善。額敏和卓二人。應進兵時。即一面具奏。一面起程。惟知會將軍兆惠。毋庸往返咨商。再雅爾哈善等。由阿克蘇庫車進取葉爾羌。喀什噶爾等城。所有收穫器什。除應交內府者。酌量齎送外。其衣服等物。即獎賞兵丁。至軍器馬駝。尤當盡行查

取。以給軍用。○又諭。聞向來進兵時。自哨探兵丁外。又派數十人。瞭望。謂之墨爾根哨探兵。凡行兵遣發。哨探特為豫偵賊人信息。掩其不備之意。今於哨探隊前。復遣人行走。設為賊所窺。得以豫作準備。而大兵遠隔一時。不能猝至。轉似與賊送信者然。是名為審慎。其實自示怯懦。有何裨益。此次進兵。不過與大營相去四五十里間。遣發哨探。一見賊蹤。即行馳報。則大隊兵丁。自可接踵迎擊。至厄魯特性習。反覆無定。往往自相戕害。從前達瓦齊在伊犁時。人心尚且離散。今日豈有堪為統率之人。即如巴圖爾烏巴什。亦嘗收合黨眾。究未聞推為台吉。今又伏冥誅。則哈薩克錫喇等小醜。焉能使眾賊服從。且眾厄魯特等。已成瑪哈沁。冬寒竄伏。棲止一處。必致互相爭奪。大兵乘其潰亂。迅往襲擊。立可奏功。兆惠等。勿因其烏合之勢。過為顧慮。即遵朕節次諭旨。相機辦理。○又諭。據阿里衮等

奏稱。現在前往庫車。於所到山谷內。搜捕瑪哈沁。偵探賊人蹤跡等語。阿里衮等前次奏事。距今二十餘日。朕心深為屢念。今雖稱尋蹤追賊。然伊等兵馬之力如何。未經奏及。前已降旨。令伊等徹兵。令額敏和卓。同雅爾哈善。辦理回部。此時能收服庫車。回衆固善。否則竟回游牧。暫息。再整兵往魯克察克。一切與雅爾哈善商酌。辦理。阿里衮亦不必前赴軍營。仍回巴里坤辦事。○癸巳。諭曰。鍾音察奏李友棠一案。吏部議以降調。當經降旨。交總督楊應琚查奏。今據楊應琚奏。李友棠於按臨考試時。場規不肅。試事草率。諸款俱屬確實。本應照部議降級調用。但尚無別項劣蹟。李友棠著從寬降四級留任。○又諭。上年直隸大名府屬之大名。魏縣。元城南樂。清豐。廣平府屬之清河。威縣。河間府屬之景州。故城。交河。吳橋。被水。各州縣。業經降旨。撫卹賑借兼施。災黎自可得所。惟是例賑應至正二

月為止。貧民仍不免拮据。著加恩將大名等各州縣內。九十分之極次貧民。再各加賑一個月。以示軫卹。該部即遵諭行。○又諭。陝西米脂。吳堡。清澗。綏德。鄜州。洛川。延川。武功等八州縣。民欠新舊常平倉糧。共八萬二千餘石。若照常例徵半緩半。此時正屆徵收之期。但該處去歲收成歉薄。雖勘不成災。而閭閻究屬拮据。所有米脂等八州縣。應徵一半之常平倉糧。四萬一千餘石。著加恩緩至本年秋成後徵收。以紓民力。其現在已徵在倉者。仍照例入於奏銷。不得令官吏中飽。○命革職湖北巡撫盧焯。在巴里坤辦理糧餉處効力。○甲午。世祖章皇帝忌辰。遣官祭孝陵。○命副都統集福。帶領侍衛扎拉豐阿。納木扎勒。往西寧。諭軍機大臣等。去年進剿厄魯特。叛賊餘黨。分路逃竄。近據阿里衮等奏稱。沙喇斯瑪。呼斯賊人。俱逃向愛什瑪山之

東南察其蹤跡。應在呼爾塔克山。羅布諾爾等處藏匿等語。羅布諾爾等處。與噶斯相近。可通青海。或賊人逃往彼處。亦未可定。因特派集福。扎拉豐阿。納木扎勒。前赴西寧。與副都統德爾素。青海郡王索諾木丹津。貝子納木扎勒。車凌等。會同辦理。集福等至西寧。德爾素即同往青海。令索諾木丹津等。派兵一千。聽候調遣。仍選派熟識路徑兵丁。三四十名。交扎拉豐阿。納木扎勒等。帶往噶斯一路。根尋賊人蹤跡。若有藏匿逃竄之厄魯特等。扎拉豐阿。報知集福等。即帶兵前往搜勦。若並無蹤跡。扎拉豐阿等。亦即回京。集福可傳諭索諾木丹津等。密為豫備。小心宣露。○又諭據阿里衮奏。沙喇斯瑪呼斯。賊人向愛什瑪山之東南。呼爾塔克山逃去。呼爾塔克山與羅布諾爾相近等語。因披覽地圖。呼爾塔克山。羅布諾爾等處。與魯克察克相近。未知阿里衮。曾否行文雅爾哈善等。可傳諭雅爾

哈善在魯克察克一帶。留心訪查。此時阿里衮。若已追及賊人。因善倘又逃往他處。或向噶斯一路。已調青海蒙古兵丁。豫備堵截。再呼爾塔克山等處。既與魯克察克相近。去巴里坤。亦當不遠。巴里坤大臣等。亦應遠設卡座。加意瞭望。如有賊人蹤跡。即行搜勦。似此分途防範。賊衆自難藏匿。○又諭據舒赫德等奏。稱闢展秋收豐稔。已行文黃廷桂。派綠旗兵四百名。今歲廣為墾種等語。所辦尚是。但舒赫德已革職。令於軍營効力。將軍等遣往魯克察克。辦理沙喇斯等賊衆。看來非伊所能承辦。可傳諭雅爾哈善等。就近堵勦。若賊蹤甚遠。亦無關緊要。即於進勦回部之便。再為搜捕。亦可。舒赫德不必在魯克察克。即遣回軍營。効力贖罪。至屯田一事。實為要務。亦傳諭雅爾哈善。永貴等。雅爾哈善在軍營。無應辦之事。著速至魯克察克。與永貴商辦一切。若屆進勦回部之期。即宜奮勉前往。

○乙未。諭軍機大臣等。喀爾喀親王桑寨多爾濟等奏稱。哲布尊丹巴呼圖克圖。於去冬圓寂等語。哲布尊丹巴呼圖克圖。係喀爾喀四部落遵奉之大喇嘛。雖不比前人德壽兼全。久興黃教。然伊在時。亦能作興黃教。極力安衆。朕用是疊沛恩施。常加優禮。今聞圓寂。深為軫惻。著加給敷教安衆喇嘛封誥印信。照舊例頒賜器幣鞍馬品物。以示優卹。○丙申。諭軍機大臣等。阿思哈奏。漕船回空遲緩。不能依限受兌。該道等詳請寬限一月。恐愈滋延玩。令上緊兌開。將緣由咨明沿途稽覈等語。去歲漕艘緣運河水大挽。運稍艱。經朕特派大臣。節次嚴催。始得回空南下。而江西幫船。尚有臘月未能到次者。今歲重運。若再任其遲緩。則回次又逾例限。將來輾轉稽延。勢難如期交兌。漕務必致有誤。著傳諭楊錫紱。阿思哈。令其設法兌開。沿途仍不時催趲。務使迅速過淮。即今歲抵通稍緩。而明年自

可不逾例限。該督撫其嚴飭員弁。上緊趲運。毋致稽滯貽誤。○又諭。據莊有恭。富勒渾等奏稱。邪教案內劉善經一犯。現從配所遣役押解河南等語。該犯既供稱。仍受同教王五鈞銀兩。則可知其人。尚未能洗心改過。其如何互相教誘煽惑之處。必須豫省集犯嚴究。方得確情。著傳諭胡寶瑤。令其提同案犯嚴加質訊。務得實在情節。分別定擬。一併解京。○又諭。河東道黃凝道。前任湖南。曾經碩色奏。奏。及來京引見。朕因其年力尚壯。仍以監司錄用。但即其面奏。開試礦廠一事。未能確勘情形。殊屬草率。看來其人長於口說。於地方諸務。未必能實心辦理。著傳諭塔永寧。令其留心試看。果能勝任與否。據實奏聞。○又諭。曰。納木扎勒等奏。據車木楚克扎布等呈稱。遵旨將訪查阿睦爾撒納信息。傳諭察達克。察達克以遣人前往俄羅斯。恐形跡可疑。於事無益。查俄羅斯圖喇外。有從前逃走之

烏梁海特楞古特擬帶兵以擒拏逃人為名訪取阿逆確信。若可擒拏。即行呈報等語。察達克所見甚是。近因此事。特命官長保前往著傳諭官長保獎勵察達克。即就伊所見相機辦理。阿逆若果在俄羅斯圖喇附近。毋論內外酌量擒拏。若相離甚遠。不必輕進。即訪取確信。作速奏聞。再伊等往俄羅斯圖喇時官長保自宜同行。如察達克等有恐內廷侍衛分功之意。即不必前往。○丁酉。

上御山高水長幄次。賜外藩蒙古王公等宴。○諭軍機大臣等。據巴里坤辦事大臣等奏稱。甘肅解送軍營馬一萬二千匹。俱陸續妥協解到。今已辦理起程等語。黃廷桂辦解軍營馬匹。妥協無誤。深屬可嘉。黃廷桂及承辦馬匹官員俱交部議敘。其解送馬匹至巴里坤官兵著黃廷桂查明。官員交部議敘。兵丁酌量加恩賞給。以示鼓勵。○戊戌。

上詣長春仙館。問。

皇太后安。○還宮。○是日起。

上以祈穀於

上帝。齋戒三日。○己亥。諭軍機大臣等。據桑寨多爾濟奏稱。尚卓特巴遜都布多爾濟等請將扎木巴勒多爾濟掌管經教。眾心悅服等語。著照所請。將堪布諾門汗之印給與扎木巴勒多爾濟掌管。勤宣黃教。約束喇嘛。其尚卓特巴遜都布多爾濟著協辦事務。○庚子。

上詣

南郊齋宮齋宿。○諭軍機大臣等。據兆惠等奏稱。愛隆阿呈控伊從前擒拏巴雅爾及奪取奇徹布尸骸等事。俱為富德隱匿。今查擒賊功次。已經奏報。而奪取奇徹布尸骸。伊原報並無此事等語。愛隆阿貪功訐告。甚屬器小。理應從重治罪。但伊此次行走。尚為出力。著加恩免其治罪。所有議敘之處。即著停止。○又諭曰。愛隆阿以領隊大臣。在軍前効力行走。已降旨交部議敘。自無可格外加恩。伊乃

貪功告訐其意以羅布藏多爾濟晉封王爵伊第邀議敕心懷不足耳殊不思羅布藏多爾濟係蒙古台吉從軍出力固應加恩即循次晉階亦其常分愛隆阿何可相比今但停止議敕免其治罪已屬加恩前曾降旨令在雅爾哈善隊內行走此次進兵伊當知立功自贖若不奮勉効力必將伊從重治罪斷不寬宥并將此曉諭愛隆阿知之○又諭曰雅爾哈善奏於十二月二十日起程往魯克察克前諭雅爾哈善將兆惠所領索倫兵一千名帶領前進此時若已到魯克察克甚善若尚未到現有接取解送馬匹之索倫兵丁雅爾哈善即可存留帶往一面咨行兆惠於遣來索倫兵內合計所留兵數裁扣亦通融辦理之法併傳諭兆惠知之○又諭據兆惠奏稱查出私開文報之委署臺站筆帖式五十七請即正法等語軍臺文報關係緊要五十七以委署筆帖式竟敢私行竊看情甚可惡

著將五十七拏解將前項情節沿途通行曉示各臺站人等至巴里坤即行正法○又諭曰兆惠等從前擬定今年正月內起程進兵今已屆初旬矣或就馬匹解到即行起程或待草青以濟馬力俱當奏報軍營奏事數日不至朕即為厘念雖時當新歲例有行禮筵宴等事而伊等在外時切睽懷豈以朕為令節歡娛竟忘爾等耶朕豈如是之主耶兆惠富德皆內廷行走之人豈不知朕意伊等理宜用心辦理一切諸務其應行辦理者即行辦理應陳奏者即行陳奏乃何以並未奏報即如巴圖爾烏巴什身死果實則但餘舍楞等辦理更易至衆賊烏合未知哈薩克錫喇亦在其內否或在沙喇伯勒居住或漸移近地此等情節兆惠等亦當遣發哨探擒拏瑪哈沁詢問伊等曾否如此辦理於何時進兵馬力若何俱作速奏聞○辛丑祈穀於上帝

上親詣行禮。○幸圓明園。○奉

皇太后幸同樂園。侍早晚膳。至甲寅皆如之。○

御奉三無私殿。賜皇子諸王等宴。○壬寅。

上詣

安佑宮行禮。○御正大光明殿。賜朝正外藩等

宴。召烏珠穆沁親王朋蘇克喇布坦。科爾沁

郡王納旺色布騰。科爾沁郡王齊默特多爾

濟。科爾沁郡王喇特納扎木素。翁牛特貝勒

朋蘇克。土爾扈特貝勒羅布藏達爾扎。喀喇

實錄卷五十四

五

沁貝子瑚圖靈阿。教漢貝子垂濟扎勒喀爾

喀汗。巴勒達爾。綽羅斯親王達瓦齊。阿巴噶

郡王車凌旺布。教漢郡王喇什喇布坦。土默

特貝勒索諾木。巴勒珠爾。喀爾喀貝勒衮布

多爾濟。厄魯特貝子三都布。喀喇沁貝子品

級。公敏珠爾。喇布坦。烏喇特公達爾瑪哩第

等。至御座前。賜酒成禮。○順天府行鄉飲酒

禮。

大清高宗法天隆運至誠先覺體元立極敷文
奮武孝慈神聖純皇帝實錄卷之五百五十四

實錄卷五十四

五

大清高宗法天隆運至誠先覺體元立極敷文奮武孝慈神聖純皇帝實錄卷之五百五十五

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十三年戊寅正月癸卯

十一月二十三日

上御正大光明殿賜大學士尚書侍郎等宴以

西山積雪聯句○調福州右翼副都統曹瑛

為鑲紅旗漢軍副都統三姓副都統富爾松

阿為福州右翼副都統成都副都統富僧阿

為三姓副都統鑲紅旗漢軍副都統富椿為

成都副都統○甲辰諭軍機大臣等桑寨多

爾濟等據俄羅斯邊界報稱逆賊阿睦爾撒

納出痘身死今將身尸送至恰克圖等處請

遣人驗看等語看來逆賊阿睦爾撒納罪惡

貫盈身死屬實琳丕勒多爾濟向認識阿睦

爾撒納今天氣尚寒逆尸尚未腐壞接到此

旨桑寨多爾濟即遣琳丕勒多爾濟速往恰

克圖驗看並曉示彼處頭目云爾等念兩國

和好將逆賊之尸送來以彰信義大皇帝深

為嘉悅已命理藩院行文爾薩納特衙門一

面命我取逆賊身尸解送京師等語如逆尸

已到恰克圖琳丕勒多爾濟即取以來倘伊

等謂逆尸在塞楞格城亦即前往驗看勿因

十二月二十三日

恰克圖是交界在彼住候或伊等祇令驗看

不肯發遣務宜嚴行曉示仍先期作速奏聞

○乙巳諭朕於二月初三日御經筵所有應

行典禮各該衙門敬謹豫備○諭軍機大臣

等據兆惠等奏稱鄂實等領兵追勦逃往瑪

納斯河源之扎哈沁哈勒拜等官兵奮勇殺

賊一百四十餘人獲馬駝軍器甚多厄魯特

侍衛達爾漢等九人陣亡侍衛老格等二十

六人得傷等語此次官兵勦賊甚屬奮勉厄

魯特侍衛達爾漢乃達什達瓦屬人。從前因進勦納木奇庫圖齊訥爾鄂拓克。較衆尤為出力。是以授為二等侍衛。賞給巴圖魯名號。今奮勇捐軀。深為憫惻。著加恩賞給雲騎尉。令伊子承襲。仍將伊戶口移於察哈爾。照例安插。并將此旨傳示達什達瓦屬人。及軍前厄魯特等侍衛官員。其餘陣亡得傷官兵。俱交部照例議卹。議敘。至此次進勦正值隆冬大雪之時。馬力自當疲乏。尚能勦賊奏功。使

聖訓卷三十三

去年進兵若此。何患無成。彼時鄂實係參贊大臣。有事但諉之將軍。不加策勵。今自知負罪。不敢如去年之互相推諉。是以直前勦賊。朕深悉其隱。著傳諭兆惠等。進兵之時。當似此各知奮勉。不可稍存意見。並將鄂實畏罪圖功之處。曉示衆人。鄂實著加恩授為三等侍衛。瑚爾起。端濟布。與効力官兵。亦著交部議敘。以示鼓勵。○又諭曰。兆惠等奏招降噶勒藏多爾濟之哈爾察海等七十餘口。揀選

七人。作為嚮導。餘交巴圖魯侍衛齊努渾解送。巴里坤候旨等語。哈爾察海等見我九人前往招降。即率二十餘戶歸順。非兵威迫脅可比。從前因厄魯特等反覆無常。故送往肅州正法。今助惡逆黨。俱多殲滅。此輩原無關緊要。當酌量安插。稍給產業。同綠旗兵支領錢糧。以供調遣。使衆厄魯特聞知。猜懼之心稍釋。其藏匿餘賊。自必來投。庶疆圉可以永靖。著傳諭巴里坤大臣等。現在哈爾察海等即遵照酌量安插。嗣後有似此者。一體具奏。俟事竣之後。量其情節。分別辦理。并傳諭兆惠知之。○又諭昨俄羅斯報稱逆賊阿睦爾撒納入伊邊境。出痘身死。將尸送驗等語。看其情節。尚非虛假。蓋前此逆賊尚存。俄羅斯未必不思留用。是以遲久未見擒送。今伊已死。留尸無益。又恐反傷和好。因報明送驗。此亦情理之可信者。已遣琳丕勒多爾濟往取逆賊之尸。著傳諭兆惠。於進兵之便。再留心

聖訓卷三十三

訪查使所得信息。與俄羅斯告語相符。則尤確實足信矣。然逆賊阿睦爾撒納雖死。而哈薩克錫喇。舍楞等。尚未就擒。兆惠等。勿因此稍存懈怠。務宜加意奮往。速奏膚功。并傳諭雅爾哈善等知之。○丙午。諭曰。汪由敦現在患病。尚須調治。吏部尚書事務。著歸宣光暫行署理。○又諭。準噶爾一事。自用兵以來。伊犁既已蕩定。而哈薩克汗。阿布賚等。亦輸誠內嚮。實皆仰荷。

上蒼之默佑。

列祖之鴻庥。獨因叛賊阿睦爾撒納。遁逃未獲。以致勞我師旅。於今三年。蓋此賊一日未能成擒。則西事一日不能就緒。不得不極力追捕。以為邊圉久遠之計。非朕之好為窮兵黷武。從前所降諭旨。甚明。去歲聞阿睦爾撒納竄入俄羅斯境內。俄羅斯向為和好之部。定議彼此不許容留逃人。況阿睦爾撒納罪大惡極。尤非他逃人可比。當令理藩院行文俄

羅斯薩納特衙門。向索。今據辦理俄羅斯邊界事務喀爾喀親王桑寨多爾濟等奏稱。俄羅斯畢爾噶底爾。差圖勒瑪齊畢什拉等前來。并移文內稱。阿睦爾撒納。逃至伊境。渡河被溺。隨經救出。拘禁。旋因患痘身死。今將尸獻出等語。若惟恐不能取信於天朝。而亟亟以獻尸為確據者。夫以阿睦爾撒納之貪殘狡詐。貽害生靈。負恩悖叛。天良滅絕。即暫逃於顯戮。必難逭於冥誅。斷無久延視息之理。其身死諒無可疑。至俄羅斯之收留叛賊。始末嘗不欲撫而用之。及其已死。無可希冀。然後獻出。亦係其實在情節。且彼既以謹守舊約。克全信義為詞。自不當逆料其詐。拒而不受。更行深責也。況國家之所期必獲者。不過一阿睦爾撒納耳。今其人已死。其尸已得。準噶爾全局。自可以告厥成功。朕惟以大公之心。為順應之舉。斷不肯恃我國威。誅求過當。萬一所獻不實。意圖欺罔。則其曲自在俄羅斯。

斯彼若妄生事端則朕可以上告

天

地而下對臣民再興師問罪亦未為遲即無知苟安之徒亦無從議朕為好武矣始議向俄羅斯索取阿睦爾撒納時衆人之意未必不竊議又生邊釁是總不知駕馭外藩之道示之以謙則愈驕怵之以威則自畏此二言若子孫世世能守實大清國億萬年無疆之祿也即如漢唐宋明和親稱姪歲幣屢增是亦遜讓之極矣而於邊患寧稍救耶即如俄羅斯既已收留叛賊若不嚴行索取彼必不將尸獻出設從史貽直陳世倌所議且將遷就隱忍竟若叛賊一入俄羅斯遂無可如何者所謂唾面自乾之為朕甚恥之朕於軍國重務惟有乘機度勢因物順理不但初無構釁於俄羅斯之心即此用兵三年雖未如康熙雍正年間之久而朕已慮衆人之勞時切於懷特因叛賊未獲萬難中止初非朕之本意

也向使前後在事諸臣果能迅合機宜則叛

賊自不至逃竄亦當早為弋獲何至輾轉愆

期此用人不當實朕之愧然統計連年軍興

徵調皆出自公帑不但未加賦閭閻而賑卹

有加於往歲此亦天下臣民所共知者今逆

尸已獲伊犁全部悉入版圖徐謀耕牧繼承

皇祖

皇考未竟之緒而自古未通中國之哈薩克亦

皆稱臣納貢其於我皇清疆宇式廓萬年久

安之道為有益為無益朕亦不更置論至葉

爾羌喀什噶爾等回部原可計日平定不必

更煩動衆所有阿睦爾撒納身尸俟解到之

日驗明戮示以彰國憲先將此通行曉諭知

之○丁未諭豫省災區積困已久朕特用胡

寶琮為巡撫伊不辭勞瘁實能仰體朕痼瘝

在抱之意而又能盡心調劑以蘇窮黎甚可

嘉也胡寶琮著交部議敘○黑龍江將軍綽

勒多奏前議俄羅斯邊界添設卡座防範經

咨商喀爾喀親王。據覆。酌於車臣汗部落三十三卡。適中分駐。托索克內十七卡。派土謝圖汗部落兵安設。托索克外十六卡。派索倫巴爾虎兵安設。應如所請。分兵駐卡。仍令彼此委員巡查。日一會哨。對換執照。從之。○戊申。諭。據黃廷桂奏。上年簡發來甘。以副叅遊擊都司委用等員。除陸續題補外。未經得缺之員尚多。因有缺係部推。例不准補。請照文職揀發之例。其曾經得缺候補者。遇缺酌量題請等語。甘省現在軍務需員。所有發甘差委之現任旗員。若必俟應行在外題補之缺。始請補用。未免守候需時。著照所請。准其不拘題選各缺。一例補用。俟軍務告竣。仍照定例遵行。○諭。軍機大臣等。阿桂等奏。稱。和碩齊唐喀祿。遵旨將哈薩克使臣。送至邊界。即前往額爾齊斯之。和尼邁拉呼布。崆郭勒地方。堵截逃賊。衆等語。著傳諭。和碩齊唐喀祿。伊等口糧充足。前至駐劄地方。不可徒為

坐守。須向各處巡查。如有隱匿逃竄之賊。即奮勉擒勦。勿致免脫。○又諭。曰。阿桂等奏。據車木楚克扎布報稱。莫尼扎布等。追勦烏梁海鄂木布屬人一百餘戶。惟五戶逃入俄羅斯邊界。其餘俱行擒勦。將婦女分賞烏梁海兵丁等語。莫尼扎布。招服烏梁海。頗知奮勉。今追勦鄂木布屬人。又能迅速奏功。深屬可嘉。著賞給副都統俸。以示獎勵。○又諭。曰。吳達善等奏。稱。哈密貝子玉素布。呈請帶領回兵一百名。隨營効力等語。玉素布係回部望族。今聞辦理葉爾羌。喀什噶爾等回部情願。帶兵効力。深可嘉獎。著照所請。同雅爾哈善。額敏和卓前往。所有應得分例。照蒙古貝子賞給。回兵照綠旗兵丁例賞給。果能奮勉。朕將格外施恩。著吳達善。遵照傳諭辦理。○又諭。曰。吳達善奏。稱。現在辦解馬駝等項。請俟續調馬匹糧餉事竣後。再回本任等語。軍營辦理事務。必需大員駐劄。倘事竣而阿里衮

已至。吳達善自可回任。若尚未前來。則應仍留辦事。乃遽行奏請。顯係思家念切。遂不覺率爾陳請。豈滿洲大臣遇事勇往者所宜出此著傳旨申飭。○已酉。

上臨故吏部尚書汪由敦喪次。賜奠。○諭曰。吏部尚書汪由敦。老成端恪。敏練安詳。學問淵純。文辭雅正。簡任部務。供奉內廷。夙夜在公。勤勞匪懈。前以偶撓寒疾。當命加意調治。並賜醫藥。以冀速痊。忽聞溘逝。深為軫悼。即日

朕親臨奠。輿著加贈太子太師。入祀賢良祠。並准其入城。於賜第停設。賞內庫銀二千兩。經理喪事。所有應得卹典。仍著該部察例具奏。○諭軍機大臣等。納木扎勒所奏。莫尼扎布等。追勦鄂木布屬人。將擒獲賊衆。分別首從。正法治罪。及指給博和勒等游牧。歸併管轄。屬人等事。俱令酌量辦理。莫尼扎布奮勉効力。已加恩令食副都統俸。其餘奮勇得傷人等。酌賞緞足銀兩。前諭察達克往俄羅斯

圖喇。探取逆賊阿睦爾撒納信息。今據俄羅斯報知。逆賊身故。自可毋庸前往。昨命官長保所齎賞物。即行頒給。仍傳諭察達克等。以阿睦爾撒納既死。邊界之事。全無可慮。不過辦理沙喇伯勒等賊事。竣後。伊等即永遠安居。從前令伊等游牧內移。恐被賊黨擾害。今內外皆朕疆土。無可分別。所有新舊烏梁海。或願在伊舊游牧。或於現住處所。稍向外移。俱可。再總管那木扎勒。因出痘暫留。今據伊

子報稱身故。是否確實。著納木扎勒查奏。○又諭曰。成衮扎布奏稱。前年投來軍營之庫車伯克鄂對烏什伯克色提巴勒底。噶岱默特等。請交與額敏和卓。令其招降舊屬。再將軍大臣等前往沙喇伯勒。經過那林。特穆爾圖諾爾等處。宜曉示布魯特人等。令將霍集占等擒獻等語。成衮扎布所見。甚合機宜。現在雅爾哈善等。辦理回部。著將奏摺錄寄閱看。并傳諭兆惠。若舊伯克鄂對等。尚在軍營

即送至額敏和卓處。令其招降舊部。再布魯特原與回人相善。恐不知辦理緣由。或協助霍集占等。兆惠經過其地。須曉示伊等。以準噶爾俱已平定。伊犁等處。現在駐兵屯田。哈薩克全部歸降。今因霍集占等背叛。興師問罪。恐爾等妄生畏懼。其各安居游牧。若霍集占窮蹙來投。即行縛送。大皇帝當格外施恩。亦傳諭雅爾哈善知之。○又諭。朕閱成衮扎布所奏。去年進剿情節。則兆惠未免巧於趨避。當逆賊阿睦爾撒納。為我兵擊敗。兆惠身為將軍。自應親行追逐。乃駐兵濟爾哈朗。惟以勦賊立功。垂名史冊等空言。催促富德前往。經朕降旨詰責。伊始帶兵策應。彼時因辦事人少。從寬未加深究。至巴圖爾烏巴什等賊。在兆惠等軍營附近。伊並不陳奏。蓋恐奏明。即著令擒拏耳。但擒獲巴雅爾。勦殺杜爾伯特納木奇等。尚屬奮勉。至珠勒都斯一路。既早得巴圖爾烏巴什信息。乃經朕降旨詰

問。始行陳奏。在將軍成衮扎布。未面聆訓旨。不知事之本末。尚可原諒。舒赫德選懦避事。亦與兆惠相似。其情節早已洞鑒。朕辦理庶務。一秉至公。此中外所共知者。兆惠此次進兵。能知己過。諸事實心辦理。則可。若仍趨避取巧。朕不能再為曲宥也。○庚戌。諭曰。永慶奏稱。東西長安門。改令護軍看守。所見甚是。八旗護軍統領等。以從前巴爾彌特。永興奏及。曾經議駁。援引駁奏。夫前駁巴爾彌特。永興所奏。已屬一時偏護之見。豈可更援為例。況步甲既可看門。即改令護軍看守。有何不可。交議事件。並非不令議駁。但果可行。即應議准。乃以不當議駁之事。援引前議。含糊駁奏。意在徇護軍。且圖省伊等差使。殊屬不堪。即如下五旗護軍人數甚多。從前並有王公各屬門差。今既免此役。數日始進班一次。此外更有何事。令其在內守門進班。伊等藉此向上。亦可不至為非。至以步甲看守。可以

聽人往來為詞。尤屬舛謬。禁門重地。豈可漫無區別。任人往來。若謂能辨別往來之人。則護軍何啻步甲。大臣等議奏事件。不按是非。牽引前議。甚屬不曉事體。朕之旗僕。流於不肖。均由伊等所致。護軍統領等。著交部察議。仍照永慶所奏行。○辛亥諭。據八旗都統奏。看守城外五倉。向派官兵。晝坐堆撥。夜則傳籌巡邏等語。立法已周。著仍照常辦理。但稽查不嚴。則曠班倩替之弊生。稽查之員。日留

城外。夜往稽查。早則官兵以為查過。轉致空誤。遲則守候勞苦。且日中出城。誰不知之。是徒有虛名。而無實濟。嗣後著每月於閉門後。驟往稽查數次。俾官兵不知時刻。既不敢空誤。兼免守候之勞。第不特派人員。必至互相推諉。著將八旗大臣名單進呈。候朕欽派。遇稽查之日。將某前赴稽查。及帶領出城人數。豫咨提督。提督派員於閉門後。俟查倉大臣到時。開放。即赴各倉巡查。查訖進城。一年共

計出城查倉幾次。著提督年終彙奏。○諭軍機大臣等。順德訥努三等奏。業克明安德濟特。以阿睦爾撒納之嫂為妻。聞阿逆敗逃。即帶阿逆後妻。自森博羅特。入俄羅斯。又哈薩克齊奇玉斯之阿布拉該爾。久送伊子於俄羅斯。為質。阿布齊亦近俄羅斯疆界。過冬等語。伊等詢訪之處。自屬確實。但現在俄羅斯之畢爾噶底爾。報稱阿逆出痘身死。將其尸送驗。則阿逆已伏冥誅。俄羅斯亦克全和好。

德濟特即竄匿其地。亦無能為。自可置之不論。至哈薩克之人。本畏俄羅斯。即如伊等前曾向噶爾丹策零納貢。因我師平定準噶爾。即率屬歸降。則其與俄羅斯交好。自屬事勢宜然。且哈薩克若抒誠入貢。自當賞賜。以示綏懷。即不來亦無足重輕。伊之畏俄羅斯與否。更無庸介意。著傳諭順德訥等知之。○又諭。據努三奏。今年辦理厄魯特回部懇請派伊於哨探隊効力等語。現在進兵官員。分派

已定。努三係烏拉齊性習。所奏事件。文義繁瑣。覽之多不可解。是以諭令來京。面詢哈薩克情形。如有伊可効力之處。再行差遣。其奏留軍營之厄魯特。通事察罕庫本。班第二人。亦令帶來。伊等俱係巴雅爾扎哈沁屬人。業將伊游牧人等勦殺。恐留彼聞知。不免疑懼。伊等隨軍効力。並無罪過。朕當酌量加恩。若有妻子。并交黃廷桂查出。解送來京。○又諭曰。順德訥奏。據哈薩克多羅特拜。巴圖爾等告稱。聞巴圖爾烏巴什。出痘身死。哈薩克錫喇之衆。俱為瑪哈沁。惟舍楞由車陳哈喇。逃往沙喇伯勒。哈薩克之齊奇玉斯。努爾賚汗兄弟。已兩路帶兵追逐等語。從前朕即謂沙喇伯勒賊衆。人心渙散。力亦甚窮。我兵一到。即可殄滅。今順德訥所奏情形。果不出所料。再據奏稱。哈薩克阿布勒比斯言。伊帶兵前至伊犁薩瑞。捉生詢問。知舍楞等雖有萬餘戶。現俱乏食。但不行殄滅。我等游牧終不得

安。即不能盡勦。亦必追至葉爾羌。喀什噶爾。布魯特等處。方可結局。於是公同商議。齊奇玉斯之額呼里蘇爾統等。帶兵萬餘。至吹地方。鄂爾圖玉斯之薩爾圖根。巴圖爾等。帶兵二千。由阿克陶烏克陶起程。約至克呼布拉克。與哈巴木拜會合。搶掠舍楞等。俟春季雪消始回。將所餘厄魯特。在何處棲止。知會大兵等語。兆惠等現在軍營。於賊衆情形。何以全無信息。今看伊等窮蹙已極。勢必互相盜竊戕害。是大兵未到。哈薩克早已俘獲無遺。而兆惠等尚以沙喇伯勒賊衆繁多。頗有畏難之意。可謂不諳事機矣。又舍楞等或逃向特穆爾圖諾爾。及特克斯等處。若距軍行遠。即酌遣偏師。前往搜捕。以靖地方。其哈薩克厄魯特交界處。恐厄魯特殄滅後。地多閒曠。哈薩克不免侵越。雖游牧無人。在我亦難盡守。然必先明疆界。或哈薩克等。向將軍大臣懇求轉奏。朕亦可施恩賞給。方與體制允

協。但不當聽其遽行侵越。或輕易給與。亦諭兆惠知之。○又諭曰。烏梁海安濟。格斯奎。曾掠俄羅斯牧羣。後經富德拏獲。已命理藩院行文。將二人送往。今據順德訥奏。因大雪不能行走。暫令帶回等語。現在俄羅斯。以逆賊阿睦爾撒納。出痘身死。將尸送驗。外藩尚知守信。則我大國檄送之人。自不便久羈。著額爾克沙喇歸途之便。將安濟。格斯奎。帶至烏里雅蘇台。轉交桑寨多爾濟。速送俄羅斯邊界。其各傳諭知之。○命副都統順德訥。在雅爾哈善隊內行走。○士子諭。今日王大臣等。以俄羅斯獻出阿睦爾撒納逆尸。準噶爾大功告竣。具表奏賀。試問王大臣等。此奏果皆實。以為然耶。抑或尚有以叛賊之死。為未可深信者耶。在諸臣之或信或不信。本亦不足深論。然朕之宵旰憂勤。將以為邊圉久遠之計。而庸懦無識者。流。或未免退有後言。此則不可不明切申諭耳。即如阿睦爾撒納逃叛

之初。朕方手勅諸將。銳意追擒。而盈廷之議。頗有以伊犁既已平定。不必窮追為言者。及其竄入俄羅斯。則更束手相視。付之無可如何。若惟恐朕之飭索過嚴。以致又啟邊釁。無論俄羅斯一部。向屬和好。彼此不許容留逃人。以理言之。固當向索。而叛賊之奸詭狡詐。既入俄羅斯。豈能鬱鬱久居。又必將為其所用。以為哈薩克一帶之患。從前屢降諭旨。所謂叛賊一日不能成擒。則西陲一日不能寧謐者。正為此也。是以上年諭理藩院行文俄羅斯。有阿睦爾撒納在彼。若能永遠拘禁。即不送出。亦可之語。然俄羅斯既已收留叛賊。必且撫而用之。又豈肯永遠拘禁耶。索之而不獻。則其曲在俄羅斯。與師問罪。固屬事不容已。然使竟不向索。則彼亦何肯將尸獻出。可見駕馭外藩之道。威德宜於並用。堂堂天朝。豈有遷就隱忍。苟且自安之理。至昨據努三奏稱。德濟特攜阿睦爾撒納之後妻。投入

俄羅斯境。此則無關緊要。留之俄羅斯。不過彼處多一養養之人耳。若亦嚴行飭索。必令縛送。是未免誅求過當。即朕亦難辭好武之名矣。朕於此事。乘時酌理。惟求協乎事機之至當。從未設一成見。統計用兵以來。既未多糜帑項。亦未勞我民力。今逆尸已得。伊犁久定。哈薩克又輸誠內嚮。西陲綏靖。上繼

皇祖

皇考。未竟之鴻謨。稍可免衆人之浮議。朕之願足矣。安可言賀。且現在尚有葉爾羌等回部。未經平定。及哈薩克錫喇等一二逆賊。逃竄未獲。雖易於經理之事。計日可以奏績。然朕之日夜籌畫。政不以事將就緒而稍懈也。因王大臣之奏。爰以苦衷示之。○又諭曰。劉統勲著補授吏部尚書。秦蕙田著調補刑部尚書。其工部尚書員缺。著嵇璜補授。嵇璜現在南河。俟河工告竣之後。來京供職。其未到任之前。仍著秦蕙田兼署。○又諭曰。吏部侍郎

三泰。戶部侍郎劉綸。俱著在軍機處行走。○又諭曰。陳宏謀。周人驥。誼屬師生。例應迴避。廣東巡撫著鍾音調補。周琬著調補福建巡撫。所遺貴州巡撫員缺。著周人驥調署。○諭軍機大臣等。山東。河南。河道工程。業經續次報竣。在事諸臣。亦降旨疊加議敘矣。但一切隄岸。務期堅固。其幹河支河之疏洩。亦須挑濬深通。方可為久遠之計。若在工人員。不能實心辦理。唯圖草率完工。虛糜帑項。而有督率稽查之責者。復不嚴行察勘。勢必有名無實。將來伏秋大汛。各處工程。一有疎虞。該督撫等。自不得稍辭其責。至於給事中。海明。係特差查勘河道之員。務宜悉心督辦。據實核查。萬不可以差竣完工。即為了事。或有前此估計。尚未實在。今於修築時。勘出浮冒情形。即可據實指叅。以杜陋弊。俟通行完竣之後。朕或更遣大員。前往查勘。亦未可定。倘有修過工段。坍塌淤滯。以及開銷錢糧冒濫不實。

之處。一經發覺。除承辦大臣官員。照例治罪外。該給事中。亦必不稍為寬貸也。○叅贊大臣雅爾哈善等奏。屯田事宜。按地派兵墾種。哈喇沙爾。應派二千四百名。烏魯木齊。原派五百名。應增五百名。托克三。派五百名。闡展原派四百名。無庸增派。除現有兵外。移咨陝甘總督黃廷桂。派兵三千。携牛具口糧。趕三月前。到魯克察克。籽種動用。闡展貯糧。不敷。移文巴里坤大臣運送。報聞。○癸丑。以回酋霍集占罪狀。宣諭回部各城。諭曰。朕為天下共主。罔有內外。一體撫綏。無使失所。前因準噶爾變亂。自相戕害。厄魯特等俱不聊生。不忍坐視。興師平定伊犁。擒獲達瓦齊。就其台吉宰桑等。級分封錫爵。普加恩賚。方冀守分安居。永享遐福。無如厄魯特豺狼成性。陰險狡詐。逆賊阿睦爾撒納。負恩逃叛。黨眾附和。反覆無常。揆之天理國法。斷不可宥。因再行進剿。以正刑誅。誠以凶頑不除。則邊圉不靖。

不得已而出此。皆爾眾伯克回人所深知者。至布拉呢敦。霍集占兄弟在噶爾丹策零時。被拘於阿巴噶斯。哈丹鄂拓克。我兵初定伊犁。釋其囚繫。令為回人頭目。方欲加恩錫爵。授以土田。乃乘厄魯特變亂。率伊犁回人。逃往葉爾羌。喀什噶爾。朕以其或懼厄魯特騷擾。暫避以圖休息。尚未加兵。第遣使招撫。不料竟敢戕害使臣。僭稱巴圖爾汗。情尤可惡。若不擒獲正法。則回眾終不得安生。用是特發大兵。聲罪致討。但聞霍集占起意倡亂。布拉呢敦被迫從行。已命分別辦理。夫伊等以兄弟至親。朕尚較其情罪輕重。期無枉抑。何況爾等回眾。全無干涉。豈有株連擾害之理。惟是霍集占頗稱奸狡。自知身犯重辟。或圖苟延殘喘。造言惑眾。以厄魯特多被勦殺為比。殊不思爾等皆無罪之人。朕何忍與叛逆之徒。一體誅戮。此次興師。特為霍集占一人。爾等若將霍集占縛獻。自必安居如舊。永受

殊恩如執迷不悟聽從逆首指使大兵所至即不復分善惡悉行勦除悔之何及尚其熟思利害毋自貽悞○諭軍機大臣等湖河水利修濬工程節次奏報將幾完竣其現在興修未完各工亦已查勘妥協估報定數飭員上緊趕辦矣東南湖河水利久厯朕懷此番不惜帑金特差大臣前往會商查辦原期一勞永逸為民生久安之計在事諸臣自無不仰體朕心實力經理但在工人員賢否不一冒工糜帑陋弊難以盡除恐有不肖河員始則於估計之時浮開工料以為侵漁之地至於所辦工程草率從事不過待雨水一過微偉平穩即可任意報銷督撫大員或不能一一親加履勘逐細覈銷一二年間衝却淤塞仍歸無益徒致虛糜帑項是以從前所降諭旨總以帑歸實用責有攸歸諄切訓示嵇璜表曰修夢麟等俱係朕特遣前往辦理河務水利之臣尤宜悉心查辦據實覈銷方為不

負任使倘不過以協同會商為目前竣事之計而於所修工程若何所銷錢糧若干諉為地方官應行承辦事務殊非委任之意著傳諭嵇璜表曰修夢麟尹繼善白鍾山託恩多高晉等一體悉心察勘於錢糧奏銷時實力稽查或有前此估計尚未實在今於修築時勘出浮冒情形即可據實指叅以杜陋弊將來通行完竣之後朕或更遣大員前往查勘亦未可定倘有修過工段坍却淤滯以及開銷錢糧浮冒不實之處一經發覺除承辦大臣官員照例治罪外欽差諸臣亦必不稍為寬貸也可將此傳諭知之○又諭今年進兵辦理回部罪在霍集占一人與屬衆無涉已命兆惠雅爾哈善等宣諭招撫但回人雖較厄魯特稍為安靜然在準噶爾數世亦恐不免漸染習氣我兵招撫時必須詳為審慎再行安插即如初定伊犁時回衆等業皆歸順後因逆賊阿睦爾撒納中叛亦皆乘亂遁逃

此皆徂於撫馭。未震軍威。以致猖獗。若此。雅爾哈善等。此次進取回城。須申明紀律。使其知畏。庶可潛消反側。而於安插亦易。亦傳諭兆惠知之。○又諭曰。雅爾哈善奏稱。辦理屯田進剿等事。文移往返。必需印信。請將巴里坤所有欽差大臣關防賞給等語。此次進兵。以雅爾哈善為將軍。額敏和卓。哈寧阿。為參贊大臣。順德訥。愛隆阿。玉素布。為領隊大臣。當特揀將軍印頒發。欽差大臣關防。著暫行取用。俟將軍印到日。將關防留與永貴定長辦理屯田事務。其隨印辦事官員。現諭兆惠等酌派數人。交與雅爾哈善併傳諭知之。○又諭。據兆惠奏。稱奉到添派綠旗兵進剿回部之旨。候巴里坤口糧馬匹送到。即往剿沙喇伯勒賊衆。再收取葉爾羌喀什噶爾等語。昨兆惠以沙喇伯勒聚賊萬戶。似有畏難之意。故令其專辦厄魯特。計此時尚未奉到諭旨。然必知賊衆尚易辦理。故如此陳奏。則從

前之畏難。益可見矣。去歲將軍成衮扎布等辦理無緒。朕已分別示懲。兆惠等雖有微勞。但巴雅爾乃偶值軍鋒。哈薩克亦久欲歸順。究未能追及阿睦爾撒納。是伊等本無可自矜。將來殄滅沙喇伯勒賊衆後。能趲赴回部更協事機。若謂進兵既有分地。不當分雅爾哈善等之功。則又屬推諉。故習果能爭先奮勉。何患無成。今命雅爾哈善為將軍。其隨印辦事官員。兆惠等即於軍營內酌派數人發往。○又諭曰。兆惠等將進剿扎哈沁哈勒拜之鄂實。及所帶著有勞績之侍衛老格等五人。又溫布呈報。搜剿臺站附近賊人之湍濟勒圖。百慶額。列單具奏。鄂實老格。及陣亡得傷官兵。已加恩陞授優卹。其委署參領古爾特。湍濟勒圖。委署驍騎校鄂勒都喀扎卜敦察。愛申保。委署防禦百慶額。俱著准其實授。其溫布隊內陣亡得傷等官兵。亦著交部照例議敘。議卹。○又諭曰。兆惠等奏稱。今秋哈

薩克前來貿易。順德訥熟習哈薩克等情形。請令在烏魯木齊駐劄。辦理貿易事務等語。順德訥已派令進勦回部。其哈薩克貿易事務。著派努三辦理。努三可仍遵前旨來京。朕面詢彼處情形。再行遣往。諒秋季貿易之事。自不致遲誤。可傳諭兆惠雅爾哈善努三等知之。○又諭從前伊犁奏事到京。不過二十餘日。今烏魯木齊較伊犁甚近。而亦需二十日。未免過於遲滯。現在巴里坤以內臺站。已派大員巡查。今大兵前進。巴里坤以外臺站。愈關緊要。雅爾哈善隊內著派哈寧阿專管。兆惠隊內著派已祿專管。○甲寅。諭曰。御史朱嵇奏。侍郎于敏中兩次親喪。朦混為一。忽然赴任一摺。前于敏中守制回籍。陳請歸宗。原為伊本身生母起見。若非歸宗。則於例不得受封。此亦人子至情。至於回籍後復丁母憂。伊聞命暫署刑部侍郎時。未經具摺奏明。此一節原未免啟人訾議。而該御史遽用

張大其詞。見之彈劾。污人名節。不無過當。摺內引梁詩正等回籍終養。以為比例。此尤未悉朕心。梁詩正之父年已衰邁。而梁詩正欲回之意。亦不甚切。且其時有人謂朕不喜漢大臣回鄉里者。朕是以轉令其回籍侍養。俾遂父子之情。且免求全之毀。而呂熾彭啟豐二人在卿貳中。本屬無所短長。故亦准其終養。若于敏中才力尚可造就。非呂熾等比。刑部侍郎缺出。一時未得其人。是以降旨起用。凡遇宴會。不令與列。此正與從前用蔣炳莊有恭為巡撫。同一不得已之苦心。所降諭旨甚明。而該御史輒以侍郎巡撫意為區別。豈外任封疆。不妨從權起用。而內任部務。竟不必需人辦理耶。且雍正年間。有因員缺緊要。特令在任守制。如朱軾嵇曾筠孫嘉淦等。指不勝屈。今所用者。不過此一二人而已。若必謂在籍終喪。方為盡孝。無論一切居鄉守制人員。未必盡皆廬墓。即昔時築室居廬之人。

借此釣名干進徒滋物議者不一而足於風教並無裨益該御史又稱梁詩正等准其告養海內聞風嚮化試思四海甚大此數人得請家居即能澆風盡息然耶否耶明李科道陋習動以奪情視事文章爭論曉曉不已徒啟黨援攻訐之端於國事究屬何補殊不思科道為朝廷耳目之官如果政事有所闕失官僚貪黷敗檢即據實舉劾朕方深為嘉予以風言路若所陳不過如此冀以博敢言之名朕不取也朱嵇摺著發還○乙卯

實錄卷五十五

十一

上奉

皇太后居暢春園○還宮○諭軍機大臣等據巴圖濟爾噶勒奏伊解送之馬驚走七十三匹恐混入果木尼勒圖馬羣詢其牧羣章京喀勒占云多出馬數相合而果木尼勒圖堅稱無有却陰令分入兩牧羣又至蘇魯圖臺站駐宿時查原議分隊馬羣須相隔稍遠且二隊不可越過頭隊乃果木尼勒圖是晚移

駐將馬羣衝入伊馬羣內以致俱被驚散次日收聚據稱倒斃十匹查係伊馬印記者三匹餘馬惟餘頭蹄無憑查驗等語巴圖濟爾噶勒頗知小心効力所奏自屬實情且多出馬匹藏入兩羣之言俱係果木尼勒圖隊內章京自認則愈可為證果木尼勒圖係欽差侍衛不思有益公事反將他人逸馬收留又故令驚散甚屬卑鄙狡詐著傳諭兆惠將果木尼勒圖革職查審如情罪確實即正法示衆巴圖濟爾噶勒不能作字必伊隊內人等因被欺情急代為繕摺具奏問之其人即可得知兆惠將來仍好為差違不可因伊係厄魯特人且將果木尼勒圖首告即行外視再上年吞圖布之死傳言未確并著兆惠於進兵之便留心訪察○是日起

上以祭

社稷壇齋戒三日○丙辰以平定準噶爾及哈薩克歸降宣諭布魯特部落諭曰準噶爾自

噶爾丹策零身故以來互相殺害羣生不得寧居朕為天下共主罔有內外一體撫綏何忍坐視其亂用是特遣大兵平定伊犁擒獲達瓦齊安集衆厄魯特部落俾得其所乃準噶爾人等聽逆賊阿睦爾撒納之言反覆逃叛為大兵擊敗阿睦爾撒納逃入哈薩克我兵深入追襲哈薩克阿布賚拒戰大敗僅以身免始悔為逆賊所誤於上年遣使歸誠欲擒獻阿睦爾撒納逆賊知覺復逃入俄羅斯今已出痘身死俄羅斯遣人送尸請驗在準噶爾人等罪惡深重不得已始行勦滅以靖邊陲爾布魯特本不與準噶爾相涉但舊為鄰國今準噶爾全部平定則爾土地即與朕疆界毗連爾等若如哈薩克慕化來歸朕將令照舊安居不易服色不授官爵不責貢賦惟遣使來請朕安即加恩賞賚其或爾等以外藩習俗與中國異宜不欲投誠降服亦惟爾便但能約束所部永守邊界不生事端朕

亦不加兵騷擾倘爾等不安常分或越界游牧肆行盜竊則係自啟釁端斯時問罪興師爾悔將何及朕仁愛為心不惜開示利害尚其熟思審處諭軍機大臣等前據成衮扎布奏稱此次進剿沙喇伯勒再往辦回部或經由布魯特應諭令擒獻霍集占等語昨已命兆惠雅爾哈善等照成衮扎布所見傳諭今更繕發勅書諭以平定準噶爾及哈薩克歸降等事令其守分安居兆惠等酌量頒給此次進兵伊等如不必經過布魯特即另行取道亦可何以總未奏及豈謂陳奏後即當辦理攻取耶布魯特以外部落尚多豈有盡行攻取之理然伊等若驚疑生事又何可置之不問惟先期曉示庶可潛消禍本再去年琿齊等叛逃正值兆惠前赴伊犁之時迂道相避賊始得脫此次進剿不可復蹈故轍○諭據吉慶奏近年截漕過多一摺稱康熙年間共截過漕糧二百四十萬石雍正年間亦不

過二百九十餘萬石。今已截至一千三百二十餘萬石等語。所奏固亦慎重京庾之意。但朕偶遇偏災。已飢已溺之懷。自不容已。初亦不計截漕之數。遂至如此之多。若恐京倉易缺。而於待哺災民。稍有靳惜。朕從來無此意見。設多方顧慮。其遂將重視倉廩之儲蓄。而偶有災歉。不為通融拯救耶。至各省地方官。因朕屢屢截漕。遂於常平倉穀。不實力籌辦。此種情節。實亦不免要在督撫司道等嚴飭屬員。先事豫圖。行之以實耳。常平所貯。原以備水旱不虞。若需用過多。自不能再取給於漕糧。而究不可專恃漕糧為散賑平糶之用。況江浙等省。有漕可截。尚可藉以接濟。若雲貴等無漕省。分惟資倉穀賑借。設不實籌儲待。一遇災歉。將何以應之。嗣後各省大員。務當留心查察。勿得奉行故事。以致有名無實。至朕軫念災黎。有加無已之意。固有出於不自覺者。無論所截漕糧已十倍於康熙雍

正年間。而截漕之外。一切賑借所用倉穀。又不知凡幾。此亦天下所共知者。易曰。有孚惠心。勿問元吉。朕非問也。然試平心而論。朕之於民。為痼瘼一體耶。抑猶有隔膜之見耶。近年如江浙河南山東等省被災。雖已多方賑卹。不下數千百萬。朕心猶不免恚然。而蚩蚩無知之流。或邪教之屢興。或怨謗之自若。則有司奉行之不善。教化之未臻。不能不憤懣於懷。而愧吾誠之未至也。然朕必不因吉慶此奏。總總過計。致於撫卹災黎。轉有所節畷也。○是月。欽差侍郎夢麟等奏謝得旨覽爾等勉力襄事。固宜嘉予。然近日頗有繁言。謂河工不無冒銷。只待春水一過。便可了事。如此。則朕不惜帑。興修水利。將為貪員飽私橐耶。恐汝等當不起。慎行嚴察。及今察出。猶可免已罪。不然。如何結案。○又奏。洪澤湖水出路。一由清口。會黃歸海。一由運口。入運達江。一由山盱五滾壩過水。由高寶諸湖入運歸

江歸海高寶一帶入江各河港已節次疏浚運河源頭尚須節制查惠濟等閘向遇重運過後即相機啟閉使清口來水少得騰空運河滾壩過水暢遂歸江近啟閉失宜且惠濟閘圯壞現已勘修嗣後每年重運過畢五壩過水盛大時將惠濟通濟福興等閘酌閉數日啟放一次俟五壩水小開放各閘湖河之水去路疏通洪湖出口之水旁分無多亦可專力敵黃且可防倒灌即或清水偶弱閉惠

寶錄卷五五五

五

濟等閘數日不使黃流進口運河亦免沙淤得旨覽又批不看至此朕幾疑汝等欲以高寶為壑矣然正不可因有此旨惟以閉閘為得法也總之運河節制惠濟之進水猶可而節制高寶湖水之入則不可仍以早行疏洩為是○欽差侍郎裘曰修等奏毛城鋪口門東西兩裏頭間溝槽逐年刷深口南舊亂石壩亦圯却遇蔣家營等處漫溢睢河下遂成巨浸擬將溝槽填平建壩一座高三尺口南

舊壩修復高二尺蔣家營傳家窪各引河遵前旨不令開放遇盛漲之年不得已暫為啟放或自行漫灘毛城鋪溝槽既填且有亂石壩抵禦無虞衝刷豫安兩省毗連州縣並下江蕭縣碭山諸水皆可安流報聞又批此語仍屬河工積習遷就不可行朕意但當聽其自行漫灘今石堤已固何慮徐州耶○又奏東省沂河西岸之江風口舊有迎水滾水各壩分水入武河現俱圯損由壩口洩水入武

寶錄卷五五五

五

河之支河淤墊武河正流亦間沙淤請將原壩修理壩側築隄壩外支河及武河並江風口外之臨泥河武河西之燕子河又西之芙蓉河淤淺處一併挑挖得旨如議速行妥辦○欽差給事中海明等奏查看伊家河河頭原過水六尺今三尺應圍築圈壩再加迎挑並乘時普勘河身淤墊處一律疏濬得旨好又批此係因湖水減落乎抑係因水過泥停河底淤高乎再迎挑之口門何不令與湖底

一律深通耶。速行詳悉奏來。○直隸總督方觀承奏。直省泊河。河浦津軍等廳屬河身。因上年漳衛並漲。沙淤甚多。勘明可緩辦者九十一段。餘四十五段。淤寬難挑。請順溜開漕。流刷浮淤。工銀於北運河工節存項撥用。得旨。如所議行。○兩江總督尹繼善等奏。江都屬之芒稻河。為湖河諸水歸江第一尾閘。開壩自應起故。但淮南鹽艘。向由此行。啟開溜急。恐礙鹽運。芒稻開東。舊有越河。長六百餘

大挑挖淤淺。可直達金灣北閘。鹽艘改由此運。洩水運鹽。分為兩途。芒稻閘可長啟放。洩水歸江。得旨。甚是之舉。又批。得之矣。○陞任江南副總河嵇璜奏。淮揚下河各工。俱於去冬陸續報竣。會奏在案。茲查運河下游之瓜洲。儀徵一帶。地勢兜灣。洩水不暢。惟芒稻河為歸江第一尾閘。將前挑河所築各壩開放。計運河可日減水寸餘。運河水面低。則高寶邵伯水層遞歸江。四月以前。湖水約已大減。

伏。秋五壩過水。三尺以內。歸江之路足資宣洩。即過水漸多。宣洩不及。將高郵湖諸港口開放入運河。由車邏南關二壩減洩。歸海水少。下河田可無虞。又白駒青龍大團八竈等四閘。引河淤淺。應開濬。至范隄海口。以鹽城縣天妃石碇二閘為最暢。第由串場河達石碇閘。河形灣曲。應於石碇上對開河。開引河三十餘大。直洩水勢。得旨。甚好。下河一帶經理汝功不小也。又批。若非此番經理。安能有

此。又批。此向來所無之事。勉為之。○河南巡撫胡寶瑤奏。豫省流民。前因時值冬寒。奏允動項。隨地留養。煮賑春融。資送回籍。今春氣候較寒。即為資送。恐仍失所。請展賑一月。三月初旬遣回。得旨。覽奏俱悉。○河東河道總督張師載等奏。全屬東省境之徒駭河。分屬直隸南皮境之老黃河。葦草盤結處。掛淤阻水。應令沿河州縣。勸民剷挖。又東省馬頰河頭十八里承四道引河之水。應於兩岸各展

寬河身一丈。挑深四五尺。通河及河尾入海窄狹處。兩岸各展寬一丈。至老黃河分哨馬營。四女寺。兩壩水盤折直東。兩省山東自四女寺壩口。至直隸吳橋交界。引河長十二里。老黃河長四十六里。均應挑面寬四丈。底寬二丈。深四五尺不等。四女寺滾壩石橋。雁翅埧塌。拆修。哨馬營壩外引河。並歸入老黃河。河頭淤淺處挑濬。直隸自吳橋交界之嚴家莊。至玉泉莊。老黃河長四十餘里。均加挑面寬四丈。底寬二丈。深三尺至六七尺不等。南皮境內馮家口。淤灘抽挑河槽。霍家園。至姚家口。并下游一帶。挑濬寬深。堵築支流。得旨如所議。實力妥為之。○山西布政使劉慥奏。晉省積年事無大小。通省派捐。解司收放。計一州縣。歲解捐款。不下數百金。恐啟侵那庫帑。藉派紳戶等弊。現清查除地方官分應辦事。例無開銷。捐數不多者。分別酌留外。濫款革除。得旨甚是。勉為之以實可也。○大學士

實錄卷五五六

里

管陝甘總督黃廷桂奏。起發屯。征兵。原議屯兵三人給一車。征兵四人給一車。現因車不敷用。通融令屯兵輪流步行。減半給車。征兵三車減給一車。減價。按分各兵得旨。所辦好。

實錄卷五五六

里

大清高宗法天隆運至誠先覺體元立極敷文奮武孝慈神聖純皇帝實錄卷之五百五十五

大清高宗法天隆運至誠先覺體元立極敷文
奮武孝慈神聖純皇帝實錄卷之五百五十六

監修總裁官經筵講官太子太傅文淵閣大學士文淵閣領侍衛內大臣稽察欽奉 上諭事務處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領侍衛內大臣稽察欽奉 上諭事務處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十三年戊寅二月丁巳朔祭

先師孔子遣協辦大學士鄂彌達行禮○諭

朕於三月初四日啟鑒恭謁

東陵禮成即前詣易州祇謁

泰陵所有應行豫備事宜著各該衙門照例敬

謹辦理○諭軍機大臣等吳達善等奏准兆

惠咨稱順德訥已派往魯克察克其所帶兵

丁在軍營原派數內伊至巴里坤時即交與

侍衛瑞綽勒圖遠赴軍營等語近因順德訥

由哈布塔克拜達克至巴里坤前往軍營恐

逾進勦之期諭令至巴里坤稍為休息聽雅

爾哈善調遣至兆惠此時即應起程猶固執

原派兵數候此數百人同進豈因朕召回成

衮扎布伊等無可推諉愈加怙怯惟冀增兵

以自衛耶現在軍營兵丁並非寡弱馬匹口

糧均已陸續起運且沙喇伯勒等逸賊復有

何人為之接濟糧馬何以畏難若此如必坐

待青草發生始行前往則賊眾亦因此得延

喘息其力倍增矣為今之計宜帶兵進發或

緩行以養馬力不當再為駐候也順德訥之

兵仍遵前旨即業經起程亦速行追回可傳

諭兆惠雅爾哈善吳達善知之○署廣西巡

撫鄂寶等奏養利州知州丁鶴起吏目易

昌騰疎防重犯越獄雖限內全獲仍請一併

革職得旨重犯越獄地方官固有應得處分

其限內全獲者自應分別議處今鄂寶題參

養利州知州丁鶴起吏目易昌騰藐視監獄

請旨一併革職該州逃犯已於數日內全行

拏獲。在職司監獄之吏目。任意疎縱。固律無可寬。至該州牧雖防範不嚴。而既經全獲。被議自有輕重。若一併議以革職。又何以處緝拏不力。遲延未獲者耶。該撫辦理未為允協。此案該知州丁鶴起著革職留任。○戊午祭

大社

大稷。

上親詣行禮。○以大學士史貽直充經筵講官。

○命左春坊左贊善鄭虎文提督湖南學政。○

己未遣官祭

關帝廟。○以舉行仲春經筵遣官告祭

奉先殿

傳心殿

上御文華殿。講官暨侍班之大學士九卿詹事等。行二跪六叩禮。分班入殿內序立。直講官四人出就講案前。行一跪三叩禮。復位。直講官伍齡安。蔣溥。進講。論語博學而篤志。切問而近思。仁在其中矣。三句講畢。

上宣御論曰。此非四事。蓋兩事耳。博學而不篤志。則或涉為荒唐。切問而不近思。則或入於無稽。然志也。思也。一心之事耳。仁。人心也。安見篤志近思。而心常馳騁於外者哉。故曰仁在其中。朱註以為未及乎力行而為仁。此或為下學者言。夫篤志近思而不力行。則又安得謂之篤志近思乎。子夏雖文學之科。此言實見道之論。故博學切問。仍文學之事。歟。而篤志近思。則心存矣。心存而仁存。是知學問思辨智之事。而智亦仁之事。不然。元何以貫四端而長萬善哉。講官暨侍班官跪聆畢。興直講官介福泰慈。因進講書經思其艱。以圖其易。民乃寧。二句講畢。

上宣御論曰。夏不能不雨。冬不能不寒。於其常也。而民猶有怨咨者。非怨雨寒也。力耕桑而不得飽食煖衣。斯其艱也。斯民之宜其無時而不怨咨也。治人者豈可不思其艱乎。思其艱則當圖其易。而易正不易圖也。必也生衆

食寡。為疾用舒。三物五典。以教以安。庶其菽
粟如水火。而民免罹於艱。得少寧乎。然民有
可免艱獲寧之理。而上終不可得有覺易不
艱之日。蓋以為易。則其艱立至矣。治民乃一
節。若夫守先王之業。綜萬幾之理。其難其慎。
惟日孜孜。又何嘗一息一刻。有不艱覺易之
時也。耶。講官暨侍班官跪聆畢。大學士傅恒
等奏曰。

皇上學貫天人。德隆履載。義精仁熟。猶勤孫志
時敏之思。物阜民安。尚切暑雨祁寒之慮。敬
勝而緝熙無斁。求寧而宵旰不遑。微言契古
聖之淵源。至道該前王之謨烈。臣等幸侍

講筵。親承

聖訓。不勝榮幸。奏畢。諸臣出就拜位。行二跪六
叩禮。禮成。

上還宮。賜講官及侍班官等宴於協和門。

上詣暢春園。問

皇太后安。○幸圓明園。○諭軍機大臣等。朕命

雅爾哈善為將軍。專辦回部。今授以靖逆將
軍之印。著派乾清門侍衛齊凌扎布齎送。即
留伊軍營効力行走。○庚申。署定邊左副將
軍納木扎勒等奏。烏梁海戶口。各得沁有十
餘戶。二十餘戶不等。請將戶少者歸并。約四
十餘戶。編為一得沁。又總管莽噶拉克。幼時
所屬九得沁。曾三分同布珠庫輝齊賚等管
理。今布珠庫已死。輝齊賚年老。戶口亦僅足
五得沁之數。請均歸莽噶拉克管轄。至新附
之鄂木布。特楞古特三得沁。併歸察達克圖
布慎等管轄。報聞。○辛酉。諭軍機大臣等。據
雅爾哈善等奏。從前擒送瓦齊之伯克霍
集斯。仍在圖爾璦辦事等語。則霍集占等。不
能脅服人眾。可知。我兵至彼。伯克霍集斯等
必來歸順。然必須留心防察。如上年成衮扎
布等。招降克呼特。烏嚕特等。鄂拓克。大兵既
過。隨後叛逃。即其驗也。雅爾哈善等進兵時。
如回人果能恭順歸降。自當收恤。令其頭目

從軍。餘人仍居本地。其稍有抗拒者。即宜剿殺。以振軍威。勿慮伊等前路驚疑。稍事姑息。蓋回人俱有城邑田廬。非若厄魯特之易於驚竄也。若既取庫車。阿克蘇等城。亦應留兵彈壓。玉素布為人誠實。自必善守。可於二城內。擇何處最要。即令駐劄。既可堅新附之心。亦資以聯絡臺站。再圖爾璦地名。是否即係吐魯番。現在吐魯番。為額敏和卓游牧。今伯克霍集斯所居圖爾璦。與何處相近。在何地。方著察明。因便奏聞。○禮部題。朝鮮國王李昫。遣使表賀。

萬壽冬至。元旦。三大節。及進歲貢方物。賞賚筵宴如例。○壬戌

上詣暢春園。問

皇太后安。○諭軍機大臣等。據阿里衮等奏。稱追剿沙喇斯。瑪呼斯賊衆。入呼爾塔克山。於塔喇圖。烏沙克塔勒兩處遇賊。擒獲瑪呼斯。得木齊額默根等。據供。因大兵進剿。已圖爾

烏巴什。昂吉岱等。不敢相投。惟藏於山林幽僻之處。現在前往羅布諾爾。哈嗎爾嶺等處。搜捕等語。昨雅爾哈善等奏。據素賚璦詢問伊父額敏和卓。遣來回人。知阿里衮等追賊至呼爾塔克。剿殺瑪哈沁。帶兵回程。距吐魯番約五百里。因馬力疲乏。兵多步行等語。是伊等業已徹兵。今閱此奏。似尚在窮追賊衆。若馬力果乏。亦當徹回。其呼爾塔克等處。距進剿回部之路相近。雅爾哈善與額敏和卓應於此等地方。留心搜捕。或賊衆四散。有住投昂吉岱等游牧者。亦著兆惠嚴行搜剿。其敦多克。哈什哈等。尤當拏送來京。毋致免脫。○豁除湖南平江縣。水衝難墾田。一頃七十畝。有奇額賦。○癸亥。諭陝省榆林府屬之葭州。榆林懷遠。神木。府谷。延安府屬之靖邊。定邊。鄜州屬之宜君等八州縣。上年秋禾被災。業經降旨蠲賑。但現在例賑。已經告竣。而麥收之期尚遠。災民未免謀食維艱。尚須接濟。

著加恩將該八州縣內被災八分之極貧與九分之極次貧民再行加賑兩月仍每石折給銀一兩二錢以資買食用示優恤至意該部即遵諭行○甲子遣官祭

先醫之神○乙丑遣官祭昭忠祠○諭湖北撥運豫米船料業經降旨免其徵收其運東川米原船回空時如查無攬載客貨著一體加恩免其徵收船料以示優恤該部即遵諭行○諭軍機大臣等兆惠富德將伊等去年

出兵未經查出之侍衛官員分別功次補請議敘又將領隊大臣羅布藏多爾濟等功次聲明具奏甚覺繁瑣無謂夫恩自朕出其効力行走之人皆分所應爾豈可稍生覲倖兆惠等在彼閒居並不將現在切要事件留心計議惟一味沽名瀆奏在伊等之意以為准其所奏則官兵得以邀恩即不准行人亦咸懷感激如此存心可乎且將以此為辦事乎然在侍衛官員前次疎漏未經查出者補請

實錄卷一百一十六

九

實錄卷一百一十六

十

議敘猶可若羅布藏多爾濟因其効力已封郡王豈以為尚未加恩乎即圖倫楚順德訥俱加恩授為副都統伊等果能勝副都統之任否其餘議敘陞級者尚多若謂行走一次即應加一次之恩則與傭工取直何異且兆惠身為將軍兩路俱應視同一體何以於珠勒都斯一路未經查奏耶朕因珠勒都斯一路辦理無緒將成衮扎布徹回舒赫德鄂實降革豈大臣獲咎官兵內遂無一二効力者乃兆惠僅將隨伊行走之人奏敘此何理耶若輩現在亦隨兆惠進兵如此將何以冀其出力若謂兆惠等一路功多亦不過獲一巴雅爾耳而疎脫阿睦爾撒納者獨非伊等乎至奏將存留之翎賞給西通阿等三人有何緊要况留翎三枝即有三人効力安得如此湊巧何見之小也但業經具奏姑如所請其珠勒都斯路有効力行走官兵從前未經查出者可一併查奏著傳諭兆惠等知之○又

諭從前曾派第魯巴往管西路臺站。正值賊人變亂之際。或被戕害。或有他故。並無信息。若果為賊所害。亦應加恩優卹。著兆惠等查明奏聞。○又諭據雅爾哈善等奏稱。所調陞甘綠旗兵丁計二月二十日以外。可至魯克察克。自魯克察克至瑪納斯。又需二十日。於三月初十左右。始至軍營。距兆惠進兵之期。已逾一月等語。前因兆惠屢次奏請增兵。又將伊所領索倫兵一千名撥給雅爾哈善。故派綠旗兵一千名前往。近因雅爾哈善奏。伊現在所有索倫察哈爾及富紹等送馬兵丁將及三百名。擬分派哨探。策應及巡察牧羣之用。朕慮此數尚不敷用。諭將一切差遣回程。索倫兵留於魯克察克。合計可得若干。如有不足。再自兆惠軍營遣發。又諭順德訥阿里衮兵丁俱歸雅爾哈善之隊。亦將及一千。但未知此內有索倫兵若干。若得六七百名。已足敷用。則兆惠所領索倫兵。即無庸調遣。

或已經起程。行走未遠。亦可調回。再綠旗兵雖赴調稍遲。而隨後進發。亦足增聲勢。可仍行遣往。若兆惠竟不需。即存留屯種。亦可著傳諭兆惠雅爾哈善一面咨商辦理。一面奏聞。○禮部尚書伍齡安奏。進班王大臣等過駕幸圓明園。南苑及駐蹕熱河。巡幸各省日間多不進班。傍晚始進內宿。皇上駐蹕圓明園。本處應奏事及御門等日。即五鼓出東華門。往園豫備。請嗣後駕幸各處。俱照在宮日夜值班。值班日。禁城有應奏事奏聞。皇上駐蹕圓明園。有應奏事及御門等日。先期換班。不准寅夜擅開禁門前往。又內外一二品文武大臣病故。或有遺疏上聞。或由該處奏聞。禮部俱遵旨查奏。惟無遺疏。並該處亦未奏聞者。滿大臣由該旗行文禮部。漢大臣子弟赴部呈報。禮部向即行查該員履歷。題請予祭。並以應否賞給奠銀兩。請以特沛殊

恩。竟成臣下奉行定例。請嗣後照該處奏聞例。將病故緣由。繕牌進呈。奉旨著查予恤。禮部始查奏請旨。無特旨。即無庸奏請。得旨。如所請行。○加賑山東德州。東平。東阿。滋陽。鄒縣。滕縣。嶧縣。金鄉。魚臺。濟寧。汶上。陽穀。壽張。荷澤。單縣。城武。曹縣。濮州。范縣。觀城。朝城。蘭山。郟城。費縣。堂邑。冠縣。臨清。邱縣。館陶。恩縣。夏津。武城。德州。衛。濟寧。衛東。昌衛。臨清。衛東。平所。等州縣衛所水災軍民。○丙寅。

上詣暢春園問

皇太后安○

皇后千秋令節。停止行禮筵宴○

上還宮。○諭吉亥藉畝。所重劬農。黛帑青箱。畚鍤簞笠。或寓知民疾苦之意。而設棚懸絲。以庇風雨。義無取焉。吾民涼雨輦而赤日耘。雖襁褓之尚艱。豈炎溼之能避。且片時用而過期。微所費不啻數百金。是中人數十家之產也。其飭除之。○丁卯。

孝康章皇后忌辰。遣官祭

孝陵。○諭去冬及今春軍營所需一切馬駝糧餉軍械各事宜。大學士黃廷桂俱實心經理。調劑得宜。勤勞懋著。著交部議敘。其在事各員。俱能遵奉調度。急公集事。亦著查明咨部一併議敘。以示獎勵。○又諭據黃廷桂奏稱。安西至哈密中間戈壁各站。向乏水泉。因令總兵劉順設法開掘。靈泉騰涌。該鎮能相度情形。築砌窪池。蓄水分槽。在在如式。不特牲畜供飲無缺。兵商亦資利賴。等語。劉順委辦戈壁水泉。能實心經理。甚屬可嘉。著交部議敘。○諭軍機大臣等。據開泰奏。川省挑選營馬。及購買土馬。共八百餘匹。解甘等語。前因黃廷桂奏。川省羴牛不適於用。曾降旨令開泰停止辦牛。至馬匹一項。川省既經起解。且據黃廷桂亦已咨覆。於肅州驗收。是甘省又可得此八百餘馬。添補之用矣。黃廷桂可擇其骨力強大。足供馳驅者。加意餵養。以備軍

營調撥。其土馬或酌量撥補驛站。自亦足供應差使。將此傳諭知之。○又諭。據吳達善等奏。遵旨將厄魯特哈爾察海等。俟送到時。賞給產業。同綠旗兵食糧。嗣後有似此者。查照辦理等語。昨因厄魯特勒殺之後。餘衆無多。若概行誅戮。恐聞風驚懼。以致各處藏匿。故將哈爾察海等。如此辦理。但此等降人。情節不一。著傳諭吳達善等。嗣後有似此送到者。俱著奏聞請旨。哈爾察海等。亦不必安插巴里坤。俱發往安西。歸入綠旗兵內差遣。仍加意約束。勿致脫逃。再丑達自軍營送回巴里坤。駝隻倒斃甚多。所存俱屬疲瘦。是全不盡心照管。吳達善何以並不叅奏。著一併傳詢。○戊辰春分朝。

日於東郊。

上親詣行禮。詣

雍和宮行禮。○詣暢春園。問

皇太后安。○幸圓明園。○諭軍機大臣等。據黃

廷桂奏稱。軍需辦解將竣。請暫停可緩之糧運。以便農功。具見悉心調劑。其所稱豫備正餘馬一萬七千匹。四月初間。可抵肅州等語。著飭交各該員。加意飼秣。至春深時。口外青草豐茂。陸續酌撥。送赴巴里坤一帶。分廠牧放。臆分易於滋長。兼可省內地芻豆。且免五六月間。經行戈壁之勞。將來遇有調遣。自可就近趲赴。不患長途疲乏。可傳諭知之。○鑲紅旗滿洲都統奏。請將革爵之球琳。德明阿。該管佐領掣出。得旨。上年革去球琳。德明阿。貝勒公爵。不過因其庸惰。用示懲創。伊等原無重罪。何至掣出佐領。著仍照常管理。並著各該衙門。選球琳之子一人。帶領引見。賞襲公爵。德明阿。或子或弟。選一人帶領引見。賞襲鎮國將軍。○恩賞追勦鄂木布所屬烏梁海効力得傷之台吉班第等。並兵丁銀緞有差。○己巳。諭。據夢麟等奏。河營千總高文魁。把總張忠。承辦艾山河工段。較原估丈尺短。

少。請革職。枷號示衆等語。現在河道疏築各工。經朕親臨相度。特派大員分路督率經理。不惜千萬帑金。為數省瀕水黎民生業計者。所關甚重。非尋常歲修工程可比。凡屬在事人員。自當激發天良。實力承辦。該弁等乃敢愆不畏死。乘機短工侵冒。情甚可惡。僅予枷號。豈足蔽辜。著將該二犯。即照軍法穿箭。押赴各工。傳諭示儆。至其所短工段原估之數。可以按籍而稽。何得因其尚未報銷。遽曲為開脫。思以薄懲了事。夢麟。尹繼善。白鍾山。著交部議處。仍著伊等即速確查。按工計料。該弁所有侵冒之數。在千兩以內。尚可按律定擬。追繳完結。若在千兩以外。查勘既確。罪無可逭。即行奏明。在工正法。以昭炯戒。再各處工段尚多。恐不止此二弁。伊等如因此轉致心存徇隱。自取罪戾。則責有攸歸矣。○軍機大臣等議奏。御史劉宗魏奏。請嗣後盜賊搶奪。挖墳。應擬軍流人犯。不分有無妻室。概發

巴里坤。於新聞夷疆。並安西。回。目。扎薩克公額敏和卓部落。遷空沙地等處。指一屯墾地畝。另名圍卡。令其耕種。其前已配到各處軍流等犯。除年久安靜有業者。照常安插外。無業少壯。曾有過犯者。一併改發種地。交駐防將軍管轄。應如所請。並將此外情罪重大軍流各犯。一體辦理。從之。○戶部議准。四川總督開泰奏。雲陽縣開添鹽井。應增水陸二百十六引。請於乾隆二十二年。發川餘引內。給銷課稅。即於是年起徵。從之。○以吏部尚書劉統勳充續文獻通考館總裁官。○命定邊左副將軍成衮扎布。侍衛圖沙布。蘇魯克沁。馳驛赴北路軍營。○庚午。諭。山西交城等四十州縣。上年秋成稍歉。已降旨將民欠常平倉穀。分別緩徵。其借出社倉義倉穀石。雖係民捐。例亦官為催納。該處商販稀少。本地產穀。僅供民食。若依限責令還倉。小民仍未免拮据。著將該四十州縣社義二倉。借出乾隆

二十一年分穀石。緩至今歲麥熟後徵收。二十二年分穀石。緩至今歲秋成後徵收。以紓民力。再此四十州縣外。尚有陽曲。太原。汾陽。渾源。應州。沁州。代州。崞縣等八州縣。去秋亦屬歉收。所有二十一年。二十二年。借出社義二倉穀石。亦著照此一體分別緩徵。用示體卹至意。○諭軍機大臣等。據兆惠等奏。現在軍營口糧不敷。官兵以馬為食等語。看伊等如此情形。不獨進兵遲滯。且將所送肥馬盜作口糧。亦未可定。已飭諭兆惠等嚴行查拏。稍有疎縱。定將伊等治罪。著傳諭巴圖濟爾噶勒等。送馬到軍營時。暫行不必分給官兵。照常分廠牧放。俟兆惠等到伊犁等處。再行分給。仍於途次嚴飭送馬官兵。加意查拏盜竊。庶馬匹胥歸實用。以利軍行。○又諭據兆惠等奏稱。索倫等處員缺。行文該將軍。於副都統鄂博什等。保薦軍前一等人員內揀補。其索倫副總管伊靈阿。佐領三達保。已奉特

旨。補授二等侍衛副總管。佐領與二等侍衛俱係四品。可否令其兼管等語。伊靈阿等兼銜之處。著照所請行。至該旗所出員缺。俱於鄂博什等。保薦軍前人員內選補。則非矣。從前索倫達呼爾等缺出。該將軍等揀選。未及軍前人員。故降旨亦令得與。然其間亦有新舊久暫之殊。若謂本處缺出。皆應以現在出兵人員補授。則從前在和通呼爾哈諾爾。額爾德尼招等處出兵得傷。曾經効力之人。因年老現未從軍。轉致陞補無期。於情理殊未平允。朕於効力人員。酌量加恩。並非不計功次。概行拔擢。况索倫人等。本屬渾樸。若使知從軍即當優敘。必且驕縱。妄生冀倖。即如具呈保送。本伊等不知之事。今如此辦理。乃兆惠等欲沽美名。潛相引誘之所致耳。果如所奏。將來軍前人等。加恩則効力。不加恩即不効力。有是理乎。兆惠富德所見甚屬錯謬。俱著傳旨申飭。嗣後索倫等處員缺。照常於軍

前及在家人員內酌量揀選補授。○吏部奏重犯越獄例扣限四月題參限內即獲者管獄有獄各官免議逾限管獄吏目典史革職拏問有獄州縣戴罪限一年督緝限內全獲開復逾限不獲一名降二級調用二名降三級調用三名不獲一名革職乾隆十五年廣西立決人犯越獄該撫因情節較重將管獄有獄各官即題參革職嗣後各督撫辦理參差恐意為輕重查疎防重犯各官本應處分

實錄卷五百五十六

三

舊例扣限四月全獲免議未免過寬請嗣後重犯越獄該督撫即時題參管獄官革職拏問有獄官革職留任四月限內全獲者管獄官革職免其拏問有獄官自拏獲日起扣限一年開復四月限內不獲者有獄官留任一年帶罪督緝一年限內拏獲自拏獲日起扣限一年開復逾限不獲照舊例分別降調革職仍留地方協緝五年限滿無獲該督撫查明請旨從之○署定邊左副將軍納木扎勒

等奏新降烏梁海等據車木楚克扎布會同

察達克圖布慎議令與舊烏梁海及新降博

和勒等俱於烏蘭固木種地其游牧令於吹

阿勒和碩努肯穆倫哈哩衮布拉克科布多

河綽和爾諾爾二扎克賽博羅布爾噶蘇察

罕烏蘇索和克達爾奇圖等處聯絡居住又

新降烏梁海宰桑那木扎勒去冬病故所屬

三得沁請令伊子阿喇善管轄至逃入俄羅

斯之鄂木布及果勒卓輝博博等父子查於

實錄卷五百五十六

三

前秋均出痘身死其俄羅斯書信內稱奈曼

噶雜克人投入內地之語亦無聞見報聞○

雲南提督王朝輔因病解任以山西太原鎮

總兵額爾格圖為雲南提督○辛未戶部議

覆署廣西巡撫鄂寶奏粵西新太等營歲需

兵米例支一半折色一半本色本色現不敷

放請借就近州縣常平倉穀折發應如所請

並令該署撫將動借倉穀每石定價四錢支

地丁銀發該州縣買補從之○旌表守正捐

軀之河南鄭州民宋維方妹宋氏。

實錄卷五百五十六

三

大清高宗法天隆運至誠先覺體元立極敷文奮武孝慈神聖純皇帝實錄卷之五百五十六

大清高宗法天隆運至誠先覺體元立極敷文奮武孝慈神聖純皇帝實錄卷之五百五十七

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂
總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務
世襲騎都尉軍功加十九級隨帶加二級又加二級臣董誥內大臣戶部尚書鎮篆滿洲都統軍功紀錄五次
尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十三年戊寅二月壬申

實錄卷五百五十七

上詣暢春園問

皇太后安。○諭。昨御史湯世昌奏學政莊存與考試滿洲蒙古童生。因不能傳遞。輒行喧鬧一案。朕復問之蔣溥。亦云果有其事。然在該學政。不過失察無能之咎。不至大罪。朕以旗下生童。乃不知守法安靜。亦效外省陋習。此於人心風俗有關。當經親詢該學政。乃不據實陳奏。一味含混。支吾。思却已小過。而為面欺。斯其罪大矣。莊存與著革職。交與軍機

大臣傳提喧鬧各童生一併質審。無知者且摹擬為莊存與。究因考旗人而獲罪。是則昏昧之極。審如是。朕何不罪湯世昌耶。統俟審明。自當詳諭內外。○諭軍機大臣等。滿洲大臣奏事。稱奴才字樣不一。著傳諭嗣後頒行公事摺奏。稱臣。請安。謝恩。尋常摺奏。仍稱奴才。以存滿洲舊體。○旌表守正捐軀之廣東香山縣民周澤和妻黃氏。○癸酉。諭軍機大臣等。昨因京城八旗童生考試。不守場規。朕特派大臣查審。京城如此。盛京可知。滿洲原以學習清語。專精騎射為要。近多借讀書為名。轉荒正業。所關甚重。著寄信清保令其曉諭盛京人等。嗣後務念滿洲根本。勤習清語騎射。斷不可務虛名而舍正業。曉諭之後。復蹈故轍。朕必從重治罪。斷不姑容。○刑部議。直隸總督方觀承奏。旗人徐三達子占姦拒捕。應擬絞監候。承審遲延各官。照例議處。得旨。徐三達子身係旗人。乃敢占姦拒捕。

不法已極。該部擬以絞候。自係秋審情實之犯。但必俟秋後處決。此案乃乾隆十六年之事。地方官推諉遲延。該犯捏病支吾。已偷生七載矣。似此法網廢弛。豈足弼教。徐三達子著即處絞。餘依議。再此案雖據該部查取遲延各職名。照例咨部議處。然似此玩忽怠緩。僅請照例議處。直省闖茸陋習。何以革除。著該部查明叅奏。從重治罪。凡有似此者。亦著明白查奏。○鑲白旗漢軍都統奏。八旗印務叅領。向例由原管烏鎗營礮營叅領補放者。仍准兼管。查印務叅領日進本旗衙門。隨都統。副都統等辦事。烏鎗等營又常須操演。兩管恐至兩誤。請嗣後烏鎗營礮營叅領遇補放印務叅領。即將各該營缺。揀員引見另放從之。○旌表守正捐軀之河南襄城縣民賀八兒童養妻姚氏。○甲戌。上御勤政殿聽政。○諭。國家設立學校。原以教育人材。今觀八旗義學。徒有學校之名。而無

育材之實。況有咸安宮。國子監官學並教養世職官員。左右兩翼官學。八旗讀書人等。儘可學習。著將義學裁去。仍交管咸安宮。并各官學之大臣。官員等。盡心教習清語騎射。即讀漢書者。亦當務實。洗去浮華陋習。斷不可有名無實。至禮部大臣。平日辦理疎懈。及朕降旨。令明白回奏。仍復掎節敷陳。殊屬不曉事體。除歸宣光在部未久。免其交部外。餘俱著交部察議。○諭軍機大臣等。夢麟奏河工

實錄卷五五十七

四

積弊。現在極力整頓。以清公帑。一摺。內稱估計時。諸臣咸以糜費是懼。約畧摺節。而銅山之房亭奎河各處。於工竣後。復議酌加寬深等語。是開工估計之初。所見已不合事理。蓋此次濬築各工。所以不惜帑金。通盤籌辦者。原為一勞永逸之計。若先期有意故為摺節。無論工程不固。日後轉滋糜費。即其草率短估於前。而臨時又欲加寬加深。一聽工員藉口從事。豈非為浮冒侵蝕之徒。豫留地步耶。

且工竣後。復議酌加。所費勢無底止。若非添費帑金。又將動支何項。豈所以明示節制。實力辦工耶。房亭奎河等處。即其明驗也。摺內又稱高文魁等短修工段。恐似此者。尚不止二弁。此係情事所必有。昨已降旨該侍郎等。按工計料。嚴查速辦。至所稱各河盡到各工。盡量無使尺寸假借等語。必如此始為實心任事。釐剔積弊之道。在該侍郎固當周歷詳勘。而一切整飭稽查之責。若非地方大吏。協

實錄卷五五十七

一

同悉心督辦。必至呼應不靈。不得因現有欽差。遂致稍有弛懈之見。著將此一併傳諭夢麟。白鍾山。尹繼善等知之。○又諭。據雅爾哈善奏稱。去年隨成衮扎布行走之庫車。回人伯克鄂對等。願往軍前効力。俟取庫車。烏什。阿克蘇等處後。酌量差遣。或令其看守城池等語。伯克鄂對等。係何處頭目。因何投順。伊等本處。更有何人。其妻子現在何處。著傳諭雅爾哈善。查明奏聞。再回人性情。雖不同。厄

魯特。而近年與厄魯特雜處。不免漸染習氣。未可深信。取庫車等城後。伯克鄂對等亦不當專令看守。仍聽玉素布節制。再留我領隊大臣一員彈壓。始為周密。否則恐似厄魯特等於大兵前進之後。乘間復行變亂。亦未可定。著雅爾哈善會同額敏和卓。留意辦理。不可稍有疎忽。○軍機大臣會同八旗大臣等議奏。據副都統祖尚賢奏稱。八旗老圈地畝。例止准本旗買賣。遇緊急事故。本旗難覓售主。准典與別旗。其中添寫虛價。多勒年限。致日久難贖。名典實賣。且得價轉不如賣。請嗣後照八旗買公產例。不拘旗分買賣。令於左右兩翼稅課司過稅。不准私立文券。應如所請。嗣後旗人遇事故典地者。呈報該都統。佐領存案。以備查贖。或圖多得價直。准其不拘旗分出賣。漏稅私立文券者。治罪從之。○舉行乾隆二十二年分大計。直隸卓異官十二員。不謹官三員。罷軟官五員。年老官九員。有疾

官五員。才力不及官九員。浮躁官三員。直隸河員罷軟官一員。年老官二員。有疾官二員。才力不及官三員。浮躁官二員。奉天卓異官二員。年老官二員。安徽卓異官七員。年老官五員。才力不及官一員。山東卓異官九員。不謹官二員。罷軟官三員。年老官四員。有疾官三員。才力不及官二員。浮躁官一員。四川卓異官四員。不謹官二員。罷軟官二員。年老官二員。有疾官三員。才力不及官四員。浮躁官一員。俱分別陞賞處分如例。○乙亥

上詣暢春園。問

皇太后安。○諭軍機大臣等。據託恩多奏常熟縣民潘九和商同姚耿。偽造海票。哄騙鄉愚。即經查獲。現在集犯嚴究等語。江浙濱海地方。向來曾有奸民。捏造海票。誑人財物之事。俱經查拏究處。今據該撫奏。潘九和等尚敢慙不畏死。刻票刷印。誑取銀錢。此等不法棍徒。實為風俗人心之害。若不嚴加懲究。何以

做刁民而安良善。著傳諭託恩多。將此案嚴行究治。務絕根株。毋得稍有寬縱。○又諭據桑寨多爾濟奏稱。琳丕勒多爾濟。派往俄羅斯。驗看阿睦爾撒納身尸。中途病故。已派親王齊巴克雅喇木丕勒等前往等語。著傳諭三泰齊巴克雅喇木丕勒。雖往驗看。仍須親信大員前往。方知是否確實。三泰即遵朕旨。前往詳悉驗看。○又諭曰。琳丕勒多爾濟。前在軍前効力。加恩封為公爵。今奉差中途病故。深可憫惻。其公爵著加恩於伊子內。揀選一人承襲。仍賞銀二百兩。經理喪事。○署定邊左副將軍納木扎勒。奏烏梁海舊歸順之察達克圖布慎車根赤倫哈克圖莽噶拉克洪和。並新歸順之博和勒。那木扎勒。特勒伯克扎爾納克等。俱先後賞授官職有差。但頒俸例應赴京。烏梁海游牧甚遠。請就車木楚克扎布赴領。便將察達克等俸并領。至烏里雅蘇台分給。又察達克圖布慎車根赤倫哈

克圖莽噶拉克洪和等屬人內。除無牲畜並老幼廢疾戶口。現堪納貢者。共七百十九戶。令戶納貂皮二張。博和勒那木扎勒特楞古特鄂木布。共九得沁。堪納貢者。一百九十二戶。特勒伯克扎爾納克等。共四得沁。堪納貢者。一百二十二戶。俱照察達克等完納。至烏梁海事務。副都統莫尼扎布。熟悉情形。請令其協同車木楚克扎布辦理。從之。○命禮部右侍郎金德瑛。提督順天學政。○以湖北黃州協副將黃世桓。為山西太原鎮總兵。○以故喀爾喀郡王品級旺布多爾濟之子車德布。公品級三濟扎布之子三都布多爾濟襲爵。○丙子。諭曰。李治運著以按察使銜。管理浙江溫處道事務。○諭軍機大臣等。集福等奏稱。前至烏蘭和碩。值索諾木丹津。巡查卡座未回。因與貝子納木扎勒車凌商議。即飭傳派兵丁一千名。齊集扎噶蘇台等語。前諭酌量派兵。不過豫備賊人闖入。並非即應起

行者。今當春令。牲隻疲瘦之際。將兵馬指定處所。齊集一處。不得覓敞牧放。勢必愈加疲瘦。且亦苦累蒙古人等。此皆集福等未悉朕旨。辦理錯謬所致。著傳諭集福等。奉到此旨。毋庸傳集兵丁。即令在各游牧豫備。量給扎拉豐阿。納木扎勒。兵丁。前往偵探。如無賊人蹤跡。則此兵即可不用。并傳諭索諾木丹津。納木扎勒。車凌。知之。又諭曰。厄魯特。宰桑。三都克。隨軍營將軍大臣等。頗能効力行走。著加恩。授為散秩大臣。賞給京城官房一所。令其居住。近同根達什等。送到人內。有三都克。所聘妻室。即令完聚。其存留巴里坤家口什物。著行文辦事大臣。遇便送京給還。○丁丑。諭軍機大臣等。兆惠等奏。擬於二月初十日。內外進兵。不待口糧全到。所見尚是。沙喇伯勒賊衆。烏合易離。力亦窮乏。現兵四千五百名。足敷辦理。綠旗兵一千名。自可停其遣發。著傳諭巴里坤大臣。將軍器口糧。速為運

送。至兆惠等進兵。雖中途無賊人游牧。若到沙喇伯勒。即可收其牲隻。宜加搏節。以濟軍食。計此時馬匹軍器口糧。自當陸續送到。可作速奏聞。即傳諭兆惠。雅爾哈善等。知之。又諭。解送軍營羊隻。乃官兵口食所需。關係緊要。領解官員。理應小心。分起運送。不致傷損倒斃。今哈尚德。自己巴里坤送羊二萬五千隻。沿途即遇霜雪。何至傷損過半。是全不以軍食為念。哈尚德不必候阿里衮查叅。著即革職。枷號。著落照數賠補。至哈尚德呈稱。原領羊隻。多係瘦乏。兼有生癩者。此語未必屬實。果爾。何以哈尚德並不計及。能否到去。竟冒昧領受。耶。但看其倒斃如許。或巴里坤大臣交付時。聊以充數。亦未可定。若果如此。則亦難辭咎。自應分賠。著傳諭黃廷桂。及巴里坤大臣。將前項羊隻。係何處辦運。相距程途若干。曾否休息。於何日送至巴里坤。如何交哈尚德。實在有無瘦乏生癩。彼此詳悉查奏。

如含糊奏覆。朕另派大員查出。責有攸歸。嗣後辦送軍營羊隻。若當需用之時。始行趲赴。既一時不能即到。一遇寒暑。勢必多有傷損。應如何早為辦送。或在吐魯番牧放。備用。期於軍食無誤。著黃廷桂悉心定議辦理。工部議准。兩江總督尹繼善奏。宿遷桃源等縣阻黃臨運。隄堰間隔。民田積水。請於中河南岸。尤家灣蕭家莊。三茅壩等處。添建洩水石閘。六塘以下淤灘處挑濬從之。○命翰林院侍講學士莊培因提督福建學政。○蠲減江蘇常熟昭文二縣築塘占廢民衛田地。灘三十五頃二十一畝。有奇。塘外低瘠田。灘九百九十二頃三十五畝。有奇。額賦。○戊寅。予故吏部尚書汪由敦祭葬如例。謚文端。予追勦沙喇斯瑪呼斯賊陣亡都統滿福祭葬如例。入祀昭忠祠。謚勤毅。○己卯。

上詣暢春園。問

皇太后安。○諭曰。莊存與於考試童生開場一

案。既不叅奏於前。及朕面召詢問。又不據實陳奏。是以將伊革職。但各童生喧鬧。究因該學政辦理尚屬嚴密。不能傳遞之故。今既審明情節。而該學政竟因此罷黜。殊非懲創惡習之意。莊存與著帶革職。仍留內閣學士之任。○又諭。各省水師所設兵弁。自以熟諳水務為要。向來水師營將備積習。遇有考選拔補。督提等專以弓馬較優劣。轉就其中稍能騎射者申送。而該督提等亦遂不察其果諳水務與否。漫為去取。夫使既習水務。又嫻弓馬。誠為出衆全材。但水師所重。全在能識風雲。熟知砂線。以及通曉駕駛等事。若專較騎射。是輕其所重。而重其所輕。將實在熟諳水務之兵丁。轉致一糧終老。殊非設立水師本意。嗣後除內河水師。仍照舊例拔補外。其出巡外洋各兵弁。著該管官於統領出巡時。留心查察。權水務之緩急。驗技藝之高下。分別等第。詳記檔案。豫行申報。遇有考拔。督提等

可按籍而稽。外委則以一等之兵丁考補。千把則以一等之把總。外委考補如一等不敷。即用二等。庶不致所試非所用。而營務可收實效。至水師保送俸滿千總。尤當詳慎。著各督提等嚴行考覈。并發隔營統巡大員。帶領出海試驗。如果嫻習水務。准其送部引見。其或本營濫行保送。及隔營扶同徇庇。即行查明參處。其著為令。○戶部議准。雲南巡撫劉藻奏。前裁中甸州判。移楚雄同知於中甸。議

實錄卷五十七

十四

給養廉六百兩。部議以數增原額。覆令覈題。查原議移員養廉。較楚雄原額。雖增二百兩。但裁二為一。且該員有查驗進藏商販。徵收錢糧諸務。請仍照原議數增給從之。○河東河道總督張師載奏。東省運河道。有督辦工程之責。但沿河州縣衛所。均分隸濟東。充沂兩道。運河道非本管。恐呼應不靈。請嗣後東省沿河州縣衛所。並有泉州縣地方事。仍歸各該巡道管理。關係運河泉源。修濬工程事。

務聽運河道調遣。得旨。如所議行。○庚辰。遣官祭黑龍潭。

昭靈沛澤龍王之神。玉泉山。

惠濟慈佑龍王之神。○諭。朕此次謁

陵。著莊親王。和親王。大學士。來保。史貽直。在京總理事務。○又諭。曰。御史湯世昌。奏。學政莊存與。考試滿洲。蒙古童生。因不能傳遞。擁擠鬧堂一案。朕以滿洲。蒙古童生。皆世受養之人。乃不知遵奉教約。恣效外省惡習。此

實錄卷五十七

十五

於八旗風俗。大有關係。不可不嚴行根究。始意亦不過欲究明情節。將為首者發巴里坤。為從者。發拉林種地。以示懲創。乃派出查審之大臣等。於案內情事。並未嚴行窮究。而議罪之處。又不允當。所審皆旗人。故不能不掣肘。而朕豈肯一任其意存瞻徇。而顛預了事。耶。當經親臨覆試。隨獲夾帶如許之多。因復親加鞠訊。務得實情。而童生海成。係包攬傳遞。首先倡議鬧場之犯。一聞覆試。輒將鬧場

時帶出之卷。倩人補作。捏飾投遞。希圖狡脫。已屬刁頑。至在場放鴿。傳遞包攬受賄各情。業經羅保等供証確鑿。乃於朕前。又復挾讐。誣陷和安。肆其狡獪。抗不吐實。及加嚴訊。而狂悖無禮。竟有何不殺之語。滿洲世僕中。有此等敗類。斷不可留矣。因降旨。將伊正法。其附和鬧場之羅保。和安。即得奚訥。并搜出懷挾。又復強辯之訥。拉善。俱著發往拉林種地。至隨從鬧場。及夾帶草藁字片之烏爾希蘇等四十人。本應如議發遣。但既經責訓。示懲。俱從寬令其在旗披甲。永遠不准考試。滿學教授旺衍。係專管伊等之人。臨時已不能約束。而大臣等詢問。伊尚模稜含糊。不肯吐實。著發往熱河披甲。滿洲風俗。從來淳樸。八旗子弟。務以學習國語。專精騎射為事。即欲學習漢文。亦當潛心誦讀。量力應考。若自揣不能成文。而徒以傳遞懷挾。妄冀僥倖功名。是方其學習漢文時。已視為玩法舞弊之具。

人品心術。尚可問耶。即如正黃旗童生廷瑞。年甫十歲。前經朕親試。觀其氣質。將來未始不可當差効力。乃為之祖父者。不思導之以正。轉令入場傳卷。而所延館師。江寧人胡君治。又代為作文。託人傳進。此外如海成。倩作文字之莊煥等。俱以南省之人。在京潛住。誘人子弟。以飽囊橐。此輩文本平庸。在原籍既不能自取科第。又不能為鎗手作弊。而代旗童倖中。則固屬游刃有餘。翫法網。利蠹害人。心尤屬不淺。應審明按律重擬。以絕根株。今旗童鬧場本案。已經審明完結。以後滿洲蒙古。現任三品以上大臣之子孫。及親兄弟子姪。有應試者。俱令自行奏聞。必國語騎射。皆有可觀。方准入場考試。並照鄉試之例。請派監試御史。及監場都統各員。前往彈壓。此次莊存與所錄。尚屬秉公。而交卷之人。非鬧場之人可知。著加恩。仍准作生員。再京城旗童考試。既多沿習舊名。則盛京應試。亦可概見。

著交該將軍。禮部侍郎及府丞詳悉定議具奏。向有不識事體者。往往以各省駐防子弟。應隨地准令赴考。以博樂育人材之名。所見尤為乖謬。斷不可行。使朕亦沾名從之。則其為弊將必甚於輦轂之近。豈可勝言耶。又向來直省童子初次應試。俗稱觀場。地方官亦視為無足重輕。濫行收錄。以致府縣考案漫無節制。且今之犯案者。即若輩也。殊不知小考。即士子始進之階。鄉會試甄拔舉人進士。初不出院考。所取生童之內。使府縣送考人數過濫。學政看卷。亦易為所混淆。豈詳慎取士之道耶。嗣後各直省府縣考試。毋得濫行錄送。俱著酌量按照地方人數。覈實取錄。以昭慎重。其臨試時。並著遵照條例。嚴立闕防。審擇考校。從此陋習可除。而各該學政亦得從容閱卷。不致魚目混珠之弊。其於學校甚為有益。著將此通行曉諭知之。○又諭。正紅旗奏銷荆州滋生銀兩摺內。有資濟銀一項。

據稱。每歲所獲息銀。兵丁內行走勤謹者。酌量獎賞等語。旗下世僕。學習清語騎射最為緊要。誠於清語騎射。俱屬優長。而當差勤勉者。自應獎賞。倘不能如是。但隨例賞給。若輩無知。視為固然。反不足以示獎勵。著傳諭該將軍等。此後賞銀時。惟擇其清語騎射實屬優長。而當差勤勉者。再行獎賞。仍將賞過人數。於年終報明該旗存案。將來遇伊等引見時。朕試其技藝。清語果皆優長。則已。若曾經得賞。而實無可觀。則斷乎不可。○又諭。從前八旗之另記檔案。與開戶人等。原擬分發直隸。河南。山東。陝西。四省。作為綠營兵丁。今聞伊等因在京當差日久。不能在綠營當差。情願為民者甚多。此輩在旗。食餉年久。所以作為綠營兵丁者。原欲令有餉可食。生計較裕之意。既不能在綠營當差。即為民亦可。但為民之後。便無錢糧。恐失生計。現在福建。廣東。尚有駐防滿兵。此二省著無庸滿兵駐防。即

令伊等往駐。如仍不願聽其為民。○辛巳遣官祭賢良祠。○諭。向來外省布政使以下等官告病者。例應解任。留於本省調理。但思方面大員。如果有捏飾規避。托病回籍情事。則當督撫代奏解任。時自難逃朕洞鑒。不待再奏。始可信其無他也。今據阿爾泰奏。按察使盧憲觀病勢未痊。又云伊親倚間懸望等語。殊費周折。該員患病屬實。已經奏明准其解任。使未能向愈。徒令留滯該省。亦屬何益。嗣

實錄卷五五十七

下

後布政使以下等官。有似此者。既經奏明解任。即准其回籍調理。毋庸再奏請旨。○青海扎薩克多羅貝勒達什車凌故。遣官賜祭。如例。○壬午。

孝昭仁皇后忌辰。遣官祭

景陵。○諭。前據莊存與條奏。各直省鄉試官卷。應酌減中額一摺。隨經蔣溥奏。請將官卷裁去一併歸入民卷。均交大學士九卿議奏矣。朕昨敬閱

聖祖仁皇帝實錄內載

上諭。令大臣子弟。另編字號。考試取中。既以肅清弊端。又不致有妨孤寒進取。恭覽之下。仰見

皇祖慎重科名。嘉惠士子。立法之始。本為防弊。而彼時諸臣奉行。者不無偏袒。子姓親族之見。含糊具奏。分定中額。未免過多。遂使以憐卹寒畯之意。轉成優倖。縉紳之路。揆之情理。實未允協。此議減議裁者所由來也。朕思中

實錄卷五五十八

上

額貴有限。制而立法。務在均平。嗣後各直省鄉試官卷。於現在定額中。斟酌公當。大省每二十名取中一名。中省每十五名取中一名。邊省官卷。本屬無多。不妨稍寬其額。每十名取中一名。如此辦理。則官卷既免濫取之弊。亦不致有妨孤寒。不必去官卷之名。而於制科取士。兼收並採之道。庶為平允。其如何酌量妥辦。無致偏枯。並著大學士九卿詳議具奏。○兵部議准。漕運總督楊錫紱奏。稱衛所

守。千。親老改近。向由各該巡撫主。藁缺有美惡。巡撫未必盡知。恐人懷去就。巧於趨避。請嗣後歸漕督查辦。缺苦藉稱親老。請改者。叅處無情弊者。繁缺題請對調。簡缺咨部另補。又押運同知。通判。向不論省分遠近。概以抵通無欠。分三次議敘。請嗣後除糧多路遠之江南。浙江。江西。湖廣等省押運官。照常議敘外。其糧少路近之河南。山東。二省。改為四限。初次抵通無欠。紀錄二次。二次三次。加一級。四次即陞。又湖廣滿號漕船。向不即留通變賣。因係一時滿號。全須成造。概留變賣。丁舵水手。不能附搭回南。經前督顧琮奏准。變通辦理。現計回空船多。成造船少。丁舵等易於附搭。請照江西例。遇滿號即於交糧後。留通變賣。從之。○江蘇巡撫託恩多奏。上年淮揚徐海等府州災屬。截漕蠲緩。賑借兼施。復奉旨分別加賑。並令酌量倉儲銀米兼放。查各屬倉貯俱因賑糶撥空。加賑口糧。請通放折

色於淮。潯。揚。各關暨兩淮鹽運庫等款內撥濟。飢軍貧生。及兵屬。隨坐落州縣一體辦理。得旨。如所議行。○癸未遣官祭

歷代帝王廟。○

上詣暢春園問

皇太后安。○幸豐澤園演耕。○還宮。○諭從前覺羅內。挑選獻爵章京。因未有翎經降旨賞戴藍翎。原指六品以下而言。並非著五品以上。俱戴藍翎也。乃該衙門。令此項官員。無論品級。概戴藍翎。殊屬拘泥。嗣後六品以下。仍戴藍翎。五品以上。俱戴花翎。著為令。○諭軍機大臣等。據清馥奏。陝省庫貯存剩緞。疋解赴烏魯木齊貿易。准黃廷桂咨稱。內有水濕緞。一百七十疋。窄小絲鬆緞。九百八十五疋。未便接收轉運。仍令委員帶回。另換補運等語。此項緞疋。非解員不能小心照管。即收貯時。庫員不能防護。抑或辦買不能如式。著該督查明確實。係何人辦理不善所致。即令其

賠補。如根查無著。除將各級變價外。所有不敷原價之項。即著辦理不善之督撫等分賠。亦無不可。其變價時。祇可照時價估計。尤不可科派鋪戶。致滋擾累。至現在所少緞疋。及嗣後與哈薩克交易所需緞疋。陝省素非出產。恐一時難以購辦。黃廷桂可酌量數目。先期開單奏明。或於內府庫貯撥解。或於各織造處置辦運送。自可照數應用。不必於該省竭蹶措辦也。○又諭據託恩多奏。撥銀濟賑。

一摺。已批令如所議行。並飭知該部矣。其所稱災地衛軍。貧生。及兵屬。應照例各隨坐落州縣一體加賑等語。從前江蘇辦災案內。衛軍。貧生。兵屬。本有給賑之例。是該省已辦有成案。該撫何必又多此一奏。其意不過借此以見其辦理之周密耳。且江蘇給賑兵屬。舊例除家屬在三口以內。不准入賑外。其餘家屬。始行給賑。而該撫摺內。並未詳悉聲明。亦屬含糊。著傳旨申飭。○又諭。閱阿里衮所奏。

伊等已至呼爾塔克山。有賊人舊游牧蹤跡。搜查無獲。今額敏和卓。遵旨回游牧休息。於正月二十七日起程。伊仍至羅布諾爾。搜查。勦殺。即向巴里坤辦事等語。前據伊等奏稱。追勦沙喇斯瑪。呼斯等賊。向呼爾塔克山前往。嗣據額敏和卓之子素賚瑞報稱。阿里衮等已回。距吐魯番五百里。候勦殺藏匿之瑪哈沁等。即可徹兵。朕因與伊等原奏不符。暫行存記。今所奏殊屬含混。伊等如果因馬匹口糧不足。不妨奏明徹回。何必復稱前進。乃既稱向前追勦。俟辦畢始回。而究未得賊人蹤跡。不過於中途遷延行走。即謂為追襲。巧辭飾說。可乎。額敏和卓係回人。不足深責。阿里衮何為者。若朕未諭徹兵。則伊等將何如辦理。計此時阿里衮亦將抵巴里坤。著傳諭令其明白回奏。○又諭曰。阿里衮等。帶往軍前之右衛前鋒索諾木扎布。曾為厄魯特喇嘛等。遣往回部。熟悉伊地情形。因照額敏和

卓所言。繪圖令其訂正。奏呈朕覽。著將此圖發與雅爾哈善等閱看。如進兵時有應行查勘者。即相機辦理。索諾木扎布。仍著為前鋒。在雅爾哈善隊內奮勉行走。又阿里袞等。前至布葉地方。搜獲回人巴雅爾等。據供係庫爾勒伯克托克托之屬人等語。雅爾哈善等。進兵至庫爾勒。彼處人等。若輸誠歸附。即諭以仍令伯克托克托管轄。此時且隨軍効力。伊等既有名稱。前至葉爾羌。喀什噶爾等處。招降所識人等。自屬有益。其他收服回人頭目。亦可照此辦理。再義州馬甲巴爾泰。去年從回部脫出。頗知彼處路徑。亦著在前鋒効力。其從前由準噶爾脫出。安插安西之旗人內。有識回地路徑。情願効力者。俱行遣往。果能奮勉。將來仍令伊等來京。歸入本旗。俱著傳諭雅爾哈善等知之。○又諭據額敏和卓奏稱。自沙喇伯勒。前往回部。由巴達勒。可至喀什噶爾。由穆素爾嶺。可至阿克蘇。兩路俱

險僻難行。另有間道。選派熟識數人。前赴兆惠處。可作嚮導等語。額敏和卓所派之人。俱可信用。著傳諭兆惠等。務加意看待。再兆惠前往沙喇伯勒。在魯克察克進兵之先。如勦賊事竣。尚可趲赴。夾攻回部。萬一逾時不及。即詢額敏和卓所派之人。於應行堵截之路。派兵防守。倘回首窮蹙竄逸。自可弋獲。又據阿里袞。將額敏和卓。同前鋒索諾木扎布。所繪回部地圖具奏。朕看圖內。有自沙喇伯勒。通喀什噶爾。葉爾羌之路。著發與兆惠等閱看。○又諭據雅爾哈善等議奏。辦理回部事務。俱協機宜。看來成功尚易。但用兵關係緊要。仍當慎之又慎。於其易者難之。則事成更速。且永得安定矣。今兆惠等進勦沙喇伯勒賊衆。已諭令竣事後。取道夾攻回部。即勦賊需時。亦必派兵堵截。然雅爾哈善。係專辦回部。當與額敏和卓。悉心計議。至所奏伯克鄂對等三人。俱係回人頭目。懇請効力軍前。甚

屬可嘉。著加恩授伯克鄂對。為散秩大臣。賞伯克色提巴勒氏。伯克噶岱默特。三品頂帶。俱著戴孔雀翎。仍傳諭伊等。若能招降各城回人。即照舊令其管轄所屬。仍加恩封賞。○又諭吐魯番貝勒品級額敏和卓爾同將軍議奏。進勦霍集占等情形。看來成事頗易。朕甚嘉悅。昨賜爾貝勒品級。貝勒分內。有應置長史。護衛。司儀等官員。即於爾屬人內選補。俾得受朕恩。爾使令亦可得力。其職銜品級。

已據該部開列。即遵照補授。○甲申清明節。

遣官祭

永陵

福陵

昭陵

昭西陵

孝陵

孝東陵

景陵

泰陵。○遣官祭

孝賢皇后陵。

端慧皇太子園寢。○

上詣

壽皇殿行禮。○諭曰。御史楊方立奏。請鄉會試。加增周禮儀禮二經。命題取士等語。周禮儀禮二書。古禮之條繫節目。藉以考見承學之士。原可兼治。若考試專用五經。則行之已久。况二禮所載。其義蘊大半已具於小戴記。如

周官郊廟祭饗諸大典。散見於禮器郊特牲等篇。而儀禮中士冠士昏之類。即有冠義昏義等篇。為之詮發。是戴記原與二禮相通。不虞掛漏。現在立之學官。以一經命題。而未學膚淺。已有與春秋並目為孤經者。若再添設二禮。將來考官出題。或仍係戴記所有。是又徒成文具耳。蓋論窮經。則二禮自當兼習。而論作文。則仍不如戴記之有文義。可以發揮。昔人以為禮經義疏。正謂此也。所奏不必行。

摺發還。○諭軍機大臣等順德訥等自哈薩克邊界徹兵途中搜查逸賊盡行勦殺復將哈薩克錫喇之黨摩羅達什扎布等生擒實屬可嘉著加恩將順德訥交部議敘賞給世職努三授護軍統領額爾克沙喇封為貝子其奮勉効力之侍衛等案本身等級以次陞授防禦授為佐領佐領授為副總管遇缺即補委署防禦驍騎校護軍校俱令實授虛銜孔雀翎授三等侍衛虛銜藍翎准其實授藍翎侍衛餘著造冊送部議敘其陣亡人等係虛銜孔雀翎藍翎俱照三等侍衛藍翎侍衛職銜委署防禦驍騎校護軍校俱照所署職銜送部議卹永著為例再厄魯特察罕庫本班第二人著順德訥查明若未經授職俱授為三等侍衛已經授職亦以次遞陞順德訥仍遵前旨到巴里坤後稍為休息再隨雅爾哈善奮勉前進○又諭從前兆惠等徹兵過冬並未奏及沿途勦殺瑪哈沁等似伊等所

行之路全無一人今順德訥既將摩羅達什扎布擒獲復勦殺賊人如許富德回兵時亦然看來逃匿賊人正自不少兆惠特未留心搜捕耳事屬既往朕不復追究著傳諭兆惠此次進勦沙喇伯勒賊衆斷不可仍似從前疎畧務宜盡絕根株即有藏匿賊人聞信遠移者必隨其所向縱橫追襲勿謂已經解散遂生玩忽○又諭曰順德訥等審訊擒獲厄魯特宰桑摩羅等據供三次至巴里坤盜馬三百餘匹等語駐劄辦事大臣竟未見一次具奏即所屬未經呈報伊等漫無覺察所司何事且安知非被盜隱匿入於倒斃數內混行報銷著傳諭吳達善等將此二年內巴里坤馬匹共被盜幾次實數若干係何日月何人收放或屬人未報或伊等未奏之處務查明據實奏聞亦諭黃廷桂一併查奏其摩羅達什扎布等解至巴里坤時吳達善等即遴委官兵速解來京○又諭據桑寨多爾濟奏

稱親王齊巴克雅喇木丕勒公蒙固貢楚克齊旺多爾濟扎薩克固魯扎布貢楚克車琳等六旗蒙古人等被災較重生計艱窘朕心深為憫惻著派都統多爾濟帶銀一萬兩前赴土謝圖汗部落散賑以示體卹○又諭曰桑寨多爾濟奏親王齊巴克雅喇木丕勒六旗人等被災已降旨賑卹至所奏停止派差之處從前喀爾喀內一應差役朕已加恩改為官辦不知此外有何派累著傳諭成衮扎布查明若尚有差役將此六旗暫行停止至所奏請將查拏賊盜之協理台吉達瑪琳扎布宰桑達什扎勒賞給孔雀翎伊等查拏本地賊盜係其職掌非軍前効力可比姑照所請賞給若因已經賞翎不加奮勉著即行具奏又據奏請令三都布多爾濟協辦事務近經將軍成衮扎布奏令公三都布多爾濟協助桑寨多爾濟辦事朕已准行未知即此人否若非其人則仍用成衮扎布所奏但向西

路軍營調取尚需時日親王齊巴克雅喇木丕勒諳練事務即著派伊協辦○命駐劄西寧辦事副都統德爾素來京以副都統集福辦青海事○喀爾喀右翼固山貝子巴特瑪旺扎勒故遣官賜祭如例○乙酉

御書浙江

海神廟扁白保障東南○諭前據桑寨多爾濟奏俄羅斯畢爾噶底爾等報知逆賊阿睦爾撒納身死須作速遣人往驗當諭速派認識逆賊之人前往今據覆奏與親王齊巴克雅喇木丕勒會同哈畢坦等詳驗阿逆身尸肌肉尚完並未朽壞且面貌宛然但據伊等告稱薩納特衙門尚未有交付帶回之信是以不敢輕與等語據此則阿睦爾撒納之死益屬確實無疑朕前經降旨令將阿睦爾撒納尸骸解送京師特以逆賊情罪重大雖已自斃亦應懸之藁街以昭顯戮耳但其罪惡貫盈已伏天誅現今遣往之人會同詳驗確

實毫無可疑。則俄羅斯將阿睦爾撒納之尸解送與否。均可不必深論。著將所奏。識認阿睦爾撒納尸骸。確實緣由。傳諭中外知之。○又諭。據值年旗奏。應為民之漢軍人等所耕地畝。可否仍令耕種納租等語。此項人等向倚地畝為生。一旦裁去。恐不無失所。著加恩仍賞給耕種。其年老殘廢。不能當差者。念係當差年久之人。毋庸革差為民。仍留在本差行走。○又諭。曰。舒明係理藩院侍郎。著不必

兼護軍統領。其護軍統領員缺。著塔勒瑪善補授。○諭軍機大臣等。前因軍營臺站關係緊要。已有旨令永貴等加意安設。今兆惠等現在起程進兵。臺站馬匹務宜肥壯。方不誤馳送事件。著傳諭永貴定長自巴里坤至軍營臺站馬匹。如有疲瘦者。酌量更換。或自巴里坤派發馬匹前往。俱妥議辦理。並諭黃廷桂。吳達善等。四川解來馬匹。此時料已收養足用。即揀送巴里坤。以備接濟。俟永貴等咨

調時速為應付。○又諭。曰。副都統職銜阿蘭泰。効力軍前。有年。辦事雖未妥協。尚無貽誤軍機之處。著授為鑲黃旗漢軍副都統。來京供職。副都統福祿。著授為叅贊大臣。前往烏里雅蘇台。協同成衮扎布辦事。○又諭。從前將策楞。永常。舒赫德。玉保等家屬治罪。特以用兵伊始。而伊等貽誤軍機。因緣坐示懲。今逆賊阿睦爾撒納已死。軍務將次告竣。著將策楞。永常。舒赫德。玉保等子嗣。俱加恩免罪。充發者。召回。監禁者。釋放。玉保妻女。前入辛者庫。亦一併寬免。令歸本旗。○又諭。曰。兆惠等奏。都司富勒渾。蘇勒達。三等侍衛訥克布。藍翎侍衛愛普薩。自巴里坤運送軍器口糧無誤。且愛惜駝隻。不甚傷損等語。著將富勒渾等。及効力兵丁。造冊送部。照例議敘。○以鑲紅旗滿洲副都統公如松。正黃旗滿洲副都統舒山。對調。○蠲免山西介休縣水災村莊額賦。○旌表守正捐軀之直隸無極縣民

盧養全妻蘇氏。○丙戌諭曰。大學士陳世倌。老成端謹。學行兼優。簡任綸扉。勤勞夙著。昨以年老懇請致仕。朕已允其所請。令於今歲春融。從容就道。並加太子太傅。以示褒嘉。茲當陞辭。倍深眷念。既賦詩一章。以寵其行。著頒賞筵宴於賜第。令部院堂官往餞。賜帑金五千兩。為路費。馳驛回籍。仍按原品在家食俸。俾資頤養。起程時。著在京官員祖送。歸途所過地方。其有司在二十里以內者。俱著送迎。旋里之後。巡撫兩司。時加存問。俟家居一二年。自行酌量。精力尚健。仍可來京供職。用昭優眷。老臣至意。○以鑲藍旗護軍統領公恒祿署理正黃旗蒙古都統。頭等侍衛努三。為鑲藍旗護軍統領。○旌表守正被戕之直隸廣昌縣民譚陶氣子童養妻沈氏。○是月。欽差侍郎表曰。修奏報親赴各河查勘工程。得旨。知道了。工既多。爾等可分查。將某處是誰所查。具摺奏聞存案。若欲遍查。必不能周。

到。且不免互相推諉。可告之同事者。○欽差給事中海明等奏。前陳伊家河頭過水三尺。較原減半。實係湖水減落。又因上年河身微凍。中段河底有停泥數寸。至一尺不等。籌於口門圍壩迎挑。並將中段停泥撈濬。至微湖形如釜底。外淺中深。祇須口門加深三尺。使湖水高伊河。伊河高運河。即可暢流。得旨。知道。又批。此必有偷減尺寸冒銷之弊耳。當再行嚴察。○直隸總督方觀承奏。永定河淤灘地畝。例准附近貧民認種輸租。每戶不過三十畝。近多影射借占。且有旗莊人等冒認老園地業爭控。現飭員普丈清理。查永定河伏汛時。附近村莊應派民夫守堤。貧無業者居多。淤地清理後。莫若即分給。給照領種輸租。又兩岸越堤內亦有淤地。可種除旗民地畝。未經撥補者。仍聽本人領種。餘令各廳汛督河兵裁葦柳。得旨。越堤非正堤。尚可若正堤。則斷不可也。有如此者乎。查明奏來。○又

奏易州供應

陵糶并天津水師營滄州駐防兵米例應截撥南漕上年因天津北倉貯米多改撥支放今查該倉米石除撥過外尚敷本年各項供支有餘請仍改撥一年得旨好○又奏宣鎮派往鄂爾坤軍營官兵換防屆期需用駝隻價昂請照乾隆二十一年採買軍需例每駝給價十八兩得旨今次竟且不必換多住一二歲何妨或明歲或後歲駝價平時再奏則一

實錄卷五十七

三

切皆不致周章矣○又奏冀州屬之壘頭張各二村民地共五十六頃三十五畝有奇因滏河漫溢浸成鹺荒貧民刮土熬鹽私賣即令豁賦棄地恐賦豁而私煎不絕查該地原屬膏腴請借給工本令地方官督率墾復有收後分三年徵還得旨如所議行○奉天府府尹恩丕奏錦州府屬之錦寧義三州縣乾隆二十一二兩年徵收退地黑豆現停運通恐難久貯且上年豆收歉薄市價現昂請令

各該州縣每石減市價五分酌數出糶得旨如所請行○陞任江南副總河嵇璜奏邵伯運河并黃子朱家董家等湖水自開放歸江要路各閘俱消二尺有餘惟高郵寶應二湖僅消三寸餘查由引河上下水草叢塞已飭各該州縣設法芟除俾四月前水小時源源下注騰空湖面五月後水長先由引河分洩從邵伯諸湖入運歸江得旨此事卿料理甚合機宜可嘉之至又批此最要之務而向來

實錄卷五十七

五

因循從未議及若非朕去歲親臨看出誰肯為此當交河臣永守此規也○署江西巡撫阿思哈奏上年重運赴北阻水加剝經倉場直督奏於直隸藩庫並通州坐糧廳庫借運丁剝價一半於本省應領新運行月銀內扣還現查丁力拮据應照常支給北庫借款暫動糧道庫存漕屯輕齎銀解還於各丁應幫旗費項下催補得旨如所議行○署湖北巡撫莊有恭奏湖北上年代湖南辦運豫米動

碾倉穀已據該省將截漕米石陸續運抵請及時照市價每石減五分平糶秋後買穀歸款農民願借者令以一米二穀秋成時免息還倉四川運到楚米五萬石亦照此例辦理得旨如所議行○河東河道總督張師載等奏伊河放水後濟寧等州縣已涸村莊四百九十二未涸八百六十八已涸地四千六百八十四頃有奇未涸九千九百八十五頃有奇現修南旺壩口導汶北流孫家集一帶溝

實錄卷五五十七

四

槽堆築亂石黃水若不漫溢則微湖來水少去水多自漸次消落得旨如此論則所涸尚未及半何能慰朕懷耶爾等尚應設法速辦○河東鹽政西寧奏河東鹽池被水畦地衝沒前鹽政那俊會同巡撫塔永寧奏請借帑築堰開畦覆准在案查此時池水尚大畦地半難施工築堰徒費康熙十九年因大池水淹開六小池嗣經封閉現據各商認開應令修復畦地已涸者一併飭修原議築堰暫緩

借帑除應修各工餘給商添作資本分年扣還報聞○四川總督開泰奏金川與革布什咱結親構釁革布什咱多番衆通金川奪取丹多土司四朗多博登並赴援革布什咱之小金川土司子色剛桑均被圍吉地官寨小金川孫克宗地方亦有金川蠻兵除譯諭金川撤兵有不平允事稟明候斷外分撥弁兵往打箭鑪並近革布什咱之章谷泰寧等處駐劄復令沃日雜谷各土司派土兵赴孫

實錄卷五五十七

五

克宗助小金川防範令綽斯甲布乘金川圍攻吉地官寨時相機搗虛邀擊仍令川西文武員弁查看小金川兵力不足即稟撥土練往駐得旨覽奏俱悉只可如此辦理而已○兩廣總督陳宏謀奏總督新任例先調考所屬武職再往巡各屬考驗官兵兩廣武職多駐要地擬暫停調考俟秋親赴各屬官兵一併考驗得旨好似此有虛名而無實蹟者省一分人受一分之益

大清高宗法天隆運至誠先覺體元立極敷文
奮武孝慈神聖純皇帝實錄卷之五百五十七

實錄卷之五百五十七

四十一

大清高宗法天隆運至誠先覺體元立極敷文
奮武孝慈神聖純皇帝實錄卷之五百五十八

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十三年戊寅三月丁亥朔

上耕耤詣

先農壇行禮更服至耤田所

躬耕三推復加一推

御觀耕臺命裕親王廣祿誠親王允祕和親王

弘晝各五推吏部左侍郎董邦達協辦大學

士戶部尚書蔣溥禮部左侍郎彭樹葵兵部

尚書李元亮刑部尚書秦蕙田工部左侍郎

錢維城副都御史廣成通政司副使阜保大

理寺卿七達色各九推畢順天府府尹率農

夫終畝賞賚者老農夫如例。○諭據鄂寶奏朱廷揚之兄容縣知縣朱廷掄曾借朱廷揚銀五百兩捐復實屬不法請革職等語。前以朱廷揚虧空帑項至二萬餘兩本籍寄籍本當嚴察。朱廷掄係其胞兄自必知悉是以行令該撫悉心查詢。該撫但當詳究其有無隱匿至稱給銀捐復乃兄弟常情無論所借僅五百兩即朱廷掄之官全係朱廷揚借銀捐復亦並非干犯法紀。該撫遽以此奏請革職且即已查其任所貲財辦理殊屬過當但朱廷掄於查詢之時應將伊弟有無藏匿情節據實供出本無可罪之處乃供內妄稱伊弟承辦金川差務以致賠墊之語此則有心藉詞支飾巧為伊弟開脫矣。前此金川用兵凡供應差務絲毫俱動官帑何嘗令有司賠累且辦差者亦非獨朱廷揚一人也若謂伊弟虧帑實由於此則蔣洲楊龍文等之侵虧累豈亦皆因金川賠累耶該撫不將此情節

奏奏而反含糊請將朱廷掄革職查封可謂不知輕重所奏不必行其捏詞欺供處著交部議處可耳。○諭軍機大臣等據兆惠奏稱巴圖濟爾噶勒等送到馬匹派給官兵計現兵三千六百餘名富德領兵五百為前隊哨探餘兵分半令車布登扎布哈寧阿帶領續進伊與巴祿在後進發等語所辦尚屬妥協但巴圖濟爾噶勒所奏果木尼勒圖將伊隊內馬匹隱匿情節已命兆惠秉公審訊即未奉到諭旨此時巴圖濟爾噶勒豈竟無一語兆惠等亦豈未風聞巴圖濟爾噶勒係一不識字之厄魯特若非情事迫切且因伊隊內送馬官員等慮賠累處分又豈肯代為繕摺兆惠等乃總未奏及顯係顛預息事何以服人之心從前數次進兵雖厄魯特等頑梗難化反覆難信亦由此等徇私曲庇不能感服之所致朕每為追歎行軍之道當以感服人心為要兆惠等知此務將此事始末毫無偏

袒詳悉審擬具奏。巴圖濟爾噶勒看來人頗質實。兆惠等若能服其心。尚可以得其力。著傳諭知之。○又諭昨諭哈寧阿在雅爾哈善隊內行走。今既同車布登扎布進兵。著傳諭雅爾哈善即派兵數百名。委順德訥為前隊。無庸更調。哈寧阿前往。○命原任布政使署內閣侍讀學士溫福遇缺即補。隨定邊將軍營辦事。○戊子。

上詣暢春園問

皇太后安。○幸圓明園。○兵部議准直隸總督方

觀承奏。天津鎮屬之文安營都司。前經裁移多倫諾爾。請改鑄多倫諾爾都司關防頒給從之。○命厄魯特散秩大臣三都克在上駟院行走。○己丑。

上詣暢春園問

皇太后安。○還宮。○諭軍機大臣等。前因厄魯特巴雅爾等八人。隨端濟布効力行走。令從巴里坤咨送來京。今巴雅爾諾爾布曼集於中途病故。其沙喇巴圖爾穆呼賴和通托林

特古斯俱授為護軍。在察哈爾旗分安插居住。○戶部議准黑龍江將軍綽勒多奏齊齊哈爾黑龍江墨爾根等處倉糧。上年因災動借。現存無幾。請將呼蘭吉林兩處倉貯分運備用。仍於年豐糧價平賤時酌籌買補。從之。○廣西小鎮安土巡檢岑光綏故子幼。以其妻沈氏護印。下雷土州吏目蕭餘淳協理事。○蠲緩長蘆屬坐落青縣水災竈地額賦。○豁除陝西耀州砂石難墾馬廠餘地一百六十六頃八十九畝有奇額賦。○庚寅。

上啟鑾謁

東陵

西陵。○諭軍機大臣等。據吳達善奏稱喀爾喀賽音諾顏部落策凌與同旗得沁鎗斃卡座綠旗兵張存義。談成選尤雲啟。三人奪其駝隻軍器策凌旋被拏獲。俟緝獲得沁質審正法等語。從前準噶爾猖獗時。喀爾喀蒙古等畏懼。無敢越境盜竊者。今剿滅厄魯特以

安喀爾喀於巴里坤轉運糧馬分臺設哨而策凌等乃敢戕害兵丁轉若厄魯特既平更可向內地為盜受恩蒙古舊僕中有此敗類情甚可惡但將伊等正法不足蔽辜著查明所有家口產業分給被害三人之家仍傳諭成衮扎布等通行曉示四部落扎薩克等務宜約束所屬毋得越界為盜致干國憲○是日駐蹕烟郊行宮○辛卯靖逆將軍雅爾哈善等奏烏什城頭目伯克霍集斯兄弟子侄分居四城叅贊大臣額敏和卓在回部素有名望若令擇人行間於伯克霍集斯以離其黨則成功尤速商之額敏和卓亦以為然擬於吐魯番之伯克霍集斯舊屬中選數人俟取庫車後相機差遣又前奉旨詢圖爾璦與吐魯番同異據額敏和卓云圖爾璦即係吐魯番至現在軍營索倫兵僅四百五十名行文兆惠令添派五百名前來諭軍機大臣等據雅爾哈善奏招撫伯克霍集斯等事頗合

機宜但額敏和卓既為叅贊大臣即應列名同奏勿存分別之見至行文兆惠調發索倫兵丁現在遣送兆惠軍營之綠旗兵一千名因慮難及師期已停其前往是兵丁本屬無多且兆惠之機宜在勦雅爾哈善之機宜在撫兩路所用索倫兵自當權其多寡亦不必調往雅爾哈善軍營可傳諭兆惠雅爾哈善等若所調索倫兵起程未遠兆惠仍即追回此旨著速行飛遞○命總兵丑達五福閭相師等帶領綠旗兵在雅爾哈善軍營効力○是日駐蹕白澗行宮○壬辰諭軍機大臣等昨據喀爾喀親王桑寨多爾濟奏報逆賊阿睦爾撒納逃入俄羅斯出痘身死已命齊巴克雅喇木丕勒往驗屬實是大功將次告成雖尚有瑪哈沁等賊此次進勦即可掃除著傳諭集福等向青海蒙古通行曉示前命扎拉豐阿等於青海豫備堵截賊衆看來即有遁逃必非大隊若扎拉豐阿等派兵備勦少

涉張皇。則蒙古等未免驚懼。可酌量情形。如全無蹤跡。即當回京。現在辦理情形。若何作速具奏。○又諭曰。舒明在科布多軍營。已閱數載。著即來京。正紅旗蒙古副都統集福。駐劄西寧。其員缺著扎隆阿補授。在科布多辦事。其正紅旗蒙古副都統著德爾素署理。正白旗蒙古副都統順德訥。現在軍營。其員缺著舒明署理。○是日。駐蹕隆福寺行宮。○癸巳。

上謁

昭西陵。

孝陵。

孝東陵。

景陵。俱未至碑亭。即降輿。慟哭步入。

隆恩門。詣

寶城前行禮。躬奠哀慟。王以下文武大臣官員。

隨行禮。○至

孝賢皇后陵奠酒。○祭

先蠶之神。

皇后親詣行禮。○是日。駐蹕桃花寺行宮。○甲午。禮部議覆御史陳大復奏。請定命題考試各省拔歲貢。並優生到部朝考例。應如所請。嗣後考取拔貢。首場試書藝一。經藝一二。場試策一。去論判。改試詩一。朝考試書藝一。去論判。改試詩一。各省考試歲貢。判亦改詩。優生到部。向不朝考。嗣後俟到有四五名時。由部奏派大臣。試以書藝一。詩一分。等第進呈。

明通者。劄監肄業。荒疎者。發回原學。學政議處。從之。○陞任江南副總河嵇璜等。遵旨會議。陞任江蘇巡撫陳宏謀奏。江省淮揚徐海鳳潁泗等屬。應挑各河。請將近黃運河者。歸河員經管。關係民間水利者。歸地方官經理。並令民開濬小溝。引支達幹。即以開溝之土。相地築圩。無力者。借給飯食工本。低窪地畝。勘明分別減除額賦。可種葦者。改輸葦課。不能種。豁免。至黃河北岸。自李家莊至徐城之

蘇家山。九十里。前止築隄二十里。宜一體加築。范公隄。修補嚴查偷挖。泰興。如臯境內各河。並請開濬。應如所請。惟泰。臯。各河。岸高洩水甚易。毋庸開濬。得旨。議中。黃河北岸築隄一事。俟遲數年再看。餘如所議行。○大學士管陝甘總督黃廷桂奏。哈薩克本年七月。應在烏魯木齊等處交易。緞布等項。經運赴巴里坤收貯。努三赴京。於前月過肅。詢稱交易人數。不能豫定。內地茶葉。不必備往。粧蟒緞疋等件。亦不必過多。惟各色絨褐。糧毯。白布印花布等件。宜多購備。已飭陝甘各藩司。辦運巴里坤。交易有餘。即散給彼處官兵。扣餉歸款。報聞。○是日。駐蹕白澗行宮。○乙未。諭軍機大臣等。三泰至恰克圖。俄羅斯頭目。將阿陸爾撒納之尸交出。即速領回。若仍照從前告知齊巴克雅喇木丕勒之言。不即交給三泰。毋庸在彼守候。但曉示伊等云。我理藩院。已咨行爾薩納特衙門。爾薩納特衙門。自

必傳知爾等。彼時即交給我辦理邊境事務之扎薩克王等可也。曉示畢。三泰即著回京。○是日。駐蹕烟郊行宮。○丙申。上幸南苑行圍。○大學士等議奏。原任直隸學政莊存與條奏科場事宜。內稱鄉試官卷。應酌減中額。又據協辦大學士蔣溥奏。裁官卷。均奉旨交議。旋又奉旨。分大。中。小。省。定以二十名。十五名。十名。取中一名。並令妥酌議奏。請嗣後直隸。江南。浙江。江西。湖廣。福建等大省官生。二十名。取中一名。三十一名。取中二名。山東。河南。山西。廣東。陝西。四川。等中省。十五名。取中一名。二十三名。取中二名。廣西。雲南。貴州。等小省。十名。取中一名。十六名。取中二名。順天鄉試。滿洲。蒙古。漢軍。照小省。取中南北貢監。照中省。取中。不及額者。歸民卷。又莊存與奏。請酌定磨勘例。查磨勘舊例。簡明惟筆誤二三字。停會試一科。與字句偶疵。不妨寬貸一條。前後互異。請嗣後字句疵謬。罰

停會試一科。筆誤無關弊竇者免議。又奏請嚴禁考官代士子豫擬經題。應如所請。凡例得考官同考官等員。概不准為士子豫擬經題。至場內經題。向例同考官擬。考官書籤掣用。嗣後停。令考官自擬。又奏請取士經旨。悉遵用先儒傳註。應如所請。私心自用。及泥俗講者。概不錄。從之。○是日。駐蹕新衙門行宮。

○丁酉。
孝賢皇后忌辰。遣官祭

陵寢。○諭曰。清馥現在丁憂。陝西布政使員缺。著吳士功調補。仍護理巡撫印務。其直隸布政使員缺。著永寧暫行署理。○諭軍機大臣等。富森現在病故。達什達瓦游牧。著三寶前往經理。其糧餉事務。著富勒赫。僧保住辦理。○是日。駐蹕黃新莊行宮。○戊戌。大學士等議覆。刑部尚書鄂彌達等奏稱。私鑄銅錢。定例擬斬監候。但所犯數目情節不一。各省定案。情實緩決。每多參差。請嗣後私鑄十千以

上。並不及十千而私鑄多次者。均入情實。不及十千及鑄未成中止者。各督撫列入緩決。自因情尚可原。但照常監禁。安坐囹圄。轉無以昭炯戒。請照新定情重軍流人犯。發巴里坤等處種地。例改發種地。應如所請。令該部行文各省督撫一體辦理。從之。○禮部議覆雲南學政葉觀國奏。請酌定東川。昭通。二府鎮。並雄州。永善縣。廩生出貢年分。查各該學。乾隆十年。始額設廩增生各八名。廩生議補

十二年後起貢。今屆期。應照前定廣東。欽州學例。四年一貢。從之。○以直隸按察使永寧為直隸布政使。長蘆鹽運使喬光烈。為直隸按察使。○扎嚕特扎薩克鎮國公察罕齡華故。遣官賜祭如例。○以故青海扎薩克多羅貝勒達什車凌子丹巴車凌襲爵。○是日。駐蹕半壁店行宮。○己亥。諭曰。嵇璜已補授工部尚書。現在分路查覈工段。將來事竣時。自應與裴曰修。夢麟等。回京供職。河南工遠事

繁在在緊要。必得練習河務之人。以資勸助。著高晉協同白鍾山辦理。遇伏秋大汛。河臣既專駐清江浦。綜理其事。該撫即商定分駐徐州。俾水勢情形。彼此聲息聯絡。庶於河務有益。其平時仍可回署辦事。○又諭前兆惠奏。副將哈尚德解送軍營食羊二萬五千隻。沿途倒斃一萬五千六百有奇。據該員稟稱。原領之羊。即有疲癯等語。當即降旨交該督黃廷桂。及巴里坤大臣等查明具奏。今據陸續奏到此項羊隻。哈密闢展兩處俱係巴里坤大臣專委哈尚德查收牧放。自哈密起程時。該員自行揀選。及至闢展牧放。又經三四月之久。并將疲乏羊隻退回。而闢展接收之羊。亦係該員親揀解往。且於正數外多帶一千六百餘隻。已屬足數。何至倒斃一萬五千餘隻之多。哈尚德既經收牧放。又親行挑解。並非倉卒交收。致有病乏等情。而沿途辦理不善。遺失倒斃過半。尚種種捏飾。委之無

奈。哈尚德由廢員加恩錄用。乃承辦此等要務。並不實心出力。貽誤軍需。罪無可逭。哈尚德交巴里坤大臣。枷號示衆。並勒令照數賠補。以為怠玩公事者戒。俟賠補完日。再請旨發落。○諭軍機大臣等。去年命和碩齊等護送哈薩克使臣。於歸途之便。在額爾齊斯相近之輝邁拉呼布崆郭勒等處駐兵。凡從沙喇伯勒竄逸。及逃往俄羅斯賊衆。相機堵剿。今兆惠等進剿賊衆。必聞風奔潰。或向俄羅斯。或往額爾齊斯。阿爾台竄逸。俱未可定。兆惠等一聞信息。當遣發輕騎。知會和碩齊等。令其協同堵剿。但不可因額爾齊斯等處。已有和碩齊等堵截。遂將應行防範路徑。轉多疎忽。致賊衆得以脫逃。至伊等進兵月餘。此時現到何處。曾過伊犁否。賊衆情形若何。作速奏聞。○又諭前因擒拏阿陸爾撒納。勦捕逃竄賊衆。派索倫察哈爾等兵丁。在烏里雅蘇台等處駐劄。今阿逆既伏冥誅。阿爾台以

往地方寧謐。烏里雅蘇台兵丁初無所事。轉似防範喀爾喀邊界之厄魯特。恐車凌車凌烏巴什等不能無疑。且兵丁駐劄年久。自應酌量撤回。以示休息。可傳諭成衮扎布等於烏里雅蘇台。科布多等處兵丁量足看守倉庫。供應差遣外。其餘索倫察哈爾等兵丁。應如何分隊撤回。著定議具奏。和碩齊唐喀祿等帶兵不多。於歸途亦撤回游牧。再從前喀爾喀四部落。每年派兵防秋。今準噶爾既入

平定奏稿卷五十八

七

版圖防秋之兵。或仍照派撥。或當酌減併著議奏。○又諭索倫兵効力軍前。屢年未獲休息。今賊衆漸次勦滅。大功將竣。自可不日撤回。現議在烏魯木齊魯克察克等處屯田。令綠旗兵駐劄。雖嫻於耕作。而鎮守巡防之用。不及索倫。若令索倫兵同駐。似為有益。伊等每年進納貂皮。今移往駐防。既免其納賦。又有錢糧養贍。射獵資生。自當更覺饒裕。可傳諭綽勒多等於索倫兵丁內。揀選一千名。明

白曉示。以駐防之外。並無別項差遣。且於伊等生計有益。或今年先遣兵丁前往。來年再將伊等眷屬移去。料伊等自必情願。至揀選兵丁時。若戶口多者。恐其親屬相離。毋庸派往。惟小戶單丁為善。其作何選派。及攜眷駐防。果否與伊等有益。著綽勒多等定議具奏。○戶部侍郎辦巴里坤事阿里衮等奏。羅布諾爾回目哈什哈等投誠。查明戶口。歸併額敏和卓管轄。並曉令後遇厄魯特及他處回人逃匿。即行首知報聞。○是日駐蹕梁格莊行宮。庚子。

平定奏稿卷五十八

七

上謁

泰陵。未至碑亭。即降輿。慟哭步入

隆恩門。詣

寶城前行禮。躬奠哀慟。王以下文武大員官員隨行禮。○諭軍機大臣等。據集福等奏。稱奉到豫備兵丁。毋庸聚集之旨。即傳諭索諾木丹津。令其散遣。據稱若盡行撤回。恐倉卒難

於調發酌將近地者散遣遠道者仍在烏圖等處駐劄水草甚佳並無勞苦等語昨令兵丁仍回各游牧原所以示體卹今伊等辦理頗為妥協即照所奏行從前曾有諭旨若調用伊等兵丁加以恩賞今雖未調發業經聚集亦應酌量賞賜著集福等會議具奏又諭昨諭綽勒多等揀選索倫兵一千名駐防烏魯木齊等處並將攜眷前往之處議奏特慮伊等兩地瞻顧務使得所之意今思人情

實錄卷五五八

十八

安土重遷或攜眷亦非所願且駐防兵丁亦不妨更番戍守著傳諭綽勒多體察情形如不願攜眷即定以年限派兵更代酌量賞賜若有更代駐防舊例即查照辦理或無例可援即照出兵例減半賞給仍曉示伊等以駐防非用兵可比出自特恩此事究竟如何辦理綽勒多等即定議具奏是日駐蹕秋瀾村行宮辛丑諭據表曰修胡寶琮等奏豫省河道全工俱於二月內完竣等語開歸陳

汝等府頻被水滂上年特命表曰修會同該撫胡寶琮悉心商度廣為疏濬自發帑興工以來諸臣能仰體朕宵旰殷憂實心經理數月之間原辦續辦各工一律迅速完竣甚屬可嘉表曰修胡寶琮俱著交部議敘其在工承辦各員並著該撫等查明分別咨部議敘以示獎勵又諭據莊有恭奏川省運到米船十三隻並湖南漕船四十五隻灣泊武昌城外於二月初九日陡遇暴風江寬浪急並

實錄卷五五八

十九

各壞船八隻現在加緊搶救查覈米石數目其川運米船應咨川督於各運員名下查叅追賠至湖南漕船沉失米數應勒令什軍名下攤賠所損船隻亦令賠造雇運所有押運員弁及該地方官應一併查叅等語該處米船已經灣泊押運員弁自應小心防護但據所奏情節實係風起倉猝波浪騰湧人力難施尚非防守疎懈救護不力者可比所有沉失米石損壞船隻並著格外加恩免其追賠

其押運員弁應行查叅之處著一併寬免諭軍機大臣等兆惠富德等奏稱沙喇伯勒賊衆紛紜逃散果不出朕前諭所料但車布登扎布富德羅布藏多爾濟等皆分勦舍楞而進勦昂吉岱等衆賊惟兆惠巴祿恐兆惠未能辦理果決然業經區畫亦追改無及其巴圖濟爾噶勒亦著為領隊大臣在前哨探此次富德等擒獲扎哈沁哈勒拜等將賊衆全行俘獲在事官兵甚屬奮勉著造冊送部

實錄卷五十八

三十一

議敘哈勒拜等俱屬小醜自當在軍前正法其哈薩克錫喇等渠魁若經擒獲仍解送來京看來進勦賊衆尚易竣事雅爾哈善等辦理回部若照前定期轉覺後時著將兆惠等奏摺錄寄雅爾哈善等閱看並令將辦理情形作速奏聞又諭據兆惠等奏稱擒獲賊人供內有舍楞將入俄羅斯之語已行文科布多大臣知會和碩齊唐喀祿等語前經降旨令和碩齊等在額爾齊斯等處堵截由

沙喇伯勒逸出及逃往俄羅斯賊人今沙喇伯勒賊衆俱已潰散四出而舍楞又有逃入俄羅斯之信恐科布多大臣等文移遲滯著傳諭阿桂行知和碩齊唐喀祿等倘賊衆有向額爾齊斯逃往俄羅斯蹤跡伊等務留意堵截擒拏解送來京伊等駐兵許久以逸待勞斷不可稍有玩忽致令中途逃脫此旨到日阿桂即擇健馬飛遞令和碩齊唐喀祿等遵照辦理又諭據巴祿奏稱現在進兵由

實錄卷五十八

三十一

巴克庫蘇一路所設臺站馬駝倒斃者甚多經兆惠等移文永貴定長酌量添補等語軍臺關係緊要馬匹駝隻自應辦給足額方可馳遞無誤永貴等雖專辦屯田事務及巴里坤至魯克察克一路軍臺而魯克察克以外臺站更為緊要著傳諭永貴定長一體查辦勿分畛域所需馬駝即照移文添補仍協同巴祿不時巡察坐臺官兵務令加意牧放馬駝庶往還事件不致遲滯亦傳諭巴祿知之

○是日駐蹕半壁店行宮。

大清高宗法天隆運至誠先覺體元立極敷文奮武孝慈神聖純皇帝實錄卷之五百五十九

監修總裁官總纂官太子太傅文淵閣大學士文淵閣領閣事尚書府尚書大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂

總纂官經筵講官太子太傅文華殿大學士文淵閣領閣事稽察欽奉 上諭事件處管理刑部司部三庫事務

世襲騎都尉軍功加十九級隨帶加二級又加二級臣董誥內大臣戶部尚書領蘇州府知軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十三年戊寅三月壬寅諭軍機大臣

等

謝溶生叅奏青州守琳朝考試徇私一摺

據稱府考時意圖結識屬員將十一屬縣取

首名俱仍取作府首又於萊州任內有冒籍

即墨童生沈寶篆原籍浙江係離任典史沈

洪達之子該府縱令考試以致人心不服紛

紛攻擊等語府縣考校特為錄送院試其甄

別去取統聽學臣為政外省府縣官未必盡

皆長於衡鑒之人琳朝尚係進士出身若其

他府縣豈能先一一擇其素能知文者而授

大清高宗法天隆運至誠先覺體元立極敷文奮武孝慈神聖純皇帝實錄卷之五百五十八

之以任耶。在琳朝失察冒籍。自有提調官應得處分。至以縣取首名。俱仍取作府首錄送。未免依樣葫蘆。但情節本不甚重大。該學政摺內。輒稱市恩用情。毫無忌憚。殊為張大其詞。其中實在情節。抑或別有不合之處。著傳諭阿爾泰徐鐸。將此事始末。詳細查明。據實具奏。亦不得因有此旨。稍存迴護。屬員之見也。○補行乾隆二十二年軍政。奉天綏遠城卓異官四員。江西卓異官五員。有疾官一員。

平定縣志卷之三

二

俱分別陞賞。處分如例。○蠲緩江蘇山陽阜寧清河源安東高郵甘泉興化寶應銅山豐縣沛縣蕭縣碭山邳州宿遷睢寧海州沭陽贛榆淮安大河徐州等州縣衛水旱災民額賦有差。並偏災之上元江寧句容江浦等四縣漕項漕糧。○旌表守正捐軀之河南鄆陵縣民劉甫均女劉氏。是日駐蹕黃新莊行宮。○癸卯。上迴鑾。詣暢春園問。

皇太后安。○幸圓明園。○靖逆將軍雅爾哈善

奏。調派領隊侍衛官員。俱至魯克察克軍營。哈密貝子玉素布亦領回兵百名。於三月初一日到。其侍衛富紹等陸續帶來索倫吉林察哈爾兵計共一千四百餘名。兆惠等軍營兵可無調取。至應徹留屯田之綠旗兵。俟從巴里坤到時。照原派吐魯番三百回兵之數。徹換留屯本地。已支整裝銀。免其追繳。餘應得項並馬匹。移給回兵。回兵整裝銀。於奏帶

平定縣志卷之三

二

備賞銀內支給。至伯克鄂對等係庫車烏什庫爾勒等城頭目。平定伊犁時。迎降。即隨營行走。此次進剿。令其招撫各城。臣等候綠旗兵到。往哈喇沙爾。定期進剿。報聞。○甲辰。上詣安佑宮行禮。○以編修盧文弨署日講起居注官。乙巳。考試翰詹諸臣於正大光明殿。○戶部奏。江西湖南四川運濟豫省米石。請照湖北一體免徵船料。得旨著豁免。○命故喀

爾喀輔國公琳丕勒多爾濟之子車布登多爾濟襲爵。○丙午。

上詣暢春園問。

皇太后安。○丁未。諭曰。陳兆崙不稱太常之任。著降補太僕寺少卿。其太常寺卿員缺。著徐以烜補授。○又諭曰。周琬現在丁憂。福建巡撫員缺。著吳士功補授。吳士功未到任之前。巡撫印務。著楊應琚兼管。永貴著以侍郎銜留軍營辦事。陝西巡撫員缺。著鐘音調補。鐘

音未到之前。仍著吳士功署理。陝西布政使員缺。著方世儒補授。託恩多著調補廣東巡撫。鐘音不必俟託恩多到任。著即赴西安。其廣東巡撫印務。著陳宏謀兼管。莊有恭著調署江蘇巡撫。所遺湖北巡撫員缺。著馮鈐補授。其山東布政使員缺。著徐鐸補授。山東按察使員缺。著李治運補授。○諭軍機大臣等。據張師載等奏。東省未完工程。現在酌定分地督催。

等語。此係因接奏曰。修所奉諭旨。故為此奏。但東省不似江南。河南。工程浩大。繁多之比。即不分查亦可。至濟寧等州縣。二月下旬。續經涸出地畝。僅一百六十餘頃。其未涸者。尚有九千六百餘頃之多。但自去年辦理以來。通計前後所涸地畝。共有若干。仍著逐一查奏。所有現在未涸地畝。此時務須設法疏消。俾得乘時補種。農民多種一畝。即可多得一畝之益。若再遷延時日。轉瞬已屆夏令。大雨時行。衆水所注。更難為力。此與該處民生大有關係。該督等身任其事。務宜仰體朕懷。極力籌辦。並將實在情形。隨時奏聞。以慰廑念。可一併傳諭知之。○又諭曰。順德訥等隊內効力之厄魯特察罕庫本。班第。俱著授三等侍衛。賞給衣服銀兩。派乾清門侍衛德爾森保等。送至雅爾哈善軍營。効力行走。其家口安插。察哈爾人少旗分。嚮導擒剿賊衆之巴圖。根敦扎布。著同家口送京。伊等若未出痘。

亦在察哈爾旗分安插。○甘肅巡撫吳達善等奏。前據厄魯特宰桑摩羅等供。節次盜巴里坤牧馬。奉旨交查。查巴里坤馬被竊。前俱陳奏。且去歲九月。因雪大草枯。移牧塔勒納沁。十月間。巴里坤並無官馬。至倒斃馬匹。有耳尾可驗。但牧馬人員。被竊懼罪。捏報亦未可定。現詳查辦。再從前勦殺沙克都爾曼濟。收其馬駝。分賞効力兵自牧。或遺失被竊。臣等未能查出。請交部嚴加議處。得旨。此次著

從寬免其議處。嗣後當加意防範。○戊申。諭昨於正大光明殿。考試翰詹等官。親加詳閱。按其文字優劣。分為四等。一等王鳴盛。秦大士。錢汝誠。三員。二等錢大昕。周煌。沈棻。陳奎。國柱。錢載。紀昀。景福。朱珪。倪承寬。吳綬。詔。博明。梁同書。蔣和寧。盧文弨。十五員。三等德保。李中簡。鞠愷。羅典。盧明楷。秦泰鈞。邊繼祖。蔣鼎鍾。蘭枝。沈業富。葉酉。邵樹本。饒學曙。吉夢熊。甘立功。周長發。朱筠。張坦。勵守謙。朱佩蓮。

趙佑。路斯道。積善。蘇繼毛。式玉。二十五員。四等王猷。楊述曾。胡紹鼎。圖韜布。陳聖時。梁錫璵。全魁。陳齊紳。李英。周於禮。敬華。南。盧穀。陳淦。鼎。郎。阿。劉。天成。劉。定。迺。曹。洛。裡。十七員。編修王鳴盛。著陞授侍讀學士。修撰秦大士。陞授侍講學士。侍讀學士錢汝誠。陞授內閣學士。編修錢大昕。陞授右贊善。侍講周煌。從前革職之案。准其開復。編修沈棻。陞授右庶子。侍講景福。陞授侍講學士。侍講朱珪。陞授侍

讀學士。編修博明。陞授左中允。編修梁同書。陞授侍講。其二等未經陞用之陳奎。國柱。錢載。紀昀。倪承寬。吳綬。詔。蔣和寧。盧文弨。等八員。於應陞缺出具名題。奏侍講學士盧明楷著降補侍讀。侍讀學士周長發。降補侍講。右庶子葉酉。侍讀朱佩蓮。右贊善路斯道。左中允積善。俱以編檢降補。編修張坦。檢討毛式玉。俱著休致。侍講楊述曾。著降補編修。侍講學士圖韜布。降補侍講。檢討敬華。南。著以知

縣用編修胡紹鼎陳齊紳陳淦劉定道檢討王猷李英鼎郎阿劉天成俱著休致其餘四等未經降調者均著罰俸一年○又諭昨考試滿洲由別衙門陞用翰詹諸臣既閱其文又驗其人才分別等次一等德爾泰一員二等博通阿一員三等阿林泰方泰覺羅吾勒三富廷勝保五員四等查克丹一員少詹事德爾泰著加一級侍讀博通阿著陞授侍讀學士侍讀學士阿林泰降補侍讀侍讀學士富廷降補右庶子左庶子方泰右贊善覺羅吾勒三侍讀學士勝保右庶子查克丹俱著休致○調湖北布政使常亮為江蘇布政使湖南布政使公泰為湖北布政使江蘇布政使吳嗣爵為湖南布政使○已酉諭兩淮綱食引鹽現多壅積而今年戊寅綱又須請領引目按課輸銷商本不能轉運情形未免拮据是宜酌籌變通以疏壅滯著加恩將戊寅一綱提出停其捆運以便疏銷積引所有應

徵額課分作十年帶徵從此年清年額則引鹽既無遞壓之虞而各商轉輸亦得寬裕倘將來積引疏銷或有不敷行運之處該鹽政酌量情形照前請領餘引以資接濟該部即遵諭行○又諭據兆惠等奏稱巴圖濟爾噶勒瑚爾起等帶兵至呼斯坦地方適遇琿齊琿齊登山高呼乞降巴圖濟爾噶勒即差伊親隨布爾特庫將琿齊拏到并收其游牧人衆無一走脫者現在兆惠等帶兵輕騎前往伊犁等處勦滅賊衆等語巴圖濟爾噶勒瑚爾起等甫經進兵即將琿齊擒獲並將其游牧全行收取甚屬可嘉巴圖濟爾噶勒瑚爾起著交部議叙其奮勇効力官兵著將軍兆惠等詢問巴圖濟爾噶勒瑚爾起查明送部議叙差令呼喚琿齊之布爾特庫著兆惠等酌量賞銀以示獎勵○諭軍機大臣等覽兆惠等所奏擒獲琿齊等情形事機順利自可

早奏膚功。但伊等將所收琿齊等屬人俱帶領從軍効力。似覺可慮。倘逃走一二人。潛通信息。致賊衆聞風竄逸。甚有關係。著傳諭兆惠等宜留心體察。倘稍露脫逃形跡。即行辦理。○又諭據兆惠等奏稱。由巴里坤運送口糧軍器之第二起。遊擊菩薩保行走遲滯。駝隻疲乏。倒斃者甚多。第三起。遊擊唐朝舉相隔十日起程。與二起同至駝隻疲斃者較少等語。唐朝舉及同行官兵。著與頭起之富勒

渾等一體交部議叙。菩薩保著交部嚴加議處。○又諭據兆惠等查訊扎哈沁賊人知總管第魯巴於前年十一月巡查臺站至烏蘭烏蘇遇扎那噶爾布等搶掠。隻身奮勇鏖戰。為賊所害。深可憫惻。著交部照陣亡例加恩優卹。○又諭。昨諭兆惠等將巴圖濟爾噶勒所奏果木尼勒圖藏匿馬匹等情節。秉公查審具奏。今據奏稱果木尼勒圖支吾推諉。應候提取原稟之章京喀勒占到時再行質審。

辦理等語。此案情節。兆惠等宜向果木尼勒圖嚴加詰問。不當於巴圖濟爾噶勒有意吹求。從來審理案件。未有舍被告之人而專於原告是問者。非但不足服人之心。且致生其疑懼。兆惠等顯有偏袒姑息之意。著傳諭申飭。其果木尼勒圖仍遵前旨審明。即行正法。○又諭曰。富德等擒獲厄魯特巴圖巴布奇等戶口。將巴圖孟庫伯勒克留為嚮導。餘俱解送巴里坤等語。昨諭將來降之厄魯特等

賞給產業。歸入綠旗兵丁內差遣。特旨誠心降附者而言。其兵力擒拏者。不在此例。此次解送之厄魯特家口。係拏獲之瑪哈沁著照從前諭旨。送至肅州等處辦理。可傳諭黃廷桂吳達善等知之。○旌表守正被戕之湖南邵陽縣民胡永坤妻蔣氏。○庚戌上詣暢春園問皇太后安。○諭曰。蔣炳著寬宥。來京在軍機處司員上効力行走。遇有員外郎缺出補用。

諭軍機大臣等。碩色等奏據蘄州知州汪元懋稟報有流丐百餘人。由江省竄入大同鄉地方。搶奪雜物。格傷居民。張必萬等隨經飭委員弁陸續拏獲。何連等男婦九十四名口。並搜出刀斧等物件。現在究審。解江等語。江楚接壤之地。易為匪類潛蹤。并有實非飢民。託名丐食。竄入滋擾者。地方官因其流丐不行實力查禁。以致竊奪拒捕傷人。肆無忌憚。不可不嚴行懲創。昨據尹繼善等奏。宿松

高宗實錄卷五五九

五

縣流丐執械搶奪傷人一案。請將縱慝之典史等革職。已允。所請飭部矣。此等不法之徒。大干法紀。應即於緝獲審明之地。就案完結。不必押解歸案辦理。費兵役而稽時日。中途轉致疎脫滋事。著該督等即速查審明確。量其情罪重大者。於本處按律定擬。請旨完結。脅從各犯。解京分別發遣。以儆刁頑。其各該犯逞兇滋擾地方。該管官不能約束緝拏者。並著查明交部議處。江省現在查審此案。遵

照一體辦理。著併傳諭尹繼善高晉等知之。○又諭曰。成衮扎布奏稱。軍營附近等處。四部落游牧食貧人甚衆。不行驅逐。恐致滋生事端。隨派出官兵給與口糧。送回本旗。交該扎薩克嚴加約束等語。軍營存貯米石。備官兵之用。非易於運致者。且蒙古等以茗酪為生。向不專資穀食。今將逐回人等給以口糧。使各游牧聞知。貪得米石。來者必多。轉非資遣之法。此次業經辦理。嗣後倘有再來者。即量

高宗實錄卷五五九

十三

為懲治驅逐。無庸給與口糧。○旌表守正捐軀之直隸祁州民謝狗兒妻傅氏。新安縣民馬如龍女馬氏。守正被戕之山西洪洞縣民趙古絕妻林氏。○辛亥。諭據劉慥奏。州縣出借倉穀。每年秋收後。多不上緊催完。至春輒捏報還倉。旋即詳請出借。不過令舊借之戶換一新領等語。各省倉儲。向例春借秋還。青黃不接之時。貧民既得資其接濟。而秋收後。即照數徵收穀石。可以出陳易新。無不致侵

蝕懸欠。至次年。又可查覈待借貧戶。再行借給。若不如期催令完納。而以舊欠作新領。則出借之項。年復一年。不肖胥役。得從中影射侵蝕。更有欠戶逃亡事故。日久遂致無著者。且舊時領借之戶尚欠。而現在待借之戶甚殷。倉貯既虛。勢不能另為籌給。是名雖設倉備借。仍屬有名無實。大非慎重儲積。賑卹困乏之意。晉省既有此弊。他省諒亦皆然。嗣後各督撫務當嚴飭所屬。實力奉行。除緩徵州

縣外。所有民欠倉穀。各令依限還倉。勿得仍前玩視。其有捏欠作完。以欠作領。即查明叅處。庶俾借欠不致久懸。蠹弊可清。而緩急有備。可通行傳諭知之。○又諭。上年山西交城等四十八州縣。秋收款薄。已降旨將民欠常平倉穀。及借出社倉義倉穀石。分別緩徵矣。但其中有太原府屬之岢嵐州。嵐縣。保德州。及所屬之河曲縣。四處僻在邊隅。商販罕至。又因連歲災歉。民間已鮮蓋藏。官倉貯積亦

屬有限。糶借未免不敷。當此青黃不接之際。小民生計維艱。殊堪厯念。著加恩再酌給兩月口糧。按照定價折給銀兩。並將新舊地丁錢糧。一概緩徵。使窮黎度日。不至拮据。至大同府屬之大同。渾源。山陰。陽高。天鎮。朔平。府屬之左雲。右玉。朔州。平魯。九州縣。皆係地連邊境。承辦軍需。連歲秋收。亦俱歉薄。著一體加恩。將新舊錢糧。寬至今年秋成後徵收。以紓民力。該地方官實心經理。善為撫綏。副朕

加惠窮黎至意。該部即遵諭行。○諭軍機大臣等。現在兩路進兵。馳遞事件甚多。自巴里坤。至額林哈畢爾噶一帶。恐尚有藏匿山谷賊人。為行旅之害。但瑪哈沁等。諒亦無幾。可傳諭吳達善。在巴里坤兵丁內。酌派一二百名。令豆斌帶領。加意巡查。一遇賊人。即行勦殺。以清臺路。○又諭。據黃廷桂奏。侍衛孟雅薩爾。帶有回民黑巴斯夫婦三名。口其回婦巴喇彥。稱係伊族妹。因中途撞遇。一同帶歸。

現在將伊夫婦等暫留肅州收管。或應解送京城。或於就近安插。請旨遵行等語。黑巴斯係外藩回民。雖孟雅薩爾稱係親戚。亦並無實據。伊若已帶同進京。自不妨聽從其便。今既留於肅州。則解送來京。殊可不必。即於就近賞給綠營官員為奴可也。將此傳諭黃廷桂知之。壬子停止緩決重犯捐贖例。諭曰。刑部議駁御史葉啟豐所奏斬絞捐贖之例。應請刪除。以虞書金作贖。刑呂刑大辟疑赦。為訓。不知虞書原引而未發。而呂刑則穆王老荒時所為也。欲准贖祇係可緩之類。然能贖與否。終視乎有力無力。該御史所言未嘗不是。朕不能附該部之強詞奪理也。著將斬絞緩決各犯納贖之例。永行停止。俟遇有恩赦減等。其憚於遠行者。再准收贖。而贖錢則仍照原擬罪名。不得照減等之罪如此。則犯死罪者。貧富一律。不得幸逃法紀。而既減等以後。有力者得免遠徙。無力者莫可尤人。然

已幸慶再生。其著為令。○兵部議准。甘肅巡撫吳達善奏。稱甘省河東河西各驛額馬。乾隆十九年籌設口外軍務塘站。摘撥口內衝驛馬三百五十八匹。稍衝及僻遞各驛馬二百二十四匹。衝驛經題買補。餘尚缺額。應買補從之。○刑部議准。廣西按察使梁翥鴻奏。稱孕婦犯死罪。向例產後百日行刑。中有應擬凌遲斬決之犯。必俟百日後起限拷審。值產期尚遠。未免羈誅。請嗣後應擬凌遲斬決而案涉疑似者。仍俟產後百日詳鞫。供證確鑿。適值產期者。產後一月起限審解從之。○癸丑。上詣暢春園。問皇太后安。○還宮。○諭軍機大臣等。據織造託庸等奏。乾隆二十二年所辦絲觔。請勅部准照時價覈銷。一摺。該織造等前此曾以絲貴奏請加價。已加恩准其所請。絲價既增。則綴疋自應堅緻。乃伊等所辦。但見其日益粗類。

現在方令內務府查辦而伊等又會銜奏請加價覈銷其意直欲藉口絲貴援為成例年復一年何所底止此次二十二年所辦絲勛著加恩於所請增加之數給與一半報銷嗣後更不得援以為例現據楊廷璋奏各屬春來天氣晴和於蠶事甚為有益則今歲蠶絲收成諒非往年可比伊等當不得仍其故智復以藉口也將此傳諭託庸等知之○又諭據兆惠奏稱派給雅爾哈善之索倫兵請俟勦賊事竣再行發往等語此係伊等未進兵以前之旨近又諭令停止兆惠等若勦賊事竣即與雅爾哈善合兵辦理回部亦不必於押解人口時發往至所奏敏珠爾多爾濟等以哈丹等餘賊營壘堅固不能攻取已飭令嚴守隘口等語賊眾藏匿險僻不過偷生旦夕久之必無口食接濟我兵自應於要路防守相機攻勦斷不可委之而去此時若能辦竣固善否則將巴圖濟爾噶勒溫布由屯等

派出一二員領兵協助務絕根株嗣後伊犁等處賊眾有藏匿抗拒者亦照此辦理○又諭從前兩路將軍大臣等領兵勦賊往往分別彼此以致所辦軍務未能迅合機宜朕曾屢降諭旨訓飭今兆惠雅爾哈善分兵前進本路應辦事務各宜奮勉至若兩路聲息相通及會合一處尤貴和衷商確兆惠雅爾哈善車布登扎布俱世受國恩為朕簡用之人自當視國事如家事合兩路為一體現在辦理回部雅爾哈善既膺專閫之寄一應章奏文檄自宜首列若兆惠進勦厄魯特事竣往辦回部兩路會合時又當以兆惠居首總期伊等同心協力早奏膚功勉之勿怠○又諭昨因軍需羊隻道遠多致倒斃諭永貴等於屯田處所廣為墾種以裕軍食今據永貴定長等奏稱本年在烏魯木齊開展托克三哈喇沙爾等處共派屯田兵三千六百名墾地二萬九千二百畝計布種一千四百餘石可

收穀三萬六百石。較去年吐魯番闢展之數加增三倍等語。多種地畝。於軍食有益。現派兵數尚覺其少。或伊等計抽調留候成熟。僅得此數耶。抑或難於多得耶。但添派綠旗兵丁。其後隊尚未起程者。多係閒住。不妨暫令乘時布種。再陸續前往。至永貴等辦理屯田。當親往察看。董勸兵丁其勤於力作。多種地畝者。即量加賞賚。以示鼓勵。○又諭。近因兆惠奏派哈寧阿同車布登扎布進兵。曾諭令前往兆惠軍營行走。今哈寧阿既至魯克察克。同往哈喇沙爾。恐接到此旨。又復遑行。著傳諭雅爾哈善哈寧阿。此時若未趨赴兆惠軍營。即停其前往。如已遵前旨起程。亦不必追回。其帶領綠旗兵之丑達等。俱照所請賞戴孔雀翎。○工部議准浙江巡撫楊廷璋奏。江山縣境上年水衝橋道。係浙閩通衢。應修築從之。是日起。

上以孟夏享

太廟齋戒三日。甲寅諭軍機大臣等。吳士功已有旨陞任福建巡撫。陝西巡撫員缺。令鍾音調補。並令吳士功俟鍾音到陝之後。再赴福建新任。現在陝省員缺緊要。新任撫藩於文到後赴陝。均尚需時。日著再傳諭吳士功。所有陝西巡撫藩司印務。仍照舊管理。統俟鍾音到日。一併交代起身可也。○軍機大臣等議奏。據定邊左副將軍成衮扎布奏。稱土謝圖汗親王齊巴克雅喇木丕勒等六旗蒙古被災。前經發帑賑濟。並奉旨查停差役。查喀爾喀等安設臺站。牧放牲畜。官兵及值班台吉等。俱給錢糧。惟自游牧起程。辦給口糧軍器馬匹。稍有費用。請將土謝圖汗被災六旗。照從前扎薩克圖汗賽音諾顏二部落。十餘旗被災例辦理。應如所請。照例將被災旗分暫停差役。於各該部落內通融攤派從之。○又議。成衮扎布等奏。稱達什達瓦屬人。現在鄂爾坤等處游牧。錯處喀爾喀。易生事端。

前面奉諭旨。命酌移通肯呼裕爾。請乘青草萌生時。給口糧。派兵照管移往。應如所請。俟秋收後遷移。並行文黑龍江將軍等。酌定地方。豫為辦理。得旨。遷移達什達瓦屬人一事。成家扎布等。此時且不必宣露。若伊等知覺。即不肯努力耕種矣。再從前將軍綽勒多等。奏稱通肯呼裕爾地頗寬廣。達什達瓦屬人遷移甚便等語。此地近經安插厄魯特等。今又將達什達瓦移往。其如何分別指給游牧。

平定奏書卷五

三

及豫備接濟之處。著綽勒多即妥議具奏。御史姚成烈奏。直隸刑名案多未結。奉旨將承審轉審各官。並按察使。分別議處在案。查直隸臬司兼管驛傳。遇緊要差。須沿途督察。致審解人犯到省。羈時請將驛務改歸道員管理。俾臬司專力刑名。得旨。此奏實屬可行。而在今日。則又甚不可。何則。既有此弊。姚成烈何不言之於數日之前。今甫調用一喬光烈為臬司。而此奏隨至。今朕不疑為有故不

能也。夫藉建言而隱行其私。在朕初政之時。或可朦朧。今御極多年。此術不能行矣。然亦不罪姚成烈也。摺發還。○乙卯諭軍機大臣等。據阿爾泰奏。三月上旬。微湖涸出莊地已十分之六等語。前屢經降旨。令阿爾泰等查明已涸莊地。通計若干。其未涸者。令其作速疏消。現今既涸出十分之六。則未涸地畝及早籌畫。其勢自易為力。著傳諭阿爾泰。將未涸地畝。上緊趕辦。俾得乘時補種。倘不及趕

平定奏書卷五

三

種大田。即雜糧秋麥。亦當無誤。時植以資今冬。明春接濟。此時若不急為籌辦。將來大雨時行。更難施力。則阿爾泰不能辭其咎矣。○兵部議准。御史諸徐孫奏。各省驛站馬。近多私用。私借印帖。後巧立里馬。餘馬捐馬等名色。以避濫應。處分請嚴禁。應如所請。令各督撫查叅徇庇者。一併議處從之。○工部議准。署江西巡撫阿思哈奏。進賢縣上年水衝羅溪橋隄。全坍難修。係通浙閩驛路。應重建從

之○是月江南河道總督白鍾山奏報徐城黃河刷深尺寸河底通暢情形得旨覽奏欣慰既有明效則益當堅守束水刷沙之策不可為保隄放水之庸計以顧目前而貽遠憂也若能漸次刷深則其功亦我君臣二人居之勉之莫為屬員所動毛城鋪更要也○浙江巡撫楊廷璋奏仁和錢塘蕭山三縣江塘向未明分工段遇坍埝報修新舊牽混請照海塘例三十丈為一段編號立石至駐工防

平定全言十九

五

守海塘每里設堡夫一名隨時黏補缺損江塘請二里設堡夫一名得旨自可如議但二里一夫寧免有名無實之弊○閩浙總督楊應琚奏酌定防範臺灣事宜一臺民墾種侵越熟番地界應查明挑溝畫清界限一熟番通事社丁承充多外來游民機變滋累近來熟番半通漢語請即於番社中選充社遠無通漢語者酌留安實漢人仍結報該地方官查察一採辦戰船木工一匠入山帶小匠多

實錄卷五十九

五

名濫伐木材應按年需木數覈定匠額令該地廳縣給印照腰牌嚴加管束一逐水人犯例應遞回原籍不令偷渡近多遞鹿耳門潛住且有到籍後偷渡者請嗣後令地方官將案由備文差押臺防同知查驗配船押遞回籍並令本籍官文覆原遞衙門存案人犯起程久無原籍回文即移究又人犯偷渡多係充橫洋船水手此船每隻止需舵水十四名例准二十餘名請裁至十四名為率得旨皆應行之事如所議行○河東河道總督張師載奏黃運兩河須山東江南上下通籌妥辦向憑往來文移不但羈時且恐未能詳盡請定例兩省河臣每年九十月或二三月先期咨會乘勘工查河便將交涉各工會商連界地方應親勘者會勘合奏舉行猝遇險工本汛料物不敷就近於隣省廳汛撥用工竣抵還得旨甚應行者○大學士管陝甘總督黃廷桂奏前因防守吐魯番等處撥兵駐巴顏

布喇。今西路平定。且烏魯木齊。吐魯番。一帶
有屯田兵。應將原駐防兵。徹歸安西本營。但
令該提督於沙州西南之古莊子。沙素墩石
阿博党河口。古墩。紅山石。並巴顏布喇等處。
就近每處撥兵五名。分汛防守。得旨。好。如所
議行。○護理陝西巡撫清馥奏。常平倉糧。各
省例於青黃不接時。存七出三。借糶兼行。陝
西借多糶少。地艱挽運。歉歲。全賴本地倉糧
接濟。應通融搏節。按州縣上年收成。辦理收
成。好而倉糧未陳。停借糶。收成好而倉有陳
糧。糧未陳而歲稍歉。量借糶一二成。歲歉。按
出三例借糶。災區破格借糶。得旨。覽。○雲貴
總督愛必達。奏報沙匪黎忠直等。屯聚安南
國漫匪猛。配漫罵等處。撥兵防卡情形。報聞。

實錄卷五十九

三

大清高宗法天隆運至誠先覺體元立極敷文
奮武孝慈神聖純皇帝實錄卷之五百五十九

實錄卷五十九

三

大清高宗法天隆運至誠先覺體元立極敷文奮武孝慈神聖純皇帝實錄卷之五百六十

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次並慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級並董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十三年戊寅夏四月丙辰朔享

實錄卷之五百六十

太廟。

上親詣行禮。○詣

大高殿行禮。○諭前據尹繼善高晉奏宿松縣

流丐數十人執有器械搶奪傷人將縱匿之

典史等叅革并派委員弁追至楚省現經斬

州官役將流丐何連等拏獲監禁嗣據碩色

莊有恭奏到則流丐百餘人自江入楚攜帶

刀斧攫物拒捕格傷居民先後拏獲九十四

名口訊係江南潁州人民因本籍荒歉出外

求乞各等語朕遇各省偶有偏災不惜帑金

多方賑卹惟恐一夫失所自朕二十三年以

來常如一日此中外臣民所共知共見者上

年豫省被災地方大吏遵朕諭旨竭力撫綏

其流出本境者又酌量資遣回籍俾各安本

業潁州雖屬被災業已加恩給賑若該地方

官散賑得宜何致百姓逃荒然果係良民亦

自然守貧安分重去其鄉即就食他處亦無

私攜器械糾約多人沿途搶竊拒捕格鬪之

理則非因飢乞食不得已而流離轉徙者可

知此等莠民若不嚴加懲治必致所至騷擾

釀成事端所謂涓涓不塞將成江河也而該

地方各官既不能使賑卹之恩遍及俾百姓

不致逃荒而於玩法莠民又畏葸徘徊甚有

以驅出本境為了事者牧民之道固如是耶

現在楚省拏獲之何連等已交該督撫嚴審

從重定擬其江西省潁州及經過各州縣並著

該督撫查明逐一叅處其無知之人未必不

謂此等流民。可以不必深治。殊不思姑息此數十無賴之徒。而使地方良懦皆受其累。此所關於風俗人心者甚大。且執仗搶刦之盜。孰皆有身家而不乏食之人乎。翦除稂莠。正所以培護嘉禾也。可將此通行曉諭知之。諭軍機大臣等。據碩色等奏。拏獲江省流入楚境竊物拒捕之乞丐鄭三等。及續獲之王介等。分起解江審擬等語。此案人犯結夥至一百餘人。沿途搶奪。拒捕傷人。且各攜有器械。其為無賴莠民。為害地方。甚有關係。若任江省本州縣滋事之初。地方官早為緝拏懲治。何至輾轉越境騷擾。即沿途所過地方。能隨時實力查辦。亦不至肆無忌憚若此。總由該管各官。認為流丐。可以姑息從事。而督撫等亦未加意整頓所致。此案在潁州初犯時。高晉等既已辦理不善。今經碩色將各犯解江。著傳諭尹繼善高晉。即按奸徒聚眾之例。從重定擬。以示懲警。縱令出境之本州縣。及

各該處疎縱之地方官。並著該督撫查明。嚴行叅處。高晉等此時如尚不悉心實力查辦。務絕根株。恐伊等亦不能當此咎也。其楚省或尚有續報之犯。並即遵照前旨。就近嚴速辦理完結。不得意存委卸。輾轉解送。致有疎脫。自取罪戾。將此一併傳諭碩色等知之。丁巳。

上御乾清門聽政。諭曰。按察使納世通丁憂回京。奏懇差遣。著以原銜前往巴里坤。與德舒一同辦理糧餉。諭軍機大臣等。車布登扎布。富德等。探知布庫察罕往合哈薩克錫喇之信。分兵追捕。奮力勦賊。斬獲頗多。皆車布登扎布勇往所致。甚屬可嘉。著將從前所賜伊父額駙策凌超勇之號。即賞與車布登扎布。副都統職銜。溫布著補授副都統。公品級。扎薩克三都布多爾濟若已賞翎。即賞緞四疋。若未賞翎。著賞翎。仍賞緞二疋。扎薩克達什。授為公品級。其餘効力之侍衛官員兵

丁人等即酌量賞翎及造冊送部議敘伊等既會兵一處仍候續報捷音以膺懋賞又據兆惠等奏稱哈薩克錫喇布庫察罕等被車布登扎布窮追或逃入俄羅斯已行知和碩齊唐喀祿等堵截所見甚是可傳諭和碩齊等嚴行堵截并傳諭成衮扎布朕原擬自科布多派兵數百名前往策應恐未能趲赴但亦不妨豫備成衮扎布仍酌量現有兵馬若干交阿桂等豫備策應此次勦賊兆惠車布

平定回疆方略卷一百一十五

上

登扎布等既協力尾追而哈薩克之兵若又對面迎敵前後夾攻賊可全獲至堵剿舍楞雖有和碩齊等若發兵一隊尾追亦夾攻之道可傳諭兆惠即派兵數百名仍令車布登扎布富德帶領前往相機辦理○旌表守正捐軀之直隸無極縣民楊宏女楊氏○是日皇后行躬桑禮如儀○戊午諭軍機大臣等前諭兆惠等將厄魯特等辨竣即往辦回部章奏列名兆惠居首其傳諭事件仍以雅爾哈

平定回疆方略卷一百一十五

六

善首列亦可今思辦理回部既有雅爾哈善額敏和卓且車布登扎布富德等亦可協助兆惠久在軍營如已將哈薩克錫喇布庫察罕等擒獲惟餘舍楞著富德前往追剿仍令車布登扎布往辦回部兆惠即著來京朕既可詢悉軍前情事而伊母年邁亦得以省侍或此時止舍楞一賊即辦竣來京令富德等前往回部亦可朕意因辦理回部無用多人兆惠既可乘便省母稍為休息如有應辦事務再行前往又因一軍兩將恐有掣肘之虞不若事權歸一以專責成可傳諭兆惠等知之○又諭昨成衮扎布等請遷移達什達瓦游牧於通肯呼裕爾經軍機大臣議奏俟秋收後辦理朕即諭成衮扎布等將遷移游牧之事不必先使聞知恐伊等因此懈於耕作今思達什達瓦游牧移往通肯呼裕爾恐非伊等本意若到彼無計謀生仍須接濟且或致脫逃又滋事端莫若移往察哈爾或在巴

里坤附近阿濟必濟等處游牧。俟巴里坤駐兵屯田等事議定。即令長住亦可。此事仍待朕熟籌交議。著傳諭成衮扎布。此時惟勸課伊等耕種。其應移駐何地。俟議定後。臨時再行曉諭。○是日起

上以常雩祀

天於

園丘齋戒三日。○已未諭軍機大臣等。昨命兆惠擒勦厄魯特賊衆後。即著來京。原為商辦

平定縣志卷之五

屯田事務。看來厄魯特餘賊既除。則回部亦易於平定。惟明歲駐兵屯田。最關緊要。雖烏魯木齊等處。現在耕種。而伊犁尚屬荒閒。倘被布魯特等侵占。又須經理。朕意於伊犁等處。駐劄索倫兵及健銳營兵。二三千名。合之綠旗屯田兵丁。聲威自壯。此事須黃廷桂同來商辦。著將兆惠等追賊奏摺錄寄黃廷桂。閱看。黃廷桂亦不必趨行。可詢問兆惠起程信息。先期來京。其屯田事宜。即留意區畫。為

要。庚申

上詣

南郊齋宮齋宿。諭軍機大臣等。兆惠等奏稱。揀選琿齊。阿南達。哈什哈等。屬下壯丁五十人。現在隨軍効力。等語。可傳諭巴里坤辦事大臣等。於此等効力之厄魯特等家口。解到時。送往肅州。暫行安置。看伊等在軍前出力與否。再為定奪。此外所送人口。俱照從前辦理。亦傳諭黃廷桂知之。○又諭昨諭兆惠等

平定縣志卷之五

將舍楞。哈薩克。錫喇布。庫察罕等。擒勦後。即著車布登扎布。富德。前往回部。兆惠來京。另有商辦事件。恐其一軍兩將。或致有掣肘也。雅爾哈善。既總統回部事務。一切當與額敏和卓。悉心籌畫。奮勉辦理。看來辦理回部較準噶爾為易。伊等屬人內。如有悔罪求生。將布拉呢敦。霍集占。擒獻者。即可竣事。但附和逆酋為惡之人。若不嚴加殲戮。則回衆無所儆懼。日後又必滋事。雅爾哈善宜詳詢額敏

和卓將此等附和稔惡之人務必全行擒獲不留餘孽。庶地方常得寧謐。至蕩平回部後。即當定其貢賦。仍視準噶爾所取之數。毋得增減。或因伊等變亂之後。力不如前。酌量稍減尚可。所有貢賦俱著齎至巴里坤。官為運送。其各城頭目。應令入覲者。作何分年來京。亦定議具奏。現在伊等軍行所至。情形若何。作速奏聞。○辛酉。常雩。祀天於

園丘。

上親詣行禮。○詣暢春園。問

皇太后安。○辛圓明園。○諭杜爾伯特汗車凌

當準噶爾擾亂之初。即能識時慕義。率屬歸

誠。及準部蕩平。始終感激朕恩。抒忱効力。約

束游牧人等。甚屬安靜。今聞溘逝。深為軫惻。

著加恩賞銀二千兩。緞八端。治辦喪事。仍派

乾清門侍衛官長保。薩木坦。前往奠醊。其汗

爵即令伊子索諾木。袞布承襲。伊子年已十

九。應學習辦理事務。著將車凌盟長之缺。准其實授。車凌烏巴什等。俱係現在盟長。著賞車凌烏巴什緞六端。博斯和勒緞四端。剛多爾濟。巴圖博羅特。瑪什巴圖。各緞三端。可傳諭伊等。與索諾木。袞布。同心協力。約束所部。以副朕懷。其扎薩克達什敦多布身故。著於烏里雅蘇台侍衛內。派出一員。前往奠醊。○定邊左副將軍成袞扎布等。奏臣等奉旨烏里雅蘇台等處。駐劄索倫察哈爾等兵。應酌量撤回。四部落每年派出防秋兵。亦應裁減。查上年臣等奏准。北路軍營。留索倫察哈爾兵各一千名。右衛。綏遠城。滿洲兵五百名。喀爾喀兵五百名。綠旗兵三百名。除挑往西路。索倫兵四百五十名外。餘同察哈爾兵。俱應撤回。至烏里雅蘇台等處。倉庫牲畜。均需照管。新調滿兵駐防未久。及喀爾喀兵在游牧附近更換。請同綠旗兵。並俱留存。再四部落防秋兵。從前每年派三千名。定地齊集。今準

噶爾既平。即在各游牧豫備。以節糜費。下軍機處議。尋議成。哀扎布請留滿洲綠旗兵。照看倉庫牲隻。應如所奏。辦理其索倫兵無多。駐防日久。應同察哈爾兵。全行撤回。至所請喀爾喀兵。支給錢糧。現在地方無事。應照舊停支。或食糧有年。亦應減半。再防秋兵毋庸齊集。准各回游牧。得旨。喀爾喀兵丁錢糧。仍照原奏支給。俟索倫等兵撤回時。再如所議行。餘依議。○壬戌。諭據陳宏謀等奏稱。廣東

按察使沈偉業。年已就衰。現在患病。請解任調理等語。沈偉業著照所請。准其解任回籍調理。所遺按察使員缺。著許松估補授。○諭軍機大臣等。據陳宏謀奏。廣東按察使沈偉業告病員缺。請將該省道員王概。梁國治。就近簡用一員。陞補等語。藩臬為方面大員。由朕特簡補用。從無督撫奏補之理。此不可之甚者。已於摺內批示。陳宏謀久歷封疆。自應素悉。何至冒昧。若是。至另摺所奏。赴楚買穀。

為粵東補倉一事。使本省因戶不能居奇。辦理本屬妥協。但恐楚省舖戶昂價。至令委員裝作客商前往。相機平買。以為巧於用術。殊非政體。陳宏謀向在巡撫中。係才識優裕。素能辦事之人。若以陞任總督。矜心作意。急欲見長。適以自露淺狹。轉非持正之道。雖巡撫之於總督。局量攸殊。不能強致。然非朕之所望於陳宏謀者。可將此傳諭知之。○戶部題湖北巡撫莊有恭疏。報蘄州衛乾隆二十一年開墾屯餉民田地九頃七十三畝。應徵銀

米於丙戌年入額徵解。從之。○刑部等部議覆。漕運總督楊錫紱奏。稱糧船行走。脫幫越幫。例有明禁。是以被盜報官。將船扣留。兵役需索。地方官不加嚴緝。甚至盜賊公然強劫。請嗣後糧船被盜。旗丁報明運弁。移文緝賊。不必守候。惟強劫之案。暫停候驗等語。查糧船被賊。非尋常竊案可比。該旗丁報官。即時緝拏。便於弋獲。應如所奏。嗣後被竊船隻。一

經報明不必守候。至強刦重案。州縣勘畢。立即印票。趨行兵役勒索。以枉法科罪。失查文武。照例議處。又奏稱糧船過汛。文武俱應防護。乃積習相沿。視為故事。請嗣後糧船如有刦案。俱照城內失事例議處。應如所奏。嗣後糧船經過。除常案照例辦理外。如有強刦文武員弁。俱勒限緝拏。降級調用。又奏稱。每船一隻。例雇水手數名。其中多係積盜。各弁因旗丁不肯報官。遂不實力驅逐。請將水手為盜。運弁照案罰俸等語。查水手犯竊。向未定運弁處分。不無懈弛。應如所奏辦理。又奏稱糧艘向來積習。隣船有警。不肯救護。恐其懷恨報復。運弁亦委靡偷安。不知實力防護。請令空重千總輪流守望。如幫內被盜。運官分別罰俸等語。查駕運幫船。惟在員弁實力防護。使一幫之丁船水手。互相守望。其不行防護之員。定以處分。又奏稱賊盜最畏烏鎗。而糧船禁帶軍器。或准空重千總各帶烏鎗。以

備巡守等語。亦應如所奏。准其各帶烏鎗。一桿。該督編列字號。責令千總等收貯。以備稽查。得旨依議。速行。免甘肅蘭鞏平甘涼寧等六府屬州縣乾隆三年起至十年止。帶徵未完銀糧。以故廣西太平土知州李璋弟仁襲職。癸亥大學士等議覆。署江西巡撫阿思哈條奏。一雍正年間軍戶民戶一體編審。近年軍丁黠者。匿避疲丁。止憑戶族開報。長途重運。多致掣肘。請將九江南昌等衛坐落德化等二十四縣軍丁等。委南昌府同知查辦。吉安贛州等衛廬陵等三十二縣軍丁。委建昌府同知查辦。撫饒二所坐落江南建德東流二縣屯田並軍丁事屬隔省委廣信府同知會同地方官查辦。並酌定四年一次編查等語。應如所請。將九江南昌等衛所有屯田坐落地土。造具清冊。并將老戶及新生軍丁戶口徹底清查。毋得漏匿。一康熙年間清查屯地。將原地畝查出。定例回贖。原以杜

絕民屯私相典賣。今日久弊生。丁田民地。壟畝毗連。或暗中典賣。違例互移。亟宜清理等語。應如所請。委員將所有屯地。按軍丁州縣照冊查明。諭令回贖。詳細清釐。以杜隱占。一軍屯田租。自應隨時增減。以收實惠。查從前吉安建昌二所屯田。係佃戶耕種。折租交納。每糧一石。折銀二錢四分及六分不等。除完賦外。該丁每畝止得租銀一錢二三分。以致軍丁辦運拮据。現經酌議。將吉安建昌二所定為四錢八分及四錢不等。佃戶樂從。請飭令地方官傳齊丁佃。取結等語。應如所請。准其加增。但各佃租額。既經加增。恐平色等項浮於所取。應令該撫嚴飭州縣。實心辦理。毋使胥役滋擾。以上各條。該撫祇就江西而言。其他有漕省分。亦應隨時整頓。詳查具奏。得旨依議。速行。甲子。

上詣暢春園問

皇太后安。○乙丑諭軍機大臣等。據開泰等奏

革布什咱四朗多博登并色剛桑被圍救出。金川復帶兵回攻。丹多吉地現在分委。將弁曉諭控制。如有必需另辦之處。再行奏聞等語。向來番苗自相攻擊。原可不必繩以內地官法。此次金川與革布什咱等興兵構怨。據該督等兩次查奏。原不過因結親起釁。量其情形。本與蠻觸無異。但所奏有分撥土練彈壓打箭鑪等處地方一節。未甚明晰。該地係通藏之道。自屬緊要。然番目等如果不過於巢穴中自相刦掠。於打箭鑪何涉。即但開泰岳鍾璜素非好事之人。其所陳奏。慮其有偏於息事之意。斷不致過於張皇。果使土酋之意。不專在革布什咱勢必為邊圉滋擾。伊等別有訪聞蹤跡。則必須徹底辦理。當據實速奏。候朕另行降旨。然此非可以專恃川省綠營弁兵及畧派土練便可濟事也。再綽斯甲布現與小金川沃日諸土司聯絡。其人衆兵力不甚單弱。或傳知該土目果能自出其力。

懲創金川。則所得地方人衆不妨量賞伊等。以示鼓勵。以番攻番之策亦屬可行。總之情形非可懸度。朕意如果番蠻自相攻刦。乃事所常有。祇可將就了事。設不得不辦。則亦非川省綠營所能任其事者。十三年其明驗也。若事在必不可止。則該督等轉當以無事處之一切不露。而密行速籌二三千人數月之糧餉。一面奏聞請旨。奏到之日。朕自相機酌辦。若就現在委員曉諭約束。便可寧輯無事。則又不必多一番布置矣。將此詳諭該督等速行明白回奏。○軍機大臣等議奏查巡幸索約勒濟尖站圍場。乾隆十二年。經達爾瑪達都等。自京東直門出古北口。由熱河木蘭過索約勒濟山。至布林河。共二千九十五里。設大營四十三處。回圍由布林河沿陶爾河至海拉蘇台歸舊路。自錫爾哈河。經喀喇沁地方。駐蹕中關行宮。仍由熱河回京。共二千二百二十二里。設大營四十八處。往返共四

千三百十七里。設大營九十一處。哨內圍場四處。索約勒濟山圍場十七處。謹繕清單呈覽。俟命下日。咨行該將軍嚴禁圍場附近打牲人等。並令先期辦理應用物件。以備明年巡幸。得旨。交嚮道處酌量歸併。尋奏據嚮導處稱。尖站處所。從前相地而設。今欲歸併。必須勘明附近有無水草。難以懸定等語。請於嚮導官員內派人往勘。得旨。著派阿岱前往查勘。○吏部議准。調署廣東巡撫周人驥疏稱。粵東通省水利。向皆州縣印官。及縣丞。巡檢等。分界督辦。茲奉部行責成道廳。請將廣州府屬南海等十四縣水利。各就近歸佛山同知。海防同知。督糧通判兼管。惠州府屬歸善等十州縣水利。歸海防同知。督糧通判兼管。潮州府屬饒平等九縣水利。歸海防同知。督捕通判兼管。南雄府屬保昌等二縣。韶州府屬曲江等六縣。肇慶府屬高要等十三州縣。高州府屬茂名等六州縣水利。歸各府通

判兼管。雷州府屬海東等三縣。廉州府屬合浦等三州縣水利。歸各府海防同知兼管。瓊州府屬瓊山等十三州縣水利。歸海防撫黎同知兼管。羅定州屬東安等二縣。連州屬陽山等二縣水利。歸各州州判兼管。嘉應州屬興寧等四縣水利。歸州同兼管。至廣州一府水利。仍歸糧驛道兼管。南韶廉三府州。惠潮嘉三府州。肇羅三府州。高廉二府。雷瓊二府。各水利。均歸各道兼管。換給關防。從之。○考

選八旗軍政卓異官八十二員。不謹官一員。罷軟官十員。年老官十九員。有疾官十四員。才力不及官六員。分別陞賞處分如例。其曾經出兵打仗之年老官四十一員。有疾官四員。賞給全俸半俸有差。○丙寅。諭昨命納世通在巴里坤辦理糧餉。今駐劄既有大員。且無必需承辦之事。著前往魯克察克。同永貴定長。辦理屯田事務。○諭軍機大臣等。莊有恭奏。楚省流丐滋事一案。恐各屬有司辦理

不善。槩行驅逐。隨通飭屬員。如查無糾眾滋事。即聽其安分行乞等語。所奏甚不明晰。此案業交尹繼善碩色等。從嚴辦理矣。今該撫所謂如查無糾眾滋事。即聽其安分行乞者。其即指此案內之人耶。抑別指凡為流丐者耶。若指凡為流丐而言。則各省州縣中遊食求乞之人。固不可勝數。若輩不過望門求食。並無滋擾。豈有因其為流丐而即行驅逐之理。如謂此案內人犯。當分別其未曾滋事者。即置之不辦。則甚屬舛謬。該犯等業已聚夥至百十人。沿途行竊。又復拒捕傷人。則其有心恃眾逞兇。固已盡屬匪類。雖其中自有首從差別。而要無寬行寬免之理。若只將行兇拒捕。或持械傷人者數人。置之於法。而其他槩置不問。則此百十人中。何難以一二亡命之徒。挺身認罪。完結此案。而餘人皆可漏網矣。如此姑息從事。何以儆愚頑而昭炯戒。何該撫之貿貿乎。總之此等流匪。游食滋事。揆

其所由。總緣各督撫辦理不善所致。國家遇有水旱。加恩賑卹。動以數千百萬。各督撫果能董率屬員。實力撫綏。俾窮黎得需實惠。何至流離四出。舍現給之賑需。而沿門求乞。乃督撫等既不能奉行德意。使恩膏實逮於下。以致災民失所。輕去其鄉。及至有聚衆為匪者。又不嚴加懲治。以示警戒。而欲遷延將就。以姑息了事。是恩不足以拯困。而法又不足以警頑。此非各督撫之罪戾。而誰歸也。將此

聖諭奉旨

三

一

傳諭該撫。并碩色。尹繼善。高晉知之。其各省督撫。亦著於奏事之便。一併傳諭知之。○丁卯。諭據秦蕙田奏。請將各省流丐。遞解回籍。一摺。游食窮民。行止無定。探囊肱篋。無所不有。誠使各遣歸鄉里。編入甲中。嚴加管束。不復生事。自是清獄訟。息事端之良法。但此輩輾轉流移。城市村落。所在多有。必一一拘查押送。責成原籍保甲等收管。事理頗屬煩瑣。且恐沿途辦理不善。未免轉致滋事。此輩既

已流移。隨地乞食。原可聽其自便。惟是地方官向來積習。往往視為流丐。不加約束。是以若輩無所顧慮。甚至呼朋引類。恣為奸匪。如近日江南。潁州民流入楚省。百十為羣。行竊拒捕。此皆有司不行彈壓之所致也。夫流丐在境。固不必過為追逐。亦自當加以管束。與其紛紛移解。責成原籍收管。不若就所在地方。設法查禁。尚屬簡便易行。嗣後地方官。凡遇流丐在境。務須督率保甲等。諄切曉諭。

聖諭奉旨

三

一

仍不時留心察訪。如有逞強不法者。即嚴拿懲治。以警愚頑。庶於聽其營食之中。而即寓禁其滋事之意。既不必解送紛繁。亦不致漫無約束矣。直省諸大吏。其董率所屬。實力行之。勿視為具文也。○軍機大臣等議。奏直省各標營生息銀。現已遍行開賞。惟直隸大沽等十八營。山西殺虎協等四十二營。尚未開賞。其開賞各營內。已歸還原本者。湖廣貴州等省。而以息作本賞用存剩者。惟貴州獨多。

其餘有全未歸本有歸還過半并未及一半者。黔省此項銀與其存貯無用。莫若撥隣省作本生息。代歸原本後。再交未經過賞省分。生息開賞。實屬兩便。查雲南省現在未歸本銀九萬五百餘兩。應請即以貴州存剩銀五萬八百兩零作本生息。代繳原本。俟滇省清還後。此項應如何分撥之處。臨時酌辦。其他各省有數年歸還原本者。再有存剩。即照此辦理。從之。○戶部題山東巡撫阿爾泰疏報

實錄卷一百一

五

乾隆二十一年。霑化。聊城。安邱等三縣開墾旱地十四頃二十八畝。應徵銀米。至丙戌年限滿升科。從之。○又湖北巡撫莊有恭疏報當陽。長陽。鶴峰。建始等四州縣。乾隆二十一年分開墾地九十三頃二十畝有奇。應徵銀米。俟丙戌年起科納賦。從之。○以休致奉恩將軍成岱子清岱襲職。○旌表守正被戕之直隸滿城縣民趙海妻李氏。守正捐軀之沙河縣民李有伏妻董氏。○戊辰。

上詣暢春園問

皇太后安。○諭軍機大臣等。從前阿睦爾撒納副班第平定伊犁。命色布騰巴勒珠爾同行。曾諭以阿逆狡詐難信。當留心體察。若妄動滋事。即行辦理。伊若稍有識見。雖不能辦理。亦當據實陳奏。乃伊來京並無一語。設在他。人。竟似與阿逆相通矣。朕因革其王爵。以示懲戒。此次遣往軍營。伊自悔前愆。頗知奮勉。是以復封親王。所封王爵。在伊家達爾漢親

實錄卷一百一

五

王之外。伊為朕子婿。有過則督責之。能改則體卹之。庶幾不負教育之恩。而於眾內扎薩克更增光寵。著通行曉諭知之。○大學士等議奏。朝鮮通官。康熙十三年定額。上三旗六品三員。七品二員。八品一員。下五旗六品三員。七品二員。八品一員。上三旗由內務府帶領引見。下五旗論俸推陞。凡遇朝鮮進貢。及頒詔封王等事。或派四五員。若赦審事件。及會寧慶原地方交易。每次差二員。查朝鮮每

年往來禮節言語俱已熟悉。所有通官似可毋庸多設。應請將六品通官裁四員。七品通官裁二員。八品通官員數太少。應增二員。儘足敷用。其下五旗缺出。亦照上三旗之例。帶領引見補放。從之。免直隸霸州。保定。文安。大城。涿州。固安。永清。東安。昌平。武清。寶坻。寧河。清苑。新城。任邱。景州。故城。吳橋。東光。天津。靜海。滄州。南皮。鹽山。慶雲。宣化。萬全。西寧。龍門。懷來。懷安。豐潤。張家口。理事廳等三十三

實錄卷五六十

五

州縣廳。乾隆十年起至二十年未完民欠銀米。○已已諭吐魯番貝勒品級額敏和卓。効力軍前。備抒誠悃。朕心嘉悅。著加恩實封貝勒。仍以叅贊大臣。同將軍等辦理軍務。○諭軍機大臣等。現在雅爾哈善。額敏和卓。進取回部。自可立奏膚功。但擒獲逆酋後。仍另選本處伯克。令其辦事。伊等俱係新附。恐一時難知賢否。且伊犁駐兵屯田。關係甚重。亦宜豫為籌畫。從前伊犁地畝。皆回人耕種。今俟

回城平定。即將回人酌量遷移。與綠旗兵叅雜。額敏和卓。係回部望族。應同將軍大臣等。管束屯田兵丁。俟耕作嫻習。主客相安。再回吐魯番。方為有益。昨已諭將軍成衮扎布。攜眷駐烏里雅蘇台。額敏和卓。若願攜眷前往伊犁。亦准其同往。至一切進勦事宜。額敏和卓。頗屬實心効力。已命實封貝勒。嗣後益加奮勉。策勲懋賞。朕將疊沛殊恩。可傳諭雅爾哈善。額敏和卓。知之。○戶部題。直隸總督方

實錄卷五六十

三六

觀承疏報。熱河道所屬。乾隆二十二年墾過成熟地。三百三十六頃七十九畝。應徵銀米。當年起科。從之。○又四川總督開泰疏報。彭縣。灌縣。閬中。隆昌。興文。雲陽。榮縣。茂州。敘永。廳。永寧。東鄉等十一州縣廳。補首上中下則田地四十頃零。應徵銀兩。於二十二年徵收。從之。○旌表守正被戕之奉天復州民柳國柱妻劉氏。○庚午。諭曰。大學士陳世倌。老成端謹。學行兼優。叅贊綸扉。勤勞懋著。前因袁

病乞休。情辭懇摯。業經准其所請。復降旨優加錫賚。並賦詩以寵其行。俾得榮歸故里。頤養天和。俟一二年精力未衰。仍來京供職。永承恩眷。旋聞抱病。卽第。特遣御醫診視。時命大臣存問。冀其速痊。得遂歸田之願。乃今聞溘逝。朕心深為軫悼。著再加恩。賞內庫銀一千兩。經理喪事。派散秩大臣一員。帶領侍衛十人。前往奠醊。所有應得卹典。仍著該部察例具奏。○又諭曰。菩薩保遲誤軍糧。該部議

平定本三官六二

三三

以革職。應否仍留軍營効力。具題請旨。向例出征員弁。恐有藉端規避。是以仍留軍營効力。原指現在進勦者而言。今巴里坤係辦事之處。本非軍營可比。若一例准留効力。轉可為異日開復地步。該部既聲請失當。票擬復依樣加籤。均未允協。菩薩保依擬革職。不必留巴里坤効力。若其應賠之項。未完。亦不准回旗。仍留巴里坤。嗣後有似此者。俱照此辦理。○定邊將軍兆惠等奏。臣車布登扎布。令

副都統職銜溫布。搜捕賊衆。至額爾克騰鄂拓克。三月初九日。在鄂爾多布拉克之寨起爾山。追及賊衆。奪其營壘。臣兆惠於十四日。過阿勒坦額默勒。見有塵起。令明瑞往探進兵攻擊。明瑞擒獲濟喇特轄默爾根等餘賊。及家口。俱行勦殺。詢據默爾根云。推素隆集。賽八十餘戶。逃往鄂勒錐圖嶺。臣等派明瑞。安泰。瑪瑞。卽日起程尾追。我兵僅五十名。安泰。瑪瑞。分兩翼截其去路。明瑞帶兵合擊。賊

平定本三官六二

三三

不能支。向安泰投降。餘盡勦滅。除明瑞。安泰。瑪瑞。係御前行走之人。受恩深重。毋庸邀請議敘。其奮勉効力之領催羅托等。應請交部議敘。得旨。明瑞等領兵甚少。勦殺賊衆。奮勉効力。深屬可嘉。明瑞。安泰。瑪瑞。及効力官兵。俱著交部議敘。餘照所請行。○戶部題。署江西巡撫阿思哈疏報。乾隆二十一年分。南昌。新建。新喻。崇仁。玉山。貴溪。鄱陽。樂平。建昌。興國。等十縣。勸墾田地四十七頃四十八畝。有

奇應徵銀兩於壬午年起科交納從之

實錄卷五百六十一

大清高宗法天隆運至誠先覺體元立極敷文奮武孝慈神聖純皇帝實錄卷之五百六十

大清高宗法天隆運至誠先覺體元立極敷文奮武孝慈神聖純皇帝實錄卷之五百六十一

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂
總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務
世襲騎都尉軍功加十九級隨帶加二級人加二級臣董誥內大臣戶部尚書鎮邊旗滿洲都統軍功紀錄一次
尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十三年戊寅四月辛未諭曰兩廣總

督陳宏謀所奏增撥帑本收買場鹽一事自

屬酌量現在情形有難以辦理之處為此通融籌畫該部議覆摺內所有指駁之處亦未深悉端委鹽法攸關非詳悉查辦不能妥協著派侍郎古慶表曰修馳驛前往會同該督將粵省鹽務歷年以來領帑納課積鹽銷引實在情節徹底查明籌酌妥議具奏 又諭曰提督史宏蘊奏堪勝總兵人員一摺將記名之副將郭金章保薦並稱該副將於五年

俸滿案內引見甫經回任等語。其意竟以引見未久。不必再行送部。殊不知保舉總兵大員。原期遴選卓越之材。以膺專閫之寄。非俸滿送部尋常陞轉者比。且俸滿記名人員甚多。並非即以總兵擢用。今史宏蘊既以副將郭金章保薦。又不送部引見。殊失鄭重遴選之意。至叅遊都守與總兵階級本自懸殊。特以人材難得。其中果有才畧出衆者。不妨破格兼收。以備錄用。亦非令該督提等勉強塞責。以開倖進之門也。郭金章仍著送部引見。將此曉諭知之。○諭軍機大臣等。前據陳宏謀奏。請增發帑本收買場鹽一事。所奏殊未明晰。該部奏覆。所有指駁之處。亦不過就所奏逐條議覆。於該省實在情形。難以懸揣。已降旨吉慶。馳驛前來。同袁曰修。前往粵東查辦。吉慶於鹽政事宜。素所熟悉。此案必須徹底清查。但恐其意在釐剔。遇事過於吹求。轉至失當。袁曰修。向於釐務雖未經歷。而到彼

察看情形。自可得其梗概。所有歷年來帑本課項。出入盈虛。及鹽引積銷。應行辦理之處。已令吉慶會同查覈。至此案清理。務得實在情節。毋庸牽涉多人。張皇提解。或致滋擾。此則袁曰修所當秉公持正。會商辦理者。陳宏謀素稱練事。特其秉性。未免心存畛域。形迹未化。袁曰修到彼。可當面傳諭該督。此事係歷任相沿。不自陳宏謀始。諒伊甫膺簡任。自不敢稍存迴護之見。俾明曉此意。三人無難開誠相與。悉心稽覈。不為意見所累。其商酌章程已定。或有目前不能即刻趕辦者。可交該督從容料理。亦不必急遽剋辦。俾邊省人望相安。庶為得體。著將此明晰傳諭知之。○以侍講學士景福。侍講全魁。編修蔣櫟。盧文弨。積善。充日講起居注官。○壬申。孝端文皇后忌辰。遣官祭昭陵。○諭曰。兆惠現在軍營。袁曰修。吉慶。又俱出差。戶部辦事之人。李元亮著暫行兼署戶

部尚書事務。調吏部侍郎三泰為戶部侍郎。盛京刑部侍郎石柱為吏部侍郎。以內閣學士伊祿順為盛京刑部侍郎。內閣學士莊存與為禮部侍郎。免直隸魏縣大名元城清豐南樂清河威縣景州故城東光交河阜城吳橋東明開州長垣滄州青縣宛平西寧蔚州延慶保安宣化萬全懷安懷來赤城四旗等二十九州縣廳乾隆二十二年分水災額賦。癸酉。戶部議覆御史史茂條奏。一月選各官借貸赴任。放債之人乘隙居奇。創立短票名色。七扣八扣。輾轉盤剝。請嚴行禁止等語。應如所奏。交步軍統領衙門五城御史出示曉諭。凡短票取利。即拏交刑部治罪。銀兩入官。被害之人許其首免。一。各省督撫俱膺重寄。藩臬道府身受殊恩。自宜潔己率屬。凡勒派勒借收受餽送等事。久違例禁。但積久玩生。或所不免。至州縣交代。帑項攸關。上司出巡。夫役需索。請豫為防閑等語。應如所

奏。行令各督撫嚴密查察。毋得徇隱。倘有藉端迎合。交代徇情者。嚴叅治罪。一。州縣一官風化所係。奢儉之際。貪廉見焉。誠使督撫躬行節儉。而屬員尚蹈奢華。轉移之權。大吏安在。應如所奏。行令各督撫時加訪察。一。有確據。即予嚴叅。從之。又議准直隸總督方觀承疏稱。通州四旗倉廩不敷貯米。請添建廩座二十間。所需工料。於建倉銀內動撥。從之。禮部議覆御史劉龍光條奏。一。生員歲科兩試。向用四書文二篇。經文一篇。後以不准給燭。刪去經題。雍正六年。覆准定例。歲試兩書。一經。科試一書。一經。一策。冬日減經藝一篇。近奉旨鄉會試。篇數既減。請嗣後冬日歲試。一書。一經。科試一書。一策。春夏秋日。增律詩一首。應如所奏。嗣後歲科兩試。俱准減篇數。惟不論四時。俱增律詩一首。但各省士子土音不同。驟難責之諧律。俟歲科兩週後。再憑去取。又奏稱。乾隆十九年。巡撫陳宏謨題。

閩省重考之弊。因各屬考棚窄狹。一縣童生。分場考試。是以一人先後冒考。若合為一場。則人各領卷。不能分身。其弊自絕。但其言專指閩省。請敕下各省學臣。查明有無重考縣分。如果人多棚隘。奏明增添號舍。至兩縣同城。保無熟識互換之弊。亦請合一場考試。應如所奏。嗣後學臣考試童生。一縣務併一棚。不得分場疊考。其兩縣同城。亦照此例辦理。從之。○以湖北按察使和其衷。為貴州布政使。歸綏道圖桑阿。為湖北按察使。○甲戌。上詣暢春園。問

皇太后安。○諭京師二三月間。雨澤應時。入夏以來。雖節次得有微雨。尚未霑足。今麥秋已屆。待澤甚殷。朕心甚為軫念。宜申虔禱。期沛甘霖。著禮部即查照定例。敬謹舉行。○又諭曰。阿桂現在軍營。所遺工部侍郎員缺。著夢麟調補。所遺戶部侍郎員缺。著吉慶補授。阿桂遇有部院侍郎缺出。再行補授。○諭軍機

大臣等。前據塔永寧奏。晉省蒲解絳三屬得雨較大。其餘各屬。雨澤皆未深透。現在率屬虔禱。期於芒種以前得有透雨。以資佈種等語。當於摺內批詢。以後如陸續得有雨澤。自應奏報。何以至今尚未覆奏。殊深厯念。著再傳諭該撫。將近來曾否得雨情形。即速據實具奏。設有早象。何以先事綢繆。毋致張皇以安民情。並著速議。尋奏省南平蒲潞澤等十府州屬。於四月初得雨霑足。近省一帶。暨省

北沿邊。四月十七日。得有透雨。各屬稟報十七十八。同時得雨者。四十九處。道遠尚未報到者。十一處。得雨四十九州縣內。深透可佈種者。三十一州縣。廳未能全種者。十八州縣。臣細詢各屬氣候。近省一帶。芒種後即不能佈種大禾。省北沿邊。夏至前尚可趕種。其餘糜穀。收麥等項。即六月中尚可陸續佈種。得旨覽奏俱悉。○吏部等部議。湖廣總督碩色疏。叅知府李泌。知縣馬汝明。及前任正署

知縣虞學灝等。加徵私派。將累任失查各上司。分別降革。得旨。此案失察屬員私派不行。揭報之該督撫等。分別議以降革。但向來外省失查屬員至降革者。往往以事屬因公。且人材難得。故加恩留任者多。然以此視為泛常。遂致姑息容忍。此案私派加徵。歷有年所。乃從未經見之事。該上司徇縱許久。漫無覺察。非尋常因公累誤者可比。若不嚴加懲處。何以別積弊而肅吏治。但案內人數衆多。且有向曾出力。尚堪策勵者。自當量為區別。范時綬。李治運。新柱。永興。開泰。俱著革職。從寬留任。彭樹葵。在倉場任內。既無所短長。及任侍郎。亦不過旅進旅退。著照部議降三級調用。阿里衮。近在軍營辦理沙喇斯瑪呼斯賊衆。亦未能奮勉。著革去侍郎。仍以副都統革職留任。沈世楓。材似堪用。而總不肯實心奮勉。一味模稜。但革職又覺可惜。著以道員降補。德福。著銷去紀錄十二次。免其降調。王勅。

張為旃。德文。俱依議降調。不必出具考語送部引見。餘依議。○乙亥。諭軍機大臣等。朕閱兆惠等節次奏報。於追賊一事。全無端緒。惟圖苟且結局。哈薩克錫喇。瑪里格爾。巴朗布庫察罕。鄂哲特。烏爾古勒。濟勒。鄂勒哲依等。皆叛賊渠魁。俱已兔脫。焉能竣事。即如布庫察罕。富德曾受其欺。今並未奮往追擒。半途即返。去年富德頗為効力。邇來似不如前。至哈薩克錫喇。隻身遁逃。據俘獲生口所供。伊同布庫察罕等。與哈薩克約誓。或逃入彼處等語。兆惠等自應窮追向索。乃並無一言奏及。去年追阿睦爾撒納時。我兵直抵哈薩克邊界。今亦當提兵壓境。令其速行擒送。若稍有支吾。即進兵搜捕。方合事機。不可以賊衆業已潰散。遂欲往辦回部。即現在起程前往。亦遵旨復回。務俾渠魁全獲。此次車布登扎布。富德等。尚稍能効力。兆惠。巴祿。有何勞績。前年兆惠領隊進剿。軀命所關。始知奮勉。今

統率多人。即生推諉。往往避難就易。即如所奏。賊蹤已向伊犁。伊等皆約於伊犁會合者。何以未曾相遇。若謂竄伏潛逃。則軍營自有卡隘。焉能偷越。兆惠等務將何人追逐。何人堵截。明白迴奏。又所奏巴圖濟爾噶勒擒獲噶勒雜特。宰桑特克勒德克。甚屬可嘉。兆惠等進剿時。若早遣其効力。應已多擒數賊。不致漏網。巴圖濟爾噶勒及各隊効力官兵。俱著交部分別議敘。再圖倫楚尾追布圖庫。未及而回。若云應當議罪。則兆惠等亦未能奮勇追賊。獨無罪乎。可傳諭兆惠等。加意奮勉。俟現在情形。回奏到日。再將圖倫楚等。一併交部察議。○又諭。適據巴里坤大臣等奏稱。現在豫備軍營之馬。計一萬七千匹。已飭該管加意防守。牧羣等語。此項馬匹。俱係恭養臆壯。若兆惠等馬匹疲乏。即休息牧放。將巴里坤馬匹。調赴軍前應用。俟原馬臆壯時。互相更替。自必有益。可傳諭兆惠等。若事屬可

行。即派巴圖濟爾噶勒。領兵至巴里坤。收送軍營。若軍營馬匹。尚可應用。即毋庸調撥。再運送軍營口糧。曾諭留意搏節。今據奏。又經續運。現在收獲賊人牲隻頗多。口糧自必充足。兆惠等宜設法存貯。勿恣糜費。○又諭。現在阿里衮。已抵巴里坤。吳達善著回甘肅。巡撫之任。至阿里衮所奏。招服羅布諾爾。回人一事。此等回人。自守其地。無甚關係。即有逃匿之厄魯特等。伊等亦未必能擒獲。前經賞給緞布茶葉。嗣後不得援以為例。○兵部議准。浙江巡撫楊廷璋。疏稱。處州鎮標左營。分防龍泉。地當衝要。軍局教場二項。因公費不敷。尚未建設。請照滿漢標營之例。於司庫撥項興修。從之。○丙子。諭軍機大臣等。阿里衮等奏。稱在於巴里坤現有之索倫。吉林。綠旗兵丁內。揀選二百名。令豆斌帶領前往。巡查臺站。以靖地方。於四月初八日。自巴里坤起程等語。朕從前降旨。命豆斌帶兵二百名。前

往巡查臺站。特為肅清巴里坤迤西額林哈畢爾噶一帶所設臺站。并搜除各處藏匿賊人。今伊若止將附近之賊人擒殺。而藏匿於山林幽僻之處者。不行剿除。則臺站斷不能肅清矣。著將此傳諭豆斌。於巡查臺站時。所有山林幽僻處所。務須加意搜尋。逐一剿殺。如伊等馬力尚好。其戈壁內哈布塔克拜達克。及阿濟必濟等處藏匿之賊人。即照此一并搜除。以靖地方。倘非順路。即於回時查辦亦可。若相距寫遠。則不必矣。○又諭陳宏謀。已有旨令其仍回江蘇。以總督管理巡撫印務矣。朕因巡撫缺出。一時不得其人。伊曾任江蘇。該省吏治民情。其所素悉。且自擢任總督以來。觀其近日所奏一二事。不免有囿於意見。物而不化之處。殊未愜朕心。兩廣沿海邊境。恐不甚相宜。是以特有此命。伊家本廣西。去歲原曾具摺奏請迴避。今仍用江省。適遂其初心。如更充拓器識。將來或有近省總

督缺。仍可酌量調用也。不可因此妄生疑慮。而不奮勉。將此傳諭該督。俾知朕玉成之意。○又諭前曾降旨令裘曰修。吉慶前往廣東查辦鹽務。彼時以陳宏謀在廣。不免有偏執意見之處。是以令裘曰修會商辦理。今陳宏謀已有旨調回江蘇。所有粵東鹽務。吉慶一人足以查辦。裘曰修可不必前往。伊前奏現往潁毫一帶查看工程。其應行查看之處。著仍往查看。伊出差已久。俟事竣即行回京可也。○兵部議覆山西巡撫塔永寧疏稱。晉省綠營字識名糧一千五十餘名。甚為繁多。現在裁減。各省情形畧同。請一體辦理等語。應如所奏。每兵百名。衝繁營分不得過三名。簡僻營分不得過二名。各省亦按繁簡定數造冊報部。多設即照例參處。又奏稱。綠營吹手糧四百餘名。原供操演號令。乃平日守令充轅門鼓吹。虛占糧名。且屬僭越。應請除專營副參外。概不許用。至操演大營不得過五名。

中小營分不得過三名。餘匠糧悉裁等語。應如所請。通行各省遵照。又奏稱。綠營陋習。無論大小衙門。皆設有傳號值旗等名目。甚至親隨伴當。每班至十數人。請嗣後按衙門大小酌定名數。於目兵內輪流承值。其役使人等在餘丁內揀用。應如所請。武職衙門所用。人役。務令酌定名數。并跟役在餘丁內揀用。倘有將兵任意役使者。查叅議處。從之。○以正紅旗漢軍副都統齊斌。署鑲黃旗漢軍副

卷一百一十一

都統。○調湖北巡撫馮鈐。為湖南巡撫。署江蘇巡撫莊有恭。署湖北巡撫。以廣州將軍李侍堯。署兩廣總督。○以故喀爾喀右翼固山貝子巴特瑪旺扎勒子車木伯勒襲爵。○丁丑。

上御勤政殿聽政。○諭曰。尹繼善奏。查勘宿桃等屬工程情形摺內。有將駱馬湖尾閘商之河臣。早行開放。使湖面騰空。以待汎水之語。此河湖第一緊要之務也。湖雖所以潴衆水。

而不為之及時宣洩。則停蓄既多。鮮有不致漫溢者。向來治河諸臣。不思達其去路。而惟恃湖隄以相捍禦。及湖漲難容。終至泛濫不收。而速近田廬。胥受其害矣。即如洪湖五瀾之水。由高寶邵伯諸湖以歸江海。本有建瓴之勢。乃諸閘之啟閉不時。引河之分洩不暢。而下河諸州縣。遂頻罹水患。自去春南巡時。親臨指示。特命嵇璜專司其事。令將車邏南關二壩。常行開放。又早開歸江之路。以達其

卷一百一十二

流。下河田畝。去秋遂獲豐收。今春據嵇璜奏稱。高寶二湖。湖面寬濶。務使各處引河流通。無滯。早為騰空湖面。迨水勢漸長。即由引河分注。從邵伯諸湖入運。歸江。俾高寶諸湖不致驟盈等語。其所經理。頗能恪遵朕訓。適合機宜。在該河督等職。司疏濬。於其中原委。亦所深悉。然非朕之諄切指畫。則誰肯為此耶。今駱馬湖之水。由六塘河下洩。而東流入海。其河之兩岸。則宿桃。安。清。海。沭。六州縣田廬。

在焉。伏秋大汎。民生攸繫。若使湖面早為騰空。則汎水之來。有所容納。盈科後進。源源下注。湖水無泛漲之虞。而六塘兩岸。亦斷不致潰決四出矣。豈惟此六州縣之利。其瀕湖一帶運道民生。亦咸奏安瀾之慶。尹繼善既已商之河臣。早為開放尾閘。以為豫騰河面之計。應如所奏速行。此後每歲大汎之前。應行開放時。著該總河會同該督先期奏聞。以免因循觀望。并將此旨勒石河濱。俾後之司河務者。永遠遵守焉。○又諭曰。河東總河張師載奏。豫東兩省黃河灘地內。有民埝一項。民間租種灘地。惟恐水漫被淹。築埝攔阻。日漸增高。恐不即禁止。又復增高。於河防甚有關係等語。豫東黃河大隄。相隔二三十里。河寬隄遠。不與水爭。乃民間租種灘地。惟恐水漫被淹。止圖一時之利。增築私埝。以致河身漸逼。一遇汎水長發。易於衝潰。滙注隄根。即成險工。不知隄內之地。非隄外之田可比。原應

讓之於水者。地方官因循積習。不知查禁。名曰愛民。所謂因噎而廢食者也。著交與河南山東巡撫。嚴飭該地方官。曉以利害。嚴行查禁。俾小民知所顧忌。不許再行培築。地方官不實力辦理。及廳汎員弁明知徇隱。即行叅處。嗣後如有仍沿積習。為害河防者。惟該撫等是問。○諭軍機大臣等。兆惠等據由屯呈報。領兵至伊犁。疾追烏爾古勒濟勒等。已派瑪瑞策應由屯。大兵亦相繼進發等語。兆惠等自進兵以來。雖數次擊敗賊衆。而渠魁如哈薩克錫喇等。未能擒獲。且今日奏報中。並未言及。又有奏賀阿睦爾薩納身死一摺。阿睦爾薩納之死。諸人俱可慶賀。惟兆惠富德疎脫逆賊。未嘗擒獲。尚宜愧恥。乃亦覲顏奏賀。豈謂逆賊既伏冥誅。大事已竣。而哈薩克錫喇等賊。俱可置之不論乎。此時賊衆若向特克斯等處。即宜迅速追勒。若已逃入哈薩克。亦應勒兵索取。仍分兵至博囉塔拉。擒拏

舍楞等務期弋獲。至所奏喀喇烏蘇之呼魯蘇台臺站。被賊搶奪。兆惠等領兵進剿。自應令巴祿照管臺站。兩將軍兩叅贊閒居一處。何為。而巴祿更屬無事。伊等豈欲效去年西路所行乎。奉到此旨。後若達禮善等尚未追剿哈丹鄂拓克。善披領集賽等餘賊。即派巴祿領兵二三百名。前往搜捕。又所奏瑚爾起等收取伊克胡喇勒得木齊巴蘇泰。由屯收取杜勒巴集賽等戶口。皆係畏威乞降。解至

巴里坤時。仍送肅州辦理。○軍機大臣等議奏。明年巡幸索約勒濟。由口外行走。路程較速。所有扈從官兵等馬匹。沿途若不量加補換。不無疲乏。請豫買馬五六千匹。附近水草牧養。查此次經過地方。多由內扎薩克游牧處所。應令錫林郭勒盟長阿巴噶王索諾木喇布坦。昭烏達盟長翁牛特貝勒朋蘇克等。各買馬三千匹。按八九兩發價。共需銀五萬一千兩。除儘動戶部現存官馬價銀二萬九

百兩有奇外。不敷銀三萬餘兩。由銀庫動支。派司官一員。馳驛送往。其二處馬匹。若於昭烏達一處牧養。恐數過多。水草不敷。應令該盟長等。暫於各該處牧養。以備行取更換。報聞。○戶部議覆漕運總督楊錫紱奏稱。運丁屯田。於雍正十三年。乾隆七年。屢經奏請清查。造冊送部。其典賣者。許原價取贖。并禁軍民不得私相典賣。自定例後。貧丁仍無力回贖。請嗣後贖價在百兩以上。分三年交價等

語。應如所奏。價銀分三年清交。其已過一年二年者。租息作何次第酌給。妥議辦理。報部。又奏稱。近年糧艘抵通。俱屬全完。然亦有疲幫掛欠。勒限始完。其弊非水次乾折。即沿途盜賣。請嗣後抵壩兌米。但有掛欠。生糧廳勒限完追。仍行細打。其領運員弁。亦不准議敘等語。應如所奏。并令倉場將各省到通漕欠丁名幫分。於年底造冊送部查考。又奏稱。旗丁有駕運之責。僉選必須殷實。若將已革貧

丁欠項。概令新丁接受。是尚未出運。已受拖累。請嗣後衛所僉丁。舊欠官項。不許勒令新丁接受等語。應如所奏。衛所僉丁。止令酌認篷桅槓索。至舊丁所欠。如有仍將公私欠項。勒令新丁接受者。或經告發。或被查出。即將抑勒員弁叅革。從之。○免福建臺灣縣乾隆二十二年分。各則田。旱災額賦。○戊寅。上詣暢春園。問。

皇太后安。○諭。向來吏部司員。遇有錯誤。應行議處之案。止將經手一二人議處。此在尋常案件尚可。彭樹葵係卿貳大員。其任內既有革職留任之案。吏部議處時。何至竟行遺漏。非尋常疎忽可比。此案該司滿漢各員。俱著交都察院嚴加議處。該堂官一併交都察院察議。彭樹葵自有留任之處。豈不知之。經部議後。即應自行陳奏。方合為大臣之體。乃隱忍戀棧。非砥礪廉隅之道。著依議革任。○諭軍機大臣等。胡寶琮奏。江省脫逃之厄魯特。

美諾和什一犯。已於陳留地方緝獲。委員解京。所辦甚好。已將該撫交部議敘矣。美諾和什。係從前賞給尹繼善。現應解京質審之犯。自應遴委幹員。沿途小心防範。何至漫無管束。任其騎馬飛遁。在美諾和什。既能騎馬飛遁。押解之人。獨不能騎馬追乎。所以賞賜人口者。原以尹繼善係滿洲大臣。今乃任其奔逸。而為胡寶琮所獲。是轉不如漢大臣矣。豈不可愧。尹繼善亦不必別治其罪。著罰銀三百兩。移交胡寶琮。賞給拏獲該犯之員弁等。以示勸懲。可傳諭尹繼善。胡寶琮知之。○己卯。山西道御史吳龍見奏。前奉旨改定科場條例。表判與論皆不用。但性理論題。向出太極通書。西銘。正蒙諸編。內有朱註。及諸儒解釋。廣大精微。請嗣後鄉會試。第一場四書文後。仍用性理論一道。得旨。所奏是。著照所請行。○以故杜爾伯特扎薩克達什敦多布子博貝襲職。○庚辰。

上詣黑龍潭祈雨。○辛巳。

上詣暢春園。問

皇太后安。江南道御史李宜青奏。捐納各員。按卯銓選。有缺止二三。同卯應選之人。或至數十名不等。從前創設。同日籤法。誠至善也。然書吏撞騙。不無偶合。官生得缺。念切。賄囑索酬。皆未可定。今河工捐例。頭卯告竣。請於戶部行知。後吏部堂官。傳集官生。分別內外。雙單各項。俱掣同日籤者。或數名至百餘名。

代為掣定名次。註冊銓選。從之。○壬午。諭京師三月以前。連得雨澤。麥秋可望豐稔。入夏以來。雖得有微雨。未能霑透。現據方觀承奏。直屬亦有未得透雨之處。麥收分數頗減。而大田此時。業已播種。待澤方殷。朕心深切軫念。已降旨。令該部虔申祈禱。因思清理刑獄。亦祈求雨澤之一端。著刑部堂官。照乾隆十年十五年之例。將杖徒以下等罪。查明情節。或應釋放。或應減等者。即行具奏。發落。其尋

常案件。亦著速為完結。毋得稽延致累。并行令直隸總督。一體辦理。又諭。前據江蘇布政使吳嗣爵奏。江寧等三十五州縣。應徵口糧積欠銀兩。奏銷例限五月。為日無多。請特降諭。旨。緩徵等語。朕以江蘇所屬州縣。民借口糧積欠。如果應緩徵。以紓民力。該布政使自應稟請巡撫具奏。當即批令。告之巡撫。請旨。今據調任巡撫。託恩多奏稱。江寧等三十五州縣。二十一二年等年。連獲豐收。民力尚紓。

茲將屆奏銷。未便再請緩徵。徒使催徵不力。各官倖免處分等語。乾隆二十年。江省被災。朕多方賑卹。格外加恩。並於勘不成災。例無撫卹之江寧等三十五州縣。亦令一體酌借口糧。以資接濟。今此各州縣。於二十一二年等年。既連獲豐收。又非淮徐海等屬之連年被災者可比。吳嗣爵以特恩。擢任藩司。乃蒞任之初。並不告知撫臣。託緩徵之名。實卸己之過。且為催徵不力。各員圖免處分。具摺瀆請。

可謂不知朕恩。何以居方面大員之任。本應交部嚴加議處。但念其尚習河務。姑從寬發往江南河工。以河務同知補用。○兵部議准江寧將軍德敏疏稱。鎮海將軍裁去。所轄綠旗官員。改隸江寧。請將關防改鑄。至副將都司。并應換給。其京口左右兩司關防。八旗協領圖記。請換京口字樣從之。○以廣東按察使許松估為湖南布政使。○癸未諭軍機大臣等。許松估奏懇來京請訓一摺。已於摺內批諭。今又有旨用伊為湖南布政使矣。許松估曾任江蘇藩司。事務尚所熟悉。況湖南不比江蘇之繁。諒克勝任。但伊為人素有模稜之習。此番屢加錄用。出自特恩。務須痛自滷改。實力奮勉。以圖報効。方為不負朕恩。即使來京請訓。朕之所以訓之者。亦不過如此而已。著即由山東前赴湖南新任。亦不必再行奏請。可再傳諭知之。○軍機大臣議覆大學士管陝甘總督黃廷桂奏。伊犁一帶屯墾要

需。請先期為備辦。查臣等原議。請由巴里坤以西。伊勒巴爾和碩等七處。以次建堡屯田。派兵駐劄。各以就近餘糧陸續辦理。直達伊犁。所有籽種農具等項。自應豫為備辦。但如該督所奏。籽種七八千石。農具五六千副。陸續轉運。尚易為力。至口糧一萬五千石。駝一萬五千隻。每駝運米一石。一年一次。毋論直隸山西。一時難購。即使足數。於商民有礙。請俟將軍兆惠等相度定議後。再為措置。又查準噶爾舊例。係回人耕種交租。請俟回部蕩平。將葉爾羌等處回人量移耕種。查明回人原納租糧。足敷屯田兵丁若干人之食。其不足者。以貨物交易。若尚不足。或仍照原議。由近及遠。以次經理。得旨。黃廷桂所奏豫備伊犁屯田事宜。頗似欲速。徒滋紛擾。著將原奏及爾等所議。俱錄寄雅爾哈善等。令其酌量情形。詳悉具奏。○甲申。諭據巡漕給事中海明奏。稱東省水患。由微山湖之漲溢。而微山

湖之漲溢。由黃河北岸之內灌。請於微山湖之南。圍築攔黃隄工。即以取土方塘。挑成順隄河形。導入荆山橋。出猫兒窪。入運。並於內華山西築通湖閘座。以備宣洩等語。具見悉心籌畫。黃河由豫入徐。兩岸夾束。河身甚狹。不潰決為銅山諸邑害。則漫衍而入於金鄉魚臺。今徐城已增築石工。足資捍禦。而山東之濱湖州縣。民舍田廬。不免仍成巨浸。孰非吾赤子。而忍坐視。果使民生永獲安全。即多費帑金。朕所不惜。且年年蠲賑。所費不更無已耶。但是否實有裨於東省。而於徐郡兩岸。亦不致另生險工。或究不如於北岸無隄處所。接築隄工之為得計。著尚書劉統勳。馳驛前往。會同尹繼善。白鍾山。逐加閱勘。詳籌妥議。請旨辦理。夢麟。表曰。修如尚在河干。著一併會同查辦。○定邊將軍兆惠等奏。追賊至庫克烏蘇。派副都統由屯。尾隨叛賊鄂哲特等蹤跡。據報三月十七日。收取阿克巴集賽

之尼爾巴喇嘛伊什車木畢勒得木齊圖爾布等一百十三口。於和濟格爾。收取杜勒巴集賽得木齊伊什博什等六十八口。於阿里瑪台。收取綽和爾鄂拓克之遂爾托哈什哈普爾普等二十口。詢問鄂哲特等去向。據稱已過察布察里山嶺。即帶兵二百餘名。晝夜趲行。二十一日。追及於察布察里河口之蘇瑪爾罕。奪賊所踞山谷。追至特克斯河。殺賊二百餘人。擒阿克巴集賽之藍翎羅布桑津巴。遂諭所獲之固英哈什哈等云。爾等若將鄂哲特等誘擒。即可宥死。固英哈什哈等於次日將鄂哲特。瑪濟克擒獻。臣等查鄂哲特。曾為散秩大臣。扎爾呼齊。瑪濟克。係昂吉岱所用。宰桑。應送京備訊。家口解送巴里坤。由屯等。應請交部議敘。得旨。副都統由屯。領兵沿途勦賊。擒獲鄂哲特等。收其游牧。甚屬奮勉出力。由屯著賞給世職。與効力官兵。交部議敘。其得傷官兵。照例賞給銀兩。仍交部議

敕○以甘肅涼莊道來朝為廣東按察使○乙酉上詣暢春園問

皇太后安○諭軍機大臣等據阿爾泰奏曹縣黃河灘地有魚子化為蝻孽隨馳赴該處搜捕並飛知胡寶瑒一體查辦等語瀕河州縣經上年被水之後魚子化蝻勢所不免正當先事豫防勿使滋蔓阿爾泰聞知即親赴查辦甚合事機該處毗連豫省胡寶瑒務當查察所屬倘有萌生即行迅速搜捕淨盡方無

甘肅涼莊道

乙酉

貽患其上下江二省上年亦有被水處所該督撫等各當留心直隸天津一帶亦曾有被水者著方觀承豫行防範總之水退之地蝻孽易生所當及早絕其根株毋致臨時再籌撲滅將此傳諭各該督撫知之○又諭前經降旨令提督豆斌於巡查臺站時將所有山林幽僻處所藏匿之賊人務須加意搜尋逐一勦殺並將戈壁內哈布塔克拜達克及阿濟必濟等處之賊一併搜除以靖地方今據

甘肅涼莊道

乙酉

永貴等奏稱據奎屯等處臺站筆帖式呈報庫爾河源山內有呼爾瑞台吉巴彥等在彼藏匿且博囉通古臺站馬匹亦被賊人偷竊和爾郭斯奎屯等處亦不時見有瑪哈沁人等特遣守備馬蛟雲委署章京達爾扎桑於種地兵內帶領百餘人前往搜拏等語著再傳諭豆斌速行領兵前進詢問永貴等務將巴里坤迤西一帶山林幽僻處所藏匿之賊人嚴速勦除其在庫爾河源山內藏匿之賊及博囉通古臺站偷馬賊犯並和爾郭斯奎屯等處之瑪哈沁等一併擒捕無俾潛匿滋事倘有疎縱惟豆斌是問○是月直隸總督方觀承奏直隸各屬被旱及稍有得雨情形得旨覽奏俱悉京師亦覺望澤若旬日不雨則可惜今春天恩矣○通日雖雨而未霑足實切憂企一得甘霖即速奏來○江蘇巡撫託恩多奏謝調任廣東巡撫恩得旨覽恐汝不勝蘇撫繁任廣東尚可稱職一切汝應實力勉○

江南河道總督白鍾山奏。奉諭令高晉分駐徐州。協同辦理。臣惟有同心協力。和衷妥辦。不敢少存推諉。歧視得旨。覽奏俱悉。自來總河與副總河必不和。而汝又與高斌有嫌。若此心不化。將來必致兩敗俱傷。且汝老矣。以私言之。得一相助之人。以公言之。為國家造就一好總河。以繼汝後。汝功更大。當實心悅服此訓。勉力行之。○浙江巡撫楊廷璋奏。覆前奏於不近民居。及非依山傍麓之江塘二

實錄卷一百一十二

十餘里。請添設堡夫十二名。以資巡防看管。以二十餘里之塘隄。設夫十二名。牽算約計二里一夫。實非每夫派定管塘二里。致工長力薄。難以周顧也。且江塘俱係石工。均有護沙。非若海塘節節需人防範。今因地設堡。責令常行巡防。稍有坍塌。即為修補。似可無有名無實之弊。得旨。如所議行。多募夫而不實力稽查。亦屬虛糜也。○福建按察使史奕昂奏。新頒定例。凡州縣相驗。初供及正犯到案

日期。俱應咨部存案。立法周詳。猶有逾越分限之處。緣州縣相驗通報後。每觀望上司意旨。俟督撫批轉。始行覆審。其間延擱証佐候審。廢時失業。而刁黠犯屬。往往尋覓訟師。打點房差。避重就輕。令審官多方究詰。迨輸服成招。限已屆滿。臣詳明督撫。通行各府州縣。凡人命相驗後。如案犯已齊。一面具文通詳。一面即由府解司。不必候批。始行提縣。至相驗後。或案犯未齊。如首犯已到。即以首犯到

實錄卷一百一十三

案起。限速行審結。未獲餘犯。聲明獲日另結。若從犯先到。供吐確實。亦即先結。從犯一面勒限嚴緝。正犯務獲究結。倘承審官延挨不辦。立即查照違限月日。揭報叅處。得旨。時常如此實力為之可也。○河南巡撫胡寶瑤奏。豫省上年被水。魚蝦遺子。易生蝗蝻。臣於入春時。恐其生發。勒限五日一報。茲據睢州稟稱。蔣家窪等處。蝻子生發。臣即馳赴。率同文武速行撲打。嗣據杞縣稟報。睢州連界之黃

家橋等處。間亦萌動。隨令司道分路搜查。俱已撲滅。現在麥已登場。實為豐稔。秋禾長發。無損。不致有礙。得旨。最應實力妥辦者。汝自然留心。不待朕督責也。○山東巡撫阿爾泰奏。挑濬江風口引河。并修築壩工。及挑濬陷泥。芙蓉燕子等工。估需銀二萬五千兩。據沂州府詳。蘭山縣士民等呈稱。情願自出夫力。合作興舉。除飭該府縣俯順民情。將應挑處所。聽民挑濬。并將運到川米借給口糧。以示

山東巡撫

二

優卹。報聞。○四川總督開泰奏。裡塘土司安本等稟稱。所屬番民。多賴牲畜為生。上年瘟疫流行。牛羊倒斃。又青稞歉收。價昂。通計五千三百餘戶內。乞食鄰封者四百餘戶。無力耕種者一千九百餘戶。現在設法安撫等情。查土司所屬。原無議賑定例。但裡塘為進藏要路。該番民節年供應差使。甚為小心。雖稱現在安撫。誠恐秋收尚遠。遇有差務。未免周章。請照乾隆十二年秋間。被霜奏明。每戶給

山東巡撫

二

賑銀五錢例。酌賞銀三錢。於本年鹽茶耗羨項下。歸款覈銷。得旨。如所請賞給。○貴州巡撫周琬奏。黔省各廠出產鉛觔。經前任撫臣愛必達奏准。每年酌撥二百萬觔。運赴漢口售賣。以供江南等九省鼓鑄。嗣據委員稟報。二百萬觔。不敷銷售。又經前撫臣定長議於額運外。加運正耗鉛一百八十九萬觔。節年辦理在案。茲查漢口局內。除銷售外。現存積鉛六百五十餘萬觔。已足供兩年銷售。應將額解楚鉛。停運一年。至湖南省本年需用鉛觔。即令運解京鉛之委員帶運。不致貽誤。報聞。○甘肅巡撫吳達善奏。乾隆二十二年八月內。奉文減捐起。至年底止。惟撫彝山丹等廳縣。仍無報捐。其餘張掖。武威等十州縣。衛已共收捐監生一百一十六名。共京斗糧八千一百一十一石。所收糧數。雖較前不及。但為期止三四月。非經久可比。此後如長年收捐。商民遠近聞風踵至。報捐自必更有成效。

報聞。○又奏甘省各屬春夏以來民間耕牛染疫率多倒斃。查從前舊例如遇農民牛隻倒斃原有借給牛本銀三兩或糧三石飭令買補之例。除批飭寧夏府屬靈州及中衛等縣照依前例借給牛本分作二年還項。別屬或有續報之處均請一例辦理得旨甘省常有牛疫之災何不講求醫治禳解之方耶。

實錄卷五百六十一

吉

大清高宗法天隆運至誠先覺體元立極敷文奮武孝慈神聖純皇帝實錄卷之五百六十一

大清高宗法天隆運至誠先覺體元立極敷文奮武孝慈神聖純皇帝實錄卷之五百六十二

敕修

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理吏部理藩院事務正黃旗滿洲都統世襲騎都尉軍功加七級隨帶加一級年滿加二級軍功紀錄一次臣慶桂
總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次
尋常紀錄十四次臣德瑛經筵講官太子少保工部尚書紀錄六次臣曹振鏞等奉

乾隆二十三年戊寅五月丙戌朔諭軍機大臣等

金川所踞革布什咱官寨既經明正綽斯甲布等土司全行奪回可見番蠻挾仇攻擊之事原所時有殊不必以內地官法繩之該處文武果能曉諭約束可以寧輯固屬甚善否則惟有以番攻番之一策惟須靜鎮以處之耳金川原屬不安分之土司若衆土司等能協力除之而分其地於番境轉可久遠相安正不必以滋釁不已為慮第此等機宜自不便於明諭宜密飭文武各員微示其意

於衆土司。俾其知所從事。至於布拉克底土舍德租不安住牧。竟敢附和金川。其情甚為可惡。必應示以懲創。該督提等。或以計擒。或令鄰近土司攻取。亦可以酌量辦理。著一併傳諭知之。○丁亥。諭軍機大臣等。據阿里衮等奏稱。發遣巴里坤種地人犯。現擬分屯築堡。相度地畝。酌量安置。已咨行黃廷桂等語。所奏甚屬錯謬。不曉事理。此等發遣人犯。原係情罪重大。應死之人。因有一綫可原。未即置之於死。若留之內地。徒致擾累善良。是以將各犯發往巴里坤等處種地。其自能謀生與否。亦惟聽之而已。稱巴里坤者。乃龍統之辭。其魯克沁烏魯木齊一帶。現在派撥兵丁屯種。所發去之人。即與綠旗種地兵丁為奴。督課取力。有何不可。非謂另為築堡擇地。於巴里坤左近分屯。一一官為經理。如是則無罪之兵丁。反應遠去。而減等之死犯。乃當大費帑金。為之經理久遠之計。豈非笑談。即如

發遣拉林等處。及給披甲為奴之犯。亦未有如此辦理周章者。若云遠逃他處。使其逃回故鄉。即可拏獲正法。若就近逃入回部。不過與人為奴。竟可不問。又何愛此身犯重遣之囚。為之過慮耶。凡此皆與發遣安置之本意。全無關涉。實為可笑之至。黃廷桂現在尚未奏到。諒不至無識若此。此等人犯。發遣到彼。即給種地兵丁為奴。如安分則已。否則遵照前旨辦理。已另有旨飭諭阿里衮。並傳諭黃廷桂。令知此意。仍從黃廷桂處行文阿里衮等。令其自懲。○戊子。孝誠仁皇后忌辰。遣官祭景陵。○諭。據嵇璜尹繼善等奏報。上下江水利各工陸續全竣。各就所分工段。逐一大量。並無偷減浮冒情弊等語。江省上江之鳳。潁。泗。下江之淮。揚。徐。海等處。濱臨湖河。地勢窪下。連年頻被水患。特命廷臣會同督河諸臣。協力商辦。分濬支幹各河。俾上下游節節疏通。

以期積水全消。永資利賴。去冬興工以來。諸臣皆能仰體朕心。奮勉集事。並各分工段。悉心大勘。雖有一二偷減浮冒者。皆微末工員。已據實叅處。現在續辦各工。俱已迅速完竣。尚無大員作弊者。今經保結奏聞。具見實心經理。朕自信之。嵇璜。夢麟。表曰修。尹繼善。白鍾山。託恩多。高晉。高恒。俱著交部議敘。其在工承辦各員。弁並著該督等查明。分別咨部議敘。以示獎勵。○又諭甘肅地方。數年以來。辦理軍需。悉頒帑項。雖絲毫不以累民。而小民急公趨事。甚屬勤勞。殊堪厪念。前經降旨。將本年應徵地丁錢糧。概予蠲免。又經降旨。將二十二年以前舊欠之銀糧草束。通行豁免。但該省為軍需總匯。民風淳厚。出力尤多。朕心時切軫念。著將甘肅通省乾隆二十四年分。應徵地丁錢糧。再行加恩。悉與蠲免。該督撫等。其董率屬員。豫行出示。遍為曉諭。毋任不肖官吏。從中舞弊。以副朕格外加恩。優

卹邊氓至意。該部即遵諭行。○諭軍機大臣等。據開泰。岳鍾璜。覆奏。金川已被章谷。綽斯甲布。兩路進攻潰逃。其侵占革布什咱。未能得志。目下情形。可以漸為排解。毋庸再行另辦等語。金川與革布什咱。構怨滋事。原係番苗自相攻擊。不必繩以內地官法。前已降旨。令該督等據實速奏。今據該督等覆稱。現在辦理情事。可以隨機駕馭。所見頗合機宜。但金川之莎羅奔郎卡。在土司中最不安分之人。此次與革布什咱。結親構釁。本其向日素性狡黠。故有此耳。昨諭該督等相機。令綽斯甲布。小金川。或分據其地之說。該督提等可留心。不動聲色為之。著傳諭開泰等知之。○己丑。上御勤政殿聽政。○諭據黃廷桂奏。甘肅布政使武忱。糧道成德。因私廢公。漠視軍務。有玷方伯監司之任等語。司道為方面大員。非端謹率屬。何以整飭官常。況軍需關係緊要。

伊等身係滿員。尤當奮勉集事。乃任意怠玩。誤公。彼此瞻徇。甚乖職守。武忱成德。俱著革職。交與該督黃廷桂。令其効力贖罪。所遺甘肅布政使員缺。著蔣炳補授。即馳驛前往。諭軍機大臣等。黃廷桂奏伊犁一帶駐兵屯田。南路回人相距甚近。請將屯兵所餘地畝。分撥墾種。減其租賦。有情願前往者。酌量賞給緞疋等語。所謂知其一不知其二。籌辦回人一事。已屢諭雅爾哈善等悉心經理。將來

回部蕩平。為我臣僕。俾謀生有策。較從前準噶爾之誅求無已。迥不相同。伊等自當踴躍急公。勤耕作而豐儲峙。將來果能黽勉効力。或可量加賞賚。以示鼓勵。若豫為籌備。不但招徠屯墾。向無懸賞以待之事。亦於駕馭遠人體制。未為允協。再回人安插伊犁。數少則不敷耕作。數多則恐駐防官兵難於約束。此處正當豫為密籌。看來伊犁屯田一事。即不能尅期促辦。稍待一二年。由近及遠。如前旨

所諭亦屬可行。但不得因有此旨。遂成中止之見。黃廷桂當綜覈全局。有應行豫備者。不動聲色。照常經理。俟雅爾哈善事竣。再行定奪。亦未為遲誤也。又諭前諭雅爾哈善等平定回部後。在伊犁屯田。量徙回人。與綠旗兵丁雜耕。又因黃廷桂籌運屯田兵丁口糧。駝隻。曾交軍機大臣議奏。錄寄雅爾哈善閱看。總期兵民兩利。緩急得宜。今黃廷桂又以招募回人。屯田貿易具奏。看來伊犁屯田。所有駐防兵丁。不過二三千人。非從前準噶爾之部落聚處可比。若招募人多。則兵少。亦有可慮。雅爾哈善應留心詢問額敏和卓。伊自揣果能彈壓回衆。且使回人等心服與否。至貿易一事。從前回人在準噶爾時。尚且視如佃僕。今既歸我版圖。即應收其賦稅。如有採買。祇當給與平價。不可與外藩交易一例。過為優渥。致將來轉生缺望。且今歲成功後。即來年不及駐兵屯田。亦自無礙。可傳諭雅爾

哈善等將一切措置機宜。悉心議奏。再伊等四月十二日奏事後。今又兩旬。軍前現在情形若何。作速奏聞。○除直隸宛平縣沙壓地三頃一十八畝有奇額賦。○庚寅諭軍機大臣等。雅爾哈善等奏稱官兵已抵哈喇沙爾。皆思奮勉効力等語。覽之殊為欣慰。從前曾議兩路進兵。夾攻回部。今兆惠等雖進。勦厄魯特賊衆。尚未將渠魁擒獲。則辦理回部。專倚雅爾哈善。額敏和卓等。務宜和衷商確。早奏膚功。至此次聲罪致討。惟在布拉呢敦霍集占。及附和為惡之數人。與回衆無涉。雅爾哈善等應宣示回衆。若將首惡擒獻。非但無罪。且必加恩。則伊等自生內變。又從前議於特穆爾圖諾爾等隘口。防範逆酉等潛逸。即哈薩克錫喇等。由此路投入回部。亦可邀擒。俱宜早為布置。至沙喇斯瑪呼斯賊衆。大概逃入回部。或哈薩克布魯特等處。若謂竟自分散。恐非實信。雅爾哈善等亦當乘便搜捕。

庶逸賊盡殄。臺路可清。併傳諭兆惠等知之。○又諭永貴等奏稱前與雅爾哈善會商。無分進勦屯田兵丁。隨到即令開墾地畝。續因耕牛農器不能全到。先就闢展等處所有畚鍤。令其開溝築隄。又哈喇沙爾之海都河水勢湍急。必須渠深岸固。方免衝齧等語。看來今年播種之期。似稍遲誤。但將進勦兵丁後隊截留。人力有餘。或可將烏魯木齊等處。俱行墾種。可傳諭永貴等。現在籌議屯田處所。交秋以後。成熟穀石若干。來年伊犁等處屯田。能以次興作否。併將伊等奏摺。錄寄黃廷桂閱看。俾得酌量豫備。○辛卯上詣暢春園。問皇太后安。○以翰林院侍讀盧明楷充日講起居注官。○予故吉林副都統普慶半祭葬如例。○旌表守正捐軀之河南鄆陵縣民郝賞兒妻蘇氏。○壬辰御書徐州。

河神廟扁曰惠我南黎。諭曰。劉統勲現在出差。吏部尚書事務著歸宣光暫行兼署。諭軍機大臣等。據和碩齊。唐喀祿等奏稱。哈薩克阿布賚遣使來告。伊等派兵往博囉塔拉。與舍楞布庫察罕相攻。俘獲特古斯哈什哈等百餘戶。哈薩克兵馬亦多傷損。舍楞等尚有千餘戶。未知去向等語。看來布庫察罕為舍楞所迫。逃向伊犁。又為我兵擊敗。舍楞仍在博囉塔拉附近藏匿。從前朕謂舍楞必不竟入俄羅斯。諭兆惠等派兵搜捕。與和碩齊等所奏適相符合。則兆惠等向來並未疾速追擒。第欲以投入俄羅斯結局。昭然可見。可傳諭兆惠等。此時兆惠即往回部。尚有車布登扎布等在伊犁。先行追勦舍楞等賊衆。兆惠奉到此旨。亦即回兵策應。又有和碩齊等堵截。賊勢自必窮蹙。且近與哈薩克交兵。未必往投。即往投必被其俘送。斷難漏網。但不可徒恃哈薩克之協助。而懈我軍心耳。又

阿布賚來信云。伊等派兵於三月起程。五月中旬可抵洪郭爾鄂隆等語。併諭兆惠等知之。○癸巳。諭軍機大臣等。據張師載奏。豫東二省沿河州縣官。多與河員意見不和。諸事不免掣肘。請循河工地方通融陞調之例。以收實效等語。治河原以衛民。州縣官豈容歧視。從前河臣嵇曾筠奏。請將沿河府州縣陞調河工道廳。河工廳汎陞調沿河府州縣。白鍾山亦奏。請河工同知通判缺出。沿河州縣中有應陞者。果能平時留心河務。仍許保題署理。俱經得旨准行。著為成例。良以河工之與地方。在在相關。必印官河員。彼此悉心共濟。是以令其通融陞調。遇有修防搶護等工。一切購料募夫。自知協力攸助。庶於河道官方。均有裨益。昨張師載以東省運河同知缺出。奏請將蘭山縣知縣彭理陞署。經部議駁。朕特降旨允行。亦此意也。乃十餘年來。雖有通融陞調之例。而豫省間或照辦。東省則竟

未有舉行者。夫州縣官既視河員一途於已無涉。毋怪乎平日於河工事務漠不關心。遇事動多掣肘。呼應不靈。此所關於河務民生者甚大。著傳諭豫東二省各該撫。及該河督等。遇有廳汛員缺。及沿河州縣缺出。酌量人地可以通融陞調者。仍照定例會商陞調。俾各員共知和衷一體之誼。不得稍存歧視。用勸公務。又諭據吳士功奏。買運托克托城穀石。仍由水運抵陝完竣一摺。有較明德原奏實節省運腳銀七千四百八十兩之語。殊不免取巧。已於摺內批示矣。從前明德奏買歸化城穀石。由水路運陝。吳士功為護撫。復奏請改由陸運。朕特准該部議駁。仍由水路運陝。是以運腳止需此數。設使從吳士功之請。雇覓車駝。長途馱載。其費豈僅止此。乃不言較陸運節省若干。而轉言較原奏節省七千餘兩。何其工於藏己之短。又巧於見己之長乎。況明德所奏。將榆林糴存之價。酌給歸

化城買價每石五錢。其餘所存糴價。作為運費。彼時原未及細覈運腳。實在需用若干。不過約畧大概。為此籌辦之法。並非謂所餘糴價一萬二千七百餘兩。必儘數作運費也。設明德承辦此事。而所用運費。實不需此數。其將以為已經奏准。遂從中乾沒乎。吳士功遽以其所奏作為定額。以見己之節省。殊屬支飾。著傳旨詢問吳士功。如照伊所請陸路駝運。需用運腳幾何。此番仍改由水運。較陸運實在節省幾何。令其據實陳奏。則短長自見。此雖無甚關係。但朕於各督撫辦事。惟期徵實。若故為輕重其詞。有意見長所不取也。且吳士功甫為巡撫。若諸事如此取巧辦理。其可乎。甲午。

上詣暢春園。問
皇太后安。工部議准江南河道總督白鍾山疏稱。清口東西二壩。蓄清敵黃。急宜興修。所需銀。請於河工銀內動撥。從之。乙未。吏部

議准。原護陝西巡撫印務布政使清馥疏稱陝西各屬原無水利。及河渠僅可灌田者。責令地方官督率修濬。無庸另員兼管。惟鳳翔同州二府。現各設通判一員。事務甚簡。請令兼銜督辦水利。至督糧驛鹽潼商漢興四道所屬。俱有水利。似應一體兼銜辦理。換給關防。從之。○丙申。諭據嵇璜奏稱。芒稻一閘。為諸湖入江之路。宣洩通暢。下河州縣自可永免水患等語。此實經理下河之要鍵。朕去春南巡時。所諄切指示。令早開歸江之路者。正為此也。芒稻一閘。乃歸江第一尾閘。向因淮南鹽艘。皆由灣頭河轉運。必須芒稻閘門下板。方可蓄水逆行。以致不能啟放合宜。前據該督等奏。閘東有舊越河一道。應令鹽船由越河直走金灣北閘。是洩水與運鹽。已自分為兩途。芒稻閘自可常年啟放矣。但終恐狃於蓄水運鹽之習。仍不免因循觀望。夫蓄水運鹽。不過少省緯挽之勞。所費在富厚商人。

而下河數州縣之民生攸繫。此其輕重。豈不較然耶。嗣後芒稻閘應永遠不許再下閘板。俾得暢洩歸江。則諸湖積水自可減退。遇伏秋大汛。亦足以資容納。而下河一帶。得永蒙樂利之休矣。該督等將此旨勒石閘畔。俾後來司事者。知所遵守焉。○諭軍機大臣等。據夢麟奏。微山湖水漸次疏消。其口洩入荆山橋河。所有分引支河三道。因近來疏消已暢。是以湖底漸涸。出路亦漸遠。隨經接挑引河三百餘丈。源源導引。現在湖流自不致壅滯。但將來非得專員留心查勘。隨涸隨挑。恐日久又成淤墊。著傳諭尹繼善。白鍾山等。派令道員王鴻勳。專司其事。不時查勘。如有水涸沙屯。即接續挑挖。務俾永遠疏通。足資宣洩。該督等並時加督察。毋使已成之功。復致堙塞也。○和碩和親王弘晝等奏。向來八旗滿洲。蒙古。各旗奏事。及家譜。綠頭牌等。皆寫清字。惟漢軍旗分奏事。兼寫清漢合璧。家譜。綠

頭牌等俱寫漢字。請嗣後八旗漢軍。照滿洲。蒙古各旗一體專寫清字。得旨所奏是。照所請行。○大計湖南省。不謹官二員。罷軟官一員。年老官七員。有疾官四員。才力不及官三員。湖北省。不謹官三員。罷軟官一員。年老官四員。有疾官一員。浮躁官一員。分別處分如例。○調甘肅提督王進泰。為江南提督。以西寧鎮總兵劉順。為甘肅提督。金塔協副將高天喜。為西寧鎮總兵。○丁酉諭軍機大臣等。西寧總兵劉順。已有旨補授甘肅提督。伊現署豆斌安西提督之缺。如有承辦軍務。必須該員在彼經理。或將甘提印務酌委總兵一員暫行署理。若劉順所辦事件無甚緊要。則令其竟赴新任。其豆斌安西提督之缺。該督另委妥員署理。至西寧總兵員缺。已令高天喜補授。所遺員缺。即著該督揀選一員奏請補授可也。將此傳諭黃廷桂知之。○又諭外省布政使護理巡撫。任內遇有覈轉具奏之

事。往往將行據布政使某人重複敘出。此係外省幕賓書吏相沿陋例。甚屬拘泥不通。今於吳士功摺內改定式樣。著於奏事之便。鈔寄各督撫。并傳諭各布政使。嗣後有藩司護撫篆者。令其於奏報覈轉事件摺內。俱遵照此式書寫。○又諭。向來外省督撫大吏。遇有地方水旱等事。往往委之屬員查勘。並不親身前往。經朕屢次訓飭。數年以來。頗知奮勉。以從前之養尊處優。深居簡出為戒。但省會重地。督撫既經公出。而藩臬等又多相隨而行。無一大員坐鎮。殊非慎重地方之道。嗣後凡督撫同城省分。自可公同酌量。分留一人在彼坐鎮。即係巡撫專駐之省。亦當留藩臬大員。足資彈壓。總之督撫身任封疆。於各屬緊要事件。自當親身經理。不可徒委之一二屬員。致文移往返。動多遲誤。而省會重地。為通省關係。一切均當留意慎重。毋致過猶不及。此旨著於各該督撫齋摺人回。隨便傳諭

知之。○命原任副將伊昌阿來京引見。○戊戌。

上詣暢春園問

皇太后安。○還宮。○遣官祭

關帝廟。○是日起。

上以夏至祭

地於

方澤齋戒三日。○署理湖北巡撫莊有恭奏據

雲南撫臣劉藻咨稱。滇省歲辦京銅。向分正

加六運。每遇川江盛漲。礙難達限。多至沉失。

經戶部議以川江水急。惟在五六月間。欲將

二運分攤前後五運。以為避險之計。經滇省

議稱正運銅舢。係沿途雇船。加運之銅。係撥

船遞運。若將正運派加。未免參差互歧。請將

四正運。併為三運。兩加運。合為一運。每歲七

月開頭運。九月開二運。十一月開三運。次年

二月開加運。一切換船等事。可以次第辦理

等語。查四五兩月。不特川江盛漲。即楚北歸

州一帶。亦皆難行。但每歲漢口換船。係兩湖公應。茲據各司道會議。湖北原存站船五十八隻。湖南站船二十四隻。從前滇省加運京銅。頭運到楚。例撥湖北船十二隻。湖南船十隻。二運止派湖北船二十隻。輪流應付。今兩運加銅。合為一運。其兩運站船。亦應併為一運。計撥湖北船三十二隻。南省船十隻。足敷接運。倘遇船隻拆造之年。若照往例興修。未免有誤。請定於正月具題。二月完工。庶可接運。又滇銅兩運合一。運員酌減。止派正協三員。楚省委員。不過照料。亦須南北二省。各派一員。足敷照料。均如所議。從之。己亥。諭軍機大臣等。地方米價貴賤。關係民生。是以各省撫臣。例應按月奏報。今閱阿思哈五月中旬奏到。乃係二月三月米糧時價。遲滯至此。則此兩月以來。米價長落。又何由而知之。如此虛應故事。甚非慎重民食之意。阿思哈著傳旨申飭。○庚子。諭軍機大臣等。據嵇璜奏

請定河員辦公經費一摺。所見亦是。河員承辦工程。一切雇船堆料犒賞等費。勢所必需。向來因未定有章程。輒於領帑辦料銀內。通融費用。而河臣等亦因其經費無出。不得不於覈銷時。為伊等稍留餘地。均非慎重覈實之道。夫工員因公費而糜帑項。從旁挾制者必多。河臣覈工料而卹私情。高下其手者亦所不免。則何如明定章程。於公私皆有裨益。但不肖之員。雖設有公費。安保其不圖弊混。以肥私橐。是在董河大臣。嚴加察覈。有犯即重治其罪。伊等亦不得更為藉口矣。其如何悉心酌量。按廳分之大小。工段之多寡。覈其應用實數。定為章程之處。著尹繼善。白鍾山。高晉。會同妥議具奏。○大學士等議覆。給事中錢琦條奏漕運事宜。一。各省糧運。冬兌春開。例有定限。向有已報開行。而久未離次者。每以添置船具為辭。旗丁藉此耽延。運弁並未督率。始進已遲。後催何益。請嗣後將各幫

應給錢糧酌量給發。毋庸全支。一報開行。即督令前進等語。查漕糧開兌開幫之日。總漕將各糧道所屬船數丁名造冊送部。立法已周。但恐日久懈弛。奉行不力。應如所奏。嗣後軍船如有報早開遲。除將運丁捆打外。押運等官。俱分別議處。至各幫錢糧。水次先給一半。過淮盤驗後。按數找給。向例久行。毋庸再議。一。巡漕臣七員。分駐淮安。濟寧。天津。通州。各處。第淮安簽查督催。漕臣近司其事。最要者莫如瓜洲。儀徵。二口。為四省糧幫會集之地。雜船既多。往往滋事。至駐劄通州巡臣四員。分作兩班輪查。交卸米石。亦有倉場督臣。及坐糧廳總司其事。其最要者。莫如楊村一帶。距通二百餘里。淺夫偷安。剝船索價。請令淮安巡臣。移駐瓜洲。通州巡臣。輪班一員。移駐楊村等語。應如所請。嗣後巡南漕臣。移駐江口。既省差探往返之煩。亦可息事端而資彈壓。通州巡臣。輪班一員。移駐楊村。於漕運

更有裨益。各幫運船自受兌以至抵通。防範督催均須領運千總隨時相度。向例每次運滿無誤。例有加級。三次運滿即行陞用。苟非嚴定章程。恐難區別等語。應如所奏。嗣後漕臣於各該弁運滿時。秉公考覈。一等者送部引見。分別營衛。入於即陞班內先用。二等者帶領引見。入於議敘班內陞用。如係三等之員。照例加級。四等之員。咨部革退。江淮七八興武三六七八等幫。素稱疲乏。請勅下漕臣會同該省督撫。或清釐屯田。或博訪別丁。或於該衛裁減一二幫。其糧分附本衛搭運。或將就近幫船改運松糧。該幫另兌別屬等語。查漕船出運。全賴丁力。丁力既疲。自宜調劑。但事關更定章程。必確按情形。始期久遠。應如所請。令總漕會同該督撫悉心商酌具奏。得旨依議速行。

大清高宗法天隆運至誠先覺體元立極敷文奮武孝慈神聖純皇帝實錄卷之五百六十二

大清高宗法天隆運至誠先覺體元立極敷文奮武孝慈神聖純皇帝實錄卷之五百六十三

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級尋常加二級軍功紀錄五次臣高錕

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十三年戊寅五月辛丑夏至祭

實錄卷之五百六十三

地於

方澤

上親詣行禮○詣暢春園問

皇太后安○幸圓明園○諭軍機大臣等阿里

衮等奏稱准兆惠咨文業經前往回部所有

補給糧餉不能趲赴應停其運送已飭糧運

官員止照車布登扎布官兵分數交收其餘

給與臺站官兵等語軍需糧餉所關最要遠

道馱載物力維艱即云有賊人牲隻接濟而

米石甚不易得今雖趲運不及自當先給現

在伊犁及臺站官兵其餘留貯軍營派兵看

守何必退回即如車布登扎布現稱兆惠將

伊等口糧取去兆惠等進兵之初曾通計前

抵沙喇伯勒再往回部之糧今從伊犁起程

則已較沙喇伯勒為近當有贏餘何至取車

布登扎布之糧且既取之後亦不為人豫籌

補給及將來回抵伊犁之用轉行文停止運

送是何意見夫此項趲運之糧兆惠等雖暫

實錄卷之五百六十三

時不用而車布登扎布現在彼處即留於車

布登扎布亦未為不可往返運送徒勞駝隻

有是理乎可傳諭兆惠車布登扎布等運到

糧餉務宜加意撙節有餘即當貯備併傳諭

阿里衮速飭糧員照常運送毋得視為不急

之務致有盜竊糜費○壬寅諭曰黃廷桂叅

奏寧夏滿營協領齊布騰昌阿禮佐領伯色

涼州佐領二格等解送巴里坤馬匹照管疎

忽致多遺失請交部嚴加議處等語此項馬

匹。係豫備軍前調撥。關係甚重。自應留心看守。牧放。向來滿營解送馬匹。勝於綠旗官兵。乃齊布騰等。較之綠旗。轉多遺失。甚屬不知愧恥。除將送馬兵丁。嚴行責懲外。齊布騰等。俱著交部嚴加議處。仍勒令分賠。將軍舍圖肯。松阿哩。平時不能管束教訓。亦著交部嚴加察議。○大學士等議覆。據桑寨多爾濟。審訊敦多布等犯。實係夥同盜馬。供認不諱。應如所請。將起意之敦多布。主使之達什。俱按首犯。即行正法。其羅布藏。係聽信達什之言。莫羅木。吹木。丕勒。亥楚克。俱係隨同敦多布行竊。齊巴克。明知敦多布等盜竊。又與同居。亦應如所請。按為從例。發黑龍江。至烏巴什。車林。係商民。張所能。傭工。並未偷馬。應各鞭責一百。各犯妻子。分發隣盟。抄沒家產牲畜。分與失主。張所能。借給賊犯馬騎。又令盜逐處馬。為之護送赴口。非惟主使。顯係勾窩。應將張所能。押解張家口。交總管審明正法。嗣

後如有聚夥偷馬賊犯。及窩贓商民。應如所請。隨獲即行正法。得旨。桑寨多爾濟所辦甚善。著交桑寨多爾濟。將張所能之張家口鋪內夥計共幾名。有無知情之處。訊明取供。一面奏聞。一面出派妥員。將張所能嚴行押解。送至張家口。交宣化鎮總兵官和成。口北道彰寶。署理驛站總管福鼐。辦理。餘依議。○補行山東省。乾隆二十二年分軍政。卓異官二員。浮躁官一員。年老官一員。分別陞賞處分如例。○予故大學士陳世倌。祭葬如例。諡文勤。○予故喀爾喀輔國公琳丕勒多爾濟。祭葬如例。○旌表守正捐軀之江蘇碭山縣民何起女何氏。○癸卯。上臨慎郡王允禧園視疾。○諭曰。湖北按察使圖桑阿。係總督碩色之姪。湖南按察使沈作朋。係巡撫馮鈴兒女姻親。俱例應迴避。圖桑阿。著調補河南按察使。沈作朋。著調補湖北按察使。其湖南按察使員缺。著嚴有禧調補。○諭

軍機大臣等。據成衮扎布奏稱。得阿桂所報舍楞信息。即同莽古賚領兵三百名。前往布延圖策應。所奏深協機宜。適與朕所諭脗合。舍楞等為我兵窮追逃竄。其力有限。阿桂既領兵策應。又有成衮扎布等。相繼前行。愈為妥協。伊等至布延圖軍營。惟在相機辦理。又思車木楚克扎布。頗諳軍務。今烏里雅蘇台無事。有福祿等在彼足矣。成衮扎布前往策應。若用伊為哨探。似屬有益。至達什達瓦屬人。亦於地方熟習。但游牧稍遠。未必能趨赴。若軍前需用。自可調來接濟。或非所必需。而業經派調。即酌量賞給遣回亦可。○又諭。阿桂昨奮勉進行。朕已加恩賞。伊若得舍楞確信。須量力而進。倘賊勢頗強。即候成衮扎布等合力攻剿。固不可輕身嘗試。亦不可心存恒怯。其巴爾虎領催巴岩。即令其馳驛來京。以備詢問。○甲辰。諭。豫省上年被災。各屬漕項。業經加恩蠲免。其勘不成災地畝。所有應

徵漕項米麥豆石。亦俱緩至今年麥熟後徵收。現在二麥雖已登場。而米豆秋成。尚須數月。若以本色辦納。民力未免拮据。且該省連年積歉。多留糧石於民間。閭閻口食。亦屬有益。著再加恩。將乾隆二十二年緩徵漕項米麥豆石。均予折徵。以示體卹。○諭。軍機大臣等。據趙宏恩等奏稱。該旗叅革道員李方勉。應追銀兩一案。前據該督尹繼善咨稱。應著落李方勉開報之印雄飛家屬代完。旋復以印光任。實係印雄飛疎族。不應代為賠項。前後咨報互異等語。此案承追銀兩。在印雄飛已屬代賠之人。至輾轉根究。及於疎族。已於政體不協。如果李方勉欠項。實在無著。即應奏明豁免。將該叅員照例治罪。此係通行常例。亦何不可之有。乃該督前稱應賠。後復稱不應代賠。又不自行具奏完結。此皆尹繼善模稜積習未化。是以遷延若此。尹繼善著傳旨申飭。○戶部議准。漕運總督楊錫紱疏稱。

淮安三。大河前二幫丁船。原兌淮海通。三屬漕糧。改兌原編米二斗五升。增銀五分。今長兌蘇揚。二屬南鳳改漕。運費不敷。請照蘇屬漕糧。每石加耗米三斗。增銀一錢。從之。○兵部議准。甘肅巡撫吳達善疏稱。甘省涼莊。寧夏所屬之紅城等八驛。驛丞裁去。請將各驛歲需錢糧。歸各該廳領銷。並令該管知府及驛道就近查覈。從之。○補行福建省。乾隆二十二年分軍政卓異官三員。年老官二員。才力不及官一員。分別陞賞處分如例。○調浙江提督胡貴。為廣東提督。以閩粵南澳鎮總兵倪鴻範。為浙江提督。○乙巳。

上詣暢春園。問

皇太后安。○諭據劉統勳等奏。會勘黃河北岸。應接築隄工。現在委員發帑趨辦等語。伊等既經勘定情形。自可次第興舉。劉統勳即著回京。不必在彼看視興工。所有該處工程。著德爾敏馳驛前往督辦。○調浙江溫州鎮總

兵甘國寶。為閩粵南澳鎮總兵。署廣東左翼總兵黃錫申。為溫州鎮總兵。○免河南祥符陳留。杞縣。通許。尉氏。洧川。鄆陵。中牟。陽武。封邱。蘭陽。儀封。鄭州。滎澤。商邱。寧陵。永城。鹿邑。虞城。夏邑。睢州。考城。柘城。湯陰。內黃。汲縣。新鄉。輝縣。獲嘉。淇縣。延津。滑縣。濬縣。武陟。原武。汝陽。上蔡。新蔡。西平。淮寧。西華。商水。項城。沈邱。太康。扶溝。許州。臨潁。鄆城等四十九州縣。乾隆二十二年分。水災額賦。○丙午。諭軍機大臣等。據車布登扎布奏稱。派喀爾喀公品級達什等。搜捕喀吉斯附近逸賊。俟回兵後。再遵旨前至塔爾巴哈台。探叛賊舍楞所向等語。伊等從前初聞舍楞逃信。若即行尾追。又有和碩齊等堵截。必為我兵擒獲。何至有約降失利之事。今舍楞已遁逃兩月餘。此時豈尚在塔爾巴哈台。坐待追兵耶。現在阿桂及成衮扎布。俱前往策應。可傳諭車布登扎布。惟速赴額爾齊斯。會同勦賊。不可派員前

往。至所奏圖倫楚。追擒布圖庫未獲。又派往策應敏珠爾多爾濟。攻勦哈丹餘賊等語。圖倫楚此次追賊。全未奮勉効力。著革去副都統。降為二等侍衛。以觀後效。○又諭。據兆惠等奏稱。四月十三日。渡伊犁河。已抵格根喀爾奇喇。詢明嚮道人等。由特穆爾圖諾爾。過巴勒琿嶺。穿行布魯特境內。計一月可至葉爾羌。喀什噶爾等語。前經屢降諭旨。令兆惠等。將伊犁等處叛賊渠魁。全行擒獲。再往回部。今來奏業已進行。自毋庸復返。但伊等帶兵不多。當沿途休息馬力。候雅爾哈善信息。隨後會合。方克有濟。此時兆惠等已往回部。車布登扎布等。又往追舍楞。伊犁無兵駐守。或哈薩克錫喇等。乘間復出。亦未可定。可傳諭兆惠等。平定回部後。仍遵前旨。回抵伊犁。盡勦遺孽。如渠魁一人未獲。不可謂之藏事。其沿途所見情形。仍陸續奏聞。○補行吉林乾隆二十二年分軍政。罷軟官二員。年老官

一員。有疾官四員。才力不及官一員。分別處分如例。其曾經出兵打仗之年老官六員。賞給全俸半俸有差。○旌表守正捐軀之直隸唐縣民趙良貴妻田氏。浙江桐鄉縣民沈體義女沈氏。○丁未。諭。昨據慎郡王具奏。有疾。朕即親往看視。旋因疾甚。復派皇子齋送。經被。以為飾終令典。茲聞薨逝。朕心哀悼。仍親往臨奠。著加恩賞銀一萬兩。派內務府大臣蘇赫訥。承辦喪儀。并莊親王亦同料理。○諭軍機大臣等。各省水師及水師兼陸路總兵十餘鎮。兵部冊內。均註為最要缺。在從前定議時。雖以海疆要地。不得不加慎重起見。但其中地方之險要。營務之繁簡。豈果一無區別。現在陸路總兵。既分為要缺。最要缺二項。則水師總兵。亦應照此分別。若一概俱列為最要。則轉致等次不分。遇有簡調人員時。何以量材授任。俾之人地相宜耶。著傳諭各該督提等。將所設水師及水師兼陸路諸鎮。逐

一詳加酌量。何者應仍為最要缺。何者應改為要缺。定議具奏。交部註冊。以憑稽覈。又諭發遣巴里坤種地一事。前據阿里衮奏請分屯築堡。酌量安置。已降旨。從黃廷桂處行文申飭。俾該督一體知悉矣。昨據黃廷桂覆奏。指到。看來該督亦尚未悉辦理本意。此等人犯。本係情罪重大。應死之人。因有一綫可原。未即置之於死。其實與黑龍江等處。為奴人犯無異。不過因西陲平定。是以發往巴里坤等處。給屯田綠旗兵為奴耳。而辦理此事者。不知命意所在。以致輾轉籌畫。甚欲分屯築堡。為之計長久。定世業。如良民之撫摩。而惟恐不至。豈不輕重倒置之甚耶。此事從前定議時。未經特行指出。發與兵丁為奴字樣。僅將此列入屯種事宜各條內。原未甚明晰。無怪外省之拘泥。瞻前顧後。覺為萬難辦理之事也。著再詳細傳諭黃廷桂。俾得知所從事。但此時屯種一事。現須由近及遠。人犯亦

未便遽行遠發。著酌量將此等遣犯。先賞給安西綠營兵丁為奴。俟安西賞足後。再行賞給哈密綠營兵為奴。過二三年後。以次再及於巴里坤。烏魯木齊等處。伊等如安分則已。倘或滋事不法。及私行逃竄。一經拏獲。即行正法。若有逃回內地者。肅州乃係要路。斷不能潛越。該督並當留心盤詰。拏獲。亦即於該處正法。總之此等原係匪類。免死發遣。已屬寬典。毋庸多為顧慮也。○以福建建寧鎮總兵陳光祖。廣東左翼鎮總兵養善對調。○戊申。

孝恭仁皇后忌辰。遣官祭

景陵。

上臨慎郡王允禧第。賜奠。○以太僕寺少卿五吉。為內閣學士。兼禮部侍郎。○以鑲白旗蒙古副都統阿岱。為左翼前鋒統領。起革任青州將軍色克慎。為鑲白旗蒙古副都統。○己酉。上詣暢春園。問。

皇太后安。○戶部議准兼管順天府尹劉綸疏稱順天府通判所屬牙行額設一千七十二名徵銀一千八百兩零除節次裁去一百五十八名外實存八百九十一名徵銀一千五百三十一兩著為定額從之。○庚戌諭軍機大臣等據調任兩廣總督陳宏謀等陸續奏到廣東米價昂貴為從前所未有請概准平糶各摺看來辦理未免過於張皇且未將近日所以致此之由逐一悉心體究向來粵東本非產米之鄉一切糧價較之別省原不甚平減但其地素稱沃土所居多富商大賈日用相安由來已久即去歲該省奏報收成亦並無災祲何至價直翔貴若此陳宏謀到任之初曾有籌辦採運一事在伊意以為盡心民瘼而不自知其失之太銳奏摺內甚至有諭令赴楚員役假裝牙估情事其措置過當已可概見因而本省射利之徒乘勢居奇轉以為得售其計地方市價日漸騰踊亦情理

所必有者如京城從前糧價錢價多有因辦理失宜轉致日益昂貴皆由司事者未得調濟之道以致若此亦其明驗也楊應琚任粵多年並未聞歲有增價今何以一年之間情形迥不相侔耶著將各原摺抄錄傳寄閱看令該督悉心量度粵省情形並伊在任時一切通融調度隨時籌辦有無成規之處一面速行奏聞一面速行密寄信李侍堯妥協辦理外可將此傳諭楊應琚知之尋奏粵東民食大半藉資西省善為招徠商販方源源而至臣前任每諭地方官遇應補倉項採買不得將西販穀船中途截買並令本地富戶收買速售俾迅速回棹轉運可使流通價減惟以體卹西販為籌辦東省民食之要茲遵旨悉心量度臣上年來閩時約計粵西倉貯穀一百數十萬石現今東省米價增昂莫若倣閩省商運溫台倉穀之例將附近東省之梧潯等府屬存倉穀定以撥運數目並腳價若

干曉諭東省商民。齎本赴糴。一切水脚等費。聽商自出。糴價令西省於秋收價平時購補。庶官民兩無所擾。粵西米價無慮增昂。東省倉儲免致彌補。得旨所奏可謂深達時務。簡明妥當之極。足見卿為國家幹材。不負封疆重寄也。○又諭。前據陳宏謀奏粵東米價昂貴。酌籌平糴。並買運穀石接濟。今復據鍾音會同具奏。內稱該省現在米糧。為從前未有之價。而宋邦綏摺內。亦稱二月間米價昂貴。平糴稍減。及三月下旬。又復驟長等語。粵東素非產米之鄉。多資客米接濟。市價原未能十分平減。但其地商賈輻輳。民間日用相安。且楊應琚在彼多年。亦未見價直如此昂貴。今伊去任甫及一年。去秋該省收成。亦未遇災歉。何以一時頓長。籌辦周章至此。陳宏謀前曾奏及赴楚買穀一事。摺內有令員役假衰牙估前往等語。因其辦理過當。即行批飭。看來粵省射利之徒。未必不因此而轉致居

奇閉糴。以至市價翔踊。不能猝平。亦事勢所必然也。即鍾音性情意見。亦未必不以留心民瘼。自當銳意辦理。而不知措置失當。過猶不及。又所謂知其一不知其二也。今陳宏謀已經調任。著傳諭李侍堯。詳悉體訪。推究一切。鎮靜妥辦。有應設法調濟。俾商賈輻輳。糧食充裕。民免艱食者。可即據實具奏。尋奏粵東早收漸次登場。五月分糧價遞減。六月上旬。省城暨各屬所報。俱較三月大落。現查照前督臣楊應琚招徠之法。加意妥辦。並札知廣西撫臣鄂寶。轉飭桂平。梧州等府。凡遇米船來東。隨時放行。不得稍阻。至商運官穀一節。茲屆早收。市價已平。可不須辦。得旨甚妥。○辛亥。工部議准。浙江巡撫楊廷璋疏稱。鎮海縣海塘。請一律增高。遵照成規興築。從之。

上詣暢春園問

皇太后安。○諭署刑部侍郎于敏中奏稱嗣父

于枋在籍病故。於例不得復報丁憂。請給假百日回籍治喪等語。著照所請。准其給假一百日。不必於木蘭隨圍。即行回籍。其刑部侍郎原係署理。亦不必開缺。假滿後即來京供職。仍按其期年滿日。再行實授。○諭軍機大臣等。據阿桂奏報。和碩齊。唐喀祿等。為賊舍楞所誘。唐喀祿等被害。和碩齊更衣降賊等語。唐喀祿雖一時被誘遇害。尚能奮勇捐軀。深可憫惻。著交部照陣亡副都統例議卹。侍衛富錫勒。穆倫保。佛爾慶額等。亦著交部議卹。俱給與世職。其餘陣亡得傷官兵。著阿桂查明送部分別議叙。議卹。侍衛奎薩營總班珠爾。聞信前追逆賊。亦著議叙。護軍校七格著加恩授為二等侍衛。賜號哈坦巴圖魯。蓋翎侍衛碩通。授為三等侍衛。賜號卓哩克圖巴圖魯。賞銀各一百兩。營總齊巴勒敏遜。遇應陞之缺即補。驍騎校薩爾巴圖。遇佐領缺出即補。護軍賽音圖。領催達賚。以驍騎校即

補。至和碩齊自歸附以來。加恩擢至散秩大臣。今遇賊叛降。情罪可惡。倘戀其妻子。潛回游牧。即行拏送來京。仍遣納木扎勒。馳驛至察哈爾。將伊妻子全行誅戮。以彰國憲。○又諭。阿桂領兵速追逆賊。尚屬奮勉。若舍楞未入俄羅斯。務宜體察賊勢。相機擒剿。或需增兵。即知會成衮扎布。前往策應。阿桂仍候辦理。哈薩克錫喇布庫察罕事竣。再行撤回。成衮扎布。此時暫駐科布多候信。其脫出得傷官兵。阿桂即量加賞給。令回游牧休息。前所派達什達瓦兵丁。成衮扎布亦酌量賞給調回。昨據舒明奏。請與成衮扎布同往策應。阿桂則科布多軍營之任。又將誰屬。殊不曉事。豈以一經陳奏。便可塞責耶。著仍駐科布多辦事。○癸丑。予陣亡喀爾喀公爵齊巴克扎布祭葬。入祀昭忠祠。○甲寅。諭軍機大臣等。黃廷桂覆奏。伊犁駐兵屯田一切應行豫備事宜。不動聲色。照常經理一摺。已於摺內批

諭矣。現在辦理回部未竣。則屯田伊犁原可暫緩。惟於烏魯木齊一帶。及噶勒藏多爾濟游牧之羅克倫等處。極宜相度地畝。廣為屯種。以濟軍食。並可省一切轉運之費。俟將來酌量情形。由近及遠。即俟一二年後亦無不可。著傳諭黃廷桂及永貴。定長等知之。○是月。大學士劉統勲奏。奉差經過地方雨水情形。得旨。覽奏俱悉。京師今得雨澤。大田無害。為之稍慰。而不敢言善也。○江南河道總督白鍾山奏謝聖訓。得旨。汝此任詎勉。更有何說。朕實嘉而憐之。所奏已悉。○河南巡撫胡寶瑔奏。上年豫省被水。豫防蝻子發生。嗣報睢杞連界之處。間生發動。即率屬親往撲打。並據山東撫臣阿爾泰。河北鎮臣馬乾宜。南陽鎮臣陳廷桂。先後俱至。協力上緊撲除。即日可盡。斷不敢推諉隱匿。得旨。朕實信此言。勉力為之可也。○山東巡撫阿爾泰奏。臣於四月下旬起程。赴濟寧。魚臺等處。巡閱河干。

未涸莊地。不及十分之二。因上年辦理以來。微湖共消水六尺二寸七分。水淺處俱已涸露。可耕。所餘未涸地畝。不過最窪之處。臣逐加相度。移淺就深。引水歸湖。並將所留水口。更加挑深。使湖水暢注入運。其魚臺穀亭迤西。原有民埝一道。久沉水中。今因水落淺露。臣已飭令勸民培築。又運河西岸。原有單閘十二座。三空橋二座。向為洩運入湖而設。臣與巡漕臣海明。河臣張師載等。議將濟寧迤北之寺前閘下板。使汶水專濟北運。則濟寧以南。運河必淺。湖水入運。居高就下。勢如建瓴。於未涸莊地。甚有裨益。仍將寺前閘間。日一開。以通民船。至於各處工程。如運隄石工。已完十分之八。沂屬之江風口壩工。及武河芙蓉。燕子。陷泥等河。已於四月底全竣。充屬之府河。洸河。係臣奏明酌給食米鹽菜錢文。募夫挑濬。現亦告成。其東阿。聊城。博平等處。修建滾壩。涵洞。橋梁。亦俱辦有八九分。五月

內一律全竣得旨。汝此次頗為出力。俟工竣奏報到日。有旨議叙。更宜勉之。山西巡撫塔永寧奏。據歸化城都統阿爾賓咨稱。土默特二旗官兵。並七庫楞喇嘛等。因上年歉收。籽種口食。不敷接濟。請援例借給穀二萬九千二百石。分作三年陸續補還。臣等查與從前出借之例相符。但倉穀現貯無多。請於托克托城倉內借給穀一萬八千石。歸化城倉內借給穀一萬一千二百石。三年交補。未免過速。應請酌照鄂爾多斯蒙古指俸借領倉糧之案。分作二年交還。免其加息。得旨。如所議行。○又奏。晉省自雍正年間至今。發覺邪教案件。已有十餘起。詳閱舊案。如澤州奸民張進斗。長治縣民李彥穩。周清水等。轉相煽惑。流毒無窮。究其萌孽復生。皆由根株未盡。請嗣後凡邪教內首犯。及傳播徒眾。除本犯明正典刑外。妻子人等。比照左道惑眾從犯。俱發邊外為民。收入城堡。嚴行管束。其從前

邪教惑民之犯。如張進斗等。臣現在嚴查。如伊子孫徒眾。仍有傳習邪教。亦請一體發遣。以淨根株。得旨。此時不便交議。俟有此等案件。再奏請覈議可也。大學士管陝甘總督黃廷桂奏。覆軍流情重人犯。發往巴里坤等處屯田。經臣咨商辦理。屯務大臣安置編管。茲據永貴等咨稱。吐魯番以東。俱有回民耕種。回民之外。又派兵一千四百名。儘力開墾。已無餘地。吐魯番以西。烏魯木齊。托克三。哈喇沙爾等處。俱無回民。河大水寬。土地亦廣。俟料理屯兵起程後。親往踏勘。今奉諭將發遣人犯。入於綠營兵丁內屯田。如何嚴加管束之處。令臣等會同詳議。除行文阿里衮。併移會永貴。即速踏勘情形。遵旨就近定議。咨覆到日。臣再參以已見。合一具奏。得旨。知道了。辦此等事。若拘泥成例。畏首畏尾。則一步不可行矣。署陝西巡撫吳士功奏。延綏二府州屬。得雨未透。應照夏災例。酌借口糧籽

種。加意撫卹。又鄜州所屬之宜君縣二十八村莊。於五月初一日被雹。中部縣四十九村莊。亦於是日被雹。應照夏災例。酌借籽種。並飛飭將各缺雨被雹分數。取結具詳。分別酌借籽種。得旨覽奏俱悉。若有再不得雨致成災之處。一應撫卹。加意妥為之。兩廣總督陳宏謀奏。惠州府所屬八場。正委官十員。歲產鹽觔將及百萬包。督收緝私各務。向責成知府。該府所轄九縣一州。事務殷繁。請將惠州所屬八場。責令碣石同知督理。一切巡查催趲事宜。俱歸經管。場員所領帑本。皆貯同知庫。倘有虧帑缺收。隨時報叅。聽鹽運司稽覈得旨。如所議行。署貴州巡撫周人驥奏。覆黔省常平積貯。乾隆十四年定額。應存米一百萬石。因向無協濟鄰封災賑撥用。每歲出陳易新。通省不過數萬石。至買補之際。緣無行市馬頭聚米。止可發價里民運納。道路險遠。亦難多購。計自乾隆十七年至二十二

年。共未買補平糶米八萬六百二十七石。上年奉旨後。催令各屬採買。及以秋糧米抵撥。共已有六萬七千六百石。餘數無多。今歲即可買足。得旨覽奏俱悉。

大清高宗法天隆運至誠先覺體元立極敷文奮武孝慈神聖純皇帝實錄卷之五百六十三

大清高宗法天隆運至誠先覺體元立極敷文奮武孝慈神聖純皇帝實錄卷之五百六十四

監修總裁官經筵講官太子太傅文淵閣大學士文淵閣領事侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十三年戊寅六月乙卯朔正白旗護

軍統領奏紫禁城四門請添設官員看守得

旨羅察留保著補授午門章京烏金太阿年

保著補授東華門章京舒通阿瑚圖禮著補

授西華門章京黑英拉木扎著補授神武門

章京○丙辰

上詣暢春園問

皇太后安○命副都統福祿散秩大臣永慶乾

清門侍衛額訥慎塔爾海烏爾圖納遜帶領

索倫兵前往軍營効力○旌表守正捐軀之

直隸東明縣民任天章女任氏河南蘭陽縣

民梁素妻畢氏○丁巳諭曰協和門進班委

護軍校都爾瓦奪取僧人腰刀當即擒獲實

屬奮勇可嘉著加恩補放副護軍叅領賞銀

一百兩幫拏之護軍貴保賞銀五十兩其餘

人等各賞銀三十兩○諭軍機大臣等據表

曰修等奏被水地畝已多涸出所有從前奏

請於湖口閘上添建閘座之處應行停止等

語從前尹繼善以運河水漲亟應疏濬是以

奏請於該處添建閘座以資宣洩今復奏請

停止其意蓋以積水已消若添建出水閘轉

恐於將來蓄水濟運之法有礙此未免過計

現在積水雖退而運河諒不慮無水接濟該

處閘座雖不必添建或酌量運河蓄水尺寸

將閘口迤上之隄留為滾水壩俾蓄洩俱有

所資殊更為有益著傳諭尹繼善等即妥協

查勘辦理再摺內有安山湖已成平陸之語

此湖既成平陸民間自必耕種現在曾否已

經升科。著一併傳諭該督等查明具奏。尋尹繼善等奏。遵旨相度地勢。擬於湖口間迤北六丈。添建滾水石壩一座。口門酌寬三十丈。洩水入河。形勢甚順。其壩脊亦照湖口間金門水深一丈二尺五寸為度。水大則漫壩宣洩。水小則收蓄濟運。得旨。如所議行。又張師載等奏。安山湖原額湖灘地租。歲徵銀三千七百一十五兩零。乾隆九十等年。湖水愈涸。招民墾種。十四年報部升租銀一千三百七十一兩零。二十年又報升租銀一百六十二兩零。現在每年實共徵銀五千二百餘兩。解運河道庫。為歲搶二修工食等項之用。報聞。○又諭。據雅爾哈善等奏。現圍庫車城。斷其水草。誘賊出戰二次。俱有殺傷。俟雲梯防牌造成後。即可尅期攻取等語。所辦雖是。但察其情形。似恐以延緩取咎。不知用兵之道。或遲或速。惟在相機行事。其軍前諸臣之勇怯。朕自有明鑒。不必過於急迫。若尚未攻克。仍

即分兵畧地。至額敏和卓。年力就衰。感恩圖報。力戰被傷。甚屬可念。此時曾否痊可。其善為調攝。以副睦懷。再額敏和卓所言。從前準噶爾人等。圍城九月始克之語。伊等惟知野戰攻城。自非所長。且或因攻圍未克。更迭往返。亦未可知。若久困城下。此必無之事。今以我兵力。計一月間自應攻克。即力有未能。宜分兵往攻烏什等小城。其阿克蘇城。或難急攻。但蹂其禾稼。撤回兵丁亦可。至所奏回城草料漸盡。現取楊桑等樹皮葉飼馬。此語從何得來。可作速具奏。○又諭曰。雅爾哈善所奏庫車情形。著傳諭兆惠。此時若能直取葉爾羌等城。擒獲逆酋。自可贖疏脫哈薩克錫喇之罪。但務宜探聽雅爾哈善等信息。如信息未通。亦不必冒昧前進。即帶兵轉回。查拏哈薩克錫喇等。至前據哈薩克人等所言。哈薩克錫喇隻身逃走。及伊母渡河溺死。殊不足信。或借此浮言。懈我軍心。因而潛行招引。

亦未可定。兆惠回至伊犁。當加意察訪。如果哈薩克有招引情事。即帶兵壓境。嚴行索取。自可弋獲。仍將進兵情形。作速奏聞。旌表守正被戕之直隸四旗廳民屈成富妻孫氏。戊午命侍衛永德。馳驛前往烏魯木齊。協辦哈薩克貿易事務。封雲南彌勒州屬發雜鉛廠。從巡撫劉藻請也。己未。

上詣暢春園問

皇太后安。諭塔永寧奏解肅駝隻。除沿途草料口糧動項報銷外。尚有藥料茶鹽等費。請於通省各官養廉內公捐補款等語。所奏殊非政體。辦理軍需。一切動支公帑。從無絲毫派累地方。況官員養廉。原以體卹下情。使用度有資。方可勵清操而急公務。豈可輕言捐派者。現在解駝需費。果係必不可少之項。自應奏明於公項內支給。不必於額設養廉另籌捐補。山西向來因循陋習。近經釐剔。庶可肅清吏治。若一遇辦公。復有捐貲之議。恐不

肖人員。因此轉多藉口。又何以飭官方而集公事耶。此項解駝需費。著該撫查明覈實動項。咨部覈銷。該部即遵諭行。諭軍機大臣等。塔永寧奏辦解軍需駝隻額外餘費。及倒斃駝隻等項。仍請公捐各屬養廉還項一摺。所辦未為允當。已降旨將解駝各項需費。應行開銷。照例動公報銷。不得於各屬養廉內捐補。至於沿途遺失及倒斃駝隻為數過多。在應准開銷之外者。自屬解員辦理不善。則應於管解各該員養廉內酌量照數彌補。或該員等養廉不多。亦只可於委派各員之巡撫兩司。及該管道員分扣還項。斷不得將來經承辦各屬之養廉。輕議攤派。著傳諭塔永寧將來俟甘省咨到。查明實在應賠駝數。遵照此旨辦理。毋許仍沿向來陋習。致於政體有乖也。又諭前命努三辦理哈薩克貿易事宜。曾面諭以不可多給價直。現在進勦回部。恐本年未能竣事。來歲需馬更多。可傳諭

努三。俟哈薩克以馬貿易時。不妨多為購辦。即價直稍昂亦可。至所易馬匹。牧放需人。綠旗兵雖不可用。若巴里坤有察哈爾兵。當酌量揀派。暫令牧放馬匹。仍著一面奏聞。一面咨明巴里坤大臣辦理。現在擬派察哈爾兵一千名。星速前往。其加意牧放。以利軍行。昨命承德協辦貿易事務。努三俟其到時。更宜留心指示。俾得學習行走。禮部議覆御史奇徽伯奏。

太廟大典攸關

皇上親詣行禮。或遣官承祭。陪祀官因丹陛樂作。恐鳴贊之聲聽聞不真。若遇雨時。在戟門兩廡廊下行禮。距贊引官更遠。請設傳贊官二員。以肅祀事等語。應如所奏。照

祈穀壇例。設官傳贊。從之。○庚申

上御勤政殿聽政。○諭京城各門石道工程。原派吉慶范時綬總司其事。吉慶現已出差。雖有蘇赫訥。協同經理。人如木偶。工程浩大。查

察難周。著再派李元亮。夢麟。會同稽覈。並即於戶工二部。揀選賢能司員數人。與內務府司員一體承辦。務期大工堅固。以利行旅。○諭軍機大臣等。黃廷桂奏。哈薩克貿易馬匹。商辦牧放事宜一摺。自屬慎重防護之意。現在已派察哈爾兵一千名。前往照料牧放。可免匪人潛竊之慮矣。至摺內所稱。大兵指日成功。亦無需馬之處等語。於現在情形。尚未稔悉。辦理回部一事。此時雅爾哈善正在領兵進剿。如果能奏功。固屬甚善。設或一時未即就緒。則明歲派添兵馬。亦必於此時豫為擘畫。即口糧一項。亦應酌備一二萬兵之用。庶不致臨事周章。該督雖不可因此豫存張皇之見。而熟籌妥備。又不可不留心經理。若於哈薩克貿易馬匹時。設法多為購換。以資儲蓄。更屬周至。總在該督酌量從容妥辦耳。將此傳諭知之。○又諭曰。胡寶琮以豫省開濬河道。全工告成。永弭水患。奏據紳士軍民

等。請於永城縣建立萬歲亭。並請御製碑文。以垂永久等語。中州地勢平行。河道淤墊。頻罹水患。深厯朕懷。特遣大臣會同該撫。相度原委。開濬支幹諸河。數郡民生攸繫。當此各工就理之時。詳紀從事始末。俾後來司土諸臣。知所遵循。修守勿替。乃制所應備。所有碑文。另候頒發。至於建亭祝嘏。徒費民財。雖出感戴之誠。實屬無益之舉。朕甚不取其飭禁之。已於摺內批諭。著再傳諭胡寶瑤知之。

御製中州治河碑文曰。國以民為本。在知民莫達之隱。民以食為天。在防食致害之源。害源不求。食則無秋。達隱莫知。民則何依。豫民之向隅也。切體恤之。悉為災之因。潦也。為鬻別之時。則守土之臣曰。胡寶瑤。襄事之臣曰。裴曰修。二臣奉朕旨。不惜工。不愛帑。不勞民。水用洩。土計方。上源下游。以次就治。撫臣胡寶瑤。因民之請。欲泐石紀恩。而建亭以覆之。朕惟此繁文可勿事。惟是斯民之利賴。有宜垂

示久遠者。虞書言養民之政。舉水火金木土穀為六府。禹之明德遠矣。究其所設施。則決川距海。即系之以濬畝。滄距川。周禮遂人掌邦之野。有遂。有徑。有溝。有畛。有洫。有涂。有澮。有道。有川。有路。而稻人掌稼下地。畜水。止水。蕩水。均水。舍水。寫水。而後作田。古先哲王。其納天下於在宥。兵農禮樂。至一名一器之微。皆纖悉為之制。而必先之以水土之政。此地平天成之所由基也。水土之政不修。食曷由出。朕於四方水旱之告。蠲賑動以千萬計。顧圖之於既災之後。不若籌之於未災之前。仰體

上天覆育元元之心。罔敢暇逸。以無負所付。用康乂我億兆人。良有司為朕分牧民之任者。其亦體朕心。以期於永永弗隳。則朕之至願也。至於齊徐淮海。莫不分命臣工。董司其事。以疏以濬。尋源注委。而豫居天下之中。黃河界其北。淮瀆經其南。平原高壤。無大陸廣川

為之瀉。故尤為難治。今自滎澤以下。導汴渦沙汝諸水以流其惡。其支分派別。或隄以束之。或淵以瀦之。或引之使分。或匯之使合。曲之使有容。直之使徑達。為水門以蓄洩之。為涵洞以吐納之。朕後先宣示之旨。及諸臣之疏具在。茲不復敘。為敘其大指若是。嗟乎。豫之民其受困亦亟矣。及朕知之。始為之易撫臣。發帑粟。興水利。然救什一於千百。其亦遲矣。朕方抱愧之不暇。而曰民感恩乎。其益增吾愧而已矣。又諭。據吳達善奏稱甘省大勢缺雨。其杖徒以下等罪。可否亦照直隸清理刑獄之例。酌減辦理等語。已於摺內批示。清理刑獄亦祇祈求雨澤之一端。今肅甘涼蘭等屬。未得透雨。而涇州高臺數州縣。又有被災之處。邊省貧民深為軫念。雖該省頻年額賦悉已加恩豁免。若秋成未能接濟。則應行撫卹之事。不可不急為籌畫。寧夏一帶。素稱產米之區。價直較他處必當平減。其應如

何設法採購。以為未雨綢繆之計。務宜作速部署。以備臨時酌量賑糶。庶邊氓得霑實惠。將此詳悉傳諭吳達善知之。○軍機大臣會同刑部奏。東華門進班護軍叅領。護軍校。護軍等於瘋顛僧人拔刀入內。未能攔阻。分別定擬。得旨。護軍叅領。護軍校。護軍等。看守禁門。係其專責。似此瘋疾之人。強行入內。當經以棍擊斃。或以刀砍傷。俱分所當然。乃守禦多人。竟不能一為攔阻。如軍前遇敵。諒不過恒怯奔潰而已。尚能奮勇殺賊乎。此即應如所奏。亦無不可。但積習日久。實未嘗經歷此等事件。且人數眾多。著加恩將擬絞之護軍校努爾瑚訥。長玉。護軍福森保等十六人。俱行寬免。發往拉林。阿勒楚喀。餘依議。此係朕格外恩施。嗣後看守禁門之章京。護軍校。護軍等各宜勤慎當差。嚴為守衛。倘訓飭後。如仍前怠玩偷安。一經查出。朕必從重治罪。決不姑貸。不可因此次加恩。妄生希冀也。將此

旨著八旗護軍統領書於木牌。凡進班之處俱行懸掛。悉令進班人等知之。○辛酉。諭軍機大臣等。據楊錫紱奏。現在漕船將次全抵天津。恐北河水淺。剝船稀少。必致擁擠守候等語。著傳諭方觀承。今年糧艘。不期在天津值颶風。以致壅塞河干。所需剝船。必先期廣為雇備。以資臨時剝運之用。方可迅速抵通。該督可即赴天津督率地方官。豫行妥協經理。目下正屆防汛之期。該督現駐河干。照料甚便。務俾各幫漕糧。及早抵通起卸。毋致遲誤。○又諭。近以辦理回部機宜。節次諭知兆惠。雅爾哈善等。伊等兩路進兵。若今年能攻克葉爾羌。喀什噶爾等城。固善。倘不能克。於應行撤兵之時。即在擒獲回人內。酌揀數人。明白曉示云。大兵進剿。惟欲擒獲布拉呢敦。霍集占。與回衆無涉。恐爾等被其恐嚇。妄相附和。今大兵雖暫時休息。來年仍必進剿。亦定將田野種植。盡行蹂踐。務獲二賊方止。如

此頻年進兵。耕獲無期。必致餓斃。豈不為厄魯特之續。爾等若悔罪歸誠。即聽於本地各安生業。有能擒獻首惡。大皇帝必格外加恩。爾等與其被脅而死鋒鏑。孰若來投以樂室家。利害昭然。所宜熟思審處。今將此意作書。交爾等傳示回衆。使人覺悟。即行釋放。似亦攻心之策。若慮逆酋等先期設備。則次年即不進兵。伊等亦未必弛備也。但必俟應行撤兵之時。方可如此辦理。再本年或不能取葉爾羌。喀什噶爾。僅得庫車。烏什。阿克蘇等城。屆撤兵之期。若令降人管轄。恐賊復來奪據。若留兵戍守。兵少則力弱。兵多則餉艱。雅爾哈善。額敏和卓等。身在行間。其體察情形。詳悉議奏。○兵部議准。署江西巡撫阿思哈疏稱。南昌城守營額設馬步兵二百二十三名。除分駐塘汛外。存城僅七十餘名。不敷差遣。請於鎮標後營額兵七百餘名內。改撥一百名。把總外委各一員。以均勞逸。再後營兵六

百餘名。僅止守備一員。請改為揀選之缺。以資熟手。從之。○工部等部議覆。安徽巡撫高晉條奏。丁地方農田水利。正印等官。均應辦理。但事務殷繁。勢難兼顧。請將守巡各道。及府州佐貳。分司協理等語。應如所請。廬鳳道并鳳陽府同知。通判。潁州府通判直隸泗州州同。均兼水利職銜。改鑄關防。○宿州所屬濉河。宣洩清黃要道。前經淤墊泛溢。現在開挑修閘。請分派各員保護等語。應如所奏。自徐溪口至符離集河道。黃疇等三閘。交宿州州同分管。符離集至霸王城。高溝等四閘。伏秋二汛。令該州判移駐照料。冬春仍回臨溪霸王城至陵子湖口。交靈璧縣主簿分管。并責成宿州知州總理。所設閘夫工食。咨部支銷。○濉河當毛城鋪下游。上游減洩黃水過多。必致沙停淤墊。今遵旨將毛城鋪堅閉不開。修築亂石等壩。以節水勢等語。應如所奏。毛城鋪責成黃河之蕭碭廳營。遇盛漲漫灘。

知會宿州經管各官豫防。如彼此推諉。即行查明叅處。○鳳潁泗各屬河工。每年雨水坍卸。勸民修築。至按年疏濬洪濉三河。工費浩大。仍歸官辦等語。應如所奏。准於江寧藩庫。每年豫撥銀三千兩。解貯廬鳳道庫動用。報銷查覈。○鳳潁二府地多平行。宜開溝洫。靈虹二縣及泗州。瀕臨湖河。地勢低窪。應築圩圍。一州縣中。應開溝洫若干。築圩田若干。詳明歸入兼銜案內。分別勸懲等語。均應如所奏。行令該撫飭令各地方官勸諭興修。士民慕義急公。准照樂善好施之例議敘。○河水順流而下。無知村民。每豎椿箔捕取魚蝦。水發阻遏淤淺。請飭地方官嚴禁。應如所奏。令地方有司。及兼管水利之員。親往詳察。凡官河大港。有礙蓄洩。自宜禁止。若溪灣港汊。仍聽民便。毋任胥役藉端需索。從之。○調正紅旗蒙古副都統德爾素。為正黃旗蒙古副都統。○壬戌。吏部議准。四川總督開泰疏稱。屏

山縣馬邊營地方遼廓。民夷雜處。命盜事件。移縣查辦。殊覺莫及。請將宜賓縣縣丞。改入屏山駐劄經管。至宜賓縣丞原管事務。即以敘州府經歷兼管。改鑄關防印信。從之。○癸亥。

上詣暢春園。問

皇太后安。○諭軍機大臣等。前經傳諭黃廷桂。先期購辦口糧。以備明歲支給添派兵丁之用。今思甘省河東。河西各處。向有徵貯糧石。

原為儲備軍需。此時自應速為籌運。如本省足數備辦。較之別省採買。自屬便易。倘為數不敷。則應就近移商開泰。令於四川近甘各州縣。廣為先時購運。大約務足二萬官兵一歲口糧之需。方為妥協。其解送之期。能於今冬料理齊備。運至巴里坤。或哈密。存貯應用。乃為得濟。征兵口糧。關係緊要。該督即速為妥協籌辦。勿致臨期遲誤也。著即傳諭黃廷桂知之。○大學士等議覆大學士管陝甘總

督黃廷桂奏。發遣人犯。賞給屯兵為奴。自有該兵丁督課取力。牛具籽種。毋庸另為辦給。所居土屋。聽自行蓋造。至發遣人犯。據永貴等。擬請托克三。哈喇沙爾二處。共需五百名。查現在烏魯木齊。及穆壘一帶屯種處。增添不一。遣犯難遽定數。再所議本年發來遣犯。暫留肅州。俟明年正月起解。邊地狹瘠。米價騰貴。各省匪類聚集。諸多不便。請令刑部行知各省。將應發人犯。計程起解。於明年正月

陸續到肅。轉解巴里坤大臣等語。查該督所奏發遣人犯。賞給屯兵為奴。牛具籽種。毋庸另給。土屋聽其自造。并令兵丁嚴束。毋庸另立科條。均如所奏辦理。至所議遣犯不必遽定其數。查此等遣犯。各省陸續結案。原難定以成數。至行知計程起解。未免紛煩。應令該督遵旨。將此等遣犯。先賞給安西綠營。次給哈密。俟二三年後。以次及於巴里坤。烏魯木齊等處。不必咨會各省。徒滋案牘。從之。○又

議覆甘肅巡撫吳達善奏昨歲大兵進剿及駐防牧放屯田各官兵一萬餘員名經臣奏撥哈密食糧二萬石今春不敷接供復請撥哈密甘肅等處三色糧二萬石運交軍營備貯今歲各項官兵統算約二萬餘員名數增一倍就前原撥糧石支放難期足用查向來凱旋官兵鹽菜口糧長支者按口扣抵少領者計日找給伊等在外製備衣履皆藉此找支之糧補用似應少為變通將來凱旋官兵需找口糧莫若酌以二成本色八成折價搭給倘有借食他人口糧必需歸還本色者仍支領本色其願領折價者聽其自便等語查軍營糧石最關緊要現在巴里坤貯糧無多大兵凱旋找給若一概補領本色未免不敷應如該撫所奏此項找給口糧酌以二成本色八成折價不拘色樣每石以八兩定價從之○甲子諭曰甘肅提督劉順著仍留署安西提督之事其甘肅提督印務著額僧額即

行馳驛前往署理大同鎮總兵印務著曹瑛署理○又諭據張師載等奏運河緯道各工已於四月中旬告竣等語東省運河因連年湖水過大以致緯道間段淹沒去歲特命河撫諸臣履勘籌議發帑興修開工以來在事諸臣奮勉急公南陽至韓莊一帶緯道隄工俱能修築完固於運道民生永資利賴辦理甚屬可嘉張師載阿爾泰海明俱著交部議敘其在工承辦各員均著該河督等查明咨部一體議敘以示鼓勵○軍機大臣等議覆盛京將軍清保奏稱盛京滋生銀兩自乾隆十一年九月起至本年二月止共本利及平餘銀一百五十萬六千三百兩有奇除陸續交盛京戶部及賞兵立鋪等項外尚有賒借未歸銀三萬餘兩現餘銀四十三萬六千三百兩有奇遵照原議將四十萬兩存鋪生息其餘三萬六千三百兩零請留官鋪貿易不必起息俟前欠扣清即歸再查立鋪以來定

以一分五釐起息。原為速完兵丁借項。今原借已歸。現存四十萬兩。請改為一分二釐起息。一分供兵丁紅白事。二釐為官鋪公用。倘餘交庫充項。再官鋪承辦人員。若令全更新手。恐多未諳。請換一半等語。應如所請。至所稱賒借未歸銀兩。將餘銀作無息抵補。若不定限完繳。與原議本數不符。請立限一年。即將應交各項交庫。從之。○禮部題。

聖駕南巡。籌畫河務。念原任河道總督內大臣

高斌。及明臣潘季馴。功在生民。並予祠祀。旋經該督白鍾山等咨商到部。以二臣既光俎豆。并行請謚。臣等以高斌病故時。並未奉旨賜謚。是以未經題請。而潘季馴乃明代河臣。本朝無請謚之例。咨覆去後。今該督仍復具題。查我朝大臣予謚。凡官至一品。著有勞績。應否予謚。請旨定奪。茲高斌已蒙賞給內大臣職銜。階躋一品。且勞績素著。似與定例相符。至明臣潘季馴。既蒙恩與陳瑄並祀。可否

予謚。出自聖裁。得旨高斌著予謚。尋謚文定。

○乙丑。補行浙江省乾隆二十二年分軍政卓異官六員。有疾官一員。才力不及官三員。浮躁官一員。河南省卓異官二員。不謹官一員。年老官一員。分別陞賞處分如例。○丙寅。諭軍機大臣等。據兆惠等奏稱。伊等已過特穆爾圖諾爾。所餘口糧無幾。不能回至伊犁。仍招撫布魯特。辦理回部。就其所獲。以給軍食等語。所奏殊不知朕軫念伊等之意。譬如伊等所稱。口糧不能回至伊犁。辦理回部。就其所獲。以給軍食之說。倘若不得。將奈之何。由此觀之。朕實不能釋懷。况伊等果係口糧不足。自伊犁起程時。又何必停止巴里坤運送口糧。前後所奏。自屬矛盾。已諭將兆惠等停運糧餉。仍送至伊犁。交車布登扎布。昨又令車布登扎布前往策應。其應接濟兆惠等口糧。即著車布登扎布帶往給與。再雅爾哈善等。現在尚未攻克庫車。則葉爾羌。喀什噶

爾。又安能即至。兆惠等若得雅爾哈善攻勦回部信息。量其力量。可以兩隊夾攻。自當奮勉前進。否則仍回伊犁。搜捕哈薩克錫喇等渠魁。其相機酌辦。作速奏聞。○又諭曰。兆惠以糧餉不足為詞。若本年未能平定。回部則軍食關係甚重。屯田收穫。諒亦無幾。巴里坤距伊犁頗遠。不便一時起運。當挑選駝隻。陸續將米麪等物。運至吐魯番。烏魯木齊等處豫備。可傳諭阿里衮。速為接濟。仍行文永貴定長。令將存貯處所。轉運事宜。酌量辦理。○署理廣西巡撫鄂寶議覆。按察使梁翥鴻奏。稱粵西天時溫煖。每年七月交秋。炎熱更盛。十月亦不為寒。本省軍流外遣各犯。當溫煖可行。照例停遣。尚無妨礙。若七月炎暑起解。不免多病。請七月亦准停遣等語。查軍犯停遣。原屬特恩。該按察使所奏。自屬實在情形。嗣後粵西軍流遣犯。七月內亦暫停遣。俟八月初起解。至隆冬停遣之例。十月尚可前進。

不必拘泥定限。可酌減一月。於十一月再為停遣。得旨允行。○丁卯。予陣亡總管第魯巴祭墓如例。入祀昭忠祠。○戊辰。

上詣暢春園問

皇太后安。○戶部議准四川總督開泰疏。稱大寧縣新增竈座鹽觔。足敷配銷鶴峯州六引二百一十九張。其雲陽縣原配鶴峯州額引。在於萬縣銷售。從之。○旌表守正捐軀之直隸棗強縣民馬興妻王氏。○己巳。諭朕近日

偶閱樂善堂集。緣初刻所存卷帙頗繁。其中多有不甚愜心之句。昔人云。文章千古得失寸心。朕非輒悔其少作。博不愜情。去留之名。政以隨時刪訂。則今昔諄力所到。端可藉以自驗。其令內廷諸臣。悉心校閱。分擬應存應刪。簽貼進呈。候朕裁酌。重訂定本。以付剞劂。○諭軍機大臣等。雅爾哈善等。以攻圍回城。防守要隘。繪圖具奏。辦理頗屬奮勉。諒賊眾自難久守。倘尚未攻克。仍分兵前進。揚言已

取庫車。懈其應援。再用兵之道。捉生詢問。可知虛實。今我兵殺賊五十餘。傷賊三十餘。而未見擒獲一二人。何耶。此時賊眾。即出城交納兵器。乞降。仍宜整肅隊伍。於各要害加意巡防。勿以輕敵受欺。所奏勦賊之第雅隆阿。著交部議敘。莫倫岱。即陞補都司。其効力得傷官兵。俱著照例議敘。另摺所奏伊犁屯田。尚非目前急務。自可從容辦理。

實錄卷五百六十四

二十五

大清高宗法天隆運至誠先覺體元立極敷文奮武孝慈神聖純皇帝實錄卷之五百六十四

大清高宗法天隆運至誠先覺體元立極敷文奮武孝慈神聖純皇帝實錄卷之五百六十五

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲副都統軍功加七級隨帶加一級尋常加二級軍功紀錄一次臣履桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲副都統軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十三年戊寅六月庚午諭軍機大臣

等據寶善覆奏宿靈虹三州縣蝻孽萌生撲滅淨盡摺內並有飛蝗過境自北飛來間有停落並非原報萌動之處等語鳳穎泗等屬地勢窪下入夏雨水稀少恐有蝻孽萌生時屢朕念前因寶善惟奏關務當經批諭切責始據奏到但飛蝗入境非蝻孽易於撲滅者可比則尹繼善高晉從前所奏何以止言撲捕蝻孽而並不言及飛蝗入境之事耶著傳諭尹繼善高晉速即查明或被屬員欺飾亦

未可知。令其據實回奏。宿靈虹三州縣停落飛蝗。曾否搜捕淨絕。并北來飛蝗飛往何處。現在亦曾上緊撲捕否。與民間禾稼有無傷損。一併據實奏聞。以慰懸切。尋奏上江宿靈虹三州縣。并下江銅鄧等州縣。先後報生蝻孽。臣等就近督捕。隨時撲滅。嗣據宿靈虹報有飛蝗停落。未據聲明起處。旋據報盡行撲滅。田禾無損。此外尚有上江之泗州。鳳陽。五河。等州縣。下江之淮。徐。海。各屬。亦有數處具報飛蝗停落。俱撲滅淨絕。毫無傷損禾稼。是以前奏蝗蝻摺內。未經聲明。得旨覽奏欣慰。○又諭。據雙慶等奏。坐糧廳呈報。六月初六日起。至初十等日。外河水長。深處八尺一二寸。淺處七尺八九寸。十三日復消退三尺。淺處四尺八九寸不等等語。前因北河水淺。漕艘恐致擁塞。必須多備船隻起剥。今數日時雨疊沛。水勢增長。淺處亦現有四尺八九寸。自與上月情形不同。著傳諭雙慶等。詢問該

坐糧廳等。現在河水增長若干。各幫糧艘足資浮送與否。著據實奏聞。○又諭。巴里坤一帶。現在墾種地畝甚多。兼有辦理回部之事。均需馬匹。若就陝甘兩省購買。一時恐難足數。應於附近各省。分路採辦。自易為力。直隸著買馬三千五百匹。山西二千五百匹。山東河南各一千匹。陝西二千匹。可傳諭各該督撫。即派委賢員上緊購辦。解赴肅州。交總督黃廷桂驗收轉解。務於十月內。趕至巴里坤。以備撥用。再此次馬匹。各該省如能及時買足甚善。設或不能趲辦。准於營驛馬匹內。先挑選口輕體壯者。湊足解往。所有缺額馬匹。限於今年內陸續購補。並傳諭黃廷桂知之。○戶部議准。四川總督開泰疏稱。資州等六州縣。開淘鹽井。增設煎鍋。請增水陸引。共九百七十九張。課銀二千一百二十八兩。徵收造報。從之。○辛未月食。○諭陝西延榆所屬八州縣。地處沿邊。土瘠民貧。而積年被災。糧

價昂貴。所有歷年借欠牛具倉穀等項。若仍照例新舊并徵。邊氓生計。愈滋拮据。朕心深為軫念。所有榆林府屬之榆林。葭州。懷遠。神木。府谷。延安府屬之靖邊。定邊。及宜君等。八州縣。乾隆十八年。至二十一年。積欠常平倉穀。及二十一年。借支牛具折還穀石。共一十八萬二千二百餘石。俱著加恩豁免。其乾隆二十二。三兩年。借欠。及自十三年以後。積欠社穀。並二十一年。緩徵兵米。二十三年。春借牛具折還穀石。共二十七萬三千餘石。俱緩至明歲秋成起。分作五年。帶徵還倉。以紓民力。至榆林。延安。綏德。三府州屬。雨澤愆期。麥收歉薄。閭閻口食。恐不足以資接濟。所有一切撫卹事宜。該督撫等務即速為妥協經理。毋致失所。以副朕念切痼瘼之意。該部遵諭速行。○諭軍機大臣等。榆林。延安。綏德等。三府州屬。雨澤愆期。麥收歉薄。已降諭旨。令該督撫等妥協經理。毋致邊民失所。著再傳諭。

該督撫。速即酌量情形。應行借糶者。即行借糶。應行蠲緩者。即請蠲緩。務俾邊地貧民。得資接濟。至該三府州屬。二麥雖被旱災。現在曾否得有透雨。並得雨之後。可否補種秋禾。及雜糧。菽豆之屬。以續饔飧。亦宜作速勸諭。及時補種。即貧民無力。原有借給籽種之例也。再榆林。葭州。懷遠。神木。府谷。靖邊。定邊。及宜君等。八州縣。歷年借欠牛具倉穀四十餘萬石。業已加恩分別豁免。緩帶矣。著一併傳諭知之。○又諭。據黃廷桂奏。甘省河東。河西各府屬。間有被旱被雹地畝。業已酌借籽種口糧。無慮失所。而吳達善奏內。則稱除有渠水可資灌溉。及河東之秦州。河西之西寧等屬。得雨深透。而其餘各屬。均欠需足。並有未能播種之處等語。吳達善此奏。係五月二十五日拜發。乃各屬田地。尚有未能播種者。秋成豈不失望耶。所有一切撫卹事宜。該督撫等務須悉心豫為經理。毋俟勘災已成。始議

賑糶也。至現今各屬曾否續得雨澤。得雨之後。如尚可補種秋禾。及雜糧。菽豆之屬。亦即各按地方情形。速為勸諭。及時補種。以資接濟。總勿致邊地貧民。稍有失所。著再傳諭知之。○又諭。據黃廷桂奏稱。甘肅現存礮位。年久不堪應用。現在雇覓良工。趨造大神礮二三十位。請交松阿哩監造。就近演放。交臣轉解等語。軍營現需礮位。自宜製作精堅。著傳諭松阿哩。督同鎮道等員。監視工匠。加意鑄造。但必俟全數鑄就。始行轉解。未免稽遲。時且解送。亦殊繁費。惟酌量鑄成三四位。或五六位。即為一起。轉解可也。○禮部議准。大學士管陝甘總督黃廷桂疏稱。嘉峪關外。素係戈壁。西路進剿時。水泉噴涌。奉旨建立龍神祠。今於得勝墩地方建立。并請封號扁額。以彰神貺。從之。○壬申。大計江西省。不謹官三員。罷軟官一員。年老官七員。有疾官三員。才力不及官四員。浮躁官一員。浙江省。不謹

官三員。罷軟官三員。年老官四員。有疾官二員。才力不及官三員。分別處分如例。○予故多羅慎郡王允禧謚曰靖。○癸酉。上詣暢春園。問。

皇太后安。○大理寺奏。滿寺丞小格服闋一摺。得旨。嗣後外任旗員丁憂回旗。在各衙門行走者。服闋時。著該堂官將該員分別宜內宜外。及外任之繁簡。出具切實考語。由本衙門帶領引見。著為令。小格即照此例。帶領引見。○甲戌。吏部議覆。直隸總督方觀承題。魏縣裁汰。歸併大名。元城管轄。應辦各事宜。查魏縣既裁。其原屬三百三十七村額賦。及雜項銀兩。劃分大名。元城。二縣徵收。大名縣治。准其移駐府城。與元城同為附邑。員缺改為繁難。在外調補。至魏縣教諭。訓導典史。亦裁所支官俸役食。亦宜裁存報部。魏縣縣丞。准駐劉舊制。改為大名縣管理漳河縣丞。大名縣縣丞。仍駐大名舊治。管理衛河一切工程。防

汎弁兵。照舊存留。至學額量為改撥之處。應如該督所請。於魏縣原額文章十八名。武童十五名內。各撥二名。歸入元邑取進。其剩額另編鄉學字樣考取。并將大名訓導一員。專管鄉學事務。再魏縣額設遞馬馬夫鋪兵一體裁併。孤貧口糧棉衣等項。按大名。元城。二縣。分隸村莊。在存留項下支給。現存穀撥歸大名。作為常平額貯。餘存穀糶價解司。天雄書院。改作大名縣署。大名通判舊署。改為天雄書院。所有改鑄漳河管河縣丞關防。魏縣鄉學學記。及應建應裁衙署。均如所請辦理。從之。○乙亥。諭曰。御史朱嵇奏。請改發巴里坤人犯。酌量仍復舊例。發遣一摺。雖以遞解多費口糧。及漸染邊地習俗為辭。而其意實為違犯而發。且於現在辦理此事本意。全未知悉。從前御史劉宗魏條奏。經軍機大臣。及該部議准。著為定例。蓋因向來免死減等人犯。原有發遣黑龍江等處為奴者。今西陲既

定。巴里坤久屬內地。則改發人犯。原與黑龍江等處無異。後經軍營辦理屯糧大臣等。拘泥發往屯種之一語。甚且議及為之建屋撥地。種種拮据情狀。朕以此等減死之人。情罪本重。發給屯兵為奴。或在彼不能安分。自有定例可援。命且自安西為始。由近及遠。今閱該御史所奏。朕意或以原議遣犯內。或有情罪稍輕。可不必發往者。重命檢覈該部所列條款。則免死減等之外。所有軍流人犯。定為改發。均係情罪重大。有心犯法之徒。並非情輕者。概令改發也。夫此等作奸犯科之人。投畀有北。亦何可惜。而該御史為之隱躍繁文。多方顧慮也。然以軍營管理屯種之大臣等。尚未能洞悉端委。豈該御史小臣淺識。所能遙度。朕固不暇深責。但以今歲二月間。甫經劉宗魏奏准之事。朱嵇係其同官。曾不踰時。輒行駁改。於政體殊有關係。從前明季科道動借公事。互相傾軋。翻案互訐之疏。幾無虛

日。究於國家無補。最為言官惡習。朱嵇所奏。縱未必有意。然此風漸不可長。朱嵇著傳旨申飭。○丙子。

上詣暢春園。問

皇太后安。○吏部議准。河南巡撫胡寶瑒疏稱。河北二道。專管河務。并有分巡地方之責。關防內無兼管水利字樣。開封府管糧通判。彰德府糧捕通判。亦未兼銜水利。所有河北二道。請均令兼管水利事務。其各府同知通判。除專管河務。無庸兼攝水利外。餘糧鹽捕務同知二員。通判八員。直隸州州同一員。州判三員。均兼銜水利。一體鑄給關防。從之。○予陣亡台吉沙克都爾扎布。祭葬如例。入祀昭忠祠。○丁丑。遣官祭

火神廟。○諭軍機大臣等。據刑部奏。脫逃遣犯壽掄元。曾經福建巡撫鍾音。於上年十二月奏明。將該犯解部。距今半載。尚未解到等語。壽掄元係應入本年朝審之犯。既據該撫

咨報。於上年臘月起解。節經該部飭催。何以至今尚未解到。沿途所過地方官。竟付之不見不聞。並不接遞催解。似此要犯。如任其展轉支飾。延挨設中途。別有疎虞。如賄脫自戕等事。該督撫自問。當誰執其咎耶。著傳諭各該督撫等。此旨到日。一面查明何省耽延之處。即行嚴飭飛解來京。一面將沿途如何託故逗遛情節。各各明白迴奏。不許相咨商權。速行奏聞。毋得玩誤。復任其以捏飾取戾也。

○戊寅。諭。昨日都察院奏留西城吏目方正一摺。副都御史孫灝未經列銜。朕意堂官留一吏目。或為該員以捐納為規避之地。不令得售其計。乃情理所有。且其事尚小。不足深論。但以同官辦事。自宜彼此商酌。若旗人漢人意見不合。輒生異同形迹。於體制甚有關係。彼時猶以為曲在孫灝。自有應得之咎。特命軍機大臣詢問情節。今據孫灝所奏。則該城所請。不過以陞銜留任。而都察院摺內。乃

增入遇缺咨部題補之語。恐於選法有礙。且開巧便奔競之漸。反覆辨論。吳拜趙宏恩。皆不以為非。而廣成堅執不移。必欲獨行其志等語。是孫灝並無不合之處。其咎皆在吳拜等三人。而廣成之偏執已見為尤甚也。此案冒昧陳奏。雖尚非敢有心弊混。但其風實不可長。廣成不必管理副都御史事務。交部嚴加察議。吳拜趙宏恩著交部察議。所奏方正留任一事。不准行。至其摺內敘述該城御史

原文。屢用堂臺字樣。豈入告之體。乃並不知檢點。此又三人所同。著一併交部察議。○已卯工部議准。甘肅巡撫吳達善疏稱。蘭州北臨黃河。水勢南徙。石岸衝刷。請建大小挑水板壩七座。并對岸沙灘開挖引河一道。從之。○庚辰

上詣暢春園。問

皇太后安。○辛巳。諭軍機大臣等。甘肅連年承辦軍需。雖一絲一粟。不以派累閭閻。而運送

兵丁。輸輓糧餉。多資民力。急公趨事。朕心時厪於懷。今歲復值得雨較遲。深為軫念。現在各屬已曾徧行得雨否。秋收可不至甚歉否。其從前未經種植者。曾補種雜糧否。當此連歲餽運之後。繼以雨澤愆期。米糧自必短少。黃廷桂勞勩日久。刻下辦理糧餉。設或拮据。不可不為之體卹。現在尚須再派京兵一千。前往軍營。朕意即令此一千兵。於京師各帶軍前四個月口糧。以免甘省購辦。如此籌畫。

是否簡便易行。於邊省地方有益。著傳諭黃廷桂。令其酌量速行具奏。再前經降旨該督。先期購辦明歲征兵口糧。如本省不敷。則移商開泰。於四川購運。務足二萬官兵一歲之用。計今已接到諭旨。其現在作何擘畫。或本省足敷。或須借資川省。及何時可運到巴里坤之處。並著速行會商。妥協定議具奏。○兵部議准。閩浙總督楊應琚疏稱。浙江錢塘營水師都司缺出。向以陸路人員請補。後又以

外海遊擊陞轉。每於洋面水勢茫然。而內河情形未諳。請嗣後錢塘水師營都司一缺。止准內河人員題補。如不得人。用外海人員借補。俟應陞時。按其出身分別陞用。從之。○壬午。諭軍機大臣等。甘省辦理軍需。一切運送兵丁轉輸糧餉。需用騾駝。該省難於一時採辦。著傳諭方觀承。於直隸辦解駝四千隻。塔永寧於山西辦解駝三千隻。吳士功於陝西辦解駝一千隻。並騾一千五百頭。胡寶瑤於河南辦解騾一千五百頭。各上緊購買。務得口輕體壯者。於今歲九月十月內。趕解到肅。以利軍行。所有辦買官價若不足。不妨據實奏明酌加。一面辦理。一面奏聞。著傳諭各該督撫知之。○又諭。甘省連年辦理軍需。黃廷桂急公集事。俱無貽誤。今歲春夏以來。一切轉運糧餉。復甚妥協。勤勞懋著。深慰朕懷。著加恩再賞銀一萬兩。於軍需正項錢糧內支取。以示體卹。○免甘肅各屬乾隆十六年。至

二十年。民欠水衝沙壓地畝額賦。停徵地丁銀兩。其甘涼肅三府州。安西五衛。皋蘭一縣。乾隆二十二年分地丁銀米。并予緩徵。○癸未。諭軍機大臣等。據楊錫紱奏稱。山東濟寧南北運河。俱已挑濬深通。惟江南山東交界之桃源縣屬古城溜一處。暨揚州東關一帶。京口至江蘇之丹陽常州一帶。河身淺窄。請一律挑濬。以利漕運等語。南北運河。關係漕運。自必節節深通。方可進行無滯。山東運河。緯道業已陸續告竣。若古城溜等處。仍復淤淺。於漕運不無阻礙。著傳諭督河諸臣等。即行查勘。應挑處所。一面辦理。一面奏聞。務期上緊趕辦。一律深通。俾糧艘往來便利。以裨漕運。○甲申。諭軍機大臣等。據山東巡撫阿爾泰摺報。微山湖水勢。自六月以來。有消無長。覽奏深為欣慰。江省自辦理各工以後。雖據該督等具摺奏報。而比來各湖水勢長落情形。久未奏到。時屢朕懷。著傳諭尹繼善白

鍾山等。將現在各湖水勢。有無消長幾何之處。速即逐一查明奏聞。尋奏。徽山湖因連年蓄水過多。不能容納。遂致旁溢四出。自上年遵旨將荆山橋河道。大加挑濬。并將小梁山茶城。內花山。三處通湖支河。廣為疏濬。且於湖口開通南。另挑伊家河一道。分洩入運。湖水去路既多。消減自速。不惟東省濱湖州縣。涸出地畝頗多。即沛縣被淹田地。復可耕種者。實有一萬餘頃。至駱馬湖。上承蒙沂諸水。

去歲將支幹等河疏通。來水暢流下注。是以湖水不見增長。而運河之水亦不甚大。再洪湖出口尾閘。前已遵旨將清口束水二壩。早為展寬宣洩。又將運河東西兩岸閘壩。相機啟放。俾高寶諸湖。豫為騰空。以資容納。現今洪湖水六尺五寸。五滾壩高出水面一尺八寸。俱未過水。其運河東岸之南關。車邏二壩。及芒稻等閘。常川開放。現俱過水分洩歸江歸海。甚為暢利。得旨。覽奏俱悉。○免陝西靖

邊定邊榆林葭州神木懷遠府谷宜君等八州縣。乾隆二十二年分。被災地銀糧有差。○是月。直隸總督方觀承奏。大名廣平二府。上年被水處所。恐經暑濕。蒸生蝻孽。嚴飭加意防範。茲據大名府稟報。元城縣屬苑家灣李家莊等處。各生蝻子數塊。當經該道府率屬撲打淨盡。又廣平府屬清河縣具報。蓮花池洪河等處。生有蝻子。今已將次撲淨。又河間府屬故城縣界連東省。亦係上年被水。據報

隣近德州衛之高莊。生有青頭螞蚱數十枚。中間有一二黃肚者。亦概撲滅。邇日雨水甚勤。天氣涼潤。計交秋祇十餘日。自可無虞滋蔓。然防範未敢稍疎。現仍嚴行搜查。得旨。是勉力督催撲滅。毋俾滋蔓。○江南河道總督白鍾山奏。黃河入伏以來。水勢陡長。臣遵旨堅閉毛城鋪壩。約束大溜。悉走中泓。河底刷深。足資容納。是以水勢雖長。並未出槽漫灘。南北兩岸隄埝各工。應鑲應修者。豫為修防。

堅整。各處工程俱獲平穩。得旨以手加額。欣慰覽之。但今既築北隄。則何妨更當加意防守。又所稱刷深者。較去歲更深幾許耶。○又奏。臣遵旨將淮河水報。照寧夏報水之例。每逢汛期。即豫委妥員。赴彼駐劄。不時探量稟報。茲據稟淮河水勢。於五月二十一日。陡長九尺五寸。上游水勢既長。則下游洪湖之水必大。今查洪湖水勢。自二十一日以來。長水四尺五寸。隨長隨消。總由淮水來源。既設探報之法。豫知策應。清口去路。又得早展。是以山盱洩水滾壩。尚高出湖水二尺六寸。俱未過水。一切土石埽壩等工。俱各平穩。得旨覽奏俱悉。去歲各處疏通之水。不歸黃則歸淮。朕心為此廕念。覽奏曷勝欣慰。俟秋汛平穩。奏到有旨。○湖南巡撫馮鈐奏。覆查本省溢額穀。共四十七萬石。從前節次撥運豫省賑濟。湖北補倉。僅存二十六萬石零。俱係附近水次之穀。今奉撥廣東。以補平糶。缺額所存

大都山僻州縣。驟難輓運。惟查上年曾經奉文。加買穀二十萬石。又買備豫省穀二十萬石。均附近水次。可否即將此四十萬石內動撥。至湖南抵廣西省城。水程二十四站。自廣西至廣東省城。水程約計半月。臣現在飛札督臣李侍堯。將應需穀若干。并運至廣東何處接收交卸。俟咨覆到日。委員起運。至此項穀。既關積貯。自應速為買補。如俟廣東歸價購買。恐需時日。請於藩庫內先撥。俟歸價時歸款。得旨甚妥。如所議行。○山東巡撫阿爾泰奏。魚臺縣穀亭迤西張家莊。至白廟。民埕一道。久被水淹。近湖水日消。隄形悉露。飭令勸民修築。今俱加高培厚。南陽至魚臺縣城。相距四十里。舊土石道路被淹。必由金鄉達行。今湖水涸開。勸民出夫修整。車馬可通。又沂河向係兩路分流。一由蘆口達江南。一由駱馬湖歸海。今蘆口建築滾壩。去路較少。恐盛漲漫溢。凡兩河之隄埝殘缺單薄者。俱勸

民乘時修築。又德平縣之鬲津河。為馬頰支河。久經淤梗。今勸民一律挑深。工亦完竣。又濟寧汶上嘉祥三州縣。毗連蜀山湖地畝。湮沒約千頃。擬將金線利運二閘啟放。使湖水濟運。坡水歸湖。一月間盡數洩出。得旨。汝此舉實屬可嘉。時常如此留心民瘼。自然永承朕恩。勉之。○大學士管陝甘總督黃廷桂奏。查兩路大軍在外。併臺站及各處屯田兵。每月口糧。已不下二三千石。近奉諭明年添派

平糶奏稿卷五

三

官兵二萬。豫備一歲口糧。雖經臣具奏。在於涼、寧、蘭、鞏等府。撥十萬石。分運哈密。巴里坤存貯。內地距營窵遠。轉輸需時。口外露雪早降。即難行車。應乘此夏秋道路可行。先從哈密存糧內。米麵兼撥。儘力運送。巴里坤。務於九月前運足五萬石。交收備用。得旨。甚好。○署陝西巡撫吳士功奏報。各屬雨水秋禾情形。得旨。覽奏稍慰。其有得雨不足。已致成災者。毋得隱諱。善為經理。○甘肅巡撫吳達善

奏。甘肅所急籌者。一在遵旨採購。一在通融撥運。一在銀糧兼賑。查寧夏產糧最多。價俱平減。就最賤州縣。不拘色樣採買。不惟涼、甘被災各屬賑用。且可協撥延榆。臣已撥銀。在平羅等縣加緊購貯。以備所需。其他各屬倉貯。與藩司籌商。通查多寡。酌量迭撥。務期災地足用。至於現辦軍需。衝途倉貯。不宜儘數動用。統計應卹災屬約需糧五十萬石。銀三十萬兩。方為兩益。得旨。覽奏俱悉。○四川總

平糶奏稿卷五

三

督開泰等奏。節據川西文武具稟。緡斯甲布。因金川侵擾伊界。派撥土兵報復。黨壩等各土目。幫助打仗五次。互有殺傷。當經諭令各委員。分別賞犒。以示獎勵。茲據緡斯甲布。小金川等。差頭人赴省。稟請官兵助力。并求火藥礮位。及大員前往彈壓。臣等當諭以官兵雖有。此係爾等自相攻殺。豈得易發。大礮爾土兵不會點放。火藥如不足時。稟知該管官就近賞給。爾等各處俱有委員看視。無須大

員前往并諭爾等果能攻打金川其地即行賞給額外還有賞賜各頭人俱叩頭領會當即按名給賞分譯夷諭遣令各頭人回巢一面密諭各委員體查伊等如何舉動據實具報至巴底土舍丁足附和金川一時未可力取諭行川南委員密諭巴旺土司令將巴底番民就近招撫使不為丁足所用俟事機可乘會同各土兵攻擒乃革布什咱巴旺土司頭人等深恨丁足謂可協力翦除遂令章谷木坪土兵為援前後攻打兩次雖有殺傷然地非可守旋即撤回臣等查革布什咱土兵若聽其日久與巴底相持事屬無益現在密諭委員轉諭各土司暫停攻打一面令革布什咱修整卡隘一面令巴旺仍設法招撫巴底番民待其防範稍疏及綽斯甲布等處攻打金川之時再為相機辦理得旨覽奏俱悉

大清高宗法天隆運至誠先覺體元立極敷文奮武孝慈神聖純皇帝實錄卷之五百六十五

大清高宗法天隆運至誠先覺體元立極敷文
奮武孝慈神聖純皇帝實錄卷之五百六十六

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部工部事務

世襲騎都尉軍功加十九級隨帶加二級又加二級重誥內大臣戶部尚書兼藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

校修

乾隆二十三年戊寅秋七月乙酉朔享

太廟遣誠親王允祕恭代行禮○諭軍機大臣
等雅爾哈善等奏稱遣總管扎爾善等至鄂
根河瞭望未見賊蹤又沙雅爾有兩路可通
庫車若遣兵前往恐與來援賊衆不能相值
惟嚴設卡座防範等語所辦甚是看來伊等
所領滿洲索倫兵尚少昨因兆惠有分兵向
厄魯特回部交界搜捕哈薩克錫喇等之奏
檢閱地圖所指道途距回部甚近兆惠即前
赴雅爾哈善所在以兵相付仍來京請訓若

另有辦理之處則俟事竣來京亦可又雅爾
哈善等奏擒獲回人阿舒爾瑪特據供前副
都統阿敏道被拘霍集占曾云大國使臣不
可傷害留候布魯特信息若不能取勝則仍
有用處等語似阿敏道尚未被害將來取葉
爾羌時宜籌畫阿敏道脫出之策或此時霍
集占見事勢已迫詭稱不敢傷害欲行送回
以緩我兵不妨乘機撫納俟其投見即時拏
解若霍集占雖未害阿敏道仍留以為質則

告以阿敏道已照陣亡例賞卹爾等送與不
送俱可仍一面進兵辦理但能將阿敏道救
出則更善第不可因此墮賊計中致誤軍事
可傳諭雅爾哈善兆惠等知之○又諭曰車
布登扎布前奏和爾郭斯之捷已加恩賜以
伊父超勇之號今詢問擒獲之鄂哲特等知
賊衆先將游牧移踞高岡伏兵邀擊我師車
布登扎布等奮勇衝突賊不能支侍衛瑪琭
等亦奏稱我兵甚少副將軍身先士卒所向

無前等語。朕聞之實為嘉悅。著加恩賞繫金黃帶。以示旌異。至車布登扎布敗賊之前。已得舍楞逃竄。信息彼時未即追剿。或因不能兼顧。亦事勢使然。此時布庫察罕逃入哈薩克。料伊部自必縛獻。惟哈薩克錫喇往投西哈薩克之特柳克。富德兵少窮追稍覺可虞。昨已諭車布登扎布策應。自必奮勇前往。然亦須酌量馬力。倘有不足。即與富德徹兵暫回伊犁。俟來年再舉。亦可在他人遲延觀望。

實錄卷五六六

三

朕每降旨催督。車布登扎布天性勇往。是以諭令酌量。現在領兵所至。情形如何。可即速奏聞。又諭曰。雅爾哈善等奏稱。沙勒達朗卡座守備莫倫岱。遇賊衆馬步六百餘。前來衝擊。率步兵百餘人迎敵。殺賊甚衆。身亦被傷。等語。莫倫岱以少勝衆。奮勉可嘉。著加恩以游擊即用。賜號墨爾根巴圖魯。賞戴孔雀翎。并賞銀一百兩。其効力及陣亡得傷官兵。著查明送部議卹。豁免福建福州府屬閩

縣鼓山里被水衝陷田地一百八十九畝。額徵丙戌諭京師米價較上年稍為昂貴。已特派大臣於五城設廠平糶。但現在距秋收之期尚蚤。商販未至。闕闕米少。鋪戶或乘此居奇。日漸增長。向來京官俸米。例於八月支放。著提蚤一月。即於七月開倉支放。俾京城內外米糧充裕。價值自可平減。該部遵諭速行。又諭今年各省糧艘抵通。約蚤一月。該運丁等除交倉全完外。所餘食米尚多。此等餘米俱由坐糧廳衙門給與照票。俟回空時。於天津一帶沿途售賣。而通州水次則例應嚴禁私糶。蓋因通倉為兌米之地。恐夾雜影射。致滋弊端也。若漕米均已不致掛欠。而例應官買之餘米。亦皆交倉事畢。其所有餘剩食米。自可聽其在通出糶。不必過為苛禁。在各運丁等。既可免領照驗票之煩。而通州米石充裕。於京師民食亦屬有益。該部即遵諭行。工部左侍郎錢維城奏奉命董理平糶

兩日以來。每廠約放米三四百石。臣所管西城。每日赴倉領米不敷所放。緣儲濟海運。南新北新等倉。俱在朝陽門左近。去東中南三城較近。北城較遠。西城尤遠。而運價每石定例三十五文。車戶趨近避遠。請計各城去倉遠近。減東中南三城之多。補西北兩城之少。於運費無增。輓輸自各踴躍得旨。如所議速行。山東巡撫阿爾泰覆奏登州水師兼陸路總兵一缺。向因管轄陸路十二營。戰艦十

二隻。巡查洋面。控制海疆。是以注為最要缺。今遐蕃嚮化。匪竊潛消。較設立之初有間。請改為要缺。得旨。該部知道。以山東按察使台榘為山東布政使。登萊青道沈廷芳為山東按察使。丁亥。

上御勤政殿聽政。兩江總督尹繼善。江南河道總督白鍾山。安徽巡撫高晉等覆奏。江南同知養廉五百兩。通判四百兩。地方河工。一例支給。河員分管黃運湖河。每年僱船修廠。

及幕友脩金。家人工食。搶修燈燭等費。均難減省。與地方丞倅不同。請將南河十七廳分大中小三等。其銅沛邳睢宿虹桃源外河山安海防裏河八廳為大廳。酌定經費銀二千兩。豐碭運河揚河中河四廳為中廳。一千五百兩。江防水利。揚糧高堰山盱五廳為小廳。一千二百兩。即於河庫支給。得旨。如所議行。○以署散秩大臣一等男達桑阿為鑲白旗漢軍副都統。戊子。

上詣暢春園。問

皇太后安。還宮。諭甘省歷年正供及雜項錢糧。並乾隆二十四年地丁額賦。屢經降旨。加恩豁免。其正賦之外。隨徵耗羨。係留支地方公費之需。例不免徵。但念甘省地處邊陲。土瘠民貧。正供既已蠲除。而歷年積欠耗羨。尚須照數完納。小民輸將。仍不免拮据。著再加恩。將甘省自乾隆元年。至二十二年。民欠耗銀三萬三千四百餘兩。耗糧一十五萬八

千六百四十餘石。概予豁除。其二十三、四兩年應徵耗羨銀糧亦並暫緩催徵。俟正賦開徵之年再行輸納。用昭體卹。邊氓至意。該部即遵諭行。大學士管陝甘總督黃廷桂奏。巴里坤為軍需總匯。近奉旨派出索倫察哈爾兵丁。明年又添派官兵二萬。須豫備一歲口糧。請於甘省各屬運十萬石。乘此夏秋道路便於行走。先從哈密存貯糧內米麪兼撥。務於九月前運足五萬石。其哈密缺額再從內地運補。報聞。○豁免甘肅安西廳及安西沙洲三衛乾隆二十二年分夏禾風災一千一百三十九頃八十畝有奇額徵。己丑。上御太和殿視朝。文武陞轉各官謝恩。幸圓明園。諭軍機大臣等據高晉奏稱六月二十三日。黃河因陡起西北風湧起數尺漫入實家寨外溝槽。將新築防水土壩打去一段。長六七丈。水勢直注毛城鋪。將金門土壩漫開五丈餘尺。現在督率兵夫趕緊趨辦。連日

水消二尺餘寸。自可剋期堵竣等語。黃河水勢自有長落。如遇大風盛旺之時。司事者相其緩急。將所有土壩酌量開放。使勢有宣洩。正所以防衛堤壩。大工於機宜適協。若其開壩放水而轉云漫灘過溜。乃係工員向來痼疾。其漸斷不可長。再河水一過沙必停淤。亦必須及時上緊挑挖。無任因循貽誤。著傳諭該督等速將現在確實情形據實具奏。或係積雨汎漲勢難防範。或係工員放水捏報伊等抑或該督等隨時酌量開壩減水之處逐聲聲明。不得稍存掩飾之見。並將此時堵築金門土壩及防護下游灘河各工作何辦理一併繪圖貼說詳悉奏聞。將此諭該督等知之。尋奏。近日汎水加長。實家寨土壩漫開二十餘丈。毛城鋪土壩漫開十八丈。壩內溝槽水深至一丈七八尺。查實家寨民埝袤延三十餘里。地勢本窪。秋汎踵臨。上游順堤河水又從豫省而來。恐再漫過埝。仍歸毛城鋪宣

洩伏思毛城鋪因新築土壩過高過水致潰
今既不便仍築土壩而金門坑塘水占又不
能遽施石工請將金門新築土壩鑲以東頭
冀免坍塌金門以南舊有亂石壩就其基趾
以碎石加高三尺并將金門以北舊有鉗口
土壩修整止留口門十八丈以復舊制再查
河員向日原有放水保堤之習業經河臣白
鍾山嚴飭此次實因汎長漫灘非工員捏飾
再徐城水誌本年伏汎水長一丈一尺七寸

消長相抵現屆立秋水長九尺五寸南北兩
岸堤埝俱獲平穩得旨另有旨諭賞恤因
公遭溺之江蘇吳縣東山司巡檢王學曾及
弓兵等祭葬銀兩庚寅諭朕此次巡幸木
蘭著裕親王和親王大學士來保史貽直在
京總理事務其月選之文員內通判州縣等
官武員內八旗護軍校驍騎校及外省送到
之補放水手官驍騎校并年滿千總等官并
供著王大臣照從前之例驗看至外省督撫

提鎮等奏摺著照例自啓鑒之日為始俱齎
赴在京總理處加封交內閣隨本呈送行在
候朕批示隨本發回仍於在京總理處交齊
摺人祇領該部通行傳諭知之 諭軍機大
臣等前據黃廷桂奏請添備明歲官兵所需
弓箭撒袋一摺當經軍機大臣議覆已行知
該督矣但據稱二萬官兵需備四十萬箭之
處未免過多現在京兵及察哈爾索倫兵所
用弓箭俱係自行帶往此外再為豫備二十
萬箭已足敷用此箭亦自京中解往至弓力
有強弱之不同必各兵自帶方能適用亦不
必官為置辦其撒袋一項各官兵原有自備
箭筈及隨身攜帶之法亦毋庸另為籌備著
將此傳諭該督知之 又諭據雅爾哈善等
奏稱逆酋霍集占率賊眾數千親援庫車大
臣官兵等斬敵寡旗逆酋負傷僅免深屬可
嘉著查明功績等次造冊送部議叙公衆楚
克頭等台吉朗衮扎布開散台吉額琳沁在

軍前素稱効力。此次益為奮勉。著加恩賞。褒楚克。孔雀翎。朗衮扎布。封為公。額琳沁。授為頭等台吉。將軍雅爾哈善。參贊大臣。額敏和卓。哈寧阿。一體交部議叙。額敏和卓。前年自瓜州移居吐魯番。魯克察克時。牲隻間有傷損。著雅爾哈善等籌議。賞給價值籽種。俾生計充裕。貝子玉素布。著賞緞六端。亦交部議叙。散秩大臣伯克鄂對。總管職銜。噶岱默特色。提巴勒氏。各賞緞四端。伊等子弟五人。各賞緞二端。其陣亡官兵。著交部照例議卹。領催色爾呼德。披甲六十五。得傷甚重。色爾呼德。賜號克爾車凱。已圖魯。六十五。賜號固濟爾。已圖魯。賞銀各一百兩。又雅爾哈善等前奏。我兵奮勇。絕城。賊人鎗礮。木石競下。我兵倒落者十數人。亦有得傷者。絕城得傷。較野戰尤為竭力。著查明加倍議叙。此次戰功。誠為卓越。但稍有不愜朕心者。當此賊人破膽。即宜乘勝派兵急追。且賊遠道來援。我兵以

逸待勞。偵逆首所逃之地。并力攻擊。渠魁既獲。各城必望風歸命。不知雅爾哈善等曾否如此辦理。抑或因滿洲兵少。不敷調遣。可傳諭伊等倍加奮勉。再所奏庫車西門有賊人出城形跡。即於十里外。見賊衆塵起。似內外豫先約會。然後同時舉事。若使賊得通信。必我卡座防守不嚴。雅爾哈善等即查明嚴加議罪具奏。至布拉呢敦。雖云人尚謹愼。頗勸阻其弟。然此言亦不可深信。伊果能將霍集占擒獻。再行酌量辦理。今亦不妨遣人諭布拉呢敦。及各城回衆。以霍集占悖逆罪重。所欲得者。惟此一人。與爾等無涉。但遣我軍中回人。恐被賊戕害可憫。惟於俘獲人口內。遣往。更為妥協。俱著雅爾哈善等作速奏聞。併傳諭兆惠等遵照前旨。速赴回部。合軍進剿。以太常寺卿赫慶。為都察院左副都御史。蠲免福建臺灣府屬臺灣縣。旱災民田。額徵米四千四百九十石有奇。勻丁銀三十兩。

有奇。○辛卯諭曰納木扎勒現在出差工部尚書事務著李元亮兼管所有戶部事務吉慶未回部以前李元亮仍一併兼管。○諭軍機大臣等近派察哈爾兵一千名令侍衛訥齊訥總管薩木都布領至巴里坤前赴雅爾哈善軍營著傳諭阿里衮將應行豫備口糧駝隻就現在之數派撥如有不足即行文黃廷桂辦送俟訥齊訥等到日即可過行再運送口糧駝隻若自己巴里坤逕達軍營長途未免疲乏此時應先撥駝隻於吐魯番一帶有水草處豫行牧放以備更換其吐魯番何處水草較好應需駝若干著阿里衮與黃廷桂永貴定長等酌議具奏。○大學士等奏八旗考取貼寫中書有此旗業經用完因別旗留數尚多未便即請考試缺出每懸至經年嗣請每旗考取人數將次用完即咨應考人員會同吏部在內閣考試其繙譯文理清順者酌取四名備漢本房補用或繙譯中平而清

字端楷者酌取六名備滿本房補用額缺庶不致久懸從之。○壬辰諭軍機大臣等據豆斌奏稱欲往戈壁內哈布塔克拜達克及阿濟必濟等處搜捕瑪哈沁等語阿濟必濟等處係察哈爾索倫兵往軍營經過之路自可順便搜查毋庸豆斌前往已降旨令其前赴雅爾哈善軍營與馬得勝分管綠營兵丁著即遵旨速往將此傳諭知之。○又諭據兆惠等奏稱伊等分兵擒剿厄魯特餘孽伊自造哈至和爾岱海喇巴特搜捕向哈什伯勒齊爾與富德會合等語此等地方不但無哈薩克錫喇等賊亦未必有瑪哈沁惟造哈和爾岱等處與回部相近即由此往會雅爾哈善至富德所奏經由布魯特塔拉斯游牧抵西哈薩克邊界偵探哈薩克錫喇信息搜捕吹沙喇伯勒餘賊等語從前兆惠富德雖有分兵之奏而由何路回至伊犁尚未奏及朕即諭富德務由沙喇伯勒回轉又諭車布登扎

布領兵由此路策應。今覽所奏。與前旨適相符合。富德其加意搜捕逸賊。若慮兵少。即由沙喇伯勒通信車布登扎布。速往會合。俱著傳諭知之。○步軍統領衙門奏。現獲拉林種地逃人那明阿。請交該處副都統正法示衆。得旨。那明阿著派侍衛一員。護軍一名。解往拉林。傳齊衆人。眼同正法。仍著曉諭衆人。嗣後有似此者。俱照此辦理。若有疎縱等情。惟所派侍衛護軍。是問。其侍衛賞銀二十兩。護軍賞銀十兩。馳驛前往。○定邊將軍兆惠等疏報。布魯特部落薩喇巴哈什頭目車哩克齊圖魯起。尼沙等歸誠。得旨。該部知道。○癸巳。

上詣暢春園。問

皇太后安。○諭軍機大臣等。逆酋霍集占。親援庫車。為雅爾哈善等擊敗。奏到時朕即謂彼時若能乘勝追逐。必獲渠魁。但恐滿洲兵少。不敷調遣。詢問伊等如何辦理。夫我兵尚欲

遠攻葉爾羌。喀什噶爾。以擒霍集占。罪人斯得。則各城望風款附。今霍集占自來送死。我兵既奪其纛。逆酋負傷僅免。此即擒賊之一大機會。且雅爾哈善等三人。於剿賊時。駐兵高岡。以望形勢。彼時雖不知霍集占親來之信。而賊纛續經認識。又有俘獲人口供詞。若遣哈寧阿領兵追襲。逆酋未必即回巢穴。或被迫入沙雅爾。阿克蘇。即移庫車之兵。併力攻擊。與直取葉爾羌等城何異。若慮移兵時。庫車賊人出城追襲。則亦如剿殺援兵之例。更覺便於殲滅。乃徒以兵少。坐失機會。朕甚惜之。昨已傳諭兆惠。就近領兵與雅爾哈善會合。即有索倫兵二千餘。斯時斷不可坐困庫車。須分兵另取一城。或將軍營久駐之馬。換給乘騎。一切機宜。俱當酌量辦理。至軍營索倫等兵。効力年久。已派兵二千更換。但此時未能即到。且兵不厭多。若有年力精壯。仍願留營効力者。即分別加賞。其餘人俟更換

後。賞給遣回。仍以朕旨宣示。云。留營之兵。必不曠日持久。用昭體卹愛養之意。所有現在情形。著作速奏聞。○又諭。御史朝幹條奏嚴緝奸匪一摺。內稱。關隘津梁。請多派捕役人等巡邏。凡行旅經過。有蹤跡可疑者。盤詰送官。遇奉文緝捕之案。務令此疆彼界。聲氣相通。奸匪無從逃匿等語。緝匪安良。自屬地方要務。該管官果能實力奉行。一切稽查嚴密。宵小自難漏網。然如馬朝柱等要犯。屢經傳諭該督撫。嚴行根緝。而遲延至今。尚未弋獲。可見地方官苟且塞責。不過如編查保甲等事。惟知行一牌。懸一示。為有司官職掌如此。其實並未實心辦理也。今若以該御史所奏降旨飭議。亦徒事張皇。未必實有裨益。況即議准通行。而外省奉行不善。紛紛派委四出。又安知不藉端滋擾。適為行旅之累耶。但各省向來因循陋習。為大吏者。理宜整頓懲創。著傳諭各該督撫。嗣後務期嚴飭所屬。隨處

留心。設法巡緝。無致視為具文。庶有犯必獲。足以清塵案而靖地方。斯為不負職守。正不在多立科條也。將此旨於各直省摺奏之便。一體傳知。○禮部議覆。署湖北巡撫莊有恭奏稱。各省鄉試及歲科兩試。功令概用律詩。教官為士子觀法。請令一體習詩。三年後學臣考試。不能詩者勒休。查教官學行兼重。未便因不能詩而遽落其職。但現在士子功令試詩。教官職列師儒。豈可不諳篇什。應令學臣按臨日。兼試律詩。總覈學行。以定黜陟。從之。○甲午

孝懿仁皇后忌辰。遣官祭景陵。○諭軍機大臣等。據吳士功奏。盤獲遊方道士王來祿等四名。內王來祿與逃犯張士乾。年貌相似。現在押解直隸審訊等語。張士乾係邪教業內脫逃要犯。而王來祿年貌與之相似。安知其非易名改裝。希圖狡脫。即劉進官亦未必扶同附和。其游供何足為據。著

傳諭方觀承將解到各犯就原籍嚴飭根究勿令狡飾串供致有漏網。又諭據吳士功所奏挑撥馬匹一摺內稱將軍都賚咨商滿營內可挑一千餘馬以足應行挑解之數等語吳士功業已起程赴閩著傳諭鐘音妥協籌畫如就該省綠營驛站內可以挑足二十之數則西安將軍滿營馬匹可以留備別項派撥之用於軍需實為有益倘其數必不能足用有應於滿營內酌量撙節湊撥之處該撫即與該將軍會同悉心妥辦以濟軍務。又諭前經降旨令陝西河南二省辦騾一千五百頭恐不敷用著陝西河南各增購騾一千頭山東購騾一千頭山西購騾二千頭統於今歲九月趨解肅州均毋遲誤可傳諭鐘音胡寶瑤塔永寧阿爾泰知之。又諭據成衮扎布等奏杜爾伯特汗索諾木衮布車凌烏巴什以缺乏馬匹牲畜難於移徙請寬限一二年俟飼養復原移居舊游牧等語前降

旨命杜爾伯特人等移居舊游牧原以伊等久居之地諒必願往今既艱於移徙且稱現在游牧較近內地易承恩澤著照所請但烏蘭固木地方現有烏梁海扎哈沁之人居住各宜約束所屬勉務生計禁止盜竊著寄信扎隆阿等傳諭索諾木衮布車凌烏巴什及成衮扎布知之。大學士管陝甘總督黃廷桂奏軍營糧道查有夾山一路可自哈密直趨關展吐魯番騾駝通行水草饒裕較繞行巴里坤更近三站近諭令查庫車阿克蘇運糧可否行車臣已會同阿里衮委員迅勘但俟履到始由巴里坤辦運未免稍遲擬於此時先將糧運貯吐魯番以後只由吐魯番轉運更加迅速諭軍機大臣等黃廷桂所奏籌辦庫車等處糧運一摺甚合機宜若拘泥成規必俟查明道路解到駝隻始由巴里坤起運前往即極力趨赴已需時日朕正在降旨籌辦而黃廷桂即能計慮及此請將糧石運

貯吐魯番。與朕旨適相符合。閱奏不勝欣慰。黃廷桂身體素弱。如此悉心計畫。朕不惟嘉之。且深憐之也。其從前所請辦駝一萬隻。已諭直隸等處購買。可傳諭知之。靖逆將軍雅爾哈善等。疏報擊敗庫車賊衆。及賽里木回人阿瓜斯伯凱。率衆歸誠。諭軍機大臣等。覽雅爾哈善等所奏。勦殺庫車賊衆二百餘人。餘皆擁擠入城。不敢復出。是賊膽已寒。自可計日攻克。此次奮勇効力。及陣亡得傷官

兵。著查明送部議叙。議卹得城後。留貝子玉素布駐守雅爾哈善等。即領兵前進。庫車圍久未破。員固宜懲。著將壯丁俱行勦殺。量留老弱。若賊人此時被迫獻城。則仍行寬貸。但渠魁必當正法。可派員解送來京。行至巴里坤。即加拘繫。至回人阿瓜斯伯凱等。雖舉城歸附。亦不可輕忽。當收取軍器。置其妻子於庫車附近村莊。俟各城平定。仍歸舊地亦可。可傳諭雅爾哈善等。留意辦理。乙未諭軍

機大臣等。高晉所奏。查明毛城舖過水情形。并辦理緣由。據摺內有新築土壩過高。阻遏水勢。以致壅潰。不便仍築土壩之語。似尚未免有藉毛城舖以減淺黃流。而為保護隄工之計。此與上年堵築毛城舖。增建徐城石隄。使河流得以挾沙直走之本意。殊未合矣。竇家寨民埝過水。當於蔣家營。傅家窪等處。就其倒勾之勢。開濬引河。仍導入黃。而毛城舖之土壩。則必宜高築堅閉。圖內硃筆所指甚

明。慎勿惑於浮議。而苟且將就。祇顧目前。且毛城舖一處。為河湖緊要關鍵。白鍾山亦應親身前往。公同相度。妥協籌辦。不可但諉之高。晉一人也。至現在毛城舖之過水。既多。則下游各河。應如何上緊挑濬。以達去路。不致漫溢為患之處。亦宜確按情形。速為經理。再夾片內所奏徐城水誌。本年伏汛。共淨長水一丈七尺七寸。消長相抵之處。此通計底水而言之乎。抑專就所長之水而言之乎。黃河

隄岸。朕所目睹。若除底水而新長之水。至一丈七尺有餘。豈不漫隄而過乎。想該撫亦未自往閱看。不過就汎員之牽混具報。此乃河工陋習。前曾降旨訓飭者。何以尚不明晰如此。嗣後務將平日底水幾許。新長之水幾許。共計幾許。據實入告。其現在長水情形。即查明速奏。以慰軫念。軍機大臣等議覆。大學士管陝甘總督黃廷桂。籌增馬匹一摺。前奉諭。令該督豫備明年二萬官兵口糧。係統計進勦兵數而言。並非專用綠旗兵二萬。今該督所奏綠旗兵二萬人給馬一匹。加以官員隨役得馬二萬五千匹。已足敷用等語。似屬誤會。查今年若取庫車大兵前抵阿克蘇。則來年所用綠旗兵。多不過一萬五千。人給馬一匹。再合吉林。索倫。察哈爾等兵。約以五千為率。人給馬三匹。前陸續派往巴里坤馬。已有三萬。應如所奏。再飭陝甘各營。撥出五千匹。則官役需用亦足。此外若有急需。可於軍

營騎回馬內挑用。至稱巴里坤養馬不便過多。亦應如所奏。酌將續撥馬匹。於十月送至肅州飼秣。俟軍營需用轉解。得旨。來歲進勦回部。合吉林。索倫。察哈爾及綠旗兵。不過一萬五千人。即再多亦不過二萬。該督籌辦一切。具見實心。然看來未免稍形拮据。轉恐遠近傳聞。張皇其事。當以靜鎮密籌為要。至馬駝騾隻。又交直隸及各省購辦。現又於鄂爾多斯購馬四千匹。駝一千隻。自可無誤軍行。著再傳諭知之。予故左翼前鋒統領阿巴齊祭葬如例。丙申。諭前據楊錫紱奏。稱桃源縣屬古城溜。并揚州東關。及京口等處河道。俱應挑濬。已傳諭尹繼善等。令其即行查勘。一面辦理。一面奏聞。又山東自濟寧至韓莊一帶。亦據張師載等奏稱。於冬間大挑等語。運河關係緊要。一切繕道隄工。皆已動帑經理。此一帶應挑處所。需諳練之員。前往督辦。即著海明。馳驛前赴該處。會同督河撫諸

臣妥協辦理。事竣之日。再回通州。接受坐糧廳事務。又諭曰。大學士兼管陝甘總督黃廷桂。老成端練。宣力有年。籌畫軍需。精勤敏達。不辭勞瘁。迅合機宜。江南河道總督白鍾山。漕運總督楊錫紱。閩浙總督楊應琚。四川總督開泰。雲貴總督愛必達。總督管江蘇巡撫陳宏謀。安徽巡撫高晉。河南巡撫胡寶瑤。甘肅巡撫吳達善。並歷任封疆。賢勞懋著。嘉茲顯績。特晉崇階。用示褒榮。以彰優者。黃廷

平定太子少保

丁酉

桂著加少保。楊應琚。開泰。俱著加太子太保。楊錫紱著加太子少師。陳宏謀。高晉。胡寶瑤。俱著加太子少傅。白鍾山。愛必達。吳達善。俱著加太子少保。丁酉。

上詣暢春園。問

皇太后安。諭。據託恩多覆奏。解部遣犯壽掄元。於三月初四日。遞至武進縣。因患病難以起解。飭令上緊醫治。於五月二十三日病痊轉解等語。此等解部要犯。自應按程速解。何

得聽其藉端稽遲。於武進一處。即延至兩月有餘之久。其中不無情弊。且安知其非奉查後。始倒提月日發解耶。著該撫陳宏謀嚴查。據實參奏。嗣後凡遇奉旨提解之重犯。務須隨到隨解。不得因病。任其沿途逗留。以致別有疎虞也。并將此通飭各督撫知之。尋尹繼善。陳宏謀先後覆奏。查該犯病痊起解。州縣接遞日期可考。無倒提月日之弊。再嚴訊武進縣知縣潘涵。雖無徇捏等弊。但既知要犯

平定太子少保

丁酉

任其養病遲延。疎玩之咎難辭。合據實參奏。餘皆隨到隨解。並未逗留得旨。潘涵著嚴加議處。該部知道。諭軍機大臣等。額駙色布騰巴勒珠爾。此番前往軍營。尚屬勉出力。因奮勇奪山。致受鎗傷。雖已痊復。聞其氣體尚弱。恐不勝鞍馬。現在回京。著傳諭黃廷桂。令沿途驛站。留心照看。給與肩輿乘坐。由內地西安一路行走。并傳諭鐘音知之。又諭。據雅爾哈善奏。布拉呢敦。人甚恭謹。曾勸霍

集占云。不可忘天朝恩德。妄構兵端。倘命獻出厄魯特人等。宜即遵命獻出等語。著寄信雅爾哈善。此時或布拉呢敦已擒霍集占來獻。或我兵往勦。即應擒捕速辦。再沙喇斯瑪呼斯之厄魯特係戕害滿福之賊。及附從霍集占之回人等。首逆宜解來京。餘著在彼正法。以示回衆。則後患自息。若尋常種地回人及脅從回衆。各宜予以生全。將此諭雅爾哈善等酌量辦理。又諭據成衮扎布等奏接阿桂咨稱。已往追車布登扎布俟會齊後偵探舍楞所在。協力擒拏。如已入俄羅斯。亦公商辦理。隨亦領兵前進。策應等語。覽此。奏阿桂距車布登扎布之隊。僅有四五日之程。自應速往協捕。至成衮扎布不必往會。仍照前旨。於俄羅斯邊界。索捕舍楞。再此間陸續諭車布登扎布之旨。亦復不少。伊處如有具奏事件。成衮扎布接得時。著派員加緊馳遞。以故奉恩將軍宗室綬全弟珠蘭泰襲職。

戊戌諭軍機大臣等。前命軍營領隊大臣有事詳報將軍具奏。以省紛繁。原指與將軍一處或領兵勦賊相距不遠者而言。否則必俟詳報將軍始行具奏。不惟事多貽誤。而伊等効力與否。朕亦難知。今圖倫楚達禮善係御前侍衛。亦可具奏。其勦賊現至何處。何以未見奏到。嗣後領隊大臣與將軍相距較遠者。著一面詳報將軍。一面繕摺具奏。并傳諭將軍大臣等知之。軍機大臣等議覆。大學士管陝甘總督黃廷桂奏稱。派出京兵一千名。蒙恩體恤。甘省歲歉。購運拮据。擬令各兵自帶四月口糧。是否簡便可行。令臣酌量具奏。查現備軍糧已屬寬裕。各兵長途裹帶。轉多未便。甘省所拮据者在雇覓騾馬。此次京兵入甘境。請分三四起。每起間二日進發。可以牛車驢頭遞送到肅。出口即移安臺輓運車輶載送。俟兵過再運軍糧。應如所請。停其自帶口糧。分起進發。通融載送從之。以大學

士史貽直工部侍郎夢麟署理翰林院掌院學士印務○賑卹山西靜樂文水平遙介休樂平長子陽曲交城興縣寧武沁源平定代州蒲縣等州縣水旱雹災飢民口糧籽種已亥中元節遣官祭

永陵

福陵

昭陵

昭西陵

實錄卷五百六

七

孝陵

孝東陵

景陵

泰陵○遣官祭

孝賢皇后陵

端慧皇太子園寢諭軍機大臣等現在派

健銳營官兵一千名於七月二十八日自京

起程分為五起每間二日按起行走可傳諭

黃廷桂京兵出口之後即由哈密取道前赴

庫車較之經由已里坤更為直捷其應給馬

匹口糧即在哈密豫備并傳諭布政使銜德

舒即赴哈密妥協辦理仍著甘肅巡撫吳達

善親往督率甘肅現有賑卹事宜蘭州省城

不可無大員經理著布政使蔣炳自肅回蘭

辦事吏部等部議覆署江西巡撫阿思哈

疏稱南臨饒九等府濱臨江湖全賴圩隄捍

衛其餘雖係山鄉而溪河小港灌溉攸資除

南昌府原兼水利銜外其饒九贛南糧驛四

實錄卷五百六

七

道請概兼銜水利至袁州建昌廣信南康九

江南安贛州等府同知瑞州臨江吉安撫州

廣信饒州南康等府通判直隸寧都州州判

十五廳員亦概兼水利銜管理所屬河渠隄

堰每歲秋冬令地方官查勘淤塞汕缺處報

經管道廳修築應如所請俱換給兼銜水利

關防從之九卿議覆戶部右侍郎襄曰修

奏稱近年恩旨凡販運米豆至災地者免納

關稅原期商販流通以裕民食但立法稽查

始則本省給票。繼則沿途驗放。既售。又須繳票。吏胥需索。倍於納稅。又以票注販往何地。中途遇善價。不得他售。商人為累。却顧不前。災地米糧轉乏。嗣後請照舊收稅。俾商人無候驗之煩。需索之費。一任擇價前往。到處流通。價自平減。應如所請從之。兵部議覆京口副都統保雲奏稱。京口綠旗及水師營事務。原係將軍。副都統同辦。自裁京口將軍。并江寧將軍兼管。弁兵等謂與京口副都統無涉。遇事即呈將軍辦理。但江寧將軍遠隔。弁兵未免恣意妄行。請照舊就近管束等語。應如所奏。京口綠營事務。副都統就近管理。仍會同將軍查辦。其操演巡江諸事。該將軍間月一至京口。會同副都統查辦。至守備以上。薦舉陞調。由總督會同將軍辦理。從之。以太僕寺卿圖爾泰為太常寺卿。以湖北黃州副將吳宗寧為陝西興漢鎮總兵。甘肅花馬池副將達啟為甘肅涼州鎮總兵。

大清高宗法天隆運至誠先覺體元立極敷文奮武孝慈神聖純皇帝實錄卷之五百六十六

大清高宗法天隆運至誠先覺體元立極敷文
奮武孝慈神聖純皇帝實錄卷之五百六十七

監修總纂官經筵講官太子太傅文淵閣大學士文淵閣領事領侍衛內大臣陸宗輿奏 上諭事件處管理

吏部理藩院事務正黃旗滿洲部親世襲副都統功七級隨帶加一級尋常加二級軍功紀錄一次自慶緒

親戴官經筵講官太子太傅文華殿大學士人閣閣領事稽察欽奉 上諭事件處管理刑部戶部工部事務

世襲副都統軍功加十九級隨帶加二級又加二級重誥內大臣戶部尚書理藩院滿洲部親軍功紀錄五次

尋常紀錄十四次臣德興經筵講官太子少保工部尚書紀錄六次臣曹振鏞等奉

敕修

乾隆二十三年戊寅七月庚子

上以秋獮木蘭奉

皇太后自圓明園啟鑒 詰

皇太后行宮問安 諭朕此次巡幸木蘭所有
沿途經過地方著蠲免本年錢糧十分之三
該部即遵諭行 諭軍機大臣等著寄信綽
勒多等前因調遣索倫兵後奈瑪爾人越境
為盜曾派閒散餘丁給糧設卡防範徹兵後
即行停止現復派兵二千名前往西路恐奈
瑪爾人偵知游牧處兵少復至肆行盜竊著

照前揀派餘丁防範毋得怠忽綽勒多等即
遵旨辦理 以禮部尚書歸宣光署理吏部

尚書事務 是日駐蹕南石槽行宮 辛丑

諭軍機大臣等據雅爾哈善奏此次所帶破

位不能攻城如由內地解送軍營路遠不便

請諭黃廷桂解送匠役銅鐵照金川例即於

軍營鑄造大礮二位等語此奏尚屬可行著

傳諭黃廷桂令將匠役銅鐵等項解交雅爾

哈善等鑄造涼州不必再鑄其已成者仍著

即速解往將此一併傳諭雅爾哈善知之

江南河道總督白鍾山安徽巡撫高晉奏臣

等親往竇家寨毛城舖及蔣家營傅家窪等

處逐細測量沿河地勢外高內窪竇家寨之

水難引入黃該處民埝缺口業於本月十三

日堵閉無庸再挑引河至毛城舖金門本年

二月侍郎裘曰修夢麟等會議添建亂石壩

嗣因伏汛瞬息石料不及採辦先築土壩今

土壩既不足抵禦即照亂石壩原議趕辦再

下游灘河自竇家寨閉後水勢日消從前宋
壟溝三叉河等處間有漫水隨時搶護業歸
正河兩岸田禾無損現灘河口面刷寬水勢
下達五湖直趨洪澤惟水過沙停將來不免
淤墊俟水勢一定當即遵旨趕辦得旨覽奏
俱悉又奏親至徐城北門外細勘原設水誌
共一丈三尺上年秋汛至歲底長水陸續全
消誌樁底水無存本年正月至六月中旬節
次共長水一丈一尺七寸自後至七月十四
日水勢旋長旋消陸續消六尺二寸現在誌
樁共存新長水五尺五寸各工平穩得旨覽
奏稍慰是日駐蹕密雲縣行宮 壬寅

上詣

皇太后行宮問安 諭軍機大臣等昨雅爾哈
善有豫籌撤兵之奏雖亦先時部署但伊等
身為將軍叅贊大臣衆所觀聽既懷撤兵之
念則情形自必宣露恐官兵等知之不免懈
怠退縮且我兵圍城日久防守漸疎賊衆或

乘隙衝突逃走亦未可定朕深為厯念用兵
之道當於易懈之時益加意警備方無貽誤
凡賊可逃之路自必安設卡座但須多派兵
丁防禦倘賊人衝突以大兵追擊更於要路
堵截又安所逃至霍集占甚為詭詐此時或
又集衆來援當以偏師相持而大隊從間道
直走其後兩路夾擊自當就擒雅爾哈善等
宜相機辦理若不以殲渠為要務而徒恃得
一城再攻一城則區區庫車尚不能猝下由
此而阿克蘇葉爾羌喀什噶爾愈難攻克安
望成功况我兵雖未克庫車而賽哩木即已
降附則回部大勢可知前聞布拉呢敦與霍
集占不協或遣新降回人為間而所得之城
仍令管領但量派綠旗兵協同防守先聲所
至必有相繼迎降者總之惟在當事之人其
志先定則雖暫有艱阻必終歸成就斷不可
豫生畏葸其加意奮勉以佇捷音 又諭據
車布登扎布等奏稱與巴祿同追舍楞至古

爾班察爾與阿桂合兵。知舍楞已入俄羅斯。隨派副都統鄂博什等前往索取。又前遣往哈薩克索取布庫察罕之納旺等。尚未回報。因與阿桂暫行駐候。巴祿仍巡查臺站等語。所辦尚合機宜。朕前屢諭車布登扎布策應富德。計奉到此。旨時。阿布賚已將布庫察罕縛送。車布登扎布。即同阿桂前往。與富德合兵。向阿布勒噶爾索取哈薩克錫喇。如飾辭延緩。或適屆徵兵之期。亦即相機酌辦。項已

實錄卷五十一

一

諭都統德爾素。為叅贊大臣。在科布多辦事。阿桂不必回科布多。倘業經轉回。即來京請訓。至巴祿既仍舊巡查臺站。從前達禮善敏珠爾多爾濟等。追勦阿巴噶斯。哈丹等游牧。日久未見奏報。巴祿著在額林哈畢爾噶等處。探聽達禮善等所在。協力勦除餘賊。毋徒以搜捕瑪哈沁為事。并傳諭知之。又諭。據扎隆阿奏稱。烏梁海原任總管博郭勒之子恩克率所屬七千餘戶逃走。現在車木楚克

扎布已領兵一百名。迅往追捕等語。可傳諭成衮扎布。於應行調度事宜。豫為籌辦。至成衮扎布前奏。追索舍楞一事。如何辦理。及領兵現於何處駐劄。作速奏聞。是日駐蹕要亭行宮。癸卯。諭軍機大臣等。據阿里衮奏。稱由巴里坤運送庫車口糧牲隻。已於七月初起程。又辦米五百石。接濟官兵糧餉。俟車騾齊集。亦即趲運等語。看來巴里坤供給軍需。自無貽誤。近復諭吳達善等。由哈密豫備

實錄卷五十一

六

糧餉。送往軍營。且官兵打仗數次。後回城耕種。俱應有收穫。何必籌及徵兵。可傳諭雅爾哈善等。以奮勉効力為要。定邊將軍兆惠疏報。右翼布魯特瑪木特呼里比歸誠。遣其弟舍爾伯克等入覲。諭軍機大臣等。據兆惠等奏稱。侍衛烏勒登。招降布魯特瑪木特呼里比。遣其弟舍爾伯克入覲等語。烏勒登伴送入覲之布魯特等。行至巴里坤肅州等處。俱著優加宴賚。以示慈惠。其貿易回人。願往

招降安集延等處回衆。恐伊等如期來至伊犁。自當豫為守候。庶不失信遠人。車布登扎布。富德。回兵時。即在彼駐劄辦理。或酌派大員亦可。至托克托拜。遇哈薩克額爾。類將屬人所掠官物。查出交還。具見誠懇。著賞額爾類。緞四端。仍傳旨嘉獎。并諭以據擒獲人口所供。哈薩克錫喇在阿勒沁部落。如能傳示縛獻。必沛殊恩。前鋒托克托拜行走。黽勉。著授為藍翎侍衛。其侍衛額勒登額。受傷既重。

實錄卷五六七

即回京調理。俱各傳諭知之。是日駐蹕兩

間房行宮。甲辰。

上詣

皇太后行宮問安。諭軍機大臣等。前據張師載奏。請將河工舊料。酌定售價。賣出借一摺。內稱。河工堆積料物。或有昔險今平。所貯舊料。歷久不用。漸就耗折。請酌量減價出售。再沿河居民。每年例有派辦新料。并請於青黃不接時。將舊料借給。俟新料登場之後。令按數

實錄卷五六七

繳還。免其再派新料等語。所奏雖云去弊。恐因此而益滋弊也。河工辦料。自當實用實銷。而料有新陳。本當通融籌畫。但貯料備險之例。不自今日始。而河勢變遷不常。其向稱險工。一旦化險為平者。亦不自今日始。張師載未奏以前。此等料物。究竟作何辦理。將聽其日就消耗。而得准奏銷耶。抑貯而不用。減損日多。而奏銷時。承辦官員自行賠補耶。若准其奏銷。則國家如許帑項。豈當任其耗費。若

河員賠補。則各道廳等。又豈能有如許力量。歸還官價。況既昔險今平。何不將所貯舊料。移用他所即謂移用多費腳價。又何不於年內變價。而必遲之四五年耶。至於沿河居民。領舊易新。稽林葦草。日久易腐。而欲使之易以新料。此尤不免病民。看來借給舊料之說。亦適以滋弊。張師載非能去弊之人。但恐誤聽屬員去弊之言。轉啟其滋弊之路耳。白鍾山久在河工。此事諒所熟悉。況伊曾任河

東向來遇有化險為平。工次所貯料物。作何籌畫之處。亦必經辦過。再河東與南河事同一體。若張師載所奏。果足以除弊。則南河自當畫一辦理。著傳詢白鍾山。令其將河東舊日實在作何籌辦。并現在應否准其所奏。及南河應否一體辦理之處。詳悉具奏。又諭曰。雅爾哈善等叅奏順德訥疎防。致霍集占等免脫。又不急往追擒。真怯懦昏憤之極。順德訥著革職。以兵丁効力。此舉雖順德訥罪

無可逭。雅爾哈善等身為將軍。叅贊大臣。所司何事。獨無罪乎。今渠魁遠遁。朕亦無可訓諭。惟督策兆惠速往協助。雅爾哈善等能從此奮勉。一面攻圍庫車。一面追擒霍集占。尚是自贖之路。否則惟有按律治罪而已。昨雅爾哈善奏稱。賽哩木回人阿瓜斯伯凱率屬來降。著賞戴孔雀翎。及大荷包一對。小荷包四個。緞四端。仍傳旨慰撫。以安新附。所舉侍衛寧古禮。總管扎爾善。協領薩斯泰等。俱著

暫行領隊効力。又諭曰。雅爾哈善叅奏順德訥疎脫霍集占。深為可惜。可恨伊等無福成功。將自來送死之賊。任其免脫。尚可委用耶。今征回一事。全付之兆惠矣。前已諭兆惠速赴回部。此時或從造哈嶺。或從博登嶺前往皆可。若已抵庫車。即由彼進兵。將庫車令雅爾哈善駐守。至此次縱賊之罪。雖由順德訥。然雅爾哈善哈寧阿身為將軍。及叅贊大臣。豈能委過他人。脫身事外。除將伊等嚴加

議處外。兆惠即訊問順德訥。如縱賊情實。即於軍營正法示衆。若有別情。應叅奏者。即嚴行叅奏。此旨尚未頒發。俟兆惠奏到。再行宣布。并以朕旨傳諭額敏和卓伊係回人。雖與雅爾哈善等不同。亦不得謂為無過。念其素能出力。姑從寬貸。用觀後效。即在兆惠隊內行走。又諭曰。雅爾哈善等奏請派出大臣二員。前赴軍營等語。可傳諭納木扎勒三泰前往庫車。約於何時可抵軍營。即計日具奏。

近因順德訥等疎脫逆酋霍集占。看來雅爾哈善調度乖方。深負委任。現在傳諭兆惠速往辦理。納木扎勒等其奮勉協贊。以奏膚功。靖逆將軍雅爾哈善等疏報沙雅爾城舊伯克瑪哈默第遣其子阿三和卓歸誠報聞。○是日駐蹕常山峪行宮。○乙巳諭軍機大臣等。逆賊霍集占逃脫一事。雖順德訥之罪。然雅爾哈善哈寧阿等所司何事。伊二人深負委任。俱著革職。以兵丁効力。靖逆將軍員缺著納木扎勒補授。叅贊大臣員缺著三泰補授。納木扎勒三泰奉到此旨。速往庫車接印辦事。將雅爾哈善交與永貴令在屯田處効力。再前次擊敗賊衆。或向鄂根河逃去。或被截入城。雖不知霍集占所在。然所奪之糧業經認識。自當從此根究。且霍集占入城後。又親身出戰。敗而復入。其情形自異尋常。乃雅爾哈善等至此尚云不知。可見伊等並未親履行陣。著納木扎勒等詢問所獲回纥係

從何處奪取。即行奏聞。已諭兆惠速往庫車。此時霍集占既已逃脫。則逆黨阿布都克呼木亦必同逃。所留之人量無關緊要。雅爾哈善應已得城矣。納木扎勒等惟以擒獲霍集占為要。著傳諭知之。○又諭曰。雅爾哈善等縱賊債事。已諭兆惠速往庫車。今革雅爾哈善職。發往屯田處効力。以納木扎勒為靖逆將軍。但辦理回部仍於兆惠是賴。可傳諭兆惠從前命伊來京。特以雅爾哈善尚可驅策。今失機若此。自不得不委之兆惠。兆惠勿因久在軍前。遂生懈怠。雅爾哈善即其前鑒也。朕委用大臣。再三審慎。一經付託。即望其成功。豈肯輕為更代。至不得已而治罪。皆其自取。夫豈初心兆惠知此。惟一意奮勉。早為竣事。即今之第一功臣也。若馬匹疲乏。現在庫車軍營駐牧者。可以調換乘騎。至兵丁口糧。則回地秋禾正熟。而巴里坤吐魯番等處。又俱陸續轉運。無虞匱乏。且我兵未進各城。回

衆已遠來送款。則軍鋒所至伊等自將霍集占擒送。如布拉呢敦伯克霍集斯等見霍集占窮蹙。縛獻自贖。俱令其入覲。再酌量辦理。至兆惠若先抵庫車。不必更俟納木扎勒即收雅爾哈善印信。訊問伊等情節。如順德訥縱賊是實。即正法示衆。倘有別情。或彼此相訐。即將雅爾哈善哈寧阿順德訥拏解來京。一面帶兵前進。其靖逆將軍印暫交明瑞署理。俟納木扎勒到日。仍趨赴兆惠軍前并傳

諭納木扎勒等知之。補行乾隆二十二年分江蘇省大計。不謹官二員。年老官七員。有疾官二員。才力不及官三員。河南省大計。不謹官二員。罷軟官一員。年老官三員。有疾官四員。才力不及官三員。浮躁官一員。分別處分如例。是日駐蹕喀喇河屯行宮。丙午。

上詣

皇太后行宮問安。諭軍機大臣等富德奏稱與兆惠分兵過吹塔拉斯至西哈薩克邊界。

索取哈薩克錫喇如稍有推諉。即領兵入境查拏。或實係逃往他處。亦即遍行搜捕等語。所辦深合機宜。看來富德有承受朕恩之福。近據兆惠奏糧運章京托克托拜曾遇哈薩克額爾類。問及哈薩克錫喇逃往何處。而巴祿奏稱阿布賚使人哈奈巴圖爾謂哈薩克錫喇向沙喇伯勒逃去。衆互觀之。哈薩克錫喇似不曾逃往特柳克處。或藏匿幽僻。亦未可定。可傳諭富德伊能擒獲哈薩克錫喇。則

厄魯特全部可告成功。其悉心奮勉。以膺懋賞。定邊將軍兆惠疏報左翼布魯特霍索楚鄂拓克頭目邁塔克啟台鄂拓克頭目喀喇博托遣其弟姪等歸誠報聞。是日駐蹕避暑山莊。至八月戊辰。皆如之。丁未。諭軍機大臣等。據巴祿奏稱途遇哈薩克人等解送叛賊布庫察罕和碩齊。已派兵送往車布登扎布處等語。可傳諭成衮扎布解送賊人。必經由成衮扎布駐劄之地。閱和碩齊供詞。

頗多狡辯。若車布登扎布。誤信其言。不與布庫察罕一體鎖拏。成衣扎布。即嚴行拏解。勿致逃脫。若此時已至布延圖。亦傳諭扎隆阿等。遵照辦理。○戊申。諭曰。吳進義年屆八旬。歷任節鎮。宣力老成。著加恩賞給太子少保。以示優眷。○諭軍機大臣等。雅爾哈善等。疎脫霍集占。朕已降旨斥責。令其効力自贖。今思霍集占冒死入城。必因同惡之人。勢須救援。迨計窮力竭。黃夜脫逃。亦必與逆黨同行。城內所餘。不過老弱無能之輩。賊尚不甚愛惜。我何為盡銳攻取。惟揀派精兵。務獲賊首。以贖前愆。○又諭。今逆賊霍集占計窮力竭。乘此機會。各城警服。必有擒獻賊首者。朕思兆惠納木扎勒尚在逃行。若雅爾哈善等能進兵擒獲霍集占。尚可贖罪。是以仍諭其作速進兵。兆惠納木扎勒等不可因有此旨。遂疑為姑從寬貸。雅爾哈善此次失機。非尋常可比。果能擒獲賊首。兆惠等即行具奏。朕當

酌量施恩。否則雖得阿克蘇。亦不准贖罪。仍遵前旨辦理。著傳諭兆惠等知之。○又諭。據涼州將軍松阿哩奏。稱軍營須用大礮。已造成兩位。送往肅州。其續造兩位。俟演放後再行運送等語。前經雅爾哈善等奏稱。內地鑄造礮位。轉運艱難。請將匠役物料。趲赴軍營。酌量鑄造。朕已如所請行。可傳諭黃廷桂等。此時自必遵照前旨辦理。但將已成礮位。速送軍營可也。○又諭。前諭豆斌。速往庫車與馬得勝。分管綠旗兵丁。今據奏稱。在哈畢爾噶圖山等處。拏獲瑪哈沁數人。尚有宰桑巴拉等。逃逸未獲等語。豆斌搜捕瑪哈沁等。日久未見。弋獲要犯。既有巴拉等在逃。當悉力搜捕。擒獲再遵旨前赴庫車軍營。已酉

上詣

皇太后行宮問安。○諭軍機大臣等。昨因雅爾哈善等坐失機宜。命兆惠辦理回部。現在官兵圍守庫車四十餘日。總由初次攻城賊既

久備。又恃有救援。是以未易即下。若持此以較各城。遂有畏難之心。則謬矣。此次大兵所至。惟據其要害之地。賊衆自然畏懼。如必克一城。再攻一城。則回部堅城尚多。斷非長策。可再傳諭兆惠。回人素稱選懦。近來屢經勦捕。畏我軍威。乞降相續。且伊等所保惟城而村落居人。自不能兼顧。若盡入城守。則人衆無食。亦必困敝。斯時必有縛送首惡以自贖者。如擒獲霍集占。各城自然歸附。兆惠其加

平定回疆方略卷一百一十二

意奮勉。以奏膚功。○賑卹雲南麗江府屬白沙。東河木保。刺繆等四里。電災戶口。并緩徵本年民借常平社倉穀。○庚戌。諭軍機大臣等。據李侍堯奏。稱淮安南國咨。有內地人張甫能。王布督。流入伊國。為賊黨羽。占撓地方。現已拏獲。謹押解內地。聽候國法。尚有夥犯三十人。亦內地流出。審係協從。已薄倖放還等語。該二犯以內地民人。潛出外境。煽惑莠民。滋事不法。最為邊地之蠹。該國王不即處

治。押解內地。聽候國法。恭順可嘉。著傳諭李侍堯。俟二犯解到。審訊明確。即委員面同該國解員。於邊界處正法。其夥犯三十人。雖據該國已薄懲放還。但此等匪徒。所在不能安分。未便仍留本處。並著行查該國。逐一提解到粵。嚴加審訊。照新例改發巴里坤等處。仍應嚴飭緣邊地方官。不時設法查禁。毋任匪類出外生事。以重邊防。○又諭曰。車布登扎布。向哈薩克索取布庫察罕等解京。又請前

平定回疆方略卷一百一十三

赴兆惠軍營。甚屬奮勉。著加恩晉封親王品級。遣往哈薩克之納旺。著賞戴孔雀翎。并將伊現任職銜。查明具奏。又所奏探取兆惠信息。前已諭車布登扎布。策應富德。如拏獲哈薩克錫喇。固善。否則於應徹兵時。仍回伊犁。近因回部諸城。望風乞降。是以朕意。今歲不必徹兵。以期歲事。車布登扎布回伊犁後。再前赴回部。較為便捷。所慮口糧不足。又須紆道烏魯木齊。若稍可通融。或行文永貴等先

將口糧運赴庫車接濟。俱著籌酌辦理。至阿桂所奏。暫於布崆郭勒等處。駐候信息。阿桂既與車布登扎布合兵。自宜同往策應。富德以為効力之路。何必分道却回。著傳諭阿桂。如未至布延圖。則仍追及車布登扎布同行。如已離布延圖不遠。即令官兵回營。阿桂作速來京請訓。再赴西路。○又諭。據車布登扎布奏稱。烏里雅蘇台軍營原署叅將常青。察哈爾佐領署營總炳圖。因疎脫盜馬賊犯等。革職効力贖罪。今伊等自備資斧。甚屬黽勉。著加恩。照伊等原銜降一級。將常青授為都司。炳圖授為防禦職銜。俾得効力行走。至所奏噶克巴集賽之錫喇布。與瑪里格爾巴朗瑪濟克兄弟同行。因鄂哲特等拒敵敗逃。即殺伊兄弟。來投大兵。所掠器械衣服。經厄魯特嚮導識認等語。錫喇布現在何處。著即查詢。并取哈薩克錫喇信息奏聞。○又諭。據德敏奏摺內稱。定例京口副都統之印。只可行

該將軍。其移咨部旗。並行地方官事件。必用將軍印行。即綏遠城右衛。乍浦。現在遵行之例等語。著傳諭綏遠城及杭州將軍。將右衛乍浦二處辦事用印處。查明據實奏聞。尋杭州將軍薩爾哈岱。綏遠城將軍保德。先後覆奏。乍浦右衛軍政薦劾。題補官弁。及奏請協領引見。題報生息銀數。旗人命案。賞冊咨部等事。用將軍印信。其每年保題甲械。彙奏逃人。咨報新員任事。支領俸餉。修理城垣戰船。咨補筆帖式等事。用副都統印信。報聞。○浙江巡撫楊廷璋奏。浙省杭州下河。便民船一百隻。順治年間。因閩省用兵而設。日久朽壞。乾隆十二年。存尚堪修整者四十隻。經撫臣題准。每年修費銀五百八十餘兩。查此項船隻。終年停泊。間有撥用。仍須另雇舵工水手。較雇募民船。轉多周折。額定歲修。亦恐有名無實。况該處另有聽差站船二十四隻。設遇差繁。即以修費雇船添用。應請全汰。得旨。如

所議行。○辛亥。

上奉

皇太后幸卷阿勝境侍膳。至八月乙丑皆如之。
○諭正藍滿洲旗分。將年老休致原任遊擊塞克諾爾貝。聲明履歷。援引旗例。請賞給全俸。具奏請旨。夫旗員與綠旗官員不同。故凡條例。具有區別。近來旗員。每欲為綠旗官員者。蓋以所得比旗員較多。是以不顧廉恥。惟圖外任。及赴外任。或休或故。理宜即照綠旗官員之例。乃以既歸旗分。復引旗人之例。冀圖微倖。兩相取益。而該旗大臣。不曉事理。亦朦混奏請。希倖微恩。此皆旗人氣習漸流。卑下之所致也。朕甚恥之。嗣後旗人為綠旗官員者。或休或故。即照本任辦理。永著為例。○陝西巡撫鍾音奏稱。甘涼肅軍需總匯。用錢孔多。且本省搭放兵餉。及現在兵行口糧。需錢折給。寬裕備貯。市價庶平。隨於七八兩月。應鑄四卯外。加鑄三卯。分解三府州。以濟民

用。得旨嘉獎。○壬子。諭軍機大臣等。據雅爾

哈善等奏稱。辦理降人既畢。即領兵進發。想亦自知縱賊之罪。且看伊等効力如何。若能擒獲霍集占。則前罪皆可寬宥。即不能擒獲。而能驅迫賊首。不拘遁入何城。雅爾哈善。即知會哈寧阿。合兵圍守。斯時兆惠亦必到彼。威力愈壯。渠魁自必就縛。再霍集占曾與庫車逆黨。約誓來援。如果再來送死。哈寧阿。亦知會雅爾哈善。迴兵辦理。至沙雅爾投誠。回衆。可照賽哩木之例。減半賞賚。仍宣朕恩。旨云。念爾等遠離故土。不得安生。仍令於舊地駐牧。並傳諭賽哩木。回衆知悉。或伊等畏賊聲勢。不敢遷移。不妨俟平定各城後。再歸故土亦可。又所奏伯克托克托。已為霍集占戕害。深可憫惻。聞伊尚有一子。著查明現在何處。奏請加恩。卹廕。總之。此次進兵。乃伊等贖罪之路。據奏領兵前進。究未聲明兵數若干。殊屬含混。併傳諭雅爾哈善等。詳悉奏聞。○

又諭。昨諭兆惠。納木扎勒。有先至庫車者。即傳旨革雅爾哈善。哈寧阿職。以兵丁効力。今據伊等奏報。分兵前進。似已自知其罪。可傳諭兆惠。與雅爾哈善等會合時。如霍集占就擒。即以朕旨。令伊等閱看。仍傳諭云。若雅爾哈善等。自知罪戾。奮勉効力。擒獲賊首。則量從寬貸。其傳諭額敏和卓之語。仍遵前旨行。至伊等未到之先。如哈寧阿已得庫車城。兆惠即令玉素布駐守。派舒赫德。安撫降人。及

字東本卷六十七

三

籌辦屯田事宜。若尚未得城。即令明瑞領兵攻取。俟納木扎勒到日。明瑞仍在兆惠軍前効力行走。俱著傳諭知之。○賑卹陝西延川。膚施。延長。甘泉。保安。宜川。靖遠。定邊。榆林。葭州。懷遠。神木。府谷。綏德。清澗。米脂。吳堡。等十州縣。旱雹成災。飢戶。并緩徵新舊錢糧。民欠倉穀。○予故廣東提督陳鳴夏祭葬如例。謚恭毅。○癸丑。諭軍機大臣等。昨據雅爾哈善等奏。進取阿克蘇一摺。未及所領兵數。若

實錄卷六十七

三

干。比即傳諭查詢。今思伊等若直抵阿克蘇。則中間沙雅爾等城。必須安設臺站。否則奏報。安能迅速。且沙雅爾回衆。雖經歸順。而大兵既遠。保無變動。俱應籌及陳奏。設伊等因庫車久未攻克。霍集占又已脫逃。非遵旨領兵前進。無以塞責。則更恐債事。著傳諭伊等。據實奏聞。○又諭曰。雅爾哈善。近雖奏請分兵進取。留哈寧阿圍守庫車。並未將所分兵數。及安設臺站事宜。陳奏。看來伊等。似知疎脫。霍集占之罪。且聊以奏請進兵。苟延旦夕。若果如此居心。必至債事。可傳諭兆惠。納木扎勒等。即行馳赴。仍於奉到此旨時。計何日可至雅爾哈善軍營。作速覆奏。○是月。直隸總督方觀承奏。宣化各屬倉豆充裕。又值豐收。稻草易辦。現口外商販馬。陸續已到。請照定價。每匹給銀九兩。採買四千匹。交宣鎮各營。領豆餵養。以備撥用。得旨甚好。多多益善。今豈有無用之馬。○江南河道總督白鍾山

奏高寶諸湖。上承洪澤。並天長。六合。各山之
水。合流。並注運河。以歸江海。向因引河淤積。
近經疏通。并將南關。車邏。芒稻等閘壩。常川
啟放。使諸河徑達江海。是以今年水勢大減。
惟是高郵以北。運河之水。高於湖面二尺至
七尺有餘不等。若一時宣洩不及。勢必先注
南關。車邏等壩。以入下河。且恐洪湖水勢再
長。過五滾壩而來。運河之水未消。諸湖之水
驟至。高寶一帶。難免盈溢之虞。臣詳加勘度。

實錄卷三百六十七

三十一

與其由南關。車邏。紆遠歸海。不若由邵伯以
下。直捷歸江。多一分歸江之路。即少一分歸
海之水。查高郵城西岸。上下港口二十二處。
其中萬家塘。杭家嘴等處。地勢較高於湖面。
擬量啟三四處。俾運河分洩入湖。以注邵伯
之通湖各港。由金灣越河。從東岸之鳳凰壁
虎等橋。暢達芒稻閘。石羊溝。以歸於江。通相
灌輸。則南關等壩。過水減少。得旨嘉獎。○湖
南巡撫馮鈐奏。奉諭撥運粵東穀石。業經備

穀四十餘萬石。半貯長。衡。永。所屬。半貯岳。常。
澧。所屬。水次各州縣起運。惟自衡州至廣西
桂林。一千餘里。在在險灘逆水。巨載難行。現
咨廣西撫臣。俟至桂林。另換大船運送。再本
年兩接調任督臣陳宏謀咨。委員至衡。郴。湘。
潭等處買穀。既慮民間因此昂價。且逐漸購
買。輓運亦遲。擬於衡。長。二府屬貯穀內。照價
即時撥給。得旨嘉獎。○河南巡撫胡寶瑤奏。
豫省開歸。陳。汝。疏築河隄。大工告竣。查向年

實錄卷三百六十七

三十二

興舉工程。事竣。即置勿論。志乘所載。錯誤實
多。地方官新舊承接。於本境河道淺深高下。
非曾經辦理者。不知。或因無據。而遷延。或恃
兩岐而推諉。小民借此。更啟爭端。不可不垂
令則。今將原續所辦各工。合為一圖。鐫石印
給州縣。俾入交代。石刻存公所。聽民刷印。得
旨嘉獎。○陝西巡撫鍾音奏。現接督臣黃廷
桂咨。令附近甘省之西。鳳。邠。乾等處。採買米
麥二十萬石。接濟軍需。陝省本年麥秋豐稔。

市價平減。隨按地方出產之多寡。距甘省道
路之遠近。分派西鳳邠乾各屬州縣買麥五
萬四五千石。如市價不增。再行採買。倘不足
數。查西鳳邠乾及同州屬各廳州縣現有常
平溢額麥九萬八千餘石。亦可通融撥濟。報
聞。○甘肅巡撫吳達善奏。甘省豫備明年一
二萬兵一歲口糧。現在電水偏災等邑。尚需
賑糶。宜因時變通。急籌買補。查目下糧價最
平處。莫如河東鞏昌所屬。最貴莫如河西肅
州。然以鞏昌最賤之糧。加費運肅。合銀四兩
上下。不若本處買補。每石二兩三錢內外。轉
多節省。請無論河東西除災地外。其成熟之
廳州縣衛。夏秋收成後。各就本地購買。倘妨
民食即止。得旨。如所議行。○署兩廣總督李
侍堯奏。接准湖南撫臣馮鈐札稱。面奉諭旨。
湖南現有溢額穀石。可以撥運廣東。且聞有
陡河一道。可通廣東。原糶價銀。歸還湖南買
補。今歲廣東出糶倉穀多至一百五萬餘石。

擬秋成後。本省買補外。再於湖南廣西添買。
茲即知會湖南撥運溢穀二十萬石。乘陡河
之水秋間未涸。作速起運。再廣西今秋豐稔。
現更札商撫臣撥附近水次各屬倉穀十萬
石運東。分派州縣補缺。餘仍於本省體察情
形酌量買補。得旨。覽奏俱悉。○雲貴總督愛
必達奏。綠營兵缺出。例將兵丁子弟挑補。如
不得其人。即募土著民人充補。查黔省新疆
各鎮營兵。安設之初。多由調撥。間有隻身無
家者。兵丁子弟無多。而地居苗藪。又無土著
民人應募。外來投充者。皆內地游民。伏思古
州朗洞清江台拱丹江八寨等處。附近皆有
屯堡。屯軍子弟多可入伍。況查屯軍原議。每
戶上田六畝。中田八畝。下田十畝。現生齒日
繁。丁多田少。請以屯軍子弟補綠營兵糧。則
營伍得實在之兵。屯堡亦裕資生之計。得旨。
如所議行。

大清高宗法天隆運至誠先覺體元立極敷文
奮武孝慈神聖純皇帝實錄卷之五百六十七

實錄卷之五百六十七

七

大清高宗法天隆運至誠先覺體元立極敷文
奮武孝慈神聖純皇帝實錄卷之五百六十八

監修總纂官經筵講官太子太傅太僕寺卿大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲副都統軍功加七級隨帶加一級尋常加二級軍功紀錄一次臣等謹

總纂官經筵講官太子太傅文淵閣大學士文淵閣領事稽察欽奉 上諭事件處管理刑部戶部三庫事務

世襲副都統軍功加十九級隨帶加二級又加二級臣等謹將內大臣戶部尚書總纂滿洲都統軍功紀錄五次

尋常紀錄十四次臣等謹將經筵講官太子少保工部尚書化敏六次臣等謹將尋常

較修

乾隆二十三年戊寅八月甲寅朔諭軍機大

臣等據張師載奏請將河工舊料酌定售賣

出借一摺經軍機大臣會同該部議准朕以

張師載非能設法去弊之人恐誤聽屬員去

弊之言轉滋弊竇如所稱將存工舊料按年

減成出售折耗既無歸著而令沿河居民領

舊易新其事亦不免滋擾因降旨詢問白鍾

山今據奏到伊在河東任內每年秋汛後即

逐工盤查本年用存舊料確數酌辦次年新

料之多寡至用料時必先將舊料儘數用完

再用新料。其有化險為平之工。即將所貯舊料。就近撥赴別工應用。不令久貯折耗。現在南河亦如此辦理。是與其籌畫於年久折耗之後。種種生弊。何如按年實力辦理。不令折耗之為善乎。張師載原奏現在另行議駁。著將白鍾山摺鈔寄張師載。令其循照舊例。悉心妥辦。毋為屬員浮議所動。徒啟弊端。但河員窳習。在在不免使稽覈不能妥協。即沿白鍾山成法。而有名無實。恐其中那移虧蝕之弊。仍難保其必無。此又在該督之實心釐剔。毋徒墨守成規。遂謂祛弊之良法也。又諭據成衮扎布等奏。叅贊大臣阿桂在布崆郭勒等處。駐兵堵截逸賊。伊在都爾伯勒津等處候信等語。前命成衮扎布策應阿桂。原為追勦舍楞。今舍楞已入俄羅斯。阿桂亦同車布登扎布策應富德。此時諒已奉到諭旨。彼處無應辦事務。著傳諭成衮扎布。即回烏里雅蘇台辦事。又諭昨派出察哈爾兵一千

名由阿濟必濟往烏魯木齊。所需口糧馬匹。應先送至烏魯木齊。豫備支給。現在派出索倫兵二千名。俱由此路行走。亦應照前豫備。至派出健銳營兵一千名。則不必至巴里坤。徑由哈密吐魯番魯克察克一路。著傳諭阿里衮或將巴里坤現有馬匹。送至哈密豫備。如不敷用。即將肅州牧養馬匹。令伊等支領。前赴軍營。亦可。阿里衮速咨黃廷桂。籌酌辦理。定邊將軍兆惠等奏。現分兵兩路。臣富德向吹塔拉斯沙喇伯勒等處搜捕厄魯特餘孽。臣兆惠在特穆爾圖諾爾等處搜捕。至哈薩克錫喇。雖未就擒。但隻身逃遁。斷不能復行嘯聚。仍在善塔斯等處。嚴行搜捕。得旨近屢諭兆惠。前往庫車。其搜捕哈薩克錫喇。專委富德。著兆惠即遵旨速赴回部。以擒獲霍集占為要。乙卯。吏部議覆署江西巡撫阿思哈疏。稱九江府屬德化縣小池口。界連楚省。為南北水陸要衝。距縣雖止一江。風浪

不時阻隔。且該處兩省居民糴糶。差使絡繹。需專員駐劄。查德化城子鎮。向設巡檢一員。現該處已淤漲成洲。並無商船停泊。請將巡檢移駐小池口。兼轄江北封一。封二。桑落等鄉。并飭督率救生船隻。不時巡遊。其衙署即移城子鎮原署改建。官役俸食照舊。換給小池口巡檢鈐記。至城子鎮原轄之赤松。南昌二鄉。歸并德化縣管理。應如所請。從之。○戶部議覆。欽差侍郎吉慶清查粵鹽帑本一摺。

查前督陳宏謀奏。庫存帑本一萬一千餘兩。與該侍郎奏十萬五千餘兩之數。多寡懸殊。有無庫項未清。應飭查明具奏。得旨。此原係吉慶承辦之事。著吉慶仍回廣東辦理。○兵部議覆。湖廣總督碩色奏稱。湖南鎮草鎮。孤懸苗藪。廣袤五百餘里。四面紅苗。最為獷悍。總兵一官。彈壓撫綏。攸繫。請注為陸路最要缺。應如所請。從之。○奉恩將軍巴爾薩。目疾解退。以其子普正襲職。○丙辰。戶部議覆。漕

運總督楊錫紱奏稱。楊村距通州寫遠。需專員巡察。請將通州巡漕四員。派滿漢各一員。專駐其地。自天津至東省一帶。即令兼行巡視。所有天津巡漕一員。請裁。再通州巡漕四員。每年二月奏派。今二員改駐楊村。請照濟寧巡漕例。於十月先期派往。應如所請。從之。○丁巳。祭

先師孔子。遣協辦大學士鄂彌達行禮。○翰林院侍讀學士國柱。為太僕寺卿。○戊午。

祭

大社

大稷。遣和親王弘晝恭代行禮。○諭。據黃廷桂奏。寧夏協領常阿禮。驚失馬匹。於未抵巴里坤之先。全行尋獲。請照例開復等語。常阿禮管解軍需馬匹。並不小心防護。以致馬匹遺失。覈其疎玩之咎。即革職。尚有餘罪。不得因其全數報獲。即予開復。常阿禮著從寬革職留任。將來如果効力奮勉。該督等另行奏請。

開復。其七布騰等應追馬價。俟伊等照數全完後。亦照常阿禮之例。再行奏請留任。諭軍機大臣等。前因辦理回部一事。恐今歲不能就緒。擬冬間暫且徹兵。再籌明年進兵之舉。是以降旨兆惠。黃廷桂。令其來京會商一切事宜。面領指示。今雅爾哈善攻勦庫車回衆。雖曾兩次將霍集占等援兵擊敗。而乘此軍威既振。正可相機勦撫。且霍集占親率賊衆抗我。頗行。此正有自送就擒之勢。雅爾哈善果能迅合事機。何難就獲。乃霍集占既從陣敗時遁入庫車。復從庫車潛夜遁去。而雅爾哈善竟無一兵截其去路。坐令逆賊遠颺。朕以其不足復任。已仍令兆惠就近回至庫車等處料理進兵計兆惠。今歲不能即行赴京。黃廷桂可毋庸豫籌起程矣。且從前令二人到京面商。原以今冬暫且徹兵。距明歲進兵時尚遠故耳。今軍營現在情形。兆惠一到。即須趕今歲一徑進勦。冬間亦不復徹兵。可

傳諭黃廷桂。且不必籌及赴京之事。所有一切駝馬糧餉。速為悉心妥辦可也。將此傳諭知之。已未諭軍機大臣等。適詢問回人巴克喀啟等。據稱附和霍集占為惡。不過阿布都爪布等數人。及在伊犁相從回衆。其各城頭目。俱不心服等語。可傳諭兆惠。速往經畫務宜勦撫並用。即如從前準噶爾。每年派兵擾害回人。刼令歸附。亦因伊犁與回部相近。若我兵如此辦理。則須由巴里坤轉餉接濟。回人雖困而內地力亦難支。今庫車雖似難克。但此城係回部門戶。故伊等以死固守。若一經攻克。則諸城必潰。又前據雅爾哈善請將綠旗兵調往屯田處所。但攻克回城。亦需防守。將來增墾地畝。仍於內地調發。併傳諭黃廷桂等知之。又諭據額駙色布騰巴勒珠爾奏對。去年哈薩克額爾類搶掠昂吉岱等遊牧。有鄂托圖柳之子。為哈薩克錫喇所獲。旋行釋放。告以日後有急。即來相投等

語。可傳諭車布登扎布富德等當以此言告之額爾類云。哈薩克錫喇顯係投入爾等遊牧。但爾等所屬頗多。一時不能覺察。即如爾等屬人。誤取我臺站所運官物。爾即照數交還。奉旨獎賞。今若獻出哈薩克錫喇則益昭恭順之忱。如此開導。亦擒拏賊首之一策。其籌酌行之。○又諭據努三察勘穆壘至烏魯木齊屯田。約需兵丁六千有奇。繪圖呈覽。屯田為軍食所關。必由近及遠。以次增墾。方可省餽餉而豐積貯。此時雖距耕作之期尚早。自當先事籌畫。可傳諭黃廷桂於內地綠旗兵內挑選七千名。調赴烏魯木齊等處。其農器即於肅州辦給。交兵丁帶往。或併給以工作器具。令兵丁就近伐木造屋。俱宜酌量辦理。至派往回部之綠旗兵。現在軍營仍需調遣。不必徹往屯田處所。并傳諭永貴等知之。○庚申。諭軍機大臣等。成衮扎布奏稱。據管臺協理台吉瑪克蘇爾等報有賊人二起。黃

夜搶奪烏爾都里克臺馬匹。隨派兵前往查拏等語。此等賊人。敢於搶奪臺站馬匹。是否係舍楞餘黨。抑或烏梁海恩克屬人。若不行嚴拏。何以肅清臺路。著傳諭成衮扎布等加意辦理。○在京總理事務王大臣等奏報京師附近。晚禾急需雨澤。現在設壇祈禱。得旨。此間亦望雨求而即霑膏澤。已接潤而尚欠優渥。京師今得霑霈否。○辛酉。遣官祭關帝廟。○遣官祭昭忠祠。○兵部議覆雲貴總督愛必達奏稱。苗疆衛所千總有經理屯糧操練兵丁之責。與別省專司領運者不同。黔省古州等衛千總缺。既由弁兵拔補。請照營千總例。統限六年俸滿。如弓馬嫻熟。所管屯軍安分。力田著有成效。六年俸滿。撫臣給咨送部引見。其才技超羣者。歷俸三年。亦請照營千總例。豫保以守備用。如不堪保。即於六年俸滿日勒休。出缺於營弁內拔補。應如所請。從之。○浙江巡撫楊廷璋疏報。乾隆二

十二年分開墾鎮海太平松陽遂昌永嘉景寧麗水等七縣田地山塘共四十八頃十九畝有奇（壬戌）

太宗文皇帝忌辰遣官祭

昭陵（諭軍機大臣等）巴祿奏稱據圖倫楚達禮善等呈報追勦哈丹阿巴噶斯等餘賊至庫爾河源等處因水漲難行隨嚴飭設法渡河勦賊等語著傳諭圖倫楚從前因敏珠爾多爾濟達禮善等未能速殲逸賊是以派伊

前往今賊蹤已得又復託詞支飾可見全未奮勉効力其作何治罪之處伊等應亦知之現在巴祿領兵策應會同進勦其索取哈薩克錫喇已委富德及車布登扎布巴祿惟嚴行督催盡勦哈丹阿巴噶斯遺孽以靖地方（軍機大臣等議覆）大學士管陝甘總督黃廷桂奏稱軍營馬現有三萬五千已敷添派之用前諭購鄂爾多斯馬四千請留補寧夏各營缺額應如所奏從之陝西巡撫鐘音

奏陝省夏秋多雨渭洛二水俱於朝邑縣三河口匯入黃河先後據報沿河十八村莊民種灘地被淹一百三十六頃八十畝有奇衝沒九十四頃有奇民戶俱住高原不專賴此收成毋庸議卹惟被淹地畝折徵應請蠲免其衝沒者不便虛懸租額請照原議隨時開除報聞（癸亥諭前據雅爾哈善以逆回霍集占遁出庫車並未追捕將順德訥叅奏今又以綠旗兵刨掘地道反為賊所覺致焚死兵丁且兵丁內竟有竊物私逃者將馬得勝叅奏不知將軍統領全師所司何事而僅以叅劾他人聊且塞責竟若與已漠不相關者情理殊不可解當雅爾哈善奏報擊敗霍集占等援兵時朕方以軍威既振自可乘機進勦詎意伊前次奏稱鄂根河殺賊不下三千餘人霍集占負傷遠竄及沙雅爾頭目阿三和卓投降錄詞具奏始知霍集占敗陣時即遁入庫車數日復晝夜突出以自投羅網之

賊而聽其自去自來。竟無一兵防範。追逐順德。訥駐兵要路。固無所逃罪。而將軍此時又安在耶。且我兵穴地攻城。本欲潛師取勝。又何至遂為賊覺。橫開一溝。而我兵轉無一知覺者。甚至兵丁行竊。脫逃。毫無忌憚。可見軍營調度乖方。全無紀律。已非一日。雅爾哈善坐視賊酋竄逸。頓兵城下。不異守株待兔。前後奏報情詞矛盾。惟圖左枝右梧。始叅順德。訥以却過。繼叅馬得勝。以諉咎。並無一語引罪。殊不思身任元戎。指麾諸將者。誰之責歟。此而不置之於法國憲。安在已。降旨命兆惠就近前往庫車一帶。辦理回部。雅爾哈善哈寧阿。順德。訥俱著革職。兆惠至軍營。日即著拏解來京。將此先行通諭知之。諭軍機大臣等。據雅爾哈善等奏稱。馬得勝所領綠旗兵內有馬兵李子雲等竊取官銀馬駝。脫逃。又運送口糧兵丁尚有四百六十餘名未到。此內有病故逃亡等語。此等兵丁既不能向

前出力。復敢竊物潛逃。甚屬不法。伊等逃回內地。必由哈密安西巴里坤經過。可傳諭黃廷桂行知。安西提督哈密防鎮等速行通緝。仍行文伊等食糧營汛及各本籍地方官一體查拏。務獲不分。首從即行正法。以肅軍紀。又諭昨因雅爾哈善等疎脫霍集占。已諭兆惠速往辦理。回部然猶望雅爾哈善自知罪戾。奮勉思贖。旋據奏報。現在分兵前進。是以降旨策勵。以觀後效。今雅爾哈善奏據俘獲人等供稱。霍集占脫逃時曾與阿布都克呼木約誓。一月之內必來救援。恐分兵單弱。擬候兆惠到日再行前進等語。是雅爾哈善仍未進兵。且叅奏馬得勝創掘地道為賊所覺。致損兵丁罪固難逭。而伊等所司何事。其素無紀律可知。且雅爾哈善初抵庫車。因伯克托克托中計被擒。心即惶惑。惟思以進兵之事責成額敏和卓。朕即降旨訓飭。又所奏攻克庫車後。毀其城郭。焚其廬舍。撤兵回哈

喇沙爾吐魯番等處來年再行進取。朕復諭以時當夏令進兵之時。遽議撤回。恐衆志懈弛。至得城即毀。則來降回衆於何處安插。至今日所到奏摺。有來降回人供稱與二十餘人出城取草等語。賊既可出城取草。則田穀何難收穫。似此種種疎忽。圍城復有何益。可傳諭兆惠一抵庫車。即將雅爾哈善拏解來京。馬得勝失機債事。著兆惠嚴審具奏。若進兵無暇。則拏交黃廷桂審訊亦可。雅爾哈善等奏摺。著錄寄兆惠閱看。諸事遵照節次諭旨辦理。甲子。

太祖高皇帝忌辰遣官祭

福陵。○添建熱河八溝同知所屬烏蘭哈達巡檢千總等衙署。及兵丁營房。從直隸總督方觀承請也。乙丑。諭軍機大臣等。據白鍾山奏。楊莊一帶中河水淺。現將臨黃臨運二壩開放引黃濟運等語。所奏恐不免利少而害多也。引黃入運。雖權宜濟運之法。但黃水多

挾泥沙。一入運河。易致淤墊。非甚不得已。不可輕為此遷就之計。若謂楊莊等處運河本無來源。必藉黃接濟。此亦未為確論。微山等湖。地處上游。何嘗非運河之源。看來該處情形。或因近日伊家河水過多。微山諸湖之水日就消滅。以致入運不能寬裕。此則當於湖口閘。韓莊閘等處查勘水勢。設法接濟。或將伊河略為撙節。俾湖水入運較多。自足以供浮送。著傳諭白鍾山。張師載。阿爾泰。海明等。即親往湖口閘等處。會同相度。悉心妥辦。毋輕言引黃入運。轉致滋患。若果湖水不足。灌注。或另有籌辦之法。再行具奏辦理。尋覆奏。荆山橋因微湖水落。引河續現河灘。經督臣尹繼善奏。設法挑通。接引湖水。而伊家河湖口閘等處。現雖通流。止因各處山水未發。源頭本弱。流及楊莊。綿遠力微。勢難敵黃。臣等公議於湖口閘迤上。量開水口數處。引水入河。並將南陽以南新修緯道內洩水單閘全

閉不使旁洩再開放濟寧之馬場湖俾暢流入運直達江南運河多注一分之水則楊莊多受一分之益此於上游籌辦濟運之情形也又駱馬湖係受蒙沂白馬諸河之水現來源既小而下游支幹各河又復暢洩擬將駱馬湖尾閘暫閉收蓄入運以助清流此於中段籌辦濟運之情形也至楊莊口門將草壩接築酌量收小並於鹽河壩外鑲築草壩以清抵黃不使多入鹽河以蓄水勢此於下游籌辦濟運之情形也如嗣後客水易消來水仍弱楊莊口門仍復淺阻再請暫開黃運二壩以資接濟得旨此非大害隨時調劑可耳又諭曰努三前奏請查勘烏魯木齊屯田時朕即謂為期雖早亦當先事籌備隨諭黃廷桂來年穆壘烏魯木齊屯田派兵七千名及辦給農工器具今奏昌吉等處又可駐兵三千可傳諭黃廷桂照數添派兵丁合之前派七千即得萬人為數雖多但屯田兵惟取

習於耕作不必盡皆精壯黃廷桂宜酌量辦理如有不便即停其添派亦可仍與努三永貴等會商定擬具奏尋黃廷桂奏穆壘一帶派兵七千往墾業豫辦農具籽種咨詢永貴定期起程今昌吉等處堪種地畝又需派兵三千臣統計陝甘督撫提鎮標營兵量地衝僻存營多寡均勻抽撥所需籽種現購粟穀糜穀青稞豆麥共八千石除穆壘一帶需用外尚恐不敷查烏魯木齊托克三等處俱有新收穀稞已移咨永貴努三就近湊足所需牛具俟軍營大局定後再行酌辦報聞又諭據兆惠奏稱索倫營總阿薩喇勒圖於巴爾托輝西勒克搜勦善投領集竄賊衆百人收其馬駝軍器即係從前吉林營總兆齊等追捕未獲之賊等語阿薩喇勒圖甚屬効力著交部議敘其効力官兵及陣亡之署領催察凱等著查明送部議敘議卹又諭曰兆惠所奏索倫領催阿丹察在阿圭雅斯山中

搜獲巴爾達穆特之瑪哈沁三人訊知藏匿累年恐哈薩克錫喇亦似此潛身隨分兵搜捕等語查拏哈薩克錫喇已委富德車布登扎布兆惠惟速往庫車以擒獲霍集占為要○戶部議覆欽差侍郎吉慶覆奏粵東銷鹽商人按季隨繳現存帑十萬五千餘兩鹽一百三十餘萬包儘數接濟無容增帑乾隆九年前商欠業經勒限繳完惟二十年以來欠項應行催繳羨餘一項前就帑本全數計羨現按商人領出鹽勛收羨每年領售之數與前相等故報羨亦不甚懸殊並無別項情弊應如所奏均無庸議惟摺內稱陳宏謀奏存帑一萬一千餘兩遺漏高廉潮三府屬未入現奏十萬五千餘兩合高廉潮通盤覈算是以不符等語查前督陳宏謀請增帑本將銀數遺漏錯誤殊屬疎忽應請交部察議得旨陳宏謀請增辦鹽帑本一事該部所叅陳宏謀將存庫銀數遺漏舛錯請交部察議處轉

不足深咎陳宏謀疎忽之失誰則無之但陳宏謀素以幹練自居乃自任粵督諸事尚未設施而先亟亟請鹽本增帑為取悅屬員商人之計且伊解事非不能如吉慶之徹底查本者也是其市惠好名痼習不但未知改而因陞用益甚此非尋常疎忽可比陳宏謀著交部嚴加議處餘依議○丙寅

萬壽節遣官祭

太廟後殿遣官祭

福陵

昭陵

昭西陵

孝陵

孝東陵

景陵

泰陵遣官祭

孝賢皇后陵遣官祭

顯佑宮

東嶽廟

城隍廟

上詣

皇太后行宮行禮。御澹泊敬誠殿。扈從王公大臣官員及蒙古王公台吉等行慶賀禮。○奉

皇太后幸卷阿勝境侍宴。賜扈從王公大臣及蒙古王公台吉等宴。諭軍機大臣等前因雅爾哈善請遣工人至軍前鑄造大礮已

諭黃廷桂辦理。今據奏鑄造大礮所需工料與尋常不同。微有作難之意。此特所派官員工役憚於遠行。故為此說。從前金川用兵。兆惠曾與其事。所鑄礮位自必深知。若抵庫車時。應需大礮。則舒赫德亦曾往金川。即委令監造。然朕意攻城不必專恃大礮。當霍集占逃入庫車時。圍守果嚴。即無礮。又豈能逃出。若如雅爾哈善聽賊出入毫無防範。雖有大礮亦復何用。況現在穴地攻城。反為賊斷。皆

由伊等高坐帳中。以致官兵解體。兆惠至彼務申明紀律。一變從前疎懈之習。可傳諭知之。丁卯。

上奉

皇太后幸卷阿勝境侍膳。翼日如之。春秋直解書成。

御製序曰。中古之書。莫大於春秋。推其教。不越乎屬辭比事。而原夫成書之始。即游夏不能贊一辭。蓋辭不待贊也。彼南史董狐。世稱古之遺直。矧以大聖人就魯史之舊。用筆削以正褒貶。不過據事直書。而義自為比。屬其辭本非得已。贊且奚為乎。厥後依經作傳。如左氏身非私淑。號為素臣。猶或詳於事而失之。誣至公羊穀梁。去聖逾遠。乃有發墨守而起廢疾。儼然操入室之戈者。下此齟齬聚訟。人自為師。經生家大抵以胡氏安國張氏洽為最著。及張氏廢而胡氏直與三傳並行其間。傳會臆斷。往往不免承學之士。宜何所考衷。

也哉我

皇祖欽定傳說彙纂一書。鎔范羣言去取精當。麟經之微言大義。炳若日星。朕服習有年。紹聞志切。近因輯易詩二書竣事。命在館諸臣條系是經。具解以進。一以彙纂為指南。意在息諸說之紛歧。以翼傳融諸傳之同異。以尊經庶幾辭簡而事明。於范甯去其所滯。擇善而從之論。深有取焉。夫儒者猥云五經如法律。春秋如斷例。故嘆助趙匡陸淳輩悉取經文。

實錄卷三百六十八

三十二

書法纂而為例。一一引徽切墨以求之。動如鑿枘之不相入。譬諸叔孫通蕭何增置傍章。已後例轉多而律轉晦。蓋曲說之離經甚於曲學之泥經也。審矣。書既成。命之曰直解。匪不求甚解之謂。謂夫索解而過不直。則義不見爾。而豈獨春秋一經為然哉。是所望乎天下之善讀經者。諭軍機大臣等。哈薩克錫喇雖傳聞逃入西哈薩克。此時或又潛回舊游牧藏匿。亦未可定。可傳諭成衮扎布現在

搜勦盜竊西路那呼臺站馬匹之賊。如無哈薩克錫喇在內。即領兵至伊舊游牧於所遇瑪哈沁等嚴密搜勦。再行撤回。并傳諭福祿等帶領索倫兵。經過哈布塔克拜達克等處。將盜竊馬匹賊人及瑪哈沁等。留心搜勦。祇須派兵二三百名。遣侍衛等分路前往。亦不必過於留滯。致誤前抵軍營之期。戊辰在京總理事務王大臣等奏報十三日得雨得吉欣慰。覽之。是日清晨晴和。過午此間亦被

實錄卷三百六十八

三十二

甘澤實

天恩均霑。額手為農慶也。山東巡撫阿爾泰奏濟寧魚臺二州縣積淹地畝。七月中陸續涸出二十四莊。此等初涸地。業戶俱係無力貧民。聽其廢棄。可惜。現飭州縣買牛置具。酌借籽種。俾及時種麥。為來歲之謀。得旨欣慰。覽之。

大清高宗法天隆運至誠先覺體元立極敷文
奮武孝慈神聖純皇帝實錄卷之五百六十八

實錄卷五百六十八

三十四

大清高宗法天隆運至誠先覺體元立極敷文
奮武孝慈神聖純皇帝實錄卷之五百六十九

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲副都統軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十三年戊寅八月己巳

上自避暑山莊奉

皇太后啟鑒幸水蘭 諭軍機大臣等永貴等
奏稱署章京巴顏德等追捕搶奪軍需之賊
因路遙馬乏回至軍營等語從前永貴等往
追盜竊馬匹賊人未能擒獲今巴顏德又復
如此若追賊官兵皆似此託詞支飾則臺路
何時寧靜永貴定長納世通及巴顏德等俱
著交部察議其綠旗千把總等員著永貴等
查明懲治 辦理屯田侍郎永貴等奏前赴

庫車糧餉駝運事宜查阿里來於六月中從巴里坤運糧一千四百石向烏魯木齊進發現知照約計庫車需用之數留於吐魯番再吐魯番闢展一帶詢之回人云可牧駝六七千隻其貯糧處所有闢展舊堡請苦蓋倉廩收貯屯田糧餉軍械農器令同知都司分管再聞展地居巴里坤哈密及兩路軍營之衝距吐魯番百餘里臣永貴定長清馥納世通內酌留二人駐劄辦事報聞○是日駐蹕中

關行宮○庚午

上詣

皇太后行宮問安○諭軍機大臣等原封喀爾喀貝勒車布登係叛賊青滾雜卜案內之人自應按律治罪朕因其平日為人愚昧又年老可矜從寬革去貝勒仍准伊子承襲今車布登感恩悔罪抒誠入覲朕念伊在

皇祖

皇考時曾經宣力著加恩賞給公品級遣回游

牧○戶部議覆湖北巡撫莊有恭奏稱湖北各驛丞原管驛站錢糧向無養廉現錢糧統歸州縣管理其酌留之東湖山陂港口停前石橋孱陵呂堰建陽等八驛丞請每員給銀六十兩兼管驛務之團風陽邏仙居口三巡檢每員三十兩於江夏等縣額設養廉銀內支撥應如所請從之○是日駐蹕波羅河屯行宮○辛未諭軍機大臣等據阿思哈奏通省各營俟秋期前往查閱等語該省營伍向

屬平常近日更為弛懈甚至江廣驛路竟有一二百里全無巡防塘汛者其於防奸緝匪有名無實不問可知向來督撫提鎮遇巡查之年往往隨例點閱奉行故事其實毫無整飭阿思哈此番務當實力較閱分別勸懲俾兵弁稍知振作技勇漸就嫻熟方為有益其墩堡汛地有殘缺處並當即行查勘實力整頓以重地方并將何地缺少應行修理之處查明具奏將此一并傳諭尹繼善知之○又

諭據扎隆阿奏。車木楚克扎布報稱。內大臣察達克往追恩克。至濟卜哈魯克。獲其母及弟婦。恩克同妻子逃往蘇穆勒。又公多岳特報稱。總管車根往追阿喇善等有同逃之得木齊扎布勒岱復歸。協擒阿喇善。碩吹。盡收其所屬等語。察達克車根甚屬奮勉効力。著加恩各賞緞六端。其所領兵丁効力及被傷者。查明酌量獎賞。擒獲之阿喇善。碩吹暫行監禁。俟恩克獲日。將伊等所屬男丁十六歲

以上者。一同送京。其婦人幼子。即分賞察達克等。扎布勒岱既悔罪復還。從寬免其治罪。交與總管等約束安插。著傳諭扎隆阿車木楚克扎布。以恩旨曉示伊等知之。○軍機大臣會同刑部議奏。審擬古北口筆帖式書啟善。控告防守尉岳靈阿等。斂銀賄買一案。查岳靈阿並無尅扣等弊。然於屬員永格賄屬行求。不能查揭。應請革職。書啟善未便仍留該處。并請調補京缺。得旨。岳靈阿如果有尅

扣侵肥情弊。即革職。亦不足蔽辜。且將從重治罪。今閱其情節。不過失察屬員。議以革職。未免過重。岳靈阿從寬免其革職。仍回原任辦事。其應得處分。著交部照例議處。至筆帖式書啟善。若以京缺調用。轉得在部院衙門行走。此例一開。將來在外筆帖式。希圖內調。皆將展轉效尤。適以啟告訐之漸。此風實不可長。書啟善不必調京。即於張家口。獨石口。喜峯口等處筆帖式內對調。○藍翎侍衛富寅保等解送厄魯特布庫察罕和碩齊至。訊明叛逆正法。○是日駐蹕張三營行宮。○壬申。

上詣

皇太后行宮問安。○戶部議覆漕運總督楊錫紱條奏。一。安慶幫船一百八隻。向設千總二員領押。約束難周。請分安慶一幫為二。各添千總一員。查額設千總二員押運。久屬相安。即慮耳目難周。可於効用員弁內差委。無庸

更張一。湖廣江西幫船已有領運千總及押運抵通之同知通判等照管其監兌廳員如米色不純即可將該員叅處毋庸再令押送到淮一。旗丁逃匿限百日拏獲逾限請將承緝之衛所官罰俸一年協緝之州縣罰俸六月其州縣僉丁者即將州縣官罰俸一年均應如所請從之。是日駐蹕汗特穆爾昂阿大營。○癸酉。

上行圍。○遣官祭賢良祠。○諭軍機大臣等著

傳諭巴祿據永貴等奏海都臺站及哈喇沙爾屯田地地方馬匹又被賊人偷竊等語。臺站所關甚要。如巴祿已將哈丹阿巴噶斯鄂拓克賊匪盡行捕勦著即統領圖倫楚達禮善所帶之兵速赴哈喇沙爾搜捕盜馬賊匪現命帶領察哈爾兵之侍衛訥齊訥撥兵二百名交敏珠爾棟保搜捕此等賊人後速赴庫車巴祿亦速行前往巡捕盜賊照料臺站。吏部議覆山西巡撫塔永寧疏稱豐鎮廳通

判駐劄高廟子僻處東隅該處巡檢一員足資彈壓請將通判移駐前經裁汰之大朔通判衙門口辦事輸糧官民俱便應如所請從之。補行乾隆二十二年分雲南省大計卓異官七員不謹官一員罷軟官一員年老官四員有疾官三員才力不及官二員分別陞賞處分如例。是日駐蹕穆壘喀喇沁大營。甲戌。

上詣

皇太后行幄問安。○行圍。○諭軍機大臣等據豆斌奏在伊遜達巴罕一帶擒獲瑪哈沁八人現在帶兵前往庫車軍營順道搜勦逸賊巴拉等語前曾降旨令豆斌前赴軍營分管綠旗兵丁昨據永貴奏哈喇沙爾屯田處所及海都臺站間有被瑪哈沁偷竊馬匹者朕以軍臺關係緊要既有賊人乘間竊發不可不勦除淨盡已降旨帶領察哈爾兵之總管敏珠爾乾清門侍衛棟保前往擒捕計豆斌

此時尚未抵軍營。著仍就軍臺一帶。盡力勦洗。務絕根株。使臺站肅清。方為妥協。俟搜捕如果淨盡。再赴軍營。至另摺所奏勦賊陣亡之把總馬明安。兵丁郎洪訓二人。著即報明將軍。咨部辦理。○又諭。從前雅爾哈善等。以六月十六日。擊敗霍集占援兵。昨據兆惠所奏。俘獲厄魯特供詞云。曾隨霍集占戰敗。逃入後山。於七月二十四日。至特呼克等語。看來伊等行走月餘。特因輾轉逃匿。若我兵直抵庫車。必較為迅速。乃所奏但言搜捕哈薩克錫喇。尚未有速往回部之意。豈以前有往哈薩克索取叛賊亦可之諭。遂爾拘泥。抑或。不願前往。從中觀望。若如此存心。避難就易。則更不可。且兆惠等。曾以厄魯特賊黨淨盡。即策妄阿喇布坦復生。亦無可如何等語。見之章奏。而又借搜捕逸賊。留戀伊犁。自相刺謬。諒不至此。此時應接奉屢次諭旨。迅速啟行矣。現因辦理回部。調發健銳營兵一千名。

索倫兵二千名。察哈爾兵一千名。軍威甚壯。今年斷不徹兵。且必於今冬竣事。蓋大兵一徹。則回人又來奪據城堡。種植禾稼。惟相持不解。則賊人無從得食。而我官兵糧餉馬匹。又由哈密源源接濟。自可早奏膚功。兆惠其加意奮勉。毋蹈覆轍。○軍機大臣等議覆。巴里坤辦事副都統阿里衮奏稱。巴里坤糧餉。均由哈密運送。請將徹回屯田兵。即安插哈密。以節運費。再哈密駐兵二千名。設卡七十。三處。現酌留塔勒納沁等三十三處。其餘四十處。均可裁徹。又聽差兵。亦可量減。請將徹減各項兵六百名。調往屯田。查屯田兵。因耕作初興。收穫恐不敷養贍。是以議令徹回就食。俟來年播種再往。既稱哈密可以安插。且較巴里坤更省運費。應如所奏。至準噶爾業經平定。哈密卡座。自當量減。亦應如所奏。將徹減兵。歸入屯田兵數。知會黃廷桂。永貴等辦理。從之。○以固倫額駙色布騰巴勒珠爾。

為鑲藍旗滿州都統。以西安將軍都賚為兵部尚書。調涼州將軍松阿哩為西安將軍。以綏遠城右衛左翼副都統蘊著為涼州將軍。是日駐蹕愛里格爾赤老大營。乙亥秋分夕。

月於西郊。遣裕親王廣祿行禮。

上行圍。軍機大臣等議覆四川總督開泰奏稱。雜谷改土歸流屯兵。廷議停其一月行圍。并不必拘僉兵名色。致滋紛擾。其納糧當差彈壓統轄之處。行令妥議。查此處番民係四川土司中勁旅。自立屯兵以後。與選者皆以為榮。而舊時大小頭人得充土守備屯總等名目。亦皆知奉法。且與地方官漸習。如遇番蠻爭鬪。可以尅期調集。請照舊僉兵再屯。兵本不食餉。今行圍既停。遇調遣時止給口糧。無需給賞。其土弁等仍應酌留量給養贍之資。除土守備屯總照舊外。請將總旗十五名減五名。大旗三十名減十名。小旗六十名減

二十名。酌撥每年錢局加卯息銀七百三十八兩。分別賞給。均應如所請從之。調正紅旗蒙古都統兆德為鑲黃旗漢軍都統。以兵部尚書都賚兼正紅旗蒙古都統。是日駐蹕愛里昂阿大營。翌日如之。丙子。

世宗憲皇帝忌辰。遣官祭。

泰陵。諭曰。黃廷桂奏甘省河東河西州縣內有雨澤愆期。不及補種秋禾之處。目前即應照例銀糧兼賑。但該處現在糧價頗昂。若照部價每石一兩折給。不敷買食。請於部價之外。河東每石加銀二錢。河西每石加銀三錢等語。該省連歲辦理軍需。繼以雨澤愆期。不及播種。糧價自不免昂貴。即照該督所請加增之數折給。恐尚不敷。著加恩於部價外。河東每石加銀三錢。河西每石加銀四錢。俾民間買食寬裕。以示格外軫恤。至意。丁丑上詣。

皇太后行幄問安。行圍。諭工部侍郎員缺。

著阿桂補授。阿桂現在軍營。所有工部侍郎事務。著蘇昌暫行署理。○諭軍機大臣等。車布登扎布奏稱。在古爾班察爾得旨前往西哈薩克。策應富德。詢厄魯特嚮導云。從此地須行走三個月。若仍回伊犁。由沙喇伯勒前往較近。約計官兵口糧。可至八月等語。前諭車布登扎布。策應富德。如哈薩克錫喇仍未弋獲。即徑往庫車。倘糧餉不敷。可向烏魯木齊支給。并令行文永貴。酌量辦理。今據所奏。則軍前口糧。現須接濟。可傳諭永貴等。即於烏魯木齊貯備糧餉內。速行運送。並傳諭車布登扎布知之。○以廣東潮州鎮總兵董孟為陝西固原提督。○賑貸甘肅皋蘭金縣河州。渭源狄道靖遠會寧環縣山丹武威古浪平番永昌鎮番中衛靈州平涼鎮原涼州甘肅西寧寧夏等二十二府州縣平涼鎮原二廳旱災戶口。籽種口糧。○是日駐蹕呼魯蘇台昂阿大營。○戊寅

上行圍。○諭軍機大臣等。雅爾哈善等頓兵庫車。諸事疎懈。朕即謂將來必致渠魁逃竄。所留者無關緊要之人。今據奏稱。阿布都克呼木。夤夜逃走。舊小伯克等出降等語。果不出朕所料。此時伊等已經得城。即應速行進兵。乃必候順德訥回營。殊不可解。著傳諭雅爾哈善。朕於伊等亦無可指示。惟看其効力如何耳。○又諭曰。雅爾哈善等奏庫車賊首阿布都克呼木逃竄。餘衆出降。是賊人出入自如。尚得云兵力攻取乎。且得城後。即應進兵。乃又候順德訥追賊回營。則將軍及叅贊大臣所司何事。雅爾哈善不堪任使。至於此極。可傳諭兆惠。作速領兵前進。此時順德訥果擒獲阿布都克呼木。尚可贖罪。若仍前支吾粉飾。著兆惠詢明。從前疎脫霍集占屬實。即於彼處正法。或有別情。即與雅爾哈善哈寧阿一同拏問。派妥員押解來京。朕親訊情節。霍集占曾有再來救援之誓。迄今杳無聲息。

可見逆賊計窮力竭。以致衆人解體。大軍所臨。惟有孑身遠遁。更有何能。兆惠惟以雅爾哈善為戒。堅心進剿。一切機宜。不必專候指示。所留綠旗兵四千名。現在攻取回城。正需分守。且可助大兵聲勢。不必遣往屯田。又諭據成衮扎布奏稱。歸附之烏梁海等。每自言如山獸河魚。任意行走。難以嚴加管束。大凡有命者。無不貪生。若順其性。則不勞防範。且省備兵籌餉之費等語。烏梁海恩克阿刺善等脫逃。本非大事。成衮扎布如此陳奏。未免過慮。從前扎隆阿等奏到時。朕於行在詢問總管圖布慎。據奏二人不過生計稍窘。欲歸舊游牧。因諭圖布慎。爾如欲歸游牧。亦聽其便。而伊懇陳不願。看來並非飾詞。况察達克一聞恩克等脫逃。即行追緝。是舊烏梁海等久循法令。本無可疑。其妄動者不過一二新降之人。若因此并謂舊人俱不可信。豈情理耶。總之駕馭此等。原不必過於防範。伊等

安靜謀生。則撫慰之。若叛逃滋事。則擒剿之而已。可傳諭成衮扎布知之。又諭據成衮扎布奏。遵旨同桑寨多爾濟會議。原任土謝圖汗延丕勒多爾濟子嗣內。無可以承襲之人。其弟朋蘇克喇布坦。明白能事。以之襲爵。於該部落事務有益等語。土謝圖汗辦理一部落事務。承襲務得其人。延丕勒多爾濟既有子嗣。著揀選一二人。與朋蘇克喇布坦一同引見。俟朕酌定。伊等若已出痘。即於今冬送院。否則俟朕明年駐蹕熱河。引見。後降旨著何人承襲。將此傳諭成衮扎布等。令其遵旨辦理。又諭曰。伯克托克托署守備馬英德筆帖式。官住初至庫車。即為賊誘害。深可憫惻。托克托散秩大臣職銜。令伊子塞第克承襲。馬英德官住著交部照陣亡例議卹。兆惠即傳諭官兵等知之。是日駐蹕準烏拉岱大營。已卯

上詣

皇太后行幄問安。○行圍。○諭曰。雅爾哈善進兵庫車。屢次失機。貽誤前已降旨宣諭矣。今據奏庫車賊首阿布都克呼木率衆夜遁。所餘老弱出降。現在順德訥往追。俟回營時再行進兵等語。以八九千官兵駐守三月之久。俟賊首逃去。城中窮蹙出降。始得其城。雅爾哈善其尚何顏以得城奏報耶。辦理回部一事。從前因逆賊霍集占等。係我兵平定伊犁時。出諸厄魯特拘禁之中。俾仍長舊地。而狼子野心。旋復戕害我副都統阿敏道。負恩肆逆。不得不行剿滅。而雅爾哈善在巴里坤。辦理沙克都爾曼濟一事。頗能乘機奮勉。是以屢加優擢。今春進兵。即授為將軍。伊既膺討逆之任。自應倍加勇往。以擒獲叛賊為務。詎意懈弛債事。竟有出於意料之外者。前此霍集占親率賊衆來援庫車。屢經挫衄。乃既不能擒獲於臨陣。復不能覺察於入城。一任其潛入潛出。並無措置。而徒以堵截之責委之

順德訥而已。不與至掘城一事。用綠旗謬計。復全聽之。馬得勝轉致為賊所覺。橫開一溝。傷我兵卒。種種坐失事機。以如許兵力。圍一彈丸之城。而賊首出入自如。不知統兵大帥身在何處。朕彼時觀其情形。怠玩若此。早知庫車城中。為賊腹心拒守者。必將盡行狡脫。僅餘老弱而後得之。當即屢降諭旨。令其加意防守。勿致逃逸。今觀所奏庫車頭目阿布都克呼木。領衆夜遁。惟餘老弱出降。一一不出所料。可見雅爾哈善於霍集占脫逃時。不親往追擒。馬得勝掘城時。又不能躬行相度。及回衆出降。尚不入城查閱。亦不急行進剿。數月以來。惟事坐守軍營。老師糜餉。直待賊人兔脫鼠竄。相率盡出。而後得一空城以報命。且忝為大帥。不能身先士卒。致一切措置遲誤。盡以委之他人。初無一語引罪。但知高坐帳中。以郵符奏報自任。若代他人傳述者。則雖芻靈木偶。皆可勝任。何必復簡用將軍

為哉。今雖得庫車。而城中所存。率係飢疲殘廢。轉須為之養贍。即得城亦復何用。且伊泰內沙喇斯瑪呼斯等厄魯特。及自伊犁逃歸回衆。所有男丁。不過一千餘名。設賊黨果止此數。豈能拒守如許之久。又稱回衆供出沙呢雅斯等五人。訊明正法。此五人者。既係阿布都克呼木惡黨。能鈐制諸人。不令出降。即何難與之同竄。而必坐以待斃。所奏荒唐悖謬如此。謂無欺飾情弊。其誰信之。覈其前後情罪。從來誤事之臣。未有若是之甚者。夫賞功罰罪。國有常典。雅爾哈善前辦理沙克都爾曼濟時。朕以其奮勉可嘉。即授為內大臣。并將伊子補授侍衛。今乖謬失律至此。雖欲為之曲貸。其如國法何。已降旨兆惠等將伊拏解來京治罪。伊子並著發往黑龍江當差。朕於諸臣功罪。毫無成見。惟有信賞必罰。以彰憲典而已。將此通行傳諭知之。○諭軍機大臣等。昨以雅爾哈善情罪。諭知兆惠。令其

拏解來京。今覆閱伊等奏摺。愈為可恨。即如阿布都克呼木。以四五十騎遁去。城內降人共三千餘口。此言即屬可疑。伊黨與若止此數。則我以八千人圍城。應早生內變。亦何難勦殺無遺。且得城後。回衆獻出助惡之沙呢雅斯等五人。遂俱正法。此五人若果為阿布都克呼木死黨。則豈肯舍之而去。致坐受老弱之擒獻。此中情節。豈復可問。況納降既定。雅爾哈善仍未入城。但令哈寧阿前往看視。而屢次奏報。從未有身親其事者。又焉用將軍為也。試數用兵以來。膺專閫之寄。有似此因循疎懈者否。兆惠當以為戒。奮勉前進。現在已至何處。彼處情形若何。作速奏聞。○是日。駐蹕納爾蘇台東邊大營。○庚辰上行圍。○遣官祭黑龍潭。昭靈沛澤龍王之神。玉泉山惠濟慈佑龍王之神。○大學士等議覆監察御史吳綬詔條奏。一。邇來南省民風。務為觀

美。花臺綠棚。盛設戲會。除祈報土穀正神。聽從民便外。請設法禁止。一服飾奢侈。宜予限制。凡衙門輿隸及奴僕長隨。均不得濫服緞紗細皮。違者治罪。應如所請。勅直省督撫。實力申禁。從之。○工部議覆。江南河道總督白鍾山。調任江蘇巡撫。託恩多奏稱。河工人員。應追覈減分賠等項。其有事離任。或陞遷回籍。不隸河工者。交蘇撫查辦。餘請就近在工。分別催繳。其現任廳員。責成該道。汛員。責成

該管廳員。効力人員。係在浦差遣。責成裏河廳現任汛弁。責成該管守備。守備責成遊擊。河道叅將。遊擊責成河庫道。承追數在三百兩以上。以奉部咨日始。限一年全完。三百兩以下。限六個月。應支廉俸。儘數扣報。或扣不足。或無廉俸可支。自行完繳。逾限不完。現任者。停陞調。効力者。停補授。照舊立限令完。再逾限。現任者。暫解任。効力者。暫革銜。仍留工立限令完。如再不完。即革去職銜。咨巡撫監

追查產變。抵至承追不力之員。照催追錢糧不力例議處。應如所請。從之。○以頭等侍衛齊努渾為正白旗蒙古副都統。○是日。駐蹕都穆達烏拉岱大營。○辛巳

上行圍。○諭軍機大臣等。富德已至塔拉斯。將抵西哈薩克邊界。索取哈薩克錫喇。但哈薩克錫喇。係額爾類舊屬。去年在沙喇伯勒曾相通問。已屢諭。向額爾類索取。著傳諭車布登扎布。富德。仍遵前旨辦理。至回抵伊犁時。若能由特穆爾圖諾爾。直抵葉爾羌喀什噶爾。更善。否則徑往阿克蘇。與兆惠會合。協力擒獲霍集占。以奏膚功。是日。駐蹕巴顏布爾噶蘇台大營。○壬午。

上詣

皇太后行幄問安。○諭據黃廷桂奏。現放興漢鎮總兵吳宗寧。係伊妻弟。例應迴避等語。吳宗寧著調補河北鎮總兵。所遺員缺。即著馬乾宜調補。○又諭曰。永貴効力軍前。已閱數

年自應更換。書山著以侍郎銜同定長。辦理屯田事務。刑部侍郎員缺著永貴補授。諭軍機大臣等現在已得庫車城大兵向前進發。應照巴里坤之例。特派大員駐劄。德舒在哈密辦理健銳營兵起程後著即前往庫車駐劄辦事。其協同阿里衮在巴里坤辦事著清馥前往。○是日駐蹕巴顏溝大營。○癸未上行圍。○吏部等部議覆署湖南巡撫公泰疏稱本省佐雜各員有已兼水利銜者有所轄多係山鄉不須疏濬河道者。惟澧州州判巴陵縣縣丞所屬官民隄埝向係責成請啟為專管水利再長沙府之湘江寶慶府之瀆水於所經湘陰益陽各有隄埝請將長寶驛鹽道長沙府同知湘陰益陽二縣縣丞兼銜水利應如所請從之。○吏部戶部議准前欽差侍郎吉慶署兩廣總督李侍堯奏稱地方官承審私鹽案件須究其來自何場訊明實數即將失察場員照鹽法透漏例革職如承審

官巧為場員開脫遇大夥私梟多聞人犯勾攤勦數減輕罪名以致私梟肆行無忌者照徇庇例降調從之。○是日駐蹕鄂爾楚克哈達大營翌日如之。○是月直隸總督方觀承奏天津地處虛濕城垣易於蟄損前鹽臣麗柱奏撥雍正十年商捐項下修葺並請嗣後總歸鹽政衙門辦理查商捐一項係助窮乏商竈之用現陸續借出完納無多此次修費請於司庫動撥嗣遇興修亦酌動公項或殷商自願捐修者聽從前捐項仍留接助窮乏商竈得旨如所議行。○安徽巡撫高晉奏查濉河過水後兩岸俱刷寬二三十丈河身雖間沙淤而水勢暢達五湖直趨洪澤毋庸挑濬惟徐溪口以上接洪溝河尾前因溜急坐灣將新挑河淤墊一段計長二百七十餘丈水轉東南直射西流河竟成頂衝第西流河係減洩北股河水支河設有閘座未便任其頂衝致妨啟閉擬開挑淤墊以復其舊再築

壩抵衝以斷其流。俾水勢直達濰河。不獨西流河閘座可隨時啟閉。即徐溪口村莊亦免衝刷報聞。湖廣總督碩色奏。湖南宜章營分防郴州。永興宜章三州縣汛兵向俱在宜章縣倉支領兵米。第郴州永興相距遼遠。山路崎嶇。艱於轉運。請宜章汛仍於該縣支給。外其郴州永興二汛改就該州縣倉撥給報聞。欽差給事中海明。河東河道總督張師載。山東巡撫阿爾泰等奏。辦理東省運河東隄情形。查自濟寧南至石佛。北至臨清。均上年挑過工程。無庸另估。外自石佛南至郝山止間段淤墊。惟彭河一帶韓莊以下八閘。及大泛口噴沙。俱應一律挑濬。現知會漕臣。十月中催趲漕艘過完。即將汶河煞壩確估挑挖。再運河東隄係收蓄獨山湖水為濟運之需。本非緯道。無庸照西隄大修。惟橋頭店至石家口等處。間與湖連。需修築碎石隄工。既可為獨山界限。又可作西隄重障。其餘土隄

高四五尺者。尚足抵禦。遇挑河處。即以土增培。夯礮平整。無庸動項。惟魚臺汛內舊設水口十八座。每歲堵築草壩。以時啟閉。通湖濟運。應於兩頭鑲裏碎石。外簽排樁。第煞壩挑河後。湖河水凍。運石較難。擬將獨山湖與河連處。先為壘砌。餘工俟春融冰解。刻期報竣。兼可於青黃不接時。令民就工食力得旨。如所議行。山東巡撫阿爾泰奏。東省曹單城武金鄉等縣。有洛城河一道。又名涑河。周流各縣。宣洩坡水。向由魚臺之新開河入微湖。歲久淤墊。今微湖水勢日消。新開河亦挑濬深通。為上游去路。則涑河亦需挑挖。俾田間坡水次第貫注。微湖又濟寧州舊有牛頭河一道。直達微湖。因湖水瀾漫。河形久沒。今水消隄岸已露。亦須挑挖。為上游宣洩之計。又濟寧州鄒縣連界之董家口。係泗河頂衝處。每致沙淤。應於上游之孫家口開一引河。以疏水勢。則兩路分流。董家口可免噴沙頂阻。

之患。又泗河之水。由魯橋入運。河曲沙停。時多泛濫。應於施家莊。另開數十丈。分流入運。以上數處。於東省水利大工外。現皆因地制宜。俾節次疏通。早滯有備。得旨嘉獎。陝西巡撫鍾音奏。陝省各屬。夏秋雨水應時。田禾秀實。惟延安府屬之靖邊定邊榆林府屬之榆林葭州懷遠神木綏德州屬之米脂吳堡等州縣。七月中旬後。雨澤稀少。風高土燥。早象已成。即日前往親查。妥協辦理。得旨。若成

實錄卷五七〇

十一

旱災。一切賑卹事宜。須竭力妥為之。甘肅巡撫吳達善奏。甘省糧色。有粟米小麥豌豆三項。而時價貴賤不同。緣所收厚薄不等。現買補倉儲。若必拘原糶糧色。不獨添價既多。且舍價賤之糧。不即購買。恐缺額驟難補足。查河東州縣。現豌豆之價較賤於米麥。況軍需餽養馬匹。撥運尤多。請即購買抵補。至秋成後。總視何項收穫較豐。市價稍賤。通融辦理。得旨。甚是。此原不可拘泥者。但留心察其

實錄卷五七〇

十一

影射謀利之弊可耳。四川總督開泰奏。川省上年豐收。業將節次平糶。協濟缺穀補足。現各處成熟。價更平減。伏思川省地處上游。遇下游各省需米。皆應撥濟。請乘此新穀登場。動項飭現有空倉州縣採買。另款存貯。價昂停止。得旨嘉獎。署兩廣總督李侍堯奏。前准調任督臣陳宏謀咨稱。巡查海疆。另雇民船。配兵出海。拏解冒充官差廖登韶等。現照例辦理。查內河外海水師。向各按情形。設

實錄卷五七〇

十一

轄木梳鋪頭目覓藉牙僭竊邊界防範宜嚴
業飭沿邊土司慎密巡防毋得與木邦土司
往來報聞

實錄卷五百六十九

天

大清高宗法天隆運至誠先覺體元立極敷文
奮武孝慈神聖純皇帝實錄卷之五百六十九

大清高宗法天隆運至誠先覺體元立極敷文
奮武孝慈神聖純皇帝實錄卷之五百七十

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲副都統世襲駙都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲駙都尉軍功加十九級隨帶加二級之加二級臣董誥內大臣戶部尚書鑲藍旗滿洲副都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十三年戊寅九月甲申朔

上哨鹿行圍 諭據兆惠奏稱遵旨令伊前赴
庫車察看情形再行回京當即領兵八百名
速進一抵庫車即與雅爾哈善協心勦賊斷
不肯半道回京有覲顏面等語所奏肫誠勇
往深得領兵大臣之體軍旅為國家重務以
滿洲大臣身膺簡畀統率戎行正當踴躍自
効公爾忘私我朝簡策所垂忠勤代著遠軼
前古乃近來漸染惡習或至因循遲懦臨事
心懷觀望或聞徹兵慶若更生曾不知奉公

體國之義。謂何此風深可痛恨。朕慎守國憲。不得不力為整頓。今兆惠奉到前次回京之旨。不可苟且了事。毅然以勦賊自任。其器識實出諸臣之右。且計其具奏時。並未知有雅爾哈善失機債事。不堪任用。令伊往代之旨。乃如此陳奏。豈揣摩而得者。朕方幸得一急公任事之大臣。深為嘉悅。彼畏首畏尾之徒。聞此而不愧。汗交集。其何以自列於臣子耶。兆惠著加恩賞戴雙眼花翎。以示優獎。朕於諸臣。賞功罰罪。一本至公。毫無成見。惟在諸臣之自取耳。著通行傳諭知之。○諭軍機大臣等。兆惠奏稱。現在領兵一千。擇其馬力有餘者八百名。前往回部。餘俱由烏魯木齊遣回游牧等語。前因索倫察哈爾等兵。在西路軍營年久。已降旨派撥更換。今據奏軍營兵丁。又復前往回部。是今歲不能即回游牧。著加恩再行給賞一次。其發回兵丁。由烏魯木齊巴里坤肅州資送至京。再回游牧。著傳

諭永貴。阿里衮。黃廷桂等。照例辦理。○命京口副都統保雲來京候旨。調鑲白旗蒙古副都統鄂岱為京口副都統。以副都統銜溫布為鑲白旗蒙古副都統。○乙酉

上詣

皇太后行幄問安。○行圍。○諭軍機大臣等。從前曾屢降旨。各督撫。非緊急要務。不得輒用急遞。今鍾音奏。健銳營兵過境。乃用六百里報發。試思現在軍報絡繹。正當愛惜馬力。即軍營有應奏事件。而稍覺可緩者。亦尚附便馳奏。兵丁過境。並非奏報軍情可比。如果辦理已經妥竣。即不奏亦可。何必急遽若此。獨不權事之輕重緩急耶。鍾音著傳旨申飭。以後如有似此率意馳奏者。定交部議處。將此傳諭各督撫知之。○又諭據永貴奏。稱將兆惠所議屯田收成分數。每人墾田二十五畝。所收穀石。可給八九人之食。詢問官兵等。俱稱必係成熟之地。一家有四五人助力。方如

前數。若一人墾田。即盡力不過十四五畝。可食三四人等語。此特據綠旗官兵等節說。遂以為實。不但與兆惠所奏不符。即以內地情形而論。四民之中。農居其一。尚能積貯有餘。流通出糶。永貴等豈未聞知。或因初墾之地。收成歉薄。若將來由近及遠。以漸增加。仍執此定數。安足以給軍食。可傳諭永貴等。加意勸課兵丁。務如農民治田。不留餘力。視其所收分數。再行定議具奏。○又諭。昨諭車布登扎布。富德。擒獲哈薩克錫喇。回抵伊犁。即取道前往阿克蘇。今思辦理回部。已有兆惠。納木扎勒等。自易竣事。車布登扎布。在軍營効力年久。徹兵後。即回游牧休息。來年再至熱河。扈從行圍。郡王品級羅布藏多爾濟。効力有年。亦著回游牧。富德仍遵旨前赴兆惠軍營。○是日。駐蹕扎克丹鄂佛羅大營。○丙戌。上行圍。○賜布魯特使臣車哩克齊等宴。○上以乾隆二十年二十二年。及今歲西域諸番

部降附來朝。皆適會於布呼圖口。地靈佳兆。特著神異。賜名曰伊綿峪。○諭軍機大臣等。侍衛瑪璫圖倫楚等軍前効力年久。自應更換。現在派送牛馬之侍衛瑚什。科普薩。額勒登額。蒙固勒等。至巴里坤交收後。阿里衮即照例給與整裝銀兩。令其前赴兆惠軍營。兆惠酌將軍前侍衛。似瑪璫圖倫楚行走年久者。揀選四五人。調回京師。其員缺即以瑚什等補用。○命內閣學士五吉。馳驛前往哈密。同吳達善辦事。○是日。駐蹕布呼圖口大營。○丁亥。上行圍。○予故工部右侍郎夢麟祭葬如例。○調任江蘇巡撫。託恩多疏報。乾隆二十二年分。開墾元和。溧水。丹徒。丹陽等縣田蕩一十七頃二十畝有奇。○是日。駐蹕庫庫英圖大營。翼日如之。○戊子。上詣皇太后行幄問安。○行圍。○雲南巡撫劉藻疏

報乾隆二十二年分開墾陸涼嵩明永平營
我永善馬龍師宗元江麗江晉寧等府州縣
額外田地八頃三十畝有奇○己丑

上行圍○賜布魯特使臣舍爾伯克宴○諭軍
機大臣等雅爾哈善奏稱領兵至賽哩木正
值麥熟現在速行收穫候兆惠信息即前往
阿克蘇等語所奏更為不解此時前途禾稼
被野何處不可取給自應領兵速進而量留
後隊收穫以裕軍食所得豈不更多但伊等

業已如此朕亦不復諄諭可傳諭兆惠速將
雅爾哈善拏解來京前曾降旨以順德訥若
擒獲阿布都克呼木尚可寬宥今既不能自
應治罪如已遵旨正法則已否則一同拏解
派德爾森保沿途防送不可致令自戕又據
奏拏獲固原逃兵等訊係馬得勝所轄而專
管之把總宋林匿不稟報等語馬得勝失機
偵事罪不可逭著與把總宋林俱於軍前正
法綠旗陋習最宜整頓兆惠其留意辦理○

又諭閱雅爾哈善所奏各摺全無端緒即如
把總周彥恒因攻取庫車被鎗落水所攜礮
位亦同沉溺為賊所得適遊擊伍靈阿被傷
未曾稟報克城後回人等獻出礮位始補行
叅奏不思礮位若果倉卒遺失自不妨即時
稟報大概因遇賊退怯遂為所奪及回人獻
出知不可隱始行舉首耳總兵五福遊擊伍
靈阿俱著交部嚴加察議仍著兆惠查訊明
確具奏又所奏遣厄魯特侍衛察罕庫本通

信兆惠豈軍前侍衛無一可用且即遣德爾
森保亦何不可之有數年用兵以來將軍大
臣如策楞玉保等雖經獲罪未有如雅爾哈
善之甚者所奏已無庸批示可錄寄兆惠閱
看當深以為戒仍將現至何處情形若何作
速奏聞○調鑲黃旗漢軍副都統石勇為綏
遠城右衛左翼副都統○予隨征西路截剿
布崆郭勒等處厄魯特逆匪陣亡之副都統
唐喀祿侍衛穆倫保富錫勒佛爾慶額等祭

葬如例。入祀昭忠祠。○是日。駐蹕薩勒巴爾哈達大營。○庚寅。

上詣

皇太后行帷問安。○行圍。○諭軍機大臣等。護軍校瑚圖禮。解送伯克阿里來京。朕詢以霍集占入庫車城。將軍等果否聞知。及逃脫時。作何辦理。據奏。六月十六日。霍集占敗走時。雖見有賊燾入城。實不知為何人。及收兵後。衆人即傳說霍集占入城之信。且平日賊衆不敢出戰。而入城次日。即分路衝突。衆人益以為實。隨經伯克鄂對。請於鄂根河增兵堵截。迨霍集占黃夜逃出時。侍衛噶布舒。報知順德訥。而順德訥必俟天曉往追。則已據橋斷後等語。是疎脫霍集占。實順德訥之罪。然雅爾哈善。哈寧阿等。並未親身督戰。惟恃一順德訥。所司何事。況鄂根河堵截之兵。鄂對已經籌及。何以疎懈如前。令賊得先為之備。愈可憤恨。雅爾哈善等情罪。俟拏解來京時。

再行研訊。可傳諭兆惠。以朕詢問軍前情節。始知額敏和卓。鄂對等盡心効力。深用為慰。特予嘉獎。用示鼓勵。其雅爾哈善等。辦理乖謬之處。或有續行查出者。亦即奏聞。○叅贊大臣富德疏報。右部哈薩克圖里拜。及塔什干回人圖爾占等。歸誠得旨。富德久在軍營。奮勉効力。今又招撫西哈薩克。著加恩交部議敘。給與世職。蒙固勒岱赫善等。俟帶領來使入覲時。再加恩賞。所有從行官兵。著富德酌量加賞。有應行議敘者。即造冊送部。○是日。駐蹕安巴完和羅昂阿大營。○辛卯。上行圍。○賜布魯特使臣舒庫爾宴。○諭。秋審官犯冊內。紋犯高聯登。私派加徵。李珖知情徇縱一案。該撫莊有恭。俱擬以緩決。三法司九卿等。將高聯登改為情實。甚是。此案浮收銀米。至數千兩之多。亂法病民。蠹弊已極。李珖知情徇縱。訊無得財情弊。較之婪贓入已。尚屬有間。高聯登貪黷至此。何得以其接虞。

學瀨之任。因循陋習。與自行創意者不同。遽

為末減。如此。則凡踵習舊弊。婪贓無忌者。皆

可以弊非已創。為開脫地。何以警官邪。而飭

吏治。看來莊有恭顯有市惠沽譽之意。著交

部嚴加議處。○諭軍機大臣等。昨據富德奏

報。西哈薩克部落歸誠。詢無哈薩克錫喇信

息。前聞哈薩克之額爾類曾與交通。已屢諭

向彼索取。計此時富德車布登扎布俱陸續

前往。如哈薩克錫喇實在額爾類處。萬一遲

延不行縛獻。即先示以進兵搜捕。若仍復支

吾。不妨耀我軍威。務期擒獲。但信息稍有不

實。仍宜酌量。不可輕舉滋事。至伊等行糧。最

關緊要。車布登扎布既經行文永貴。若業已

運送。即與富德通融接濟。再成衮扎布奏稱

烏爾都里克臺站牲隻被賊搶奪。其蹤跡向

阿勒坦額默勒前去等語。車布登扎布回兵

時。當留心搜捕。毋致漏網。○是日駐蹕烏蘭

哈達大營。○壬辰

上詣

皇太后行幄問安。○行圍。○諭看來杜爾伯特

貝子巴桑尚有出息。著同貝子瑪什巴圖。一

體補授副盟長。協同索諾木衮布辦事。○諭

軍機大臣等。朕念已故杜爾伯特汗車凌抒

誠効力。加恩准伊子索諾木衮布襲汗名號。

仍授為盟長。但盟長辦理全部事務。所係甚

重。聞伊襲封以後。時有疾病。今授伊弟巴桑

為副盟長。巴桑亦係少年。恐未更事。親王車

凌烏巴什。貝子瑪什巴圖等。誼關同族。自應

視如一體。可傳諭伊等。悉心協助。加意辦理。

不可存彼我之見。○又諭著傳諭黃廷桂。阿

里衮等。現富德收服右部哈薩克。遣送使人

來京。至巴里坤肅州時。著照布魯特使人例

筵宴賞賚。○又諭。適年久未閱兵。現右部哈

薩克降服。俟來使到時。朕親大閱。示以軍容。

所有應行豫備之處。著即辦理。○兵部議覆

閩浙總督楊應琚奏稱。閩省臺灣鎮。遠隔重

洋統轄一十五營。水陸相兼。民番雜處。南澳鎮。左營隸閩。右營隸粵。并轄粵東澄海。海門。達濠。水師各營。此二鎮請仍注為最要缺。海壇鎮。內護省會。外控海洋。右接金門。左連烽火。金門鎮。內捍泉厦。外控臺澎。為洋艘經由之地。此二鎮地亦險要。惟所轄本標二營。事務較簡。請俱改為要缺。浙省定海鎮。孤懸海中。洋汛遼濶。南通閩粵。北達江南。山東直隸奉天。諸省實為上下巡哨之樞紐。所轄水師營五。陸路營二。請仍注為最要缺。黃巖鎮。枕山濱海。寧紹溫台巡哨勢相聯絡。溫州鎮。上接黃巖。下通閩海。所轄玉環一營。為海洋門戶。二鎮營務雖繁。界連內地。請俱改為要缺。均應如所請。從之。○以翰林院侍講圖谿布。充日講起居注官。○以山西殺虎口副將楊寧。為廣東潮州鎮總兵。○是日。駐蹕阿貴圖大營。○癸巳。諭戶部。據楊廷璋咨。梁詩正現在丁憂。應否仍在家食俸。因為具奏。請旨。甚屬非

體。現任官員。遇有事故。例即停俸。其在家食俸者。自不待言。此非為節用。乃教孝之大經也。國家優眷臣工。特昭異數。梁詩正曾以尚書協辦大學士。豈每歲必須較此俸入者。此事料梁詩正身為大臣。且現在苦塊中。決不至鄙陋見小若此。楊廷璋或據地方官之請。輒為咨部。則不但不知大臣養廉之義。且獨不為梁詩正稍留地步耶。而該部復即為具奏。請旨。試思此事。朕有何旨可降。即欲降旨。亦不過此數言而已。看來楊廷璋明係有心徇情。而該部亦復依樣葫蘆。俱可謂不識事體。楊廷璋吉慶表曰。修俱著交部察議。至前令李元亮俟吉慶回京。即不必兼管戶部之旨。原以吉慶回京。則滿漢堂官俱已齊全。可以不必兼管。至現在尚多隨駕在外者。一部之中。豈可竟無尚書管理。觀吉慶表曰。修此奏。則部中諸事。未可專倚辦理。木蘭迴蹕之先。李元亮著仍兼管戶部尚書事務。○諭軍

機大臣等現在時屆季秋。哈薩克貿易人等。久應到來。迄今尚無信息。不便在彼守候。著豫備貿易人等各回原處。努三仍暫時駐劄。如哈薩克人等到來。而我豫備貿易者。歸程未遠。亦可喚回。若為時既久。努三即令臺站人等。於哈薩克經過時。以伊等行走遲滯。有渝定約。致商人不能守候。委曲曉示。即與永德同往庫車。在兆惠軍營行走。○定邊將軍兆惠疏奏。奉到節次諭旨。已於八月初九日。前赴回部。現雅爾哈善已得庫車。擬即攻取阿克蘇。直抵葉爾羌。中途所得各城。分撥綠旗兵駐守。諭軍機大臣等。兆惠奉到辦理回部諭旨。奮勉前進。立志可嘉。應無難擒獲逆賊。但所奏霍集占不過逃往喀什噶爾。朕意逆賊未必如此。或仍在阿克蘇等處觀望。此時計納木扎勒三泰亦將會合。兆惠惟偵知霍集占所在。并力圍剿。而分兵招撫諸城。告以霍集占窮蹙。不日就縛。爾等脅從之衆。降

者無罪。賊黨離心。成功自速。頃據吳達善奏。稱自哈密運糧至闢展。每石運費六兩三錢。有奇等語。較之自歸化城運至烏里雅蘇台。雖減三分之一。然以肅州至庫車計之。則更覺加增。可見雇值甚昂。兆惠宜收獲回人穀石。加意撙節。以省內地供億之勞。俱著傳諭知之。○又諭。現兆惠奏已得庫車。前赴阿克蘇城。著傳諭將軍納木扎勒參贊大臣三泰。即速領兵前進會合。協力和衷。務將逆賊霍集占擒獲。○鑲黃旗滿洲都統和親王弘晝奏。前准副都統傅良奏。請將看守蹈和門。文華殿內銀庫門之驍騎營兵裁撤。更換上三旗護軍。而寧壽宮西北東北兩角東夾道及內庫。仍驍騎營章京馬甲看守。未能一律整齊。且巡查之統領叅領等。因非該管兵丁。亦難識認。請均換上三旗護軍看守。如人數不敷。將下五旗人補缺。如心則一體整齊。稽查亦易從之。○是日。駐蹕張三營行宮。○甲午。

上詣

皇太后行宮問安。軍機大臣等議覆甘肅巡撫吳達善奏稱接永貴咨稱派往軍營兵丁應給口糧。未奉廷寄。且屯田兵不能護送。又據阿里衮稱。巴里坤駝隻無多。現哈密夾山一路較便。應聽永貴籌辦。請仍飭永貴於闢展雇駝起運。候阿里衮撥兵護送等語。查官兵原派往烏魯木齊照應哈薩克貿易。再赴庫車。今貿易人等尚無信息。應以進剿回部

為要。請飭永貴於闢展給糧徑往回部。諭覽。吳達善所奏。伊與永貴。阿里衮。互相推諉。情節顯然。况從前令派出官兵前往烏魯木齊。係照彼時情形酌定。永貴等身在地方。自當就現在機宜通融籌辦。且如兵丁等行走兩月餘。即已到烏魯木齊。再多行九站。至闢展裹帶口糧。有何不可。以多行數日之故。紛紛文移往返。互相推諉。並不從公事籌畫。而各為其身計。近來大臣辦事。往往如此。永貴。阿

里衮。吳達善。俱著傳旨嚴行申飭。永貴係承辦之人。尤為非是。著將軍機大臣所議。交永貴等遵照辦理。前因永貴在軍營有年。派書山往代。恐伊初到。不諳事體。永貴不必急於來京。俟辦理軍務竣事。再行請旨。○是日。駐蹕波羅河屯行宮。○乙未。兵部議覆署兩廣總督李侍堯奏稱。粵東總兵各缺。除南澳鎮。應歸閩省查議外。其右翼鎮。所轄止英清一營。係內河水師。餘皆陸路。潮州鎮。所轄並無

水師營分。毋庸議外。惟左翼鎮。西南通諸番。東北連閩浙。實為全省門戶。且轄外海水師營二。水陸各半。營五。內河水師營三。水陸各半。營二。陸路營二。瓊州鎮。孤懸海外。通外洋諸國。五指山。屹立大洋。易藏奸宄。每年帶兵巡哨。且轄水師各營。均資彈壓。此二鎮。仍請注為最要缺。碣石鎮。枕山臨海。巡哨東洋。亦屬緊要。惟所轄外海水師營三。陸路營一。事務稍簡。高州鎮。界連粵西。狼狽雜處。且有統

巡洋面之責。惟所轄水陸十餘營。皆屬內地。此二鎮請改為要缺。均應如所請。從之。○湖南巡撫馮鈐疏報。乾隆二十二年分。開墾鄱縣武岡。瀘溪。綏寧等州縣。額外田地六頃四十畝有奇。○貴州巡撫周人驥疏報。乾隆二十二年分。開墾思州府屬田地七百八十畝有奇。○是日。駐蹕中關行宮。○丙申。

上詣

皇太后行宮問安。○奉

皇太后駐蹕避暑山莊。至戊戌。皆如之。○諭曰。趙宏恩出差病故。著賞給辦喪銀五百兩。并派散秩大臣一員。往奠茶酒。○諭軍機大臣等。據扎隆阿奏稱。郡王車木楚克扎布。往追恩克。沿途勦賊殺衆。看恩克蹤跡。渡哈屯河。藏匿原游牧。亦未可定。請暫回吹阿勒和碩。支給口糧。俟冬李雪後追捕等語。車木楚克扎布。甚屬奮勉。即照伊所請辦理。所領官兵內。有得功及陣亡被傷者。查明酌量送部。

議敘議卹。雅爾哈善等疏報。阿克蘇回衆乞降。諭軍機大臣等。阿克蘇回人。當霍集占敗逃。即已閉城拒敵。斯時雅爾哈善若早為進兵。不特回城久已降附。而逆賊方與回衆爭鬥。乘機勦殺。即擒獲亦未可定。此次乞降。豈雅爾哈善之力。可傳諭兆惠仍遵前旨。將雅爾哈善拏問。看來回衆俱懷二心。我兵所至。自必相繼迎降。兆惠其迅速前進。遵照節次諭旨。奮勉辦理。○丁酉。

上奉

皇太后幸卷阿勝境侍膳。○御澹泊敬誠殿。受布魯特使臣車哩克齊等朝。賜扈從王公大臣。蒙古王公台吉。並布魯特使臣等宴。○諭軍機大臣等。現在阿克蘇城。已經歸附。看來各城自必相繼迎降。可傳諭將軍納木扎勒。叅贊大臣三泰。帶領索倫察哈爾。及健銳營官兵之副都統福祿。侍衛訥齊。訥豐安等。速行前進。與兆惠會合。仍諭永貴等。將官兵糧

餉速為辦給。既合兩路大兵。又益以三隊勁旅。聲勢倍加雄壯。回衆聞風震懼。今歲可告成功。朕佇待伊等捷奏。兆惠專膺閭寄。其率先奮勉。以副朕懷。○又諭河東買運蒙古鹽觔一事。昨據西寧奏稱。各商到歸化城等處守候。已逾九月。而蒙古並無送鹽交售。經部議覆。已有旨令塔永寧前往督同鄂爾多斯貝勒齊旺班珠爾等。嚴行催辦。並令理藩院司員富鼎就近督催會辦矣。鄂爾多斯產鹽處所向屬豐旺。正藉以售賣資生。該貝勒既呈請改定在歸化城等處交易。乃日久仍不運到。此非蒙古不肯售賣內地。必另售賣私販之處。獲利更多。兼有零星小商在包頭澄口等地方收買者。從中誘惑。為之透漏私鹽。潛入內地。蒙古人借以獲利。是以不願售與官商。該撫到彼。與該貝勒等酌定貿易章程。自當使官商從公交易。勿使蒙古稍受虧累。其透漏私鹽之奸商。尤當實力設法查禁。務

盡根株。俾私販之路既絕。則蒙古人等不必督催。而自樂與官商交易矣。將此傳諭塔永寧等知之。○戶部等部議覆四川總督開泰疏稱。重慶府屬巴縣原轄地方。分隸璧山縣江北鎮同知。案內各事宜。一緡雲山嶺西之祥直二鄉。及嘉陵江北之義禮二鄉糧戶。距璧山江北鎮遠者。仍歸巴縣徵收。一江北同知照磨等廉俸。即於該處地丁銀內扣支。一璧山新轄之一十二甲。歲科文武童生。即赴該縣應試。憑文酌取。撥入府學。其江北鎮二十六甲文武童生。仍歸巴縣考試。毋庸另設學額。一巴縣東路十九舖舖兵五十七名。歸江北鎮西北六舖舖兵十八名。歸璧山縣。歲支工食。在該廳縣錢糧內報銷。一命盜事件。分隸各衙門。起限承緝。均應如所請。從之。○戶部議覆河東鹽政西寧奏稱。河東鹽池夏秋陰雨。不能澆曬。所收新鹽不敷山陝配運。專俟蒙古鹽補撥。其豫省各屬潞澤二府需

鹽二千六百九十餘名。懇恩准借蘆鹽接濟。嗣據長蘆鹽政官著覆稱。本年所產無餘。止可量借五百名等語。應令如數撥給外。再於明歲春季。借五百名。以足一千之數。從之。旌表守正被戕之甘肅秦州民郭跟保子妻雷氏。戊戌諭都察院左都御史員缺。著歸宣光調補。禮部尚書員缺。著嵇璜調補。梁詩正終養回籍。侍奉數年。而現在丁憂。亦逾百日。工部尚書員缺。一時不得其人。即著梁詩正來京署理。俟服闋。實授。梁詩正未到之前。仍著嵇璜兼署。停侵虧限內完贓減等例。諭兵部奏原任道員鈕嗣昌坐臺期滿一摺。該犯以方面大員。侵虧庫項倉儲入已。至一萬餘兩。問擬斬候。因限內完贓減等發往軍臺効力。此雖向例。但思侵虧倉庫錢糧入已。限內完贓。准予減等之例。實屬未協。苟其因公那移。尚可曲諒。若監守自盜。肆行無忌。則寡廉鮮耻。敗亂官方已甚。豈可以其贓完限

內遂從末減耶。且律令之設。原以防奸。匪以計帑。或謂不予減等。則孰肯完贓。是視帑項為重。而弼教為輕也。且此未必不出於文吏之口。有是遷就之詞。益肆無忌之行。使人果知犯法在所不赦。孰肯以身試法。其所全者。當更多耳。嗣後除因公那移及倉穀霉沔情有可原等案。仍照舊例外。所有實係侵虧入已者。限內完贓減等之例。著永行停止。至該犯鈕嗣昌事。犯在定例前。姑從寬免死。著仍留軍臺三年。再行請旨。又諭曰。張師載奏商邱六堡險工處所新開引渠。現在引溜成河。化險為平等語。該處河勢由北岸折而南注。每遇大汛。下埽動虞。生險。張師載另開引渠導黃直走。茲竟得全溜入渠。俾免曲折奔赴衝齧下埽之險。深屬可嘉。張師載著交部議敘。其在工承辦各員。亦著查明分別咨部議敘。又諭濟寧魚臺三州縣已涸地畝。雖現獲豐收。而未涸之地及涸出未及播種者。

據該撫奏報。尚有二千六百餘頃。著加恩將本年應徵錢糧。概行緩至明年麥熟後開徵。以紓民力。該部即遵諭行。○諭軍機大臣等。據阿爾泰奏。濟寧魚臺三州縣未涸地畝。及六月以後涸出。未能播種者。已有旨將本年錢糧緩徵矣。至東昌府屬之館陶等十州縣。所有借欠各項錢糧。年分多寡不同。或有係上年者。或有係前年者。本年各該處既皆豐收。縱不能一概完納。亦自當分晰辦理。或將

某年分先完。某年分暫緩。及一年內應完十分之幾。應緩十分之幾。俾逐次輸納。則將來不致新舊併徵。若概緩至明年一例徵收。小民豈轉有力完納耶。著傳諭阿爾泰。逐一查明。分別應徵。應緩各數詳奏。再降諭旨。又諭。據黃廷桂奏。稱踏勘運糧道路。若由巴里坤有博爾圖等處。山徑險阻。車不能行等語。大兵進剿。糧運攸關。緊要。但昨據雅爾哈善奏。軍行已至賽哩木。計田野收穫。可得七千

兵三月之糧。尚不至窘迫。可傳諭黃廷桂。軍營糧餉。固宜陸續接濟。亦不必過於張皇。既據稱哈密一路。可以運往。祇須酌量情形。源源轉運。又所奏塔勒納沁試種豌豆。已有成效。塔勒納沁既可種豆。由此推之。開展吐魯番托克三。烏魯木齊等處。想皆可以試種。若得成熟。於收養更為有益。可傳諭永貴等。將開展等處。節候地氣。測驗確實。即於明春播種。所需籽粒。即向黃廷桂咨取。照數辦給。

又諭曰。黃廷桂奏於安西甘肅各營孳生駝隻內。揀得四百有奇。送往哈密巴里坤應用。現在供應大兵。尚無貽誤。俟直隸山西購解到日。即行揀送等語。看來所有駝隻。祇足遞運糧餉器械。而進剿兵丁。則不敷派撥。是以黃廷桂請於官兵額支馬匹外。再給駝馬一匹。此次進剿回部。沿途城堡可居。非若與準噶爾等野戰。必須馱載帳房器什也。況回人等乞降相繼。官兵到彼。自可立奏膚功。尤應

輕裝速進以從便捷。領隊大臣侍衛等至闕展支給馬匹。不必拘泥成例。俱著傳諭知之。又諭覽黃廷桂奏摺。有將來平定回部。仍應駐兵之語。於回地情形尚未深悉。回部與伊犁不同。伊犁入我版圖。控制遼濶。不得不駐兵彈壓。至回部平定後。不過揀選頭目。統轄城堡。總歸伊犁軍營節制。即從前準噶爾之於回人。亦祇如此。可傳諭兆惠將來辦理回部。惟於歸順人內。擇其有功而可信者。授以職任。管理貢賦等事。具奏請旨。至伊犁則必需大兵駐防。現在作何籌畫。且由近及遠。以次屯田。俱著於平定後。一併詳悉妥議具奏。其駐防伊犁大臣。即兼理回部事務。又諭據永貴等奏請於托克三添兵四百名。哈喇沙爾添兵二千名屯田。此項兵丁。即於征回徹歸兵內留用。再護送庫車兵糧。經黃廷桂奏准。由屯田兵內撥用。但秋收碾穀曬賜及修理農器等事。需人實繁。酌量留用外。應

徹者甚少。不若將此等兵丁留於原處。庶於屯務有益等語。著照所請行。至征回部兵丁。現在不徹。故伊等前奏穆壘烏魯木齊昌吉等處。共需屯兵一萬。已令黃廷桂悉由內地派往。其托克三。哈喇沙爾。應添兵丁。亦酌量另派。不必以征回兵入數。將此傳諭永貴等知之。○又諭據辦理大閱事務王大臣奏。大閱需馬一萬三千餘匹。請將出場回京及圍上馬匹。俱留備用。再盛甲等項。如有不敷。請按各旗色製造等語。兵丁平日皆係如何操演。今一有閱兵之旨。該大臣等即以需用馬匹盛甲具奏。若果馬少。即步演亦無不可。惟兩翼需用騎兵。亦不過一二千之數。即撥健銳巡捕二營馬匹。已足敷用。至盛甲一項。前降旨停其點閱。官為製造。原為體恤伊等起見。設使不降此旨。伊等即不豫備耶。況此次需用無多。亦可通融辦理。將此傳諭八旗大臣等知之。

大清高宗法天隆運至誠先覺體元立極敷文
奮武孝慈神聖純皇帝實錄卷之五百七十

實錄卷之五百七十

末

大清高宗法天隆運至誠先覺體元立極敷文
奮武孝慈神聖純皇帝實錄卷之五百七十一

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事務稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書兼管錢糧滿洲副都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十三年戊寅九月己亥

上自避暑山莊奉

皇太后迴鑾 詣

皇太后行宮問安 諭軍機大臣等此次隨扈

木蘭之杜爾伯特貝勒巴桑貝子額爾德尼

各賞銀二百兩貝子奇塔扎薩克台吉車登

策伯克各賞銀一百五十兩扎哈沁公扎木

禪烏梁海散秩大臣圖布慎各賞銀一百兩

總管莽噶拉克賞銀五十兩管旗章京和通

賞銀三十兩 是日駐蹕喀喇河屯行宮

庚子大學士管陝甘總督黃廷桂奏。向例遇有偏災。本折兼賑。銀糧各半。本省偏旱各處。現奉恩旨。每石加銀三錢四錢不等。如該處一隅偏災。糧價不甚昂貴。民間得領加折多買雜糧。可資餬口。請將初賑加賑全折。若災地廣濶。糧少價昂。又以少支折價。多散本色為妥。應請因地制宜。無拘銀糧各半成議。得旨嘉獎。賑貸浙江仁和。歸安。烏程。長興。德清。武康等六縣。湖州一所。水災貧戶。籽種口糧。旌表守正被戕之山西陽城縣民喬強。晉妻成氏。○是日。駐蹕常山峪行宮。○辛丑。上御行殿。勾到各省情實官犯及倫紀攸關。並雲貴。貴州。四川。廣西等省情實罪犯。停決官犯中斬犯一人。倫紀攸關案內斬犯七人。餘六十四人。予勾。○諭現在烏魯木齊等處。添派官兵屯田。需員統轄料理。著派副都統滿泰。舒景阿前往。○諭軍機大臣等。永貴等追捕盜竊軍需賊人。未能擒獲。因命交部察議。

經該部議。以分別降革。但伊等委員擒拏竊賊未獲。尚非軍營失機。可比。永貴著帶所降之級。仍留刑部侍郎任。定長。納世通。現辦屯田事務。若照部議革任。及帶所降之級。留於軍營。恐不足資彈壓。著仍以現在品級辦事。俟事竣回京。該部再行請旨。○又諭。據陳宏謀奏。稱由浙解回大興之棍徒曹旗。假冒同知。在蘇州誑騙銀兩一摺。已批令將該犯解交刑部治罪矣。該犯既經在浙犯事。又復中途脫逃。假充職官。肆行誑騙。實屬狡黠棍徒。自應嚴懲示儆。其串騙之沈春谷。張永彬等。以本地人勾同誑騙。亦屬積匪。應一併解送刑部治罪。至被騙之徽商五十餘家。及借銀賒緞之人。既已為其所愚。自可不必深問。以免株累。恐陳宏謀因有解部之旨。一併解送質審。則轉致滋擾矣。將此傳諭知之。○是日。駐蹕兩間房行宮。○壬寅。

上詣

皇太后行宮問安 諭軍機大臣等前以永貴在軍營年久命書山前往更換今因屯田漸次開闢添派副都統滿泰舒景阿二員可傳諭永貴等將現在屯田酌分兩處滿泰與書山為一處舒景阿與納世通為一處以便稽察以專責成永貴起程時將印信交與定長所有兩處屯田事務令其總理 以和碩額駙德勒克署理鑲黃旗滿洲副都統事務是日駐蹕要亭行宮 癸卯遣官祭

歷代帝王廟 遣官祭

都城隍之神○諭軍機大臣等據李侍堯奏守備張彬佐禁止村民演劇被民人毆傷網縛現在飭提審訊如果民人違禁演劇復恃眾抗拒自應重治其罪如或該守備別有滋事之處亦當嚴處等語所奏似猶欲以官民計較曲直殊未得懲創惡習之意已於摺內批示矣地方莠民恃眾逞兇不畏官兵至公然肆行毆辱刁悍已極無論該弁巡查禁諭本

係職守當為而刁民輒行抗拒固當痛加懲治即或別有滋事情弊召侮有由亦當不論曲直先治匪棍然後徐議劣弁以飭官方庶刁悍之徒稍知畏懼總之法紀所繫不容倒置事有不可一概以曲直論者此類是也將此傳諭李侍堯知之○又諭據車布登扎布奏稱派員探聽富德信息知右哈薩克並無哈薩克錫喇於九月初間可以回抵伊犁又伊等從前遇哈薩克之額爾類查詢情節據

額爾類等告稱哈薩克錫喇因係舊識未免疎脫現在並不敢藏匿仍依其土俗銜鎗設誓等語哈薩克錫喇若尚未弋獲或仍在附近幽僻地方藏匿不過一賊匪耳亦何能為自可徐為訪緝惟辦理回部最要可傳諭富德此時諒已奉到節次諭旨今阿克蘇又已乞降即速至彼處策應兆惠以奏膚功車布登扎布仍回游牧休息所奏郡王羅布藏多爾濟患病前已降旨令回游牧而伊感激思

奮懇請留軍營効力。著加恩賞戴三眼翎。亦著仍回游牧。又護衛巴圖魯前往哈薩克。頗著勞績。著賞緞四端。以示鼓勵。○是日駐蹕密雲縣行宮。○甲辰。吏部議准。署廣西巡撫鄂寶奏稱。粵西桂林府屬臨桂興安二縣。各有陡河一道。請將驛鹽道及桂林府同知兼水利銜管理。其桂林府知府附居省會。事務殷繁。前督臣楊應琚奏准道府輪查。並請停止從之。○定邊右副將軍車布登扎布疏奏。哈喇哈勒巴克回部歸誠報聞。○是日駐蹕南石槽行宮。○乙巳。

上迴鑾奉

皇太后居暢春園。○詣

安佑宮行禮。○幸圓明園。○諭此次由圍騎歸馬匹。交直隸時監牧王大臣擇臚壯者二千匹。交八旗都統前鋒統領護軍統領等。各旗善養馬匹之人。或章京等。留心餽養。備用此項馬。不必由兵部監查。如有疲瘦。惟該管

大臣是問。再圓明園官馬。亦特備需用。監牧時勿拘原馬。但選臚壯者交營拴養。○以正黃旗滿洲副都統如松。為正黃旗漢軍都統。○丙午。

上詣暢春園問

皇太后安。○定邊將軍兆惠疏奏。阿克蘇回衆頗拉特等歸誠。諭軍機大臣等。據兆惠奏稱。大兵已抵阿克蘇。回衆出降。現領兵速進。計霍集占不久就擒。朕佇待伊等捷奏。從前雅爾哈善兵抵庫車。見城堅難克。即諉之額敏和卓。朕已料其無成。嗣後奏報紛紜。茫無端緒。致使渠魁漏網。兆惠進兵時。雖當獎勵。額敏和卓資其計畫。而奮勇勦賊。仍恃我兵力。此時霍集占應已逃回葉爾羌。昨詢問侍衛雙全。據奏葉爾羌城中乏水。須從外引入。可傳諭兆惠。如兵至葉爾羌。萬一賊衆仍如庫車之監守。則先斷其水道。亦是一策。其或霍集占棄城遠竄。投入布魯特及痕都斯坦等

部落亦即速往追襲毋失事機。又諭曰：兆惠奏稱撫定回城以鄂對為總管等語。現在招徠新附，令鄂對暫行管理尚可。若平定葉爾羌喀什噶爾辦理安插回衆時，朕意不必用回人為總管，仍循其舊制。各城分設頭目，統於駐劄伊犁之將軍，再於庫車派大臣一員管理。看來回部事體將竣，其善後事宜更當熟籌妥協，俱著傳諭知之。又諭曰：努三等奏稱哈薩克哈巴木拜前遣伊子額特赫

押送布庫察罕之子前來，若便中攜帶貨物，即酌量交易。至所差納旺侯與阿布齊相見後，有大夥貿易人等，信息即行奏聞等語。從前朕諭伊等若哈薩克既踰貿易之期，即將豫備商貨量行發回。今思哈薩克人等即今年歲不至，明年亦必前來。若將貨物帶回巴里坤來春復攜往烏嚕木齊，轉覺勞費。可傳諭努三等將貨物不必發回，即存貯烏嚕木齊交屯田大臣等派兵看守，豫備來年交易。

又諭前降旨令富德擒獲哈薩克錫喇後，即由彼處赴阿克蘇城協擒霍集占。今兆惠業收降阿克蘇城領兵前往葉爾羌，富德不必再往伊奉到此旨，或由造哈嶺或由別途近便處直赴葉爾羌，務與兆惠協力以期擒獲霍集占為要。定邊將軍兆惠奏臣奉到諭旨審訊雅爾哈善哈寧阿順德訥等俱服罪無辭，業經遵旨將順德訥正法。雅爾哈善發往屯田處所效力。哈寧阿披甲效力。其臺站

事務請即委三泰接管報聞。丁未諭軍機大臣等：浙江秋審招冊內該撫原擬緩決經九卿改入情實者多至五案，如朱五之創墳三次、黃瑞廷之誣竊逞兇、楊阿五之強乞免殺、姜文玉之逞淫輪姦、鮑美中之夥竊幫殺，其情節皆甚兇惡。而該撫悉擬入緩決，若非九卿議改，何以昭法紀而示炯戒耶？秋審為讞獄大典，理應詳悉明慎。若以意存姑息，謂可博無識者之稱譽，則殊非明刑弼教之道。

矣。楊廷璋著傳旨申飭。○又諭陝西秋審招冊九卿由緩決改入情實者三起。甚屬允當。此吳士功署理陝西巡撫任內之事。披閱招供。如臨潼縣絞犯王三。因妬姦用斧連砍楊老鬚子致死。咸寧縣絞犯梁才。妬姦連毆楊老八立斃。榆林縣絞犯秦應福。因負欠無償。克殺親嫂。其情節尤屬兇惡。法無可逭者。該撫悉擬以緩決。此豈辟以止辟之意。秋獻大典。理應詳悉慎重。況閩省民風素多刁悍。尤非陝省習尚淳樸者可比。若立意稍存姑息。何以禁遏澆風。俾小民皆知畏法自全耶。吳士功著傳旨申飭。並將此詳諭知之。○又諭曰。永貴等奏吐魯番公素賚瑞等報稱。巡查臺站遇有瑪哈沁等。追至庫車。因大雪迷蹤等語。從前永貴等派員追捕盜竊軍需之賊。未能弋獲。曾諭將派往軍營之察哈爾兵一千名內酌留二百名。令敏珠爾棟保等帶領搜捕。再赴兆惠軍營。今兆惠已至阿克蘇。官兵

足敷調遣。可傳諭永貴除辦給軍營兵八百名。照例整裝外。所留兵丁亦一體賞給。追捕盜竊臺站之瑪哈沁等。務期盡獲。不必馳赴軍營。○又諭據成衮扎布奏。已至布延圖軍營。與車木楚克扎布等往拏恩克等語。車木楚克扎布。莽古賚阿桂等領兵往拏恩克。諒可不日就獲。現北路無事。著傳誠成衮扎布不必駐劄布延圖。即回烏里雅蘇台辦事。再布延圖軍營現有扎隆阿德爾素二人。舒明亦不必在彼著即來京。○又諭曰。順德訥以達呼爾兵丁。朕加恩用為副都統。伊在軍前并不奮勉効力。以致渠魁倖脫。覈其情罪。雖業經正法。不足蔽辜。著將伊子阿爾紐阿交該部即發往廣東。以示懲戒。○命固原提督董孟馳赴兆惠軍營。分管綠旗兵丁。○戊申上詣暢春園。問皇太后安。○還宮。○諭朕於初二日前往圓明園。初三日於山高水長大幄次筵宴布魯特

來使。初四日迴宮。初五日陞殿。令布魯特使臣服其本色衣服行禮。○諭軍機大臣等。據綽勒多奏。安插呼倫貝爾之厄魯特。阿木爾濟爾噶勒。阿奇等。盜竊索倫吞啟倫馬羣馬匹。請解至呼倫貝爾。令厄魯特等。眼同正法。以杜其竊盜之念。其翁郭齊等九人。雖分食馬肉。並不知情。請無庸議罪。仍嚴加約束等語。此等厄魯特。甫經安插。理宜感戴朕恩。乃敢盜竊馬羣馬匹。看來禽獸之性。並不悛改。殊為可惡。著將阿木爾濟爾噶勒。阿奇。令衆厄魯特。眼同正法。以示儆戒。其翁郭齊等。曾分食馬肉。亦不得謂無罪。著發往黑龍江。賞給索倫兵為奴。如再不安分。即行正法。嗣後此等厄魯特。倘稍有生事。著即正法。俾伊等知所懲儆。將此令。綽勒多等。曉諭衆厄魯特知之。○吏部議准。署江西巡撫阿思哈疏稱。江西驛鹽道。經管鹽驛錢糧。向未設有庫官。查道署與臬署。本一門出入。而臬屬經歷。知

事司獄。首領官三員內。經歷事務尚簡。請以按察使經歷。兼管驛鹽道庫務。換給關防。專司出納。從之。○山東巡撫阿爾泰疏報。乾隆二十二年分。開墾臨朐。安邱二縣。田地四頃二十畝有奇。○已酉。

上詣

壽皇殿。

大高殿行禮。○諭各省驛站。原為馳遞緊要公文而設。並不許地方官擅行輕動。乃近來外省陋習。往往於無關緊要事件。遽行插羽飛遞。甚至往來簡帖。亦用郵傳。相沿既久。遂至視為故事。以致馬匹疲乏。於公務轉不免貽誤。甚非鄭重郵政之道。嗣後務須嚴行查禁。無論私事。不得擅動驛馬。即地方公事。亦當斟酌緩急。毋得仍蹈前轍。其經過縣驛。各將逐日所遞公文。每日造冊。申報該上司。嚴行查覈。如有違例擅動者。即行嚴叅究治。○又諭。通政司奏。良鄉縣遞送川省本籍。於趙新

店地方遺失。其有無情弊。請將馬夫禹成等交部審明。定擬等語。馳送本章。為驛遞要務。馬夫任意疎懈。以致中途遺失。自應交部嚴行審擬。至地方官有驛遞之責。豈得專委之馬夫。遂置而不問耶。著該管上司。即行嚴加叅處。以昭懲儆。○諭軍機大臣等。甘省牧放馬駝。不無賠墊。前已特加恩賞。其應行著追之項。亦有旨豁免。但自去冬以來。辦理回部各省。辦送駝騾。俱在該省分槽飼養。其承辦各官兵。或又有賠墊之處。至該省承辦軍需。雖無派累。而小民踴躍急公。深為軫念。所有本年及來年應徵地丁。及各年一切積欠。已屢經降旨蠲免。此外或尚有應行寬免之項。俱著黃廷桂查明。據實具奏。候朕酌量加恩。○又諭。據章嘉呼圖克圖奏。俟認明達賴喇嘛。呼畢勒罕後。即行回京。再聞自葉爾羌逃往和沙木巴察之厄魯特三百餘人。現住彼處等語。朕令呼圖克圖赴藏。特為辨認。達賴

喇嘛之呼畢勒罕出世。俟辨認明確後。呼圖克圖即行回京。所奏甚是。朕亦將此勅諭。伍彌泰官保矣。至厄魯特逃往和沙木巴察地方。亦係有之。今既得庫車而阿克蘇城回衆。亦俱投降。將軍兆惠已領兵赴葉爾羌擒拏逆賊霍集占矣。回部俱怨霍集占。從前被其脅制。未得投誠。今大兵所至。聞風効順。而霍集占所恃之沙喇斯瑪呼斯厄魯特。及由伊犁帶往之烏沙克回衆等。俱為大兵剿戮。餘賊無幾。霍集占不日就擒。即可歲事。將此諭呼圖克圖知之。并諭衆唐古忒。如霍集占勢窮力蹙。竄入藏地。或逃往拉達克等處。著遵旨擒獲。解送。朕必加以懋賞。斷不可容留疎縱。庚戌。孝慈高皇后忌辰。遣官祭福陵。○諭軍機大臣等。據阿思哈奏。整飭江省營伍。勤加訓練。一摺。內稱營伍。惟在紀律嚴明。技藝嫻熟。將一切陋套。盡行革除等語。該

省營伍廢弛。前經傳諭。令該撫實心整頓。所有向日送迎過客。一切虛浮惡習。自應嚴行禁革。以飭戎行。至所奏該省旱路孔道。間有必應添補塘汛之處。自當酌量添設。以聯聲勢。但該省兵數原屬無多。計通省塘汛。已有六百餘處。現在所籌抽撥兵丁。只宜通盤計算。裒多益寡。務期彼此均勻。俱為有益。毋為輾轉增多。以致紛紜滋擾。惟在該撫通融妥辦。實力奉行。毋任屬員虛應故事可耳。○又

諭。河南庫大使倪石麟。侵用錢糧一案。該犯情罪重大。應行立決。自當嚴密防範。俾得明正刑章。今乃在監病故。馬知非該犯豫得消息。自知罪不可逭。因而乘間自戕。其有無洩漏疎懈情弊。理應嚴行根究。以昭法紀。可傳諭胡寶瑒。令其即速查明具奏。○又諭。河南秋審案內。其原擬緩決。經九卿改入情實者。共有八案之多。如田思順之挾讐兇殺。陳麥小之圖財傷命。郭寶貴之攢毆立斃。其情罪

皆甚兇惡。已屬法無可貸。至於李聰。孫乾。張法順。徐小保。鄧五寅等五案。雖皆以尊長而殺死本宗卑幼。然或以爭產起釁。或其情殊殘毒。則固不得以其尊長而稍貸之。且伯叔以爭產而謀殺胞姪者。定例皆在不宥。正所以明恩義。重服制也。胡寶瑒素係諳練政務。所辦事件。皆知勉力整頓。非有意從寬。以博虛譽者可比。此次秋審。何以姑息若此。若在他。人朕必嚴治其罪。以胡寶瑒於督撫中。尚

屬實心任事之人。去歲河工賑濟諸務。並能奮勉妥協。是以從寬免其交部。著傳旨嚴行申飭。俾其知所懲儆。毋蹈故轍。○定邊將軍兆惠等疏奏。和闐城伯克霍集斯等歸誠。諭軍機大臣等。據兆惠奏稱。伯克霍集斯迎降。面陳追擒霍集占之策。即領兵徑取葉爾羌等語。所辦甚合機宜。看來回部諸城。自必聞風歸順。逆賊不日就擒。朕佇聞伊等捷奏。兆惠額敏和卓俱賞給荷包鼻烟壺。俟成功後。

再沛殊恩。霍集斯有擒獻達瓦齊之功。今又歸誠畫策。深為嘉悅。著加恩錫封公爵。賞戴雙眼孔雀翎。寶石頂帽。天馬褂。荷包。鼻烟壺。用示優眷。若能擒獲霍集占。當晉加爵賞。兆惠即傳旨撫慰。至霍集斯有伊子分居各城之語。似非長策。兆惠宜留心體察。伊從前與霍集占相助。若回衆有追怨情形。或將伊諸子同居一城。而伊微覺含怨。即令其入覲。再伊所言分城居住之故。係霍集占內相猜疑。殊不可信。但既有此語。不妨即以此藉口。令其同居一城。將來回人中有毀謗霍集斯者。若係霍集占黨與。自可無疑。或其人與霍集占不合。而亦怨霍集斯。則情形叵測。不可聽其久留舊地矣。至布拉呢敦。即能歸命。亦不便仍居原處。俟擒獲逆賊時。再行定奪。又諭觀霍集斯望風迎降。是回人畏我軍威。將有擒獻霍集占者。兆惠成功後。亦當稍為休息。所有駐防屯田等事宜。自當豫行籌辦。朕

意於新派索倫兵二千名。察哈爾健銳營兵各一千名。內派索倫兵一千名。察哈爾健銳營兵各五百名。共二千名。令納木扎勒三泰駐防伊犁。所餘察哈爾等兵各五百名。酌派七百名。益以綠旗兵三百名。共一千名。令舒赫德以頭等侍衛職銜駐防阿克蘇。仍餘察哈爾等兵三百名。益以綠旗兵二百名。共五百名。令鄂實駐防庫車。舒赫德屢獲重譴。鄂實全未効力。此次當知奮勉。贖罪。俟駐防數年後。派員更換。若因久戍思家。諸事懈惰。仍當重治其罪。至平定回部後。諒無難辦理。惟調派回人於伊犁屯田。尚須酌量。若回人傷殘者多。且伊等地已足用。自不必勉強從事。如必須派調。則宜乘新定之勢。稍遲恐伊等安土重遷。反覺滋擾。再北路之塔爾巴哈台亦宜防守。所需索倫兵一千名。擬令阿桂帶領駐劄。已面為訓諭。新兵既經分駐舊兵。自宜撤回。凡此籌辦大畧。可傳諭兆惠酌量情形議奏。又諭據兆惠

奏。未奉到命。將雅爾哈善拏解送京。諭旨之前。已遵前旨。將雅爾哈善遣往屯田處所。至訊馬得勝等。怯懦貽誤軍務之處。皆支吾推諉。不肯實供。請將馬得勝等解送至京。現派遊擊蘇勒登額。解至黃廷桂處等語。著傳諭黃廷桂。馬得勝等。若已解至肅州。不必審訊。即派妥員解來。再兆惠若已奉到續降諭旨。將雅爾哈善拏送肅州。黃廷桂即留心看守。解送來京。若兆惠處尚未解到。朕已將拏解

雅爾哈善之處。傳諭永貴矣。黃廷桂即先將馬德勝解京。俟雅爾哈善至肅州。再派妥員解來。務飭沿途防守。毋使自戕。○又諭。據誠親王奏。太平倉值班之鑲藍旗滿洲恩騎尉明廉。及馬甲五名曠班。請將明廉交部治罪。馬甲交該旗辦理等語。倉庫關繫緊要。特降旨令王大臣巡查。官兵任意曠班。情殊可惡。況甫經裕親王將曠班人等叅奏治罪。尚敢毫無畏忌如此。伊等皆八旗世僕。沐國家泰

養之恩。分當効力。乃尋常該班。尚爾懈惰。如遣赴軍營。更將若何。此等習氣。必須嚴戒。且聞不肖兵丁。有雇人值班者。與其將所支糧餉。給予他人為雇替之資。何若本身值班。全得糧餉。於伊等生計。更有裨益耶。此次訓戒後。再有曠班雇替者。一經查出。朕必從重治罪。將此旨貼各值班處所。曉示官兵。再恩騎尉者。係朕軫念其祖父勤勞。於襲職已畢後。恩賞官階。尤當感恩効力。今明廉任意曠班。

豈可仍令承襲。著革職。其曠班之馬甲等。交該旗懲辦。○兩江總督尹繼善奏。江南水師總兵二缺內。蘓松鎮駐劄崇明。孤懸海外。與浙聯界。海洋巡察防範。在在險要。請仍注為外海水師最要缺。狼山鎮駐劄通州。統轄外海內河水師。及陸路各營。均關緊要。但較崇明之孤懸海外有間。請改為水師兼陸路要缺。得旨。下部知之。○賞卹福建南澳鎮左營因公赴臺。遇風淹斃兵丁銀兩。○辛亥。諭。向

來刑部議駁各省審讞案件。該督撫遵駁改正者。承辦司員。例得議敘。而與覈擬未當之案。初不與以處分。有勸無懲。揆之情理。未為允協。朕披閱本年秋審招冊。如湖廣省拒捕傷人之楊公兆。則將首從倒置。江西省幫樹逆旗之鄧相薦。河南省盜用錢糧案內之姚廷相。情罪則與案內人犯本同。而秋讞互異。該部俱未覈定。畫一辦理。何以慎刑章而昭平允。著將承辦各案之司員。及派辦秋審各員。從前指駁案件。所得紀錄。俱行銷革。以示儆戒。至該部堂官。總理讞牘。均未逐一詳查改正。亦屬不合。著一併交部察議。○諭軍機大臣等。方觀承所奏。動撥耗羨一摺。已批交該部矣。內有孫堆渡口。渡船水手開銷之項。孫堆渡口。係屬何地。若平日原有官渡。則回鑾之後。豈竟不設此渡口乎。若專為木蘭巡幸而設。則為日無幾。開至一百九十餘兩。所奏均未明晰。著傳諭方觀承。令其查明。遇便

覆奏。尋奏。孫堆渡。係大興縣屬孫河下游。常時民間小船濟渡。恭逢巡幸木蘭。往來本報。俱由此路。向備寬大渡船四隻。每船水手四名。自啟鑾前三日。至迴鑾後止。一切雇賃工食。覈減實銷。報聞。○又諭曰。富德奏稱。遇哈薩克之巴魯克。詢問伊等入覲之索勒屯巴圖爾。及貿易人等。曾否起程等語。哈薩克布魯特等。俱屬外藩。伊等入覲。雖藉抒誠悃。亦為希冀賞賚。如果情詞懇切。自應准其來京。候朕酌量加恩。若未經祈請。亦任伊等各安游牧。何必督令前來。可傳諭兆惠。納木扎勒。富德等。嗣後外藩入覲。聽其自來。無煩催促。即如貿易一節。從前因豫備軍需。起見。今辦理回部。業將竣事。無須多辦馬匹。伊等即踰期未到。不妨將貨物存貯。俟其來時。再行交易。亦不可加之催督。於駕馭外藩之道。方為允協。○調正白旗蒙古副都統齊努渾。為正白黃旗滿洲副都統。以副都統銜由屯。為正白

旗蒙古副都統○是日起。

上以孟冬享

太廟。齋戒三日。○壬子。

孝敬憲皇后忌辰。遣官祭

泰陵。○諭。據巡撫楊廷璋奏稱。民人陳老元等。商謀以曹大章等。窩留馬朝柱逆黨。捏造匿名揭帖。經董老九即木克德訥。寫就貼於各衙門牆壁。請將董老九。解部發黑龍江等處充當苦差等語。董老九即木克德訥。係乍浦

駐防旗人。理宜守分當差。乃敢與奸民商寫匿名帖。各處粘貼。誣陷曹大章。殊無法紀。且改易匪名為董老九。其恣意生事。不肖已極。從前不但旗人無此惡習。即民人中。亦必係極惡之徒。方有此事。稍知安分者。斷不出此。著交該管大臣。傳集該處旗人。眼同正法。俾共知懲創。木克德訥。敢於肆行至此。皆因伊父不能教訓所致。著將伊父及妻子。俱發黑龍江。給兵丁為奴。再所寫匿名帖內。有逃人

王四徒弟。鄂阿六。鍾大保。及退甲出旗開鋪之張三等。名字俱似旗人。交該管大臣查明。果係旗人。即行治罪。旗人敢與奸民交結。無所不為。改名效法漢人。竟忘身係滿洲。殊屬可恨。皆由該將軍。副都統等。平日不嚴加管束。因循怠玩所致。該將軍。副都統。俱著交部察議。並著傳諭八旗。及各省駐防地方。嗣後仍有似此肆行者。照此辦理。斷不輕恕。將此曉諭中外知之。○諭軍機大臣等。從前因辦

理回部。將伊犁屯田事務。暫行停止。今回部各城。迎降相繼。大功計日可成。來年駐防伊犁之兵。亦已豫為分派。則屯田以省轉餉之勞。自不可緩。軍營綠旗兵丁。駐防各城所用無幾。應行派往伊犁。并酌派回人等。令納木扎勒。三泰等。辦理屯田。或將魯克察克。哈喇沙爾。烏魯木齊等處屯田兵丁。移至伊犁。再於內地派出兵丁補缺。可傳諭兆惠。納木扎勒。永貴。定長。黃廷桂等。咨商定議具奏。一面

將應辦之事。先時豫備。又諭據車布登扎布奏。現派壯兵往烏魯木齊支領口糧。前赴庫車等語。車布登扎布久在軍營宣力。因降旨令其自阿濟必濟回游牧休息。且庫車沙雅爾。賽哩木。阿克蘇。烏什等城俱已降服。現進兵葉爾羌。擒拿霍集占。大功即日告成。車布登扎布仍遵前旨。將喀爾喀兵帶回游牧休息。至厄魯特。汗羅布藏多爾濟所領厄魯特兵丁。亦宣力有年。俱著帶回游牧休息。再富德前令其赴葉爾羌協剿逆匪。如兆惠已擒霍集占。則彼處大事已定。富德亦無庸前往。著將所領索倫察哈爾兵丁酌量路途近便。留於闡展。吐魯番等處。伊即行來京。其索倫察哈爾兵丁到時。已理坤辦事大臣照例辦理。令其由內地驛站各回本處。將此旨傳諭車布登扎布。富德遵照外。并諭阿里衮知之。又諭曰。阿桂奏來京請訓。馳赴西路軍營。酌派所領侍衛官員二三名。索倫兵二十

餘名。將行裝自布延圖先送至巴里坤等語。阿桂所領官兵久在軍前。自應調回休息。可傳諭阿里衮。伊等抵巴里坤。即派官兵照看行裝。令其由臺站各回游牧休息。以示體卹。癸丑。諭刑部現在辦事之人。永貴未到任之前。石柱著兼署刑部侍郎事務。又諭兩江總督尹繼善等。以河工告竣。年穀豐收。臣黎望幸情。殷請於庚辰之歲。載舉南巡。令典等因。合詞具奏。朕惟東南河道民生時。紫宵旰前者翠華再莅。每切咨詢。不敢自逸。茲當大工既蒔。澤國安瀾。於焉攬轡觀風。上以驗曩時往來指畫之勤。下以考在事大臣宣化承流之績。理亦宜之。顧各督撫等前後奏報工程披章如睹。而嵇璜表曰修等。又以親承訓示。甫經復命。回京條析敷陳。情形頗悉。乃者大江南北。年穀順成。民氣和樂。封函臺至仰見

上蒼福佑。額手為南黎稱慶。此意與封疆諸大

吏共之。猶念積潦初除。汙萊日闢。正宜乘時勸諭。俾瘠土並化膏腴。以培元氣。現降旨各督撫。勘明濱河地畝。有秋穫雖登。而小民牛犁籽種。不能接濟。致曠土尚有未耕者。並予格外加恩。官為借給。使得資束作而厚西成。其果盈寧之象。與歲俱增。則機杼倉箱。熙恬滿目。其足以佐時巡風景者。不更多耶。且明歲車駕臨幸。索約爾濟。又再定伊犁後。若左右哈薩克。東西布魯特。及回部各城。以次平定歸降。不無覲謁宴賚之典。車馬之煩。所當少卹。且歲屆辛巳。即恭逢

聖母皇太后七旬大壽。普天同慶。如於是年敬奉

安輿。重臨江浙。庶幾省方問俗。嘉地利之畢登。喜民生之益懋。於以仰悅

慈懷。壽祺康豫。當推

恩錫福。俯慰元元望幸之忱。俟臨期另行降旨。所有庚辰年南巡之奏。暫停舉行。毋庸具摺。

實錄卷五十一

實錄卷五十一

固請先將此通行曉諭知之。○又諭。江南山東河南等省河道工程。全行告竣。節據各督撫等奏報。年穀順成。秋收多在八九分以上。朕深為窮簷誌慶。顧該處有向來積潦已久。如山東之濟寧魚臺各州縣。江南之徐州鳳陽。所屬河南之歸德陳州所屬濱河地畝。荒廢頗多。今已逐經涸出。正應及早墾種。其或尚有未經涸出者。更宜加意設法疏洩。及時補種。以收地利。乘此民力稍裕之時。地方有

司多方勸諭。務使野無曠土。方為無忝厥職。至其中或有實在窮民。秋成所獲。僅資口食。而牛具籽種。實不能接濟者。著該督撫等確切查明。即行請旨借給。期於東作有資。西成共慶。以副朕軫念黎元至意。該部即遵諭行。○又諭。曰。金德瑛奏。大興縣冒籍廩生丁泗既。不遵例改歸原籍。復勾通謝國賓等。扶同出結。出身硬証。已將丁泗除名。并請將謝國賓等斥革等語。冒籍生童。向來相沿日甚。

最為惡習。理應嚴究。其定限一年。勒令自首。改歸。原係從寬辦理。予以自新之路。今丁泗既不遵守功令。復串通本地劣衿。捏結朦混。而謝國賓等從中包攬。舞弊營私。若僅予斥革。將來故智復萌。易名冒考。事所必有。終無以杜竇緣頂冒之弊。且衆人亦不能共知懲創。所有丁泗。謝國賓等。俱著交刑部治罪。○諭軍機大臣等。昨據舒明奏稱。俄羅斯界。所設阿噶爾等卡。被和托輝特之烏梁海等賊人。搶奪馬駝。致傷兵丁。已派喀爾喀台吉達瑪琳扎布等。會同和托輝特扎薩克達什朋楚克。協力擒拏等語。此等烏梁海。皆青濠雜卜舊屬。從前應行治罪。因其素性愚昧。特加寬貸。理宜安靜守分。乃敢肆意妄行。情罪可惡。著傳諭成衮扎布。於北路索倫兵內。酌量帶領進剿。或即於喀爾喀。派老成歷練之人。以所部兵丁。追獲渠魁。正法示衆。不可致令漏網。○又諭。據成衮扎布奏。杜爾伯特汗車

凌烏巴什所屬。厄魯特都楞。至布延圖盜竊傷人。請將都楞正法。其從賊蒙和爾岱。重加鞭責。并咨杜爾伯特汗。令其將就食人等押回等語。杜爾伯特所屬。在布延圖左近居住。就食人等。行竊亦所難免。惟當嚴飭臺站。留心巡察。即偶有進卡者。逐之不回。從重處治。亦可。若屢咨該部落汗。令其禁止察拏。伊等或轉生疑懼。此次即照成衮扎布所奏。嗣後不必行咨。著遵此辦理。○又諭。禮部奏。據朝鮮國王報稱。內地偷採人蔘民人。劉子成。潛行越境。特委員解送鳳凰城等語。劉子成。偷採人蔘。且逃至外國。大干法紀。著傳諭將軍清保。俟解到時。即正法示衆。毋致脫逃。○又諭。據黃廷桂奏。嘉峪關口。先後盤獲固原逃兵李子雲等。並靖遠營逃兵孫林。共七名。解肅訊明。正法等語。此等脫逃兵丁。一經拏獲。自當即行正法。斷不可稍存姑息。所有未獲餘犯。仍應嚴飭內外各關口。上緊速拏。務獲

毋使漏網。其在嘉峪關口。盤獲逃兵之各弁兵等。著該督查明酌量獎賞。以示鼓勵。並將現在已獲各犯姓名。即行文軍營及管理屯田大臣等。使各諭綠旗兵丁知之。○又諭朕因河南山東上下江等處。屢被水災。頒發帑金。特分命大臣會同督撫總河。相度疏治。全工已竣。嵇璜奏曰。修等回京後。復令將所辦工段。幹支原委。於河圖內粘簽詳註呈覽。但伊等所見。係春夏情形。伏秋二汛。果否有益。

實錄卷三十三

十一

未經目覩。著將所貼原圖發交各督撫總河。再加審視。伏雨以後。及經歷秋汛。各河受水利病若何。是否於水道民生實有裨益。詳悉另行加簽聲明具奏。再所頒明旨一道。為借種勸墾。係朕格外加恩。念此積歉之區。尤當加意撫綏。以復元氣。若有司仍視為具文。漫無經理。或更有吏侵役飽諸弊。則惟於該督撫是問。將此傳諭知之。尋胡寶瑤奏。豫省今歲伏秋。雖間遇大雨。而賈魯惠濟已薄。渦河

各幹支疏通後。容受有餘。消洩甚速。河濱荒地。遵旨勸耕。務使野無曠土。又張師載阿爾泰等奏。東省興舉運河各工後。伏秋糧艘通行。其餘徒駭馬賴老黃白馬沂州伊家等河。龍灣魏灣八里廟等壩。東昌濟寧新店等處。橋梁涵洞疏濬修整後。處處安瀾。涸出民田。現皆勸墾。又尹繼善白鍾山陳宏謀高晉等奏。上下江鳳潁泗淮揚徐海七府州修治河渠後。伏秋內豫東二省來源不大。雨水亦調。

實錄卷三十三

十一

坡水山泉宣洩通暢。田疇咸獲有收。其徐鳳等屬。借種墾荒。俟酌定規條。妥協經理。俱報聞。大學士管陝甘總督黃廷桂奏。接辦理屯田大臣永貴。努三等咨稱。吐魯番一帶地土多風糜。穀性鬆易落。明春止種粟穀。青稞小麥三色。共需籽種一萬九千餘石。但現有駝隻不敷。馱運查永貴又稱。自吐魯番至烏魯木齊。所經七嶺。修鑿業可行車。又據兆惠稱。阿克蘓烏什等城。已降回人應交麥稞足。

敷兵糧。可停解送。則屯田籽種。或以車載。或以各省解到駝騾輓送。應聽吳達善。永貴等就近酌辦。得旨。諸凡甚妥。○署兩廣總督李侍堯疏報。乾隆二十二年分。墾復潮。肇。廉等府屬。額內田二十八頃五十畝有奇。南雄府屬。額內田七十畝有奇。開墾廣。潮。肇。等府屬。額外田地一百二十頃有奇。廣州府屬。額外沙田一百七十四頃有奇。○是月。直隸總督方觀承奏。保定駐防兵米。向係保屬採買。雄

實錄卷五七一

七

縣。係該縣採買供支。即經米貴。於每石定價一兩外。加三四錢不等。現糧價雖減。而每石尚需一兩七八錢。州縣採買。既恐藉詞派累。且於民食有妨。查天津北倉。所貯十八年截留漕米。除今年恩准撥給駐防兵米外。尚存二萬六千七百餘石。來歲請仍於此項撥支。米價扣存報部。得旨。如所議行。○欽差給事中。海明。兩江總督尹繼善。江南河道總督白鍾山。總督管理江蘇巡撫事務陳宏謀等奏。

查勘江南運河。黃河以北。自臺莊。歷邳。宿。桃。清。至楊家莊。現水勢深通。足敷行運。惟桃源之古城砂礮溜一處。地係山脈。灘灣沙積。易停。應加挑濬。該處較上下游獨高。恐下注太驟。上游水淺。挑成後。應將上下攔水壩。酌留收束。黃河以南。自運口至淮安。山陽高寶。一帶。亦俱深通。惟揚州東關上下。居民稠密。兼以淮江潮汐。易致停淤。查灣頭閘起。至范公祠。三千三百餘丈。間段淺阻。應行挑濬。又鎮

實錄卷五七一

七

江。至丹陽。常州。水本無源。恃江潮灌注。夏秋潮大。則深。冬春潮小。則淺。加以每日潮汐易淤。兩岸土鬆。易卸。應照例六年一次大挑。即不挑之年。亦須擇段撈淺。其丹徒兩閘以下。通江支河一道。係冬春重運分行之路。現河形淤墊。又常州之武進。陽湖。無錫。金匱等縣。亦有間段淺滯。均應一律挑濬。得旨。挑河最易滋浮冒之弊。爾等其悉心往來查察。毋圖安逸。但委之屬員而已。○總督管理江蘇巡

撫事務陳宏謀奏常州府屬江陰縣官河一道直達無錫縣綿亘三十餘里為該處糧艘出入要道瀕江潮汐往來久經淤淺現奉諭挑濬桃源揚州丹陽常州一帶運河並請附勘疏濬報聞○江南河道總督白鍾山奏山盱廳屬高澗大壩外越石工內係深塘外迎巨浪每年修築柴壩外護費帑二千餘兩該處係兜灣頂衝須建碎石坦坡查武家敦將家壩並沿河一帶遺存廢石棄置無用以之

實錄卷五百五

十一

修砌坦坡無需採辦兼可速竣該工一百八丈內最要者五十六丈現飭道廳趕辦餘俟秋汛後於沿湖搜取碎石續修嗣可無須歲築柴壩得旨嘉獎○又奏中河廳屬運河北岸向有鹽河石閘一座水小則堵閉蓄水濟運水大則開洩以利柴鹽運行年久底樁朽壞該處河頭坐灣閘門迎溜應迤上五十丈另建所需磚石選用舊料外查鹽河內舊有廢閘一并高堰山盱尚有存工餘料現運致

趙辦實於要工有裨報聞○安徽巡撫高晉奏安省上年鳳潁泗各災屬賑撥沿江州縣倉糧共缺穀三十五萬六千餘石非收捐貢監本色所能補足現秋收豐稔正宜捐買並行請動項就各本境採買以節運費其糧少價貴處撥糧多價平處通融購辦價昂即止得旨如所議行○署江西巡撫阿思哈奏江省有自理贖銀一項節年止撫州屬報解為數甚微且向用生所當生請生財以佐軍國

實錄卷五百五

十一

事注語題達尤不合體查贖贖一項以欽奉上諭事為注語伏思贖贖贖本無二義請并入贖贖一疏題報得旨甚是○閩浙總督楊應琚奏各省徵收漕糧止須米色乾潔惟閩省邵武府同知及建陽崇安浦城甌寧等縣向有白熟名色須顆粒圓綻舂碾白熟始准交倉計此一廳四縣共徵米一萬四千餘石除就地支放綠營兵糧外均解省倉為綠旗標營武職之需查旗營應支白米久經改

折。此外官弁月米俱例支糙色。此項白熟名色實為民累。應請禁革報聞。○浙江巡撫楊廷璋奏。寧波府屬鎮海縣。臨海險要。舊設單層石塘捍衛。嗣被潮衝塌。改建夾層。其迤西一帶。因漲沙綿遠。尚仍其舊。日就蛀却。業經題請一律改建外。查舊塘漫石單層。又不鑿棹。龍骨亦無槽口。石多離縫。易致衝坍。現飭將漫石上下鑿棹。龍骨開槽鑲嵌。漫石下。概用塊石填實。報聞。○雲貴總督愛必達奏。奉

實錄卷五百七十一

吏

部議。滇省生息銀未歸本者九萬五百餘兩。即撥黔省存息五萬八百餘兩歸滇。得息代滇還本。查黔省每年賞兵所需。以一萬二千為率。需本銀七萬數千。生息以供支用。若遽將存息撥滇。僅存以息作本五萬餘兩。獲息不敷所用。請先將二萬九百兩解滇。餘仍留黔營運。嗣後黔省本銀以八萬為定額。每年餘息再行撥滇。得旨甚妥。○雲南巡撫劉藻奏。滇省夷多漢少。地廣山高。夷性喜食雜

糧。高原宜種苕麥。常平向例穀苕兼貯。緣有司辦理拘泥。以致現在存倉多係米穀。春夏借糶。既違夷民食性。買補時又必賣苕糶穀歸倉。查向例每苕一石抵穀一石。每麥一石四斗。抵米一石。且苕性耐久。既便民食。更益倉儲。現據曲靖南寧霑益宣威馬龍陸涼武定和曲鎮南鎮雄永善等十一府州縣。按該處情形。或請全數貯苕。或請穀苕兼貯。應准其按年出易。陸續改收。得旨。因地制宜。甚可之事。

實錄卷五百七十一

吏

大清高宗法天隆運至誠先覺體元立極敷文
奮武孝慈神聖純皇帝實錄卷之五百七十一

實錄卷五百七十一

早

大清高宗法天隆運至誠先覺體元立極敷文
奮武孝慈神聖純皇帝實錄卷之五百七十二

監修總裁官總纂修官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官總纂修官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董福內大臣戶部尚書鑲藍旗滿洲都統軍功紀錄五次

尋常紀錄十四次臣德瑛總纂修官太子少保工部尚書紀錄六次臣曹振鏞等奉

敕修

乾隆二十三年戊寅冬十月甲寅朔享

實錄卷五百七十二

十一

太廟

上親詣行禮遣官祭

永陵

福陵

昭陵

昭西陵

孝陵

孝東陵

景陵

泰陵。遣官祭

孝賢皇后陵。

端慧皇太子園寢。○頒乾隆二十四年時憲書。○順天府行鄉飲酒禮。○諭軍機大臣等。昨據兆惠奏報。霍集占自庫車敗回。阿克蘇伊親信之伯克阿布薩塔爾。將城外數百戶。相隨向西等語。阿布薩塔爾之叔伯克霍集斯。業已歸附。此時伊或與霍集占相絕。自行求歸。或仍隨霍集占。俱著兆惠查明具奏。○

乙卯。

上詣暢春園。問

皇太后安。○幸圓明園。○諭山西今歲收成。至七八分以上不等。但夏秋間有雨澤缺少之處。雖不成災。而秋收歉薄。朕心甚為軫念。如太原。汾州。平定。及大同。朔平。寧武。忻代。保。所屬之清源。榆次。等四十二州縣。所有舊欠常平社義三倉穀石。例應徵還。若按限輸納。民力未免拮据。著將各府州屬借欠穀石。如乾

隆二十一。二十二。兩年內均有舊欠者。先徵二十一年未完之項。其餘緩至明歲麥熟後起徵。如止一年者。即於本年先徵舊欠。其新借穀石。概緩至明歲秋成後起徵。以紓民力。該撫查明分別妥協辦理。該部即遵諭行。○諭軍機大臣等。據吳達善奏稱。自哈密至闐展共運送米麪一萬四千七百餘石。又自闐展至庫車分三起轉運。已行文黃廷桂購驢五六千頭。於來春送至托克三。哈喇沙爾。與駝隻同運糧石等語。從前因增派兵丁。諭伊等趲運糧餉。今回部諸城迎降相繼。逆酋計日可獲。所至俱有口糧接濟。不須內地運送。可傳諭黃廷桂。吳達善等。現在已送之駝騾。即於水草佳處牧放。備運伊犁駐防屯田兵丁口糧。未送者。即在肅州等處飼秣。其驢頭一項。著停止採買。○又諭。昨以辦理回部將竣。諭車布登扎布回游牧休息。富德候兆惠信息。如霍集占既獲。亦即來京。今回城相繼

降附。自不必多煩兵力。但相距遼遠。現在如何辦理。尚需富德之兵否。可傳諭兆惠酌量兵力。如必資協助。即調富德領兵前進。若實在可以不須。亦行文富德將所領官兵撤回游牧。即遵前旨來京。但不可因有諭富德來京之旨。揣摩拘泥。仍將現在情形作速奏聞。

○丙辰。

上御山高水長。噶次。賜布魯特使臣車哩克齊等宴。○諭軍機大臣等。據鍾音奏。榆。延。綏。三

府州。被災十二州縣。除現在撫卹外。應需加賑。借糶糧石。請於附近山西州縣。碾撥四萬石。以應急需等語。地方偶遇偏災。鄰省協濟。原應彼此通融籌辦。但兩省邊邑毗連。均屬歉收。與其取辦於鄰省之內地。何如就本省之內地辦畫。豈不近便。看來鍾音不無坐待他人之意。著該撫等將地方米糧多寡。及程途遠近情形。公同詳酌。如自晉省內地州縣運往。較省於陝省內地州縣之運往。則塔永

寧自當視同一體。不可稍存畛域之見。若陝省內地豐收之處。可以就近撥用。則何必借資他省。兼可省轉運之煩。其如何妥協辦理。俾災地及時接濟。該撫等一面辦理。一面奏聞。至定邊等縣。與寧夏接壤。既據黃廷桂咨覆該處糧石尚屬有餘。令農民自備車輛前往輓運。事屬可行。即會同黃廷桂妥速籌辦可也。將此傳諭各該督撫等知之。尋塔永寧奏。准鍾音咨。陝省內地豐收。倉糧原有可撥。

但距被災之綏德。米脂等州縣。山路險遠。轉運腳費。較晉省近陝州縣多三分之二等語。查晉省沿河之石樓。寧鄉。祁縣。文水等縣。均有溢額穀可撥。距陝省災區近。現飭各該縣撥穀六萬六千六百六十餘石。碾米四萬石。聽陝省轉運。得旨甚妥。如所議行。○丁巳。上詣暢春園。問。

皇太后安。○還宮。○諭山東上年被水地方。積歉之餘。雖遇豐收。元氣未能驟復。朕心深為

軫念。所有濟寧魚臺二州縣上年被淹田畝。已涸已種者。應徵二十二年緩徵各項著再予展限二年徵還。其帶徵各項分作三年二年徵還者。俱著展限二年。至今歲金鄉蘭山郟城曹縣單縣館陶武城臨清等八州縣雖被災較輕。亦著酌量加恩。其節年緩徵各項俱著展限一年。至分限三年二年帶徵各項亦著展限一年起徵。以示優卹。再今春所有借給川米一項。亦概著分限二年俾得從容

輸納。以紓民力。該撫其董率屬員悉心實力查辦。以副朕加惠民生至意。該部即遵諭行。○諭軍機大臣等。布魯特入覲。使臣等奏特穆爾圖諾爾係伊等舊游牧。懇請賞給。朕諭云。雖爾等舊游牧。久被準噶爾所侵。豈可仍視為爾土。但爾等既為臣僕。此地頗屬寬闊。或附近游牧之處。酌量賞給。以裨生計。尚屬可行。俟交將軍大臣等查奏後。再降諭旨。可傳諭兆惠。富德。若遇布魯特使人。即遵照宣

示兆惠等。若知此地原委。即指明具奏。如未深悉。可派員詳悉查勘。除附近伊犁及尚可屯田之處。斷不輕與。或附近伊等游牧荒廢無用者。酌量指給。仍須詳定邊界。兆惠富德若仍有回部未竣事務。即令納木扎勒到伊犁時。遵照辦理。廣西慶遠府南丹州土知州莫遐齡因病告休。以其子敵襲職。戊午上御太和殿視朝。布魯特使臣車哩克齊等隨班行禮。○諭朕今日御殿。布魯特來使朝賀

時。鳴贊等贊引行禮。聲既平常。字亦不能清楚。夫鳴贊一官。不論一切材技。專擇聲音宏亮者充補。何至選用此等聲音平常之人。此皆該管大臣平時演習不勤。於挑選時。又不詳慎。挑選之所致也。伍齡安塔永阿著交部察議。今日贊引之承泰著革去鳴贊。仍在原差使上行走。其餘現在各鳴贊贊引聲音如何。及所有應行挑選鳴贊之人。一併交軍機大臣等會同該衙門堂官驗看。揀選應留者

留任外。應駁者。即駁回。原差使上行走。至揀選應挑之人。不論滿洲。蒙古。新滿洲。烏拉齊。惟擇其聲音好者補用。○又諭。朕於本月二十五日啟鑾。由湯山至盤山。賜右部哈薩克來使筵宴。回至南苑駐蹕。大閱八旗官兵。所有應行豫備事宜。著各該衙門照例豫備。○諭軍機大臣等。據永貴奏。稱奉到飭諭圖倫楚等。速勦阿巴噶斯。哈丹。餘孽之旨。已派員齎送。據圖倫楚。達禮善。敏珠爾。多爾濟等云。

爾等且先回。俟到烏魯木齊。再行呈報。又據達禮善報稱。現在往會巴祿等語。伊等所報甚屬糊塗。前申飭圖倫楚之旨。曾諭令於齎送人員之便。即行回奏。乃迄今杳無信息。且達禮善等與巴祿何日分兵。亦未奏及。可傳諭巴祿。圖倫楚。達禮善。此時曾相會否。至辦理厄魯特餘孽。已飭催數次。何以未見奏報。一併作速奏聞。○吏部議准。大學士管陝甘總督黃廷桂等奏。稱甘省渠寧瓦亭。苦水鎮。

羌。大靖等五驛前各設驛丞。乾隆二十年裁汰。該處俱同漢雜處。距縣城甚遠。需官彈壓。請改設巡檢五員。兼司驛務從之。○已未上御懋勤殿。勾到福建廣東情實罪犯。停決福建斬犯二人。廣東斬犯一人。餘八十八人。予勾。○諭。昨日御殿。大學士史貽直未及侍班。在史貽直年老之人。一時遲誤。情猶可諒。朕亦不為深責。至都察院堂官侍立西陞。職司糾舉。大學士等東班侍立。舉目可觀。非朝集

各官遠列丹墀者比。何以竟不叅奏。若謂該堂官等因大學士史貽直而有所瞻顧。諒亦不敢。然侍儀糾察之謂何。豈不竟同木偶耶。吳拜歸宣光。孫灝俱著交部察議。○諭軍機大臣等。成袞扎布等奏。稱和托輝特之烏梁海等。搶奪阿噶爾等卡馬駝。即行知舒明等派莫尼扎布。同公多爾濟車登查拏。伊亦就近馳赴和博克薩哩等處。搜捕哈薩克錫喇等語。舒明等昨奏。烏梁海搶奪卡座。即諭令

悉力查拏。今成衮扎布已派遣諳練之員前往甚合機宜。至右哈薩克節經奏報并無哈薩克錫喇信息。成衮扎布不必前往。即遵旨回烏里雅蘇台辦事。○又諭曰。成衮扎布奏巴爾魯克卡座拏獲厄魯特朋楚克烏勒木濟德勒格爾等。俱係索倫官兵奴僕偷竊牧羣馬匹。從巴里坤逃出。除審明正法外。其所竊馬匹送交原主識認等語。著傳諭阿里衮此等賊匪。是否官兵奴僕。抑或西路逃來之

瑪哈沁等。若實係奴僕。則辦事大臣等全無稽查約束可知。至所竊之馬為官為私亦當詳悉查問。嗣後官兵等奴僕務宜嚴加約束。有逃走滋事者。即行嚴拏正法。○又諭據領健銳營兵之侍衛豐安等奏稱奉到速赴軍營諭旨。計日行百里。十月十二日可抵哈密。十一月十七日可抵阿克蘇等語。從前因辦理回部未悉情形。恐急需策應。今各城相繼迎降。度軍營官兵已足竣事。增派健銳營等

官兵原為豫備屯戍。若行走過急致勞馬力。轉於事無益。可傳諭兆惠此時若霍集占業已就擒。不需多兵。即行文豐安等令其從容行走。并傳諭豐安等通行各隊侍衛官員等知之。○又諭準噶爾從前所收回人貢賦。曾經詢問恩克博羅特等開單呈覽。今詳閱伊等繕寫各款項。不過就其一時記憶並無細數。殊屬蒙混。不足為據。即詢之回人亦未必肯以實告。現在軍營効力之厄魯特回人內

必有知者。可因便傳諭兆惠令其留心查詢。噶爾丹策零時每年回部所輸何物其數若干。逐一開載。俟大功告成酌定貢賦時易於辦理。○吏部議准湖廣總督碩色等奏稱湖北省管水利各官應專責成。黃州襄陽二府同知江夏縣縣丞漢陽縣蔡店鎮漢川縣劉家隔廣濟縣馬口武穴二鎮黃梅縣清江鎮應城縣長江埠沔陽州沙鎮鍋底灣天門縣乾鎮江陵縣虎渡口龍灣市監利縣窯圻分

鹽朱家河白螺磯等各巡檢皆分管水利。關防印信均未兼銜。請改鑄蒲圻黃陂江陵監利公安石首等六縣縣丞亦管隄工。未有關防。請補給。其兼管水利之咸寧嘉魚漢陽漢川孝感廣濟雲夢應城當陽松滋等縣各典史係專司監獄躡緝之員。例不頒給關防。難昭信守。應勿庸兼管。至黃州蘄州荊州荊左荊右沔陽等六衛屯田坐落之處有應修隄垸。應令守備協同水利同知查辦從之。○湖南巡撫馮鈐疏報。鄖縣武岡瀘溪綏寧等四州縣乾隆十七十八二十二等年開墾田地六頃四十二畝有奇。○庚申。

上御乾清門聽政。○諭曰。多爾濟著在理藩院額外侍郎上行走。俟舒明自軍營回時。勒爾森即無庸兼管。○命協辦大學士刑部尚書鄂彌達充經筵講官。○以頭等侍衛瑪瑞為正白旗漢軍副都統。○辛酉。上御懋勤殿。勾到奉天湖廣陝西情實罪犯六

十九人。予勾。○諭曰。副都統范時綬奏請前往屯田處著加恩賞戴花翎併著賞給整裝銀二百兩。即速馳驛前往所遺正黃旗漢軍副都統員缺著車臣調補。○諭軍機大臣等。據成衮扎布奏稱。安插呼倫貝爾之厄魯特明噶特得木齊和里木等攜帶眷屬十餘口逃出那林喀喇等卡。隨派侍衛占丕薩及杜爾伯特之王公扎薩克等追至烏蘭固木河為杜爾伯特公巴圖孟克等追及。於夜間突

圍逃脫。已率領副都統柏起親往追捕等語。昨諭成衮扎布回烏里雅蘇台辦事。今既親往追捕逃人。即不必拘泥前旨。舒明亦不必來京。且暫駐烏里雅蘇台辦事。至所奏公巴圖孟克等以大衆圍守十餘人。尚致逃脫。已嚴加斥責等語。此在侍衛占丕薩等自宜以軍紀約束。至杜爾伯特王公俱係新附。奉調從行。即屬恭順。自可毋庸斥責。仍量加賞賚。○又諭曰。成衮扎布奏主事明山扎薩克台

吉根敦二等侍衛七格等追捕偷竊臺站馬匹賊匪未能弋獲請交部察議等語自應如所請行。但明山等於追賊之便搜勦瑪哈沁等頗屬奮勉功罪尚可相抵著從寬免其察議。此係特恩不得援以為例。其陣亡之驍騎校老格著加恩交部議卹。○戶部議准戶科給事中黃登賢奏請改定額賦徵銷例款各條。○徵款名目宜歸畫一。今河南山東等省所開花絨黃丹明礬槐花芝麻光粉黑鉛紅銅黃熟銅并各藥料等項久經折徵仍列多條徒滋繁冗。至宗祿唐府瑞府及匠班等名并陝西之秦府王駙馬勲田直隸之膳人膳軍常免操賞等名皆沿明時陋例應俱刪除。○奏銷例分舊管新收今各省有不開舊管或即以新收為舊管者辦理殊未畫一嗣後應令各省查明上年存剩銀兩如已全數撥用即於下年奏冊舊管下註明如未撥及撥剩均造入舊管款下與本年新收分別覈算。

至四川省報墾徵銀另列一冊既經彙入地丁項下應即總列。湖北省冊列康熙十一年至五十年丁數廣東省冊載前朝議允及積年成案均與本年奏銷無涉應即刪除。○藩司職錢穀出納今江蘇安徽江西等省惟撫臣列銜鈐印體制未協江蘇甘肅等省既造司總冊又有撫總院總名目事涉複贅嗣後應令藩司出名用印督撫細覈於司總冊上鈐印餘冊停造至雜稅冊載日收細數或至七百餘本過於冗雜應令藩司彙造總冊從之。○大學士管陝甘總督黃廷桂奏前欽差大臣在鄂爾多斯阿巴噶等處購駝五千隻並直隸山陝等省辦解駝八千隻豫備轉運軍糧及屯田籽種今已陸續抵肅擇其臚壯者解送哈密羸乏者留肅餵養現通計各項差使止需駝六七千隻餘駝五六千隻常年飼養糜費不貲且駝不耐暑恐有倒斃查巴里坤哈密闢展等處均有牧廠應令該處各

大臣擇水草豐美涼爽厥地牧餘駝備用得旨甚好。即照此奏。交伊等辦理。○又奏甘省河西一帶運送軍糧。向例每石每百里給腳費銀二錢。今歲蘭涼寧西甘肅等府州屬歉收。食物騰貴。例價不敷。請增給銀一錢。至運送軍裝。向例每百里給銀一錢五分。應與運糧一例增給。從之。○壬戌。諭軍機大臣等。據努三等奏稱。哈薩克哈巴木拜查送布庫察罕之子。帶馬三百餘匹。於九月十七日到烏

嚕木齊貿易。其阿布賚等俟伊等回抵游牧。再行遣人前來。請將貿易馬匹交與永貴納世通。以備調撥等語。此次所得駟馬。可傳諭努三等與永貴商酌。或解送軍營。或令新派官兵乘騎前往。其兒騾馬留於屯田處所。加意牧放。將來孳生蕃息。便成好牧羣。嗣後貿易馬匹。即照此辦理。○又諭曰。扎隆阿等奏稱。准叅贊大臣莽古賚郡王車木楚克扎布等支領口糧。已經辦給。其烏梁海內大臣察

達克所領兵五十名。非初次出兵。可比。應不准支給等語。察達克等內附未久。於恩克逃走時。即領兵往追。擒獲阿喇善及恩克屬人等。今又領兵追捕恩克。頗為効力。乃停其支領口糧。殊屬拘泥。著仍照上年之例。一體賞給。○又諭據永貴奏稱。圖倫楚等呈報。伊等自托多克領兵向額林哈畢爾噶之北。又冒雪踰孟克圖嶺。分兵於昌吉和托畢。珠勒都斯。崆吉斯。哈什。博囉和囉等處。搜捕逸賊。會

合巴祿之兵等語。圖倫楚達禮善等前追哈丹。阿巴噶斯。餘黨因阻水却回。朕已降旨詰責。今雖據稱。於各處徧行搜捕。不過徒勞馬力。若早能疾躡賊蹤。當不至此。可傳諭巴祿。俟圖倫楚等相見時。除敏珠爾多爾濟達禮善已經革職。仍將圖倫楚革去侍衛職銜。留於巴祿隊內。効力贖罪。○又諭將軍兆惠領兵進攻葉爾羌。霍集占勢極窮蹙。著寄信章嘉呼圖克圖。令傳諭拉達克人等。倘此刻布

拉呢敦。霍集占。為大兵所迫。逃往彼處。即擒解前來。朕必厚加恩賞。斷不可容留疎縱。○
癸亥。

上御懋勤殿。勾到江蘇。安徽。浙江。江西。情實罪犯。停決。江蘇絞犯一人。餘七十七人。予勾。○
諭軍機大臣等。傳巖奏。

孝陵甬道旁樹木被竊。請將該郎中靈保革職等語。

陵樹關係甚重。竟被偷竊。該管官疎慢已極。郎

中靈保。即著革職。傳巖既經查奏。著從寬免議。公祿慶總理。

陵寢事務。總兵圖爾禪。總管綠旗兵丁。伊等所司何事。竟不隨時巡查。豈得無罪。至偷樹賊犯。傳巖宜留心緝訪。務即拏獲。勿使漏網。○
又諭曰。兆惠奏稱。伯克霍集斯。將烏什所屬之布魯特頭目噶第。喚至軍營。據告稱。從前霍集占。領眾三千經過。隨行人等。俱甚困憊。有毀棄軍器。宰殺馬駝者。怨聲載道等語。賊

黨俱已離心。大功自可立奏。至從賊人內有霍集斯之兄姪。此時若自拔來歸。應加恩賞。即或後時降附。亦為寬貸。惟阿布都克呼木。斷不可宥。至前諭庫車。阿克蘇等處。分兵駐劄。原為護視。回人起見。并無勞敝伊等之處。恐風聞妄生疑懼。可傳諭兆惠等。務宜明白曉示。再此兩處駐防。有無裨益。或暫行一二年。或可垂之永久。俱著悉心籌畫。其屯戍貢賦等事。亦即酌定。仍遵旨來京。交納木扎勒等辦理。○
賑浙江錢塘。海寧。山陰。會稽。蕭山。諸暨。餘姚。上虞等八縣。仁和。曹娥。東江。石堰。金山。青村。下砂。下砂二三等八場。本年水災。飢民。○
貸綏遠城屬渾津。黑河二處。本年霜災。飢民。並蠲應徵錢糧。○
賑山西朔平府屬拒門。保安二處。本年霜災。飢民。並蠲應徵錢糧。○
旌表守正捐軀之貴州正安州民陳登亮妻童氏。○
甲子。

上詣暢春園問

皇太后安。○幸圓明園。○諭軍機大臣等據登州總兵吳士勝奏登字一號戰船於八月二十一日夜被颶風擊碎。目兵三十九人扶傍小船及板片隨潮飄至江南泰州地方。遇漁船撈救。淹斃兵丁一名等語。此奏殊非情理。所有明係該目兵等一見大船被風遂齊上小船而置戰艦於不顧。不然山東距江省道里甚遠。隨潮飄流當需幾日。何以同船三十人而淹斃者僅此一人乎。伊等蓋恐據實供出必致議處追賠。是以捏稱扶傍小船板片隨風飄流。則不惟可以免罪。且可希圖賞卹矣。使該目兵等實係在洋遇風或斃或淹。自當加以優卹。若掩飾捏詞。為綠營自來惡習。其漸斷不可長。著傳諭阿爾泰令將登字一號戰船被風及該兵目等確實情事逐一詳悉查明。據實覆奏。毋得稍為徇隱。○又諭現在派往烏魯木齊等處屯田兵丁已至一萬數千。所墾地畝亦必廣濶。目今軍營事務

俱有就緒。此項屯田如有情願攜帶家口者。即行准其帶往。伊等既有家口。則分地墾種。各安其業。而生聚畜牧。漸與內地村莊無異。其不願攜帶者。亦不必抑勒勉強。聽其自便。可耳。如何酌給盤費。俾兵丁不致拮据。著傳諭該督黃廷桂酌量妥辦。○又諭曰。兆惠等軍營馬匹俱長途跋涉。若功成奏凱。乘騎疲乏。於回衆觀瞻非體。已傳諭阿里衮永貴在巴里坤牧養馬內。挑選二千匹。送至庫車。備兆惠等行文調取。亦使回人知我兵力。若非迎降相繼。自必陸續調撥。斷不中止。至所派官兵駐防庫車。阿克蘇等處。仍遵前旨。惟伊犁駐防兵二千。塔爾巴哈台一千。此時且不必前往。或就近在吐魯番開展。或巴里坤過冬。俟來年再行進發。既便於糧運。而官兵亦得少為休息。併傳諭黃廷桂知之。○又諭昨據兆惠奏稱。伊等度阿勒坦呼斯坦嶺時。官兵有中滾石身死者。又伊犁河水漲時。騎牽

馬駝浮渡。亦有溺斃數人等語。官兵急公殞命。深屬可憫。著照陣亡例議卹。此次兆惠所領官兵行走殊屬奮勉。從前議照進兵例。減半賞給。著加恩給以全賞。即將大臣侍衛官員等職名開列具奏。○山東巡撫阿爾泰奏。臣因查閱登鎮營伍沿途所見。亟須辦理者。河工尤要。青州境內淄河為衆河尾閘。水挾沙行。河門阻淤。應展寬挑濬。樂安縣地勢窪下。每遭淹浸。境內支脈溝河一道。河身寬而尾閘窄。不能暢流。現動工興挑。並多開溝洫。以資宣洩。萊州府屬膠萊運河一道。為全郡河水總匯。西南由膠州入海。東北自高密昌邑。至平度州入海。河中脊南北分流。自膠州北界小吳家屯起。至掖縣南界沙嶺止。計一百六十餘里。率多淺阻。南北口門漸淤。應俟明春開挖。他如平度昌邑之落藥。張魯等河。現俱查明修濬。至濱海地多砂礮。登萊等府皆然。其瘠地堪種者。因民力不足。輒成荒棄。

現令該府查明民地。酌借倉穀。俾資墾種。官地設法招墾。沿山沿路。令民種樹。其餘飼蠶畜牧。並令地方官勸民盡力。得旨。此皆民生本計要務。汝能留心。實屬可嘉。但須實力行之。數年之後。自有效驗。朕將入疆課最而施恩也。勉之。○大學士管陝甘總督黃廷桂奏。准屯田大臣永貴咨。明歲屯兵每名種地十五畝外。酌加五畝。共計新舊屯兵一萬七千名。應添籽種七千二百餘石。本年甘涼肅收成歉薄。採購艱難。查肅倉有撥剩小麥六百數十餘石。再令該州動用倉貯。易換新麥三百餘石。又武威縣原辦粟穀籽種八百石。均令轉運哈密。現巴里坤塔勒納沁二處有收穫青稞。令就近撥運三千石。開展吐魯番托克三等處秋收粟穀。可取用二千四百餘石。該處粟穀原備明歲屯兵口糧。應由哈倉運補。得旨嘉獎。○乙丑諭軍機大臣等。據劉綸熊學鵬等奏。香河縣地方有匪棍假充內務。

府官員及薊州拏獲假稱順天府委員查拏燒鍋之軋文宗等因一摺。假官嚇詐有干法紀。況香河薊州附近畿輔。豈容不法棍徒肆行擾累。著交與方觀承將案內已經拏獲各犯。即行細加鞫問。未獲者速行緝捕務獲。一併按律定擬。以示炯戒。至香河薊州兩案。雖同時發覺。而是一是二。尚未可定。必須徹底根究。毋任地方官含糊定案。避重就輕。或將兩案併作一案。草率完結。以致匪棍漏網。貽患地方。至該犯經過之地。有生事滋擾。而州縣官未能查察者。著一併查明參處。可傳諭方觀承知之。○吏部議准。欽差協理江南河工安徽巡撫高晉奏稱。淮徐河道現駐宿遷。其運河一廳工程甚簡。徐州地居上游。黃河水勢長落。由此取準。應令該道移駐查閱。使下游各廳隨時策應。至淮徐海巡道向駐徐州。所轄淮安海州各屬相距遼遠。巡查難及。宿遷為淮徐海通中之地。應令移駐從之。○

閩浙總督管福建巡撫楊應琚疏報。乾隆二十二年。福建侯官古田淡水等廳縣開墾屯田一百一十八頃三十畝有奇。○丙寅上詣暢春園。問

皇太后安。○還宮。○諭陝省延安榆林沿邊一帶。米價稍昂。現撥寧夏倉糧以資協濟。而雇車領運。若照定例給以官價。窮民往返未免拮据。著加恩將靖邊定邊榆林懷遠四縣領運車畜除官價之外。每石每百里加銀五分回空。仍給半價。其將來寧夏軍需各項運竣。仍令運糧前往協濟。所有車輛牲畜亦照此例一體賞給腳價。以示優卹。邊氓之意該部即遵諭行。○又諭據黃廷桂奏請撥餉以備屯田籽種之用等語。一摺。著該部於附近甘肅省分撥銀三百萬兩。迅速解甘以備供支。○諭軍機大臣等。巴祿奏稱領兵分路搜勦瑪哈沁等至扎木巴拉布拉克之源。探有賊蹤。署筆帖式四達色奮勇衝擊。勦殺五十餘

人計陣亡兵三名。得傷兵二名。又喀喇沁叅領賽圖。於圖爾根察罕烏蘇勦賊四十餘人。計陣亡官一員。兵六名。得傷兵十名。察哈爾護軍錫喇布。現未回營。覓尸無獲等語。此二次搜勦瑪哈沁陣亡得傷官兵。俱著交部議卹。議叙。四達色。原係健銳營前鋒。著加恩授為護軍校。遇缺即補。其賽圖等効力官兵。俱著造冊送部議叙。仍傳諭巴祿。伊所領兵丁。久應更換。若未能即殲逸賊。可回抵烏嚕木。

齊照富德兵丁例。賞給遣回。現在辦理回部將竣。新派索倫兵。尚未効力。巴祿即選派五百名。每人給馬三匹。裹糧前往。凡藏匿之瑪哈沁。及哈丹。阿巴噶斯。餘賊。盡行搜捕勦除。并傳諭永貴。阿里袞。知之。○丁卯。

上御懋勤殿。勾到河南。山東。情實罪犯。停決山東斬犯五人。餘五十六人。予勾。○諭。鑲紅旗蒙古察哈爾總管員缺。該旗奏請將護軍叅領格木德衣等四員。帶領引見。察哈爾總管。

有管教一旗蒙古之責。必需幹練之員。格木德衣。係不勝副都統任調用之人。其餘三員。恐亦不能勝任。著軍機大臣。會同該旗大臣。不拘旗分。揀選能勝察哈爾總管之任者。帶領引見。嗣後俱照此辦理。○又諭。刑部覈擬署福建巡撫楊應琚。審題郭端毆傷黃睿身死。將郭端擬絞監候。聲請留養一本。郭端與黃睿因爭買食物構釁。將黃睿推傷心坎。以致殞命。自應按律定擬。乃該署撫。徒以該犯因黃睿病後。阻其買食一語。遽稱事本理直。遂欲為之原情留養。而該部亦即照擬覈覆。揆之情理。殊未允協。蓋留養之例。乃法外之仁。必該犯實係理直。或誤傷致斃。既有可原。因得邀恩末減。若以尋常鬪毆案件。意存遷就之見。曲為開脫。則殺人者死。於定律之義何居。即如所云郭端既知黃睿病後。為之勸阻。獨不知病後之人。不可力毆乎。且其勸阻。亦因已欲買食耳。此宜照例定罪。秋審時自

在可矜之列。是其監禁不過一二年之間。而定案之初。犯者尚知情法相準。俾好勇之風。因而少戢。則閭閻寧而致毆斃者鮮。所全實多。又何必於理宜禁教一二年鬪狠之人而曲為開脫乎。若以該犯身係獨子。不宜羈於囹圄。即出之囹圄。此等敗類。亦難責以盡心孝養也。且一半年後。原屬矜免。何必亟亟耶。邇年以來。鬪毆之案漸多。未必非水懦之弊。姑息以致縱惡養奸。是誰之咎。朕欲徒博寬

厚。則一切讞章。可以不覽。較諸臣更省力而得名。然朕必不為也。郭端依擬應絞。著監候秋後處決。再將此通行曉諭。俾司憲者知臨事悉心檢覈。一歸平允。以副朕明刑弼教之至意。○又諭。據提督衙門奏稱。屢經遣發逃回之積匪竊盜常海。滿福。王官保。鄧二。俱係正黃。正紅。旗人。向來旗人風氣。最為誠樸。不但無此等惡習。亦從不為無恥之事。今常海等結黨行竊。毫無顧忌。旗人至如此無恥。朕

不勝憤懣。此皆都統等未能嚴加約束。以至有此不肖之人。伊等未識抱愧與否。著將此四犯。交各該旗。當衆面數其罪。即行正法。嗣後都統等。務須將旗人等。留心訓誨。嚴加約束。若再有此等無恥之人。朕惟該都統是問。○又諭。曰。阿爾賓等奏稱。歸化城地方。田禾被霜。收成歉薄等語。去歲該地方。被旱成災。經朕加恩。借給倉穀。俾資接濟。本應與今歲額賦。一同交納。但念該土默特人等。連遇歉

收。若令照數完納。不無拮据。著加恩。將本年應徵米石。與借支倉穀。俱緩至來年秋後起徵。展限三年交納。○又諭。歸化城都統阿爾賓等奏稱。土默特蒙古官兵。應交領過整裝銀。已交一萬四千餘兩。尚欠二萬一千餘兩等語。此項銀兩。因派伊等出征。支給整裝。伊等未赴軍營。自應繳還。但念伊等居住內扎薩克。賴田畝度日。連年收成歉薄。若照原限交納。恐於伊等生計有妨。著加恩展限。分作

六年完繳○戊辰

上詣暢春園問

皇太后安○幸圓明園○諭軍機大臣等方觀承奏

孝陵甬道旁樹木被竊一摺已於摺內批諭矣此事前據傅巖等奏到當經有旨交伊等嚴行查拏并將該郎中靈保斥革其專司守護既皆係鎮屬弁兵該總兵圖爾禪豈能無罪不僅疎防失察而已至樹木被竊十六株之

多非比他物可以密為藏匿其砍運堆貯必有蹤跡易於根究著傳諭方觀承選派平日深信文武幹員極力緝捕務期迅速弋獲按律懲處此非尋常竊盜所可概論勿得稍為延玩以致漏網可一併傳諭知之○又諭曰兆惠奏稱從卡座擒獲回人等據供霍集占將多倫回衆移往葉爾羌等處隨將橋道燒燬伊等逃至舊地掘埋藏糧食以度日等語當此冬寒水涸時橋梁雖毀我兵或浮渡或

拴筏無不可者兆惠宜努力前行乘回衆離心渠魁自當就縛昨已促富德前往會合兆惠惟酌量行文調取至回人多有窖藏糧食者軍行所至須留心誘詰以資接濟又所奏巴爾楚克為葉爾羌喀什噶爾要路恐兵抵葉爾羌後賊衆乘隙擾我臺路已留兵駐防等語富德須沿途訪問若兆惠尚未成功即由巴爾楚克領兵攻取喀什噶爾俾賊見兩路有兵自然瓦解成功愈速矣俱著傳諭知

之○又諭據永貴奏行文黃廷桂派叅將遊擊等官二三員千把總等官四五員以備差委并酌派應差兵役二三百名又聞展同知伊星阿一人管理收支等事未免竭蹶請添派諳習糧務同知二員雜職二員協辦等語屯田伊始差務頗繁所需官員自不可少至聽差兵役等則現在屯田兵丁未必日事耕作自可通融調換何必多為添派可傳諭黃廷桂永貴所需文武官員照數發往再派兵

一百名以備差遣。○又諭曰。永貴奏喀喇沁
臺站署章京達爾扎桑。隨兆惠西路出兵奉
委巡查臺站。節次勦殺瑪哈沁。頗屬奮勉等
語。達爾扎桑著加恩授為藍翎侍衛。伊招降
之厄魯特。收楞額巴泰。亦著有勞績。又屯田
副將張兆藩。署把總戴謹等。拏獲逃兵馬順
正法。俱著永貴酌量賞給。以示鼓勵。○又諭
著傳諭兆惠。即將哈寧阿。拏問派委妥員押
解來京。○以杭州協領薩爾圖。為江寧副都
統。○賑貸直隸大城青縣滄州蔚州萬全懷
安懷來赤城龍門等九州縣。本年水雹霜災。
貧士飢民。旗戶竈戶。并緩徵新舊錢糧。

大清高宗法天隆運至誠先覺體元立極敷文
奮武孝慈神聖純皇帝實錄卷之五百七十二

大清高宗法天隆運至誠先覺體元立極敷文奮武孝慈神聖純皇帝實錄卷之五百七十三

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十三年戊寅十月己巳

纂錄卷五十三

上御洞明堂勾到直隸山西情實罪犯停決直

隸絞犯二人餘一百四十人予勾○諭軍機大

臣等黃廷桂所奏伊犁屯田事務一摺已交

軍機大臣議奏矣但閱該督摺內未免有竭

慶之意辦理回子事竣明年既於伊犁駐兵

則屯田之事自不可不亟為籌畫但亦不必

過於張皇總以靜鎮安速因時制宜盡地利

而足兵食斯為允協若明年二月內可以趕

辦屯務不誤春耕於駐防軍需更為有益如

實有不能趕辦之勢則隨宜酌量舉行朕亦

必不以從事稍緩遽為督責但不得因此遂

生作輟之意耳現在烏魯木齊既有屯田官

兵墾種廣濶將所獲糧石酌量運往伊犁以

資接濟可省甘肅哈密等處轉運之繁較烏

里雅蘇台運送糧石至北路軍營道里亦不

甚相遠況從回部凱旋綠營兵丁撤回時兼

可留在伊犁屯種此外或就回民中量行調

派應用則人不煩而事易就墾得一畝即可

實錄卷五十三

得一畝之用總之辦理屯務在該管大臣等

相度事勢次第通融籌辦如烏魯木齊等處

人力有餘不妨量為挑派移赴伊犁開墾如

其不能亦不必勉強前降諭旨由近及遠接

次項補意正如此固不必豫事過為周章也

○又諭曰黃廷桂籌議伊犁屯田之奏辦理

甚覺周章已諭令隨時酌量不必竭慶從事

矣但伊犁現議駐兵兆惠納木扎勒等辦理

回部事竣即可調綠旗兵及回人等酌量派

出籽種前往伊犁耕作。以濟軍食。即籽種無多。亦就其足敷應用者施功。若仍未能設措。亦不必拘泥。可傳諭伊等。令其作速奏聞。○又諭曰。阿桂奏稱厄魯特侍衛碩通在軍營殊屬奮勉。今仍懇隨往西路等語。著准其所請。碩通既於布延圖。候與妻子相見。可傳諭扎隆阿。將伊妻子查出。酌量辦給資裝。發往察哈爾居住。伊安插家屬後。仍即來京。再赴阿桂隊內行走。西路現無急應前往之事。該

實錄卷十三

三

總管等亦不必過於催迫。併傳諭知之。○又諭西路所有舊兵。現俱更換。隨阿桂前來之侍衛奎蔭索倫兵亨申。禪新俱久在軍前行走。著賞銀各二十兩。馳驛回至本處休息。仍傳諭綽勒多。遇有驍騎校缺出。即將亨申。禪新補用。○軍機大臣議覆大學士管陝甘總督黃廷桂奏稱伊犁地氣和暖。耕種較早。且距內地遙遠。轉瞬仲冬。恐致遲誤。將一切應行辦理之處。飛咨將軍臣兆惠暨屯田大臣

永貴等。定議趕辦。其酌帶官兵。搭派回衆。搬移籽種牛具口糧諸事。請俟兆惠永貴等咨覆到日。遵照應付等語。查烏魯木齊等處屯田既廣。伊犁一帶。又添辦牛具籽種口糧。恐致顧此失彼。現已遵旨傳諭將軍兆惠等。令將伊犁屯務酌量情形。或調撥帶往之綠營兵墾種。或派附近回民屯墾。因其所有之籽種牛具。以資耕作。該督黃廷桂祇應專力於烏魯木齊等處。伊犁屯務聽將軍兆惠等籌

實錄卷十三

四

辦從之。○庚午。諭曰。吉慶如松著前往審辦偷樹事件。○戶部議准本部侍郎吉慶奏稱各省承追官員欠項。或銀數無多。日久懸宕。嗣後凡賠項在五百兩以下者。應於養廉內扣繳從之。○江南河道總督白鍾山奏中河廳屬楊家莊以上運河北岸。向有鹽河一道。口建草壩。冬春堵閉。以濟重運。夏秋啟放。以運柴鹽。前因口門內水淺堵壩。糧艘商船甚利。而葦左營及各廳購柴五六百萬束。俱不

能運淮北食鹽亦恐貽誤查外河廳屬黃河
北岸王營減水石壩內引河一道可通鹽河
長三百餘丈年久淤塞請即挑濬每年柴鹽
運完後堵閉得旨此祇可偶一調劑而已非
可常為之事總之黃河不宜分洩此語當謹
受之不然其利少而弊多不可不慎○湖南
鎮草鎮總兵邱策普因病解任調湖北襄陽
鎮總兵劉應標為鎮草鎮總兵以湖南永綏
協副將章世鵬為襄陽鎮總兵○辛未諭紫

平定縣志卷之三

五

禁城護城河現由提督衙門撥兵挑濬雖大
段已經報竣尚須益加深通以免日久淤積
戶部現在貯錢甚多此項工程應給飯食錢
文即著該衙門由部支領散給於河道既屬
有益錢文亦倍流通而兵丁等計工授食更
得均霑實惠○又諭前令各省督提保舉堪
勝總兵之員其叅遊都守中有才畧出衆者
亦准一體保送原以備干城之選而非為武
弁中開倖進之階也該督提等自宜詳加甄

擇必其人實克勝專閫之寄方可不拘資格
登諸薦剡頃來到部引見者即品秩相懸如
遊擊七十一福興康世昌田允中守備曹昇
其才具尚屬可觀未嘗不予記名以備簡用
乃胡寶瑑所保之遊擊素章阿齊大勇所保
之遊擊安宛人才俱屬平常計其器量不過
叅遊偏裨之任而止遽越次保薦殊非慎重
遴選豫儲材料之意素章阿安宛俱不准記
名胡寶瑑齊大勇著傳旨申飭○諭軍機大

平定縣志卷之三

五

臣等據富德奏稱奉到前往阿克蘇諭旨即
領兵速進一抵烏魯木齊先選健兵數百名
策應兆惠餘兵及後隊疲乏者行文永貴辦
給馬匹口糧陸續進發等語現屆寒冬冰雪
之時自不便由穆素爾嶺行走即從烏魯木
齊取道亦可但前諭云若兆惠大功已成富
德即來京現在傳聞阿巴噶斯哈丹餘賊回
博羅和羅藏匿若領兵掩襲自可盡殲已傳
諭巴祿於新到兵丁內酌派五百名前往搜

捕富德若得兆惠成功之信亦酌派新兵策應。巴祿事竣即可回京。不過紆迴一兩月程。其舊兵交與永貴等沿途辦給資裝。各回本處。富德其悉心奮勉。勿以伊母為念。朕適從圓明園進宮。伊母迎駕甚屬康健。曾加恩賜。併著傳諭知之。○調正紅旗蒙古副都統四格為鑲藍旗滿洲副都統。以鑾儀使八格為正紅旗蒙古副都統。仍兼鑾儀使。○浙江處州鎮總兵黃正元故。以貴州上江協副將張國標為處州鎮總兵。甘肅寧夏鎮總兵五福緣事革職。調廣東潮州鎮總兵楊寧為寧夏鎮總兵。以直隸山永協副將明達為潮州鎮總兵。○壬申。

上詣暢春園問

皇太后安。○還宮。○諭軍機大臣等傳嚴奏稱。拏獲偷樹賊犯馬七兒林二等。據供賣與領催岱明阿章京湛柱等。請革職嚴審等語。湛柱身係職官。非平人可比。伊買得偷伐樹木。

宜即呈報。庶賊犯可獲。乃隱匿不報。領催岱明阿將所買樹木掩埋。豈得謂不知為偷伐之物。著傳諭如松吉慶嚴加審訊。○又諭黃廷桂奏籌辦伊犁屯田事宜一摺。此事前據該督奏到。並鈔錄移咨兆惠。永貴原文進呈。當交軍機大臣議奏。并降旨傳諭兆惠令其將伊犁屯田之事酌量情形。或於帶往之綠營兵內派撥墾種。或於附近回民內調派屯墾。因其所有之籽種牛具。以資屯田耕作之用。該督黃廷桂祇應專力於烏魯木齊等處應墾之田。以收地利而足兵食。庶可不致辦理竭蹶。顧此失彼。該督諒尚未經接到。故所奏籌辦籽種農具口糧等事。未免甚費周章。著再傳諭黃廷桂查照軍機大臣遵旨議覆原文。惟於烏魯木齊等處屯務。悉心經理。毋致貽誤。其伊犁屯田之事。當以餘力為之。專聽兆惠等遵旨籌辦。如或不能即緩至明年。儘可從容辦理。不必更費周折也。○又諭適

因黃廷桂咨商兆惠永貴辦理屯田朕已諭令專辦烏魯木齊籽種其伊犁屯田事務交與兆惠等於回部酌派籽種農器運往矣伊犁屯田原為駐防兵丁糧餉起見伊等乘騎馬匹稍為休息自可助耕如有不足則輔以人力但回人甫經平定派出籽種時或即抵應納之貢賦至農器則給以官價若仍有未便亦從容籌畫不可勉強從事○補行山西乾隆二十二年大計卓異官九員不謹官二

平定縣志卷之三

員罷軟官一員年老官四員有疾官四員才力不及官二員浮躁官二員分別陞賞處分如例○癸酉定邊左副將軍成袞扎布奏安插呼倫貝爾之明噶特得木齊和里木等逃脫派獎賞孔雀翎托爾蘇岱等追捕臣復領兵親往現將和里木擒獲派藍翎侍衛素魯克沁等解京其奮勉擒賊係莽噶拉克之子扎巴罕哈克圖之子巴雅爾圖及其從弟瑪爾扎克章京索濟克烏巴等俱酌賞緞疋効

平定縣志卷之三

力兵丁二十七名各賞給布疋茶葉等物諭軍機大臣等成袞扎布此次追捕逃犯和里木等甚合機宜素魯克沁托爾蘇岱俱授為三等侍衛扎巴罕巴雅爾圖著賞戴孔雀翎加賞緞二端索濟克烏巴瑪爾扎克亦加賞緞二端効力兵丁等加賞銀各五兩仍以恩旨傳諭伊等俾知鼓勵○禮部議准署江西巡撫阿思哈學政張拜賡等奏稱寧都州文風最盛向為贛郡屬邑學額二十名仍酌撥府學二三名自升州以後無府學可撥額數轉少查所屬瑞金石城二縣於乾隆二十年各增額三名今請各減一名撥給寧都州武童亦照文童例從之○甲戌

上御乾清門聽政○諭曰吳拜年老不勝左都御史之任著原品休致其所遺左都御史員缺著德敏補授江寧將軍員缺著福增格補授福增格所遺副都統員缺著侍郎伊祿順兼管盛京戶部侍郎員缺著果勒敏補授

又諭浙江杭州府屬之仁和湖州府屬之烏程歸安長興德清武康等六縣及毗連相近之處夏秋雨水稍多間有成災米色顆粒自必稍減著該撫分晰確查將所有應行起運漕糧不論紅白私粳加恩准其一體收兌以示體卹該部即遵諭行○諭軍機大臣等據楊廷璋奏請將浙省起運漕糧照乾隆二十年之例紅白兼收私粳並納一摺此殊不知事理之輕重從前乾隆二十年因該省被災

地方廣濶原非尋常歉收可比是以格外加恩准其一體收納比年以來江浙一帶地方屢獲豐收米糧價俱平減即該撫同日奏到數摺內或稱各屬秋成俱有七八九分或稱連歲年穀順成米價平減等語此與二十年情形豈可相提並論而遽請將通省漕糧照例收兌何其自相矛盾耶楊廷璋著傳旨申飭所有杭湖二府屬被有偏災地方已降旨加恩准照前例兼收並納以示體卹該撫當

按其實在成災者分別辦理通省不應援以為例可一併傳諭知之○浙江巡撫楊廷璋奏社倉廢弛酌籌修舉各事宜一勸捐先期得人查前因災捐輸皆殷實醇良之人今飭地方官照議叙原冊邀請首事就中延一二人為社長如僻縣無邀議叙者確訪鄉里推重之紳士耆民一二人董事一社倉守掌在民官無勒派稽查在官民無侵蝕其地方官奉行得法立社較多者應予記功否即記過

俟捐有成數隨時盤查年終出結申報各上司查覈一社穀聽民樂輸不限多寡若照前題定獎勸輸穀章程十石以上方與獎勵恐阻向善之心應凡捐數十石以下者於該社建好善急公等坊彙列姓名以示鼓舞一浙省出納社穀向祇設印簿二本一存社一存縣其中領欠實數及有無抗欠換易新領諸弊無從顯露應給社長三聯印票一發借戶一繳縣一存倉外設流水簿登記逮秋成還

倉另立收照。歛散皆歸覈實。所需紙筆人
工飯食。向無支銷。社長賠累。憚於承管。應於
每年所收加一息穀內。每一斗交倉八升二
升給社長。銷支諸費。從前各社穀少。或交
社長。或借貯寺院。蓋藏不慎。折耗蒸蕪。現今
各縣酌辦。如捐穀之人。并願輸建倉之費。當
即擇地建蓋。如無捐者。即賃寺院。及殷戶閑
房。官購席板。暫貯社穀。俟收有息穀。陸續添
建。得旨好。實力妥為之。而去弊為尤要也。○

賑直隸滄州鹽山青縣衡水等四州縣嚴鎮
海豐等二場。本年水災飢民。○乙亥。諭軍機
大臣等。據胡寶琮奏。汝寧府地方。拏獲湖廣
孝感縣逆犯朱尚柄。搜出所藏逆書。詞語狂
悖。據供伊子朱維元。先已回楚。其書係同村
金月倩所寫。金月倩已故。其子金見仁現已
飛咨查拏等語。著傳諭碩色莊有恭。即速遴
派幹員。會同該府縣官。前往該地方。將朱維
元。金見仁。嚴行拏獲。並搜查其家。有無另存

不法字跡。及鈔存逆書原本。此等逆徒。情罪
重大。一經嚴訊。明確按律定擬。即於楚省正
法。以彰國憲。至朱維元。於十月初二日自豫
返楚。則由楚省至豫省之汝寧府一路。亦宜
另差員弁。星飛迎緝。勿致稍有疎漏。○又諭
曰。胡寶琮奏。拏獲符術治病之湖廣孝感縣
人朱尚柄。并搜出悖逆書籍一摺等因。朱尚
柄。指稱故明後裔。所藏書冊。大逆狂悖。宜急
置重典。以彰國憲。且該犯既於豫省拏獲。應
即於豫省速行審明定案。不必輾轉解楚。質
審。遷延時日。或致乘間自戕。得逃顯戮也。至
該犯之子朱維元。金月倩之子金見仁。已傳
諭碩色莊有恭。令其嚴行緝拏。並搜查其家
有無鈔存逆書字跡。一併密速查辦。按律明
正典刑。使逆匪知所懲戒。○又諭川省向有
嚙嚙子一種。擾害良民。為害最甚。所以定例
綦嚴。屢經有旨查禁。其在不法生事。致傷人
命。及強行劫奪者。固按律治罪。至於平常竄

竊之案。不過枷責發落。或又復出為匪。殊於懲創之法未盡。嗣後此等案犯。亦須計其次數。分別辦理。若為匪至三四次者。與積匪猾賊無異。應照例發往黑龍江等處。或即照新例發往巴里坤。慎勿姑息從事。以致若輩肆行無忌。而安分良民。轉受其累也。可將此傳諭開泰知之。○又諭據豆斌奏。特伯勒固臺站於九月二十三日夜間。有厄魯特二十餘人。搶去馬匹羊隻等語。一摺。豆斌自搜勦臺站以來。已逾一載。前後所報。拏獲瑪哈沁。不過一二無關輕重之人。看來此事。原非伊所能辦理。即如特伯勒固臺站。既有厄魯特搶馬之事。該提督既委藍翎侍衛五恰守備馬守全等。前往查勘。伊亦當併力一路親往。追捕。乃據摺內所稱。伊又別路行走。看其情形。即在彼搜勦。於臺站亦無裨益。豆斌著遵照前旨。即速前往軍營。帶領綠營官兵。聽將軍兆惠調遣。將此傳諭知之。○戶部議准。署廣

西巡撫鄂寶奏。稱各省微員。離任回籍。除侵貪重款外。均賞給路費。但如推諉誤公。不盡職守。擅受民詞。濫差滋擾。疎脫要犯。交結紳衿。及浮躁不謹等款。與尋常呈誤者不同。應俱停給。至粵西州同。州判。多係苗疆烟瘴之缺。在任身故者。例給路費。其因事離任者。應并賞給。從之。○欽差侍郎如松。吉慶等奏。拏獲偷樹賊犯多名。訊明該犯等。向係兩夥。一季大漢為首。逃逸未獲。一祁太為首。現已拏到。并各犯等。質訊明確。俱應從重辦理。至員弁等。應拏問者。現鎖拏嚴審。該管王大臣等。查明嚴叅。得旨。是。惟應從嚴辦理。不可稍涉姑息。此何事也。而可將就乎。○旌表守正捐軀之山西介休縣民茹連科妻梁氏。○丙子上御懋勤殿。勾到朝審情實罪犯。停決斬犯九人。絞犯四人。餘二十人。予勾。○諭戶部。滿堂官。現俱隨駕出差。李元亮著暫行兼管戶部事務。○又諭曰。圖爾禪著革職。交刑部審訊。

馬蘭鎮總兵員缺著塞克森補授○諭軍機大臣等前因哈密有健銳營官兵經過及運送糧餉等事命吳達善德舒等前往辦理德舒於官兵經過後即隨往庫車辦事今官兵既已經過而糧餉亦皆運送德舒即遵旨前往庫車吳達善著回原任五吉前往巴里坤隨阿里衮辦事其哈密事務仍令巴里坤大臣等兼管○又諭據將軍成衮扎布奏稱和托輝特郡王車都布公多爾濟車登扎薩克達什朋楚克等三旗因青滾雜卜滋事將伊等外徙今復移回產業牲畜散失貧窘可憐請酌量施恩等語此三旗人等俱青滾雜卜屬人曾附叛逆近日阿噶爾等卡竊賊多係此輩殊為可恨正當勦除凶暴之人留其循良之輩何可一概施恩今各項差務盡停惟坐卡有應得之項若於伊等有益即多派俾資餬口但需委妥人管理此皆將軍應籌辦事宜著成衮扎布酌辦○荊州副都統德特

赫故以保定府城守尉納邁為荊州副都統○丁丑上詣壽皇殿行禮○諭吏部滿漢尚書現俱隨駕出差所有吏部尚書事務著歸宣光暫行兼署○又諭淮徐海三府州屬頻被水澇雖據該督等奏報今歲大田均有八九分收成但念該處災歉既久甫經豐稔積困未甦若將歷年欠項同本年銀米一時新舊並徵民力未免拮据著加恩將淮徐海三府州除二十三年新賦照例全徵外其二十二年舊糧准先帶徵一半所餘一半同十一年至二十一年積欠銀米及二十二年借給口糧籽種均再分作兩年帶徵俾民間輸納寬裕再各屬本年水退稍遲未種地畝所有應緩錢糧亦著緩至明年開徵以示優卹貧黎至意該部即遵諭行○又諭甘省調運陝省西安鳳翔邠州乾州四府州屬採買米麥以備軍儲所有

應給腳價。除自涇州交界以內道路平坦而經過各屬。秋成豐稔。照例給發腳價外。其自涇州接運赴蘭山路崎嶇。沿途之平涼等屬。今秋又俱有偏災。若照例給以腳價。往返食用。未免拮据。著加恩准照河東運送兵糧之例。每京石每百里給腳價銀一錢六分。回空給銀四分。以資輓運。該部即遵諭行。○諭軍機大臣等。永貴奏。攝喀喇沁署章京達爾扎桑。招降厄魯特巴泰。巴魯及伊等妻子。俟送至巴里坤時。照例辦理等語。巴泰等降附後。隨達爾扎桑搜捕瑪哈沁。効力行走。伊等至巴里坤時。著阿里衮酌量資給送京。禮部奏。冬至慶賀禮儀得旨奉
皇太后懿旨。今年冬至著停止行禮。○又奏十一月二十五日
皇太后聖誕慶賀禮儀得旨奉
皇太后懿旨。今年停止筵宴。○賑陝西靖遠定邊榆林葭州懷遠神木米脂吳堡膚施保安

綏德清澗等十二州縣。本年旱霜災飢民。○
戊寅

上詣暢春園問

皇太后安。○啟鑒幸盤山。○是日駐蹕湯山行

宮。○己卯諭曰

陵寢地方。關係重大。向來駐守官員所用人役。雇覓各隨其便。未經立法稽查。間有無籍之徒。一時竄入。甚非慎重肅清之道。嗣後東陵

西陵各官。凡雇用人役。先期將姓名住址造具文結。移知該地方官。就原籍查明來歷。確係守分鄉民。方許入冊。赴役在平時。召募詳慎。自可互相約束。倘有一二滋事犯案者。亦無難即時弋獲。庶彼此不得因循。諉卸以專責成。○又諭

陵寢儀樹屢被竊伐。該管官疎慢已極。新城總管鄂鼎解任。總管舍通額副總管綽倫明太俱著革職。併業經革職掌關防郎中靈保俱

著等交刑部審明治罪○諭軍機大臣等

孝陵甬道偷竊樹木一案如松等所擬情罪辦理甚屬舛謬如為首之李大漢祁太等罪大惡極固屬萬無可逭至防禦湛桂領催岱明阿馬甲良柱等俱切近看守之人肆無忌憚執行收買况一聞追緝之信即行掩藏其情更不問可知如松等乃僅擬以發往巴里坤伊等身係旗人寧令明正刑章以示懲創而顧令為綠營兵丁之奴有是理乎又買樹之閔世福等亦稱實不知情試思伊等俱貼近陵寢居住之人此等樹株來歷始則不問而買繼又得信而埋其情更不待問而猶任其狡供輕縱可乎其紅門看守兵丁平日若非知情縱容豈有如許大樹擡運多人而竟付之不見不聞則所稱祭祀日期混行出入又可信乎在貝勒允祁等既擬以嚴加議處至專司典守之總管協領乃應行拏問治罪之人何得以一例議處完案現已有旨交部治罪

並令方觀承會同嚴審定議務期根究明確毋得稍有徇縱伊二人摺內雖自稱從重辦理而情節乖舛至此則其所云嚴行夾訊者不過虛設故套而已此何等事朕肯任其朦朧完局乎如松吉慶等著傳旨嚴行申飭再此案情節甚重人犯亦多倘防守疎懈致有畏罪自戕者當惟伊二人是問○又諭曰扎拉豐阿等奏稱護送軍需馬牛羊隻至巴里坤查得商都達布遜諾爾等牧羣送馬六千匹全數交收太僕寺所送馬匹及牧羣羊隻雖有倒斃不及原定一成之數惟牧羣所送牛六千三百隻染疫倒斃踰額一千五百九十有奇應著落解送官兵賠補等語此項解送軍需馬匹羊隻或全數無虧或倒斃不及分數牧羣官兵殊屬勤慎著查明議叙至倒斃牛隻踰額雖云染疫究係牧養疎忽自應照所奏賠補但獲咎尚屬有因著加恩作為二成准其銷算其餘應賠牛隻無多事關軍

需未便概行豁免著寬限三年令副牧長額琳沁等及牧羣兵丁分賠完項似此從寬辦理特念伊等効力行走之故可傳諭知之○又諭前因臺路未清派索賚璫領回兵巡查搜捕今已派敏珠爾等前往則回兵可以不需可傳諭永貴即令索賚璫領兵回伊游牧伊等往來頗久仍酌量賞給俾得專治耕作之事○是日駐蹕三家店行宮○庚辰駐蹕大新莊行宮○辛巳辦理屯田侍郎永貴等

奏本年開展等五處屯兵共三千六百名屯田三萬三千五百四十五畝每畝收穫一石九斗至一石四斗不等共收穀三萬七千三百四十餘石較去年多收六千七十餘石明年自開展至哈喇沙爾烏魯木齊新舊兵丁又烏魯木齊附近額林哈畢爾噶羅克倫昌吉至西托庫楚克等處新兵共需籽種一千五百二十石餘穀三萬五千八百二十六石碾米一萬七千九百十三石共數官兵跟役

九千一百九十人七月口糧不足之數次年所種小麥青稞六月內即可收穫接濟諭軍機大臣等永貴等所奏開展等處屯田收穫分數看來祇數屯兵口糧其伊犁駐防官兵仍需籌畫可傳諭兆惠遵照節次諭旨辦理至從前屢諭永貴等確查收成分數除新舊屯田兵丁外尚足數幾千人之食伊等遲久方奏微覺難於籌辦不思內地農民何以畝有餘糧蓋由家長善於勸課且食用撙節毫

無欺隱耳兵民雖異其理則同永貴其悉心經畫於軍需自有裨益○是日駐蹕盤山行宮至甲申皆如之○壬午諭軍機大臣等據豆斌奏稱北山一帶遣員躡勘賊人蹤跡於西大山溝內搜得馬匹行至達巴罕天降大雪無從尋覓等語所奏甚屬謬誕搜拏逸賊一事係豆斌專責既有被搶之馬即此便是賊蹤急宜盡力追捕雖遇大雪賊豈又能飛行絕跡乃稱跋涉瞭望全無影響是並不知

設法搜擒。而必待賊人束手自來就縛耶。向來緣營惡習。專以欺誑文其選輓。豆斌任事以來。傳旨飭諭。不啻再三。總未見努力辦理一事。如摺內所奏賊人既已窮蹙。而猶令其遠颺。其自述無能之狀。亦可謂曲盡矣。可見此事原不應付之若輩也。豆斌著傳旨嚴行申飭。○癸未。諭。今歲豫省各屬秋成俱獲豐稔。所有歷年借給帶緩及本年應徵各項。自應按期起徵。但念該省積歉之後。元氣初復。

實錄卷五十三

三十一

現在新涸地畝。尚加恩借給籽種。以資力作。若將應徵各項一時輸納。民力未免拮据。著將上年被有偏災之祥符等六十一州縣所借牛具籽種銀兩。緩作三年帶徵者。及今年春借常平社倉穀石。并遞年借穀。應分作二年三年帶徵者。均加恩再予展限一年。於明歲秋成後按年起徵。以紓民力。該部即遵諭行。○又諭。曰。額駙福隆安著授為和碩額駙。○諭軍機大臣等。據擒獲逃犯和里木供稱。

實錄卷五十三

三十一

伊所屬九十餘人。除無食餓斃及賣身與人外。尚有七十餘人。伊母妻亦在內等語。著傳諭綽勒多查明和里木母妻及同逃人等家口。若分賞官兵。即嚴加管束。如未賞。即解送來京。給與王大臣等為奴。至所供逃走之二十餘人外。尚有四十餘人。若忍飢待死。殊屬可憫。宜酌量施恩。稍為賑濟。仍曉示伊等。因其不敢妄動。故蒙恩卹。若似和里木逃走。早已正法。嗣後各謀生理。安分度日。稍可自給。即無庸糜費。○是月。直隸總督方觀承奏。明歲張家口不敷兵米九千六百七十餘石。例應在萬全縣採買。該縣本年收成歉薄。恐妨民食。請於懷安縣存米一萬五千一百餘石。由就近撥用。從之。○閩浙總督楊應琚。福建巡撫吳士功等奏。福建漳泉二府上年收成歉薄。本年又被偏災。明春民食宜備查。上年奏准撥臺灣府屬倉穀十五萬石。浙省溫台二府屬倉穀十萬石。令漳泉二府殷實商民。

赴倉買糴民食賴以不缺。今延平建寧邵武福寧等府年豐米賤各倉多有陳穀請撥十五萬石令漳泉二府商民買糴所得穀價俟來歲秋收後買補還倉得旨嘉獎○河南巡撫胡寶瑑奏溝渠最利民田現飭各屬查明挑濬自十數道至數十道長里許至數十里不等大者立渠長小者各村公管道旁溝亦俱開挖深通挑出之土填高道路并令種樹已大段竣工得旨嘉獎○四川總督開泰奏

實錄卷五百三十三

五

本年革布什咱各土司攻擾金川殺獲甚多伊等逐一稟報頒分別獎賞以資駕馭此等夷務未便糜費錢糧查印雅灌汶等州縣山民種茶日多於行銷額引外尚有餘茶請借支臣及布政使半年養廉發鹽茶道購買擇地行銷獲價扣還借支餘備賞土司之用得旨調劑得宜甚可行也○署兩廣總督廣州將軍李侍堯奏本年粵東平糶倉穀缺額奉旨撥湖南溢額穀三十萬石運補現已陸續

抵界惟自桂林至梧州係淺水灘河須換小船自梧州至粵東省城又係大江須換大船粵東向來產穀不敷民食資西省接濟梧州為商販總匯若雇民船運楚穀恐商販阻滯查西省各埠行銷東省鹽引至梧州易船該處有倉廩貯鹽應令東省將西省應銷鹽豫行運梧貯倉交卸後運穀回東至由桂林至梧州已咨明楚省擇原船願赴梧者給水腳轉運亦不至有礙商販得旨嘉獎○署貴州

實錄卷五百三十三

五

巡撫周人驥奏黔省民耕而不織絲布昂貴現通飭各屬於川楚隣省購種木棉苧蔴教民紡織俟有成效再酌立賞罰報聞

大清高宗法天隆運至誠先覺體元立極敷文
奮武孝慈神聖純皇帝實錄卷之五百七十三

實錄卷之五百七十三

元

大清高宗法天隆運至誠先覺體元立極敷文
奮武孝慈神聖純皇帝實錄卷之五百七十四

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂
總裁官經筵講官太子太傅大學士大學士文淵閣領閣事稽察欽奉 上諭事件處管理刑部戶部三庫事務
世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次
尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十三年戊寅十一月甲申朔遣官祭

實錄卷之五百七十四

一

先醫之神○右部哈薩克使臣卓蘭等來朝
賜宴○諭朕於初五日舊衙門啟鑾南紅門
行宮用早膳後前往閱兵今天氣甚寒官兵
等不必穿甲過早酌朕到時再行穿甲○諭
軍機大臣等據託恩多奏豫備粵東民食事
宜一摺內請將廣東廣西捐監之例暫停部
收統歸廣西一省臨近水次之州縣減三收
納本色捐足一百萬石之數奏明停止等語
籌辦張皇過當未得事理之宜前因該省米

貴。已敕湖南省撥解楚穀二十萬石。並廣西省倉穀十萬石。運東補額。以資接濟。今據奏稱早禾登場。市價已得平減。是該省近日情形。已不致有穀貴之虞。而託恩多急遽無緒。乃欲於兩省改捐本色。且為數至一百萬石之多。殊不知地方產米止有此數。若此例一開。地方爭以赴捐。糴買反致米價翔貴。是本處未受其益。先受其害矣。且如從前楊應琚任粵多年。並未聞歲有增價之事。自陳宏謀到任。即有籌辦採運之舉。而該省米價反致日漸騰踊。可見地方大吏。惟在從容措置。調劑得宜。民食自可無虞。若因到任伊始。欲以好事為振作。並藉此為市惠要名地。是非愛民而實害民也。可將此傳諭。託恩多並令李侍堯知之。○又諭曰。李侍堯等審擬刁民黃忝瑞一案。已批三法司覈擬速奏矣。黃忝瑞逞兇毆官。聚眾為首。擬以立決。固屬法無可貸。李沛田既幫同緝兵。遞給繩索。何得謂與

同惡相濟者。有間擬以絞候。不足蔽辜。現俟法司覈覆辦理。至守備張彬佐。巡查禁諭。本係職守當為。且帶兵甚少。突遇刁民抗拒。細毆。在該弁並無滋事之處。若責以効命。則並非敵人。甚不值也。據稱另疏糾劾。不但事理未協。且何以懲儆刁頑耶。該督等如遇該弁別有事故。原可據實參奏。當此案甫定。不應如此辦理。現在如未經疏參。則毋庸置議。如業經繕發。已飭內閣於本到日。即行駁回。將此一併傳諭知之。○又諭。據將軍綽勒多等奏稱。俄羅斯奈瑪爾三十人。偷盜索倫巴爾虎游牧馬駝。官兵追至額爾古納河。以賊已渡河。入俄羅斯境。即行轉回。請飭理藩院咨行俄羅斯薩納特衙門。辦理等語。著照所請。向與俄羅斯定約。雖有彼此不得越境之條。但如賊去已遠。不見蹤跡。即宜謹守條約。棄而不追。若目擊賊入俄羅斯境。當躡尾捕獲。以省文移往返。亦令賊匪知懼。著傳諭綽勒

多等嗣後追緝賊匪。均酌量辦理。○旌表守正被戕之山東莒州民張俊妻劉氏。○乙酉諭曰。和碩額駙福隆安著在御前侍衛上行走。○諭軍機大臣等。永貴等奏稱健銳營索倫等兵。於十月二十等日。經過開展等語。新兵既已經過。屯穀亦皆收獲。惟兆惠軍前奏報。二旬未到。或因臺站稍有稽遲。可傳諭永貴。揀派兵丁。由開展至哈喇沙爾庫車。阿克蘇一路。稽察臺站中途。遇有軍營捷音。作速

實錄卷五七四

馳奏。仍即轉回。○又諭據綽勒多等奏稱。同和里木逃走之厄魯特明噶特屬人布古卓特。已爾什現已拏獲。請即行正法。至追獲和里木之子。和克齊。滿都之子。庫魯特。並各犯之妻。請賞給呼倫貝爾官兵為奴等語。和里木妻子著解送來京。其餘婦女賞給往追人等為奴。布古卓特。已爾什。即於彼處正法。此項人等反覆可恨。須嚴行約束。遇有可疑。即便誅戮。俾伊等知懼。著綽勒多等酌量辦理。

○刑部等衙門議覆欽差侍郎如松。吉慶直隸總督方觀承等奏。審明偷竊

陵樹祁太等十犯。應照盜

大祀神御物律擬斬立決。湛桂。岱明。阿不問。樹木來歷。輒行收買。又不據實首報。致賊逃脫。雖非知情。實屬縱犯。應擬斬監候。馬甲。良桂。因湛桂雇工代買木植。較買向祁太者情罪稍輕。看守紅門兵丁金友德等。訊明實非知情。但縱賊出入。全無稽查。應俱發黑龍江充當苦差。均應如所擬從之。○是日駐蹕烟郊行宮。○丙戌

上至南苑詣

永慕寺行禮。○行圍翼日如之。○湖南巡撫馮鈐奏。鳳凰廳常平倉額貯穀一萬石。其七千石貯於城西南之石羊哨舊倉。餘三千石分貯城內。以備平糶。定例存七糶三。該廳僻在萬山。田少米貴。駐守官兵更多。糧不敷用。請加貯穀六千石。於附近芷江。黔陽二縣溢額

穀內動撥。仍在石羊哨建倉收貯。並請平糶。時酌量多出。不拘成例。從之。○是日駐蹕舊衙門行宮。至戊子。皆如之。○丁亥。吏部議准。閩浙總督楊應琚疏。稱福建糧驛道。興泉永道。福州府海防同知。興化。福寧。二府糧捕各通判。閩縣。莆田。寧德各縣縣丞。所管地均有水利。應令兼銜。並換給關防。從之。○刑部等衙門議覆。河南巡撫胡寶瑤奏。逆犯朱尚。柄收藏逆書。捏稱故明後裔。擬按律凌遲處死。應如所擬。從之。○又議覆。署兩廣總督李侍堯奏。刁民黃忝瑞。緬毆官兵。擬按律斬決。應如所擬。至李沛田幫同緬兵。即為同惡相濟。該督擬以絞候。實屬輕縱。應照為從律絞決。從之。○以虎鎗營營總兼頭等侍衛第瑪。為鑲白旗蒙古副都統。○旌表守正捐軀之浙江龍游縣民方公會妻張氏。甘肅正寧縣民穆廷義妻馬氏。○戊子。

上大閱。命右部哈薩克使臣卓蘭等及布魯特

諾起等從觀。

上自行宮發駕。鑾騎鹵簿陳於行宮門外。聲礮三。銃歌大樂作。奏壯軍容之章。兵部堂官二人。大臣十人。分左右騎而導。內大臣二人。後扈。領侍衛內大臣。率豹尾班。佩刀屬橐鞬騎而從。總理演兵王大臣暨八旗領操都統等。率將校軍士甲冑出營成列。

上至晾鷹臺帳殿。豹尾班三旗侍衛分翼列侍。建黃龍大纛。於帳殿後。部院大臣分翼序立黃幄前。八旗傳宣官騎而列於臺下。乾清門侍衛每翼六人。騎而列於傳宣官之前。上躬御甲冑。乘馬出。試射。連發七矢。皆中的。兵部堂官奏請閱陣。

上親閱隊伍。兵部堂官前引。總理王大臣滿洲大學士。內大臣侍衛前引。後扈。皆擐甲乘馬。上入自左翼。由列陣中路行。經驍騎護軍前鋒諸隊而南。火器營藤牌兵諸隊而北。周閱畢。迺還。御晾鷹臺黃幄。升寶座。大臣侍衛及諸

執事官咸列侍。兵部尚書奏鳴角。臺下蒙古畫角先鳴。各旗分列之海螺。以次遞鳴。連營陣。遂擊鼓。營中海螺畢鳴。分列之海螺以次退立於臺下。營中三舉礮。遂行陣伐鼓。鳴螺昇鹿角。整列而進。每進以十丈為節。鳴金則止。麾紅旗。則鎗礮齊發。鳴金則止。再伐鼓。整列前進。鳴金。麾旗發鎗礮如初。如是者九。第十進。鎗礮連環齊發。無間。鳴金三迺止。八旗開鹿角。成八門。首隊前鋒護軍驍騎各整列。以次出。至鹿角外。次隊隨之火器營兵藤牌兵。列於後。既成列。鹿角門闔。八旗齊鳴螺。喧呼作勢而進。兩翼協隊乘馬斜向前進。營中鳴螺迺振旅而退。為殿之八旗滿洲火器營礮位鳥鎗護軍驍騎及首隊前鋒護軍驍騎各立於本旗大纛之下。八旗分鹿角為八行。火器軍結隊而退。首隊兵殿後。兵以次鳴螺而退。各列於初成列之地。兵部尚書奏大閱禮成。

上御黃幄。釋甲胄。饒歌清樂作。奏屯皇威之章。扈從之大臣侍衛等皆釋甲胄。隨駕還行宮。聲礮三。領兵大臣及將士各釋甲胄歸營。賜官兵等饌筵羊豕并薪炭等物。如例。諭前因大閱官兵。今該管王大臣等備馬二千匹。令翼隊官兵乘騎。今並未見騎兵前進。詢之王大臣。據稱翼隊隨首隊進退。例不在前。翼隊亦訓練騎兵。馳驟前進。有何不可。此次大閱。原使哈薩克布魯特人等觀我軍容。宜令馬隊衝突馳驟。益覺壯觀。如謂定例不敢輒改。即應請旨將此項馬匹。令他隊兵丁騎乘。倘二千之數不敷。亦應奏請添補。乃彼此俱不留心。殊屬推諉。自用兵以來。官兵皆各奮勉。大臣等往往貽誤。此其明證。國家養育諸大臣。何用。此次官兵鎗礮尚屬整齊。然亦伊等奮勉操演。與王大臣等無與。著不必賞賚。王大臣等官兵仍照前賞給。○定邊將軍兆惠等奏。臣等於十月初三日領兵至輝齊阿。

里克距葉爾羌城四十里。侍衛瑞緯爾圖擒獲回人一名。據供阿克蘇烏什投誠後。霍集占領回衆三千。入喀什噶爾城一宿。駐雅普爾噶四日。聞布拉呢敦深怨霍集占妄動。定約各守一城。相為聲援。布拉呢敦領馬步萬餘人。於離喀什噶爾城一站之當噶勒齊駐劄。霍集占移村莊回衆糧草入葉爾羌城。令舍勒默特摩羅噶里布領衆五十人。於布爾吉博斯屯設卡。城內厄魯特布魯特伊犁回人。有馬者五千餘名。步行者甚多。與霍集占相結者。伯克阿布都克呼木。阿布都哈里克。泥雅斯索。阿什噶伊朗和里布。坤等數人。餘皆含怨。霍集占詭衆云。大兵盡勦回人。伯克霍集斯已被殺。霍集占已收沙雅爾人口牲隻。又將阿布都瓜布及其子弟俱籍沒監禁。又殺烏什賽哩木。移來回衆三百餘口等語。臣等兵臨城下。未見賊衆迎敵。其城較庫車甚大。四面共十二門。臣所領馬步兵四千

餘。祇足圍其一面。且自烏什前來行戈壁一千五百里。馬一千餘匹。俱屬疲乏。圍城則兵力單弱。賊將衝突逃走。計賊若逃走。惟向南路之痕都斯坦巴達克山喀喇土伯特等處。擬於此等要卡駐兵堵截。又分遣兵馬搜括村莊。發掘窖粟。及山谷牛羊。斷其芻牧樵採。伊等自生內變。至兵丁馬匹均須接濟。所有駐劄庫車賽哩木拜等處綠旗兵丁。應請調赴軍前。併送馬三千匹。諭軍機大臣等。兆惠等章奏日久未來。朕深為厯念。今據奏兵抵葉爾羌情形。賊衆暫未出戰。而我兵馬以遠行疲乏。朕亦深悉。勿以未即攻克致生急遽。惟加意偵探。多方誘致。以協機宜。布拉呢敦既怨霍集占。自應持原降敕書往諭。至霍集占以伯克霍集斯被殺。飾詞惑衆。亦應明白曉示。或令回衆等目覩。又如斷其樵汲。擾其村落。皆屬善策。所奏解送馬匹。亦傳諭駐劄辦事之大臣侍衛等矣。再索倫察哈爾等兵

已過關展兆惠之盡調綠旗兵。因未得信息耳。至賊人可逃之路宜嚴為堵截。倘其北走則無地可逃。必就俘獲。兆惠等宜奮勉辦理。併傳諭富德速往策應。○又諭曰將軍兆惠兵抵葉爾羌。急望送馬接濟。著傳諭舒赫德將現在所得馬匹。即速解赴軍營。○己丑

皇太后自暢春園還宮

上詣

皇太后宮問安。還宮。諭軍機大臣等。昨兆惠

平定奏

三

兵抵葉爾羌。急需馬接濟。已傳諭舒赫德照軍營咨文辦理矣。可傳諭永貴伊現在巡查臺站。前至阿克蘇時。即行暫駐。同舒赫德辦理一切運送馬匹糧餉事務。○又諭據阿里衮奏准兆惠咨調馬三千匹。即往哈密酌量多為挑選。親身送至軍營等語。所辦甚合機宜。馬匹固應趕送。而沿途亦須加意牧放。不致疲乏。送至軍營時。如尚未成功。阿里衮著以叅贊大臣行走。現在巴里坤辦事著吳

平定奏

三

達善署理。俟阿里衮事竣轉回。仍回甘肅巡撫任。○又諭從前兆惠以回地可得口糧。行文巴里坤等處駐劄大臣。而各處所送糧餉亦已敷用。是以諭令暫行停止。今兆惠兵抵葉爾羌。一切尚須辦理糧餉。所關最要。不妨稍為寬裕。已諭永貴阿里衮等酌量運送。可傳諭黃廷桂。吳達善照常籌辦。○又諭昨覽兆惠奏。頗望送馬接濟。即諭永貴舒赫德等加意辦理。今日阿里衮奏。親送軍營馬匹。則程期自必迅速。可傳諭兆惠。勿以為念。此時但當籌畫取城。擒獲渠魁。毋使逃逸。至霍集占。將阿布都爪布等拘禁。可見霍集斯從前降附之心甚誠。著兆惠傳旨撫慰。仍加恩賞緞六端。軍營一切事宜。向伊商辦。以收其用。又運送糧餉。亦已諭知黃廷桂。吳達善等諸事。有備即目前不能奏效。來春辦理亦覺易為。仍將現在情形。作速奏聞。○又諭昨諭富德策應兆惠。但搜捕厄魯特逸賊。亦不可疎

懈。巴圖濟爾噶勒原在富德隊中。不必隨往。葉爾羌。即同巴祿領兵搜捕哈丹阿巴噶斯。餘賊及沿途所遇瑪哈沁等。凡奏事行文列名於次。不必受巴祿節制。巴祿與巴圖濟爾噶勒當和衷協力。以期集事。若能盡勦餘孽。併獲哈薩克錫喇。則真伊二人之福也。○庚寅。諭曰。總兵楊寧著馳驛前赴軍營。更代五福管轄綠旗官兵。○諭軍機大臣等。據色克慎奏。偷樹逸犯李大漢。李五。醜鬼現已緝獲等語。前如松等奏。稱偷買樹木之閔世福。段明。茹刑狡供。因該犯李大漢尚未弋獲。無由質證。俟嚴緝到案。質對再行定擬等語。著傳諭方觀承。仍令喬光烈速往。將該犯等質訊明確。一面將李大漢等即行正法。其買樹之閔世福。一併定擬辦理具奏。○又諭曰。富德奏。稱本隊官兵在軍前年久者。遵旨遣回游牧。其未及二年者。或留或遣。又有補授藍翎侍衛之索倫五員。亦未便照年久兵丁之例。

俱請旨遵行等語。所奏年久官兵。即著遣回游牧。其年分尚淺及已授侍衛等人員。仍留軍前。隨富德行走。俟凱旋撤兵時。各隊官兵或應留用。或應遣回游牧。再為分別酌定。○又諭曰。將軍兆惠現在領兵抵葉爾羌。馳遞文報。臺站最為緊要。時值嚴冬。更當加意防範。著傳諭永貴。定長舒。赫德等。將臺站馬匹牲隻。俱交各臺人夫嚴加防守。不得稍有疎忽。○辛卯。賑貸江蘇海州沭陽贛榆上海南匯等五州縣本年水旱潮災貧士飢民。並蠲應徵地丁錢糧及漕糧。漕項銀米有差。○壬辰。上詣皇太后宮問安。○諭軍機大臣等。黃廷桂所奏籌辦馬匹駝隻二摺。所見正與朕意相合。前於兆惠奏到時。先已詳悉。降旨傳諭。今將此二摺一併鈔寄兆惠閱看。矣。看來阿克蘇城一帶。現在業經歸化。葉爾羌等處。如其剋日就緒。將來此項馬駝。原為豫備伊犁等處屯

兵種地等項之用自可無庸急遽辦理如必需運赴接濟一俟兆惠咨到其時亦當在明年正二月間春草漸次萌生之時該督自可酌量從容運送庶臆分可以壯健而應用更為有益亦不必於冬間催趲趕辦一切惟聽兆惠等行咨到日該督隨宜應付可也將此傳諭黃廷桂知之○吏部議准浙江巡撫楊廷璋等疏稱杭嘉湖寧紹台金衢嚴溫處各道嚴州處州二府各同知台州金華二府各通判所管地均有水利應令兼銜並換給關防從之○又議准山西巡撫塔永寧疏稱冀寧雁平各道河東兵備道大同蒲州二府各同知代州解州各州判永濟縣縣丞所管地均有水利應令兼銜並換給關防從之○山東巡撫阿爾泰覆奏登州成山汎守備駱萬春駕登字一號戰船帶兵三十九名巡洋遇風飄至江省洋面船搶在沙風勢不止該備帶兵十四名乘杉板小船逃至掘港營地方

其戰船內兵二十五名拆船倉板片紫筏飄至泰州該備往查兵內止少一名恐據實報出與遭風危險情形不符遂捏稱原帶兵四十七名淹斃一名逃出兵三十八名餘未知生死在泰州衙門具報並報登鎮登鎮據遊擊查明原帶兵數謂該守備何為多報八人具咨到臣今請將守備駱萬春革職審明治罪得旨如所請行○大學士管陝甘總督黃廷桂奏烏魯木齊添派屯兵一萬三千四百名需籽種二萬四千餘石農具七千副此時尚未全數運到查自肅州至哈密十九站內各有商民承買官驛共安車三千八百輛應俱遣送哈密交撫臣吳達善等裝載籽種農具全赴闢展仍令各回本處分安各臺輓運糧料哈密現有之車輛牲畜全行運送闢展以備前往烏魯木齊等處輓運之資得旨好可謂悉心籌畫矣○旌表守正被戕之貴州普定縣民李方鼎妻呂氏○癸巳

上御太和殿視朝。布魯特使臣車哩克齊等隨班行禮。○諭前據吳士勝奏登州戰船被風擊碎。目兵三十九人內淹斃兵丁一名一摺。彼時朕即疑其並非情理。明係目兵等一見大船被風遂早上小船而置戰艦於不顧。不然山東距江省道里甚遠。何以於海洋中扶板飄泊三十九人之多。而淹斃者僅止一人。即吳士勝亦恐據實奏報必致議處追賠。因此捏飾陳奏。希圖免咎。當經傳諭阿爾泰令其據實查奏。今據奏到一一不出朕所料。且據所錄供詞內有捏報情事。經遊擊鄒世惠查知。總兵亦未根問。但說因何多報八人之語。是吳士勝明知其查報不實。更無疑義。使當朕傳諭時。伊一面詳悉體察。何難自為查辦。可見此事若不經朕指出。則吳士勝始終有心徇匿。方將自以為得計矣。向來綠旗營惡習。專事欺誑。吳士勝係獲罪之人。經朕加恩錄用。乃不思力改前非。而仍為此欺罔。

之奏。情理殊屬可惡。吳士勝著革職發往烏魯木齊。交與管理屯田大臣等令其自備資斧。効力種地贖罪。○諭軍機大臣等方觀承奏偷盜樹木案內。拏獲逸犯徐大。雖衆供並未為賊。應解交喬光烈一併審明辦理等語。徐大既未為賊。何以因此案發覺而遽行逃走。且又何為而必嚴行緝拏耶。徐大既與為首之李大漢係屬親戚。而徐三又為案內竊樹之正犯。其中不無串供開脫情弊。今既在遵化州地方拏獲。即著交與喬光烈詳細確實審明具奏。但該督俟奉到此旨轉飭該司辦理。未免稽遲時日。著一面傳諭喬光烈就近查辦。並諭方觀承知之。○總督管江蘇巡撫陳宏謀奏。淮揚徐海等屬河道疏通後。農民因水低艱於灌溉。有議其宣洩太過者。應將支河港汊挑濬便民。批。亦可謂太不知苗碩矣。當化導使知足。不然如此澆薄之民風。安能永受天眷耶。又奏泰州興化二州縣湖

蕩相屬向無田岸近鹽臣築成土隄二道為鹽船緯路一自泰州東至東臺場一百二十里一自青浦至梁垛場六十餘里儼同田畔若傍此縱橫接築隄埝挑濬小溝則湖蕩可為圩田又批此恐不如高寶之情形將來未必不受害又奏近河窪地並築圩圍其水難外洩者不能築圩應留為潴水之區又批此得之矣泰興圩田已批其旁即此意也諭軍機大臣等陳宏謀所奏籌辦溝洫圩圍情形一摺已於摺內批諭矣淮揚各屬水利現經相度挑濬大功告竣其溝洫圩圍乃係隨時葺治裨益農田之事雖當悉心經畫然須次第從事若以意在保護農田而與水爭地轉貽日後之患此又不可不為顧慮者所謂修廢舉墜亦當隨宜籌度者此也如高寶海州等處從前舊有圩田自應隨時酌量修理以資生計若所云湖蕩可為圩田遽欲勸導興築恐此等窪下之區原皆留以潴水今若任

民圍田設遇水勢盛旺不溢而為上游之患即漫圩而過衝潰必多又安在其為利民耶雖謂附近居民原所樂從並非強令興舉但小民惟知占地之近利豈能深計全局況今年甫獲豐收民力未甚寬裕地方官正宜體卹未便概責以力役趨事此與數郡民生大有關係陳宏謀在督撫中頗能勇往其病不在畏難但恐遇事過銳且不免市惠得名之意地方政務但一有成見則於事理機宜必不能允協摺內已就各條隨處指示其籌辦此事實任情形非詳加體勘難以懸定著交與尹繼善會同該撫再行悉心查看妥協酌議奏聞請旨尋奏詳查各屬地勢或應開溝洩水或應築圩衛田舊溝淤者量加挑濬舊圩缺者修補湖蕩留以蓄水禁民築圩阻遏水路並飭各屬次第辦理以三年為率不致急迫累民得旨如所議行甲午諭鑲白旗蒙古副都統卓木布現在軍營其員缺著額

爾奇木署理○諭軍機大臣等近因阿克蘇辦事需人。已命永貴前往計此時已得旨起程。其開展等處屯田事務著定長總辦○乙未。

上御乾清門聽政○詣

皇太后宮問安○幸豐澤園射命布魯特諾起等從觀

上連發十一矢皆中的○諭曰李因培現任江

蘇學政王會汾著署理大理寺卿○又諭據

莊有恭奏楚省承緝接緝例應按年彙題之案積漸遲延現將乾隆十八十九兩年案件於歲內題報其逾年空缺之案於二十四年一歲三題等語命盜重案雖在四叅以後接任各官有照案緝拏之責是以定有議處議敘之條以示懲勸乃定例綦嚴而地方官視為具文竟將每年應行彙題之案遲至四五年之久尚未題報該省之急玩廢事一至如此殊出情理之外而部科諸臣職司稽查叅

劾又何以置若罔聞則現在所稱分曹承辦者更為何事國家設官大小相統內外相維之義顧安在耶比年來承審命案多以人犯患病事故支延時日經朕指駁徹底查辦聞冗之員稍知儆戒直隸一省其明驗也楚省事件較之繁劇省分尚當有間今節年玩愒因循各任上司及地方官所司何事此案著莊有恭即速併年催辦並逐一查明按各官歷任月日分別題叅議處不得稍為寬縱朕日理萬幾惟兢兢業業以政事廢弛為戒內而部院外而督撫諸臣俱膺委任重寄宜其仰體朕心力圖振作何至塵案累累日積日多一省如此他省可知當交刑部將各省彙題之案逐一清查今據查出相沿遞遲一年者則有江西甘肅二省雖曾補題仍遞遲一年者則有直隸安徽廣西陝西四省雖曾併題仍遞遲二年者則有河南一省可見向來陋習相沿毫無振刷已非一日不可不嚴加

整頓。所有歷任遲延之各該督撫臬司等官。及未經查覈之刑部掌司各官。俱著交部議處。至此等案件。向來吏部如何會稿。及科道衙門。是否註銷。亦著查明交部分別察議。再披閱刑部查出歷年條例。其中尚未允協。如索柱所奏。則接任各官。代人受過。輾轉無窮。因為過當。即如張楷所奏。又使承緝本員。以一經彙題。便得却責。不肯盡力緝捕。亦失之太寬。嗣後承緝官。有雖經四叅。本身不至離任者。應仍入於彙題。按年照例議處。以專責成。其接任代緝人員。既經彙叅一次之後。即予免其續叅。以示區別。則情法均為允當矣。將此通著為例。○鑲黃旗滿洲都統和親王弘晝等奏。閱兵舊例。首隊前鋒。分八排。立中轟下。次隊護軍。與驍騎營兵相間。按旗斜列。首隊左右為翼隊。查前鋒護軍。乃簡練之兵。非驍騎可比。首隊較二隊尤要。請將首隊兩翼。改用護軍。二隊用驍騎。移二隊護軍於首

隊。首隊驍騎於二隊。首隊勻出驍騎。添為二隊。左右翼與首隊相稱。再首隊列次。九百八十四丈。翼隊二百二十丈。其列過長。翼隊斜立。黃幄不能盡見。請將首隊裁為六百五十四丈。用前鋒八百八十二人。護軍一千九百六十四人。翼隊裁為一百丈。用護軍六百八十人。共裁護軍二千五百四十五名。至首隊前鋒護軍。及翼隊護軍等。應俱令乘馬。共需馬三千六百二十六匹。除京師八旗拴馬二千匹外。不足。應令兵部交直隸餉養馬內派撥。散給八旗前鋒護軍等拴養備用。再向例放連環鎗礮畢。九隊兵及火器營藤牌兵。成列前進。鳴金齊退。大閱原使兵練習武藝。今前進旋退。未見精銳。請嗣後放連環鎗礮畢。鳴金。伐鼓。令藤牌兵四百名出舞。舞畢。火器營兵前進。放鎗而退。首隊騎兵繼出。翼隊隨進。首隊兵鳴畫角。翼隊左退右。右退左。首隊兵呼噪前進。益覺整齊。再為殿之滿洲火器營

向例每旗派烏鎗護軍馬甲及礮手各二十名出隊今首隊兵俱乘馬步兵同出不能整齊應停從之○以吏科給事中海明為內閣學士兼禮部侍郎○蠲歸化城善岱地方本年霜災地畝應徵錢糧並緩徵舊欠米穀○四川毛革阿按寨土千戶王乍故以其孫沙架襲職○丙申

聖祖仁皇帝忌辰遣官祭

景陵○

上詣

奉先殿

壽皇殿行禮諭軍機大臣等富德見兆惠調取馬匹之咨隨行文永貴等於新派四千兵內先到之索倫一千名暫行駐候將健銳營察哈爾兵丁乘騎之馬揀選三千匹交照看索倫兵大臣等送至阿克蘇伊仍帶舊兵之有馬者二十人過巴爾渾嶺徑攻喀什噶爾富德籌辦機宜頗屬盡心竭力但阿里衮業經送馬

起程新兵亦過闡展富德仍遵旨趨行與兆惠會合攻克葉爾羌再取喀什噶爾亦可至運送糧餉長途頗屬不易前諭永貴舒赫德等或於阿克蘇等處回人取用給以價直事若可行即寬裕豫備○又諭曰努三等奏稱偵知博囉托羅海有瑪哈沁賊衆藏匿蘆葦中即領官兵往剿巴圖魯侍衛老格自車布登扎布隊內前來即領兵協助擒獲賊衆收取馬匹等語伊等此次行走殊屬効力努三著賞緞三端永德老格賞緞各二端索倫署營總固寧保署叅領阿布達察署防禦綽勒頗勒圖原任協領革職効力之扎庫齊察哈爾署驍騎校布顏圖厄魯特嚮導巴桑賞緞各一端其隨往兵丁各賞一月錢糧○又諭曰富德將副都統鄂博什瑚爾起等懇請隨往回部之處陳奏伊等及索倫官兵効力西路有年今既新派官兵毋庸前往仍著鄂博什瑚爾起帶領各回游牧○丁酉

上詣

皇太后宮問安。幸圓明園。阿克蘇辦事頭等侍衛舒赫德奏十月二十日。將軍兆惠差索倫領催阿勒丹察披甲扎奇勒圖來至阿克蘇。送到將軍文書。并愛隆阿移文。內稱。因捉生詢問。知霍集占牧羣。皆在南山。領兵往攻。至葉爾羌城外。見賊衆阻河為陣。因度橋攻。勦過兵甫四百餘。橋斷。賊衆四合。將軍奮擊。兩易馬。俱中鳥鎗斃。面及脛俱得傷。幸不甚重。我兵力戰。浮水至營。又來馬步賊萬餘人合圍。我兵雖有勦殺。以無馬不能衝突。遂掘濠結寨。賊亦結寨相持。計軍需馬駝尚可供兩月之食。惟軍器火藥不足。因被圍後。乘夜前行。遇愛隆阿之兵。令其先來通信等語。伏思霍集占暫爾跳梁。終歸殄滅。此時宜速行策應。軍營計新調官兵四千名及趕送馬三千匹。漸次到來。臣與愛隆阿。一面探聽。叅贊大臣富德兵至何處。一面選派兵馬趕赴。

葉爾羌。其阿克蘇安設臺站。鎮撫回人等事。亦即酌量情形。辦理諭軍機大臣等。據舒赫德接到兆惠行文。知我兵深入。逆賊霍集占等恃其黨衆。敢於合圍拒敵。殊可憤恨。即當前往策應。叅贊大臣富德業經領兵前進。著授為定邊右副將軍。阿里衮愛隆阿。福祿舒赫德。俱授為叅贊大臣。無論何隊兵丁。惟擇馬力有餘者。作速前往。其攻取回城。擒獲賊首。自不遽責伊等。惟應援兆惠為要。至兆惠領兵深入。雖未免有輕賊之心。亦恐朕責其怯懦。若當日令伊暫駐阿克蘇。候兵馬齊集。當不至此。然於現在情形。亦未為失策。朕豈肯加之責備。此時惟堅守以待援師會合。回至阿克蘇。整頓兵馬。再圖大舉。又富德前奏副都統鄂博什瑚爾起懇請前往回部。朕因伊等在軍營年久。仍命撤回。今值用兵之時。著准其前往。富德仍酌量賞給。具奏。至阿里衮所奏馬駝。亦經富德奏請先儘索倫兵一

十名乘騎以期速到若阿里衮起程在前而官兵追及時即可給與乘騎可傳諭伊等惟計兵馬同抵軍營方克有濟併傳諭黃廷桂將所奏豫備馬二萬匹加意養養吳達善五吉等不必回巴里坤仍速赴哈密豫備糧運又諭曰舒赫德現駐阿克蘇城安撫回衆甚為緊要前以軍營糧運宜多為措置有或向回人等購貯酌給價值之諭此時宜向伊等以此舉毫無擾累明白曉示庶不致滋生事端舒赫德既領兵前進著永貴速赴阿克蘇辦事至愛隆阿領兵不及五百若應援將軍亦徒損國威無益於事今暫回阿克蘇尚無可罪惟奮勉以圖後效索倫阿勒丹察等頗屬奮勉阿勒丹察賜號什倫哈什哈巴圖魯扎奇勒圖賜號賽音伯勒克圖巴圖魯賞銀各一百兩又諭據將軍成衮扎布奏稱已故扎薩克頭等台吉普爾普車凌現在絕嗣請照伊母所請令公旺沁扎布子沙克都

爾扎布承襲仍隨旺沁扎布居住等語沙克都爾扎布著如恩令其承襲扎薩克頭等台吉附入公旺沁扎布旗分併令奉養普爾普車凌母妻用心管束屬人戊戌

上御山高水長幄次賜右部哈薩克使臣卓蘭等宴○諭軍機大臣等據施廷專奏崇明縣刁佃抗租燒燬草房經該縣及營弁等查拏有鄉民聚衆拒捕毆傷差役兵丁先後拏獲茹六鬍子等犯咨明督撫辦理等語刁民藉詞抗租已干嚴禁乃於官弁查拏時輒敢夥聚多人執持竹篙拒捕毆傷兵役尤屬兇頑不法尹繼善陳宏謀何以均未奏到著傳諭該督撫將案內拒捕各犯嚴行究治以懲刁風毋得稍存姑息又諭據舒赫德奏到軍營情形看來辦理回部必須整齊兵力於來年回人收穫時再行進剿昨已傳諭黃廷桂豫備馬匹其糧運一事亦當加意籌畫再從前兆惠因輕騎進剿將所辦攻城礮位停止

運送。但來年大舉。恐尚需應用。併傳諭黃廷桂。仍將從前鑄成礮位。及辦造之物料。工人陸續送往阿克蘇。以備軍營調取。○又諭據吳達善奏稱。應送開展等處之農器籽種。已經陸續運往等語。近因辦理回匪。尚未竣事。解運軍需。甚為緊要。著寄信吳達善。此時不必運送農器。酌量所有駝隻。將米麵等物。迅速解往。多多益善。將此一併傳諭黃廷桂知之。○戶部議准。雲南巡撫劉藻疏稱。小東界鐵廠。砂炭已盡。應即封閉。從之。○湖廣總督碩色。署湖北巡撫。莊有恭等奏。拏獲逆犯朱尚柄之子朱維元。金月倩之子金見仁。於金見仁家搜獲逆書。將該犯并家屬俱分別處決。治罪如律。下部知之。○旌表守正捐軀之福建詔安縣民游益妻李氏。

大清高宗法天隆運至誠先覺體元立極敷文奮武孝慈神聖純皇帝實錄卷之五百七十四

大清高宗法天隆運至誠先覺體元立極敷文
奮武孝慈神聖純皇帝實錄卷之五百七十五

監修總纂官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次出慶桂

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部工部事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

教修

乾隆二十三年戊寅十一月己亥。

實錄卷五百七十五

上詣

皇太后宮問安。還宮。諭春秋書日食不書

月食。古聖克警天戒。惟是為兢兢。茲者季冬
之朔。日食至八分之多。望日又值月食。斯不

得以不書為解。而一月之間。雙曜薄蝕。災莫

大焉。我君臣當動色相誠。側席修省。念邇年

來西陲底定。殊域來歸。克奏膚功。皆仰賴

上蒼福佑。在朕宵旰殷懷。無刻不以持盈保泰

為惕。並非出於矯強。亦中外臣民所共知。第

人情當順適之時。檢持或有未至。昔人所稱
人苦不自知。良非虛語。夫

天心仁愛。人事宜修。倘用人行政之間。有所闕

失。而不力為振飭。何以裨政治而召休和。在

廷諸臣。共勸治理。寅恭夙夜。宜有同心。著傳

諭大學士。九卿。科道等。各抒所見。據實敷陳。

無有隱諱。若因此旨而徒撓拾浮言。毛舉細

故。甚且鋪張稱頌。轉貢諛詞。則不獨負朕求

言之苦衷。即清夜捫心。能無內愧。應

實錄卷五百七十五

天以實不以文。朕於諸臣有厚望焉。○又諭曰。

達勒當阿公爵。著阿里衮承襲。○諭軍機大

臣等前經降旨。令黃廷桂將各省承辦分餉

駝馬各官兵。或有賠墊之處。應行賞給完免。

據實查明具奏。今將兩月。尚未據該督奏到。

現在軍務未竣。將來尚需籌辦馬匹。所有各

營承辦馬匹官兵。宜加體卹。再傳諭黃廷桂。

令其詳細查明。即行奏聞。候朕降旨。以示格

外優卹之意。○又諭曰。將軍兆惠等被圍。亟

需策應。今擬分兵兩路。一路由阿克蘇。烏什。一路由特穆爾圖諾爾。夾攻逆賊。特遣侍衛官長保。瑚圖禮等。馳驛往鄂爾坤。於達什達瓦游牧。挑選兵丁一千名。或八百。五百名。俱可。令總管鄂齊爾等帶領。由阿濟必濟前往西路。會合巴祿之兵。來年從特穆爾圖諾爾進剿。可傳諭成衮扎布。將現在軍營馬匹。辦給。如不足。或於德沁扎布等所屬馬匹內。通融措辦。給與價直亦可。其賞給伊等銀兩。已

平定縣志卷五十五

三

交官長保等帶往。○又諭曰。都賚著馳驛前往西安。署理將軍印務。揀選滿洲官兵二千名。著將軍松阿里帶領。前往烏嚕木齊。其應得各項銀兩。俱照例辦給。○又諭曰。舒赫德奏稱。阿克蘇回人等。現俱安靜。毫無可疑。所有通葉爾羌。喀什噶爾。要隘。俱安設卡座。其應交糧米。亦令其作速辦納等語。所辦殊合機宜。昨已命為叅贊大臣。今又授為副都統。宜加意奮勉。至今回人交納糧米之處。仍遵

平定縣志卷五十五

四

前諭曉示。以內地糧運陸續即至。將來或仍還本色。或給與價直。斷無絲毫擾累。仍不可稍露防範情形。如得有軍營信息。作速奏聞。○又諭。昨諭阿里衮。所送馬匹。務與各隊官兵相值。同抵軍營。伊既為叅贊大臣。則所遇各隊官兵。俱可酌量指示。或令與原馬替換乘騎。或馬步相兼行走。以息馬力。總應相機辦理。若但以速到為事。催促趲行。一抵阿克蘇。即已疲乏。更屬無益。伊前聞軍營調馬之信。即親身趲送。頗屬奮勉。今又命其承襲公爵。可傳諭阿里衮。更當奮勉行走。其帶領新調官兵之福祿。訥齊訥。豐訥亨等。亦當愛惜馬力。以期進剿無誤。俱著傳諭知之。○又諭。昨諭富德。將鄂博什。瑚爾起。仍帶往回部。酌量賞給具奏。此等官兵。久在軍前。勤勞可念。著照初次出兵之例賞給。又吉林革職協領兆齊。從前追襲善披領集賽等。致賊逃脫。今在烏嚕木齊。隨努三勒殺瑪哈沁。頗屬奮勉。

并傳諭富德。將兆齊酌量委署職銜。令於軍營効力。○賜右部哈薩克阿比里斯等勅書曰。

皇帝勅諭右部哈薩克汗阿比里斯。汗巴巴等。爾等遣使卓蘭。博索爾瑞等。於行宮朝覲。朕加恩筵宴。復隨駕入都。重申宴賚。念爾阿比里斯等。遠在外藩。若照內地扎薩克。授以爵秩。恐爾等有拘職守。仍依爾舊俗。各安游牧。庶無擾累。爾等如遣使入覲。朕自加以恩賚。

一切事體。已面諭來使卓蘭等。回抵游牧時。想宜領悉。其賜爾阿比里斯衣物若干。使臣到日。爾其祇受。又賞來使等衣物若干。及使臣隨僕等市易物件。共賞銀千兩。又聞爾汗巴巴。當侍衛等入境時。不在游牧。故未遣使。亦加恩酌賞衣物若干。俱諭爾等知之。嗣後勉抒誠悃。永享無窮之福。特諭。○兵部議准。閩浙總督楊應琚。福州將軍新柱等奏。裁汰駐防漢軍額缺。挑補滿兵事宜。一在京八旗。

滿洲。蒙古。漢軍。另記檔案開檔人等。前已派頭二起來閩。裁缺即令滿兵頂補。不必由京補額。將來人數不足。另籌請旨辦理。一另記檔案開檔各兵來閩後。無論滿洲。蒙古。漢軍。應俱照旗色。各歸該旗滿員管轄。至關支錢糧。馬乾。派撥差操。均照現駐滿兵例辦理。其人材弓馬可觀者。挑補前鋒領催。不准挑驍騎校。一福州駐防在前漢軍。及現在滿兵內。前鋒領催馬匠。各兵扣存馬價。遇事應賞給各兵。仍於新兵名下另行扣存。將來另記檔案開檔各兵出缺。裁汰。應照例給還。從之。○庚子。諭。江省崇明縣刁佃姚八等抗租。燒燬業戶草房。并拒傷兵役一案。前據施廷專奏到。已降旨交該督撫等嚴行究治。以儆刁風。今閱陳宏謀摺。摺內情節。未免有聽任州縣官。掩飾迴護之意。地處邊海。鮮知禮法。既有扯毀縣丞轎衣。並竿截守備馬匹之事。人言藉藉。而該州縣尚稱未聞守備縣丞說及。是其

有意徇隱情弊顯然。即當嚴行叅處。而陳宏謀亦但以殊難憑信。含糊其詞。豈整飭地方者所宜出此試思此案。如果並無毆官情事。則前此施廷專何以入奏。且陳宏謀亦何自而聞之乎。此種匿飾陋習。斷不可長。摺內雖會同尹繼善看來。不過循例會銜。未必出於尹繼善之意。此案著尹繼善會同該撫。仍遵前旨嚴行查辦。毋得稍存姑息。其諱飾之州縣官。著查明嚴叅議處。陳宏謀著一併交部察議。○諭軍機大臣等。三寶等前經呈報達什達瓦屬人窮蹙情形。深可憫惻。已諭將存貯籽種三百石。全行散給。又布林等告稱。伊等情願向內遷移。承受恩澤等語。伊等既願內移。則來年交春後。三寶即率領伊等。量力行走。至熱河居住。但計遷移之前。為日尚多。僅給籽種。亦不敷食用。是以從伊游牧。選兵一千名。前往西路。不但入選官兵優加賞給。即其餘人等。亦酌給三分之一。庶伊等普霑

恩賚。不致拮据。似此格外施恩。特因伊等自遷移游牧以來。感戴朕恩。安靜守分。將來支給錢糧。更於生計有益。可傳諭三寶。將此曉示布林等。俾眾皆知悉。○又諭。現在派調西安滿兵二千名。前往烏魯木齊。此項官兵。若未經豫備馬匹。即照辦送健銳營兵丁之例。辦給車輛。即使馬匹足用。亦不妨仍用車輛。俾有餘力。可傳諭黃廷桂。鐘音。即為豫備。○又諭。據綽勒多等奏稱。安插呼倫貝爾地方之杜爾伯特台吉班珠爾。希圖庫噶勒雜特之得木齊根敦達木拜。明噶特之巴蘇台等一百四十七戶。伊等戶口甚眾。一時不能辦給產業牲畜。請每二戶。合給農器價銀一兩。麥種一石。耕牛一頭。每一頭。折銀八兩。令其耕種。以資養贍等語。著照所請辦理。但此等厄魯特。習於貪饕。不知儉省。著傳諭綽勒多等。俟賞給伊等後。務加意約束。毋使浮費。○又諭。據集福奏稱。孟固勒津部落烏爾津策

塔爾扎烏土百戶吹塔爾等交納馬匹銀兩。至青海之伊瑪圖地方。為郭羅克賊匪刦奪。已咨川督查辦。再頭等台吉納木錫哩等四扎薩克。因避郭羅克賊匪。棄其舊游牧內徙。等語。烏爾津等。本年應交銀兩。既被刦奪。著加恩寬免。郭羅克賊匪行刦。集福既咨行川督。開泰自必查辦。至納木錫哩等扎薩克。應各居伊等舊游牧。若有郭羅克賊匪。搶刦牲畜。即派人設卡防守。何得遽行內徙。著寄信集福。曉諭青海扎薩克等。令其退居舊游牧。於郭羅克經過要路。設卡防守。遇賊奮力擒剿。俾知儆惕。○又諭。據集福奏稱。巡查青海扎薩克等游牧。今歲雨澤透足。水草豐美。牲畜肥壯。所有扎薩克蒙古等。俱安居樂業。等語。覽奏欣慰。青海扎薩克等。近年並未出兵。今歲復值雨澤透足。牲畜肥壯。購買馬匹。諒必易得。著寄信集福。即赴青海。曉諭衆扎薩克等。於伊等馬匹內。挑取肥壯者。或二千匹。

或一千匹。按數給價。解赴肅州。以備需用。吏部右侍郎石柱故。以副都統舒赫德為吏部右侍郎。○貸吉林三姓地方。本年水災飢民。○辛丑。

上詣

雍和宮行禮。○詣

皇太后宮問安。○定邊將軍兆惠等奏。十月初六日。派兵二千餘名。整隊進剿。至葉爾羌城東北五六里。見高臺一座。上有騎賊四五人。

據伯克霍集斯云。臺前及近城。俱掘大坎。埋伏賊人。臣等領兵奪臺。坎內賊放鎗拒戰。我兵衝敗。躍坎追擊。直至城下。賊於兩門內。各出四五百騎。接戰三次。敗走入城。至日暮。臣等收兵。此次射斃賊人二十餘名。帶箭逃去者無算。我兵得傷者十九名。尚無損折。臣等察看賊衆情形。其出城伏兵。俱係厄魯特布魯古特。間有從伊犁帶來回人。計可以出戰者。止二三千人。賊馬雖有四五千匹。堪用者

不過千餘。臣等兵少。圍城恐賊逃竄。因將攻城兵撤回。在附近有水草處休息馬力。派兵於痕都斯坦。巴達克山。土默特等處。徵賊去路。賊如固守不出。則不時分兵侵擾。以計離間。布拉呢敦。及貿易回人等。俟賊內潰。乘機攻取。諭軍機大臣等。據兆惠奏稱。官兵攻城。射賊衝擊數次。賊衆披靡。我兵雖有得傷者。幸無損折等語。官兵奮勇勦賊。殊屬可嘉。兆惠。額敏和卓。及領隊大臣。侍衛。官兵等効力。及得傷者。俱交部照例議叙。昨據舒赫德奏報。兆惠行知愛隆阿文書。朕即傳諭各隊官兵。速往應援。兆惠此時即尚未突圍而出。計日援兵會合。自必無虞。可傳諭舒赫德。於領兵進發時。馳送兆惠知悉。至兆惠從前奏報。一月內可到。此次遂隔四旬。想阿克蘇以外臺站。必有稽遲。著舒赫德查明具奏。又諭曰。兆惠奏稱。攻取賊城。攔牌甚為有益。從前伊在四川試看。烏鎗不能穿透。約重五六十

觔。一人可以手舉。如用車輪推送。足以擁蔽雲梯等語。原任副將胡大勇。曾於金川用兵時。監造攔牌。可傳諭黃廷桂。詢問胡大勇。令監造一百面。由驛站送往軍營。或胡大勇外尚有熟諳攔牌工料者。亦不妨就便詢問。令其監造。又諭曰。舒赫德奏稱。有居住烏什之布魯特。特穆爾占。與布魯特頭目等熟識。擬派侍衛布瞻泰同往。發兵攻擾喀什噶爾。以分賊勢。又有現在和闐城之吉林哲魯善。曾領回人來見。擬知會伯克鄂對。若回人願同擊賊。即酌量鼓勵。再探取兆惠信息。亦派索倫兵三薩保等六人前往。等語。辦理俱合機宜。但兆惠被圍。雖據差來人等。謂可守至正月。而策應究屬緊要。舒赫德曾奏得兵一千。即速往援。然兵不厭多。千人未免稍弱。可傳諭舒赫德。於新調官兵內。量抽一二千續進。亦不妨待後隊齊集。再行進發。以節馬力。至哲魯善。招降克里雅之伯克阿里木沙等。

頗屬効力。著加恩授藍翎侍衛。帶來回人。即酌量獎賞。○又諭曰。永貴等奏稱。看守哈喇沙爾等處臺站之喀爾喀等兵丁。請照富德所奏之例。撤回游牧。以綠旗兵抵補等語。前諭撤回年久兵丁。係專指軍前進勦者。並未及於臺站。即使應行更換。亦應俟新派兵丁到日交代。乃先將蒙古兵全撤。以綠旗兵抵補。所見殊昧事機。可傳諭永貴等。所有臺站兵丁。仍令其照舊居住。無庸更換。○直隸總

督方觀承奏。據按察使喬光烈詳報。將收買陵樹之閔世福。段明。與竊樹正犯季大漢等質訊。該犯等委非知情故買。但始則不問而買。聞拏復行掩埋。未便輕縱。應發邊衛充軍。其季大漢等。已遵旨正法。至徐大。審明實未為賊。應即釋放。從之。○壬寅。諭曰。福建福州等府屬之長樂等八縣。入秋以來。雨澤未能普遍。間有歉收之處。雖勘不成災。濱海貧民。生計未免拮据。著加恩將福州府屬之長樂。福

清泉州府屬之晉江。南安。惠安。同安。漳州府屬之漳浦。詔安等八縣。歉收田畝。應徵錢糧五萬二千餘兩。米四千餘石。緩至明年麥熟後徵收。其上年歉收緩徵。應於今年麥熟後徵收者。除已完納外。其未經徵收者。查明於明年起分作兩年。一併帶徵。以紓民力。至此內如有實在無力農民。著該地方官。於社倉內借給麥本。以資力作。俟來年秋收後。免息還倉。以示加惠。濱海貧黎至意。該部即遵諭

行。○又諭曰。新柱奏稱。福州滿營內。有民人開鋪攜眷居住者。應逐戶查明籍貫。年貌。戶口。生理。造冊。并繕門牌。與旗員一體稽查。再滿營各廟內。暫住流民。亦繕門牌。交地方官飭令僧道官一體管轄等語。此奏甚是。福州省城。既有此等民人。其餘駐防省城。想亦有之。當一體查辦。著交該部。將新柱原摺。鈔錄行文各省將軍大臣等。俱照此辦理。○諭軍機大臣等。兆惠奏稱。伯克托克托之弟總管

阿布都賚伯克霍集斯之屬人阿里木布魯特烏默爾額敏和卓之護衛沙丕呢雅斯等奮勇勦賊已分別獎賞翎頂緞疋等語霍集斯甫經歸附即率屬奮勉殊可嘉尚著加恩封霍集斯貝子品級俟回部蕩平再加恩賞其額敏和卓等俱著交部議敘○又諭曰舒赫德昨請領兵應援已諭永貴駐劄阿克蘇辦事倘此時未到或於阿里衮福祿中酌留一人即領隊之豐安豐訥亨等留一人駐劄亦可伊此次辦事頗屬妥協今又領兵前進著加恩賞戴孔雀翎再帶領健銳營第五隊之侍衛那林報稱途遇舒赫德差遣催督官兵之西蘭保阿林保等并傳諭舒赫德伊等既奮勉行走可酌量獎賞○又諭據桑寨多爾濟奏稱公恭格敦丹前往會同俄羅斯之畢爾噶底爾辦理特古斯痕事宜畢爾噶底爾因檔案未全請俟來年與將軍會辦等語會辦事件應酌量品級我之將軍係總理邊

務親王與畢爾噶底爾品級相懸豈可會同辦事著寄信桑寨多爾濟令其移咨畢爾噶底爾特古斯痕事宜每年俱係我處派往官員與畢爾噶底爾辦理若欲與我將軍會辦應遣托博勒之呼畢爾納託爾等大員前來伊等若果遵依桑寨多爾濟即赴恰克圖地方與伊等大員會辦否則仍令恭格敦丹前往○是日起

上以冬至祀

天於

圜丘齋戒三日○癸卯諭陝省延榆綏三府州屬今歲偶被偏災其成災地畝業經照例蠲緩及歷年借欠牛具倉穀並降旨分別豁免帶徵其未經成災收成六分以上之各州縣錢糧倉穀例應照舊徵輸但災地毗連收成歉薄民力未免拮据著加恩將未經成災之神木膚施保安榆林葭州清澗等縣應徵上年舊欠錢糧緩至明年麥熟後徵收其本年

應徵錢糧於明年秋後起徵。至延安府屬之安塞。延長。延川。安定。甘泉等縣。新陳借欠倉糧。著一併緩至明年麥熟秋成後。分別新舊次第徵收。以紓民力。該部即遵諭行。○又諭西北兩路臺驛弁兵。連年馳遞軍報。頗屬迅速奮勉。宜加獎賞。以示鼓勵。著該督撫飭令專管臺站之大員。逐一查明。將作何分別賞賚之處。詳悉議奏。候朕降旨加恩。○諭軍機大臣等。現今將軍松阿哩。帶領西安滿洲兵二千名。前赴軍營。已有旨交黃廷桂。鍾音。由驛站遞送。但由陝至甘。由甘出口。沿途需用車輛驛馬。恐一時雇辦。不無拮据。河南省現無應辦之事。且與西安接壤。巡撫胡寶瑤。前次辦理送兵事宜。亦所熟諳。可令胡寶瑤於豫省豫備車輛驛馬。約計足供二千兵丁之用。星即委員解赴西安。儘力遞送前進。其西安所辦腳力。又可以次接濟甘省。則黃廷桂。吳達善。俱須料理征兵自甘出口之事。更可

妥速無誤。但兵丁自西安起程。本係鍾音分內應辦之事。今令胡寶瑤協力攸助。蓋專為甘省所辦差務甚多。必需彼此通融。使有餘地。可以集事也。鍾音不得因有此旨。遂卸責於胡寶瑤。而遽自弛其力。仍致甘省辦理竭蹶。至河南車驛。一入陝境。所有需用草料等項。即應豫飭地方官妥速應付。其自西安至甘省一路。亦即先期料理。不致缺乏。並與甘省督撫。即行咨商經理。其河南車驛。若可多送數站。更為有益。應於何處再與陝西車輛接換。送往甘省之處。令胡寶瑤。鍾音。各自酌量承認。總以不致遲誤為妥。伊等接到此旨。即行遵照速辦。一面奏聞。若必俟會商具奏。請旨遵行。則緩不及事矣。將此速行傳諭知之。○又諭。據巴祿奏稱。捉生詢問。知阿巴噶斯。哈丹。餘賊。欲投俄羅斯。因揀選兵馬。同圖倫楚達禮善等。輕騎追襲。餘兵交與敏珠爾多爾濟。搜捕瑪哈沁等語。阿巴噶斯等。餘孽

無多。伊等兵已足用。前諭新派索倫兵五百。既未必能趲赴巴祿之隊。而富德又現往阿克蘇。可傳諭富德定長。伊等從烏魯木齊往阿克蘇。沿途遇見此隊兵丁。即帶領行走。如富德已過定長。即令其速行趲赴。再前諭巴圖濟爾噶勒。同巴祿搜捕逸賊。後再往回部。今應援將軍。甚屬緊要。亦傳諭巴圖濟爾噶勒。速赴富德軍營可也。○甲辰。

上詣

南郊齋宮齋宿。○叅贊大臣阿克蘇辦事侍郎舒赫德奏。十月二十五日。將軍兆惠遣三等侍衛伊薩穆。驍騎校扎布敦察。獎賞藍翎馬甲五十保。沙津察烏克什勒圖等五人。齋奏稿至阿克蘇。交臣繕寫具奏。并令臣帶兵接濟。臣詢問伊等。緣將軍被圍。伊等晝夜突圍而出。遇賊來追。奮力射退。始得至此。其五十保更曉事體。臣令其馳驛赴巴里坤。催趲兵馬。再臣前接愛隆阿移文時。即差署把總蘇

由福迎探信息。今取得回文云。十月二十日。至托罕塔罕。有賊六七百人。突出接戰。與署總兵定柱勦賊百餘人。餘賊敗走。擒獲帶傷賊人詢問。據供係布拉呢敦。霍集占等遣喀什噶爾伯克哈三愛的爾會合多倫回衆。謀搶巴爾楚克等處臺站。托罕塔罕臺站被搶。餘尚未動。適接貝子玉素布來文。調綠旗兵五百。前往烏什防守。臣因令愛隆阿將所帶綠旗兵就近派往。其所調賽哩木等處綠旗兵。留於阿克蘇。以備進剿。至轉運軍糧。并解送弓箭等事。臣現在趕緊催辦。定邊將軍兆惠等奏。臣等詢問俘獲賊人。知霍集占牲畜及沙喇斯戶口。俱在城南英我奇盤山。謀收取以分賊勢。又因納木扎勒。三泰等將到。派副都統愛隆阿署總兵定柱。帶兵八百名。前往堵截。喀什噶爾來援要路。并巡查臺站。候納木扎勒等到。派兵送至軍營。臣等渡河。向葉爾羌城南進兵。十月十三日。有賊兵迎出。

約四五千騎。步賊在後并溝內排立。臣等領兵衝突賊陣。騎賊敗走。步賊放鎗拒敵。臣等正在奮擊。賊又從兩翼夾攻。因馬力不能馳驟。回保大營。被賊截為數處。互相攻擊。賊遂四面合圍。我兵殺賊雖多。陣亡者亦百餘人。總兵高天喜原任前鋒統領。侍衛鄂實原任副都統三格。侍衛特通額。俱歿於陣。現在騎賊數千人。步賊亦多。與我兵接戰五晝夜。臣等固守大營。相機剿殺。口糧尚可支持一兩

月。臣等前因阿克蘇烏什既定。擒獲渠魁。機不可失。遂不暇計兵多寡。馬力如何。輕敵妄進。臣兆惠罪實難逭。然策應之兵。年內齊集。尚可合力攻剿。諭據將軍兆惠奏報。領兵抵葉爾羌城。逆回堅閉不出。當用精兵挑誘。擊敗賊人。其負傷而遁者甚多。恐由別路逃竄。旋渡河分兵堵截。霍集占悉其醜類。圍我大兵。現已飛劉舒赫德。令其帶兵接濟。此皆臣輕敵妄進。罪所難逭等語。辦理回人一事。原

以賊首霍集占等。向為厄魯特拘囚。阿布噶斯之地。自大兵平定伊犁。出諸陷穽之中。俾仍長其舊地。何啻起死肉骨。而狼子野心。不知感戴生成。輒敢負恩反噬。甚至戕害前此將軍所遣之副都統阿敏道。並隨從百人。若不興師問罪。何以振軍威而申天討。此非朕之好大喜功。窮兵黷武也。迨我師已得庫車將軍兆惠。勒兵前進。風聲所過。如阿克蘇烏什等城。皆相繼傾心歸化。其回部大頭目霍集斯。伯克等。復向官軍投順。願効前驅。惟賊首霍集占奔竄葉爾羌。是以將軍兆惠率師乘機直入。彼時若令兆惠暫且留駐阿克蘇城。俟後隊到齊。然後併力進取。則自此發旨到日。已屬不及。然此不過身處局外者事後好為議論。則可耳。揆諸用兵機宜。兆惠尚為有進無退之良將也。且我滿洲官兵所向披靡。從來無敢抗敵。即如今夏兆惠。富德等。分兵略地。所領僅及千人。而左右哈薩克東西

布魯特各處回衆。不煩攻勦。不待招降。早已
爭先納款。其回部一路之阿克蘇等城。聞官
兵一到。亦無不勢如瓦解。將謂乘勝長驅。直
入葉爾羌。喀什噶爾亦屬甚易。則向來之輕
視逆回。乃朕之誤。又何忍以妄進輕敵為非
惠之責乎。此蓋數年以來。平準噶爾降左右
哈薩克。東西布魯特。實為極盛之會。而默默
中有此佳兵之警。

上天仁愛之意。朕實欽承感謝矣。然霍集占當
屢經推挫之餘。本屬計窮力蹙。特因回至巢
穴。煽聚殘衆。苟且自延。而我兵晝夜馳驅。亦
未免馬力不足。以致一時困守待援。所幸先
事綢繆。朕於六七月間。即次第派遣索倫。察
哈爾。健銳營。及陝甘之綠旗兵。前往策應。馬
匹糧石。亦已籌運在途。若無此續往之兵。則
事誠危險。然其時初不知有兆惠。今日之奏
報也。可見

上蒼垂佑。默啟朕衷。朕實感悚。有此部署接濟。

約計現在可以陸續俱抵葉爾羌矣。兆惠等
得此兵力。其氣倍增。從茲掃穴犁庭。兜渠就
縛。庶幾上中國憲。下慰忠魂。軍務可告成事
矣。至於身膺閫寄。奮勇直前。計不返顧。乃我
滿洲大臣。從來敦樸舊俗。今將軍兆惠。統軍
深入賊巢。率衆渡河。鏖戰數次。志在滅此朝
食。自不暇輾轉。以為身謀。忠誠勇敢。朕實深
為嘉予。兆惠著由一等武毅伯。加二字。晉封
為武毅謀勇一等公。加賞紅寶石帽頂。四團
龍補服。以彰獎勞勸功之典。額敏和卓著賞
給郡王品級。霍集斯伯克著晉封貝子。加貝
勒品級。俱賞給寶石頂。四團龍補服。明瑞。溫
布。由屯。及在事之大臣侍衛等。俟兆惠到阿
克蘇城時。查明奏聞。加恩優敘。兵丁等著照
初次出兵。給與治裝銀兩之例。按名賞給。其
陣亡之高天喜。鄂實。三格。特通額。四人。奮勇
殺賊。盡瘁捐軀。深為憫惻。高天喜著照一品
大臣例。賞給卹典。鄂實。三格。各照伊原任前

鋒統領副都統特通額照頭等侍衛從優議卹其餘陣亡帶傷官兵著將軍等查明冊報一體分別賞卹將此通行曉諭知之○又諭曰鄂弼之兄二人現俱陣亡伊家並無大員著加恩授鄂弼為副都統○諭軍機大臣等兆惠等因勦賊被圍以輕敵自咎伊此次進兵甚屬奮勉復有何罪且凡事豈盡前知當我兵抵阿克蘇烏什皆望風歸順則葉爾羌喀什噶爾相繼投誠亦未可定豈必豫料其敢於抗拒而轉生退阻今各隊官兵應俱抵阿克蘇聲援既接內外夾攻賊圍必解兆惠等即暫回阿克蘇待來年厚集兵力一舉蕩平○此次進攻以勞取逸以少擊衆尚能屢敗逆賊堅守待援先聲所加賊已奪氣將來戡定大功皆基於此已諭加恩封兆惠謀勇公賜寶石頂四團龍補服額敏和卓伯克霍集斯明瑞由屯溫布等俱屬奮勉自必一體加恩可傳諭兆惠將効力之大臣官兵功次詳

悉紀錄俟回軍時奏聞其突圍送信之五人俱屬効力五十保又至巴里坤催調兵馬著授五十保為藍翎侍衛賜號卓禮克圖巴圖魯賞銀一百兩伊薩穆賜號固永巴圖魯扎布敦察賜號昆都爾巴圖魯沙津察賜號克爾車格衣巴圖魯烏克什勒圖賜號克什克巴圖魯各賞銀一百兩其舒赫德差遣効力之人亦著查明具奏至舒赫德領兵應援須得馬兵二千名綠旗兵二千餘名聲威始壯或派伯克霍集斯屬人同往以釋賊衆流言惟在相機辦理并於沿途勦殺搶奪臺站回賊愛隆阿定桂昨遇此等賊人即奮勇勦殺著同効力得傷官兵交部議敘陣亡者照例議卹併傳諭富德阿里衮及領隊大臣侍衛等遵照節次諭旨量力驅勉前進舒赫德所奏接續糧運解送弓箭等事亦傳諭黃廷桂清馥辦理○又諭曰永貴等奏稱喀喇沁藍翎侍衛達爾扎桑揭報固爾圖喀喇烏蘇臺

站被竊馬匹。追擒一賊。已祿訊係哈丹所屬。令臺站人等。不許妄報。請交富德查審等語。昨據巴祿奏稱。擒獲賊人察罕托克。訊知哈丹等餘賊。在齊爾等處藏匿。隨領兵前往追勦等語。是達爾扎桑所揭殊屬可疑。自應根究明白。已諭富德速行應援兆惠。不必交令查審。俟巴祿追賊轉回。會同定長。將達爾扎桑所揭情節。訊明具奏。○乙巳。冬至。祀天於

園丘。

上親詣行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。○遣官祭

孝賢皇后陵。

端慧皇太子園寢。○詣

皇太后宮問安。○諭軍機大臣等。據方觀承奏。東鹿縣民人張繩武等。被刦馬匹一案。摺內既稱。此項馬匹。於永定門報稅烙印。則其販馬屬實。並無別項情節可知。該督所奏。不無有徇庇屬員之意。此案若於初報時。即嚴行緝捕。賊犯必早經就獲。今遲至年餘。以致逸賊無蹤。此皆該地方官疎防懈弛所致。伊等平日所司何事。而乃疎懈若此。不可不加以懲儆。所有搶奪馬匹。即著方觀承。令該處疎防地方官。照數賠償。償給張繩武等收領。仍將該員等查明叅處。併嚴飭緝拏務獲。毋得任其玩延。再被搶之馬。多至四五十匹。何以一時刦去。竟無蹤影。或附近該處地方。必素有窩家分藏隱匿情事。該督一併密飭嚴行體訪速緝。勿令漏網。可將此傳諭知之。○又

諭辦理逆回一事。原謂今年可以竣事。是以降旨黃廷桂。令將豫備駝馬。惟聽將軍兆惠文到應付。今據舒赫德奏到。兆惠兵抵葉爾羌時。渡河打仗。頗有勦殺。因欲分兵斷其去路。又以馬力不足。逆酋霍集占。悉其醜類。約二萬衆。困我官兵。經兆惠寄信舒赫德。催取援兵。並令據札轉奏。現已降旨通行曉諭矣。前派察哈爾。索倫。健銳營等兵。此時諒已全抵葉爾羌。兆惠等得此接濟。如能勦滅霍集占。固屬省事。如一時不能就緒。必應全師回至阿克蘇等處暫駐。整兵再進。併力攻勦。查兆惠所帶之兵。約計當有四千。合之所派援勦之索倫兵二千名。健銳營一千名。察哈爾一千名。又現命松阿哩帶領西安兵二千名。其達什達瓦部內。尚可派兵千名。合之將來選派綠營兵丁。約計須得一萬五六十之數。於明春齊集進勦。所需馬匹正多。黃廷桂前奏。現在餵養馬匹。於明春可得二萬之語。可

傳諭黃廷桂。再令極力籌辦。多多益善。以備進勦調遣之用。至糧餉一事。尤關緊要。前已有旨。令其陸續輓運。該督不可不廣為豫備。以儲軍食。其應作何迅速籌畫。不致臨時周章之處。黃廷桂悉心妥協籌辦。一面奏聞可也。○又諭曰。將軍兆惠將來與援師合勢。回駐阿克蘇。整兵再進。期在來春。自當候辦理回部事竣。凱旋京師。至領隊大臣。為數尚多。明瑞即著馳驛來京。朕面詢軍前情形。不必以情願留軍効力。固執陳奏。○又諭。據福祿等奏稱。扎薩克達什朋楚克。副都統銜莫尼扎布。領兵將盜竊阿噶爾卡座馬匹賊首布爾古特。達嚕噶。哈拉布奈等八人擒獲解送烏里雅蘇台軍營。其為從賊匪十七人。俱行釋放。現飭伊等查拏等語。所辦甚是。可傳諭成衮扎布。再行嚴飭查拏務獲。其擒獲賊首之察哈爾。喀爾喀官兵。俱酌量獎賞。至達什朋楚克等。既獲為從賊人。即當報明將軍大

臣候示。乃擅自釋放。理宜議罪。姑念獲賊有功。從寬免其處分。○丙午。諭軍機大臣等。據富德奏稱。噶勒藏多爾濟舊游牧昌吉等處。聞有藏匿之瑪哈沁。遣額勒登額。老格等搜捕。索倫署叅領翁奇勒圖等。縛葦渡河。領催那木扎。厄魯特兵丁伊什。直入賊隊。生擒一人。叱衆投降。將厄魯特護衛哈坦博羅特等二十餘人收獲。解交永貴處酌量辦理等語。此等賊人。雖無關緊要。但官兵等尚屬奮勇。翁奇勒圖。賞戴孔雀翎。那木扎。伊什。俱授為藍翎侍衛。其餘効力官兵。俱酌量獎賞。收獲之厄魯特等。若屯田處不需。即送京備賞。○又諭。適據富德奏。綽羅斯台吉三濟扎布。由驛送京備詢。又五吉清額。查出白和卓之妻米里格等五口送京。俱行知該管大臣。但沿邊所設臺站。原為馳發諭旨。及軍營奏報。其尋常事件。若一概馳驛。則馬匹未免勞乏。要務轉致稽遲。可傳諭陝甘總督。及巴里坤

辦事大臣等。嗣後解送人口。非急需詢問者。皆由西安一路。以撙節沿邊臺站馬匹。○補行甘肅乾隆十九年。二十二年。大計。卓異官八員。不謹官一員。年老官三員。有疾官三員。才力不及官二員。浮躁官一員。分別陞賞處分如例。○丁未。

上詣

皇太后宮問安。○諭。據愛隆阿奏稱。靖逆將軍納木扎勒。叅贊大臣三泰。於十月十三日。帶巴圖魯侍衛奎瑪岱。並兵二百餘名。前赴將軍兆惠大營。至次日。有跟隨之兵丁四人等。告稱。十三日夜四鼓時。納木扎勒等三人。遇逆回賊兵三千餘人。倉猝衝拒。將軍納木扎勒。叅贊大臣三泰。並侍衛奎瑪岱。俱已陣亡等語。納木扎勒等。奉命前赴軍營。輕裝進發。所領兵丁。僅二百餘人。設令先到大營。固可會同進剿。即後至一二日。亦與愛隆阿一同駐守。乃星夜趨行之時。適當倉猝遇賊。伊等

並不肯於中途退避自全。惟知直前衝擊。以致効命捐軀。忠毅之氣。深可嘉憫。納木扎勒著晉贈公爵。三泰著特贈子爵。均世襲罔替。其巴圖魯侍衛奎瑪岱著照巴圖魯侍衛奇轍布之例。賞給世職。所有應得卹典。仍著該部察例具奏。陣亡兵丁人等。並著查明分別從優賞卹。又諭工部尚書鑲紅旗滿洲都統納木扎勒員缺著舒赫德補授。所遺吏部侍郎員缺著阿里衮補授。戶部侍郎三泰員缺著明瑞補授。正紅旗漢軍副都統著鄂弼陞補。永貴尚未來京。其刑部侍郎事務著鄂弼暫行署理。戊申
皇太后聖壽節。遣官祭太廟後殿。
上詣
壽康宮行慶賀
皇太后禮。王大臣於慈寧門。衆官於午門。行禮。奉

皇太后幸靜怡軒。重華宮侍宴。○諭曰。三泰遇賊陣亡。伊家現無大員。著加恩授伊兄祥泰為散秩大臣。○諭軍機大臣等。據黃廷桂奏稱。來年添派屯田兵丁一萬三千餘名。計陸續解送馬匹牲隻。除倒斃外。所存尚不敷用。擬於臺站車驛及採買驢頭。各營孳生兒驛馬匹內。各派二千。解送闡展。以備永貴撥用等語。具見實心經畫。從前添派屯田。原以辦理回部。今年可告成功。此時尚需策應軍營。整師再進。則屯田自可稍緩。朕意於此項兵丁內。選派四五千名。豫備進剿。伊等雖係步兵。而追隨騎兵之後。聲威益壯。至所備馬匹牲隻。擇水草佳處牧放。或供輓運。或備乘騎。於軍務有濟。而辦理更覺裕如。且來年必有應屯田之處。即再派一二十亦可。所派兵丁。雖或先已賞給。俟明年辦完回部後。尚需屯種。亦毋庸追繳。至內地採買驢驘。恐民間不無貽累。所派兵丁。既不及原額。自可暫停採

買將此傳諭黃廷桂定長等會商定議辦理一面具奏併傳諭兆惠富德舒赫德等應作何調撥酌議奏聞○又諭據清馥奏稱領隊侍衛豐訥亨等因前奉緩行以息馬力之諭今又准叅贊大臣等催令速行咨請指示隨行文令其酌量馬力以速為要等語所見甚是軍營情形緩急不同行文日期亦有先後何必拘泥前旨行走處尚如此觀望臨陣決機安能奮勉前進可謂不曉事體著傳旨嚴行申飭適據額訥慎塔爾海烏爾圖納遜等奏稱遇舒赫德所遣五十保促令趲行雖奉旨搜捕瑪哈沁自以策應軍營為急即領兵速進等語似此方合事機著紀功候賞五十保行走甚好著加恩授為三等待衛○大學士管陝甘總督黃廷桂奏甘省草豆昂貴今甫經收穫宜乘時備辦現於甘涼肅一帶并口外安西等衛購草二百二十餘萬束甘涼肅種豆甚少請於河東各屬撥二萬石運河

西備用得旨甚妥軍需之事大約明年夏秋方可完事此時亟宜加意調劑總以不傷民力為要莫惜費也○已酉

上詣

皇太后宮問安○幸瀛臺○諭甘省尚有應辦軍需所有撥貯銀兩須寬裕儲備著該部酌量撥銀三百萬兩解交黃廷桂收貯備用○諭軍機大臣等前命侍衛額訥慎等巡查臺站今聞信速赴軍營時屆冬寒西北大山一帶瑪哈沁勢難藏匿或潛至臺站附近乘間盜竊馬匹亦未可定今屯田兵丁農務有暇著傳諭定長等選派二三百名巡查搜捕彼處若有馬匹則多派騎兵更妥豆斌在軍營尚無要務著即照定長所領之數選派兵丁前赴魯克察克闊展庫車一帶往來巡緝以清臺站○庚戌諭軍機大臣等據富德奏稱十一月初十日遇舒赫德所遣藍翎侍衛扎勒都告知軍營情形即於現在烏魯木齊兵

丁一千三百名內。選索倫兵三百名。吉林。察哈爾。綠旗兵二百名。令副都統鄂博什。瑪瑞。侍衛額勒登額。老格等。為前隊。又派往巴祿處之索倫兵五百名。現距烏魯木齊兩站。即親行帶領起程。餘兵。令瑚爾起帶往伊拉里克。托克三等處。支領馬匹軍器等語。所奏甚合機宜。即瑚爾起之兵。不能趲赴。而豫備來年再舉。亦甚有益。惟宜加意奮勉前進。仍令瑚爾起曉示兵丁。以伊等効力年久。本欲撤回。事出倉猝。暫行留用。一切賞給。均照初次之例。沿途酌量馬力。速赴阿克蘇。會同舒赫德。計議進剿。○辛亥。

上御乾清門聽政。○辛瀛臺。○諭曰。西安現有審辦事件。著尚書劉統勳。馳驛前往。會同巡撫鍾奇。審訊具奏。○諭軍機大臣等。舒赫德奏稱。管理阿克蘇之阿琿。阿布都噶頗爾。副總管頗拉特。巴巴克。於公事各知奮勉。阿爾雜默特。率先歸順。又督辦隘口卡座事務。俱

屬効力等語。伊等甫經降附。即感激報効。殊屬可嘉。著加恩賞給阿琿。阿布都噶頗爾。副總管頗拉特。巴巴克。孔雀翎。四品帽頂。阿爾雜默特。藍翎。仍酌量賞給緞疋。○又諭。據巴祿奏稱。前聞阿巴噶斯。哈丹。餘賊藏匿齋爾等處。隨經親往搜查。並無蹤跡。今遵旨回抵烏魯木齊。帶領新派兵丁前往等語。可傳諭巴祿。此時因將軍兆惠被圍。催各隊援兵速進。所諭帶領之索倫兵。已經停止。而富德亦

奏請就近帶往軍營。阿巴噶斯。哈丹。餘賊即入俄羅斯。亦無關緊要。若尚在藏匿。將來自可剿除。且又非哈薩克。錫喇可比。巴祿即由進兵道路。前赴兆惠軍營。○又諭。前因招降安集延。納木干。二城回人。約來春到伊犁投見。曾降旨留兵一百名駐候。續巴祿因格登山立碑紀功。請照前數派兵。令主事富魁。駐劄料理。併守候回人。但駐兵必須安設臺站。殊為勞費。若現在立碑事竣。回人尚無信息。

即當撤回。前赴兆惠軍營。可傳諭定長酌量辦理。○又諭曰。舒赫德奏稱。貝子玉素布調取布魯特之特穆爾占。隨侍衛布瞻泰。往布魯特發兵。攻勒喀什噶爾。今特穆爾占遣其族子烏魯特特穆爾等前來。玉素布辦給馬匹。又賞緞疋茶葉。養贍家口。伊等欣感起程等語。玉素布辦事軍營。駐守烏什。俱能悉心奮勉。甚屬可嘉。著加恩給與貝勒品級。子。

上詣

皇太后宮問安。○諭軍機大臣等。步軍統領衙門所奏。潘濬控告牛兆泰一案。現派侍郎吉慶。會同該督方觀承查審。著傳諭方觀承。即速前往天津。會同吉慶。詳細秉公確審具奏。○又諭曰。富德奏稱。聞兆惠被圍之信。即領兵量力馬步兼行。約十二月二十內外。可至阿克蘇。計兵五千有奇。惟急需馬駝軍器。已行文各處辦事大臣。務期辦馬萬餘匹。駝數

千隻。方足敷用等語。富德存心忠實。甚屬可嘉。以理揆之。必蒙

上天福佑。早告成功。至豫備馬駝一事。昨阿里衮親送馬三千匹。駝七百隻。黃廷桂又送馬三千匹。合之各隊兵丁乘騎者。不下萬餘。若再急為解送。則路遠候寒。徒致疲斃。此時舒赫德諒已前進。可傳諭富德。惟在速往應援。內外夾攻。賊衆必潰。我師暫回阿克蘇休息。來年五月。整兵再進。計內地牧養之馬。於二

月起程。四月可到。且正當麥熟。軍食有資。蕩平回部。在此一舉。富德其加意奮勉。與將軍大臣等。會商辦理。○以光祿寺卿武柱。為太常寺卿。○旌表守正捐軀之安徽懷遠縣民徐文妻李氏。○是月。欽差內閣學士海明。河東河道總督張師戴。山東巡撫阿爾泰等。奏前經奏准。微山湖口。添建滾壩三十丈。壩脊以湖口開水深一丈二尺五寸為度。現在水深一丈一尺四寸。上源濟寧魚臺民田。尚有

未涸之水。自數寸。至尺許不等。請將壩脊低二尺五寸。以湖口開水深一丈為度。既足濟運。濟魚等縣積水。亦可全涸。得旨嘉獎。○又奏東省運河。自臺莊抵臨清。共四十八閘。相距三五里至三五十里不等。惟夏鎮至韓莊二閘。遠至七十里。中有彭口山河。濁水漲發。全河淤墊。今歲糧艘回空。因彭口沙淤梗塞。酌於彭口下距夏鎮二十里之蔣家集地方。建草壩蓄洩。漕船甚利。請改建石閘一座。并

實錄卷五百十五

聖

開月河。該管官夫。應撥六里石月河二十名。夏鎮閘十名。統令滕沛閘官管理。從之。○署山西大同鎮總兵鑲紅旗漢軍副都統曹瑛奏。大同至省城。及至保德州。兩路衝途差繁。懷仁等六營。馬兵僅五名。多祇二十餘名。守兵三十餘名。至一百四五十名不等。並無步戰。較僻汎馬步兵多。差務簡少處。勞逸不均。應於僻汎撥馬步兵數名。移衝汎以衝汎守兵換補。得旨甚好。如所議行。○雲南巡撫劉

藻奏。廣西府局。每歲鑄錢六萬七千三百三十餘串。遇閏加增。除支銷外。歲有餘剩。乾隆十六年。至二十二年。存錢一十一萬九百六十二串。應易銀歸款。查大銅廠。例支工本銀甚多。其運銅至廣西府局回脚。應令帶錢至廠。以錢一千二百。作銀一兩。支放工本。扣銀解司庫歸款。從之。

實錄卷五百十五

聖

大清高宗法天隆運至誠先覺體元立極敷文奮武孝慈神聖純皇帝實錄卷之五百七十五

大清高宗法天隆運至誠先覺體元立極敷文奮武孝慈神聖純皇帝實錄卷之五百七十六

監修總裁官禮部議官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十三年戊寅十二月癸丑朔日食○

諭曰孫灝奏請停止明年巡幸索約勒濟一摺朕初閱其詞以為無知罔識事體付之不問而已繼思孫灝此奏其所關於本朝家法及我滿洲風俗人心者甚大有不得明切宣諭者我

皇祖聖祖仁皇帝臨御六十一年惟恐八旗之衆承平日久耽於安樂不知以講武習勞為務是以省方問俗較獵行圍之典歲頻舉行聖壽既高猶不肯稍自暇逸其所以為萬世子

孫計者意至深遠迨我

皇考世宗憲皇帝十三年中朕與和親王等日聆

庭訓每諄諄以

皇祖之定制貽謀永當效法而深以未遑舉行為憾朕臨御以來思紹

前徽早夜兢兢罔敢少懈如比年來戡定準夷

兩路用兵我滿洲大臣官兵等皆能踴躍奉命克奏膚功亦由躬親整率習之有素是以

聖祖仁皇帝實錄

卷五

臨事赴機人思自効即此亦其明驗矣如徒以恭己養安藉口於文恬武熙之說朕豈少御園別館足供覽憩而必親御鞍馬時勤弓矢轉以此為自娛計耶朕今日適閱

聖祖仁皇帝實錄有天下雖太平武備斷不可廢如滿洲身歷行間隨圍行獵素習勤苦故能服勞若漢人則不能矣雖由風土不同亦由平日好自安逸所致之諭恭讀之餘凜然悚惕豈敢一日忘之今孫灝摺內以為索約

勒濟地在京師直北遠與俄羅斯接界一似輕車前往不無意外之慮者此語尤為笑柄今額駙色布騰巴勒珠爾及喀喇沁貝子瑚圖靈阿扎拉豐阿俱在朕前試問索約勒濟非即伊等之部落家室耶伊等非國家教養之子孫臣僕耶以伊等恭誠望幸迎請尤恐不及而謂有意外之慮當亦夢囈所不應出此者矣摺內又稱索約勒濟非江浙勝地可觀等語其言更為荒誕且南巡之舉豈僅為

山水觀覽之娛上年朕臨徐邳淮泗沮洳之地為之相視求瘼疏洩修防次第興舉今歲農事倍收孫灝寧不聞之乎且果如孫灝所言南方為勝賞之地則索約勒濟之習勞練武所為固勝於彼益不可中止矣至稱隨從侍衛官員人等長途費重生計艱難則從前皇祖時獮狩之典歲率二三舉行彼時大臣中或有外來之助至於侍衛兵丁何嘗不以為苦然正所以教之節用知艱也且今豫借俸

餉額外賞給較昔實厚豈至苦累轉甚於前者若如孫灝之意將使旗人盡忘淳樸服勤之舊俗而惟漸染漢人陋習人人頽廢自安文既不文武亦不武必如此而後快於孫灝之心則其心為何心乎至近年來朕每秋獮木蘭恭奉

聖母皇太后安輿竊念

聖躬或致勞勩懇請駐輦山莊猶未蒙

慈允且屢

垂懿訓示以大義謂

祖制不可少違安逸不可少圖惟恐朕之稍有廢弛此亦諸王大臣所共知者而孫灝顧以長途往返藉詞緣飾謂足聳動衆聽耶朕臨御海寓於茲二十三年宵旰勤勞惟以法

祖勤民為念無論日理幾務必躬必親近者軍書旁午殷懷籌畫至於夜分不寐凡在廷臣無不親承目覩今當日食求言正我君臣側席修省之時王大臣及孫灝皆在朕前試以

用人立政數大端言之。前代流弊具詳史冊。有以女謁盛行致墮綱紀者矣。今宮中自后妃以及侍御統不過十五六人。毋論漢唐以下即較古所稱三宮九嬪二十七世婦八十。一御妻者何如有以親藩怙勢者矣。今之奉藩恪謹者何如有大臣朋黨宦官壞法者矣。今之干大權撓法紀者安在我朝。

聖聖相承乾綱獨攬政柄從無旁落如康熙年間之明珠索額圖徐乾學高士奇雍正年間

之李衛田文鏡等其人皆非敢翫法干紀如往代之比。不過私心未化彼此各持門戶之見。即朕初年鄂爾泰張廷玉二人亦未免故智未忘。今則並此而無之矣。孫灝既欲建言則凡在朝臣工之賢否與夫朕躬之得失皆宜切實指陳朕必當虛懷採納。若仍以撓拾浮詞自矜骨鯁究無當於國是而朕亦復虛文相尚藉以博納諫之名。此則朕所恥而不為者矣。朕平心自揣惟向時工程興作不無

少煩雖亦因

壇廟宮殿道路諸工閱年既久不得不重加修葺以肅觀瞻。然於賑濟賞賚河工需用諸大事雖數盈億萬並不因此而少存節縮之意。在臣寮中或有以無業貧民多藉工程力作得以資生未可一例停罷為請者。然自忖不急之工無益政務則於今春已降旨停之。過而能改此心可質諸

天地。下對天下臣民朕初無所諱也。孫灝又豈

不聞之乎。孫灝自為副都御史以來始以同官不協叅廣成為剛愎自用。試思廣成有何伎倆而足以當此乎。如其為大學士傅恒之兄即欲以勢凌人則傅恒日侍內廷偶遇小節朕即防微杜漸嚴加教訓。此軍機大臣及御前大臣侍衛等所共知者。傅恒尚不敢放縱而其兄乃恃傅恒以放縱乎。然彼時朕即將廣成解退轉不無袒護孫灝之意。伊豈不自知乎。昨孫灝又奏請停止諸臣大閱詩

冊此本臣工所自進。朕何由而指示之。又何由而降旨阻止之。孫灝既有所見。即可商之。大學士史貽直、蔣溥等。如不見聽。奏請固未晚也。而遽嘵嘵入告。以為徑行其志。是非有心嘗試而何。即伊今秋隨從木蘭。以皇子先行回京。朕見孫灝、張泰開二人。尚在侍班。傳諭令其一併隨回。孫灝等即有慶若更生之意。則今之具奏。亦不過私心自為而已。韓愈所云持被入直三省。叮嚀顧婢子。語刺刺不休。在伊輩固為常態。而欲使我朝臣子無不尤而效之。朕則斷斷不肯出此也。若伊摺內所稱。貽他日無窮之悔。一語詞意出人意表。又豈為人臣子者所宜出此乎。孫灝以尚書房行走之員。而識見舛謬。害事如此。若侍諸皇子教讀。耳濡目染。豈獨貽誤養正之功而已哉。且身為言官。居心論事。所關甚重。猶記乾隆初年。詔廷臣集思廣益。至再至三。然諸臣章奏。亦不過撝拾浮言。自行其私而已。且

彼時事之大者。莫過鄂爾泰、張廷玉門戶之習。初未聞一言及之。其時御史中有薛韞者。平日每以敢言自負。而其後乃以贓敗。天下豈有直言敢諫之人。而以贓敗者乎。今即如孫灝之妄肆簧鼓。而朕猶不欲重治其罪。但以副都御史職佐風紀。斷非謬妄之人所可濫竽。孫灝著以三品京堂改用。將此旨通行曉諭知之。○諭軍機大臣等。崇明縣頑佃抗租一案。先據施廷專、王進泰前後摺奏情節。相同。及陳宏謀奏到摺內。將該佃等抗官之處含糊其詞。知其必有聽信州縣官諱飾迴護情事。當經傳諭確查。並將該撫交部察議。今據尹繼善摺奏。頑佃扯破縣丞轎圍。及竿戳守備馬匹。一一確鑿。且將守備縣丞叅奏。則前此陳宏謀所奏。謂非有心遷就。意在從輕完結可乎。崇明為邊海之區。遇有生事不法之徒。為大吏者理應實力整頓。以挽澆風。此案已降旨交尹繼善會同該撫。逐一嚴審。

定擬毋得稍存寬縱其諱飾之州縣官亦即查明指叅至守備曹文元縣丞馮紹立二員臨時畏葸不前復將情節諱匿亦應一併訊明叅處可將此傳諭陳宏謀併諭尹繼善知之尹繼善原摺著抄寄陳宏謀令其閱看朕之處分並非寬彼也又諭曰鐘音所奏辦理送兵一摺內稱於西安雇用長驛徑送到口較設站遞送更為便捷等語昨據胡寶琮覆奏豫省現在籌辦雇驛六千餘頭由西安送至蘭州再令陝省接換直送出口所辦甚為妥協今蘭州以上既用豫省驛頭遞送則陝省所辦之驛力量自充裕徑可先期趕赴蘭州接替直抵哈密彼此甚屬妥便其一切沿途委員加意照料之處均遵照前旨悉心妥辦可也將此傳諭鐘音知之又諭據敏珠爾等奏稱兵至托克三奉旨查拏偷盜特伯勒固臺站馬匹之賊已速行至哈喇沙爾向海都河等處搜捕等語可傳諭敏珠爾此

時軍營若行文調取自當速往應援如未經起程則臺站亦屬緊要伊所領兵二百名仍往來巡查臺站以清道路以副都御史孫瀚通政使張泰開對調賑福建臺灣鳳山諸羅彰化等四縣本年風災飢民併緩徵新舊錢糧甲寅諭曰御史湯先甲所奏刑法宜為變通一摺所言甚屬迂謬明刑弼教國家治世之大權而當寬當嚴惟在因時隨事期於情法允協所以懲奸宄而安善良初不得藉口於世輕世重先自存偏畸之見也如該御史摺內所稱內外問刑衙門遇有造作妖言收藏野史之類多麗逆案宜坐以所犯罪名不必視為大案極意搜羅等語尋常讞牘一經入奏朕無不悉心研擢務期情真罪當況事關重案豈有問刑衙門不行按律定擬而遽任其斷結之理即如收藏野史案內法在必治者如東明歷等書不但邪言左道煽惑愚民且有肆行詆毀本朝之語此而不

謂之逆。則必如何而後謂之逆者。凡在食毛踐土之人。自當見而髮指。而猶存遷就寬貸之意。必其人非本朝之臣子而後可。若其餘書符賣藥之流。從來不在此論。初何嘗一一麗於逆案耶。

皇祖聖祖仁皇帝時。如戴名世等。

皇考世宗憲皇帝時。如呂留良等。朕之時。如胡中藻等。逆書之案。皆治以重典。昭示炯戒。歷歷可考。然胡中藻之處分。較戴名世等為重。

耶。為輕耶。乃該御史摺內。有刑官何必立意求深。多援條例之語。一似我朝刑法本係從寬。至朕獨為加重。刑官不無有意迎合者。試問今日之刑官。如鄂彌達。秦蕙田等。具在。較之果毅親王。李熹。高榮。海壽。勵廷儀等。辦理刑獄於一切欽案事件。孰為寬。孰為嚴。該御史獨不可捫心自問乎。至稱州縣侵虧帑項。宜照舊例辦理。在貪墨敗檢之徒。誠何足惜。然非所以慎重國帑等語。貪墨之吏。蠹國病

民為害甚鉅。執法懲創。正為閭閻保全生命。惜愛脂膏計耳。若如該御史所言。將使敗檢之徒。可以倖免。尤而效之者。何所顧忌。試問大吏腹削於下官。郡邑誅求於編戶。如此而謂小民能受和平之福。誰其信之。若以限內完贓為足。慎重國帑。則是該御史今日之奏。非為問刑。乃為言利矣。又稱官犯提解至京。不宜親臨審鞫。朕臨御以來。如貪贓敗法之恒文。蔣洲。及被督撫尋常叅奏之官犯多矣。

何曾有一事親訊。惟張廣泗。鄂昌二人。一則玩誤失機。關係軍國重務。一則身為滿洲世僕。竟與逆犯胡中藻甘心倡和。誹謗此二人者。豈可以尋常官犯同日而語。亦該御史耳聞目見。屈指可數者也。至外番俘繫諸人。率係先受恩遇。旋經反覆之逆賊。悉心研究。隨事可得。邊情虛實。若付外廷。既恐言語不諳。又患事機易洩。朕於廷鞫得實時。隨令軍機大臣等傳諭軍營。因此集事者。不知其幾。該

御史固不能知朕亦不屑加之以責備也。適披閱此摺時。即有方觀承奏到二事。可與互相發明者。一係提督衙門原奏之廣宗縣屯民趙鳳苞控告張三立寨稱王一案。及交與方觀承審訊。則所控並屬虛誣。因將趙鳳苞按律定擬。奏請治罪。如果有意迎合從嚴。則既由提督衙門特奏。經朕降旨交辦之事。而外省大吏轉將原控之人擬以反坐。而不稍為迴護者乎。一為薊州拏獲假官軋文宗。訛

詐銀錢一案。該督先引詐稱內使內閣及部科等衙門在外欺詐煽惑者斬候之條。繼復引假充職官發邊衛充軍之條而定罪。則稱此案軋文宗在畿輔近地冒稱內務府委員。擾害地方殊屬不法。未便照假冒職官例擬軍。合依詐稱內使內閣六科六部官在外欺詐例。應擬斬監候等語。夫軋文宗現在自稱內務府官員。嚇詐平民。正合律語。擬以斬候。本屬正條。而必兼引尋常假官充軍之例。故

為比擬以見辦理並無寬縱。此亦外省習氣尚在從寬耳。殊不知此等斷獄在曉事者特以為俗吏故套幕賓常伎而已。若無知如湯先甲之徒。見讞牘中有此語。則以為從重矣。而此實非從重也。今就二事參觀之。該御史亦無難意解矣。總之用刑之道。貴在鑑空衡平。而干犯法紀之人。莫如悖逆貪污二者。於法斷無可縱。此令典昭垂自古至今。未之有易。即以我朝言之。如雍正初年承

皇祖聖祖仁皇帝六十餘年寬大之後

皇考世宗憲皇帝加意振刷。上下肅清。然亦出於不得已。朕御極之初。承

皇考整飭之後。欽遵

成訓。隨時用中。復濟之以寬大。亦所以勉思繼述。嘉惠海宇。以為庶幾刑措。則更朕之至願矣。乃沿之日久。或貪官簞簞不飭。或奸民誦張為幻。此類怙惡自甘。既非可以德化。若煦煦以姑息為仁。將官方國紀風俗人心。何所

底止。至若律例條目。隨時增定。原因案件參差不一。非律文所能賅備。是以輕重相衡。期一歸允協。然不自今日始也。使一切芟除。刑官將何所憑準。且現在問刑衙門。有能借條例以高下其手。鍛鍊周內者乎。該御史既不能指陳其人。而徒以空言塞責。甚無謂也。湯先甲以小臣不知政務。擣檣故冊。撫拾浮言。及至召對訊問。惟自稱識見淺陋。愧悚無地。是伊本無所見。不過藉以博應詔之名耳。雖

其所奏舛謬。朕亦不加之罪。原摺已經擲還。不可不明為宣示。俾衆共知之。○又諭曰。大學士兼管陝甘總督黃廷桂。忠誠素著。老成練達。西陲用兵以來。雖未身歷行陣。而籌辦一切軍需。動協機宜。多有計朕所降諭旨。尚未到肅。而適相脗合。旋即奏到。與朕所規畫不約而同者。數年以來。若非黃廷桂體國奉公。不遺餘力。安得精詳妥協若此。而毫不累民內地。若無事。此其功為尤大。朕心實深倚

毗。宜晉崇階。用彰勞績。黃廷桂著由騎都尉晉封為三等伯。並加賞紅寶石帽頂。四團龍補服。以示優異。○又諭曰。黃廷桂晉封伯爵。前授騎都尉。例應註銷。但此職現賞給伊子著加恩。仍准其本身承襲。○諭軍機大臣等。甘省籌辦駝運軍裝。現需駝隻。若於歸化城一帶購辦。尚為敷裕。著傳諭塔永寧。即速委員動項採買。三四千隻。分起解赴甘省備用。其應於何處交收之處。著一面咨明黃廷桂

辦理。一面奏聞。再塔永寧現奏請於本月初一日進京陛見。若接到此旨。當即回晉辦買駝隻。俟事竣後再行來京。可一併傳諭知之。○刑部奏發遣拉林人犯催衡泰。私自逃回。請即行正法。得旨。催衡泰前因為匪。發遣拉林。今私自逃回。理應即行正法。但催衡泰因聞伊父患病。前來省視。又赴部將逃回情節首報。其在遣所亦未為匪。情尚可矜。非竟行逃回者可比。催衡泰著從寬免其正法。可令

伊父一併前往拉林。一同居住。若再行逃回。是伊自干罪戾也。直隸總督方觀承奏。審明詐稱職官之軋文宗。本名唐喜傑。在香港河縣地方。詐稱內務府官員。嚇詐財物。又至薊州。假充順天府差官。查拏燒鍋。經該州訪聞。拏獲。該犯因冒名軋文宗。查律載。詐稱內使。內閣。科。部。院。等官。惑眾誑財者。應斬監候。又例載。假官生事者。發邊衛充軍。該犯合依律斬候。下刑部議。尋議。唐喜傑應斬監候。但該督既按律斷罪。復牽引他例。似由輕加重。故示從嚴。殊未允協。請嗣後問刑衙門。凡律有正條者。不得復引他例。從之。○大學士伯管陝甘總督黃廷桂奏。由哈密至闐展。經過巴里坤。道遠山險。今運送軍需。及各項差使。俱由山南一路。頗為捷速。請即安設臺站。其由巴里坤至哈密數站臺馬。仍留備馳遞北路臺站軍糧。得旨甚應如是。即速令改可也。○又奏。現在各路兵丁。進往葉爾羌。口糧最關

緊要。據舒赫德咨。阿克蘇等處。現貯糧石足數一萬四千兵丁四十日口糧。若調進官兵。於十月下旬到阿克蘇。所解羊糧足敷明歲二月底支放等語。查阿克蘇至葉爾羌。尚有十七八日路程。於哈喇沙爾庫車一帶。安臺輓運。應用駝四五千隻。現移咨吳達善等。令將哈密駝隻。趕送闐展。并飛咨永貴定長等。將闐展糧石。用所有駝隻酌量地方。安臺輓運。運缺之糧。由哈密肅州撥補。得旨嘉獎。○以直隸大名副將朱璣。為山東登州鎮總兵。○豁除江蘇山陽縣挖廢地五頃五十畝額賦。併舊欠租銀。○乙卯諭。據駐劄阿克蘇城尚書舒赫德奏稱。前遣散秩大臣伯克鄂對。同侍衛齊凌扎布。噶布舒等。前往和闐城。招撫回衆。今據伯克鄂對遣人告稱。和闐回人奉到傳檄。傾心投誠。即將逆賊霍集占遣往之數十人。攻擊奔竄。隨出迎三日。將伯克鄂對等。接入城內。其所屬之哈喇哈什。玉隴哈

什塔克齊爾拉克勒底雅等五城伯克一聞此信亦俱前來投誠。今伯克鄂對帶領各城回目人等赴葉爾羌投見將軍等語。初將軍兆惠勒兵前進。大兵所至如烏什阿克蘇等城相繼迎降。而霍集斯伯克復詣營投順。願効前驅。是賊首霍集占勢已窮蹙。惟逃竄於葉爾羌。以圖苟延旦夕。若不乘機直入徑搗賊巢。則以霍集占之奸詭狡詐。焉知不又煽惑諸城回衆。今觀和闐等城奉到傳檄。即皆相率傾心歸化。且各遣人投見將軍。是可見現在我兵之為賊回所拒者。不過逆賊霍集占。自知各城回衆俱已人心解體。斷不能聽其煽惑。因悉其老弱之衆。以為孤注之一擲耳。則從前將軍兆惠乘賊不備。整兵疾馳。亦係乘機進取。勢無中止之理。特以對陣時未能得其地利。又兼馬力疲乏。是以未即克捷。並非賊勢猖獗所致也。況現今軍營大臣及侍衛兵丁等聞信之下。無不切齒憤恨。星夜

兼程前進。而肅州哈密巴里坤大臣等亦各將鎗礮軍器馬匹口糧迅速解辦。朕心深為嘉悅。觀大臣官兵如此奮勉同心協力。則人心上應

天心。自必默相成功。殄滅賊衆。彼勢窮力蹙。之逆回我兵內外攻擊。將軍兆惠至阿克蘇時。遵屢奉諭旨。整頓兵力。來年進剿。即可集事。此次進兵如蒙

上天默佑。遇可乘之機。一舉成功。亦未可定。伯

克鄂對等皆已加恩外。將此通行曉諭知之。○諭軍機大臣等。伯克鄂對與侍衛齊凌扎布等招降和闐等城。前往軍營投見將軍兆惠。殊屬可嘉。著加恩授鄂對為內大臣。其各城伯克應授散秩大臣。及三品四品總管者。候兆惠查明奏請補授。仍俱賞戴孔雀翎。鄂對遣來阿克蘇送信。及舒赫德所遣偵探信。息之回人等。俱著酌量賞給銀兩。其阿克蘇之阿璉及總管等願助兵丁衣服。誠悃可嘉。

著賞緞各四端。伊等所助冬衣俱計值賞給。此時舒赫德應已領兵起程。軍前効力人等宜加鼓勵。著發孔雀翎藍翎各二十枝。預備賞賚。所有軍營信息作速奏聞。○山東巡撫阿爾泰疏報臨朐安邱二縣乾隆二十二年開墾旱田四頃二十三畝有奇。○丙辰上詣

皇太后宮問安。○幸瀛臺。○諭甘省因年來辦理軍需兵民輻輳米糧市價未免稍昂。所有各營兵丁應支折色若仍照舊支給兵丁不免拮据。著將該省滿營官兵除六個月照舊折支外其六個月如有改支折色者每石加賞銀一兩其甘涼寧西肅五提鎮所屬並蘭州撫標城守固原提標各官兵除八個月照舊折支外其四個月有改支折色以及六個月本色馬料改支折色者每石俱加賞銀一兩。安西口外每石著加賞銀一兩五錢。至陝省延綏鎮屬地方偶被災歉著將明歲應關

折色亦照甘省甘涼各鎮之例一體每石加賞銀一兩。再甘省應納草束業已降旨豁免其滿漢各營折支草價恐不敷採買著將口外安西提屬每束加銀一分五厘口內寧夏涼莊滿營及甘涼寧西肅延綏六提鎮屬蘭州撫標城守固原提標每束各加銀一分以示體卹兵弁之意該部即遵諭行。○諭軍機大臣等永貴奏稱准舒赫德咨合計官兵一萬四千陸續運送口糧羊隻可至來年二月等語。但天寒道遠所送羊隻必多倒斃自不能盡符原數而內地運糧駝隻計自開展至庫車正月望後方到仍須休息月餘再行轉運又不能接濟二月以後之糧請將運送籽種之駝再派出二千隻作為兩隊轉運其屯田事務酌量裁減停止等語。昨據舒赫德合計兵數及阿克蘇烏什所購米糧內地解送羊隻具奏即諭黃廷桂多為籌辦并停止增派屯田以籽種農具車輛轉運行糧永貴尚

未聞知。又如各隊新派官兵。裹帶三個月口糧。俟滿日再為支給。則為時又屬寬裕。永貴亦未計及。故稍露畏難之意。然茲事豈能停止。至所奏各隊官兵。策應兆惠後。稍為休息。俟來年夏令。再行進取。朕早降諭旨。但我兵既能與兆惠會合。聲威大振。霍集占等逃潰之餘。若能乘勢擒剿。或伊等屬人縛獻。又豈可回駐阿克蘇。而坐失機會。凡事惟在乘時決策。不可豫存意見。併傳諭舒赫德。曉諭官兵等。加意撙節口糧。毋致糜費。○禮部奏乾隆二十四年元旦慶賀禮儀得旨。是照例行禮。奉

皇太后懿旨。停止筵宴。○丁巳。諭扈從兵丁所得幫銀。向例係不出差者津貼出差之人。由所借庫銀內扣給。固屬伊等應出之項。但兵丁生計。全賴錢糧。若將幫銀坐扣。伊等不無拮据。著加恩將此項銀兩。俱動官項賞給。現在應扣銀十四萬五千餘兩。亦加恩免其坐

扣。俾伊等生計有資。以便學習技藝。該都統等宜用心管束兵丁。循守旗人樸素之習。毋致糜費。將此通行曉諭八旗人等知之。諭軍機大臣等。嵩阿哩所叅都賚各款。現命劉統勲前往查審。今適有西安協領陳宗道。明舒勒赫等來京引見。朕面加詢問。據稱所叅皆係實有之事。可傳諭劉統勲。即將都賚革職審訊。據實奏聞。又諭曰。綽勒多等奏請借給官兵半年俸餉。已加恩允其所請。但明年朕巡幸索約勒濟。原為稽查地方。採演官兵技藝。及行圍射獵之事。路經黑龍江。該處官兵衣服軍器。祇宜量加整頓。不可辦理過當。至該將軍等欲稍竭悃忱。亦不過土產常物。不可格外進獻。如徑不進獻。尤朕所喜。倘借端科歛官兵。是自取罪譴也。將此傳諭綽勒多等知之。○管理八旗舊營房王大臣等議。准管理舊營房果親王弘瞻奏。稱康熙年間修造八旗營房。令滿洲蒙古無房兵丁居

住未按佐領分撥一佐領下。或住房二三十間。或數間。亦有無房者。殊未畫一。今因房壞修理已完一半。請均勻辦理。滿洲人多。應占三面。計一千五百間。蒙古人少。占一面。五百間。再查舊營房。滿洲每旗都統一員。章京一員。驍騎校五員。蒙古每旗都統一員。章京一員。驍騎校二員。滿洲蒙古合設營總一員。辦事行文。一同畫押。不無推諉掣肘之處。今兵丁等按旗共處。易於稽查。應令都統官員等

各管本旗。其營總應添一員。分管滿洲。蒙古

兵丁從之。○旌表守正捐軀之江蘇江陰縣

民繆朝興妻孫氏。○戊午。

孝惠章皇后忌辰。遣官祭

孝東陵。○諭曰。盛昌効力贖罪。茲已有年。著加

恩復其公爵。前赴

孝陵。更代祿慶。○又諭曰。都賚所出兵部尚書

正紅旗蒙古都統員缺。著阿里衮補授。勒爾

森著轉補吏部侍郎。所遺刑部侍郎員缺。著

伊祿順補授。伊祿順未到京以前。刑部侍郎事務仍著勒爾森署理。○又諭曰。楊桑阿已經傳旨革職。其所出西安副都統員缺。著達桑阿調補。達桑阿所遺鑲白旗漢軍副都統員缺。著長福補授。○諭軍機大臣等。昨命都

賚前往西安。挑選駐防滿兵。令松阿哩。揚桑

阿。帶領前赴軍營。伊署理將軍事務。今據松

阿哩。奏都賚各款。已命劉統勳前往查審。

松阿哩著仍留將軍之任。所派官兵二千名。

著達勒當阿。哈達哈。分領前赴軍營。○又諭

據西安協領陳宗道等稱。副都統楊桑阿。亦

有修理衙署。動用官項之處。可傳諭劉統勳

將楊桑阿一併傳旨革職審理。其餘副都統

等。瞻徇同官。俱未經參奏。應並查明。參處。尋

劉統勳。鍾音等奏。都賚擅修教場。侵扣公庫

銀二千餘兩。並營私取利各款。審明屬實。應

按律擬斬監候。揚桑阿聽從都賚。動用公項

銀三百餘兩。因新任將軍查問。始行文還。應

按律擬徒。至副都統烏裕齊。沈之仁。王炎等。瞻徇同官。不行叅奏。應俱革職。從之。○已未。諭陝甘滿漢各營餉解馬匹。自去秋以及今春。各項借支官銀。據黃廷桂查奏。計五十萬九千二百餘兩。皆應行按限扣還之項。朕軫念邊兵。用昭優卹。著加恩全行寬免。以示鼓勵獎勞。至意。該部即遵諭行。○諭軍機大臣等。崔應階奏。請嚴偽造假優之禁。一摺。省會地方。商販輻輳。駟僮之作偽必多。造賣假優。誑騙財物。自屬市肆之蠹。但此等事件。在地

平定縣志卷之三

三

一

方官隨時訪查。嚴行究處。以示懲禁。則可。若如崔應階所奏。援照私造假銀之例辦理。則凡肆中假飾之貨。不止一端。又安能一一為之比例。轉恐多立科條。未免易滋煩擾。著傳諭該督撫等。飭令所屬留心查察。遇有此等情弊。即當重加懲治。毋得以律無正條。草率完結。使奸猾之徒。肆行售欺射利。或致偽藥傷人可耳。○浙江巡撫楊廷璋奏。本年杭嘉

湖三屬偏災。臣謬援照二十年恩旨。漕糧紅白兼收。實失事理。今遵旨分別辦理。得旨覽。朕一切惟據理據情辦理。并無成見。若因此而有諱飾觀望。薄待災民之心。則圖勒炳阿之例具在。然此猶屬公過。汝為梁詩正求俸之事。何不奏及。想其中有難措詞之處耶。據實明白奏來。○大學士伯管陝甘總督黃廷桂奏。現在口外各路大兵。直指軍前。需用口糧既廣。應迅速輓運。已飛咨永貴定長等。即

平定縣志卷之三

三

一

將送到關展駝運往。俟長運一次之後。再安臺站。庶妥速不誤。得旨覽奏俱悉。卿處雖如此竭力佈置。不知辦理之人。均能妥速否也。○加賑浙江仁和歸安烏程長興德清武康等六縣。湖州一所。本年水災飢民。○旌表守正捐軀之直隸青縣民李五妻劉氏。○庚申上詣

大高殿行禮。○諭軍機大臣等。將軍成袞扎布等奏。稱揀選達什達瓦之厄魯特等於四部

落購辦馬駝。令其送往巴里坤等語。天氣現值冬寒。喀爾喀等生計亦多貧薄。若按照從前價值。未免不敷。可傳諭成衮扎布等。購辦馬駝。加恩酌量增給價值。務使伊等毫無擾累。仍將現在辦理情形具奏。○辛酉。

上詣

皇太后宮問安。諭黃廷桂奏請親赴涼州查點餵養馬匹。如臆分平常。請將綠旗都司滿營防禦以下官員。細責等語。黃廷桂係滿洲

字集本字三六

大學士。滿營綠旗官員俱應管轄。如關係軍需事件。有不盡心辦理者。八旗防禦綠旗都司以下各官。著黃廷桂即行細責。○賜副都統溫布圖布巴圖魯號。由屯克特爾克巴圖魯號。所給雲騎尉職銜。准伊子等承襲。壬戌。諭現在八旗所拴官馬。著兵部免其查點。即交各該管大臣。此項馬匹。旗人等各宜盡心餵養。不可致令疲瘦。嗣後著八旗大臣等將官馬臆分。每月具奏一次。伊等具奏後。倘

朕遣人查點馬匹疲瘦。與所奏不符。定將該大臣等嚴加治罪。○刑部奏。向例偷創人役旗人數至二十名。後至五十兩者。發打牲烏喇等處。該犯本係彼處土著。恐防範稍疎。仍復偷採。應改發雲貴川廣烟瘴地方。銷去旗檔。交地方官管束從之。○又奏。各省偶遇災荒。匪徒糾夥持械。黃夜劫奪財物。地方官每援照飢民爬搶問擬。藉口矜卹。災黎實長劫奪之風。嗣後應照強盜律科斷。若實係災地飢民。搶奪糧食。并無器械。人數無多者。應令該督撫酌量情形。援案聲請從之。○旌表守正捐軀之河南濟源縣民牛祥麟妹牛氏。○癸亥。諭據吉慶等奏。潘濬控告牛兆泰一案。其別項事屬虛誣。現按例審擬。內控鹽道之塔張姓。持京札囑託一節。屬實。請將王凱伯解任。牛兆泰革去職銜。張曾效革去監生。一併審訊。著照所請行。夫尋常書札來往。原所不禁。然嚴正自持之人。必不肯為蹟近腥羶。

之地有恥者更避而遠之而頻致寒暄之間此在功令森嚴之時人或鄙而笑之少弛乾綱將有送煖偷寒者矣然朕斷不肯以尋常書札往來之故處分伊等但侍郎程景伊札內有承乏中樞晨夕內廷殊多曠廢今秋未與木蘭之役稍得專心職業等語此亦可謂無可致之殷勤訴衷情之充誦者矣大約小翰林輩方在本衙門行走則以入直內廷為捷徑及積久受恩滿志又以晨夕入直為苦此即韓愈所謂丁寧顧婢子者也今程景伊自問兵部之事朕果賴彼以理乎本不過旅進旅退可有可無之人伊豈不自知而覲顏為此語乎以此居心安可授經皇子著解退其在尚書房行走俾專心部務以觀其作何盡職也至袁曰修與鹽商牛兆泰係屬姻親寄書可也而使鹽道之壻持書寄鹽商雖無囑託之言明有囑託之意軍機處行走之人尤當以慎密防閑為要此何為者耶袁曰修

不必在軍機處行走○又諭前經軍機大臣會同刑部議准御史劉宗魏條奏免死減等人犯將發遣黑龍江等處者改發巴里坤原因邊陲既定而應發遣犯衆多莫若通融辦理挹彼注茲其實不過奉行舊例而已乃此例甫定時即有御史朱嵇以遞解多費口糧等項為詞奏請仍照舊例遣發經朕傳旨申飭今御史李綬復稱巴里坤為屯田要地不宜令薰蕕共處其詞雖以慎重屯田為名而其意不過為發遣之犯下一轉語耳殊不思此等人犯情罪本重特因一線可原是以從寬免死發給種地人為奴即古投畀有北之意已屬國家法外寬仁何嘗令若輩種墾屯地冀其務本力田也若因其平日本非安分良民在彼不免生事滋擾則按律治罪自有明條且未定此例以前遣犯發往拉林黑龍江等處者甚多此獨非國家根本重地顧不慮其在彼滋事耶至慮發遣人犯日積日多

則巴里坤闢地甚廣。李綬且以為不宜發遣。試思各省緣邊內地更有何處可以盡容此等作奸犯科之人而轉不慮其漸染良民者乎。該御史亦可捫心自問矣。摺內又稱不敢踰明季科道陋習。不知以議定條例並非必須改定之事。而彼此多方爭競。嘵嘵不已。不謂之陋習而何。朕辦理庶務一以事理為權衡。如其言果能當理。即隨事採納。從不肯豫存成見。若意在藉詞聳聽。致令條例日事更張。法難必信。此所關於政柄者甚大。朕亦斷不能任其稍為嘗試也。李綬摺著擲還。並將此通行傳諭知之。○兵部議准。漕運總督楊錫紱奏稱。南漕揀發候推衛所千總備委押運。查漕船每幫有領運千總二員。輪年出運。遇有事故。各幫開員俱可酌委。請停止揀發人員。至前揀發各員。三運報滿後。除尋常供職。照例咨部推用外。如有諳習漕務出色之員。請送部引見。發標効力。三年後遇缺題補。

從之。○刑部奏。各省彙題案件例無定限。每多遲延。嗣後應令各督撫於封印時。將一年內應行彙題各案查明。限次年開印後兩月具題。遲即叅處從之。○予陣亡靖逆將軍三等公納木扎勒謚武毅。叅贊大臣三等子三泰謚果勇。并祭葬如例。甲子諭。現在軍前之蒙古王台吉等。及明年巡幸索約勒濟經過地方之蒙古王台吉等。俱著加恩。照乾隆十九年例。賞給恩俸。○軍機大臣等議覆鑾儀衛奏稱。應補整儀尉之年滿鷹狗拜唐阿。請分別滿洲漢軍缺分補。漢軍冠軍使雲麾使治儀正整儀尉。亦請照滿洲例補綠營員弁。查整儀尉二十九缺。內滿洲蒙古十三缺。漢軍十六缺。鷹狗拜唐阿滿洲蒙古人多。漢軍人少。請改漢軍為十三缺。滿洲蒙古為十六缺。分別補用。再鑾儀衛之漢軍官員與滿洲蒙古一例當差。嗣請揀選騎射可觀者。照滿洲例。以綠營官員補用。從之。○吏部議准。

浙江巡撫楊廷璋奏稱。紹興府屬南岸塘工。最為緊要。應令該府通判兼管海防。換給關防。改為在外揀調。從之。○旌表守正捐軀之江蘇阜寧縣民楊必玉妻王氏。○乙丑。

上詣

皇太后宮問安。○江南提督王進泰奏。江蘇總兵施廷專。前署江南提督。侵扣辦公銀兩。請旨審辦。得旨。施廷專著解任。交總督尹繼善審明定擬具奏。○大學士伯管陝甘總督黃

廷桂奏。甘省軍臺。正腰協站。均安馬十六匹。現軍報絡繹。馬匹不敷更換。易致疲斃。請每站添四匹。從之。○丙寅。諭軍機大臣等。據公弘眺等奏。該處原給大臣及侍衛等居住官房內。除改作衙署。並侍衛等現在居住外。其餘空閒房屋。不必令匠役人等看守。交該處工部司員查收。令綠營兵丁看守等語。此項官房。現既無人居住。與其日久空閒。易致朽壞。不如查明徑行折卸。以收實用。著交方觀

承派員前往。會同蘇和納。派出人員。將此等房屋逐一查明。俱行折卸。所有木植磚瓦等項。留於該處工程備用。無可改用者。該督即交地方官照例變價。將此寄信方觀承。蘇和納。令其遵照辦理。○又諭曰。黃廷桂奏稱。運送來年進剿兵丁口糧。現在聞展。有駝六千隻。仍需駝四五千隻。方足敷用。請降旨直隸山西督撫。再行購辦。趲赴甘肅備用等語。可傳諭黃廷桂。適已諭直隸總督方觀承。辦駝

二千隻。山西巡撫塔永寧。辦駝三千隻。今又諭塔永寧。量力再辦二三千隻。隨得隨解。以濟軍需矣。運糧駝隻。購辦不易。朕意自庫車至阿克蘇。若雇回人牛驢。給以腳價。遞相傳送。又於屯田收穫糧石內。量為撥運。亦可稍省轉餉之勞。但此事恐非永貴所能獨辦。可傳諭舒赫德。計此旨到時。伊已應援將軍等回抵阿克蘇。來年不必隨同進剿。仍於阿克蘇庫車之間。同永貴往來巡查糧運。勸課屯

田。至撥運口糧時。或雇回人牲隻。或貧苦回人內。有願肩糧步送者。俱酌給價值。但宜視其果否情願。不可勉強派累。致失新附之心。德舒既辦理庫車事務。併著傳諭知之。○又諭曰。定長等奏。巴圖濟爾噶勒。瑚爾起。於十一月二十五日。領兵至伊拉里克。因馬駝未至。兵丁等皆背負口糧軍器。步行戈壁。隨將現到開展駝隻。趲送。仍將續到馬駝。速為接濟等語。伊等所領官兵。皆應撤回更換者。昨因懇請前赴軍營。已諭照初次出兵例賞給。今又不候馬駝。步行速進。奮勉可嘉。除照前旨賞給外。巴圖濟爾噶勒。現任鑲黃旗蒙古副都統。著加恩授伊弟恩克阿穆爾。為藍翎侍衛。賞伊家銀一百兩。瑚爾起。著補授正白旗蒙古副都統。傳諭巴圖濟爾噶勒等。曉示官兵。勉効前驅。以膺恩賞。○兵部議准。兩江總督尹繼善奏。稱鳳陽衛署。在臨淮縣城。逼近淮水被衝。今縣治已裁。併鳳陽。請將衛署

移建鳳陽縣城從之。○青海扎薩克多羅郡王索諾木多爾濟故以其從弟闊散台吉色布騰多爾濟襲爵。○補行乾隆二十二年雲南貴州二省軍政卓異官十三員。年老官三員。才力不及官三員。分別陞賞處分如例。○旌表守正被戕之山東高苑縣民馮謨堯妻李氏。○丁卯月食。○諭軍機大臣等前經降旨令塔永寧買駝三四千隻。并於劉慥摺內批令於加價二兩之外再為加增亦可。此時自己遵照辦理。今據黃廷桂奏到。所有需用駝隻甚多。在晉省現在雖有採辦之項。較之他省尚屬易於購覓。著傳諭塔永寧令其於原辦三四千隻外再行儘力採買。能添辦二三千隻。多多益善。不必拘定起數。辦出時隨得隨解。務期妥速充裕。以濟軍營馱載之用。○又諭曰。舒赫德奏稱霍集占遣阿布都克呼木等潛至阿克蘇。令回人克伯克默特送書與烏什之穆遜阿琿。為阿克雅爾回人

呢雅斯等拏獲。據阿克蘇之阿琿伯克等告稱。穆遜之兄薩拉阿琿。現在葉爾羌。故致書伊弟伊二子一孫。俱在烏什。隨行文商之呼岱巴爾氏。將薩拉之子孫圈禁。并曉示回人。俟究問明白。再行辦理。與衆無涉。勿妄驚疑等語。呼岱巴爾氏之父霍集斯。効力軍營。伊復通曉事體。深用嘉悅。著加恩授為內大臣。賞戴孔雀翎。阿克蘇之阿琿伯克。及拏獲送書人之呢雅斯等。可傳諭舒赫德。俱酌量賞給銀兩。緞匹。再所奏賽里木回人協助馬駝。自應賞給價值。庫車距彼頗近。併傳諭德舒。每馬給銀八兩。每駝給銀十五兩。以示體卹。○予故江蘇巡撫陳大受。入祀名宦祠。○豁除甘肅張掖。撫彝。平番。高臺等四廳縣水衝地畝額徵租銀。○旌表守正捐軀之四川南部縣民馮華妻陳氏。

大清高宗法天隆運至誠先覺體元立極敷文奮武孝慈神聖純皇帝實錄卷之五百七十六

大清高宗法天隆運至誠先覺體元立極敷文奮武孝慈神聖純皇帝實錄卷之五百七十七

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅大學士大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十三年戊寅十二月戊辰諭曰御史

官員錄卷五十七

周照所奏一摺並不敷陳實政仍屬撫拾浮詞如所稱行政急於觀成必條例繁多法令嚴密承於下者轉得以空文相應等語綱紀所在隨時損益其要不過為整頓風俗人心起見試問今日之行政有視昔加嚴者乎繁者何條密者何令何不一一據實指陳昨於湯先甲並未罪之故周照又相繼為此以博進言之虛名也至稱用人急於求效便給近利之臣以小效炫其才智而老成持重轉因

而退沮等語御史職司糾劾人有不稱其職者即執白簡從事便給近利者何人老成持重者又何人何不指名奏出周照隱躍其言意中必有所指若令伊一一明白回奏又似因求言而加罪姑恕弗論然朕若不明白指出則言官得操用人行政之權而朋黨門戶之風將由是起今日適恭閱

皇祖聖祖仁皇帝實錄有言路不可不開亦不可太雜明朝國事全為言官所壞之論大哉

官員錄卷五十七

聖謨億萬年訓行之準吾子孫所當世守無數者昨者降旨求言原冀得一二補闕拾遺之奏庶幾有裨實政乃其中並無所見而藉詞應詔妄肆簧鼓朕又以優容之故不為加罪何怪乎周照之無所憚而踵行之耶但言官習氣其所關於行政用人者實非淺鮮朕若復崇尚虛文故為曲意獎臧則明季弊政炯鑒俱在而欲稍為因循姑息朕斷斷不肯出此周照著嚴行申飭嗣後倘更有似此空言

塞責實行其私者朕必明治其罪○諭軍機大臣等富德奏稱伊所領滿洲索倫蒙古官兵照初次出兵之例減半賞給整裝銀兩其綠旗厄魯特等兵應請旨遵行等語綠旗厄魯特兵丁俱在軍前効力俱著照例賞給以昭一視同仁之意○又諭據富德奏稱領兵進發見沿途地多戈壁兼之山險運糧騾駝多致傷損惟牛羊尚可趕送且回人等頗有口糧牲隻若折給銀兩令兵丁市買較為省便等語長途轉運維艱即內地購買牛羊亦復不易從前挑選牧羣馬牛羊隻俱在闢展牧放原備屯田之用今軍需孔亟或俟草青時趕送軍營作為口糧亦可至耕犁缺額即酌量籽種多寡輔以人力此亦第就目前情形權其緩急不得不然者著將富德奏摺錄寄黃廷桂吳達善清馥定長等閱看悉心會商妥協辦理其市買回人口糧牲隻即將哈密巴里坤闢展三處備貯銀兩酌量動撥亦

傳諭富德舒赫德永貴知之○軍機大臣會同兵部議覆大學士伯管陝甘總督黃廷桂奏稱甘肅驛站馬應添補查甘省現辦軍務需馬既多應於內地驛務簡少處斟酌裒益除直隸山西陝西等省現有遞送文報等事及浙省驛馬祇一百匹均無庸議裁外計各省額馬山東三千一百五十四匹湖北三千九十五匹應各減六百河南四千五百六十三匹應減九百安徽一千八百六十五匹江蘇二千匹應各減三百五十江西九百六十八匹應減二百湖南一千七百四十三匹應減三百共減馬三千三百匹應令各督撫酌量驛務繁簡道路衝僻分別抽撥山東河南解直隸候撥安徽等五省俱不必解送但於各驛按數裁扣至軍務告竣應否酌補缺額再請旨辦理從之○以詹事府詹事溫敏為盛京刑部侍郎○晉封喀爾喀扎薩克郡王齊巴克雅喇木丕勒為親王以其次子齊巴

克多爾濟及其弟旺濟勒扎布三都布多爾濟等為頭等台吉○己巳

上御乾清門聽政○詣

皇太后宮問安○諭據黃廷桂摺奏遵旨查辦上年雅爾哈善等所帶綠營脫逃兵丁治罪案內其中有實係抱病在途似與真正脫逃者不同現咨屯田大臣等將沿途病兵解訊確情分別請旨定奪等語征兵中路潛逃自應治以軍法若實因患病留後則情事迥不

實錄卷五十七

五

相侔豈可漫無區別乃雅爾哈善身為將軍領兵攻剿馬得勝有專司統率之責而於士卒之是逃是病一切付之不問亦可謂太無紀律矣且兵丁內有患病之人既不令隨時查報及病不能行又不派人看管及給與口糧以資留養甚至有流落者即此一事觀之雅爾哈善馬得勝二人之罪可勝誅乎今事後查辦雖有除名糧冊其中詭逃為病者亦恐不免何足為據若徒紛紛質對或承辦之

員不能妥協未必盡無冤抑總之罪在雅爾哈善馬得勝著黃廷桂查明道病情由屬實者但革去名糧免其治罪○諭軍機大臣等據黃廷桂奏稱富德等前進官兵需用駝隻俱以豫備糧運之駝供應其巴祿瑚爾起等陸續進發亦在所必需若不加以撙節則次年糧運轉致周章已行文定長等所有續到開展駝隻俱令牧養不得輕為派撥等語雖為來年糧運起見然策應兆惠更屬目前要

實錄卷五十七

六

務不得不權其緩急可傳諭定長等辦理各隊官兵起程若馬匹疲乏仍以駝隻接濟不可拘泥黃廷桂來文致有遲滯○又諭據黃廷桂奏稱現在各營馬匹惟有加意餵養臄壯以備明春之用此時口外大臣即有調取斷不敢冒昧應付並稱各處援兵俱行進發除已經轉解之駝隻外所有續到開展駝隻毋庸再解即存留牧放以備分設臺站接運糧石要需等語自屬撙節籌畫以為明春進

勦計實不得不權其輕重酌量辦理但馬匹一項天寒路遠解送維艱與其徒致疲斃自不如加意餵養以濟明春實用至解赴闕展駝隻如必須咨取未便概停應付已傳諭定長今其隨時量為撙節辦理並諭知黃廷桂以便彼此籌酌調劑至另摺所奏將陝豫二省送兵驛頭挑買二三千送赴馱運糧石一節此項驛頭由西安長行至口恐已多疲瘦未必皆堪應用此時挑買二三千亦屬通融協濟運送之策或於哈密至闕展一路將驛頭量為分撥協運其自開展以至阿克蘇有戈壁大山之處則酌量仍用駝隻方為妥協一切隨時籌辦以濟軍需可詳悉傳諭知之○又諭據扎隆阿奏稱車木楚克扎布領兵拏獲逃犯恩克等甚屬効力著加恩賞緞六端察達克賞緞四端所有索倫察哈爾官兵著查明交部議敘察達克所領兵丁前雖賞給口糧今既拏獲逃犯著加恩同喀爾喀等

實錄卷一百一十五

七

官兵俱酌量賞給銀兩以示鼓勵○又諭據同福柱奏稱黃廷桂調撥營馬二千匹至涼州餵養伊親行送往並派協領瑚柱等作九起行走等語解送馬匹之滿洲綠旗官兵沿途所需行糧有無應給官項伊等至涼州照看飼秣時應如何加恩賞給可傳諭黃廷桂查明議奏再降旨賞給以示體卹尋議今歲口內外糧價翔踊解馬官兵額支盤費不敷向例協領佐領叅將遊擊口內日支銀四錢口外五錢今請口內每日加銀一錢口外二錢防禦都司守備向例口內日支銀三錢口外三錢七分五釐應請口內日加銀八分口外一錢六分驍騎校千總把總日支盤費銀口內二錢口外二錢五分應請口內日加銀六分口外一錢二分至牽馬兵丁向例無論口內外日支銀四分今請口內日加銀六分口外一錢從之○大學士伯管陝甘總督黃廷桂奏甘涼肅出差邊兵家屬月領銀一兩

實錄卷一百一十五

七

糧價昂。不敷買食。存營兵差繁糧少。不能兼顧家口。現每兵一名。借給糧四斗。延綏鎮屬兵差務尤繁。又值歲歉。每兵借給糧一石。均於來年各應領糧餉內。分四季扣還。得旨嘉獎。○以故一等子察哈爾車凌多爾濟子那木扎勒一等男加一雲騎尉奇山子喀寧阿各襲爵。○緩浙江仁和歸安烏程長興德清武康等六縣湖州一所。本年水災田畝應徵漕糧漕截漕項等銀米並舊欠錢糧。○甘肅岷州土百戶馬繡青海瓊布納克魯族百戶隆珠旺扎等故。以其子映星納旺四朗等各襲職。○庚午諭曰。御史朱嵇條奏一摺。所舉裁汰柳船之類。事涉瑣屑。迂見無關政要。即如所云柳船為黃河泛溢救生之用。黃河豈常有泛溢之事。亦豈常宜聽其然而不治。其本至所奏捐納州縣官應以一年甄別。二年實授等語。亦於事理未協。選授官員蒞任之後。隨時甄別。責在督撫。應留應去。豈能定以

年限。如每月輪選正途舉人進士。其中多有老邁平庸之人。然以積日累歲。應彼選補。改教不勝其改。明知其不可。而未嘗不照擬錄用者。以其無可指之過。彼方抱屈者有之。此用人之難也。若而人者。亦將以一年限之乎。但朱嵇既有此言。著交該部酌量定擬具奏。尋議黃河柳船年久運動不靈。有名無實。允宜裁汰。至捐納人員。定例試俸三年。方准陞轉。如該御史所奏。較常例過優。應無庸議。從之。○軍機大臣等奏前奉旨停止點閱兵丁軍器。其官員軍器展限五年一次點閱。至官員及護軍校驍騎校之盔甲兵丁之撒袋腰刀。仍扣俸餉修理。伏思官員盔甲亦應令自行修補。較官修尤堅固。再護軍校驍騎校雖係六品官員。仍在兵額之內。其盔甲請飭軍裝處按名製造。官為存貯。停止工部修造從之。○軍機大臣會同吏部議覆御史陳大復奏稱三年計典。督撫不得概請展限。查大計

展限原非成例。嗣後督撫陞調時。適屆大計之期。既察覈在前。應即行趕辦。或密交新任代題。若距計典尚遠。仍照舊例辦理從之。○以故三等公哈寧安叔兆德襲爵。○扎魯特頭等台吉達爾漢阿珠爾故以其子沙克濟沁布瓦襲職。○補行乾隆二十二年大計。貴州省不謹官二員。罷軟官一員。年老官三員。有疾官一員。才力不及官二員。浮躁官二員。廣西省不謹官一員。罷軟官一員。年老官一員。有疾官一員。才力不及官一員。俱分別處分如例。○辛未鑲藍旗蒙古都統納延泰等奏請補授似朱林之公中佐領揀選人員。帶領引見。諭曰。此佐領管理承襲者甚繁。兩佐領內將福珠禮所管佐領作為三姓互管。佐領缺出時。於達爾丹代清二枝人員內揀選互管。其吉蘭泰佐領即作為公中佐領。著車臣補授。○以故一等男加一雲騎尉特古斯子明保二等男富山子福寧阿各襲爵。○壬

申。諭前據高晉奏稱發往安徽試用之知縣朱調元劉侑溫燦均難勝民社之任。應請以教職改補等語。今吏部將劉侑等二員帶領引見。果不足膺民社之任。照所請以教職改補矣。此等試用人員材具既屬平庸。督撫等斷難率請題補。若但以差委為姑容之計。在地方既難得人。而該員等亦徒滋守候。於公私兩無裨益。不如及時奏請改補。俾早得一職自効。而公務亦不致貽誤。高晉所見頗當。所有各省試用人員並著該督撫等留心察看。照此辦理。將此通行曉諭知之。○又諭曰。河東鹽政薩哈岱請將乾隆二十三年引課分作五年帶徵帶銷一摺。該部議駁亦是。上年該處鹽池被淹。已將二十二年分額餘引課分作三年帶徵。今年該處並未被災。自非上年可比。但念各商現在力量不能充裕。著加恩將河東乾隆二十三年額餘課引官務等項照上年之例分作三年帶徵帶銷。以紓

商力○諭軍機大臣等據謝溶生奏辦理考試情形一摺內稱查獲魚臺曹縣定陶各處雇倩鎗手現在照例審究等語鎗雇諸弊於考試大典甚有關係司文柄者必隨時實心整頓有犯必懲庶可遴選真才肅清學校第思此等積習恐不止山東一省為然何以各省學政從未有陳奏及此或該學政等以為職分應辦之事就案審理完結未及逐一奏聞亦未可定若謂各省竟無此弊則殊非情理也生童考試為士子進身之階弊竇不清則良莠混淆真才無由而見由此而鄉試會試安望得才品兼優之士而用之甚非籲俊掄材之道著傳諭各省學政遇有此等情弊務必實力釐剔毋得稍事姑息仍將一年考過所屬有無鎗雇諸弊及如何辦理之處於歲底專摺奏聞謝溶生摺併著鈔寄閱看○戶部議覆山西巡撫塔永寧奏稱陽曲等四十二州縣丁徭未歸地糧奉部咨籌辦查陽

曲榆次嵐縣興縣岢嵐應州山陰靈邱天鎮懷仁陽高右玉平魯寧武神池偏關五寨遼州平定壽陽孟縣絳州稷山河津絳縣蒲縣等二十六州縣土地瘠陋糧少丁多仍應丁糧分辨惟太谷臨縣石樓五臺崞縣等五縣丁糧輕重適均應俱攤徵至丁重糧少不能全行攤徵者據各州縣詳請分別辦理永寧州請一丁徵銀三錢餘徭並無著丁銀均攤歸地糧朔州請照中下下二則令現在實丁與寄莊各戶按地輸徭以符原額其衛丁按下上下中下下三則分貧富勻納榆社縣請將丁徭三分一分攤入地糧餘按丁輸納沁州請不分民屯門則每丁徵銀一錢餘減除丁徭按通邑糧銀並民屯米勻攤沁源武鄉二縣並請丁徭半入地糧半按丁徵銀靜樂縣請以丁徭十分之三攤入民屯地糧餘按丁徵銀代州請令民衛丁徭每丁納銀一錢三分三釐餘徭攤歸地糧保德州請俱照

下下則每丁徵銀八錢二分四釐減存徭銀按地糧攤徵隰州永和縣均請查明寄居年各置有產業各戶俱納下下則徭銀將原額上中下各則丁銀勻減均應如所請從之○

工部議准江南河道總督白鍾山奏稱邳睢廳所管黃河南北兩岸隄埝各工自銅沛界至宿虹界長一百二十餘里遇伏秋汛漲兩岸奔馳防護最為緊要更兼管運河自黃林莊至宿遷碭灣口長一百二十里距黃河隄

岸道里綿長勢難兼顧應將邳睢廳所管運河工程改併運河廳管理至邳睢廳所管運河向設巡檢二員把總一員應改隸運河廳管轄並應換給分管邳睢運河通判關防從之○調浙江溫州鎮總兵黃錫申為江南蘇松鎮總兵以廣東香山副將吳必達為溫州鎮總兵○予陣亡總兵高天喜諡果義前鋒統領鄂實諡果壯副都統三格諡剛勇並祭葬如例○蠲浙江錢塘山陰會稽蕭山諸暨

餘姚上虞等七縣本年水災田畝應徵漕項錢糧有差並緩徵漕糧漕截等銀米及舊欠錢糧○癸酉

上詣

皇太后宮問安○諭據尹繼善奏壽春總兵納漢泰才具遲鈍不能振作難勝總兵之任等語所奏甚是向來督撫有節制文武之責一切營務自當實力整頓乃或因總兵身係武途且為專閫大員不免曲意姑容其有該員向係保舉堪勝總兵者則瞻徇為尤甚殊不知總兵為一鎮表帥倘不能勝任則該鎮營伍必致廢弛尹繼善此奏甚得封疆大臣之體納漢泰著來京仍在侍衛上行走所遺壽春鎮總兵員缺著養善調補其福建建寧鎮總兵員缺著覺羅西琳補授並傳諭直省督撫俱隨時實心體察遇有不能勝專鎮之任者即據實陳奏毋得因循貽誤以肅戎政○諭軍機大臣等據勞三等奏稱伊等於庫車

等處遇新派各隊官兵俱疾速行走計十二月初旬可俱抵阿克蘇等語此次大臣侍衛官員兵丁同心協力晝夜行走甚屬奮勉如此方是滿洲世僕朕心深為軫念前諭將軍營奮勉官兵查明具奏可再傳諭兆惠此次効力之大臣侍衛官兵等俱著查明註冊俟功成之日定沛恩施以酬勞績○又諭據定長奏哈薩克阿布賚遣伊屬人至烏魯木齊懇求貿易並與從前將軍等遣往哈薩克之寧古塔兵丁雅呼同來即派原任道員成德前往經理又將阿布賚呈將軍大臣文書進呈哈薩克既遣人前來自應准其貿易覽阿布賚呈文則後此仍有貿易之人若果如所約亦照此次辦理但呈文中有雅呼等兩次帶領伊等貿易懇將軍大臣獎賞以示鼓勵等語可傳諭定長伊貿易人等若代雅呼懇求即示以我等所辦者惟貿易事務至保舉効力之人則不敢干與爾等俟親見將軍時

稟告若雅呼佯為不知即無庸向說若亦私自懇請即令其來京候旨仍將伊等言語情形具奏○甲戌諭曰河東道黃凝道前在湖南時經總督碩色叅奏及來京引見朕以其年力尚壯不忍廢棄仍加恩以監司錄用但察其為人多以口說見長未必能實心辦事當即傳諭塔永寧令其留心試看今據奏該員言論紛煩不中款要於地方事務毫無表見惟耽於安逸難勝監司重任等語觀塔永寧所奏則前此碩色叅劾並無冤抑可知黃凝道以被叅之員格外邀恩擢用乃徒恃口給全不知感激奮勉殊為負恩著革職發往巴里坤交與清馥等令其自備資斧効力○諭軍機大臣等塔永寧奏稱五臺山顯通寺被火延燒七十餘間現今地方官督同寺僧從長計議妥協辦理等語該寺係臺懷古剎自應即為修理但該處寺僧平日惟擁厚貲不知修葺殿宇又不留心防護致延燒房屋

如此之多。此項工程即應令該寺僧人自行如式修造。地方官仍應督率稽查。倘寺僧力果不足。酌撥該省公項銀兩。以為攸助。再該寺向有銅殿一座。摺內未經聲明。如並未焚及。小有損傷。不過略為修補。自應仍復舊觀。若已經燬壞。難施工作。則不如即將此項銅勛變價。以給工程之用。不必更造銅殿。尤為妥協。將此傳諭塔永寧知之。尋奏銅殿並未燬損。該寺棟宇高大。又在萬山中。修復工料約需五六千金。寺僧資產儘數充用。祇三千餘金。應撥公項攸助。報聞。○又諭曰。納世通奏稱舒赫德現在領兵前進。辦理阿克蘇事務。惟永貴一人請前往協辦等語。著照所請。前往阿克蘇。協同永貴辦事。哈喇沙爾事務。著書山辦理。定長范時綬仍著駐劄闡展。承辦一應事務。○又諭昨據定長奏稱哈薩克阿布賚之兄阿布勒巴木比特遣其子俄羅斯蘇勒統等三十餘人。隨喀喇沁臺站章

京納旺前來入覲貢馬。由烏里雅蘇台行走。已傳諭納旺令其帶領速行。於上元節前到京。如馬力不及。亦不必勉強。仍傳諭成衮扎布哈薩克所貢馬匹。若隨同行走。未免遲滯。著先令使臣馳驛起程。將貢馬暫留軍營。從容牽送。○以故一等公栢永子喜明一等公法爾薩姪善保二等子善保從弟法隆五各襲爵。○乙亥。諭據內閣學士鄒一桂奏稱年逾七旬。精力衰頹。入冬以來。復患腰疾。懇乞罷斥等語。著照所請。鄒一桂准以原品休致。○諭軍機大臣等。福祿奏稱喀爾喀協理一等台吉鄂木布濟索倫佐領錫爾伯圖等領兵拏獲盜竊卡座牲隻賊人滿塔克等。應請正法示衆。其家口分賞兵丁等語。福祿德沁扎布俱著交部議敘。仍加賞德沁扎布緞六端。多爾濟車登達什朋楚克車都布鄂木布濟錫爾伯圖等及効力兵丁俱著分別賞給緞疋銀兩。○又諭據成衮扎布等奏稱和托

輝特之特斯奇木托濟錫爾克騰等四部烏梁海共十六鄂拓克一千一百餘戶內五百餘戶尚能交納貢賦餘皆無力現在收取伊等貂鼠狍獐狼狐等皮張及鵬翎麝香等物除麝香不准充貢餘物量其所值以每戶三貂計算僅得一百七十一戶其未完之項請於次年帶收等語此等烏梁海受青滾雜卜擾害生計俱屬艱難著傳諭成衮扎布將伊等未完貢賦加恩豁免仍令莫尼扎布曉示伊等從前何等苦累今為大皇帝臣僕除正供外並無額外需索現在未交皮張又行寬免嗣後爾等應納貢賦務如數交收不可有意希恩仍致缺少莫尼扎布辦理烏梁海事務頗屬効力著加恩賞給緞疋○大學士伯管陝甘總督黃廷桂等奏西北兩路臺站弁兵連年馳遞文報迅速奉旨加恩賞資應賞給千把總每員銀四兩外委三兩額外外委一兩兵夫每名一兩從之○廣東瓊州鎮

總兵黃正綱丁憂以湖北黃州副將解遜為瓊州鎮總兵○丙子

上詣

皇太后宮問安○諭曰公善保喜明俱著授為散秩大臣善保著在尚書房讀書○諭軍機大臣等方觀承奏大名縣屬漳河隄岸每年汛後增修照例勸用民力所需物料由地方官捐辦終非經久之道請將永年縣學田餘租銀二百兩撥充購料之需等語以閒款撥充隄岸購料之需其事本屬甚小但此等勸用民力之處不獨他省往往有之即以直隸而論亦不止此一處也豈皆應撥物料之費耶況所費不貲即當動用公項而不宜勸用民力既勸用民力則畚鍤之類民間本所素具攜而用之持而歸之何至有物料之可指耶此雖小事恐開地方官冒銷之漸且恐仍有派民之累矣所奏不必行著傳諭方觀承知之○又諭據舒赫德呈報軍機處因送回

納木扎勒等家人之便將効力年久之察哈爾佐領巴雅爾暨兵丁四十四名徹回巴里坤等語。察哈爾兵調往軍營多用於卡座臺站。所關甚要。不可懸缺。可傳諭舒赫德清馥此等徹回兵丁。有原在卡座臺站者。自應將新派之察哈爾兵補缺。納木扎勒等之行裝至巴里坤。清馥即給與驛馬。由西安一路來京。又所報同行有三等侍衛章武藍翎侍衛班泰等家人。前愛隆阿奏報。納木扎勒三奏信息。祇有侍衛奎瑪岱。未及其餘侍衛官員。俱著兆惠舒赫德查明奏請優卹。○又諭據扎隆阿查奏擒獲恩克等之烏梁海章京等。或照例賞給緞疋。或送部議敘。又開列一等兵丁。應賞銀六兩。其二等官兵與烏梁海兵丁等俱毋庸議等語。昨伊等奏報獲犯時。已諭將烏梁海兵丁一體賞給。著照一等兵丁例。賞銀六兩。其二等官兵著賞銀四兩。至所奏烏梁海章京等送部議敘。伊等惟圖賞賚。

何知議敘之榮。著將例賞緞疋茶葉烟草加倍賞給。又侍衛喇布坦等疎脫克爾奇里克旋行追獲。自可功罪相抵。喇布坦著加恩免其革職。所有看守兵丁俱免其革去名糧。照所擬鞭責。穿箭遊營以示薄懲。○軍機大臣等議覆山東巡撫阿爾泰奏稱濟寧魚臺二州縣水淹地一千八百餘頃。計冬底至明春可消七八百頃。其未能涸出者。淺水種植蘆葦。深處聽民捕魚駕船。另謀生計等語。查該處久被淹浸。民多艱苦。其可以種葦地畝。請加恩借給工本。每畝銀二錢。於乾隆庚辰年秋後起徵。分三年繳還。從之。○丁丑。孝莊文皇后忌辰。遣官祭昭西陵。○諭戶部彙奏耗羨銀兩。內安徽浙江山東四川陝西五省所支耗羨。除通融抵補外。尚多支銀一萬四千四百餘兩。請行令該督撫查明承辦各官分賠等語。耗羨章程原因每年動支數目多寡不同。是以定議五年。

合計彙辦。以示節制。今安徽等五省。除通融抵補外。尚浮支銀一萬餘兩。較上屆已出範圍之內。殊非原定章程本意。但竟照部議。即令追賠。其中因何必需動用款項原由。殊未明晰。著該督撫按年詳細覈查。據實奏聞。再降諭旨。○又諭東省乾隆二十、二十一兩年。加賑補給折穀銀兩。著加恩照該撫所請一體准其報銷。其該省從前十、十三兩年。例外補給之項。念係因災賑卹。且事逾十餘年。所有原辦錯誤之地方各官。及未經覈駁之戶部堂司官。均免其分賠議處。○諭軍機大臣等。據成衮扎布等奏。稱哈薩克使臣等行至軍營。隨示以車駕今在京師。非爾等入覲之時。但業已前來。須候請旨到日。遵行等語。近因定長等奏。哈薩克人等由烏里雅蘇台前來。已傳諭納旺。令於上元節左右。趨到。如不能即從容行走。亦可。若以非時相阻。則豈有令其空回。或令候至次年。抑或此時特為

伊等臨幸熱河之理。若謂伊等未經出痘。則從前亨集噶爾等尚且奏請來京。此次自當照辦。所見殊屬拘泥。著遵前旨曉示。或竟告以業經奏請蒙恩。念爾等遠來。若不令瞻仰。未免有虛誠意。況從前使臣等亦未經出痘。尚懇請來京。今時值隆冬。更自無妨。仍計正月十九日以前。能否抵京。酌量辦理。○戊寅。諭軍機大臣等。據富德奏。稱解送馬匹牲隻。自巴里坤取道額林哈畢爾噶。經過烏嚕木齊。阿勒輝。伊克珠勒都斯巴。哈珠勒都斯海。都河喀喇諾爾庫庫努特嶺。至阿克蘇。較之現行臺路。既無戈壁。且饒水草。但須二月冰雪消化時。方可行走。查珠勒都斯等處。係達什達瓦舊游牧。本年車布登扎布。帶回厄魯特梅楞察罕。扣章京帕克巴達。付諾爾布扎布等三人。熟識路徑等語。著傳諭官長。保現在派調達什達瓦游牧兵丁。富德尚未知悉。伊等熟識路徑者。諒不止此三人。若三人業

已在內自可毋庸置議。即另有別項事故亦不必定派伊等。或不必過巴里坤。徑由阿濟必濟前往。亦即詢問熟識道路之人。伊等此去。由巴里坤行走與否。酌定取道何處。即呈報軍機處。以便行文辦理。馬匹牲隻之大臣官員。併傳諭兆惠、富德、舒赫德等知之。○又諭曰：黃廷桂奏詢問侍衛德爾森保據稱額林哈畢爾噶一帶水草甚佳。解送阿克蘇馬匹。應由此路行走。但沿途未免有瑪哈沁西

平定縣志卷之二十二

三

安滿洲兵及達什達瓦厄魯特等。若令亦由此路分起護送。更屬妥協等語。與富德所奏相符。已傳諭官長保及解送馬匹之副都統伊林保景矣。可傳諭黃廷桂。俟官長保將應否仍由巴里坤取道之處酌定。知會後來年解送馬匹牲隻。即照此辦理起程可也。○又諭曰：舒赫德奏整頓阿克蘇等處兵馬策應兆惠軍營。回城阿璉伯克及玉素布、丑達等捐助馬駝。於本月初四日起程等語。辦理殊

屬妥協。伊等以忠勇之氣激勵將士軍威遠震。內外合擊倘蒙

上天福祐。或可勦賊成功。佇聞捷奏。阿克蘇之阿璉伯克及玉素布等捐助馬駝。急公可嘉。著俱折價賞給。令永貴辦理。又據奏稱聞伯克鄂對有從和闐城派馬步兵一千名豫備羊隻糧石之信。伊從軍以來諸事奮勉。此次尤徵誠悃。著加恩賞給公品級。兆惠、舒赫德等即傳諭知之。○又諭現在大兵進剿需用

平定縣志卷之二十二

三

牛羊以資軍食。著乾清門侍衛巴爾品郎中富鼎、馳驛前往鄂爾多斯、阿拉善會同該扎薩克等。於伊等牧羣內牛羊。就所有酌量購辦。給以官價。邇來牲價稍昂。可量為增給。就近於寧夏庫貯銀兩內支領。所購牛羊亦著寧夏地方官送交督臣駐劄處所轉送軍營。○是日起

上以歲暮裕祭

太廟齋戒三日。○已卯諭近以另記檔案開檔

人等不能在綠營當差。多有願為民者。伊等食餉有年。一旦為民。不免有失生計。因令前往廣州補駐防滿兵缺額。今聞此項遣往人等。謂將伊等作為裁汰之數。陸續缺出子孫不得挑補。因有不願前往之意。嗣後二處兵丁缺出。先儘挑補滿洲子孫。若不得其人。再將此項遣往人等子孫挑補。○庚辰。以歲暮裕祭。遣官祭

太廟中殿。

平定集卷之六

三

後殿。○諭軍機大臣等。據定長奏稱。哈薩克阿布賚遣布魯特昆都渾等十餘人。前來貿易。於十二月初四日至烏魯木齊。已行文舒景阿照例辦理。又收到阿布賚寄努三之書。懇賞貿易人等口糧馬匹。遣回游牧等語。哈薩克人等貿易。特為伊等圖獲利息。情愿前來。惟計物償值。示以公平。並無另為辦理之法。若豫備歸途行糧。此端斷不可開。著傳諭定長等。伊等貿易來人。知努三已離烏魯木齊。

或不言及此事。若仍以阿布賚書信為詞。舒景阿即曉示云。我辦理貿易大臣。因爾等踰期不來。久已回京。理應停止貿易。但商貨尚存。念爾等遠來空勞往返。故酌量辦理貿易。尚屬通融。此外事體。更不敢干與。且貿易人等。非請安進貢可比。從前亦無給與口糧馬匹之例。即將伊等遣回。○又諭據章嘉呼圖克圖奏稱。伍彌泰官保二人爭欲帶兵前往阿哩地方。俟霍集占逃至拉達克。即協力擒拏。呼圖克圖以藏內人多疑。恐因此妄造語言。於事無益。因而阻止等語。朕前降旨。若賊匪霍集占逃往拉達克等處。即行擒拏解送。原指拉達克而言。其詞甚明。此豈伍彌泰官保等所能辦理。明知不能。故欲前往。特欲使呼圖克圖阻止。為之轉奏。以彰伊等之詭。殊屬糊塗。且復取巧。呼圖克圖阻止伊等。甚是。伍彌泰官保著傳旨嚴行申飭。○辛巳。裕祭。

平定集卷之六

三

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵○遣官祭

孝賢皇后陵

端慧皇太子園寢○遣官祭

太歲之神○貝勒品級回部伯克霍集斯之

子漢咱吧爾入覲

上御乾清宮視朝漢咱吧爾隨班行禮賜冠服

○諭據海明尹繼善等奏稱常鎮運河應挑

工段一律完竣而知州李世傑知縣馬鵬飛

何廷模典史白熙等四員所辦工段倍加奮

勉等語李世傑等著交部議敘以示鼓勵○

壬午

上詣

皇太后宮問安○御保和殿筵宴朝正外藩左

翼阿巴噶親王品級郡王索諾木喇布坦科

爾沁郡王納旺喇布坦公索諾木色楞諾觀

達喇固山額駙索諾木敖漢郡王垂濟喇什

公桑濟扎勒和碩額駙朋蘇克喇錫三等台

吉色布騰多爾濟翁牛特貝勒朋蘇克多羅

額駙班珠爾固山額駙車布登一等台吉諾

爾布扎木素阿巴哈納爾貝勒達什敏珠爾

喀喇沁貝子瑚圖靈阿貝子品級公敏珠爾

喇布坦公扎拉豐阿公品級齊齊克一等塔

布囊丹津達爾扎土默特貝子哈穆噶巴雅

斯呼朗圖巴林公額駙德勒克多羅額駙丹

津烏珠穆沁公敦多布色楞郭爾羅斯扎薩

克台吉阿喇布坦右翼科爾沁親王色布騰

巴勒珠爾固山額駙鄂爾吉納古穆三等台

吉色楞丹巴喀喇沁郡王喇特納錫第公溫都爾瑚和碩額駙納木扎布青海郡王索諾木丹津烏珠穆沁貝勒達什衮布教漢貝子垂濟扎勒公品級羅布藏錫喇布固山額駙旺扎勒喀爾喀固山貝子諾爾布扎布根扎布多爾濟公扎木禪一等台吉根扎布多爾濟都巴扎布和碩特公色布騰扎薩克台吉特默齊烏喇特公恭格喇布坦土默特公喇嘛扎布綽羅斯公品級羅布扎翁牛特二等

平定集卷六十二

三

台吉桑濟扎布扎魯特二等台吉朋蘇克回使漢咱吧爾及大學士內大臣等召阿巴噶親王品級郡王索諾木喇布坦科爾沁郡王納旺喇布坦教漢郡王垂濟喇什翁牛特貝勒朋蘇克喀喇沁貝子瑚圖靈阿土默特貝子哈穆噶巴雅斯呼朗圖喀喇沁貝子品級公敏珠爾喇布坦公扎拉豐阿公品級齊齊克科爾沁親王色布騰巴勒珠爾喀喇沁郡王喇特納錫第青海郡王索諾木丹津烏珠

穆沁貝勒達什衮布喀爾喀貝子諾爾布扎布貝子根扎布多爾濟喀爾喀公扎木禪和碩特公色布騰教漢公品級羅布藏錫喇布等至

御座前賜酒成禮○叅贊大臣尚書舒赫德奏十二月初三日有回人托克托默特自葉爾羌來投詢據大兵至葉爾羌布拉呢敦自喀什噶爾領馬步五千人霍集占領馬步萬人合圍大兵三十餘日因聞喀什噶爾所屬英

平定集卷六十二

三

吉沙爾城忽被布魯特搶掠二賊猝謀禦敵是日薄暮將軍領兵縱火奪賊營二劫殺看守人衆過半二賊相謂此必將軍與布魯特有約即圍守經年諒難取勝且力亦不支莫若議和因遣所屬及厄魯特各一人通信將軍拘留不遣以矢射書傳諭云爾兄弟果欲納款當入覲

大皇帝否則不允後二賊亦射書願送口糧徹圍相見將軍不報從此俱未交鋒又聞軍營

脫出之厄魯特告稱軍營掘得米一百六十
害收馬千餘匹駝千餘隻。布拉呢敦因喀什
噶爾告急。撤回防禦。所留僅二百人等語。臣
察回人所告屬實。尤宜急往策應。現駐阿克
蘇及新派官兵先到者計二千二百有奇。馬
一千二百有奇。帶領前進。行文續到各隊官
兵及富德阿里衮等。趨行進發。又令總管噶
岱默特及阿克蘇阿璉伯克等將伊等投誠
後安居樂業情形及從賊必被勦殺。惟將霍
集占等擒獻。或自來投順。可保身家。繕寫回
字文書。曉示沿途回衆。諭軍機大臣等。舒赫
德奏據來投回人告稱將軍兆惠等攻奪賊
人營壘。霍集占等喪膽求和。兆惠責令輸誠
入覲。始准納款等語。舉動雄偉。甚屬可嘉。著
加恩賞給御用朝珠金黃帶荷包。此帶可常
時服用。額敏和卓伯克霍集斯明瑞溫布由
屯各賞給大小荷包。道遠不能多齎。賞物特
派御前侍衛安泰前往宣慰。並傳諭兆惠等

將効力官兵查明奏請。交部議敘。至回人所
聞脫出厄魯特等傳說軍營掘得窖糧之語。
或係伊等揚言。或實有其事。亦遇便奏聞。
是月內務府總管傅巖奏看守南石槽懷柔
縣密雲縣羅家橋要亭等五處行宮千總五
員兵二十九名。每月由京中本佐領下支領
錢糧往返三四日。曠汎誤班。嗣後請派千總
赴戶部關領。交該總管收貯。按月支放。報可。
○署江西巡撫阿思哈奏通省塘汎應改移
者八處。其六塘即將本營所管偏僻塘兵改
移。其二塘需兵十名。應於贛標營兵內抽撥
從之。○閩浙總督楊應琚奏閩省達京郵傳
自會城西門外之荷亭。至古田縣屬之水口
驛。水程一百八十里。沂流過灘。又無緯路。差
務每多稽遲。查數站原有塘汎。陸路康熙年
間。被水衝塌。今請修復從之。○湖南巡撫馮
鈐奏臣標下左右兩營官兵俱劣。現整飭訓
練。得旨各省撫標向為最劣。亦不盡湖南汝

能整飭固佳。即仍舊亦無不可。蓋所責於汝者。不在此標下數兵也。若徒為空言。何必○是年。追予準噶爾出師陣亡傷亡之員外郎赫泰等一百四十八員。祭葬贈卹如例。外委馬步兵丁六百七十二員。名卹賞俱入昭忠祠。○旌表孝子福建李崙一名。守節合例八旗滿洲佟佳等妻王氏等七十六口。蒙古五保等妻張氏等十一口。漢軍蔣國華等妻王氏等十二口。奉天等省駐防漢岱等妻庫雅拉氏等四十二口。直隸等省李元麓等妻曹氏等三百零九口。夫亡殉節湖北某妻季氏一口。何友唐聘妻楊氏一口。未婚守志江蘇等省朱演等聘妻陳氏等十三口。百歲壽民婦直隸等省黃淑璘等一十名口。各給銀建坊如例。○一產三男直隸等省張興等八家。○會計天下民穀數。各省通共大小男婦一萬九千一百六十七萬二千八百八名口。各省通共存倉米穀二千九百九十五萬

九千三百二十石九斗四合六勺零

大清高宗法天隆運至誠先覺體元立極敷文奮武孝慈神聖純皇帝實錄卷之五百七十七

大清高宗法天隆運至誠先覺體元立極敷文奮武孝慈神聖純皇帝實錄卷之五百七十八

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十四年己卯春正月癸未朔

上詣

奉先殿行禮○詣

堂子行禮○率王以下文武大臣詣

壽康宮慶賀

皇太后禮成御太和殿受朝作樂宣表如儀○

詣

大高殿

壽皇殿行禮○遣官祭

太廟後殿○御乾清宮賜宗室王公等宴○甲

申。

上奉

皇太后幸重華宮侍宴○諭甘肅本年應徵地丁錢糧及歷年積欠銀兩草束等項業經上年屢次加恩豁免但念該省邊地苦寒年來承辦軍需小民急公趨事朕心深為嘉予著再加恩將甘肅通省來年應徵地丁錢糧悉予蠲免該督撫等即行出示偏為曉諭並嚴飭屬員實力奉行副朕格外優卹邊氓至意

○又諭甘省遠處邊陲地方寒瘠比歲收成歉薄生計未免拮据雖通年辦理軍需毫無派累而一切受雇輓運罔不踴躍急公民情淳樸深堪軫念業經疊次加恩將近年正供雜項並歷年積欠帶緩銀糧草束概予豁免惟昨春曾被偏災之地尚有官借牛具籽種口糧及積年應交官項為從前恩旨所未及者若照例徵收無力貧黎仍復艱於輸納著再加恩將甘省上年曾被偏災及勘不成災

各州縣所有未完籽種糧九萬六千餘石。又折給銀一千餘兩。未完口糧四萬四千七百餘石。又折給銀五千八百餘兩。又各屬被旱及被雹處所。內有勘不成災地畝。原借籽種糧一萬一千三百餘石。又折給銀二千五百餘兩。口糧一百餘石。又折給銀四千七百餘兩。又甘肅涼州。肅州。未完牛價銀一萬一千五百餘兩。乾隆二十三年。各屬借給牛本糧一萬五千九百餘石。銀八千餘兩。卑蘭縣。借製水車未完銀兩。及雍正七年起。至乾隆二十二年止。未完牙稅磨課等銀兩。普行蠲免。其乾隆元年至二十二年止。帶徵民欠未完各官養廉公費銀三萬九千二百餘兩。糧一十二萬三千三百餘石。並雍正十三年未完耗羨銀糧。均屬遠年積欠。概予豁免。俾免追呼。以安耕作。至口內之柳林湖。毛目城等處。口外之靖逆。柳溝。赤金。瓜州。小灣等處。屯田並著一體加恩。將本年應分糧石各照交官

之數酌減一半交收。俾得均霑渥澤。○又諭年來甘省承辦軍需。所有通省正供疊經寬免。其帶緩各正雜錢糧亦已屢次加恩蠲豁。今思陝西與甘肅毗連。小民踴躍趨事。未曾沐恩。深堪軫焉。除上年被災各屬已加賑恤外。其餘或有承辦軍需州縣。應如何分別加恩。著黃廷桂詳悉查明奏聞。候降諭旨。○又諭據鹽政高恒奏稱。兩淮商衆以西北蕩平。遠人向化。屯田塞上。中外一家。願捐銀一百萬兩。少抒服役之誠等語。年來軍需屯務撥用悉由內帑。不但貯備充裕。即各省一切蠲賑賞卹未嘗因此而少有節省。但該商等踴躍捐輸。同聲籲請其急公之志。深屬可嘉。所捐銀兩著交與高恒委員解交陝甘總督黃廷桂。以備軍需屯務撥用。該商等並著交部議敘。○諭軍機大臣等據舒赫德奏稱。和闐等六城米糧甚多。距葉爾羌亦近。將來大兵會合正需接濟。若由內地送銀數萬兩。緞數

百疋青藍等布數千疋賞給捐助糧石回人則伊等踴躍急公可省運糧駝隻之費現在阿里衮親解馬駝請將所有餘駝留運各城糧石已咨行黃廷桂吳達善定長阿里衮等語所辦甚屬妥協可傳諭黃廷桂等酌量多為運送以備賞給○乙酉

上詣

皇太后宮問安○諭曰西寧鎮總兵一缺前經降旨令將軍兆惠保舉補放今據黃廷桂請

以新陞直隸大名協副將汪騰龍暫留護理鎮務等語著照所請准其以副將銜護理西寧總兵印務俟兆惠保舉有人即將汪騰龍留於甘省遇有副將缺出另行補用○諭軍機大臣等從前進剿時逃脫之厄魯特瑪里格爾巴朗今詢問回人漠咱帖爾據稱見伊隨霍集占行走等語著傳諭兆惠進剿回人時查拏瑪里格爾巴朗或對敵勦殺則已若業經擒獲即派員解送來京至前在伊犁居

住回人及投往回部之厄魯特等反覆可惡將來平定回部即將伊等全行勦滅以示懲創○大學士管陝甘總督黃廷桂奏奉諭酌購牛羊接濟軍營查內地牛不習口外水土趕解每易倒斃且耕作屆期難於購辦惟各屬羊尚可購四五萬但時值騰貴定價八錢不敷懇恩每隻准給一兩口外嚴寒於來年二月起程又奉旨以回部各城有糧可購哈密等處貯銀宜寬裕臣於十二月初旬飭甘肅道將庫貯銀內動撥二十萬兩送哈密並咨吳達善等酌解阿克蘇備用得旨如所議行昨據舒赫德奏籌辦糧石一摺已有旨諭今覽來奏朕為糧運一事可以稍紓懷矣○丙戌

上幸瀛臺賜蒙古王公台吉並回人漠咱帖爾等宴○諭甘省河東河西各屬上年偶被偏災業已加恩多方撫卹但念該省地處邊隅民生素稱寒瘠現在時屆春初小民方勤東

作至青黃不接之際例賑既停閭閻未免拮据著再加恩將河東之臯蘭金縣靖遠會寧武威古浪平番永昌山丹碾伯鹽茶廳花馬池等十二廳州縣上年被災處所無論極次貧民災分輕重俱一體加賑三個月仍准銀米兼賑其餘應行酌借口糧者並著照例查辦俾窮黎得以接濟用資力作至臯蘭省會之地以及平番古浪武威靖遠張掖肅州等屬糧價較貴而關外之安西五衛價值尤昂雖該督等現在減價平糶然照常例酌減恐仍不足以平市價著再加恩將粟米每石減糶銀二兩四錢小麥每石減糶銀二兩二錢庶貧民不致艱於買食該督撫等其董率屬員悉心查辦務使農民普霑實惠該部即遵諭行○又諭從前甘省安臺送兵多雇民間馬騾用過腳價及到站守候支給料草銀兩該部按例察覈議不准銷但念領價分雇俱屬無力里民且事在乾隆二十年閱今三載

若復按名查追邊氓力難完繳著加恩將送兵雇價銀三萬八千六百餘兩支過五日料草銀一萬一千九百餘兩一併准其報銷其乾隆十九年各標營州縣應賠北口馬四千六百餘匹自當照數著追第念該省文武各官比年承辦軍需俱能黽勉効力並著格外加恩一體免其賠補副朕獎恤勤勞之意○丁亥享

太廟遣誠親王允祕恭代行禮○

上詣

皇太后宮問安○遣官祭

太歲之神○諭聞各省糧艘北上每遇過閘過壩及急溜淺阻必需人力挽拽者沿河兵丁頗有把持包雇之弊不獨旗丁深為苦累而重運濡滯未必不由於此著傳諭漕河各督臣嚴行查禁嗣後雇募緯夫聽運弁自為酌辦如有兵丁藉端抑勒以老弱充數而橫索雇值者即時查拏究治並將失察之該管

將弁題叅議處。○戊子。諭軍機大臣等。據定長奏稱。吐魯番公素賚瑞。協理伯克茂薩。呈請捐馬百匹。以備軍需等語。素賚瑞等感激朕恩。捐輸馬匹。情詞懇切。甚屬可嘉。但念伊等甫經移駐。牲畜諒亦無多。仍令存留應用。不必竭愛捐輸。至伊等誠心。朕已洞鑒。可傳諭定長。將朕旨明白曉示。○又諭。據章嘉呼圖克圖等奏稱。現在藏地。遣往拉達克探信人等。據拉達克汗傳聞。將軍攻取葉爾羌等城。霍集占逃往西得沙堪。若果來投。必先縛獻。且聞大兵將近伊地。其情形甚為畏懼。已移文撫慰。請諭將軍兆惠。加以體恤等語。拉達克距葉爾羌甚遠。我兵尚在攻城。何由即近伊地。此必我兵平定烏什阿克蘇等城。直抵葉爾羌。賊衆驚恐流傳。故拉達克亦聞信息耳。看來回衆聞風。全無固志。尚覺易於辦理。將來霍集占若果潛逃。或追至拉達克。伊等素稱恭順。惟檄令擒送霍集占。不可絲毫

擾累。著傳諭兆惠及章嘉呼圖克圖知之。○是日起。

上以祈穀於

上帝。齋戒三日。○己丑。

世祖章皇帝忌辰。遣官祭

孝陵。○

上詣

奉先殿行禮。○諭軍機大臣等。據玉素布奏稱。伯克霍集斯之妻。及幼丁呼岱巴爾氏等。聞

進兵策應軍營。願捐馬四十匹。以抒誠悃等語。霍集斯歸誠以來。効力軍營。伊妻子等聞進兵信息。亦願捐馬匹。協濟進剿官兵。甚屬可嘉。可傳諭玉素布。每馬一匹。賞給銀十兩。就近於闡展阿克蘇支給。仍將朕洞鑒伊等誠悃之處。曉示知之。○又諭。喀爾喀扎薩克圖汗賽音諾顏。二部落年節請安朝賀之副台吉敦多克護衛吹達克等。在理藩院呈稱。我等騎來之駝二百一十八隻。於去歲十二

月初六日。行至庫克等處。被歸化城同知通判衙門之差役等。將我等駝隻趕入城內印烙。我等持扎薩克等印文稟告同知通判。被署內人等毆打。不容前進。隨往道衙門具呈。並不接收。在新城將軍處跪求。將軍稱與伊無涉等語。我等恐誤請安。自歸化城雇覓車輛。於年前到京等語。此等蒙古人等。俱係年節朝覲請安之人。即使採買緊要軍駝。亦應明白曉諭伊等。給發價值。將伊等行李辦給車驛。送至京城。而並未如此辦理。強將駝隻趕入城內。此皆係衙役人等恣意辦理之所致。伊等雖係蒙古。因曉理法。始如此安靜來京。倘伊等不曉理法。必致互相毆奪。成何體統。蒙古人等因知法紀。並無言語。甚屬可憫。伊等來京。所需車驛價值。令地方官捐給。如有原駝。著仍給還伊等。如無原駝。將駝隻官價。亦向地方官取給。仍令雇覓車驛。將蒙古人等。送至伊等游牧地方。其所需價值。亦令

地方官捐給。著交巴爾品富鼎辦理。伊等駝隻如何截去。因何如是強辦。價值銀兩。係何人侵蝕之處。著傳諭塔永寧查明。應奏奏者。即行奏奏。並著塔永寧明白回奏。○是日立春。順天府進土牛春山寶座。○庚寅。

上詣

南郊齋宮齋宿。○諭甘省承辦軍需。一切糧料草束食物等項。採購既多。價值未免增長。所有額支運腳。亦恐不敷。前已屢經降旨。節次量為增給。而肅州安西一帶。市集尤為稀少。料草辦理維艱。宜加渥恩。用昭體恤。著將該省運送賑糧兵糧。腳價均照乾運軍糧之例。一體增給。其肅州安西塘驛應差馬匹。及中路自高臺縣至涇州等二十一州縣北路自中衛縣至靈州六府廳州縣所管塘驛馬匹。俱暫停折支料草乾銀。著照例日給本色料草。以資飼秣。俟軍務告竣。仍舊支給折色。再涼莊滿營採買糧料草束。及寧夏滿營官員。

應需粳米。並著查明。照依時價採買供支。該督撫其妥協經理。毋任胥吏從中侵蝕。轉致滋擾。○辛卯。祈穀於

上帝。

上親詣行禮。○詣

皇太后宮問安。○壬辰。

上詣

大高殿行禮。○奉

皇太后居長春仙館。○詣

安佑宮行禮。○幸圓明園。○癸巳。

上詣長春仙館問

皇太后安。○諭曰。雅爾哈善。以將軍征討回部。乃自進兵庫車以後。種種玩誤乖張。失機債事。為從來行師失律。諸臣所未有。是以將伊拏解來京。自軍興以來。問夜旁午。事事皆朕親理。委曲莫不悉知。即其罪狀昭著。亦不待再加鞫訊。始抵於法。實因貽誤軍國大事。欲令大廷廣衆。服刑示儆。所以彰國憲而昭炯

戒。乃朕逐款詰問。伊雖一一俯首無辭。而猶然覼面求活。竟自舉達勒當阿哈達哈之例。冀以披甲効力。豈意人世間不知羞耻之人。竟有至於如此者。試問伊獲罪情節。與彼二人同乎。即彼二人之從寬。亦出於朕耳。豈人臣所可視以為例乎。則知伊之本心。原出於怯懦延誤。即使獲罪。謂有例可援。不失為曾作大臣之人。仍然保守家業妻子耳。此其心尚可問乎。今據王大臣等公同集訊合詞。請旨正法。使雅爾哈善之罪。尚有一線可原。朕固不因王大臣等有此陳奏。然後明正典刑。似此萬難寬宥之人。亦不待衆論僉同。游移從事也。且雅爾哈善之老師廉餉。安坐縱賊。前後情節。俱係伊隨時自行奏報。經朕一一親覽洞燭者。其怙怯因循。居心欺罔之處。實難枚舉。毋論沿途不能約束兵丁。任意逃竄。及聽任緣營陋說。輕挖地道。傷損弁兵。全無馭衆敵愾之道。乃至身任閫帥。遇事高居簡

出對敵則藉稱憑高瞭望並不親身督戰守
壘之兵戒嚴數月亦不親身巡視及庫車頭
目潛遁餘衆出降又不親身入城經理阿克
蘇回衆輸誠內附並不前往受降迨兆惠將
至意慮分功始欲進發而卒又不果有一於
此尚得謂之有人心者乎然其罪之最不可
逭者一在霍集占竄入庫車則姑付之於不
知且寬其西逸之路不即追捕又明知順德
訥之玩賊養奸而不即參奏直至賽哩木降
人供出方以一奏諉罪一在庫車賊黨阿布
都克呼木等尚未盡去不即力行督攻授意
順德訥有得一空城亦可報命之語則又屬
何心乎此而不正其罪置國法於何地國家
軍旅重寄凡在臣工無不當奮勇自効大臣
中果有勤勞懋著者朕無不加以殊恩顯秩
用示鼓勵若如雅爾哈善之貽誤至此實出
情理之外總因前此永常策楞玉保三人以
道斃漏網未經解京明正典刑是以雅爾哈

善一無忌憚乃至引達勒當阿哈達哈之例
以自處則為簧鼓之說者可知朕之執法為
寬乎為嚴乎雅爾哈善罪案已定即再加之
刑訊亦不過恬不知耻苟延旦夕耳朕實為
衆臣愧之亦不忍再加刑訊矣著阿蘭泰達
清阿會同法司前往監視將雅爾哈善即行
正法夫信賞必罰乃人主用人行政之大權
若不謹持成憲何以整肅軍紀此不得已之
苦心王公大臣等當共體此意者朕亦無可
引咎惟增憤懣而已將此宣諭知之○又諭
曰侍衛德爾森保碩通各賞銀五十兩達呼
爾鏘喀保岱三保各賞銀三十兩馳驛前往
西路軍營○甲午
上御山高水長幄次賜王公大臣蒙古王公台
吉及漠咱吧爾等宴○諭前因紫禁城該班
章京護軍等係輪流進班是以有飯無飯之
處俱得輪值行走但午門東華門西華門神
武門進班緊要章京護軍等俱係專派不便

在別處進班。所有四門該班章京護軍等亦著加恩賞給官飯。○乙未。

上奉

皇太后幸同樂園侍早晚膳。又幸山高水長。至戊申皆如之。○諭前因戶部據楊廷璋咨請梁詩正。在籍食俸一事。甚屬非體。降旨將楊廷璋等交部察議。彼時以此事本無關緊要。且必非出自梁詩正之意。但其中緣起不能明白。則於梁詩正一生品行。甚有關係。是以傳諭楊廷璋令其明白覆奏。今據奏到。果不出朕所料。然摺內既稱張松與梁詩正誼屬同年。又為本籍縣令。而問候之次。梁啟心即急急以全俸為言。藩司杜官德亦即據稟向撫臣往返申請。謂非逢迎瞻顧。誰其信之。向來同年故舊聯絡聲援。及地方官與在籍縉紳結納徇情。最為惡習。我皇考臨御十三年。嚴行整飭。政治始得肅清。今觀張松等所為。可見因朕從寬。不問此等細

故。而其風又復漸起。於官方政體。風俗人心。所係匪輕。不得不為防微杜漸。明切誠諭。楊廷璋聽從屬員。咎自難逭。第已經該部察議。其張松杜官德俱著交部嚴加議處。○諭軍機大臣等。周人驥審擬涇潭縣民喻老晚等聚眾奪犯一案。已將喻老晚照例擬絞。從犯楊坤徐奇等。雖屬為從。因係縣役營兵。且首先商同幫搶。不便照為從例擬徒。請從重分別定罪等語。所奏殊不明晰。國家用刑。原當按律定擬。輕重出入之間。一準至當。斯為平允。楊坤徐奇身為兵役。即有護解之責。乃反敢影同搶奪。且首先倡議。是其藐法已極。即應照光棍例分別定擬。何得引尋常為從之例。多方比擬。乃該撫多引例條。故為比附。以見辦理並無寬縱。此皆俗吏故套幕賓長技。最為外省錮習。而外間無識之徒。又遂以為從重矣。曾經屢降諭旨。豈該撫獨不聞之乎。著傳諭周人驥。即將此案另行明確定擬具

奏再降諭旨並勅內閣於此本到日先行駁回○軍機大臣等議覆將軍成衮扎布奏稱烏里雅蘇台以內二十站布延圖十六站隨營一站所駐官兵俱與喀喇沁之四十四站官兵一例遞送事件所有三十七站之喀爾喀官兵亦應照賞給喀喇沁驛站官兵之例賞給一月錢糧從之○丙申

上御奉三無私殿賜皇子諸王公等宴○諭數年以來索倫等兵甚屬奮勉所有伊等應行賠補軍器著免扣俸餉照數官為備造此係朕憫彼勤勞格外施恩不得視以為例伊等當感激朕恩留心愛惜不可任意傷損○又諭曰浙江布政使杜官德現在交部嚴加議處著解任所遺員缺著明山補授其山西按察使員缺著河南河北道永泰補授○諭軍機大臣等據清馥奏稱趕送軍營牛羊較米麵可省駝隻但滿洲索倫蒙古等習於肉食綠旗兵則不能至回人米糧若多買則價必

昂請於牛羊外仍將米麵銀兩減半運送等語所奏殊不曉事昨據舒赫德奏現備米糧牲隻已數萬餘人兩月之食其陸續趲送之項計可支數月又多運銀兩緞布向回人購辦斷無不能至六月之理至六月則自當竣事即再需數日新降各回城種植亦已成熟足資接濟清馥並不詳籌熟計徒謂糧運艱難總無善策則一事亦不可行豈有因此徹兵之理似此空言無實轉致搖動衆心有何裨益已傳旨申飭可傳諭兆惠等所有軍營糧餉仍照節次章程酌量辦理並將現在情形作速奏聞○又諭曰清馥奏稱北路喀爾喀蒙古等時將牛羊由游牧送至巴里坤貿易請派大員向喀爾喀及達里剛愛等處採買送往軍營等語軍興以來所購蒙古等牲現在軍營口糧儘足應用所請可不必行或俟伊等與商民交易再向商民買取則轉運

獲利來者必多陸續解送似尚有益但仍不可明示商民恐蒙古等妄生疑畏累足不前可傳諭清馥妥協辦理再所奏因運送軍需取用商駝二十五隻每隻折價銀二十兩等語恐未及伊等原值著再加銀三兩即行支給如已回原籍可行文黃廷桂務將該商查出補給母任胥役侵蝕○調四川布政使徐垣為貴州布政使以四川按察使吳士端為四川布政使以福建糧驛道顧濟美為四川按察使○丁酉

上詣

安佑宮行禮○御正大光明殿賜朝正外藩及大學士內大臣等宴召科爾沁和碩親王色布騰巴勒珠爾多羅郡王納旺色布騰阿巴噶親王品級多羅郡王索諾木喇布坦教漢多羅郡王垂濟喇什固山貝子垂濟扎勒輔國公桑濟扎勒翁牛特多羅貝勒朋蘇克喀喇沁多羅郡王喇特納錫第固山貝子多羅

額駙瑚圖靈阿輔國公多羅額駙扎拉豐阿巴林輔國公和碩額駙德勒克喀爾喀和碩親王多羅額駙桑寨多爾濟固山貝子諾爾布扎布根扎布多爾濟青海多羅郡王索諾木丹津阿巴哈納爾多羅貝勒達什敏珠爾烏珠穆沁輔國公敦多布色楞土默特輔國公喇嘛扎布至御座前賜酒成禮○諭據將炳奏稱大學士總督黃廷桂感冒風寒舊恙復發現需調理即著福隆安帶同御醫栗世

功速行馳驛前往診視○又諭曰黃廷桂偶感風寒尚需調治現在軍需緊要著開泰馳驛前往協同辦理俟黃廷桂病體痊愈開泰即由該處仍回四川總督之任○諭軍機大臣等據舒赫德等奏稱侍衛齊凌扎布噶布舒散秩大臣伯克鄂對等安撫和闐等六城擊敗霍集占所遣賊黨等語齊凌扎布等奮勉効力深屬可嘉伯克鄂對近已加恩賞給公品級著賞銀一百兩仍交部議敘齊凌扎

布賜號穆爾德木圖巴圖魯。賞銀一百兩。噶布舒。賞銀五十兩。俱授為二等侍衛。陣亡之察哈爾。獎賞藍翎侍衛鄂博。得傷之索倫。署防禦布特木濟。馬甲納蘇圖。俱著交部照例分別議敘。議卹得傷之回兵等。著交將軍兆惠酌量賞給。以示鼓勵。○又諭曰。侍衛齊凌扎布等。據伯克阿什默特。阿布都哈里克等。將和闐等六城大小伯克職名。戶口糧石牲畜數目。開單呈報。誠悃可嘉。著賞給伯克等大荷包各一對。阿什默特。阿布都哈里克。俱著賞給三品職銜。戴孔雀翎。其餘伯克等有應賞品級者。著兆惠等查明具奏。其防守丕雅勒瑪卡座之喀爾喀。袁楚克。回人伊斯邁拉和卓。偵探賊信之索倫。布特木濟。領催烏巴什。回人愛達爾等。亦酌加獎賞。其回人薩哩克。聞係霍集占妻父。今遣人誘脅額里齊哈喇哈什等城伯克等。殊屬可惡。併傳諭兆惠等。將薩哩克。務行拏獲。解京。勿致免脫。○

順天府行鄉飲酒禮。

大清高宗法天隆運至誠先覺體元立極敷文奮武孝慈神聖純皇帝實錄卷之五百七十八

大清高宗法天隆運至誠先覺體元立極敷文奮武孝慈神聖純皇帝實錄卷之五百七十九

監修總纂官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

教修

乾隆二十四年己卯正月戊戌

實錄卷之五百七十九

上御正大光明殿賜大學士尚書侍郎等宴○

諭軍機大臣等昨據蔣炳奏大學士總督黃廷桂感冒風寒現需醫治朕心深為眷念已遣福隆安帶同御醫前往診視至現在軍務緊要適因開泰陛見來京即令馳赴該省協同辦理俾得安心靜養以冀速痊俟病愈後即令開泰由該省赴川計此時該督自當日就痊可著再傳諭該督所有軍需要務該督向來實心任事自不肯稍釋於懷可與開泰

商同籌辦其餘一切尋常事件開泰亦自能妥協經理該督俱可不必經心惟加意調攝以慰朕念將此傳諭知之○己亥諭曰大學士伯管陝甘總督黃廷桂忠誠敏達幹練老成歷任封疆勤勞懋著西陲用兵以來籌辦軍需備極勞瘁一切規畫機宜動與朕心脗合數年來轉運糧馬事事精詳妥協毫不累民內地不知有軍興之費厥功甚鉅倚毗方深是用疊加寵錫晉爵錫金以彰勞績昨據

實錄卷之五百七十九

蔣炳奏伊在涼州偶感風寒力疾視事舊恙增劇即命福隆安同御醫馳驛前往診視以冀速痊遽聞溘逝深為震悼覽其遺疏當彌留之際尚拳拳以西師垂拔籌辦軍儲為念益見體國奉公赤忱罔斁不知聲與涕俱難以自禁即著福隆安前往奠醊賞銀一萬兩交地方官料理喪事并准入祀賢良祠其伯爵即令伊子承襲所有應得卹典仍著該部察例具奏○又諭曰故大學士伯總督黃廷

桂現已降旨賞給銀兩令該地方官經紀其喪靈輓起程時所過地方文武員弁俱著出城奠醊並派員沿途加意照料護送回京○又諭曰陝甘總督員缺著吳達善補授甘肅巡撫員缺著明德補授吳達善未到之前總督印務即著明德暫行護理○諭軍機大臣等黃廷桂籌畫軍務一切俱有辦定章程皆吳達善明德所悉知者務須遵守成規實心實力善為經理而目今總以鎮靜為要但兩省承辦員弁甚多黃廷桂向來督率綜理不遺餘力今猝然病故恐其中不無乘機滋弊之人更須加意嚴行查察俾各知凜遵不致稍有懈弛貽誤軍需重務至黃廷桂遺摺內所奏辦理各項軍需俟回部蕩平之後有尚須詳晰面陳數語平日曾否與吳達善明德言及著將原摺鈔寄二人令其閱看具奏至哈密地方如有必須巡撫駐劄應辦之事俟吳達善到肅彼此講論已有端緒明德即前

往哈密接辦如酌量哈密現有五吉在彼可以無庸前往明德可即回蘭任事將此傳諭知之尋明德奏黃廷桂曾言甘省辦理軍需米糧價長蘭涼偏災糧價尤貴雖不日凱旋恐一二年內不能如舊將來尚須妥辦其究應如何調劑及入覲面陳之處並未言及亦未聞與吳達善作何議論至馬匹過涼無大員督查恐弁兵疎懈臣即自涼起程沿途督查俟到肅將督篆移交吳達善並面酌哈密有應辦事於巴里坤辦馬完日回至哈密駐劄得旨覽奏俱悉○實授李侍堯為兩廣總督○調寧夏將軍舍圖肯為廣州將軍青州將軍達色為寧夏將軍以荊州副都統額爾德蒙額為青州將軍調署鑲白旗蒙古副都統額爾奇木為青州副都統○以正紅旗漢軍副都統長福為江南壽春鎮總兵輔國公永璧為正紅旗漢軍副都統○庚子諭曰和親王所署鑲白旗漢軍都統事務著德敏署

理平郡王所署正紅旗蒙古都統事務著扎拉豐阿署理額爾奇木所署鑲白旗蒙古副都統員缺著伊祿順署理○辛丑召大學士及內廷翰林等茶宴以燕九日聯句○諭軍機大臣等碩色所奏武昌收麥灣石隄請改築土工一摺情節殊不明晰其中顯多情弊適開泰陛見在京將此案緣由傳旨詢問據稱彼地俱係沙岸從前恒文並未詳悉查看率議修築石工沙鬆石陷最易坍塌損是以將已經坍塌之三段改築土隄今第五段石工續又坍塌應亦改建土隄等語可見從前糜費誤工皆係恒文草率從事所致現今改石為土固屬隨時相機辦理未必別有弊竇但所稱原工坍塌石塊未便挖取之處或係當年建築之初承辦各員原有侵蝕以致工料不全抑係現在壓陷日久石塊零星不堪充用而剝取人工更為繁費其中情事俱未確切奏明再建修隄工難以保護民舍田廬為詞然自

乾隆十六年恒文未經興工以前該處居室耕作之人何嘗不相安有素則不獨石工措置乖方而土隄又安知其非贅設耶著傳諭碩色將此項工程自恒文未經辦理之先有隄無隄及石工舊料因何不能剝挖并前後原委利弊現在情形逐一詳查具奏尋奏收麥灣舊土隄一道田廬俱資保護恒文所議築石工第一段無恙現在二三四段改建土工亦完好第五段石塌須改土隄至所坍塌江險石重不但人力難施虛糜工費且一經挖取鬆動腳根與改築之隄礙應存禦衝激再查石隄坍塌業於承修各員名下追賠無侵蝕情弊得旨知道了照原議改土工可也○軍機大臣等議准黑龍江將軍綽勒多疏稱奉旨外省駐防另記檔案人俱著出旗為民查齊齊哈爾黑龍江墨爾根城呼蘭呼倫貝爾等處共二百六十餘戶俱不願為民黑龍江為東北極邊接壤俄羅斯地廣人稀

俱係土著。非他省自京派往駐防可比。且平日另戶旗人。賴其幫同耕牧。安土重遷。即願為民者。亦一時口許。實非情願。應仍令各歸本旗。本佐領。俟馬甲缺出。揀選乏人。挑補當差。至打牲處。另記檔案人。請仍留與另戶索倫達呼爾。一同貢貂。其漢仗好者。遇調遣。亦一體簡派從之。○壬寅。諭軍機大臣等。據玉素布奏。稱遣往布魯特之侍衛布瞻泰。轉回伊於十一月十八日。至布魯特邊界之阿特

巴什聞逆賊霍集占差人請兵。即向車哩克齊之子策哩木伯特。議擒賊黨。并派兵協助。據告稱。伊等游牧。係明伊勒哈辦理。及前往曉示。又據稱。來人已經逃走。游牧人少。不便調發。欲往瑪木特瑚里處。因嶺雪甚大。難於行走。等語。據布瞻泰所告。是布魯特人等。並未出兵。前搶掠喀什噶爾所屬之英吉沙爾城。係何處之兵。可傳諭兆惠等訪察。遇便奏聞。再逆賊霍集占等。若尚未擒獲。需布魯特

協助。即傳旨曉示車哩克齊等。以霍集占倘逃至爾處。自當縛獻。或需爾等協助。亦當乘大兵威勢。多所俘獲。且可雪前仇。車哩克齊入覲。過歸。亦著清馥。定長等。於巴里坤一路留心傳旨。并將伊等言語。若何作速奏聞。○癸卯。諭曰。蔣溥著補授大學士。仍兼管戶部尚書事務。吏部尚書劉統勳著協辦大學士。李元亮著調補戶部尚書。梁詩正著調補兵部尚書。歸宣光著補授工部尚書。陳惠華著補授左都御史。阿里衮未到以前。兵部滿尚書事務。著李元亮兼管。其現署工部滿尚書不能兼管。蘇昌著以吏部侍郎署理工部滿尚書事務。恩丕著留京署理工部侍郎。其奉天府府尹員缺。著通福壽補授。○諭軍機大臣等。現在進剿葉爾羌糧餉馬匹。最關緊要。前經黃廷桂董率綜理。不遺餘力。籌畫始有成規。今印務文明德接管。已傳諭令其實心實力。遵循妥辦。但各該將軍提鎮。向因黃廷

桂調度諸務就緒。倘因明德接管或稍有因循推諉。及各分畛域。不能彼此協力襄事。則伊等罪由自取。恐難曲貸。著通行傳諭。伊等俱係大員。一切軍需。經明德督率辦理者。仍如黃廷桂存日。共相奮勉。以濟軍務。毋以玩誤取咎。○又諭著寄信明德。現今大學士黃廷桂病故。甘省辦理軍需乏人。經朕施恩。將明德復授為巡撫。明德務當感激朕恩。一切事務盡心辦理。現當軍興之際。所有運送馬

匹。備辦口糧器械等事。均關緊要。黃廷桂在時。此等事件。俱曾妥辦。無誤。明德務宜盡心。於吳達善未到之先。勉力經理。不得稍有觀望。倘致貽誤。決不寬貸。再各營馬匹。仍須加意餵養。已諭令該將軍提鎮等。俱照明德所交辦理。併諭明德知之。○又諭據學政劉墉奏辦考試情形一摺。內稱江北鳳潁泗三處風俗勁悍。文武生員及捐納貢監。倚恃氣力。輕於犯法。又犯事之後。皆善脫逃。不就拘執。

等語。士習民風。所關綦重。學政考棚。既有此種惡習。恐通省劣衿。似此玩法抗官。滋事鄉里。為學臣所不及見者。正復不少。著傳諭巡撫高晉。令其留心體訪。并飭所屬。遇有事犯實力懲治。毋使敗類姑容。貽害良善。以靖地方。○又諭曰。官長保等領達什達瓦兵。已經起程。傅景伊柱至巴里坤時。應俟官長保等到日。將馬匹加意解往。著寄信明德。將應解馬匹。立即分羣解往巴里坤。交傅景伊柱官

長保等統領官兵解送。○又諭曰。官長保等奏報伊等所帶識路之人甚多。欲由烏里雅蘇台就近赴阿濟必濟出哈布塔克。拜達克直至烏魯木齊。再由阿勒輝伊克珠勒都斯巴罕珠勒都斯海都河過庫庫努特嶺。至阿克蘇等語。可速傳諭官長保等。無庸隨識路之人。直抵烏魯木齊。令自哈布塔克拜達克赴巴里坤。由彼處領馬護送至阿克蘇。此項馬匹。已派傅景伊柱會商解送。可將此一併

寄信官長保知之。○甲辰諭。現將西安副都統烏裕齊文部嚴議其所遺員缺著常青調補。常青所遺熊岳副都統員缺著瑚嘉保調補。所遺盛京副都統員缺著布彥達賴補授。○諭軍機大臣等。副都統什兆來京詢知涼州米價昂貴。每石價至四兩以上。蓋由甘省現辦軍需。上年又間有被災之處。糧價不能驟平。然此尚係冬間價值如此。其入春後青黃不接時勢。必有增無減。民食攸關。不得不悉心調劑。開泰現在。陞見據稱川省產米尚多。可以通融酌撥。其自川運至漢中。畧陽地方。皆由水運。自屬徑捷。自畧陽起岸。即須陸運。不能不多需腳價。但覈之甘省貴價。自可尚有節省。莫若兩省通盤籌畫。挹彼注茲。將陝省附近甘省邊地州縣所有米石。就近酌撥運甘。而以川省之米留濟陝省民食。事屬兩便。已降旨令開泰於回任時。道經陝省。與鐘音面商妥辦。并著傳諭鐘音明德。先時會

咨詳議。量其道路之遠近。與運費之多寡。務期地方多得一分。協濟民間。即多得一分之用。縱使覈計運費。與陝省現價。不過相等。而市肆間米價日增。駟儉即不得居奇。蓋藏之家。亦必聞風出糶。於平價辦公。均有裨益。即如寧夏係產米之鄉。上年曾令黃廷桂將寧夏之米運赴沿邊各處。協濟不但陝省災地得需實惠。而甘省辦理兵餉。亦不覺竭蹶。不知寧夏之米尚可酌撥甘涼肅一帶。以資接濟否。若足資接濟。則不需川陝如此周章矣。總之黃廷桂在日。此等事朕一付託於彼。可不費心。今則不能不費心。為之豫籌。各督撫知朕之苦衷。共抒丹赤。效黃廷桂之所為。一切豫事熟籌。以裕軍儲。以濟民食。將此詳悉傳諭。令伊等和衷相商。無分彼此。一面辦理。一面奏聞。尋鐘音奏查西同鳳三府。卯乾二州距甘不遠。車運可通。五屬共額貯倉穀百八十四萬餘石。除節年民欠及本年春月借

糴外尚存穀百二十餘萬石於此內動碾三四十萬石並以麥抵米協濟甘省既可及時趕運且省脚費甚多至川省米自畧陽陸運計程一千二三百里至一千六七百里不等每石脚價約需二兩再加自川至畧陽水運費更不啻查西同等屬上秋已種麥雨雪不缺麥秋可望動項買補較撥運川米更省臣即飛咨甘撫臣明德妥辦仍俟開泰過陝面商辦理得旨甚好如所議行○又諭曰吳達

善奏稱現調綠旗兵五千名俟至吐魯番會同定長等酌議挑選調撥再照例支給賞銀等語著傳諭定長等此次派出兵丁五千名專備五月進勦之用伊等暫駐吐魯番聽候將軍兆惠調撥若派令進勦定長等即照例給賞起程或軍前不需調用即令其屯田不必照進勦兵丁之例亦傳諭兆惠知之○又諭昨命官長保等帶領達什達瓦兵丁五百名至巴里坤同傳景伊柱護送馬匹前往阿

克蘇可傳諭達勒當阿哈達哈伊等所領西安滿洲兵二千名亦前往巴里坤會同官長保等行走計此時阿克蘇前進之兵已抵葉爾羌會合將軍等擒獲賊首但賊衆敗走必分道逃匿而從逆之沙喇斯瑪呼斯等或未盡盡勦偷越山嶺仍回舊游牧藏匿致侵擾屯田處所亦未可定達勒當阿等當詢問熟識路徑之厄魯特於幽僻可藏之地俱派兵搜捕遇有賊黨盡行勦除俾地方永遠寧謐

亦傳諭兆惠知之○丙午哈薩克阿布勒巴木比特阿布賚等使臣入覲是日鹵簿全設上御正大光明殿召見賜茶○諭曰馮鈴奏審擬劉廷發偷竊庫銀一案既云例應擬絞監候又云不足示儆請將該犯即行絞決等語擬議甚屬過當劉廷發以退役修造藩庫起意偷竊庫銀亂法之罪自無可逭但覈其所犯情事究非謀為不軌邪教聚衆等罪大惡極者比定以絞候秋審時列入情實俾抵於

法。不令漏網可耳。該撫抑揚其詞。以為如此比附。可自免寬縱之議。不知立意一涉揣摩。則臨事皆不得其平。此真幕吏相沿惡習。又何怪無知之徒。如湯先甲者。有從嚴之議耶。朕臨御以來。勅幾弼教。惟期至當。自問鑑空衡平。輕重隨所自取。即寬嚴互用之見。亦不豫設於中。內外諸臣。又何所揣測耶。且如湯先甲之奏。朕若謬為獎藉。則該撫於此案。或竟草率完結。亦未可知。總之督撫遇事一存意見。非太過即失之不及。其實俗稱揣摩巧宦。於朕前總無可施。朕惟求其理之至是而已。將此宣諭中外。此案交三法司按律定擬具奏。馮鈐著傳旨申飭。○諭軍機大臣等。永貴等奏稱賊黨鄂斯瑞。塞頗爾。阻截額里齊喀喇哈什要路。請派馬兵數百名協剿。又稱布拉呢敦。有圖取烏什之信等語。烏什距阿克蘇頗近。駐兵亦少。賊人欲圖攻取之言。雖未可全信。而安撫回衆。防守城池。自屬要務。

內地續送馬匹到日。自應酌量扣留。派兵發往。至和闐前已派兵五百名。若尚未起程。且先發往烏什。或賊人來信。係屬虛傳。再往和闐防守可也。○丁未。賜布魯特車哩克齊等勅書曰。近據將軍大臣等奏稱。差往爾等游牧之侍衛布瞻泰。曾見爾策哩木伯特。及明伊勒哈等。知爾等游牧人少。且牧放牲畜。又值冬寒雪大。不能發兵等語。朕洞悉情形。已降旨傳諭爾等。以極邊藩部。慕義歸誠。特欲共享安樂。且將軍大臣。此時應已成功。爾等派兵與否。無甚關係。但逆賊布拉呢敦。霍集占及附和之回人厄魯特等。為大兵攻剿。有逃入爾等游牧者。務將著名首惡。查拏縛送。即可見感恩効力之忱。朕必重加恩賞。又近差往右部哈薩克之章京納旺等。帶領使臣入覲。途遇爾布魯特喀喇巴圖等。差往哈薩克之巴爾瑚圖。告云。厄魯特哈薩克錫喇挈眷二十餘人。逃入爾布魯特之薩雅克薩喇。

巴噶什鄂拓克等語。哈薩克錫喇係負恩背叛之賊。不可寬宥者。今逃入爾等游牧。似屬實情。爾等自應曉示該鄂拓克人等。將逃賊夫婦即行拏送。其屬人不妨存留。爾車哩克齊等奉到諭旨。即酌量該鄂拓克距爾等游牧遠近。或親往查拏。或令其擒送。并傳示云。若復如前隱匿。則將軍大臣等領兵親往搜捕。該鄂拓克必致驚擾。惟速為擒送軍營。將軍等奏聞。定邀厚賞。再我大兵昨進勒逆回。傳聞爾布魯特人等曾搶掠喀什噶爾之英吉沙爾城。布拉克呢敦轉回救應。令爾游牧並無發兵之說。則此舉又係何人大兵正在攻取賊城。此等布魯特發兵搶掠。以分賊勢。甚屬可嘉。朕欲加恩獎勵。爾等亦查明具奏。此等布魯特皆爾同類。伊受朕恩。爾等亦與有榮施也。爾等具據實繕寫奏章。交沿途所遇駐劄大臣。即為轉奏。特諭。○諭軍機大臣等。勅諭布魯特車哩克齊之旨。著傳諭清馥即

轉交車哩克齊。如有回奏。即由臺站馳遞。若伊等業自巴里坤起程。清馥處即由臺站速行馳遞。取其回奏轉奏。○又諭。據傅景等奏稱。涼州送馬二萬三千匹。於二月下旬可至巴里坤。西安滿洲兵亦於二月初旬可到等語。此項兵丁馬匹。全抵巴里坤後。計三月初旬始行進發。及至阿克蘇。則前進官兵早已會合成功。因傳諭兆惠酌量需用與否。如不需要。即行文知會將兵丁撤回。其馬匹留巴里坤收放。可傳諭達勒當阿等若接到將軍撤兵之信。所有官兵即用原來車輛馬匹乘載轉回。將趕送馬匹交與清馥。令其加意牧放。備用。不可沿途更換乘騎。以致疲乏。○又諭。舒赫德奏稱。路遇隨納木扎勒進兵之索倫阿拉善等。被傷兵丁覓路轉回。殊屬可憫。著將軍大臣等酌量賞給。將來我兵會合。若擒獲霍集占等。固稱竣事。即使渠魁逃遁。而回城盡皆收服。亦無難追襲。惟一時不能

就緒必暫回阿克蘇則往返有需時日因思和闐各城去葉爾羌頗近米穀有資且當賊人逃走之路或就近駐劄和闐整頓兵馬再圖大舉似屬長策可傳諭兆惠富德舒赫德等酌量情形會議具奏○又諭據蔣炳奏稱永貴咨取藍白布各八九千疋及針線等物辦送哈密轉解庫車阿克蘇等處備賞兵丁等語兵丁衣履殘敝官為辦給事理宜然但軍營効力各兵自應一體恩恤若擇其衣履殘敝者始行賞給即非均平之道或有情願支領於鹽菜銀內坐扣還項尚屬可行惟不可令其現交銀兩可傳諭永貴所辦賞項是否向有成例及作何分賞之處聲明具奏○又諭據清馥奏稱辦理右部哈薩克使臣起程計馱載賜物衣裝及護送官兵口糧共需駝九十隻又支給官兵使臣等每人馬二匹共需馬一百三十餘匹等語所辦又屬錯誤哈薩克布魯特人等原有騎來馬駝至巴里

坤存留牧養始從臺站更換赴京歸程之時仍應換給伊等乘騎若因其初次入覲酌量添備亦應明白曉示令入伊本境後即為發回何必盡從官辦伊等係極邊藩部惟利是圖若不定以章程則自此來者日多何以供給從前準噶爾來使回巢亦俱送至巴里坤即更換原來牲畜並無官辦之例況此等請安之微末人等乎清馥特聞知伊等到京後朕加恩宴賚即如此辦理殊屬外任習氣可傳諭清馥曉示哈薩克人等以官辦原無成例特因爾等初次入覲酌量辦給嗣後只於巴里坤更換原來騎馱此項官馬駝至爾等境內時即交護送官兵等帶回仍將如何添辦飭交之處具奏若此時業已辦理起程即著定長照此曉示并飭知護送之侍衛官員○軍機大臣等奏查呼倫貝爾打牲官兵應補造箭六萬五千餘枝請交武備院於應造十萬枝內如數借給另造補數報聞○戊申

諭軍機大臣等蔣炳奏稱永貴等咨取賞給兵丁衣帽等項銀兩請免在滿漢各兵名下坐扣等語其辦理緣由殊未明晰此項置辦衣物是否徧行分賞抑擇衣帽破敝者分別給予則同係征兵而現有衣帽之人不得一體邀賞未免苦樂不均已傳旨永貴等令其詳悉查明俟奏到日再行辦理可將此一併傳諭吳達善明德蔣炳知之○已酉

上詣長春仙館問

皇太后安奉

皇太后居暢春園○原任協辦大學士禮部尚書三泰遺疏聞得旨三泰才品優長歷仕三朝宣力年久前於協辦大學士任內以老病乞休准其原官致仕特加太子太保以示眷注舊臣之意今聞溘逝朕深為軫惻應得卹典著察例具奏○庚戌

上詣暢春園問

皇太后安○諭軍機大臣等據方觀承奏購解

西安缺額馬匹已得一千二百匹等語上年西安滿營缺額二千餘匹今松阿哩到任已經數月曾否陸續買補抑或必需代購解往之處未經奏到現已降旨傳諭松阿哩令其即行查奏所有直省購辦馬匹應否解陝抑或另撥別項之用俟松阿哩覆奏到日再降諭旨○吏部題大學士蔣溥應兼殿閣及尚書銜得旨蔣溥著為東閣大學士兼戶部尚書○陞任甘肅巡撫吳達善奏現在滿兵陸續出關所調文武官在甘涼等處飼秣馬匹正需挑驗起解恐沿途懈弛臣現將哈密事務交五吉辦理馳回甘肅查辦俟新督臣到再往哈密辦事得旨汝此來甚是汝材器聲望實不及黃廷桂但若用新人恐更不如汝熟路也故不得已即用汝為總督汝其勉之但須實心實力效黃廷桂之居心行事或能勝任亦未可知有黃廷桂在實可慰西顧內地之憂一心專辦軍務今將並繫懷甘陝於

寤寐也。汝知朕一片苦衷。感發天良。不存顧己之念。或不負任用之意。然此際所最要者。莫如鎮靜。若無事不然。屬員見汝底裏。稍形竭蹶。誤事不淺。勉之勉之。○辛亥

上御山高水長幄次。賜王公大臣蒙古王公。及哈薩克使臣。俄羅斯蘇勒統等宴。○諭軍機大臣等。烏里雅蘇台軍營馬駝。近年需用之處。雖較前頗少。但該處來往各部落人等。甚多。且軍營坐卡各差。仍需馬駝備用。著交桑寨多爾濟。於喀爾喀庫倫地方。採買馬匹。駝隻。約二三千。照依官價給銀。由內部撥解。○是月直隸總督方觀承奏。遵旨酌定

陵寢各官雇用人役規條。一將所雇人姓名住址。造冊移地方官查實。係守分鄉民。准雇遇事故。開除分報註銷。倘有來歷不明。及曾有過犯。經地方官駁回。仍私自容留。及未經造報私雇者。分別叅革。一官兵除雇用人役外。有將分內官房及官地內自蓋房間招賃居

住者。恐有宵小潛蹤。請將馬蘭峪新舊各城東西二溝一切賃屋者。造冊結送地方官查覈去留。一樹夫草夫掃院夫及各衙門役隸向係地方官募充。近來該管官利其身工稍賤。自行募覓。若輩藉避差徭。鄉保不加稽察。無賴遂多竄入。又各窩集匪黨。應造冊送地方官查明。實係良民。方准至各役工食。係在藩庫支領。應由地方給發。以便稽查。不得擅行提取。再禮工等所管校尉匠役等募充向係民人。日久戶繁。指稱餘丁名色。不入民籍。漫無約束。應令總管等衙門詳覈。毋任指稱滋事。一馬蘭泰寧兩鎮綠營餘丁及革兵向隸營汛。不歸地方官約束。應令將餘丁年十五歲以上者。每歲清查一次。造冊送地方官覈得。旨所定甚妥。如所議永久實力行之。○又奏。

東陵回乾木植歲有餘剩。兼多長大材料。因須變價。以致匪徒指鮮為乾。偷賣弊由於此。應

請嗣後無論大幹旁枝俱令鋸短劈作片柴除供本年額需及存備次年接用餘俱查交地方官變價報明藩司即於該州應領樹夫工食等項照數扣除其細碎分賞官員仍照原議至貼記回乾樹株應令該管總兵揀員率弁目開報仍親往抽查再每年雜草時遠近村民均許放入應令該州派勤幹員弁在出入各門徑稽查祇許攜帶鐮刀不得夾入斧鋸私藏夾帶者立即交官究訊得旨如所議行○欽差內閣學士海明江南河道總督白鍾山奏籌辦運河宣洩事宜一徒陽運河在江以南水本無源惟藉江潮灌注向設京口老人黃泥呂城等閘層層關鎖又橫閘越河利涉等閘俱係引潮濟運水小下板收蓄查每日潮汐有一定時刻與其水小始行下板莫若按日隨時啟閉一揚州運河在江以北承洪澤湖運口來源下有江潮貫注夏秋恐其過大冬春恐其過小上游山陽高寶東

岸向設閘十三座冬春蓄水濟運其邵伯施下有金灣閘六座又鳳凰灣頭等橋俱分運河之水由鹽河歸江惟金灣等閘向未設板應於重運經臨時只留北閘二座常川啟放以資鹽運其中閘南閘四座亦下板蓄水俟重運過照常開放一桃源砂礮河係黃河以北運道專藉東省諸水為來源與沂河水下注江南匯入駱馬湖向稱濟運水櫃應於秋汛水平即行堵閉俟次年重運經臨春水漸弱相機開放接濟仍於夏初重運過完將駱馬湖尾閘開放其鹽河閘亦於冬春堅閉則清水得以全力抵黃楊家莊不致倒灌中河節宣有制得旨俱如所議行○署江蘇巡撫陳宏謀奏蘇州郡城設有普濟育嬰廣仁錫類等堂需費浩繁厯任督撫或清查官產或撥留灘地或撥公項收養日廣經費較增灘地時有坍沒公費不敷撥社倉息穀接濟但息穀為出借農民籽種撥充堂用漸少漸虧

查雍正年間。部議准江南新漲無主互爭之洲。勘明入官。今通州如意沙。係新漲無主灘地。向有刁民隱占。委員往勘。除附近民業者。仍聽升科執業。餘撥作堂中官產。又通州崇明連界新漲玉心沙。為兩邑民人爭毆致命。經地方官查明究議。歸作堂中公產。以餘地養窮民。息穀仍歸民借。洲棍攘爭。亦可漸戢得旨。不但一舉而數善備。而汝亦因此得名也。○山西布政使劉慥奏。歸化城同知所屬七協廳地方。善岱及和林格爾兩協。上年霜災。歸化清水河薩拉齊崑都崙托克托城。五協秋收亦止六分。應酌籌借糶。向來各協俱藉托克托城倉穀。該處因連歲動用。及撥濟陝西蒙古。現貯無多。除歸化托克托城二協倉穀尚可備本地借糶。其善岱等五協無項可動。惟大同府大有倉存穀。雖備軍需尚可移緩就急。查大同至朔平右衛常豐倉計程二百二十餘里。由常豐至各協地方路亦適

均。擬將大有倉米一萬二千石。按六米一穀數折穀二萬石。運往收貯。為善岱等五協今春借糶用。腳價動支司庫節省備公之款。其各協領回運腳。即於糶價內抵用。至借給里民米。令自用車赴領。毋需運費。於秋成後仍按六米一穀繳收。穀石就近運交朔平常豐倉。以抵應買不敷兵糧之項。而以朔平應買兵糧穀價。給大同府買穀還倉。其各協平糶價值亦解交大同府自行買穀。得旨是妥為之。○陝西巡撫鍾音奏。上年延榆等屬被災時。屆東作應循例糶借。蒙恩准撥寧夏山西糧石。現在分途搬運。邊郡連年災歉。不獨被災處倉貯空虛。即附近州縣一經酌撥。存亦無多。查榆延二府貧民。春月領照出口往鄂爾多斯租地耕種。其牛具籽種多向富戶稱貸。農民既苦重利。官倉又無積貯。前經奏准動撥藩庫銀。酌其種地多寡。借給免息。秋照時價還糧行之數年。沿邊倉糧積有成效。復

因倉貯已裕請一體酌借糧石今榆林葭州懷遠神木府谷靖邊定邊七州縣先後被災倉貯缺乏除酌用隣省運到糧石外出口貧民請酌借銀兩秋後照時價收糧還倉至延安綏德二府州所屬雖距口較遠但倉額亦缺應一體辦理俾春耕有賴得旨因時制宜之法可行也○甘肅巡撫明德奏甘省河西一帶本係砂磧所產僅供本地兵民用自辦軍需米糧昂貴前督臣黃廷桂於春月照時價大減出糶上年蘭涼被災省城尤重糧價較貴平糶照時價所減每石不過數錢已飭司將災重之皋蘭武威平番古浪先行開倉大為減糶其餘如靖遠永昌山丹張掖高臺肅州及口外各衛均係軍需衝途體察民情尚可稍緩俟奉旨再行遵辦得旨如所議速行

大清高宗法天隆運至誠先覺體元立極敷文奮武孝慈神聖純皇帝實錄卷之五百七十九

大清高宗法天隆運至誠先覺體元立極敷文奮武孝慈神聖純皇帝實錄卷之五百八十

監修總裁官總纂官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十四年己卯二月壬子朔遣官祭

關帝廟

關帝廟○諭軍機大臣等據塔永寧覆奏攔

買蒙古進京駝隻緣由一摺措詞多有迴護

此事經朕飭諭查察是以該撫始將駝價存

庫待給無人侵蝕為詞若不令其詳查則屬

員之給領與否又焉知其不含糊了局耶前

已降旨將應給駝價及蒙古等往返車驟各

價一併著落地方官賠償已足申明警戒所

有固世衡普喜富勒渾等交部察議之處著

加恩寬免但伊等俱非大員所需賠補之項

未免力量不足且該撫等督率承辦不能妥

協亦當分任其咎著將應賠駝價并車驟各

價傳諭塔永寧等令其自行酌量攸助以示

薄懲○又諭曰成衮扎布等奏稱北路所有

索倫兵六百餘名察哈爾兵九百餘名請交

營總舒都勒副都統職銜柏起等照例給與

口糧陸續遣回游牧所留滿洲喀爾喀綠旗

兵一千三百名以八百名看守烏里雅蘇台

塔密爾倉庫以五百名駐劄布延圖等語北

路現在無事兵丁在外年久索倫察哈爾兵

著照所奏撤回游牧布延圖無庸駐兵五百

著留三百看守倉庫其看守烏里雅蘇台塔

密爾倉庫之兵丁八百名著留六百各撤二

百名即同索倫察哈爾兵遣回原處布延圖

兵丁亦係暫駐今歲回部事竣即行撤回○

駐劄開展副都統定長等奏由托克三之南

素巴什一帶共設臺站五處可通特伯勒固

內素巴什庫木什阿哈瑪烏什阿克坦三處

多水草。阿克布拉克一處有駝隻可食草。惟額爾吉齊無水於山中掘泉可供。請將博爾圖嶺阿咱罕布拉克和斯特呼克塔塔爾察罕通曲輝等臺站撤回改駐再寧古塔兵丁雅呼係前從準噶爾脫出居住安西之人。今領哈薩克人等貿易事竣或遣往軍營或令進京得旨臺站自應留心查辦雅呼著送京發回原旗。○癸丑諭軍機大臣等據明德奏稱前任督臣黃廷桂奏明撥解阿克蘇馬一

萬六千匹辦給西安滿洲兵及達什達瓦兵丁馬七千匹送馬大臣官兵乘騎三百五十匹俱挑選齊全擬交代總督印務後即馳赴口外嚴加督察又阿拉善郡王羅布藏多爾濟捐輸羊五千隻送至鎮番縣業經收領等語又據巴爾品等奏稱於鄂爾多斯扎薩克購得牛三千頭羊四萬隻山羊八千隻貝勒齊旺班珠爾等捐輸牛一千餘頭羊五千餘隻請親身送至寧夏等語軍營馬匹牲隻所

關緊要現在得馬二萬三千匹牛四千餘頭羊五萬三千餘隻從前黃廷桂辦解軍需悉心籌畫以故屬員奉法毫無貽誤可傳諭吳達善等循照成規加意辦理永貴定長等接辦專解亦宜一體勤慎郡王羅布藏多爾濟未奉購辦之旨即願捐輸羊隻著加恩賞給大緞六端大荷包一對小荷包六個齊旺班珠爾請將採買捐輸牲隻親身解送著加恩賞戴三眼翎仍賞大緞四端伊等捐輸牲隻

俱著給與價值至所送牲隻合之運往口糧及屯田收穫穀石已足敷軍營官兵一歲之用毋庸另行籌辦俱各傳諭知之○又諭據巴爾品等奏稱由鄂爾多斯扎薩克等採買牛三千隻羊四萬隻山羊八千隻又齊旺班珠爾喇什色楞等扎薩克台吉等情願進牛一千餘隻羊五千餘隻等語又據明德奏稱阿拉善郡王羅布藏多爾濟採買羊隻俟欽差大臣等到日會同辦理外現在進羊五千

隻送往鎮番縣等語。合計現在採買及衆扎薩克台吉等進貢牲畜共牛四千餘隻羊五萬三千餘隻。此項牲畜俱係軍營官兵口糧最關緊要。地方官接收解往理宜籌及抵營。堪以需用。加意送往。若不嚴飭屬員於解送時漫不經心。以致牲畜疲斃。不惟不堪應用。且以有用之牲畜徒滋糜費。從前黃廷桂在日。此等解送軍營牲畜口糧等項若係經朕辦理送往者。伊必感戴。代伊等辦給之恩。籌

計一切多方設法。惟期牲畜不致損傷。妥協辦理解往。黃廷桂若在。又何須朕如此勞心降旨。今伊病故。吳達善明德收解此項牲畜。亦當照依黃廷桂從前所辦。籌計一切。嚴飭屬員將此項牲畜俱加意盡心沿途尋好水草處牧放。不使致有疲斃。至解送此項牲畜派出官員應嚴飭者。固宜嚴飭。而應獎勵者亦應明示獎勵。著寄信與吳達善明德等。加意盡心辦理外。亦寄信與定長等。闡展等處

接收此項牛羊。往前趕解。亦必遵朕訓飭諭旨。加意盡心辦理。現在內地辦理許多牛羊陸續解往軍營。則軍糈自然寬裕。毋庸另行竭慶辦理矣。將此亦寄與永貴等共知之。○又諭據明德奏稱。准阿拉善郡王羅布藏多爾濟以阿拉善游牧應買羊隻。俟欽差大臣等到日。會同辦理。羅布藏多爾濟進貢羊五千隻。趕送鎮番縣所屬地方交納等因。移會前來。除現在派員接收趕解外。羅布藏多爾濟所進羊隻。應否賞給價銀之處。具奏請旨。羅布藏多爾濟感戴朕恩。進羊五千隻。解往鎮番所屬地方。殊屬可嘉。著加恩將所進羊隻俱照現在加增羊價之例。給與價銀。明德接准羅布藏多爾濟解送咨文。即派員接收。甚是著寄信與吳達善接收鄂爾多斯阿拉善扎薩克等貢買牛羊。務須嚴飭屬員沿途加意趕解。送往軍營。尋吳達善奏甘省食物價增數倍。肅州口外至安西哈密各處更昂。

現解送牛羊之弁兵夫役額支不敷且遠涉阿克蘇葉爾羌等處懇照解馬一體加增賞給得旨如所議行○又諭據明德奏稱接永貴等取馬咨文即將馬一萬六千匹由額林哈畢爾噶解送前往俟送至阿克蘇地方即可調用等語去年阿里衮帶去馬三千匹而永貴等復因補足驛站調取五百餘匹今又因豫備進兵調馬一萬六千匹明德即解送咨覆所辦甚是將此寄與永貴知之再鄂爾多斯扎薩克台吉等進牛四千餘頭羊五萬餘隻已降旨吳達善明德陸續解送並合計此時解送之米麪及阿克蘇收穫糧石儘足供軍營一年之用著寄知永貴定長等將此項馬匹牲畜令官員兵丁小心送至軍營備用○又諭總理嚮導處人員甚少著扎拉豐阿塔勒瑪善俱為嚮導處總理○命賞哈薩克之俄羅斯蘇勒統等銀兩有差○刑部議准福建按察使史奕昂奏烏鎗例禁綦嚴近

有改用竹筒外紮洋藤加以鐵箍火門鑲鐵裝入火藥鉛子點放殺人多案俱照故殺律定擬追銷在案竹銃原非例禁之物地方官以失察例祇載烏鎗現雖查禁仍恐奉行不力請嗣後有私造私藏及點放傷人者俱照烏鎗傷人問擬斬候地方官亦照失察私造烏鎗例議處從之○陝甘總督吳達善奏哈密防兵例係二年一換於四八月交班今據署總兵素昌阿呈報該防兵等因四月班期在邇現在大兵進剿及押運屯田需兵甚多情願告駐一班請照換防例支給整裝俸賞報聞○甲寅遣官祭先醫之神○予故大學士伯兼管陝甘總督黃廷桂祭葬如例謚文襄入祀賢良祠○乙卯上詣暢春園問皇太后安○還宮○諭曰禮部據正白旗滿洲都統將舒常之妻可否請復格格之處咨請

部示該部遽行請復多羅格格品級一摺舒常係舒赫德之子舒赫德乃屢獲重罪之人此次因將軍兆惠統兵深入接續辦事者之人伊亦自知奮勉贖罪因加恩復用此亦舒赫德尚有受福之地是以值此機會而朕又將伊子舒常授為侍衛此皆朕格外之恩其稍有人心者雖倍加奮勉効力猶恐不能報稱豈有汲汲為伊妻求請品級之理又豈有因妻請復並希自增品級之理設使舒常竟行在旗具呈則無耻之至朕必重治其罪今詢明舒常並未具呈行文禮部實出自誠親王之意夫舒常之妻係裕親王之女王管理旗務即如此瞻徇情面為之咨請可乎况封賞乃國家之特典惟應行加恩者始可加之耳豈臣下所可私心袒護妄冀施恩者即如授王公等女格格品級一事亦國家優渥之恩其平日本無事故自可遵例給以應得品級若以屢犯重罪之人情事判然不同豈得

仍照初次竟復原級誠親王實非尋常瞻徇可比著交宗人府嚴加察議觀保身為副都統何尸位附和若此著交部嚴加察議至禮部接到旗咨即據理駁回伊等固為無罪即不行駁回若循照舒常議給品級其罪亦不過交部察議而止乃該部並不遵例辦理徑照原品奏請給與多羅格格品級非瞻徇舒赫德而何伊等在朕前如此奏請可予禮部堂官等並著交部嚴加察議再定例王子之女格格中近派者俱奏請指人遠派者許自行指給至出嫁時奏請品級今漸至近派王等亦間有先許人而後奏聞者從前王等之女格格俱許給蒙古台吉此係舊例因蒙古等原係世為姻親故也况京師勲舊子弟內亦有擇配王公之女者今王等多不遵舊例情願擇配京師旗人更有無耻之人夤緣王子私行聘定出嫁時始行奏請格格品級甚屬惡習向日並未有此此風特起自近來數

年間耳。其漸斷不可長。除業經聘嫁者。毋庸置議外。著交該衙門。將現在親王郡王之女。格格中。其已許京師旗人。尚未娶者。不便離婚。仍聽其給與查明。指名奏聞。將某親王某郡王。罰俸一年。嗣後凡親王郡王之格格。俱遵照舊例。候朕旨。指給蒙古台吉等。其間或有因原係姻親。熟識蒙古等情。願自行許給。尚屬可行。伊等可自行定議。奏聞。其不行奏聞而私行許聘京師旗人者。著永遠禁止。○

是日起

上以祭

社稷壇。齋戒三日。○丙辰諭。向來前往蒙古部落貿易商人。由部領給照票。稽覈放行。懋遷有無。彼此均為便利。近因貨市日久。不無爭競生事。是以議令禁止。殊不知商販等前往烏里雅蘇台等處。亦必由各該部落經過。若中途一切貨物。抑令不得通融易換。未免因噎廢食。嗣後凡有領票前赴貿易人等。所過

喀爾喀各旗。仍照舊隨便交易。俾內地及各部落商貨流通。以裨生業。其一切稽察彈壓。地方官及各扎薩克。留心妥協經理。毋任巧詐奸商。逗遛盤踞。以滋事端。○吏部議准。山東巡撫阿爾泰疏。請濟兗沂曹四府及捕河。加河泉河各通判。應加水利銜。換給關防。從之。○喀爾喀親王桑寨多爾濟奏。查內地商民於恰克圖購買俄羅斯皮張等物。於布哩雅特購易俄羅斯馬匹。於軍需有益。或以官銀令商民承辦。或仍令商民置買。每年可得一二千匹。得旨。軍機大臣議奏。尋議收買俄羅斯馬匹。必須遴選幹員。訪確實價。雖支官銀購買。仍不露官辦形迹。俟交易後。派員送張家口。將駒馬彌補牧羣。欠數驟馬兒馬。交總管等歸入牧羣。孳生從之。○丁巳祭先師孔子。遣大學士蔣溥行禮。○吏部議准。江西按察使亢保奏。命盜等項雜犯。案內在逃餘黨。罪干斬絞重辟者。俱以結案咨題。部

覆到日為始。以罪名輕重定限緝處分。重則照逆匪案犯例。統限查叅。輕則照承緝各項雜匪之例。分年限緝。限滿無獲。即照議定處分。區別報叅從之。○戊午祭

大社

大稷

上親詣行禮。○諭軍機大臣等。甘省連年承辦軍需錢價未免昂貴。西安鼓鑄鑪座無多。從前已屢次協撥。現存無幾。四川為產銅之區。添鑪鼓鑄錢文必多。若由水路運至畧陽。轉送甘省。即增添運費較之甘省現在錢價尚當減省。著傳諭開泰查明該省存局餘錢。儘其所得撥出數萬串。委員陸續運至畧陽。交陝省委員轉運甘肅一帶。視錢文之多寡酌定成數。搭放兵餉。以每銀一兩折錢八百文為率。如有贏餘。即設局減價兌換。並計其兌換銀數報部。於撥解甘省協餉時。照數扣除。改撥川省抵餉。以省往返運送之煩。並傳諭

明德知之。尋據開泰覆奏。以錢八百文折銀一兩。每串計可多出二百文。足敷陸路運費。至川鑄錢文。除搭放兵餉及發交地方官出易外。局存有限。錢價本不甚昂。應將出易之錢暫停。並將搭放餉錢暫借數月撥運。不致久需時日。得旨妥協辦理可也。○又諭。昨將莊浪協領琳泰。陳世泰俱授為西安副都統。原以伊等供職有年。並無陞路。是以委曲加恩。看來琳泰尚能奮勉。陳世泰微覺糊塗。著寄信松阿哩此二人。原係伊之屬員。其賢否自無不知。俟伊等到任後。試看一二年。果能辦事。即可令其供職。仰承朕恩。若不稱職。亦不可姑容。即行陳奏。令其以原品休致。可加意試看。若伊等尚能勉力辦事。亦斷不可因有此旨。過於苛求。○己未。以舉行仲春經筵。遣官告祭。

奉先殿

傳心殿

上御文華殿。講官暨侍班之大學士九卿詹事等行二跪六叩禮。分班入殿內序立。直講官四人出就講案前行一跪三叩禮。復位直講官伍齡安將溥進講中庸成己仁也成物知也二句講畢。

上宣御論曰。至誠如神。斯已物一貫無所用其成而無不成。譬之天地化四時育萬物而四時萬物無非天地。故天地不自見為天地而誠者不自見為誠也。誠之者則不然。見有所謂誠則有所謂己。既有所謂己則有所謂物。雖然己與物又豈有二致哉。反身而誠斯盡己之性。誠精故明斯盡物之性。然而修身修道當盡克己復禮之功。欲立欲達當推胞與為懷之量。所謂人欲盡而天理存外內合而時措宜仁也知也皆一誠之實理而已。但人道無不當勉而有位與無位者其成已成物措施參贊之功所殊自覺霄壤是又予所抱歉而刻不能已於懷者。夫講官暨侍班官跪

聆畢興直講官介福秦蕙田進講易經易簡而天下之理得矣。一句講畢。

上宣御論曰。乾坤之撰至健至順確然隤然示人易簡而人或不知。即有知之者亦云乾坤始能如是而人豈能惟聖人體天地之心以為心。斯參天地之化以為化。然而乾坤運終古而無窮者則以得易簡之理也。聖人雖百世而罕遇者則以失易簡之理也。失易簡之理何以其有人己之分也。一有人己之分則物來而不能順應憧憧往來朋從爾思又何能崇德廣業成參贊之功哉。故人欲效乾坤之易簡當法聖人之無私無私則理存理存則守者約而應不窮久大之規。胥於是乎在矣。講官暨侍班官跪聆畢大學士傅恒史貽直奏曰。

皇上懋建中和同符健順惟一以貫盡人性物性之全奉三無私協可大可久之極信至誠而不息自先天而弗違道該乎內聖外王功

隆於兼覆並載。臣等幸侍

講筵。親承

聖訓。不勝欣服。奏畢。諸臣出就拜位。行二跪六叩禮。禮成。

上還宮。賜講官及侍班官等宴於協和門。○遣

官祭昭忠祠。○庚申。

上詣暢春園。問

皇太后安。○幸圓明園。○以故奉恩將軍雙貴子佛爾恒額因病告退。奉恩將軍五十九子

和隆莪。各襲職。○辛酉。

皇后千秋令節。停止行禮筵宴。○壬戌。

孝康章皇后忌辰。遣官祭

孝陵。○諭。向來京察之例。各部院堂官。將所屬

官員分別等第。若陞調未滿半年者。則仍由

原衙門堂官出具考語。移咨新任衙門辦理。

京察為澄敘大典。理宜詳慎甄擇。以防濫竽。

該堂官等。若因該員既經陞調。別任。移送考

語。或未免意存假借。殊非程材課績之義。嗣

後京察人員。在新任衙門。年例未滿。移咨前

任堂官。出具考語。列在二等三等者。仍照舊

例。其列為一等者。著於帶領引見時。另分一

班。但不得因有分班之旨。轉增各部向來所

定額數。致滋濫觴。○又諭。曰。侍郎裘曰修。現

在差往江南。會同內閣學士海明。有查辦事

件。著即馳驛前往。○諭軍機大臣等。據都察

院奏。江南清河縣生員蔣尊控告戶書陸咸

宜侵吞出借籽種銀兩一案。已令侍郎裘曰

修。馳驛前往。會同海明查辦。著傳諭海明。前

赴清河。會同該侍郎秉公查審具奏。○又諭

曰。哈薩克請安使臣歸途。仍令納旺照管。據

伊等奏稱。沿途貿易及買蒙古人口。請旨遵

行。朕諭以貿易之事。係爾等私情。不便傳諭

至蒙古等。皆朕臣僕。與爾等一體。而喀爾喀

尤服屬。年久自不肯售賣人口。或新附之杜

爾伯特。扎哈沁等部落。有此舉動。只得聽其

自便。亦不能豫為期約。再伊等稟告軍機大

臣欲將留於軍營休息之人一體賞賜恐此次伴送伊等又復言及亦當明白曉示以此等人並未入覲例不應賞念其久住客邸推廣仁恩每人賞緞一端再此等哈薩克來使等所攜賞物頗多駝隻不足必請添補當告以向無官辦之例或自行雇覓我等仰體皇仁代為傳集尚屬可行即以伊等賞項辦理若再三懇求亦止此次酌量辦給後不為例其駝隻仍交納旺帶回斷不可曲順其情致

伊等習以為常無所限制○賜哈薩克阿布勒巴木比特等勅書曰哈薩克汗阿布勒巴木比特阿布賚阿布勒比斯等昨據將軍等具奏爾等遣俄羅斯蘇勒統等代請朕安由烏里雅蘇台伴送至京朕嘉爾等誠悃疊申宴賚念爾阿布勒巴木比特等遠在外藩若照內地扎薩克授以爵秩恐爾等有拘職守前阿布賚等遣使入覲時已傳諭及此爾阿布勒巴木比特亦各依舊俗安居游牧庶無

擾累爾等如遣使輸忱朕亦不靳恩賞其賜

爾阿布勒巴木比特等緞疋器物茶葉若干使臣歸日爾等其各祇受又賜來使等衣物銀兩若干及使臣隨僕等緞疋銀兩俱諭爾等知之又昨准俄羅斯部落來文有爾等哈薩克舊係伊屬之語朕命所司傳諭云前大兵進勦厄魯特抵哈薩克邊界伊等慕化投誠我大國之體自當撫納非若汝外邦動以威力相加與之約誓責其貢賦亦未嘗禁其服屬他國也嗣後爾等即與俄羅斯往來亦所不校其勉輸誠悃永享無窮之福特諭○癸亥

上詣暢春園問

皇太后安○諭曰哈寧阿以軍行失律解京鞠訊據供詞與雅爾哈善相符且將雅爾哈善種種謬戾乖張失機債事情節指陳如繪是雅爾哈善雖已伏法實不足以蔽其辜夫雅爾哈善既為將軍而哈寧阿即其叅贊以將

軍罪狀如此。為叅贊者自當以軍國之計為重。據實叅奏。乃隱忍貽誤。又從而附和之。滿洲世僕。豈宜出此。且哈寧阿又非他人可比。自伊父哈達哈獲罪。經朕加恩矜宥。並予以自効之途。伊苟有人心。念及伊父。亦將倍加感奮。矧軍旅重寄。三軍之命繫焉。顧因循玩視可乎。覈哈寧阿之罪。正與雅爾哈善等應即正典刑。以肅軍紀。第以叅贊究屬相助為理之人。前哈寧阿曾隨將軍兆惠。由濟爾噶朗力戰而出。雖現在所犯情罪。斷難稍貸。仍念伊前勞暫緩正法。著監候秋後處決。以示寬典。朕用人行政。事無鉅細。一秉虛公。自問信賞必罰。毫無偏倚。若事關軍務。尤期法在必行。然使其人尚有微績可錄。亦不忍竟沒臨時必量予加恩。此中權衡輕重。實可下對天下臣民。今將哈寧阿留候秋讞。著通諭中外。俾眾共知之。○諭軍機大臣等。方觀承代購西安滿營補缺馬匹。前經降旨傳諭令侯

松阿哩覆奏到日。再行解往。今據松阿哩奏稱。西安滿營現尚缺馬二千二百五十匹。請交直隸代為購買解往等語。著傳諭方觀承將現在購得之馬一千二百匹。並再為購買一千零五十匹。如數買足。照從前解馬之例。委員解赴西安。交與將軍松阿哩接收補額。並傳諭松阿哩知之。○又諭前據莊有恭將湖北省動用錢糧工程報銷未完各案。繕摺彙奏。當於摺內批諭。令其速為完結。今碩色所奏工程未完。及部駁覈減各案一摺。雖係督撫兩衙門各行承辦。而同係湖北一省之事。可見該省塵案未結者甚多。日積月累。勢必又滋闕冗陋習。著傳諭該督撫等各將所辦案件。即速飭催完結。毋得仍事因循。○又諭據薩喇善奏。稱協領同海海保佐領色克什慧色等。拏獲偷買人役之陳中元等十三名。搜獲人役三千二百七十二兩。併查出元狐及馬匹銀兩等物。又寧古塔副都統和琿

阿所派防禦德保等拏獲孫光昭等二名。私買人獲一千四十五兩一併解送前來。請將買獲十數兩自行藏帶人犯照例擬徒。其偷買數百兩以上者加等治罪。所獲馬匹銀兩獎賞兵丁。狐皮人獲俱已遣人解送等語。薩喇善此次辦理甚屬妥協。拏獲人犯即照所奏辦理。所派官兵亦甚出力。自應加恩。但止將所緝銀兩賞給為數無幾。兵丁人多。尚覺不敷。且官員亦應加恩。著寄信薩喇善令將如何分別賞給之處查明議奏。至此次所獲買獲人犯內必有大商。否則何敢如此。應並將伊等資產查抄入官。○又諭近聞和托輝特郡王品級車都布公多爾濟車登扎薩克達什朋楚克三旗人等生計竭蹶。此三旗原係逆賊青滾雜卜所屬。伊等依附背叛。原應一例辦理。但究係脅從。是以加恩。未經辦理。今青滾雜卜業已伏法。念伊等俱朕之奴僕。生計竭蹶。不加撫卹。朕心實有所不忍。著福

祿德沁扎布將三旗人等查明賑給所需銀兩。即由軍營餉銀內支領帶往使用。併將如何賑給之處即行奏聞。○又諭曰將軍成袞扎布等奏稱據扎薩克圖汗巴勒達爾呈稱伊掌管副將軍盟長汗扎薩克等四項印務恐年幼不能周到。懇請或將副將軍或將盟長酌量另派人員管理。並稱該部落公扎薩克頭等台吉喇布坦老成練達。以之坐辦尚堪勝任等語。巴勒達爾自稱年幼。辦事不能周到之處。意尚誠懇。著照所請將副將軍事務仍令巴勒達爾管理。其盟長員缺著公喇布坦補授。○甲子

上御勤政殿聽政。○諭督撫簡任封疆。察吏是其專責。屬員之賢否。例應以時體察。彙摺奏聞。不獨朕用人之際。可備隨材器使。而各該督撫平日之鑒衡造就。亦一覽可知。其所關於政體人才者。綦重。昨偶檢閱尹繼善所奏屬員賢否摺內。衛哲治尚為淮安知府。定長

尚為徐州知府。計其時距今已十數年。自後何以竟無續奏。此係密陳之事。並無損於寬大之名。尹繼善復何所顧忌。而疎畧若此。豈每年薦剡糾劾之外。各員才具竟無等差。可以甄覈耶。尹繼善著飭行嗣後。並著各督撫於屬員賢否。每閱三年。即令彙奏一次。以重官方。以澄吏治。○又諭據富德等奏。報正月初六日。統領官兵行至呼爾瑪。逆酋霍集占等率賊騎五千抗拒。官兵奮勇轉戰。至初九日。我兵因馬匹遠行力乏。不能悉行斬獲。是夜月落後。適叅贊阿里衮送馬已到。正遇分遣勦賊官兵。即與鄂博什分為兩翼。躍呼馳突陣。戮賊衆甚夥。至初十日天曉。收兵回營。計五日四夜。殺賊千餘。及中傷者無算。初六日交戰時。逆酋布拉呢敦脅間中鳥鎗傷甚。劇賊昇之入城。旋回喀什噶爾。計陣戮賊已圖爾十五名。大伯克數十名。至將軍兆惠在營中固守。聞鎗礮聲。知援兵已至。即遣索倫

兵回人等齎文通信等語。覽奏深為感慰。此皆上蒼默垂眷佑。諸大臣以及官兵等。忠誠敵愾。所致富德數年來宣力勤勞。此次奮勇督勦。厥功懋著。著加恩封為三等伯爵。舒赫德雖屢經獲罪。今知奮勉自贖。亦屬可嘉。阿里衮前雖未著成勞。今送馬濟軍如期集事。且會同勦賊。擊殺甚多。朕心深為獎許。計此次勦賊有功。自領隊大臣以上。人人踴躍自効。提督豆斌。率中軍鎗礮鼓勇前進。奪取賊營。脅受鎗傷。著加恩一體議叙。並各賞給世職。所有陣亡及効力之侍衛官員兵丁等。俟兆惠富德查明造冊報部到日。一併照例優加議卹。富德等摺奏及兆惠咨文併發。○諭軍機大臣等。覽富德等捷奏。甚屬奮勉。伊從前奏請趨行前進。及舒赫德催督各隊兵馬。陸續進發。俱甚合機宜。若不如此辦理。焉能勦殺賊衆。通信軍營。朕心深為嘉悅。但逆賊霍集

占等喪膽之餘。惟有逃遁。今各城回衆皆降。自必慮其縛獻。惟大兵進勦後。北路駐兵甚少。伊曾住伊犁。熟其道路。或就彼往投俄羅。斯亦未可定。兆惠富德等宜籌堵截之策。且伊二人既會兵一處。足以辦事。而阿克蘇駐劄需人。著舒赫德即回阿克蘇辦事。明瑞亦遵前旨馳驛來京。至舒赫德駐劄阿克蘇時。有烏什回人托克托默特來投。據告稱將軍等於營中掘得窖粟。及得馬千匹。駝千隻。布

拉呢敦。已回喀什噶爾等語。今覽兆惠咨文。伊等並未收獲馬駝。而富德又奏稱。希拉呢敦臨陣負傷。昇入城中。是托克托默特所言。盡屬子虛。或係霍集占等遣來詐降。以懈我軍心。自應嚴加窮詰。著永貴玉素布等查明托克托默特現在何處。即嚴拏送往軍營。交與兆惠審理。俱著傳諭知之。○又諭。此次應援軍營。雖勦賊甚多。而逆賊等巢穴尚存。自必勉強支吾。萬一負隅固守。而我馬力尚未

甚足。仍須駐候。前曾諭及我兵若回阿克蘇。則多勞往返。即就近駐劄。和闐方妥。惟是駐兵之後。一切糧運。自必由烏什一路行走。倘逆賊等窺我北路兵少。由間道抄截。亦未可定。故阿克蘇地方最要。已諭舒赫德速回辦事矣。至官兵亦不必俱聚和闐。或分駐阿克蘇。則糧運易集。而聲援亦接。若業已擒獲渠魁。即毋庸置議。總之伊等身在軍前。惟宜相機辦理。固不必拘泥朕旨。亦不可坐失事會。

也。著將辦理情形。作速奏聞。○以鑲紅旗漢軍副都統曹瑛。為工部侍郎。○以編修何國宗。為內閣學士兼禮部侍郎。○以國子監祭酒良誠。為詹事府詹事。○乙丑。

上詣暢春園。問

皇太后安。○還宮。○諭軍機大臣等。據吳達善等奏。請揀發道府等員來甘差委一摺。已有旨。勅部照數揀選矣。內道府一項。前已節次發往甘省。如富尼漢。德文。淑寶。增福等員。原

以備此種差委辦事之用。與請旨簡發無異。遇有員缺。自可酌量委署。惟於軍務告竣。辦理善後事宜。或再為分別辦理可耳。此時何必過於拘泥。但該督等既有此奏。仍照所奏。令該部一體揀發。將此傳諭吳達善等知之。○又諭據清馥奏稱。遵旨詢問布魯特使臣車哩克齊等。以派兵協助逆回一事。據稱行至游牧後。情願量力出兵。協助將軍大臣等語。前經舒赫德奏稱。侍衛布瞻泰等見車哩克齊之弟言及派兵。伊等以游牧事務係明伊勒哈管理。復因天寒雪盛。布瞻泰暫行回營。今雖據伊等懇請自効。但所言亦恐無定。惟視我之情形。我兵力精銳。則踴躍隨行。或稍覺平常。即從中觀望。此亦外藩情勢之必然者。伊等既有此言。若果踐前約。兆惠等亦酌量獎賞調用。如可以不需。自當相機發遣。著因便傳諭知之。○又諭曰。富德等奏稱。回人噶岱默特。經將軍兆惠派同愛隆阿駐防。

要隘。後同回阿克蘇。又隨軍前進。熟習沿途情形。頗得其力。等語。噶岱默特著加恩授為頭等侍衛。有回城伯克缺出。即令其管理。○又諭曰。昨諭明瑞遵前旨馳驛來京。詢問軍前情形。今思侍衛瑪瑞老格等。此次甚屬効力。且得傷可念。自應來京休息。而新派之侍衛等。似老格得傷者。尚有幾人。著兆惠等查明。令其分起來京。○丙寅。

上御太和殿視朝。文武陞轉各官謝恩。○辛酉。

明園。

大清高宗法天隆運至誠先覺體元立極敷文
奮武孝慈神聖純皇帝實錄卷之五百八十

實錄卷之五百八十

三

大清高宗法天隆運至誠先覺體元立極敷文
奮武孝慈神聖純皇帝實錄卷之五百八十一

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總辦官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

教修

乾隆二十四年己卯二月丁卯諭據工部奏

郎中上行走之丁憂道員玉神保現在服闋
堪勝繁缺道員之任等語從前八旗人員補
用外任者本少且因外任上官既眾習套更
煩是以旗員亦多不願外擢嗣因生齒日繁
故將外任文武員缺酌量簡用旗員其丁憂
及調任回京者仍令在原衙門職任上行走
並令酌給俸糈皆朕量材授任格外加恩之
意近見在京旗員每以外任養廉所入較優
往往希冀外補即此器量褊淺大非滿洲淳

樸舊俗於風尚人心甚有關係。況京員中果其勤慎幹練。遇朕降旨保舉堪勝外任時。該上司自必登之薦剡。俾膺民社。是人材已得疏通。官制亦無偏任也。若以曾為外任。即來京借補。而一經年滿。必當仍歸外缺。謂此例一成而不可變。則該員在原衙門行走。或以暫時游行。無意久居。勢必苟且塞責。而該上司又以其本非專任。來則曲意姑容。去則聊為獎借。匪特於政體無裨。似此因循日久。八旗人材風俗亦轉滋器薄。豈朕造就教訓之殷懷乎。嗣後凡八旗外任文武官員調任及丁憂回京者。俱著在原衙門職任及所調之任行走。遇缺即行補用。所有期滿補用外任之處。著概行停止。玉神保即著照此例。仍在原衙門行走。○諭軍機大臣等。清馥奏稱。詢知侍衛官長保等帶領達什達瓦兵丁由烏里雅蘇台。哈布塔克拜達克直抵烏魯木齊。因將伊等應得錢糧送至烏魯木齊辦給。又

達勒當阿等自巴里坤至烏魯木齊需用熟識水草之嚮導等。已於索倫察哈爾厄魯特等兵丁內派出二百餘名。等語。所辦尚是。從前諭官長保等由巴里坤會同達勒當阿等行走。原以厄魯特等頗悉沿途情事。今既就近前往。自無庸議。若伊等接得前旨。仍回巴里坤更為妥協。但厄魯特等雖稱熟識水草。而我兵豈遂無歷練之人。可傳諭達勒當阿等自巴里坤前往。務嚴飭新派官兵沿途加意照看。并剿殺瑪哈沁等。或葉爾羌喀什噶爾等處有厄魯特及回人逃來。即行剿殺。以清臺路。庶馬匹不致被竊。而渠魁亦難漏網矣。○又諭據喀爾喀親王齊巴克雅喇木丕勒等奏報。俄羅斯將舍楞等帶往之察哈爾佐領巴顏察克等十八人查出。送至恰克圖等語。可傳諭成衮扎布等。巴顏察克等十八人被陷得脫。殊可軫念。伊等至烏里雅蘇台。即於索倫察哈爾厄魯特內擇其明白曉事

者各一人賞給行裝馳驛來京以備詢問餘十五人酌量賞給令其各回游牧其來京之人不必派員照管○吏部議准河東河道總督張師載奏豫東二省河工各同知通判暨巡檢關官除已頒關防條記之員其未頒各汛官如係分駐彈壓經管事務不與州縣同城者補行鑄給從之○副都統富亮奏八旗領催馬甲養育兵等挑缺日都統副都統中僅一員前往管旗王大臣等率圖近便不赴衙門即於本府挑取請嗣後務於各旗教場等處定期同往並咨報查旗御史若致愆期或仍前圖便該御史指名題叅得旨所奏是著照所請行查旗御史等所司何事著明白回奏○戊辰遣官祭黑龍潭

昭靈沛澤龍王之神玉泉山

惠濟慈佑龍王之神○諭軍機大臣等永貴奏稱現在派駝二百五十隻將回人所交米麵及弓箭火藥鉛丸酌分馱載又趕送羊一

千五百隻前往軍營等語接濟軍需甚關緊要此時將軍等正與逆賊相持恐有賊黨乘間搶劫可傳諭永貴於起運時多派官兵沿途防護免致疎虞○又諭曰定長奏稱新派綠旗兵丁五千名駐吐魯番聽候調遣已會同總兵楊寧將老弱者撤回其名糧於屯田兵丁內充補仍飭該管官嚴加約束等語此次派出綠旗兵前諭聽候兆惠行文或調令進剿或留派屯田今時值春耕與其坐糜糧餉莫若先事耕作可傳諭定長即將兵丁五千名分發吐魯番附近屯田處所令其開墾庶伊等不致閒住滋事於屯務亦有裨益○己巳

上詣暢春園問

皇太后安○諭軍機大臣等據軍營奏報將軍兆惠富德等聲援既接分領官兵奮勇剿賊合軍一處整頓兵馬再行進剿覽奏殊為欣慰此實

上天眷佑之恩朕不勝欣感至將軍大臣侍衛官兵等奮勉効力允宜優敘以示獎勵適據兆惠奏辭封爵及所賜章服從前因伊被圍固守是以特加寵錫今果全師制勝何必固辭前因富德迅速應援屢敗賊衆已封為三等伯今又領兵力戰與將軍會合厥功懋著著加恩晉封一等成勇伯兆惠軍營之侍郎公明瑞副都統由屯溫布總管端濟布富德軍營之護軍統領努三副都統鄂博什默爾根巴圖魯瑪瑞散秩大臣永慶俱交部議敘給與世職二等侍衛瑚什卓哩克圖巴圖魯額訥慎訥齊訥伯克巴圖魯老格福永俱著授為頭等侍衛三等侍衛福齡安克丑巴圖魯諾爾本庫爾察巴圖魯扎延保額爾克巴圖魯海蘭察鄂畢達達克塔納瑪格莽喀察公特通額豐安豐訥亨額勒登額承德塔爾海科普薩塔蘇爾海巴圖魯占頗圖哈坦巴圖魯瑪琥克爾齊克依巴圖魯占丕訥默爾

根巴圖魯伍岱俱著授為二等侍衛正黃旗三等侍衛額勒登額著補授二等侍衛賜號噶畢雅圖巴圖魯仍賞銀一百兩藍翎侍衛烏勒登永泰滿柱烏爾圖納遜蒙固勒棟保伊達木扎布獎賞孔雀翎之藍翎侍衛塔尼布侍衛上行走之護軍校福保獎賞孔雀翎之索倫驍騎校巴勒琿俱著授為三等侍衛獎賞孔雀翎之察哈爾護軍署叅領茂海賽音伯勒克著授為防禦在叅領上行走索倫協領安提木保著賞給副都統職銜副總管阿爾哈勒沁著補授總管吉林佐領布爾哈著補授協領署前鋒章京觀音保前鋒侍衛常保柱俱著准其實授索倫驍騎校雅布唐阿著授為防禦喀爾喀公朗衮扎布著授為鎮國公賞戴雙眼翎阿拉善輔國公衮楚克著授為鎮國公又諭曰兆惠奏稱侍讀學士溫福從軍勦賊面中烏鎗傷手中槍傷且諸事奮勉効力等語溫福著加恩補授內閣

學士又奏稱乾清門二等侍衛富紹勦賊陣亡。富紹年來甚屬効力。今又臨陣捐軀甚屬可憫。著交部照例議卹。給與世職。此次陣亡得傷官兵等俱著查明送部照例議卹。○又諭曰。富德等奏稱提督豆斌總管三都布俱以負傷身故等語甚屬可憫。豆斌著加恩照旗員一品大臣例。交部議卹。給與世職。三都布著照陣亡例議卹。豆斌所遺提督員缺著閔相師補授。所遺總兵員缺著五福補授。遊擊職銜榮保隨富德立功著加恩授為總兵。○又諭曰。將軍兆惠等現在合兵自應整頓前進。今馬匹口糧俱陸續運送。此時宜催督各城堡及時耕種。以資接濟。至賊人不耕則無食如耕則未熟之前我兵即前往蹂躪。自必困憊就擒。惟是霍集占等知我必整兵再進。恐被擒獲。豫籌逃匿之地。亦勢所必然。計葉爾羌喀什噶爾附近皆哈薩克布魯特人等游牧。素有豐隙。必畏其縛獻不敢逃往。伊

等曾久住伊犁等處。或向北投入俄羅斯。兆惠富德等應留心防範堵截。豫為辦理。昨巴祿奏稱接永貴咨調馬兵二三百名救援和闐。伊以策應將軍等為要。俟到軍營後再議等語。是時伊惟聞富德與賊交戰尚未知兩隊會合。想此時當相機分兵耳。但永貴奏稱齊凌扎布等呈報賊攻甚急。自應作速往援。且和闐地廣糧多。又當賊人向東南逃走之路。我兵會合則人數衆多。且葉爾羌距彼亦近。即著巴祿領兵數百前往策應。庶地方可保。亦可減阿克蘇之糧餉。著兆惠等酌議具奏。再富德曾有從巴勒琿嶺前取喀什噶爾之奏。昨派出西安滿兵二千達什達瓦兵五百由額林哈畢爾噶趕送馬匹。富德如欲於巴勒琿嶺進兵。即酌帶滿洲索倫兵迎回。與西安滿兵等會合。亦屬妥便。伊等相機辦理。不必拘泥。朕旨俱著傳諭知之。○又諭曰。將軍兆惠富德等兩隊會合。整兵再進。逆賊霍

集占等將來若計窮逃匿想未必投往哈薩克布魯特或從伊犁向北往投俄羅斯已諭兆惠等籌備堵截但回部通伊犁路多著傳諭將軍成衮扎布等將布延圖烏里雅蘇台兵丁酌派一千名給與口糧以車布登扎布為副將軍福祿車木楚克扎布為叅贊於青草萌生後越阿爾台西行巡查額爾齊斯塔爾巴哈台巴爾噶什諾爾等處搜捕瑪哈沁凡通俄羅斯路徑俱派兵瞭望堵截逆賊自無所逃車布登扎布其加意奮勉若能擒獲渠魁於超勇之名更增光寵若派兵不足或派扎哈沁扎木禪兵丁一二百名照例賞給整裝前往亦可○叅贊大臣巴祿等奏正月二十二日駐兵巴爾楚克得富德擊敗賊衆信離兆惠軍營僅四五十里恐賊人窮蹙以死抗拒臣等領兵一千二百餘前進接應報聞○阿克蘇辦事侍郎永貴奏正月十九日准侍衛齊凌扎布等遣回人呢雅斯呈稱逆

回賊黨鄂斯瑞等統衆六百來犯額里齊哈喇哈什肆行搶劫兩城守兵無多克勒底雅城破現在兩城人心搖動請兵救援即派兵前往一面咨商巴祿將伊等所領兵派出協剿報聞○定邊右副將軍富德等奏正月初六日在呼爾瑞遇賊轉戰五日得兆惠咨於十三日整兵至葉爾羌河岸偵探相距二十里十四日黎明前進六七里右翼阿里衮愛隆阿以鎗礮敗賊數次餘賊仍依蘆葦放鎗臣富德舒赫德領左翼兵急進賊渡河逃計勦賊二三百人又防城內突出中軍與右翼以次進攻令左隊努三等領馬兵堵截尋至營盤知將軍大臣官兵無恙賊人屢敗不敢來犯現派努三等殿後徐回阿克蘇報聞○庚午諭曰將軍兆惠富德等奏報正月初六等日富德等領兵援剿轉戰五日四夜兆惠在營聞聲夾擊所向披靡斬獲無算十四日兩路大兵已經會合請即乘勢併力進攻擣

巢縛賊等語。上年兆惠統衆薄城，軍行神速，頗合機宜。祇緣我兵萬里馳驅，馬力疲乏，以致一時遮困。幸先事綢繆，兵馬俱已在途，一經檄調，皆得如期雲集。是以呼爾璦之役，內外策應，大兵刻日會齊，軍威丕振。雖堅壁已經三月，而自將軍以至官兵，悉皆無恙。仰賴上蒼福佑，朕心不勝感慰。但念一軍困守逾時，而後隊續遣之師及一切軍糈，現在源源轉運，理宜少為休息。俟厚集其勢，可以一舉竣事。已傳諭將軍等，令於附近有城之處，酌量駐營。俟馬匹調齊，乘春和臆，力壯健，以需繼進。特恐選悞，無知之徒，聞爾時援師克捷，解圍勢同破竹，輒謂可以罷兵。息事則大不然。毋論逆酋前此辜恩反噬，害我王臣，難追天誅。即去冬官兵渡河進剿，輒敢悍然抗拒，稔惡更深。今雖全師整暇如故，而元兇罪大惡極。凡我大清國臣民，當無不人人切齒，使以一戰得志，妄語洗甲韜戈，不但軍紀國威難

於中止。且於政體亦甚有關係。佳兵之戒，朕所深凜。而天討有罪，自古無可逭之王章。且當我國家全盛時，兵力現俱充裕。又何不可執言聲罪之理？向者兆惠所領不過三千餘人，逆酋悉其殘衆，負隅苟活。而將軍等尚可力守重圍，相距至於三月之久，則其么虜伎倆，並無餘力。肆行跳梁，亦即此可見。況此時兵糧前後輻輳，計其成功，遲亦不出夏秋間耳。若徇首鼠兩端之浮論，姑息了事，朕實恥之。斷斷不為也。可將此通諭中外知之。○又諭甘省河東河西兩路衝驛及口外各驛，並關內各塘馬夫，併陝省延榆二府屬之葭榆神府懷定靖七州縣沿邊塘驛馬夫，現在差務絡繹，照例額支工食未免不敷。食用著加恩於常例外，每日賞給米一升，以資養贍。俟軍務告竣之日，即行停止。○諭軍機大臣等，朕因披覽地圖，見和闐去葉爾羌頗近，阿克蘇則甚遠。前舒赫德進兵時，即聞賊人侵犯

之信。且永貴又將齊凌扎布請兵情事。行文巴祿。則將軍大臣等。自當會議發兵應援。蓋霍集占雖經屢敗。而力尚能攻取和闐。我兵雖不能即取葉爾羌等城。而往救和闐。則甚易。看來和闐之得失。惟視我與賊到彼之先後。倘為賊所據。則我侍衛官兵及伯克鄂對等。豈不可惜。且各城伯克所積資糧。皆為賊用。再行攻取。更屬煩費。昨已諭巴祿領兵數百。前往駐劄。惟速行為要。再觀地圖所列喀

什噶爾西北一帶。皆布魯特哈薩克等游牧。烏什城亦頗堅固。諒逆酋等必不自投羅網。或從間道越伯特勒庫庫哩里克畢特里克。英阿喇特等嶺。竄入俄羅斯。若於此等可通伊犁之路。俱駐兵堵截。自易成擒。亦粘籤於圖。寄示兆惠等。其悉心籌辦。勿使兔脫。○又諭據官長保奏。稱奉到由阿濟必濟前赴巴里坤之旨。即領達什達瓦兵丁從慶集起程。等語。官長保既仍會達勒當阿等同行於送

馬一事。更屬有益。達勒當阿哈達哈傳景伊往等。俟官長保至巴里坤。清馥即給與應得錢糧。會同行走。達勒當阿哈達哈年長。歷練。當率先奮勉。伊等俱係舊人。自應和衷集事。約束兵丁。照看飼秣。遇瑪哈沁即行搜勦。傳景等協同効力。不得以董率有人。遂生推諉。再富德前有從巴勒琿嶺進取喀什噶爾之奏。朕已諭伊等。若由此進兵。當與現在辦送之兵馬相會。再行相機辦理。俱著傳諭知之。

○又諭據新柱等奏。另記檔案及開戶人等。裁汰之缺。即以頭二次遣來駐防之另戶。閑散滿洲挑補。再新到另記檔案兵丁內。如裁汰一缺。令其親屬弟兄。現在當差者。養贍其養贍家口之人出缺。後令其一併為民等語。近聞此項人等。知將伊等作為裁汰之缺。頗有畏難之意。為此特降諭旨。嗣後廣州福州兩處兵丁缺出。先將閑散滿洲挑補。滿洲內如不得人。仍將此項另記檔案之人挑補。新

柱等尚未接得此旨著寄知嗣後彼處缺出即遵此旨辦理○命編修鞠愷提督廣西學政○辛未遣官祭賢良祠○定考察內外大員例諭向來內外文武三品以上大員遇京察軍政之年援例自陳文具相沿無裨實政曾經降旨停罷第念伊等游陟崇階並由特簡其人賢否優劣雖已均在洞鑒然其間亦不乏旅進旅退苟圖特祿戀棧之人若以平時既無大過足干吏議又不按例甄覈任其迴翔日久必致職業不揚甚非澄敘官聯之道嗣後吏部於京察時將在京之尚書侍郎以下至三品京堂以上在外之總督巡撫分列為二本兵部於軍政時將在京之都統副都統在外之駐防將軍都統副都統各省之提督總兵官分列為三本繕具簡明履歷清單進呈候朕鑒裁以重考績大典著為令○又諭曰曹瑛已放工部侍郎現署理大同總兵事務額爾額未到任以前仍著曹瑛署理○

旌表守正被戕之吉林旗人伊達色妻郭氏○壬申諭據署四川總督岳鍾璜奏截取舉人現任瀘州學正龍正國年力雖未衰老但氣體甚弱人亦拘迂難膺民社應仍令回學正之任咨部註冊等語所奏甚當知縣職司刑名錢穀原非才力衰庸者所能勝任與其得缺時始行改補何如截取時先為甄別此不特地方可收循良之效即該員亦得免跋涉之勞岳鍾璜以暫攝督篆而能實心鑒別不事姑容深足嘉予但在該員或以曾列乙科未經引見豈即甘心冷署所謂人苦不自知也嗣後似此者著照大計年老被叅之例如願來京准予給咨聽該員自行赴部引見庶不致妄抱向隅之怨而大吏程材之當否亦難逃朕洞鑒若不願赴部仍聽其便○戶部議准江西布政使常亮奏民間活契典當田房概免納稅賣契仍照例投納先典後賣者照賣契銀數納稅隱漏者治罪並照徵收

地丁例於大堂設櫃聽民自行投納即時印給契尾不得留難包攬私收者拏究該管官以失察故縱分別叅處從之○兵部議准閩浙總督楊應琚奏水利工程請改歸文員以專責成永嘉樂清平陽三縣塘埭改歸三縣縣丞專管遇有殘缺坍塌責令按時督率鄉夫修防搶護其原派管工之各營把總悉掣回營專事操防孝豐縣縣丞改為瑞安縣縣丞專司塘埭遇有逃盜梟販准其緝拏疎防失事將該員照專管官例叅處從之○癸酉上詣暢春園問

皇太后安○諭據提督衙門奏稱護軍呼必圖齊里克圖同向子方二醉後攔阻婦人之車肆行詈罵並將婦翁毆打揪落髮辮拏獲審擬方二發遣巴里坤給綠旗兵為奴呼必圖革退護軍枷號兩個月滿日鞭八十齊里克圖鞭八十等語看來回子方二從前犯案累累俱經責放不知悛改若發遣巴里坤或致

途次脫逃復行滋事著留京在城門永遠枷號俾匪徒知所懲儆呼必圖身係護軍與回子方二醉酒打人著革退發往拉林齊里克圖雖未隨從呼必圖一同打人然與匪類交結行走亦著革退重責令披步甲再護軍乃旗人體面差使理宜各勤技藝謹慎當差該統領等有約束護軍之責伊等亦當留心豈獨進班時始當管轄下班後即與己無涉耶今觀呼必圖齊里克圖行事伊等即在該班處亦必酒醉胡行不肯謹慎當差似此不肖之徒久當革退該護軍統領等所司何事著將該護軍統領保平交部嚴加察議仍將此旨曉諭八旗護軍統領嗣後各將所管護軍善為教導嚴加約束若仍有似此者俱照此辦理○又諭曰原任西安副都統沈之仁王炎著該部咨取來京帶領引見○巴里坤辦事布政使清馥奏據車哩克齊稟稱厄魯特哈薩克錫喇從前未至我等境內今或潛來

藏匿其布拉呢敦。霍集占等若果逃來。自必拏送。至搶掠喀什噶爾屬城市。噶特人必不敢如此。不知係何游牧。俟查明稟報。報聞。○甲戌春分朝。

日於東郊。遣平郡王慶恒行禮。○予故致仕太子太保協辦大學士三泰。祭葬如例。謚文恭。○乙亥。禮部議准。山西布政使劉慥。奏烈婦烈女。給銀建坊。應令本家於三月內建成。不得任親屬花消延緩。至調姦控案。應即

按法究治。令本家親屬將婦女善為調勸。以慰其心。不得轉加恥辱。致生羞忿。如本不欲死者。更不得主使拚命圖賴。以致輕生。其州縣不立即審究。遷延時日。致婦女羞忿莫釋。情急自盡者。叅處從之。○丙子。諭軍機大臣等。今日得永貴奏報。朕以為軍前要事。閱之則係將購辦回人麥石之托穆齊圖調往阿克蘇辦事。又代阿克蘇頭目阿布都噶頗爾等謝恩。殊無甚關係。永貴乃辦事大臣。阿克

蘇為各城總匯。軍營信息及和闐等處情形。自當留心查訪具奏。或一時未得確信。亦當聲敘。乃全未提及。殊不識事體之輕重。著傳諭令其明白回奏。○丁丑。

孝昭仁皇后忌辰。遣官祭。

景陵。○諭曰。甘省地處偏隅。風土貧瘠。兼之去冬未得透雪。麥苗未能偏種。民力不無拮据。前經降旨。將上年被災各屬。於青黃不接時。一體加賑。至本年五月。但其時秋成未屆。又逢閏月。貧民餬口維艱。深堪軫念。著加恩再行加賑三個月。酌量銀穀兼賑。以資接濟。現在東作方興。各屬內有不能及時耕種者。俱應量借籽種牛具折價給予。務俾農民早事南畝。以冀有秋。著該督吳達善詳悉查明。奏聞。借給副朕念切痼瘼。至意該部遵諭速行。○左都御史德敏奏。尚書房軍機奏事等處行走人員。不派漕差巡城。亦免開列得旨。科道簡派巡城。自有本任專責。復遇派出漕差。

不分遠近。自應一體委員署理。至尚書房等處行走人員。若一概不入奏派。則所存開列各員。多屬資淺不更事之人。不特於公務無益。而兼各處行走者。亦轉成規避之徑。甚非政體。嗣後凡一應奏派差務。均著開列。但將行走之處註明進呈。候朕酌派。○以詹事良誠。充日講起居注官。○以故奉恩將軍宗室福喜之繼子慧文永璿之嫡子綿綱襲職。○戊寅諭曰。李因培奏覆考試情形一摺。內稱有長洲縣童生曹永楷。賄通書吏傳遞。隨將濫取案首聲名不堪之知縣劉若洙咨明督撫查覈等語。士習民風。皆地方要務。身為大吏。理宜不分畛域。實心整頓。如果學政好事。越俎干與督撫事權。固當據實奏聞。若州縣考校有弊。既經學政咨會。亦應秉公察劾。以儆頽風。倘以其事發自學臣。因而意存膜視。司課士者。益致呼應不靈。難以肅清學校。又豈大臣敬事協恭之義。此案該督撫如何辦

理。著尹繼善、陳宏謀明白回奏。○又諭曰。朕恭閱

皇祖聖祖仁皇帝實錄。康熙五十五年九月內。諭大學士九卿詹事科道等曰。國家設立科道。寄以耳目重任。建言參劾。乃其專責。九卿及督撫提鎮內。居官貪婪。行止不端者。亦或有之。科道官員。即當從公參劾。乃或因係某大臣保舉。或因係某大臣門生故舊。彼此瞻徇情面。並不題參。間有條奏彈章。亦祇受人請託。或使人畏懼。自立威名耳。仰見

聖訓周詳。洞燭情偽。不獨明季科道惡習。如見肺肝。即自古以來。言官風氣。關係政治得失。莫不包括無遺。允宜垂示子孫。為萬世炯戒也。朕臨御之初。側席求言。冀裨上理。無如言官即藉此以行其私者不少。尚憶仲永檀叅劾張照一事。實由其座師鄂爾泰指使。似此者。指不勝屈。究竟曾何益於實政耶。比年來督撫中。若恒文之在雲南。蔣洲之在山西。敗

檢狼籍。至於如此之甚。科道中竟無一人執白簡以從事者。上年因日食復有求言之詔。而湯先甲等亦不過撫拾浮言。率行瀆奏。使稍加獎誡。將復有如仲永檀之為者矣。及至稍加訓飭。而伊等遂俱鉗口結舌。絕無封奏。可見科道中原無實心為國之人。導之使言。不過黨援同異。冀快其私。甚至各立門戶。有害國家。若置而不作興之。則率以緘默為苟容。究其通病。何一能逃我。

皇祖聖神坐照中耶。殊不思朝廷設官分職。界以耳目重寄。凡國家用。人行政之大端。分宜屏去私心。隨時獻納。以資實用。使不言者既瘖。厥官而言者又惟以門戶恩讐為計。是不惟無補國。是且非立官之本意矣。可將此旨傳諭知之。○諭軍機大臣等。副將軍富德等將此次接迎將軍兆惠等。在乎爾瑯地方。打仗出衆奮勉。健銳營副前鋒參領以下前鋒以上。富虎等四十人。副前鋒參領。請補放前

鋒參領。委署前鋒參領。請補放副前鋒參領。前鋒校。請補放委署參領。副前鋒校。請補放前鋒校。帶翎頭目。請補放副前鋒校。前鋒請補放委署帶翎頭目。俱暫給頂翎。俟奉旨之日。將伊等旗分佐領品級姓名行文該處。遇有缺出。坐補其餘出衆各營官兵。行文兵部議敘外。仍行文該將軍大臣等。遇有伊等應陞缺出。具奏補放。至打仗陣亡受傷奮勉官兵。俱分別等第。造冊送部議敘等因。請旨具

奏前來。此次迎出將軍兆惠等各官兵。俱各奮勉出衆行走。朕前已降旨著富德等將此次奮勉官兵查奏。今既據富德等查明。將健銳營副前鋒參領富虎等四十人奏請陞等。著施恩富虎等四十人俱准其陞等。其餘出衆各營官兵。各部遇有伊等應陞缺出。奏請補放。至陣亡受傷奮勉打仗官兵。分別等第造冊送部議敘之處。俱著照富德等所奏行。○又諭曰。副將軍富德等奏請健銳營帶獎

賞藍翎釋伽保藍翎長西藍保前鋒委署筆帖式拜靈阿扶桑阿烏永額前鋒扎拉芬漢保六十七太平保文德等十人俱係二十年初次出兵前年撤兵時告留軍營行走之人此內有數年在各處奮勉行走給與獎賞藍翎者有在軍營年久又隨從遇賊鏖戰受傷者亦有所騎馬匹被烏鎗長鎗傷損者甚屬奮勉行走請將釋伽保拜靈阿西藍保扶桑阿烏永額補放額外前鋒校扎拉芬漢保六十七太平保文德請補放戴翎長交與各該處遇有伊等應補缺出生補等因請旨具奏前來伊等出兵年久此次又出衆奮勉著施恩釋伽保拜靈阿西藍保扶桑阿烏永額准其授為額外前鋒校扎拉芬漢保六十七太平保文德准其授為額外戴翎長遇有缺出生補○又諭據富德奏稱呼爾瑞等處勦賊立功官兵等有三四品官三等侍衛戴孔雀翎者有披甲署驍騎校戴獎賞翎者將索倫

總管巴雅爾等十一人列單進呈等語著加恩賞給呼倫貝爾總管巴雅爾二品頂戴打仗處協領署營總錦濟噶爾副總管署營總哈坦巴圖魯薩壘叅領署營總博尼俱授為總管三等侍衛侍衛什長多隆武三等侍衛索托隆科打牲索倫三等侍衛固勇巴圖魯伊薩穆俱授為二等侍衛呼倫貝爾佐領署叅領奇哩勒圖著實授叅領察哈爾防禦署營總斌圖著授為佐領察哈爾總管敏珠爾之弟車凌多爾濟授為護軍喀爾喀土謝圖汗部落台吉副都統職銜額琳沁著補授副都統打牲處披甲署驍騎校額勒頗爾肯著授為三等侍衛○又諭曰兆惠等奏稱此次効力有功人員藍翎扎勒桑等二十二人請戴獎賞翎其侍衛成果等十人原已戴翎將功次列單進呈等語扎勒桑等即照所請准戴獎賞孔雀翎此內扎勒桑署營總端濟勒圖驍騎校愛仲署護軍校琳保等奮勇進勦

攻破賊營。扎勒桑著賜號喀喇巴圖魯。端濟勒圖。賜號什勒瑪海巴圖魯。愛仲。賜號錫勒哈達克巴圖魯。琳保。賜號噶克察巴圖魯。仍賞銀各一百兩。其厄魯特都噶爾。哈什哈。瑪勒占。德布珠爾。鄂羅什。呼策伯克。固英。哈什哈。庫庫勒濟克。回人阿三。和卓。特穆爾等。俱能奮勉効力。著俱授為藍翎侍衛。其侍衛成果等十人。俱著加一級侍衛。上行走之虛銜。藍翎。琿齊布。恩克濟庫。哈斯泰。倭得勒圖。應委藍翎前鋒長之前鋒福柱等。効力得傷。俱授為藍翎侍衛。○又諭曰。員外郎伊克坦布。隨兆惠等。勦賊及巡查營伍。俱能奮勉効力。著授為額外郎中。遇缺即補。至富德處。隨印辦事。惟主事赫倫一人。著照所請。將原任布政使。挖穆齊圖。調往軍營。其阿克蘇承辦事務。著永貴另行派委。○定邊將軍兆惠等。奏臣等酌議。由阿克蘇和闐兩路進兵。抵阿克蘇時。未便駐一處。除臣兆惠。阿里衮。巴祿。阿

桂。領兵駐候。馬駝糧餉外。分兵一半。令臣愛隆。阿前往烏什駐劄。以就口糧。兼防喀什噶爾一路。又逆賊鄂斯瑞等。侵犯和闐。侍衛齊凌扎布等。請兵應援。自不可緩。但現在馬力疲乏。先揀官兵數百名。令瑚爾起。巴圖濟爾噶勒前往沿途捉生詢問。若和闐守禦如舊。即會同夾擊。或已被賊占據。則收兵來迎。富德俟糧餉馬匹到。臣富德福祿。即領兵接濟。臣兆惠俟辦足五千兵糧馬。再策應富德。並從和闐往取葉爾羌。到日。賊若仍前抗拒。臣兆惠富德。即前後相機攻擊。並堵截逆賊等。逃往巴達克山等處。路徑賊若固守巢穴。即掘濠圍城。分兵畧地。報聞。○旌表守正捐軀之山西靈邱縣民溫天起妻張氏。○己卯上詣暢春園。問皇太后安。○諭曰。楊廷璋奏。據浙江商眾呈稱。速陞向化率土歸誠。情願公輸銀二十萬兩。稍佐屯餉之需。不敢仰邀議敘等語。兩浙商

力素薄而踴躍急公情詞具見誠懇著允所請將所捐銀兩令楊廷璋委員解赴甘肅交與總督吳達善以備軍需賑卹之用該商等仍著交部議敘○又諭昨因甘省被災各屬民食維艱降旨加恩再行加賑三個月以資接濟輾轉思維該省僻在邊陲生計素瘠上年既不免薄祿而自冬涉春雨雪又未能霑足現在展賑雖可接至初秋而隨時悉心擘畫俾小民得霑實惠則司牧者之責也著傳

諭該督撫確體情形通融經理如春月雨水調勻入秋西成可望即將後一兩月應行給賑之項以次按數先期併給俾支用倍為充裕若量其歲事未能豫定饗飧之資必須按月分領以防耗費則仍循例次第給發蓋窮簷止謀旦夕不知遠計督撫等其曲體民情毋拘成例務期邊地災黎不致稍有失所以副朕痼瘼在抱之至意○諭軍機大臣等據李因培奏太倉州生員陳世麟控告工部主

事王閻之子王述晉冒認家主一案令軍機大臣傳訊該主事王閻據稱陳世麟之父陳襄係伊家世僕等語已令刑部司員阿永阿帶領王述晉回籍質審著傳諭襄曰修海明俟阿永阿到日一同前往秉公確訊具奏李因培原摺及王閻供詞一併鈔寄○又諭曰富德奏自正月初六日至十四日擊敗賊衆之侍衛官兵等有奮勇得傷効力出衆者俱獎賞孔雀翎藍翎等語已如所奏准其戴用仍著加恩將藍翎那木扎錫爾庫勒扎勒都侍衛上行走護軍校額爾色衣獎賞藍翎領催濟木保愛達漢獎賞藍翎馬甲塞卜騰領催阿特衣前鋒巴爾塔登樨十人再行查明功績如應賞巴圖魯號者奏請賞給又獎賞藍翎回人噶哩克巴們等五人厄魯特巴桑等六人俱授為藍翎侍衛至獎賞藍翎馬甲扎哈納等十人並未註明効力得傷事蹟其因何得賞列入奏單之內著富德查明聲敘

那木扎。錫爾庫勒。是否厄魯特。著一併查奏。
○又諭曰。定長奏稱。總兵楊寧。帶領綠旗兵
六千五百名。來至開展。以五千名。豫備進剿。
餘供糧運屯田差遣。惟進剿兵當軍營未經
咨調之前。若發往額林哈畢爾噶等處耕種。
則需用農具甚多。一時不能趲辦。請就近令
往哈密駐候。俟來年再為調撥等語。所見殊
屬拘泥。從前厄魯特等耕墾之時。何嘗運送
如許農具。且前諭綠旗兵丁。候調尚需時日。
與其閒住。不若從事耕作。亦係通融酌辦。協
助屯兵。開廣地畝之意。非即以此定作屯田
兵額也。但此等與屯之地。於魯克察克兵丁
內。抽調開墾。亦無不可。著將綠旗兵五千名。
發往兆惠軍營。○又諭曰。定長等奏。鄂爾多
斯。阿拉善。及甘州。涼州。所辦軍需羊隻。尚未
送到。現在大兵會合。正資接濟。已行文陝甘
督撫。速為解送等語。軍需固宜速到。但此項
羊隻。係豫備官兵口糧。前令於青草茁茂之

時。沿途收放。約五月內送到。今雖當春令。而
草尚未萌。若即令趲行。必至損傷。可傳諭吳
達善。五吉。將辦送開展羊隻。嚴飭解送官兵。
務於沿途酌量緩急。加意收放。既無誤軍需。
亦不至疲瘦不堪。虛糜經費。併傳諭定長等
知之。○旌表守正捐軀之山東高苑縣民馮
慕先妻李氏。○庚辰。

上詣暢春園。問

皇太后安。○還宮。○諭軍機大臣等。前聞瑪里

格爾巴朗投入回部。曾諭兆惠留意查拏。昨
據納旺奏。哈薩克錫喇在布魯特。已諭車哩
克齊拏送。伊若被逼。亦投回部。務期二賊併
獲。毋致疎脫。○又諭甘省米價昂貴。春令雪
澤缺少。現值東作之時。朕心深為軫念。因降
旨加賑。未知此際該省已獲雨雪與否。再該
處現在分賞之厄魯特。伊等多有善求雨雪
者。著寄信吳達善。即行查問。擇派令其祈禱。
此特為百姓農務起見。惟宜酌量辦理。不必

張皇。○又諭朕思兆惠富德等遽行撤回。愈覺非是。竟不知其是何意見。且又有需用兵馬甚多之語。設兵馬或不如數。豈有罷兵之理乎。富德救援將軍。自謂了事。則猶可。恕兆惠身為閫帥。待人救出。即行撤回。亦太不知愧奮矣。且又不往援和闐。豈不為霍集斯伯克所笑。況和闐之圍。不過百賊。故齊凌扎布以寥寥之兵。尚能相拒。兆惠一經到彼。彼處人心益堅。即可敗賊。乃並不如此辦理。僅將瑚爾起。巴圖濟爾噶勒遣往。則是塞責而已。每念及此。殊增憤懣。試問將軍叅贊及領隊大臣內。孰欲回阿克蘇。孰欲往援和闐。或概欲同回阿克蘇。其如何商議之處。並令領隊大臣等據實具奏。如有捏飾。必從重辦理。又巴祿接據永貴行知和闐被圍之信。曾以進援兆惠為要。未經前往。朕尚傳諭巴祿所奏甚是。今將軍既已援出。何以不往援和闐。亦著巴祿明白回奏。近據納旺奏稱。哈薩克錫

喇。在布魯特地方。亦經諭令布魯特車哩克齊等解送前來。但此際恐哈薩克錫喇被逼。奔赴逆酋霍集占。與同巢穴。則一併擒解。更屬妥協。著伊等將辦理情形。速行奏聞。○起革職甘肅涼州鎮總兵容保。為西寧鎮總兵。○是月。欽差內閣學士海明。河東河道總督張師載。奏現屆汶水啟壩。南行之水。雖有閘壩關束。而水勢就下。利在搏節。已檄飭道廳。仍將各草閘堵閉。並放湖口閘底板。以資收蓄。至江省駱馬湖及東省蜀山。獨山。馬踏馬場。各湖所蓄沂汶泗等河水。頗充。現將各斗門嚴閉。使水不外洩。江廣船隻重大。契水較深。將來可資接濟。得旨嘉獎。○總督銜管江蘇巡撫陳宏謀。奏松江太倉蘇州所屬各州縣。大半濱海。沿海築有土塘石塘。以資捍衛。但每苦為風潮衝擣。種柳種葦。均難抵禦。沿海地方茅草俗名甘料。其根盤結。足固塘基。其葉綿軟。足抵風浪。又枝楊長藤。柔弱。種之

易生。編繞為籬。稀疎綿輭。亦足禦浪。塘外向有餘地五丈十丈不等。業已豁除糧賦。可種二物。約二三年成。現檄地方官。自金山縣至常熟縣海塘。徧種。驗明成活。方准開銷。得旨嘉獎。○陞任甘肅巡撫吳達善奏。現辦軍需。官駝難得。而開展以西。運糧多得一車。即可省駝數隻。據糧員申稱。現有車四五百輛。加緊轉運。惟既過關展。道路逾遠。裹帶愈難。兼諸物價昂。該運戶等口糧草料。腳價不敷。

懇准照重運腳價減半給與回空。得旨。如所議行。今授汝為總督。一切汝應勉效黃廷桂之居心辦事。勿負朕倚望之意。○又奏。開展現運米麥已將足四萬石。阿克蘇一帶軍糧緊要。現有駝六千隻。恐不敷供應。吐魯番天氣炎熱。轉瞬夏令。與駝性不宜。查自開展至托克三。三四百里內。尚可行車。現已雇覓趕運。其托克三以西。寒暖不齊。若寒處用駝。暖處用騾。各宜其性。豫省騾頭俱解哈密。現知

會五吉。轉送開展。交定長。范時綬等酌量難以用駝處。即用騾遞送。再騾性全資料力。哈密起程。自可帶料。迨至開展西。青草漸發。於各屯收貯青稈雜糧支餒。得旨嘉獎。○又奏。河東河西。上年偏災。甘民素鮮。蓋藏鄉堡中罕能自備籽種者。業經通飭各屬。如倉貯充裕。以本色借給。否則折色出借。至軍興雇用民車。農隙赴官領運。原資腳價以沾餘潤。若春耕失時。終歲無望。現飭鄉民牛車應役者悉放歸。其運送兵糧軍械。專用糧臺原安騾車。如不敷再酌雇商車協運。得旨嘉獎。○又奏。哈密至開展。原有三路可通。因會同五吉。咨商開展大臣。定長等委員妥勘。並修築欄槽。據稱烏拉克沁橙槽溝一路水草寬裕。路亦平坦。臣擬將原設之蔡湖塘。移安哈密城。鞭杆墩塘。移安頭堡。南山口塘。移安三堡。羊圈溝塘。移安鴨子泉。松樹塘。移安瞭墩。奎素塘。移安橙槽溝。共改安六塘。可直接開展。舊

有之肋巴泉臺站較舊路近一百三四十里並免行東達巴罕雪嶺之險其工食草料照舊關支毋庸另撥夫馬惟查臺路總匯之肋巴泉塘原安馬僅四十匹今文報均由該塘分遞應酌添二十匹即於蘇吉及巴里坤底塘臺馬內各撥十匹此兩塘存馬三十匹止遞巴里坤一處文報儘足供差報聞○又奏侍衛官長保挑帶達什達瓦兵五百名同至巴里坤接收馬匹由額林哈畢爾噶赴軍營應需馬駝業挑解出口趕赴散給但既支領馬匹原騎應留巴里坤現飭加挑驗其歇息收養堪用者交總兵存泰派員收放其瘦損馬稍為休息就近撥屯田處以資耕作換留駝隻亦查明收收得旨嘉獎○署四川總督提督岳鍾璜奏川省上年秋收豐稔米價平減酌動司庫鹽茶耗羨一項銀內飭沿江州縣採買另款存貯現據各屬申報每石價自三錢三五分至四錢不等已足十萬石得旨

嘉獎○廣東巡撫託恩多奏據連山縣稟稱訪知奸民蘇有清自稱即係馬朝柱蘇有榮即係馬朝貴蘇有敬即係王朝貴假借燒符挖窖煽惑愚民現委官弁飛赴蒼梧縣密拏蘇有清三人務獲並搜查有無不法書籍得旨如獲馬朝柱實大佳事也勉之○署廣西巡撫鄂寶奏廣西所產穀除本地食用尚有餘東省即有收亦不敷歲食向來資商販運遂致居奇民受貴食之累上年奏明將粵西常平倉酌撥十萬石運東接濟但常平穀原係貯備本省向有定額偶一協撥不能援為常例查粵西桂平梧州四府附近東省濱臨大江一水可通於近水各州縣添貯穀十萬石遇東省價昂西省穀少時會同酌撥聽東省委員運往平糶將穀價歸還源源備貯其添貯穀石先儘空厰收貯倘有不敷勘明酌請添建得旨如所議行○雲貴總督愛必達等奏據大碌廠民於附近大銅廠之路南州

大興山。踴得旺礦。成分甚高。自二十三年三月開採。至本年二月。即獲銅觔百一十餘萬。增礦情形。尚在大銅廠上。近年辦銅。不敷濟運。從前積銅。添補將盡。得此接濟。於京外鼓鑄。有裨得旨嘉獎。

實錄卷之八十一

早

大清高宗法天隆運至誠先覺體元立極敷文奮武孝慈神聖純皇帝實錄卷之五百八十一

大清高宗法天隆運至誠先覺體元立極敷文奮武孝慈神聖純皇帝實錄卷之五百八十二

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務五旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十四年己卯三月辛巳朔祭

實錄卷之八十二

先蠶之神

皇后親詣行禮。○諭據吏部叅奏候選道員方體浴。於揀發甘肅時規避不到。請革職發往差遣等語。朕恭讀

聖祖仁皇帝實錄。諭議政大臣等。漢官不能騎馬耐勞。設有緊急之事。邊塞地方必兼用旗員。方有裨益。漢官或自謂清廉。不取不與節用度日。如解馬運糧等事。督撫俱差州縣漢官。漢人出口一二僕從。何濟於用。遇勞苦之

處旋亦逃亡。縱令叅處何益。彼亦但願任咎卸事。將所得宜囊回籍自娛耳。仰見

聖謨垂示。洞燭物情。無微不至。不啻此也。向者金川。及近日甘省。候選人員。無不規避者。此不過用備差遣。並非責以軍旅之効。若使之臨陣。將抱頭鼠竄乎。可見惟利是圖。與國事漠不相關。方體浴條應用監司大員。尤非丞倅微末者可比。著革職發往甘肅。交與該督等差委効力。俟十年無過。再請開復。○又諭

書錄事

二

曰。晉省隰州大寧等二十七營。及大同鎮標左營等四營。兵丁月糧。向例俱全支折色。但該處米糧價值。較前稍覺增長。若照舊例支給。兵力不免拮据。著加恩將各營本年應給月糧。折價九錢者。每石增銀二錢。折價一兩者。每石增銀一錢。於該省錢價盈餘項內給發。俾兵丁食用充裕。以示優卹。該部即遵諭行。○又諭。據塔永寧奏。地方官有將公項銀兩。詳明交商生息。為書院義學等項經費者。

雖事屬因公。易啟官商結納之漸。請嗣後各省。凡有以息作本。營運生息之案。非經奏明交商領運者。永行禁止等語。營運生息之名。本非政體所應有。是以直省營伍。雖藉以賞卹兵丁。而終為權宜。徒以事屬久行。欲罷不能。非朕本意。前已降旨。將八旗生息銀兩。即行停罷。以鹽務餘款充賞。至綠營兵衆用繁。倘一概議停生息。而不籌一經久充賞之策。或致因噎廢食。著傳諭各該督撫等。各就本省情形。悉心籌畫。詳議具奏。到日候朕再降諭旨。摺內所奏書院義學諸費。地方官自行交商生息。乃其節目之小者。然有司陋習相仍。其中不無借肥私橐情弊。即應一併定議飭禁。以防濫觴。○又諭。前因查閱蔣洲署中所藏字跡書冊。見有張照獄中所題白雲亭詩卷。詞意怨望。念張照為受恩已故之人。即已付之爰官。以保全其始終。未曾明降諭旨。

書錄事

三

昨命大學士蔣溥。向伊子張應田寓中。查取

張照所遺筆記則更有未經朕覽刊入集中者。毋論不日不月等語極為狂誕。而一則曰丞相。再則曰鄂伯。若以伊之獲罪。悉由於鄂爾泰之構陷者。伊既以此憤嫉之詞公然付之剞劂。傳之後世。無知者觀之。將謂實有其事。故朕不得不明切宣示矣。鄂爾泰經理苗疆一事。朕與和親王每日親承。

皇考訓諭。其中端委實所深悉。張照之奉

命經畧原令體察鄂爾泰事蹟。乃張照一入四

字張泰寺二

四

川妄自尊大。不以苗疆重務為計。立意阻撓。於董芳則極口贊揚。於哈元生則痛加醜詆。且私致書於哈元生等。令叅鄂爾泰。以致張廣泗哈元生元展成等。將伊乖張謬妄并致書囑叅等款。紛紛陳奏。到時適值

皇考大事。朕將叅摺留中未發。夫以國家經畧大臣。膺節鉞重寄。而乃挾私債事。至於如此。按以軍法立置重辟。實所應得。使非朕深知張照素與鄂爾泰嫌怨。豈僅付法司擬以監

候。為此格外矜原乎。乃張照尚不知痛心悔罪。妄生不平之鳴耶。朕爾時深見苗疆之事。

惟專任張廣泗。庶可集事。即不得不將張照掣回。以防牽制。今綏靖已二十餘年。豈非中外臣民所共知者。且朕豈信讒之主。而鄂爾泰又豈能讒張照之人。猶記二十七日之內。適有戶部尚書缺出。果毅親王管理戶部。曾以右侍郎托時保薦。朕因海望乃左侍郎。資俸亦深。特予擢用。夫鄂爾泰之力。必不能過

字張泰寺二

五

於果親王。構陷一尚書入獄。其事豈轉輕於保薦我朝乾綱獨攬。政無旁落實。

家法相承。世世敬守。張照顧未之聞乎。嗣念張照辦事尚有小才。出之囹圄之中。棄瑕錄用。不數年間。由內閣學士。洊擢刑部尚書。供奉內廷。時得召對。不啻家人父子。在伊素性乖謬。不愜人望。一時諸臣未必不以朕為寵遇過優。而朕並不以此少弛其恩禮。其感激又當何如。即謂在獄時所處本非順境。抑鬱之

狀猶或人情所有。迨至再躋顯秩。疊受殊恩。苟有人心。則從前骯髒激厲之詞。亦當猛省。剗削。而必將此刊刻流傳。其居心又可問耶。使張照尚在。即應治以國法。今其人已死。姑免深究。伊子張應田所得廕生官職。亦從寬免其革退。總之此等喪心之人。冥冥中難逃天譴。不然。以張照之爵位家世。且甫及中年。亦何至以聞訃奔馳。斃於道路。弗獲正其首邱。然此已屬漏網自全。不可謂非厚幸矣。所可異者。張照詩文。凡在廷臣。豈無見聞。而竟無一人為之指摘。又前歲辦理胡中藻一案。罪狀昭著。言官亦所共曉。今張照所為若此。必待朕自行檢閱。始為敗露。可見具官者雖衆。竟未得一實心為國不避嫌怨之人。朕實為之不解。諸臣其何說之辭。將此通行傳諭知之。○又諭曰。官著奏據長蘆山東商衆呈稱。屯田塞上。中外一家。情願公輸銀三十萬兩。稍備屯餉之需。不敢仰邀議敘等語。長蘆

山東各商。辦課素屬急公。今復籲請捐輸。情詞肫懇。著允所請。即令官著委員解赴甘省。交與總督吳達善收備軍屯賑務之用。該商等仍著交部議敘。○軍機大臣等議覆。陝甘總督吳達善奏軍營馬駝共需三萬匹。兆惠未到阿克蘇。已解送萬六千餘匹。直。晉二省駝隻現陸續出關。毋庸先行截撥。惟稱添補騾千五百餘頭。於輓運更覺充裕。應聽酌撥。得旨依議。將吳達善摺並此議一併傳諭該將軍。及該總督知之。將軍等原摺實形難進之意。而該督所辦亦不過敷衍成文。原無實濟。若黃廷桂在。必不肯如此。朕實痛惜良臣。益為憤懣耳。○戶部議覆山東巡撫阿爾泰奏買補糶穀價值有捐墊銀兩原屬藉墊浮支。請嗣後按例報銷。如仍陋習查叅得旨依議。本內該撫有聲明捐墊字樣。此外省自來相沿惡習。凡地方動用。既係公項。即應核實報銷。有司官果能以公辦公。不致任意乾沒。

即係廉正之員。豈真有公務所需。必待伊等捐貲從事之理。其藉口自行捐墊者。蓋明知支用之數。浮於定例。部臣必不准銷。是以假急公之美名。文具浮冒之劣蹟耳。於政體甚有關係。前雍正年間欽蒙

世宗憲皇帝洞鑒情弊。屢行飭禁。何至今尚有沿習未改者。此風殊不可長。阿爾泰著飭行嗣後各省有復蹈故轍者。戶部工部即行指叅。將該督撫交部議處。○壬午

上御乾清門聽政。○遣官祭

歷代帝王廟。○諭軍機大臣等。吳達善奏稱查永貴咨送奏稿所定購買回人糧石價值較去秋時尚覺短少。現在內地運糧至關展每石即需腳價將二十兩。應請諭照時價增加。庶回人踴躍求售。而運費所省實多等語。所奏亦是。軍營糧運自應照常接濟。至購買回人糧石。雖較運價甚為節省。究係一時權宜。非經久之策。若盡收回人積蓄。於伊等生

計殊無裨益。嗣後辦買糧石。應酌看其實係情願始行增價購備。不可勉強從事。○又諭據集福奏稱青海王公等因辦送馬二千匹。蒙恩加給價值。其倒斃者亦減半給價。情願捐輸馬七百餘匹。駝三百二十餘隻等語。誠悃可嘉。著加恩照所增之價賞給。分撥涼州莊浪滿營西寧綠旗營牧養備用。○以翰林院侍讀學士王鳴盛充日講起居注官。○癸未。

上詣

大高殿行禮。○諭軍機大臣等。據兆惠奏將烏里雅蘇台存貯戰箭十萬枝調送軍營。又據清馥奏巴里坤有箭三萬枝。哈密有箭七萬枝。即派員先送軍營。仍行文五吉將續到之箭暫貯巴里坤。豫備等語。烏里雅蘇台戰箭仍須巴里坤轉送。長途既難剋期。且清馥等業經照數發往。自不必續送。可傳諭成衮扎布等。此時若未經解送。即行停止。或起程未

遠亦即追回。○又諭數日來陝甘巴里坤等處奏事。皆因兆惠等調發軍需。頗覺周章。退縮。至兆惠富德昨議兩路進兵。俱抵葉爾羌。其喀什噶爾並未籌及。頃諭舒赫德同伯克霍集斯駐劄和闐。堵截逆賊等逃竄要路。各城回兵既可調集。則我兵不必多留。兆惠從阿克蘇進取葉爾羌。富德或從特穆爾圖諾爾。或從烏什進取喀什噶爾。似屬有濟。但慮伊等志氣先餒。難於振作耳。適閱清馥奏。兆惠將巴里坤等處沿途存留之滿洲索倫蒙古等兵丁。盡行調發。其意可知。軍營現兵近二萬人。又何須搜括及此。伊等曾以少擊衆潰圍決勝。合兵而旋。無敢追襲者。賊之伎倆可知。若謂賊多馬力。不過從前掠取阿睦爾撒納之馬數千匹。既無從購辦。且屢次傷殘。以我萬騎取數千賊衆。何敢抗行。且所運大神等礮。實為攻城利器。鋒鏑之銳。又不待言。我兩路分兵。兩城必顧此失彼。乘間擣虛。一

舉可得。可傳諭兆惠等。其毅然決策。以奏膚功。所有商辦機宜。作速奏聞。○又諭曰。富德頻年以來。在軍營殊為奮勉。從不退縮。此次帶兵策援兆惠。亦甚踴躍。何以於往援和闐一事。竟未見到。且和闐有侍衛齊凌扎布。回子伯克鄂對。又有兵數百名在彼。並不乘時速往。倘有意外之事。豈不可惜。富德寧未慮及此。及逾數日。始議往援。已屬遲誤。而又稱待馬後進。豈因兆惠不願前往。故富德以待馬為辭。必俟兆惠等往阿克蘇去後。再領兵往援。和闐乎。抑富德果欲待馬。將待何處之馬耶。是特藉端行詐耳。著寄信與富德。究竟如何計議。意見若何。即行據實奏聞。此事現已降旨。令各領隊大臣俱行明白具奏。何患不悉知實情。富德奉到此旨。惟宜據實陳奏。毋得稍有朦混。○旌表守正捐軀之山東萊蕪縣民徐興妻韓氏。山西文水縣民李廷漢妻王氏。○甲申。

上幸豐澤園演耕○諭軍機大臣等。舒赫德奏據駐守和闐侍衛等呈報。賊攻頗急。若援兵遲滯。難於守禦等語。看來富德等與兆惠合兵。即當往援。不但解圍救困。且可駐兵進取。從前舒赫德有和闐糧足駐兵之奏。何以合兵時未見議及。著據實奏聞。至侍衛等所報各城伯克等。被迫來投。并力固守。且有妻子被害者。深為軫惻。自應加恩優卹。俟事定後。著舒赫德查明具奏。若和闐各城既定。兆惠、富德等分兵攻取葉爾羌、喀什噶爾。舒赫德同霍集斯駐防和闐。俱遵前旨辦理。○又諭前兆惠等被圍。富德奮勉應援。至和闐被圍。亦急何以未聞往救。若謂兵力不足。則兆惠一軍尚能與賊相拒。況兩隊會合。轉患其弱耶。若謂馬力不足。則既可回抵阿克蘇。何難就近赴援和闐。因糧以守耶。富德此時曾否領兵往援。著作速奏聞。至兆惠曾為賊困。其望援甚切可知。以身經艱阻之事。而於他人

則置之度外。何以為情。然朕亦不追既往。惟促富德速援。兆惠亦酌量策應。賊如聞風潰散。即以進攻葉爾羌等城為要。如和闐已為賊據。則伊等俱不必前往。惟據實奏聞。候朕核定功罪可耳。○又諭。聞侍衛拜達爾於雅哈托和鼎之戰。憤罵同行身先陷陣。衆始競進。似此奮勉。將軍大臣等自當嘉獎錄敘。乃未見舉出陳奏。惟保列逢迎趨避之員。何以服人心。而作士氣。拜達爾現在何處。曾否著有勞績。可傳諭兆惠等查明。因便具奏。尋奏三等侍衛拜達爾原在雅爾哈善軍營。去秋隨臣等至葉爾羌。以英莪奇盤山之戰。同瑞綽勒圖等為前鋒。遇賊陣亡。去年六月間。雅哈托和鼎之戰。拜達爾領巴圖魯兵二十名衝陣侍衛噶布舒等欲俟大隊同進。拜達爾激罵同行不許退後。亦經保列頭等得旨。拜達爾已加恩優卹。給與世職矣。○又諭曰。兆惠等奏稱隨納木扎勒等進剿陣亡之侍衛

官員十人兵一百五十餘名又得傷兵六十餘名分別列單進呈造冊送部等語前據愛隆阿奏報侍衛奎瑪岱陣亡比即加恩照章布之例給與世職此次查奏之三等侍衛章武著照奎瑪岱例藍翎侍衛班奏照三等侍衛例俱給與世職吉林叅領古爾特喀喇沁臺站四品叅領錫喇布俱交部照例議卹索倫驍騎校署叅領喀爾瑪勒圖領催署叅領瑪提木保察哈爾驍騎校署防尉阿穆呼

平定縣志卷之八十二

十四

朗護軍校署防尉齊旺扎布前鋒署護軍校納們俱著照現署職銜議卹陣亡兵丁等著交部照例議卹至得傷兵丁從前舒赫德曾奏報途遇脫出兵丁四名此六十餘名曾否與援兵相遇及得脫情形著兆惠查明具奏○又諭曰兆惠富德等奏稱現在辦理進剿官兵行裝鹽菜等項需銀四五十萬兩咨行定長等以駝隻隨數運送而定長等行查兵數且必候闡展駝隻臚壯再咨行永貴等將

平定縣志卷之八十二

十一

阿克蘇應辦米石布疋各數覆到始行辦理恐誤軍行等語定長等外任習氣辦事每多推諉固屬見小而兆惠等辦理進剿亦甚拘泥查先後解送軍營備用銀兩將及三十萬自足應用朕於軍行之費非有吝惜但以官兵所需計之如衣裝布疋雖在內地購買一時亦難得數十萬則回城所出有限可知至賞給銀兩即暫時存貯候功成再行補給亦於伊等生計有益此時官兵等若購買回人之物無裨實用者尚應禁止豈可任其糜費且伊等從前所奏捉生詢問及拘執霍集占等所遣回人一切情形何以未見奏及又布魯特兵丁應否調用哈薩克錫喇投入回部與否兆惠等進剿時務宜留心辦理不可徒託空言其辦送兵丁之乾清門侍衛教察即著在軍營行走○又諭據德舒議奏採買阿克蘇庫車等城回子馬匹及伊等所捐馬匹皮襖折銀散給等事一招將舒赫德永貴往

來咨商之語。盡皆入奏。殊覺煩瑣。而德舒奏事。又列永貴之名。此沿外任漢習。殊屬拘泥。辦事惟在各抒己見。承當辦理。何用繁文瑣瑣為耶。且伊等所定馬價。比別項折價較少。回子等貪黷性成。若因價少。致彼缺望。轉覺於事無益。我大臣以此伎倆。辦事伊等未必心服。如回子等慮及成例。今因辦理賊匪。始於該處採買各項。若平定後。除進貢外。毫無購買之事。何慮因此為例。況由內地解往馬一匹。米一石。何等糜費。自以酌量多給為是。著寄信舒赫德。永貴德舒。此項馬匹口糧物件。俱照現定價值量行增給。嗣後買換諸物。即稍多費銀兩。俱可。惟期於事有濟。○定邊將軍兆惠奏。被圍情形。臣等自十月十三日結營固守。後賊亦掘溝築壘。二十二日決水灌營。即派兵掘渠引入下流。兼資飲用。賊又掘溝潛伏。以草埽自蔽。欲行偷劫。俱經擊退。賊所立臺四面有護身塚。口施放贊巴喇特。

烏鎗。我軍即立高臺相對。至十一月初十日。官兵等乘懈攻奪。賊始不敢登犯。十一日賊遣吐魯番回人。及我哨探得傷厄魯特。隨將軍納木扎勒得傷察哈爾三人來告。霍集占抗拒時。布拉呢敦本不知情。今奉書請和。願助口糧。并求親信人同行入覲。臣拘留來人。將從前頒發布拉呢敦令擒送霍集占。阿布都克呼木之諭。令對陣回人捧去。次日賊仍申前說。臣遣額敏和卓所屬回人傳示。爾等小醜何敢以和好為詞。大兵來問。霍集占叛逆罪。尚不悔悟求生。計日兵馬雲集。髣髴不留。賊計窮復施放鎗礮。即行抵敵。并遣人逼近賊營。誘擒生口。賊不敢出。是月十六日。十二月初九日。兩次派兵四百名。分兩翼焚燒賊營。生擒三人。奪取軍器牛隻。正月初八日。聞數十里外鎗礮聲。知援兵至。是夜選兵千名。造雲梯衝出。焚燒賊壘。傷死千餘人。生擒五十五人。奪軍器無數。賊人退避。惟遠駐賊。

騎防守。此次固守軍營。仰賴

聖主威福。

上天神佑。靈蹟甚多。即如臣等安營處。哈喇烏蘇在其北。戈壁在其東南。而我兵於深林中駐劄。伐木給用。潰圍時尚餘二百餘株。初憂乏水。以賊引水灌營。獲濟。後隨地掘井。泉即湧出。至正月初旬。井水忽涸。營中拾賊人鎗礮鉛丸萬億。每斫一木。即墜落無數。而我兵傷損甚少。至舒赫德所奏。得米百六十窖。馬駝千餘隻。雖屬傳聞。但掘塹安營時。曾獲回人埋藏米穀二十餘處。每處不過一二石。報聞。○乙酉。諭軍機大臣等。據步軍統領衙門。拏獲偷馬賊犯張八等一案。所偷馬騾俱係轉交古北口營兵崔五。代為售賣。請一併拘拏。嚴行審訊等語。營兵窩藏匪竊。大干法紀。不可不嚴加整治。著傳諭吳進義。將兵丁崔五。金回子。法回子三犯。速行遴選。幹練弁役。嚴行扭解。拏送刑部。毋任中途免脫。至該管

官弁。平日何以毫無覺察。吳進義著明白回奏。尋奏查明。兵丁崔俊。金世瑞。法興三人。從前俱曾買過騾馬。不無知情窩匪情事。除解部聽候嚴訊外。所有失察之處。請勅部議處。得旨。姑恕此次。以後留心查察可也。○又諭。從前富德領兵往援兆惠。彼時雖未即往援和闐。但富德頻年頗顧顏面。從不退縮。諒亦隨即前往。特與兆惠同進時。富德固難顯然往援耳。至分隊後。伊必帶兵徑往。所奏待馬之說。亦必且待且行。斷無不前之理。更無轉回阿克蘇之理。如既回阿克蘇。何又稱待馬。接應瑚爾起。已圖濟爾噶勒乎。前後所奏。不甚明晰。著寄信詢問。和闐地方。去葉爾羌甚近。米糧充足。伊等與其回至阿克蘇。不若就近即往和闐。取彼米穀。以為軍糧。便宜速甚也。伊等身臨其境。豈有不知此旨。到彼富德。如已往援。則已。倘至阿克蘇時。富德尚未前往。即現乏馬匹。亦必速帶步兵趕往。並將何

時起程。現在和闐光景。即速奏聞。○又諭著寄信與達勒當阿哈達哈。伊等於何時由巴里坤起行。大約何時可抵阿克蘇。現值春草萌生。天氣逐漸和暖。正應趨行早到。但惟知過行。不顧馬力疲乏。於進兵又屬無益。又不可徐徐收放而行。致誤時日。可留心黽勉為之。其何時可抵阿克蘇。奉到此旨。即速奏聞。○又諭曰。達清阿病故。著賞銀二百兩治喪。○丙戌。諭軍機大臣等。富德等援出將軍兆惠之後。並未稍留。即回阿克蘇。又不復往援。和闐朕心深為不懌。已降旨詢問將軍大臣矣。兆惠等被圍三月。援出之後。理宜存住數日。確勘賊匪情形。再定進退。方合機宜。豈將軍大臣竟無一人計及此乎。明瑞雖非叅贊大臣。亦係滿洲世僕。非額敏和卓可比。儘可抒其所見。提醒將軍。不識曾向將軍等言及否。彼時可有人議及往援和闐否。如已議及。何人欲往。何人不欲往。著明瑞只將此一事

據實先行奏聞。朕已降旨徧詢領隊大臣等。令各具奏。明瑞毋得稍有隱飾。○丁亥。上耕耤。詣

先農壇行禮。更服至耤田所。

躬耕三推。復加一推。

御觀耕臺。命怡親王弘曉。裕親王廣祿。和親王弘晝。各五推。吏部左侍郎董邦達。戶部左侍郎吉慶。禮部尚書嵇璜。兵部右侍郎如松。署刑部右侍郎鄂弼。工部左侍郎錢維城。左副都御史赫慶。通政使孫灝。大理寺卿王會汾。各九推畢。順天府府尹率農夫終畝。賞賚耆老農夫如例。○諭軍機大臣等。據佟琳張師載奏。微山湖口閘。前因漕臣楊錫紱札稱。江南運河水勢充足。東省宜豫為搏節。遂將湖口閘先下底板四塊。並將張河等處減水單開。照舊堵閉。今於二月間。復接楊錫紱札稱。運河水勢尚須接濟。仍將湖口閘並減水各單開。仍前開放暢流等語。所辦甚協事理。此

由楊錫紱留心豫為調劑。隨時咨商東省河臣。相機啟閉。俾得漕運流通。轉輸若地方大吏。遇事皆能如此。不分畛域。於公務何患不濟。著將此旨。并佟琳等奏摺。傳諭楊錫紱存記。入於交代。即定為章程。永遠遵行。○戊子。上詣暢春園。問。

皇太后安。○幸圓明園。○諭江南鄉試。向係安徽江蘇巡撫輪次入場監臨。今高晉現管理河工。分駐徐州。計八月入闈之期。適當秋汛。

未便暫離工所。所有本年江南監臨事務。著陳宏謀辦理。○諭軍機大臣等。適據舒赫德奏。伯克霍集斯有往烏什辦馬之舉。伊果係抒誠効力。或虛應故事。俱當察看酌量賞賚。至前諭富德由特穆爾圖諾爾進取喀什噶爾。未免太遠。若烏什有相通之路。則更便易。亦詢之霍集斯酌量辦理。一面奏聞。○叅贊大臣舒赫德奏。從前準噶爾苦累回人多取貢賦。年來霍集斯占惟用威力挾制各城。以致

地方凋敝。今伊等捐輸糧石。仍給以值。回衆懽感。查回人舊制徵收糧石。係十分取一。載在經教。至阿克蘇城。乃舊汗公地。收穫時則係平分。又霍集斯占從伊犁同來回衆墾種之地。俱已閒曠。昨因駐兵需糧。回人等交米二千四百石。頗屬詭勉。若將霍集斯占地畝均給貧人。除公地照舊徵收其餘地畝。俱十分取一。伊等愈為樂業。已傳集阿克蘇賽哩木沙雅爾辦事人等。曉示俱各情願遵行。惟庫車

甚為殘破。似應另議。烏什現有貝勒品級伯克霍集斯往辦馬匹。請行文令其酌定將來平定葉爾羌喀什噶爾再行定議。辦理從之。○以察哈爾總管端濟布為鑲紅旗滿洲副都統。○旌表守正捐軀之山東即墨縣民董仁鑑妻袁氏。江蘇上元縣民張立先妻徐氏。○己丑清明節。

上詣

安佑宮行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。○遣官祭

孝賢皇后陵。

端慧皇太子園寢。○諭曰。烏勒登著補放頭等侍衛。同副都統齊努渾赴北路軍營。作為叅贊大臣帶兵。並各賞整裝銀一百兩。令其馳驛前往。○諭軍機大臣等。吳達善奏稱。續調滿洲索倫等兵五百名。並應需馬匹。當即於甘涼肅等處餵養馬內。挑選一千匹。起解等語。所奏與現在辦理軍務情形。均未得其肯綮。從前節次解送之馬。約計已及二萬匹。陸續趕赴阿克蘇。其所調征兵。如達什達瓦。

及西安滿兵。皆係勁旅。足資應用。至此次續調兵馬。無論解到軍營。必逾進剿之期。即能如期解往。而為數無幾。軍營得此。不為有餘。少此亦未見不足。究何裨益。況甘省頻年辦理軍需。收成復多歉薄。此時正當令其耕種休息。若當民力拮据之時。復事增添購辦。雖所用不致浩繁。而民情倍為累苦。所謂強弩之末也。昨經降旨。如展賑期。已至七月。此時閭閻生計。若何。正當加意體察。據實具奏。以慰朕西顧殷懷。一切更宜加意拊循。鎮靜辦理。若黃廷桂在時。熟諳事機。更不作此措置。所有兵丁馬匹。已經調解者。自無庸置議。該督務體朕意。於權衡緩急輕重之間。熟籌妥辦。惟將現在馬匹。加意飼餵。勿徒牽合應付。轉致民間滋擾可耳。又另摺所奏。續撥銀兩。交五吉轉解阿克蘇一事。從前撥解軍營銀。已及三十萬兩。諒亦足敷征兵整理行裝之需。若以所請續解之項。留給將來凱旋兵丁。

立業資生。尤需實惠。若儘數撥解。無論邊地貨物有限。未必需此多銀置買。且阿克蘇雖經歸附。究屬回地。亦未便以內地如許帑項散用於彼處。此中正當留心籌酌。並非為撙節賞項起見。該督寧不知之。至哈密駝隻。現資輓運軍糧。亦不宜轉撥解餉。已有旨傳諭五吉。令其停止辦理。將此詳諭吳達善知之。○又諭曰。吳達善奏據定長等咨稱。兆惠調取闢展等處存留索倫。察哈爾兵五百名。應撥馬一千匹。於二月二十八日出口。又撥銀三十餘萬。由哈密解送軍營等語。辦理軍需。當籌實濟。不宜徒張虛數。現在阿克蘇等處會集官兵。陸續趲送馬駝。量已足用。此時調取兵馬。已不及進剿之期。於內地徒增煩擾。且兆惠等所辦。如咨取賞銀四五十萬。多未妥協。阿克蘇非內地都會。可比。豈必需用如許銀兩。致官兵人等任意糜費。向來職貢諸國出產金銀。往來禁止越界。今即擒獲霍集

占盡平回部。亦仍係外藩。豈可以中國財貨耗費於回地而不知惜。已諭吳達善。此次兵馬出口後。無庸再為調撥。其已撥之三十萬兩。五吉接收後。仍存貯哈密。以所辦駝隻運送口糧。尚屬切要。俱著傳諭知之。○庚寅。諭軍機大臣等。京師現在麥價稍昂。民間日食所需。宜加調劑。河南產麥素多。上年收成豐稔。積麥之家。轉有艱于求售者。現在冬春之交。雨雪應時。需足價值。自必平減。著傳諭胡寶琛。於各屬內酌量麥多價平之處。動項採買。或十萬石。或五萬石。由運河送至通倉。轉運京師。以資平糶。該撫其遴委幹員。妥協辦理。毋任吏胥滋弊。轉於本地民食有妨可耳。○又諭曰。定長奏稱。准巴祿咨送奏稿。請將哈喇沙爾至庫車一路臺站。移向伊拉里克珠勒都斯。至賽哩木安設。水草較好。但舊設臺站。現運口糧。亦未便遽行裁撤等語。經軍機處議。以舊臺行走一年。既已熟習。現在糧

運絡繹。只應酌量添補馬駝。若兩地俱設轉覺煩費。應無庸議。著傳諭定長遵行。至巴祿昨請辦理臺站。今既不必遷移。即可前赴軍營。其巡察臺站添補馬駝之處。交與定長辦理。○辛卯。

孝賢皇后忌辰遣官祭

陵寢。○諭著戶部撥銀五萬兩。派戶部司官一員。理藩院司官一員。解交喀爾喀王桑寨多爾濟。以備採買駝馬之用。○又諭曰。鑲黃旗

察哈爾總管員缺。著郎中富鼎補授。其正藍旗察哈爾總管員缺。交將軍兆惠於現在軍營之察哈爾侍衛官員。及京中頭等侍衛內揀選一員。保奏補授。○諭軍機大臣等。成衮扎布等奏稱。遵旨派調副將軍車布登扎布等所領官兵。除軍營滿洲喀爾喀綠營兵九百名。仍留備用外。酌派三十三卡兵二百。扎哈沁兵二百。喀爾喀游牧兵六百。共一千名。賞給整裝銀兩。於四月起程。其應補給馬駝。

或折給銀兩。另行具奏等語。此次出兵。特於搜捕瑪哈沁之便。堵截逆回霍集占等逃路。現在布延圖有兵三百。著即派入數內。將喀爾喀兵減半發往。聞塔爾巴哈台博羅呼濟爾。俱可通俄羅斯。著車布登扎布等。分兵兩隊堵截。今派出副都統齊努渾頭等侍衛烏勒登。俱授為叅贊大臣。前往著車布登扎布。福祿。齊努渾。為一隊。車木楚克扎布。烏勒登。為一隊。彼此聲息相通。互為策應。賊人自難免脫。布延圖兵既經派出。著扎隆阿。德爾素。即為領隊大臣。分作兩隊行走。扎哈沁。公扎木禪。亦著在領隊大臣上行走。照例賞給整裝銀兩。至伊等軍營。辦給馬駝不易。適據桑寨多爾濟奏。於庫倫購得馬三千餘匹。駝三百隻。即傳諭令其送馬二千匹。駝一百隻。至烏里雅蘇台。車布登扎布等。此行不必太速。亦不可過緩。值此青草萌生。伊等將馬駝派給官兵沿途加意牧養。應機奮勉。○又諭曰。

桑寨多爾濟所購庫掄馬駝先選臚壯之馬二千匹駝一百隻送至烏里雅蘇台其餘送往索約勒濟等牧羣內牧養豫備至現在馬駝價值較前稍昂可酌量增加已諭該部發銀五萬兩交伊收領給價有餘即照所奏於恰克圖購辦馬匹其喀爾喀游牧不必採買

○壬辰

上詣暢春園問

皇太后安○諭曰楊應琚現在浙江著速行來

京有交辦事件其閩浙總督印務著楊廷璋暫行護理浙江巡撫印務著明山暫行護理○諭軍機大臣等前據方觀承奏報保定省城於二月二十三日得有雨澤入土二寸五分及今已經半月通省各屬曾否續沐甘霖均得霑透當此東作方興之際農民待澤孔殷應不時速行查奏以慰朕懷再前因京師麥價稍昂已傳諭胡寶瑑令於豫省產麥豐收之地酌量採買運京平糶將來舟至直境

時應作何派員經理接運送京之處著方觀承一面移咨會商一面將辦理情形具奏所有傳寄胡寶瑑諭旨并鈔寄閱看尋奏通省各屬自二月二十三、四日得雨後惟順天府屬之薊州、密雲等處及廣平、大名、天津各屬得雨雪一二寸不等古北口外八溝、塔子溝一帶得雪五六寸餘皆不成分寸保定省城半月來天氣常陰每因風散核査各府州李報惟正順、廣、大、四屬上年秋麥滿種今春雨雪頻霑麥苗甚旺目下惟望甘霖普被不獨二麥有收大田亦可早種至豫省買麥運京一事遵即咨商河南撫臣胡寶瑑是否在衛輝府屬之道口、楚旺等鎮一帶採買抑在河南附近黃運河地方採買並直隸派員經理接運送京之處妥議辦理另行具奏得旨數日以來風霾甚盛恐成旱象朕實憂慮不寧想保定較此為稍優乎然南來之人皆云直隸覺旱也○又諭昨經降旨令該撫於豫省

豐收之處採買麥石運京平糶業已傳諭方觀承令其於到直境時作何派員經理接運之處會商該撫妥協辦理著再傳諭胡寶瑤即行採買並將酌籌辦運情形一面奏聞尋奏查開歸彰衛懷陳六府屬現有常平漕倉貯麥共六萬餘石文到即可起運此外再採買三萬餘石以足數均令趕赴衛河兌漕水次聽撥現定分為三運委通判二員為總運每運以佐雜二員管押另委河北道吳虎炳率彰衛二府督辦並令豫省原船直抵通州直隸委員由通運京得旨嘉獎○又諭曰兆惠富德等前奏俘獲人口頗多而未聞詢問情形曾屢諭令其具奏伊等合兵回轉時沿途所有村堡亦豈未遇一人且休息月餘與其間住不若酌遣兵丁捉生詢問兆惠等當於索倫兵內選精壯者四五百名辦給馬匹分為兩隊前後行走偵探賊人若設有卡即行拏獲詢問若全無防守則其力竭可知即

以大兵陸續前進掠其村堡則耕作之人必畏避入城倘遇大隊賊人即或不能勦殺而見我兵分隊行走亦慮有後應不敢前進即可捉生回營旋行釋放給以檄文諭其但能俘獻霍集占餘人皆可不問賊衆未有不動心者我兵徹後賊即再欲耕作而驚擾之下亦已失時必至坐困即使賊人豫作準備示弱相誘而我兵亦即撤回自不墮彼術中朕亦不加譴責也且索倫精兵至四五百人賊亦斷不敢偏若派兵前往著富德愛隆阿由屯帶領富德如往和闐伊二人亦可分隊前進但覽伊等近日奏報似不能如此辦理或馬匹不足亦當酌量行止此旨著遇便傳諭知之○旌表守正被戕之湖北武昌縣民汪傑妻馬氏○癸巳諭軍機大臣等現在降旨令楊應琚速行來京閩浙督篆暫交楊廷璋護理浙撫印務暫交明山護理矣朕因西事尚未告竣軍需關係緊要前黃廷桂在日辦

理一切。動合機宜。因念楊應琚久任甘肅。熟悉地方情形。且能實心任事。是以令其作速來京。陛見。面聆訓誨。並將軍需事宜。悉心查閱。以資督率籌辦之效。俟到時再降諭旨。先將此傳諭該督知之。○又諭曰。兆惠等奏稱。兩路進兵。以每人給馬二匹。及大臣侍衛官員乘騎計之。共需三萬匹。今內地辦送之馬。僅二萬三千餘匹。而西安滿兵。達什達瓦兵。丁乘騎。即在其內。其續調馬匹。應分平常者。尚在涼州等處飼秣。查軍營兵幾及萬。馬匹全數送到。尚屬不敷。若再給西安等兵乘騎。易致疲乏。且續送之馬稍遲。亦不能趲送。已行文駐劄哈密等處大臣。及送馬大臣等。將所送馬匹。仍由珠勒都斯一路趲行。不可欠缺。送馬官兵。應令乘騎原馬。或於兒騾馬內酌量添補。其西安兵若已派給馬匹。仍徹出解送。令暫住闡展。俟續到馬匹。辦給等語。備勦馬匹。自應多為辦送。但西安滿兵。不惟備

勦。亦以押送馬匹。若留住闡展。則現在二萬餘馬。非達什達瓦之數百人所能照管。著傳諭達勒當阿。哈達哈等。西安滿兵。仍令前行。惟每人給馬一匹。并勻搭行裝。於應得馬匹內。能徹出二三千匹。更善其達什達瓦兵。若已給馬匹。亦照此辦理。并傳諭哈密巴里坤。闡展辦事大臣等知之。○又諭曰。兆惠等所奏。酌派馬匹一摺。殊覺心神恒怯。以逆賊霍集占為大敵。試思賊勢果強。焉能兩軍會合。耶。從前伊等進勦回部時。已從準噶爾周行萬里。馬匹疲乏。是以被圍。朕即早為計。及辦此二萬餘馬匹。從容解送。其力大勝於前。而賊眾創殘之餘。豈敢仍行抗拒。且內地馬匹。果可寬裕購備。自必多為辦給。即以治家之道譬之。有餘固不妨誇耀。而不足亦未始不可通融。其能者費少。而盡合機宜。拙者費多。而徒滋虛耗。惟在實心實力。善為運用耳。已傳諭送馬大臣等。將派給兵丁馬匹。量為徹

出。仍令照看行走。至若應援和闐。則當如救焚拯溺。又不可以兵馬之多寡計。即著傳諭知之。○又諭曰。兆惠等奏稱。愛隆阿。從葉爾羌收接臺站。遇賊人七百餘。塔蘇爾海。巴圖魯三等侍衛。占頗圖。常在哨探行走。奮勇勦賊得傷。吉林虛銜藍翎領催圖音布。得傷甚多。馬中鎗斃前鋒哈木圖庫。署驍騎校哈爾吉納。奮身救出。俱能連射斃賊。効力可嘉。占頗圖已加恩授為二等侍衛。著交部議敘。圖

音布。賜號沙拉瑪海。巴圖魯。哈木圖庫。賜號克德爾巴圖魯。哈爾吉納。賜號楚庫爾巴圖魯。俱授為藍翎侍衛。各賞銀一百兩。仍交部議敘。○旌表守正被戕之山東濰縣民趙景全女趙氏。○甲午

上詣暢春園問

皇太后安。○諭軍機大臣等。據達勒當阿等奏。稱通計馬匹出口日期。三月初三日全抵巴里坤。擬從穆壘至烏魯木齊。塔爾巴哈台珠

勒都斯。過庫庫努特嶺。抵阿克蘇。現在送馬一萬六千匹。以五百匹為一起。共三十二起。以一日八起為率。分派官兵管押等語。伊等辦理甚好。昨兆惠等奏報行文。徹出西安。滿兵馬匹。令兵丁留住開展。朕諭量為抽撥。仍行押送。諒達勒當阿等。亦必據咨辦理。看來送馬一萬六千匹。以兆惠軍營所存。及舒赫德等所購回人之馬計之。不下二萬匹。似不為少。將來進兵時。令兵丁騎步兼行。以紓馬

力。雖暫覺勞苦。正可見報効之誠。惟宜乘機進取。通融酌辦。至此次進剿。昨諭兆惠取葉爾羌。富德取喀什噶爾。今思和闐待援甚急。富德即宜前往。就近堵截。痕都斯坦之路。兆惠自阿克蘇進攻。葉爾羌時。能擒獲渠魁。固善。萬一竄至痕都斯坦等處。與富德相遇。自必成擒。或敗走至喀什噶爾。兆惠一面追襲。作速行知。富德就近夾攻。似屬長策。俱著伊等相機辦理。○又諭曰。巴爾品等奏稱。羅布

藏多爾濟所進羊隻。請照鄂爾多斯。每隻給銀八錢。所有購買牝羊。請照該督所奏。每隻給銀一兩。牝羊山羊。每隻仍給銀六錢。四錢。牛隻照增價給銀五兩。四兩五錢等語。近年因用兵多需牛羊。價值比前較昂。今阿拉善所買羊隻。若照巴爾品所奏辦給。與蒙古等生計無益。著交巴爾品。富鼎。將羅布藏多爾濟所進。及阿拉善地方購買羊隻。無論牝牡山羊。俱賞價銀一兩。從前齊旺班珠爾等所進羊隻。雖經降旨增價。每隻並未增至一兩。今羅布藏多爾濟所進羊隻。既每隻賞銀一兩。鄂爾多斯人等。亦係蒙古臣僕。自應一體加恩。著交巴爾品等。將從前齊旺班珠爾等採買羊隻。亦照此次增價。每隻按一兩之數補行給與。以示朕體卹蒙古之意。

實錄卷五八三

三

大清高宗法天隆運至誠先覺體元立極敷文奮武孝慈神聖純皇帝實錄卷之五百八十二

實錄卷五八三

三

大清高宗法天隆運至誠先覺體元立極敷文
奮武孝慈神聖純皇帝實錄卷之五百八十三

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

教修

乾隆二十四年己卯三月丙申諭軍機大臣

平定集本三月八日

等近因明瑞來京朕詢以軍營情形知兆惠
被圍三月實為勞苦富德速往應援甚屬奮
勉伊等同心協力如此深為嘉予至合兵後
未稍為駐候亦未速往和闐皆意見不到處
和闐設有疎虞朕即念前功不加罪譴伊等
自問於心安乎又聞軍營綠旗兵病故者三
百餘名圍解時將有病者續行護送又多致
斃所派守護病兵之索倫等取其烏鎗而病
兵不肯給與致有爭奪之事等語兵丁有病

自宜撫卹非可漠不相關且此等病人尚能

爭奪烏鎗非不可拯救者索倫兵雖爛於戰

陣而護視病兵豈能體卹惟知早取軍器交

官便可了事將軍等於兵丁當一體愛惜或

令病者乘騎而行而護視者步行相送方使

衆心感服何忍於棄置乃爾著將此等情節

明白回奏再我大臣等方遇艱難未嘗不一

心黽勉至事體既過則頓生同異此等習氣

最宜深戒若能遵循朕訓何功不成可遇便

平定集本三月八日

傳諭知之○又諭據明瑞奏稱二等侍衛瑞

綽勒圖三等侍衛拜達爾藍翎侍衛喀喇等

俱以遇賊陣亡深可憫惻瑞綽勒圖等著加

恩照富紹等議卹給與世職其散秩大臣達

什車凌已諭兆惠等查明旗分子嗣再行加

恩議卹○又諭曰舒赫德等奏稱阿克蘇回

人托克托默特見有瑪哈沁蹤跡告知吐魯

番回人賴子同索倫官兵等往追俱已收取

供係厄魯特輝特台吉為回人默默雅爾所

獲明知故縱。仍給以口糧。隱匿不報。業將默然雅爾正法。示懲等語。額敏和卓所屬回人賴子。素能效力。一聞有瑪哈沁。即行窮追。深屬可嘉。賴子著加恩獎賞孔雀翎。及頂帶緞疋。所擒之瑪哈沁。即賞給額敏和卓可也。○又諭烏梁海應進貢物。從前經朕施恩裁減。每戶止令進貂皮二張。今年貢物欠缺。而又雜以別項皮張。理應照將軍等所奏免賞綢布。但上年曾擒捕逃走之烏梁海恩克等。今年所欠貢物。尚非無因。著加恩交將軍成衮扎布等。今年仍照例合計所貢之物。賞給綢布。○又諭據巴爾品富彙奏稱。阿拉善採買牛羊內。可用者僅二百餘隻。此時趕赴烏蘭察布採買。尚屬可及。請降旨該院。即咨行盟長阿喇布坦多爾濟。令其多備牛羊。以便會同採買等語。著照所請。行文辦理。並按新增價值給與。○命叅贊大臣愛隆阿。仍在領隊大臣上行走。○丁酉。諭軍機大臣等。據吳達

善奏。甘省河西之永昌古浪等州縣。相繼以牛瘟具報。若照例每隻借銀三兩。恐窮民無力添補。有失農業。現飭交地方官。每隻以五兩出借等語。現經巴爾品等。在鄂爾多斯等處。已購得羊五萬三千餘隻。牛四千餘隻。可以陸續運送。其羊隻一項。合之各屬所辦。已過十萬有餘。按次趕赴軍營。已屬充裕。至所購牛隻。正可裒多益寡。令其解至河西各屬。仍以五兩作價。分給農民。以資力作。實為一舉兩得。著傳諭該督。體朕軫念邊地耕農之意。妥協經理。設使巴爾品等所辦牛隻。一時不能即到。已逾耕種之期。而該督增借牛價。又已按戶給發。再行奏明停止。蓋現在牛既生瘟。即借給牛價。恐亦無從購買。此時為邊地窮黎計。不得不曲為體卹。該督固當慎重軍需。亦不可不留心民瘼。一切調劑事宜。隨時籌畫。一面奏聞。請旨。一面辦理。毋庸過拘成例。總不使有一夫失所。方足副朕委任也。

可一併傳諭知之。○又諭據阿爾泰奏蘭鄯等縣徵存麥石運赴臨清德州一帶糶賣等因一摺。所辦甚屬妥協。現在京師麥價稍昂。已令豫省採購數萬石運京。今東省產麥較多。地方價值尚平。自亦可量為辦運。著傳諭阿爾泰酌看該處情形。如麥石尚屬充裕。即可購撥四五萬石。由水路運至京師。倘因購運稍難。或由德州就近陸運。至景州河間一帶。交方觀承委員接收平糶。在近京地方。既

平糶奏案卷八十二

有此麥石以濟民食。則京城麥價亦可漸平。該撫其留心酌量。督率屬員妥協經理。毋勉強從事。轉致於本處民食有妨可耳。將此並諭方觀承知之。○又諭從前平定烏梁海之時。曾降旨一切事務。派車布登扎布總理。車木楚克扎布協辦。今日成衮扎布奏到烏梁海貢務摺內。止有車木楚克扎布莫尼扎布之名。並無車布登扎布。蓋因去年前往軍營及回兵後無暇。但莫尼扎布原係伊等屬人。

若一體辦事。似覺不便。祇令車木楚克扎布一人管理。亦恐不能周到。著令車布登扎布從塔爾巴哈台回兵後。即行遵旨辦理。莫尼扎布著作為章京。跟隨伊等辦事。所辦事件。仍令呈報將軍等。將此寄知成衮扎布。再車布登扎布領兵巡查塔爾巴哈台。成衮扎布業經接旨。豫備辦理。奏聞。車布登扎布何尚未具奏。著一併詢問。○旌表守正被戕之河南魯山縣民高曰立童養媳毛氏。○戊戌

平糶奏案卷八十三

上詣

安佑宮行禮。○諭曰。原任總兵高天喜隨將軍兆惠攻勦逆回。奮勇殺賊。捐軀効命。已加恩照一品大臣例賜卹。念其家本寒微。自隸行間。以勤勞疊膺擢用。雖躋方鎮。歷任未久。其妻子之在甘省者。尤宜格外優卹。著總督吳達善於藩庫內賞銀一千兩。以資養贍。仍不時加意照看。伊子應行引見時。即奏明送部。俟朕酌加錄用。以示獎勞勸功之典。○又諭

據巡撫明德奏稱自肅州解送馬二萬四千餘匹。妥協送至巴里坤。分起解往軍營等語。此項馬匹。俱係進勦官兵乘騎之用。所關甚要。今自肅妥協送至巴里坤。甚屬可嘉。著加恩將辦理馬匹之大臣官員交部議敘。其解送馬匹至巴里坤之官員兵丁。著交吳達善。明德查明。將官員送部議敘。兵丁酌量獎賞。○諭軍機大臣等。據達勒當阿等奏稱。准兆惠咨。令西安滿兵在開展等處暫駐。候續送馬匹。再行辦給。但解送馬匹。必須多人照管。不便留駐。業經報明將軍等語。所辦甚是。頃兆惠等以此具奏。朕即以西安滿兵。兼為解送馬匹。仍著照舊前往。今達勒當阿等所奏。與朕旨適相符合。看來兆惠富德。合兵後。所辦事件。前後多自相矛盾。即如伊等昨將巴里坤哈密等處存留之索倫察哈爾兵。逐名查出發往。今又將西安滿兵存留。全不計及二萬餘馬匹。應需兵若干。解送朕意。與其將

西安滿兵。留駐開展。不若截留軍營綠旗兵。防守阿克蘇。若總不需用。即發往屯田。或竟令其各歸營伍。現在總兵楊寧。已領綠旗兵五千名前往。乘其新到。或可得力。可傳諭兆惠等。即遵照辦理。適據明瑞奏稱。健銳營前鋒。不待雲梯。直薄賊寨。屢次克捷。已獎賞翎頂等語。此等奮勉之人。仍應加恩。著兆惠等將先登陷陣官兵。查出指名具奏。候朕酌賞。巴圖魯號。所得和闐信息。若何。作速奏聞。○已亥。上詣暢春園。問皇太后安。○諭軍機大臣等。明瑞宣力軍前。奮勉可嘉。著加恩賜號毅勇。於伊所襲公爵。晉封為承恩毅勇公。○又諭曰。明瑞奏稱。二等侍衛瑪格。三等侍衛烏勒德克索倫。獎賞藍翎前鋒。署叅領嘉哈圖。獎賞藍翎領催羅托。在軍營奮勉効力等語。瑪格著加恩賜號哈什哈巴圖魯。烏勒德克賜號格呼勒圖。巴圖

魯嘉哈圖。賜號伊德爾巴圖魯。羅托。著授為藍翎侍衛。賜號肯特克巴圖魯。照例各賞銀一百兩。所奏陣亡之二等侍衛克丑巴圖魯。寧古禮。著交部照富紹例議卹。給與世職。○又諭曰。散秩大臣祥泰病故。著加恩賞銀一千兩治喪。著伊弟長福來京。在副都統上行走。將此諭知祥泰之母。○命賞乾清門三等侍衛塔瑪彙整裝銀一百兩。隨叅贊大臣明瑞。馳驛前往軍營。○庚子。諭朕今歲將幸索約勒濟行圍。已於上年降旨。令所司豫備馬匹牲畜事宜。嗣因將軍兆惠等進勦逆回。相持固守。逆渠霍集占等尚未授首。今年正當厚集兵力。一舉勦滅。方欲暫停巡幸。專事軍儲。迺當宵旰籌維。未頒明旨。而孫灝不知從何處得此信。遂以停止巡幸。索約勒濟。瀆奏夫索約勒濟。乃蒙古部落習勞講武之地。朕躬巡幸。亦為加恩衆蒙古。及簡習兵丁。校閱材藝計耳。孫灝不知大體。妄謂勞民動衆。往

可畏之地。朕轉定欲今歲前往者。以此近據科爾沁親王阿拉布坦奏到。該處圍場曾被野燒。因遣額駙色布騰巴勒珠爾等前往看視。今據奏稱。圍場雖有被焚之處。青草蕃蕪無恙。蒙古等望幸甚殷。惟圍場野獸不無因火逸出稀少等語。往索約勒濟。本為行圍。今圍場牲畜既少。則轉不如木蘭之可以肄習蒐獮矣。今歲可停往索約勒濟。俟一二年後酌量降旨。秋時前往木蘭。照例豫備。所省牲畜。用濟軍需。亦覺有益。此非返顧却慮。依孫灝所奏也。將此通行曉諭知之。○諭軍機大臣等。前據兆惠等以可否令布魯特發兵協勦事宜議奏。今思若需用布魯特人。當遣人往伊等游牧曉示云。大兵初攻葉爾羌時。曾令爾等派兵協助。爾等以冬寒雪盛為詞。尚非無故。後大兵雖稍稽捷。奏而勦賊頗多。今復整兵大舉。逆賊等無難計日就擒。爾等歸順天朝。蒙大皇帝厚恩。自當派兵協助。以抒

誠惓且為將來受恩之地或不願發兵甚至欲助回人亦惟爾便但爾等游牧距喀什噶爾不遠我兵攻取葉爾羌喀什噶爾後再行定奪可耳爾等若仍以力量不足為詞亦並不強爾協助惟霍集占等倘被迫投入爾境內則自當速為縛獻若再漠然坐視必行根究矣如此曉示看其言語情形若何再籌畫機宜具奏○又諭昨命車布登扎布領兵堵截逆回及搜查瑪哈沁等所過之塔爾巴哈台等處與哈薩克邊界甚近伊等甫經歸順見大兵壓境妄生疑懼亦未可定今哈薩克入覲人等尚在歸途著成衮扎布候前次起程之哈薩克使臣及此次出痘新愈之俄羅斯蘇勒統等抵烏里雅蘇台時告以西路大兵進剿回部恐逆賊等窮迫投往俄羅斯經由爾等游牧因於北路派兵堵截若賊首入爾境內大兵直入追捕斷不驚擾游牧爾等有能擒獻者將軍大臣奏捷叙功大皇帝必

加恩賞今爾等回抵游牧可將此情節告之阿布勒巴木比特阿布賚等通行宣示可傳諭知之○辛丑諭京師自三月以來雨水稀少農民望澤甚殷朕心深為軫念宜申虔禱期霽甘霖著禮部即查照定例敬謹舉行○壬寅上詣暢春園問皇太后安○諭京師現在米價稍昂著照上年之例於京倉內撥米五萬石在五城適中地方設廠平糶派侍郎吉慶劉綸如松鄂弼錢維城會同該城御史等親往督率妥協辦理該部即遵諭行○又諭禮部議覆陝西巡撫鍾音題乾州民寧爾強一家雍睦八世同居應如所請照例旌獎民風淳厚倫紀懋敦朕用嘉慰宜推旌淑之恩益廣型仁之化茲親製詩一章並書扁額以賜仍著加賞上用緞疋用示優異其給銀建坊題碑入祠之處均如議行○諭軍機大臣等向例糧艘抵津或

遇水淺起剥糧石。需用民船。是以臨期酌量將回空貨船。雇覓豫備剥運。近聞楊村一帶。竟有將路過載貨船隻封禁者。客商貨物中途搬卸。以致轉運維艱。殊非通商使民之道。現在糧艘抵通。為期尚早。即將來有需剥運。待此等船隻抵灣卸貨後。再行雇覓。亦未為遲。著傳諭方觀承前往查看。如果有此項情節。該督即行禁止。並將現在辦理情形詳悉奏聞。再楊村添設巡漕御史二員。本為稽察漕船河道起見。原係本年新設。並非舊例所有。若因此而轉滋擾累。殊非設官本意。其果否有裨漕政。並著方觀承據實具奏。尋奏豫東兩省漕船。現已全過務關。水甚微弱。漕縣馬頭及張灣以北。非起剥不可。需用民船較早。所有沿河州縣封送船。並巡漕御史封用商船。除起剥撥用外。存九十餘隻。現泊楊村。巡漕御史等前因漕剥急需應用。行令將客貨船隻俱在河西務起卸。以便趕回楊村剥

運。該處官弁遂將重船一概封禁。嗣經坐糧廳以商船不至。稅課有虧。呈明倉場侍郎。知會巡漕御史。將已截未卸之麥船六十隻盡令開行。臣又查務關南北尚有封禁麥子茶葉等船六十七隻。亦令開行。北上至楊村新設巡漕二員。督率剥船而外。原奏內稱應於十月內先期派往督率濬河。查北運河流沙墊淺。實鮮定形。惟在臨時併力刮汰。泥沙今北運之水雖弱。而豫省船隻皆得銜尾前進者。乃臨時晝夜爬刮之效。非巡漕御史可以先期督濬者。楊村新設巡漕似屬無裨。漕政得旨。有旨諭部。○又諭曰。兆惠等奏稱軍營効力之藍翎侍衛錫勒圖訥等十七人。得傷較重。業經平復。懇請留營勦賊等語。伊等幸獲痊愈。仍憤思報効。深可軫念。著加恩將藍翎侍衛錫勒圖訥授為三等侍衛。索倫署叅領喀爾庫准其實授。驍騎校邁勒圖巴爾虎俱授為防禦。健銳營前鋒獎賞藍翎佛保索

倫領催獎賞藍翎雅喇木保俱授為藍翎侍衛索倫馬甲拉爾奇魯昆濟木保高濟保錫敦車騰固勒圖根敦俱補放領催察哈爾領催齊凌旺舒克著授為驍騎校厄魯特獎賞藍翎都喇勒哈什哈巴彥授為藍翎侍衛額敏和卓之護衛錫丕阿雅斯巴圖爾霍集斯所屬獎賞藍翎阿里木巴圖爾著將軍等酌賞銀兩○又諭前諭令來京之副都統瑪瑞侍衛老格等據兆惠奏稱伊等願留軍營効力等語瑪瑞等久在軍前故准其更換昨富德進兵瑪瑞老格奮勉得傷又令瑪瑞先同明瑞前來可傳諭兆惠等瑪瑞仍遵前旨來京其巴圖魯侍衛老格等如行走尚能出力即留營調遣或有名無實仍著來京其革職効力之原任將軍錫特庫年已衰老亦著調回○又諭曰兆惠富德等奏稱伊等兩隊會合時官兵俱係步行並無口糧彼時欲分兵前往和闐因從前派往和闐之侍衛齊凌扎

布等並無消息而賊亦派兵前往和闐又不知彼處有無糧穀自和闐至葉爾羌較之阿克蘇至葉爾羌雖屬稍近而我處所解兵馬口糧俱在途中若由彼徑往和闐恐賊匪在阿克蘇途中截去因即迎之路遇巴祿阿桂瑚爾起等在伊等兵丁口糧內通融撥出米麵四百袋接濟兵丁隨令瑚爾起等帶兵九百餘名由彼前往和闐等語細覽所奏顯係自知其過故為掩飾兆惠等被圍三月口糧馬匹不足是實即富德等前進之時力量亦不甚足此係明知之事並非明瑞來奏始悉也即謂途中馬匹口糧恐被截去亦可但所稱齊凌扎布並無消息顯係虛捏伊等在壘中所聞固不確實豈未見舒赫德耶且舒赫德在阿克蘇時齊凌扎布等即請兵往援何得謂之不知而前稱齊凌扎布並無消息後稱賊匪亦遣兵赴和闐不知彼處有無糧穀前後互相矛盾且既謂賊兵前往和闐則我

尤當急往。方可策援攻取。若謂中途口糧可虞。則何妨分帶兵丁。回阿克蘇者。自回阿克蘇。赴和闐者。自赴和闐。朕憫伊二隊過於勤勞。曾降旨不咎其過。然伊等作此虛語。誠何忍而為此。和闐無事。則已。若稍有變故。伊有何顏承受朕恩。再前已奏稱富德前往和闐。此次摺內並未聲明已去與否。諸摺內俱有富德福祿之名。而一摺內又無伊二人之名。舒赫德奏摺內。又稱備辦富德等帶往和闐兵丁駝一千隻等語。看來富德竟似已往和闐。伊等摺內並未奏明富德究係去否。及伊因何未往和闐之處。即速明白具奏。○禮部議准江蘇學政李因培奏稱江省人稠事繁。生監良楷各別。請做門簿之法。設立稽訟簿。印發各州縣。凡自理詞狀。及上司批查案件。有事干生監者。無論原被證佐。均摘簡明事由。及准駁批語。開註於前。簿尾更將審結讞語登註。季終將簿會學鈴印。申詳學政衙門。

查覈從之。○叅贊大臣舒赫德等奏准兆惠等咨稱富德往援和闐需駝一千隻。查阿克蘇並無另備駝。惟近准陝甘總督等辦送臺站軍糧駝一千餘。即於此項調撥。但空缺必須撥補。隨移咨軍營據覆稱。咨取駝一萬隻。即於數內扣除。伏思內地購騾較駝為易。氣候水土亦相宜。謹酌將所辦駝內用騾一千頭抵補解送。得旨軍機大臣速議具奏。尋議查上年冬季有解送阿克蘇軍需駝三千隻。又西安滿兵達什達瓦綠旗兵及節次糧運駝。請令駐劄哈密。開展庫車大臣等挑選將軍需量為馱載。送至阿克蘇。視其臆分先撥約可得數千隻。且內地既送羊十萬餘隻。開展庫車以往俱已屯田。兵進正值麥熟。因糧稍減運駝無礙。所有補駝之騾應停辦。送現在烏魯木齊牧放騾四百頭。即交定長等輕裝送往阿克蘇應用。仍通行兆惠舒赫德定長吳達善等遵辦從之。○阿克蘇辦事大臣

永貴奏進勦兵丁衣服殘缺必需添補者移咨陝甘辦送先儘阿克蘇等駐防兵留用餘俱解送軍營添補進勦兵仍造名行知哈密陝甘等處於應領鹽菜銀及本營錢糧扣還報聞○癸卯諭曰御前二等侍衛扎拉豐阿著加恩賞整裝銀一百兩令其馳驛前往軍營○甲辰諭各省督撫俱係簡任封疆其優秀朕時刻置諸懷原不待三年黜陟然屆京察之期令該部開列進呈一併甄擇於澄叙

考績之道不無裨益此內方觀承尹繼善楊應琚開泰白鍾山楊錫紱高晉胡寶琮阿爾泰各稱厥職宣理有方俱著交部議叙鄂寶周人驥俱著實授餘著照舊供職○定陣亡及從征病故厄魯特世襲例諭附入察哈爾旗分厄魯特等原係輸誠來歸已加恩賞給二三品官職並無承襲之例因

皇考體恤伊等令其子嗣降等承襲俟降至八品官停止今陸續投降之厄魯特等賞給官

職承襲者亦甚多其在游牧當差未曾在軍營行走者自應照例降至八品停止但伊等有陣亡及在軍營病故者若亦照此辦理朕殊不忍嗣後伊等如有此項承襲人員俟降至八品官時著加恩亦照八旗恩騎尉例世襲罔替著為令此特朕體恤蒙古奴僕之意令伊等共知之○軍機大臣等議覆撥往寧夏馬駝應令該督吳達善揀員承收妥為餵養得旨送往寧夏馬駝若令蒙古官兵解交地方官或因蒙古等所解馬匹平常該地方官藉端勒索俱未可定若派內廷行走之侍衛等前往監視收納自屬兩有裨益著派御前行走喀喇沁公扎拉豐阿副都統阿蘭泰並帶領侍衛二員前往會同該盟長等挑選解送所有蒙古官兵著加恩量加賞賚○乙巳諭今年京察屆期吏部遵旨開具內外三品以上官奏請甄別朕以大學士職長班察未令與列第念大學士傅恒等參贊綸扉且

兼領部務謹慎恪共克稱厥職宜加優獎以
光鉅典傳恒來保吏貽直蔣溥俱著交部議
叙○江蘇巡撫陳宏謀奏江南蝗患准徐海
最甚江寧揚州次之奉諭以米易蝗現將入
夏宜廣行搜捕查飛蝗經過即便下子飛蝗
雖滅遺孽猶存凡有蛹子之土小穴可識去
冬已委員跟踪搜挖給錢收買據各屬報收
自七八十石至二百餘石不等或有未盡餘
孽再於出土跳躍時分頭撲捕俾附近窮民

平糶奏卷八十二

各圖得錢爭捕務盡買價每蛹子一升給錢
十文照例於耗羨項下開銷此時多挖蛹子
數石將來即少飛蝗無算是亦除患未然之
一策也得旨嘉獎又諭軍機大臣等陳宏謀
奏搜蛹子情形一摺所辦頗為詳細因念近
京所屬如天津一帶地多窪下數年以來雖
無蝗蛹萌動但去年雪未霑透今春雨澤亦
稀凡濱水地方恐有魚蝦遺子潛滋為累者
現在節屆夏令地氣上蒸理宜先期體察防

患未萌著傳諭方觀承令其嚴飭地方官留
心查勘遇有遺種即行設法搜捕收買務使
根株淨盡以利農功所有陳宏謀摺著一併
鈔寄閱看○丙午

上詣暢春園問

皇太后安○諭吏部開具在京部院三品以上
官請旨甄別以重察典本內現在辦理軍務
之尚書兆惠阿里衮舒赫德侍郎明瑞永貴
阿桂內閣學士五吉溫福等皆身歷行間勤

平糶奏卷八十二

勞可念著交部議叙在內之協辦大學士尚
書鄂彌達劉統勳尚書李元亮秦蕙田侍郎
署尚書蘇昌侍郎劉綸于敏中俱服官勤慎
著一併交部議叙至侍郎多綸自補用內部
以來無所短長又前在山西布政使任內將
貪婪不職之屬員楊龍文濫膺卓薦現在部
議革任著從寬令其原品休致侍郎李清芳
伊父年已八旬亦著以原品休致俾得回籍
侍養並昭教孝之典餘著照舊供職○又諭

據將軍成衮扎布等奏稱留在軍營効力之
原任扎薩克頭等台吉達什朋楚克此次緝
捕賊匪盡數擒獲一無遺漏等語從前達什
朋楚克捕賊不力經將軍大臣等叅奏革去
扎薩克留在軍營効力贖罪今已知罪將賊
匪擒獲無遺著加恩仍授為扎薩克頭等台
吉○諭軍機大臣等據託恩多奏連山縣拏
獲挖窖之廣西奸民藍如章及黃田黃如珍
等犯到案訊供乾隆十八年間曾有蘇有清

弟兄三人在家借住傳授符籙書結為師徒
蘇有清自稱即馬朝柱蘇有榮即馬朝貴蘇
有敬即王朝貴約會藍如章兩次赴蒼梧縣
安平司武屯江口朱熙耀家轉引至福田寺
會晤等語逆犯馬朝柱等躡緝多年迄今未
獲今藍如章身藏符籙以挖窖取銀為名與
蘇有清等往來交結行蹤詭秘焉知非馬逆
等改名易姓潛匿往蒼梧地方煽惑愚民所
關匪細現據託恩多飭委布政使宋邦綏協

同副將阿穆呼朗兼程飛赴密拏此事鄂寶
曾否得有消息著傳諭該撫密速嚴拏徹底
根究勿使稍有疎漏以致聞風遠颺並將現
在作何辦理之處速行奏聞將此一併傳諭
李侍堯託恩多知之○又諭曰定長等奏准
兆惠等咨軍營現有綠旗兵及揚寧所領綠
旗兵外再調屯田兵二三千名辦給軍裝以
合步兵萬人之數等語昨兆惠等慮馬匹不
足令西安滿兵暫駐闡展今又調取綠旗兵

前後辦理不相符合且此等兵丁步行前至
軍營力已疲乏亦不可用何如即將西安滿
兵補足缺額著即遵照辦理其屯田兵丁不
必另派○以直隸口北道彰寶為貴州按察
使○丁未諭軍機處行走章京筆帖式皆係
終日內廷供職著加恩賞掛朝珠嗣後凡不
應掛朝珠官員挑在軍機處行走亦照此例
○又諭曰布政使徐垣奏稱原任成都副都
統今陞將軍薩喇善多領養廉銀七百二十

一兩調任副都統富僧阿多領養廉銀四百七十一兩原任按察使今陞湖北布政使公泰多領養廉銀二千二百六兩等語官員養廉銀兩係藩庫存貯之項應按時放給何得多領著寄信碩色將公泰多領銀嚴追還項外其薩喇善富僧阿皆係武官有司若不支給伊等焉能多領即著開泰徐垣照數代賠但薩喇善富僧阿若令其不還伊等亦太覺顏厚著加恩歸還一半○軍機大臣等議覆將軍成衮扎布等奏稱飭委總管職銜五十六將應正法之回匪一名漏網革去職銜以藍翎侍衛留軍營効力近據兆惠等奏五十六精力過衰或令往他處或令其回京得旨遇便遣回○戊申諭軍機大臣等開泰題參越嵩衛守備向宗陶本內將違例於地方採買兵米之把總古大用照例革職本屬罪所應得又將擅鎖生員一節牽連列入辦理殊屬未協已將原本發回該部改正矣地方生

監武斷把持惡習最宜留心振刷若以生員被鎖細事即將官弁叅處無知之徒聞風藉口必致滋長刁風如學霸生事等弊習俗何由懲創開泰身任總督正當加意防微杜漸不可因已係科甲出身有意作輿斯文此等惡習

皇考時大臣孰敢朕亦斷不容也且狼莠不除轉滋事端此獨非封疆大吏之累耶朕於本內既見及此不知開泰見及此否耶著傳諭開泰令其明白回奏○又諭據舒赫德等奏稱賽哩木阿克蘇之伯克等措辦馬匹接濟口糧甚為出力等語伊等感激朕恩急公輸惓深屬可嘉現在賽哩木總管阿瓜斯伯凱及弟貝格齊俱在軍營効力著加恩賞阿瓜斯伯凱二品頂孔雀翎貝格齊四品頂孔雀翎辦理城守事務之密爾博羅特莫滿亦賞給四品頂孔雀翎阿克蘇副總管頗拉特巴卜商伯克呢雅斯親行田野勸課耕作著加

恩賞頗拉特巴卜二品頂孔雀翎呢雅斯四品頂孔雀翎其益加鼐勉以膺恩賚○又諭今年哈薩克貿易人等恐來者較多定長不習蒙古語言仍須諳練之員辦理現在軍營領隊人多著傳諭努三永德等即回烏魯木齊承辦哈薩克貿易事務多購馬匹以給軍用歸途之便即可查看屯田地畝遇有瑪哈沁賊衆亦著領綠旗兵搜剿○己酉上詣暢春園問

皇太后安○諭禮部侍郎員缺著五吉補授所遺內閣學士員缺著清馥補授俱仍留各該處辦理事務兵部侍郎員缺著錢汝誠補授○諭軍機大臣等愛必達等奏定番州狎苗莫自清密造悖逆詞牌文陷害莫仕念一案該督等按律定擬已批諭三法司覈擬速奏矣其拾獲紙票即行呈報之兵丁應量加賞賚著傳諭愛必達知之○是月兩江總督尹繼善奏查徽山湖水濟重運河隄下游通湖

淤淺處應挑濬得旨費帑挑河原以為民但須實力稽查毋致剋減無濟實用可也○兩江總督尹繼善江蘇巡撫陳宏謀奏蘇州府屬常熟昭文海口二十餘處最大者白茆河徐六涇上游各有舊閘一座請移於土塘開壩處用板啟閉其塘外河應挑深俾水達海其白茆巡檢移於適中老吳市地方管理啟閉並海塘仍聽蘇州海防同知轄從之○兩淮鹽政高恒奏鹽河旁支有車軸河為運送

河工蕩柴要道底與鹽河底約畧相平請興挑得旨嘉獎○又奏揚州市河並護城河久未挑濬舟楫難行商民不便據衆商請捐挑現飭屬領銀動工得旨嘉獎○新授江南蘇松鎮總兵黃錫申具摺謝恩得旨一切實心勉力安靜地方和輯兵民稽察出海之米尤為要務也○閩浙總督楊應琚福建巡撫吳士功奏福州府屬閩縣舊有南關外較場浦河道水關內河墜湯關外附城隄岸東關外

雙溪里橋閘等處。潮汐往來。溉田護城。均關緊要。年久坍淤。興化府屬莆田縣木蘭坡。聚各路水會。注縣南。分灌田萬頃。向建閘啟閉。並設涵洞。係宋明所建。年久殘漏。又福寧府屬霞浦縣長溪河。發源玉巖山。繞城東至赤岸橋入海。舊閘堅固。第山多浮沙。易淤。均請分別修濬。又寧德縣東湖。係海汊。無隄岸。前經縣民請捐貲於海汊口。橫接猴毛嶼築隄。壟田港深水溜。不能合龍。海潮衝刷。塌卸現將已築隄隨時保護。得旨覽奏俱悉。○浙江巡撫楊廷璋奏。台州府屬太平縣黃巖場一帶。濱海漲出沙塗數萬畝。認墾之戶半係衿豪胥猾。託名詭稟。空呈存案。以圖占地。各民竈又因縣場界址錯綜。甲甫率認。乙即混爭。現酌定章程。委員履勘。據報八九萬畝。通丈定數於南北適中地立界列號。近場者歸竈。近縣者歸民。查明前認墾戶實係民竈。按界分地。責令築塘蓄淡。照例試種。每戶以百畝

為率。各給執照。將前呈註銷。復分別塗地等次。有將次成熟者。當年報科。高阜易墾者。照墾復田地例。三年報科。潮汐浸漾俗名子沙者。照水田例。六年報科。得旨嘉獎。○湖南巡撫馮鈐奏。湖南產米之鄉。通省常平倉額貯共存正額溢穀及各案加買穀百四十四萬四千餘石。本年應出糶穀四十餘萬石。採買陳陳相因。隣省又不豫受協濟之益。請於附近水次各屬常平倉。動撥三十萬石運赴江南。咨明江督聽轉。運平糶各屬補倉。穀價運脚銀無庸解楚。即提貯司庫報部撥解抵湖南。動用司庫地丁項。得旨所見甚是。但江南今年亦屬秋成。有望目下糧價甚平。另有旨諭。○又奏。湖南省溢額穀二十六萬七千餘石。除近水地方遇有需用。易於動撥外。其山僻各屬溢穀在數千以下及數百石者。留貯本處。惟辰州府屬溆浦縣溢穀過多。現飭陸續出糶二萬石。將銀解貯司庫。俟秋成發給

近水次之岳州府。買貯所屬巴陵。臨湘各倉得旨。如所議行。○陝甘總督吳達善奏官兵於四月內至阿克蘇進剿。共需騎馱馬一千四五百匹。緣哈密馬現存無幾。由內地酌撥。隨查前送西安滿兵到哈密後。將原去騾挑選一千八百餘頭。解開展備用。即知會五吉定長等先於前解騾內擇壯健者挑取五百頭備用。至應需騎馬千匹。查甘涼肅尚有留餒馬匹。隨飭各營上緊趕餒。約三月初十間或可得二三千匹。隨逐加挑驗。共得四五百以上。騰馬一千匹。於二月底起解出關。每匹每站加餒麩料一升。並行文哈密。於沿途酌備料草。約至開展時。青草已經發生。而滿洲索倫更善經牧。可以長驅直入得旨。知道了。餘有旨諭。○又奏查哈密防所差馬。向係送至巴里坤。今自臺站改設南路後。除巴里坤照舊接遞外。又添直送開展一路。差使更繁。既無額支乾銀。又無本色料草。應懇將防所

照例支給本色料草。即令就近於糧員處支取。俟軍務告竣議停得旨。如所請行。○又奏自肅州至哈密原有臺車三千八百輛運糧。因哈密轉運開展各糧緊要。暫行徹赴。現在哈密節經分運後。存倉無幾。擬俟開展軍糧運足四萬石。即將臺車全數趕回。仍在自肅抵哈一路安設糧臺源源轉運。得旨。正宜如此。○又奏查驗前督臣黃廷桂辦解馬二萬三千匹。自正月初四至二月初三日共挑解一萬八千六百餘匹。約初十前全數出關。查此項新買馬收槽未久。由額林哈畢爾噶一路行走。先期調解一月。不能如解送濟爾哈朗馬匹一律騰滿。今擇騰在五分以上者先解。稍欠者約二三千匹。截留肅州加餒。附末起尾送。並知會署安西提臣劉順稽察得旨。覽奏俱悉。朕亦無可批諭。惟願汝感動天良。一切效黃廷桂之所為耳。勉之。○又奏口外至哈密一路共二十七塘。每塘馬四十匹內

膳好者尚居大半。但抽換已屆一年。馳遞文報。並欽差乘騎戈壁數站。馳驟倍勞。故各塘內有疲乏勞傷馬數匹。至十餘匹不等。現於口内存營馬酌撥抽換。其換退馬可餵養者。收營補缺。不堪者交地方官變價。得旨嘉獎。○又奏參贊大臣永貴議於阿克蘇地方就近採買回民糧石。荒徼初附。嗜利貪得。是其素性。固當示以節制。亦不可不因時酌籌。查阿克蘇去歲米麩價賤。現在增長。今議定小麥糜子青稞。每石價各二兩。與彼地時價不敷。較去秋賤價亦虧短。回民未必鼓舞爭先。伏思輓運行營兵糧。除內地腳價勿論。外自肅州運至哈密。闢展轉運托克三。每石腳價銀幾二十兩。至阿克蘇尚不止此。如將阿克蘇採買價量增。較內地長途輓運省多。且指日凱旋。無須再買。請勅永貴將現買糧價照彼地時值從寬給發。得旨所奏是。○又奏查本年二三月起解直。晉駝隻全數抵肅。共挑

健駝解送出關者。八千三百四十餘隻。內挑解行營備戰駝七千隻。並酌帶餘駝數十隻。餘一千二百餘隻。已知會五吉。俟到哈時。即挑出一千隻。轉解闢展。交定長等收酌。添各臺馱運軍糧。下剩二百隻。留哈密擇廠收放。以備差使。得旨嘉獎。○廣東巡撫託恩多奏。昭平縣匪犯藍如章。以書符挖窖。煽惑里民。並供出馬朝柱等。改易姓名。潛伏蒼梧縣境。經委員押查。所指人地姓名。悉妄誕不實。現會同督臣李侍堯詳加究詰。俟得實擬奏。得旨嚴審。其挾仇妄扳之故。自然水落石出。至地方大吏聞此等事。有不嚴查之理乎。爾等無罪也。莫慮。○雲南巡撫劉藻奏滇省糧儲道督理通省糧銅諸務。每年收放銀兩。不下百萬。又時有巡查銅廠水利等事。不能常川在庫稽查。止憑庫吏經手。非慎重之道。查道庫設在二堂右。頗為嚴密。毋庸特設庫官。惟收放錢糧。須專員經理。查按察使經歷職任

尚簡衙門距道署不遠可兼管糧道庫務遇收放期令監司彈兌請另鑄印信以昭信守得旨如所議行

實錄卷五百八十三

三

大清高宗法天隆運至誠先覺體元立極敷文奮武孝慈神聖純皇帝實錄卷之五百八十三

大清高宗法天隆運至誠先覺體元立極敷文奮武孝慈神聖純皇帝實錄卷之五百八十四

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事務稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書領侍衛內大臣滿洲都統軍功紀錄五次

尋常紀錄四次臣德瑛經筵講官太子少保工部尚書紀錄六次臣曹振鏞等奉

教修

乾隆二十四年己卯夏四月辛亥朔享

實錄卷五百八十四

二

太廟遣果親王弘瞻恭代行禮○諭前聞楊村一帶過路客船悉被封禁客商貨物中途搬卸以致轉運維艱該處新設巡漕御史二員本為稽察漕船河道起見若因此而滋擾累殊非設官本意是以傳諭方觀承令其前往查看並將御史二員可否停派之處據實奏聞今據奏到情形顯有迴護該御史之意甚屬非是各省糧艘陸續抵津需用剝船為期尚早此時正宜將一切客船開行北上以便

騰空回至楊村雇用乃概行封禁以致津南船隻聞風裹足豈非該御史等辦理不善之所致且該御史等現有徇縱家人書役串同舞弊病商累民之案已令侍郎伊祿順前往會同方觀承查審所有駐劄楊村之給事中佛倫陳科捷俱著解任聽候質審伊等即僅失於覺察已有應得處分若其中更有情弊亦無不水落石出也至方觀承以奉旨特交之事理應秉公查辦確實奏聞似此模稜了

聖諭
乾隆二十二年四月

事為和事老人之語明係瞻顧御史畏首畏尾不敢徑行直奏甚非封疆大臣仰承任使之所宜出方觀承果自問無他固不必畏忌至此若居心行事有慮人指摘之處縱使近來御史不能秉公據實糾叅外省大吏亦豈能逃朕之洞鑒耶方觀承著傳旨申飭其楊村駐劄巡漕御史之處著停止○又諭安西瓜州屯民所種地畝本屬瘠薄年來雇運軍糧頗能急公勸事所有乾隆二十二年分應

聖諭
乾隆二十二年四月

行文納借給牛具碾磨未完銀一萬七百三十餘兩著加恩悉予寬免其未完籽種口糧三千五百七十餘石并平分糧二千零八十八石俱著緩至今歲秋後分作三年帶徵以紓民力該部即遵諭行○又諭現在青草發生正當大兵進剿之時各處軍臺最關緊要自哈密以外已降旨令五吉定長等悉心整頓所有哈密以內臺站各該省督撫等辦理尚屬無誤著再傳諭令其督率派定專司軍臺大員往來查看實力稽察務使馬匹臚壯遞送迅速以收實效○諭軍機大臣等兆惠等數日來未有奏報想瑚爾起等領兵已抵和闐此時和闐若無他故則伯克鄂對及侍衛齊凌扎布等勞績懋著俱應加恩蓋伊等以綠旗兵數百與回人雜處尚能保守和闐較兆惠等有滿洲索倫兵數千者為更難今軍營侍衛頗多足數調遣除伯克鄂對仍令駐劄和闐外齊凌扎布噶布舒著即來京休

息。再去歲派出滿洲索倫察哈爾兵原以更替久在軍營者。俾得撤回。因兆惠等被圍復行發往。此次平定葉爾羌後。即令各回本處。不必再行陳奏候旨。仍將朕軫念伊等勞苦之處。曉示知之。○又諭據吳達善等奏。稱應發往伊犁充當披甲之伊昌阿、良柱二名。及遣犯吳順成等六十六名。請俱發往巴里坤。分別種地當差等語。伊犁現無駐防官兵。伊昌阿、良柱二名自應發往軍營。令其當差効力。至陸續發往遣犯人數衆多。應於安西、巴里坤兩處分派安插。若謂安西管束無人。易致滋事。不思安西近在內地。尚易彈壓。巴里坤較安西遼遠。概行發往。獨不至滋事擾害乎。此似有意委之於清馥也。總之此輩匪徒。本係情罪重大。應置重典之人。僅予發遣。已屬法外施仁。留其一線生路。設仍於安插地方生事。一經發覺。自可立置重典。以警兇頑。該督等毋庸多方顧慮。輾轉推諉也。將此一

聖錄卷五八四

一

一

併傳諭清馥知之。○又諭前月十七日。吳達善奏到。甘省河西一帶牛瘟。請增價出借。一摺。當經降旨。允其所請。并將鄂爾多斯等處所購牛隻。令其解至河西各屬。分借農民。以資力作。想明德奏摺時。吳達善尚未將此旨咨到。故復有此奏。著再傳諭明德。接到前旨。一體遵照妥辦。再該督撫前後摺內所奏。借給牛隻。價州縣稍有互異。著逐細查勘。一併分散。借給務使窮民耕作有資。以副朕體卹邊氓之意。○壬子。兵部議奏。攻勦葉爾羌。擊敗兩和卓木之叅贊大臣。尚書舒赫德、阿里衮侍郎公明瑞副都統由屯。溫布鄂博什護軍統領努三散秩大臣永慶總管端濟布。莫爾根巴圖魯瑪瑞等。應照例各賞給雲騎尉。查溫布由屯雖給過雲騎尉。應將此次歸併作為騎都尉。因傷身故之提督豆斌。應給騎都尉。兼雲騎尉。卹賞銀一千一百兩。總管三都布係三品。應給雲騎尉。卹賞銀七百五十

聖錄卷五八四

一

一

兩從之○癸丑

上詣暢春園問

皇太后安○還宮○諭軍機大臣等前令胡寶璣購買麥十萬石。由水路運京平糶。已傳諭方觀承。令其委員接收。轉運來京。今據胡寶璣奏到。頭運麥三萬石。已於三月二十八日開運。其餘二三兩運。亦接續銜尾前進。此項麥石。自可計日運到。著再傳諭該督。令其嚴飭經過地方官弁。沿途照料。毋任稽延。並令

實錄卷五十四

酌量撥留十分之一二。運赴通邑大郡。民居輻輳之地。如保定天津涿州等處。設廠平糶。不特京師麥價可平。即近京州縣。亦可無慮。麥價騰貴矣○又諭曰。舒赫德奏稱。富德應援和闐。安設臺站。派察哈爾兵二十名。綠旗兵五十名。辦給馬駝口糧。又回人三十名。伊等情願自備口糧。未經另給等語。回人新附。未便令其自備口糧。可傳諭舒赫德。將所派回人。照軍糧折給價銀。以示體恤。嗣後派出

回人。即遵照辦理○定邊將軍兆惠等奏。臣

等途次聞和闐被圍。已遣瑚爾起等領兵九百往援。抵阿克蘇時。馬駝不足。臣富德同舒赫德等。挑選綠旗兵一千二百名。每人給馬一匹。令其牽馬步行。定於五月初三日起程。俟勦滅賊衆後。由痕都斯坦等路。堵截逃賊。即從彼往取葉爾羌。至臣富德原議派馬兵三千。步兵二千。今合算瑚爾起之兵。共二千一百餘名。其八百餘名。留副都統瑪瑞侍衛

實錄卷五十四

老格等管領。俟馬駝軍器送到。再行進發。臣兆惠催齊馬駝糧餉。亦即向葉爾羌進發。又准瑚爾起等報稱。二月二十日。至和闐達哩雅河。遇侍衛噶布舒遣往阿克蘇之回人等。詢知額里齊。哈喇哈什二城。尚未失陷。餘皆為賊所據。若此時葉爾羌無賊衆前來。尚可支持。即儘力速行往援等語。臣富德亦即領兵進發。諭軍機大臣等。覽兆惠等所奏。瑚爾起呈報和闐情形。看來霍集占力已窮。感兆

惠等於正月二十四日解圍而出。至二月初二日相距已半月餘。和闐回人尚云葉爾羌未有賊衆前來。是從前圍守軍營及侵犯和闐。不過烏合之衆。一經勦殺。逃散更多。兆惠等應就現在兵力。加意奮勉。以冀大功速成。再前諭福祿不必在叅贊上行走。今著仍其舊任。昨又命明瑞為叅贊大臣。計伊等兩隊叅贊大臣。富德處較少。著阿桂在伊隊內行走。瑪瑞老格曾諭令來京。今來奏似尚未得旨。若已隨富德前往和闐。仍著領隊行走。甲寅諭各省糧艘現在陸續抵津。將來北河或尚需船撥運。但時當夏令。天津通州一帶官糧客貨用船甚多。若將路過客船紛紛封禁。勢必轉滋擾累。且於附近京師民間食用不無妨礙。從前撥運事宜。方觀承曾經辦有成規。此次倘有需用撥船之處。仍著該督臨期酌量善為辦理。不必先期豫為封禁。務使糧運早抵通倉。勿致稽延。而商船貨物亦不

致中途留滯。方為妥協。○諭軍機大臣等。東省運京麥石。前令該撫由水路裝運。勢須雇民船。但臨清德州一帶。將船隻封留。無船北上。既於漕船抵通。緩急不能有濟。且現在直省糧價。未能平減。若再封船運麥。則客販必至阻滯。不能船運抵直。於民間食用亦甚有妨礙。目下漕船銜尾過行。莫若於臨清德州地方。將麥石酌量分撥。交所過糧船帶運。不過數幫。即可完竣。既省封雇之擾。且裝運迅速。河路無阻。於漕運民食均屬有益。著傳諭阿爾泰。楊錫紱會同妥協辦理。○山西巡撫塔永寧奏。山西營驛馬於上年挑送二千六百餘匹。前赴肅州。久經購補足額。今聞陝甘缺額者尚多。臣於各營擇臆足者二千一百匹。可否解西安。或送肅州。下軍機大臣議奏。尋議。安西滿營缺額馬。前令方觀承即次代購二千五百餘匹。無須再補。惟甘省軍務未竣。自應多備。但由山西至肅州。未便解送。

酌議將西安滿營挑選二千一百匹解肅。其山西馬即解西安補缺。所有西安解肅馬匹或留飼秣。或交巴里坤大臣牧放候撥。應令吳達善酌量奏辦。從之。○是日起上以常雩祀

天於

園丘。齋戒三日。○乙卯。諭。日者恭逢

雩祀。農民望澤正殷。朕宵旰靡寧。仰祈

靈貺。宜從抑損。以懋寅承。前期詣

壇齋宿。所司應設鹵簿法駕一切停止。視

壇位拈香時。服常服。至翼朝。由齋宮步行。恭赴

帷次行禮。○賜兵部尚書梁詩正。在紫禁城

騎馬。○丙辰

上詣

南郊齋宮齋宿。○諭軍機大臣等。前據吳達善

奏。甘省河西之永昌。古浪等處。相繼以牛瘟

具報。窮民無力添補。降旨將巴爾品等所購

牛隻。分借農民。以資力作。今據奏到。現在委

員將牛隻經過少牛之處。酌其地方之大小。

缺牛之多寡。隨處截留。均勻分借。其有領銀

在先。已經買補者。自可無庸置議。如領銀未

買。情願繳價者。亦應仍予牛隻。該督等務宜

妥辦。俾小民均霑實惠。至此項牛隻。原係應

解軍需之用。因地方一時急需。是以通融截

留。借給窮民。則羊隻一項。接濟軍需。最關緊

要。著傳諭吳達善等。令其嚴飭委員。沿途加

意牧放。來此青草發生之時。送至軍營。以收

實用。倘辦理不善。以致疲瘦倒斃。惟該督等

是問。併傳諭五吉。清額。定長等知之。○又諭

曰。吳達善奏稱。辦送軍營駝隻七千。尚餘一

千二百隻。現在糧運緊要。行文五吉。令其擇

一千隻。送至開展備用等語。適因富德等將

糧運駝隻。帶往和闐。購補缺額不易。議將哈

密。開展。庫車等處。現有駝騾。輕為馱載。送至

阿克蘇。原屬通融辦理。今哈密既送駝一千

隻。即當送往阿克蘇。以應急需。著傳諭定長

不必拘泥前議。止圖節省駝隻。以致糧運稽遲。總之辦理軍需。惟在相機行止。方有實濟。此項駝隻。可即行解送。丁巳常寧祀

天於

園丘

上步詣行禮。詣暢春園。問

皇太后安。幸圓明園。諭甘肅巡撫明德現

丁母憂。念彼勤勞。馳驅著加恩。賞銀一千兩。

經理喪事。俟百日。即詣宮門請旨。諭軍機

甘肅巡撫

三

大臣等。前因陝甘軍需緊要。一時辦理乏人。

降旨令楊應琚來京。面領訓示。再往甘省籌

辦一切事宜。現在明德又經丁憂。吳達善著

以總督管甘肅巡撫事。其陝甘總督員缺。已

將楊應琚補授矣。計此時楊廷璋已回浙省。

著傳諭該督奉到此旨。即行交代。迅速馳驛

來京。請訓後。即赴新任。又諭曰。明德現丁

母憂。已有旨令楊應琚補授陝甘總督。吳達

善以總督管理巡撫事務矣。楊應琚未到任

之前。督撫印務。俱係吳達善一人經理。在該督應辦軍需。業有就緒。即一切賑務。亦已定有章程。而地方事宜。應查辦者。正宜加意整飭。著傳諭吳達善。將一切事務。派委大員。分任辦理。該督往來督率稽覈。以期妥協迅速。勉之母息。戊午。諭浙閩總督員缺。著楊廷璋補授。莊有恭著調補浙江巡撫。湖北巡撫員缺。一時不得其人。周琬守制。已逾一載。著前往署理。諭軍機大臣等。據李侍堯等奏

欽此

三

稱。布政使宋邦綏。押帶藍如章。前往粵西查拏逆匪馬朝柱。行至原供內所稱蒼梧縣武屯村地方。該犯混將莫右孫指為朱熙躍。估聖院指為福田寺。其所供人地姓名。悉皆妄誕。現在犯衆帶回廣東質審等語。藍如章初審時。所指人地。言語確鑿。並無瘋狂形狀。及按址查拏。何以俱無影響。逆書符籙。現已搜獲。其平日造奸作惡。必有傳授黨羽。安知其不實。與馬朝柱往來熟識。勾結匪類。及至臨

時敗露乃妄捏姓名住址希圖朦混嫁禍平人轉令實在匪犯得以漏網狡脫至該犯以佑聖院為福田寺雖係妄供該犯係粵東鄉愚距粵西途遠何以知蒼梧地方實有福田寺之名且該犯當日即畏刑妄供又何憑據遂能將馬朝柱之狀貌住址一一指出不爽銖黍耶此等情節甚屬支離奸詭必須嚴行審究逐一根訊方可得實或係挾仇誣扳或係希圖賞項抑或另有別情該督等詳細研鞫務使水落石出抉盡根株以警奸頑不可因事涉荒唐遂爾草率結案致有遁情也○又諭據楊錫紱奏盤驗浙江漕糧米色雖屬乾堅其中間有青腰白臍難以久貯請照江蘇之例先行支放甲米等語上年江蘇浙江偶遇有偏災州縣曾經降旨俱令紅白兼收該二省比來屢獲豐收米糧價值亦俱平減間有收成稍歉之處不過一隅偏災該督撫等以連歲疊沛恩膏遂照例陳請一律兼收

並納不知此係格外加恩非可援以為例倉儲關係重大踰格邀恩視同常事將來勢必無所底止此次運到浙漕著照該督所請准其另倉收貯先行支放嗣後漕糧米色顆粒務須一律乾圓潔淨不得濫行陳請援例收兌以致久儲折耗方為慎重倉儲之道將此傳諭楊錫紱等知之○己未諭今日值日之部院及都統各衙門奏事甚少又無引見人員或因雨澤愆期朕心焦勞此非善體朕心益增煩懣耳著傳諭各部院并八旗等衙門凡有應奏之事及應行帶領引見人員即行辦理不可稍有稽遲○又諭前因京師米價稍昂令於京倉撥米五萬石設厰平糶并派侍郎吉慶等會同五城御史分往經理聞民間米價邇來已漸就平減但此時距秋成尚遠且歲值閏月若限以五萬之數問閭口食仍恐未能充裕著傳諭該侍郎及御史等每日不妨多為出糶若所撥米石將次糶完即

奏明添撥其價值照市價隨時酌減庶小民不致艱於買食。可以接至秋成。所有糶獲錢文亦宜使之流布勿令堆積日久以致錢價踊貴。並著該侍郎等酌量董率易銀交部存貯。至於所糶倉米額數不必急籌買補俟今歲新穀既登後視何省收成豐稔即以此項存貯平糶銀兩發往採買陸續搭運總期隨宜調劑務俾食貨流通以利民生可也。又諭科爾沁親王阿喇布坦係外戚舊扎薩克人甚純謹誠惻素著。今聞溘逝朕心深為惻。著加恩賞銀三千兩治喪派御前行走和親王之子永璧帶侍衛二員前往賜奠。○諭軍機大臣等聞得河南衛輝府知府金樹屏於本年三月內有巨盜多人入署將該府捆縛劫取銀物脅令送出府署而逸之事京師相傳已久現據御史風聞入告胡寶瑤何以並未奏聞該撫平日辦事尚屬黽勉務實此事未經奏到或係現在查辦未得確實情節

或知府金樹屏諱匿不報俱未可定著傳諭該撫即速查明據實覆奏如果實有其事於地方實有關係若在他人或尚有希圖隱飾者至胡寶瑤似乎繼不至此且亦終不能逃朕之洞照也即使從前未經查出亦不過失察處分若稍存迴護之見則大非朕之所望於該撫矣。○兵部議准河東河道總督張師載奏稱德州南北兩汛千總事簡請裁南汛千總改為黃運河營協守備從之。○庚申諭京師五城現已撥米平糶其安河橋之豐益倉清河之本裕倉所有現存米石並著酌量平糶各派御前侍衛一員帶領駐劄圓明園叅將等會同該倉監督妥協辦理庶郊外居民可以就近買食不必遠赴京廠。又諭據官著奏奉天運木回空船隻向俱收買蔴豆壓載回津今津屬米價稍貴請順帶米穀以資平糶等語上年奉天收成豐稔米穀頗多現在津屬糧價既昂挹彼注茲自可通融接

濟已傳諭奉天將軍酌量籌畫聽其採買運載該鹽政即行出示曉諭受雇船戶人等令其於運木回空時即可裝載來津出糶則市價可平而民食亦自當充裕矣其如何稽察毋致透漏出洋處著方觀承官著會商辦理○辦理屯田副都統定長等奏上年開展等五處屯田所獲共三萬七千三百餘石今全數碾出通計奏過數目喀喇和卓托克三哈喇沙爾三處與原數同惟烏魯木齊遊擊金梁多收三十四石開展都司瑪呼地畝本多較他處多四百一十石照數存貯諭軍機大臣等屯田糧石關係軍需定長等所報碾出數目有較上年加增者皆承辦之員實心經理所致著加恩將都司瑪呼等交部議叙嗣後各處屯田除收穫較多者准其奏請議叙外如較原報之數虧缺無多著暫行登記准以下次盈餘抵補倘再有虧缺即照所缺之數分別議處庶承辦各員知所勸懲可傳諭

平定縣志卷之八

八

令其遵照辦理○又奏解往軍營駝隻須俟將軍行知應用數目將已過開展者即解赴軍營其餘截留補給臺站如全數俱過則托克三哈喇沙爾庫車現有未運之糧即可酌量派運接濟下軍機大臣速議尋議軍需最關緊要駝力亦宜撙節若駝多自應進勦運糧一體應付或偶乏又當視其緩急先後撥補現據吳達善奏解駝隻於備送軍營外仍有餘駝足供糧運自可無憂缺乏惟宜查照辦理從之○蠲免浙江錢塘海寧山陰會稽蕭山諸暨餘姚上虞八縣曹娥東江石堰金山青村下砂下砂二三八場乾隆二十三年秋禾風災額賦並予加賑○辛酉上詣暢春園問皇太后安○諭京師三月以來雨澤稀少直屬地方亦間有未得透雨之處此時大田正當播種待澤方殷朕心深切軫念已降旨令該部虔申祈禱因思清理刑獄亦祈求雨澤之

平定縣志卷之八

八

一端著刑部堂官照乾隆二十三年之例將徒杖以下等罪查明情節或應釋放或應減等者即行具奏發落其尋常案件亦著速為完結毋得稽延滋累并行令直隸總督一體辦理○又諭甘省上年被災各州縣疊經加恩撫卹展賑已至七月其河州狄道環縣東樂等四處被災次重雖已照例領賑當此青黃不接之際窮黎謀食維艱朕心深為軫念著加恩一體展賑三個月按月支給俾小民餬口有資自可力勤耕作以待秋成該部遵諭速行○又諭據碩色奏稱永州鎮總兵高瀚現患足疾步履維艱請予解退等語高瀚人本無可取前於陞見時觀其弓馬亦甚平常既經患病著令休致永州鎮總兵員缺著福勒赫補授所遺員缺著官德滋補授○諭軍機大臣等方觀承籌辦剝運事宜一摺已於摺內批諭矣此時北河水勢微弱南糧頭幫已抵津關雇船起剝雖係多用空間民船

而沿途客商船隻仍恐不免壅滯已有旨令將先到糧船內截留四十萬石存貯天津北倉將來水勢長發續到船隻直抵通倉不必更資起剝既省目下購覓剝船之煩此後遇有需用之處即可就近轉移所有截留存貯轉運諸事宜上年方觀承甫經督辦定有章程其如何辦理情形著詳細奏聞尋奏糧艘將次抵津因北河水勢微弱應將先到各幫截留四十萬石存貯北倉以免剝運但前幫截留後幫繼進必速若北河水尚未發續至仍需起剝不如於先到各船視每船應剝若干於北倉起卸截留原船之米抵通交兌其中亦有只減載十之三四者所截無多起兌甚易以次截至千數百船遇河水長發繼進自可無阻其旗丁例出剝費由運官扣存者仍按所起米數交坐糧廳收貯此米如不需賑糶全漕回空後坐糧廳會同地方官以所存剝費雇船由北倉運至通倉一月即可轉

輸全竣。如有撥用。則將剩費留充下年之需。北倉無占貯之米。其可以備緩急截剩之用。又不止在本年得旨。甚屬妥協。如議行。又諭。據吳達善奏。甘肅春種情形一摺。內將上年被災之臬。金等縣。展賑三月。銀糧無散。現在按月分領。以防耗費。辦理甚是。其河州等四處。應行加賑地方。現已降旨加恩矣。至該省望雨之處甚多。朕心深切軫念。所有祈求雨澤事宜。前已降旨。令該督虔誠申禱。此時更宜多方設法祈求。并博訪能祈雨澤之人。齊心協力。以冀感格。或得甘霖普降。有裨農田也。至清理刑獄。亦祈求雨澤之一端。該省各州縣。所有杖徒以下罪犯。或應釋放。或應減等。著傳諭吳達善。令其督率各屬。分別辦理。○又諭。據開泰奏。金川與革布什咱構釁一案。各土司仍在相持。未曾對敵。現在姑為駕馭。俟番地山雪漸融。隨時察看。再行相機辦理等因。各土司互相攻擊。節據該督提等

奏到情形。業經屢降諭旨。令其相機辦理。不必繩以內地官法。看來革布什咱等與金川相持不下。不過欲眾分金川之地。莎羅奔郎卡盤踞金川。終非善類。如果能協力瓜分。正可聽其自然。所謂以蠻攻蠻之一策也。摺內所稱莎羅奔郎卡俱有畏懼乞憐之態。向來苗性狡黠。萬不可以此憑信。轉啓事端。即山雪消融之後。其如何往彼察看。再行辦理之處。亦毋庸稍涉張皇。惟在該督提等密飭該管文武。得其實情。相機辦理。一切行所無事。鎮靜以處之可耳。各土司文書。大槩係用唐古忒文字。該處繙譯。恐不盡其詳細。一併傳諭該督等。嗣後接到各土司文書。除一面辦理外。即將原文進呈。此次該土司文書。如尚未發還。即速馳奏。則彼地情形。自無不洞悉矣。○又諭。前因兆惠等籌議進剿。所需兵馬過多。因思數年來。進剿準噶爾。哈薩克。皆係大舉。即如初次西路進剿。僅用兵一萬六千。

馬五萬。駝七千餘。彼時從巴里坤至伊犁。沿途皆厄魯特游牧。反覆無定。今全部蕩平。惟逆回竄伏巢穴。較之準噶爾難易何如。兆惠等俱親歷行陣。豈不知此。朕意有勁旅五千。即可橫行無敵。就令不足。則以萬人當之。何至尚虞力弱耶。伊等身當重任。聞朕令將派出兵數減省。萬一不能集事。必有後言。然事勢本可不需。亦何必固執成見。且自阿克蘇至葉爾羌。不過如巴里坤至烏魯木齊十餘

里之遙。而霍集占推敗數次。尚有何力量。此皆伊等所宜籌及者。可傳諭兆惠、富德等。惟就現在兵力。應機速進。○又諭據舒赫德奏稱。公品級伯克鄂對之子鄂斯瑞。年雖少而辦事敏練等語。伯克鄂對駐守和闐。甚屬奮勉。是以加恩賞給公品級。今伊子在庫車辦事。亦能盡心効力。著加恩賞鄂斯瑞三品頂孔雀翎。舒赫德即傳旨獎諭。○吏部議准。署湖北巡撫莊有恭疏稱。興國州幅員遼闊。吏

目巡緝難周。請將興國州之興教、下豐樂、宣化、興瑞、東鄉、仁義、上樂平、永樂、朝陽、歸化、撥歸富池巡檢管轄。辛亭、豐義、善福、永章、永城、寶政、懷仁、崇仁、樂歲、安樂、中豐樂、上豐樂、辛安、撥歸黃陂口巡檢管轄。豐業、伏近、長慶、永伏、修善、上陽、辛慈、口吉、口。宣教、辛興、下陽、辛從慶、修淨、下雙遷、上雙遷。仍令吏目稽查。從之。○又議准。湖南巡撫馮鈐疏稱。長沙府屬瀏陽縣。向設巡檢一員。駐梅子園。後移縣南澄潭江。仍名梅子園巡檢。居民既少。距縣復近。酌議將梅子園巡檢移駐永安市。寶慶府屬武岡州。有蓼溪、紫陽、硤口、石門。巡檢四員。其州同一員。並無專管政務。查高沙市為由州赴川黔要路。商販絡繹。雖隸蓼溪司巡查。不足彈壓。請將武岡州州同移駐高沙市。又邵陽縣地方遼闊。東路係赴省通衢。距湘鄉甚遠。跬步皆山。村莊星散。各州縣解勘人犯。皆由此經過。防範難周。請將蓼溪司巡檢移

駐邵陽縣黑田鋪從之。○刑部議覆湖北按察使沈作朋條陳例禁。一。例載外省民人買貴州窮民子女。無官媒花押。及數過三人者。照略賣本律徒流。例文專指貴州。直省辦理不一。嗣後如遇奸徒興販人口。賣為奴婢。杖一百。流三千里。賣為妻妾子孫。杖一百。徒三年。地方官匿不申報。查叅議處。一。在配軍流人犯。行竊為匪。該管官失察者。每名罰俸一年。一。私鑄未成。房主隣甲知情不首者。請照已成之房主隣甲知情不首例。減二等。杖八十。徒二年。雇工一例擬罪。一。奸徒冒稱差役。以稽查為名。窺探行旅。肆行搶竊。請照詐充差役。擾害軍民例。徒罪以上者。枷號一月。發邊衛充軍。杖罪以下。亦枷號一月。發落均應如所奏從之。○壬戌。蠲緩浙江仁和歸安烏程。長興。德清。武康。六縣湖州一所。乾隆二十三年秋禾水災。額賦並予加賑。○旌表守正捐軀之河南蘭陽縣民張法妻黃氏。○癸亥。

諭曰。原任大學士伯兼管陝甘總督黃廷桂。靈樞將次進京。朕於十七日親臨奠醊。黃廷桂體國忠勤。鞠躬盡瘁。飾終之典。宜備哀榮。凡各部院三品以上大臣。俱著齊集出殯之日。亦著往送。其右翼大臣官員。並著於出殯時往送。以示優恤。賢勞之至意。○又諭。據察哈爾總管高亮奏稱。巴爾渾將已經另派別差之兵丁。綽爾們。未經報明。仍行開入牽駝兵內。當經前任總管咨部查議。兵部以定例應須題奏駁回。另辦。謹專摺具奏。請將巴爾渾交部察議等語。凡定例應行題奏之事。各該管大臣。或僅咨部辦理。此實畏奏規避之惡習。然該部即應據咨查奏。但將不行題奏之處。請旨申飭。若事關緊要。即於奏內聲明。叅處。庶於政務不致遲延。而外省大吏。亦曉然於違例咨部之非是。方克稱部院大臣職掌。若必駁令具奏。交部始行定議。則簿書期會。徒滋案牘。於實政究何裨益。該部不過曰。

守例不擅權而已。夫不擅權與推諉。似是而非。今既不能擅權。何必推諉乎。嗣後各部院衙門。及八旗都統等。凡遇此等事件。俱遵此旨行。此案佐領巴爾渾。著交部察議。○諭軍機大臣等。成衮扎布奏稱。從唐喀祿隊內。被逆賊舍楞等。誘陷之。索倫兵一百三十八名。察哈爾兵三十五名。脫出後。發回游牧。酌量每名借給銀六兩。令各該處照數扣還等語。此等兵丁。俱經力戰。今既撤回。應酌量賞給整裝銀兩。所借之項。著不必扣還。以示體恤。○予故靖逆將軍納木扎勒世襲三等公爵。以其子保寧承襲。侍郎叅贊大臣三泰三等子爵。以其子佛住承襲。○甲子。工部議准。江南河道總督白鍾山奏稱。揚州府屬寶應縣城。地本低窪。加以運河北來之水。堽灣頂衝。土隄不足以資捍衛。請建護城磚工。從之。

乙丑。諭朕今日恭閱

皇祖實錄內

諭九卿等曰。各省文官私派加耗。武官空糧等事。朕頗得聞知。則人皆畏懼。可以修改。於事大有裨益。此等有關地方事務。及官員賢否。諸臣何嘗不知。即鄰省大吏。亦未嘗不知。或係師生親友。或係同年。或因子弟親戚。在伊省居官。故彼此相隱。不以上聞。何以防微杜漸。嗣後九卿大臣等。凡有關地方事務。及官員賢否有聞。即繕摺具奏。若所聞未確之處。一併聲明。仰見

聖慮周詳。兼聽並觀。所以為吏治民生計者。至深遠也。近日各省文武官。所謂私派加耗。及空糧等弊。自可信其無有。即內外諸臣中。以師生戚友。黨援門戶之習。雖已漸就肅清。然以天下之大。百司庶職之衆。縱不至有蕩檢踰閑。出乎情理之外。而或狼莠之未盡除。弊竇之未盡革。豈竟遂無可言者。若以為其事本小。不足深論。不知潛滋暗長。將來必至貽患。且自小民身受其累者視之。所關則甚鉅。

也。九卿大臣皆朕擢用。倚以共襄治理之人。凡有切於吏治民生。皆應據實敷奏。若不過以勤慎供職。簡默安靜為事。不獨非靖獻之誼。誠如

皇祖聖訓。亦何以防微杜漸也。諸臣其各思奮勉。留心體察。知無不言。言無不盡。以副朕明目達聰。咸熙庶績之至意。諭軍機大臣等。富德奏稱。從前自伊犁過巴勒琿嶺。進取喀什噶爾之奏。因爾時未至回地。今既應援和

闐。當於事定後。探兆惠進兵信息。夾攻賊衆。仍堵截痕都斯。但等要路。皆朕屢諭及之者。可傳諭富德。即悉心奮勉。前往所奏請加大神威遠等職。位號。俟兆惠查奏到日。一體酌擬。加給其得傷侍衛老格喀勒扎布西爾庫勒。那木扎勒。乾清門三等侍衛塔爾海等。懇留軍營効力。深屬可嘉。併傳諭知之。兵部議。准據湖南巡撫馮鈐疏。稱該省各驛額馬。如裁減外。所存尚多。仍需留員照料。查黃茅

驛。僅存馬二十匹。其驛餉支銷。久歸湘潭縣經管。請將驛丞一缺裁從之。定邊將軍兆惠等奏。此次進勦。擬需兵二萬。咨行屯田大臣。挑選綠旗兵二千。以符額數。因計內地解駝不敷。將所調兵咨停。今進兵期近。駝仍未到。查從前屯田大臣奏准。運糧駝五千隻。分派闡展等處。與其往來轉運。徒致疲乏。莫若每駝運糧一石。由各該處送至軍營。即留為進兵之用。臣等會商舒赫德。據稱分派阿克蘇駝一千五百隻。除倒斃外。已將一千二百隻交富德前往和闐。又續到駝一千一百餘隻。除倒斃外。存九百餘隻。已照原議交却後發回庫車等語。竊思此次進兵。必於五月內由阿克蘇起程。乘回地麥熟前。抵葉爾羌。方妥。倘駝不足。恐誤軍行。請將闡展等處現駝三千餘隻。俱令運糧前來。俟內地續解到日。補給糧運。下軍機大臣議奏。尋議舒赫德等將富德帶往和闐。駝請於兆惠等奏辦。駝一

萬內撥補。臣等議將去年往阿克蘇運送軍需及辦給西安滿兵。厄魯特綠旗兵。陸續運糧駝騾。送阿克蘇。以備進剿。今兆惠請將闢展等處駝。每駝運糧一石。留備軍行。與臣等所議相同。應再行知各該處大臣等。查照原議。及兆惠等所奏辦理。從之。○賑卹甘肅狄道。河州。靖遠。隴西。岷州。安定。會寧。涇州。鹽茶廳。環縣。正寧。平番。寧朔。寧夏。中衛。平羅。靈州。花馬池。擺羊戎。西寧。大通。秦州。清水。二十三年旱災。雹災。飢民。並廳州縣衛。乾隆二十三年旱災。雹災。飢民。並給葺屋銀兩。○旌表守正捐軀之直隸趙州民張開業妻封氏。

實錄卷五百八十四

三

大清高宗法天隆運至誠先覺體元立極敷文奮武孝慈神聖純皇帝實錄卷之五百八十四

實錄卷五百八十四

三

大清高宗法天隆運至誠先覺體元立極敷文奮武孝慈神聖純皇帝實錄卷之五百八十五

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十四年己卯四月丙寅

實錄卷五百八十五

上詣暢春園問

皇太后安○丁卯

孝端文皇后忌辰遣官祭

昭陵○

上至西直門外臨奠原任大學士兼管陝甘總督黃廷桂○諭軍機大臣等兆惠等此時尚未進兵先宜偵探葉爾羌等處賊衆情形以定謀畧雖現在官兵馬匹未必能捉生詢問亦當多方措置看來阿克蘇烏什等城回人

必有與霍集占等賊黨熟識者兆惠即與額

敏和卓玉素布等計議於伊等所知回人擇

其可信者遣往葉爾羌喀什噶爾將彼處作

何豫備情形詢訪明白自屬有益若慮所遣

之人或為賊所得轉使知我備細不知逆賊

狡詐我即不遣人偵探亦斷無坐待我兵全

無知覺之理兆惠等止應將不深悉軍前情

事之人遣往并勿泄進兵之期庶為妥協再

從前伊等擬於麥熟時進兵適據達勒當阿

等奏稱解往軍營馬匹約五月二十以外可

抵阿克蘇等語此項馬匹送到後尚須飼秣

一二旬恐致逾期又難因糧於敵朕意若不

能速至竟將馬匹加意牧養尤可得力但不

知彼處麥熟究在何時收穫後再種雜糧否

亦宜相機辦理不必拘泥此旨○戊辰諭據

吉慶等奏五城各廠原撥米石將次糶完請

再撥五萬石分發各廠減價出糶等語著照

所請行京城自平糶以來市價雖漸次平減

實錄卷五百八十五

但現在雨澤未沛。閭閻正須接濟。不必拘定五萬石之數。此次所撥米石。糶竣即行陸續酌撥。無拘石數。務使民食充裕。普霑實惠。再各廠平糶。為期尚遠。原派之監糶大臣等。亦應輪替督率查辦。著再派錢汝誠。伊祿順。王際華。恩。不。熊。學鵬。協同辦理。以裨公務。又諭據吳達善奏報。河東之河州。渭源等十州縣。夏田俱已種齊。皋蘭。金縣等六廳州縣。佈種無多。正需雨澤。茲於四月初一二等日。甘雨連綿。皋蘭縣城鄉各入土三四寸。金縣亦同時得雨。各屬雖尚未報齊。而雨勢甚廣。夏秋均可趕種等語。覽奏深為額慶。該處今年春雨稀少。時屢朕懷。現在幸沛甘霖。正可乘時勸種。以冀有秋。著該督吳達善等。即速查明。如有力不能置牛具者。即行借給牛具。缺乏籽種口糧者。即行借給籽種口糧。俾得及早耕作。盡力南畝。並派委賢員。多方勸導。務使農民咸知勤奮。仰承膏澤。以慰朕軫念邊

實錄卷五八五

五

一

氓至意。該部遵諭速行。○軍機大臣等議奏。據綏遠城將軍保德疏稱。熱河派往該城入滿洲旗分駐防兵丁。惟用至滿洲驍騎校防禦等官。漢軍佐領缺出。與漢軍人員一體簡選。經前任將軍奏准。查綏遠城自京派往駐防一千二百名。除承襲官爵。撤回本旗外。只存八百餘名。熱河派往一千二百名。現增至一千六百餘名。若止以驍騎校防禦等官用。不惟不足以昭平允。滿洲佐領缺出。轉致補放乏人。請將熱河派往駐防。與滿洲人員一體簡用。佐領應如所請。從之。工部議准。安徽巡撫高晉奏稱。宿州境內。徐溪口以上接連洪溝河尾。前因水湧溜急。致寇家莊河勢坐灣。請將淤墊處。動項疏濬。從之。○旌表守正捐軀之直隸磁州民杜羣子妻薛氏。河南孟縣民李希成女李氏。○已巳。諭軍機大臣等。浙江巡撫已降旨。令莊有恭調補。現在總督楊廷璋應赴閩省。而布政使明山甫經莅

實錄卷五八五

四

任頃楊應琚來京陛見。詢知浙省海塘漸有改趨北大壘之勢。一切均須豫籌妥辦。莊有恭向在江南。曾究心水利。著即傳諭令其將任內經手事件。交與碩色經理。速赴浙江新任。所有楊應琚奏現在海塘情形畧節。一併鈔寄閱看。○舉行乾隆二十三年分京察。罷軟官二員。年老官三員。有疾官四員。年老有疾官一員。才力不及官一員。分別處分如例。○豁福建出洋遭風被漂兵米并穀一千四百七十石有奇。○旌表守正捐軀之安徽滁州民張天德妻陳氏。○庚午。

上詣暢春園問

皇太后安。○諭軍機大臣等。據馮鈐奏。請於湖南近水次各屬常平倉存貯項下。動撥穀三十萬石。委員運赴江南。轉運平糶等語。該省素稱產米之鄉。值茲米穀充裕。酌盈劑虛。鄰境封疆大吏。辦理正應如是。現在江省米價甚平。秋成亦屬有望。尚非急須接濟之時。然

令米穀流通。俾各處倉儲充實。於地方亦有裨益。著傳諭尹繼善。令其通籌熟計。該省情形。應運至何處存貯。以備撥用。或不用三十萬石之多。即留一二十萬石。其餘穀石。另行碾米。於明歲漕船北上之便。搭運至京。如江南無須此項。即全數運京。亦可其自湖南運至江省。於何處交兌。委員接收。並雇撥船隻。銷算運費。一應事宜。即著尹繼善咨商馮鈐。妥協辦理。○旌表守正捐軀之河南南陽

縣民張梅妻王氏。○辛未。諭曰。嵇璜現在告假。禮部尚書員缺。著歸宣光暫行兼署。○又諭。鑲黃旗蒙古副都統保平年老。著管護軍統領事。不必兼副都統。所遺員缺。著鄂博什補授。鄂博什現在軍營。著博成署理。○壬申。兵部議准。閩浙總督楊應琚奏。稱浙江海塘向設守備千把馬步守兵防護。於乾隆十九年。經前督臣喀爾吉善以中壘引河暢流。塘工平穩。奏請裁改。設堡夫一百八十三名。今

中小疊之下口門。因雷蜀二山漲沙連接。水

勢仍致北趨海寧一帶。為全塘要區。搶修防

護。在在需人。請酌復千總一員。把總二員。外

委三員。馬兵二十名。步兵六十名。守兵一百

三名。自海寧分設二汛。每汛派撥把總一員。

專防。外委一員。協防。尚餘千總外委各一員。

駐劄寧城北岸。裁堡夫以抵酌復兵丁之數。

所需兵餉及千把等養廉工費。即於原裁俸

餉內支給。得旨依議速行。山東巡撫阿爾

泰疏報新城高苑博興三縣墾地七千七百

畝有奇。予故科爾沁扎薩克親王阿喇布

坦祭如例。癸酉。軍機大臣等議奏。八旗火

器營。每年演習鎗礮次數過多。除盧溝橋仍

照例演礮五日外。酌議於秋季演礮十次。鎗

三十次。八旗漢軍演礮兩次。鎗二十次。如遇

閱兵之年。應如何加增。該營大臣奏明請旨。

從之。○蠲緩山西陽曲平遙介休大同平定。

五州縣。乾隆二十三年水災電災額賦。○甲

戊

上詣暢春園問

皇太后安。○諭京師現在設廠平糶。並將安河

橋清河等處存貯倉米酌撥減糶。俾郊外居

民可以就近買食。通州為水路總會通衢。商

民輻輳。亦宜動撥通倉米石。交與地方官。照

五城之例。設廠減糶。以平市價。並著倉場侍

郎巡漕御史等一體留心稽察。勿使胥役市

僧旗丁等從中滋弊。○引見京察一等內閣

侍讀學士額勒登布等四十三員。得旨。額勒

登布。瑪璘。僧圖。龔學海。景福。朱珪。鍾蘭枝。王

鳴盛。周煌。秦大士。李中簡。沈棻。博明。俱准其

一等。富察善瑪。明阿。彰泰。誠倫。舒世祿。瑪通

阿。明昶。滿岱。格圖。肯富。鈿珠。隆阿。棟翰。福昌

徐紹詢。丁璣。諸重光。賀五瑞。張三賓。肇敏。豐

阿哈。宗室懇特。宗室存格。宗室平泰。宗室達

麟。圖。宗室五壯。珠隆。阿。宗室能得。布。宗室巴

哈岱。宗室炳文。顧鎮。俱准其一等。加一級。○

乙亥諭朕今日恭閱

皇祖實錄議政大臣等奉

上諭

太祖

太宗時滿洲兵凡遇征戰馬匹口糧自備行走所向立功並無遲誤今官兵行走處馬匹口糧器械等俱給帑置辦且以為不足而怨咨生焉此皆由該管官不行嚴飭之故也朕辦理軍務閱歷甚多向時征討岳州雲南皆決

平定回疆方略卷五

七

於進取乃得成功後征噶爾丹中路進兵大臣官員會議以為不可惟朕與費揚古決意進兵噶爾丹聞風驚懼鼠竄而去朕將中路初次運到之米遣明珠速送費揚古軍前二次米亦令續送三次米內朕但留十八日口糧餘皆送往西路是以兵丁未至飢餒彼時若輕信大臣等之議中道撤兵則兩路兵丁安得立功奏凱耶今觀領兵大臣官員等祇為保身之計不以國事為重内存私意彼此

爭論不和又向兵丁等沽名市恩多取口糧

及不能馭載至於拋棄全無珍惜之意如此居心行事可乎朕之滿洲兵俱極精練全在領兵者將國家之事專心辦理不圖安逸賞罰嚴明則斷無錯誤進兵西藏時塞楞不候衆人獨自前往額倫特亦隨後追至為國家奮不顧身雖致失機豈可論伊等進兵太速乎今策旺諾爾布係差往策應之兵而遲延不前雖伊所統兵丁善全而歸伊屬下之兵

平定回疆方略卷五

一

固然感念與國事有何裨益朕年少時每於講武練兵等事違命者必懲以法內外大小悉知儆惕由此觀之訓練之事不可疎忽也茲衆喀爾喀及青海人等俱服朕德化而策妄阿喇布坦之人霸占藏地毀其寺廟散其番僧朕思伊兵步行一年有餘忍飢受餓尚能到藏我兵顧不能至乎今滿漢大臣咸謂不必進兵朕思此時不進兵安藏賊寇無所忌憚或煽惑沿邊諸番部將作何處置耶故

特諭爾等。安藏大兵。決宜前進。欽此。蓋彼時臣工內。即有囿於己私。惟圖安逸之習氣。故皇祖神謨獨斷。毅然辦理。是以每遇用兵。罔不克捷。朕御極以來。曾屢降諭旨。力除此習。即如數年來。辦理軍務。大臣中不願者居多。亦因朕指示督催。始能勦殺賊衆。所向無前。閱時未久。即平定準噶爾。且回部葉爾羌喀什噶爾諸城。早晚亦可奏績。惟從前永常策楞等。以馬匹口糧為詞。一意退縮。以致大功不成。各罹罪譴。雅爾哈善以大兵全力圍賊一城。並不急攻。且坐視逃竄。國憲難宥。故即行正法。此皆徇私心而忘國事之炯戒也。至兵行口糧。固屬緊要。亦當計其便於裹帶。若但拘成例。支給過多。以沽名譽。及至不能轉運。徒然拋棄。於兵丁有何裨益。軍行糧隨。乃前代漢人陋習。曾經諭及。凡將軍大臣等領兵。應支口糧。惟糧足裹帶。途中再為通融。樽節何至不能接濟。况官兵應支口糧。歸途有補。

給之例。若論事屬已往。雖不給亦可。而仍如此定例者。乃朕軫念兵丁之至意。俾行走時。既覺便利。又得補給之項。以贍身家耳。數年來。將軍大臣內。兆惠富德在軍前行走尚好。亦因遵朕訓諭。率先勇往。鼓勵官兵。雖間有不合機宜。然究未貽誤公事。至從來滿洲官兵。皆係勁旅。遇有攻戰。惟知前進。毫無退縮。該管大臣官員等。平時並不勤加訓練。臨事又不能率先鼓勵。可惜朕之精兵。皆為此等大臣官員所誤。若果盡心於教訓倡率。則何功不成。昨據富德等具奏。此次進勦之健銳營滿洲兵。於攻戰之時。放鎗迅利。奮勇直前。等語。健銳營係朕新設。勅大臣等勤為操演。又時親簡閱。始能技藝嫻熟。破賊立功。八旗大臣官員。皆有練兵之責。果能盡心教訓。則兵丁技藝自皆一律健銳。又何須另立營名乎。欽惟

皇祖以講武練兵。不可疏忽。

聖諭昭垂。實萬萬年永當遵守者。著傳諭八旗大臣官員等。嗣後各除便已求安之私意。惟知訓練兵丁。務使技藝嫺熟。不失滿洲舊習。庶兵丁皆成勁旅。而風俗日以還淳。於國家之事。大有裨益矣。此旨著通諭八旗。仍於各旗演習騎射處所刊刻。永遠奉行毋怠。○又諭伍彌泰駐藏年久。著西寧副都統集福前往更換。多爾濟著赴西寧辦理青海事務。○諭軍機大臣等。據巡漕給事中佟琳奏稱。今

平定集本卷之三

五

春白洋河等處。河水微弱。糧艘稍有擔延。經會同河臣開放湖口閘。又於湖口壩南開隄放水。糧船得陸續前進。既有成效。應即於現今開隄之處。添建出水閘一座。如河水小。則兩閘並啟以濟運河。水大則全閉以收蓄水。邳宿一帶。自無淺滯之患。等語。湖口一閘。原以蓄水濟運。若因運道綿長。一閘所出之水。難以灌注。則添閘洩放。似於漕運有益。著傳諭海明。張師戴。楊錫紱。相度情形。公同酌量。

應否添建閘座。以資節宣。抑或另有籌畫之法。一併詳悉妥議奏聞。尋奏查現在挑隄口門。計寬三丈二尺。自開放後。河水頓長。重運遄行。倘南運水勢稍弱。即可再將水口挑寬。無論五丈十丈。總以下游水足而止。若竟估建閘座。閘門不得過二丈二尺。反不能隨時展寬。可毋再建。復查東省運河。全賴湖水接濟。是收蓄湖水。最為要務。俟糧船全過韓莊。臣張師戴。即飭將滾壩並開隄之處。悉行堵

平定集本卷之三

五

閉。祇留攬板之水浮送。至伏秋汎時。再將微山。獨山。諸湖水。收蓄備運。其江南白洋河等淺處。已咨會南河。早開駱馬湖尾閘。以期上下兼濟。裨來年邳宿。桃清。重運。均有裨益。從之。○丙子。諭軍機大臣等。定長等奏稱。准兆惠等咨。內地所送駝隻。至哈密。關展時。酌量每駝運糧一石。抵阿克蘇。隨以此項駝隻。不能多運。惟擇其臚壯者。輕裝馱載等語。昨以達勒當阿等奏報。所送馬匹。五月間可至阿

克蘇。朕即謂已過麥熟之期。或候回地續種田糧。再行進勸。此特恐馬力既未齊全。糧餉又不能接濟。不得已而稍待之意。今思阿克蘇等處亦未必有二萬餘馬牧場。且天暑易致疲乏。而定長復不能多運糧餉。若再停留不進。則官兵又虛糜兩月之糧矣。莫若仍於五月進兵。雖麥熟過期。必有尚未收穫者。可資接濟。不必拘泥前旨。著傳諭兆惠、富德、舒赫德、定長等酌量辦理。○吏部議准。山東巡撫阿爾泰疏稱。長清一邑。地勢袤長。山嶺環繞。境內有齒山、長城二驛。南北交衝。知縣典史二員。遇事每多掣肘。查該縣張夏鎮當齒山、長城兩驛之中。請將鄒平縣縣丞改設長清。駐劄張夏鎮。又青萊兩府交界之景芝集。係諸城、安邱、高密三縣毗連之所。人烟稠密。請將安邱縣縣丞移駐景芝集。從之。○予故固原提督豆斌祭葬。入祀昭忠祠。謚壯節。○

丁丑。

上詣暢春園問

皇太后安。○諭各鹽政織造等。夏節貢物。以備賞賚之需。雖行之已久。但邇來締繡太求精巧。既害女紅。長此焉窮。非朕敦尚樸素之意也。甚至華藻被於葛襦。天中五日以外。無所用之。迎涼適清。亦不宜於憇息也。其禁之。○又諭今歲入春以來。雨澤未霑。米價稍昂。經朕疊頒諭旨。量發倉米。分遣大員。在五城、圓明園各處。及通州地方。設廠平糶。以濟民食。但當青黃不接之時。又值閏月。八旗兵丁。向無閏月支給甲米之例。未免買食維艱。著加恩於閏六月賞給一月甲米。俾兵丁餐飧優裕。不藉糴食。市價自必愈加平減。於閭閻生計。均有裨益。該部即遵諭行。○諭軍機大臣等。前因馮鈴奏。請於湖南各屬常平倉存貯項下。撥穀三十萬石。運赴江南。聽其平糶轉運。已降旨令尹繼善察江省情形。或留用一二十萬石。其餘穀石。另行碾米。於明歲漕船

之便。搭運至京。如江南無須此項。即行全數運京。近聞江省米價。甚屬平減。而京師今歲雨澤未沛。五城及通州各處。俱發倉分賑。平糶不限米數。正須酌盈劑虛。通融經畫。俾閭閻生計充裕。著傳諭尹繼善。現在江省米多價平。所有楚省撥穀。自應碾米運京。多多益善。不必存畛域之見。其地方倉儲。亦可乘時採補。一切裨益民生之事。該督通籌熟計。妥協辦理。○定邊將軍兆惠等奏。臣等從前擬

平定縣志卷之五

將和闐阿克蘇。分為兩路。因和闐被圍。且有通喀喇土伯特。痕都斯坦之路。俟應援事竣。進攻葉爾羌。而阿克蘇之兵。兩面夾攻。兼堵截賊人逃往巴達克山等要隘。若兵多。則分攻喀什噶爾。可以互相牽制。今兵數不多。恐逆賊拒守葉爾羌。必須兩路合兵攻圍。俟克城後。再分兵畧地。及堵截來援賊衆。今接奉分兵諭旨。謹錄送富德。令其定議具奏。外。臣舒赫德即將阿克蘇所有馬駝內。擇堪用者

前往和闐。安撫回衆。其酌調布魯特屬人。及查拏哈薩克錫喇。臣等於三月初八日。即遣侍衛成果。布延泰。傳檄布魯特。候回報定奪。諭軍機大臣等。富德至特穆爾圖諾爾。攻喀什噶爾。舒赫德前往和闐。皆從前酌定者。今富德已定和闐。自當由彼進發。兆惠雖令富德定議。恐往返需時。可傳諭富德。令其徑從和闐進兵。攻取葉爾羌。一面堵截賊逆等逃竄之路。昨據舒赫德請前赴和闐。令已祿在

平定縣志卷之五

阿克蘇辦事。已降旨停止。即此時業已起程。亦仍回阿克蘇。此旨著速行馳遞。○湖南巡撫馮鈐奏。郴桂兩廠。向計產鉛十六萬觔。近年出產漸微。倘黔省所帶鉛。不能如期運到。即缺鼓鑄。請於例買黔省白鉛二十萬觔外。增帶二十萬觔。併耗鉛統交巴陵秤收。轉解供鑄。需費如例於地丁動用。此次加買黔鉛。所以留備缺乏。嗣後仍抵運常例之鉛。毋庸格外加帶。得旨允行。○戊寅。諭據雲貴總督

愛必達參奏古州鎮總兵唐開中。性情執拗。舉動乖張。考驗官弁。濫行保送。一經駁回。輒生訾議。又將截存銀兩。動用後。始行詳請覈銷。且不能約束營員。撫輯邊境。每借事端。妄議更張。並無故來至貴州省城。遠離職守。不勝總兵之任。請革職以示炯戒等語。總兵為鎮守大員。必須持身公正。紀律嚴明。方可為將弁表率。唐開中執拗乖張。率意妄行。本應革職治罪。但念其所犯尚與營私作弊者有間。且漢仗尚優。曾經出兵受傷。著革職加恩。賞給遊擊銜。前往軍營隨營差遣。如軍務告竣。即令其在屯田處所。効力贖罪。愛必達摺併發。○諭軍機大臣等。吳達善題參副將高宗瑾。委令總理解送軍營羊隻。託病推卸。規避不職。請革職。發往烏魯木齊屯田効力。所奏甚是。高宗瑾身為副將大員。而遇事推諉。若僅予革職。實不足以蔽辜。甘省距烏魯木齊尚遠。此等無恥懶惰之人。若令其領咨前

往。中途不免捏病逗遛等弊。著傳諭吳達善委員押赴烏魯木齊。交與屯田大臣等收管。令其當差効力。以為官員規避者戒。○又諭曰。富德奏稱。途遇守備傅能等。領綠旗兵五十餘名。從哈喇哈什脫出。知伊與齊凌扎布等。固守情節。仍願隨同進兵。因其困憊。令往兆惠軍營休息。以備詢問等語。齊凌扎布。傅能有城守之責。城既失陷。自當治罪。但哈喇哈什。係回城初降。衆心未定。非內地城守可比。且兵餉不足。尚能勉支三月餘。迫勢孤援絕。內外變亂。始行脫出。旋又隨大兵恢復。苟非齊凌扎布堅守之功。則援兵雖至。亦已無及。是以加恩優敘。今傅能隨齊凌扎布守城。著加恩遇有都司。遊擊缺出。即行補用。隨同脫出之兵丁。殊堪軫念。著兆惠等查明酌賞銀兩。恐軍營兵丁等。以齊凌扎布。傅能既已失城。功不抵罪。何故加恩。妄生揣度。亦未可定。可通行曉諭知之。○引見京察一等吏部

郎中阿彌爾圖等四十七員。得旨。阿彌爾圖。旌額理。素守伺。德鳳。馬騰蛟。吉郎阿。德敏。覺羅揆束。覺羅星格圖。寧住。保索林。福德。富察納。評德。額爾登布。陳輝祖。長安。達明。海明。譚尚忠。鄂寧。何逢僖。佛全。克色禮。固尼翰。謹德。克昇額。色明阿。福參。秦德馨。濟綬。永長。敦敏。瑚住。盧會衢。奇臣。基鼎。孝順阿。斯寶柱。英廉。西紳。巴尼。琿。博爾和。福紳。額騰額。福川。那思吟。俱准其一等。加一級。○己卯。

上御勤政殿聽政。○諭順天府府尹向派部院堂官兼管。熊學鵬已補授內閣學士。仍著兼管府尹事務。劉綸現在軍機處行走。俟新任府尹到任後。即不必兼管。○又諭據鑲藍旗滿洲都統等奏。承襲

永陵防禦伊德納員缺。以其子德稜額擬正。姪伊成額擬陪。因德稜額年甫及歲。祇帶領伊成額引見等語。

陵寢防禦之缺。改為世襲後。如自伊祖父以來。

承襲。並無別項事故。雖出缺之子。年未及歲。亦准題補。不必擬陪。否則揀選正陪。帶領引見。嗣後承襲此等防禦。照世襲官例。進呈家譜。○戶部議准。兩江總督尹繼善奏稱。蘇州太倉鎮海鎮江四衛。向來僉丁。類多父子兄弟傳運。其本戶貧乏丁。於運屯戶族內。擇殷頂補。奸徒希圖避運。實與運丁同族。混稱民籍。非徹底清釐。勢必漸歸脫漏。請飭該管衛備。將軍戶逐一確查。如有隱匿。本人族長一

體按律究處。縣備均以失察查叅。運戶既經清理。其滋生新丁。年至十六歲者。應令報明入冊。照例五年一次編審。從之。兵部侍郎觀保。禮部侍郎莊存與。奏臣等奉命閱朝考優生試卷。部臣適議覆御史陳大復條奏。必優生到部四五名。始行奏考。查現在優生。已有到京經年者。如必泥以足數。未免守候維艱。請照考試續到拔貢。不拘人數之例。一體辦理。或將續到拔貢優貢同試。各分等第。亦

覺簡易畫一得旨。如所議行。○是月。江南河道總督白鍾山奏覆。查洪湖清水。以三分濟運。七分敵黃。必須清強黃弱。庶黃水不致倒灌。本年桃汎內。淮水未發。湖口出水微弱。旋將清口之東西束水二壩。接築以抵黃流。現在運口以內。水色俱清。得旨。運口以內雖清。而清口以內。亦不可使其常渾也。清口以內。今復如何。明白奏來。此等情形。非身歷其地。何由深悉。○總督管江蘇巡撫陳宏謀奏。清

實錄卷五八五

五

理社穀事宜。○社穀無官倉公所。多寄貯社長之家。請於每縣城鄉適中之地。建立社倉。每社穀少則二百。多者亦祇以五百為率。編定應借村莊。各社不得互借。○社長多有賠累。其殷實公正者。多不樂充。每為漁利之徒。久充侵虧。請定以一年一換選充。○社倉費用頗繁。前撫臣徐士林。請銷息穀三升。格於部議。用實不敷。請每息穀一石。仍以七升歸倉。三升支用。○社穀為民備貯。接濟一社緩

實錄卷五八五

五

急。凡一切公事。及隆冬煮賑。不准如前動支社息。○社穀責州縣稽查。向有入交代之例。近來不入交代。亦不報部。請嗣後令州縣於正項錢糧外。另出社穀一結。本息一併申報。由藩司造冊達部。得旨。覽奏俱悉。實力妥為之。○署江西巡撫阿思哈奏。江省軍屯。先經奏請立限清查。今查出脫漏及新生之丁。四萬二千三百餘名。私行典賣屯田。四百五十餘頃。其脫漏奸丁。現調各丁家譜及保甲門牌冊。互相參考。尚易查辦。惟典賣屯田。情形不一。即議以取贖。亦須地方官親為料理。方歸實濟。現將典賣地畝。逐一酌辦。取贖歸軍。其民人久佃屯田。率經百十餘年。及數十餘年不等。應仍令原人佃種。酌加餘租。給軍濟運。至荒屯一項。所在皆有。如贛州一府。多至五百餘頃。皆係山頭地角。難以開墾。現在徹底清查。寬其已往。盡令地主自首。在軍者歸軍墾報。在民者增租給丁。此次清理之後。即

為定制得旨惟在據實妥辦勉之

實錄卷五十五

五

大清高宗法天隆運至誠先覺體元立極敷文
奮武孝慈神聖純皇帝實錄卷之五百八十五

大清高宗法天隆運至誠先覺體元立極敷文
奮武孝慈神聖純皇帝實錄卷之五百八十六

監修總裁官經筵講官太子太傅文淵閣大學士文淵閣領事內大臣稽察欽奉 上諭事件處管理

吏部理藩院事務正黃旗滿洲那克世襲騎都尉軍功加七級隨帶加一級內閣加二級軍功紀錄一次直隸

總裁官經筵講官太子太傅文學士文淵閣領事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級內閣加二級內閣戶部尚書理藩院滿洲都統軍功紀錄五次

尋常紀錄十四次臣德斌經筵講官太子少保工部尚書紀錄六次臣曹振鏞等奉

敕修

乾隆二十四年己卯五月庚辰朔諭軍機大

實錄卷五十六

臣等回部將次竣事應照平定伊犁之例繪
畫輿圖明安圖傳作霖著賞銀二百兩西洋
人高慎思額請同行亦賞銀二百兩二等侍
衛什長烏林泰乾清門行走藍翎侍衛德保
賞銀各一百兩德保仍授為三等侍衛整裝
馳驛前往○吏部議奏江蘇長洲縣童生曹
永楷賄囑書吏高世華包攬傳遞考取案首
應將失察之長洲縣知縣劉若洙照例罰俸
一年總督尹繼善巡撫陳宏謀學政李因培

不行叅處。請照例分別降罰。得旨。吏部議覆。長洲縣知縣劉若洙失察傳遞一案。以該學政李因培既經查出。不行叅處。僅行文記過。至奏聞之時。又不將行文記過之處聲明。止稱移咨督撫。應照含糊具題例。降一級留任。自應照例辦理。但該學政雖詞涉含糊。此案究係由伊奏聞。今尹繼善。陳宏謀。均不過議以罰俸。而李因培轉議以降級留任。似覺處分稍重。不知者將謂部臣有上下其手者矣。

增補表五十六

二

李因培亦著照尹繼善。陳宏謀所得處分。罰俸九個月。如有紀錄。亦准抵銷。○奉恩將軍納延乞休。以其子達福襲職。○奉恩將軍保綱故。以其嗣子博爾和襲職。○辛巳。

上詣暢春園。問

皇太后安。○諭。前因陝西與甘肅毗連之各廳州縣。年來亦有承辦軍需差務。小民踴躍急公。深堪軫念。特降旨該督。令其查明奏聞。今據吳達善將辦差各屬。分晰查奏前來。所有

出力最多之潼關。華陰。華州。渭南。臨潼。咸寧。長安。咸陽。醴泉。興平。乾州。永壽。邠州。長武。府谷。神木。葭州。懷遠。榆林。定邊。靖邊。等二十一廳州縣。本年額徵地丁銀糧。著加恩普免十分之三。其同官。高陵。涇陽。三原。富平。盤屋。鄠縣。藍田。耀州。大荔。蒲城。澄城。韓城。白水。郃陽。朝邑。鳳翔。岐山。寶雞。扶風。隴州。汧陽。麟遊。郿縣。三水。淳化。武功。等二十七州縣。本年額徵地丁銀糧。加恩普免十分之二。南鄭。褒城。寧羌。沔縣。城固。洋縣。西鄉。略陽。鳳縣。商州。商南。雒南。鎮安。山陽。鄠州。洛川。中部。等十七州縣。本年額徵地丁銀糧。加恩普免十分之一。以示一體優卹。加惠黎元至意。該部遵諭速行。○刑部議覆。署湖北巡撫莊有恭奏。稱。徒配人犯。及自內部外省解回管束者。原解地方。業將年貌開載。中途仍有頂替情事。詢係賄差頂替。將僉差之員。照失察衙役犯贓例。分別議處。如止於失察。照失察例。罰俸一年。轉

增補表五十六

三

解之員。照不行詳查例。罰俸六個月。如原文內未經開載。將原解之員。照違令公罪律。罰俸九月。混行接解之地方官。照疎忽例。罰俸三月。應如所奏從之。○總督管甘肅巡撫吳達善奏。巴里坤一路臺站。自今春改設山南以來。兩路俱會哈密迤西。而哈密開展兩處。均有運貯糧石。其由開展至托克三。哈喇沙爾庫車。阿克蘇等處。俱設糧臺。兼有收獲屯糧。請自五月後。不必由巴里坤辦運。徑從哈密開展等處撥運。其開展至阿克蘇各就近分臺撥運。更按各地情形。在百里以內者。令各臺兵按月自赴糧臺。或屯所隨便支取其自托克三及烏魯木齊以東。地尚平坦。酌雇商車分送。自哈喇沙爾至阿克蘇。合計所需糧數。每月不過數十石。應即於各糧臺現有駝隻內。每月量撥二三十隻。即可運送一次。沿途分給需駝無多。自可通融辦理。報聞。○調福建汀州鎮總兵李勲。為貴州古州鎮總

兵。以福建臺灣北路協副將編柱。為汀州鎮總兵。○壬午。

孝誠仁皇后忌辰。遣官祭。

景陵。○叅贊大臣舒赫德奏。臣等議定各城回人糧馬價值。均因其所願。回衆無不踴躍並行文烏什庫車等處一體辦理。現購買回人馬一百匹。駝九十隻。派官兵百名運送鎗礮軍器。於四月十一日自阿克蘇起程往和闐。至和闐甫經安集應及時耕作。臣與永貴等會商。攜帶銀兩緞布。以備獎賞。諭軍機大臣等。前諭舒赫德同霍集斯前往和闐。特為堵截逆賊霍集占等逃逸。今富德已從和闐進兵。阿克蘇亦屬要地。仍令駐劄辦事。曾屢降諭旨。今業經前往接得此旨。即將官兵等及運往軍需。交與富德辦理。仍輕騎轉回阿克蘇。亦傳諭兆惠等知之。○癸未。諭前經降旨。令方觀承將本年先到漕糧。截留四十萬石存貯天津。以備賑糶之需。現今雨澤未敷。近

京州縣糧價稍昂。民食恐未能充裕。著再截留漕糧二十萬石。於景州以北。至天津一帶。水次州縣酌量分貯。以資接濟。該部即遵諭行。○諭軍機大臣等。近京地方雨澤愆期。糧價尚未平減。聞景州一帶更覺昂貴。現已降旨。令將運過德州之漕糧再行截留二十萬石。酌貯水次州縣。以資接濟。現在京城內外及通州等處設廠平糶。市價未至騰踊。著傳諭方觀承酌勘各該處情形。如果糧價過昂。即可動項減糶。或用倉儲穀石。或用截撥漕米。照時價酌減。以平市價。該督其董率屬員妥協經理。務使米穀流通。民食不致拮据。至截留之法。仍照北倉之例。則船輕易進。一舉兩得。○又諭據胡寶瑤奏稱。准方觀承咨。酌留天津等處麥石。令將豫省麥價運費查明知會。再將直省運脚覈定成本。酌減出糶等語。方觀承所辦非是。平糶糧石原以接濟民食。自應就發糶地方市價量為酌減。不致奸

商買囤。如市價與官價減至相等。則官價又可酌減。以次使市價平至如常而止。未可於採買撥運之處覈算成本脚費。以定減糶價值。若如此拘牽辦理。無論由各府州縣運至水次。水陸遠近不齊。脚價定非一律。且使採買糧石於價值平賤之處。即以此賤價為減糶之準。則或於市價貴賤大相懸殊。勢必至囤戶奸牙。翫法牟利。紛紛爭買。以為將來居奇之地。則官難為繼。於民食毫無裨益。若必計較成本。不令虧折。則各省漕糧運費每石覈計六七兩不等。此時撥運出糶。亦可與市價相較量耶。總之現在酌留豫麥二萬石。分撥天津等處充糶。祇宜就各該地方時價酌減。俾民間買食寬裕。不致拮据。毋使市僧藉以囤積。此乃平糶本意。正不必以成本運脚總總過計。轉於便民裕食之道。致有拘礙也。可將此傳諭知之。○又諭據鐘音奏。陝省河渠一摺。內稱龍洞渠歲修業經另摺具奏等

語。檢閱本日該撫奏摺。並無此件。今軍機大臣始查出從前奏報動支公項摺內。有歲修涇陽縣龍洞渠。估需工料。照例動支一款。如果即係此摺。自應聲明從前業經奏過。分晰聲明。方可一目了然。乃以另摺具奏。為詞。而同日之內。並無另奏之摺。此等細事。朕豈能一一為之記憶。殊屬牽混。陳奏之體。務在明切。鐘音豈未知之耶。著傳旨申飭。○又諭曰。兆惠等奏稱。前詢問霍集斯。據云烏什雖有通喀什噶爾之路。而地險多石。水泉不足。往葉爾羌渡河亦難。今伊已抵富德軍營。應行文令其就近詢問等語。烏什一路。行走既難。富德仍即自和闐進兵。防禦喀喇土伯特等要隘。朕詳察霍集斯情形。似以擒獲霍集占等後。回酋無出其右者。意在總統回部。曾密諭兆惠等留心防範。但霍集斯雖不可信。從前曾擒獻達瓦齊。此次納降。又隨將軍等。在葉爾羌効力。若驟行究治。回人未免驚疑。著

再密諭兆惠等。霍集斯此時如情形叵測。不得姑息從事。或不過恃功率意。即暫示包容。事竣後同伊來京。照達瓦齊之例安置。亦屬妥協。兆惠等宜加意慎密。以合機宜。○引見京察一等禮部郎中素敏等四十二員。得旨。素敏。李才。璋。素赫。琛。靈。泰。書。世。圖。良。卿。廣。福。明。安。梁。永。年。書。隆。阿。納。坤。福。盛。額。興。海。柏。琨。福。勒。賀。李。本。素。章。阿。多。隆。武。龔。同。長。舒。興。安。索。柱。積。昌。誠。泰。西。蒙。額。甘。運。壽。德。善。覺。羅。法。明。瑋。琦。覺。羅。阿。永。阿。西。達。宋。越。李。嵩。閔。鶚。元。蔡。鴻。業。海。齡。海。成。松。祿。蔡。觀。瀾。陶。其。懷。呂。光。亨。隆。廣。俱准其一等。加一級。○旌表守正捐軀之山東博平縣民高德成妻王氏。○甲申。上詣暢春園。問皇太后安。○諭軍機大臣等。據王進泰奏。時值春操。赴崇明查看。止有出巡船五隻。其餘各營戰船。俱交廠修造。無船可操。請將崇明鎮暨沿海各營。屆修船隻。先行趨修一半。以應

秋操。餘船緩至來歲接修等語。所見甚是。已有旨交議矣。沿海營汛練習水師。全在駕駛戰艦。出洋操演。方足以明訓練而修軍實。如遇屆修之期。即當豫為確估工料。速行趨辦。以應操期。何至各營俱藉詞無船。盡行停操。則將來凡遇修造之年。各營官兵勢必經年不復登舟操演。設船專為巡防。今乃因修造需時。轉致無船可操。倘遇緊要哨探。亦將以無船為詞。付之不問耶。其實所謂三年修造

亦不過虛應故事。徒循舊例。為冒銷之故。且冀掩其廢弛之積弊耳。似此因循玩忽。實為各省相沿陋習。且小修即以半年為期。大修拆造。又當何如。再定例雖載如五年大修之後。其船尚堪駕用。無須拆造者。再加小修一次。亦不過視為具文。此等船隻。即現在尚堪駕用。而年限已滿。例得拆造。又孰以不須拆造。而不為開銷帑項之計。至於修理戰船。若僅委營員製造。無人稽察。則必至扣剋侵肥。

無裨實用。若令文員監造交營。則又多方搜求。不肯收受。國家承平日久。一切武備。鮮知實力整頓。而不肖員弁。凡遇興修。又往往視為利藪。置公務於不顧。此等弊竇。在實心任事之督撫等。自能留心察訪。釐剔積習。俾屬員知所畏懼。不敢生玩忽舞弊之意。尹繼善歷任江省。此種弊端。未嘗不知。特好為模稜姑置膜視。所為統轄封疆者安在乎。著傳諭該督詳悉查明。現在交廠興修船隻。分別勒限。督催完竣。查驗出水。毋令久稽時日。致誤操期。各營如有冗多無用船隻。應行裁汰者。即為裁汰。以期實效。其各省凡有水師營汛。並著各督撫留心稽察。一體查明辦理。併將此傳諭知之。○又諭曰。五古奏稱。提督閔相師咨取火藥鉛丸等件。查從前因內地解送。開展駝隻。已經搭運。而楊寧等所領綠旗兵。所攜亦多。今駝隻已全過哈密。續解尚需時日等語。軍營進勦兵丁。均屬効力。所有需用。

器械宜量其有無緩急通融支給不可彼此歧視。閏相師隊內火藥鉛丸即有不足自當於楊寧隊內取用。必欲按營分領殊屬拘泥。嗣後內地所送軍需兆惠等須酌量派撥勿分彼此。但軍前火器最要不妨寬裕貯備。五吉等既稱陸續送至闐展定長等亦當於糧運之便轉解阿克蘇俱著傳諭知之。○乙酉諭曰李侍堯奏碣石鎮總兵書德侵那公帑玩視巡洋參將何勇遊擊洪就劉漢文迎合上司通同弊混均干法紀請旨革審等語。書德身係旗員加恩擢用畀以節鎮重任乃敢將存公帑項私自提取浮冒支銷侵漁入己而怠玩巡洋混捏妄報情罪累累負恩殊甚。書德著革職拿問何勇洪就劉漢文俱著革職交與總督將所參情節一併嚴審定擬具奏。○又諭據山西巡撫塔永寧奏稱晉省現在產鹽所有購買鄂爾多斯蒙古鹽觔之處著停止。○諭軍機大臣等克勒底雅塔克

回人等聞官兵將至擒獲賊人所用頭目爭先迎降甚屬可嘉著富德至和闐日將伊等功次查奏候朕加恩至從前克勒底雅回人瑪墨里提布哈子鄂斯瑞為賊內應以致城陷此二賊當查拏正法若已隨阿布都克埒木逃去則進剿時亦當留心查辦不可致令漏網。○又諭曰富德等現從和闐進兵若阿克蘇辦給馬匹從巴爾楚克路與兆惠同行必致遲誤業已咨行兆惠自必先為辦給至解送馬匹務使不致疲乏以歸實用但內地馬匹送至阿克蘇分給兩路而富德一路則仍須遠送和闐且伊又不及親身查驗以公義權之縱不擇其驢壯者解送亦當均勻分撥然官兵等惟圖便己亦情勢所必有兆惠統轄全軍自當秉公查辦併傳諭富德知之。○引見京察一等刑部筆帖式兆泰等四十員得旨兆泰德魁薩哈納五查里寶格舒翼觀柱巴揚阿勒善台履善蘇齡阿薩哈布

扎隆阿、伊清額、西敏、常海、珉崙、布嵩山、覺羅雅和圖、魏夢龍、伊三、那需普寧、慶安、和隆武、巴克唐阿、朝璧、王保、誠格、阿克東阿、瑪爾洪阿、增祿、明福、薩琪爾圖、廣福、八十、錦齊、顯達、賴嘉德、福寧、巴達爾虎、俱准其一等，加一級。

○以山東膠州協副將七十為廣東碣石鎮總兵。○丙戌，諭軍機大臣等：昨諭兆惠等將辦送富德馬匹，秉公挑選，先行起程。但此次所辦馬匹，若交與永德等往送，則人數無多，

實錄卷五八六

丁

不敷照管。且永德已諭令隨勞三、回烏魯木齊辦理哈薩克貿易事務。此時業經前來，亦未可定。內地辦解馬匹，係達勒當阿、哈達哈等護送，應將伊等分為兩隊，往和闐者著達勒當阿、傅景等帶領，即在富德軍營行走，增添兵丁，更於進剿有益。兆惠如亦須增兵，則先派西安滿洲兵五百名，達什達瓦厄魯特兵丁二百名，前往和闐。其餘官兵著哈達哈、伊柱官長保等帶領，在兆惠軍營行走，俱著

傳諭知之。○戊子。

上詣暢春園問

皇太后安。○諭據巡漕御史寧泰等奏稱：拿獲盜賣漕米之揚州三幫旗丁達潘等，請旨飭審定擬。運弁郭攀有無知情徇縱，及該幫總運失察之處，應俟審定日，交部分別議處等語。重運漕船盜買盜賣，均干法紀。昨據佟琳、叅奏鎮江幫旗丁盜賣糧米，今此案又經發覺，可見若輩藐法網利，積弊相仍，不可不嚴加懲治。著交與方觀承將此案情節嚴行究審，定擬具奏。○又諭：昨因近京州縣糧價稍昂，已降旨將先到漕糧截留四十萬石存貯北倉，又於景州以北一帶水次州縣截貯二十萬石以備撥用。但此時雨澤尚未霑濡，且距秋成尚遠，不可不先事豫籌。著再截留二十萬石，分貯景州以北水次州縣，以資接濟。交與總督方觀承會同漕督楊錫紱於現到漕船內遵照前旨妥協辦理。○陝甘總督吳

實錄卷五八六

丁

達善叅奏。白土路營遊擊安宛。私役兵丁庸懦無能。請革職審擬。得旨。這所叅安宛。著革職。其私役兵丁庸懦無能情由。及案內有名犯證。該撫審擬具奏。遊擊安宛前經提督齊大勇保舉堪勝總兵。引見時。因其人材平常。不准記名。并降旨申飭。夫叅遊都守。不拘資格。准其一體保薦。原以備干城之選。必才畧出衆。實能表率營伍。方可越次登諸薦剡。非為一二不肖武弁。開倖進之階也。此在各省

平定人三六八

督臣。尚或不至於苟且塞責。而提督中所保人員。多不能無瞻顧假借之處。即如安宛現以庸懦無能被叅。是偏裨之任。尚不能勝。又何足膺專閫之寄。查安宛係直隸人。齊大勇與安宛誼屬桑梓。徇私濫保。殊失慎重儲材之意。齊大勇併著交部嚴加議處。又諭曰。營伍兵丁。皆有巡防差操之責。非該管官弁所可私行役使。現據總督吳達善。以遊擊安宛私役兵丁題叅革審。荊州將軍嵩椿。違例派

兵護送額爾德蒙額家口赴任。復經兵部叅奏。而從前都賚陞任進京。至派駐防官兵數十人跟隨。由此觀之。其未經發覺。如此三人之所為者。又不知凡幾。各省官弁。即遇公務他往。尚不得以在伍額兵私充僕從。況赴任引見。皆係伊等私事。此種陋習。曠役廢公。於營伍甚有關係。嗣後著通行飭禁。倘有陽奉陰違。仍蹈故轍者。該將軍提督等定行從重議處。○諭軍機大臣等。吳達善題叅遊擊安

平定人三六八

宛私役兵丁庸懦無能一案。已降旨革審矣。本內所稱該遊擊進京時。曾帶兵丁許魁。楊武岳。良賢等三名。跟隨伺候。何以許魁一人並未帶同回任。即使中途脫逃。亦應查其於何處逸去。現在作何下落。且伊既有母妻在家。亦必無忽然他往不思旋歸之理。其同行之夥兵楊武岳。良賢二人。皆可詢問。本內所奏情跡。殊未明晰。著傳諭吳達善將許魁脫逃情由。并現在曾否回籍。抑或另有別情之

處詳晰查明奏聞。尋奏安宛私役兵丁許魁、楊武等許魁在途脫逃。據平利縣知縣黃寬稟稱業經緝獲。現在歸案質審。得旨此人既獲。更易明白矣。知縣可謂能事。向日如何。已丑諭。據薩拉善奏吉林城內失火。延燒旗民草房七百一十七間。什物口糧焚燬殆盡。當青黃不接之際。請將倉穀借給兵民。於秋收後歸款。豫借給官兵半年俸餉。為葺屋之費。其銀按季坐扣。朕已將所借銀兩賞給矣。

穀石仍令秋收後交還。未免拮据。著加恩亦行賞給。此次被災較重。雖賞給銀米接濟撫卹尚恐未周。著薩拉善查明奏聞。候朕加恩。

（引見京察一等掌京畿道監察御史瑞泰等四十二員。得旨瑞泰耀泰耀成法良陳大復姚成烈保琳善著薩哈產巴楊阿覺羅福慶依齊納博純福順世昌永寧立柱錢琦伊勒圖五格雅隆阿西春書德敷鍾泰穆金泰九格黃鍾圖起海明張宏漢張為肅錢載紀

昀圖勒炳阿伍佛保福善西登額金燾雅蘭泰左衡佛佑阿昌阿俱准其一等加一級。吏部議准盛京兵部侍郎果勒敏奏稱威遠堡等處十五邊口筆帖式定以歷俸八年遇盛京五部將軍衙門筆帖式缺出按次調補。仍將調補之員報部註冊。所遺邊口筆帖式員缺於考取應用人員照例擬補。其現任各邊口筆帖式內有歷俸已滿八年者即照此例辦理。倘遇盛京五部將軍衙門筆帖式缺出無合例調補之人仍將應補人員擬補送部從之。旌表守正捐軀之直隸清河縣民蘇新室妻徐氏。庚寅諭軍機大臣等現在畿甸地方尚未得有透雨蝗孽易於萌生。業據該府尹等督同地方有司分路撲捕。但州縣印官或因政務殷繁未能周行鄉曲難免遺漏。若佐雜等官原係閒曹及此蝗蝻初萌尚未蔓延之時令其分行村落於附近水草處董率農民之熟諳田務者協同悉心搜捕。

見有蠕動。即為根尋窟穴。盡數撲滅。日逐巡行。絡繹周遍。務期淨盡。至雨澤滂沛之後。再行停止。仍令監司大員。親巡各邑。察其勤惰。以別勸懲。庶得弭患未然之道。但州縣官各專司地方。不得因分委佐雜。遂自弛其力也。將此傳諭劉綸。熊學鵬。方觀承。知之。○又諭。據定長等奏稱。現在開展存貯衣履等件。請分給由哈密運糧送駝之西安等處滿洲綠旗兵丁。其不足者。支取布疋製給。所用銀兩。

書奏卷六十六

在各兵錢糧內。照數扣還等語。此次兵丁輓運軍需。甚屬勞苦。著加恩將所給衣履等件。動用銀兩。即行賞給。不必扣還。以示優卹。引見京察一等太常寺寺丞諾穆渾等。二十六員。得旨。諾穆渾。富貴。察朗。阿達敏。王元瑛。素楞額。寶閣。覺羅那丹。金覺羅班濟蘭。色楞。寧保。扎什。孫扎齊。金鑑。什勒密德。亨保。住喜。常。白士傑。永德。倭欣。福保。揆義。通明。瑪興。阿。木爾訥。科靈。阿。沙精。阿。光璽。明德。保。楊開鼎。

觀音保。寶麟。楊德榮。袁琮。福貴。俱准其一等加一級。○建四川清溪縣管家山等處營房望樓。從署督岳鍾璜請也。○辛卯。

上詣黑龍潭祈雨。○戶部議覆御史吳龍光疏。稱出借倉穀。例有徵收不及處分。其買補足額。定於秋成後及時辦理。州縣官或避採買之煩。藉口於原價不敷。或慮經手後難於交代。值道府盤查。只呈驗穀價。致虛實貯。殊非設倉本意。請勅下各督撫。嚴飭所屬。勒限彌

書奏卷六十六

補。於一年內將已買未買數目。報部查覈。道府為專司盤覈大員。若並未買足。遽行出結。即照例指叅。社倉穀石。雖係民間義捐之項。亦宜交地方官查察。應如所奏。從之。○壬辰。上詣暢春園問。

皇太后安。○遣官祭。

闕帝廟。○諭軍機大臣等。劉綸奏報捕蝗一摺。內稱遵化州屬。毗連永平地方。亦間有萌生之處。其地雖非順天所屬。事關農田民食。

現飭通水道明琦。協同副將胡大猷前往查勘等語。未免存畛域之見。劉綸係欽差督捕大員。凡遇有蝗蝻之處。即宜就近前往。董率員弁。盡力搜捕。庶地方有司。不敢怠玩從事。永平地方。既有蝻孽萌生。自當早為撲滅。以絕根株。著傳諭劉綸。現在薊州一帶。既有就緒。即速前赴該處。督同該道府等查勘撲除。務期淨盡。以杜他處蔓延。正不得以非順天所屬。遂意分彼此。而自弛其擔也。○又諭曰。

實錄卷五八六

三

永貴等奏稱。內地購辦牛羊。通計十二萬隻。有奇。可供二萬官兵三月口食。又舒赫德等向回人換易及內地運送糧餉。除支給官兵外。所餘尚可給進兵後半月之餉等語。所辦頗屬妥協。現在麥秋將屆。回人既有應交糧石。加以布疋換易。軍食自可裕如。且進剿之兵。既有半月裹帶。抵葉爾羌時。賊人業經收獲。加以羊隻接濟。自無匱乏之虞。兆惠等宜加意撙節為要。其運送各色布五千疋。已傳

諭吳達善。令其酌量採買。或一時難得。即奏請由京辦理解送。江南河道總督白鍾山奏現在大汛將屆。黃強淮弱。運道有關。查清口對岸陶莊。向有淤灘一段。近更加寬阻黃。以致溜愈南趨。應於彼處一面挑切灘嘴。一面於兜灣處挖引渠一道。分引溜勢。並將南岸清口以上木龍。再加接紫寬長。庶挑溜開行。湖流暢出。可助抵黃之力。得旨。如議妥辦。○予故閩浙總督喀爾吉善入祀閩浙賢良祠。

實錄卷五八六

三

旌表守正捐軀之直隸長垣縣民李有祿妻王氏。○癸巳。諭據將軍成衮扎布等奏。稱王德沁扎布呈稱。伊次子齊旺多爾濟。蒙恩賞給貝子。該旗原設四佐領。一管領。伊姊無嗣。撥給齊旺多爾濟戶口。及德沁扎布撥給人口。除舊有佐領外。請另編一佐領。給齊旺多爾濟扎薩克印信。令其管理。著照所請。加恩賞給。又諭軍機處查奏愉郡王派往致祭科爾沁親王阿拉布坦。所有應給驛馬。

兵部。宗人府。理藩院。互相推諉一案。此事既有從前寧郡王派往致祭哲布尊丹巴呼圖克圖之例。兵部自應照例辦理。而宗人府。理藩院。又以馬匹事隸兵部。不行具奏請旨。彼此互相推諉。殊屬不合。此等小事。有何關係。尚且至於如此。若事關重大。豈不貽誤。殊非敬事之道。且各部不過以省辦一事。即省一千條耳。而反以此得處分。則亦當知規避無益矣。朕令大學士等兼管部務。原期於事有濟。今如來保。史貽直。皆老矣。本部堂官。或因有兼管之人而遂弛其擔荷。是轉以人多而廢事。夫不攬權與推諉。似是而非。不可以不辨。此案兵部及宗人府理藩院堂官。俱著交部察議。○又諭曰。兆惠等遵旨。將進攻葉爾羌及歸途病故之綠旗兵丁。查明具奏。從前明瑞到京。朕詢以軍前情形。據奏。綠旗兵丁內有患病身故者。朕心深為軫念。今據奏。病故兵丁。皆係雅爾哈善。自庫車帶往。因採食

實錄卷五十六

三

實錄卷五十六

三

杏實等物過多。腹泄病故等語。似此情節。皆雅爾哈善毫無紀律所致。伊等雖非身冒矢石。効命行陣者。可比。究係奉調出征。在途身故。亦屬可憫。著將軍兆惠等查明伊等標營姓名。造冊咨送楊應琚。吳達善等。查出伊等子弟。即或年幼。亦著充補名糧。徐為教育。仍酌量賞給銀兩。以昭朕加恩優卹之意。○諭軍機大臣等。前經降旨。將馮鈐所奏擬撥江穀三十萬石。令尹繼善酌量情形。或留用一二十萬石。或全數運京。今據尹繼善奏稱。江省連年收成豐稔。現在糧價平減。毋庸平糶接濟。各屬倉糧。亦於上冬陸續採買。此項穀石。尚非急需。應遵旨全數運京。於明歲江浙漕船之便搭運等語。江南既無需米石之處。所有湖南撥運穀石。若必運至江省交兌存貯。又於明歲附船搭運進京。殊多輾轉。著傳諭馮鈐。將此項穀石。即於本處碾米。於今冬漕船起運時。隨便搭解。并交通倉兌收。自較

簡便。並傳諭尹繼善知之。○定邊將軍兆惠等奏。回人種麥。六月始能收穫。須於未收穫時進兵。方有裨益。現在內地辦送馬匹。計五月望前後可到。除應送富德軍營者。先行辦理起程外。臣等定於五月內進發。至派出回人等偵探等事。曾與額敏和卓相商。有烏什所屬之布魯特四十戶。可酌量差遣。已將伊等挑選十人豫備報聞。甲午諭。現在甘霖未霽。京師各處河渠。若加修濬。深通水土之

實錄卷五百八十六

三

氣。庶可條暢通達。且無業貧黎。畚鍤將事。亦可得雇值以資口食。所有護城河渠。著派四格英廉。圓明園一帶。應修河渠。和爾精額前往鳩工開濬。○禮部議奏。福建巡撫吳士功疏稱。琉球國王尚穆。遣使臣表進戊寅年貢物。並請令陪臣子弟梁允治等入監肄業。得旨。前經降旨。令將二十一年所進方物。留作下次正貢。今該國王仍將戊寅年應進貢物。奉表恭進。情詞懇摯。且貢物業已到閩。不便

令其帶回。著仍照前旨。留作庚辰年正貢。用昭柔遠之意。其所遣陪臣子弟梁允治等。均准其入監肄業。○予故喀爾喀扎薩克多羅貝勒噶勒桑祭如例。

實錄卷五百八十六

三

大清高宗法天隆運至誠先覺體元立極敷文奮武孝慈神聖純皇帝實錄卷之五百八十六

大清高宗法天隆運至誠先覺體元立極敷文
奮武孝慈神聖純皇帝實錄卷之五百八十七

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲騎都尉軍功加九級隨帶加三級又加二級臣董誥內大臣戶部尚書兼理滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十四年己卯五月乙未

平定天音卷六

上詣暢春園問

皇太后安。○諭軍機大臣等。京畿雨澤未霑。朕

為閭閻生計。日夜憂懸。多方籌畫。聞景州一

帶地勢潮潤。刈麥種禾者尚多。惟雄縣新城

曠乾為甚。著傳問方觀承。此二處民間情形

果係如何。該督曾否確查。及如何籌畫接濟。

其倉糧如不敷用。現有截留南漕。陸續到次。

此二縣俱可水路撥運。該督可酌量情形。現

在或須減價平糶。得雨之後。或須借給籽種。

速運接濟。一面辦理。一面奏聞。○丙申諭京
師雨澤愆期。各

壇廟屢經祈禱。未沐霑濡。本月二十二日祭

社稷壇。是日朕親詣行禮。以申虔悃。所有應行

典禮。該衙門敬謹豫備。○諭軍機大臣等。據

方觀承議。覆蔣溥所奏。酌籌州縣平糶摺內。

有密雲縣之石匣。現據該縣詳請平糶。業已

批行之語。不知該縣倉糧。是否充裕。足資平

糶。可以接至秋成與否。深為軫念。密雲距通

平定天音卷六

州尚近。且有水道可通。著傳諭該督酌量情

形。如有需用米石之處。即咨明倉場侍郎。酌

撥米一二萬石。委地方官運赴。以便籌辦平

糶。一面辦理。一面奏聞。再宣化地方。節氣雖

較京師少遲。然此時亦未聞得有透雨。未知

該處米糧民情。若何光景。並著方觀承一併

速行查明具奏。○又諭本月初七日。據塔永

寧奏稱。晉省各屬。未得雨澤。普徧前往五臺

山祈禱等語。當派理藩院主事明德。帶領求

雨人前往山西祈雨。此時諒已到彼矣。但旬日以來。未據該撫奏報。曾否得有透雨。朕心深為懸切。該省山路崎嶇。舟楫不通。外來商販。鮮有接濟。與他省不同。此時已屆芒種。閭閻口食。即當豫為籌畫。不知塔永寧現在作何料理。聞該省常平之外。社倉尚有儲積。可傳諭塔永寧。各就地方情形。酌量動撥。現在米貴之處。或減價平糶。將來得雨之後。或借給籽種。及貧民之實在無力者。並酌借口糧。

平定奏言十七

三

以資力作。總期於地方貧民不致失所。以副朕念切民依之意。○又諭。前據成衮扎布等奏稱。車布登扎布。領兵前往塔爾巴哈台。每兵支給六月餉銀。其應得六月餉米。酌量折給銀兩。羊隻等語。此次酌給銀兩。羊隻。或仍辦給官羊。或總令伊等自辦。若不敷食用。作何運送接濟。亦曾籌備否。可傳諭成衮扎布。令其即行具奏。○又諭。曰。富當阿等奏稱。達什達瓦屬人等。已到熱河。一切辦理。尚需時

日。先按人口。每月給米二斗。銀三錢。暫行接濟。俟查明戶口若干。以定官兵額數。給與錢糧養贍。另行具奏等語。富當阿此奏。稍覺稽遲。已差三和前往。辦理賞給。所奏支領米石。即准其散給。至賞給銀兩。三和現在辦理。或已經分賞。亦不必追繳。其將伊等作為官兵。酌給俸餉之處。著詳議具奏。伊等未經出痘。應授官職人等。不必送京。候朕駐蹕熱河時。再行帶領引見。○兵部議覆。山西巡撫塔永

平定奏言十八

四

寧疏稱。綠旗營制。馬步守兼設。查通省馬少步多者。靖安。靈石。交城。天城。陽和。忻州。朔州。東井集。聚樂。左衛。鎮門。五眼井。河曲等營。有馬守而無步糧者。井坪。靜樂。老牛灣。三營。有馬步而無守糧者。朔平一營。有守糧而無馬步者。汾州。沁州。潞安。三城守。永和。大寧。黑龍關。胡峪口。五寨等八營。有步守而無馬糧者。盤道梁。寧化。二營。酌將馬步守偏多偏少營分。以守糧改步糧者。共四百二十四名。以步

糧改守糧者六十名。除以步改守六十名。彼此抵換外。其餘三百六十四名。俱於附近標營內。撥換步糧。毋庸加餉。至汾州城守等十營。於守糧內改設馬糧。查各營有營操馬五十八匹。遞年照營馬按月支領草乾。俱係給步守兵領騎。無馬糧差操實際。請以原設馬乾五十八分。改為馬糧。共裁守糧五十八名。應如所請。從之。○丁酉。諭陝西西安府屬之咸寧。長安。咸陽。臨潼。藍屋。鄠縣。興平。高陵。三

平。涇陽。醴泉。富平。耀州。同官。同州府屬之潼

關。廳。暨大荔。朝邑。華陰。郃陽。韓城。蒲城。白水。

商州屬之雒南。邠州。長武。三水。淳化。乾州。永壽。武功等三十廳州縣。入夏以來。雖連得雨澤。未為透足。其沿邊一帶之延。榆。二府。鄜。綏。二州所屬去歲被災之各州縣。雨水亦未能霑潤。該州縣等。夏麥既已歉收。民力未免拮据。朕心深為軫念。自應分別重輕。酌量接濟。著鐘音即於各屬倉儲內撥動米石。或應平

糶。或應借給籽種。其上年被災而今歲夏收又復歉薄之處。則酌量情形。即於寧夏及晉省運到糧石內量加賑卹。務使貧民均沾實惠。不致失所。以副朕體卹邊氓之至意。○又諭軍機大臣會同工部議覆王進泰請將崇明鎮暨沿海各營。現在屆修各船。先行繕修一半。以應秋操。其餘一半。緩俟來年接修一摺。此事既有康熙年間議准定例。載在會典。各省自應遵照辦理。何以江南崇明鎮標等

營額設船隻。同時修造。遂至營員以無船為

詞。停歇操演。可見地方陋習。於奉行故事之

中。即滋廢弛之弊。似此相沿日久。縱使多設規制。嚴立章程。而承辦者視為具文。督率者漫不稽察。惟以紙上空文。塗飾了事。所謂實心敷衍者。果安在耶。如果現在按期興修。次第辦理。則王進泰身任提督。必不致遽行如此陳奏。此案不行先後興修。以致無船應操之各該管官。俱有應得處分。即該督撫亦不

能辭其責。著尹繼善逐一查明具奏。交部議處。以為不遵定例者戒。其設有戰船各該省分亦著照此確實查明一體辦理。○又諭據鐘音奏河南陝州發遣巴里坤人犯張五法於涇州地方脫逃行至潼關被獲等因一摺。發遣巴里坤均係免死減等重犯如有潛逃被獲者即行正法。定例綦嚴而該犯以罪應縲首之人秋審減等已屬寬典乃敢於中途破械脫逃首干例禁法無可逭。張五法著照所請即行正法以示炯戒。疎脫及僉差不慎之各地方官俱著分別叅處。其在潼關盤獲逃犯者查明官弁咨部議敘兵役酌加賞賚俾知鼓勵。○諭軍機大臣等。昨因王進泰奏崇明鎮各標戰船一時興修無船可操請先修一半餘船緩至來歲接修等語已傳諭尹繼善并凡有水師之各督撫令其詳悉查明分別辦理并各營如冗多無用船隻應行裁汰者酌為裁汰即如從前京口天津各營船

隻曾將多設者量為裁汰以杜冗冒其應留為巡防操演者仍行酌留數年以來頗歸實用著傳諭凡有水師營分之各該督等令其詳悉查明分別應留應裁船隻奏明辦理但此係專為簡練稽覈以收實效倘該督等誤會為節省錢糧起見任意裁汰轉致有誤操防則失之遠矣再此案關係軍政該督查明定議時自應具本題達至奉到此旨用摺回覆題本中不必牽引可一併傳諭知之○又諭據楊錫紱奏臨清閘外衛河淺涸已移咨河撫諸臣速飭挑濬等語衛河之水發源百泉與恒河小舟河合以濟運向來水小年分既有疏濬泉眼暫開民間之例自應照例舉行漕臣之職在於糧艘遄行而沿河居民則又以蓄水灌溉為利惟在地方大吏確按情形因時疏濬俾正流足以濟運而餘水足以潤田則兩得之矣然此皆因今年雨澤未能霑足之故若甘霖大沛則不必更費籌畫矣

著將楊錫紱此摺鈔寄胡寶瑤令其速飭道廳各員力加疏濬全啟官閘之板而東西民閘輪流啟閉並將恒河東十洞之內及小舟河東西民渠酌行堵閉則漕船既可得資浮送而民間田畝亦不致有乏水之虞矣○以編修蔣耦為雲南鄉試正考官工部郎中魏夢龍為副考官編修秦百里為貴州鄉試正考官御史劉龍光為副考官○以光祿寺卿程盛修為順天府府尹○戊戌

上詣暢春園問

皇太后安○詣

大高殿行禮○還宮○是日起

上以祈雨

躬祀

社稷齋戒三日○己亥諭朕此次親詣

社稷壇祈求雨澤禮部所開儀注內無薦玉之

禮詢其原委則係相沿舊規並無義意可考

夫玉以庇蔭嘉穀使無水旱之災載在傳記

且於答陰之義更為相稱著飭所司敬謹用玉將事以迓

神庥並酌載入會典祭之日朕戴雨纓冠素服出右門御常轎由右一路行至金水橋應御輦處即步行至

壇行禮以申虔禱○又諭京師去歲臘雪未能溥徧而自春徂夏雨澤愆期雖屢次設壇祈禱或雷雨一過或小雨廉纖入土不過一二寸總未得霽霑霑今芒種已逾將屆夏至二

麥既多失望秋田尚有未耕朕兩月以來宵旰憂慮寢食靡寧深加修省昨降旨親祭

社稷壇虔誠步禱為民請命不勝迫切爾諸大臣皆國家共襄治理之人休戚本屬相關當此望澤孔亟之際又寧不各自刻責儆惕以冀感召休和耶夫災沴之徵必有人事以應之或者政事尚有缺失有須因時斟酌者宜各抒所見以備採納但不得毛舉細故撫拾浮言如昔所稱天旱求言故事耳朕自即位

二十四年。至今愛民之心。有如一。日。凡所以為百姓慮者。無一事不極其周詳。無一時或釋諸懷抱。統計各省蠲賑之需。不啻數千萬。此亦天下臣民所共知者。而恩膏下逮。常如不及。惟刑獄一事。法重則怨生。法輕則易犯。即如因祈求雨澤。清理庶獄。而宵小之徒。或遂乘此而作奸犯科。可見習俗澆漓。人心不古。亦安得上干

天譴耶。夫不能敷布德化。使朝宁之間。共勵寅

字彙卷五十八

一

恭。閭閻之中。謹守法度。以迓嘉休。而消災祲。此則朕所深愧。凡我臣民。宜共體朕返躬自責之苦衷。各自警省。力挽頹風。則

彼蒼仁愛。陰陽下民。庶雨暘時若。可冀轉嗇為豐。以享樂利之澤矣。○又諭曰。和其衷。著以布政使銜馳驛前往西路。同定長等辦理屯田糧務。○諭軍機大臣等。據吳達善奏稱。甘省各提鎮營。儲備鉛劬一項。自調撥以來。漸見短絀。而蘭州。寧夏等處。出產無多。不敷買

補。請於湖北代購黑鉛三十萬觔。委員解赴甘省等語。鉛劬為軍儲要需。務宜豫為積備。現在甘省各營存貯無多。本地買補艱難。未可任其缺乏。向來西安鼓鑄鉛劬。俱取資於湖北。買運定有成規。自可挹彼注茲。補完舊額。著傳諭該督碩色。即於楚省收買黑鉛三十萬觔。委員解赴西安。轉解至蘭。其水路腳運。即於該二省耗羨項下動支。解蘭之後。令各提鎮分領回營。以補備貯原項。○又諭。據

字彙卷五十八

一

常亮奏稱。查檢江蘇藩司衙門。先後准到淮徐。淮揚。二道。移交離任各河員欠繳覈減河工銀兩冊內。竟有千總。把總。縣丞。主簿等官。應追未完。累百盈千。不一而足。嗣後應令務遵定例。不得派委微員。領帑做工。以昭慎重。一摺。已交部議矣。領帑做工。此係廳員職掌。其微員末弁。以及効力人員。止令防守險工。催趲夫役。不得輕給帑金。著有定例。高斌在工。曾有此弊。整頓之後。盡行革除。看來日久

廢弛復萌故智。即江蘇一省。應追未完案件。已如此之多。若能慎重委辦。何至欠帑纍纍。此最為河工陋習。著傳諭白鍾山。將現在應追微員覈減各案。逐一清查。交地方官嚴行追賠外。仍將各該員委辦工程。係何人任內之事。并現在有無此等濫委給帑情弊。詳悉奏聞。○又諭據瑪瑪特訥則爾告稱。霍集占於葉爾羌附近耕種等語。是逆賊等尚無遠遁之意。蓋伊等以我兵到彼。不過攻圍數月。未能持久。俟撤兵即可無事。著傳諭兆惠等。進兵時。須加意備辦攻城器具。現在吳達善於肅州造送攔牌。又有鑄造大礮及雲梯等件。足以突陣衝堅。至賊人逃竄之路。亦宜嚴為堵截。再披閱地圖。痕都斯坦一路。似與克勒底雅相通。克勒底雅為和闐六城之一。富德等宜詳加詢問。派兵防範。○又諭前據明瑞奏。健銳營前鋒琳保。不待雲梯。直薄賊寨。朕已賞給噶克察巴圖魯號。仍諭兆惠將似

此奮勇擊賊之人。查出請旨。今據將吉林署協領布爾哈等十四人列單具奏。著加恩將布爾哈。賜號布顏圖。巴圖魯。索倫署叅領巴勒琿。賜號噶畢雅圖。巴圖魯。哲葉勒圖。賜號齊爾瑪海。巴圖魯。烏密勒圖。賜號固濟爾巴圖魯。委署防尉固勒克訥衣。賜號肯特克巴圖魯。吉林署驍騎校薩爾泰。賜號鄂莫克圖。巴圖魯。馬甲英賚。賜號巴爾巴圖魯。索倫領催隆恰。賜號超圖。巴圖魯。烏延察。賜號阿勒達爾泰。巴圖魯。額默勒肯。賜號賽沙勒圖。巴圖魯。和肥勒圖。賜號衛魯克森。巴圖魯。穆庫楚。賜號額德格勒圖。巴圖魯。錫扎布。賜號噶魯克三。巴圖魯。察哈爾驍騎校巴圖孟克。賜號巴圖。巴圖魯。照例賞銀各一百兩。以示鼓勵。○又諭據兆惠等將納木扎勒隊內脫出兵丁等。查明力戰得傷情節。造冊送部等語。前據舒赫德於巴爾楚克。遇脫出之科科勒岱等四人。業經加恩賞銀各十兩。此次查送

之兵丁等除交部議敘外俱著照例賞給銀兩以示優恤○庚子諭目今天氣炎熱五城平糶米局赴糶者多恐人衆擁擠感受暑氣果親王現管藥房著同總管內務府大臣吉慶於各米局處酌量設立冰水暑湯俾買米小民各得赴飲以解暑熱○又諭曰劉綸熊學鵬俱現在捕蝗未回中城監糶著派程盛修東城監糶著派海明吉慶棗曰修輪流稽查○辛丑

上步詣

社稷壇祈雨

御製

社稷壇禱雨祝文曰臣聞人事失於下

天變應於上茲亢暘之示警洵贊化之無能言

念昨年秋霖缺而冬雪乏逮至今歲春望霈

而夏未霑歷四時之久矣嗟三農其如何

常雩步禱弗蒙矜不敢再三之瀆羣祀親藩徒

致籲益增宵旰之憂敬念

右壇為祈報之所載稽

祭義司土穀之精蠲吉虔齋攄忱躬懇為民請

命顧代萬姓之災責已惟誠奚啻六事之舛

重舉答陰之典冀施甘雨之滂雲作雷隨毋

俾箕伯侵軼犧成案潔尚敷帝里庥和殷佇

神歆立沛祥霽○詣暢春園問

皇太后安○幸圓明園○壬寅

孝恭仁皇后忌辰遣官祭

景陵○諭軍機大臣等據吳達善等奏甘省河

東河西各屬春夏以來均未得有透雨夏收

恐致歉薄現在率屬祈禱並豫為籌畫部署

等語甘省積歉之後全望夏禾有秋今復雨

澤不繼農田已有早象尤深憂切前經降旨

令該撫等虔誠祈禱并將刑獄清理以格

天庥此時亦惟有遵照前旨盡心辦理並留心

訪覈諳習祈雨諸色人等設法祈禱凡有應

行籌辦者豫為部署倘一得透雨即將夏田

及早翻犁亟為改種晚秋以收地利總在該

督撫等董率各屬。留意民瘼。實力善為經理。則修省祈禱之法。莫逾於是。至清理刑獄。亦當斟酌得宜。倘不肖匪徒。乘此亂法作奸。則又當從嚴究治。若一概寬釋。轉非所以感召嘉祥而仰冀膏澤也。著將此傳諭楊應琚。吳達善。總以鎮靜體恤。並行不悖為要。勉之。又諭。前因甘省米價昂貴。曾經降旨。令於陝省附近州縣。酌撥運甘。而以川省之米。留濟陝省。嗣據鍾音奏到。以西同等府。尚有現糧八九十萬石。民食有備。毋庸動撥川米。且水陸運價。亦更不貲。而護督明德。又以涼蘭一帶。尚不缺乏。且有採買陝糧二十萬石。正在起運。毋庸再令陝省撥協。奏請暫緩辦理。自屬酌量情形。因時籌畫。今據吳達善奏稱。蘭平。等屬。復有旱象。應豫為籌備。約計本省倉糧。僅可撥動二十萬石。倘需賑卹借糶。殊覺不敷。又不得不撥及陝糧。請撥米麥各十萬石。解交涇州接運等語。甘肅連年承辦軍需。

糧價未免昂貴。且上年被災之後。今夏又復少雨。民食攸關。不可不急為籌畫。著傳諭該督撫等。即於陝省西同等屬內。如數撥運。並令開泰將川省附近各州縣。現在米穀。仍照前旨。由水路撥運。至陝省之畧陽。文收。分運各屬。以備儲積。從前鍾音之奏。原因陝米本不缺乏。而運價又覺多費。今陝省米價亦不甚平。必須有備無患。且當需米之際。朕為百姓。即多費運價。亦不惜也。至陝省現今亦早。而撥米來往甘省。以濟他人。恐愚民不知。而怨應於川米未到之前。將接運川米之處。明白宣示。俾民間皆知有川米到陝。庶本地市儉。不致居奇。而閭閻民心。亦皆安帖。方為妥協。如鍾音可保撥米接濟甘省。而陝省尚屬有備。亦不致米貴民怨。則不藉川省運米亦可。著傳諭楊應琚。開泰。吳達善。鍾音。一面互商速辦。一面奏聞。尋奏。甘省河東各屬。夏收失望。甫種秋禾。豐歉難必。如需接濟。即撥陝

糧二十萬石。亦不敷拯恤之用。若從他省撥運。需費更繁。緩難濟急。臣等悉心籌酌。值此歲歉之餘。無須定用米麥。即雜糧亦可備用。查河東賑糧。每石折銀一兩三錢。河西折銀一兩四錢。倘遇應行撫卹之處。請即照數折給。如併雜糧購買維艱。再以陝糧散給。較之另籌撥運。所省實多。得旨。如所議行。○又諭。據葉觀國奏考試情形一摺。內稱昭通府童生李茂。李璋。暗地換卷。易門武童楊會川。彌封姓名不符。新興州童生陳上奇。覆試文理不符。飭各該提調審覆。或稱並無說合銀錢。或稱村童無知冒犯。或係鈔寫謄稿。並無鎗雇之弊。照例發落等語。看此情節。該府等所辦未免故為開脫。學政考試所至。該府與有提調之責。一切弊竇。理應協同稽察。方為實心整頓。乃既經該學政查出發審。並不據實根究。轉以寬縱了事。姑息養奸。莫此為甚。學臣呼應不靈。諸弊何由肅清。且鎗倩之弊。京

師尚且有之。何況滇南遠省。著將葉觀國原摺鈔寄該督等。令其詳細查明。將知府黃修忠。陳鑣。李承勳。據實叅處。○又諭。據吳進義奏。上年督臣購備馬四千匹。現在軍務將竣。似無急需。陝甘營馬抽調以來。應有缺額未補。請以二千匹。由邊路解赴榆林。二千匹。由內地解送西安等語。所奏甚是。此項馬匹。與其額外分營飼秣。孰若酌量分撥陝甘。以補缺額。或有需用。亦可就近調遣。二省原有馬乾。可以支給。何必留於直隸。致多糜費。現在甘霖未溥。糧價尚昂。以此節省之屯豆。減價平糴。亦可兼資民食。著傳諭方觀承。通融籌畫。妥協辦理。○癸卯。諭軍機大臣等。據塔永寧奏。晉省各屬。尚未得有透雨。夏田恐致薄收。將來六七月間。應須豫籌轉運。接濟民食。南路蒲解絳三屬。及澤州一府。均與陝。豫二省接界。可通輓運。現在密籌咨商採撥等語。晉省因天時亢暘。雨澤不繼。因思隣省轉運

協濟。固屬先事綢繆。挹彼注此之策。但陝省今歲春收。亦未為豐盛。且現有撥補甘省糧石。恐不能再為顧及他省。豫省此時亦間有少雨之處。未審現在情形若何。著胡寶瑤詳細酌量。就收成稍豐之州縣。不必定以米麥。即一切菽豆雜糧。皆可以資民食。無拘多寡。各就水陸之便。運至蒲澤等處。令晉省委員接收。撥補倉貯。以備賑糶之需。殊為有益。若慮本省米糧未能充裕。則於明歲起運漕糧

內。照數截留。以補額貯。此亦通盤籌運之一法也。可傳諭胡寶瑤。並塔永寧。令其彼此商酌辦理。奏聞。尋據胡寶瑤奏。覆豫省常漕貯穀尚多。竟可撥運晉省。無庸截漕。亦不須湊用雜糧。蒲解瀕河。向由陝州兌運。其運赴陸路。即由豫省地方官雇送。此次仍照舊辦理。即於陝州附近各屬撥穀碾米。澤州與懷慶接壤。現在河北缺雨。倉穀斷難動撥。應統於陝州就近碾穀。令晉省委員至陝州接收。聽

晉省酌量撥補。並不必拘以成數。得旨嘉獎。○禮部議覆安徽學政劉墉奏稱。捐納貢監與生員不同。責成教官約束。不足以收實效。請飭州縣官於戶婚田土案內。隨時稽查。舉報優劣。應如所請。從之。○旌表守正捐軀之湖南安化縣民周宗望妻賀氏。○甲辰上詣暢春園。問

皇太后安。○還宮。○諭軍機大臣等。據劉綸熊學鵬奏稱。昌平馬口池地方。生有蝻孽。當即

馳赴查勘。督率搜捕等語。恐一時尚未能竣事。劉統勳現在出差。劉綸著即回京。已派御前侍衛安泰前往。會同熊學鵬。悉力撲捕。○定邊右副將軍富德等奏。臣等於四月十六日。兵至和闐之哈塔里。副都統瑚爾起等。遣伊斯邁勒等來迎。臣等加以撫慰。問各城生計及耕種事宜。據稱各城雖為賊久困。尚有隱藏米穀。大兵到時。口糧似可接濟。其馳遞事件。自阿克蘇之扎木至和闐。前設臺站五

處。今沿途察看。戈壁甚多。酌展為六臺。派健銳營前鋒達蘭泰等六人。以委署筆帖式管理。所有兵丁口糧。各於阿克蘇和闐就近支領。俟會兵葉爾羌後。或留或撤。另奏辦理。諭軍機大臣等。富德等兵近和闐。詢據回人等傳聞賊衆復來。迄今未見。現已耕種安生等語。逆賊等計窮力蹙。豈肯復來。不過據守葉爾羌。大兵一至。或且驚惶逃遁。將來惟堵截最要。兆惠。富德。合兵進剿。斷不至如庫車城之難克。必奮勇攻擊。嚴密防範。務使渠魁就縛。於今歲成功。方為妥協。其悉心計議具奏。○是日起。

上以夏至祭

地於

方澤。齋戒三日。○乙巳。諭。現在天時亢暘。雨澤未霑。朕於

北郊行禮時。著照九年十二年之例。不乘輦。不設鹵簿。由景運門前往致祭。○諭軍機大臣

等。西寧奏。南新關乾隆二十四年分。不敷正額銀八十餘兩。據稱是年竹木過關稀少所致。已批該部覈議矣。各關耗羨時盈時絀。尚屬情理所有。若正額則釐定有年。不自今日始也。設使數年之間。果應如此日就日少。則自康熙雍正年間以來。又何以皆得按額徵收耶。即如現在河道經行之地。自宋已然。一切剝溜情形。今昔本無異致。而工員善為緣飾。動云一經開汕。輒行淤墊。果爾。則前此數百年日漸湮積。宜至今尚有舊蹟。可以復觀者。揆之事理。正復相類。看來瑞保病久。西寧接代之際。其中不無司權吏胥家人藉詞肥橐情節。不可不徹底清釐。著傳諭莊有恭。令其詳悉稽覈。務將該關因何將正額頓少確情。據實查明具奏。○陝甘總督楊應琚奏。甘省河東被旱。州縣甚多。倘夏至前雨不霑足。急宜豫籌撫卹。查平涼慶陽所屬倉貯無多。萬一成災。斷不敷用。先經布政使蔣炳議於

撥運陝糧二十萬石內除撥給武威、皋蘭等縣外。留貯平涼一萬石。華亭五千石。固原三萬石。鹽茶廳二萬石。而涇州、鎮原、隆德未議撥給。應於運貯皋蘭糧內截留涇州一萬石。鎮原五千石。隆德五千石。以備緩急。至慶陽附近州縣無糧可撥。擬在陝省近處州縣倉內籌辦。查上年被災之皋蘭、金縣、狄道、河州等處奉諭展賑三月。皆係本折兼支。如給一月本色。即需糧十九萬七千餘石。輓運維艱。擬照河東河西折給銀兩。按月分散。俾戶民自買雜糧餬口。留本色備支。得旨如所議行。餘有旨諭。諭軍機大臣等。據楊應琚奏。豫等平。慶兩府屬被旱州縣糧石。暨續賑全支折色留糧備用緣由。已於摺內批諭矣。楊應琚現在將到肅州。而哈密糧餉軍務事宜辦理已有就緒。吳達善可不必同駐肅州。即回至蘭州。將甘省一切地方事務。面同藩臬等悉心妥辦。有應行知會楊應琚者。彼此咨商調

度。尤為近便。著一併傳諭該督等知之。○丙午。諭軍機大臣等。據扎隆阿奏稱。車布登扎布等。於五月十六日。自布延圖起程。將卡外多木連都沙扎海等處。安設臺站。嚴飭該管辦理。於十九日遵旨回烏里雅蘇台等語。前派扎隆阿隨車布登扎布進兵。續據成衮扎布奏留辦事。著傳諭成衮扎布。仍派扎隆阿或莽古賚領兵巡查臺站。搜捕瑪哈沁。併傳諭車布登扎布。近據定長奏。主事富奎報稱。瑪納斯山有藏匿之綽囉斯台吉烏勒木濟。著一體查辦。以靖地方。○丁未。夏至。祭方澤。上親詣行禮。○詣暢春園。問皇太后安。○幸圓明園。○以御史宗室石麟署理正白旗滿洲副都統。○戊申。諭京通各倉成色米石。向例陸續發與五城糶賣。今京城內外。發倉平糶。米石充裕。著倉場侍郎查明

各倉所有成色米石。交與方觀承運至良鄉等處平糶。以贍民食。再直隸各屬。現在雨澤未能霑濡。近京州縣。平糶常平倉穀。僅照定例每石減銀五分。貧民仍恐買食維艱。並著方觀承酌量地方市價。每石減糶銀二三錢。俾閭閻均沾實惠。該部即遵諭行。○又諭布政使永寧。久居外任。未經勞績自効。著以原品前往哈密。同五吉等辦理糧餉事務。所遺布政使員缺。著三寶補授。○諭軍機大臣等。吳達善奏。甘省應解軍前布疋。現在涼。甘二府採買尚堪適用。不過市價稍昂等語。所見與朕意不合。已於摺內批諭矣。甘涼一帶承辦軍需。且有被災之處。民食未免拮据。朕疊次加恩。猶深軫念。布疋一項。市價既昂。若又官為採買。則民間愈加騰貴。殊非體恤災黎之意。除已經解送外。餘著停止採買。現在部庫存貯布疋饒裕。已著戶部即查明酌撥數千疋。派司官一員。按站解往肅州。交與該督

等轉運備用。以贍軍儲。以便民用。將此傳諭該督知之。○又諭據吳達善奏稱。阿拉善等處。購買羊隻。共十四萬有奇。前後送往巴里坤。由額林哈畢爾噶轉送軍營。此項羊隻。係軍營口糧。此時始陸續出口。解送維艱。若急行趲送。則沿途傷損。究屬有名無實。昨據富德奏稱。伊等自和闐進兵。彼處可得口糧。即兆惠進兵。正值收穫之期。又有糧運接濟。朕意將此項羊隻。先送者。即於阿克蘇交收。後至者。或於烏嚕木齊等處牧放。留備官兵凱旋之用。甚有裨益。因未悉軍前情形。著吳達善五吉清馥。定長德舒永貴舒赫德等。咨商定議。辦理一面具奏。亦傳諭兆惠等知之。○又諭。從前圖倫楚等。追勦哈丹阿巴噶斯餘賊。致令脫逃。後巴祿前往。究未追及。而西路之兵。亦未聞相遇。伊等或由塔爾巴哈台。逃往俄羅斯。亦未可定。著傳諭車布登扎布。加意搜查。倘遇此等逸賊。務行勦絕。不可致令免

脫○又諭。據額敏和卓奏稱。回城大小伯克等。辦理事務。甚屬輸誠。請賞給翎頂等語。著齎送五、六、七品帽頂各五箇。藍翎十枝。酌量賞給。至額敏和卓。本係舊人。前因兆惠舒赫德。兩處奏摺。均未列名。是以降旨詢問。今據奏在阿克蘇辦事。但進兵尤為緊要。伊係叅贊大臣。著仍在兆惠等軍營行走。○旌表守正捐軀之廣東增城縣民劉佳木妻莫氏。○已酉。諭。湖廣提督員缺。一時未得相當之人。著黃仕簡署理。俟服闋時。奏明實授。○吏部議覆。署江西巡撫阿思哈奏稱。加捐分發之員。若盡將部選之缺補用。候銓者不無壅滯。請酌量分缺間用等語。查此項人員。因銓選壅滯。始行加捐。較止捐不論雙單月即用者。自應稍優。分發後。原准量才委用。並非遇缺即須咨補。且各省開缺不一。分班間用。輾轉移咨。反致牽混。若不定以限制。又恐辦理過優。臣等酌議。以試用一年為期。咨題補缺。至

平錄卷五十二

月選官定例。外省題咨有人。即將部選之員扣除。此等加捐分發人員。究與請旨發往者有間。如遇外省題咨。不得概行扣除。從之。○又議覆。原任甘肅巡撫明德疏稱。蘭州府屬之狄道。河州。皋蘭。金縣。靖遠。五州縣。旱地雖多。然引洮。黃。二河之水灌溉者。亦復不少。乾隆十八年間。曾以河州州判兼銜水利。督理渠道。究不足以資治理。請以該府河州同知兼水利銜。經管河狄。三州水利。以河橋同知兼水利銜。經管皋。金。靖。三縣水利。並加臨洮道水利銜。統為督率。至寧夏府屬之寧夏。寧朔。平羅。靈州。四州縣水利。請併歸水利同知管理。加寧夏道水利銜。換給關防。應如所請。從之。○刑部議准。安徽巡撫高晉疏稱。命盜等案。如罪止徒杖以下。或正犯病故。無可審辦者。例由外結。若因新例將輕案逐一咨部。不特人犯延累。且與例應內結重案無別。請照舊隨時批結。摘敘案由。於季底彙報其病

平錄卷五十三

故各案。仍將管獄官職名題參從之。○熱河副都統富當阿等奏查兩次移來熱河安插之達什達瓦屬人及前往軍營人等男婦大小共二千一百三十六口。內丁壯七百三名。臣等酌議每丁壯七十名編一佐領。每佐領下領催四名。馬甲六十六名。前奉諭分為三旗。每旗設散秩大臣總管各一員。副管旗章京副總管各二員。佐領各三員。換給關防圖記俸餉每年按三季支放。照所得職銜降一

字樣卷五八七

三二

等減半支給。其散秩大臣總管鑲黃旗布林管正黃旗鄂齊爾管正白旗托里曾賞三品全俸。今既給甲米。請亦減半支給。至伊等住房共需一千三百十二間。現在添造。俟工竣分派其鰥寡孤獨人等各附親屬養贍。又喇嘛十七名照例歸入普寧寺。按月各支銀米。下軍機大臣議。尋議應如所奏辦理。得旨布林鄂齊爾俱久經歸順之人。著加恩仍給與全俸餘依議。○廣西慶遠府屬忻城土知縣

莫景隆乞休。以其子若恭襲職。○是月御史姚成烈奏。近日雨澤愆期。奉諭清理刑獄。月之二十四日。刑部公牘中復有奏請處決拉林逃人等案。於哀矜庶獄之道似有所妨。請勅下問刑衙門。遇欽恤刑名之際。除案情重大者。仍應隨時正法。似此尋常處決案件。暫緩奏請。或該衙門聲名請旨。得旨所奏是。照所請行。直隸布政使永寧按察使喬光烈奏。直屬自春徂夏。雨澤愆期。臣等設壇祈禱。

字樣卷五八七

三三

據附近京省之各州縣具報得雨五六寸不等。惟宣遵二屬並永平屬之遷安縣需足省城雖未得雨。現在借糶兼施。糧價不至昂貴。得旨朕憂勞慚悚。至不知所為。看汝等此奏。不過尋常敷衍。似不介意。甚不可也。○漕運總督楊錫紱奏。現在湖內之水與運河之水將次相平。微山湖水不能暢流。是以韓莊八閘內行走維艱。今酌啟濟寧以上之金線和運三閘。使南旺上下得蜀山湖水接濟。俟尾

幫全入韓莊。即閉閘蓄備江廣重運。惟尾幫過濟寧後。例應閉南旺以南之寺前閘。今歲大雨未降。臨清閘外。衛河水淺。非挑濬所能濟。擬俟尾幫送出臨清後。將寺前閘五日一啟。以通行船。俾南旺。蜀山。馬踏諸湖水歸北較多。衛河亦得增長。得旨甚好。具見留心。但總因天旱之故耳。一得甘霖萬事寧。所以日夜焦愁渴望也。○總督管理甘肅巡撫吳達善奏。甘省河東一帶。自四月初旬缺雨。如皋蘭。金縣等十二廳州縣。因上年歉收。已於例外加賑。其被災較輕之環縣。河州等處。亦應加賑三月。現在銀糧兼散。減價平糶。得旨實屬無法。即京師亢暘情形亦甚。更添朕西顧之憂矣。今得霑足恩澤否。一切留意綢繆。勉之。

實錄卷五十七

三十三

大清高宗法天隆運至誠先覺體元立極敷文奮武孝慈神聖純皇帝實錄卷之五百八十七

實錄卷五十七

三四

大清高宗法天隆運至誠先覺體元立極敷文奮武孝慈神聖純皇帝實錄卷之五百八十八

監修總裁官經筵講官太子太傅文淵閣大學士文淵閣領閣事領侍衛內大臣詹事府詹事府

大學士理藩院事務正黃旗滿洲都統世宗憲御前軍機大臣等加一級尋常加二級軍功紀錄一次臣等謹

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部工部事務

世襲副都統軍功加十九級隨帶加三級又加二級臣等謹將內大臣戶部尚書張鳳翔滿洲都統軍功紀錄五次

尋常紀錄十四次臣等謹將太子少保工部尚書紀祿六次臣等謹將

敕修

乾隆二十四年己卯六月庚戌朔

平定縣志卷之八

上詣暢春園問

皇太后安○諭御史姚成烈奏近日雨澤偶愆正清理刑獄之時請將尋常處決案件審明定案之後牢固監禁暫緩奏請處決等因一摺已照所請勅部施行矣第該御史所謂尋常處決人犯原指拉林逃人佟起琴等二案而言該犯等以行竊發遣在配逃回尚非干犯名義麗於十惡及強盜不赦者比少緩時日正自不妨如殺一家非死罪三人及妻妾

謀死本夫強盜殺人各重犯仍當照例決不待時為情法之正易稱明慎用刑而不留獄若以上各犯亦令其監候豈非留獄反干天和耳朕蒿目焦勞靡間寢食然明罰勅法務在協中亦不肯以姑息為求雨之奇術也其勅內外問刑衙門知之○兵部奏齊大勇濫保照溺職例革職得旨齊大勇上年陞見來京看其志氣衰頹迴不如前已慮其難勝提督之任今復於保舉總兵案內將庸懦無能之遊擊安宛濫登薦剡部議革職誠為允當但念齊大勇在武途中漢仗尚堪驅策著加恩以叅將發往巴里坤効力行走以贖前愆旌表守正捐軀之直隸東強縣民潘士宗妻張氏 辛亥諭軍機大臣等厄魯特車林丹巴克特沁哈勒噶什等曾經効力軍營著加恩俱授為藍翎侍衛 又諭據胡寶瑤奏將衛河民間渠閘洞口全行堵閉俾河流歸注下游以濟漕運候正流充足再行照例分

啟等語現在漕艘已過濟寧正資衛河浮送蓄水濟運固屬因時酌辦之法但豫省河南各屬得雨已經透足其河北一帶雖節次得雨數寸民間尚不無需水灌田之處若將渠閘洞口全行堵閉恐農民不能接濟亦關緊要著傳諭張師戴楊錫紱胡寶瑒等公同酌量但使漕艘自臨清以北足以資送天津不致淺阻則民間渠洞亦須酌為開放俾暢正流以濟運而旁分餘水以潤田總在該督撫等彼此咨會審度水勢情形妥協調劑一面辦理一面奏聞務使漕運民田均有裨益尋張師戴楊錫紱奏自下南旺以南之寺前閘嚴行封閉汶水全歸北流臨清閘外水勢已增衛河上源之民渠民閘經堵閉後下流亦加數寸衛河之底流沙易壅上源注水愈多愈妙請將現封之民渠民閘嗣後閉兩日以濟運開一日以灌田如尾幫未過德州之先衛河得雨長水即將民間渠閘全行啟放得

旨好○補行湖廣省乾隆二十二年軍政罷軟官一員年老官一員才力不及官一員分別處分如例 癸丑諭前經降旨令將京通各倉成色米石撥交方觀承運至良鄉等處平糶以贍民食但此項成色米每石覈計不過四五成而輓運腳價反致虛費朕念切民依不若竟給通倉好米一萬石運糶在貧民尤需實惠而地方官亦便於接辦其成色米石仍就近與京城米廠照例減糶 又諭據清韻等奏稱巴里坤辦事之涼州府知府圖桑阿呈報審明刃殺民人馬幅之蔣二一犯乘間脫逃除飭委官兵嚴緝務獲外應將疎縱各員交該督撫照例題叅等語巴里坤哈密開展阿克蘇等處因距肅州寫遠派有總理大臣及隨同辦事之地方官一切逃盜案件既經呈報大臣等即宜速行審結不必行令該督撫辦理著為例 諭軍機大臣等據富德等奏稱大兵已至和闐安撫回人並詢

問霍集斯等進剿道路。及堵截逆賊要隘等語。覽霍集斯所繪圖內。英額奇盤山。在葉爾羌之西。霍集占移其牲畜及烏沙克人等。結營於此。特以我兵若抵葉爾羌。則此處賊人突出夾攻。互為犄角之意。無足深慮。但逆賊若不於城中藏匿。而固守此地。攜其妻子。潛度伯克呼爾瑞嶺。前無堵截之兵。自後追擒。殊為費力。即如從前博勒奔察。明瑞攻克呼特。賊人據險防守。而游牧久已逃去。此即無兵堵截之驗也。朕意伊等進兵。十日前。或二十日以前。富德隊內派精兵四五百名。以伯克鄂對帶領。似額勒登額之侍衛等。派出一二員。先於伯克呼爾瑞嶺堵截。賊若由此逃遁。自可成擒。未知和闐通伯克呼爾瑞嶺路。全無阻隔否。可傳諭兆惠。富德等查詢辦理。我兵若已取葉爾羌。霍集占尚在遁逃。著富德。明瑞領兵追襲。兆惠即在葉爾羌駐劄。辦事。不可爭執前往。卹巡洋淹沒之廣東碣

石鎮標右營守備曹榮邦如例。○甲寅。上詣暢春園。問皇太后安。○諭。據劉統勲等奏。稱將軍保德。同知呼世圖。那移庫項。通同掩飾。虧空數至一萬八千兩。請旨革職。研審等語。保德身為封疆大員。乃自將庫貯帑銀。與侵虧劣員。互為欺隱。殊出情理之外。保德。呼世圖。著革職。交與劉統勲等嚴審。定擬具奏。至同城之副都統。有此侵虧。那借情弊。付之不見不聞。明係扶同容隱。亦著解任。質審。其盤查庫項之歸綏道。固世衡。僅以庫貯無虧。而如此那掩。竟置不問。該撫塔永寧。一任屬員蒙蔽。並無覺察。直至普喜揭叅。始行具奏。均屬不合。俟審明完案時。一併交部嚴加議處。○又諭。藩臬為方面大員。凡該省事關民生利弊。屬員賢否。及地方雨暘穀麥情形。並應留心體察。以時繕摺入告。前經傳旨申誡。至再至三。乃近日如陝西布政使方世儒。山東按察使沈廷

芳履任已經一載。奏事僅止一次。陝西按察使楊纘緒受事二年。奏事亦止二次。且所奏不過人云亦云。無甚關係。伊等所屬地方。豈竟無可陳奏。抑為督撫意存顧忌。緘默不言耶。且方世雋。沈廷芳。向在科道中。屢有封奏。意若以建言自任者。今一為藩臬。志足意滿。於地方政務。輒爾漫不經心。是其平日所為。撫拾浮詞。獵取虛譽。不過為希心遷擢計耳。實心奉公之誼。安在。方世雋。沈廷芳。楊纘緒。俱著交部察議。○諭軍機大臣等。劉統勲等查奏。普喜首告將軍保德一案。審據糧餉同知呼世圖。供出虧空庫項一萬二千兩。因本道盤查。向將軍保德那借旗庫銀抵飾。又將前任穀價六千兩。虧缺無存。請將通同那補之將軍保德。同知呼世圖。革職審擬等語。覽奏。事出情理之外。深為駭異。保德身為將軍。如果持已公正。則廳員掩飾虧空。何敢輒行啟齒。且既告知情形。事關國帑。即應據實叅

奏。何至自將庫貯官銀代為那移影射。看此情節。若非通同染指。侵肥恐致敗露。必有曖昧不明之事。為呼世圖素日挾制。是以甘心共為欺隱。不然。則人雖下愚。亦當計不出此。且保德具摺叅奏普喜。謂該員目無上官。利慾薰心。而以提審人犯時。惟呼世圖一人先到。有意抑揚其詞。挾讐袒護。為先發制人之計。尤其罪之大者。著傳諭劉統勲等。將保德呼世圖革職。嚴訊確情。務在水落石出。不得僅將呼世圖定擬治罪。遂謂咎有所歸。可以顛預了事也。再副都統近在同城。有此侵虧。那借情弊。付之不聞。不見。明係扶同容隱。著一併解任質審。至該道固世衡。責在盤查。何得以銀兩無虧。而彼此那移至一萬數千兩。亦竟毫無體察。咎何可辭。塔永寧身係巡撫。一任屬員如此。侵虧蒙蔽。乃直至普喜揭稟。始行叅奏。均有應得處分。著逐一分別查辦。所有保德呼世圖在京家產。現已派員查封。

但呼世圖以微員虧項累數逾鉅萬如家
貲不足抵補並當於保德名下著落追賠其
任所貲財著一併嚴行查封可并傳諭知之
又諭據阿爾泰奏東省沂州府屬蘭郛一
帶本年麥收豐稔價值漸減請採買新麥四
五萬石或為本省接濟或為直隸協濟一摺
先事豫籌深為可嘉已於摺內批諭矣現在
直隸近京各屬未沛甘霖民間食用所需正
宜多方儲備除京師發倉平糶不限時日數
目及水次截漕八十萬石米糧頗為充裕其
麥石一項若再加補直調劑尤於閭閻有裨
著傳諭阿爾泰令其即於沂州等府麥石豐
收處所採買四五萬石留貯備用如日內近
京得霑渥澤大田可望有收可以無需撥運
則此項麥石即可留佐該省倉儲倘直屬有
必須接濟之處運河一水可通臨時候旨運
赴直隸以贍民食尤為妥便以西藏辦事
大臣伍彌泰為正藍旗蒙古都統以鑲藍

旗護軍統領恒祿為綏遠城將軍正白旗漢
軍副都統瑪瑞署理鑲藍旗護軍統領乙
卯諭朕恭祭
方澤值祈雨之時竭誠籲懇未獲甘霖夏至已
逾迫不可待後日即進宮徹膳虔齋思過待
命十一日敬舉
大雩之禮以祈
天佑一切禮儀該部速議具奏諭軍機大臣
等據兆惠等奏稱霍集占兄弟與霍罕城之
額爾德尼伯克交好將來或往相投喀什噶
爾之西歧路有三大兵欲擒賊必先據此三
歧要隘因傳檄額爾德尼伯克曉以利害其
先取喀什噶爾再於葉爾羌會兵之處公同
詳議具奏等語進剿逆賊堵截逃路甚宜籌
畫但舍葉爾羌而攻喀什噶爾未必計出萬
全若分兵力弱更覺難收實效看來自烏什
往喀什噶爾尚屬直捷兆惠富德等皆熟悉
道路自應詳悉查詢昨覽富德所進地圖葉

爾羌之西有自英額奇盤山過伯克呼爾瑞
嶺通巴達克山之路朕即諭以駐兵堵截為
要今兆惠奏內未曾敘及此地亦須留心商
榷總之進兵形勢固須詢問回人要貴中有
定見若向伊等責成取必不但見識短淺且
慮其心生疑懼轉多支詞飾說可傳諭兆惠
富德等此次應先攻何地於何處堵截即會
同酌議具奏地方遙遠不必候朕指示一面
應機辦理○丙辰諭軍機大臣等呼世圖以

同知微員到任不過二年虧空至一萬數千
兩之多及查封在京家產並無所蓄殊不可
解除任所貲財已經傳諭嚴查毋使隱漏外
看來此等狡獪之徒不無別有通同肥橐及
詭計寄頓情事再保德家產現查亦屬無幾
據伊家人供家內所有房產地畝文契及衣
服等項俱在任所想亦不無隱匿著傳諭劉
統勲等一併詳悉嚴審具奏○又諭曰馬大
用奏現在患病請解任調理一摺昨據楊廷

璋奏到馬大用患病雖漸次痊愈尚難辦公
已委金門鎮游金輅駐厦協辦是該提督一
切營伍日行事件現有該鎮可以協力經理
該提督惟當於所轄水師緊要重務總其大
綱不妨從容調養漸冀病體就愈毋庸汲汲
以解任陳請也著傳諭知之○兵部議准直
隸總督方觀承奏請將秦寧鎮標遊擊守備
照馬蘭鎮旗例於滿洲漢軍綠營官員內揀
選補放從之○荊州將軍嵩椿奏荊州城守

叅將兼管之水師營設有戰船於每歲秋令
叅將帶領城守營兵駕船操練滿兵雖解騎
射於水路攻戰之法未嫻請於綠營領兵操
練時一體演習得旨好但不可滋生事端
給事中黃登賢奏糧船抵通除交倉全完餘
米由坐糧廳給票攜回嚴禁通州私糶上年
奉諭弛禁現在各幫船將次到通京城內外
設廠分糶需米甚多請勅下漕臣暨倉場侍
郎查照上年事例辦理得旨允行○蠲免陝

西朝邑縣乾隆二十三年水淹灘地租銀一千一百五十兩有奇○丁巳

上詣暢春園問

皇太后安○還宮是日起

上以

大雩祀

天於

園丘齋戒三日○戊午諭前經降旨採辦豫東兩省麥石運京減糶比來市價日平頗著成

平糶奏旨之八

效但思懋遷有無亦須商販流通民間更得源源接濟近聞該二省地方有司因欲豫備官辦而於往來商賈不免意存節制殊非扼彼注茲之義著該撫等即飭諭所屬留心體察遇有商販到豫東採運務令加意照看勿任胥役阻遏俾通商裕民兩有裨益所有該二省商人販麥北來者近日多寡情形並著查明奏聞○又諭前因陝省榆林葭州等處頻年被災加恩賑濟嗣以麥收尚早而例賑

已竣復經降旨加賑現在邊地雨澤未能霑足麥收歉薄計距秋收之期尚遠民食未免拮据深堪軫念著再加恩將榆葭等十一州縣被災七八分之極貧與被災九分之極次貧民再行加賑兩月酌量地方情形銀糧兼給以資糊口其榆延等屬去秋未經被災州縣二麥歉收之處亦准照例酌借籽種口糧俾編氓盡力南畝以待秋成該部速遵諭行○又諭貴州提督哈攀龍來京陛見看其言詞恍惚步履竭蹶病體未能向愈著解任在京調理俟痊可之日再降諭旨所有提督印務即著周人驥暫行兼署諭軍機大臣等上年黃廷桂奏武忱成德怠玩誤公曾降旨將伊二人革職交該督令其効力贖罪伊等現在委辦何項差務果能奮勉出力與否著楊應琚查明據實奏聞○又諭曰哈攀龍陛見來京見其言詞恍惚步履竭蹶大非從前光景看來其病尚未痊可業經降旨令其

解任調理。但哈攀龍所患病症。是否途次加劇。抑係在任時已似此情狀。提督鈴轄通省營伍。如已駁尋日久。其於辦理事件。作何支持。從前愛必達曾因公赴黔。如果見其病體若此。即應據實入告。何並未經奏及。周人驥現攝提篆。其前此辦事情形。亦知之必稔。著一併傳諭該督撫。令其詳悉查明奏聞。尋周人驥奏。提臣哈攀龍。於去秋患病。凡考驗官兵。俱親行校閱。在任並無貽誤事件。入覲時情形。或因途次加劇所致。得旨。至今伊尚未能行走。足見汝等外省督撫。無肯任勞任怨者。且此亦何要務。而擅動驛遞乎。陝西巡撫鐘音奏。西同等屬二麥登場。收成不薄。茲已普得時雨。民心甚安。現在五府州所屬米麥。除撥協外。尚存糧八十四萬餘石。倉儲不為無備。所撥協甘糧石。俱係平常積貯市價。無由加昂。至陝省民情敦樸。隣省災荒。無不樂於輓輸。況西同等屬運糧赴涇。而畧陽又

接收川錢。轉運甘省。相繼接遞。馱腳已屬不貲。若再分運川米。費更繁重。且時屆農忙。轉恐有妨民事。其川米請仍停撥。運至西同等屬。撥缺額穀。俟秋成買補。還倉得旨。如此是朕所願也。如所議行。已未
上詣
南郊齋宮齋宿。庚申。
上自齋宮步詣
園丘行
大雩禮。
御製
大雩祝文曰。臣承
命嗣服。今廿四年。無歲不憂旱。今歲甚焉。曩雖
失麥。可望大田。茲尚未種。赤地里。千嗚呼。其
惠雨乎。
常雩步禱。未蒙
靈祐。
方社

方澤均。漢弗佑為期。益迫嗟。萬民誰救。敢辭再瀆之罪。用舉

大雩。以申前奏。嗚呼。其惠雨乎。

上天仁愛。生物為心。下民有罪。定宥林林百辟卿士。供職惟欽。此罪不在官。不在民。實臣罪日深然。

上天豈以臣一身之故而令萬民受災害之侵。嗚呼。其惠雨乎。謹以臣躬代民請。

命。昭昭在上。言敢虛佞。計窮力竭。詞慙誠罄。油

雲沛雨。

居歆賜應。嗚呼。其惠雨乎。是日大雨竟日。詰暢春園。問。

皇太后安。○幸圓明園。○諭軍機大臣等。兆惠等以進剿情形。覆詢和什克伯克等。定議。兆惠領兵先取喀什噶爾。富德攻葉爾羌。巴祿由巴爾楚克路。與富德會合。互相策應。其喀什噶爾西去之鄂坡勒嶺。可通霍罕。敏珠爾嶺。玉斯屯河喇圖什嶺。俱通安集延。沿途之

額德格訥。伊什克里克等部落。皆傳檄曉以利害。并將地方形勢繪圖具奏。昨覽富德所奏地圖。有由英額奇盤山通巴達克山之路。是以諭令派兵堵截。今兆惠等悉心籌畫。自合機宜。著照所奏分路進兵。聲息相通。務期獲醜。朕意我兵既入霍集占等若仍分守兩城。即各行奮力攻取。一城先下。即合兵協力。如霍集占走投喀什噶爾。則前後攻擊。自必成擒。或布拉呢敦知要隘已塞。棄城逃來。葉爾羌必兄弟會合。往投痕都斯坦。巴達克山。喀喇土伯特。覽伊等所奏地圖。富德圖內。則有英額奇盤山。伯克呼爾瑞嶺。通巴達克山。兆惠圖內。則有通巴達克山之玉魯克嶺。通巴勒提之裕勒阿哩克。及通喀喇土伯特之薩納珠等路。駐兵堵截。甚關緊要。今將兩圖重繪。於應行駐兵之地。粘簽指出。寄伊等閱看辦理。○又諭曰。富德奏擒獲之回人布庫塔斯。懇請發往葉爾羌。招撫鄂斯瑞。及喀喇

沁之厄魯特等。又將効力之阿什默特。暫管和闡六城事務。其各城辦事伯克等。給與翎頂。以肅觀瞻等語。布庫塔斯。尚非要犯姑從寬釋。令其招撫回人。自屬可行。至各城効力回人。既經分別獎賞翎頂。著加恩仍賞緞各一端。其家屬被害之額里齊伯克。阿什默特。哈喇哈什。伯克。默舍。協辦額里齊事務之古爾班和卓。玉隴哈什。伯克。摩羅穆努斯。克勒底雅。伯克。阿里瑪沙。哈喇哈什之阿里木沙。與告知大兵來信。以堅衆志之阿里雅爾。俱著加賞緞一端。至陣亡及被賊戕害之回人等。將逃叛家產。查出賞卹。得傷回人等。各賞銀十兩。俱照所請行。其守城回人千餘。亦屬効力。俱著酌賞銀兩。再効力之索倫領催署章京布特木濟等。既戴獎賞翎。著加恩將戴孔雀翎者。授為三等侍衛。戴藍翎者。授為藍翎侍衛。○又諭藍翎侍衛哲勒順。自阿克蘇遣往和闡。招撫克勒底雅人等。正值鄂斯

瑞攻城之際。為賊所害。據富德查奏。伊原係寧古塔馬甲。其父扎勒虎。原任吉林鑲白旗驍騎校。弟哲森保。現任正白旗佐領等語。著傳諭吉林將軍薩喇善等。將哲勒順有無子嗣查奏。若有子。即加恩給與世職。無子。則酌量賞給伊父銀兩。以示優卹。○辛酉。諭軍機大臣等。副將軍富德。奏請補授和闡等城伯克。霍集斯。鄂對。皆甚屬効力。和闡係霍集斯舊屬。著授為管和闡六城之阿奇木伯克。鄂對前已授為阿克蘇之阿奇木伯克。著仍其舊任。額里齊伯克。阿什默特。授為散秩大臣。其各城伯克。照阿克蘇烏什例。賞三品帽頂。孔雀翎。協辦事務之伯克。賞四品帽頂。孔雀翎。霍集斯現在軍營。其和闡六城事務。即交阿什默特署理。○又諭據富德奏稱。霍集斯鄂對。請將阿什默特。授為管和闡六城伯克。霍集斯人不可信。未便留於故地。已密諭兆惠等。令富德如此辦理。特以安慰衆心。揆之

理勢。霍集占等尚未就擒。其補授總理諸城伯克之處。即不遽辦亦可。但富德等業經具奏。未便停止。富德進兵時。著與霍集斯鄂對同往。兆惠等功成。令霍集斯鄂對和什克伯克。同來陞見。霍集斯若安心來京。俟至日再行酌定。倘有推諉延緩情形。兆惠等當相機辦理。此時加意慎密為要。又諭曰。楊應琚奏到內地籌補哈密撥缺糧石一摺。現在軍營需用糧石。陸續輓運。約計足敷應用。兼有牛羊緞疋等項。可資易換。且和闐等處種植有收。該將軍等軍行所至。因糧之處。當復不少。現在進兵之時。樽節支用。斷不至於缺乏。毋庸汲汲多為擘畫。著傳諭該督所有自哈密已經起運之糧。聽其解赴闡展。至內地補項糧石。竟可緩緩籌辦。甘省現值歉收。軍儲與民食。正當並重。惟應多留餘糧。以給平糶賑濟之用。即所撥亦不過一二萬石。而內地民情觀望。恐撥運繁多。或不免張皇失恃。此

則甚有關係。不可不為深維也。其兆惠等已另行傳諭矣。又諭。據尹繼善奏籌辦楚米運京及採買上下江米石。撥運江西倉穀一摺。現在覈計湖南湖北二省漕船。既不足敷搭運。自應先儘本省運載之外。將多餘米石。豫期運赴淮揚。俟江浙漕艘經過時。酌量分派兌運。其一切委員交卸事宜。著尹繼善即行咨商。碩色馮鈴彼此妥協辦理。至上下江地方。雖現值豐收。價減之時。但前此曾經災歉。民間元氣初復。一應倉儲倍宜補貯充裕。且直隸地方現在光景。亦可不必要多需協濟。所有江南米穀。竟可毋庸採買。惟江南素稱產米之鄉。邇年俱獲倍稔。倉儲有餘。或於存倉穀內。量其饒裕之處。分別轉撥十數萬石。一併搭運。庶為挹注合宜。著該督隨時察看情形。熟籌妥辦可也。又諭。昨據保德續奏。同知普喜置買產業費至數千金等語。已傳諭一併查辦矣。該員以同知微員。到任年餘。

廉俸有數何以在京查伊所有房產已不下數千金則其居官大畧可見在保德此奏難免跡近挾嫌但前此奏伊利慾薰心已在普喜揭叅未到之時自非無因著傳諭劉統勲等令其確切查辦不得因其先發制人遂爾稍為遷就至保德乃大員審明定案自當照例辦理若普喜等侵貪果實應即在本處完結俾衆知懲創不必解京徒多紆折從前辦理蔣洲等一案大加振刷晉省吏治自當肅

平定奏

卷八

清何尚有玩法侵肥如呼世圖等劣員吏治何由整頓不可不盡法痛懲以儆將來將此傳諭知之○壬戌諭前因京師亢暘屢申虔禱昨於十二日仰沐

天庥甘霖霑沛至今濃雲四合瀼瀼續紛膏雨疊施所及者廣直屬地方自必普遍優渥土脈透潤現在節屆小暑正須亟事翻犁播種以承

恩澤著方觀承速飭地方有司廣為勸課並查

明無力農民分別酌借牛具籽種等項俾得乘時盡力耕作以冀秋成○又諭河南命犯樊銀周推跌陳四禍一案據大理寺少卿顧汝修以該犯實係戲殺應准留養因簽商刑部不允具摺陳奏而該部回奏仍以理曲傷重例不應准為辭夫例載鬪殺案內理直傷輕及戲殺誤殺准其留養是理直傷輕專就鬪殺者而言若既云戲誤則其情節本不甚重可知例義本極明晰此案樊銀周以奪饌

五十二

三

互推使當場果有先戲後鬪情事即應用鬪毆本律科斷乃該省既取陳四禍父叔供詞稱係戲頑是實而該部亦不能徑指其是鬪非戲但牽用鬪毆條內理曲傷重之文以為依據又何怪顧汝修之嘵嘵置喙耶然以顧汝修之意轉似此時不予留養該犯即不得復邀寬典者殊不知即鬪毆內部議不准留養之人皆令秋審另冊進呈尚得量從矜宥況於誤與戲乎即為該犯父母應為憫恤獨

不念死者之親屬。又何以堪此乎。蓋此等好勇鬪狠之徒。原非必即時擬抵者可比。不過問擬監禁。俾居憂懲。念所全正多。若一切曲為開脫。致澆風漸長。扞網者日繁。是非愛之適以害之也。毋論現在執法之司。於人命重案。不敢立意吹求。即少有過當。朕慎恃國憲。從來不設成心。又肯任其意為輕重乎。然此案死者之父叔。既稱因戲。距秋讞所爭亦止數月之間。適當省刑之會。且顧汝修所奏。亦屬近是。即照所請。將該犯樊銀周准其留養可耳。第向來九卿等每遇會鞠集議之案。妄意比附。輕減一二人。便可市德沽名。聚訟紛紜。幾成痼疾。倘顧汝修因有此奏。遂自謂得計。輒思踵事牴牾。而問刑衙門。亦或稍存遷就之見。則大非明刑弼教本意。其為亂法均耳。將此通行傳諭知之。○癸亥。

上詣暢春園。問

皇太后安。○吏部議准。總督管江蘇巡撫陳宏

謀疏稱。松江府屬之金山縣。雍正四年。由婁縣分設。就金山衛城為縣城。在縣境東南。偏僻寬遠。民間完糧不便。前於適中之洙涇鎮。建倉徵收。惟監獄建於衛城。只留典史防守。未免疎虞。酌議將洙涇鎮改為知縣駐劄之所。典史監獄並移於此。查金山縣縣丞。泖橋司巡檢。向皆駐劄洙涇。今有知縣典史。不須該員彈壓。請將泖橋司巡檢。移駐金山衛城。縣丞移駐寶山所。改為寶山縣縣丞。太倉州七浦鎮。係海口要地。請將寶山之顧逕巡檢。移駐改為七浦司巡檢。均應如所請。從之。○調鑲紅旗漢軍副都統馬瑞圖為京口副都統。○以奉恩輔國公如松為宗人府左宗人。輔國公永璥為右宗人。○甲子。吏部議准。兩江總督尹繼善等奏稱。江南松江府屬之金山。華亭。奉賢。南匯。上海。五縣濱臨大海。民間田廬。全賴海塘捍衛。是以舊設海防同知。移駐柘林。專管彼時止有金山。華亭三縣土石

塘工一百餘里。繼因海潮為患。接築奉賢南匯。上海。土塘共二百五十餘里。同知一員。照料難周。必得廳員就近分管。查金山衛川沙營。係近海要地。請將柘林海防同知移駐金山衛城。專管華亭金山二縣海塘。府城之水利船政通判移駐柘林。專管奉賢縣海塘。董漕同知移駐川沙城。專管上海南匯三縣海塘。並請改糧捕通判為管糧通判。其水利通判專管之松江船廠。仍歸柘林通判管理。以

實錄卷八十八

三

上移駐之同知通判。及舊日移駐濱海之蘇州府海防同知太倉州州同。均係專司防海之員。請定為要缺。在外揀選調補。從之。○以刑部郎中閔鶚元為四川鄉試正考官。編修周於禮為副考官。編修秦豐為廣東鄉試正考官。翰林院侍讀學士景福為副考官。編修錢載為廣西鄉試正考官。戶部主事于雯峻為副考官。翰林院侍講學士王鳴盛為福建鄉試正考官。御史胡澤漢為副考官。侍講張

若澄為湖南鄉試正考官。御史胡紹南為副考官。

實錄卷八十八

三八

大清高宗法天隆運至誠先覺體元立極敷文奮武孝慈神聖純皇帝實錄卷之五百八十八

大清高宗法天隆運至誠先覺體元立極敷文奮武孝慈神聖純皇帝實錄卷之五百八十九

監修總裁官總纂官太子太傅文淵閣大學士文淵閣總纂官領侍衛內大臣稽察欽奉 上諭事務處管理吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶隆總裁官經筵講官太子太傅文華殿大學士文淵閣總纂官稽察欽奉 上諭事務處管理刑部戶部工部事務世襲騎都尉軍功加十九級隨帶加三級入加二級臣董浩內大臣戶部尚書保琳滿洲都統軍功紀錄五次尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十四年己卯六月乙丑諭河南命犯

樊銀周留養一案顧汝修與刑部籤商彼此爭執已降旨允行矣今刑部查例如許而顧汝修又曉曉致辯夫法司會核自宜和衷持平即意見少有參差亦應虛已研求務衷一是非可以口舌雌黃坐分畛域也論戲殺誤殺例條所係雖與鬪殺案內之理直傷輕者同科然理曲傷重之語又統承戲誤而言則定例之初亦必有深意蓋律令之設有常情變之歧百出其中豈竟無迹涉戲誤而情罪

之重乃甚於尋常鬪毆者使欲泥其文而曲貸之則書所云適輕下服適重上服之文何以稱焉朕敬慎折獄期在協中樊銀周之案其罪尚屬可原初不因顧汝修之奏而為之寬減但以刑部大理寺同為司憲其事非甚難明而始終各伸其說跡而不化則黨同伐異之風正不可不防其漸所有刑部堂官及顧汝修俱著飭行○丙寅

上御勤政殿聽政○以內閣學士熊學鵬署禮

部侍郎○以原任太僕寺卿宮煥文補原官

丁卯

上詣暢春園問

皇太后安○諭曰保德緣罪革職其散秩大臣著素玉承襲令其在京當差○諭軍機大臣等馮鈴所奏湖南運赴江省水次米十五萬石一切事宜甚為妥協至另摺請再撥江南穀二十萬石明歲搭運赴京令湖南省於秋成後代為如數買運補倉一事可以無庸辯

理前因附近京師地方得雨頗遲分廠發倉平糶穀石備用多多益善此特先事豫籌之策時因該撫適有本省常平倉穀可以運送江南之奏隨令咨商尹繼善即將此項米石運京備用迨節屆小暑連日甘霖大霑近畿各屬並叨霑渥大田俱及時耕種可望秋成積穀之家出糶者多又河道水長估舶亦可源源輻輳所有直隸節次降旨截留漕糧八十萬石看來尚可不須全數動用則該撫祇

須將前項十五萬石從容遞運其續籌運送之項竟行停止已於摺內批示將此並詳悉傳諭知之○戊辰諭曰愛必達奏楚姚鎮總兵陳益將以陞見起程舊疾猝發請緩至七月起程提鎮履任三年令具摺奏請陞見其人材優劣精力盛衰並可隨時體察今陳益因來京稱疾貴州提督哈攀龍自云病愈來京而言辭步履依然不能自主福建提督馬負書又因來京忽值感冒風寒不即就道夫

疾病雖常有之事然若無陞見之例其甚不堪者不幾資其養拙戀棧而姑息之督撫或且以為無礙姑容則害戎政為大矣即督撫膺一省重寄藩臬任方面專司吏治民生所繫尤為重大若以往來資斧計議則尚可謂之封疆大臣乎且如胡寶琛無歲不請陞見而總未允其請嗣後督撫藩臬皆宜如提鎮之例若朕深知及有要務者自不令其亟來也○諭軍機大臣等據劉統勲等奏同知普

喜通判根敦扎布等毆法婪贓情節昭灼除根敦扎布已經叅革外請將同知普喜革職以便嚴審等語普喜已降旨革職矣看來劉統勲等所奏摺內塔永寧終不免有迴護普喜之意而劉統勲為之遷就此大非矣此等劣員既係款蹟確鑿一面奏聞即應一面嚴加刑訊尚何所顧忌而必待案犯到齊之日始行質訊耶晉省辦理蔣洲楊龍文之後以為可漸就肅清不意猶有如此大干法紀者

該省吏治尚可問乎。此案保德身係大員。如審無侵婪重情。其本罪原在那墊庫項。自當仍遵前議。定擬解京請旨。其餘各犯。應照蔣洲楊龍文之例。嚴審定擬。具奏。即於本處辨結。以示懲創。○又諭。前據塔永寧奏。山西各屬有得雨。尚未需足。未能補種齊全者。深為厯念。現在時屆小暑。京師自本月十二日以來。仰沐

天恩。已連次得有透雨。現可乘時翻種。未知晉

省各屬亦能普得雨澤否。著傳諭劉統勳。塔永寧。即將晉省各屬近日曾否得雨情形。備悉奏聞。以慰朕懷。○己巳。諭曰。尚書傅森之母故著加恩。遣散秩大臣一員。帶領侍衛十員。往奠茶酒。並賞銀一千兩治喪。○又諭曰。傅森現居母喪。其鑲白旗蒙古都統印務著果親王暫行署理。諭軍機大臣等。定長等奏。據舒景阿報稱。烏魯木齊所牧馬騾被賊驅入博克達山。隨派官兵追至穆壘之源。賊

棄其什物。直向薩爾海逃去。等語。前主事富奎擒獲瑪哈沁。供內有綽羅斯台吉烏勒木濟帶三十七戶。在瑪納斯山藏匿。經定長等奏至。朕即諭車布登扎布沿途留心搜捕。此次竊馬賊人或即藏匿瑪納斯山者。亦未可定。且平定伊犁時。厄魯特等多投入哈薩克。今值我兵撤回。伊等乘虛盜取馬匹。復回故地。正自不必可傳諭車布登扎布等將瑪納斯山藏匿薩爾海敗逃及哈薩克轉回之瑪哈沁等嚴行搜捕。○又諭曰。定長等奏。舒景阿聞馬騾被竊。即同遊擊金梁往追。定長等亦派兵協拿。又令主事富奎前往。等語。舒景阿管轄屯田兵丁。不能搜勦。瑪哈沁致馬匹牲隻被竊。則現在送往軍營之牛羊。由額林哈畢爾噶行走。若致盜竊驚失。所關匪細。努三。永德現在烏魯木齊辦哈薩克貿易事務。著文與伊等查拿。仍傳諭舒景阿馬匹牲隻被竊。伊即有應得之罪。乃並不具奏。但呈報

定長等。竟若職不當奏事者。顯係推卸。今哈薩克貿易尚須時日。努三等皆身經戰陣之人。烏魯木齊兵力即不能盡勦。逸賊而護送軍需牛羊。不致疎失。方為無忝職守。其加意勉之。○又諭昨諭富德將應援兆惠時伊隊內應賞巴圖魯號者。查奏四五人。今思所奏之藍翎侍衛那木扎勒十人。俱奮勇勦賊。負傷効力。且人數亦不甚多。那木扎勒著加恩賜號丹巴巴圖魯。錫爾庫勒賜號舒都喇呼。

巴圖魯伊登古賜號固濟爾巴圖魯。侍衛上行走之護軍校額爾色衣賜號特古斯巴圖魯。領催署防禦科丕塔賜號伊德爾巴圖魯。獎賞藍翎領催濟木保賜號尼斯庫巴圖魯。阿達罕賜號庫爾察巴圖魯。領催恩特賜號卓克托巴圖魯。前鋒巴爾塔賜號布圖庫巴圖魯。登耨賜號圖魯巴圖魯。仍照例各賞銀一百兩。額爾色衣因差來京。已授為三等侍衛。著加恩賞銀三十兩。馳驛前赴軍營。○稽

察宗人府事務。御史宗室石麟奏定例。宗室自四五品以下。至閑散。遇有喜喪事。應得恩賞。若現任王貝勒貝子公承聘者。不應支領。今和碩簡親王奇通阿多羅理郡王弘暘之女出嫁。均違例支領得旨。石麟所奏甚是。恩賞銀兩。雖係宗室應得之項。亦不應漫無區別。奇通阿弘暘身係王爵。又管宗人府事務。何得違例支領。著罰王俸一年。此案畫押管理。宗人府王公等著罰本任俸一年。該司官

並銀庫官員著交該部察議。具奏嗣後宗室等如何分別給與恩賞銀兩之處。著軍機大臣議奏。尋議宗室覺羅遇有婚喪事。除現任王公一二品大臣之子。革退王公未娶妻十四歲以下。宗室十七歲以下。覺羅以及緣事圈禁並在家圈禁。均不給恩賞銀兩外。其現任王公一二品大臣之孫。已薨逝。革退王公已故革退一二品大臣之子。未兼一二品者。頭品以下將軍三品以下官員。閑散宗室。覺

羅以及已娶妻宗室覺羅。並十五歲以上宗室十八歲以上覺羅。在家園禁宗室覺羅之女。均給與恩賞銀兩。宗室覺羅之妻。故者。無論伊夫存故。均照伊夫品級賞給。宗室覺羅之妻。已生有子孫。夫故後身故者。照伊子孫品級賞給。從之。○補行陝西省乾隆十六十九二十二等年三次大計。不謹官一員。年老官八員。有疾官三員。才力不及官三員。浮躁官三員。分別處分如例。庚午諭。口外多倫諾爾等處。因爾來糧價稍昂。商販稀少。恐民間食米。未能源源相繼。著該督嚴諭四旗八溝等處。不許違例過糴。俾商販流通。用資接濟。其八溝塔子溝地方。蒙古王公台吉等屬下殷實之戶。所收粟穀。不無待價觀望。未肯乘時出售。並著理藩院行文該王公台吉等。曉諭屬下。各出所藏。照時價售賣。在伊等可以得價獲利。而邊口米糧。日見充裕。實屬兩有裨益。該衙門遵諭速行。陝甘總督楊應

琚奏。西寧青海之得卜特爾。伊克柴達木等處設卡。原以防範準夷。今伊犁已入版圖。口外各處駐兵卡隘。人跡不到。請自今年八月防兵回汛時即停。其青海蒙古。仍各於駐牧邊界防守。下軍機大臣議。尋議前黃廷桂以伊犁平定。請將巴顏布拉克派駐官兵。撤回西安。所有噶斯口至青海各卡。派蒙古及西寧鎮官兵防守。事屬空設。應一例裁撤。其蒙古官兵二百四員名。即於各邊界防守。聽官理青海事務大臣查察。西寧鎮標官兵一百四員名。莊浪滿營官兵二十四員名。均撤回本營從之。辛未。

上詣暢春園。問

皇太后安。刑部奏。公斗保家人二達色等毆死披甲人伯明阿。請將斗保交宗人府詢問。情由再行審辦。得旨。此案即交刑部審明。定擬。斗保人本平庸。不稱公爵。著革職。所襲之爵。如得自軍功。仍應承襲。否則即行裁汰。著

宗人府查明具奏○壬申

上詣暢春園問

皇太后安遣官祭

火神廟。諭曰薩喇勒前在軍營獲罪但伊曾率衆由準噶爾來歸著加恩授為散秩大臣並補授鑲白旗蒙古副都統明安所遺正藍旗滿洲副都統員缺著烏勒登補授烏勒登軍營未回之前著和爾精額署理馬瑞圖所遺鑲紅旗漢軍副都統員缺著海明補授綏遠城左翼副都統員缺著車臣調補右翼副都統員缺著興常調補車臣所遺正黃旗漢軍副都統員缺著素玉調補○諭軍機大臣等據劉統勲審訊善喜婪贓累累寄頓狡獪情形實出情理之外深堪駭異但其中尚有審勘不到之處如普喜查出資財不下萬有餘金而所供得受贓銀祇有數百兩猶必俟衆証確鑿始行承認豈有親身自為之事年歲未遠竟有不能記憶者再其所稱通判

任內九年約計辦駝得銀數千金及房地輾轉取息等語其言支離含混未可任其顛項了事究竟所得贓物除米店商人之外更有何人豈可置之不問且觀其寄頓之項蹤跡詭秘或所供不盡於此應一併盡刑嚴究速結毋得狡展遲延劉統勲若已起身來京仍回究明此事○癸酉

上還宮○諭陝省運送甘肅糧石現在時值農忙若照舊例平路每百里給腳價銀一錢未免不敷雇覓著加恩將陝省運送涇州糧石照涇州以西之例每石每百里給腳價銀一錢六分其陝甘運送錢文並著加恩於向例每百里給腳價二錢之外量給回空銀六分以示體卹該部速遵諭行 諭軍機大臣等富德等奏稱和闐與葉爾羌之間並無城郭不過零星村堡霍集占已將葉爾羌附近居人收入城內今續到馬匹若能趕赴更善否則就現在馬匹千餘整頓起程緩行以待且

葉爾羌通痕都斯坦喀喇土伯特之薩納珠奇里洋裕勒阿哩克等要隘距和闐甚遠亦必由此經過方得水草且可分道偵探賊人信息賊若向痕都斯坦等處逃走正與我兵相遇更易成擒擬於六月初酌辦口糧起程沿途相機勦撫所辦尚合機宜昨兆惠等奏詢問和碩克伯克所言喀什噶爾以西三路須先為據守防賊竄逸又續奏伊領兵攻喀什噶爾富德攻葉爾羌俱令互商並於地圖粘簽指示此時應已奉到其悉心籌畫以奏膚功又富德奏稱伊與伯克霍集斯同行其伯克鄂對已遣往阿克蘇等語並傳諭兆惠等鄂對効力軍前已將二載自當稍為休息聞伊行裝為賊所掠甚可軫念著賞銀二百兩令其在阿克蘇辦事若情愿出兵兆惠即同伊前往仍著加意體卹又諭曰富德等奏稱侍衛烏三泰員外郎留保住曾借給二年俸銀整裝前抵軍營應於京俸內坐扣還

項可否照瑚什等之例免其坐扣等語烏三泰等皆派往軍營所借整裝銀兩即照瑚什之例賞給再侍衛敦察與留保住同行富德等未經奏及豈以伊在兆惠軍營故耶殊屬拘泥敦察著加恩亦照烏三泰等例一體賞給不必坐扣○甲戌

上御太和殿視朝文武陞轉各官謝恩○幸圓明園○諭據吳士功奏福州府閩縣南洲地方拿獲積年巨盜劉良福夥犯薛德清等一十八名並附近匪竊七十三名現在照例擬具題等語閩省地屬海疆民風素悍南洲濱水之地向有積匪恃為淵藪正當力為懲創以除稔惡而衛商民該撫等能董率屬員設法緝捕積盜不能漏網深屬可嘉巡撫吳士功按察使史奕昂知府蔣允君俱著交部議敘所有此案派委兵役人等著即查明分別賞給以示鼓勵○諭軍機大臣等前兆惠等曾奏稱投往回部之沙喇斯瑪呼斯等厄

魯特皆惑於霍集占之言謂歸降亦不免死因助逆賊為惡等語此次進兵非平定伊犁可比特欲擒獲霍集占等輯寧回部至厄魯特等尚應招撫寬宥革其從逆之心以分賊勢且兩路軍營俱有效力之厄魯特等應明白曉示不但歸誠之回人加恩安養即沙喇斯瑪呼斯等厄魯特果能悔罪來降亦一體撫卹兆惠等即徧行傳諭相機辦理○又諭曰富德奏遊擊伍靈阿在軍前病故伍靈阿

前以遺失礮位部議革職續因守禦和闐頗屬効力准其開復今聞病故殊可憫惻著加恩賞給恩騎尉准襲一次仍賞銀五十兩○吏部議准署江西巡撫阿思哈疏稱龍泉縣秀州司巡檢署向設金田地方民戶稀少查該巡檢分汛之三十三都衙前市距金田不遠地屬衝衢酌議移駐應如所請從之○乙亥諭京師幸沛甘霖秋成可望惟是春夏之交天時亢旱米價稍昂數月以來雖經發倉

設廠源源平糶八旗兵丁亦已加恩賞給閏月甲米但時距西成尚遠著將通倉八月應放官員秋季俸米即於七月內先期一併開支庶近畿糧石愈充市價亦就平減該部遵諭速行○又諭據阿爾泰奏江南海州贛榆及邳州等報稱六月初五等日有飛蝗一陣自東南飛往西北又據沂州府及蘭山蒙陰寧陽各屬稟報飛蝗過境與江省州縣所報相同等語飛蝗為害農田所關綦重著侍郎

裘曰修內閣學士海明馳驛前往山東一帶迅速察勘究竟起自何處江南境內即有生蝗處所地方官自應盡力躡撲務盡根株乃至滋蔓飛颺遠延隣省各該州縣官即應查明革職拏問總督尹繼善巡撫陳宏謀既不能董率於前復不即嚴叅於後所司何事亦應交部從重議處至直隸近畿各屬甘霖大需大田可冀有秋司民牧者尤宜一切周防毋稍疎懈東省飛蝗已過寧陽難保無北來

之患。著總督方觀承前往東省連界地方星速查看。並令鹽政官著總兵常福一體協力防範。倘有疎虞。惟伊等是問。○諭軍機大臣等。據阿爾泰奏。江省海贛邳州各處前經闢報飛蝗。又據東省沂州府蘭山蒙陰寧陽等屬俱報飛蝗。自東南飛往西北。現在親赴督捕等語。江南地方雖據該督等曾經報有生蝻處。所飭令地方官加緊撲捕。今觀東省所奏情形。則飛蝗起自江南。更無疑義。不知該

督前此何以因循釀患。以致延及隣封也。已令侍郎裘曰修學士海明前往迅速查勘。著傳諭尹繼善等令其查明各該地方官嚴查拏問。伊等身為督撫所司何事。應一併交部從重議處。仍將因何不行先事盡力辦理緣由明白回奏。並確查其餘所屬州縣有無蝗孽。延及他境之處。星速加緊搜捕。毋致貽患。取戾阿爾泰摺一併鈔寄閱看。○又諭據楊應琚等奏。請將巴里坤糧務道移駐哈密。督

率一切事務。其巴里坤酌留同知一員佐雜二員辦理支放月餉等事。尚餘知府一員同知一員佐雜二員。應請減撤。各回本任一摺。已批令軍機大臣議奏。細思楊應琚等所奏。不過就現在情形酌量移駐。原可暫准。允行。若論經久之道。則巴里坤究為邊陲要地。其籌辦之處。正須斟酌盡善。今年因軍臺改設山南。凡往來差使應付以及糧餉軍裝等項。皆取給於哈密。自不得不專派大員經理。若軍務告竣之後。屯種伊犁處所甚廣。皆須以巴里坤為總匯之地。則又非今日情形可比矣。即如安西地方。向為西北重鎮。今準噶爾全部蕩平。伊犁皆為內屬。則安西無庸文武大員駐防彈壓。看來以安西道員移駐哈密。以安西提督移駐巴里坤。於節制控馭之道。方為妥協。著傳諭楊應琚等悉心籌畫。於應行改駐之時。即行奏請定議。至摺內所稱安西道文綬調回本任之處。文綬既在哈密亦

可不必即回本任其安西道事務原可就近辦理也將此一併傳諭知之○丙子

上詣暢春園問

皇太后安 諭據胡寶瑤奏河陝道陳起唐於上年十月奉旨補授迄今尚未到任未便懸待請旨另行簡補等語河南河陝道員缺甚屬緊要陳起唐因何未到任著該部行文粵省及沿途地方逐一查明即送部引見另降諭旨其河陝道員缺著陳大復補授○諭

軍機大臣等

據莊有恭奏本年五月有紅毛喫咭喇夷商船隻欲開往寧波貿易現飭文武員弁嚴諭該商船仍回廣東貿易不許逗留等語番船向在粵東貿易不許任意赴浙屢行申禁迺夷商既往廣東藉稱生意平常復欲赴寧波為試探之計自不可不嚴行約束示之節制著將原摺鈔寄李侍堯閱看令其傳集夷商等申明示禁庶夷情自肅而權政益清至其中或更有浙省奸牙潛為勾引

及該商希冀攜帶浙貨情事應並諭莊有恭委委員留心察訪以杜積弊但不必張皇從事可耳 又諭曰副都統舒景阿在烏魯木齊辦事有瑪哈沁驚散牧羣即當一面奏聞一面領兵追捕乃伊但報定長轉奏而自從博克達山至濟木薩尋蹤十餘日迷路而返不過苟且塞責殊屬可惡舒景阿著革去副都統仍留本處効力贖罪豐訥亨此次應援進勦甚屬出力著即補授副都統○丁丑諭

軍機大臣等

昨兆惠等因和闐遣來阿克蘇之回人點們訥則爾等云克勒底雅有牛羊數千及賊人所留羊千餘隻未知虛實行文富德就近詢問今據查奏伯克鄂對待衛齊凌扎布及克勒底雅之阿琿伯克等俱稱除現在交官外餘多被賊搶掠亦間有藏匿等語覽所譯回人呈文頗覺疑懼伊等甫經歸順即被圍三月之久雖有藏匿情事亦當佯為不知以安衆心若復逐一搜查徒滋紛擾

已於富德奏摺以尚覺搜求太過批諭總之
成大事者不可煩苛瑣細可傳諭兆惠富德
等稽查此項牲畜即著停止至默們訥則爾
不過新來歸附之小人所言未可全信不必
將回人情事向伊究問○又諭據五吉奏稱
奉到續送羊隻過期即存留牧放之旨計前
後共送羊五萬隻至阿克蘇其八月內外送
到者或在哈密或在巴里坤牧放等語從前
因後到羊隻若仍送軍營則中途風雪必多
倒斃疲瘦有名無實是以諭五吉清馥定長
等議奏今清馥五吉俱已奏覆又楊應琚請
撥哈密存貯米二萬石運往開展再於肅州
運米補額朕諭以各處屯田既有收穫又回
人等交納糧石及收取賊人所種諒已足食
甘省歲歉應暫停撥補可傳諭兆惠等俾知
前後辦理情形加意撙節並收取賊人積蓄
以資軍食不可使兵丁知覺致有漏洩又
諭曰努三奏稱查勘自穆壘至烏魯木齊若

盡開屯田則所用兵丁太多運費亦繁惟恃
訥格爾昌吉羅克倫距烏魯木齊頗近地畝
亦廣將來回部全定伊犁駐防應以需兵若
干與屯兵糧餉合算量籽種以定兵數就收
穫以給軍食既可省內地輓運之煩亦不患
多兵冗食等語昨楊應琚來京曾奏請前往
伊犁及屯田等處查勘計楊應琚起程前往
必與兆惠等凱旋相遇而舒赫德又承辦此
事楊應琚宜與兆惠等酌定伊犁應駐兵幾
千名其努三所奏烏魯木齊等處屯田事務
作何籌辦及不誤春耕與舒赫德等悉心會
商即行辦理努三奏摺著錄寄楊應琚閱看
並傳諭兆惠等知之 戊寅諭軍機大臣等
據官著等奏喚咭喇國商人以邇年在粵貿
易有負屈之處特赴天津呈訴並將列款呈
詞鈔錄進呈一摺已差給事中胡銓帶同該
商馳驛往粵會同將軍新柱審訊新柱奉到
此旨即速前往伊二人到省諒先後不過數

日之間毋論何人先到即傳旨將李永標解任其稅務暫令李侍堯兼管仍會同該督審訊事涉外夷關係國體務須徹底根究以彰天朝憲典李永標如果款蹟屬實即應在彼正法俾衆知懲創如其中有浙省奸牙潛為勾引代夷商捏砌款蹟懲患控告情事此奸宄之尤亦當即行正法示衆或彼此間擬得實亦應各按律盡法治罪毋得稍存偏徇之見為息事之舉新柱為御前侍衛又將軍大

臣欽奏

三

員當思國體所繫秉公為之官著摺並原呈款單一併鈔寄閱看是月江南河道總督白鍾山安徽巡撫高晉奏本月二十三兩日洪湖水長連底計八尺二寸滾壩尚高水面三寸清水出口更暢其束水草壩即行拆寬使湖水不致停蓄至高寶一帶下河前因民田缺雨臣白鍾山全開運河東岸開壩涵洞灌溉惟高寶運河自高郵以上河高於湖高郵以下至三溝開一帶則湖高於河今洪

湖加長將來五滾壩過水湖河水勢日增查寶應運河西岸有新建三里滾水石壩應拆該處越壩聽其滾洩入湖再啟西岸高郵以下通湖港口今分運入河由東岸開壩宣洩下注江海則湖面騰出可容納五滾壩過水並於下河農田有裨再中河水勢甚高該廳屬之鹽河開應及時開放減洩分中河之有餘助鹽河之不足以濟淮北引鹽葦營工料臣高晉向徐防守臣白鍾山詣高堰山圩一帶勘視洪湖水勢工程得旨此不過際為洪湖盛漲之計然須思及去路大多又恐清口致弱有倒漾之虞也誌之兩廣總督李侍堯奏南雄至省河道一千一百里恐因阻風淤淺崇公上年十二月間諭臣於傍山陸路將祇可人行之處略為展寬以便行馬馳遞查粵東至京驛路計程五千五百八十里除限三百里事件從無貽誤至限行六百里者每歲不過數件惟由江西入粵至省計程

一千二百餘里。尚經題定每晝夜限行三百里。今即改設馬遞。晴明減程無幾。遇風雨泥濘及渡河阻滯。較前不過減一二日。而改設經費。歲需數千金。於馳遞仍不能迅速。可否毋庸更易得旨。如此則仍舊貫可也。

實錄卷五十九

二十五

大清高宗法天隆運至誠先覺體元立極敷文奮武孝慈神聖純皇帝實錄卷之五百八十九

大清高宗法天隆運至誠先覺體元立極敷文奮武孝慈神聖純皇帝實錄卷之五百九十

教修

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處總纂
吏部知道院事內閣學士黃旗滿洲副都統世長騎都尉軍功加七級隨帶加一級分省加二級軍功紀錄一級臣等
總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務
世襲騎都尉軍功加十九級隨帶加三級又加二級臣等謹將內大臣戶部尚書總纂黃旗滿洲副都統軍功紀錄五級
尋常紀錄十四次臣等謹將經筵講官太子少保工部尚書紀錄六次臣等謹將等奉

乾隆二十四年己卯閏六月己卯朔諭軍機

大臣等據富德等奏稱有回人哈里瑪自葉爾羌逃出將所詢供詞知會將軍兆惠定於六月初二日自和闐起程沿途息養馬力俟得兆惠進兵信息相機辦理又和闐六城伯克等願派兵六百五十名從軍効力甚屬誠懇請將各城為首伯克等留辦事務其小伯克等酌量派出令伯克霍集斯統領進發等語觀回人所告情詞是逆賊霍集占已無計可施大兵一到成功應速富德即行前進深

合機宜。朕佇聞捷奏。其和闐從軍回人。著加恩。每名賞銀二兩。領兵之大伯克。賞緞二端。小伯克。賞緞一端。仍將恩旨傳諭。至駐劄和闐之遊擊。丑達。與協同辦事之察哈爾委員。章京。固穆。扎布。俱著賞戴花翎。吉林署驍騎校。黑佳。賞戴藍翎。○又諭。昨兆惠。富德。等將葉爾羌。喀什噶爾。等處地圖呈覽。著發給明安圖。德保。至回部時。按圖閱看。再將該處地形。高下。日月出入。度數測量。則易於定稿。又所至之地。其山河城邑村堡。若與此圖有不相符合者。即閱看更正。○辛巳。

上詣暢春園。問

皇太后安。○諭軍機大臣等。前據阿爾泰奏。東省蘭山等處。現有蝗蟲。自江南邳州一帶飛至。已命裘曰修等。馳赴該處查勘。飛蝗所自。嚴行辦理矣。該侍郎未到之前。阿爾泰自當督率屬員。竭力設法撲捕。務絕根株。日下雨澤霑沛。正賴田稔無害。以冀秋成。著傳諭該

撫將現在作何撲捕情形。及曾否搜滅淨盡。不致蔓延滋害之處。一併詳細速行奏聞。○壬午。諭前因普喜揭叅保德。與呼世圖。通同那塾。虧空一案。命劉統勳前往會同該撫。按款究審。彼時原以保德罪在那塾作弊。是以節次傳諭。尚令審明定案。解京治罪。今據劉統勳等。審勘普喜婪贓款內。究出保德於穆納山私砍木植一案。得受贓銀一千五百兩。實出情理之外。保德身為將軍大員。迺敢枉

法婪贓。貪黷敗檢。一至於此。實為罪不容誅。非執法懲創。何以儆官邪。而彰國憲。著劉統勳等。即將保德先於該處監看正法。以昭炯戒。其防禦德保。著草職。與案內各犯。一併嚴審定擬。速奏。○諭軍機大臣等。前因劉統勳等。審訊普喜案內。尚有推勘不到之處。傳諭令其逐一嚴行究審。今據續審出贓款內。竟有保德婪詐木商銀一千五百餘兩。如此貪婪敗檢。出自將軍大員。深可駭異。在此案中。

情罪尤為重大。法難姑待。其從前代呼世圖那帑掩飾。在保德轉為罪輕矣。劉統勲等一經審實。即應奏請正法。以儆官邪。乃將保德私那官銀一案。擬斬監候。而於此案得贓重款。僅擬以絞候。可乎。看來劉統勲等辦理此案。不免意存觀望。已另降諭旨宣示。並著劉統勲等。先將保德即於該處監看正法。以昭炯戒。其呼世圖。普喜。根敦扎布等。仍速行確勘。按律定擬完結。○又諭。據官著等奏。喚咭

喇商人。以邇年在粵省貿易。有負屈之處。列款呈訴。該關監督李永標等因一招。已差給事中朝銓。帶同該夷商馳驛前往。並令福州將軍新柱來粵。會同該督李侍堯秉公審訊矣。李侍堯在粵。歷任將軍總督。皆兼管關務。然本任事務繁多。其一應權政。則係監督專司。從前阿里衮。楊應琚。在任時。亦不過總持大綱。歷任皆如此。辦理。今夷商控告李永標各款。在該督固不能辭其失察之咎。但其咎

非有心自作。猶在可諒。若因而稍存迴護之見。或於會勘時。不虛心確審。則重自取戾。斷非公罪可比。恐該督難以任受。想李侍堯斷不出此也。再如採買貨物。原有官價。如監督僅以賤價節帑。為節省討好之計。已屬卑鄙器小者所為。若因官辦尅扣。而又從中夾帶自辦。全不酬價。且橫滋需索。則情罪又迥不相同。況夷船到粵。內地本有各行商人接買。關差雖間有官買之事。亦應買之行商。與夷商何與。監督雖有短發賠累之苦。亦應先在粵商。何至該夷商拖累。不得歸國。又歷任管關之員。因何向俱相安。而至李永標遂嘵嘵多事乎。該督既係兼管。其中詳細端委。可平心確訪。將所有情事據實逐一奏聞。毋得稍涉含混。若稍有為李永標之心。是自取罪戾也。○刑部議准。江蘇按察使崔應階奏。稱查例載。將曖昧不明情事。污人名節。報服私仇者。發邊衛充軍。此就被誣之人未至死而言

也。若因此激成人命。自不得一律科斷。向因未設專條。仍照本律擬軍。亦有以情罪較重。比例援引者。定擬究難恰當。請照誣告致死。隨行有服親屬一人例。擬絞監候。編入例冊。從之。○旌表守正捐軀之直隸南樂縣民孫敬妻楊氏。○癸未諭。甘省附近之連城紅城兩土司所屬地方。上年被有偏災。已加恩借給籽種。今歲雨澤未能霑足。夏收歉薄。念邊外土民。餬口未免拮据。著再加恩。借給口糧三個月。照例折給。該撫吳達善即委幹員前往。會同該土司等。按戶散給。俾霑實惠。並著令於來歲麥熟後。同前借籽種。分作三年交還。以示體卹。該部速遵諭行。○甲申。

上詣暢春園。問

皇太后安。○諭曰。劉統勳等查審呼世圖那弔掩飾虧空。及普喜翫法婪贓根敦扎布恣行科斂一案。該犯等侵虧婪索。盈千累萬。贓據確鑿。揆其情罪。均無可逭。亦不甚相懸殊。况

晉省前因賄賂公行。力加振刷。蔣洲。楊龍文之案具在。除保德身為大員。辜恩藐法。婪贓得實。已降旨先行正法外。乃劉統勳等於呼世圖。則擬以斬。普喜。根敦扎布。則擬以絞。不知普喜贓至萬餘。且署道員時。呼世圖正其所屬。而有心弊混。應盤查時。亦並不盤查。根敦扎布以軍需名色。科斂入己。其罪視呼世圖有過之無不及耳。劉統勳等徒以庫帑婪贓。視為差別。不知民務為重。庫帑為輕。朕為秋審。不曾屢降旨諭乎。而塔永寧欲因此曲庇普喜。劉統勳亦佯為不知。朕實不解也。此案定擬俱未允協。著軍機大臣。會同三法司另行覈擬速奏。至塔永寧身任巡撫。屬員如此狼籍敗檢。既不能覺察於前。復不行嚴叅於後。已有應得處分。而審理此案。始終意存迴護。朕辦理庶政。法在必行。能容伊等伎倆。巧為嘗試耶。塔永寧著交部嚴加議處。劉統勳等摺并發。○乙酉。

上御勤政殿聽政。○丙戌。諭軍機大臣等。據兆惠等奏稱。准富德等咨送葉爾羌逃出回人哈里瑪供詞。復詢問和什克伯克。仍照前定議。先攻喀什噶爾。候富德信息。堵截賊人逃竄之路等語。昨據富德奏報。朕諭以賊勢不過如此。我兵即可成功。今兆惠等亦定於六月十一日起程。深合機宜。佇聞捷奏。但兆惠聞富德所送回人供詞。又質之和什克伯克。似專向伊等責成詢問。恐新附之人。未免驚疑。不以實告。嗣後當於無意中。慰諭咨訪。庶少支詞。勸說。又所奏內地馬匹。於六月初八日全到。駝隻亦陸續前來等語。計此時應先送馬數千匹。於富德軍營矣。至所送馬駝。或傷損尚少。是以未經聲說。但數目臆分。若何亦應奏及。併著傳諭知之。○蠲免福建臺灣鳳山。諸羅。三縣。乾隆二十三年。晚禾風災。額賦。○丁亥。諭山西穆納山木植。久經封禁。迺邇來該處奸商。藉此射利。潛行偷砍。是禁之

在官。轉為若輩利藪。而地方不肖官吏。需索勒詐。徒滋弊端。不若竟弛其禁。招商採伐。官為設口稽查。令其輸納稅課。山價於蒙古地方。亦屬有益。其如何妥協辦理之處。著英廉馳驛前往。會同塔永寧詳議具奏。○又諭曰。固世衡。圖桑阿。非尋常失察可比。現在交部嚴加議處。歸綏道員缺。著索琳補授。河南按察使員缺。著蔣嘉年調補。明德前曾身獲重罪。後經起用。復有降調之案。現屆百日服滿。念其連年承辦軍需。尚屬出力。著加恩署理甘肅按察使。○命翰林院侍講學士汪廷璣提督福建學政。戊子。上詣暢春園問皇太后安。○諭軍機大臣等。據成衮扎布奏稱。薩拉布拉克卡內馬匹。被賊盜取。此等賊人。或在拜達克等處藏匿。叅贊大臣扎隆阿。已領兵前往搜捕。仍應派員協助。請令臣子額爾克沙喇。率侍衛一二員。前往策應等語。扎

隆阿未必經練事情熟習道路額爾克沙喇則朕所深知與其同行不如獨往庶無掣肘之處可傳諭成衮扎布即著額爾克沙喇前赴扎隆阿軍營領兵搜捕瑪哈沁若兵力尚弱即於喀爾喀兵內酌量挑選將從前盜取烏魯木齊牧放馬匹此次盜馬賊人及沿途藏匿瑪哈沁務期擒獲勒除事竣後在博克達山等處堵截逃竄賊眾若糧餉不繼該處與定長所駐頗近即行文支給扎隆阿仍回

烏里雅蘇台辦事現在辦理薩拉布拉克賊人情形併著奏聞○己丑諭軍機大臣等富德奏稱准兆惠咨令巴祿領兵渡葉爾羌河會合夾攻但巴祿之兵必由聽咱阿布呼爾瑞前進距葉爾羌甚近賊人見其勢弱必相抗拒且堅守河口即大兵亦不能徑渡於事無益請令巴祿由巴爾楚克前進於葉爾羌喀什噶爾之中據其要隘可以堵截賊人俾兩路聲息相通等語近因兆惠奏定議令兆

惠先取喀什噶爾富德取葉爾羌巴祿策應富德今據富德奏巴祿不足為伊聲援無需進發所見甚是巴祿即相機據守要隘仍聽兆惠調遣若二城賊眾彼此潛通信息即行堵截搜捕與兩路會合俱著傳諭知之○又諭昨諭成衮扎布專遣伊子額爾克沙喇搜捕盜馬賊人今據車布登扎布奏稱伊等過阿爾台沿途搜捕並無瑪哈沁等語是盜馬賊人原非大隊可知且額爾克沙喇此行已後車布登扎布兩月餘恐歸途天寒雪大或暫時停止前往俟回部平定再將此等瑪哈沁徹底搜捕亦可額爾克沙喇熟悉地方情形如必須一往即遵前旨起程或趨赴車布登扎布軍中若不能相及即可勿行著伊父子詳悉酌定辦理至馬匹被竊既非大隊賊人則守卡人等疎懈之咎難辭著嚴行申飭令其加意防範○又諭曰舒赫德奏奉到著回阿克蘇辦事之旨將交辦事件與富德議

定於六月初十日起程等語。前以永貴久在軍營。令其回京。續因舒赫德領兵策應。阿克蘇辦事之人。故命永貴前往。今舒赫德已遵旨回阿克蘇。接辦事務。後永貴即著回京。○又諭曰。楊應琚奏請添撥司庫銀二十萬兩。採買寧夏府屬麥豆米穀備用。此舉若因甘省歉收。籌辦賑卹。自屬應行。如謂阿克蘇等處。仍須籌備軍糧。則正可不必。蓋大兵現在起程進剿。可以計日成功。又據永貴等奏。軍營糧餉。已由開展輓運。加以屯田收穫。回人輸助。自可源源接濟。著傳諭該督。所羅糧石。應酌量賑務需用。情形妥協辦理。並曉示商民。俾知採買穀石。原以供本地之用。非為籌辦軍糧起見。庶庸愚無識之人。不至張皇傳說。永貴摺並著錄寄閱看。○庚寅。諭據方觀承奏。各屬屢次大雨之後。唐河沙河白溝。拒馬諸水。同時並漲。下游悉歸淀內。以至大清河尾閘不能宣洩。轉由鳳河倒漾阻遏。渾流

而宣化上游雨後漲發。湓湧旁溢。南岸四工隄頂漫開數丈。現在馳往確勘等語。入夏以來。直屬大雨時行。各河漲發。而山西上游諸路。亦均得透雨。山水下注。永定河隄埝致有漫衝。著派安泰。赫爾景額。即速馳驛前往。看視情形。並留赫爾景額在彼。協同該督。將漫口尅日堵築。毋致再有侵溢。其水過村莊。現在有無淹浸。及應行加恩撫卹之處。著方觀承一面勘明妥辦。一面奏聞。該督職司河道。不能先事豫防。著交部照例察議。其疎防之河道各員。俟查叅到日。一併交部察議。○又諭據楊廷璋奏。福建水師提督馬大用。現在患病。行動勉強。一時難以脫體。請解任等語。馬大用著准其解任調理。病痊之日。來京候旨補用。其福建水師提督員缺。著馬龍圖補授。林浴著調補臺灣鎮總兵。甘國寶著調補海壇鎮總兵。黃世桓著調補閩粵南澳鎮總兵。所遺太原鎮總兵員缺。著丑達補授。丑達

現在軍營。其未到任之先。著塔永寧於山西通省副將內。揀選一員。暫行署理。○諭軍機大臣等。方觀承奏永定河南岸四工隄頂漫開數丈一摺。已差安泰。赫爾景額馳驛前往察看情形。令安泰先行馳奏。並留赫爾景額在彼。協同該督。督率堵築矣。看來直屬當大雨時行之後。又兼山西上游一帶。亦得透雨。山水漲發。以致急流直注。間有衝漫之處。量其體勢。雖非南河可比。但此過水村莊。既已望雨於前。復經被水於後。窮民殊堪軫念。該督應即遵旨詳悉查看。分別妥辦。至摺內所稱漫出之水。是否由牯牛河等處。仍歸津水窪入淀等語。該督尤宜迅速體勘。於固安永清各屬。相其端委。設法疏濬。毋使或有旁溢。為地方滋累。所有現在水勢情形。仍令該督一面先行查明具奏。尋奏永定河南岸四工漫水係由大孫郭村順固安東界之道溝。四十餘里。流向永清縣城繞壕而南。分流散漫。

循黃家河舊河身。入霸州所屬之津水窪。歸勝定淀內之徑直河。計長七十餘里。水道經由之村莊。多在高阜。總未淹及房屋。田稼間有傷損。水退尚可補種苕麥。旁漫易消。並無橫衝為患。得旨。知道了。究以速開引河堵漫口。為是不可以其歸淀而緩視之。入淀久則淤泥深。為害大矣。慎之。○辛卯諭曰。馬大用簡任提督。即鎮海疆。任閏二年。於水師營伍訓練有方。克稱厥職。現在患病。已降旨令其解任調理。病痊之日。赴闕補用。並著加恩。照原品在家食俸。以示優獎。○諭軍機大臣等。富德奏稱。伯克霍集斯請遣伊親信之伯克巴喇特。以回字文書。招撫布拉呢敦。並據稱此策有效。當受恩榮。但慮不能成事。為懼等語。伯克霍集斯既感激朕恩。招降以離賊黨。深可嘉悅。著加恩賞給緞疋。至伊翰誠設策。果如所算。自必加恩萬一布拉呢敦執迷不悟。罪有所歸。與霍集斯何與。若布拉呢敦悔。

過歸誠。即令其從征葉爾羌。事竣再來京。入覲。若但遣人乞降。當以從前諭旨。及此次招降。皆因布拉呢敦人頗誠實。不似霍集占之狂悖。如欲免罪安生。非親身前來不可。著傳諭兆惠。富德等遵照辦理。○又諭曰。富德奏稱。黑龍江署叅領巴岱。在瑚爾起等隊內。奮勉出衆等語。已岱著賜號額爾克巴圖魯。賞銀一百兩。又回人摩里斯拉木。至和闐。額里齊。以大兵前來。曉示賊衆。致被戕害。甚屬可憫。雖經賞伊家屬房產。仍賞銀五十兩。著富德傳諭回衆知之。○又諭。據舒赫德等奏稱。酌議平定回部後。將各城回衆。稍令休息。於十分內派出一分。遷往伊犁屯田。餘人令其協助資糧。其從前曾往伊犁者。仍行派出等語。雖有所見。尚未深悉情形。此等烏沙克回人。與厄魯特雜居年久。未免漸染惡習。反覆無定。恐駐防兵丁數千人。難於彈壓。此次退兵。尚應大加懲創。其餘脅從之衆。亦不便居

其故地。或移往吐魯番安插。距內地既近。而額敏和卓亦能約束。朕此意是否。可詢問額敏和卓。令其議奏。至各城回衆。數年來甚覺窮困。驟行遷徙。勢必不能。或一二年後。再選老成謹慎之人。前往伊犁安插。至伊犁駐防糧餉。於回人應交貢賦內。酌量折收米石。運往支給。似亦可行。雖非現在急務。自此次第辦理。亦甚妥協。併著兆惠等定議具奏。○以禮部左侍郎介福。為浙江鄉試正考官。御史湯先甲。為副考官。工部右侍郎錢維城。為江西鄉試正考官。編修翁方綱。為副考官。右庶子沈棻。為湖北鄉試正考官。工部主事趙瑗。為副考官。○壬辰。上詣暢春園。問皇太后安。○諭軍機大臣等。兆惠奏稱。現在進取喀什噶爾。伯克霍集斯所遣招降布拉呢敦之人。若即行前往。轉使賊人知我聲息。擬將伯克巴喇特帶領行走。相機差遣等語。霍

集斯招降布拉呢敦之議。係遵朕諭旨。昨富德具奏。又以降旨獎賞。若慮賊人知我聲息。則我兵自阿克蘇起程。賊豈全不知覺。且富德奏請差遣之人。兆惠又復留待。轉使霍集斯生疑。至若臨時招撫。布拉呢敦必謂先期未見遣人。此特懈我衆心。必致徒增疑懼。著傳諭兆惠等。仍遵前旨。將伯克巴喇特即行遣往。○又諭據兆惠等奏稱。派出西安兵五百名。聽候臺站調遣。餘兵一千五百名。交駐

劉大臣。於阿克蘇烏什等處分防等語。兆惠正當需用兵丁之時。轉將西安兵存留者。蓋因伊等不習勞苦耳。但即留駐阿克蘇。亦恐無裨實用。徒糜糧餉。不若遣回本營。可傳諭舒赫德。將此項兵丁。約計從阿克蘇至巴里坤程期。給以口糧。令其步行回巴里坤。仍將伊等未習勞苦。不能從征。自後宜加奮勉。務為有用之人。明白曉示。至巴里坤日。著清馥照例辦給車輛。遣回西安。○又諭曰。定長等

奏稱。主事富奎等。領兵七十名。搜捕盜取烏嚕木齊牧羣之瑪哈沁等。至博克達山。遇賊百餘。殺賊四人。奪馬六匹。仍前往追勦等語。所奏殊未明晰。富奎所報百餘人。或通計家口。則我兵自可盡行俘獲。但伊等帶領者。係綠旗兵。以致疎脫耳。著傳諭清馥等。巴里坤有存留索倫官兵。即選派百餘名。於內地現送馬匹內。撥給二百餘匹。令其追及努三。前往搜勦。若現無存留索倫。而努三處亦係屯

田兵丁。即停其追勦。俟來年大兵凱旋時。再行辦理。俱著傳諭知之。○又諭曰。成衮扎布等奏稱。薩拉布拉克卡內驍騎校額勒登保。往追盜馬賊人。遇雨迷蹤。已飭令前赴扎隆阿軍前。効力自贖等語。額勒登保。係守卡侍衛。馬匹被竊。即有應得之罪。及追捕賊人。又復中途轉回。成衮扎布等。不行奏請治罪。未免姑息。今既經復往。著傳諭扎隆阿。將額勒登保。革退驍騎校。自備資斧効力。倘仍前疎

懈定行從重治罪。○又諭曰。成衮扎布奏。烏梁海內大臣察達克。聞知歸併伊等管轄之庫庫勒濟等逃走。即領兵前往追獲等語。察達克著加恩賞緞四端。其所領官兵。照近日車木楚克扎布出兵之例賞給。○癸巳。諭朕此次巡幸木蘭。著裕親王。和親王。大學士。來保。史貽直。在京總理事務。其月選之文員內。通判州縣等官。武員內八旗護軍校。驍騎校。及外省送到之補放水手官。驍騎校。并年滿千總等官弁。俱著王大臣照從前之例驗看。至外省督撫提鎮等奏摺。著照例自啟鑒之日。為始俱齎赴在京總理處加封。交內閣隨本呈送行在。候朕批示。隨本發回。仍於在京總理處。交齋摺人祇領。該部通行傳諭知之。○諭軍機大臣等。漫口工程緊要。方觀承現在督率辦理堵築。尚需時日。如於朕啟鑒之前。未能竣工。該督不必隨往熱河。并不必赴清河接駕。倘或以布政使三寶。未能熟諳隨

營一切事務。道員中如王檢等酌派一員。協同沿途辦理可也。將此傳諭方觀承知之。

大清高宗法天隆運至誠先覺體元立極敷文奮武孝慈神聖純皇帝實錄卷之五百九十

大清高宗法天隆運至誠先覺體元立極敷文
奮武孝慈神聖純皇帝實錄卷之五百九十一

監修總裁官經筵講官太子太傅文淵閣大學士文淵閣閣學領侍衛內大臣稽察欽奉 上諭事件處管理

吏部理藩院事務正黃旗滿洲都統世襲副都統軍功七級隨帶加一級尋常加二級軍功級級一次升敘陞

總裁官經筵講官太子太傅文學殿大學士文淵閣閣學稽察欽奉 上諭事件處管理刑部三庫事務

世襲副都統軍功加十九級隨帶加三級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十四年己卯閏六月甲午諭粵海關

稅務著尤拔世管理其九江關稅務著舒山

去尤拔世俟舒山到任後再赴廣東新任

諭軍機大臣等莊有恭奏東西海防柴石塘

工豫備事宜一摺已批該部速議具奏矣江

溜海潮全勢既趨北大壘則一切應行修築

事宜甚關緊要現在時屆立秋防汛不宜遲

緩而部臣議覆不無尚需時日且議定時諒

亦無可駁詰著傳諭該撫速就勘明籌辦之

處一面即行發帑興工上緊趕築毋庸聽候

部覆遲誤要工 福建按察使史奕昂奏漳

泉三府建有府監其收禁不過解府審轉之

犯空房頗多龍溪平和漳浦晉江同安五縣

監犯多至百餘名及數十名不等請將各該

縣收禁臺屬重囚提撥各府監收禁責成司

獄防範得旨甚好如所議行 補行廣東省

乾隆二十二年大計不謹官一員罷軟官二

員年老官二員有疾官三員才力不及官二

員浮躁官一員分別處分如例 奉恩將軍

四十一故以其子盛福襲職 乙未

上詣暢春園問

皇太后安 諭軍機大臣等李永標進貢船隻

已經到京查其船內附帶銀物有伊在廣家

人七十三所寄番銀四百餘兩兼有皮衣綢

緞等物據內務府訊據來京家人供稱七十

三在廣經管關口一切事務今計其寄京銀

物非尋常安分家人所應有是其在關辦事

必不能無需索肥橐情事著傳諭新柱等於

所控告各款內。嚴行究訊。無任漏網。丙申。諭軍機大臣等。高晉所奏。安省錢糧完欠一摺。內稱該省乾隆二十三年分。額徵一百六十七萬。本年已完一百六十一萬餘兩。尚有未完五萬餘兩。此未完之數。是否因災地緩徵。抑係尋常民欠。摺內並未聲明。果屬被災之地。固例所應緩。若其實欠在民。而零星尾數。次年即可補徵完款。尚屬情理所有。但摺內所開。自乾隆元年起至二十二年。所有遞年未完之項。何以積至四十五萬餘兩。不特地方有司。任意催徵不力。且其中必有官侵吏蝕。上下因循。希冀一遇南巡恩旨。或可概行豁免。則吏治民風。皆不可問矣。兩江所屬。比年以來。歲收最為豐稔。民力充裕。地方官果能實心及時清理。無難年清年款。如再積習相沿。不加振刷。弊端何所底止。至陳宏謀前奏。江蘇積欠錢糧。為數浩繁。更非安徽可比。著傳諭各該撫。及早分別詳查。嚴飭所屬。

實力清釐。其中遇有官吏舞弊中飽者。即當盡法叅處。以懲積玩。毋得稍有遲迴瞻徇。意存邀譽之見也。所有積年舊欠。實係在官在民之處。著該督等詳悉查明具奏。尋尹繼善陳宏謀會奏。乾隆十一年。至二十一年。江蘇積欠地丁。已蒙蠲免。惟地丁內編徵之河驛等項。及蘆課各款。例不全蠲。至今尚欠銀一百二十八萬之多。二十二三兩年。除因災緩徵外。尚欠銀六十四萬餘兩。臣等悉心體察。實在貧乏拖欠者。如蘆墓荒地及產典糧存。年久無著。又家多事故。力有難支。如此者。不過十之二三。此外則矜監書役。恃符抗延。詐偽之徒。甘心出費。營求緩比。希冀豁免。或將田糧分立多戶。或一人而屢易其名。使催比紛繁。易於躲閃。又或業戶住於外縣。即藉此規避完納。愆期。此弊在民欠者也。其在役蝕者。鄉民圖省入城盤費。每將錢糧輕付包攬之人。從前清查。如有私收白票。即准向收侵。

之人追完。致鄉民視白票即同印串。都不赴城親完。即有索取印串者。既不赴櫃掣串。則聯串雖有中縫填數之例。而櫃書另紙對串填寫。以大改小。弊仍不免。更有竊取稿簿印紙。刷作串票。并竟描刻假印。誣騙收侵。從前清查役蝕自首者。認完即得免罪。以致奸徒事過即故智復萌。且又攬收新糧。以完舊欠。是舊欠甫清。而新欠旋積。所以錢糧無不欠之年。清查無底止之日。臣等再四籌畫。必須

清冊

三

酌改從前清查舊規。方可絕弊。若仍交州縣辦理。不但力難兼顧。書役仍不免通同掩護。即或委員協辦。而花戶衆多。逐戶傳至縣城查訊。不勝繁擾。且其中捏名冒認。弊難究詰。惟有按鄉分圖。以官就民。不以民就官。另委明白耐煩之員。往各縣住宿各鄉。逐戶傳問。彼此互質。庶為親切。先將該縣實徵印冊。及完糧根串。日收印簿查明。除因災緩徵。仍聽地方官按期徵收外。將未完各戶摘出。另造

清冊。按照都圖開列欠戶姓名數目。一面出示。一面按圖發給欠單。委員即下鄉住宿各圖。適中之地。令欠戶赴官登覆。如係本戶實欠。按所欠數目。分限完納。其有已完作欠者。呈出印票。即就近拘到代完之人。訊明著追。內有以大改小。或係假印假票。即送地方官治罪監追。如納戶雖稱已完。並無串票。或祇有私收白帖。此由該戶違例私付之咎。應將舊規酌改。勒令納戶重完。免治其罪。再於侵收之人。照追充公。仍治罪。倘委員尚未查及。而侵收之人。於出示之後。即時自首全完者。免如自甘立限完納者。其罪酌減一等。違限不完。雖自首亦仍治罪。查係官侵者。即詳請題叅審追。官或事故。著落接任之員。失察上司。分賠。各委員按圖周查。限半年內查清結報。其委員數目。就積欠多寡而定。欠多者或二三員。次者一二員。少者一員。經委後。不再別差別署。俾有專責。至地方官。止令在縣專

清冊

六

理詞訟民事。并催徵新舊錢糧。不然。恐奸民猾吏。將新那舊。致新賦又成積欠也。仍責成該府州往來各屬巡查。并道員督查。如刁民不遵委員法令。道府就近查究。委員或滋擾不法。道府亦即揭叅。事竣後道府仍可抽查。不實。惟委員是問。委員查出民欠之數。即造冊移交州縣。按限催徵。其侵蝕者。毋論何項人等。俱送各州縣一面治罪。一面於家屬名下。照清查舊例。分限追完。如此。則愚民知白。

帖私付者。尚須重完出費。延比者。終難倖免。侵收之書役。雖按數追完。仍有應得之罪。則從前諸弊。可望杜絕。其實係大戶所欠。將數少者先完。數多者分限清完。則大戶詭分為小戶者。不能希冀緩完。并令州縣嗣後開徵之始。將大戶小戶之糧。一併催徵。不得先催大戶。後催小戶。則大戶詭計花分之弊。亦可杜絕。其查辦委員。臣等現就通省同知通判及候補試用牧令。司府首領。州縣佐貳。并曾

任州縣由捐陞及丁憂患病卸事因公去任之員。遴選委辦得旨立法。不過如此行之。惟在得人。而尤在汝與藩司之留心妥辦也。勉之。丁酉。諭據吳達善奏。稱甘省所屬皋蘭等三十六州縣。衛五六月間雨澤愆期。被旱情形。輕重不一等語。甘省地處邊陲。連歲秋成歉薄。去冬雨雪稀少。今夏禾失收。糧價昂貴。閭閻必多拮据。朕心深為軫念。該督等應悉心體察民情。勤加撫卹。各屬內有趕種秋禾。並借籽種。晚秋現在乏食之戶。即查明量借口糧銀兩。以資接濟。其被災較重節候已遲。不能改種秋禾。及止種一收成災之處。不在現領加賑之內者。接濟尤不可緩。俱著該督等詳悉確查。速行賑卹。使窮黎不致失所。至皋蘭金縣等處。前因被災屢經降旨加恩展賑。已至七月。今該省現在尚未收穫。所有加賑之期。未便拘於常格。至十月始行散給。著即於八月內接續放賑。俾得源源接濟。朕

嘉惠窮黎有加無已該督等其董率屬員實力奉行體朕優卹邊氓至意該部遵諭速行○又諭甘省河東地方所有輓運協濟糧石一項計自涇州至平番各屬地方食物料草現在價值未能平減向例每京石每百里價銀二錢往返費用恐有不敷著加恩暫照河西之例一體增給以示優卹該部遵諭速行○諭軍機大臣等吳達善奏發遣巴里坤人犯妻小到甘遞解所需口糧車輛殊多糜費請飭令各省暫停僉解一摺現在該省糧價既昂不應再為匪徒滋耗自當通融酌辦已有旨交該部議奏矣但該撫所議遞解多費總總過計於此事端委仍未明晰蓋此等改遣重犯本係罪大應死之犯特因一綫可原而貸以生路已屬國家法外之仁原不應拘墟常格多為顧慮前此議者請為蓋房給食多方啣嫗語屬不倫屢經明切降旨今吳達善所奏每犯計口授糧而妻孥攜帶前往者

實錄卷五十九

九

亦一一謀其養贍拘牽之見仍所不免試問該省偏災歉收糧值昂貴閭閻安分良民豈能一一索飽吳達善能自信其必無一枵腹之人乎乃以養養此等罪犯而轉虧貧民賑卹有妨民食之需真所謂因噎廢食輕重倒置者矣且此等投畀有北之人必令妻子同僉原非事理所宜正當酌量定議未便復泥尋常發遣之例但此時若俟部覆准行則如雲貴等遠省僉遣之犯多已在途勢難中止該督惟應顧名思義值米貴之時祇須就本犯撙節量予口食一一計其糗餼充裕又為此等眷屬曲加優卹則其所見仍與分屯作堡者等耳況此等匪類自作不靖者固當治以常法即中途偶至飢疲地方官豈有應得處分而籌辦顧多掣肘耶此案俟部覆時再行降旨將此先行傳諭該督等知之○又諭曰舒赫德奏稱庫車以內吐魯番以外庫爾勒玉古爾等處俱有舊城且距內地不遠可

實錄卷五十九

十

以形勢連絡應擇要地築城駐兵照安西之例酌設提督總兵一員多派綠旗兵屯田以供糧餉既可約束各城回人而伊犁駐防亦

不患單弱等語平定回部後築城駐兵自應豫為籌畫著傳諭兆惠富德等俟應行辦理時酌量定擬具奏朕意葉爾羌喀什噶爾全定霍集占兄弟俱獲仍着舒赫德於阿克蘇駐劄督辦一切事宜若逆賊等有逃遁者則仍應於葉爾羌駐兵堵截查拏始可彈壓諸

平定回部

城俱著兆惠等就地方情形辦理務期永遠寧謐又諭曰努三奏稱查覈烏魯木齊屯田牲畜倒斃分數過多頗屬明晰著傳諭定長等詳行查辦將交收牧放官員按其倒斃分數察勤惰以定功過併傳諭努三知之又諭曰舒赫德奏稱阿克蘇等城交收回人貢賦查覈戶口數目需員承辦請揀發通曉蒙古語言文字練習事務之司官筆帖式等以備差委等語著於部院內揀選司官二員

筆帖式四員前往阿克蘇隨舒赫德辦事已亥

上詣暢春園問

皇太后安○禮部尚書伍齡安奏查會典內有僧道等官鑄給印信之條此輩多係土著並無刑錢職掌及往返文移藉方外末秩縮一部印誇耀鄉里不惟體制未協且恐滋生事端請概行停止已給者飭令繳銷得旨甚是依議行○工部議准浙江巡撫莊有恭疏稱

浙江巡撫

浙省老鹽倉迤西之華家街等處江溜海潮現俱北趨雖塘外老沙尚未坍動一經盛漲水風相擊不無衝奪之虞請發帑給富建桐分西縣採辦柴舫運貯俟秋汛後將應行拆修之處分別辦理又海寧石塘近城一帶護沙日見衝卸倘遇異常風汛潑塘之水亦復堪虞該處起止共長二千三百一十一丈有奇請於現存姓蟹土上加高三尺幫寬二尺所需銀兩並前應用款項統於節省引費內動

支得旨依議速行○辛丑以御史邵樹本為陝西鄉試正考官編修甘立功為副考官戶部侍郎裘曰修為江南鄉試正考官工科給事中錢琦為副考官○以故騎都尉林孺之孫淦襲職○壬寅

上詣暢春園問

皇太后安○諭晉省太原等屬六月間均沐甘霖大霽農民及時趕種晚禾秋成可望惟是各州縣內有初夏麥收既歉而得雨之後補

平定縣志卷之十一

十一

種多費工力農民未免拮据朕心深為軫念著加恩將太原榆次太谷祁縣徐溝清源交城文水汾陽平遙介休孝義高平陽城陵川沁水平定壽陽盂縣樂平代州繁峙忻州定襄五臺等二十五州縣本年應徵銀米倉穀緩至秋收後催徵以紓民力該部遵諭速行○癸卯諭此次巡幸木蘭在京吏部尚書事務著歸宣光暫行兼管戶部議准御史李兆鵬奏稱查絲餉私出外境律有明禁邇年

江浙等省因奸商漁利私販出洋以致絲價

昂貴請勅下該督撫轉飭濱海地方官嚴行

查禁違者照販米出洋例究治該管官分別

奏處從之○定邊將軍兆惠等奏臣等進兵

喀什噶爾閏六月初三日至伊克斯哈喇據

前隊叅贊大臣明瑞所派之游騎巴圖魯侍

衛伍岱等夜間行走聲息即行圍截見回人

六騎稱係喀什噶爾投誠之人因布拉呢敦

將伊等搶掠潛行逃遁伊等來迎大兵等語

平定縣志卷之十一

十一

臣等逐一詢問稱係阿琿和濟默爾伯克和沙勒沙咱木沙扎巴爾呢雅斯俱喀什噶爾人又烏什回人額敏係霍集斯之族弟告稱去年被霍集斯占迫脅久欲歸誠今布拉呢敦同霍集斯占逃去我等同喀什噶爾舊伯克奉書來迎臣等譯看呈詞云喀什噶爾大小人等謹呈阿克蘇等處駐劄將軍大人伯克霍集斯今布拉呢敦將喀什噶爾男婦驅逐出城至哈喇克爾我等仰慕

大皇帝仁化復回城中看守。布拉呢敦同其親信人等。至提斯哀暫住。我等馬匹牲畜。皆為所掠。無力追奪。且河水難渡。怒大兵速來救援。庶布拉呢敦不致遠颺。布魯特不來搶掠等語。臣等詳加詰問。據稱。布拉呢敦。去年在葉爾羌。被鎗矢傷。因重甲未透。曾遣人與霍集占計議投降。霍集占不允。遂分途通使巴達克山。霍罕額爾德尼等處。巴達克山已有回音。不知何語。後阿布都克呼木兩次與布拉呢敦議事。聞霍集占於四月內。即將家口行裝。俱移往葉爾羌。迤西羌呼勒之赫色勒塔克。若大兵復來。則逃往巴達克山。布拉呢敦諸事。俱與親信之烏沙克。塔喇沁。伯德爾格。瑪呼斯之厄魯特密議。不令我等知之。惟索取糧馬。所得之物。六月初十以前。陸續運至塔勒巴楚克河。僅與親信人等。在城居住。六月十五日。據守卡人報稱。有布魯特百餘人。在城西北之阿喇古搶掠。布拉呢敦令鄂

斯瑞伯克。優駕斯伯克等。拒之於濟德朗塔拉。大為所敗。鄂斯瑞等俱得傷。自此每日作為出兵之狀。向我等湊集資裝。二十七日。突將我等兵器奪去。將男婦帶至提斯哀。復奪其衣服而去。臣等復詢和濟默爾等。布拉呢敦兄弟。究竟逃往何處。爾等何不擒獻。顯係誘我大兵。輕裝前進。據稱。伊等遣使霍罕。未有回音。且慮布魯特搶掠。必不敢前往。惟霍集占於四月間。即已遷移家口。輜重。而巴達克山使人已回。又曾餽送巴達克山之克布察克等部落禮物。或係逃往其地。我等實無力擒拏。並無別情。臣等詢問。葉爾羌喀什噶爾。從賊逃去者。係何等入戶。現餘戶口若干。其喀什噶爾。村莊種植若何。據稱。不知。葉爾羌逃去人數。其喀什噶爾之人。布拉呢敦帶去一百五十戶。又親信之烏沙克等男丁千餘口。家口亦多。我等百餘戶內。有帶去者。此時亦多逃回。計本城所屬。共一萬六千餘戶。

人五萬餘口。其汗額哩吉衣雅普爾古烏什哈喇城之人俱各自保守。牌租阿巴特有千餘戶。亦不肯從賊。彼此相拒。此時不知勝負。至所種地畝。大麥已熟。小麥尚未收割。本城之阿奇木伯克墨墨氏敏伯克阿布都爾璘俱被賊帶去。城內街市俱焚。城門亦燬。有伯克托喀等現在修理等語。臣等察看投誠情形屬實。但布拉呢敦早已遠颺。臣等議先攻喀什噶爾。原欲斷其逃竄。今約計趲送和闐

平定縣志卷之二

十二

馬。閏六月初十間可到。阿里衮巴祿之兵亦可抵巴爾楚克。葉爾羌喀什噶爾既差人分途迎降。想富德等自必聞知。速往追襲。現在來投人等雖無可疑。而受降如受敵。自應倍加謹慎。不必輕騎先進。即領現在馬兵三千名前往安撫。一面偵賊蹤跡。若果赴巴達克山。即直入其境。宣示軍威。曉以利害。相機索取擒拏。又和濟默爾等告稱。沙刺斯瑪呼斯厄魯特已經離心。恐竊取霍集占牲畜逃走。

亦行文車布登扎布。令其隨路留心截殺。下部知之。○定邊右副將軍富德奏。六月十八日。卡上送到葉爾羌。脫出額里齊回人郭爾拜默特等。詢據供稱。去年被阿布都克呀木。擄往葉爾羌。聞知霍集占兄弟不協。有伯克阿布都瓜布。係伯克霍集斯之兄。布拉呢敦令其逃走等語。十九日。又送到從葉爾羌所屬薩納珠。脫出賽哩木回人海達瑪特等。據供。去年霍集占在庫車敗逃。將賽哩木伯克阿布勒阿三擄去。後聞大兵進剿。復行戕殺。我因逃至薩納珠。聞大兵到和闐之信。葉爾羌人等驚動。霍集占將家口輜重移往哈子勒塔克。又聞布拉呢敦與伯克阿布都瓜布有恩。帶往喀什噶爾。後又令其逃往烏什。必來尋霍集斯等語。臣詢之霍集斯。據云。我兄似難於逃出。但布拉呢敦果與霍集占不協。伊與我兄相得。或通信歸誠。亦未可定。若我兄果來。願以家口保其必無虛詐等語。臣伏

思葉爾羌脫出回人至營。須行走二十日。若喀什噶爾至烏什。不過六七日程期。應早至兆惠軍營。臣自得兆惠派送臣營馬匹信後。不知於何日進兵。除將前項信息咨行外。未便竚候回音。臣於閏六月初旬。即領現在馬兵一千二百餘名。綠旗步兵一千二百餘名。空趕馬匹徑行戈壁。向固爾薩納珠前進。沿途探聽兆惠進兵日期。又候馬兵八百餘名。俟叅贊大臣阿桂送馬到時。與所帶牧馬兵七百餘名。仍牽馬行走。於攻城擒賊庶可得力。報聞。旌表守正捐軀之廣東嘉應州民林遠生妻謝氏。○甲辰諭。現在漕艘抵通。當大雨時行之候。後至幫船。尚有未經兌收者。恐回空稍遲。或於冬兌有誤。已遣侍郎吉慶前往督同辦理。楊錫紱現在京師。並著即日前往通州。會同吉慶及倉場侍郎等。隨宜董率妥辦。俾剋日竣事。不得因伊係總漕收兌。非其專責。或致呼應不靈。稍稽運務。○諭軍

機大臣等。奏曰。修己命為江南正考官。可即由彼速赴江寧典試。不必來京。所有查辦捕蝗不力州縣。及歸途查勘河道各事宜。俱交與海明辦理。○又諭。據兆惠等詢問來降回人。知布拉呢敦將喀什噶爾人衆驅出。肆行搶掠。霍集占於四月間。遷移家口輜重。於葉爾羌之西。恐同謀逃往巴達克山。富德亦詢知霍集占遷移家產。領衆於城外結營等語。是喀什噶爾甚屬驚擾。若從前霍集斯等早遣人招撫。或可即獲渠魁。今業經逃遁。兆惠仍宜撫定喀什噶爾。俾無失所。但聞喀什噶爾城踞山巔。險要難克。布拉呢敦斷無棄此而逃往葉爾羌之理。則霍集占此時亦必逃遁。葉爾羌可不攻而下。若霍集占果與伊兄同逃。兆惠即留阿里衮駐於喀什噶爾。而前往撫定葉爾羌。富德額敏和卓明瑞。作速領兵偵霍集占逃竄之路。窮追務獲。其兵丁須選兩隊之健銳者。每兵給馬三匹。並多備口

糧。或天寒難進。即暫於葉爾羌度歲。次年辦理亦可。總以擒獲逆賊兄弟。始可告成功。若僅取二城。則事仍未竣。至二城既克。而渠魁未獲。所有回人中阿奇木伯克等。不必即令入覲。致生疑懼。又富德所奏。布拉呢敦。遣霍集斯之兄阿布都爪布。來兆惠軍營等語。兆惠未經奏及。或係傳聞。若果前來。即善為撫慰。相機辦理。再霍集斯。鄂對。俱熟習回部情形。追擒霍集占等時。須酌令一人隨往。且將來兩軍合隊。毋論賊為誰獲。皆同功一體。務宜和衷集事。不可稍分彼此。俱著傳諭知之。○又諭。據舒赫德奏。稱烏什為大兵要路。請派西安兵五百名。交納世通帶往。協同玉素布辦事等語。玉素布係回部舊人。駐劄烏什。儘足辦理事務。亦不必多駐兵丁。酌增西安兵二百名足矣。餘兵仍於阿克蘇駐劄。或可不需。即遵前旨。撤回。前因阿克蘇辦事有人。曾諭永貴回京。納世通仍在阿克蘇駐劄。其

隨同辦事之三等待衛齊克慎。都司陳聖謨。陳堯典。協同玉素布辦事之遊擊王萬邦。既實心奮勉。著以應陞之缺補用。隨印之署。筆帖式西安前鋒固林泰。馬甲栢秀。吉林馬甲雅庫。俱甚屬効力。固林泰。雅庫。著賞八品筆帖式職銜。栢秀。既係開戶。著賞給縣丞虛銜。○又諭。曰。富德奏。據葉爾羌脫出回人等。告知霍集占潛逃信息。領兵從固瑞薩納珠前進。與兆惠約期會剿。其無馬兵丁八百名。留待阿桂所領送馬兵丁七百餘名。作速趲赴等語。適兆惠已得喀什噶爾乞降信息。領兵迅往。不久應與富德會合。而富德隊內所候馬匹。急需接濟。可傳諭阿桂將所送馬匹。籌畫速行。不可遲滯。○又諭。據兆惠奏。喀什噶爾來降回人信息。知布拉呢敦兄弟。俱已逃遁。沙喇斯。瑪呼斯。厄魯特等。或乘亂掠取回人性隻逃走。亦未可定等語。前據定長奏。烏魯木齊牧羣被賊盜竊。尋蹤追至察拉垓。俱

各散走。朕即諭車布登扎布。加意搜捕。今回部賊酋。既經逃遁。則黨衆散走者必多。可傳諭車布登扎布。或於特穆爾圖諾爾等處。或於伊犁附近。擇水草之地。派出官兵。於賊人逃往哈薩克。俄羅斯等要路。設卡堵截。仍遍搜山林幽僻之地。倘逆賊等即在其中。豈非一好機會。車布登扎布。其悉心籌酌辦理。○又諭。近見數次軍營奏報。常有二三處所發。一時齊到者。設如兆惠之奏報。經過阿克蘇。而阿克蘇大臣等。將所奏事件。附之馳遞。尚屬可行。乃富德等由別路馳遞。而亦與兆惠之奏齊至。是必臺站人等積習。接受事件。不即飛遞。留待後到者。一同齎送之所致耳。今當進勦之時。軍機事件。刻不容緩。豈可任意偷安。以致遲誤。著將此交與兵部。按照軍臺通行曉示。仍令管理臺站官員等。不時稽查。仍有似此玩延貽誤者。務宜嚴叅治罪。○吏部議覆。雲南巡撫劉藻疏。稱滇省各屬水利。

除雲南府屬水利歸糧道管轄。業經兼銜不議外。其迤東迤西二道。應請兼水利銜。昭通府分防大關同知。魯甸通判。鎮沅府分防威遠同知。普洱府分防思茅同知。廣西府分防五槽通判。元江府分防他郎通判。順寧府分防緬寧通判。麗江府分防中甸同知。維西通判。大理府分防彌渡通判等員。均相離寫遠。各有地方之責。難以兼銜。管理別處水利。應責成各知府。並所屬州縣。將應興應修等事。隨時督率勘辦。景東。蒙化二府。係掌印同知。專司地方事務。毋庸兼銜。其曲靖。臨安。開化。永昌。永北。大理等府同知。及徵法通判。均請兼水利銜。應如所請。從之。○以翰林院侍讀劉星煒。充日講起居注官。○乙巳。諭。據嵇璜奏。伊母患病。告假回籍省視。調理兩月。未見痊可。難以遠離。情詞懇切。著允所請。准其在籍終養。禮部尚書員缺。著陳惠華補授。○諭軍機大臣等。楊應琚奏。庫車等處咨調綢緞。

布疋等項。換易回民糧石。業已酌辦解送一摺。看來各項布疋。於回地既為適用。當此刈獲之時。用以易換糧石。非特軍營得資接濟。且可省內地解運之繁。甚為便益。前已降旨。令戶部酌撥布疋二萬解送肅州。交該督等貯庫備撥。將來或有需用。不妨廣為籌備。多益善。現在傳諭戶部。再於各省產布地方。酌量備解。陸續運甘。庶軍儲倍為充裕。甘省比年歉收。民間食用。庶多方體卹。其糧石草束。本地既務從撙節。不令採辦拮据。即布疋一項。亦係小民日用所必需。今既由各省源源接辦備用。則甘省一切。可以無需購買。價值亦自平減。該督等正當專力於撫綏賑卹。副朕加惠邊民至意。此時回衆已得因糧之便。軍務亦指日可以告竣。該督等辦理儲胥。使內地靜若無事。斯為經理得宜耳。將此詳悉傳諭知之。○又諭。昨得布拉呢敦逃遁之奏。朕即謂霍集占若尚在逗遛。大兵可并力

擒獲。前諭兆惠等領兵先取喀什噶爾者。原以斷霍集占逃竄之路也。今布拉呢敦既遁。喀什噶爾乞降。料霍集占自不敢由此逃遁。若兆惠抵喀什噶爾時。霍集占尚據葉爾羌。即令阿里衮、額敏和卓、撫定回衆、伊達領本隊之兵。急與富德并力。攻葉爾羌。擒獲霍集占。布拉呢敦即在逃。亦可謂之竣事。若霍集占聞伊兄既逃。早已遁去。兆惠仍遵前旨。撫定葉爾羌回衆。富德、額敏和卓、明瑞作速領兵追襲。務期擒獲。俱著傳諭知之。○又諭。近據富德等奏。巴祿兵少。不便徑往葉爾羌。朕即諭令據守要隘。以斷兩城賊衆聲援。仍聽兆惠調遣。今布拉呢敦在逃。喀什噶爾乞降。葉爾羌亦必有變動。著傳諭巴祿不必據兩城要隘。惟探聽兆惠、富德兩軍信息。就伊兵力。可至何處。隨何人行。走有益。即會同進發。○豁除江蘇宿遷縣駱馬湖水沉灘地。乾隆元年至十九年未完租銀七百四十兩有奇。

○丙午。

上詣暢春園。問

皇太后安。○諭禮部堂官現在辦事人少。滿尚書事務。著德敏暫行兼管。○諭軍機大臣等。定長聞喀什噶爾回人歸誠。具摺奏賀。甚屬非是。此次將軍大臣進兵。務將逆酋兄弟。全行擒獲。以奏膚功。今布拉呢敦逃遁。所餘伯克數人。獻城歸附。大兵所至。應以未獲渠魁為恨。尚何喜之有。且即布拉呢敦悔罪歸誠。

實錄卷五九一

三六

亦不足道。惟生得霍集占。明正其罪。方可竣事。定長如此陳奏。特平日視此甚難耳。可謂不知事體。著傳諭知之。○調兵部侍郎程景伊。為禮部侍郎。以內閣學士熊學鵬。為兵部侍郎。○丁未。諭軍機大臣等。據成衮扎布議。奏時當秋令。若額爾克沙喇前赴車布登扎布處。則馬力未免疲乏。且薩拉布拉克卡被盜蹤跡。正在東南。亦應速為搜捕。額爾克沙喇業已起程。請令其自烏魯木齊前往察拉

實錄卷五九一

三六

垓等處。沿途牧養馬匹。詳悉搜捕。既不遠行。應將公車登薩木丕勒。停其前往。派台吉烏木布濟。帶兵百名接濟等語。即如所議。行車登薩木丕勒。已經起程。與烏木布濟俱著賞緞二端。并傳諭努三。若額爾克沙喇。與伊程途相近。即約會夾攻。或甚遠。則仍遵旨往博克達山。搜捕盜竊烏魯木齊牧羣之賊。俱著酌量辦理。○戶部議覆。據漕運總督楊錫紱奏稱。江西各幫極疲。丁稀之船六十餘隻。累年辦理拮据。酌議於額船七百八十隻內。加一裁減。尚存六百三十八隻。每丁可得加裝增益錢糧。并裁船撥歸屯協等費。歲運既覺寬餘。修造復多節省等語。查各省實運糧船。節次裁減。僅存六千餘隻。若再行議減。不特長途負重難行。輓運更多賠累。前奏請裁江浙二省漕船。經臣部議駁。江西事同一轍。所請加一裁減之處。應毋庸議。得旨。戶部議覆。江西裁減漕船一案。昨詢問楊錫紱奏。江西

幫船原與江浙等省不同。可以通融裁減。且於辦公有益。著即照所請行。○以戶部左侍郎劉綸為都察院左都御史。調刑部侍郎于敏中為戶部侍郎。以內閣學士謝溶生為刑部侍郎。大理寺卿李因培為內閣學士。實授王會汾為大理寺卿。○戊申。刑部議准。總督管理甘肅巡撫吳達善奏稱。甘省軍務未竣。兼逢歲歉。一切口糧車脚撥運維艱。請將未經僉解人犯暫行停止。俟甘省有收耕作需

實錄卷五十二

三十九

人時。即請改發屯所等語。臣部行知各督撫查照該犯等應配地方。即行分解。至從前緩決三次及私鑄情輕。本年秋審減等者。應改發近邊地方安插。此後罪應改發巴里坤者。俱暫照各本律問擬。從之。○賑卹浙江江山麗水三縣。本年被水災民。○是月。江南河道總督白鍾山奏。洪湖自淮水長發以來。陰雨兼旬。疊次加增。因清口東西二壩拆寬。現俱暢出。會黃歸海。其黃河水勢。桃汛後頗為盛

大業將隄工增培。約束大溜。悉走中泓。如有迎溜頂衝。出水卑矮者。飭令加修堅實。是以水勢雖長。容納有地。得旨。以手加額。欣慰覽之。毛城舖不曾出水乎。若能謹守。不使旁洩。實治河善策也。勉之。○兩廣總督李侍堯奏。嘆咭喇商人控告監督李永標各款。查因官辦剋扣。及自買貨物。全不酬價之事。李永標實不至此。惟聞該家人遇洋船進口。置買貨物。不以實價給發。各行未免賠累。再向來夷

實錄卷五十二

三十九

商到粵。不能豫定銷售之難。易勢必交行商代售。粵商力難豫墊。夷商急欲回國。亦願聽其掛欠。近年各行那新補舊。夷商索取難清。頓覺視為拖累。日久相沿。未便另立科條。轉有格礙。惟上年九月內。咭喇晒夷商有貯頓黎光華行內貨物。嗣光華病故。李永標因其有虧官帑。將伊家產貨物概為封貯。致該商控稟。其餘各夷商惟恐日後照此封貯。以致欠項無著。疑慮因循。亦未可定。此外或另有

負屈之處。惟俟欽差新柱。朝銓等到粵會勘。斷不敢稍存瞻顧。得旨。看此。李永標不能免罪矣。○四川提督岳鍾璜奏。員弁弓馬。非考驗不能知其有無生疎。其中材以下。因循不振。自計資俸已深。推陞在即。不免弓馬漸退。嗣後川省營員。如遇推陞。應將部發劄票暫存。一面行調該員考驗。如有生疎。即據實題叅。俾該員知所儆惕。得旨甚好。

實錄卷五九二

五

大清高宗法天隆運至誠先覺體元立極敷文奮武孝慈神聖純皇帝實錄卷之五百九十一

大清高宗法天隆運至誠先覺體元立極敷文奮武孝慈神聖純皇帝實錄卷之五百九十二

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂
總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務世襲騎都尉軍功加十九級隨帶加三級又加二級臣董誥內大臣戶部尚書鑲藍旗滿洲都統軍功紀錄五次尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十四年己卯秋七月己酉朔享

實錄卷五九二

二

太廟遣和親王弘晝恭代行禮○定邊將軍兆惠等奏。臣等聞喀什噶爾回人信息。即領兵前進。先派額敏和卓之子茂薩等。馳往安撫城堡。查明地畝。據喀什噶爾所屬牌租阿巴特城伯克呢雅斯。遣回人呈稱。六月間。霍集占遣人告知。布拉呢敦。將葉爾羌。喀什噶爾。城堡焚毀。令回人等。遷往巴達克山。我即閉城拒守。聞霍集占兄弟。約於色喀庫勒之齊里衮巴蘇相會。若兵至。即可擒獲等語。臣等

一面檄知布魯特納喇巴圖等截賊人前往色呼庫勒投霍罕額爾德尼伯克之路一面儘力尾追報聞○叅贊大臣阿里衮等奏臣與巴祿等兵抵巴爾楚克擒獲多倫回人度默特等據供從喀什噶爾脫出霍集占現將巴爾楚克邊卡撤回兄弟商議欲從巴達克山路往痕都斯坦等語臣等恐度默特等所言未足為據已送往阿克蘇並行知兩路軍營報聞○諭軍機大臣等據兆惠阿里衮等

奏報霍集占兄弟商議同逃看來從巴達克

山往痕都斯坦較為確實我兵未抵城下賊已竄逸非將軍等之咎但二城即定而逆賊兄弟未擒難云竣事兆惠富德等自應窮追務獲且賊人伎倆已無所施若見我聲勢可畏必自相擒獻或稍存猶豫則亦必觀望苟延現在馬力有餘加以二城村堡所有俱可接濟計奉到此旨不過八月初旬正可長驅深入或天氣漸寒即撤回葉爾羌來年再行

追襲亦可至回人等雖應撫卹而馬匹必當拘收庶不假伊等以足力俱著傳諭知之○又諭曰額敏和卓之子茂薩奉委馳往喀什噶爾安撫回衆查勘地畝甚屬効力著加恩賞給公品級○以廣東澄海協副將王陳榮為廣東碣石鎮總兵○庚戌

上詣暢春園問

皇太后安○諭曰祖尚德前在天津總兵任內好自尊大不循體制提督吳進義曾經奏及嗣因調任廣東意其故習必甚降旨李侍堯令其留心察看今據奏稱祖尚德於所屬兵丁苛求責處又倨傲自恃文武不能和協看來祖尚德不宜總兵之任著來京以叅領用其廣東右翼鎮總兵員缺著官德滋補授○諭軍機大臣等昨據兆惠等奏稱霍集占兄弟俱經逃竄追襲最為緊要以我馬力有餘而逆賊等所攜萬衆雖以婦女童稚行走既不能便利多人亦易生變亂我兵當恩威並

用。或招撫。或離間。中途必自潰散。或有擒獻者。至堵截。雖亦一策。但急追不能紆道。或致徒疲馬力。若果逃往巴達克山。量伊地僅一小部落。斷不能收養。如許逋逃。且豈肯自招罪累。兆惠。富德等。惟宜悉心奮勉。以奏膚功。守城拒賊之伯克。呢雅斯。兆惠等。即量加獎賞。其二城來降。伯克等。應如何酌予加恩。俱著查明定議具奏。○又諭曰。成袞扎布。以籌畫車布登扎布行糧具奏。今體察回部情形。

實錄卷五九二

四

一

車布登扎布。不須往特穆爾圖諾爾。但於伊犁附近。擇水草之地。駐牧。防範霍集占等。逃入俄羅斯。哈薩克之路。併搜捕瑪哈沁。其官兵糧餉。行文定長等支給。○辛亥。諭據桑寨多爾濟奏。稱公品級車布登等。拏獲在逃之厄魯特丹布等。解京等語。車布登甚屬奮勉。著加恩授為輔國公。其餘台吉官兵等。應如何施恩之處。即行議奏。厄魯特丹布等。不必解京。派乾清門侍衛烏爾袞保。馳驛前往。將

伊等帶至呼倫貝爾。於衆厄魯特前正法。用示懲儆。○吏部議奏。兩江總督尹繼善。江蘇巡撫陳宏謀。督捕飛蝗不力。應照例革職。得旨。捕蝗為地方要務。該督撫自應嚴飭屬員。實力查辦。是以處分定例綦嚴。從前直隸捕蝗案內。部議將方觀承。擬以降三級調用。經朕降旨。改為革職留任。此案該督尹繼善。統轄三省。地方遼濶。或有查察未周之處。著從寬。仍照部議。方觀承例。降三級調用。准其抵銷。至該撫陳宏謀。境內遇有飛蝗。督捕乃其專責。且海州一帶。距蘇州不遠。屬員撲捕不力。豈竟漫無覺察。何以並不查叅。又未親身往捕。非尋常徇庇可比。著革去總督銜。照部議革職。留巡撫任。○又議覆雲南按察使吳紹詩奏。稱命案逃犯。除承緝官初叅限滿。後任接緝不獲者。照例處分外。如接緝在前官初叅限內。未能弋獲者。請從重議處等語。查偵緝逃犯。初叅限內。最為緊要。而向例限內

接緝與限外接緝者。同一處分。庸碌之員。遂不及時追捕。請嗣後限內接緝不獲者。罰俸一年外。再限一年。不獲。仍罰俸一年。逃犯照案緝拏。至盜案疎防限內接緝無獲之員。亦一例辦理。從之。○刑部議准。河南學政劉湘奏稱。棍徒撞騙生童。捏稱線索。給與字記者。請不分有無封銀立約。及口許虛賊。俱照撞騙已成例。枷號三月。發烟瘴地面充軍。其生童杖一百。徒三年。從之。○又議覆。浙江按察使李治運奏稱。城市關廟。有營官駐劄者。令派兵分路巡查。應如所請。至所稱州縣捕役。交吏目典史專管之處。查捕役人等。一切慎募承充。僉差緝犯。自應仍歸正印官管理。但該員等既有督捕之責。可令兼管。遇有應緝人犯。許按限徵比。如捕役違條犯法。與印官一例處分。從之。○以故奉恩將軍宗室巴啟納子天師保襲職。○以革退輔國公宗室斗保子福安降襲奉恩將軍。○旌表守正捐軀

之山東濟寧州民沈祥佑妻葛氏。○士子上以秋獮木蘭奉

皇太后自圓明園啟鑒。○詣

皇太后行宮問安。○諭。朕此次巡幸木蘭。所有經過地方。著加恩蠲免錢糧十分之三。該部即遵諭行。○又諭。直屬夏秋以來米價稍昂。因截留漕糧。並酌撥倉穀。令各該地方設厰平糶。民食不致拮据。所有通省各營兵丁。並著加恩。令該督提等查明確數。每名借給糧一石。俟明年夏季起。分作一年扣還。其附近水次者。即於截存漕糧項內動撥。餘即就各該處倉糧內借給。以示體卹。該部即遵諭行。○是日。駐蹕南石槽行宮。○癸丑。上駐蹕密雲縣行宮。翼日如之。○甲寅。工部議准。兩江總督尹繼善疏稱。淮。揚。徐海等屬。幹支各河。有關農田宣洩。并關黃運湖河者。應令地方河官分管。如止關農田。不關河工者。全歸地方官管理。但各該州縣額設佐貳等

官。有管理地方者。有全係河員者。應分別專管兼轄。以免諉卸。其有一河而跨數州縣者。各按河道坐落分管。仍於交接之處。立碣劃界。又一河而應派二員分管者。亦於分工處所。立石為記。至六塘沂河。洪溝港河。兩岸子堰。道遠工長。應按里設立堰長巡查。又歸仁隄工。原係黃河廳汎兼管。汎臨時令撥兵防護。汎後撤回。從之。○乙卯。諭軍機大臣等。據玉素布奏。稱從葉爾羌脫出之烏什回人阿奇木和卓等。告知霍集占。聞大兵將至。向西逃竄。布拉呢敦。通使安集延。往復之間。霍集占謂其難信。留來人不遣。以賊衆千人。付阿布都克呼木。賽哩克伯克。守城等語。霍集占聞風逃竄。自屬確實。至以千人留葉爾羌。則斷不能守。此必逆賊等。恐有追襲。俾親信之人斷後。揚言固守。以作疑兵。冀我師或不窮追久駐。仍可復回抗拒耳。兆惠所領兵馬。尚無不足。惟富德馬力稍弱。頗為慮念。但阿桂

續進之兵。亦可接濟。其悉心奮勉行走。至阿布都克呼木。從前固守庫車。戕害托克托等。實為逆黨渠魁。此時果留葉爾羌。務宜擒獲正法。以抒衆憤。俱著傳諭知之。○是日。駐蹕要亭行宮。○丙辰。諭昨據鑲黃旗滿洲都統以素玉承襲散秩大臣具奏。朕因此等承襲散秩大臣。都統昔曾有之。令將現在八旗內統計幾缺。俱係何人承襲之處。查奏。茲據軍機大臣等查覆。八旗共有世襲散秩大臣三員。都統四員。散秩大臣三缺。現各承襲其都統四缺。停襲。並將伊等世襲原由。及停襲之處。一併具奏。查伊等俱因著有勲績。

太祖

太宗特加恩賞給世職。用昭懋典。今伊等子孫或緣事停襲。或因都統有辦事之責。停襲於國家酬庸之道。未合。朕心不忍。著加恩將石廷柱。墨爾根。轄之都統。俱作為散秩大臣。令伊等子孫承襲。再上默特古祿格。楚琥爾之

都統與杭高之都統無異。今杭高之都統既賞給男爵世襲。古祿格楚琥爾亦著照此賞給。令伊養子子爵扎什泰兼襲。著傳諭八旗以示朕軫念勲耆特霽恩施至意。○又諭曰劉順著調補安西提督。其甘肅提督員缺著閔相師調補。閔相師現在軍營。其印務仍著額僧額署理。○調陝西平利縣知縣黃寬赴部引見。○是日駐蹕兩間房行宮。○丁巳。

上詣

皇太后行宮問安。○定邊將軍兆惠等奏臣等領兵前往喀什噶爾。沿途經過村莊。回衆皆獻牛酒果餌。情詞恭順。又被脅脫出之回人等俱稱霍集占由伯克和囉木渡口向羌呼勒逃去。布拉呢敦由玉魯克嶺潛逃。兄弟會齊同行。同黨止四千餘人等語。臣等抵喀什噶爾後加以撫慰。詢知布拉呢敦兄弟相會後同向色呼庫勒逃走。雖均係巴達克山必由之路。但甚險遠。伊等或往巴達克山附近

之博羅爾。或仍往安集延。瑪爾噶朗。霍罕。納木干等處。皆未可定。查色呼庫勒附近之帕密勒。西通博羅爾。巴達克山。北通安集延等處。應於此堵拏。行程不過十數日。臣等已知會阿里衮。已祿之兵前來協助。臣明瑞。愛隆。阿溫布等即領兵二千追襲。其餘兵馬暫為休息。臣兆惠一面將撫定喀什噶爾葉爾羌查覈戶口田賦。委員派兵防守各事宜。辦理就緒。即領兵策應。報聞。○定邊右副將軍富德等奏臣等由固爾薩納珠前進。據索倫總管薩壘等獲回人伊巴哩野木等。告稱霍集占棄葉爾羌逃往英吉沙爾。大小伯克等情願迎降。臣一面派兵五百名。令鄂博什等特檄往諭為首之喀瑪勒和卓等。一面帶兵前往沿途回人扶老攜幼。道左跪迎。行至聽雜阿布河岸。鄂博什等將檄傳之喀瑪勒和卓等帶來投降。臣等進兵渡河。入城撫慰回衆。令各安生業。查明現存戶口二萬餘。復詢霍

集占逃走所向。僉稱或往巴達克山。或往安集延。不知確實等語。臣等務期追獲。報聞。○諭據將軍兆惠。當德等奏稱。逆賊霍集占兄弟。聞大兵前進。率其親黨逃竄。葉爾羌。喀什噶爾。兩城回衆。俱輸忱歸順。現在一面安撫兩城。一面派兵追勦等語。覽奏深為欣慰。逆賊兄弟雖畏罪先逃。而兩大城實回部著名之地。既歡迎恐後。則二賊亦可計日就擒。此皆將軍大臣官兵等奮勉所致。甚屬可嘉。俱著交部議敘。又諭軍機大臣等。兆惠。當德等具奏撫定回城。業經加恩議敘。仍著傳諭伊等。激勵官兵。益加奮勉。務使渠魁早獲。以期承受寵榮。從前曾降諭旨。兆惠辦理兩城事務。當德。明瑞等領兵速往追賊。即當作速起程。沿途宣布朕諭。以霍集占等罪由自取。與脅從之衆無涉。有能擒獻者。必需殊恩。雖附和為惡。如沙喇斯瑪。呼斯人等。倘能幡然悔悟。去逆效順。亦從寬免罪。俱著遵照辦理。○

以翰林院侍讀盧明楷為河南鄉試正考官。侍讀學士朱珪為副考官。右春坊右贊善錢大昕為山東鄉試正考官。戶部郎中葉宏為副考官。翰林院編修紀昀為山西鄉試正考官。戶部主事周曰贊為副考官。○是日駐蹕常山峪行宮。○戊午。孝懿仁皇后忌辰。遣官祭景陵。○諭軍機大臣等。當德等奏撫定葉爾羌等城回衆。紅旗馳報。甚為迅速。所有臺站人等。自應加恩。著將巴里坤以內臺站交地方官查明。其巴里坤以外。交清馥。定長。舒赫德等查明。造冊送部議敘。○又諭。昨據兆惠奏。派明瑞領兵二千追勦逆賊等語。若明瑞等能速追即獲。固屬甚善。萬一賊衆遠颺。則接濟官兵糧餉。甚屬緊要。但官兵所至多布魯特等部落。伊等業已歸誠。又令協擒賊首。自未便責其供應。著兆惠豫為籌畫。且亦當酌量馬力。計節次辦送之。馬將二萬匹。自春迄

夏始能全到。伊等自應加意牧養。有傷損者。或向回人。及布魯特等。換易添補。縱不可得。但以足數萬人之馬。派給勁旅五千。自有餘裕。若今歲不能竣事。即暫回葉爾羌等處休息亦可。至富德奏霍集占所居。應否拆毀等語。著即為辦事大臣公署。擒獲逆賊後。或選授阿奇木伯克等。亦可居住。俱著傳諭知之。○是日。駐蹕喀喇河屯行宮。○已未上奉

皇太后駐蹕避暑山莊。至八月壬辰。皆如之。○詣

皇太后行宮問安。○諭。據禮部奏請。八旗有現任三品以上。大臣子孫。及親兄弟之子。可否令其入場鄉試一摺。甚屬有意。朦混。前因八旗童生。入場滋事。風尚澆漓。在平日既不專務。八旗淳樸舊俗。而徒博取虛名。且流為舞弊惡習。不得不力為整頓。是以令伊等自行奏明。必其國語騎射。皆有可觀。方准考試童

生如此。鄉試又何待言。乃立法伊始。而本人並不自奏。即冊送禮部。禮部亦即含糊具請。希圖僥倖。是誠何心。若謂前旨專屬童生而言。則生員已經考試童生。且不具論。其貢監一途。人人可捐。若不須陳奏。是童生不得應小試。轉可避而應鄉試矣。有是理耶。伍齡安等自問能登答此旨乎。其中係何情由。著即明白回奏。仍將冊內開送應考十餘人之父兄一一查明具奏。併令在京總理事務王大

臣。傳齊伊等。令看此旨。皆令其自行明白回奏。朕法在必行。毋謂小小伎倆。可以嘗試也。○諭軍機大臣等。舒赫德等奏稱阿克蘇係回部大城。村莊甚多。舊係伯克密喇布等管。理今雖不必準以內地官制。而品級職掌。宜為釐定。庶足以辨等威。而昭信守等語。所奏甚是。著照所請。以阿奇木伯克為三品。伊什罕伯克為四品。噶西納齊伯克為五品。將應陞人員奏請補授。其小伯克密喇布等為六

七品。俟缺出揀選補授。其餘各城俱一體辦理。但回部諸城皆大兵進勦所定。非哈密吐魯番之向化歸誠可比。從前玉素布額敏和卓之屬人等。本其世僕。故所設官員俱不支俸。此等回人雖承辦公事。有官職大小之殊。皆係朕之臣僕。將來如阿奇木等。大伯克或令其輪班入覲。酌給官俸。其小伯克等。或於所定租賦內通融支給亦可。著傳諭舒赫德查覈定議具奏。俟回部全定後舉行。此時不妨以籌辦大概曉示回人。俾共知感激奮勉。○又諭據阿思哈奏。信豐縣刀民二十餘人。在大庾縣寨下地方搶奪南埠鹽船。又於藍村地方搶奪續運鹽船等語。夥黨私販已干法紀。乃敢糾合多人持械逞兇搶奪官運鹽船。並因從前私販蕭士美等拒捕格傷身死。明言因命報仇。尤屬不法。此等棍徒實為地方重害。若不痛加懲治。無以遏戢刀風。著傳諭阿思哈即將拏獲各犯嚴行審究。從重辦

理。毋得稍存姑息。○又諭據綽勒多奏。發往黑龍江之遣犯薩炳阿。自到配所不安本分。曾因酒醉與人鬪毆。從重責處。今復酗酒行凶。請改發極邊烟瘴地方等語。薩炳阿係自配所兩次偷逃之犯。從前即應正法。因其自行投首。免罪發遣黑龍江。伊至配所仍不悛改。兩次酗酒滋事。凶惡已極。於此仍不正法。請改發烟瘴。是何言耶。綽勒多此奏殊不曉事。著嚴行申飭。薩炳阿即在黑龍江正法。以為凶暴者戒。○庚申。諭上年降旨。令八旗三品以上大臣。有子弟應試者。自行奏明方准入闈。特因旗童在場喧鬧滋事。是以為伊父兄示之節制。俾知崇實黜浮。破除積習。非概從禁止。遏其進取之途也。乃今年鄉試屆期。伊等既不遵旨自奏。禮部又為含糊具請。似此巧為嘗試。將使故智益萌。伊於胡底。我八旗淳樸素風。嫻國語習騎射。其人果有足錄。均可量能擢用。若科目者。特備儲材一格耳。

今乃艷心詭遇。又從而釣弋其名。淵藪其弊。是以國家啟迪後生之途。轉為蠹壞人材之具。可乎。且我朝開國以來。名臣碩輔。莫不志秉忠忱。才優韜畧。初非從事佔畢者。即仕蹟大僚。內而大學士。尚書。外而總督。巡撫。敷名氣節。指不勝屈。大約皆非出於甲乙兩榜。即近時大臣。在科第中有名者。不過如鄂爾泰。尹繼善。一二人而已。然其見用。實以其心地材幹。初不以其文也。其他倖列科名。而名實不副者。亦指不勝屈。若奉寬國柱者。流以滿洲本色論之。皆不能至驍騎校者。而乃託名斯文。平日又不肯潛心力學。惟事希心襲取。視為功名捷徑。甚至懷挾夾帶。無弊不作。即立法嚴行搜檢。而所派大臣。非親即故。俗稱官官相護。亦復有名無實。此所關於風俗人心者甚鉅。朕安得不力為振刷。以挽頹風。伊等至此。尚不思痛自湔改。一似竄身入闈。即可僥倖萬一。勢必欲朕盡停旗人鄉會試。而

後已乎。所有禮部單開不循例自奏。遽任子弟冊送考試之尹繼善等。著將該部及該旗曾否鈔錄前奉諭旨。行文知會伊等之處。令該部旗及伊等本人。據實明白回奏。再行降旨。至僧保住。福延。乃係內務府人員。進身豈患無階。而亦令子弟驚名科舉。又顯違旨。不奏。尤為庸妄。著將僧保住。福延。革職。並將伊子弟革去生監。在內務府庫使筆帖式上効力行走。不准給俸。俟五年無過。該管官奏明。另請挑差。其朦混奏請之禮部堂官伍齡安等。著交部嚴察議奏。○諭軍機大臣等。葉爾羌。喀什噶爾等城。回衆歸降。逆賊布拉呢敦。霍集占。二人潛逃。未獲。著寄信章嘉呼圖克圖。除通行曉諭藏地人衆外。並傳示阿哩拉達克等處。如霍集占等逃往彼處。即可縛獻。或呼圖克圖先已起身。可將此旨寄知集福官。保奉到時。即遵照辦理。○辛酉。諭曰。達色同福柱彼此揭叅。據松阿哩詢問情節。係同

福柱目無達色。而達色又不能節制同福柱。松阿哩自應分別定擬。將同福柱從重嚴加議處。達色察議乃一同題參。並無區別。在松阿哩或以身為將軍。若分別具奏。恐有袒護同官之嫌。辦理政務。惟宜秉公。何可如此存心。松阿哩著飭行。同福柱著解任來京候旨。達色交部察議。○停徵山西陽曲岢嵐嵐縣興縣長治長子屯留襄垣潞城壺關平順臨縣石樓永寧寧鄉應州大同懷仁山陰靈邱廣靈豐鎮朔州右玉馬邑左雲平魯寧遠五寨遼州榆社和順沁州沁源武鄉靜樂崞縣保德河曲等三十九廳州縣。本年旱災新舊額賦兼貸飢民。○以故科爾沁扎薩克和碩土謝圖親王阿喇布坦子垂扎布襲爵。○壬戌。

上詣

皇太后行宮問安。○諭曰。雙慶等奏初五日夜雨甚大。河水湧溢。以致漫開平上閘北岸老

隄等處。請賠修議處一摺。所奏殊不明晰。聞河因雨驟漲。如果各閘啟板遲誤。該管官自責有攸歸。若係水勢猝長。一時不能宣洩。人力難施。自與官員疎防者有間。此中情節。並未經查覈辦理。不免疎率。但既據該侍郎等分認趕築完竣。所奏將各員請交部議之處。著加恩寬免。○諭軍機大臣等。據楊廷璋奏接定海總兵羅英芴劄送番商洪任呈詞一紙。稱係委押番船之署守備陳兆龍於押送番船出境時。交令帶投詞語字蹟。似非出自番人之手。恐有內地奸人為之商謀。即陳兆龍之接回呈詞。亦不無情弊。現在飛提陳兆龍到閩面訊實情。并詳悉告知將軍新柱等。語此案前經天津鹽政官著等奏聞。已令新柱赴粵。并差朝銓帶同番商會同李侍堯查辦。楊廷璋接閱該番商呈詞。即往根究實情。所見甚是。看其情形。必有內地奸民潛為勾引。事關海疆。自應徹底根究。以戢刁風。而該

商等在浙。聞天津處處呈控。亦不無挾制居奇之意。不知外洋貨物內地何一不有。豈必藉伊來貿易始可足用。是在內地奸人果有為之商謀者。審出固當按法嚴治。而番商立意把持。必欲去粵向浙。情理亦屬可惡。不可不申明國憲。示以限制。新柱到粵。著逐一嚴訊。務得實情。妥協辦理。但不可因有此旨。惟歸罪洋商。而置李永標於不問。曲為開脫。必使剝商貪婪者抵罪。內地勾引者亦不得免。罰則辦理允當。洋夷允服矣。並傳諭楊廷璋令其將提到陳兆龍面訊情形。并應行解往人犯。速行知會新柱併案審理。尋楊廷璋覆奏。洪任呈詞先期宿構。備帶來浙。於官弁雲集時。出呈扭交守備陳兆龍。該備於護送出境後。呈繳並無情弊。至番船泊雙歧港大洋距定海尚隔洋面二百里。民人不能前往。該船寄碇。僅止一日。官員耳目眾多。亦無內地牙棍附近番船實無應行解質之人。報聞。

又諭據扎拉豐阿阿蘭泰奏稱鄂爾多斯貝勒棟羅布扎木素進獻驕馬二百匹。驕駝十隻。兒駝十隻。母駝三十隻。情願不領價值等語。棟羅布扎木素感戴朕恩。貢進駝馬實屬急公。著加恩照採買之價賞給。即入應解馬駝數內一併解送。以福建汀州鎮總兵編柱廣東右翼鎮總兵官德滋對調。癸亥中元節遣官祭

永陵

福陵

昭陵

昭西陵

孝陵

孝東陵

景陵

泰陵 遣官祭

孝賢皇后陵

端慧皇太子園寢 諭軍機大臣等據清馥

等奏稱。前派委驍騎校覺和託。守備王良鈞。追勦盜竊馬匹之瑪哈沁等三十餘人行至中途失賊而歸。現擬親自帶兵二百名。由烏蘭烏蘇前往哈布塔克拜達克。地方沿山一帶查拏。請將印務暫交同德書保辦理等語。著照所請行。務將瑪哈沁賊衆勦除淨盡。至覺和託。王良鈞。派令帶兵追賊中路舍之而歸。殊屬不合。此輩若係大員。自當叅奏。今不過微末員弁。即可將伊等懲責。著寄信清馥。嗣後如遇此等事件。應叅奏者。即行叅奏。應懲責者。即行懲責。○又諭據清馥等叅奏。珠縱巴里坤絞犯姜二之縣丞郭繼。知府圖桑阿一摺。業經交部覈辦。著寄信清馥。此種不法之徒。情罪可惡。巴里坤本無監獄。審明後即可嚴辦。何必久為看守。即覈其情節。尚有可矜。亦不必留在彼處。可解送肅州等處監禁。嗣後如遇此等事件。照此辦理。

大清高宗法天隆運至誠先覺體元立極敷文奮武孝慈神聖純皇帝實錄卷之五百九十二

大清高宗法天隆運至誠先覺體元立極敷文
奮武孝慈神聖純皇帝實錄卷之五百九十三

監修總裁官經筵講官太子太傅文淵閣大學士文淵閣領侍衛內大臣稽察欽奉 上諭部侍衛管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文學士文淵閣領侍衛內大臣欽奉 上諭部侍衛管理刑部戶部工部事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德齡經筵講官太子少保工部尚書紀錄六次臣曹振鏞等奉

敕修

乾隆二十四年己卯七月甲子諭軍機大臣

平定人等

等據車布登扎布奏稱領兵至博囉呼濟爾
遇哈薩克之哈喇巴喇克等言及貿易一事
據稱上年哈巴木拜之子額得格等至烏魯
木齊交易回抵游牧云馬一匹僅得緞一端
衆人聞知俱不願前往今將軍等既准貿易
須致書與阿布賚相商仍懇量為增給等語
哈薩克乃微小部落貪利無厭若如所請增
給貨物日後輟轉干求何所底止此則斷不
可行況上年貿易馬匹原為進勦逆回今諸

城盡附逆賊計日可擒何必多購馬匹置之

無用著傳諭勞三等若哈薩克人等仍來貿

易或嫌工料紕薄妄求增給即行曉示云緞

疋皆商人貨物民間通用難以內庫賞賚之

物相衡爾等如不願交易亦聽其便豈能曲

從所請轉致累我商民現在伊等曾否前來

及作何辦理即著奏聞○又諭曰車布登扎

布奏稱奉旨堵截逆回逃走要路詢之嚮導

人等俱云特穆爾圖諾爾天氣甚寒七月後

平定人等

即有大雪請先探兆惠信息聽候調遣等語

前諭車布登扎布等堵截逆賊蓋防其由哈

薩克投入俄羅斯也今兆惠等既撫定葉爾

羌等城霍集占兄弟向西逃走則特穆爾圖

諾爾及伊犁等處俱無庸防範著即領兵由

阿爾台回喀爾喀游牧併傳諭沿途駐劄大

臣等知之○以翰林院侍讀學士王鳴盛為

內閣學士兼禮部侍郎○旌表守正捐軀之

廣東番禺縣民蘇朝均妻陳氏○乙丑

上詣

皇太后行宮問安。諭軍機大臣等鄂寶奏請將桂平梧州四府屬應糶社倉息穀撥補應買添貯穀石一摺所奏殊未明晰倉儲關繫民食糶陳易新期於緩急有濟立法本為盡善乃地方有司於倉儲平糶買補事宜每不肯悉心整頓隨時糶買遂創為通融撥補之說慫恿上官為督撫者亦往往遷就從事以致積貯善政有名無實殊失常平社倉本意如近日御史吳龍見等條奏有以倉穀數多難於交代將借出之項不行催還而平糶者亦不即及時買補等語其明驗也今鄂寶此奏亦似為籌辦倉儲起見但於積貯本意究未能深悉著即傳諭詢問鄂寶摺內所請是否為該撫前奏專備廣東酌撥接濟之用是以將桂平等屬息穀彼此通融辦理抑或地方官冀省輟轉糶買因欲借此為嘗試推行之計不可不留心審察著將該省所屬各處

倉儲實在情形並應作何實力妥辦之處據實詳悉奏覆尋奏粵西社倉息穀原係溢額之項糶後無庸買補茲值採買備東穀時酌撥此項既省一糶一買之煩亦可早運東省非因倉儲缺額借為通融撥補之計至常平穀向俱足額本年借糶無多現飭屬照數購補得旨覽奏俱悉如所議行。又諭據溫敏奏鐵嶺防禦老格知縣興福於承審事件偏信一面之詞將旗人烏爾格濟誣為竊賊致死請將老格興福解任與案內人犯一併交清保通福壽會審等語溫敏此奏係旗民交涉事件若即交清保等審訊又不無偏護旗人之見著寄信伊祿順令馳驛前赴盛京會同清保溫敏通福壽秉公審究不可稍有袒護再緝拏竊賊固宜鄉民協同搜捕但編名立會已屬不可況獲賊並不送官私自割耳刺目竟係非法妄行著將溫敏原奏鈔寄伊祿順閱看到彼處時逐一詳悉鞠訊具奏。

丙寅諭前因外省將軍提鎮有表率營伍之責出則乘輿恐致狃於便安是以特行禁止其有年逾七十者准自行奏聞請旨近聞將軍提鎮等有因公赴京遇地方向無馬匹之處或未免拘泥難行且於本處偶值天雨不能乘騎時亦應量為區別嗣後有似此者俱著准其乘輿但不得因有是旨輒任意乘用及役使兵丁有乖營制大學士等議奏舊例引見人員奉旨後復行具題者滿洲四五

聖訓卷三十三

品京堂并滿漢御史及雙單月滿漢月官查滿月官有由京補放盛京人員三年未滿遇應陞時如係京缺以陞銜留任若係盛京應陞之缺照常陞用俱於本內聲明奉旨後將盛京官員推陞遺缺始行開選漢月官引見後詳開各員出身履歷並有無加級紀錄及一切降罰事故應帶入新任者並於本內題明註冊此二項以題本為準似應仍舊辦理其餘各項既經引見奉旨人員不必再題得

旨滿漢月官照例具題餘俱著停止○丁卯上奉

皇太后章卷阿勝境侍早晚膳至丙子皆如之

○兵部議覆福州將軍新柱等奏稱福州旗營改駐滿兵應將該管各官分定兵數管轄等語查福州每旗設協領各一員佐領各二員防禦各一員驍騎校各二員額兵二百五十名應如所請將每旗佐領二員分為頭二佐領各管兵一百二十五名驍騎校二員即

聖訓卷三十三

令隨同分管作為專管官協領為兼轄官其八旗防禦共八員每翼各派一員委署前鋒章京管轄左右二翼烏鎗兵丁再派二員辦理檔房事務餘派緝查旗營地方從之直隸總督方觀承議覆御史李宜青條奏疏濬水源一疏查畿輔水利仰蒙

世宗憲皇帝大發帑金設東西南北四局分路營治

皇上復裕頒經費舉行初二三次工程臣每歲

稽查修濬期無廢間有一泉初出立予疏治如滿城之申泉邢臺之鴛泉達活泉野狐泉百泉雖所溉廣狹不同未肯任其局塞至所稱宋臣何承矩於雄莫霸州順安等處興堰六百里引淀灌注民賴其利等語查今之東西二淀即其遺蹟六百里堰即今千里長隄淀為畿南北泉水所匯崇隄屹立惟防水溢蓋淀高而城邑皆下倘泥往迹引淀灌田害將莫救此今昔情形之有異也如就淀言

有東人言

利則三百餘里中水村鱗比產物不可勝紀一畝之地一屋之基以數十金論值民賴其利視昔加饒然當歲旱則雖蒲葦亦失其長養之常江浙澤國水多於地亦不免以旱告是雖有陂池之潤不足當雨澤之施惟遇旱而求通雨澤於水土之氣則人事有當盡者耳至所奏村莊道路開挖溝渠等款臣前奏明於農隙酌量情形隨時籌辦應毋庸再議下部知之○戊辰諭今歲鄉試屆期三品以

上大臣子弟內有未經遵例陳奏遽行送考者經朕降旨令該旗及本人明白回奏今據鑲黃正白正紅鑲藍滿洲正藍滿洲蒙古等六旗覆奏以現在送考之人其父兄或在軍前或係外任俱未在京等語去歲此旨雖經該旗俱已行文然此內如永貴阿桂清馥等現在軍營辦事無論伊等子弟在京應試與否無由而知即知之亦何暇陳奏此在該旗本應奏聞之事若外省督撫安居無事先期自行陳奏為是然伊等並未令子弟往考則不奏亦未為過而該旗何以仍將名冊咨送禮部是該旗明係瞻徇而又執例推諉均與不奏之本人無涉前已將朦混請旨之禮部堂官等交部嚴加察議所有瞻徇推諉之鑲黃等旗管旗王大臣等著一併交部嚴行察議并將此通行曉諭八旗知之○又諭據右衛副都統拔常參奏石勇勒買屬員婢女為妾復將伊本身曾借同知銀放給兵丁被石

勇挾嫌叅奏。自請交部嚴議等語。拔常石勇皆係旗員並無勤勞。幸擢用副都統尚不思勤慎効力。竟敢為此無恥之事。甚屬不堪。拔常石勇均著革去副都統。在叅領上行走。此副都統二缺。以素玉調補一缺外。其一缺著城守尉彰武泰補授。素玉所遺副都統員缺著豐安補授。○已已諭軍機大臣等。據將軍成衮扎布等奏稱。達什扎布等在烏隴古之西遇賊三十餘人。因令扎隆阿等跟蹤追勦。伊等行走逗遛。致令逃竄。現飭前往拏獲解送等語。前在薩拉布拉克卡盜竊馬匹之瑪哈沁等。諒即係此等賊匪。扎隆阿等並未上緊追捕。以致竄逸。甚屬無用。著寄信成衮扎布嚴飭扎隆阿同額爾克沙喇等竭力勦捕。昨清馥亦曾奏請往追此等賊匪。經朕降旨准行。伊等兩路夾攻。想竄賊皆可就擒。扎隆阿額爾克沙喇等追賊消息如何之處。再行奏聞。○庚午諭曰。兆惠等摺奏。據帶領偵探

兵藍翎侍衛莫寧察投回家人瑪木特告稱。前隨莫寧察並固濟爾巴圖魯侍衛瑞綽爾圖與達什車凌等帶兵百名前途偵探遇賊黨千餘人。猝被遮斷。時莫寧察瑞綽爾圖各踞空屋固守。有察哈爾一人開門投賊。瑞綽爾圖等悉力拒賊。因發矢已盡。莫寧察等遂擊去瑞綽爾圖。罵賊不屈。逆酋手斷其頸。岱屯亦剝腹被害。其察哈爾投賊者名丹巴林沁等語。達什車凌瑞綽爾圖等前已降旨勅部加恩。今瑞綽爾圖被擒。罵賊慘烈。捐軀始終不屈。忠義之氣炳然。覽奏深為嘉憫。瑞綽爾圖有無子嗣。並前此作何加恩。該部即查明具奏。候朕降旨施恩優卹。以勵忠貞。岱屯等著一併查奏。瑪木特被拏投回。情亦堪憫。著加恩作為另戶。披甲至丹巴林沁開門投賊。即係叛逆。情甚可惡。應照叛逆律治罪。著派乾清門侍衛舒常馳驛前往察哈爾地方

會同該總管將丹巴林沁子孫查出插箭鎖押於八旗地方巡行示衆後將其子孫即行正法其兄弟妻女等拏解來京賞給王大臣為奴○諭軍機大臣等兆惠等奏稱從霍集占處脫出之喀什噶爾回人云霍集占兄弟在塔該默暫住或往巴達克山或往安集延俱未可定塔該默在色呼庫勒以內此時阿里衮巴祿之兵應尾追將及富德阿桂等相繼策應明瑞又已在前堵截可望擒獲即令逃入色呼庫勒城則三路合圍或逃往外部持檄往諭亦必擒獻等語覽奏殊為欣慰逆賊等既能分城拒守又不速行逃竄觀望逗遛必為我追及若慮其據險結營則我鎗礮之威斷難支持蓋伊等孽由自作惡貫滿盈故

天奪其魄俾早正刑誅耳至布魯特人等攻英吉沙爾村莊聞侍衛等檄止即撤兵入山恭順可嘉著傳旨慰諭仍酌賞緞疋○定邊將

軍兆惠等奏臣等撫定喀什噶爾等二城凡投順者俱行免罪又查出各城遷來回衆二千五百餘戶俱送往阿克蘇以備屯田謹陳喀什噶爾設官定職徵糧鑄錢及駐兵分防各事宜一喀什噶爾地居西北距肅州嘉峪關六十餘里東界烏什阿克蘇西界安集延布魯特南界葉爾羌北界布魯特總計大小十城七村莊一萬六千餘戶數十萬餘口一各城村辦事應設官職查回部頭目曰阿奇木總理一城曰伊什罕協辦阿奇木事曰商伯克管理租賦曰哈子管理刑名曰密喇布管理水利曰訥克布管理匠役曰帕察沙布查拏賊盜曰茂特色布承辦經教曰木特幹里管理田宅曰都管管理館驛曰巴濟格爾管理稅課曰阿爾巴布派差催課曰市琿協辦都管事曰巴克邁塔爾專管園林曰明伯克其職如千總今喀什噶爾阿奇木一缺請暫委吐魯番副台吉茂薩署理其餘各職臣

等查隨營効力之著姓回人及並未從逆之回人子孫等三十四人揀選補授一每年貢賦數目。查回人一帕特瑪準官石四石五斗一噶勒布爾準五斗一察喇克準官秤十觔一騰格準制錢五十文值銀一兩噶爾丹策零時定額每年納錢六萬七千騰格此內有種地之鄂爾托什人等納糧四萬八百九十人帕特瑪棉花一千四百六十三察喇克紅花三百六十五察喇克共折錢二萬一千餘

平定回疆方略卷一百一十二

三

騰格又克色克綽克巴什人等納錢二萬六千騰格商賈牧養人等納錢二萬騰格皆以本色折納此外又有商人金銅稅園戶果稅邊界貿易回人徵稅十分之一外來貿易之人徵二十分之一每歲俱未能如數交納臣等酌量減賦歲徵糧四千帕特瑪錢六千騰格棉花紅花照舊輸納作為一年賦稅俟將來駐兵與否再行酌交糧石銀兩金十兩葡萄千觔解交內府其餘零星雜稅概行蠲免

惟貿易稅課仍舊辦理一大兵進剿應籌糧餉查各城村現種田禾按照籽種計算豐年可收七八倍即荒年亦可二三倍但各處值驚擾之餘自應量為減徵共交糧二十帕特瑪其隨逆回逃竄之人田畝入官充餉令三倍交納共一千二百帕特瑪又應交錢一萬三千餘騰格俱折收糧石舊果園七所歲徵葡萄令藏乾入貢布拉呢敦新果園十三所所獲無多即充官兵賞賚之用一回部錢文

平定回疆方略卷一百一十三

五

應行改鑄查回錢俱紅銅鼓鑄計重二錢一面鑄準噶爾台吉之名一面鑄回字因所產銅少每以新錢一文易舊錢二文銷毀更鑄今雖未便全收改鑄現有鑄破銅七十餘觔請先鑄錢五十餘萬文換回舊錢另鑄或照內地制錢每一文重一錢二分或即照回錢體質一面鑄乾隆通寶漢字一面鑄葉爾羌清文及回字並呈樣請旨酌定一現在分路進兵擒賊其喀什噶爾應酌量駐防擬派西

安滿兵三百名阿拉善兵五十餘名委散秩大臣伯永慶阿拉善公衮楚克管理仍留綠旗兵一千五百餘名委提督閔相師酌於城鄉邊界駐防臣一面前往葉爾羌查辦其和闐阿克蘇等處情形不同已行文舒赫德辦理諭軍機大臣等兆惠等撫定喀什噶爾城以辦理事宜具奏俱著照所請行其新授伯克等三十四人著賞給頂帶仍將軍營緞足酌量賞給如有奮勉出衆者准戴獎賞翎所呈錢文已交錢局鑄造二百文發往為式即用該處工役鼓鑄至從前逆賊等遷移之回人著發往伊犁屯田令其自備資斧不必官為辦理現在安插阿克蘇舒赫德宜留心約束原任喀什噶爾阿奇木伯克之和什克伯克等今若授為阿克蘇之伯克恐日久終生覬覦應送京安置為妥葉爾羌喀什噶爾二城乃回人根本補授阿奇木伯克甚為緊要朕意欲以額敏和卓管葉爾羌玉素布管喀

什噶爾仍向伊等舊游牧往來行走如成衮扎布之游牧在塔密爾而駐劄烏里雅蘇台有此等舊人在彼始堪倚任此時且不必洩漏恐霍集斯失其希冀之心遂生懈怠俟大功告成再為辦理與額敏和卓等則不妨密商另摺所奏之回人阿布都喇伊木等因迎我大兵賊人將伊子弟之足折傷甚屬可憫應加恩賞卹又查出從前霍集占遣來偵探之回人既於軍營正法其烏什所送之阿奇木伯克托克托默特曾害降回十七人亦如所奏送至哈密正法家口俱解京備賞又奏前因布魯特居住額爾克和卓額色尹之姪鄂托蘭珠和卓瑪木特等投見即令隨營寄書伊叔領兵協助臣等行近喀什噶爾額色尹等來告云六月內遇布拉呢敦所屬百餘人勦殺甚衆等語臣加以撫慰令其遣人往取家屬因思伊等係霍集占同族又與布魯特相契恐回人等又以伊等為和卓妄行

敬信。應於到京後請旨將伊等或留京城或安插安西哈密等處。又多倫伯克阿爾祖等領回人千戶來投。聽候安插。因將原任散秩大臣伯克托克托之弟阿布都賚委為阿奇木令其照管。暫移阿克蘇等處度歲。俟來春酌於屯田處所安插。行文舒赫德辦理報聞。

○授四川黨壩土舍測旺為長官司。從總督開泰提督岳鍾璜請也。辛未諭據方觀承奏永定河四工漫口。已經合龍。該處現在引

水歸槽。工程完竣。其村莊涸出之處。一經過水土脈更肥。民間正當及時補種秋麥。以收地利。著方觀承將固安、永清、霸州等所有被水村莊內查明有地無力之戶。按畝酌借倉穀。俾得易換籽種。乘時力作。用示撫卹。又諭據方觀承奏七月初七等日節次大雨。漳衛河水長發。大名、順德所屬之邯鄲、雞澤等州縣內間有被淹村莊。又南運河之南皮縣東岸及吳橋縣正對德州衛第六屯二處隄

岸。均有漫溢。現在督率查勘。辦理直屬今年夏初亢旱。旋得透雨。晚田未稼。及時播種。正可望有秋。今忽有此窪下之區積水自多。殊為可惜。所有隄埝民田。尤宜加意防護。南皮吳橋運河漫口。關係緊要。現據該督親赴勘辦。著迅速設法堵閉。俾近河居民不致漫水傷稼。其漳衛諸河附近被水各處。據奏委按察使喬光烈等星赴勘辦。有應疏濬堵築者。務令悉心相度。加緊籌辦。被水民田內有應

分別撫綏借賑者。俱著一面辦理。一面奏聞。以副朕軫念之意。○諭軍機大臣等舒赫德等奏稱准兆惠咨來投之多倫回人等。暫令於阿克蘇、賽哩木庫車等處過冬。來春或在庫爾勒、拜哈喇沙爾居住。或遷往伊犁。交臣等籌辦。但此等回人以遷徙為常性。習與各城有異。若與阿克蘇等回人雜處。恐滋生事端。請乘勢即移往哈喇沙爾等空曠之地。課以耕種。交書山就近辦理等語。所奏自屬可

行然未免稍存推諉之見朕命舒赫德在阿克蘇辦事特以擒獲逆首官兵奏凱後留伊撫輯回部數年俟屯田駐防諸事就緒再行更替自己里坤以外一切事件孰非其所當經理即有轉行派委者仍宜總統察覈若謂承辦有人遂與已無涉則斷不可此等回人既發往哈喇沙爾等處書山應就近辦理仍與舒赫德會同商酌俱著傳諭知之○又諭朕前降旨令永貴回京特因伊在軍營年久熟悉彼處情形來京時可明白詢問今永貴接奉此旨奏請暫留阿克蘇協同舒赫德辦事朕思葉爾羌喀什噶爾二城俱已歸降逆賊霍集占等計日可擒阿克蘇之事有舒赫德足資辦理永貴仍著遵旨回京伊起身時如霍集占業已就擒可將彼處如何耕種情形及沿途屯田處所留心查看來京具奏或逆賊尚未擒獲我兵如何前往追捕之處亦著記明回京具奏又諭曰親王達瓦齊曾

為厄魯特台吉被獲獻俘朕念係外藩宥罪錫爵伊自受恩以來隨侍禁近一意抒忱奮勉為人尚屬樸誠今聞溘逝深為軫惻著賞給治喪銀一千兩伊子羅布扎仍准其襲封郡王○又諭曰杭州將軍薩勒哈岱病故所遺員缺著福祿補授福祿現在軍營其未到以前暫令副都統伊靈阿署理一切尋常案件自可承辦若遇緊要事件該撫莊有恭近在同城務當留心妥辦毋致遺誤○貸直隸南皮滄州吳橋東光等四州縣本年水災飢民籽種○壬申諭軍機大臣等莊有恭奏歸安縣武舉湯御龍呈首逆書一本現在分頭察訪造書人犯並一面提訊湯御龍根究蹤蹟等語此案該府縣等既稱湯御龍胞叔曾於採生折割案內擬遣而湯御龍又學拳棒則平日非安靜之人或與匪徒往還自當迅速根究無難得其端緒且逆書字係套板則民間坊肆何處藏有活板皆可按字詳求實

蹟。非如鈔本之易於滅蹟抵賴也。著傳諭莊有恭。即將此書來歷並案內情節。逐一密速嚴究。務使造書首犯。及雕刻刷印之惡黨。悉就弋獲。以正國法。毋致稍有漏網。○癸酉。諭現在軍營副都統甚多。而在旗辦事大臣轉少。其員缺均應派人署理。正黃旗滿洲副都統齊努渾員缺。著蘇章阿署理。正黃旗漢軍副都統豐安員缺。著德保署理。正白旗蒙古副都統由屯員缺。著萬福署理。正紅旗滿洲副都統伊柱員缺。著安泰署理。正紅旗蒙古副都統扎隆阿員缺。著和慶署理。鑲白旗滿洲副都統豐訥亨員缺。著德雲署理。鑲白旗漢軍副都統明瑞員缺。著永瑞署理。鑲紅旗蒙古副都統阿桂員缺。著伊勒圖署理。正藍旗滿洲副都統莽古賚員缺。著敦柱署理。○戶部議准。總督管理甘肅巡撫吳達善疏稱。武威縣民地二頃二十五畝。有奇。買作涼州滿兵墜地。請自二十三年為始。豁除額賦。從

之。○以盛京戶部侍郎赫赫為正紅旗漢軍副都統。給事中常福為盛京戶部侍郎。○甲戌。諭軍機大臣等。昨據阿里衮奏稱。領兵追襲霍集占等。詢問逃來之回人克伯克等。告稱霍集占現在往追搶掠沙喇斯游牧之布魯特等。布拉呢敦在沙爾呼勒。休息馬匹等語。阿里衮與逆賊相距五六站。兆惠前已派明瑞速往堵截。宜即行知會。以便夾攻。再明瑞經過之地。多屬外夷。伊等曾否助賊。或有陸續歸附者。俱著詳查具奏。○又諭據李侍堯奏。李永標在監督任內。尚無因官辦剋扣。及自買貨物。全不酬價之事。惟訪聞該家人。每遇洋船進口。置買絨呢羽紗等項。順帶至京售賣。以圖重利。而此地又不以實價給發。各行未免賠累等語。觀此。則李永標平日之不能遵守權政。徇縱滋弊。已屬顯然。監督專司關務。非督撫公務殷繁。一時耳目難周者。可比。若家人漁利不法。不為整頓。則所辦更

有何事。而可以尋常失察家人之罪為之開脫乎。看來海關積習。番商因貨居奇。固所不免。然洋船貨到。多係發行分售。其中官買者原屬無幾。且內地何所不有。與其多購之洋船。而番商得乘機挾制。其下又因緣為奸。不如嗣後量從減辦。尤為正本清源之計也。此時司權者。辦理不善。家人種種生事。以致行商短扣。累及番商。朝廷體制。惟當執法懲治。司事之人。以明憲典。斷不得遷就含糊。草草完局。至此案番商三處呈控。覈其情節。必有內地奸牙。為之唆使。亦不可不嚴行根究。按法治罪。以絕釁端。著傳諭新柱。朝銓。李侍堯等。悉心研鞠。務將短價需索情由。徹底究審。固不得僅援失察之條。為李永標寬縱。而奸牙從中挑搆者。亦當審明重治。示儆不得謂咎有所歸。遂稍存姑息。其李永標徇縱情事。已有實蹟。伊任內家產。即應嚴查入官。將此一併諭令知之。○乙亥。諭軍機大臣等。兆惠

奏稱。前因撫定葉爾羌。奏請起程。而追賊更關緊要。且布魯特人等陸續投見者甚多。請暫留英吉沙爾。令額敏和卓先往葉爾羌等語。辦理甚合機宜。此時富德阿里。袁巴。祿明瑞等。應已追及逆賊。其接濟口糧。招徠降眾。仍須兆惠督率辦理。投見之布魯特等有應加鼓勵者。即傳旨賞賚。或須通使。即酌派侍衛等前往。如願入覲。亦照從前喀薩克布魯特之例。伴送來京。庶已達克山。安集延等處。聞風向化。又所奏安集延人等願協力擒賊。更為可喜。一得各路捷音。即速奏聞。○又諭曰。富德等奏稱。辦理賞給葉爾羌。阿布都里野木克。理雅喇克等。翎頂。緞疋。荷包。及擢授阿奇木。伊什罕等。伯克。酌定貢賦。咨明兆惠查辦等語。富德所請撫賞諸事。俱合機宜。可傳諭兆惠。將擢授阿奇木等。伯克。照喀什噶爾例辦理。其酌定貢賦之處。伊即令額敏和卓前往葉爾羌。即著詳悉查辦。定議具奏。

又諭現在葉爾羌喀什噶爾業經平定富德等奏報事件由葉爾羌直抵阿克蘇甚為便捷其葉爾羌至和闐臺站著即行裁撤惟和闐至阿克蘇一路尚應酌留著傳諭舒赫德福祿等遵照辦理○命以

御製雙義詩勒石葉爾羌諭軍機大臣等據富德等奏稱前至葉爾羌經過兆惠納木扎勒等領兵勦賊之處陣亡官兵骸骨暴露隨委達勒當阿鄂博什等瘞埋祭奠等語富德所辦甚是官兵等為國捐軀深可憫惻親製詩章以示軫念可繕寫清漢蒙古回部字發與兆惠令其勒石塚前永昭表忠崇節之至意并傳諭富德知之○又諭曰太僕寺卿國柱於伊兄國棟之子文英冒昧遞名鄉試乃稱禮部查奏人內並無伊名文英又患病不知考試與否是以未行檢奏今經該旗查叅始知具摺請罪等語國柱係內廷行走之人朕從前所降諭旨伊豈不知乃與兄子遞名冒

考之時並未自行陳奏經朕將不行檢奏之福延僧保住等治罪伊猶隱忍不奏希圖倖免看來旗人讀書僥倖惡習大率如此甚屬不堪國柱著革去卿銜仍在批本處効力行○丙子諭軍機大臣等據舒赫德奏稱阿克蘇伊什罕伯克頗拉特商伯克呢雅斯揭報副總管噶匝納齊伯克巴巴克專擅委用又徵收糧石將交官之項侵蝕入己且伊等陰結黨援互相唆調恐致滋事等語噶匝納齊伯克巴巴克新經歸附朕加恩授為副總管自應感激奮勉乃肆意妄行如此本當從重治罪姑念伊等向化之初尚未深悉中國法度且上年駐劄大兵伊等亦曾効力著革去職銜免其治罪同妻子押解進京所遺員缺俟阿奇木伯克鄂對回任與舒赫德會商揀選補授并著曉示回衆知之○兵部議准山東兗州鎮總兵素保奏稱兗州鎮標右營所轄界河汛守備駐劄界河管理訓練巡查

又兼管標下右營中軍。辦理兵馬錢糧等事。查該汛距兗州往返二百餘里。勢難兼顧。請將右營標下千總一員。改為中軍千總。辦理一切公務。其界河守備。專駐汛地巡防。從之。○補行廣東省乾隆二十二年分軍政罷軟官一員。年老官二員。有疾官一員。才力不及官一員。分別處分如例。○丁丑。諭軍機大臣等。據莊有恭奏。湯御龍首繳逆書一案。已將正犯沈大章。及被誘送書之王安民等。拏獲到案。現在審訊等語。辦理迅速。甚屬可嘉。此等匪徒。既經弋獲。務須詳細研究。有無羽黨。一一得實。俾無漏網。始足以昭國憲。正犯沈大章。自知罪重。不肯將逆情盡露。該撫不專事刑求。亦屬甚是。但遽稱逆書板片。毀滅無存。此語尚難憑信。該犯逆書。若止為此一本。何必費力雕刻。既已雕刻。宜一時即肯毀滅。即令此板毀滅。其刷印傳播者。必不止此一本。此時徹底根查。尚可搜獲。毋任其狡供飾。

詞草率完結。著將此傳諭莊有恭知之。尋奏。沈大章因詐害造謀。實無同謀羽黨所編逆書。訊係隨刻隨刷。隨毀實止一本。並無傳播之處。得旨覽奏俱悉。又諭曰。御史觀成。奏奏居住東安縣所屬地上營旗人張鈞。科私造酒麴。囤積麥石一摺。造酒等事。例應查禁。此摺著寄鄂。彌達將張鈞。科私造酒麴等事。照例審辦。但觀成奏摺內所知過細。反覺可疑。或彼此挾嫌。或勒索不遂。均未可定。鄂彌達將此一併詢查具奏。陝甘總督楊應琚。奏西陲平定。幅員廣大。陝西甘肅。非一總督所能兼理。請將西安總督改為川陝總督。四川總督改為四川巡撫。甘肅巡撫改為甘肅總督。管巡撫事。川督中軍副將改為川撫中軍參將。甘撫中軍參將改為甘督中軍副將。將固原提標歸川陝總督統轄。提屬之慶陽各協營。并河州鎮屬標營。均歸甘肅提督統轄。固原提督聽兩省總督節制。陝省官兵聽

甘肅總督調遣至安西提鎮標營應酌量移駐改設請將安西提督及本標五營移駐巴里坤應駐之兵即以巴里坤哈密駐防及提屬凱旋兵內留駐不敷再撥其哈密原駐官兵請撤以靖逆副將軍司移駐哈密布隆吉遊擊移駐靖逆安西都司移駐布隆吉瓜州參將移駐安西瓜州留千總一員兵一百名駐劄靖逆額兵八百名內撤二百名瓜州額兵六百名內撤三百名并十把外委隨靖逆之副將都司移駐哈密其靖逆留兵六百名即令靖逆遊擊管轄瓜州餘兵三百名并安西城守營額兵五百名歸安西參將管轄均聽巴里坤提督節制移駐之副參遊都守等官俱作為題缺安西柳溝沙州靖逆赤金五衛裁汰於安西設一府安西柳溝二衛改設一縣並駐安西靖逆赤金二衛改設一縣駐靖逆沙州衛改設一縣駐沙州設一經歷一教授隨知府駐安西設三典史三訓導隨知

縣分駐三縣安西道移駐哈密安西同知移駐巴里坤靖逆通判移駐哈密俱令管理糧餉兼辦地方事務歸安西道統屬其訓導三員於文縣撤縣鎮遠縣移改得旨開泰著補放川陝總督仍駐劄四川今其往來西安稽察一應事務楊應琚著補放甘肅總督陝西提鎮營務並聽甘肅總督節制其甘肅提鎮營務川陝總督不必節制餘依議○是月直隸總督方觀承奏直屬自七月初旬得雨霑透禾稼可望豐收近因圩坊發生如順天永平各屬及保定府屬之清苑定興新城安肅高陽河間府屬之任邱等處晚穀多被損傷得旨可惜多稼不免有美中不足之歎○又奏據江蘇撫臣咨稱淮徐等處麥價平減現就所貯麥內撥五萬石運直臣即委員在清河景州天津一帶水次接收酌撥各屬平糶再江省粟穀亦有餘存並可乘賤增購於九十月內碾米運直或來春開凍後陸續接運

亦可得旨速行咨商辦理。究以凍前運至為安。○欽差侍郎裴曰：修內閣學士海明奏江省運河東岸查有劉老澗，係宣洩運河漲水歸入六塘河之路，而支流又入駱馬湖，恐水勢容納不及，因札飭河道王鴻勳將劉老澗堵閉。其柳園頭王家溝係宣洩湖水入運之路，開放後湖水漸落，六塘河以下工程平穩。臣等即從韓莊入山東運河東西隄，俱各堅固。至南陽鎮從陸路行抵魚臺，折入江南之豐縣沛縣，查南陽昭陽微山三湖漲水消落，田禾並無受災之處。臣等又從沛縣至黃河北岸新隄一路查勘，至徐州府城。臣裴曰：修偕副考官前赴江寧，順道查視宿州靈璧等處。新聞各河臣海明仍往東省運河查辦。各工至德州陸路北，上得旨覽奏俱悉。至今歲過霖之後，或者又生新工，有可斟酌者，亦未可知。裴曰：修雖往考試海明，爾宜留心，順便妥查辦理。○欽差內閣學士海明江南河道

總督白鍾山等議覆漕運總督楊錫紱條奏駱馬湖蓄水濟運各事宜一摺。查邳宿一帶運河本無來源，全藉東省蒙沂諸山水發下注。一由荊山橋出彭家河入運，一由盧口出徐塘口入運，一由駱馬湖出柳園頭王家溝入運。現今上下運河水勢雖屬充裕，然河水大小無常，應相機豫為調劑。如漕臣奏稱每年四月糧艘北上後，將駱馬湖尾閘全開，俟七月間山水已過，即行堵閉等語。查駱馬湖上受沂河來水，匯注於湖，設有柳園頭王家溝等閘。於春間開放濟運，其湖之尾閘向在九十月堵閉，未免過洩。今已七月中旬，應令該管廳營探量水勢平緩，即堅閉蓄水，以待來年重運。又奏稱秋後水落，存蓄無多，請於冬月在柳園頭以下運河之中築攔水草壩，使山東開河來水全歸入湖等語。查江省運河原賴東省開河之水，倘秋汛後湖水無多，應於柳園頭迤下挑築草壩，俾上源之水歸

湖存蓄俟重運經臨時啟放浮送。又奏稱每歲糧艘經過徐塘口應設法引入沂水接濟等語。查徐塘口之水本係盧口分流自盧口滾壩改窄之後沂水半歸駱馬湖半出徐塘口。若沂水不旺則流入徐塘口者自微查駱馬湖迤北有隅頭湖亦係引沂水達運應將該處壩門於秋汎後堵閉使蓄水充足於新運更屬有益得旨如所議行。江南河道總督白鍾山安徽巡撫高晉奏黃河北岸新隄

平定縣志卷之二

六十餘里內有自大谷山至蘇家山二里許未經接築查該處舊有閘壩年久沙淤設遇盛漲漫灘恐土底易於刷深無以節制黃流請於兩山空檔處築碎石滾壩以資束流攻沙之益得旨好如所議行。總督管江蘇巡撫陳宏謀奏江寧淮安揚州海州徐州等府州屬雨多水漲田禾間被淹浸實由湖水正旺兼上游大雨匯入洪湖下游通江之路又值初秋江湖北湧漫入運河已將寶應東岸

各小閘全行下板其運河水漲將惠濟等閘下板使清水全歸黃河騰出運河以納湖水得旨其有成偏災者亦應妥為撫卹。浙江提督倪鴻範奏沿海島澳每有奸艘潛匿擾害商船臣嚴飭出洋官兵梭織巡哨極力搜捕至紹興嘉興湖州等處支河港汊尤易藏奸臣令每營揀選目兵數十名酌派幹弁督率領緝並覈其獲賊之有無量為賞罰得旨所言甚得要矣實力行之。福建按察使史

平定縣志卷之二

奕昂奏閩省民俗强悍械鬪時聞前經通飭各屬查禁民間私製鳥鎗竹銃各火器令自首免罪現在首繳甚多臣思竹銃久則朽蛀應行銷燬其鳥鎗尚可適用者酌留數桿分給各州縣民壯人役等備用餘同竹銃解交軍器局改造各項軍器得旨知道了。吾邱壽王傳不曾熟讀。○湖南布政使許松佶奏湖南十三府州屬及苗疆三廳地方遼濶統計倉穀不過一百四十餘萬石未為充裕本年

秋收豐稔。請動用帑銀分作一二年採買穀二三十萬石。分貯附近水次各州縣備用。得旨。自係應行者。但不致價湧可耳。○河東河道總督張師載。河南巡撫胡寶瑤奏。本年衛河水弱。漕運經行淺滯。查衛河全賴泉源。而山泉諸水。向分三路入衛。一曰小丹河。乃衛河迤西之支流。一曰百泉。乃衛河發源之正派。一曰洹河。乃衛河迤北之分支。值雨少之年。泉流不旺。全在人功籌濟。查清化鎮有九道堰。上承上清下清等渠之水。歸入小丹河。引丹歸衛。以濟漕運。但丹河尾間與沁河毗連。水勢直趨沁河。則丹河源少流弱。應於竹絡壩下附近沁河之處。築建土壩。使水匯注丹河。不得旁洩。倘遇盛漲。即任其漫壩歸沁。亦不致溢浸民田。百泉在輝縣之西。舊設仁義禮智信五閘。今仁義兩閘已廢。改建斗門三座。亦照迤下三閘中為官渠。旁為民渠。向例於重運抵臨時。封閉民間渠閘。使官渠之

水暢洩入衛。五月後。民田需水。二日濟運一日灌田。互相啟閉。六七月間。聽民自便。應令河北道督率廳汛各官。仍舊開閉。毋許民間私為啟洩。洹河發源於青龍河。遇水暴漲。每易沙淤。不能暢流入衛。應飭地方官弁。隨時疏濬。得旨甚好。○河東河道總督張師載奏。運河自入秋後。漲勢甚險。當將八里廟滾壩及平水之閘。一時開放。上游趙沙各河入運之水旋消。其中段之府沈各河。係在濟寧以南。已將東岸之吳家溝開放。洩入獨山湖。并將濟寧迤西府河入運之處。水口暫為堵閉。使水全注馬場湖。以減其勢。至下游之彭口山河。漲發洶湧。然由引渠各單閘分注微湖。足資宣洩。各工俱防護穩固。得旨覽奏俱悉。○山西巡撫塔永寧奏。晉省自忻代以止至口外各協廳。與省之東南各郡。得雨需足。秋田可望有收。惟近省各屬缺雨。恐收成不免歉薄。至直隸二省飛蝗。延入晉境。平定樂平。

等州縣。已飭屬撲捕淨盡。得旨覽奏俱悉。蝗雖捕淨。蝻子何無一語言及。○陝甘總督楊應琚奏。甘省被災各屬。雖現經籌辦賑撫。但積歉之餘。乏食者多。非以工寓賑。未能源源接濟。查狄道。河州。靖遠。靜寧。環縣。平番。等六州縣。皆係災區。而城垣亦甚坍塌。請乘時興修。俾災民得資養贍。其同時被災之皋蘭。金鄉。鹽茶廳等處。及連城。紅城等土寨貧民。亦可前往附近各州邑傭作。得旨如所請行。○

實錄卷三十三

三

又奏。回部底定。官兵即日凱旋。約於秋杪可至闡展等處。而口外天氣早寒。皮衣在所必需。現飭軍需局分檄甘。涼。寧西等府產皮之處。趕緊製備。解送闡展辦事大臣收貯。俟官兵過此。分別散給。得旨好。○又奏。甘省肅州居民。向藉雜木雜草。以供炊爨。邇年商賈輻輳。需用尤多。砍伐殆盡。居民遠赴北山樵採。往返輒數百里。查肅州東北鄉。鴛鴦池一帶。出產石炭。且距城僅七十餘里。應請酌借工

本。招商開採。得旨如所議行。○四川總督開泰。提督岳鍾璜奏。中瞻對土司俄木丁。被兄子四朗工布謀殺。臣等委員前往查辦。據俄木丁之妻稱。有下瞻對土司班滾主使。而班滾堅不承認。未便深求。止令擒獻四朗工布。質訊完結。其俄木丁之子俄木扎什。安置官寨。俟取具圖結。另請承襲。至金川與革布什咱構釁一案。臣等派員前往金川。見莎羅奔郎卡。詞甚恭順。臣等思該酋最為狡黠。應外示羈縻。一面令綽斯甲布黨壩。小金川。革布什咱等。密為防範。俟其有隙。相機辦理。得旨不過如此而已。○雲南巡撫劉藻奏。維西協不敷兵米。向於麗江。鶴慶。劍川。三府州額糧內輪撥。查麗江府屬巨甸。塔城。橋頭。茨科。石鼓等五村。俱有通維道路。自二站半至五站不等。而各該村年徵額米。係里民運交府倉。由府轉運維西。統計十二三站。徒多勞費。嗣後請令徑運維西。每年節省腳銀。即備修理

實錄卷三十三

三

運道之用。但此項米。若令納戶齋交維西。不免往返守候。應於開徵時。委員赴該處徵收。雇送得旨好。

實錄卷五百九十三

无

大清高宗法天隆運至誠先覺體元立極敷文奮武孝慈神聖純皇帝實錄卷之五百九十三

大清高宗法天隆運至誠先覺體元立極敷文奮武孝慈神聖純皇帝實錄卷之五百九十四

監修總纂官經筵講官太子太傅文淵閣大學士文淵閣總纂官等侍衛內大臣詹泰欲奏上諭事件等官經
吏部理藩院事務正黃旗滿洲都統世襲副都統軍功加七級隨帶加一級尋常加二級軍功紀錄一次臣等謹
總裁官經筵講官太子太傅大學士大學士文淵閣總纂官詹泰奏上諭事件等官理藩院戶部軍機事務
世襲副都統軍功加十九級隨帶加二級入加二級臣等謹將內大臣戶部尚書鑲藍滿洲都統軍功紀錄五次
尋常紀錄十四次臣等謹將經筵講官太子少保工部尚書紀錄六次臣等謹將尋常

敕修

乾隆二十四年己卯八月戊寅朔祭

大社

大稷遣裕親王廣祿恭代行禮○己卯上詣

皇太后行宮問安○諭據參贊大臣毅勇公明瑞奏稱追勦逆回於霍斯庫魯克嶺賊衆六千餘負隅固守時我兵到隊者九百人整陣奮勇鏖戰經歷三時賊衆大敗尋復恃其馬力前來抗拒我兵直前擊勦賊衆越嶺逃竄此次打仗我兵陣斬逆賊五百餘人生擒男

婦三十餘名。受傷遁走者無算。計獲駝馬牲畜百餘隻等語。覽奏我師以寡敵衆力戰敗賊實屬奮勇効力朕心甚為嘉悅。明瑞著交部從優議叙。所有在伊隊內之大臣侍衛官兵等。並著明瑞查明造冊送部議叙。○諭軍機大臣等。富德奏與阿里衮明瑞三隊官兵業經會合。揀選四十人往追逆回其存留之兵。交楊寧管束招降沙爾呼勒回人。以候調遣等語。此奏未至之前朕因明瑞官兵較少賊勢尚衆。頗厯於懷。今既三隊會合兵力倍增。如此應機赴節。乃

上天垂佑。必獲渠魁之兆。佇聞伊等捷音。至嚮導等所云。已達克山交界有隘口數十里。僅容一騎。又隔大河。止一渡口等語。萬一賊人逃脫。得入巴達克山必不得已。即遵前旨。徹兵回葉爾羌。喀什噶爾休息。次年再行進剿。亦可然終以此時獲賊為上。其各加意奮勉。○又諭曰。兆惠奏詢問嚮導等云。已達克山

路遠地狹。隨逆賊之伯德爾格等俱係安集延布哈爾之人。必前往安集延。若果如此。則領兵由鄂坡勒穆什一路前往索取等語。所見甚是。賊若果入安集延。兆惠既領兵索取。而富德復行追襲。非為我兵所擒。即為安集延之人縛獻矣。又北路擒獲噶勒雜特得木齊博勒顯據供。哈薩克錫喇在安集延布魯特亦未可定。併著留心訪查。適明瑞捉生詢問。有喀什噶爾回人往報逆賊等以大兵信

息。此等回人尚有藏於喀什噶爾者。則葉爾羌亦難保其必無。著兆惠留心盤獲。即嚴行治罪。○又諭據滿泰奏稱。車布登扎布派嚮導等領哈薩克貿易之人陸續至烏魯木齊。其頭目哈斯伯克等稟云。此次貿易必須倍得利息。若如上年則不可。而哈薩克之烏穆爾等又云。伊等係阿布賚所遣。不比哈斯伯克。但上年所得緞疋甚為紕薄。此次請給以精好者等語。從前車布登扎布途遇哈薩克

人等。即云緞疋不佳。求另定價值。朕已訓示。努三等矣。今覽所奏伊等情詞。足見其貪得無厭。若從所請。何所底止。且換易馬匹。特以備征戰之用。今回部計日蕩平。亦何必多此糜費。著傳諭滿泰等。若貿易人等。仍執前說。即諭云。大皇帝恩賞爾等。緞疋皆出自內府。與商民常用者不同。况以外藩所無之物。許爾等貿易。已屬特恩。爾等馬匹。即不行貿易。仍可帶回。若商人貨物。則有往返運送之勞。倘利息有虧。亦難強其再至。此次交易與否。聽爾所願。以此明白曉示。看其情形。若何一面辦理。即行奏聞。努三此時尚未轉回。范時綬現在前往。著會同辦理。○又諭避暑山莊駐劄之厄魯特總管等官。俱係新來此地。無力餵養馬匹。伊等遇因公會集。無馬步行。於體制未合。著交副都統富當阿於此處官馬內給總管各二匹。副管參領佐領驍騎校各一匹。○軍機大臣等議准。直隸提督吳進義

奏稱。提屬並馬蘭鎮。應交張家口馬。請同南路標營就近在京城交收等語。查提標並馬蘭鎮。距京自七八十里。至四五百里不等。而距張家口。則在千里內外。遠交馬匹。浮費徒多。應如所請。准在京交收從之。○又議准。陝甘總督楊應琚奏稱。哈密為辦理糧餉總匯之區。各處撥運及防兵口糧。皆取給於此。現又將道員副將等移駐。需用糧石尤多。宜籌備積貯。添建倉廩等語。應如所請。令其委員相度隙地。即照前督臣黃廷桂奏明貯糧四萬石。建倉廩五十間從之。○以署鑲白旗滿洲副都統德雲為寧夏右翼副都統。○庚辰秋分夕。月於西郊。遣平郡王慶恒行禮。○辛巳。遣官祭關帝廟。○諭軍機大臣等。昨據滿泰奏。哈薩克貿易人等。有所得緞疋。純薄之語。在伊等貪得無厭。欲以交易官緞。與前歲賞給阿布賚等。緞疋相較。固屬妄生冀倖。自當示以節

制。但從前議將陝甘緞疋式樣轉發江浙織造趨辦。或承辦之員。因節省工料。以致成色太減。亦所不免。即如各省辦解內府緞疋。尚不能一律精好。況於應付邊地之用。此亦當留心察覈。以杜腹削之弊。且不使過於紕薄。致有累遠人。著傳諭楊應琚。努三等。即查明貿易緞疋。約有幾種。各取一端。送京覈驗。○又諭曰。舒常奏稱。查得叛賊察哈爾丹巴林沁。並無妻子。惟親兄護軍齊旺多爾濟。現在軍營等語。著傳諭兆惠。即將齊旺多爾濟賞給伯克鄂對。為奴。令其嚴加管束。稍有滋事。即聽鄂對辦理。其丹巴林沁。若尚在霍集占處。著留心查拏。送京治罪。○壬午。遣官祭昭忠祠。○諭軍機大臣等。富德等現在追捕逆賊霍集占兄弟。自當計日功成。萬一不能即獲。則來年所需馬匹糧餉。須就近在葉爾羌辦理。今阿克蘇現無要務。可傳諭舒赫德。奉到此旨。即赴葉爾羌辦事。阿克蘇僅納世通

一人。著德舒前往同辦。奏事時列名於前。其庫車事務。著德文辦理。併傳諭兆惠等知之。○又諭近據定長。范時綬等奏報。哈薩克貿易人等。有馬數千匹。來烏魯木齊貿易等語。現在富德等三隊合兵窮追逆賊。倘未即就擒。則接濟馬匹。最關緊要。著傳諭定長。范時綬。將所易哈薩克馬匹。隨其所得若干。即送往軍營。○禮部議准。御史史茂奏稱。大朝之時。百官先於仗外齊集。每多站立參差。又或因隨同行禮之外。國使臣衣貌言語各別。趨視擁擠。請各按品級。標示定位等語。查會典及通禮。開載朝儀班位。本屬嚴整。但未經標示。每有錯綜。應如所請。令鴻臚寺照常朝坐班例。於儀仗外。設紅漆木牌。先令按名排班。如有踰越者。叅處從之。○改江西撫標中軍叅將為調缺。從巡撫阿思哈請也。○免浙江海寧縣。乾隆二十三年潮坍沙地額賦。○賑貸甘肅皋蘭金縣靖遠

河州狄道渭源隴西寧遠伏羌會寧安定漳縣岷州平涼崇信靜寧涇州靈臺隆德鎮原莊浪固原安化寧州合水環縣山丹武威古浪平番永昌中衛靈州西寧碾伯大通莊浪同知鹽同知東樂縣丞花馬池州同等四十廳州縣衛本年旱災飢民○癸未順天鄉試以順天府府尹熊學鵬為監臨官兵部尚書梁詩正為正考官兵部侍郎觀保為副考官○甲申諭軍機大臣等努三等奏稱追獲扎哈沁之瑪哈沁塔爾巴等十九人供出偷竊烏魯木齊牧羣之訥克衣等因用為嚮導窮追入山賊人棄其馬匹婦孺以繩自繫越過高峯官兵等衣履穿透未能追及仍遣人各路堵截等語數年來侵擾臺站者即此等瑪哈沁自知罪重負固深藏努三等尋蹤堵截殊屬奮勉著傳諭定長清釐令其分道夾攻務期弋獲此次陣亡之官兵等俱照例賞卹用為嚮導之都楞以招降被害克什蒙克津員傷脫出俱可軫念著酌量賞

給銀兩○又諭曰成衮扎布奏稱副都統莫尼扎布等招降察罕喀巴等處之卓特巴博碩昆等五十七戶伊等俱鄂爾楚克部落原在阿爾台游牧以皮為賦應附入烏梁海大臣管轄等語卓特巴授為章京巴彥授為驍騎校所屬二十九戶歸內大臣察達克管轄博碩昆授為章京雅爾里克授為驍騎校所屬二十八戶歸散秩大臣圖布慎管轄餘俱如所議行伊等皆新附之人務宜留心管束不可滋生事端○又諭曰成衮扎布等奏據莫尼扎布呈稱察達克等七旗之人每遇公事差遣頗知奮勉効力此次搜捕瑪哈沁雖未全獲而勦殺十餘戶招降五十餘戶應行鼓勵著加恩賞察達克圖布慎等緞各四端莫尼扎布自備口糧効力著賞銀一百兩所報立功官兵著成衮扎布等查明酌賞陣亡得傷人等亦照例賞卹○乙酉

上詣

皇太后行宮問安。○大學士等議奏。據將軍成衮扎布奏。青滾雜卜屬下烏梁海等。皆係入官納貢之人。今軍桑鄂諾木及鄂拓克人等。貧乏乞食。其貢物不能交納等語。查該軍桑等。既屬貧窮。請免本年貢獻。但鄂拓克人戶。分投各處乞食。恐至離散。應令該將軍等。收束安插。得旨。是。交成衮扎布收束辦理。○吏部議准。四川總督開泰疏。稱松茂道屬灌縣。都江大堰。引灌成都府各屬及眉。印。三州田畝。建昌道屬寧遠府南。金沙江北。有大渡河。自冕寧歷西昌。鹽源。抵會理州之三口。與金沙江合流。支河雜出。開築堰壩亦多。俱應相機修濬。請將該管松茂。建昌二道。均兼水利銜。換給關防。從之。○以翰林院編修朱佩蓮。充日講起居注官。○丙戌。

太宗文皇帝忌辰。遣官祭

昭陵。○諭軍機大臣等。方觀承奏。查辦運河漫口情形一摺。內稱景州。故城。阜城。一帶。雖現

多積水。上游已無續至之虞。道路亦通等語。景州一帶。為南北孔道。上年因積水淤墊。特加修濬。今該督復稱積水漸消。道路已通。則前此長水時。必又被衝淤阻。可知其從前修濬。功程若何。並附近被水地畝情形。及作何籌辦之處。均應詳悉具奏。且通衢要道。偶一發水。即被淤阻。頻年徒費補苴。豈永籌經久之策。著傳諭該督。令其察看情形。妥協經畫。務期一勞永逸。庶於行旅農民。均有裨益。○

又諭曰。莊有恭審擬沈大章造刻逆書一案。現交三法司覈擬速奏。但案內所有代送逆書之王安民。既未見逆書。不過聽從指使。原擬情罪。尚為允協。至葉國凡一犯。始而沈大章攜書至伊家商謀圖詐。復代為收藏。後又同至廟中密議。何得竟以審無共謀情事。遂從末減。著交刑部堂官鄂彌達。秦蕙田等。按其情罪。照律從重覈擬具奏。○又諭曰。莊有恭審擬沈大章造刻逆書一案。已交三法司

覈擬速奏。但該犯罪大惡極。若候法司覈覆到後。方行正法。轉使苟延視息。不得即正典刑。且法司亦斷無更有擬議之處。著傳諭該撫。一面聽候部文。一面先將沈大章。即行凌遲處決。至案內葉國凡一犯。始而沈大章攜書至伊家商謀圖詐。後復同至廟中密議。按其情形。非僅代為投遞之王安民可比。安得竟以不知情一語。概為完結。又該撫審擬沈大章出語內。祇稱喪心病狂。種種悖逆。其詞亦涉含糊。轉非明正刑章之義。該犯逆書中。如興復宋代。指斥本朝之處。乃其不軌實蹟。自應一一指出。使天下明白。共曉已令軍機大臣。於勘詞內。列入原文。宣付法司。並將葉國凡情罪。令其按律覈定矣。一併詳悉傳諭知之。尋議上。得旨。葉國凡著即處斬。○又諭曰。阿思哈奏。辦運江西穀石一摺。內稱該省漕船。較江浙頗為寬大。令旗丁少帶貨物。騰出餘艙。全數搭運抵通等語。所奏自屬通融。

樽節之法。但運丁酌帶貨物。原以資其用度。若藏貨搭運穀石。旗丁未免獲利稍微。著該督撫等。令於本船應給運費外。再行酌量。按照由江西雇船至淮揚一帶所需運脚。減半給與。即以償其帶貨之不足。俾得資用充裕。庶為一舉兩得。將此諭令知之。○又諭曰。滿泰奏。稱哈薩克之哈斯伯克等四隊貿易人等。所到馬匹。量給價值。共得一千餘匹。交易既竣。照例派兵送至羅克倫。遣回游牧等語。所辦尚屬妥協。但伊等從前以緞疋平常。爭論價值。今豈竟無一語。著將交易時情詞。因便奏聞。○又諭曰。滿泰奏。隨哈薩克貿易前來之厄魯特喀爾察海。已桑藏布班珠爾三人。稱係三年前被擄。今情願投歸等語。伊等俱係三年前被擄。並未抗拒大兵。尚應收留。但哈薩克亦皆向化。嗣後若從前被擄人等。私自投回。伊等即時追取。應仍行查給。或無人問及。即不妨留養。亦不必安插闡展等處。

可押送至京。現在喀爾察海等。即遵照辦理。
○又諭曰。成衮扎布等奏稱。扎隆阿。額爾克沙喇。追剿盜竊薩拉布拉克卡座馬匹賊人。至博爾濟河。追及。計剿殺二十一人。死於寨內者甚多。所得馬。駝。烏鎗等物。分賞効力之人。仍向額爾齊斯。搜捕瑪哈沁等語。此次雖未能生擒賊人。以訊其盜竊蹤蹟。而盡行剿殺。已屬奮勉。勦捕此等賊人。係扎隆阿專責。今因特遣額爾克沙喇。伊始藉以成功。著加

恩賞。額爾克沙喇。綴四端。扎隆阿。不必加賞。其隨行官兵。仍著查明獎賞。効力贖罪之台吉。瑪克蘇爾等。應予開復。著查明革職原案。候朕酌量加恩。近已諭扎隆阿。額爾克沙喇。不必往博克達山。即遵前旨。轉回游牧。○福州將軍新柱。給事中朝銓。兩廣總督李侍堯等。奏臣新柱。朝銓。抵粵。同李侍堯會審番人洪任輝。即洪任。呈控粵海關監督李永標一案。據李永標供。家人等勒索陋規。伊實不知

其餘各款。供吐游移。請將李永標革職究擬。其家人七十三。婪索多贓。亦應逐款嚴鞫。至洪任輝呈詞。詢係在噶爾吧地方。煩內地人代寫。得旨。依議。惟應秉公存國體。為要。管關之人。非督撫可比。一應稅物。勢不得不用家人。家人勒索。即主人勒索也。不可以失察。開脫其罪。至外夷擡價居奇。亦不可以開其端。而內地人代寫呈詞者。尤應嚴其處分。諸凡持平酌中辦理。以防將來爾等其勉之。○丁

亥。祭

先師孔子。遣和親王弘晝行禮。○戊子。

太祖高皇帝忌辰。遣官祭。

福陵。○吏部議覆。西安按察使楊纘緒奏。稱向例。強劫及竊盜行強拒捕之案。如止係一人。地方官免叅疎防。因有以多報少。圖避處分者。請嗣後。無論人數多寡。概行叅處。至承緝竊盜。滿貫罪犯。如任內兩案不獲。於第二案限滿時。接扣一年。勒緝不獲。加以罰俸二年。

至三案不獲降級調用等語。查強劫雖非一人。但地方官捏飾規避。本有嚴處定例。至竊盜一人行強。亦止按竊罪科斷。不得與夥衆強劫之案同責。疎防其竊賊。雖至滿貫。終屬鼠偷。若將承緝官處分。逐案加重。亦未平允。所奏均毋庸議。得旨。部駁。甚是。前因楊纘緒司臬有年。並無陳奏。是以降旨察議。乃因有此旨。而撫拾此等勢難舉行之事。聊以塞責。豈實心任事之道。楊纘緒著飭行。諭軍機大

實錄卷五九四

下六

臣等前以楊纘緒久歷外任。是以擢用。司臬乃到任數年。毫無陳奏。降旨交部察議。今據其請定疎防處分一摺。經部議指駁。其事全屬難行。是其平日居官之漫不留心。亦可概見。已降旨飭行矣。著傳諭鐘音令其將楊纘緒在任居官。是否克勝臬司之任。其於刑名事件。尚能留心與否。著即行據實具奏。毋得少為迴護。○己丑。賜扈從王公大臣及蒙古王公台吉等宴。至壬辰。皆如之。○諭軍機大

實錄卷五九四

下六

臣等據羅英筭奏。七月十二日。有喚咭喇洋船一隻。欲來寧波貿易。隨經嚴諭。令其回棹。粵東復據該商因要修補篷帆。懇求暫停幾天等語。夷商不准赴浙貿易。例禁甚嚴。乃近日該商等各據控告滋事。現在徹底查辦。今復有夷船徑往寧波。又懇求停泊。看其情形。未必不明知內地禁約。特欲借染病修篷。為希圖嘗試之計。雖據該鎮稱現在嚴催。但向來武弁習氣。專工捏飾。彌縫難以憑信。馬知非名為催促。而本地奸牙有潛為串通售貨者。必當加意制防。毋得稍開其漸。著傳諭莊有恭。令其申明定例。實力嚴行察禁。並查此次夷船。有無藉詞遷延滋弊之處。即速據實奏聞。尋奏。番商味咽。船泊定洋。遷延日久。經地方文武再三催押回棹。始供稱係洪任後船。臣即檄飭員弁等將不准在浙貿易之禁。嚴切曉示。並諭以洪任已回粵東。即有帶來貨物。應往粵面交。此處毋許絲毫偷漏。並飭

寧守親赴定邑查訪。如有弁兵及商牙串通滋弊。即行拏究。得旨所辦好。○又諭據方觀承奏。直屬現在需用米糧。欲將銀十萬兩。赴奉天等處採買。由海運直等語。著傳諭清保通福壽等。令其查明該處各倉內。有糧石寬裕。足資協濟之用者。酌量湊撥。一面奏聞。一面知會直督。彼此酌派妥員。運送接收。即於附近水次。由海載運。以資接濟。○雲南楚姚鎮總兵陳益休致。以廣東羅定協副將伍諾

乾隆三十四年八月十四

十八

錫為楚姚鎮總兵。○庚寅

萬壽節。遣官祭

太廟後殿。○遣官祭

福陵。

昭陵。

昭西陵。

孝陵。

孝東陵。

景陵。

泰陵。○遣官祭

孝賢皇后陵。○遣官祭

顯佑宮。

東嶽廟。

城隍廟。

上詣

皇太后行宮行禮。○御澹泊敬誠殿。扈從王公

大臣官員及蒙古王公台吉等行慶賀禮。○

諭軍機大臣等。今歲運河水長。德州第六屯

乾隆三十四年八月十四

十九

等處漫溢。以致毗連直隸之景州一帶。道路淤阻。隨經詢問方觀承。相度籌辦。為一勞永逸之計。據該督奏稱。德州一帶運河與直隸接壤。向屬下河廳經管。而兩岸隄工。坐落屯地。係德州衛守備管轄。遇有應行修築。動用民夫。不特河廳不能調撥。即德州知州亦須關移衛備。每致呼應不靈。等語。衛所守備專司押運。既不管理工。而地方官又以坐落屯地一切調撥。民夫不能應手。輾轉牽制。無

裨公事。著傳諭海明、張師戴、阿爾泰等令其作速查勘。可否將該處濬河築隄等工責成河廳會同地方官辦理。兩岸邨莊民夫聽其調撥。以專責成之處。即令詳悉妥議具奏。至德州界連直隸為南北水陸通衢。若一遇水漲。即有淤阻。徒事逐年補苴。殊非經久善策。該處凡一應修築民埝疏濬河渠。可以通盤籌畫。先事綢繆者。伊等皆當留心實力妥辦。有應行會商直督之處。亦即彼此咨商辦理。

聖訓本三十九

三

務期於道路河防。永遠裨益。尋海明、張師戴、阿爾泰奏。德州衛所轄民埝。因由衛備經管。遇工程緊要。屯丁不敷。地方官撥夫協濟。又須移關衛備。每致因循貽誤。請將德衛民埝北自直隸吳橋交界之半截碑起。至德州接壤之哨馬營止。歸德州知州管轄。南自德州接壤起。至故城縣交界之白馬廟止。歸恩縣知縣管轄。凡濬築工程。責成下河通判會同地方官辦理。兩岸屯丁聽該州縣調撥。倘工

長勢險。即添撥民夫。至衛河經由館陶、臨清、夏津、武城、德州、德衛等屬。而直隸清河、故城二縣地亦錯雜。沿河民埝厚薄高低。未能一律。且臨清以北土性帶沙。工易損壞。請於明春凍解時。臣阿爾泰令各州縣動用民力。並調撥兵淺。聞夫逐處加築高厚。其與清河故城接壤地面及衛河上游元城縣之小灘鎮。咨會直督飭屬照辦。再漳衛二河伏秋盛漲。尤宜旁加疏洩。查東岸雖有四女寺哨馬營

聖訓本三十九

三

兩處支河宣洩。然自臨清至恩縣之四女寺二百五十餘里。河身盤曲。水勢湍激。上游別無支河。埝工受險。查臨清州塔灣東岸舊有沙河一道。即黃河遺蹟。由清平德衛高唐入馬頰河歸海。湮淤已久。請循舊地開挑作滾水石壩。使汶衛合流之處。分消水勢。下游自可平緩。又四女寺哨馬營兩處支河原係旁洩。汶衛歸海之路。而四女寺支河窄狹。請展寬。庶下游德州一帶溜勢不急。可無衝漫至

直隸景州。地勢本窪。須將驛路墊高。方免淤阻。並咨會直督轉飭勘辦得旨。如所議行。○壬辰。諭甘省連年歉收。倉貯尚未充裕。明歲春耕。一切籽種口糧。皆須酌借。向來原有折銀借給之例。但念該處現在糧價稍昂。若照每石折給銀一兩之數。購買尚覺不敷。著加恩自今冬明春各屬災地及勘不成災處。所應借籽種口糧。河西每石折借銀一兩四錢。河東每石折借銀一兩三錢。俾農民耕作有資。不致拮据。用示體卹。該部即遵諭行。○諭軍機大臣等。富德等奏稱。追及逆酋霍集占於阿勒楚爾。我兵奪山衝擊。陣斬賊衆千餘人。生擒五十餘人。獲礮礮器械牲隻無算。賊衆大敗窮竄。現在乘勝悉力追擒等語。大臣官兵等爭先奮勇。力勦逆回。覽奏深為嘉慰。仰賴

衛官兵及陣亡得傷人等俱著查明造冊送部議叙議卹。○又諭曰。富德等奮勉勦賊。已交部從優議叙。以道遠不能多齎賜物。惟將軍叅贊領隊大臣等各賞荷包鼻烟壺。即行發往。至奏內逆黨阿布都克呼木等。大伯克數人。俱已勦殺等語。其餘大伯克之名及如何勦殺。係何人立功之處。仍著附便奏聞。

大清高宗法天隆運至誠先覺體元立極敷文奮武孝慈神聖純皇帝實錄卷之五百九十四

大清高宗法天隆運至誠先覺體元立極敷文奮武孝慈神聖純皇帝實錄卷之五百九十五

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總纂官經筵講官太子太傅大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十四年己卯八月癸巳

平定本寺七十一

上奉

皇太后自避暑山莊啟鑒幸木蘭。○諭軍機大臣等。清馥等奏稱。詳訊被瑪哈沁擒去放回之厄魯特僕役畢里克圖等。究出伊等勾通盜馬。欲投俄羅斯情由。將首謀之巴特瑪等七人。俱行拏獲。正法等語。此等在巴里坤留看行裝之官兵僕役等。竟敢造意潛逃。清馥即派兵全行拏獲。辦理甚妥。著交部議敘。其効力官兵等。俱應加陞賞。疎防人等。分別議

處責懲。俱著照所請行。○大學士等奏。派往

軍營之厄魯特官兵等。除散秩大臣鄂齊爾

食全俸外。餘止照駐防官兵減半支領俸餉。

請酌賞伊等家口銀兩。以示體卹。即交富當

阿由道庫支給從之。○是日。駐蹕中關行宮。

○甲午。

上詣

皇太后行宮問安。○遣官祭賢良祠。○是日。駐

蹕波羅河屯行宮。○乙未。駐蹕張三營行宮。

平定本寺七十一

○丙申。

上詣

皇太后行幄問安。○行圍。○諭軍機大臣等。成

衮扎布奏。據莫尼扎布告稱。察達克等因現

在科布多等處。貂鼠無多。請移往阿爾台在

額爾齊斯之源游牧等語。察達克所屬烏梁

海。年來効力行走。且額爾齊斯現亦空曠。即

從伊所請亦可。但該處原係杜爾伯特游牧。

今車凌烏巴什等在烏蘭固木居住。前曾降

旨。伊等若願歸舊地。亦聽其便。可傳諭成衮扎布。曉示車凌烏巴什等云。察達克等請往額爾齊斯等處游牧。奏奉諭旨。以額爾齊斯原係爾等舊地。今察達克所指之處。若與游牧無礙。即從其所請。或爾等願歸舊地。現在哈薩克俱降。伊犁賊衆盡滅。全無足懼。即可遷移。爾等現在游牧之地。亦可賞給察達克等。但哈薩克新附。不比爾等歸誠日久。須嚴飭所部。安靜無事。若騷擾哈薩克邊界。則伊

等具奏時。朕難於訓諭。至爾等既遵約束。而哈薩克反來擾害。則拏獲即行正法。亦為理直言順。爾等或安土重遷。即無庸置議。此額爾齊斯之地。與其為哈薩克俄羅斯竊據。不若使烏梁海人等遷移。亦將此旨宣示察達克等。令其各安生業。毋得滋事。所有辦理情形。仍著妥議具奏。○福建按察使史奕昂奏。各省督撫藩臬三年例准入覲。同知通判州縣亦定於十年引見。惟道府尚未定有年限。

應酌於三年十年之間。適中定限。或以六年為期。外臣朝覲之典。庶為周備。得旨。所奏甚是。該部議奏。○是日駐蹕阿貴圖大營。○丁酉。

上行圍。○是日駐蹕海拉蘇台大營。○戊戌上詣。

皇太后行幄問安。○行圍。○吏部議准。江南河道總督白鍾山奏。徐州黃河北岸新隄善後事宜。一專汛員弁酌量添派。查黃村壩至大

谷山。添新隄六十里。一切修守事宜。請責成銅山縣關虎店巡檢專管。豐汛把總一員。管理新舊隄工。一百五十餘里。勢難兼顧。應添設協辦。豐汛把總一員。俱歸豐碭廳營管轄。一防汛兵丁量為抽撥。查新隄按里設兵。應添兵六十名。即於汛簡兵多營分調撥。統歸豐汛把總管束。一堡房堡夫循例添設。查隄工定例。每二里半設堡夫二名。新隄應添募堡夫四十八名。每二名給堡房一間。交關虎

店巡檢管理一隄工內外酌留餘地查新隄地畝皆係有糧之產今酌以隄身內外各留三十丈為栽柳取土之資應將額徵錢糧豁除並令銅豐二營守備調派汛兵栽柳限以二年種完從之○是日駐蹕呼魯蘇台昂阿大營○已亥

上行圍○諭軍機大臣等普福奏請將慶豐司筆帖式永清發准辦理稅務等語所奏非是關務需人前此間有發往協理者此不過隨

宜偶一行之豈得輾轉相承沿為定例若司權之人皆以平素熟識指名發往其中彼此瞻顧勢所難免不可不防其漸如以家人胥役無可信之人則當由管理內務府王大臣慎揀妥員發往倘該員佐理不能勝任監督亦可據實陳奏方於政體允協此次即交內務府總管揀選筆帖式一員發往淮關查辦稅務並著內務府行文飭令該監督普福知之○又諭據尹繼善奏拏獲信豐縣搶奪鹽

船案內之劉在添張飛華等十餘人現在解審一摺此案前據阿思哈於七月初具奏此等匪徒糾眾搶奪官鹽且敢持械逞兇明言報仇不法已極自當迅速緝拏嚴審究擬以懲奸究何以事閱月餘尚未審奏著傳諭該撫速將拏獲案犯從重執法完結毋得稍為姑息並將因何未即辦結緣由即行奏聞尋奏此案先飭贛南道帶犯來省辦理贛南離省往返半月以致未即辦結現已拘解各犯

訊明從重分別定擬報聞○軍機大臣等議覆總督管甘肅巡撫吳達善奏莊浪滿營馬匹趕赴西寧餵養一摺查莊浪馬匹所需不敷草束每年在西寧府屬碾伯縣派買運供近因該處連被偏災草少價昂難以買運該督請將馬匹於明春趕赴西寧就草餵養自屬因時調劑之法但大兵凱旋在即馬匹尚需接濟莫若令該督等即將此項馬匹趕赴巴里坤牧放備用尤為一舉兩得從之○是

日駐蹕納爾蘇台東邊大營翼日如之○庚子

世宗憲皇帝忌辰遣官祭

泰陵○定邊右副將軍富德等奏臣等敗賊於阿勒楚爾乘勢追剿行至葉什勒庫勒諾爾詢係巴達克山界山足有路僅容單騎過一大嶺與巴達克山之村莊相近其北大山內亦有一路可通巴達克山安集延等處臣等尾隨賊蹤乘其未入別部落先行分路堵截

適賊衆先據山麓遂領兵向前衝擊並一面樹纛招降其大伯克等率回衆投誠逆賊霍集占猶在山頭攔阻而降者益多共計收獲賊衆一萬二千餘人軍器二十餘件駝騾牛羊萬餘逆賊兄弟以餘黨四五百人竄入巴達克山臣等酌留公鄂對散秩大臣阿什默特併侍衛兵丁等管束降回臣阿里衮帶兵追賊富德巴祿阿桂等隨後策應並先行曉諭巴達克山部落人等令將逆賊縛獻報聞

○定邊將軍兆惠等奏臣等查葉爾羌所屬二十七城村計三萬戶十萬餘口前噶爾丹策零時每年貢賦交納十萬騰格此外有金稅貿易緞布牲隻等稅雖按則徵收而全完者少霍集占入城額外科斂及逃竄時又行搶掠回人生計甚艱察看情形與喀什噶爾不同現於本年七月起止交雜糧一千四百帕特瑪各項謀生人等交一萬二千騰格此後應如何徵收之處俟辛巳年再行定議餘

照喀什噶爾之例其隨賊逃竄人等已種地畝與房屋園林一併交收入官至葉爾羌大伯克等存者甚少現在惟授為密喇布之托克托和卓人尚奮勉和什克伯克舊為葉爾羌等城阿奇木伊叔素賚瑞亦久為商伯克臣等公議將和什克伯克署理葉爾羌阿奇木事務素賚瑞辦理商伯克事務得旨如所請行○浙江巡撫莊有恭奏喚咭喇大班味啁一船駛至雙嶼港意欲停泊查番商洪任

於五月乘坐空船來浙探聽。本有貨物俱在後船之語。自應查詢明確。並飭內地商民。毋許一人私往交接。俾無利可圖。得旨正恐未必。應嚴察禁止。外省何事無私弊耶。○辛丑上詣

皇太后行幄問安。○行圍。○諭軍機大臣等。富德等追賊至巴達克山界。收其游牧。逆賊霍集占。以數百人遁走。已遣使往巴達克山索取。若巴達克山縛獻賊首。則已。或有遲疑。則來年進兵。仍令富德、明瑞等前往。此時兆惠在葉爾羌辦理已竣。即著來京。其回部大伯克等。俟擒獲霍集占時。再率同入覲。俱著傳諭知之。○又諭曰。富德等追賊抵巴達克山。遣使諭令縛獻。萬一未能即獲。則來年進兵。馬匹最為緊要。昨諭將烏魯木齊所易哈薩克馬千餘匹。送往軍營。著再行傳諭。將此項馬匹。即由庫車送赴富德軍營。○又諭曰。德舒奏稱庫車、沙雅爾兩處回衆。從前被厄魯

特搶掠。霍集占擾害。所餘戶口無多。除糧石外。絕無什物。但地土頗肥。回人等不善耕種。若以兵丁叅雜。可望豐收。將來接濟伊犁。較內地實為省便等語。甚屬留心辦理。昨諭德舒往阿克蘇辦事。德文接辦庫車事務。德舒與德文交代時。務將辦理情形。詳悉告知。庶有裨益。○定邊右副將軍富德等奏。臣明瑞、哈達哈等。領兵在巴達克山北堵截賊人逃路。派副都統伊柱等策應。有賊前來衝突。詢之降回等云。此即厄魯特沙喇斯瑪呼斯臣等帶兵追勦。殲賊二百餘人。尚存賊四百餘。勢不能支。有宰桑雅瑞得木齊丹巴來投。查沙喇斯瑪呼斯臣等暫為撫納。俟追賊事竣。再行查明正法。報聞。○以太僕寺少卿黑色為太僕寺卿。○是日。駐蹕巴顏布爾噶蘇台大營。○壬寅上行圍。○諭軍機大臣等。昨富德等以霍集占等逃入巴達克山。業經遣使索取具奏。但賊

蹤已近。不行速追。殊與機宜未合。伊等招降賊衆萬餘。即馬匹甚乏。揀選數百。斷無不得之理。而賊衆止三四百人。經過甫二日。窮追自必成擒。或以巴達克山為外藩。不便驚擾。但果秋毫無犯。伊等亦何辭以拒。從前阿睦爾撒納投入哈薩克。策楞等初尚不敢遣使。而後來長驅直入。阿布齊即畏懼乞降。皆富德所深悉者。乃勞瘁多時。而稍一遲疑。渠魁即失。殊為可惜。至所奏收獲回人厄魯特萬餘口。亦須辦理妥協。此等賊黨。與葉爾羌喀什噶爾回人俱有仇怨。將安插於何地。即今在他處安插。不過徒糜養贍。況渠魁未獲。兆惠又即來京。富德若不加意防範。萬一與霍集占相通。更滋事端。今思烏沙克等人。衆隨逆賊。世居伊犁。必相依戀。斷不可信。且沙喇斯瑪呼斯人等。又係暫留。日後辦理時。伊等必生疑懼。此外實係從阿克蘇沙雅爾庫車等處追脅同行者。自可遣回本處安插。可傳

諭富德詳加查詢。委霍集斯等先將伊等家口安插舊地。計烏沙克等男丁。應亦無多。看其情形。稍有變動。即相機辦理。非不欲加以仁愛。乃事機所迫。不得已也。若二賊業已就擒。即不必如此辦理。○是日駐蹕巴顏溝大營。○癸卯。

上詣

皇太后行幄問安。○行圍。○諭軍機大臣等。富德奏據巴達克山部落人等告稱。霍集占擒掠伊等牲畜。欲逃他處。其言更不可信。賊人逃入伊等境內。必且哀乞容留。何敢加以騷擾。看來伊等早與賊通。不過令其潛匿耳。至賊人去已二日前。路有大戈壁等語。特欲懈我疾追之心。否則賊人挈其家口行李。應較追兵遲滯。何以迅速若此。又求我兵稍為遠駐。俱屬欺飾之詞。即如從前阿睦爾撒納入俄羅斯。森博羅特圖喇既已送交伊頭目。尚以溺斃為詞。與此等情節相似。再所得降人

萬餘。若盡收其馬匹。不但益我軍資。亦可消其妄動之念。或巴達克山稍有推諉。又可整兵進取。總之先難後獲。事理之常。此時殊為厯念。現在辦理情形若何。作速奏聞。○又諭曰。副將軍富德等。帶兵追擒逆酋霍集占弟兄。賊勢創敗窮蹙。大隊輜重。俱為我兵所獲。逆酋僅餘數百人。逃往巴達克山。現經行文曉諭。巴達克山頭目。令其縛獻。如違諭即行獻出。軍務自可速竣。萬一稍稽時日。尚須遣

兵索取。以期勦絕根株。總計軍營所需。除一切糧餉等項。現有喀什噶爾葉爾羌各處蓄聚頗饒。儘可取給。毋庸內地另為籌運。其馬匹一項。關係緊要。雖我兵此時乘騎。現未缺乏。但經行遠道。為期已久。其中疲瘦。揀留中道者。當亦不少。自應先期寬餘辦理。以資接濟。現在陝甘各標營額設之馬。及巴里坤存留牧養之馬。為數尚多。近經軍機大臣議覆。吳達善將莊浪滿營馬三千二百餘匹。趕赴

巴里坤牧放。以備明春之用。此外或尚有存營馬匹。堪以挑選解往者。俱可酌量調撥。但此時所宜詳悉籌畫者。不在於挑撥之充裕。而在於沿途餵解之妥協。蓋甘省間被旱災。恐草豆購辦不易。尤宜加意經理。以濟軍行。而又不累民。方妥。前此黃廷桂酌辦。雖有成規。但今歲被災之後。又非去歲可比。此事朕甚厯念。著傳諭楊應琚。將各該處所有馬匹。詳加查算。可得若干匹。並令先計該省草豆。可敷送出關若干匹之用。先即速行奏聞。以便降旨派人送往。至此次所辦馬匹。原不過因索取逋逃。是以添解備用。並非又事軍興徵發。可比內地。可以行所無事。該督應將此意諭令民間。使之共曉。不得稍涉張皇。再各營挑解缺額之馬。竟可毋庸汲汲籌補。在內地既不需。且可省草豆餵養之需。而將來凱旋在即。亦無難徐議歸補原額也。可將此詳諭該督。令其悉心籌畫。一面辦理。一面即

速奏聞。○是日駐蹕鄂爾楚克哈達大營至乙巳皆如之。○甲辰遣官祭黑龍潭

昭靈沛澤龍王之神王泉山

惠濟慈佑龍王之神。○賜扈從王公大臣及蒙古王公台吉兵丁等食。○諭軍機大臣等定長等參奏滿泰貪婪敗檢。范時綬役兵漁利各款。伊等俱特派前往辦事之人。竟敢肆意妄行。若此深為可駭。自應查審明確。重治其罪。著派安泰馳驛前往。會同定長等審訊滿泰。范時綬如係實情。即將伊二人在彼正法。或事屬子虛。及獲罪有因。安泰亦即據實查奏。○乙巳

上行圍。○諭軍機大臣等據努三奏稱。八月初四日厄魯特嚮導蒙克津等在雪山松林內尋獲瑪哈沁訥克衣蹤跡。盡俘其家口。惟訥克衣隻身逃出等語。現在偷竊牧羣之賊已有努三追襲。清馥可不必前往。即回巴里坤。昨已諭楊應琚。辦解馬匹。除派出侍衛外。仍

令清馥監看。此時即於巴里坤官兵內選熟悉道路。留心牧養之人在哈密豫備。照上年阿里衮送馬之路行走。但從前係急需應援。此次特為來年進兵之用。祇宜加意牧養。緩行。不可致令疲乏。○又諭。昨因將軍富德等向巴達克山索取逆酋霍集占弟兄。尚需籌辦馬匹。以資接濟。故傳諭楊應琚。令其詳悉查奏。但因甘省災地。購辦草料。民力不免竭蹶。是以降旨楊應琚。令其妥酌。今據扎拉豐

阿。阿蘭泰奏。解甘馬有一萬一千餘匹。因思此項馬匹。加以內地各標營原所補立。則為數愈多。均屬在甘餵養者。草料更為滋費。莫如酌量挑選。及早解送葉爾羌。以濟軍行。則止需沿途一過之餵養。較之內地經年餵養。需費不更省乎。似此通融調劑。在內地可省芻秣之需。災民既不致拮据。而軍行亦資實用。所有挑解馬數。不必補額。統俟凱旋時。徐議歸還。但扎拉豐阿等新解之馬。既經歷長

途恐有疲乏勢難一時趕送應將在甘饒養之馬解用為宜其自哈密往軍營已派令清馥并乾清門侍衛等赴哈密管理解送該督可查照黃廷桂所辦章程並查明可得若干正一面辦理一面即速奏聞著將此詳悉傳諭該督等知之尋奏扎拉豐阿等解到北口馬雖有萬餘匹途中即多疲乏倒斃均須收槽餵養現已議將內地朋餵及巴里坤收放馬一萬匹先行解送葉爾羌以濟軍行得旨

依議速行又批一萬匹亦甚足用矣妥協辦理解往可也○又諭曰陳宏謀奏請撥銅加鑄一摺經戶部議駁已降旨依議但部覆內祇將運京銅觔不便截留一語籠統指駁而於該撫原奏未明之處轉未詳加剖悉如原摺內稱辛未年截留銅十萬觔因局有餘錢未曾添鑄是辛未即使添鑄所留亦不過十萬觔何以此次請至五十萬乎江省鼓鑄錢文從前每年搭放兵餉外既有餘錢而此數

年間何以並無積存餘錢且現據請留銅數至五十萬觔豈辛未年所有餘錢足抵如許之多而現在又何至竟無餘錢可抵該撫原摺內本屬含糊不過多多益善博人感頌之為耳著傳諭陳宏謀令其將該省額鑄錢文每年除搭放兵餉外餘錢若干並因何前歲後絀應行截銅究竟實需若干各緣由逐一詳查具奏○丙午

上詣

皇太后行幄問安○行圍○諭據楊應琚奏准將軍兆惠咨稱前次派解馬匹之納清泰等三十四人行走俱屬黽勉等語伊等前從準噶爾脫出暫補綠旗名糧今既効力行走著加恩各歸本旗令其照舊當差以示鼓勵○是日駐蹕扎克丹鄂佛囉大營○丁未

上行圍○諭軍機大臣等富德等奏稱葉什勒庫勒諾爾所收回衆萬餘軍前不及察覈派兵五百名委齊凌扎布等送回英吉沙爾交

將軍兆惠查辦等語。此等回人內如烏沙克伯德爾格等衆俱久住伊犁。為霍集占所親信。兆惠等當留心防範。稍有可疑。即相機辦理。其阿克蘇沙雅爾庫車等回衆仍行安插舊地。前已屢降諭旨。兆惠等遵照辦理。後即遵旨來京。兩將軍之印仍留該處。著舒赫德等以叅贊大臣護理。駐葉爾羌辦事。其奏摺列名。以舒赫德為首。前屢諭來年進兵。應先將軍營現有馬匹。加意牧養。今又諭楊應琚

酌量內地可得馬匹若干。解送軍營。兆惠富德舒赫德等勿因內地又辦馬匹。遂不加籌畫。所有軍營牧養馬匹。及向布魯特回人等換易購事宜。仍盡心辦理。將軍等起程。即交舒赫德接辦。富德等奉到此旨。可將現在情形。及如何辦理之處。作速奏聞。○又諭據富德奏稱。伯克霍集斯之兄弟諸子。多為霍集占戕害。深可憫惻。伊此次亦屬奮勉自効。著加恩晉封貝勒。仍賞緞十端。富德等即傳

諭撫慰。○免綏遠城屬渾津大黑河二處莊頭。本年旱災。額賦兼貸飢民。○停徵浙江仁和場乾隆二十二年冊沒竈地額賦。○琉球國貢使耳目官毛世俊在閩病故。致祭如例。○是日。駐蹕依遜薩勒巴爾哈達大營。○是月。直隸總督方觀承奏。漳衛漳滏等河漲溢。以致大名順德廣平冀深等府州屬被水。均已查明散賑。資給房價。各州縣未稍積水。有正河可歸者。暫留漫口。並酌開隄埝宣洩。有

支河可導者。如衛河漫水。由清河導入青陽江。由故城景州導入沙河。洛洛河以達漫河。由吳橋東光導入宣惠河。由南皮滄州導入石碑河。漳滏漫水。由冀州衡水武邑導入老漳河。以達南運。由獻縣河間導入黑龍港。以達子牙新河。九月中旬。可以疏消全竣。不誤種麥得旨。覽奏俱悉。○閩浙總督楊廷璋奏。閩省福州府屬之南洲一帶。孤懸江心。接近海洋。素為賊藪。劇盜薛能太薛朋朋劉良福

等雖經先後緝獲。而夥黨未除。恐復滋蔓。一切水汛巡船。亟宜裁改。抽撥查距南洲二十里之螺洲。犬頭崎二處。濱臨大江。逼近義山。必須專立塘汛。請將尚非要地之中房汛。原設弁兵酌撥改駐。再羅星塔東南港口。亦係要地。請於下洞港口東岸設塘。將洋嶼塘及石龍臺汛弁兵改駐。其烏龍江對岸浚邊一塘。移駐峽口山。並請分定界限。自閩安鎮至烏龍江口為一段。烏龍江口至犬頭崎為一段。犬頭至新歧為一段。新歧至芋原為一段。又自流尾至南臺大橋為一段。將督標水師營肅字號大船四隻。崇新汛巡船一隻。分撥於流尾。烏龍江。犬頭崎。芋原。江邊。五塘。各配弁一員。兵二十名。分段遊巡。允旗會哨。得旨覽奏甚妥。如所議行。○浙江巡撫莊有恭奏海寧縣自曹殿盤頭。由城南迤東至九里橋一帶。塘外護沙。刷去無存。潮水近逼塘脚。坦基半露。或間段殘缺。或成片發卸。其大石塘

外。或塘根蟄陷。或並無舊塘基址。計應修應建坦水。共一千一百四十餘丈。分別緩急。攢料興工。下部知之。○陝甘總督楊應琚覆奏陝省賞卹兵丁。交商營運銀八萬三千六百餘兩。甘省十七萬六千四百餘兩。每年各商應交息銀。係計本輸將。相安已久。分之各邑。為數無多。無由即啟官商結納之漸。且陝甘各商。恒以三分取息。今極重者不過二分。尚有餘利。無不樂於領運。應請毋庸議停。得旨竟如所議。咨部存案可也。○安西提督劉順奏謝新授恩。得旨覽。以汝輕車熟路。能勝此任也。一切更宜勉力。何未奏及一言耶。○兩廣總督李侍堯奏。粵東各旗標鎮協營額餉。每銀百兩。准搭放錢五串。現在局錢充裕。請將香山協及四會海防三營。一體搭放。得旨如所議行。○又奏廣西臨桂等二十九埠。廣東博羅等八埠引鹽。新議召商承辦。緣兩省各屬。在在毗連。場竈路徑錯雜。奸徒冒險販

私致額引積壓人人視充商為畏途經臣剴切示諭嚴緝私鹽數月來拏獲巨梟夥販數千觔及萬餘觔之案甚多里民皆知遵買引鹽舊壓二十六萬餘引將次消清商人踴躍願充計兩省已報充三十埠所存俱係額餉無多之小埠更易招募得旨具見留心勉為之○廣西巡撫鄂寶奏廣西賞卹兵丁營運銀四萬一千兩緣邊地無可營運是以分派各營專委弁目開張典當定以二分取息均

齊東野語

勻撥給行之三十餘載兵民均霑實惠若一旦議停實無餘款可以抵補應請仍循舊制得旨如所議行○雲貴總督愛必達奏武職自總兵以下例准借支進京盤費但總兵為封疆大吏未便與將弁一例應請停給至豫支俸餉向由該管及接任官出具印領如有陞補他省及另有事故者惟具領之員是問似未平允應照在部借支之例移咨各省分別扣補並請酌定准支銀數雲南副將三百

兩叅遊二百兩都守一百兩貴州副將二百七十兩叅遊一百八十兩都守九十兩題陞豫保之千總雲南五十兩貴州四十五兩不願借者聽得旨如所議行

齊東野語

大清高宗法天隆運至誠先覺體元立極敷文奮武孝慈神聖純皇帝實錄卷之五百九十五

大清高宗法天隆運至誠先覺體元立極敷文奮武孝慈神聖純皇帝實錄卷之五百九十六

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十四年己卯九月戊申朔

實錄卷五九六

上詣

皇太后行幄問安○行圍○遣官祭

歷代帝王廟○遣官祭

都城隍之神○諭晉省各屬今歲夏秋間有

偶被偏災之處現據該撫照例查勘題報所

需撫賑口糧例應本折兼給該省被災之後

時價不無稍昂所給折色著加恩每石折銀

一兩六錢俾災黎買食充裕以示體恤該部

即遵諭行○諭軍機大臣等擒獲逆賊一事

歲內若未能就緒軍營所有滿洲索倫蒙古兵內如有老邁患病及負傷無用之人即查明裁汰發回綠旗兵亦甚多當酌量留用其餘遣赴庫車屯田兆惠富德即商辦奏聞○又諭昨命楊應琚將所辦馬匹解至哈密交清馥轉解軍營此次管解馬匹與春季達勒當阿等情形不同伊等既經由上年阿里衮送馬之路一切俱查照辦理阿里衮係由巴里坤前往帶有索倫兵丁清馥亦揀選該處

實錄卷五九六

現有兵丁及跟役等帶往倘不敷用即於玉素布所屬回人內酌量揀選賞給口糧遵前旨緩行解送仍將現辦情形奏聞○又諭前諭令山西辦駝四千五百餘隻解赴肅州轉解軍營未知已全解否倘若有留肅餵養者即乘解馬之便酌量搭解不必留存備用將來大兵凱旋時一切俱可易辦不若此時之有裨實用也倘現無可解亦不必勉強從事○又諭據恒祿奏蘊著在右衛副都統任

內。於協領那借兵餉。並未具奏。又私自移用一千餘兩等語。蘊著係已經獲罪。朕加恩錄用之人。乃敢私借餉銀。應從重治罪。但念是那非侵。尚可寬宥。著寄信蘊著。伊今在將軍新任。復有此等事否。若有。即據實自陳。如稍捏飾。後經查出。或被人參奏。決不寬貸。○是日。駐蹕安巴。究和羅昂阿大營。○己酉。

上行圍。○諭軍機大臣等。兆惠等以得旨議叙奏謝。並及霍集占等窮蹙遁逃。巴達克山部落。素稱馴謹。自必不敢容留。但慮逆賊改裝乞食。逃赴痕都斯坦等處。或途次為人殺害。事蹟難明等語。所奏殊有息事之心。兆惠不宜出此。昨富德追賊。未曾深入。朕曾降旨訓示。蓋逆賊等負恩抗拒。情罪難逭。若聽其竄伏苟活。則回衆仍懷觀望。必滋事端。現在糧餉馬匹。俱已籌辦。已達克山。若仍未縛獻逆賊。來年必領兵進剿。再富德等招降沙喇斯瑪。呼斯人衆。有無誘害滿福之教。多克哈什。

實錄卷六十六

七

哈等。在內。若一經查獲。即嚴行押解送京。○定邊將軍兆惠等奏。本年六月。臣等從阿克蘇進兵。烏什一路。安設臺站。今既在葉爾羌辦事。應仍將臺站移於巴爾楚克。至葉爾羌共十臺。自己爾楚克至阿克蘇。應設臺若干。行文舒赫德等辦理。所有烏什一路臺站。即行撤回。至喀什噶爾。葉爾羌。中間臺站。仍留遞送事件。報聞。○是日。駐蹕僧機圖博勒齊爾大營。○庚戌。

實錄卷六十六

八

上詣

皇太后行幄問安。○行圍。○吏部議覆。河東河道總督張師載奏。稱豫省衛輝彰德懷慶三府通判。向因兼管地方糧捕事務。不歸河臣管轄。查該廳等雖係地方人員。而衛河運道。均須督率汛官辦理。應通融改設。以專責守。請將衛輝府通判。改歸河工。作為題缺。仍司糧捕事務。其彰德懷慶二府通判。令專司地方。不必再兼河務。至彰德府通判。原隸之安。

陽湯陰內黃三縣縣丞撥歸衛輝府通判管轄懷慶府通判原轄之河內修武二縣縣丞武陟縣主簿改歸河工之沁黃同知管轄應如所請從之○戶部議准浙江巡撫莊有恭疏稱江山麗水等縣秋田被水成災除本年應徵地漕分別蠲緩外其蠲剩銀米分年帶徵衝坍田畝題豁並先行撫卹借給得旨依議速行○禮部等部議覆福建布政使德福奏稱會試舉人支領盤費銀因有自行取結免追之例並不計偕就道及奉文行追地方官又聽從推延請嗣後應試舉人如有中途患病丁憂等事令呈報所在地方官驗明屬實出結申報上司轉詳督撫咨明禮兵二部存案俟試竣後據案知照各省准豁等語應如所請至所稱舉人到京後遇事故不能應試者呈明太宛二縣五城兵馬司具結報部恐啟胥役滋事之弊請令取具同鄉六品以上京官印結徑投禮兵二部即據結行知本

籍存案免追如假捏呈報而沿途地方官及京官徇情濫結者叅處其本籍地方官承追不到舉人原領銀逾限不清者照雜項錢糧未完例議處從之○撫卹浙江江山麗水常山開化等四縣本年水災貧民○是日駐蹕齊爾博庫昂阿大營○辛亥上行圍○諭軍機大臣等富德等奏貝勒品級伯克霍集斯公品級鄂對散秩大臣阿什默特頭等侍衛噶岱默特於阿勒楚爾葉什勒庫勒等處奮勇勦賊布魯特畢阿奇木嚮導大軍亦屬効力員外郎赫倫留保佳筆帖式金保屢經戰陣且盡心辦事又藍翎侍衛賽神保伊什收降布魯特厄魯特佐領阿薩克擒獲埋伏回人俱獎賞孔雀翎署筆帖式五十五久從兆惠立功此次亦屬奮勉因係另記檔案之人聲明請旨等語大臣官員等勦賊奮勉殊屬可嘉除伯克霍集斯已封貝勒外著加恩封鄂對為貝子阿什默特噶岱默

特俱封為公。畢阿奇木授為散秩大臣。赫倫金保以應陞之缺即用留保住著交部議叙。賽神保伊什俱授為三等侍衛。阿薩克賜號塔蘇爾海巴圖魯。賞銀一百兩。五十五著加恩作為另戶。准其實授筆帖式。○又諭曰。富德奏革職効力之圖倫楚等追勦賊衆頗著勞績等語。圖倫楚等自知罪愆効力行走著加恩授圖倫楚為頭等侍衛。達禮善為二等侍衛。敏珠爾多爾濟給還公爵。托穆齊圖授

平定回疆方略卷六

七

為主事。留軍營辦事。俟戶部主事缺出令其坐補。○又諭曰。新柱等奏請免番船出口食物稅銀及洋貨官價一摺。所奏非是。番商食物應徵覈稅向來定例所有即謂進口已徵出口量行酌免以示體恤。此在他時奏請尚可。今當該商等甫經控告審理之時而一切加意噢咻惟恐不當其意勢必益長刁風豈示以節制之道。至所稱每年官辦洋貨較市價減少詢之行商書吏僉稱由來已久此語

更屬含糊。伊等意欲加增官價耶。抑為李永標聲明情節耶。如因李永標官辦之物原循向日舊規並無違例短剋之處不妨據實奏明候朕量加寬典何必隱躍其詞。且此等番商自願向內地貿易原非要之使來若專為官價起見則定價由來已久並不起自李永標何以從前俱相沿辦理。今番案一定即議紛更舊章意存曲徇轉若受其挾制尤為不知大體著傳諭新柱等令其將實在情由明

平定回疆方略卷六

八

晰具奏。新柱可即回福建。朝銓亦來京不必等候矣。尋新柱等奏番船出口食物稅銀即欲懇恩酌免亦不應於番商甫經控告之時陳請致長刁風至官辦洋貨定價已久臣等照供列叙並不敢欲增官價亦非為李永標聲明起見得旨覽。○兩廣總督李侍堯奏現准部咨嚴絲出外洋之禁文到之日為始實力稽查俾無透漏惟是外洋夷船向係五六月收泊進港至九十月出口回帆本年陸續

進口夷船計二十三隻。除喊噶咀一船。原係上年歷冬之船。已於五月內出口外。其餘二十二船。各夷商已將出口貨物買齊。或已搬運下船。或貯行館。請將外洋夷船絲禁。以乾隆庚辰年為始。其本年各夷商已買絲貨。准其載運出口。不致守候變售。得旨。如所議行。○是日。駐蹕鄂爾吉庫哈達大營。○壬子。上詣

皇太后行幄問安。○行圍。○諭軍機大臣等。富德等奏稱。巴達克山衮都村伯克沙莽蘇爾等遣人告稱。霍集占兄弟所領約三四百人。搶掠經過。伊等會集四五十人尾追。霍集占等且戰且走。高呼云。我係回部之汗。前往默克禮佛。並不曾擾累爾等。為何追掠等語。此言果實。則富德等前此愈宜窮追。即如賊衆三四百人。家口在其內。巴達克山人等即已追及。我兵豈獨不能至。謂不曾擾累。則伊等前所云賊人入境搶掠牲畜。因登山避匿。與

此次所告不符。亦當詳加詰問。且逆賊等高呼前往默克。亦係支吾之語。默克地方在布哈爾。果欲前往。亦何必豫為宣播。細覈情詞。顯係伊部落容留賊衆。飾詞欺誑。意圖漸息事端。富德等當必不為所惑。總以來年進兵為要。俟將軍等回程時。再降諭旨。此諭即作速覆奏。○又諭曰。努三等奏。搜捕瑪哈沁訥克衣等。盡行拏獲。即將賊首和通哈喇。阿岳正法。訥克衣。和通。車凌。喇嘛春。丕勒扎木蘇。送至烏魯木齊。嚴加看守。俟餘黨盡勦。將訥克衣正法。餘犯解京等語。努三此次辦理甚合機宜。著加恩交部議叙。隨行官兵人等。俱著查明送部議叙。努三從前專辦哈薩克貿易事務。其烏魯木齊屯田。即著兼管。前諭擒獲訥克衣解京。今照所請。即在彼正法。其喇嘛春。丕勒扎木蘇。仍行解送。○賞叙軍營効力之侍衛官員等有差。○是日。駐蹕濟林烏里雅蘇大營。○癸丑。定西域祀典。諭軍機大

臣等。努三奏稱博克達山。在烏魯木齊之東。為西陲重鎮。前年將軍兆惠。於察罕郭勒。曾經致祭。嗣後未見舉行。請頒祭文香帛。令駐劄大臣。每年春季。於烏魯木齊之巴爾哈達。致祭等語。所奏甚是。著照所請行。除祭文香帛。由內頒發。交該處駐劄大臣。敬謹致祭外。其所用犧牲品物。即於該處虔辦。著為例。嗣於是年。定額林哈畢爾噶山。祀典二十五年。定穆素爾山。格登山。伊犁河。祀典二十六年。定博羅圖山。祀典二十八年。定阿布喇勒山。塔勒奇山。洪郭爾鄂博。阿勒坦額默勒山。察罕賽哩木諾爾。空吉斯河。喀什河。察罕烏蘇。阿里瑪圖河。策集河。薩瑪勒河。奎屯河。祀典三十一年。定塔爾巴哈台山。巴爾魯克山。額彬格遜諾爾。裕勒雅爾河。阿拉克圖古勒諾爾。額敏河。祀典均歲以春秋致祭。○又諭曰。清馥奏搜捕瑪哈沁。行至格根與努三相遇。知訥克衣等已獲。伊即向哈布塔克拜達克。

前往等語。昨已諭清馥回巴里坤管解軍營馬匹。若歸途之便。遇有瑪哈沁。即行就便辦理。不必遠行搜捕。○禮部等部議准。湖南學政鄭虎文奏。稱向例考試武童外場。不分差等。概令入試內場。每有文童兼考武童。希圖代倩者。請照武闈鄉試例。分雙挑單挑合式三等。入等者許試內場。不入等者扣除。至乾州鳳凰永綏三廳。俱係新闢苗疆。查乾鳳二廳已經設學。惟永綏未設。該處苗童就學者頗多。應一體設學。從之。○禮部議准廣東學政吳鴻奏。稱嘉應州文童應試者四千餘人。額少人多。佳文未能盡錄。請將該州屬之興平長鎮四縣撥入州學。五名內酌減三名。添補州學。餘二名仍在四縣酌撥。從之。○以直隸大名協副將雷霖為雲南普洱鎮總兵。○是日駐蹕哈里雅爾大營。翼日如之。○甲寅上詣皇太后行幄問安。○行圍。○賜扈從王公大臣。

並蒙古王公台吉等食。諭御史袁芳松奏請外省穀價平減之處。動帑多行採買。以裕儲備。一摺。所見非是。今歲惟直隸數屬夏前得雨稍晚。入秋大田仍獲有收。至江浙福建江西湖廣等省。均屬收成倍稔。民間穀價自必平減。此在各該督撫。就地方情形。隨宜酌量奏請採買。既於民食有裨。亦不致市價翔湧。此皆封疆大臣分所應為之事。若如該御史所奏。行令各省一例用帑買貯。是閭閻不得豐收之益。而轉受採買之累。其事尚可行乎。至截留漕糧。雖非定例。然朕軫念災歉地方。不惜撫綏接濟。亦何至遂慮及天庾。現在太倉正供足餘三年之備。衆所共知。而該御史乃以興平倉已放至二十二年米石。總總過計。殊不知此一倉特就其分查所偶及真一隅之見耳。安可據以議漕儲積貯耶。所奏俱屬不知事理。原摺著發還。○又諭御史觀成摺奏民人張九違禁躑躅一事。經朕閱

看摺內情形可疑。交鄂彌達究出挾嫌情事。因降旨將觀成交部治罪。御史職司風憲。乃敢借公言以逞私忿。情罪甚屬顯著。該部理應按律定擬。以儆官邪。乃僅以彈事不實。誣重反坐。問擬發遣。獨不思御史犯法治罪。成案具在。皆朕所辦理熟悉者。前此如常祿一案。其罪本無可逭。特因審案情節稍未明確。是以姑予監候。若稽泰之情罪確實。已於秋審正法。此皆近在十數年間之事。中外無不共曉。該部豈轉不知。而於觀成之罪。比擬失倫。若此。所謂執法者安在。著刑部堂官明白回奏。本案仍著另擬具奏。○又諭據劉藻奏滇省鄉試硃墨卷與新頒式樣稍有不符。已咨明禮部。請今科暫就現辦之紙製用。經部咨駁等語。前因周人驥奏請更定卷式。部臣議准通行。畫一。但滇省奉文既遲。卷紙已經購備。則今科暫准仍前製用。又有何關係。且短狹不符。僅止分寸。而該部並不揆情理。惟

知一駁了事。似此膠柱鼓瑟。最為相沿陋習。屢經訓飭。何以不知悔改。著禮部堂官明白回奏。○又諭曰。楊纘緒司臬有年。毫無陳奏。一經交部察議。乃復撫拾難行之事。聊以塞責。朕知其平日必非留心政務之人。是以傳諭鐘音。令其將楊纘緒在陝辦事如何。是否勝任之處。據實具奏。今據奏該員才本中平。年逾六旬。辦理案情。不能周到。等語。臬司職任刑名。所關綦重。楊纘緒既已年力衰庸。不稱司職之任。著休致。所遺員缺。著阿永阿補授。○貴州威寧鎮總兵海冲阿患病解任。以雲南尋雷營叅將八泰為威寧鎮總兵。○乙卯

上行圍。諭軍機大臣等。據德舒奏。稱由阿克蘇送來回人等。行至賽哩木。遇瑪哈沁二十餘人。把總徐天成及兵丁二人被害。掠去回婦一人。馬十四匹。駝四隻。外委把總一員。得傷。又兵丁一名。回人一名。不知蹤蹟。今選派

庫車綠旗回人兵丁。前往追捕。等語。此等瑪哈沁賊人。肆行搶掠。殊可痛恨。伊等或藏匿穆素爾嶺等處。亦未可定。必須搜剿淨盡。德舒既未諳戎行。而綠旗回部兵衆。亦復何濟。著傳諭努三。選派兵丁百名。給以哈薩克馬二百匹。前往庫車搜捕。倘德舒尚未獲賊。即宜趲行。昨努三請將收服之瑪哈沁等。安插烏魯木齊等處屯田。俾招其黨衆之藏匿者。朕已命侍衛巴朗。前往辦理。看來此等賊人。不可養。努三即將奮勉嚮導人等。酌給錢糧。如昔有勞績。或編入京師旗分。亦可其餘人衆。努三既許以不死。俱解赴京城備賞。現在可用之人。暫行帶往。招撫事竣。後再行酌量辦理。是日駐蹕巴顏陀羅海大營。丙辰。

上詣
皇太后行幄侍膳 行圍 賜扈從王公大臣及蒙古王公台吉等食 諭軍機大臣等哈

喇沙爾地居闢展阿克蘇之中。既有查辦糧運屯田事務。近又安插多倫回衆。書山一人。未能兼顧。著派和其衷前往協同辦理。努三已回烏魯木齊。著永瑞前往闢展協同定長辦事。○是日駐蹕碩隆哈達大營。○丁巳。賜扈從王公大臣及蒙古王公台吉等食。○諭據富德等奏稱。布魯特之布布察克。哈布察克等部落。見小貪利。每盜取馬駝騾擾臺站。宜示以懲創。因派兵二百名。令總管布尼等訪緝賊蹤。分三隊圍守七邨莊。將頭目阿布巴斯等擒訊。據供偷盜屬實。隨將阿布巴斯岳勒多錫等三十餘人正法。其餘部落皆知警畏。再議安插等語。所辦甚合機宜。著加恩將總管布尼交部議叙。在事官兵等俱酌量賞給。○諭軍機大臣等。沙喇斯瑪呼斯餘衆內有達什達瓦之人二十九口。或伊等不知從前遷移人等。現蒙恩養。或因無力遷移。為逆賊所迫脅。今軍前効力之總管鄂齊爾等。

既懇請查交管束。著一體賞給口糧。歸入伊隊。若有妄行滋事者。即嚴拏正法。○定邊右副將軍富德等奏。巴達克山哀都村伯克沙莽蘇爾來見。據稱霍集占逃入伯克沙穆爾游牧。臣等因令追擒。勒限回報。又據沙穆爾來人賽特多羅特告稱。巴達克山汗現調沙穆爾協勒霍集占。並云素勒坦沙汗在阿勒渾楚哈嶺。遇霍集占交戰。霍集占退往齊納爾小河。其地通布哈爾薩瑪爾罕。鄂漢等三處。此時未知擒獲否。臣等諭以速行擒獻。先派哨探兵與伊等同行。隨令副都統伊柱。巴圖濟爾噶勒領兵前駐。諭軍機大臣等。覽富德奏。沙穆爾來人所告。巴達克山素勒坦沙追襲霍集占情形。設當日派兵窮追。賊已早獲。此時巴達克山若尚未將逆賊擒獻。富德等既撤兵轉回。來年再行進兵。亦仍是伊等前往。總之道路遙遠。朕雖多方指示。亦已後時。伊等惟當應機速辦耳。○以前鋒參領敦

柱為甘肅莊浪副都統○予故杭州將軍薩爾哈岱祭葬如例諡溫穆○是日駐蹕濟爾哈朗圖行宮○戊午

上詣

皇太后行宮問安○諭軍機大臣等據楊應琚等奏甘省錢價稍昂解濟搭餉需用甚繁楚省存局餘錢尚多請勅下湖廣督臣委員解甘濟用等語著傳諭碩色將該二省存局錢文查明現存若干儘數撥解派委妥員由水

路陸續運至陝省之龍駒寨交該處地方官接收轉運西安藩庫另解甘省其一切運價錢本及解送接收各事宜該督等彼此咨商一面妥協辦理一面將查明存局餘錢若干先行奏聞○又諭蒙古人等皆賴牲畜度日故定擬偷竊牲畜之罪較內地加重但今之蒙古律凡偷竊無多之犯擬絞監候數年後仍減等釋放此輩習於為盜一經釋放仍在蒙古地方偷竊為害嗣後此等賊犯若行竊

甚多情節可惡者當即入於情實其情罪尚輕者亦按偷牲多寡量其遠近分別發往內地則蒙古地方既可肅清而匪徒亦知警惕其應如何改擬之處刑部會同該院議奏尋會議嗣後蒙古等除搶奪四項牲畜殺人傷人者仍照舊例辦理外如偷十匹以上首犯擬絞監候秋審時入於情實六匹至九匹發雲貴兩廣烟瘴地方三匹至五匹發湖廣福建江西浙江江南等處一二匹發山東河南等處交驛充當苦差其民人在蒙古地方偷竊九匹以下者照此分別充軍為從人犯仍照舊例辦理至行圍巡幸地方如有偷竊馬匹者不分蒙古民人五匹以上擬絞立決三匹至四匹發雲貴兩廣烟瘴地方一二匹發湖廣福建江西浙江江南等處充軍從之○調廣州將軍舍圖肯為福州將軍江寧將軍福增格為廣州將軍以正藍旗蒙古都統伍彌泰為江寧將軍福州將軍新柱為正藍旗

蒙古都統。○是日駐蹕波羅河屯行宮。○已未軍機大臣等議覆甘肅總督楊應琚奏稱陝甘二省分派朋餵馬五千匹。臚分已壯又屢次撥解巴里坤備用馬可擇取五千匹合計得戰馬萬匹。先期調至甘肅二府州屬分餵就近轉解至沿途草豆俱已籌備等語。查各處馬匹甚多。挑解軍營既資接濟而內地亦省飼秣之費。現據該督查明一路芻豆俱足供支。應如所奏。即將各處馬調至近地速解哈密。現在奉旨派清馥及侍衛等管解。應先解送五千匹。隨後續挑五六千匹。其如何分起行走及沿途照料。令該督會同清馥等商辦。得旨依議速行。○是日駐蹕中關行宮。○庚申。

上奉

皇太后駐蹕避暑山莊。至壬戌皆如之。○詣皇太后行宮問安。○諭軍機大臣等從前德舒奏稱由阿克蘇解來回人於途次被瑪哈沁

搶掠。已領兵追捕。今永貴奏伊來京時行至庫車。據都司舒明阿等報稱德舒行至賽哩木之阿勒坦和碩遇厄魯特百餘殺傷官兵。德舒中鎗身故。即行文舒赫德選兵三四百名前來伊帶領搜勦等語。德舒本未諳練營伍而所領之兵又復無用。朕前已慮及命努三前往協助。今竟為賊害。雖非遇敵捐軀可比。究屬歿於國事。深可憫惻。著加恩照陣亡例交部議卹。永貴雖調阿克蘇之兵恐亦係裁汰所餘。著仍駐賽哩木候努三同進。如努三未到即差人往促。若馬匹不敷即於解送軍營之一千馬內酌量帶往。務將為首之賊解京嚴懲。或臨陣勦殺亦必盡殲逆黨。前據德舒等奏請歸併臺站原以防備盜賊。但伊等既經領兵搜捕。著照舊分設以速郵遞。○又諭前命舒赫德往辦葉爾羌事務其阿克蘇辦事著德舒前往。今德舒身故著阿桂前往阿克蘇辦事。○又諭據車布登扎布奏八

月初十前後。可抵伊犁等語。前因霍集占業已遠颺。即令車布登扎布轉回游牧。今努三同永貴協勦戕害德舒之賊。將來恐被迫逃入伊犁。或投俄羅斯。亦未可定。著傳諭車布登扎布。若尚未起程。即於伊犁堵截。或已在道。即由上年舍楞等逃入俄羅斯之路巡查追捕。倘糧餉不敷。即向成衮扎布定長等支給。仍行文令伊等酌量策應。○又諭曰。玉素布。自駐劄烏什以來。辦理諸事。實心報効。著

加恩晉封為貝勒。○又諭曰。舒赫德奏。烏什城除阿奇木外。雖有伊什罕並不協同辦事。亦無噶匝納齊商伯克等。擬將四品頂藍翎之哈子伯克摩羅和卓授為伊什罕協辦阿奇木事務。添設噶匝納齊一缺。將四品頂舊伊什罕伯克默特補授。商伯克一缺。將四品頂什錫野東補授。哈子一缺。將阿爾咱默特補授。托克三伯克一缺。將烏提塞拉木補授。魯克察克。闡展喀喇和卓托克三等四郎莊

之伯克。請作為六品。其餘密喇布達魯罕。訥赫布哈提布等二十九缺。俱作為七品等語。俱著照所請行。○定邊將軍兆惠等奏。前因堵截逆賊等逃路。遣侍衛達克塔納等。傳檄霍罕。額爾德尼伯克。瑪爾噶朗。安集延。納木干等城。并布魯特之額德格訥等部落。茲據額德格訥之阿濟畢。遣沙喇庫楚克等。呈稱額德格訥。阿濟畢。與霍罕。額爾德尼伯克。俱同心歸順。並齎呈阿濟畢之書。譯文云。謹呈

如

天普覆廣大無外。如愛養衆生素齋。瑞佛之鴻仁。如古伊斯干達哩之神威。如嚕斯塔木。天下無敵之大勇。富有四海。乾隆

大皇帝欽命將軍軍前。額德格訥布魯特小臣阿濟畢。恭祝

大皇帝萬萬壽。今奉到將軍傳諭。我等情願投誠。布哈爾以東。我等二十一萬人。皆為臣僕等語。臣等授以答書。分別賞給。仍勉其協力

勦賊得旨覽兆惠奏阿濟畢額爾德尼俱恭順可嘉著頒給勅書賜以緞疋荷包伊等若遣使入覲即辦理伴送來京勅書曰將軍兆惠等奏稱侍衛達克塔納等至安集延霍罕見阿濟畢額爾德尼伯克俱誠心內附情詞肫懇朕深嘉悅朕為天下共主內外一體凡向化來歸者皆加以撫育各順其道以安生理爾等如願入覲即可前來或遣子弟屬人代行亦一體加以恩賞茲以路遥不能多齎

平定人三十一

一

賜物賞彩緞各二端大小荷包各一對爾等尚其約束所部永享昇平之福特諭○旌表守正捐軀之直隸開州民劉守業妻孫氏○辛酉

上御依清曠勾到秋審官犯及服制並雲南貴州四川情實罪犯停決官犯斬犯一人服制斬犯八人貴州斬犯五人絞犯一人餘八十八人予勾○諭軍機大臣等永貴奏德舒被賊戕害請將赫塞勒臺站歸併賽哩木等語已

令其照舊安設但瑪哈沁等既有百餘人則巡查臺站亦甚緊要著傳諭永貴於努三未來之先即領兵巡查各臺所有解運器物馬駝羊隻毋使賊人窺伺俟努三一到即同行進勦至此等大隊賊人器械齊備非尋常瑪哈沁可比或有逃出之回人及厄魯特等亦未可定伊等進勦時即行詳查具奏○吏部議准甘肅總督楊應琚奏稱甘省嘉峪關外自安西至哈密計程八百餘里地方遼濶並

平定人三十一

三十一

無官弁駐劄查安西以西哈密以東有馬蓮井為南北兩路總匯之區雖經於沙州協撥兵七名在彼分巡但兵數既少又無專官督率未免虛應故事請將平涼府屬涇州州判改為安西新設首縣縣丞移駐馬蓮井并於河州協再撥兵二十三名連前共三十名酌撥千總一員帶兵往駐遇有遞解人犯及匪竊案件責令該縣丞千總協同查緝其改設縣丞照邊缺例五年陞用得旨依議速行○

又議覆福建按察使史奕昂奏稱直省道府各員請定以六年調取引見一摺查道府有察吏安民之責職任最要應如所請將各省道府到任六年期滿臣部行文調取該督撫出具考語送部引見至各省運使與道員相等應照例辦理從之○壬戌旌表守正捐軀之河南汝州民李榮女李氏

實錄卷之五百九十六

五

大清高宗法天隆運至誠先覺體元立極敷文奮武孝慈神聖純皇帝實錄卷之五百九十六

大清高宗法天隆運至誠先覺體元立極敷文奮武孝慈神聖純皇帝實錄卷之五百九十七

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣等謹

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣等謹將內大臣戶部尚書嚴振藻滿洲都統軍功紀錄五次

尋常紀錄十四次臣等謹將經筵講官太子少保工部尚書紀銘六次臣等謹將

教修

乾隆二十四年己卯九月癸亥

實錄卷之五百九十七

十

上奉

皇太后自避暑山莊迴鑾○諭朕閱浙江省秋審招冊有頂冒假官一案內偽造憑照誘賣之王星瞻已經擬斬而受買頂冒之童汝德僅止擬軍情罪甚未允協大小職官均屬朝廷名器此而可假豈尋常捏冒行私射利作奸可比其在設計誘騙者固屬法無可逭至受買之犯膽敢知情頂冒徑行謁見上官其弁髦王章不已甚耶即使新選典史童汝鵬實在中

途病故該犯居然張冠李戴冒其名而赴任非假官而何光天化日之下豈容假官儼居民上其情較之設局騙財者更可惡也且律內行賄得贓諸案並屬與受同科今乃以名器攸關似此妄行藐法者反得曲分軒輊可乎此案王星瞻係按律定擬而童汝德擬軍又係用例例者正所以上下其手之捷徑也其如何準情定罪使權衡悉當不失名律本意著刑部詳細定議具奏本案童汝德並著

另行定議具奏

○諭軍機大臣等前以番商洪任輝控訴呈詞必係內地人代寫令新柱等悉心查究今據奏訊得與洪任輝貿易之陳祖觀等供有婺源縣生員汪聖儀同子汪蘭秀曾借洪任輝資本前在寧波江蘇各處代為經理或係彼所指使等語番商貿易內地敢於滋事必有潛行勾引者為之主持汪聖儀父子既與親密即不能無勾串唆使情弊已據粵省行知江南提解質審著傳諭尹

繼善陳宏謀等即將汪聖儀父子拘緝並搜查其交通往來字蹟一併解赴廣東交朝銓李侍堯等細加研鞠務得實情俾沿海奸民知所儆惕尋陳宏謀覆奏汪聖儀於八月間接有廣東信息先已潛逃搜查家內並無與番商洪任輝往來字蹟嗣於江西樂平縣地方緝獲到案供與洪任輝相好當即委解廣東質訊其第四子汪錦釐即蘭秀訊明現往廣東亦即飛咨緝拏報聞○又諭據新柱等審據番商洪任輝供稱作呈之人係在噶喇吧住久之福建人林懷所寫等語所供殊未足憑信林懷既在噶喇吧住居三輩蓄髮已作鬼子焉得復能熟習漢字且前閱原呈字蹟並不類外夷揣摩書寫此中情節必須詳悉根究不得因該商等一面之詞草率了事至徽商汪聖儀父子既與洪任輝往來有素或代為寫呈亦未可定已有旨傳諭尹繼善陳宏謀令其委員押解來粵即交與朝銓李

侍堯等詳細研鞠。務得實情。完結定案。朝銓現有應行查訊之事。可仍留粵。會同李侍堯辦理。新柱業已丁憂。即著先行回京。將此一併傳諭知之。○又諭據新柱等審擬番商洪任輝控呈李永標一案。究其作呈之人。供係在噶喇吧住久之福建人林懷。所寫等語。內地民人私越外洋。例有嚴禁。林懷原籍閩人。從前何時潛往該國。而地方官並無覺察。且稱在彼已住三輩。蓄留頭髮。作為鬼子。尤堪

駭異。閩省民風。素稱刁悍。設濱海居民。尤而效之。此風將何所底止。著傳諭楊廷璋。即行悉心查訪。林懷係從何時潛蹤出境。其家屬如有尚留內地者。一面密拘齊確訊。並將該犯設法招回治罪。毋令漏網。其嗣後如何嚴密稽查。毋任偷漏滋事。並如何行文緝拏。不令夷人容隱此等匪犯之處。俱著該督悉心詳議。具摺奏聞。務使沿海刁民不敢復蹈故轍。○調三姓副都統富僧阿為寧古塔副都

統。以正藍旗護軍叅領宗室噶隆阿為三姓副都統。○是日駐蹕喀喇河屯行宮。○甲子。諭軍機大臣等。楊應琚奏軍需駝隻現可得壯健者一千二百餘。隨同馬匹解送軍營。所辦甚妥。至所奏開展催運商駝。咨明定長等。於卸載後。給價雇用等語。軍營既得健駝千餘。諒足敷用。若前項商駝既經停止官買。又復截留守候內地商民。或致聞風不進。何如留此有餘。俾得轉輸接濟。至若詢之將軍等。

自必以軍營所需。多多益善。豈有遽稱足用而轉為推却者。自可不必行文。○甘肅總督楊應琚奏查外省定制。遇有隔省交涉事件。俱係移咨督撫轉飭查辦。向無徑飭他省司道辦理具覆之例。今臣蒙恩補授甘肅總督。其營伍錢糧。俱係陝西藩司總理。且軍務未竣。一切調遣人員。解送軍器及軍營往返官兵等項。多係陝西藩司應辦之事。擬嗣後遇有應行事件。一面咨會陝省督撫。一面徑飭

陝西藩司。上緊辦理。並令該司徑行詳稟。以速機務。得旨。自應如此。有旨諭部。以重事權。○旌表守正被戕之河南輝縣尼普煥。○喀爾喀扎薩克固山貝子和碩額駙根扎布多爾濟故。遣官致祭如例。○是日。駐蹕常山峪行宮。○乙丑。

上御行殿。勾到廣西、廣東、福建、秋審情實罪犯。緩決廣東斬犯一人、福建斬犯一人、餘一百六人。予勾。○諭前經議政王大臣議准。將陝

西一省。改歸四川總督統轄。甘肅一省。專設總督一員管理。降旨令楊應琚補授。仍令節制陝西營務。原為西陲辦理回部告竣之時。甘省幅員遼濶而言。今軍務尚未武成。回部現有將軍大臣在彼辦理諸務。而一切軍需。多由陝省運甘。未便遽照新制。轉多掣肘。所有陝省事務。著楊應琚照舊管轄。開泰且不必兼管。俟軍務告竣後。再行候旨遵行。以期集事。以專責成。○又諭。昨因浙江省秋審招

冊內。假官案犯童汝德情罪未協。已降旨交部另行定議。隨檢閱本律原文。益知此案比擬失倫。乃用律者之過。非律之自有疑義也。律文云。凡詐假官。假與人官者。斬等語。其義可謂蘊括明切。乃自律註日增。而律意轉晦。司讞者因註語而誤會本律。又輾轉而引用他例。遂至強生支節。輕重懸殊。即如詐假官者。即童汝德也。假與人官者。即王星瞻也。今一事兩歧。皆因例註滋繁。轉易啟文吏奸胥高下其手之弊。當綱紀肅清之時。內外問刑官。或不敢假借營私。逞其伎倆。而由此科條疑似。使不肖者得因緣為奸。正復不少其所關於王章民命者。甚鉅。然同一假官。其中情狀亦自不同。有假充項帶止圖為鄉里光榮者。有冒稱職官而意在圖騙一人圖行一事者。并有敢冒赴任。欲臨民用事如童汝德之藐視憲典者。若非分別等差。精研釐正。則當輕而稍重。如民命何。當重而稍輕。如王章何。

其非弼教協中之義均也。朕矜慎庶獄。務在鑑空衡平。從不設畸輕畸重之見。必使杆法之徒。一一適如其所自取。然後罪情無枉。而國法不撓。稱物平施。悉歸明允。所有本條內。應行悉心酌議。俾較然畫一之處。刑部一併分別定議具奏。尋議。凡偽造憑劄。自為假官。或將有故官員憑劄。賣與他人。及買受憑劄。冒名赴任者。俱擬斬監候。無官詐稱有官。或冒現任官員姓名。並未造有憑劄。只於圖騙

一人。圖行一事。犯該徒罪以下。發邊衛充軍。犯該軍流遣罪。擬絞監候。若假冒職官。只圖鄉里光榮。無所求為。亦無憑劄者。杖六十。徒一年。至浙江假官案犯童汝德。頂冒赴任。應依律改擬斬監候。本省秋審已過。請即行正法。從之。○諭軍機大臣等。阿爾泰奏。於該省豐收處所。採買麥五萬石。現貯河干候撥等語。前令該撫採買麥石。以備撥用。現今直屬雖麥價尚平。京師麥廩亦有存麥石。然將此

項運至京師。以備將來平糶之用。亦屬有益。著傳諭阿爾泰。令其委員運送直隸。交方觀承轉運京師。其一切運收事宜。俱照前次之例辦理。○又諭。據莊有恭奏。啖咭喇番商。於七月間駛船至定海洋面。已將不准來浙之例禁。嚴切曉諭。并查其有無作弊形蹟。即行懲治等語。所辦甚為合宜。現在該番商等呈控滋事。不可不嚴示節制。至該船所帶玻璃。雖查明係戶部郎中范清注。託該商定辦。但

番船狡獪。正欲借此為赴浙貿易之端。在浙省惟當申明禁令。令其迴粵。方為妥協。其託辦玻璃之事。竟可付之不知。自有范清注通融辦理。不得少有假借。著將此傳諭莊有恭知之。○又諭曰。舒赫德奏。聞德舒被害之信。已令納世通領兵四百名。前往追剿。又永貴奏。伊先派庫車之回兵起程。與阿克蘇兵相迎會剿等語。永貴奏到時。朕已諭努三領兵與伊協同進剿。今永貴雖與納世通期會。仍

宜候努三同進著傳諭努三以速行為要再舒赫德奏有綠旗把總等見德舒被害旋行逃出之語官兵等隨營進剿統領之人不幸陣亡即應奮力殺賊或身受重傷尚可藉口若臨陣即逃此風斷不可長在回人猶可謂不知紀律至綠旗兵自應以軍法從事著努三於事竣後查辦具奏又所奏瑪哈沁等有二三百人大概逃回之人草木皆兵妄行稟告且臺站無恙而遽請防範三城亦屬太過俱著傳諭知之○以三姓副都統噶隆阿莊浪副都統敦柱對調○是日駐蹕兩間房行宮○丙寅

上詣

皇太后行宮問安○改甘肅安西鎮為安西府安西柳溝二衛為淵泉縣靖逆赤金二衛為玉門縣沙州衛為敦煌縣從總督楊應琚請也○是日駐蹕要亭行宮○丁卯

上御行殿勾到奉天陝西湖廣浙江秋審情實

罪犯八十四人均予勾○諭各省學政現屆差滿福建學政汪廷璵廣西學政鞠愷俱於本年任事無庸更換江蘇學政著劉墉調補浙江學政著李因培調補江西學政著謝溶生調補廣東學政著鄭虎文調補湖南學政著吳鴻調補安徽學政著劉星煒去山東學政著閔鶚元去陝西學政著鍾蘭枝去河南學政著湯先甲去山西學政著邵樹本去湖北學政著溫如玉去四川學政著陳奎去雲南學政著李中簡去貴州學政著馮成修去直隸學政金德瑔著仍留原任○諭軍機大臣等楊應琚奏軍營馬匹分起解送第一起已於本月十六日起程等語此時清馥若已遵旨回至巴里坤自可適相會合倘尚未轉回即著五吉同侍衛舒常蘇呼等送馬至葉爾羌除派出哈密滿洲兵及回人外仍行文同德淑寶將巴里坤存留索倫察哈爾阿拉善等蒙古兵調用又楊應琚派出從前脫出

之滿洲兵解馬前抵哈密。伊等熟諳道路亦令送至葉爾羌。其綠旗兵著五吉裁撤。仍行文清馥酌量辦理。○又諭曰。舒赫德奏阿克蘇北山之布魯特噶岱密爾咱等游牧被賊盜去馬匹。隨派兵越穆素爾嶺。未能追及。已行文永貴納世通等。并自請交部議處等語。追賊官兵以馬乏不及舒赫德尚無大過。著從寬免議。至賊人係何處蹤蹟。未據聲說。殊屬含混。現在戕害德舒。未知即此等賊人否。努三奉到節次諭旨。諒已迅速起程。著再行傳諭知之。○署陝西固原提督延綏鎮總兵張接天奏。甘肅新設總督。議駐肅州。不若仍照前議駐劄涼州。彈壓諸番。控制口外。實能扼要。且與甘州提臣肅州鎮臣聲勢聯絡。其涼州總兵應改駐固原。陝西提臣應改駐西安。各營協改隸事宜。因地籌辦得旨。如此大事。豈汝一武夫所當輕言者。甚屬冒昧。但汝若有真知灼見。亦未可知。汝宜來京。朕見令

汝與廷臣面議再定。有旨諭部。○是日駐蹕密雲縣行宮。○戊辰。諭軍機大臣等。據張接天奏。甘肅總督應駐劄涼州等因。一摺。已降旨令其來京。朕見詳悉面陳矣。總督駐劄地方。關係控制西陲。事體崇重。前經該督楊應琚摺奏。改設事宜。令議政王大臣集議。斟酌允行。張接天特一武臣。何以冒昧建議。及此或伊別有真知灼見之處。亦未可定。但思常人之情。多徇目前。難於慮始。如總督標下所屬員弁兵丁等。甚屬紛繁。恐以涼州地近腹裏。商賈雲集。居處樂就。便安。若肅州地在千里之外。較此殊為窩遠。因而騰其口說。該鎮為所慫恿。即據以入告。既得於朕前有所建白。並以博庸人之稱譽。此又武途之習氣。所不能免者。殊不知就甘肅內地而論。則涼州固為適中。若就統馭新附各部。落而言。則肅州猶為近地。而涼州則相距轉遙。但徇庸衆私情。豈能遠計國家大體。且改設總督一切

新定規制原俟軍務告竣之日再令候旨遵行。現在仍循其舊。此時正毋庸議。改張接天此奏。是否有所見。抑或為衆論所惑。著將原摺鈔寄楊應琚。令其虛公體察。據實奏聞。其總督駐劄地方。究於何地最為扼要。並著悉心詳議具奏。○又諭曰。努三等奏俟雪落後。搜捕瑪哈沁餘黨。將開展兵三十名留用等語。昨已屢諭努三。速往庫車。協同永貴剿除戕害德舒之賊。至烏魯木齊附近。即有一二餘黨。永德儘可辦理。再所奏拏獲之厄魯特伯楞泰。因其熟習烏鎗。令為嚮導。伊奮勉効力。擒獲多人等語。努三查明拏獲瑪哈沁等。仍有似此効力之人。即帶領進兵。一面酌量奏請。給以職銜。其餘賊衆。不可仍留原處。即設法移入內地。派員解送來京。分賞王大臣為奴。○是日駐蹕南石槽行宮。己巳。上迴鑾奉

皇太后居暢春園。○詰

安佑宮行禮。○幸圓明園。○諭軍機大臣等。富德等奏屢次遣使前往巴達克山。久無信息。今派伯克霍集斯。巴圖魯侍衛額勒登額。領兵一百名。向巴達克山索取霍集占等語。所辦殊屬錯謬。從前既不發兵。此次何以忽遣。且將軍叅贊大臣俱未聞前往。僅使侍衛額勒登額。同伯克霍集斯一行。有是理乎。即謂將軍不宜輕進。明瑞亦當前往。況巴達克山豈因一霍集斯之言。遂縛賊以獻。即令獻出賊人。而其功似出於霍集斯。將軍大臣等復置身何地乎。此事從前伊等初奏時。即有畏難之心。朕因伊等馬力實乏。是以未經申飭。今觀所奏。是早蓄不能獲賊。亦可退兵之意。不過難以啟口耳。從前之將軍大臣等。何嘗不効力行間。每因功已垂成。稍為退縮。遂致債事。獲罪富德等。豈未之知。昨因富德母老。諭令前來省視。看來伊不能承受恩澤。著仍駐葉爾羌。俟拏獲逆賊。後再行請旨。併傳諭

兆惠知之。○又諭據德文奏稱准舒赫德永貴等行文催往庫車辦事已領兵四十名起程續調開展兵一百名接應等語此等瑪哈沁能有幾人納世通領兵四百已足敷用德文又增兵如許不過為保身之計甚屬怯懦看來庫車事務非德文所能辦著調往阿克蘇隨阿桂辦事納世通著辦理庫車事務俱傳諭知之。○庚午

上詣暢春園問

皇太后安。○諭湖廣總督碩色現在患病著來京調治其員缺著蘇昌前往署理所署工部尚書事務著李元亮兼署吏部侍郎員缺著海明署理其李元亮兼署之兵部尚書事務著如松署理。○諭軍機大臣等據阿思哈奏九月初一日行香禮畢忽被孫世榮斧擊致傷當即拏獲訊供一摺此事實屬奇異部下小民無端逞兇於廣眾屬目之地輒敢手持斧鑿砍傷封疆大吏非尋常兇惡可比雖據

供與故大學士黃廷桂有仇錯認誤傷而情詞妄誕豈可憑信況據該撫所奏該犯形狀並不痴呆言語亦屬明白其中必有別故著傳諭阿思哈將該犯親母吳氏堂弟孫世彥繼弟楊光榮等及應行鞠訊人犯一併拏解交與尹繼善嚴行究審毋致中途逃遁至其中實在情節該撫宜細密加體訪然當處以鎮靜若稍涉張皇恐轉一時難得實情且迹似怙怯俾奸狡之徒反自為得計也可將

此傳諭知之。○又諭據阿思哈奏稱九月初一日行香後忽被孫世榮斧擊致傷已將該犯拏獲訊供移解該督審究矣此事實屬奇聞雖據該撫所訊供詞有似瘋非瘋再四究詰並無別詞等語但以小民無端逞兇於巡撫若非別有他故斷不敢冒昧若此已傳諭阿思哈將該犯親母堂弟繼弟等及應訊各犯拏交該督嚴行究審如尹繼善奉到此旨尚未起程即將各犯逐一隔別詳細鞠訊

務得實情定擬具奏若已經起程著將該犯等解送來京會同軍機大臣等審明辦理不必因此事耽擱朕意帶來京嚴審為尤妥但不可令其免脫即將此傳諭知之阿思哈摺著一併鈔寄○又諭曰納世通領兵四百名會同永貴努三追捕戕害德舒之瑪哈沁等諒可立就擒獲著傳諭納世通如勦賊事竣所領兵丁或遣回阿克蘇或留駐庫車皆可倘二城俱可不需則查明此內有西安滿洲兵即撤回本處有綠旗兵即發往定長處屯田俱著酌量辦理○又諭曰定長等奏烏魯木齊所易哈薩克馬一千餘匹於八月二十四日由昂吉爾圖諾爾起程從伊拉里克送至庫車轉送富德等語此項馬匹原備來年進兵之用今富德在巴達克山交界若徑行解送未能妥協著傳諭定長等將馬匹加意牧放不必遠尋富德即從庫車送往葉爾羌備用再定長奏德文調兵一百名至庫車防

範瑪哈沁昨據德文奏報朕以納世通領兵四百已足敷用業已傳諭申飭仍著定長將派往之兵差人追回○辛未諭軍機大臣等兆惠奏稱差往探信之侍衛等回報逆賊布拉呢敦霍集占俱為巴達克山人拏獲等語看來二賊被擒情事屬實雖未據富德奏報計此時正在促令縛獻如罪人斯得則大功告成富德仍遵前旨同兆惠來京即明瑞阿里袞巴祿由屯溫布等叅贊領隊大臣并年久侍衛等亦應分起陸續回京所有兵丁除去年更換者仍留駐防外餘俱酌量撤回不過留舒赫德一人在葉爾羌辦事足矣若二賊之被擒與死雖實而巴達克山仍未呈獻則不可中止必當示以軍威即今年不能來年亦必進兵總以必得為期倘二賊被獲情事不實或別有他故則愈不可中止今且暫息馬力於來年選兵數千名直入其境搜捕二賊即將巴達克山部落一併辦理亦無不

可著傳諭兆惠、富德等知之。○又諭曰：兆惠等奏齊凌扎布、伯克鄂對等解送新降回人萬餘口，約數日內即到。解到時查明由喀什噶爾送信逆賊之回人酌量辦理。又阿布都喇伊木、墨墨氏敏情俱可疑，俟喀什噶爾輪班入覲時將此二人作為頭起送京等語。昨富德奏稱齊凌扎布等所解人口內塔哩雅沁回人伯克特穆爾呼雅吉特兩戶脫逃朕已密諭兆惠等將久從逆賊之回人相機辦理。至送信賊人之語出自俘獲人口所供未可遽信。即阿布都喇伊木等與賊交通亦嚮導回人所稟，保無挾嫌誣害。若將此二人解京其餘人衆必生疑懼。當候齊凌扎布等到時密查逆賊親信之人令其指實如二人果與賊通即正法示衆。或仍有他人亦另行查辦。○又諭曰：兆惠等將降回額爾克和卓額色尹、鄂托蘭珠和卓瑪木特解送來京未免辦事過急。從前兆惠等奏請將二人送京朕

即謂留伊等在京恐霍集斯等妄生疑懼俟擒獲霍集占時再行分別辦理。今既將額色尹等送來雖留住京師其作何安插之處尚未酌定。仍著傳諭兆惠等現在新降回衆尚有霍集占族戚在內若逆賊已獲即行送京否則仍當酌量情形勿使回衆疑懼致生事端其作何辦理即詳悉妥議速奏。○又諭據綽勒多奏本年墨爾根呼蘭二處收成歉薄民食不敷現在詳查辦理等語從前綽勒多議奏呼蘭添建倉廩一摺內稱該處倉貯米穀共六萬石有奇尚擬陸續運往黑龍江支用著寄信綽勒多此項存貯穀石年來動用若干有無續行增貯其查辦墨爾根呼蘭二處乏食人等是否足敷接濟之處一併查奏。○又諭據吳達善奏稱蘭蕪等府州各屬地畝間有因旱未種秋禾亦有已種仍被旱傷之處自七月內甘肅各廳州縣透雨霑足其未被旱傷之各色秋禾咸沐滋培之益等語

甘省各屬積年歉收。邊徼窮黎。實堪軫念。是以疊降諭旨。將應徵額賦。蠲至明年。而災地加賑。展至七月。原為前經被災之地。多方量籌賑卹。今歲收成如獲豐稔。則間閭生計。可資接濟。今該省各屬。自六月以後。始得透雨。田禾復有歉收之處。民力未免拮据。著傳諭楊應琚。吳達善等。將各屬現在情形。並於前此蠲賑之處。應行作何籌辦。加恩撫卹。俾窮民不至失所。及該督撫曾否豫為經理之處。作速查明妥議。一面奏聞。一面辦理。慰朕念切民瘼至意。○實授蘇昌為湖廣總督。海明為吏部侍郎。以正紅旗漢軍副都統赫赫為內閣學士。兼禮部侍郎。○壬申。諭朕恭閱世宗憲皇帝實錄。內載辦理船廠事務給事中趙殿最條奏。船廠地方。設立學校。令滿漢子弟讀書考試。欽奉

皇考諭旨。本朝龍興。混一區宇。惟恃實行與武畧耳。並未嘗恃虛文粉飾。而凡厥政務。悉昭

合於古來聖帝明王之徽猷。並無稍有不及之處。觀此可知實行之勝於虛文矣。我滿洲人等。純一篤實。忠孝廉節之行。豈不勝於漢人之文藝。蒙古之經典。與今若崇尚文藝。一概令其學習。勢必至一二十年始有端緒。恐武事既廢。文藝又未能通。徒成兩無所用之人耳。欽此。欽遵。仰見我

皇考期望八旗。務令崇尚樸誠。勤修武備之至意。實當永遠欽遵。為萬世不易之準。而凡滿洲人等。所以是訓。是行。務為屏虛崇實者。無不備於此矣。去歲文章童應試。伊等私行傳遞。繼復肆行喧闐。經朕治罪。並降旨令三品以上大臣子弟。嗣後有願就試者。必國語騎射兼優。方准奏聞應試。蓋恐滿洲人等。惟務虛文。不敦實行。以致舊日淳樸素風。漸至廢棄耳。乃蒙我

皇考早鑒及此。諄諄戒諭。以滿洲惟務讀書。倘不能精詣優通。恐武事既廢。文藝又未能通。

徒成一無用之人耳。是朕不得不如此辦理。亦惟兢兢仰體。

皇考明訓。並非有意裁抑。一概不准考試也。今歲鄉試屆期。伊等又不遵旨具奏。竟潛任伊等子弟。悉行應試。朕復降旨。將伊父兄等內。惟身在軍營及職居外任。不及知情者。加恩寬免。所有在京隱諱不行具奏者。俱行治罪。此非以其已奉明旨。尚爾朦朧僥倖之所致乎。觀此。則滿洲人等之崇尚虛文。不思遵守舊俗。所關綦重。實不可不急為挽回整頓者。嗣後各宜痛懲陋習。並盡力於滿洲應行勤習之武畧。以仰副。

皇考再三垂訓之心。及朕祇奉闡明多方開導之苦心。著通行曉諭八旗。將此並勒於各旗。操閱兵丁處。碑陰永遠遵行。○以廣西慶遠協副將書通阿。為廣西右江鎮總兵。○癸酉上詣暢春園。問皇太后安。○詣

大高殿行禮。○還宮。○諭綠營副將。有表率營伍之責。簡用自宜慎重。現在由旗員外補者。定例五年調換。而漢人歷任副將。尚未定有年限。嗣後各省漢員副將。歷俸五年。俱著督提。出具考語。送部引見。候朕隨時甄別。其才畧出衆者。既可備簡擢之用。而衰庸之輩。亦不致戀棧久任。於營伍實有裨益。○諭軍機大臣等。努三久在軍營効力。俟辦理瑪哈沁事竣。即起程回京。哈薩克貿易事務。交永德辦理。永德辦事二年。頗稱諳練。著派乾清門侍衛薩穆坦。侍衛倭昇額。馳驛前往烏魯木齊。隨永德學習行走。○又諭。現在北路軍營無事。著圖勒炳阿。前往庫車。同納世通辦理事務。○貴州提督哈攀龍。以病解任。以雲南昭通鎮總兵馮哲。為貴州提督。調雲南開化鎮總兵王澄。為昭通鎮總兵。以直隸通州協副將吳應銓。為開化鎮總兵。○甲戌。孝慈高皇后忌辰。遣官祭。

福陵○

上詣

壽皇殿行禮。○諭軍機大臣等。頃詢問兆惠送來之額爾克和卓額色尹。鄂托蘭珠和卓瑪木特等據稱。伊等原住葉爾羌。喀什噶爾。為策妄阿喇布坦。掠往吐魯番。後居伊犁。又為霍集占所掠。逃往塔什干等語。額色尹係霍集占一族。且久住伊犁。不便遣回葉爾羌等處。應即留京居住。除兆惠所奏現在送京之圖爾都和卓外。仍將伊等家口送京。其瑪木特之子巴巴和卓。兆惠等回京時。亦即同來。回衆中尚有似此者。俱酌量辦理。○又諭。據官保奏。拉達克汗報稱。從前遣往葉爾羌探信之人未回。又遣組克吉等前往。距葉爾羌七日之程。遇千餘人。詢係葉爾羌所屬。因避大兵逃出。不肯放行。并搶奪衣服等語。著傳諭兆惠等查明此等人衆。確係何處逃來。今欲何往。或係葉爾羌屬人。於何時逃避大兵。

是否有心與霍集占不合。據實奏聞。○又諭。據官保等奏。拉達克汗請轉奏謝恩。并報明探信人等。未能前去。朕已具悉。昨因葉爾羌等處歸附。仍降旨。曉諭。今將軍等奏報。霍集占等逃入巴達克山。被伊部落人等擒獲。俟其獻出時。再行降旨。嗣後拉達克汗處。不必遣人探信。著官保等傳諭知之。仍賜拉達克汗緞二端。○又諭。回城現俱平定。應將霍集占等私行徵歛之項。嚴行禁止。即辦事之阿奇木等員。亦應如各省大臣之例。遇缺補授。或緣事革退。則開缺另補。至於霍集占族戚等。所以留住京師。并令伯克霍集斯等。俟撤兵時同來者。因恐伊等若仍居舊地。必妄生希冀。致啟釁端。此正所以保全之也。兆惠等此時宜曲加撫慰。不可稍有漏洩。俟霍集斯到京後。即曉示各城回人。以中外一家。惟知共主。阿奇木伯克。不過辦事大員。毋許自稱諾顏。私收貢賦。即阿奇木等缺出。亦揀選賢

員。或以伊什罕陞補。不准世襲。章程既定。則伊等希冀之念自消。庶地方可以寧謐。著因便密諭兆惠舒赫德遵照辦理。○又諭曰。福祿等奏詳查和闐六城回人共一萬三千一百四十三戶。四萬一千二百八十六口。較齊凌扎布等原查數目。缺五千四百五十七戶。三萬一千二百五十七口等語。齊凌扎布等原查數目。本未確實。而後來被圍數月。或不免傷損。抑係回人等圖貢賦輕減。隱匿脫漏。亦未可定。今若有人首告。自不便顛預。否則不必究問。著傳諭舒赫德等。此時且以停止查辦為妥。若日後自行敗露。亦無難再辦也。○叅贊大臣舒赫德奏。新授多倫阿奇木伯克阿布都賚來見。據稱伊兄托克托游牧。即在庫爾勒等處。近聞散往羅布諾爾舊屬。亦有復回者。但現在乏食人多。來春無力耕作。請為料理等語。臣將此等無食之人。暫於阿克蘇留養。俟安插後再來收取。至伊等春耕

籽種不敷。請照本年庫車回人例。由官借給。秋後償還。又喀什噶爾葉爾羌等處。陸續投來之阿克蘇賽哩木回人等。俱遣回本處安插。報聞。○命叅贊大臣阿里衮留葉爾羌辦事。○以福建漳州鎮總兵王無黨為浙江提督。調福建福寧鎮總兵任澍為漳州鎮總兵。陝西延綏鎮總兵張接天為福寧鎮總兵。以甘肅花馬池副將定柱為延綏鎮總兵。○旌表守正捐軀之直隸永年縣民李名子妻張氏。河南禹州民化興南妻霍氏。○乙亥諭。今歲近京地方。夏前得雨稍遲。旋即甘霖疊沛。大田仍獲有收。農民得資日用。近聞京城內外。米糧價值照常。惟麥麩豆草各項。未能平減。尚須隨時調劑。從前五城平糶麥石。現在餘剩存倉者尚多。而接運進京之麥。又有山東五萬石。江蘇十萬石。將次陸續抵通。足供平糶接濟。其黑豆一項。各倉存貯。除酌量寬裕留備支放需用外。所有餘豆。或准官員承

買。或發厰一併平糶。俱有益於民用。至南苑羊草繁廡。向來採刈儲備。足敷供用。即量為發出變價。如今該總管等。督率海戶。多為收割。俾出售數饒。市直自當日減。著各該衙門。詳悉查明數目。其麥豆仍交五城及原派之侍郎等。督率平糶。草束交總管內務府。奉宸院辦理。○又諭。甘省山丹縣渠壩工程。向係民修。前據該撫吳達善奏請借帑修築。照例按年催徵還項。但念該處秋成稍歉。民力未免拮据。所有官借修築渠壩工程銀兩。著加恩一併豁免。以示體卹。邊氓至意。該部遵諭速行。○又諭。前因莊浪土司所屬地方。偶被旱災。曾降旨折借籽種口糧銀兩。以示撫綏。現在該處穀價。未能平減。所領折銀。恐尚不敷買食。著再加恩將應借一月折色。改給本色。即於西寧縣倉糧內動撥。令該土民自往領運。至此項借給口糧。例應徵還歸款。第念該處連歲歉收。土民生計拮据。著格外加恩。

將所借口糧本折銀米。一併賞給。免其交還。用昭一視同仁至意。該部遵諭速行。○以原任順天府府尹程巖。為光祿寺卿。○是日起。上以孟冬享太廟。齋戒三日。○丙子。孝敬憲皇后忌辰。遣官祭泰陵。○諭軍機大臣等。兆惠等奏。齊凌扎布。解到降回一萬餘口。請將伊等分別辦理。再往英吉沙爾等語。前諭回衆送到時。烏沙克伯德爾格。塔哩雅沁等回人。必須辦理者。特為二賊未獲。留之恐滋事端。今既有擒獲之信。伊等即懷叵測。亦已絕望。又何必多行殺戮。兆惠等務宜體察情形。若安插伊等。尚可不致生事。即將伊等同家口。移於安西等處。歸併綠旗兵。或不便內移。及恐沿途脫逃生事。又或二賊之信未確。來年仍須進兵。兆惠等仍遵前旨。酌量辦理。○又諭曰。兆惠聞德舒被害之信。令副都統銜阿第木保。領索倫兵。

五百名。前赴永貴處。聽候協剿。前因永貴領兵追剿瑪哈沁。曾諭努三會剿。不知曾合隊否。計永貴應已獲賊竣事。此等索倫兵。既在軍前年久。而巴達克山。又將逆賊等獻出。即可撤回游牧。如信息未確。則就近暫住庫車。以候調遣。○又諭。據陳宏謀奏。吳江。震澤。鎮洋。新陽等縣。拏獲盜犯二十餘名。現在審擬會同浙撫具題。免致稽遲等語。已於摺內批諭矣。著再諭令尹繼善等。此等積年巨盜。不得照尋常具題案件辦理。可即速確勘定擬由驛遞呈馳具奏。俾巨盜即正典刑。以昭懲創。至江浙地方。乃腹裏近地。竟有夥盜明火執械。似此橫行無忌。且自三四月以來。劫案累累。何至今始行發覺。地方各官。平日所司何事。此在拏獲隣境盜犯之員。固當議敘示勸。其疎防失察各員。尤不可不嚴行查叅。以為玩盜累民之戒。所有案內前經疎防失察文武員弁。著交與尹繼善。楊廷璋等。逐一查

明叅處。可一併傳諭知之。○軍機大臣等議。覆定邊左副將軍成家扎布等奏。稱喀爾喀四部落積歉之餘。民力尚多拮据。查自乾隆十八年起。有交喀爾喀等牧放之馬。駝。羊。除軍需及寬免倒斃外。應賠尚多。又二十年進兵。及擒青滾雜卜。亦有應賠之項。此時西三部落。將二十一年盜竊各牲畜。並代償車臣汗部落之項。賠補尚未足數。懇寬限二三年。似於蒙古等生計有裨。又查此時北路軍營事件無多。臺馬足用。請嗣後換班之侍衛官員等。停止派取蒙古馬匹。專由臺站辦理。並各予以限制。均應如所請。至所奏布延圖之兵。暫行駐劄。各部落互相推諉。請飭交副將軍盟長。及烏梁海等。照例均管。查布延圖駐兵。現在無事。自應裁撤。但副將軍車布登扎布。尚在伊犁堵截逃賊。請俟事竣撤回。從之。○丁丑。諭曰。將軍兆惠。富德等。先後奏報大兵追剿逆賊霍集占。布拉呢敦。抵巴達克山。

界。其部長素勒坦沙告稱。遵將軍大人諭。邀擊二賊。現已鎗斃霍集占。生擒布拉呢敦。所差侍衛薩穆坦。俱經目覩。但回部信奉經典。從無自擒族類。轉送與人之例。若竟呈獻天朝。恐別部落必來滋事。是以求免等語。已傳諭兆惠。富德等。令即刻勒兵向索。且曉譬順逆。以該部落既知歸誠內屬。理應獻賊自効。即以回部舊俗。不自相戕為詞。則已不應有生擒鎗斃之舉。況慮他日諸部之滋事。較此時天朝大兵之壓境。其利害尤為明白。易曉。如果該部落即日遵諭獻出。則膚功自可告竣。而庸懦無識之徒。或以諸城悉定。各部款降。似此梵梵遁賊。何必更事窮追。致滋勞費。殊不知用兵回部。原非朕之本意。當伊犁平定。準噶爾悉入版圖。而東西布魯特。左右哈薩克等。無不傾心向化。何有於花門雜種。而必欲為窮兵黷武之事。實以逆賊兄弟。負恩反噬。不得不明正其罪。以彰捷伐。今葉爾

羌喀什噶爾。均就撫綏。設官定賦。其於回部大局。固已全定。獨逆賊兄弟。尚未懸首藁街。此皆從前雅爾哈善。玩寇債事。於攻圍庫車時。使已投羅網之逆孽。復得遠颺。蹉跎輾轉。以至今日。實為此事罪魁。自兆惠。富德。統兵以來。掃其巢穴。分路進剿。屢獲全勝。獨惜富德等。兵至葉什勒庫勒諾爾。其時逆賊疲憊已甚。即謂我軍馬力稍乏。但乘勢精選數百騎。緊躡其後。即可直抵巴達克山。協同捕獲。何至該部落得以藉口。此亦因富德等。俘獲衆多。其氣不無稍懈。而明瑞在京時。朕曾諭以臨陣須當慎重。遂致悞會。未免少為徘徊耳。然此時大軍方駐彼地。不過賈其餘勇。即可集事。又何所增其勞費。若意在苟且遷就。遽欲貢諛稱賀。謂可息事寧人。則朕斷斷不為也。如前此阿睦爾撒納。已伏冥誅。並遣大臣驗實。因逆尸究未獻出。朕即不肯告廟受賀。以為自欺欺人之計。此內外諸臣所共

知者。况堂堂大清。兵力全盛。而回部之賦稅。屯田之收穫。以及沿途貿易。城倉積貯。儲胥充裕。不獨內地毫無飛輓饋運之勞。而陝甘兩省。蠲賑之恩。有加無已。閭閻初不知有軍興徵發。豈漢唐宋明諸代。疲中國之財力。而不能得地尺寸者可比。今統計用兵。不越五年。而西陲萬餘里。城無不下。衆無不降。此實仰荷

上蒼福佑。得以奏茲偉績。而人事之因時順應。

尤不可不善以承之也。我滿洲風尚。素稱淳樸勇往。而承平日久。八旗子弟。多耽安逸。偶遇軍旅之事。轉致不能嫻習。朕於此舉。正欲訓誨督率之。俾習勤勞。而諳韜略。而諸臣中。或猶有狃於小利近功。不知事機之緩急者。古者無事之時。不廢訓戎講武。今以法無可道之逆酋。當功有必成之事會。且可藉以練我嚴敵。致果之將材。又何所顧慮。而竟為浮論所惑。急圖完局。貽笑方來也。不然。則佳兵

之誠。朕念之熟矣。豈尚存好大喜功之見。以耀兵威而勤遠略耶。著將此宣諭中外知之。○諭軍機大臣等。富德等奏稱。伊遣往巴達克山之侍衛等回報。逆賊布拉呢敦兄弟。俱被素勒坦沙擒獲。霍集占受傷身死。因回人經典。不便呈獻。富德仍致書嚴索。約日起程等語。看來富德從前若直前追勦。久經俘獲。乃坐失機會。朕深為追悔。不知富德等。亦知愧悔否。若非伊等前此曾經効力。朕必重治其罪。今既遣人再索。因勅諭素勒坦沙。并賞伊緞疋。由臺站發往。將來二賊。如仍未獻出。則來年進兵。斷不可已。必以獲賊為竣事。此次厄魯特侍衛薩穆坦等。行走甚屬奮勉。薩穆坦著加恩授為二等侍衛。素勒坦和卓額呼木布爾。額色木。俱賞戴孔雀翎。授為三等侍衛。敦多布。既經獎賞藍翎。即授為藍翎侍衛。其隨去回人等。著富德酌量賞給。以示鼓勵。○又諭。朕勅諭巴達克山素勒坦沙。令將

逆賊等擒獻。倘稍有欺飾延緩。則來年尚須進兵。兆惠不必往英吉沙爾。仍駐兵葉爾羌查辦新降回衆。○又諭曰。同德奏。准定長咨稱。從巴里坤運籽種等項駝隻。已轉雇運往烏魯木齊。歸途又轉運軍營衣物。不必送回原處等語。此等運往開展駝隻。皆係官雇商駝。若節次轉運。則商民畏難不前。勢必更煩官辦。且致貽誤。即使偶從轉雇。亦必視其情願與否。不可勉強從事。著傳諭定長。同德。知之。○又諭曰。同德奏稱。巴里坤所有馬匹。擇其臆壯者五千匹。在北山前坡牧放。俟至十月收槽之時。加意餽養等語。此項馬匹。特為軍營需用。已派清馥。同乾清門侍衛等。由去年阿里衮送馬之路。緩行送往。同德應即豫備。分起陸續起程。即如阿里衮所送之馬。於十月間。由庫車一路前進。地氣和暖。水草不乏。是以應用無悞。若此時不行豫備。待至春來。必不能及。且轉不若額林哈畢爾噶之徑

捷矣。同德竟不知事體緩急。漫以收槽餽養為言。著傳諭楊應琚。清馥。五吉。同德等。遵照屢降諭旨辦理。併傳諭舒常等。亦作速前往會同行走。○勅諭巴達克山汗素勒坦沙。據將軍富德等奏。爾奉將軍檄文。擒拏逆賊霍集占。布拉呢敦。具見恭順。聞霍集占受傷身故。布拉呢敦。現在拘禁。爾復遣鄂穆爾拜。同侍衛等前來。以爾等經典擒獲。派噶木巴爾子孫。不便呈獻。致別部落興戎。將軍大臣等。以霍集占等罪惡。再行曉示。若不呈獻。即日進兵。朕為天下共主。內外一體。咸加撫育。況爾慕化歸誠。深用嘉悅。惟是霍集占兄弟。前為準噶爾拘禁。因大兵平定伊犁。釋其囚繫。俾居故地。自應感激圖報。乃負恩背義。反將所遣大臣官兵。盡行戕害。是以興師問罪。復敢聚黨抗命。肆虐無辜。強奪婦女。與爾等經教。大相背戾。衆怨沸騰。今年大兵進剿。葉爾羌。喀什噶爾等城。咸思歸附。二賊恐被縛獻。

先率其黨與。跳身遠遁。然逆徒數萬。直抵巴達克山。雖不敢抗我軍威。實足據爾土地。我大兵撫定各城。即行追襲。勦殺無算。乞降者萬餘人。僅存餘孽。以入爾境。將軍大臣等。非不能窮追直入。實體朕好生之心。不忍擾害無罪部落。朕亦屢諭將軍等。暫停師旅。故逆賊等未即就擒。今爾乃以阿琿摩羅離心。及別部落啟釁為詞。此等情事縱實。尚屬未然。今大兵壓境。即暫時休息。來年必兵馬雲集。斯時又誰能相助。此中利害之重輕。自宜熟計。至我大國兵力。爾等當亦聞知。即平定準噶爾。由於傳說。若收服葉爾羌。喀什噶爾。逆賊數萬衆。望風奔竄。乃爾等目覩者。爾素勒坦沙。宜中有定見。勿惑人言。將霍集占之尸。與布拉呢敦。送至軍前。朕必厚加恩賞。但爾如果已勦擒霍集占等。又何惜而不獻。其為爾部落留養。飾詞以對。情節顯然。此等語。將軍大臣。尚不受爾欺。矧敢於朕前支飾耶。此

時惟悔悟。縛獻。則前事皆可不論。今因降勅。賜爾蟒緞。色緞。各二端。爾其深思熟計。以享無窮之福。特諭。○命內閣侍讀學士龔學海。左春坊左中允邊繼祖。在尚書房行走。○賑貸山東海豐。利津。霑化。樂安。平度。膠州。高密。即墨。冠縣。臨清。館陶。夏津。武城。恩縣。等十四州縣。德州。臨清。二衛。永阜。永利。官臺。王家岡等。四場。本年水災。飢民並予緩徵。○是月。直隸總督方觀承奏。永定河南岸三工之長安城草壩。椿朽土裂。難洩盛漲。仰蒙指示。令於三工四工之間。添建減水壩。臣詳加相度。查三工宿宇八號。北村地方。西距金門閘二十里。隄內外。地勢相等。河身距隄。遠近適合。應築草壩一座。金門寬十六丈。其減下之水。應循隄外東西舊埝。開挑引河。會入金門閘減河。長七百九十五丈。隄外引河。占用旗民地畝。即於附近河灘淤地內。照數撥補。並展挖東西牯牛減河。得旨。如所議行。○又奏。濬

沱河向由束鹿。衡水會入滏河。今改從晉州南徙。由冀州寧晉入滏。距衡水舊處東西相隔四十里。臣由改流之晉州張岔口沿河五十五里至寧晉之營上村入滏處所。詳勘新河條直寬深勢甚安順。緣此處係康熙年間。濬沱舊道改流之時。淤去河通。非於平地另有衝齧。致礙田廬。其張岔口迤東河身南北二股分合共長四十餘里。俱淤成平陸。斷非人力所能挑挖。毋庸濬復。得旨。好。○又奏。江

實錄卷五九七

四二

蘇撥運麥十萬石。遵旨限於凍前到直。查順。廣。大名一帶偏災。宜籌來春糶助。擬於清河縣之油坊鎮撥貯五萬石。其餘分貯景州之安陵。交河之泊鎮。吳橋之連鎮等處。聽候酌撥。得旨。好。山東又有運通之麥。如此豫籌。明年庶不至麥貴也。○江南河道總督白鍾山奏。運河廳屬王家溝五孔石閘。塌卸難修。應於該處上下另擇土堅地方。照式移建。裏河廳屬惠濟越閘。及通濟福興正越四閘。身欹

槽脫。底成深塘。急應估修。得旨。如所議行。又批。蓋因無工可做耳。然既稱關繫運道。自無不准修者。須查察。毋令太冒銷滋弊可耳。○江南壽春鎮總兵齊斌奏。行伍出身之武弁。於義理律例。不能週知。往往違犯禁約。致遭斥廢。請自將備至分防之員。每人頒給中樞政考一部。得旨。所見甚迂。惟在汝等大員。實力董率。若如汝所云。即人給一部。其如束之高閣何。○署江西巡撫阿思哈奏。新喻縣北

實錄卷五九七

四三

鄉民人符姓家掘地獲古鐘大小十一口。古色斑斕。似非近代之物。鐘面篆文。不能辨識。或係朝廟樂器。民間不便收藏。合行恭進。得旨。覽。○浙江巡撫莊有恭奏。海寧縣塘坦最要工程。業經奏明辦理。茲查海寧遠城一帶。椿石殘缺之六十五丈。應行議修。曹殿以西向未建坦之八十二丈。應行議建。請歸前案一併乘時趕修。以防春汛。翁家埠至老鹽倉一帶柴塘。當此江海全趨北大壘之時。誠為

緊要。但老沙尚寬二千餘丈。似可無虞。應否
拆修。俟明春酌議。又東防同知所屬之韓家
池。有柴塘四百六十一丈。附近外沙。日見汕
刷。漸為迴溜浸逼。酌撥柴薪六十萬觔。分貯
該處。以備不虞。得旨。諸凡甚妥。如所議行。○
又奏。御史吳鵬南條奏。責成大吏興修水土
之政一摺。准部行令各督撫。經畫酌議。查水
之大利有五。曰江海。湖渠。泉。他省得其二三。
而浙省實兼數利。沿江濱海臨湖之地。欲收

平糶本二十一

四

水之利。必先去水之害。於是塘以禦風潮。圩
以遏淫潦。閘以蓄淡禦鹹。斗以引灌宣洩。金
衢。嚴。三郡。又各有山泉溪澗。灌注成渠。堰壩
塘蕩。無不具備。其塘隄各工。任之在官。圩岸
斗門。任之在民。章程井然。長相遵守。經理之
規。至纖至悉。更有詳於該御史之所奏者。至
於古蹟可循。宜加修復。非所語於江海之變
遷。新流可引。宜與疏通。非所論於湖渠之交
錯。此又各有情形。難相附會者也。惟如仁和

錢塘之上中市。三河垓。區塘。苦溪塘。海鹽之
白洋河。湯家鋪。廟涇河。長興之東西南漢港。
永嘉之七都新洲陡門。九都水湫。三十四都
黃田浦陡門。實應修舉。以收已然之利。再杭
州之臨平湖。紹興之夏蓋湖。有關田疇大利。
數十年來。積漸就湮。以致湖身日窄。概行剗
復。恐難施工。應如何設法疏挑。或實不能濬
復。另議召佃墾種。容再體勘辦理。得旨。如所
議行。○湖南巡撫馮鈐奏。寶南局現存餘錢

平糶本二十一

一

二萬串。遵旨委員解甘濟用。查寶南局鑄二
十座。餘銅甚多。鉛錫亦廣。若將每鑪加卯鼓
鑄。一年可另得錢八萬四千餘串。陸續解甘。
似有裨益。得旨。甚好。如此方見急公。勉為之。
○河東河道總督張師載奏。濟寧至韓莊運
河。長三百餘里。汶。泗。府。洸。諸河。及各處山泉
在在灌注。遇雨發水。勢極浩大。自南陽以上。
至濟寧百餘里。河無旁洩之路。今雖將師莊
至石佛舊隄加高。仍宜豫籌分洩。查棗林間

上東岸之外。即獨山湖北頭。該處有吳家溝。向通湖水。應於此處添洩水口一道。水大則開。由溝入湖。水小則閉。以濟運行。得旨。俱妥。○又奏。臨清板開下汶衛合流之處。應順崖建挑水草壩一道。順流外挑。助汶敵衛。一遇盛漲。衛河挑溜北行。庶不致倒灌入開。至武城之甲馬營。德州之西方巷二處。因對面西岸。淤出灘嘴。逼溜向東。以致坍塌。現雖議修埽工。仍應將淤嘴挑切。以順水勢。得旨。好。○

實錄卷五百九十七

四

又奏。黃河南岸儀考廳屬之儀封十三堡大河離隄。原千餘丈。迨後溜靠南岸。刷塌河崖。去冬自北岸折注。大溜直射隄根。坍塌存老崖僅二十餘丈。臣確勘情形。於十三堡對岸。自汪家營至李家莊。開挑分溜引渠一千七百餘丈。趕緊竣工。本年伏秋汛發。大溜旁洩。不致直注壩前。老崖外更挂新淤。河漸北徙。以坐灣入袖險工。引渠分勢。隄工得保平穩。得旨。甚好。○河南巡撫胡寶瑤奏。衛輝府通判

一缺。改歸河工。不能兼管鹽務。查長蘆河東鹽包。行彰懷衛及山西之潞澤等屬者。由汲縣西關起車。行開歸陳許等屬者。由延津縣過河分道。請將北路引鹽。歸汲縣稽查。放南路引鹽。歸延津縣給票查緝。毋庸該通判兼管。得旨。如所議行。○山西巡撫塔永寧奏。山西通省常平積儲。出借在民。及連年災區。停緩徵收者。不下二十餘萬。亟宜籌備補額。請將民借倉穀。無論高糧。收麥。糜子。悉按市

實錄卷五百九十七

五

價。折算粟穀徵收。明歲出借時。即照折收之數。按穀數給領。秋成以粟穀還倉。得旨。如所議行。此係權宜。不可為例。○甘肅總督楊應琚奏。甘肅靖遠縣城。建設黃河南岸。向於西北近河處。築石埧以資保護。近年河流南徙。直逼縣城。西北石埧。漂沒無存。形勢頗險。請於向設石埧處。建築挑水壩座。並於大溜北首。開挖引河。以殺水勢。明春再行興工修城。得旨。亟應修築者。○又奏。將軍富德等。追勦

逆苗霍集占兄弟業經挑馬萬匹陸續解往計一切軍械火器均需駝運若俟軍營調取恐致貽誤現在籌備挑選約可得健駝一千一二百隻擬於解馬出關之後即行尾隨前往一併解送葉爾羌等處以濟軍行得旨甚好○又奏駐守葉爾羌病故及沿途病故之綠營兵丁前奉旨查明伊等子弟令其充補名糧惟此項故兵原有馬步之分今其子弟若以馬糧頂補難任差操應請概以步糧頂食至於單丁獨戶頂補無人其親老妻弱餉口無策者請照金川故兵之例給守糧半份以資養贍得旨如所議行○總督管甘肅巡撫吳達善奏蘭鞏平慶等屬現議折給賑銀但災重之區仍宜籌備本色查成縣倉糧可撥四萬石該邑距西和縣一百九十里雖屬山路騾馬馱載尚易籌辦至由西和縣轉運災重之阜平等邑車輛通行輓輸甚便得旨如所議行

實錄卷五百九十七

聖

大清高宗法天隆運至誠先覺體元立極敷文奮武孝慈神聖純皇帝實錄卷之五百九十七

實錄卷五百九十七

聖

大清高宗法天隆運至誠先覺體元立極敷文奮武孝慈神聖純皇帝實錄卷之五百九十八

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履歷

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書兼理滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

校修

乾隆二十四年己卯冬十月戊寅朔享

太廟。

上親詣行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。○遣官祭

孝賢皇后陵。

端慧皇太子園寢。○頒乾隆二十五年時憲

書。○順天府行鄉飲酒禮。○諭陝省西安各

府屬之咸陽等十州縣今夏得雨稍遲收成

歉薄。雖於例並不成災。而民力不無竭蹶。所

有懷遠清澗米脂吳堡四縣。本年應徵未完

地丁錢糧草束及帶徵舊欠。並常社倉糧籽

種等項。俱著加恩緩至明年秋收後徵收。其

咸陽醴泉同官韓城商州雒南六州縣新舊

民欠錢糧倉穀緩至明年麥熟後徵收。以紓

民力。至沿邊之膚施靖邊保安安塞延長甘

泉綏德七州縣所有上年緩徵新舊錢糧倉

穀。例應本年徵收。但該處連年收成未能豐

稔。應加意撫綏以資休養。著再加恩將該州

縣除本年照例徵收外。其帶徵之錢糧倉穀

再緩一年。於明歲麥熟秋成後。分別帶徵。示

朕優加體恤至意。該部遵諭速行。○諭軍機

大臣等據鍾音奏。發遣巴里坤人犯。在途脫逃之王忝等五名。先後拏獲。應請旨即行正法。其疎防各犯之地方官。移咨甘省查叅等語。已有旨交鍾音。將該犯等照例即行正法矣。此等罪犯。皆係積匪猾賊。發遣巴里坤。已屬寬典。乃敢藐法脫逃。其罪更無可逭。現在特因甘省地方歲收歉薄。是以暫為停遣。將來仍應照例舉行。地方各官。自應嚴加約束。防範毋使免脫。何至沿途逃遁者。罪犯累累。

雖現在五犯已經就獲。其餘未獲各犯。務須星速緝拏。勿使遷延漏網。其獲犯各官。固當分別議叙。而疎防各犯員弁。尤應逐一嚴查。請叅議處。楊應琚吳達善因何並未查奏。及此俱著明白回奏。○又諭據楊應琚奏。稱揀選軍營馬一萬匹。陸續解交清馥轉送軍營等語。從前楊應琚奏送頭起馬匹之時。即諭清馥如尚未回抵巴里坤。著五吉舒常等一同解送。今此項馬匹已全數抵巴里坤。著遵

照前旨。加意護送。務期妥協濟用。○陝甘總督楊應琚奏。庫車等處回人素習耕織。從前服屬準噶爾。歲納布疋。後因荒亂相仍。將棉子食盡。查陝省西安同州兩府。俱產棉。每畝種子十觔。可收淨花二十餘觔。棉子一百二十餘觔。請先以二十畝計算。將棉子二百觔解至庫車散給。俾及時佈種。來年即以所得分散各城。二三年後。可望種植日廣。報聞。已卯。

上御乾清門聽政。○諭軍機大臣等。舒赫德奏。伊前往葉爾羌辦事。將欽差大臣關防帶往。其阿克蘇應請給以關防。至葉爾羌。距內地甚遠。奏報事件。宜加慎密。請賞給奏匣等語。阿克蘇為回城要地。已派阿桂駐劄辦事。著該部齎送欽差大臣關防一顆。以昭信守。其賞給葉爾羌奏匣。亦照所請行。○又諭回人額爾克和卓額色尹鄂拓蘭珠和卓瑪木特。俱係派噶木巴爾後裔。著加恩封額色尹公。

爵授瑪木特為扎薩克頭等台吉。護送伊等前來之獎賞藍翎克什克巴圖魯烏克什勒圖。著授為藍翎侍衛。與藍翎侍衛額勒濟圖。俱賞銀五十兩。○庚辰

上御懋勤殿。勾到江西安徽江蘇情實罪犯。停決江蘇絞犯一人。餘九十七人。予勾。○諭軍機大臣等新柱等奏查審喚咭喇商人具呈。許控一案詳細究詰。其中果有代作呈詞之四川人劉亞區。現今供認相符等語。劉亞區

為外夷商謀砌款。情罪確鑿。即當明正典刑。不得以杖斃完結。而夷商洪任輝潛情內地。奸民挾詞干禁。質訊得實。亦應重示懲創。俾識天朝節制。著傳諭李侍堯。一面提出劉亞區。並傳集在廣洋商及該處保商人等。一面密傳洪任輝。毋令先期聞信潛逸。當衆傳宣諭旨。以該商從前所告情節。在監督等既審有辦理不善之處。即按法秉公處治。念爾外夷無知。雖各處呈控尚無別情。可以從寬曲

宥。現在審出勾串內地奸民。代為列款希冀違例別通海口。則情罪難以寬貸。繩以國法。雖罪不至死。亦當竄處遠方。因係夷人。不便遣姑從寬。在澳門圈禁三年。滿日逐回本國。不許逗遛。生事論內地物產富饒。豈需遠洋些微不急之貨。特以爾等自願懲遷。柔遠之仁。原所不禁。今爾不能安分奉法。向後即准他商貿易。爾亦不許前來該督等傳諭畢。將劉亞區即行正法。示衆。俾內地棍徒知所儆懼。而夷商等共識朝廷威德。詭計固難倖售。權政益以肅清。庶執法平情。均歸允協。將此詳悉傳諭朝銓等知之。○又諭據清馥奏稱。遣往搜捕瑪哈沁之都司張遇奇。察哈爾驍騎校阿喇布坦。已於喀喇莽鼎探得賊踪。並未親行追襲。但遣馬甲富海索倫馬甲噶勒保領兵八名前往。伊等遇賊。又未報知。及張遇奇等聞信往追。見有男婦四十餘人。反被賊誑誘。借給馬匹。以致逃去。請將張遇奇

阿喇布坦交部嚴加議處。富海噶勒保重責百鞭等語。清馥係領兵追賊之人。既未親身前往。又不將疎懈官兵從重辦理。更屬姑息。著傳旨申飭。至追勦賊人。若非勇往直前。則將來效尤成習。各顧身命。安望擒獲。張遇奇。阿喇布坦俱著革職。留軍營効力贖罪。富海噶勒保著即正法示衆。命御前侍衛安泰護送葉爾羌軍營馬匹。○辛巳諭軍機大臣等。據永貴奏稱。搜捕瑪哈沁等至阿勒坦和碩山嶺。雖有賊踪。計逃去已十餘日。雪盛不能前進。請俟來春選兵千餘名前往追襲等語。初閱永貴等請罪之詞。意謂又生一事。及覽竟方知為山嶺雪盛。徹兵暫回耳。伊從前聞德舒被害。即請追賊復仇。頗為勇往。今半途而返。甚屬無謂。若謂雪大難行。瑪哈沁等又豈能飛越耶。伊等馬力稍乏。亦事之所有。但必待來年且將貽人姍笑。况朕所諭來年大兵凱旋。仍嚴搜逸賊。並非指此等戕害德

舒之賊。亟應誅戮。以紓衆憤者。當此初冬雪積未厚。尚可前行。賊若越嶺。必藏匿烏魯木齊。額林哈畢爾噶等處。自無庸於庫車等處搜索。此時永貴應與努三會合。既有善於嚮導之人。且賊衆見久無追兵。未免弛懈。猝然相遇。勢可擒獲。著傳諭永貴。即於阿克蘇兵內選精銳者三百名。帶至烏魯木齊。現在解送軍營馬千餘匹。若途中相遇。即每人選給三匹。餘者仍行送往。是馬匹既足。而存貯糧石。又可接濟。務期盡勦賊衆。為德舒復仇。辦理既竣。即同努三來京。著納世通留庫車辦事。○又諭據陳宏謀奏查夷商許控案內。應行質訊之婺源縣生員汪聖儀父子。而汪聖儀已於八月間得有廣東信息。先已潛逃。旋經緝獲。押解赴粵等語。汪聖儀若與該夷商洪任輝別無潛行結交情弊。何必聞信輒行逃避。而廣東亦即有先期傳遞消息者。此等行蹤詭秘。不可不悉心究治。以儆奸回。現據

陳宏謀管解來粵。傳諭朝銓等到日即詳細研鞫。務得實情。即使汪聖儀父子於本案實無商謀情事。而身廁青衿。行止不端。亦即當治以聞信脫逃之罪。毋使倖免。其第四子汪錦鰲。即汪蘭秀先已運貨赴粵。既據該撫咨明該省查拏。並著朝銓等一併密拏詳究。毋任漏信遠颺。○吏部議奏。凡緝捕越獄重犯。遇有告病及終養等項。毋論在任承緝。離任協緝。俱不准回籍外。其承緝協緝限內。遇丁

憂事故。暫令回籍。給假百日。治喪假滿。原籍督撫催令起程。咨明任所督撫。仍留協緝。接扣前限。滿日照例查辦。從之。○壬午。

上御太和殿視朝。文武陞轉各官謝恩。○詣暢春園問。

皇太后安。○幸圓明園。○諭軍機大臣等。清馥奏稱。訊問厄魯特嚮導鄂齊爾。知喀喇莽鼐諾顏鄂博之西地名額什。頗饒水草。聞有瑪哈沁賊人斗齊等在彼藏匿。因派兵四十名。

委索倫營總濟彥保等前往追捕。伊領兵三十名。由拜達克之北尋覓賊蹤。策應濟彥保等語。昨因清馥並未親身追賊。而辦理官兵又復姑息。業經傳旨申飭。伊一聞官兵疎脫賊人之信。即當迅往追襲。乃視若尋常。仍委之濟彥保等。甚屬怯懦不堪。從前伊在巴里坤辦事。意其尚可造就。不謂一經追賊。即畏縮如此。本應即行治罪。姑從寬免。伊雖奉到解送馬匹之旨。諒亦未能趲赴。著不必前往。惟專辦勦滅瑪哈沁。若仍前玩忽。以致賊人逃脫。朕必重治其罪。伊若指稱辦送馬匹。遂爾轉回。即係自取罪戾。併傳諭五吉。安泰。將應送馬匹。徑行承辦。不必候清馥信息。○癸未。諭曰。內務府議駁。得祿奏請該處莊頭等應交旗倉米石。折銀交納一案。辦理甚屬錯謬。盛京莊頭應交米石。在本處尚有准其折銀交納之例。而錦州相隔三百餘里。反不准其折銀交納。情理俱為倒置。此案於本年正

月奉旨交議。直延至九月底具奏。即有移查。何至延緩若是。且摺內又不將原奏奉旨日期填寫。似此漫不經心。非尋常疎忽舛誤者可比。所有會計司承辦之員。著降二級調用。係郎中。著降為主事。係員外郎。著降為筆帖式。其餘同司各員。俱著罰俸二年。總管內務府大臣。及堂郎中。俱著罰俸一年。○又諭前經降旨。令各省提鎮。履任已滿三年。請旨陛見。其踰期不行陳請者。著該部查明具奏。今兵部查奏。踰期未請陛見人員內。廣東提督胡貴古州總兵李勲。二員。或因曾經調任。遂以新任計算。未滿三載。為詞。雖屬遷延。情有可恕。至段起賢。自授左江總兵。迄今已及五載。雖於本年七月內。曾一奏請。而踰應奏之期。已一年有餘。更無可解免。著交部察議。嗣後各省提鎮。均遵前旨。一屆三年。即行奏請。不得以調任展扣稽遲。致違覲典。○漕運總督楊錫紱。叅奏通同捏報戰船失風之都司

宋國正等。請旨革審。得旨。這所叅宋國正等。捏報戰船失風一案。該督僅請革職審擬。辦理甚屬不合。從前吳士勝奏報。登州戰船被風擊碎。朕即疑其有捏飾情事。旋經降旨飭查。果屬欺罔。隨將欺朦之吳士勝革職。捏報之駱萬春。按律究治。該督豈不聞乎。此案外。委張大才。把總王元。以並未出洋之船。謊報失風。且將現存桅舵等物藏匿。捏稱飄滿。而都司宋國正。漫無覺察。扶同捏飾。其情罪較之吳士勝一案。尤為可惡。宋國正。張大才。王元。俱著革職。交刑部嚴審定擬具奏。○撫卹山西陽曲。祁縣。徐溝。文水。嵐縣。興縣。臨汾。襄陵。洪洞。浮山。趙城。太平。岳陽。曲沃。翼城。汾西。靈石。霍州。汾陽。孝義。臨縣。石樓。寧縣。五寨。臨晉。靜樂。代州。保德。河曲。解州。安邑。夏縣。平陸。芮城。絳州。稷山。河津。聞喜。絳縣。應州。懷仁。朔州。右玉。馬邑。左雲。平魯。寧武。崞縣。岢嵐。渾源。大同。山陰。靈邱。廣靈。陽高。天鎮等五十六

州縣。本年被旱。被雹。被霜。貧民並緩徵新舊額賦。○旌表守正捐軀之山西高平縣民張永福妹張氏。廣東樂昌縣民傅井滿妻陳氏。○甲申。

上御洞明堂。勾到河南情實罪犯。停決絞犯一人。餘六十三人。予勾。○諭軍機大臣等。直隸所屬景州一帶。聞秋深尚有積水未涸之處。地方官以附近田畝。晚禾有收。彼此通計。不及成災分數。未便邀恩格外。致啟刁風。方觀承亦曾奏及。然馭民固不可不持大體。第念該處濱水居民。究多歉薄。生計未免拮据。應將本年應徵額賦。暫行停緩。俟明歲麥熟徵還。以示體恤。再直屬各州縣內。夏前雨澤稍遲。後得雨露透。而窪地不無淤積。且間有蟲孽萌生之地。雖大局均係有秋。而一二偏隅。為數無多。均宜量加調劑。著傳諭方觀承。令其確細飭查。其中有與景州相類。應行酌予緩徵者。一併詳悉具奏。到日候朕酌量降旨。

○又諭刑部題覆鍾音審擬折菁頂買高丕緒文憑。詐冒赴任一案。私賣憑劄之高丕緒等。已照更正新例定擬。其失察武生頂冒職官之膚施縣教諭原侗。該撫稱其自行查出。應請免議。該部即為照覆。辦理均屬含混。據原題內有經安塞縣知縣倪嘉謙訪知。高丕緒並未赴川。差拘查訊。並據膚施縣教諭原侗。查出折菁頂名赴任緣由。牒縣訊究等語。皆係外省幕賓書吏積習。含混其詞。意可倖免處分耳。究竟此案實係何人發覺。並未詳晰聲明。如係該縣查訪在先。行令該教諭查辦。則該教諭安得免失察之咎。如該教諭查出在前。則該縣之失查。亦有應得處分。豈有不前不後。兩處一時發覺之理。再本內所錄高丕緒供詞。既自認收受折菁銀三十兩。復立一百兩欠票。其私賣已屬顯然。乃又稱被折菁騙去。並非賣與云云。似此自相矛盾之狡供。該撫不應如此混行敘入。豈以此等題

達本章。供看紛繁。朕或未必詳細寓目。而遂任其草率從事耶。鐘音著傳旨申飭。至此案係該縣該教諭。誰先查出之處。著據實確查具奏。尋奏。膚施縣已經查知。教諭原伺。始以訪聞牒究。實係圖免處分。得旨。此雖外省俗例。汝不宜如此圓融取譽也。以後慎之。改之。

○乙酉。

上詣暢春園。問

皇太后安。○辛靜宜園駐蹕。翼日如之。○諭軍

機大臣等。據塔永寧奏。請解任調理一摺。所奏殊不明晰。想該撫素性拘謹。偶爾抱疴。因值辦理武闡之時。恐不能親身校閱。遂將撫提各篆交出耳。但既經交與劉慥等代理。則此時正宜加意調攝。以冀速痊。其緊要重務。仍應彼此商辦。至一切尋常事件。自有藩司經理。又何必亟亟以解任奏請耶。將此傳諭知之。並其近來果即痊可否。速行奏來。○又諭曰。吳達善奏。洮河五司積茶甚多。請照康

熙年間茶三銀七之例。搭放俸餉。一摺。所見非是。庫貯官茶。存積有年。未免成色不足。若以之放俸餉。其於官兵。即不能無苦累。設若以茶易銀。尚有利益。則前此商民。自當踴躍請領。又何致陳陳相因。卒難銷售。此情理之所不可解者。且此權宜之計。若在他省。尚屬衆擎易舉。目今甘省官兵。以軍需皆屬勤苦。豈可加以額派。所見更非。況以該撫籌辦茶法全局言之。向以商茶配運不敷。是以負課累累。今既增配如額。而舊課竟得清償。其庫貯官茶。又何以難於出變。初不知商茶短配之時。民間食用。何所取給。抑始終均係私茶充斥。迄為茶政之累。則該撫此時究竟作何設法防禁耶。此摺批交該部議奏。著傳諭該撫。將前後情節。一一詳悉確查。先行奏聞。○兵部議覆。調任廣州將軍舍圖肯等奏。稱廣州水師旗營額設協領佐領防禦各一員。遇有協領佐領缺出。不敷揀選。請嗣後水師營

協領缺出。本營佐領堪勝保送者。照例保送。如本營不得其人。即於八旗滿洲佐領內揀選。其滿洲漢軍佐領缺出。照此辦理。應如所請。從之。○定邊左副將軍成衮扎布等奏。臣等前奏。據烏梁海內大臣察達克等。因現在游牧之科布多等處。不產貂鼠。請將伊等游牧。展至阿爾台。額爾齊斯等處。經軍機大臣議覆。以額爾齊斯等處。若係杜爾伯特游牧。應請旨傳諭索諾木衣布。車凌烏巴什。如伊等情願前往。即可遷移。將現駐之烏蘭固木。即賞給察達克等。或不願再遷。則額爾齊斯等處。與其閑曠。何如給與烏梁海等居住。臣等遵即遣官前往。據親王車凌烏巴什等告稱。察達克所請游牧。係烏梁海舊地。與我等游牧隔遠。今烏蘭固木地畝甚肥。羊隻孳生亦盛。久住可以饒足。情願仍前居住。不行遷移等語。查杜爾伯特部落。既不願遷移。請照察達克等所指。自博爾濟奇蘭一帶。展至阿

爾台山陽。令其約束所部游牧。從之。○旌表守正捐軀之河南嵩縣民蘇有臣妻安氏。○丙戌。禮部題。請旌表壽民。得旨。禮部議覆。福建巡撫吳士功題。詔安縣民沈起龍。年登百歲。五世同居。夫婦齊眉。子孫繞膝。洵屬昇平人瑞。宜推優老之恩。益懋敦倫之化。是用親製詩章。並書扁額。以賜。仍著加賞上用緞三疋。以示寵異。○丁亥。

上詣暢春園。問

皇太后安。○迴圓明園。○諭軍機大臣等。據兆惠等奏。稱齊凌扎布鄂對。阿什默特。送到降回二千六百餘戶。八千三百餘口。大半係伯德爾格。塔哩雅沁之人。擬於此內酌量人數多寡。分派大小頭目。遞相約束。移至吐魯番庫爾勒。哈喇沙爾。托克三。等處安插。俟起程後。兆惠即前往英吉沙爾。又密奏。阿什默特與伯克霍集斯交好。因加保薦。又近日查給阿什默特之回人百餘名口。多擇富厚之家。

非盡係伊舊屬。即霍集斯於補授葉爾羌頭目。亦受餽送等語。來降回人等。除係霍集占逼脅同行外。其烏沙克。塔哩雅沁。伯德爾格。回人。均不可信。已屢諭兆惠等。相機辦理。至阿什默特。既與霍集斯交好。俟軍務告竣。即派令來京。此外有附和霍集斯之人。俱如此辦理。此時尚宜慎密。即有告發之人。亦仍行安慰。今逆酋等尚未授首。兆惠不必往英吉沙爾。仍駐劄葉爾羌辦事。候富德等信息。○

又諭曰。努三等奏稱。准清馥咨文。隨派出察哈爾佐領裕木扎布。厄魯特嚮導蒙克津等。領兵往喀喇莽鼐等處搜捕等語。此等瑪哈沁。誑誘官兵馬匹。情罪可惡。務必盡行勦滅。著傳諭努三等。此等賊人。即窘迫來降。仍應解送肅州正法。伊從前所得降人。如蒙克津等之奮勉効力。則令其來京。在上駟院行走。其餘即賞給王大臣等。不必安插舊地。昨諭努三與永貴會合。追剿戕害德舒之瑪哈沁

等。著遵旨奮勉辦理。○又諭前諭追索逆賊霍集占等。若今年不能竣事。兆惠即來京請訓。昨據兆惠奏。俟降回內移後。即前往英吉沙爾。曾諭以不必急於起程。仍在葉爾羌辦事。但此時已達克山。若尚未有呈獻逆賊確信。富德等又從所駐之幹罕。移軍前駐。則英吉沙爾亦須有策應之兵。方可聲息相通。兆惠即前往駐劄。以壯軍威。如富德酌量暫回。葉爾羌。則兆惠即遵前旨來京。途次辦理降

回。亦覺甚便。俱著傳諭知之。○又諭用兵為國家要務。賞罰必期明允。為將軍者。於一切軍務。果能奮往直前。身親戰陣。何事不可成就。此內即稍有見識。未到者。朕亦必加曲諒。若如雅爾哈善等。在庫車圍困霍集占。使伊等嚴加防守。逆賊安能出走。且早已竣事。乃伊等並不親臨嚴飭。轉似特開一路。令其脫逃。有此情理乎。故將雅爾哈善等問。即行正法。叅贊大臣。乃協同將軍辦事之人。將軍思

慮所未及。叅贊即應指陳。若不見聽。即應叅奏。哈寧阿為雅爾哈善之叅贊。解到時亦應正法。但叅贊職任較將軍究稍有間。是以將伊擬斬監候。揆之以理。此次秋審。哈寧阿即宜予勾。因念伊父哈達哈現在軍前。若有分外効力之處。尚可稍存寬宥。昨富德等領兵至巴達克山交界。遣使索取霍集占。當遣額勒登額時。達勒當阿哈達哈豈不宜告請前往。與其遣額勒登額。何如伊等一行之為愈哉。况伊等皆獲罪之人。朕加恩復用為侍衛。遣往効力。不但當感激朕恩。即伊自計亦當奮勉。乃竟以侍衛自居。與眾為伍。不知愧恥。實出意料之外。此等大關係處。俱未計及。哈寧阿豈尚可曲宥耶。但朕念費英東扎爾固齊。不忍將伊孫同眾犯棄市。特加恩令哈寧阿自盡。著曉諭哈達哈及軍營大臣官兵等知之。○又諭前因索取逆賊霍集占等。曾勅諭巴達克山頭目素勒坦沙。今思伊部落若

深明利害。應已呈獻渠魁。故再降勅諭。如巴達克山有呈獻之信。即以此勅往諭。或尚在游牧。仍將前勅頒發。○勅諭巴達克山素勒坦沙。據將軍富德等奏稱。爾遵將軍大臣等傳檄攻圍逆賊霍集占。布拉呢敦俱經擒獲。具見爾願為臣僕之心。聞霍集占受傷身死。布拉呢敦尚在拘禁。爾等以所奉經教不欲將派噶木巴爾後裔呈獻。是以躊躇未決。遣使前來軍營。將軍大臣等復以逆賊等悖逆暴虐。蔑棄經教。大兵進剿。降者接踵。僅存餘孽。竄入爾境。我師惟恐騷擾。尚行遠駐。惟以游騎向爾約期索取。若踰時不至。即進兵搜捕。詳加曉示。節次奏報。朕為天下共主。內外一體。俱加撫卹。爾素勒坦沙慕思仁化。朕已洞悉。至霍集占等負恩背叛。種種奸惡。爾亦聞知。將軍大臣再三遣使。特體朕招攜懷遠之至意。其務將霍集占兄弟俘馘。以獻。今因頒勅。賜爾蟒緞四端。俟逆賊等送到時。朕必

沛殊恩以酬誠悃。爾其深思遠慮。永荷無疆之福。特諭。○護軍統領努三等奏。九月初派厄魯特藍翎侍衛巴桑等。巡查昌吉。羅克倫等處。搜捕瑪哈沁。據索倫領催噶瑞泰等。擒獲厄魯特巴彥夫婦。及巴圖孟克等。除巴圖孟克。人頗誠實。留充嚮導。餘俱正法。再臣現兼辦屯田事務。查烏魯木齊新舊屯田兵一千名。舊兵除差遣外。實屯田兵六百七十四名。種地一萬五千一百餘畝。收麥黍一萬二千二百四十餘石。新兵二百名。種地一千五百餘畝。收麥黍二千二百四十餘石。舊兵所種。較上年加倍。其收穫亦如之。報聞。○戊子。上御洞明堂。勾到山東。山西。情實罪犯。停決山東新犯三人。山西絞犯二人。餘六十二人。予勾。○蠲緩善岱。托克托城清水河。本年早霜。雹災。額賦有差。○己丑。戶部議覆。御史史茂條奏。捕蝗事宜。除別種類。廣稽查。明賞罰。以及米易蝗子等款。久經通奉遵行外。其按戶

出夫一款。恐地保賣富役貧。轉致擾累。應無庸議。又稱蝗蝻生處。分別多寡。樹立旗號。依次撲捕之處。亦在地方官實力董率。按照情形辦理。不必拘泥。至所稱停犁之地。宜令翻犁。並豫備各項器具。又多掘深壕。土掩火焚。並令鄰封州縣。協捕等語。應如該御史所奏。行令各該督撫。飭地方官。如有玩視民瘼。不能早為捕滅。以致長翅飛騰。及鄰封有蝗。借端推諉者。即行指名題參。至上司督捕。如有派累民間。縱役索詐者。查出照例治罪。從之。○庚寅。上詣暢春園。問皇太后安。○還宮。○辛卯。上御乾清門聽政。○諭曰。愛必達。參奏永順總兵哈峻德。將移駐所遺守備衙署。私賣得價。置買公館。復勒派所屬公捐。又令各兵自行製備黑鉛。仍於公費內冒銷銀兩。並將家人內姪分派食糧。仍留內署使用。及與回民哈

世傑認為弟兄出入無忌各款殊屬不法。非尋常卑鄙貪污可比。總兵統轄營伍。豈應恣意妄行。至於此極。况以私人侵食名糧。關係營務。尤為重大。從前雍正年間。屢蒙

皇考執法整頓。此弊久已肅清。乃哈峻德膽敢冒占營私。罔知法紀。愛必達此奏甚屬公當。著將哈峻德革職拏問。交該督等按摺內款犯嚴審定擬具奏。○戶部議准。四川總督開泰疏稱。資州。犍為。大寧。雲陽等四州縣。開淘

平定縣人丁丁一

二十一

鹽井。增設煎鍋。請增水引三百五十一張。陸引八百五十六張。從之。○以左副都御史張泰開為順天武鄉試正考官。侍講學士秦大士為副考官。○以福建臺灣鎮總兵林洛。浙江黃巖鎮總兵黃士俊對調。○以湖北黃州協副將田允中為雲南永順鎮總兵。○壬辰諭軍機大臣等。努三奏稱。奉到會合永貴。追勦瑪哈沁之諭。旨將所有官兵。厄魯特兵內揀選十二人。又新降之厄魯特蒙克津等十

七人。率領往迎永貴。俟巴里坤馬匹到日。永德領所餘官兵六十餘人。續行策應等語。努三頗屬奮往。但官兵為數無多。前已諭永貴。選阿克蘇兵三百名。赴烏魯木齊。途中遇解送軍營馬匹。即揀選九百。給與兵丁就近支領口糧。往額林哈畢爾噶等處。搜捕賊衆。至永德昨欲同努三前往。已允其請。但烏魯木齊乏人。著仍駐劄辦事。又所奏承辦屯田之遊擊金梁。在軍營効力。行走數年。管屯二年。

平定縣人丁丁一

二十一

辦理妥協等語。金梁著授為叅將。賞戴孔雀翎。以示鼓勵。著努三傳諭。將來伊若更知奮勉。朕必加恩優叙。○又諭據車布登扎布奏稱。八月十一日。行至伊犁。分兵搜捕瑪哈沁。派叅贊大臣齊努渾。公品級多岳特。領兵二百名。往哈塔奇。被賊盜馬三百餘匹。追回一百七十餘匹。賊人選馬百餘匹。向烏哈爾里克河上游逃去。又派扎薩克敦多布多爾濟前往追捕。齊努渾至哈什山。遇見敦多布多

爾濟前至哈什河之額爾默勒濟山嶺。雪大迷踪等語。又奏稱齊努渾等令扎哈沁公扎木禪等追瑪哈沁賊踪。既過哈什。向烏魯木齊西山。應就近聽烏魯木齊大臣奏聞候旨。伊即從布勒噶齊戈壁。經過庫隴癸河。由巴顏珠爾克卡座轉回等語。所奏殊未明晰。齊努渾多岳特係專派捕賊之人。反被賊盜去馬匹。選其臆壯者逃去。僅獲賊所棄剩者而回。甚屬疎懈。著交部嚴加議處。齊努渾人本平常。因隨兆惠効力。加恩賜號巴圖魯。今被賊盜馬數百匹。尚可謂之巴圖魯乎。齊努渾著革去巴圖魯號。此次若能勦賊。尚可自贖。否則重治其罪。至齊努渾等係尋踪追賊之人。覽奏似在車布登扎布聞信遣人之後。方抵哈什。且車布登扎布身為將軍。一聞此信。並未親身前往。仍遣此等無用之人。伊從前若無効力之處。必一併議處矣。著傳諭申飭。現在戕害德舒之瑪哈沁。深可憤恨。車布登

平定縣志卷五十八

二十八

扎布若在伊犁。即行搜捕。如已轉回。即從去年舍楞等往俄羅斯之路過冬。以便堵截。就近支給口糧。頃據成衮扎布奏。因接濟口糧。由巴顏珠爾克一路解牛一千二百頭。計已收到。伊等勦賊之時。須訊問明白。務期生得賊首。奉到此旨。即行覆奏。○又諭曰。舒赫德奏稱兆惠派副都統職銜阿第木保領兵五百名馬二百匹。給與兩月口糧。由阿克蘇至庫車一帶尋踪瞭望。搜除隱匿賊匪。請於事竣後將官兵分為兩隊。一隊在寨哩木拜等處之阿勒坦和碩要路。安設卡座。一隊在阿克蘇之穆素爾要路。安設卡座。守護臺站。照看往來行走之人等語。所辦甚是。著阿第木保等奮勉行走。

平定縣志卷五十八

二十八

大清高宗法天隆運至誠先覺體元立極敷文
奮武孝慈神聖純皇帝實錄卷之五百九十八

實錄卷之五百九十八

三十七

大清高宗法天隆運至誠先覺體元立極敷文
奮武孝慈神聖純皇帝實錄卷之五百九十九

監修總纂官 經筵講官 太子太傅 文淵閣大學士 文淵閣領閣事 領侍衛內大臣 稽察欽奉 上諭事件處 管理

吏部理藩院事務 正黃旗滿洲都統 世襲騎都尉 軍功加七級 隨帶加一級 尋常加二級 軍功紀錄一次 臣 慶桂

總裁官 經筵講官 太子太傅 文華殿大學士 文淵閣領閣事 稽察欽奉 上諭事件處 管理刑部戶部工部事務

世襲騎都尉 軍功加十九級 隨帶加二級 又加二級 臣 董誥 內大臣 戶部尚書 鑲黃旗滿洲都統 軍功紀錄五次

尋常紀錄十四次 臣 德瑛 經筵講官 太子少保 工部尚書 紀錄六次 臣 曹振鏞 等奉

敕修

乾隆二十四年己卯十月癸巳諭軍機大臣

平定人上丁七

一

等楊應琚奏陝甘兩省酌留公費名糧除彌
補各營公私借墊銀外尚餘存庫銀三十六
萬八千餘兩等語前此酌定扣留此項銀兩
原為通融調劑俾帑項不致久懸而兵丁亦
免按名扣抵實為一舉兩得今自二十年辦
理以來不特借墊全清現在更有餘剩可見
行之確有成效著傳諭該督此時尚有應辦
善後軍需酌扣公費名糧應仍照前辦章程
妥協經理所有存貯餘銀著該督詳細查明

自前項彌補既清以後所有續辦解馬及一切公私借墊等款並將來有無應行酌量協濟之處一一據實奏聞到日候朕降旨加恩即於此項銀兩撥用庶以獎勵急公倍加踴躍於軍務轉輸兵丁生計均有裨益○免助馬口莊頭承種地本年旱災額賦十分之七餘仍帶徵如例○甲午諭曰吏部進呈封授輔國公車布登誥勅一道屬意措詞與本人事蹟迥不相類詢係內閣承用向來定本故

套相沿非辭尚體要之義嗣後有似此者其各按事實簡明撰擬毋仍勒襲舊文有乖體制車布登誥勅並著另擬具奏○又諭燒鍋躑躅例有明禁邇來屢經降旨令地方官嚴行查禁勿使糜費米糧乃有司視為具文奉行不力遂致鄉邑愚民違禁私燒竟成利藪向來例禁或以收成豐稔之年如苦澁高粱細碎糠粃原無關於小民粒食之需然不力為禁止則苦澁細碎之不已必至及於精鑿

其為耗穀累民甚有關係司民牧者正當及時加意實勘實力禁防以重民依而平市價倘因有此旨而奸胥蠹役因之苛索滋擾則惟於辦理不善之地方官是問○又諭前降旨令江南豫東等省辦運麥石來京平糶並令飭諭商販流通俾得源源接濟於平價裕民頗著成效但官辦之法因時調劑不過提其大綱倘地方有司不知大體或因豫備官辦未免自分畛域其於往來商賈又或意存

節制易啟遏糶之漸著傳諭各督撫等嚴飭所屬實力體察務使商販船隻踴躍通行毋得稍有阻抑如有心存見小禁遏累民者該督撫等即行指名叅處○又諭江蘇蘇松常鎮太等屬今秋有間被風潮蟲孽之處所產米粒自不能一例精好尹繼善來京陛見問及但現在徵漕屆期所奏屬遲矣著速行文該撫等董率地方官惟取米色乾潔堪以久貯者許其通融交納紅白兼收顆粒不拘一

律。用示軫念偏災。格外加恩之意。不得援以為例。浙省若有似此者。亦如之。該部即遵諭速行。○諭軍機大臣等。阿爾泰自擢用巡撫以來。諸事奮勉。地方政務。均無貽誤。朕在初用伊時。尚不意其能事若此。可謂不負簡畀之意。但伊起自山東司道。薦任封疆。現在屬員。半係舊時僚友。不無少弛嚴憚之心。而伊亦未免畧存瞻顧。近聞青州府知府琳朝。濟南府知府洪肇楸。該撫或聽其告病解任。或僅為摺奏調簡。皆以薄罰矜全。並非按其官蹟。據實叅劾者。此雖得自風聞。難以據為憑信。然朕既有所聞。不得不明切傳諭。俾益知警勉。為督撫中全美之人。方為克副委任。阿爾泰果自信無他。固不必因此而轉生疑慮。即體朕造就之意。而於整躬率屬時。一切秉公頓刷。破除情面。毋僅循專以德化之虛言。以致姑息。正所謂有則改之。無則加勉。不特弭人口實。亦封疆大吏分內事也。將此詳悉

傳諭該撫知之。○又諭據齊努渾奏稱。伊等同扎哈沁公扎木禪。領兵百名追賊。至阿爾齊圖。覓得新蹤。扎木禪等先行。在哈喇呼喇大山。遇賊二十餘人。據守。正在交戰。伊等亦皆趨到。共勦賊二十人。有二賊步行逃去。收回被盜馬九十六匹。扎木禪、多岳特。各回游牧。伊亦即轉回等語。昨車布登扎布叅奏到時。朕諭以齊努渾等若仍不能勦賊收馬。即重治其罪。今幸藉扎木禪之力。得以成功。伊等亦何能為。齊努渾、多岳特。雖經勦殺賊衆。仍交部議處。至伊等勦賊時。理應訊明係何處賊人。奏內並未聲明。著遇便續奏。再齊努渾係車布登扎布隊內叅贊大臣。今既有叅職任。且叅贊尚有烏勒登著革去叅贊。在領隊大臣上行走。同多岳特仍隨車布登扎布領兵。由去年舍楞等逃入俄羅斯之路。堵截戕害德舒之瑪哈沁。來年應徹之時。候旨始回。扎木禪甚屬奮勉。朕已洞鑒。著車布登扎

布傳旨嘉獎。仍賞緞四端。以示鼓勵。准其即回游牧。俱著傳諭知之。○又諭據清馥奏稱。行至蘇爾圖烏蘭。與遣往追捕瑪哈沁之濟彥保。相距三四日程途。若再為前進。往返又須十餘日。恐誤送馬之期。即轉回巴里坤等語。清馥與濟彥保。相距數日。何由得知。顯係從前被賊誑誘。今親往不能追捕。必至獲罪。因所遣有人。遂以策應為名。於途間逗遛觀望。及得送馬之旨。即藉口轉回。殊屬取巧。此與避賊何異。甚屬不堪。清馥所賞孔雀翎著摘去。仍交部嚴加議處。伊業已轉回。即同安泰。五吉等。解送馬匹。俱傳諭知之。○禮部議覆署江西巡撫阿思哈奏稱。各省鄉試。以巡撫為監臨。道員為提調。監試。伏思提調監試。稽查彈壓通場。且試卷應否帖出。若非親身經閱。恐有舛誤。請嗣後。如監臨及通省道員。皆非科目。則於兩司中科目出身者。酌委一人入場。該司印務。另委道員代辦。再違式試

卷有點句勾股。皆由學臣考試。諸生習以為常。入闈遂干帖例。請嗣後。令學政考試。禁止自行勾點。其餘一切科條。悉依科場辦理等語。均應如所請。至所稱。二場詩題低寫。詩句頂格。三場擡頭錯誤。草稿違式。此類甚多。並請確示條例等語。亦應如所請。臣部另彙纂科場簡明條例。請旨頒行。從之。○調福建海壇鎮總兵甘國寶為臺灣鎮總兵。浙江黃巖鎮總兵黃士俊為海壇鎮總兵。○豁免江蘇上元。江寧。句容。長洲。元和。青浦。陽湖。宜興。荆溪。寶山。江浦等十一縣衛。低瘠減則田地。乾隆十一年。至十四年。未完漕項。橫腳等銀。四十六百兩零。米。豆。二千七百五十石零。○旌表守正捐軀之湖北光化縣民秦禮生妻許氏。○乙未。諭。據陳宏謀奏。請截撥京銅五十萬觔。加鑄備用一摺。部臣以未經分晰聲明。業經議駁。但念錢法關係閭閻日用。前請五十萬之數。原屬過多。若酌量增銅。加卯鼓鑄。

於地方亦屬有益。著加恩酌半給撥二十五萬觔。俾官錢流通。以裕民用。該部即遵諭行。○又諭直屬景州一帶地方。秋初間有得雨過多之處。濱水窪地。淤積未消。地方官以附近田畝。通計分數。並不成災。所有新舊錢糧。未便破格奏請。但念該處收成既已歉薄。生計未免拮据。著該督方觀承。董率原勘各員。於各州縣各村莊內。詳細確查。將應徵之糧。加恩並予停緩。又如東鹿寶坻等濱河地畝。雖勘不成災。併著查明一體停緩。以示優卹。○諭軍機大臣等。楊應琚奏。請新設安西郡縣佳名一摺。前已據該部請定頒發。該督此時亦應接到部咨矣。其摺內所開歷朝建置及山川名目清單。頗屬詳明。即著留存。以備增訂圖誌時。查覈採取之用。可併傳諭知之。○又諭曰。楊應琚奏。據總兵楊寧咨稱。步兵李倉貴馬兵韓世傑在喀什噶爾。先後脫逃。現在嚴緝務獲等語。兵丁中途逃脫。情罪可

惡。務應拏獲正法。以肅軍行。該督雖已咨行各邊關隘口。及知會原營原籍。通緝協拏。但此等匪徒。沿途逗遛竄匿。未必盡回原籍。其自喀什噶爾附近之開展。烏魯木齊一帶。凡有七種各處。並宜密速查緝。毋任潛蹤。著傳諭楊應琚。令其即行知會各該處管事大臣。一併嚴拏務獲。毋令免脫。○以正紅旗漢軍副都統鄂弼。為山西巡撫。○命原任副都統楊桑阿。前往葉爾羌候用。○賑盛京城承德縣鐵嶺城。鐵領縣。開原城。開原縣。錦州城。錦縣。寧遠城。寧遠州。廣寧城。廣寧縣。義州城。義州。等處。本年旱災。旗民並蠲緩額賦如例。○撫卹長蘆滄州。南皮。鹽山。靜海。衡水。青縣等六州縣。嚴鎮。海豐。豐財。富國。興國等五場。被水竈戶。並蠲緩額賦如例。○豁免甘肅狄道河州。靖遠。岷州。安定。會寧。涇州。鹽茶環縣。正寧。平番。寧朔。寧夏。中衛。平羅。靈州。花馬池。擺羊戍。西寧。大通。秦州。清州等二十二廳州縣。

衛。乾隆二十三年被雹。被水被旱。災地額賦。
○丙申。

上御懋勤殿。勾到直隸情實罪犯。停決斬犯一人。絞犯二人。餘七十八人。予勾。○諭今歲近京地方。夏間得雨稍遲。收成未能一律豐稔。時值初冬。節氣屆寒。視往年較早。現在五城設廠煮賑。貧民就食者必多。朕心深為軫念。著加恩每廠每日加給米一石。俾得寬裕煮賑。以資優卹。但向來賑廠。專在外城地面。一時赴食之民。道路遠近不均。今米石既經加給。應並於內城酌量分廠。一體通融散給。俾得均霑實惠。著都察院揀派御史十員。內務府及各部。亦各派賢能司官十員。會同妥協辦理。步軍統領衙門。不時派員照料稽察。其內城分設各廠。並著公同相度。奏聞辦理。○諭軍機大臣等。據方世儒奏。秋成分數摺內。稱延安榆林府屬裁種稍遲。間有被霜被雹之處。懷遠縣秋禾亦以被霜收歉等語。今秋

陝省雨水雖足。而裁種未盡及時。其偶被偏災處所。刈穫不無歉薄。前此鐘音亦曾奏及。著傳諭該撫。即速詳加察勘。所有歉收州縣。查明是否成災。將確實分數。並現在情形。明晰具奏。到日候朕酌量降旨。將此傳諭知之。○又諭。昨富德奏從幹罕一路進兵。索取逆賊。曾諭兆惠往英吉沙爾策應。若今歲未能竣事。富德即回至葉爾羌辦事。兆惠仍遵旨來京。此次遣使索取次第進兵料已達克山。必生畏懼。佇聞凱奏。以慰朕懷。○又諭曰。舒赫德等奏稱內地遣往新疆運送什物官員多係外委。千把未免呼應不靈。請揀選副叅遊守都司數員。分發開展。哈喇沙爾庫車阿克蘇等處差遣委用。再阿克蘇葉爾羌距哈密關展更遠。請於哈喇沙爾庫車各處額設馬駝牲隻。以備通融更換等語。揀發武職事屬可行。但此等分發人員。與內地之即可得缺不同。若即帶內地職銜。則綠旗營缺。又復

壅滯。現交軍機大臣酌議。著將舒赫德奏摺錄寄楊應琚。查明甘肅營缺若干。揀發新疆人等。作何補用。未得缺時。或應酌給公費。定議奏聞。至闡展等處。額設馬駝接濟。於運務有裨。將來官兵凱旋。有帶回馬匹。及現在解送駝隻。分留各處。以備更換。及來年有無購辦分撥。俱著楊應琚籌議具奏。○又諭曰。兆惠奏稱。齊凌扎布。查出隨西安馬甲阿本泰之閒散都什格。於康熙五十七年。在噶斯被掠。鑲紅旗滿洲護軍費雅納等。於雍正九年。在和通呼爾哈被掠等語。費雅納。都什格。係滿洲世僕。被賊掠去。忍恥偷生。及大兵進剿。尚留戀妻室。不行投回。情罪可惡。著奉到此旨。即行正法。將其家口充賞。○又諭曰。安泰查審滿泰貪婪敗檢。范時綬役兵漁利一案。滿泰情罪確實。已命於該處正法。至范時綬家人郭義。藉端營利。伊先不知情。所開店房。只用官匠一名。餘皆自雇。並未派出兵丁。范

時綬係特差辦事之人。理應潔已奉公。乃營私求利。即治以重罪。亦所應得。但較之滿泰。尚可從末減。著革職。交與定長。令其効力贖罪。定長等原叅全派兵丁之處。亦未確實。著交部察議。○賑卹順天直隸所屬固安。永清。霸州。大名。元城。清豐。南安。清河。威縣。永年。邯鄲。曲周。雞澤。沙河。平鄉。南和。任縣。鉅鹿。冀州。南宮。新河。武邑。衡水。隆平。寧晉。深州。武強。滄州。南皮。武清。獻縣。任邱。交河。天津。青縣。鹽山。津軍。延慶。保安。蔚州。宣化。懷安。萬全。西寧。龍門。懷來。張家口等。四十七州縣。歷本年水旱霜雹蟲螭偏災。貧民並蠲緩額賦有差。○丁酉。諭軍機大臣等。前軍機大臣會同刑部定議。將減死遠遣之犯。改發巴里坤一帶地方安插。原因以此等人犯。情罪本重。國家特推法外之仁。俾得屏居寬閒。力耕自給。而內地穰莠擴清。物力亦不虞坐耗。乃定法伊始。該犯等尚敢悍然藐法。中路潛逃。其罪更何可逭。

已勅總督楊應琚巡撫鍾音等令其即行按律正法示衆。以昭懲創。第念此等遣犯俱由各省改發。一時狡計免脫。未必不仍回原處。若僅令陝甘兩省官吏嚴行捕治。仍屬未周。著傳諭各督撫等。通飭所屬實力訪查。如有竄回本地者。一經緝獲。即慎選員役押解赴甘。令其酌量原犯重輕。分別處治。俾共知警惕。各督撫等身為大臣。於國計民生所見當存遠大。務宜破除一切姑息。目前之陋習。使定制可以永久。試思國家承平百有餘年。民生不見兵革。休養滋息。於古罕有。倫比而天地生財。祇有此數。生齒漸繁。則食貨漸貴。比歲民數穀數。秦隴瞭然。朕宵旰勤求。每懷堯舜猶病之歎。今幸邊陲式廓。萬有餘里。地利方興。以新闢之土疆。佐中原之耕鑿。而又化兇頑之敗類。為務本之良民。所謂一舉而數善備焉者。孰大於是。倘復不知大體。惟以縱釋有罪為仁。是終使良法不行。而奸徒漏網。

益衆。豈朕期望封疆大吏之至意乎。著於各該省奏事之便。將此詳悉傳諭知之。○議政王大臣等議覆陝甘總督楊應琚奏總督駐劄地方。前經廷議定為肅州。嗣原署固原提督張接天請駐涼州。涼州地近腹裏。未足控制西陲。肅州雖為扼要。而增置標營。辦理供支。諸多掣肘。惟甘州距肅止四百餘里。緊要文報。不日可達。若以總督駐劄。即將提標五營改為督標。一切妥便。肅州原有督臣行署。有事即駐肅辦理。遇操演等務。仍可回甘。至甘肅提督請帶同中軍參守移駐涼州。涼標五營改為提標。其涼州總兵應裁。莊浪營改設副將。莊浪營參將改為涼州城守營參將。與原隸涼州之永昌協副將及所屬各營俱歸提督轄。涼標中軍遊守并裁。改設督標中軍副將一員。涼州城守營都司改為督標中軍都司。隨同總督駐甘。涼標五營內每營抽兵三十名。共兵一百五十名。添撥涼州城

守營再總督既經駐甘其舊裁之甘山道亦應復設隨同辦公仍兼轄甘州等處事務均應如所請從之○予故福建水師提督馬大用祭葬如例謚慎愍○戊戌諭前經降旨各省副將歷俸五年以上者著該督提陸續送部引見而由旗員外補之人又有五年調換來京由軍機處查奏請旨之例與綠營漢缺副將等專定五年一次送部者不同今據李侍堯將歷俸五年以上之副將福海送部引見係遵前旨辦理但該員已屆應行調換之期若甫令回任旋復調京不特伊等徒勞僕僕道途且恐有妨營務嗣後凡旗員副將分別道里遠近定以年分雲南貴州四川廣東廣西福建等省著以七年為期江西浙江湖南湖北陝西甘肅等省以六年為期江南河南山東山西直隸等省以五年為期著該督提等屆期將該員分別出具考語送部引見如有堪勝總兵之任者一併奏明或應留京

或回原任候朕酌量降旨所有綠營副將仿此畫一辦理福海著即留京其員缺著兵部照例開列請旨所有軍機處查辦五年調換之例著停止○諭軍機大臣等據楊應琚回奏緝捕改發巴里坤逸犯將已獲者審明正法未獲者催飭查拏一摺現在定制伊始正當執法嚴懲不得以事屬軍逃稍存姑息之見試思此等人犯原係死罪減等僅從改發已屬格外之仁且以萬餘里新闢邊疆散處安插則內地淳俗既不為稂莠漸移而食貨亦無虞坐耗且令匪惡之徒困心衡慮惟以力田自給日久化為愚樸良民豈非美事乃當中途解送時復敢冥頑不靈藐法潛竄其罪更何可逭夫國家承平百有餘年人生不見兵革每歲戶口孳息千古罕傳民間穀價有增而無減實由於此朕焦勞宵旰每懷堯舜猶病之憂今得此番經畫區處於直省生計既多裨益即罪人並知改過自新實為一

舉兩得。督撫身任封疆。所見務宜遠大。楊應琚在督撫中。尤能以公正自處。一切自當明體朕意。現在暫議停止改發。特為甘省邇來歲事稍歉。是以隨宜酌量辦理。嗣後仍當遵循定例舉行。況田屯墾闢日增。即由巴里坤推廣至伊犁一帶。豈有容納無地之患。俟將來法制大定。伊等果能各勤生業。奉法安居。遇有一二免脫之人。尚可量為區別。其原犯本重者。固屬法無可寬。如原犯稍輕。即做古人郊寄。遂棘之條。遞移遠處。倘仍不知改悔。再行正法示衆。若此時令在必行。斷不得曲為寬貸。蓋執法不撓。則遠罪者多。而規制可垂永久。奉行不力。則人思狎玩。而扞網愈繁。所謂非以愛之。適以害之也。該督奉到此旨。將現在已獲各犯。即如例處決。其失察疎縱之地方文武各員。一併叅處。用昭炯戒。除一面勅知各省督撫。通飭所屬。密覈嚴查。遇有逃回原處人犯。立即解赴甘省。按律辦理外。

將此詳悉傳諭楊應琚知之。○又諭曰。永貴奏稱。奉到令伊稍待努三。會同追賊之旨。隨即起程。在哈喇沙爾庫車一帶相候等語。永貴前領兵至穆素爾山嶺。因雪大難行。今又候努三同往。伊果親至其地。目覩情形。何妨改從他道。所奏殊屬含混。並其曾至穆素爾山嶺與否。俱未可定矣。永貴宜速行札商努三。將道路酌定。倘實在難行。則仍遵續降諭旨。由烏魯木齊前往。務期盡勦逸賊。以紓衆憤。○又諭曰。五吉等奏稱。准兆惠等行文豫備凱旋官兵口糧羊隻。是軍營現在需馬無多等語。伊等以為撤兵在即。則解馬一事。可以從緩。殊屬非是。若軍營果不需馬。朕必降旨停止。豈可豫為揣摩。著傳諭安泰。五吉等仍遵節次諭旨。加意趲解馬匹。或於中途得逆賊就俘確信。即駐候朕旨。再行定奪。○已亥。

上詣暢春園問

皇太后安○幸圓明園○諭雍正五年恭值

皇考五十萬壽因會試舉人請於京城寺廟設

立經壇以申頌祝欽蒙

頒諭禁止並

敕各直省督撫毋得因萬壽進獻玩好

聖訓有云朕心惟以民安物阜為美薦賢舉能

為貴倘督撫等秉公察吏實心為國行一利

民之政勝於獻希世之珍薦一可用之才勝

於貢連城之寶仰見我

皇考恭儉聖德實為萬世訓行朕嗣服以來屢

諭各督撫等不得於方物之外別有進獻諒

內外大小臣工無不明體朕意開歲八月為

朕五十誕辰惟恐臣僚中或以萬壽聖節欲

購覓珍奇共申祝嘏其各省士民或且有設

立經壇建立碑亭之事非先期詳悉傳諭必

將競事浮華徒深糜費甚非所以勵官常惜

物力也朕心深所不取其飭禁之至在籍年

老諸臣如尚書沈德潛侍郎錢陳羣等若以

隨班叩祝跋涉遠來亦非朕優體老臣之意

况歲辛巳恭遇

聖母皇太后七十大慶以新春敬奉

安輿時巡南服諸臣就近迎

鑾相見不遠又何必僕僕道路為耶著將此通

行傳諭知之○諭軍機大臣等車布登扎布

奏奉到由阿爾台轉回游牧之旨擬將印務

交福祿等辦理伊與車木楚克扎布俱請入

覲等語是伊等此時業已撤兵朕昨又傳諭

伊等向上年舍楞逃入俄羅斯之路堵截逸

賊或續經奉到又復前往亦未可定但伊若

離游牧甚近即不必再行可傳諭知之○又

諭曰清韻奏稱在楚庫爾戈壁內收服噶勒

雜特得木齊根敦等五十餘人內有斗齊之

父巴圖克呼木令其招降伊子等語辦理甚

屬錯謬此次既收服根敦等多人則斗齊藏

匿處所伊等皆知理應詢明領兵往捕乃遣

人招降何其畏蒞之甚耶即遣人亦應留心

酌量豈有即遣其父之理清馥又被賊欺誑若果能招降斗齊則已否則重治其罪斗齊等皆誘去馬匹之狡賊即來降亦不可留除將根敦等酌遣數名前往解送馬匹外餘人俱送往肅州交楊應琚請旨又所奏濟彦保茂庫本等圍賊數日請給以獎賞翎兵丁酌賞銀兩等語伊等收服數十瑪哈沁何至賞翎此皆清馥欲自見其功以掩前咎耳著傳旨申飭濟彦保等各賞緞一端兵丁四十名各賞銀三兩俱著清馥備辦○改鑄四川重慶鎮標右營遊擊中軍守備條記為四川重慶鎮標右營都司中軍守備條記從總督開泰請也○賑江蘇上元江寧句容江浦六合長洲元和吳縣吳江震澤常熟昭文崑山新陽華亭奉賢婁縣金山上海南匯青浦武進陽湖無錫金匱江陰宜興荆溪丹徒丹陽山陽阜寧清河桃源安東鹽城高郵泰州甘泉興化寶應銅山豐縣沛縣碭山邳州宿遷

睢寧太倉鎮洋寶山崇明海州沭陽通州太湖等五十六州縣廳蘇州太倉鎮海等三衛本年水蟲風潮偏災貧民並照例蠲緩額賦其應徵漕糧漕項銀米及積年舊欠漕糧漕項均分別蠲緩有差○庚子

上詣暢春園問

皇太后安○是日定邊右副將軍富德等奏到巴達克山素勒坦沙獻逆賊霍集占首級全部納款捷音諭將軍富德等奏報巴達克山素勒坦沙奉檄拘禁逆賊霍集占等於柴扎布嗣因霍集占欲與琿都斯等部落暗行攻襲當將霍集占布拉呢敦勦殺呈獻霍集占首級並看守逆尸人等隨經驗看明確馳送京師等語前此大兵平定準噶爾各部悉入版圖而東西布魯特左右哈薩克無不傾心向化獨逆酋霍集占兄弟辜恩反噬不得不興師問罪雖葉爾羌喀什噶爾等城以次撫降設官定賦將就歲事而兇渠一日不獲則

軍務一日不竣是以旁午軍書焦勞籌畫並非好為窮兵黷武之舉自將軍兆惠富德等勵衆選兵先後追勦屢獲全勝賊勢愈蹙安集延與巴達克山諸部共知感仰恩威歸誠恐後今既捧檄自効逆首授首從此邊陲寧謐各部落永慶安全露布遠聞此皆仰荷

上蒼福祐

宗社鴻庥俾朕得續

皇祖

皇考未竟之丕緒惟益勵持盈保泰之心夙夜倍切冰兢此意當與中外臣民共之茲當殊勲克奏茂典應修

郊

廟告功益申昭報時當長至朕方躬祀

圜丘其敕所司敬舉受釐宣捷之忱載諸祝冊

用申懇款恭惟盛京

三陵禮應親謁叩謝但以序屆冬寒恐勤屬車

之衆特遣親王前往恭代

東陵

西陵即擬親赴展謁而計程往返適屆

慈寧萬壽慶辰敬以明年獻歲諏日親詣行禮

然終不足以抒積悃擬告祭

太廟之日朕親行展事至

方澤

社稷照例遣親王恭代冬至次日朕恭詣

皇太后宮行禮亦於表文內增撰武成慶語其

御殿頒詔諸儀一併舉行既以循令節而迓

崇禧即以慰

慈懷而布溥惠其餘一切典禮各該衙門察例

舉行將軍等凱旋至京時朕當親臨郊勞念

我大臣官弁等敵愾奏功勲施懋著酬庸論

賞應備恩榮將軍兆惠已晉公階并迭賜章

服其加賞宗室公品級鞍轡以示寵異將軍

富德著晉封侯爵並賞戴雙眼翎兆惠富德

著再加授一子為三等侍衛叅贊公明瑞公

阿里衮並賞戴雙眼翎舒赫德及在事大臣

官員均交部從優議敘。兵丁之在行陣者賞給兩月錢糧。其葉爾羌等城兵丁並賞錢糧一月。爰著策勲之令典。益昭綏遠之鴻猷。將此通諭知之。○諭軍機大臣等。富德等奏報巴達克山素勒坦沙全部歸誠呈獻逆賊霍集占首級。從前兆惠、富德等撫定葉爾羌。喀什噶爾等城時。朕即諭以速追逆賊為要。迨富德等勒兵向巴達克山索取。又諭以理應速入追擒。今二賊伏誅。情事確實。則伊等雖未能生擒俘獻。而勞績殊堪嘉悅。兆惠、富德、明瑞、阿里衮、舒赫德及軍營大臣官兵俱分別加恩。宣諭中外。軍務告竣。兆惠、富德等即遵諭來京商辦善後事宜。大臣官員等亦著分起前來。至伯克霍集斯入覲時。將應行入覲之伯克等酌派數人同來。勿令生疑。各隊兵丁若係十九年二十年派出者。即撤回。各該處其餘兵丁著派駐防副都統由屯患病若尚未全愈。仍令其加意調養。不必亟行。

前因舒赫德一人駐劄葉爾羌。曾諭阿里衮一同辦事。但喀什噶爾尚未有駐劄大臣。或令阿里衮前往。著舒赫德等酌議具奏。伊等仍於領隊大臣待衛內酌留二三人以備差遣。再富德等奏布拉呢敦身尸未獲。回人等有盜往喀什噶爾之語。今將逃走之逆賊親隨等十五名傳諭阿里衮等留心查獲。並身尸送京。其富德所送隨從逆賊之回婦內有布魯特阿奇木及鄂對姪阿布都爾瑞之姊俱著交付伊等。仍將軫念勞績加恩賞給之處曉示。其烏沙克、伯德爾格等降人俱酌量安插。及移送肅州。分賞官兵。前諭車布登扎布於舍楞投入俄羅斯一路駐兵堵截。今逆賊授首。著即回游牧。努三永貴不必追勦。瑪哈沁戕害德舒之賊。著舒赫德於來年派兵數百名搜捕。務獲五吉清額。亦遵前旨將所解馬匹於中途聞信後擇地牧放。候旨安泰。蘇呼亦著回京。舒常可往省伊父再行轉回。

額敏和卓主素布俱著勞績。此時若同來。則回部經理之人。額敏和卓著加恩。晉封郡王。同舒赫德駐劄辦事。玉素布著加恩。賞給郡王品級。來京請訓後。回游牧休息。俟更換額敏和卓時。前往此次紅旗奏捷甚為迅速。著加恩。將經過各臺站。交該管大臣詳查造冊。送部議敘。併將大功告成。傳諭章嘉呼圖克圖。及駐藏大臣。俾衛藏及阿哩拉達克等處知之。○又諭曰。巴達克山遣使入覲。應大閱八旗官兵。俾知天朝武備。此時豫為操演。方覺嫻熟。著派色布騰巴勒珠爾。扎拉豐阿。管理。○敕諭巴達克山素勒坦沙將軍富德等奏。爾擒獲逆賊霍集占。布拉呢敦。因隣部生心。俱行殺戮。遣使請驗逆尸。函首以獻。全部歸降。願為臣僕。恭順之忱。深用嘉悅。俟爾使至京。自必優加賞賚。茲以降敕。賜爾蟒緞四端。其爾處所拘之阿布都海里。鄂斯瑞。俱受逆賊信任。附和為惡。將軍大臣等奏。請諭爾

縛獻朕念伊等尚非霍集占之負恩反噬可此爾等若以業經誓約。乞其餘生朕亦加恩賞給。但此二人在葉爾羌喀什噶爾諸回人中。頗著名字爾游牧相近。當嚴行約束。毋俾潛逃生事。致有乖忱。爾與所屬其善自為計。以永荷將來之恩澤。特諭。○予故湖廣總督碩色祭奠如例。謚恭勤。○陞賞霍斯庫魯克勒賊有功官兵等有差。○開採廣西思恩縣盧架山黑白鉛礦。從巡撫鄂寶請也。○辛丑

上詣

大高殿

壽皇殿行禮。○奉

皇太后還宮。○詣

皇太后宮問安。還宮。○以西師成功始

末

御製開感論宣示中外。諭曰。巴達克山素勒坦沙等歸誠。逆賊霍集占授首於辦理回部固

告成功而平定準噶爾全局。亦於此大定。昨已降旨宣諭中外。王大臣等躬逢國家景運昌隆。殊勲捷奏。當與朕同心感慶。敬迓天庥。而朕於頒師奏凱時。迴念前事。轉深祇懼。非僅為履滿思謙之虛語也。準噶爾一部。久外生成。自我

皇祖

皇考時。屢興捷伐。未既厥緒。前杜爾伯特車凌。車凌烏巴什等。方款關內附。在庸庸無識之徒。生際昇平日久。方皆狃於便安。謂可拒而不納。殊不思堂堂天朝。撫馭方夏。如達瓦齊之蠢然一物。縛致京師。以降王恭養數載。亦朝臣所共見者。豈有儼然視如敵國。至不敢受其降人之理。然彼時朕以任事之人。尚未即決策興師也。厥後阿睦爾撒納等各部來降者。叩關踵接。實繁有徒。於義固有難辭。而處之偏隅。又足為喀爾喀貽患。勢不得不經理游牧返之故地。且

上蒼錫祚垂禧。予以經畫邊陲之事。俾朕繼述我

祖宗未竟之志事。而朕敢感於浮議。不勉思敬以承之乎。今統計用兵。不越五載。內地初不知有徵發之勞。而關門以西。萬有餘里。悉入版圖。如左右哈薩克。東西布魯特。及回部各城。以次撫定。現在巴達克山諸部落。皆知獻俘自効。捧檄前驅。以亘古不通中國之地。悉為我大清臣僕。稽之往牒。實為未有之盛事。即朕始願。亦不敢望其遂能至此也。人情可與樂成。難與慮始。在久安長治之餘。亦勢所必有。然憂盛危明。正當動色交儆。此番遐方綏靖。我將軍叅贊。以及一介執戈之士。無不得嫻行陣於國氣。人才深有裨益。然非朕力為振作。信賞必罰。以淬勵之。其誰不畏難苟安。而坐希無事之福乎。今即飲至告功。而日有萬幾。宵旰疇咨。又何能自釋敬事之懷。有一日之可逸者。即前此軍務方殷。運籌乙夜。

曾不廢令節燕饗之文憂愁二字朕惟於望雨憫農用之於軍務亦未至於憂愁困苦如衆人之所畏者茲雖大告武成亦惟永懷圖易思艱以為昭受凝承之本又豈可恣意求逸耶然如去冬北惠深入回地猝爾被遮設非朕先時各路派兵運饗在道何由集事神速便若轉圜此一節朕不自謂洞燭先幾而深荷

天地

祖宗眷祐默牖朕衷實愜於懷於此益信

天人感應之符捷如影響而欽承

景命我君臣當益交勉之軍營在事諸臣昨已加恩優敘至同朕辦理軍務者惟大學士傅恒與朕一心日夜不懈前因伊犁平定賜加雙公曾涕泣固辭今伊子福靈安尚非披堅執銳之歲而即能奮勇行陣屢著勤勞實愜朕望著賞給福靈安頭等侍衛以著酬庸之典大學士來保年近八十行走不懈及諸軍

機大臣官員日夜隨侍候報鈔錄一切均著勤勞大學士傅恒來保及軍機大臣並軍機處行走官員著交部一併議敘仍將此旨通行曉諭知之

御製開感論曰夫人情有所弗勝於懷者則不能無感況西師之役決機於午夜之密勿馳檄於絕域之阻闐語言泮不相同風俗賈然各別是安能人人而告之以祛其疑故事以問明理以答晰因倣四子講德之遺意作開感論其辭曰有春秋碩儒者是古卑今循規蹈矩喜寬衣博帶如魯諸生厭突梯脂韋若楚公子聞信

天主人欲有所締構撻伐雖不敢面折其非而每退有後語也既而定伊犁俘名王成

舊志闢新疆兵不血刃而歸馬於華山之陽乃造於臻成大夫之席曰唉有是哉有是哉走懷杞人之憂有日矣夫守在四夷其德莫恢佳兵不祥其理莫賅今所見者迥異乎所聞

則是秦皇不必築長城而漢武不必悔輪臺也。曷以啟予蒙乎？大夫曰：子不聞長卿之言乎？非常者固常人之所疑也。無何阿逆叛羣，兇應如蜩如蟬。曰：梟曰獍，斷驛擄牧，奮臂以逞。一二隻行野宿者，或致戕其身命。於是碩儒復過大夫之閭，曰：如何？如何？果不出吾所訝。宜亟罷是役，禍庶少輯。大夫曰：予姑俟之。於時師重進，渠遠跳，順者撫，逆者勸。先是喀爾喀有青滾雜卜者，標狡僉回之驛，獍也以收杜爾伯特四部時，曾賈其牛羊，用賜新撫。乃藉以煽惑衆喀爾喀，且欲私通阿逆之醜虜。阿逆既竄，罪人斯得。喀爾喀衆以休以息，然彼時將帥之臣，追阿逆於哈薩克，為其所賣。同時準噶爾宰桑之在役者，皆習為盜，而慣軍詐者也。見而輕之，既罷役，則相率為亂，欲復其舊制。而恥為我臣，是和起被欺於闢展兆惠戰，出於濟爾哈朗之所因也。碩儒曰：吁！是蓋禍結兵連，吾不知何日之息肩矣。爾

其重整四甄夾攻兩路，阿逆復自哈薩克竄歸。適遇我師，又倉皇而遁去。蓋自是哈薩克亦面內歸化，欲助我以擒阿逆，而阿逆乃隻身入俄羅斯境，窮極伏冥誅之故也。豺狼不可以犬豕畜，鴟鵂不可以雞鴨育。是反覆喜亂之徒，再存之再不知感，且殘賊為奸，焉是惟翦刈灰滅之而已。更不可以仁義化遷，乃欲姑息了事者，又以為不殺降人，夫不殺降人，可留降人之馬，而與之足力，以受其愚，則大不可滿福之遇，難以及助。二回首與我抗衡，皆此沙喇斯瑪呼斯二鄂拓之所構禍也。至庫車之稽勸實債，轅於逍遙，更將申律旗鼓一新，遂長驅直入，而功垂成於崇朝。黑水之守主客衆寡之勢，雖愚者亦知其漂搖以三千餘人敵數萬衆，而搜穴得米，掘井得泉，賊銃著木，取鉛丸數無萬，反以擊賊，無不中賊之首豪。於是兩軍相合，賊乃遁逃，及窮追異域，駐旅馳檄，獻馘稱臣，遂成耆定之功。高

臻成大夫乃進春秋碩儒而詔之曰兩大部
落不為不强周二萬餘里不為不廣五年成
功不為不速前歌後舞不為不祥子徒見始
事之秋選懷畏蒞者之騰口是所謂人然亦
然人否亦否者也且師旅征伐之於國猶雷
霆霜雪之於

天非霜雪則萬彙煩囂之氣不盪滌非雷霆則
四時湮鬱之氣不壅宣非師旅征伐則梗我
王化者無以譬伏懲創不敢抗干是以詰戎
揚烈益當厓於重熙累洽之年也子獨不見
達瓦齊之懜懜乎設云事慎首禍禮不納叛
是儼然以外夷弑君者為敵國豈不粍我君
哉碩儒曰豈謂是哉陽舒陰慘生民大情離
憂合懼品物同性絕者不可復屬死者不可
復生損兵折將無補功成大夫曰吁子所謂
執迷而不悟者矣成大事者不顧小謀圖大
全者寧辭小害示應於近者遠有可察託驗
於顯者微或可概且子亦知損兵折將之由

乎彼或內怯於心外受人詒決機不審遲疑
撻填而自貽伊悔豈主人之辜哉若夫虎臣
羅士折衝宣力馬超囊足姚期攝憤渴賞捐
軀實不乏人而一聞如是者午夜為之酸心
舉案為之忘食雖刻木結蒲無以加茲而且
賞延後昆太常紀績如子所云則漢祖唐宗
撥亂草創之初寧無一人結纓死綏者哉禮
記聽磬聲則思又何以云乎故非沈幾不足
以圖功非果斷不足以定業彼其狼狽相顧
潛包禍謀者以螳螂之斧禦隆車之轍不自
竿量何異葦苕之鷄鴒是以王師屢入霆奮
席捲如舉炎火而熖飛蓬覆湯泉而沃白雪
子何不度以全局待以歲月而為是無稽之
說哉碩儒曰若僕者乃隙中觀闕井裏窺天
以今日應機底績論之何妨再遲數年愧矣
服矣豁然悚然大夫曰未也子姑聽之夫食
樵懷音非納叛臣獎賊優遇欲集其勲密敕
周防先示威親操刀必割所戒返巡子云應

機亦非至論。三隙可乘。未與大軍。加徵增算。何曾於民。凡有水旱。無不卹賑。運輸給價。防其蝕侵。甘肅歲賦。豫免庚辰。兩部永靖。並及其鄰。哈薩布露。梟獍。文身。無不內屬。慕義歸仁。鴻庸爰建。千古未聞。若子者。所謂菽麥未辨。安足以知我信。

天主人哉。信

天主人乃召大夫碩儒而告之曰。若二子者。所謂楚既失之。齊亦未為得也。夫順

天者昌。逆

天者亡。故粵宛猶不逆時氣。而奉若者。豈可恃力而誇張。且屢危而屢夷。愈變而愈康。鉦鼓一動。遂定二方。鑿空二萬餘里。歲事五載已央。使畏難而中輟。未必不致禍而受殃。浮議者方且謂老成之言臧也。在易師之上六曰。大君有命。復之上六曰。迷復有眚。今得以利用禦寇。由願有慶。是不亦大幸乎。夫獲此幸者。宜思何以獲此幸於

吳蒼方將矜矜惴惴。凜凜皇皇。隕越。是懼奚暇計之二子之短長也哉。諭軍機大臣等。昨諭兆惠富德等與霍集斯偕來。並將應行入覲。回人一同行走。使之不疑。今大功告成。霍集斯不無覬覦。率同入覲。更宜慎之又慎。方合事機。伊若以往和聞。或烏什整裝為詞。即婉言勸阻。令其派出親信前往。若求兆惠等同去。更屬不可。霍集斯起程後。舒赫德即將伊子漢咱帕爾及其家屬盡行整裝送京。至回地既無滋事之人。則將來仍於伊犁駐兵。以休息各城。回衆惟令其輸納貢賦。一應善後事宜。伊等即會商妥議具奏。撫卹浙江嘉興秀水嘉善平湖石門桐鄉安吉歸安烏程長興德清武康永嘉樂清瑞安仁和錢塘海寧等十八州縣。嘉興衛湖州所雙穗蘆漈永嘉橫浦浦東下砂下砂二三場青村袁浦等九場。本年被水被蟲。貧民並給籽種口糧。停徵額賦如例。壬寅却諸王大臣請加上

尊號諭曰諸王大臣等以巴達克山素勒坦沙投誠逆賊霍集占授首準噶爾全局大定具表奏賀並請加上尊號雖援據典章而朕功成祇懼彌切於懷豈肯崇尚虛文勉從所請西陲一事仰賴

上蒼福祐

宗社鴻庥殊勲速奏隸版籍者二萬餘里治軍書者不及五年載籍以來實罕有倫比而朕所深用愜心者乃不在遠圖之式廓而在

先烈之克成欽惟

皇考付畀朕躬夙夜勉圖繼述矧在早年備承皇祖眷顧優隆每遇軍國重務即令面聆聖訓籌畫是朕躬之仔肩倍重而贊緒者亦倍艱今以數載間運籌決策之勞克全我兩朝捷伐綏遐之畧返來自問差可無負燕貽者當在於是故非好大喜功之為見也我皇祖聖德神功超越萬古戡定殊勲炳於史冊廷臣請上

尊號尚未允行乃者關門以西迄乎大漠雖通亘古未通之境究以國家全盛餘力及之視當年之事會稍需刻難中輟者其緩急輕重固不可同年語矣然方其罪人未得朕斷不因盈廷畏蒞輒事苟安若逆渠既獻馘告功則國法用申而軍威自無可極是以富德捷奏尚請追索鄂斯瑞阿布都海里二人以絕根株朕以成事已歲即傳諭飭止之固不能惑於築室之謀亦豈或蹈夫佳兵之戒所謂行乎不得止乎其所當止無成心也茲功成事定惟欽遵

祖宗之成法益深兢業耳所有王大臣等加上尊號之請不必行敬惟辛巳歲恭逢

聖母皇太后七十萬壽慶辰鉅典鴻儀舉行伊

邇茲以膚功既奏上慰

慈懷已於長至節宣表稱賀推

恩展禮稠疊便蕃其崇上

徽稱宜以普天

大慶時敬謹恭擬再行奏請

懿旨諸王大臣其明體朕意○諭軍機大臣等楊應琚奏稱現在大功告成撤兵在即除第一起馬五千匹照常解送以資官兵更換乘騎其二起三起則酌量存留備調及撥補各營缺額等語解送軍營馬匹若已足用即如該督所議分別辦理或內地採買草豆未免拮据而沿途不堪繁費即送往巴里坤擇水草牧放以備伊犁等處駐兵屯田搜捕瑪哈沁之用今該督已奏報起程出關應與兆惠舒赫德等相遇自當相度情形妥協商辦一面具奏俱著傳諭知之○又諭此次進兵以來霍集斯伯克抒其所見隨處盡心協助將軍大臣等成功甚屬可嘉著加恩封為郡王品級貝子鄂對前在和闐甚屬奮勉而此次又甚勤勞著加恩封為貝勒品級○予追勦瑪哈沁陣亡之福建布政使德舒卹銀如例並授騎都尉世職○撫卹陝西定邊安定延

川宜川榆林葭州神木府谷懷遠等九州縣本年被旱被雹被霜貧民並緩徵新舊額賦

上詣

○癸卯
皇太后宮問安○諭前因甘肅錢價昂貴傳諭湖廣四川各督撫於局鑄餘錢內酌撥協濟現在大兵凱旋及一應屯田事務並民間日用錢文在所必需著於四川省每歲協濟錢十二萬串湖廣省每歲協濟錢八萬串按數分起解甘濟用其所需工本物料價值以及水陸運費各該省俱作正報銷毋庸甘省歸還以節糜費其甘省易錢銀兩並著照數報部撥餉該部遵諭速行○諭軍機大臣等楊應琚奏分別辦理收降回人一摺已於摺內批諭矣現在逆酋已經授首回部全定此等人自可隨宜酌量辦理著傳諭楊應琚令將降回等即於陝甘兩省駐防滿營及綠旗營內酌量分賞官兵等為奴但安插降人宜散

而不宜聚該督其妥協酌派母令生事可耳。仍令移會齊凌扎布知之。又諭曰舒赫德奏稱駐防伊犁應派出滿洲索倫兵四千名建築城堡亦派綠旗兵四千名。所需口糧由水路造船運送第一年派回人三千戶前往屯田或馬匹或牛驢亦購辦二三千。豫備調用等語伊犁駐兵屯田一事。原議以來年為始由近及遠若一時齊集滿漢兵丁及回人踰萬殊覺張皇頗露作難之意。豈謂若此遂可停其辦理乎。伊從前與成衮扎布同勦厄魯特時。拘泥招降之策將沙喇斯瑪呼斯等疎脫以致投入逆回。抗拒大兵伊係効力贖罪之人因在阿克蘇辦事頗屬盡心故加恩復用。看來舊習全未悛改。著傳旨申飭。至於屯田伊始或派兵五百名防守。回人五百戶耕作。計所獲之糧足敷食用。再議開擴其原議駐防官兵四千名亦擬分駐葉爾羌喀什噶爾阿克蘇等城。就回人交納糧石以資養

贍。況回部不便久駐我兵前次亦曾諭及舒赫德既如此陳奏著傳諭兆惠富德楊應琚等詳悉妥議具奏。○又諭從前副都統多爾濟奏請裁撤由西寧之噶斯通伊犁之得卜特爾等處二十三卡。彼時因逆賊等尚在遁逃。稍為留待今大功既成著將前項卡座即行撤回。一切遵照原議辦理。○又諭平定回部大功告成北路將軍大臣等同此歡慶。可傳諭成衮扎布等宣示喀爾喀四部落及杜爾伯特部落知悉。車布登扎布即計程於十二月二十前後抵京同赴太平嘉宴。阿拉善王羅布藏多爾濟等從戎頗著勞績亦著徧諭所部。并率軍前効力已經出痘之人來京筵宴。○刑部議覆河南布政使蘇崇阿奏請嚴懲偷竊衙署賊匪。臣等酌議除係倉庫錢糧仍照例嚴行治罪外若係在署服物一經拏獲不論初犯再犯及贓數多寡俱照積匪猾賊例改發雲貴兩廣烟瘴地方充軍如審

係三犯。贓至五十兩以上。及雖係初犯。贓在一百二十兩以上者。除依律擬絞外。俱聲明入於秋審情實。從之。○又議覆蘇崇阿奏稱。各衙門長隨。有求索嚇詐得財舞弊者。悉照蠹役詐贓例。一體治罪。並照竊盜例。分別刺字。至官以侵貪被叅。管事長隨。或事前辭去。或叅後潛逃。獲日按原犯杖徒。各加二等治罪。雖先未曾到官。亦與到官後逃者罪同。仍追原詐贓銀等語。均應如所請。至嗣後大小衙門。收用犯案刺字長隨。應交吏部定例議處。從之。○甲辰

上御懋勤殿。勾到朝審情實罪犯。停決斬犯九人。絞犯四人。餘十四人。予為○諭。浙省杭嘉湖溫等屬。秋禾偶被偏災。業經降旨令照江蘇之例。將本年漕糧。不拘一律。紅白兼收。以紓民力。但念該省杭屬之仁和。錢塘湖屬之烏程。歸安。長興。德清。武康等處。有應徵乾隆二十年及二十三年緩漕正耗米七萬一千

餘石。例應照數徵收本色。若於完納本年漕糧。並輸舊漕。地方米石。不能寬裕。民食未免拮据。著該撫查明此項應徵舊漕。加恩准其改徵折色。用示軫恤。民艱至意。該部遵諭速行。○命大計詳註不謹浮躁二款實蹟。諭外省大計八法官員。均關澄敘大典。內如貪酷二款。既有實蹟。例應特疏題叅。另行審結。其年老有疾。罷軟無為。才力不及等款。尚屬見聞所共知。至不謹浮躁官員。向來叅本內。俱未將其何事不謹。何事浮躁。一一聲敘。此內或有公事本屬無誤。而節目偶爾疎濶。才具尚可。有為。而氣質不無粗率。此等人員。其材未必不堪造就。上官不能舍短取長。但以意見不甚相洽。遂概登之白簡。固屬可惜。甚或該員平日本有敗檢踰閑。而該督撫意存瞻徇。僅予避重就輕。轉借此為周旋。劣員捷徑者。均非整飭官方之意。嗣後三年計典內。如有不謹浮躁等官。俱著確按實蹟。詳悉登註。

不得龍統叅劾以昭慎重著為令○又諭曰
開泰岳鍾璜奏松潘鎮總兵楊朝棟雖年近
七十精力尚健但言論多欠擴充識力未見
堅定彈壓表率不甚相宜現在赴京陛見其
優劣自在聖明洞鑒等語所奏深為有意取
巧督提職司節制各鎮松潘尤近邊要缺該
總兵平日果否勝任早應留心體察據實奏
聞方見實心整頓乃於該總兵進京亟先為
此奏明係從前瞻徇姑容已非一日今當陛
見在即衰庸之態難逃朕鑒故為合詞入告
計圖卸責此等伎倆即朕臨御之初亦未易
輕信况欲嘗試於閱事二十餘年之後耶觀
此則朕之屢經申諭令提鎮等按期入覲其
所裨益誠非淺鮮開泰等在督提中尚屬可
任之人何乃竟為此奏殊不可解開泰岳鍾
璜著交部嚴加議處諭軍機大臣等清馥
奏稱伊在楚庫爾戈壁內收服厄魯特根敦
等男婦五十三名口內根敦等四人請留巴

里坤作為嚮導餘人交安西提督歸入綠旗
兵缺等語綠旗兵餉原以養贍內地之人此
等瑪哈沁性習叵測不但占內地額缺且乘
間脫逃又滋事端著傳諭清馥將人誠實行
走出力者酌量挑補數名餘俱送往肅州賞
官兵為奴並傳諭楊應琚知之○乙巳遣官
祭

先醫之神諭軍機大臣等此次勾到人犯
將達什朗龔宜謙緩決特以上年庫車債事
皆雅爾哈善之罪此等微末官員不過聽其
指使因將軍辦理不善致獲罪戾若雅爾哈
善等果於軍務妥協辦理而伊等不能遵奉
則一經叅奏早已在軍營正法以昭炯戒尚
何待解送京師質訊耶朕辦理一切庶務惟
以大公至正為懷毫無偏曲將此二犯緩決
情由傳諭軍營官兵知之○又諭曰清馥奏
稱奉到訓飭諭旨即領兵七十名往追瑪哈
沁等語清馥係領兵追賊之人既知蹤跡所

在卽應親身前往乃諉之官兵是以降旨申飭伊得旨後不過以數十人趨行會合前遣官兵儘可勦捕逸賊何必又派多兵其意特在自衛耳伊卽往追瑪哈沁等不返復何足惜而我兵七十人徒勞往還乃專為保護伊身之計甚屬不堪清馥著交部嚴加議處此次辦給官兵之馬駝牲隻口糧俱著落清馥賠補○又諭曰努三奏稱阿勒坦和碩嶺在穆素爾額林哈畢爾噶兩山梁之間夏令尚有積雪此時更不可行走惟伊犁河源路通哈什崆吉斯和洛台等山野獸頗多賊衆或於此藏匿請與永貴合兵搜捕等語所見甚是但永貴似未至穆素爾嶺果如前奏何未見知會努三此時伊等應已合兵一處若能擒賊固善否則遵旨回京交舒赫德派出領隊大臣侍衛等酌量領兵搜捕努三所帶厄魯特嚮導數人若効力屬實亦著同來並傳諭舒赫德知之 禮部先期疏請以十一月

二十五日

皇太后聖壽節照例行禮筵宴得旨是照例行禮奉

皇太后懿旨今年停止筵宴○山東巡撫阿爾泰疏報安邱縣開墾旱地十四頃六十二畝有奇○丙午

上詣

奉先殿

壽皇殿行禮○諭軍機大臣等兆惠奏稱齊凌

扎布解到回人內係逆賊迫脅之各城回衆俱安插吐魯番其伊犁塔哩雅沁伯德爾格烏沙克等衆送往肅州照厄魯特之例辦理等語兆惠具奏時似尚未聞逆賊伏誅之信蓋霍集占一日未獲則此等回人仍懷叵測今大功告成自可從寬免死前已屢降諭旨仍著送至肅州分賞官兵其葉爾羌等城回衆亦不必安插吐魯番卽順便留於各該處若係葉爾羌喀什噶爾回人如已過該處亦

不必復回。即分派庫車、沙雅爾、賽哩木、吐魯番等處安插。此數年來，各城未免地廣人稀。今其耕種亦甚有益，著速傳知齊凌扎布等遵照辦理。並諭兆惠、舒赫德知之。○又諭曰：齊凌扎布所解烏沙克、伯德爾格塔哩雅沁等回衆已諭送至肅州，分賞官兵。但伊等素染惡習，今雖從寬免死，仍須嚴加防範。著傳諭楊應琚、吳達善分賞此等回人時，必離其黨羽，每一處以十人為率，不可過多。楊應琚業經起程出關，吳達善即遵照辦理。○是月兩江總督尹繼善等奏：洪澤湖自武家墩迤北至湖口，濟運壩土隄奉旨改石。臣等詳勘隄長一千六丈，料繁費大，請改建磚工。面底鋪石，仍儘現有石估砌，少則用磚，得旨：好。如所議行。○江南河道總督白鍾山奏：河工浚柳船用兵一千三百餘名，於各河營挑充。委外委一名押駕，終年遠涉，本營弁備鞭長莫及。葦營官呼應不靈，運送額料易於逗遛盜

賣。請將裏河上下營守備二員所管工歸併上營，以下營守備專管船兵，換給條記。隸葦營叅將轄從之。○河南巡撫胡寶瑤奏：漳河漲發，不由臨漳縣麗家村東北流，改由六坐樓南股支河，超大名府城下，有妨城壕。現准直隸督臣方觀承咨勘辦理。俟勘明開挑，分殺水勢。報聞。○山東巡撫阿爾泰奏：泰安萊州沂州東昌四府共查出無糧可耕地六百八十餘頃，詢之農民，知因地窪受水廢棄。今各處築埝挑河水有去路，隨令耕墾試種秋麥。俟來年夏秋收成，確勘升科。其不宜穀之處，廣栽柳榆，並飭濟泰兗三府屬購梓櫟樹種，給民遍種，以期成樹畜蠶，得旨：此係本務妥實為之，所謂日計不足，月計有餘者也。○山西巡撫塔永寧奏：綏遠城朔平府兩同知收放糧餉，歲各以數十萬計，且以旗員管滿營錢糧，尤易通那牽制。請嗣後分交歸綏道朔平府知府就近監看，事畢用印加封。按季

造冊送撫藩查覈從之。陝西布政使方世
儒奏。延榆各屬連年歉收。本年兼被霜雹。定
邊葭州尤重。臣現往勘辦賑卹。得旨既已親
往。更當留心實力妥辦。俾災黎得受實惠。不
可虛應往查之名。苟且塞責。若家人吏役更
生事其間。則大不可。○總督管甘肅巡撫吳
達善奏。南路差多驛馬不敷。邊路各驛近日
差少。每驛原設馬五十七八匹至六十匹不
等。請畫一各留四十匹。共抽三百八十八匹
於南路額設四十五匹之二十四驛。各添十
五匹。餘馬二十八匹。蘭泉驛係省會平番縣
通青海。各添十四匹從之。四川布政使吳
士端奏。樂山縣舊銅廠日久產薄。附近新礮
開採商人多因資本不繼。數月後即停採。他
商項開。原商輒阻撓。至殷商不前。坐棄地利。
請嗣後無力停歇者。以三月為期。原商不准
復開。聽廠員募殷商項挖撓阻滋釁者。杖八
十。枷號一月。遞籍收管報聞。○粵海關監督

尤拔世奏。粵關大小口岸六十餘處。相距甚
遠。委有微員。不可倚信。請照淮安關例。揀發
內府筆帖一員。來粵協查養廉。於關督養廉
內撥給五百兩。得旨好。

大清高宗法天隆運至誠先覺體元立極敷文
奮武孝慈神聖純皇帝實錄卷之五百九十九

大清高宗法天隆運至誠先覺體元立極敷文奮武孝慈神聖純皇帝實錄卷之六百

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲領侍衛內大臣稽察欽奉 上諭事件處管理

總裁官經筵講官太子太傅文淵閣大學士文淵閣領閣事稽察欽奉 上諭事件處管理刑部戶部三庫事務

世襲領侍衛內大臣稽察欽奉 上諭事件處管理

尋常紀錄十四次臣德瑛經筵講官太子少保工部尚書紀錄六次臣曹振鏞等奉

教修

乾隆二十四年己卯十一月丁未朔

實錄卷六百

上以冬至祀

天於

圜丘是日起齋戒三日（己酉）

上詣

南郊齋宮齋宿（庚戌冬至祀

天於

圜丘

上親詣行禮遣官祭

永陵

福陵

昭陵

昭西陵

孝陵

孝東陵

景陵

泰陵 遣官祭

孝賢皇后陵

端慧皇太子園寢 詣

實錄卷六百

皇太后宮問安 諭朕因今日祭

壇見午門兩旁堆撥多有污穢不潔之處此等

地面係前鋒統領護軍統領所應管理向因

專司無人每致互相推諉嗣後每年由前鋒

統領護軍統領內派出一員專管自午門至

大清門一帶地面如應大修之時著照例咨

部辦理若係零星修補即會同值年旗內務

府總管等量加修整 諭軍機大臣等據德

文奏稱內地所送鉛子火繩尚足敷用惟火

藥無多。查庫車附近出產硝磺。可以採取配
合。給與臺站卡座官兵。其舊存火藥。加意照
看。收貯備用等語。庫車附近既產硝磺。較之
內地運送更屬近便。看來阿克蘇等處或有
出產。亦未可定。可傳諭舒赫德。楊應琚。留心
查勘。採取以備軍需。○辛亥

上以冬至節。詣

壽康宮行慶賀

皇太后禮。王大臣於

慈寧門。衆官於午門行禮。御太和殿受賀。

以平定回部。頒詔中外。詔曰。朕寅紹丕基。統
御方夏。勤求莫釋。懷保時殷。總期九域之胥
安。罔有一隅之失。所若乃武功者。定遐裔。救寧
藏。厥渠魁。靖數載未誅之寇。疆以戎索。開萬古
未闢之區。斯聲教益溥於要荒。將惠愷愈覃於
海寓。殊勲既奏。慶典宜宣。逆酋大和卓木。布拉
呢敦。小和卓木。霍集占者。本屬回部。渠酋向為
準夷拘繫。我師平定伊犁時。特出諸禁繫。俾長

乃穴巢。詎期曾不逾時。轉行反噬。是以不得
已而申討。初非更有事於窮兵。自昨歲以來。
既創其赴援之師。兼克其拒守之邑。而事機
未副。倖馘尚稽。爰易將以進兵。俾犁庭而掃
穴。所過皆壺漿恐後。弩矢前驅。屬當征騎稍
疲。以孤軍而堅守重圍者數月。已而援兵繼
入。以偏師而轉戰重地者經旬。士馬盡全聲
威。倍振整陣。再進望風使靡。於是窮魚惟冀
遊魂。奔鹿不遑擇音。棄衆遽走。空部遠逃。其
地若葉爾羌。喀什噶爾。諸域咸入版圖。悉供
租稅。兩酋既失負隅之固。僅餘漏網之生。該
將軍等復選鋒窮追。馳檄遍諭。別部巴達克
山等回衆。皆仰我威德。効彼悃忱。會霍集占
既殞於重傷。布拉呢敦旋斃於衆怒。遂詣和
門而獻馘。乃奏露布以班師。從此罪人斯得
真莫逃。覆載之間。絕徼永清。益以助靈長之
運。是皆

上天佑順

列祖垂休。用集大勲。式昭偉烈。計道里則塞垣以外。更擴二萬有餘。論時日則軍興以來。不越五年之內。歷稽往牒。實曠古所未聞。自撫藐躬。益寸衷之增惕。時當長至。親事

園丘。敬增祝冊之文。兼備肆類之典。並遣親王祇告。

方澤

社稷暨盛京

三陵其

東陵

西陵謹以來春。親行展吉告祭

太廟之日。朕先親詣將事。冬至之次日。敬詣

皇太后宮行慶賀禮。其將軍大臣及官弁等。敵

愾奏功。勤勞懋著。各封賞有差。凱旋至京。朕

親行郊勞。以昭寵惠。邊圉永寧。輦皇圖而益

固。德威愈溥。介純嘏以彌增。用沛覃恩。聿光

盛典。所有應行事宜。開列於後。一五嶽四瀆

等祀。應遣官致祭。著照例舉行。一歷代帝王

陵寢應遣官致祭。著照例舉行。一先師孔子闕里。應遣官致祭。著照例舉行。一歷代帝王陵寢。該督撫查看修葺動項。報銷一凡嶽鎮海瀆廟宇有傾圮者。該地方官查明估計。修葺以昭誠敬。一自用兵以來。軍書旁午。所有官兵經過地方。辦差官員俱屬急公奮勉。著該督撫查明咨部議敘。一軍興以來。前後所調馬步兵丁。借支銀兩。例應於餉銀內分扣還項者。著加恩豁免。一傷病回營兵丁。不能

充伍者。該管將弁查明本家如有子弟至戚。可以教練差操。即令頂食名糧。免致失所。一臺站官員。已有旨查明議敘。其兵部司員。接辦軍報。奮勉無誤。亦著交部議敘。一在京文武各官。俱加一級。其任內有降級處分。即以抵銷。一在京滿洲蒙古漢軍馬步兵丁。俱加恩賞一月錢糧。一在京城巡捕三營兵丁。著加恩賞一月錢糧。一各衙門承辦軍需官員。量予議敘。一各省驛站。軍興俱屬勤勞効力。

著各省督撫加意撫卹。一滿洲兵丁披甲隨征効力。被傷不能披甲。及年老有疾退閒者。俱著加賞賚。一在外蒙古台吉以下官員。有罰俸處分。及現議罰俸案件。概行寬免。一凡流徙人犯。在流徙處所身故。其妻子願回本籍。該地方官報明該部。准其各回原籍。一現在軍流以下人犯。概予減等發落。一國子監貢生。監生及各官學教習。免坐監期一月。一各處養濟院。所有鰥寡孤獨及殘疾無告之人。有司留心養贍。毋致失所。於戲荷。

鴻庥之寵錫。永圖四塞之清寧。廣。

大福以覃施。彌洽萬方之歡慶。布告天下。咸使聞知。

御製平定回部告成太學碑文曰。建非常之功。者以舉非常之事。舉非常之事者。以藉非常之人。然亦有不藉非常之人。而舉非常之事。終建非常之功者。則賴。

昊蒼篤眈。神運幹旋。事若禍而移福。機似逆而。

轉順。順。

天者昌。逆。

天者亡。故伊犁準夷之庭。掃回部之穴。五年之間。兩勦並集。始遲疑猶未敢信。終劼劼以底有成。荷。

天之龍在茲。畏。

天之鑒益在茲。爰敘其事如左。達瓦齊之就俘也。伊犁已大定矣。無何而阿睦爾撒納叛。彼其志本欲藉我力以成已事。時也。人心未定。

佐饗者嘗一蠅肆狂。萬狙應響。蜂屯蟻雜。不可爬梳。畏難者羣謂不出所料。準夷終不可取。並有欲棄巴里坤為退守謀。然予計其衆志不齊。將有歸正倒戈者。於是督策將帥之臣。整師亟進。既而伊犁諸台吉宰桑果悔過勤王。思討逆賊以自贖。此。

天恩助順者一也。二酋大小和卓木者。以回部望族。久為準噶爾所拘於阿巴噶斯鄂拓者也。我師既定伊犁。乃釋其囚。以兵送大和卓。

木布拉呢敦歸葉爾羌俾統其舊屬而令小和卓木霍集占居於伊犁撫其在伊犁衆回乃小和卓木助阿逆攻勤王之台吉宰桑等阿逆賴以苟延及我師再入阿逆遂逃入哈薩克而霍集占亦即收其餘衆竄歸舊穴此天恩助順者二也準夷之事前紀畧見梗槩茲不復紀紀興師討回之由則以我將軍兆惠在伊犁時曾遣副都統阿敏道往回議事小和卓木乃以計誘阿敏道而拘之及我師抵庫車問罪彼攜阿敏道以來援至中途害之及從行者百人彼猶逞其狂執抗我師顏且敢冒死入庫車城乃雅爾哈善畧無紀律致彼出入自由然我滿洲索倫衆兵士無不念國家之恩効疆場之力故能以少勝衆逆渠懼而免脫此

天恩助順者三也知憤轅之無濟掄幹材之可任時將軍兆惠以搜勦準夷餘黨至布魯特布落已款服其衆因命旋師定回部於是克

庫車存沙雅爾定阿克蘇畧烏什收和闐師之所至降者望風直至葉爾羌城下而我軍人馬周行萬有餘里亦猶强弩之末矣二酋以其逸待之力統數萬人與我三千餘人戰我師之過河者纔四百餘猶能斬將奪旗退而築堡黑水固守以待此

天恩助順者四也萬里之外抱水救火其曷能濟乃予以去年六月即降旨派兵撥馬欲以更易久在行間者耳故兵馬率早在途一趨

進而各爭前恐後人人有敵愾之憤此

天恩助順者五也副將軍富德及叅贊舒赫德輩率師進援以速行戈壁中馬力復疲值狂回據險坐俟頗有難進之勢夫援軍不能進則固守以待者危矣而叅贊阿里衮驅後隊之馬適至夜擣賊營我師內外夾攻彼不知我軍凡有幾萬握炭流湯之徒自相蹂躪顧命不暇於是解黑水之圍鹿駭麀驚遁而保窟我之兩軍合隊全旅以迴阿克蘇此

天恩助順者六也。既而彼料我必再入泰山之壓難當。乃於我師未進之先。攜其部落。載其重器。跳而遠去。而葉爾羌喀什噶爾。二城之舊伯克等。遂獻城以降。叅贊明瑞。一邀之於霍斯庫魯克。副將軍富德。再陷之於阿勒楚爾。於是離心者面內。前途者反旆。二酋惟挈其妻孥及舊僕僅三百人。入巴達克山境。此天恩助順者七也。人跡不通之地。語言不同之國。既已雀毀寧不狼顧。其授我與否。固未可

定也。然一聞將軍之檄。莫不援旗請奮。整旅前遮。遂得克渠函首。露布遙傳。此

天恩助順者八也。夷考西師之役。非予夙願之圖。何則。實以國家幅員不為不廣。屬國不為不多。惟厯守成之志。無希開創之名。兼以承平日久。人習於逸。既無非常之人。安能舉非常之事。而建非常之功哉。然而輾轉輻湊。每以艱而獲易。視若失而反得。故自締始以逮定功。雖予自問。亦將有所不解其故。而不敢

期其必然者。故曰非人力也。

天也。夫

天如是顯佑國家者。以

祖宗之敬

天愛民蒙

眷顧者深也。則以我後世子孫。其何以心

上蒼之心。志

列祖之志。勉繼繩於有永。保丕基於無窮乎。繫

以銘曰。二酋僭德。始亂為賊。是興王師。報怨

以直。伊犁既平。蕞爾奚屑。徐議耕闢。徐議戍

設。以噢以咻。伊予本懷。豈其弗戢。圖彼藐回

彼回不量。怒臂當車。戕我王臣。助彼狂狙。始

攻庫車。債轅敗事。用人弗當。至今為愧。悖逆

罪重。我武宜揚。易將整師。直壓彼疆。阿蘇烏

什。玉隴和闐。傳檄以定。肉袒羊牽。二酋孽深。

知不可活。狼狽相顧。固守其穴。桓桓我師。周

行萬里。馬不進焉。強弩末矣。以四百人。戰萬

餘虜。退猶能守。黑水築堡。間信達都。為之傷

悼所幸後軍早行在道督勅速援人同怒心
曾不兩月賊境逼臨賊境逼臨彼復徼隙馬
繼以進賊營夜斫出其不意賊乃大驚謂自
天降孰敢鋒撓大韃大膊如虎搏兔案角隴
種誰敢迴顧黑水圍解合軍暫旋整旅三路
期並進焉賊偵軍威信不可支挈其妻孥遁
投所依所依亦回豈不自謀豈伊庇猿而受
林憂利厥輜重無遺盡掠遣其都九遂來獻
誠詎惟獻誠並以稱臣捧齋表章將詣都門

平定集卷六

七

奏凱班師前歌後舞尸逐染鏑溫禺釁鼓露
布至都正逮初陽

慈寧稱慶亞歲迎祥

郊廟告成諸典並舉皇皇太學豐碑再樹豐碑
再樹敢予喜功用不得已

天眷屢蒙始之以武終之以文戡亂惟義撫衆
惟仁布惠施恩寰寓共喜古不羈縻今為臣
子疆闢二萬兵出五年據實書事永矢乾乾
勒石大成殿阼階前

御製平定回部勒銘葉爾羌碑文曰粵稽回始
肇自天方又名默克一曰天堂大食見元回
鶻見唐是皆髣髴所傳弗詳惟我皇清撫有
華夏血氣之倫均歸陶冶準夷昔強冥頑弗
下恃厥險遠實梗化者綴綸其衆豺狼其羣
以回為羊役以耕耘利其善賈三倍市欣拘
二酋長處伊犁濱四大回城輸租獻賦騰格
是供衛拉是懼繭絲奚堪溝壑已遽有面內
心其何能訴準夷既平羣回見天謂自今始

實錄卷六百

十四

飽食晏眠遣厥酋歸撫爾土田生死肉骨詎
疑變遷詎疑變遷德竟怨報助我叛疆戕我
使軺是用興師聲罪致討乃敢抗顏蜩螗謹
譟既侮厥外宜安厥內而何狂狙心焉昏憤
殺人為戲奪妻為穢大失衆心無不怨背三
道並發四甄齊攻酋知弗支自攜一空廿日
之前駢走無蹤爾雖無蹤我追應窮滔滔洗
洗連戰皆克旦夕苟延遂入異域異域畏懷
舉旗助力腐鼠莫遁遂來獻誠二酋既殲諸

回永靖設官定賦去其苛政昔之諸回曉戰
夜偵今恬以嬉各保性命昔之諸回為準夷
臣今語鄰封曰天王民曰天王民誰汝苦辛
藝爾稷黍孳爾子孫在昔已已爰定金川茲
定回部亦已卯年歲符理紀瑞疊祥駢持盈
保泰惟懋慎旃勒石葉爾羌城

御製平定回部勒銘葉什勒庫勒諾爾碑文曰
機有視若失而反得智者之所勲而愚者之
所惑也事有初若勞而終逸壯者之所劬而
懦者之所怯也若夫定全回殲二酋戰無不
克攻無不取皆二將軍及諸叅贊以及行間
衆將士之力也然予亦有所深慰於其間者
則以五年劬劬宵旰運籌狎至實未敢偷安
於頃刻也幸我武保定庶因答

乾貺慰

先志且以免浮議之指斥也葉什勒庫勒諾爾
者我副將軍富德等窮追二酋至巴達克山
之界獲其降者萬人二酋僅以身免而遣使

索俘遂得獻馘振旅以成茂勳也其地倚山
臨水單騎可容而我哭將無前四甄並發如
入無人之域也賊衆首尾不能相顧豎我回
纛以招之降者鋪崖以來霍集占持刃止之
或且反戈倒戟也是以二酋見事不成拔身
遠跳駢突而喙息也先是感之於霍斯庫魯
克襲之於阿勒楚爾無不以少勝衆批亢擣
堅桓桓之士真如驅虎豹而逐狸兔纏頭碩
鼻者流皆怩怩跟跟見即辟易也是以先聲
異域駭其跳盪遮逆助順用攬重輜而獻免
級也我兵未深入巴達克山境者則以討逆
之師不躁無罪之地姑遣使焉彼或曉逆順
亦將擒獻是以將帥之臣審機度時我武少
輯也卒歲事而告成功則亦未為計之失也
回部始末已見於勒銘葉爾羌之碑辭不複
綴也特紀耆定之在茲是以誌歲月而刻石
也勒石諾爾上 壬子

上詣

皇太后宮問安 刑部議覆山西按察使永泰

條奏律例事宜一老幼廢疾犯流罪已下者

准其收贖一次詳記檔案若贖後復犯除因

人連累過誤入罪者仍照律辦理外其餘有

心過惡各照應得罪名據實發落充配不准

再贖一賊犯交保管束後不加禁約致復出

為匪或本地行竊除原保內有父兄人等仍

照強竊案內是否知情分贓分別究擬外其

餘按賊人所犯輕重如罪止杖笞者將原保

人照不應輕律笞四十徒罪以上者照不應

重律杖八十知情故縱者比照窩主不行又

不分贓為從論律科罪免刺受財者以枉法

從重論一白契所買奴婢如有殺傷家長及

家長總麻以上親者均照紅契奴婢一體科

罪均應如所請至所稱雇工人雖無文券而

受雇在五年以上者於家長有犯作雇工十

年以上作奴婢等語查雇工人立有文券年

限者止依雇工本條若無文券而年分稍久

者反與奴婢同論與律義不符請嗣後雇倩

工作之人止有文契年限及雖無文契而議

有年限或計工受值已閱五年以上者於家

長有犯均依雇工人定擬其隨時短雇受值

無多者仍同凡論從之○定邊將軍兆惠等

奏副將軍富德於十月初二日自巴達克山

凱旋俟抵葉爾羌後臣等酌將葉爾羌喀什

噶爾兩城應留駐滿洲索倫蒙古兵若干其

餘即行撤回議奏辦理其綠旗兵八千餘名

回地糧餉價昂且屯田亦需調遣除伊犁駐

兵另議外酌於葉爾羌喀什噶爾各駐兵一

千名英吉沙爾駐兵五百名俱於本年派出

新兵內揀選以提督董孟總兵容保楊寧分

領餘兵令提督閔相師總兵五福等帶往庫

車其舊調之兵即撤回原處又西安兵四百

名酌留字識外餘亦撤回諭軍機大臣等兆

惠所奏徹兵一事朕意上年調往之滿洲索

倫兵俱在外未久且暫留該處惟得傷病廢

人等。自應撤回。將來伊犁駐防。需兵尚多。應另派京營滿兵。更替行走。俾伊等練習事務。甚有裨益。著傳諭知之。○以休致廣西思恩府屬土田州分管陽萬土州判岑潔子宜櫛襲職。○癸丑。諭軍機大臣等。劉慥題叅靜樂縣知縣陳景星本內。有估修城工銀兩。業經歷任各員。及該員陸續備足。並不具報興工。明有捏報侵虧情弊。一款。修葺城垣。自有一定制限。乃該縣以十九年估修之案。何至遲

延數載。尚未興工。且稱此案係照豫省奏明分限遞年修復之例。而豫省因何定例。原委并現在作何按限督催。事理均未明晰。直省各屬城工。向雖有分別緩急次第修葺之議。但內有動帑修理者。亦有自行酌量修葺者。在動帑興修之工。固當嚴立章程。依限報竣。以防侵蝕。即係自行修葺之款。亦應按限察覈。或遇新舊交代。未及興工者。將動用之項繳存藩庫。至應修時。再行詳請領修。不得任

其自行辦理。以致日久。侵那轉成弊竇。況設立城垣。原以保衛民居。每遇小有損塌。地方官果能加意督率。隨宜修整。自不至費大工繁。此正為民率作興事之意。並非派累閭閻也。若平時漫無經理。任其坍塌。且一聽匪民竊取磚石自用。而不為拏禁。及屆應修之期。輒假工程繁費為詞。隨意遷延。實為外省相沿陋習。身任封疆者。理應及時悉心整理。毋稍懈弛。即如直隸所屬各城。向來應修之處

頗多。近經設法修繕。以次整齊完固。其由坐臺繳贖充用各項。尤當隨時查明督催辦理。不得聽其遲延。使地方緊要之工。日就因循曠廢。著於各督撫奏事之便。詳悉傳諭。令其督率所屬。留心經理。實力從事。有應酌議奏聞者。即就各本省情形。妥議規條。奏明辦理。其豫省分限定例。此時作何舉行。並直隸現應繳辦城工之項若干。及作何勒限興修。報銷稽覈之處。該督撫一併查明具奏。又諭

曰薩哈岱奏河東疲乏各商無力辦公應行更換現據各州縣俱召募有人但晉撫已更恐又耽延月日來年辦課或致有誤等語看來自屬實在情形即應速為籌辦著傳諭鄂弼令其查照從前傳諭即嚴催各屬慎選實在殷實老成之人更替承辦至該鹽政所奏新商承認之後議將二十二年帶徵暨借帑於舊商追完其二十三年帶徵之項引亦分作三年帶銷其已銷之引在舊商名下著追未銷之引令新商接辦之處該撫一面會同詳議妥辦一面奏聞○吏部議覆江蘇學政李因培奏稱衍聖公府典籍管勾等官向來每籍稱揀選候缺豫印空銜劄付乾隆六年經大學士等議停而例前散出劄紙未議繳銷特符滋事在所不免現在江蘇學冊生員內有開註衍聖公典籍職銜並未見其題補而欠考均逾五六次以上不可不嚴行清釐等語應如所請通行各省督撫凡有領過衍

聖公空銜劄付者無論年分概行繳銷其生員藉此欠考者追劄照例辦理至衍聖公府嗣後遇有司樂管勾典籍掌書書寫知印奏差等缺出令於生監內保舉咨送臣部題補從之○以印務叅領觀音保為正紅旗漢軍副都統○甲寅上御乾清門聽政○軍機大臣等議覆江蘇布政使常亮奏稱江蘇民欠較別省為最繁總因州縣接受交盤之際並未實力查辦意謂後有發覺其咎仍在前官無所顧忌以致積欠累累請嗣後江蘇州縣錢糧專責新任官凡遇接受交盤將節年未完民欠數在五萬兩以上者於交盤原限外展兩個月五萬兩以下者展一個月徹底清查如有官侵吏蝕即於限內報叅如結報交代後有前任官任內以完作欠銜役兜收侵蝕等弊經後任官及歲底盤查之道府州查出不必更查前官惟現任出結之員是問至道府州歲底盤查

印結亦照交代之式。隨奏咨部存案。如能隨時查出前弊。揭參照例免議。倘姑容徇庇。不報一併叅處。均應如所請行。從之。○以太常寺卿儲麟趾為宗人府府丞。○以頭等侍衛洛泰為涼州副都統。○以故奉國將軍福靖子慶向奉恩將軍格色泰子都爾嘉俱襲封奉恩將軍。○乙卯。

上詣

皇太后宮問安。○諭軍機大臣等。楊應琚奏稱。

即日班師凱旋。其應行派往烏魯木齊之官兵五千名。正可順道分撥。必得提鎮大員統轄等語。現在閩相師五福領揀選所餘兵丁。回至庫車。即於此內酌撥。著閩相師領赴烏魯木齊。辦理屯田事宜。可傳諭楊應琚。舒赫德會同妥辦。併諭兆惠知之。○吏部等部議覆。兩江總督尹繼善等疏稱。四川城治前於乾隆八年勘定。於雙溝地方遷建。嗣以連年被水難。以設立寄居。肝貽現在。辦理事務。官

民相安已久。請將泗州即於肝邑駐劄。毋庸另建城治。所有知州州同吏目學正訓導及泗州營都司把總等各衙署。均應估建其壇廟祠宇倉庫監獄養濟院等項。俟查明何項可與肝邑通融。何項必需另建。再行具題。至五河一縣。前議應否裁撤之處。查該縣偏在泗州之西。相隔遙遠。未便議裁。均應如所請。從之。○兵部等衙門題。副將軍車布登扎布等奏。叅贊大臣副都統齊努渾。公品級多岳特帶兵駐劄哈塔奇等處。未經派兵搜山。致賊衆乘間偷馬損兵等語。應將齊努渾多岳特均照溺職例革職。從之。○補行山西省乾隆二十二年軍政卓異官十二員。有疾官一員。才力不及官四員。分別議敘處分。如例。○移山東登州府黃縣縣丞駐東昌府恩縣四女寺。從巡撫阿爾泰請也。○旌表守正被戕之江西鉛山縣民江秀俚妻顏氏。○丙辰。諭軍機大臣等。昨因大功告成。毋庸再送馬匹。

命安泰回京。今思來年烏魯木齊等處增兵屯田。又有哈薩克貿易恐永德永瑞二人辦事不能周到。安泰係內廷人員尚可任使。著不必來京。即前往烏魯木齊總理屯田貿易事務。○又諭據高恒奏署儀徵縣知縣徐以觀勒索船牙黃立綱等銀六百兩。又短發麥價一百餘兩。經該牙等赴監掣廳衙門呈控。高恒以例應會同督撫叅劾。即札知陳宏謀而該撫未及會銜。先行題叅等語。州縣官有貪劣不職。專係地方之事。應聽督撫叅劾。該鹽政原無可會銜。使高恒有意越俎。自有應得之咎。但辦理諸務。當論其事之緣起。此案既經鹽牙等赴運同具控。而楊重英具稟在先。是其事不得謂與鹽政無涉。而高恒又經知會該撫。則會叅成例具在。陳宏謀豈不知之。乃以接札致即行具題。竟似該撫自行訪聞。未免有意取巧。若使吉慶普福為鹽政時。朕何難明降諭旨。將該撫交部議處。因高恒

子集之三

三

子集之三

三

係原任大學士高斌之子。朕量其材亦未能見及遠大。今當造就酌用之初。因此一節徑將巡撫議處。恐高恒或致好事自矜。非所以示訓。然陳宏謀辦理未協之處。自不可沒。著傳旨申飭。并將此詳諭陳宏謀。高恒知之。倘因有此旨而各存意見。地方事務不知和衷共濟。又伊等自行取咎。亦難逃朕鑒照。丁巳諭各省綠營千總舊例限以六年俸滿離任。此與從前武職中之大街小衙同一陋習。若謂專為把總開一陞轉階梯。則今日之年滿罷斥者。即前日之由把總拔補者也。豈優於六年之前而遽劣於六年之後乎。且聞有情願守把總之故。吾而不願為千總。以致六年後即革退者。況守備缺出多於千總。推用則把總外委原可循次漸進。何致壅滯嗣後各省綠營千總任事六年著該督提等秉公甄別。應行保舉者送部引見。令其回任候陞。若年力衰庸則奏明休致。其餘仍留原任歸

於下次再行甄別如教官例但不得稍存姑息使不肖之弁得以濫竽久任耳其應如何甄別及按年彙奏之處著該部詳悉定議具奏尋議直省綠營千總六年俸滿令該督撫提詳加考驗其人材弓馬年力堪膺保送者給咨送部引見將曾經出兵者發回原任俟本省題補缺出揀選題補未經出兵者發回原任歸部雙單月應用班內挨次銓選其年力未衰弓馬尚可者仍留原任庸劣衰邁者勒休於年底分晰彙奏至回任候陞尚未陞用及留任又閱六年仍照前例甄別再臣等查各項千總內向係俸滿離任者俱請一體辦理如各省水師俸滿千總及黔省苗疆俸滿千總亦請照例甄別保舉送部引見後發回原任候補又直隸捕盜千總三年內並無盜案仍令該督照例聲明題補再屆三年俸滿送部引見亦免開缺其臺灣三年俸滿千總於引見後發回本省題補及候推者均令

調補內地候陞又河營千總六年俸滿例不送部留工候題仍令該督一體甄別免其送部毋庸開缺均歸年底彙奏再滿洲補放綠營千總業經停止現在滿洲千總無幾俟六年俸滿後照例出具考語咨部開缺於年底彙行引見或仍令在京原處當差或另行錄用候旨遵行又出旗為民另記檔案驍騎校調補綠營千總業奏明停其陞轉至六年俸滿如人材弓馬去得者仍留原任衰庸者勒

休從之○戊午

上詣

皇太后宮問安○幸瀛臺○諭軍機大臣等富德等奏稱愛隆阿領兵百餘名巡查臺站捉生詢問知瑪呼斯賓巴等男婦一百三十餘人謀搶察罕烏蘇等臺站逃往安集延愛隆阿即領兵追襲勦賊五十餘人俘獲男婦七十餘人收取馬駝軍器等語愛隆阿一聞賊人信息即行追勦甚屬可嘉從前曾賞伊世

職著再行加賞仍從優議敘其得功官兵著造冊送部亦從優議敘○又諭今日引見索倫佐領據巴巴里奏稱伊父尼薩勒圖於乾隆二十一年齎送諭旨與達勒當阿由雅爾拉河前往未回業經陣亡啟圖奏稱伊兄克勒車爾二十一年在總管畢里袞隊內於阿魯海地方陣亡旋因策楞獲罪未知曾否報部等語隨交該部查閱陣亡冊內並無二人之名著傳諭兆惠等查明具奏○禮部奏請

欽點大臣覆勘順天等省鄉試試卷得旨著派秦蕙田觀保錢汝誠孫灝向因磨勘一事視為具文是以定制特派大臣詳加校閱但今科二場初試律詩若竟與制藝一體逐細校勘各省士子於聲韻之學未必盡嫻而考官處分者亦衆其試帖一項此時尚可稍為寬假酌量俟數科後再照定例行惟制藝為應試諸生本分應習之事既經入彀自不當復有疵謬務須秉公磨勘以副掄才鉅典如

有疎漏經朕指出惟特派諸臣是問定邊將軍兆惠等奏報霍罕額爾德尼伯克將所屬安集延瑪爾噶朗納木干霍罕等四城歸附并齊哩克布魯特及額德格訥布魯特阿濟畢等人衆遣使投誠下部知之已未

聖祖仁皇帝忌辰遣官祭

景陵

上詣

奉先殿

壽皇殿行禮○諭現在西陲大功告竣所有軍站各員已令該督撫等查明咨部議敘至此次遞送紅旗之千把外委各弁自軍興以來均屬按刻飛馳勤勉無誤應量為優擢以示鼓勵著直隸山西陝甘各該督撫等照各本省道里遠近於沿途各弁中分別選擇內有行走奮勇人材可觀者以五人中拔取一人為率出具考語送部引見候朕酌量錄用諭軍機大臣等現在西陲大功告成所有遞

送紅旗之臺站員弁行走奮勉已降旨令該督撫等分別選擇送部引見候朕加恩錄用以示鼓勵該督撫等可遵旨按照道里酌量人才詳慎秉公揀擇使未弁得有陞途衆人益知感奮茲將軍大臣等自軍營凱旋並有巴達克山安集延等回部陪臣入覲經過臺站凡一切支應正當加意料理不得以軍務成功稍有懈弛至各部回目來京伊等係投誠新附之人應示以天朝體制各督撫等於伊等到時酌照向例款待應傳令優賞酒飯或陳技演劇以昭我國家民物殷阜封疆大臣舉動皆知懷柔大體並非有意過示尊寵該督撫等其轉飭各屬留心妥辦毋致草率可將此一併傳諭知之○又諭曰愛隆阿巡查臺站一聞瑪呼斯餘孽欲行搶掠即領兵追襲盡勦賊衆已諭部從優議敘加賞世職矣愛隆阿此次奮勉更非尋常勦賊可比蓋大功既成此等逸賊並未責伊專辦即使逃

脫伊亦不至獲咎乃聞信即行俾逆黨不致漏網而臺站得以無虞可謂急公任事大臣官員等果能如此存心何功不就朕深為嘉予從前賞伊雲騎尉世職著加恩賞給騎都尉此時兆惠等應已起程著舒赫德傳諭愛隆阿并通諭大臣官員兵丁等知之○又諭曰成衮扎布奏稱嚮導達什扎布博博貴等往車布登扎布軍營遞送事件歸途擒獲瑪哈沁知有盜馬賊人蹤跡選騎兵十二人往捕賊黨頗衆我兵被陷者七人旋經脫出達什扎布等復請前往追捕効力自贖覈其情罪著將伊等插箭遊營仍鞭一百等語達什扎布等係遞送事件之人聞瑪哈沁等蹤跡即行追捕尚屬奮勉即以兵少致敗亦屬情有可原著不必治罪○鑲黃旗護軍統領以護軍叅領員缺帶領應陞人員請簡得旨現出叅領員缺著阿魯補授似此年滿應陞人員雖帶領引見朕亦必放此皆該管大臣等

應辦事件。朕累次代伊等辦理乎。嗣後似此年滿應陞人員。如遇缺出。該大臣即奏請坐補。帶領引見。不必似此奏請。著為例。旌表守正捐軀之河南魯山縣民任方書妻金氏。虞城縣民孟如山女孟氏。是日起

上以平定回部告功

太廟齋戒三日。○庚申。諭朕因滿洲生齒日繁。酌量撥往拉林種地。自京起程時。賞給整裝銀兩。復令在拉林建蓋房屋。又賞給牛具等

實錄卷六百

三

項。原為伊等生計充裕起見。伊等自應感戴朕恩。安靜循分。乃年來逃回者甚衆。情殊可惡。是以拏獲者。俱經解回。正法示衆。今六雅圖。又經逃回。實屬目無法紀。若仍發回拉林。正法徒覺紛煩。六雅圖著即行正法。並傳諭八旗人等知之。○禮部議覆。河南布政使蘇崇阿奏稱。向例學政科考後。有事故離任者。督撫等署理學政。遇鄉試屆期。俱照科考正案送場。不准錄遺。其考居三等後列。與遊學

起復病痊及新進諸生。概不能與試。未免無端阻抑。請嗣後准令督撫等錄送遺才等語。應如所請。辦理從之。○刑部奏。都司宋國正捏報戰船在洋失風。遵旨嚴審。屬實。應擬斬立決。得旨。都司宋國正捏報戰船失風一案。刑部按律擬斬。奏請即行正法。覈其情罪實屬可惡。但較之軍行失律者。究屬有間。宋國正著從寬改為應斬監候。秋後處決。○開採四川榮經縣盤隴山黑鉛礦廠。從總督開泰請也。○辛酉。諭陝甘總督楊應琚籌辦軍需。循照大學士伯黃廷桂規畫章程。俱能實力經理。所辦凱旋馬匹。措置尤為妥協。現在西陲善後各事宜。正資協心襄事。著加恩晉階太子太師。以示優獎。○旌表守正捐軀之福建詔安縣民林信妻張氏。

實錄卷六百

四

大清高宗法天隆運至誠先覺體元立極敷文
奮武孝慈神聖純皇帝實錄卷之六百

實錄卷之六百

五

大清高宗法天隆運至誠先覺體元立極敷文
奮武孝慈神聖純皇帝實錄卷之六百一

監修總纂官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理
吏部理藩院事務並黃八門副都統世襲騎都尉軍功加七級通帶加一級等常加一級軍功紀錄一次在慶桂
總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部工部事務
世襲騎都尉軍功加十九級通帶加二級又加一級臣董誥內大臣戶部尚書領班內閣副都統軍功紀錄五次
尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十四年己卯十一月壬戌

實錄卷之六百一

上詣

太廟行禮 諭霸州固安等十處駐防兵米向
係給發折色今歲畿輔一帶雖屬有秋而米
價未免稍昂明春青黃不接之際兵丁糴買
不無拮据著加恩將霸州固安良鄉東安順
義采育營玉田昌平古北口遵化州十處所
有本年冬季及二十五年春季駐防兵米折
色每石加銀三錢以示體恤該部遵諭速行
諭軍機大臣等據方觀承奏曲周縣孥獲

逃匪王燈山押解赴甘處治等語此等匪徒原係應死重犯一經拏獲審明自當即行處決以昭炯戒若復解至甘省長途押赴馬保其不又乘間免脫著傳諭方觀承如尚未起解即於拏獲地方正法示眾若已經起解即行文前途地方官於該犯所到之處正法仍一面咨明甘省一面咨部存案可也 癸亥上詣

皇太后宮問安○幸瀛臺○諭甘省輓運軍糧

實錄卷六〇一

三

及調運協濟糧石所需腳價前據大學士黃廷桂奏明疊經降旨一體增給俟秋成後仍照舊例支發但該省本年收成歉薄米糧價值尚未平減所有一切運腳著再加恩仍暫照從前增給之數一體支放俾輓運貧民用度充裕以示體恤該部速遵諭行○諭軍機大臣等據方觀承奏涿州北門外巨馬河石橋工程一摺涿州為畿南通衢自河流徙越而舊有石橋轉成虛設自應相度移建此等

工程務須久遠堅固以利行旅不在撙節經費今將橋北舊有無名之石道折為添建橋座涵洞之用通融籌辦自屬妥協但舊橋石道酌留三十丈似覺尚多可再為折改與廟角牆垣相齊足矣○定邊左副將軍成袞扎布奏車布登扎布所領游牧兵三百名卡兵二百名布延圖兵三百名扎哈沁兵二百名已行文令其各回原處至臣等現議布延圖不必駐兵而烏里雅蘇台兵尚少應即調往

實錄卷六〇一

三

駐劄報聞○哈喇沙爾辦事大臣侍郎銜書山奏多倫回衆五千餘人自阿克蘇分隊向庫爾勒前來自庫車以東哈喇沙爾以西起玉古爾臺至碩爾舒克臺有四五處皆可引水溉田分布安插臣同吐魯番公素資瑞阿布都賚之姪色底克至庫爾勒等處相度辦理又羅布諾爾有伯克托克托所屬三百餘戶懇請屯田應請交與伊弟阿布都賚管轄報聞○甲子諭前因直屬夏間得雨稍遲恐

向後糧價易昂。是以豫令楚省於存倉穀內碾米十五萬石。分搭漕船運通。以為有備無患之計。旋因畿輔甘霖普降。秋田並獲。有收現在搭運之項。並無需用。而浙省有間被偏災之處。該撫正在委員赴江廣採買接濟。莫若即將楚省此項米石。兌交浙省委員運回備用。既不須往來購運之煩。而彼此裒多益寡調劑。尤為適宜。其江西省亦現有搭運通倉米十萬石。即著就近留於江蘇水次州縣。

以備撥用。該部速遵諭行。又諭甘省折賑向例每石給銀一兩。上年因該地方歲事歉收。恐貧黎買食不敷。已降旨河東每石加銀三錢。河西每石加銀四錢。今皋蘭等各屬被災地方。糧價尚未平減。朕心深為軫念。著再加恩將皋蘭靖遠金縣平番固原鹽茶廳環縣古浪安定會寧新寧隆德靈州花馬池中衛狄道河州碾伯等各州縣賑糧折價俱於前加每石三錢四錢外。河西河東每石再各

加給銀三錢。俾窮黎足數買食。以示惠養。邊氓至意。該部遵諭速行。又諭八旗驍騎營佐領叅領內。有由文職改襲者。如遇對品京堂缺出。將伊等酌量補用。較之論俸推陞人員。似更出色。著八旗都統將現在各旗由文職改襲世職補授佐領叅領人員職名。移咨吏部。嗣後遇有京堂缺出。即對品繕寫職名。與應陞人員一併題奏。其應帶領引見者。亦著一體帶領引見。諭軍機大臣等前據莊

有恭奏請動撥公項銀兩。委員前赴江廣採買米石。今周琬奏恐一時未能依期購足。於浙省民食。仍不能及時應用。請將湖南省分搭漕船運通米十五萬石。即兌交浙省委員領運回浙等語。現在近畿各屬秋田有收。前此豫籌之項。並無所需。若即以此項米石運濟浙省之用。不特可省採運之煩。而於江廣兩省市價亦不致居奇踊貴。裒多益寡。甚為合宜。其江蘇各屬。今秋亦間有被災之處。將

來尚須酌撥接濟。現有江西搭運米十萬石。莫若就近留貯江蘇水次州縣以資撥用。已明降諭旨。並面諭尹繼善矣。著傳諭各該撫等一體遵照妥辦。所有米價運腳作何覈定歸還。其楚省米價或即於浙省採買銀內扣存之處。並著彼此會同咨商辦理奏聞。○又諭前經降旨令方觀承查明直省現應繳辦城工之用。共有若干。並作何勒限興修稽覈之處。詳悉具奏。今查自乾隆十四年起至今

平定縣志卷一

六

凡坐臺捐贖。交與直隸城工應用。共銀十九萬七千一百兩。又牛兆泰名下捐贖銀五萬兩。此等俱關係城工計。歷年所積銀兩儘足敷繕修之項。現在各員是否按數繳足。不致久延。並本人各項完欠若何。或尚留直。或已回籍。其已交銀兩作何支銷存貯。至所修之工何處已竣。何處正在興舉。雖非別項工程。必須按例報部察覈者。可比但督催察覈亦應隨時聲明摺奏。庶公用皆歸實濟。而要工

平定縣志卷一

七

不致稽遲。將此一併傳諭方觀承。令其詳悉查明具奏。○又諭曰。納世通奏稱烏什卡兵張茂等擒獲逃回二人。係已經招降之烏沙克。旋復逃往喀什噶爾。藏匿二十餘日。聞內移之信。遂逃向烏什。阿克蘇業經正法示眾等語。看來喀什噶爾葉爾羌尚有烏沙克等餘眾。著傳諭兆惠舒赫德等查明各處似此潛匿之人。若安靜無事。則已稍有滋事。即應酌量辦理具奏。○又諭曰。德文奏稱章京格呼爾圖由阿克蘇送來多倫回眾五千餘名。除沿途病斃及親戚留住外。仍有四千四十餘人等語。此等回人齋糧無幾。恐沿途流為瑪哈沁。宜留心防範。毋致盜竊臺站馬匹牲畜。如有滋事者。即行正法。以靖地方。○又諭現在巴達克山霍罕等處遣使入覲。一路臺站馬匹自應整理妥協。以壯觀瞻。而速郵傳在內地臺站自必豫備應付。其哈密以外著五吉於巴里坤牧馬一萬匹之內挑選一千

匹由哈密至闡展分派其闡展庫車阿克蘇葉爾羌著定長書山納世通阿桂遞行交辦務使一律整齊俱即傳諭知之○又諭曰定長等將本年闡展托克三烏魯木齊哈喇沙爾喀喇和卓等處屯田收穫分數具奏又稱除烏魯木齊外其他地畝較之初種時漸覺歉薄等語此等田畝雖不能如內地人工糞治可以常年耕種但地頗寬敞彼此遞年互調耕作自有餘力著傳諭楊應琚會同舒赫

平定九十二

德定長悉心講求酌議具奏○兵部議覆御史戈濤奏稱武鄉會試內場除雙單好字號外合式字號多至千人每科必中數卷以示鼓勵向聞武鄉會試時已挑雙單好字號者自知中式甚易不便雇覓鎗手專以懷挾為事至合式字號知非文字甚佳不能取中於是尋覓鎗手賄買合式而不願進場之人頂名入闈包攬多卷希圖僥倖其好字號人等設有懷挾不遇則跳越號舍闖入合式號中

尋覓代倩請嗣後挑選外場雙單好字號稍寬其數入選者方為合式准入場考試不必別立合式字號等語係為釐弊起見但雙單好額數既多則久慣鎗手又得混入單好內伏思鎗手所以能混入場中者以其有三號技勇也此等技勇應試者皆可勉為且自知未必能售而文理清順一入內場便以代倩罔利今與其去合式之名莫若稍為變通如考試之人弓刀石三項皆係三號者不准合式必有一二樣頭二號者方准入內場是鎗手已無從濫入合式字號仍於入內場時令外圍監試御史帶領番役人等在龍門嚴行搜檢驗明印記放入再向來雙單好及合式舉子號舍俱在一邊是以間有越號覓替等事今酌議將雙單好者列於甬道東號房合式者列於甬道西號房監試各官仍可不時稽查一應胥役人等不得擅自近號又奏稱武鄉會試請於兩論一策中酌減一篇等語

查武場原以選取將材。自當以武經為重。四書旨義。非武士所能領會。應將四書論一篇裁汰。其內場衡文。亦應如所奏。擇文理粗通者。即予中式。以示矜全。從之。○庫車辦事大臣按察使銜納世通奏。查庫車回城地狹事少。現駐官兵百餘名。足敷調遣。阿克蘇差務頗繁。所駐綠旗兵一千二百六十餘名。看守城堡倉庫。牧放馬駝牲畜。添派臺站卡座。城內餘兵僅六十餘名。不便再裁。除軍營將來撤回綠旗兵。即遵旨揀選調往屯田。臣所領追勒瑪哈沁之西安兵一百二十名。及阿克蘇所留西安兵二百五名內。共裁汰一百五十名。撤回巴里坤。仍辦給車輛。遣歸原處報聞。○管理屯田副都統定長奏。闢展等五處屯田收穫後。積貯應建倉堡。查闢展已有舊設倉堡。仍需添葺。其喀喇和卓。新建倉二十四間。托克三。二十間。哈喇沙爾。十五間。烏嚕木齊。二十四間。各築堡一。闢展添倉三十間。

及修葺舊堡。照巴里坤修城例。賞給銀兩報聞。○乙丑。諭軍機大臣等。據胡寶瑤奏。該省藩庫偷竊元寶一案。摺內據茶夫馬倫供稱。係一時起意。並無第二人知道。而布政使蘇崇阿所奏。則稱訊據該犯供認。商同伊兄庫丁馬卓倫竊是實。其中情節未符。看來胡寶瑤或因一得初供。即行入告。蘇崇阿係再加訊研。方供出實情。是以彼此互異。亦未可定。著傳諭胡寶瑤。令即速嚴訊具奏。此等匪徒竊盜庫項。自應盡法懲治。以示炯戒。且馬卓充當庫丁。若非通同商謀。則馬倫身係茶夫。豈能潛入外庫偷盜。似此奸蠹之尤。更不當稍存姑息。俾得狡供漏網。將此一併諭令胡寶瑤知之。○吏部議覆刑部奏。收用犯案長隨酌定議處。查長隨得贓舞弊。前經刑部覈定照蠹役詐贓例。分別初犯再犯刺字原易識認。應如所請。嗣後各衙門官員。如將犯案刺字之長隨。濫行收用。係刺面者。降一級調

用。係刺臂者。罰俸一年。如明係刺臂之犯。仍行容留者。亦降一級調用。從之。○河南布政使蘇崇阿奏。直隸州知州如有引見已過六年者。請照知府例。令吏部調取引見。得旨。如所請行。○豁除山東濟寧州魚臺縣水深難涸地九百七十六頃六十四畝。有奇額賦。○丙寅。

上御乾清門聽政。○詣

皇太后宮問安。○幸瀛臺。○諭軍機大臣等。已

達克山。安集延等部落陪臣入覲。已諭沿途各督撫等。加意料理。今據鄂弼奏稱沿邊一帶。間有偏災。恐未能整飭。可傳諭鄂弼。一切供應官兵及回部使人。俱由內地南路豫備。並傳諭直隸陝甘各督撫等。一體遵照。再著陝甘督撫先期知會將軍大臣等。均由內地來京。昨據吳達善奏。分飭南北兩路採聽凱旋官兵。接濟馬匹。今既由南路行走。自應酌量調撥。其北路豫備馬匹。祇須足敷臺站之

用。其餘可酌量調赴南路。俾官兵等遄行無誤。並著傳諭知之。○又諭據吏部議奏。湖南

善化縣失竊。驛餉銀兩一案。該撫將逾限未

獲之失察承緝各員。扣限咨部。覈議辦理。甚

屬輕率。地方遇有偷竊餉鞘。無論外省解部。

本省解司。均關官帑。該撫自應將失事該管

各官具本題。叅交部議處。仍將發覺原由。先

行具摺奏聞。以昭慎重。況該撫所辦事件。其

情節有視此案較輕者。亦多摺奏請旨。而本

年零陵縣失鞘一案。成例具在。何以此案事

本同條。而前後迥然互異。該撫平日辦事。頗

知詳慎。未應輕率若此。著傳諭馮鈐。令將因

何辦理不符緣由。據實明白回奏。○丁卯諭

來年為朕五十誕辰。又來年即恭值

聖母皇太后七旬萬壽。欽奉

懿旨。彤闈集福盛典。駢臻

令妃慶嬪。穎嬪。貴人。博爾濟錦氏。俱淑慎敬

恭。克勅內職。宜加冊禮。以宏嘉禧。

令妃著晉封貴妃慶嬪穎嬪著晉封為妃貴人博爾濟錦氏著晉封為嬪欽此所有應行典禮各該衙門敬謹察例舉行又諭兵部議准題請開復叅革台拱營叅將鄭純等應照例引見該員等始以侵剋營私經原任總督恒文叅革發審及該撫周琬審明定讞實係因公那移以限內全完免罪題結夫因公那移其去侵冒甚遠今定案得實則原叅之誣罔可知封疆大臣表率屬員其責綦重倘於平日意所不愜者或因事捏構重款登諸白簡以冀聳聽即審屬全虛而其人去官涉訟經年沉滯已抱不白之冤在原叅者轉得以風聞未確立身無過之地可乎且即事經昭雪例當復職而上官又或拘牽斥駁無可控訴其情尤屬可憫即如此案設非愛必達為之奏請開復該員等豈不終於廢斥乎嗣後各省督撫等叅劾屬員務在虛公持正悉心體訪固不得姑息示恩亦豈容挾嫌誣奏

倘有所叅重款一加審訊全屬子虛者將原叅之人作何議處至審案已結該員例得開復而督撫不為題請應准本人赴部告理如所控不實即治以虛捏之罪若承審之員或因原叅已經去任有意為之開脫或迴護原叅及擄擄一二輕款以實之亦應分別議處以示懲創其如何詳悉定例之處著該部妥議具奏鄭純等仍著帶領引見尋議嗣後督撫劾叅屬員如重款審虛者明係挾嫌誣奏照溺職例革職道府等挾嫌誣報亦知之至案結事經昭雪例得於本內聲明准其開復或重款審虛尚有輕罪應降罰者亦於本內聲明將原叅革職之案開復按所犯輕重議處倘拘牽斥駁不為題請准本人赴部告理經部查實除本人題請開復外將該督撫照偏袒不公例降二級調用承審官不詳請者亦如之如所控不實將本人交刑部治罪其或承審官因原叅已經去任有意審虛使叅

員倖圖開復將承審官革職有重款雖已審虛擄擄一二輕款以實之代原叅掩飾者降二級調用從之 諭軍機大臣等據昌平州民靳國安等控告該州勒買草束科派錢文一案經步軍衙門具奏特派劉統勳伊祿順前往查審業經審明定擬具奏知州身任地方勒派買辦草束並不給價苛累部民看來此等劣員尚幸及早發覺得依本律杖流完結若令久於其任則習為固然而不肖家人胥役從中滋事其為朘民膏以肥己橐必有不可問者直隸近京州縣往往藉名辦差任意科派自便其私而上官亦或以該員辦差之故不免少為假借於吏治民生甚有關係且即以差務中辦道一切言之向來經理情形原與搭蓋橋座互相調劑是以承辦妥協者用橋座之有餘濟辦道之不足本屬官民兩便但有司自來錮疾有餘者視節省為已吝而墊道稍有不敷則嘵嘵自稱賠累因而

刻剝民夫無所不至轉使歸咎於辦公其心尚可問乎但州縣官辦理之善否不一而為督撫者正當力為整頓毋使借公事而濟私謀且轉以為挾制上官之具現在靳國安所控案已照擬完結著傳諭方觀承於屬員中務須加意體察遇有似此劣員當即嚴行叅處倘以平日稍諳差務遂曲為姑容以致釀成重案又豈愛惜屬員之道乎 吏部等部議覆兩淮鹽政高恒等奏稱淮南引鹽設有監掣同知一員專司查掣淮北係淮安分司查掣查分司原應駐劄所轄場屬地方今淮北三場與分司現駐淮所甚遠且以分司督運之鹽即令分司查掣難免瞻徇請將淮安分司移駐板浦其淮所查掣事宜亦照淮南之例鑄給淮北鹽掣關防於通省同知通判內遴委專辦所有淮所大使及淮北巡緝事宜悉歸統轄等語均應如所請惟是淮北監掣之員既可於同知通判遴委兼攝淮南事

同一例請嗣後缺出均令該鹽政會同該督等揀員兼攝不得仍設額缺從之。禮部奏請遣官告祭嶽鎮海瀆

歷代帝王陵寢

先師孔子闕里得旨長白山等處遣儲麟趾致祭。暨巫閭山遣世貴致祭。東嶽泰山等處遣五福致祭。西嶽華山等處遣馬璘致祭。中嶽嵩山等處遣龔學海致祭。南嶽衡山等處遣朱珪致祭。北嶽恒山等處遣秦大士致祭。

南鎮會稽山遣吳鼎致祭。南海遣德爾泰致祭。太昊伏羲氏等陵遣梁錫璵致祭。炎帝神農氏等陵遣程景伊致祭。女媧氏等陵遣舒明致祭。黃帝軒轅氏等陵遣赫慶致祭。少昊金天氏等陵遣孔子闕里遣圖爾泰致祭。顓頊高陽氏等陵遣孫灝致祭。夏禹王等陵遣顧汝修致祭。遼太祖陵遣武柱致祭。晉封公扎拉豐阿為貝子。散秩大臣薩喇勒為伯。戊辰諭甘省今歲收成稍歉糧草價值較昂。

滿漢各營改支折色。若照向例折給購買未免不敷。所有明歲官兵改折糧料草束及採買滿營糧草價值著加恩照二十三年之例一體加增。其河州鎮標臨洮鞏昌二營及陝省延榆地方並固原一帶協路各營。隸於甘省者均屬災歉之區。著將明歲各營應關折色亦一例增給。以示體恤。該部遵諭速行。諭軍機大臣等。努三等奏稱阿拉善佐領布岱招降瑪哈沁雲敦等十五人。酌留堪為嚮導者三人。餘俱解送京師。現在修理穆素爾嶺道路。俟追勦逆賊事竣後。將索倫吉林兵丁撤回等語。布岱既招降瑪哈沁等。著酌量獎賞。此等降人尚未盜竊生事。著發往甘肅分賞官兵。努三等修理道路。即擬追勦逆賊甚屬可嘉。若能弋獲匪犯。則伊與永貴等從前疎忽之咎俱可寬免。但伊等此時應已奉到來京之旨。即暫回亦可。將來所徹索倫吉林官兵著從巴里坤辦給車輛。由肅州行走。

各回原處。陝甘總督楊應琚奏臣前因大兵凱旋擬將巴里坤馬解往備用今准兆惠咨文停止將第一起馬五千匹仍交總兵存泰牧放其第二起甘省滿漢營馬二千餘匹將抵哈密擬撥一千五百匹赴巴里坤牧放備伊犁等處駐兵屯田之用餘留哈密至陝省所調馬將至河西請以撥補摘缺則嘉峪關以外所儲芻豆俱移為凱旋官兵馬匹之用又舒赫德等請自開展至庫車派駝供運

查臣前辦駝一千一百隻近准定長咨撥昌吉羅克倫烏魯木齊等屯應將軍營行裝駝及節次收獲賊駝分派各臺站休息牧養及解馬官兵未用之駝三百餘隻亦可添補額數報聞○已已諭軍機大臣等據德文奏稱准舒赫德咨查沙雅爾河道通葉爾羌喀什噶爾可否造船試運及堆貯糧石之處查沙雅爾距庫車百四十餘里中間有衛林河之奇塔特地方可貯留糧石等語從前舒赫德

以此具奏已降諭旨謂伊犁駐兵屯田於來年次第辦理不必多派官兵回衆一時安插並傳諭兆惠富德楊應琚等會商妥議即如糧運一事自葉爾羌等處由阿克蘇穆素爾嶺前至伊犁乃正路也若謂山嶺難行由庫車運往則其路更速豈此間別有捷徑乎計兆惠等此時已與楊應琚會議若業經派出回人數百戶行裝亦辦來年四月尚能耕作即遣往亦可或不能速辦可酌量派兵一千

俟來年草生時由穆素爾嶺前往伊犁巡查仍回阿克蘇駐劄俟辦理屯田就緒於後年發往兆惠富德若已起程舒赫德即與楊應琚會議具奏又諭曰定長奏稱前奉諭旨來春於伊犁之格登山刻石紀功順便搜捕瑪哈沁請將阿第木保所領兵選派百名並懇請効力之舒景阿前往等語昨據努三等請派阿第木保兵丁過嶺追賊已諭將此等在軍營年久之索倫吉林兵仍遵前旨撤回

又諭兆惠等酌派官兵一千來春往伊犁巡查則刻石之事自可兼辦今定長處既有工匠著即發往葉爾羌先行刻石紀功俟工竣後再同發往官兵前往伊犁於格登山刻石現在葉爾羌督工即著舒景阿去○命吏部侍郎海明馳赴葉爾羌協同舒赫德辦事以工部右侍郎恩丕署吏部侍郎調河南布政使蘇崇阿為江蘇布政使山東布政使台柱為河南布政使以江蘇按察使崔應階為山東布政使調安徽按察使蘇勒德為江蘇按察使以長蘆鹽運使王檢為安徽按察使
庚午

上詣

皇太后宮侍膳○諭軍機大臣等據王進泰奏王還等捏造偽札以圖陷害楊玉英一案王還等捏造悖逆偽札實屬不法然看來因索詐起釁希圖陷害自屬實情此等無賴匪徒亦不足張皇辦理既經交縣審訊著傳諭該

撫等於審明後即行從嚴完結一面奏聞可也○調江南狼山鎮總兵托雲為四川松潘鎮總兵直隸正定鎮總兵鐵保為狼山鎮總兵松潘鎮總兵楊朝棟為正定鎮總兵
辛未

皇太后聖壽節遣官祭

太廟後殿

上詣

壽康宮行慶賀

皇太后禮王大臣於

慈寧門象官於午門行禮○奉

皇太后幸靜怡軒重華宮侍宴○壬申

上詣

皇太后宮問安○幸瀛臺○諭直隸州知州調取引見應與道府各員一併按照省分遠近酌量分別年分著為定例直隸山東山西河南江南等省著以六年為期江西浙江湖南湖北陝西甘肅等省著以七年為期雲南貴

州四川廣東廣西福建等省著以八年為期庶該員等赴部之期既屬遠均而甄擇人材亦為有益○以兩江督標中軍副將素誠為貴州安籠鎮總兵○癸酉諭曰秦蕙田等進呈磨勘順天等五省鄉試卷所有簽出應行處分各卷頗見詳慎均交部照例辦理惟試卷內有詞意紕繆之甚者於文風士習殊有關係且今日召入諸大臣及磨勘大臣誰無司衡之任不得不為明切宣示俾眾共知之

字彙卷二

五

制義一道代聖賢立言務在折衷傳註理明辭達為尚前因士子多喜為剽竊踏駁之詞不惜再三訓諭俾以清真雅正為宗並將選定四書文頒貯內簾令考官知所程式乃今科順天鄉試中式第四名邊嚮禧文內竟有飲君心於江海之語揆其命意不過飲和食德常言耳而蕪鄙雜湊遂至不成文義此豈字句小疵可比雖不宜以一語擯棄亦何至濫廁前茅若他卷尋常舛謬正不可悉數蓋

由典試事者不能別裁偽體而所好或涉新奇士子揣摩效尤不知墮入惡道此病自有科目以來皆所不免唐時韓愈以試文類於俳優為恥且甚其詞曰人笑之則以為喜人譽之則以為憂可見有司尺度一不足憑深為取士之累然其毅然以道自任尚思回狂瀾於既倒况大臣等將以文學侍從甄拔羣材而可不秉經樹則端後進之漸向乎有明決科之文流派不皆純正但如歸有光黃淳

字彙卷二

五

耀數人皆能以古文為時文至今具可師法國朝人文蔚興前如熊伯龍後如李光地輩並根據理要而體裁自見閎整至若張照等之步趨李光地亦知彷彿先民矩矱雖所詣不深要尚不失於正茲因抽閱試卷特降旨明白宣諭使衡文作文者咸以正風尚厚人心為務愈見前此勅部定例磨勘裨益宏多又匪直為屏斥具文起見也將此通諭中外其明體朕意仍將此旨錄於至公堂俾嗣後

司文者知所警惕。定邊將軍兆惠等奏現
在平定回部安撫新降仍須駐兵彈壓請於
葉爾羌駐兵一千令副都統豐安領健銳營
兵三百名侍衛達勒當阿總管巴雅爾領索
倫兵五百名散秩大臣鄂齊爾領厄魯特兵
二百名以散秩大臣永慶巡查臺站卡座於
喀什噶爾駐兵一千派索倫兵五百名察哈
爾兵三百名厄魯特兵二百名令副都統伊
柱管領於英吉沙爾駐兵五百派索倫兵三

寄錄卷一百一

三六

百名察哈爾兵二百名令副都統豐納亨管
領其阿克蘇烏什等處官兵以阿桂統領仍
派副都統傅景總管羅爾本泰敏珠爾厄魯
特副管旗章京密什泰等分管其軍營年久
官兵俱行撤回計乾隆二十年二十一年派
出之健銳營兵二十餘名吉林兵七百餘名
以愛隆阿管領索倫兵二千餘名以瑚爾起
由屯鄂博什溫布分領察哈爾兵七百餘名
以端濟布敏珠爾多爾濟管領喀爾喀兵百

餘名以公朗袞扎布管領阿拉善兵百餘名
以公袞楚克管領辦給資裝撤回原處派侍
衛訥齊訥特通額塔爾海棟保烏爾圖納遜
扎拉豐阿塔瑪璽瑚什科普薩額勒登額蒙
固勒烏三泰等沿途照管行走至綠旗官兵
臣等業經奏派駐劄葉爾羌等城餘兵撤回
本營近准總督楊應琚議奏屯田兵丁需用
萬人請於撤回官兵內就近截留除在軍營
年久及隨臣兆惠富德等著有勞績者均徹
回休息將續派新兵酌留阿克蘇一千名和
闐三百名烏什三百名賽哩木二百名拜二
百名其餘發往烏嚕木齊等處屯田所有阿
克蘇等處駐兵事宜臣阿桂與閔相師五福
辦理諭軍機大臣等兆惠等奏葉爾羌等處
駐劄官兵各數其餘悉行撤回等語所留厄
魯特兵二百名尚未妥協伊等皆新附之人
在軍營頗著勞績若令久駐既慮其未諳紀
律且亦當稍為休息著傳諭舒赫德等此二

百厄魯特兵即著鄂齊爾帶領撤回仍曉示以安插內地承受恩澤至厄魯特烏魯木等六人內袁楚克扎布陣亡殊可憫惻著查伊妻子加恩優卹烏魯木等亦甚屬奮勉著舒赫德傳諭詢問如願來京即行資給起程或願在軍營効力亦酌量獎賞厄魯特碩通懇請留營効力甚屬可嘉著加恩酌賞銀兩訥齊訥等係乾清門侍衛即著來京供職傳景仍遵前旨來京○又奏回部平定應令各城

伯克等輪班入覲請於凱旋之便帶領貝勒霍集斯公噶岱默特署阿奇木伯克之和什克伯克等前來其餘分為三班以來年為始次第入覲將來貝子鄂對公阿什默特押送內移回人事竣即就便來京又安集延相近之哈爾塔金布魯特頭目納底爾瑪特遣其弟伯克頗拉特告稱我兄管領有一千五百戶呼圖和卓管領有五百戶情願歸誠入覲等語臣等即令與奇布察克之畢阿奇木同

來報聞○甲戌諭今歲京師因夏間得雨稍遲降旨分廠平糶通融調劑市值雖不致甚昂現在時近年節糧價未能即就平減著將在京三品以下滿漢文武各官准其豫支半年俸米於來年春秋兩季應領俸米內分扣所有豫支俸米若令赴通關支未免更需運費而米石亦易透漏外出並著加恩即准於京倉內按數支放則京城米石充裕市價必平於民食亦為有益仍著步軍統領衙門派員留心稽察○又諭曰愛必達阿爾泰報匣由奏事處誤行封發阿爾泰接到既知錯誤自應具摺奏明乃僅咨送軍機處此非瞻顧軍機大臣即係為奏事處作周旋地耳殊屬不合阿爾泰著交部嚴加議處其誤發報匣著兵部趕回更換○諭軍機大臣等兆惠等奏稱大兵凱旋霍集斯告請同行入覲看其情形尚無他故前因霍集斯知額敏和卓已受王封而已尚為貝勒故仍稱為伯克且向

舒赫德飾詞謂烏什原無貢賦恐難信任是以密諭兆惠帶領來京今伊既懇請同行且去年葉爾羌被圍殊為勞苦此次往巴達克山亦頗効力自應加恩但仍令其居於舊地究屬未便俟伊到京時再酌量從優安插伊子漠咱吧爾起程亦不必照解送厄魯特宰桑之例仍與前次入覲一體辦理伊性好猜疑恐其驚惶滋事舒赫德等當善為慰遣昨命傅景來京即令其沿途護送務期妥協霍集斯其餘諸子作何辦理亦著具奏又諭西陲大功告成一應事宜必期熟籌可久從前哈密巴里坤開展等處辦理糧餉臺站諸務俱由內地派員經理今軍需事竣而新隸版圖均有專責若仍行兼辦致本任久懸殊非常制且甘省各營伍官職較他省獨多原為地屬邊疆起見今準噶爾回部蕩平屯田駐兵自伊犁以達葉爾羌向日之邊陲又成內地則文武員弁均應依次移補方與輿地

官制俱為合宜其哈密巴里坤以西應需用道府同知若干員一半於內地事簡處裁汰移駐一半酌量添設駐兵屯田各營應設將弁等亦一體籌辦庶於國計邊防兩得經久之道著傳諭楊應琚或途遇兆惠等詳悉會商或與舒赫德等悉心酌議具奏又諭曰兆惠奏稱內地所送大神威礮十一位回部無需多設請於葉爾羌喀什噶爾各留二位餘七位來春送回原處等語所奏甚是但運送頗覺路遠哈密巴里坤亦可存留著楊應琚酌於此二處分貯○又諭昨諭傅景來京著伊勒圖前往阿克蘇管領兵丁永瑞仍駐劄烏魯木齊辦理屯田事務○乙亥

上詣

皇太后宮問安○幸瀛臺○諭本年江南蘇松各屬間有偏災秋收稍歉糧價較昂所有沿海沿江各營兵丁口食未免拮据著加恩照乾隆二十年之例酌借月餉銀米接濟其應

如何確按歉收分數分別借給之處著該督撫會同提督王進泰速行妥協商酌一面辦理一面奏聞○丙子諭軍機大臣等提督閔相師現領屯田兵丁赴烏魯木齊辦事念其隨將軍兆惠等進兵著有勞績今大兵凱旋著傳諭楊應琚於內地總兵內派員更替即令其來京陛見○大學士等議覆陝甘總督楊應琚等奏稱塔勒納沁共墾地五千餘畝氣候漸暖除青稞小麥外試種莞豆收成已有七分明歲即可全植麥豆就近支給兵食馬料可省內地輓運惟口內田地全資糞壠口外並無糞土若連年翻種則土脈微薄必須分半休歇輪番樹藝俾地力緩息發生益茂再塔勒納沁屯兵墾種現既試有成效請照臣等原議將黃墩營都司一員兵二百名俱挈眷搬移哈密安置其黃墩營都司改為哈密屯田都司常住塔勒納沁聽哈密副將管轄令該副將每年撥兵二百名輪流更替

書東卷六十二

七

屯種黃墩營仍留千總一員兵一百名駐劄聽靖逆營遊擊管轄等語均應如所請行至塔勒納沁屯田官兵量蓋房屋之處應准其酌建仍令該督估報工部從之○軍機大臣等議覆陝甘總督楊應琚遵旨議奏新疆効用武職人數請於在京在部候補候選人員內揀選副參遊都守共二十員發交甘省遇有闕展等處差務陸續委用其勤慎出力者即由駐劄各該處辦事大臣確覈出具考語

書東卷六十二

七

移咨總督不拘題選各缺一例補用仍與內地應補應陞人員通融辦理如遇內地人員較少而出缺多即將在外應補者多用數員或內地員多即將在外應補之員量為輪用俟伊犁等處添設綠營兵加增額缺之時擇其諳練勤奮之員題請坐補坐補外尚有未用者仍於內地題選各缺照前分別補用至此項揀發人員除按品級給與半俸外仍照委署出征人員例副將酌給隨糧二十分參

將十二分遊擊十分都司八分守備六分於截曠項下支銷均應如所奏行從之○是月兩江總督伊繼善奏江寧京口駐防八旗生息銀現存八萬五千兩計歲賞祇需九千兩以七萬五千兩一分起息足敷尚餘銀一萬兩查京口兵有奏准酌借免息銀請以此項銀並前貯鎮江府庫餘息銀九千八百餘兩關收米鋪應繳銀千二百餘兩除奏撥綠營歸本銀千九百餘兩外共得萬九千餘兩存

實錄卷六百一

高

江寧旗庫遇八旗官兵勢不得已事酌量借給從之○安徽巡撫高晉奏淮河北岸彭家溝係北股河分流出水頗暢草壩不足節宣請添建石閘從之○閩浙總督楊廷璋奏臺厦商船米禁甚嚴臺灣米多患穀賤妨農漳泉產少患穀貴病民既利奸匪兼滋偷漏請酌弛米禁專准橫洋船每船帶米二百石穀倍之定口出入責令文武官嚴查無得偷運外番及資島匪違者拏究得旨此所謂因地

制宜也如所議行○又奏杭嘉湖偏災米貴臺米海運可通北風正發請先於福興泉寧四府屬近港處倉穀動撥十萬石諭浙商買運糴濟仍飭臺屬如數派撥俟南風起運入內地補倉得旨甚好如所議行○湖南巡撫馮鈐奏甘省地方遼濶現值凱旋及屯田事務需錢尤多請照湖北協濟錢數湖南每年加鑄八萬串分起運甘從之

實錄卷六百一

高

大清高宗法天隆運至誠先覺體元立極敷文奮武孝慈神聖純皇帝實錄卷之六百一

大清高宗法天隆運至誠先覺體元立極敷文
奮武孝慈神聖純皇帝實錄卷之六百二

監修總纂官經筵講官太子太傅文淵閣大學士文淵閣領事內大臣詹察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

經筵官經筵講官太子太傅文學士文淵閣領事詹察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣重臨內大臣戶部尚書經筵講官滿洲都統軍功紀錄五次

尋常紀錄十四次臣德齡經筵講官太子少保工部尚書紀錄六次臣曹振鏞等奉

校修

隆乾二十四年己卯十二月丁丑朔諭軍機

大臣等據楊廷璋奏浙省動支銀三十六萬
兩委員前赴江楚等處買米恐買地奸牙市
儉聞浙省官買過多昂價居奇有妨彼地民
食是以批令將銀數酌減但既經撫臣遴委
道員前往自能體察情形經營妥協等語所
見甚是前此莊有恭奏到時朕以其籌畫採
買不免過涉張皇即傳諭該撫斷不可為委
員所愚以致身受其累嗣據周琬奏到楚省
一時未能依期購足因降旨即將湖南省運

通米十五萬石兌交浙省既以濟浙省之用
亦正為楚省本地民食起見也在莊有恭急
籌採購接濟尚屬遇事擔當若他人處此其
中保無商同屬員因公濟私情事耶督撫辦
理此等事件務在鎮靜持重方可杜絕弊端
莊有恭雖心本無他而委員動帑一切不為
顧慮則猶未免書生之見雖浙民感其惠而
湖廣江西之民保無怨之者乎且如此張皇
則本省之奸儉必致高擡時價亦非所以愛
本省也自不如楊廷璋所奏較為老成况楊
廷璋特為公事據實陳奏於該撫並無芥蒂
該撫若因此而心存成見與楊廷璋不能和
衷共濟豈封疆大臣協恭之體耶著傳諭莊
有恭所有委員陳守誠即速趕回不得在江
西湖廣設法採買矣其浙省所需米石除前
項十五萬石外現又傳諭馮鈐於湖南常平
倉溢穀以及節年加買穀石內就附近水次
各屬再行酌撥浙省一二十萬石已足資一

切備用所有浙省齋往穀價即留於湖南省聽其隨宜酌買歸款其如何委員轉運接收各事宜該督撫等彼此詳悉會商妥協辦理將此一併傳諭該督撫知之尋莊有恭奏辦理採買蒙聖訓得悉諸弊現在思撥楚米迅速可到民間不至居奇得旨並聞陳守誠家即有積儲汝此舉尚屬發價勒令出米之意如此汝何不具摺奏明耶汝總失於太性急而鮮檢點意本善而事弗通後當以此為戒

○戊寅諭軍機大臣等定長奏稱兆惠等解送布拉呢敦霍集占等親屬十八名口已至闕展辦給口糧送京其隨從男婦等除病故外餘俱解至吐魯番暫行收管請旨安插等語此等回人男婦著一同解送來京俟到日著軍機大臣具奏請旨○以故一等男旺吉爾子敏珠爾襲爵○已卯

上詣

皇太后宮問安○幸瀛臺○諭軍機大臣等成

衮扎布等奏據察達克呈稱扎布堪恰克圖兩旗五佐領人等在珠特和碩布固烏蘇等處過冬於十一月十二日有哈薩克二百餘人前來搶掠章京默勒特呼克驍騎校圖瑪達克等十人被害察達克隨帶兵往探請即行策應防範暫停入覲等語哈薩克性同禽獸伺間搶掠亦事之所有察達克若能追勦固善但此等哈薩克不知係何部落若阿布賚所屬似不應有此或係俄羅斯烏梁海之間所居哈薩克被俄羅斯煽誘亦未可知總之本非大事惟交察達克等加意探聽防範堵截擒勦即須辦理亦待來年成衮扎布仍著來京莫尼扎布諳悉烏梁海情形著前往查勘一得確信作速具奏俱著傳諭知之○又諭曰兆惠等奏稱解京之喀什噶爾阿奇木伯克墨墨氏敏之子阿布都哩木於中途逃匿為商伯克邁喇木拏獲業將逃犯正法示眾賞給邁喇木緞疋以示鼓勵等語邁喇

木以新附之人奮勉獲犯殊屬可嘉著加恩賞銀五十兩以應陞之缺補用仍著舒赫德傳旨獎諭嗣後有似此奮勉者即照例辦理○又諭曰兆惠等奏稱查出先年被賊搶掠之綠旗兵及民人旗奴又上年被掠之巴爾虎喀爾喀綠旗兵逐一詢問遣回各該處其失於查報之將軍大臣官員等應交部議處等語伊等臨身回地若係臨陣得傷倉卒被掠者來投雖晚情尚可原即不妨編入原伍至若中途患病潛匿山林就近逃入回部則其心殊不可問著從寬免其正法照民人例解回原籍所有漏報之將軍大臣官員等分別議處自所應得但大功已竣亦著加恩寬免○又諭據吉林伯都訥之瓜勒察驍騎校獎賞孔雀翎烏靈阿等呈稱康熙年間伊等與錫伯旗分均因獲罪停其授職續因將軍等奏准瓜勒察授職不得過驍騎校遂為定例而錫伯等移駐盛京仍邀錄用等語瓜勒

察錫伯等前雖俱停陞轉而錫伯移駐後仍照常錄用今瓜勒察等行走頗屬効力著加恩一體陞轉錄用○授定邊右副將軍富德為領侍衛內大臣○庚辰諭前因月選官由京赴任資斧不無拮据曾經加恩准其在部借給養廉於到任後扣還其佐雜微員在籍候選雖與需次京師者有間而道里遠近不一伊等微末之員或因按限赴任措置路費不免揭借滋累亦堪軫念著一體加恩就伊等本省領憑之後准於藩庫內呈借養廉以示體恤其作何分別程期酌定數目及扣還報部之處該部定議具奏尋議在本省領憑赴任五百里至一千里以外者州同州判酌借銀六十兩佐雜三十兩二千里以外者州同州判八十兩佐雜四十兩三千五百里以外者州同州判一百兩佐雜五十兩七千里以外者州同州判一百二十兩佐雜五十兩八千里以外者

州同州判二百兩佐雜俱六十兩於各本省
司庫耗羨銀內給發按季報部仍知照任所
各督撫俟該員到任後照在部借支之例於
養廉內分季扣還從之○諭軍機大臣等陳
宏謀由六百里遞到奏摺朕意其或有緊要
事件及批閱數摺如報明布政使常亮員缺
已於數日前降旨將蘇崇阿調補至查審偽
造文札及與浙省彙辦盜案兩事雖曾傳諭
令其由驛馳奏即意在迅速亦不過日行四
百里足矣何必加緊若此嗣後辦理案件當
權其緩急不得輕率輒用急遞以重郵政將
此傳諭陳宏謀知之○以應襲散秩大臣三
太子佛住襲職○辛巳

上御太和殿視朝文武陞轉各官謝恩○諭前
因磨勘順天等省鄉試卷見其中詞句紕繆
不一而足甚至不成文義如飲君心於江海
之語於文風士習深有關係已降旨宣諭中
外俾衡文作文者知所做場第念別裁偽體

以端風尚固在考官臨時甄拔公明而平時
之造就漸摩使士子皆知崇實黜浮不墮揣
摩撓撓惡習則學政責任尤重鄉會兩試乃
士子進身階梯而學臣於三年之前歲科考
校評隲甲乙者此日之生童即可為他日之
舉人進士所云正本清源舍是無由也為學
政者果能以清真雅正為宗一切好尚奇詭
之徒無從倖售文章自歸醇正否則素日趨
向紛歧一當大比為試官者鑠闡校拔不過
就文論文又何從激勸而懲創之且學政按
臨謁廟講書原與士子相見非考官易書糊
名暗中摸索者比文字一道人品心術即於
此見端自應隨時訓勵整頓務去佻巧僻澁
之澆風將能為清真雅正之文而其人亦可
望為醇茂端謹之士由此賢書釋褐足備國
家任使斯士子無負科名而學臣亦不負文
衡之任但不得因有是旨徒以字句疵類易
為磨勘指摘遂專取貌似先正之文於傳註

無所發明至相率而歸於空疎淺陋此又所謂矯枉過正救弊適以滋弊不獨輿論難証一經朕鑒察亦惟於該學政是問今歲正學政受代之始諸臣皆朕特簡各宜勉副興賢育才至意著將此旨錄於學政公署並各府州縣學明倫堂用資觸目警心而凡我多士亦皆得審所就範朕實有厚望焉諭軍機大臣等舒赫德等奏稱葉爾羌喀什噶爾英吉沙爾三城所留馬駝牲隻應派官兵加意牧養計兆惠交馬七百餘匹駝七百餘隻富德交馬二百餘匹駝一百餘隻又健銳營官兵三百名馬七十餘匹駝十餘隻索倫官兵五百名馬二百餘匹駝四十餘隻厄魯特官兵二百名馬二百七十餘匹駝七十餘隻等語以滿洲索倫厄魯特人數及所有馬駝相較究屬厄魯特為多索倫次之健銳營兵為數最少看來厄魯特等習知牧事始能如此妥協今滿洲兵多屬少年不知愛養馬駝於

軍務未為盡善嗣後宜倣效厄魯特等牧養之法庶伊等駐防有資而推以教習滿洲兵丁更為有益著舒赫德傳諭派出之大臣官兵等即將三城所留馬駝加意牧養至厄魯特官兵等昨已諭令撤回可乘騎所有馬匹歸伊旗分并著遵照辦理○吏部議覆廣西布政使葉存仁奏稱粵西太平思恩泗城鎮安四府距省遙遠遇有知府丞倅州縣患病輒轉詳報委署有需時日請嗣後該四府知府丞倅告病該管道委員驗看即令接印暫署州縣告病該管知府即委鄰近州縣驗看接印暫署俟督撫委員交代等語應如所請至所稱各邊缺府州縣病故該管道府據報即委鄰近丞倅州縣收印暫署一面詳報督撫之處亦如所奏辦理從之○叅贊大臣舒赫德等奏酌定和闐六城賦稅一收穫穀石應照各城十分取一因甫經平定酌量減收俟來年另行定數其塔哩雅沁地畝所出與

佃人分半收取即照舊例辦理一所產玉石視現年採取所得交納一採金三百戶每年照舊例交金六十兩一交納騰格錢文因六城生計未裕暫定為一萬二千騰格俟三年後酌量加增以四千充官兵三百員名鹽菜之需以七千七百分贍各城伯克及誨經支用餘三百流轉備用一貿易之伯德爾格等十戶應交金十兩請俟商人通行後再行交納一六城官果園七處既被賊踐踏基址亦小請賞給各城伯克一和闐難得銅鉛向俱藉葉爾羌等處錢文行使現在咨取內地匠役在葉爾羌鼓鑄俟鑄出時酌量撥解得旨如所請行○予故山西巡撫塔永寧祭如例

○壬午

孝惠章皇后忌辰遣官祭

孝東陵○癸未諭軍機大臣等同德等奏大功告成巴里坤所駐綠旗兵二千二百餘名應酌量裁減九百餘名經軍機處議以伊犁現

議屯田與其撤回不若候議定就近發往即伊犁辦理需時亦可先往昌吉羅克倫等處以漸遷移等語業經允行可傳諭舒赫德楊應琚等此時曾否會議伊犁屯田定在何時即先往昌吉等處而農具籽種亦須豫備若來年可以增墾當令兵丁在巴里坤守候其或不能則駐兵守候與撤回後再行派往孰為便益即行酌議奏聞至屯田以足軍食自當籌其實濟以內地農民計之一人可食數人而生穀祇有此數終未見匱乏若行之邊方即僅敷屯兵口食無所留餘便屬有名無實矣今已耕之土收穫無多其故安在併傳諭舒赫德楊應琚等與屯田大臣熟計覆奏○又諭曰楊應琚奏庫車附近採買硫磺宜立法官辦回人不得擅取私藏等語所見殊失大體此在綠旗陋習以為如此立法足見其區處精詳殊不知回部新隸版圖以土著之人取土著之物或即向官兵轉售以圖微

利亦情理之常。安能盡行禁絕。若謂不許私藏。便可防患其事。與撫納降人。先收兵器之見等耳。且現在官兵進剿回人。戰則勝。攻則取。前此何嘗不產硝磺。又何嘗禁其採取耶。所謂民可使由。不可使知。非惟事有難行。抑亦理所不必也。著傳諭該督知之。○吏部議覆直隸布政使三寶奏稱。州縣承修工程。覈減銀兩。完解不前。該管府州以無關考成。一任拖欠。請嗣後揭參州縣完解遲延之日。即將不力之府州一併參處等語。應如所奏辦理。除各員於離任後始奉部覈減著追者。仍分行各直省現任及原籍立限勒追外。其在任時奉追銀兩。初參不完。本員例應降俸二級完納者。該管府州降俸一級督催。二參以後如之。至順天府四路同知於所屬州縣覈減未完銀兩。亦應如所奏一體責成。參處從之。○戶部等部議覆山東巡撫阿爾泰疏稱。山東糧道庫大使兼管德州倉。向令經管漕項。

及德常二倉銀近。准部議將臨清倉錢糧歸糧道經管。亦應庫大使支放。所有德州倉米事務。該大使似難兼顧。查常豐倉大使既管該倉本色米。請將德倉併歸常豐倉大使兼管。至常豐倉大使向屬德州管轄。今所管俱係道庫事務。請改歸糧道管轄。其倉庫兩大使鈐記。另請改鑄。并糧道關防內改鑄山東督糧道兼管德常臨清倉事務關防。再巡撫衙本向因兼管關倉。是以關倉關防內有兼管臨清倉字樣。今臨倉歸於道管。亦應改鑄監督臨清鈔關戶部分司關防等語。均應如所請從之。○兵部議覆稽查獨石口等處鑲白旗護軍統領宗室弘昫奏稱。張家口額設上三旗防禦三員。如遇缺出。惟將上三旗官員揀補。其下五旗驍騎校並未得有陞途。請將防禦裁一缺。餘二缺每翼各分一缺。管轄四旗。原設驍騎校六缺。添二缺每旗各分一缺。凡遇陞轉。均令按翼保送等語。應如所請。

從之。○甲申。

上詣

大高殿行禮。○諭前命皇六子嗣慎郡王後。以承王祀。著封為貝勒。於明年就府。○定皇子分封後章服。諭皇子教育宮中。俱服四團龍補服。及分封之後。當服用各視現在爵秩。第念皇子年屆受封。豈必概膺王爵。自親王郡王。以及貝勒貝子。公秩分五等。惟朕所命。但皇子等均均在內廷。自不與外廷宗室同科。彼兄弟同懷聯序之間。亦未宜以章服等差。致生形跡。嗣後皇子分封。所有俸摺官屬。各依封爵外。其一應章服。著仍照皇子時服用。如此。則儀制既為允協。而諸皇子兄弟間。亦不致稍存意見。我子孫億萬年應奉為令典。著將此旨錄存尚書房及宗人府。以昭來許。○欽差侍郎如松等奏。遵旨盤查海運等倉米實數。得旨。此案據如松。劉統勳等。逐廠盤查。尚無短缺情弊。則該倉場侍郎等。從前辦理。

殊失於過嚴。著即將餘米一千五百石。准其抵補掣欠。其不敷之數。再令車戶照例賠補。至該車戶等。於裝運時。隨意攔留。以致缺前。餘後。自有應得之罪。著交與倉場侍郎。責處示懲。足矣。不必交刑部治罪。○賑甘肅臬蘭河州。靖遠。金縣。安定。岷州。鹽茶廳。環縣。山丹。武威。古浪。平番。莊浪。碾伯等。十四廳州縣。及東樂縣丞屬。本年旱災貧民。○乙酉。

上詣

皇太后宮問安。○諭曰。秦大士。不必在尚書房行走。○諭軍機大臣等。現在大功告成。自應令額敏和卓還家休息。但葉爾羌等城。俱屬新附。必得熟悉回俗。老成歷練之人。駐劄辦理。額敏和卓。以舊人効力軍營。頗著勞績。深悉機宜。是以暫令留駐。但伊數年來。久離家室。若仍令其隻身居外。朕心更為軫念。是以諭照成衮扎布。駐劄烏里雅蘇台之例。携眷前往。可傳諭額敏和卓量移家口。暫行駐劄。

俟諸事就緒即可復回著遵照辦理○又諭
曰德文奏稱庫車伯克鄂斯瑞因齊凌扎布
領兵五百護送降回捐備一月口糧支給起
程等語鄂斯瑞急公助餉甚屬可嘉著傳諭
納世通等照數酌給價值以示體卹○以鑲
黃旗漢軍副都統阿蘭泰為歸化城都統察
哈爾總管傅鼎為鑲黃旗漢軍副都統○丙
戌諭軍機大臣等成衮扎布奏杜爾伯特車
凌烏巴什領兵三百五十名追襲搶掠烏梁
海賊人伊即傳知額爾克沙喇等整兵暫駐
俟虛銜藍翎塞音台吉都噶爾等探得確信
即行進剿等語初聞哈薩克搶掠烏梁海之
報即諭莫尼扎布前往查勘今車凌烏巴什
聞信即領兵追襲殊屬可嘉俟查辦確實再
加恩獎賞此時成衮扎布若業已起程仍入
京與宴或尚在束裝即留彼辦理亦可所得
信息作速奏聞○以頭等侍衛特克慎為山
東登州鎮總兵○丁亥諭軍機大臣等努三

奏稱追襲瑪哈沁等至博斯克塔克嶺據嚮
導等恐賊人在附近藏匿派索倫營總巴圖
魯端濟勒圖厄魯特巴圖等領兵搜捕伊等
隨後策應如未能弋獲即遵旨撤回等語努
三雖派官兵追賊仍須親往督率若擒獲渠
魁即解京正法餘人俱遵節次諭旨辦理將
厄魯特等酌量遣往烏魯木齊其帶領前來
各隊官兵撤回巴里坤辦給車輛各回原處
或賊已遠颺亦作速奏請撤兵俟來年再為
辦理○戊子諭軍機大臣等德文奏稱齊凌
扎布等解送回人內有喀什噶爾等處男婦
六十七名口安插庫車葉爾羌等處男婦五
十七名口安插沙雅爾等語從前兆惠等請
將收降回人安插吐魯番曾諭以大功既成
伯德爾格塔哩雅沁烏沙克等回人俱從寬
免死其餘回衆不必遠行安插即留於各城
若係葉爾羌喀什噶爾之人業已前來亦無
庸復回遇便安插此次人數不多即如所奏

辦理。但此等隨從逆賊之人恐怙惡不悛逃竄滋事。著駐劄大臣等留心約束。稍有可疑即酌量辦理。○軍機大臣等議覆兩廣總督李侍堯奏防範外夷規條一禁止夷商在省住冬。查每東貿易夷船自進口以至歸棹原有定期。本不許潛留內地。近因行商等或有掛欠未清以致該夷商等藉詞留寓省會難免勾結生事。今該督請於銷貨歸本後依期回國。即有行欠未清亦令在澳門居住將貨物交行代售。下年順搭歸國等語。係為立法制防起見。應如所請辦理。但恐不肖行商知夷商勢難久待。有意措留壓滯。嗣後遇有此等情弊一經告發。地方官將奸商按律處治毋貸。一夷人到粵宜令寓居行商管束稽查。查夷商到粵寓歇行商館內原不許任意出入。若非官充行商招誘投寓不獨勾引出入無從覺察。而交易貨物多不經行商通事之手更滋弊竇。應如該督所請。嗣後令夷商歇

寓責成現充行商加謹管約房屋或有不敷並令行商自行租賃撥人照看毋許出入漢奸私相交易但行商等不得以撻縱在已有意把持短價勒指並令地方官留心訪察嚴加查禁一借領外夷資本及雇倩漢人役使並應查禁查向來夷商到粵祇許將帶來貨物售賣置買別貨回國其一應禁止出洋之資不得私販近來內地行店民人多有向夷商借本貿販冀沾餘潤應如該督所請令借領資本之行商人等據實首明勒限清還免其提究嗣後倘有違禁借貸勾結者照交結外國借貸誑騙財物例問擬借銀查追入官至夷商所帶番廝人等足供役使原不得多雇內地民人此後除設立通事買辦外如有無賴民人貪財受雇者交地方官嚴禁倘有徇縱一併懲治一嚴禁外夷雇人傳遞信息積弊查外來夷商投行交易自不得任其藉詞探聽雇倩脚夫傳遞消耗以致與內地奸

商往來交結。應如該督所請嚴諭行商脚夫
人等。嗣後一切事務。俱呈明地方官。聽其酌
量查辦。倘有不遵禁約。即將代為覓雇及遞
送之人。一併嚴治。至西洋人寄住澳門。遇有
公務。轉達欽天監。飭令夷目呈明海防同知。
轉詳督臣。分別咨奏之處。亦應如該督所請
辦理。一夷船泊處。請酌撥營員。彈壓稽查。查
夷船收泊。所帶夷梢衆多種類各別。性多暴
悍。既易滋事行兇。而內地奸民。蠅戶復潛為

勾引。今該督奏稱。向派廣協外委一員。帶兵
十二名。不足彈壓。應准於督標內揀派候補
守備一員。專駐該處。督同守寨弁官。防範稽
查。從之。○吏部議覆直隸布政使三寶奏稱。
順天府四路同知。本係專司捕盜。而管理各
州縣刑錢事務。與知府直隸州同現在所用
關防。兼永平保定河間等府銜。未免名實不
稱。請將關防更換為順天府某路刑錢捕盜
同知關防。惟西路有稽察水利工程。應增水

利二字。應如所請。從之。○己丑
上詣

皇太后宮問安。○諭據蘇昌等奏。在籍御史孫
紹基等。因知府邱銓欠債不償。長隨謝恩。戳
死康應選一案內。紹基指臬司名色。撞騙邱
銓父邱必達銀三千兩。請旨一併革審等語。
孫紹基曾任言官。告病回籍。乃不知安分守
法。指撞婪贓。甚為無恥。孫紹基及州同張兆
霖俱著革職。與案內有名人犯。該督等一併
嚴審究擬具奏。○諭軍機大臣等。據蘇昌等
參奏。御史孫紹基。州同張兆霖。指名撞騙一
摺。已降旨將孫紹基等革審矣。在籍搢紳。武
斷鄉曲。最為政事人心之害。屢經訓飭整頓。
近來頗知安分自守。不敢干與地方公事。交
通賄賂。乃孫紹基告假在籍。輒敢指名臬司
肆行撞騙。受賄累累。大干法紀。况御史職司
風憲。又豈尋常在籍官可比。該督等一經訪
實。即據實參奏。執法不撓。深屬可嘉。著傳諭

蘇昌等所有廣西柳州府知府邱銓已有旨革職解楚審訊該督等奉到此旨提齊各犯秉公嚴行審訊定擬不得稍涉瞻徇以儆官邪以肅功令○命編修謝墉在尚書房行走○庚寅

上御乾清門聽政○諭軍機大臣等成衮扎布等奏據駐納密爾沙扎海卡座之原任藍翎侍衛布三泰報稱伊至吹阿勒和碩遇內大臣察達克等曾詢問帶傷之哈薩克人告稱搶掠烏梁海係阿布齊宰桑噶哩布有衆五百人由吹阿貝喀布齊勒路前來仍於來路轉回請仍照前奏領喀爾喀兵一千合杜爾伯特烏梁海之衆前往勘明就近追勦等語阿布齊係久經歸附之人豈敢妄動但伊不能約束所部以致乘間搶掠亦未可定自當痛加懲創此時亦不必遽往且俟察達克車凌烏巴什莫尼扎布等查奏於來年辦理所有糧餉馬匹則須密為豫備成衮扎布仍駐

劄軍營令車布登扎布來京筵宴畢即同富德等領索倫兵五百名派扎哈沁杜爾伯特等千餘名餘於喀爾喀揀選約兵二千俟草青時乘哈薩克不備相機進勦一切密查妥辦即察達克等亦不必先使與聞惟期一舉蔽事以飭邊防而昭國法俱著傳諭知之○刑部議覆盛京兵部侍郎果勒敏奏稱定例由刑部發遣黑龍江等處人犯俱由兵部給發牌票解送臣部派員轉解其遇中途患病該州縣會同該界內旗員具結留養今竟遲至二三年始行起解不無託故稽留情弊請嗣後將山海關以內交直隸總督山海關以外交盛京將軍並奉天府尹查察如有率行出結任其遷延即將該州縣及旗員等叅處均應如所奏再臣等查各省遞解人犯或有似此者請通行直省一體遵行得旨遞解人犯遇有中途患病留養者沿途地方官自應實力查察令其即抵配所乃恃有國家法外

之仁。任意稽滯。甚至有乾隆二十年三十二年。留養之犯。至今尚未起解者。各案內因何遷延逗遛。有無吏役賄徇作弊之處。著該督等確查明白回奏。○以光祿寺卿程巖為太常寺卿。○旌表守正被戕之四川南部縣民盧嘉信女盧氏。○辛卯。諭軍機大臣等。袁扎布等奏。哈薩克搶掠烏梁海。係阿布賚屬人。看來必非阿布賚本意。乃所屬託名滋事。但哈薩克人等素性喜於僥倖。一面在烏魯

木齊貿易。一面在他處搶掠。亦事之所有。若不加防範。則存貯貨物。亦有可虞。固不必先事張皇。亦當豫為防範。著傳諭舒赫德等。回部俱有城郭。駐兵亦多。即如阿克蘇。現在無事。著將所留索倫兵。調往烏魯木齊。如有不敷。即於葉爾羌等城抽派約三百名。前往巡察彈壓。至辦理貿易之安泰等。如遇哈薩克貿易。留心偵探察看。若來人少。而馬匹牲畜多。自無可疑。否則未可全信。當相度情形。密

為防範。伊等即忽然竊發。我已有備無患。但不可以風影之疑。自露形跡。使遠人惶惑。安泰等於哈薩克情形。諒所素悉。一切加意慎重。庶可杜僥倖之端。亦不啟猜疑之釁。方為妥協。○又諭據莊有恭奏。浙省所需採運米石。已奉旨撥給湖南省米十五萬石外。請將浙省所餘銀兩。儘數交存湖南藩庫。於楚省加貯穀石內。一例定價覈計。碾給米石等語。前經馮鈐摺奏。該省常平溢穀。及節年加買

穀石內。尚可撥協隣省。已降旨令其於前項十五萬石外。再行酌撥一二十萬石。接濟浙省。統計兩次所撥米石。已至三十餘萬。浙省今歲歉收。雖非十六年。及二十一年。可比。但豫備賑糶。需米既多。而楚省加貯之穀。現在有餘。衷多益寡。自不應存畛域之見。著傳諭馮鈐等。將楚省加貯項下。通行酌計。於前撥米石外。有可再行擴充接濟隣省者。即量浙省委員所齎銀兩。按數儘力寬裕撥給。一切

事宜該撫等彼此會商妥協辦理將此一併傳諭莊有恭知之○又諭據愛必達奏查拏江西客民羅向賢捏寫謠言一案首先傳播之黎調元等俱係得自廣西現咨粵省嚴拘確究等語此案捏播謠言輾轉煽惑甚屬不法自應逐一根究按律嚴治以儆奸邪但巡撫鄂寶現在赴京陛見恐非葉存仁所能辦理著傳諭李侍堯令其前赴粵西密速拘審盡法定擬但一切辦理固應精細詳慎毋使漏網尤須從容鎮靜不得稍涉張皇轉滋紛擾將此傳諭知之○又諭據來朝所奏一摺已批令交與該督議奏矣查禁民間烏鎗一事雖為禁民為匪起見但民間鬪毆生事不必定用烏鎗即立法編號稽查其始徒苦紛繁其後亦成故套正與吾邱壽王禁民挾持弓弩之法等耳至於毆差奪犯應立法懲儆此等悍惡之徒最為地方根莠自屬封疆大吏整頓風俗者應行辦理之事來朝既有此

奏著傳諭李侍堯令其詳悉定議奏聞請旨○吏部議失察屬員私派累民之調任霸昌道孔繼洞應照例降調得旨孔繼洞前任部員時尚知黽勉是以加恩擢用及在陝甘道員任內並不盡心出力經黃廷桂奏聞調任霸昌以觀後效乃遇屬員私派累民毫無覺察自應照部議降調但不明白宣諭則此等公罪人員原有送部引見者亦有照議降調者庸衆不知朕酌量人材以示區別之意妄生揣摩以為內閣票擬得以輕重其間也孔繼洞著降二級調用

大清高宗法天隆運至誠先覺體元立極敷文
奮武孝慈神聖純皇帝實錄卷之六百二

實錄卷之六百二

三十九

大清高宗法天隆運至誠先覺體元立極敷文
奮武孝慈神聖純皇帝實錄卷之六百三

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履歷

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

曹纂輯都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹休熊等奉

敕修

乾隆二十四年己卯十二月壬辰諭曰莊有

實錄卷之六百三

一

恭奏署將軍伊靈阿副都統劉揚咨行布政
司取給轎役工食一摺將軍提鎮乘輿久經
降旨飭禁前因伊等有因公赴京遇地方向
無馬匹之處跋涉惟艱或本處偶值天雨觀
瞻有礙因量為區別所降諭旨甚明昨福祿
赴任請訓時朕方面諭以整頓營務訓練防
兵不得徇於便安輒自乘輿出入則前旨之
並非概令乘用益屬顯然該副都統等何敢
冒昧竟以為例當乘輿輒敢徑行布政司關

取輜役工食。經該撫咨駁。尚自悍然不顧。仍擅自乘用。肆意妄行。甚屬無恥。伊靈阿。劉揚。俱著革職。來京候旨。莊有恭能破除情面。秉公據實奏聞。深可嘉尚。著交部議叙。各省內倘有似此者。並著該督撫等各查明具摺奏聞。不得稍存瞻徇。○又諭。御史羅典請定市肆米價。史茂請禁花檔小唱。雖各以民生風俗為詞。而其實於事理俱未明曉。今年夏間得雨已遲。恐米糧易致翔貴。先經發倉平糶。以裕民食。及甘霖霑濡。大田仍獲半收。惟節候已晚。自不能致豐稔。市價未即平減。職此之故。然使非六月內得蒙甘澤。物價之騰踊。伊於何底。迨時屆冬令。復就各廠接糶麥麪。豆石草束。並豫借三品以下京員俸米。俾糧石充裕。市儈不得囤積居奇。所以酌量調劑之法。不過如此。自開倉以來。糧價每石減銀二三錢不等。此人所共知者。若該御史所奏市肆貿易米麪。定以升斗限以價值。無論市

價不貳。早為予與所譏。物理斷不可行。即專為撙減。厥價而論。亦恐販賣居奇者。愈得因緣為奸。而貧民何從得濟。國家令行禁止。固無所不可。至以米價強勒市人。則初無此政體。羅典乃欲援鹽法以例穀數。則又所謂遁辭。知其所窮耳。至史茂欲禁止小唱。而張皇其說。以為色飛淫蕩。關係風俗。人心云云。言之尤為太過。此等不過俳優賤伎。逐末營生之一類。如果在地方生事滋擾。本應隨時究治。然京師地當輦轂。理大物博。為五方歸極之區。若紛紛躑躅。徒使胥吏乘機多事。為累不淺。且由此推而極之。如古所稱衢歌巷舞者。果一一盡干例禁乎。又查禁不已。必致改業。今日花檔。明日彈詞。說書以致手技口技。何所不至。亦不能隨蹤躑躅。盡舉而繩之以法。立政去其太甚。不尚煩苛。二摺所見畧同。均屬不知體要。着將原奏發還。并通行宣諭知之。○諭軍機大臣等。成衮扎布奏據察達

克等報稱哈薩克搶掠之時。因分散游牧。一時難聚。是以追襲稍遲。且未奉諭旨。不敢遽進等語。察達克等所屬被掠。自必奮思報復。其候旨始進。亦係遵守法度。但哈薩克所屬頗多。諒非阿布賚游牧所為。察達克等若能整兵前往捉生詢問。亦可得確實信息。惟進兵之時。不必以奉旨為言。蓋哈薩克等既經內附。若小有盜竊。即云奉旨發兵。則伊等未免驚懼。現在大兵未進。亦未免妄生輕玩。且

阿布賚等或遣使奏聞。自可覘其虛實。此時察達克若已前往。即令莫尼扎布同行。亦不必使哈薩克知之。○以靖海侯施廷臯子純凱。一等子溫都遜子德爾格楞貴。二等子王條子王熾。三等子黑達色子奇拉克等各襲爵。○癸巳

上詣

皇太后宮問安。○諭本年江蘇通泰淮三分司所屬之丁溪。小海草堰劉莊伍佑。新興廟灣

等七場應納折價著照被災十分之例。蠲免十分之七。其蠲剩錢糧分作三年帶徵。至泰屬南五場通屬十場淮屬三場被災較輕之處。亦著將應徵之項分作二年帶徵。以示體恤。該部遵諭速行。○又諭。昨因杭州副都統伊靈阿等擅自乘輿。咨取轎役工食。已降旨宣諭。茲乍浦副都統圖克善陞見來京。因同在浙省。朕命軍機大臣傳旨詢問。伊初尚支吾。及加以嚴詰。乃稱咨取工食。私自乘輿與

伊靈阿等事同一轍。看來伊等新染外省武職惡習。遂至毫無忌憚。若此。殊不思伊等不過於叅領等員。內資秩相近。似屬能事。不過依次擢用。本非有汗馬之勞。出衆之材也。乃儼然自負大員。狃於便安。惟尚出入虛文。且冀兼收役食。庸妄鄙瑣。不可不示以懲儆。圖克善著革職。發往定長處効力。其各省中有似此者。著督撫等遵照前旨。各自據實奏聞。○又諭。鑲藍旗滿洲舊營房居住護軍英圖

有殺死人命之案。管舊營房副都統永璲。稟奏為匪旗人並未敘入。顯係有心蒙混。再新營房居住佟大。將陳氏之夫打死。亦未具奏。詢問管新營房之護軍統領弘晌。據稱新營並無奏聞之例。俟刑部完結移到之日。再行參奏等語。新舊營房俱屬一體。舊營既按年具奏。新營有何不可具奏之理。今弘晌以無例為辭。尚可支飾。至云俟刑部完結。再行辦理。甚屬取巧。朕若不問及。伊果肯具奏乎。似此惡習。豈能於朕前嘗試。弘晌永璲俱著交部嚴察議奏。嗣後新舊營房著一體具奏。八旗大臣。係朕特加揀用。有教養旗人之責。一切事務。理宜留心辦理。若謂於己無涉。一味推諉。惡習斷不可長。似此者。經朕查出。必從重治罪。著通行曉諭知之。○諭軍機大臣等。昨據成衮扎布奏。哈薩克所掠烏梁海內。脫出十餘人。請令額爾克沙喇與莫尼扎布前往詢問。並加撫卹等語。烏梁海被掠一事。可

疑處頗多。必須查詢明白。方得辦理之法。朕意或俄羅斯等欲阻阿布賚之內附。託名搶掠。或哈薩克以從前曾附俄羅斯。被其詰責。故以搶掠示信。或阿布賚不能約束所部。致其妄動。或哈薩克錫喇尚存煽誘生事。大槩不出此四端。著傳諭成衮扎布。即交額爾克沙喇等詳悉訪問。作速奏聞。仍與察達克等密商辦理。○又諭據阿爾泰奏。維縣民張志瑞與譚姓打降。典史金廷選往查。被張志瑞毆打等語。部民毆鬪滋事。最為惡習。典史有地方之責。自應前往彈壓。乃張志瑞等輒敢爭鬪。甚至辱毆。罔知法紀。所當按律嚴懲。以儆刁悍。至摺內所稱典史先至貢生譚絃家。後始赴集。不問曲直。用鞭疊毆。是在該典史亦不無左袒情節。該撫惟應究明案證。曉諭衆人。先將張志瑞等治以毆官之罪。俾小民知抗法犯尊。律在不宥。其中該典史有無偏徇營私情弊。亦即據實嚴查。正不得以意在

警遏刀風於屬員稍有瞻徇辦理庶為公當
將此傳諭阿爾泰知之○以一等男傅起弟
六十五三等男舒德姪西蒙額等各襲爵○
甲午冊封

令貴妃

慶妃

穎妃

豫嬪命大學士傅恒為正使協辦大學士劉
統勳為副使持節冊封

令妃魏氏為

實錄卷六百三

八

貴妃冊文曰朕為化起二南贊理必資乎淑德官分
九御褒榮遞進夫崇階爰沛綸音式加象朕爾
令妃魏氏素嫻女誡早侍掖庭勤慎居心柔
嘉著範欽承

聖母供內職以無違敬佐中宮稟徽音而有恪
前晉封乎妃秩已越十年今稱慶於

宮闈恭逢

萬壽奉

皇太后慈諭冊封爾為貴妃尚其克承榮錫永
流翟茀之光益懋芳徽式協珩璜之度欽哉
命大學士來保為正使禮部尚書伍齡安為
副使持節冊封

慶嬪陸氏為

慶妃冊文曰朕惟贊中宮而起化克佐蘋蘩
奉內職以宣勤宜光綸綍爰申令典用晉榮
封爾慶嬪陸氏夙著柔嘉素嫻禮則早膺象
服小心祇事夫

慈宮久侍

璇闈令德夙傳於女史茲奉

皇太后慈諭冊封爾為慶妃尚其欽承翼命迓
景福以咸綏仰贊坤寧荷鴻庥於益懋欽哉
命大學士蔣溥為正使禮部尚書陳惠華為
副使持節冊封

穎嬪巴林氏為

穎妃冊文曰朕惟椒庭贊化彰恭順於彤闈
璇殿承

恩廣蕃禧於紫掖爰稽令典式播溫綸爾穎嬪
巴林氏夙著芳箴久襄內治贊玉璽於中壺
淑慎其儀被綸翟於深宮柔嘉維則茲仰奉
皇太后懿旨冊封爾為穎妃尚其春容瓊佩用
襄坤德之含章左右金根上介

春暉之

純嘏欽哉命協辦大學士鄂彌達為正使禮部
左侍郎介福為副使持節冊封

貴人博爾濟錦氏為

豫嬪冊文曰朕惟分九嬪以贊化德重柔嘉
迓百福以承恩儀維淑慎爰加錫命式煥綸
音爾貴人博爾濟錦氏秉質溫純宅心端謹
承

慈顏於

璇殿內職無違佐雅化於蘭宮壺儀有恪茲奉
皇太后懿諭冊封爾為豫嬪尚其祇膺象服崇
令德而彌勤式荷鴻庥集繁禧而益永欽哉
○吏部議御史羅典參奏內閣學士王鳴盛

奉命典試於路置妾奉旨交部議處應將王
鳴盛照不應重律私罪降三級調用有加一
級准抵仍降二級調用從之○補行福建省
乾隆二十二年大計不謹官二員罷軟官一
員年老官七員有疾官二員才力不及官二
員浮躁官一員分別處分如例○加賑山東
海豐利津霑化樂安平度膠州高密即墨德
州衛冠縣臨清館陶夏津武城恩縣臨清衛
等十六州縣衛永阜永利王家岡等三場本
年被水被潮貧民○是日庚辰年立春順天
府進土牛春山寶座○乙未諭軍機大臣等
永德奏哈薩克阿布賚屬人帶馬五百匹赴
烏魯木齊貿易閱其情詞頗為恭順看來搶
掠烏梁海者非阿布賚屬人朕昨以可疑之
四端指示若有一於此則冒昧進兵反墮其
術中故必詢問明白非謂大功告成遂可苟
且姑息也額爾克沙喇等可告知察達克此
時且不必直入哈薩克界俟捉生詢問得實

具奏。朕再酌量辦理。○予故正白旗護軍統領一等褒績公舒靈阿祭葬如例。○丙申諭軍機大臣等。據阿桂奏稱現在阿克蘇拏獲額魯特匪犯三名。皆官兵隨僕。盜馬潛逃。業經訊明正法。示衆等語。此等額魯特。皆勦戮之餘。管束三年。惡習尚未悛改。阿克蘇既經拏獲。則沿途必尚有脫逃者。若不嚴行查拏。致流為瑪哈沁。地方何由寧謐。著通諭哈密巴里坤。闡展烏魯木齊。喀喇沙爾庫車等處大臣。務宜留心拏獲。訊明正法。至分賞官兵之回人等。有似此盜竊脫逃者。亦照例辦理。併傳諭楊應琚。吳達善。阿桂知之。○命編修汪永錫。在尚書房行走。○授和碩誠親王允祕第七女為郡主。婿納遜特古斯。為郡主額駙。○旌表守正被戕之山西祈縣民王定邦妻溫氏。○丁酉。

上詣

皇太后宮問安。○幸瀛臺。○戶部議奏據兩廣

總督李侍堯咨稱本年御史李兆鵬奏請禁絲劬販賣出洋。經部議准在案。至綢緞綿絹。是否應禁。設有私販出洋。應否與絲劬一併計算輕重。定擬等語。查綢緞等物。總由絲劬所成。自應一體嚴禁。請嗣後綢緞綿絹。如有偷漏私販者。亦按劬兩多寡。分別科罪。失察文武官弁。照例議處。從之。○刑部議覆雲南按察使吳紹詩奏稱。各省學政遇有應行發審事件。應毋論情節輕重。一面批飭提調等官審訊。一面咨明督撫稽查。提調等奉批。即行具文通報。除例應當場完結者。聽提調等官隨時發落。報明學政。並督撫藩臬外。其枷責以上罪名。俱照例擬議。一面報明學政。一面詳解藩臬覈轉。督撫分別批結咨題。至提調等不行通報。除罪有出入。分別故失。照例叅奏外。即罪無出入。亦照應申上而不申上律議處。均應如所請。從之。○叅贊大臣舒赫德等奏據自土伯特商販轉回之巴達克山

塔什干及葉爾羌等處回人運到貨物。臣等飭交該管官。仍照舊收稅。嗣後徵收。請於歲底造冊。送部覈消。又和闐六城所交糧石。舊例十分取一。每年二千帕特瑪。因甫經撫定。酌量暫收九百九十五帕特瑪。一帕特瑪準官石四石五斗。共四千四百七十七石五斗。俟來年。仍照舊例徵收。又招撫之沙爾呼勒伯克穆喇特。告稱我等所管五百戶。僅餘二百餘戶。今聞霍集占伏誅。自必陸續投回。向例每戶貢金一錢。請於來年交納。並請添設商伯克哈子阿爾巴布瑪呼咱爾等缺。臣等照例給以翎頂。令其協同阿奇木伊什罕辦事。報聞。○琉球國王尚穆遣使表謝冊封。並進方物。下部知之。○蠲免浙江江山常山開化等三縣本年水災額賦。並豁除江山常山水衝沙壅地畝。無徵漕項銀米。○戊戌。諭總兵張接天。以武夫條奏甘肅總督移駐事宜。甚屬冒昧。降旨令其來京。陛見。面加詢問。果

係勦襲幕吏浮詞。於道里遠近情形。亦茫無所見。且人本糊塗。年力又已衰憊。不勝專閫之任。張接天著以原品休致。福寧鎮總兵員缺。著承明補授。○諭軍機大臣等。書山奏稱。總管阿布都賚。安插多倫回人四千六十餘名。於玉古爾庫爾。策達雅爾。洋雜爾等四處。令小伯克海里勒額帕舒庫爾密喇三。克里達瑪特等分管。現在率同吐魯番公素賚。瑞游擊黃佳士。悉心查辦等語。海里勒等五名。既係小伯克。著加恩賞給六品頂帶。素賚瑞著賞緞二端。黃佳士著以應陞之缺補用。○己亥。諭軍機大臣等。兆惠等密奏伯克霍集斯業已同行。其諸子自成丁之後。幼者尚有幾人。交舒赫德查辦等語。從前密諭。辦送霍集斯。及諸子來京者。恐其仍居舊地。或滋事端。今霍集斯既情願入覲。而沿途行走情形。又毫無可疑。則伊來京後。自必加以恩賞。俾得安居。此時漢咱吧爾等尚須辦理起程。

併傳諭舒赫德等遵照節次諭旨。毋使長途勞苦。伊等起程後。則所查霍集斯之家口。不妨明白曉示。以霍集斯蒙恩旨留京。來取家屬團聚。務宜供給饒裕。加意照看。蓋伊等非獲罪之人。籍沒家產者可比。所有積蓄俱一同辦送。仍約束兵丁回人。毋許妄行偷竊。其田園房屋。亦應變價給賞。以資生計。俱著查明具奏。○辛丑。

孝莊文皇后忌辰遣官祭

昭西陵。○

上詣

皇太后宮問安。○壬寅。諭此次磨勘江南六省鄉試卷。經派出大臣彙單進呈。其中文義支離疵類者。不可更僕數。皆由學政不能造就於平日。而考官復不能決擇於臨時。致士子習為庸腐謬悠之談。希心詭遇。昨已降旨諄切訓諭。第念向來司磨勘者。京堂翰詹科道各員。因無覆勘之人。往往虛應故事。且未定有議敘。

議處條例。何以示之懲勸。嗣後有特派大臣覆勘指出。而原勘京堂等全未磨出者。應查明原勘疎漏之員。交部嚴加議處。有原勘簽出一二。而大臣覆勘尚多掛漏者。亦應查明交部議處。有能悉心檢閱。秉公逐一舉出覆勘無遺者。並將該員交部議敘。至現在派出大臣等俱屬詳慎從事。著即交部議敘。將來覆勘試卷。或經朕抽閱。尚有不盡之處。則應將特派大臣。加以處分。如此。庶文體益就雅馴。而司衡愈歸允當。其如何分別著為條例。該部詳悉定議具奏。摺內應行處分各卷。仍著交部照例辦理。○是日起。

上以歲暮裕祭

太廟。齋戒三日。○癸卯。諭軍機大臣等。清馥奏據嚮導根敦等所指道路。南路由諾顏鄂博額什等處抵楚庫爾戈壁。北路由烏蘭庫呼等處。搜賊人營壘。因水草甚乏。令茂庫本等領兵二十餘名前往。其餘官兵撤回巴里坤。

等語。所奏愈屬不堪。前因清馥探得賊人藏匿處所。並未親身前往。故十月以前。屢經降旨申飭。今已十二月。並未遇一瑪哈沁。不知伊現在何處。且伊前遣巴圖克埒木。往招其子斗齊。特故縱其父子同逃耳。不然。豈有賊人肯坐候我兵擒獲。此時賊人去向。更覺茫無影響。而徒作懼罪請追之詞。苟延時日。苦累官兵。諒數月以來。行糧恐亦不繼。伊身獲咎。忍飢固所當然。而官兵皆隨同枵腹。有是

理乎。著速傳諭清馥。奉到此旨。若十日內能捕獲賊人。自當前往。其或不能。即撤回巴里坤。將從前伊何以不親身捕賊。但遣巴圖克埒木前往。及斗齊等。今往何處。聲明請罪具奏。○軍機大臣等議覆。吉林將軍薩喇善疏。稱三姓地方。與寧古塔。拉林。相距俱五百餘里。向未設立臺站。遇有要務。難免耽延。請由拉林。沿松花江。迤北。至三姓地方。添設八臺。於吉林所屬各通融撥馬八十匹。牛八十頭。

丁八十名。每臺設筆帖式一員。領催一名。給以圖記。內有兩處渡口。設船四隻。水手八名。筆帖式。各給房五間。領催臺丁。水手等各給房二間。予以修蓋銀兩。其添設筆帖式。領催。令該將軍等。於兵丁內挑取從之。○甲辰以歲暮。給祭遣官祭。

太廟中殿。

後殿。○己巳。給祭。

太廟。

上親詣行禮。○遣官祭。

永陵。

福陵。

昭陵。

昭西陵。

孝陵。

孝東陵。

景陵。

泰陵。○遣官祭。

孝賢皇后陵

端慧皇太子園寢○遣官祭

太歲之神。○諭軍機大臣等。阿桂奏稱。兆惠等經過阿克蘇。會議伊犁駐兵。及遷移回人屯田事宜。從阿克蘇烏什賽哩木。拜庫車。沙雅爾等城。酌派回人二三百戶。於來年二月間。先遣丁壯前往屯田。以官兵五百名護送起程。俟青草發生。再將回人家口遷移等語。所議尚屬可行。兆惠此時雖未具奏。即應如此辦理。至屯田回人需兵彈壓。自阿克蘇至伊犁。安臺傳事。聲息相通。最關緊要。著傳諭舒赫德。阿桂。今大功告成。已達克山。霍罕等部落。悉皆歸附。則葉爾羌自可安靜無事。且有額敏和卓在彼。海明又已前往。舒赫德候其到時。即回阿克蘇駐劄辦理。阿桂。伊桂。即領駐防兵丁護送回人往伊犁管理屯田事務。至官兵等居止。自必相度地勢。安營立寨。土木之工。以漸興作。期於堅固久遠。所請備

造帳房。原非可以常用。不過自阿克蘇至伊犁沿途住宿。及初到時不致露處耳。所有應行事宜。俱著伊等會商辦理。○以三姓副都統敦柱。阿勒楚喀副都統巴岱對調。○丙午上詣

皇太后宮問安。○御保和殿筵宴朝正外藩。左翼科爾沁親王垂扎布色旺諾爾布郡王齊默特多爾濟貝勒古穆扎布貝子班珠爾多爾濟瑚輔國公喇什納木扎勒。拉禮第哈達瑪哈瑪育爾固山額駙索諾木古穆二等台吉巴勒珠爾敷漢郡王垂濟喇什喇什喇布坦貝子垂濟扎勒和碩額駙密扎特多爾濟固山額駙旺扎勒喀喇沁郡王喇特納錫第貝子瑚圖靈阿扎拉豐阿一等塔布囊丹津達爾扎翁牛特貝勒朋蘇克固山額駙車布登二等台吉桑濟扎布茂明安貝勒裕木克一等台吉根敦扎木素土默特貝子哈木噶巴雅斯呼朗圖和碩額駙納遜特古斯鄂爾

多斯貝子納木扎勒多爾濟。一等台吉衮布喇什。扎魯特鎮國公納遜額爾克圖。二等台吉朋蘇克。巴林輔國公和碩額駙德勒克。多羅額駙丹津。右翼喀爾喀親王桑寨多爾濟。齊巴克雅喇木丕勒。郡王車布登扎布。德木楚克。車木楚克。扎布貝勒。阿裕爾沙克。都爾扎布貝子車木伯勒。貝子品級一等台吉齊旺多爾濟。鎮國公旺舒克。公品級一等台吉三達克多爾濟。齊巴克扎布。車布登。車登敦。

平定本二二三

方二

多布海都布敦。多布多爾濟。根扎布。翁牛特郡王布達扎布。額魯特郡王羅布藏多爾濟。綽羅斯郡王羅布扎。阿魯科爾沁貝勒達克丹。鄂爾多斯貝子喇什色楞。科爾沁三等台吉濟克濟扎布。敏珠爾多爾濟。喀喇沁輔國公溫都爾瑚。和碩特輔國公色布騰。一等台吉特默齊。和托輝特一等台吉三都布多爾濟。郭爾羅斯固山額駙蘇瑪第。教漢三等台吉色布騰多爾濟。土默特四等台吉巴勒丹。

多爾濟。回子公額色尹。一等台吉瑪木特圖爾都和卓。及領侍衛內大臣等宴。召科爾沁親王垂扎布。色旺諾爾布。郡王齊默特多爾濟。教漢郡王垂濟喇什。喀喇沁郡王喇特納錫第。翁牛特貝勒朋蘇克。教漢貝子垂濟扎勒。鄂爾多斯貝子納木扎勒。多爾濟。扎魯特鎮國公納遜額爾克圖。科爾沁輔國公喇什納木扎勒。拉禮第喀爾喀親王桑寨多爾濟。齊巴克雅喇木丕勒。郡王車布登扎布。翁牛特郡王布達扎布。喀爾喀郡王德木楚克。車木楚克。扎布。額魯特郡王羅布藏多爾濟。阿魯科爾沁貝勒達克丹。喀爾喀多羅貝勒沙克。都爾扎布。公品級一等台吉三達克多爾濟。一等台吉齊巴克扎布等。至。

實錄卷六十三

方三

御座前。賜酒成禮。○軍機大臣等議奏。近議官兵移駐巴里坤。歲需口糧。該處現雖屯田。止產青稞一種。是以臣等原議。以加增兵丁。糧價自行購買。殊費周章。令該督等查明屯田。

歲收若干。足敷官兵口糧與否。通行籌議具奏。今安西提督劉順奏稱闢展等處收穫即數口糧。而運費亦繁等語。查提督原駐安西。係總督楊應琚奏請移駐巴里坤。但巴里坤以外。西至伊犁。西南至葉爾羌等回部。幅員廣衍。而闢展烏魯木齊一帶。地土饒沃。水泉充裕。現在駐兵屯田。交通貿易。久成內地。莫若將移駐之提標五營內酌留兵丁。足敷巴里坤城守外。其各營官兵。即移駐烏魯木齊。

實錄卷六十三

五

或闢展等處。於歲收屯糧內。就近支給。既可省輓運之勞。而於新疆適中之地。控制更為得宜。其如何建設衙署營房及一切妥協商辦之處。該督楊應琚現在出關查勘。應令其詳悉定議具奏。從之。○是月。兵部侍郎兼管順天府府尹事熊學鵬等奏。春耕將屆。請照捕蝗例。委佐雜官分行該處村落勸農。得旨。甚是。依議行。○直隸總督方觀承奏。漳河上游。本年盛漲。河流改趨大名府城。查臨漳縣

麗家村舊道。止五里淤塞。應於新衝河口迎溜處挑通。接入舊河。並築大壩。護以土隄。以斷南流。從之。○山東巡撫阿爾泰奏。續查濟登萊青四府所屬墩臺均令添建營房。務數兵丁棲止。兵有家室者。帶往同居。無使瞻顧疎防。與通省畫一。得旨嘉獎。○陝西巡撫鍾音奏。延榆二府屬額賦。偏災蠲緩。所有應支兵米。請於各州縣常平倉借支。俟應徵年徵還。蠲數作正開銷。從之。○兩廣總督李侍堯

實錄卷六十三

五

奏。粵東額設外海戰船。可裁四隻。內河額設槽槳等船。可裁十五隻。得旨嘉獎。○是年。予準噶爾出師陣亡之筆帖式依楞額等三員。察爾哈總管三都布等二員。二等侍衛福紹一員。三等侍衛提奇圖一員。藍翎侍衛崇布達查等三員。委署營總奎素德伊一員。前鋒叅領科凌阿等十四員。副叅領納瑪一員。佐領玉穆等二員。防禦扎庫齊等九員。前鋒校九住等五員。護軍校策布騰等十七員。驍騎

校圖東阿等十二員。藍翎長三保住等十員。及領催護軍披甲馬步兵等五百十二名。祭葬卹銀如例。俱入祀昭忠祠。○旌表孝子。浙江等省黃昌期等二名。孝女江蘇吳氏一口。守節合例。八旗滿洲佛保妻富氏等九十口。蒙古錫住妻吳氏等十二口。漢軍李廷章妻周氏等二十口。吉林等處駐防漢岱妻庫雅拉氏等一百十六口。直隸等省吳好正妻鄭氏等四百三口。夫亡殉節滿洲成魁妻那木都魯氏等十七口。未婚守志直隸等省丁鼎聘妻趙氏等十五口。百歲壽民婦江蘇等省李清海等二十三名口。各給銀建坊如例。○一。產三男。直隸等省鄧秉賢等十二家。○會計天下民穀數。各省通共大小男婦一萬九千四百七十九萬一千八百五十九名口。各省通共存倉米穀三千一百七十八萬四千八百四十石一升五合二勺。

實錄卷六百三

三六

大清高宗法天隆運至誠先覺體元立極敷文奮武孝慈神聖純皇帝實錄卷之六百三

實錄卷六百三

三七

大清高宗法天隆運至誠先覺體元立極敷文奮武孝慈神聖純皇帝實錄卷之六百四

監修總纂官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

較修

乾隆二十五年庚辰春正月丁未朔

平定奏卷六十四

上詣

奉先殿行禮○詣

堂子行禮○率王以下文武大臣詣

壽康宮慶賀

皇太后禮成御太和殿受朝作樂宣表如儀○

詣

大高殿

壽皇殿行禮○遣官祭

太廟後殿○御太和殿賜王公臣工等宴○御

乾清宮賜宗室王公等宴○戊申諭來歲恭逢

聖母皇太后七旬萬壽今年為朕五十誕辰仰

荷

上蒼福祐西陲大武告成普天同慶自壬申特

開

萬壽恩科於今十載當此懋祉頻臻宜錫鴻恩

用昭盛典著於本年八月舉行恩科鄉試來

歲三月舉行會試俾多士並得觀光益宏嘉

禧該部即遵諭行○又諭甘省自軍興以來

平定奏卷六十四

連年疊次施恩豁免正雜錢糧及一切展賑

緩徵酌增運腳所有正賦已蠲至二十五年

俾邊民溥霑渥澤現在大兵凱旋軍務全竣

正宜與民休息且上年歲收未能豐稔朕心

尤深軫念著再加恩將甘肅省乾隆二十六

年應徵地丁錢糧通行豁免俾得共安耕鑿

永承樂利之休以示朕優卹邊黎有加無已

至意○又諭甘省上年夏田秋禾均被偏災

其較重之皋蘭等十廳州縣及次重之靜寧

等八州縣已降旨分別加恩展賑其災輕之渭源等十七廳縣亦經照例蠲緩賑卹並於春初借糶兼行以資接濟惟念勘不成災處所夏田被旱改種秋禾小民已費工本未免拮据著再加恩將所有春借籽種牛價緩至麥熟後徵還仍於青黃不接之時酌借籽種口糧俾得盡力耕作至該省被災等處尚有無業貧民艱於覓食者並著飭令地方官或設廠煮賑或開工傭作俾資餬口以示體卹該部遵諭速行○又諭西陲大功告成統計辦理軍需前後甫及五年款項易於稽查現在自乾隆二十年以前各案動用錢糧俱經分晰辦理其乾隆二十年九月至二十四年凱旋之日辦理軍需各項錢糧口內予限一年口外予限年半該督撫等督率承辦地方各員分別案款詳悉造冊報銷毋任遲延以清案牘○是日起上以祈穀於

上帝齋戒三日○己酉諭甘省蘭涼平慶一帶上年偶被偏災已加恩一體賑卹但念邊氓生計拮据春耕在即而例賑將停恐不足資接濟著再加恩無論被災分數極次貧民將臯蘭金縣平番古浪會寧安定固原靖遠環縣鹽茶等十廳州縣於正賑之外再加展賑至麥熟後停止靜寧隆德狄道三州縣再加展賑四個月靈州花馬池中衛河州碾伯五廳州縣再加展賑三個月俾小民得以餬口力耕副朕念切痼瘼至意該部遵諭速行○又諭甘省被災各屬倉儲未能充裕業令該督撫撥運本省及陝省糧共四十餘萬石分貯災屬備用但春間賑糶兼行恐有不敷著於鞏昌寧夏西寧秦州四府州倉儲有餘之處除留本地備用外再酌撥十餘萬石就近運赴被災各屬俾賑卹借糶寬裕儲備該部即遵諭行○庚戌

上詣

南郊齋宮齋宿。諭軍機大臣等安泰等奏。現在烏魯木齊等處屯田。與哈薩克交易請賞給關防及派員辦事等語。著照所請。賞給關防。仍著陝甘兩省揀選滿洲道員一人。同知通判州縣四員。縣丞雜職八員。發往烏魯木齊。道員總辦收支各屯糧餉。同知等官。分辦各屯糧餉地方事務。其涼州等處駐防。有熟悉滿漢文字之領催前鋒著揀選十名。令其協辦事務。伊等若行走勤慎。即照臺站委署筆帖式之例辦理。効力出眾者。行文各該處以應陞之缺。開列補用。○命賞駐劄葉爾羌總兵容保駐劄英吉沙爾總兵楊寧戴孔雀翎。○辛亥祈穀於

上帝。

上親詣行禮。○詣

皇太后宮問安。諭軍機大臣等。吳達善所奏崔應階之子原任縣丞崔琇贖罪一摺。甚屬非是。已於摺內批示矣。崔琇擅動驛遞。雖罪

所應得。而事屬因公。又遇恩詔捐贖。尚在可行。但摺內謂馳遞家書。原因承辦軍需。那用庫項。不得開銷。急求彌補。云云。則謬戾已極。西路辦理軍需。一切動支公帑。並不派累一人。且督撫官員之格外賞給米糧草束。以及運腳價值之節次加增。中外臣民誰不共知。共見該員一微末之人。安得獨有偏累試問微員若此。則凡州縣同知道府以上。司事輓輸者。皆當作何承辦耶。督撫等有稽查覈實之責。使屬員託名乾沒。而不為之省。所司何事。否則明知不問。豈非有意通同侵蝕耶。即使崔琇自為寬假之詞。希圖聳聽。吳達善即當嚴行飭駁。乃竟據以入告。而又代為原情。竟不惜以國家軍儲實政。任意誣讎。且至誣人誣已。而不知其居心又何等耶。至摺內請將崔琇留甘差委。俟三年無過。題請錄用。尤屬誕妄之極。更無可置論矣。除崔琇之父崔應階現任藩司。並不據實自奏。已另行傳旨

申飭吳達善向來似屬稍知事體之人何昏
憤糊塗至此朕實不解著傳旨嚴行申飭○
又諭曰吳達善所奏崔應階之子原任縣丞
崔琇捐銀贖罪一摺甚屬非是已傳旨嚴行
申飭矣崔琇以擅動驛馬馳遞家書問擬杖
徒遇恩詔減等照例援贖尚屬可行但崔應
階身任藩司並無不得自行陳奏之例乃轉
遣伊次子向吳達善具呈已屬有意取巧况
呈內又將承辦軍需那用庫銀不能開銷因
用驛馬遞書為詞豈欲為伊子寬解罪名而
竟可誣譏國家辦理軍需之實政也軍興動
用絲毫皆出公帑並不派累一人且督撫官
員之賞項糧草運價之加增中外無不共曉
崔琇僅以微員藉口賠累不知他人皆作何
辦理而督撫等又作何乾沒乎崔應階於伊
子之事豈得委為不知而任其乖謬若此居
心甚不可問崔應階著傳旨申飭又諭曰
成家扎布奉到命車布登扎布富德領兵二

千辦理烏梁海被掠諭旨將現在應調官兵
及牧羣馬匹酌議具奏所辦尚是但此事朕
屢有明諭必將賊人部落查詢確實始可進
兵至所奏牧羣馬五千餘匹駝九百餘隻牛
羊計二萬餘而杜爾伯特烏梁海等俱各有
乘騎不過酌量賞賚則軍需甚為足用此時
惟加意牧放以候額爾克沙喇等實信即作
速奏聞又諭據五吉等奏哈密辦事道員
文綬遊擊陳尚勲都司薩靈阿州同張春俱
實心奮勉署防禦驍騎校雙明署筆帖式馬
甲伊本泰領催瑚納前鋒三多領催馬玉馬
甲諾爾布等俱勤慎無誤等語文綬著加恩
交部議敘仍著軍機處記名陳尚勲薩靈阿
張春著該督記名以應陞之缺補用署防禦
雙明著准其實授伊本泰瑚納著賞給驍騎
校職銜遇缺即補三多馬玉交該將軍以應
陞之缺補用諾爾布既係開戶不便補授旗
缺著以綠旗把總用○晉封喀爾喀公品級

三都市多爾濟為輔國公。壬子享

太廟。遣誠親王允祕恭代行禮。遣官祭

太歲之神。召大學士及內廷翰林等茶宴

以新正重華宮錫宴聯句。諭軍機大臣等

鄂弼覆奏。民人薛謙控告被災不賑一案。摺

內有現在奉到諭旨。會同胡寶瑤從嚴辦理

等語。此嚴字甚屬含糊。不知所指此事方在

查辦之初。其間曲直未判。如果查明州縣被

災之處。實有匿報漏賑情事。則薛謙不但所

控不虛。且抱向隅之痛。是應嚴辦者。殃民之

地方官也。若辦賑並無匿漏。而部民刁詐多

事。則有司橫被挾持。何以復居民上。是應嚴

辦者。捏詞誣控之刁民也。乃端緒並未剖白

而遽曰從嚴。其從嚴者為地方官乎。為刁民

乎。匪獨措詞毫無黑白。突如其來。且使天下

庸愚無識者見之。不以為懲創。玩視民瘼之

有司。而以為厭惡。遠道告災之百姓。豈非此

一言冒昧之所致乎。即如從前河南夏邑等

處有匿災不報之事。朕即派觀音保前往勘

明。將該撫圖勒炳阿等分別治罪。朕於拯災

卹民一節。從不肯絲毫顛預了事。此案不即

將薛謙交部。而令胡寶瑤等會查明確。朕之

並無成見。亦可以自信。可以共信矣。鄂弼文

義不深。徒用幕賓書吏習套之詞。遂致率混

若此。朕初不以字句細故責人。但既看出且

其中甚有關係。而鄂弼又係初任。不得不明

白訓示。俾該撫向後一切知所遵循。檢點悉

心妥辦。方克副朕造就期望之意。已於摺內

改正。著將此詳悉傳諭知之。○癸丑

世祖章皇帝忌辰。遣官祭

孝陵。○

上詣

皇太后宮問安。○諭前已降旨。加增米石於五城

分廠煮賑。現在時屆春融。而貧民就食者尚多。

著再加恩。於內城新設各廠內。每日加給米一

石。俾得寬裕煮賑。仍著原派在廠各員妥協經

理務使羣黎均霑實惠○諭軍機大臣等據努三等奏遵旨於十二月十二日起程赴京并咨明舒赫德阿里衮等語著傳諭舒赫德等努三既遵旨來京而搜捕瑪哈沁一事又正當春令著派豐訥亨於索倫蒙古兵內挑選堪勝營總一員及努三所留厄魯特嚮導等辦給馬匹口糧前往阿勒坦和碩等處搜捕戕害德舒賊人務期弋獲一舉廓清方為妥協其兵丁即就近調撥努三奏敘之嚮導錫喇庫本恩克勒德克孟克津既屬効力著將其家口一併送京○又諭曰努三等奏稱察哈爾正黃旗原任佐領署營總鄂勒哲依圖因管臺時兵丁遺失所送事件革職効力今伊解送阿克蘇羊隻搜捕瑪哈沁甚屬奮勉從前曾隨兆惠在濟爾哈朗突圍等語鄂勒哲依圖著加恩復還原職○又諭曰納世通奏現在軍務告竣阿克蘇庫車喀喇沙爾開展巴里坤哈密等處俱有承辦軍需應至

肅州銷算但阿克蘇等處相隔甚遠往返查覈未免致勞臺站請將各處承辦錢糧之章京筆帖式及地方官書吏等派出數人攜帶冊檔往肅州軍需局覈對登答等語著照所請交各該處辦事大臣即派員赴肅州銷算仍著該督於道府內酌派一員專司辦理○甲寅諭軍機大臣等昨諭舒赫德等派豐訥亨領兵於阿勒坦和碩等處搜捕戕害德舒賊人今思阿桂伊柱雖派辦護送回人前往伊犁屯田尚需時日著先派官兵五百名同豐訥亨等搜捕瑪哈沁務宜協心奮勉以清方域若該處馬匹不足即著五吉於巴里坤牧羣內揀選二三千匹親行送往阿克蘇以備軍需○乙卯

上詣
大高殿行禮霍罕額爾德尼伯克使臣陀克塔瑪特齊哩克卓爾瑪特使臣呼達呼里等至京

上御乾清宮。陀克塔瑪特等行禮。命坐。賜茶。召至御座前。親加慰問。○丙辰。巴達克山素勒坦沙使臣額穆爾伯克。巴圖爾伯克。博羅爾沙呼沙默特使臣沙伯克等至京。

上御乾清宮。額穆爾伯克等行禮。命坐。賜茶。召至御座前。親加慰問。○

上幸豐澤園。御大幄次。賜霍罕巴達克山齊哩克博羅爾諸部使臣宴。二品以上文武大臣皆與。○定邊將軍兆惠等函送逆回霍集占

首級。并俘酋捫多索丕等至京。兵部率原解官兵。押俘由長安右門入。進天安右門至

太廟街門外北嚮跪告祭大臣進

太廟行禮畢。兵部率原解官兵。押俘至

社稷街門外。令俘仍嚮北跪告祭。行禮如儀。○

丁巳。

上御午門樓。王公百官朝服侍班。饒歌大樂。金鼓全作。兵部堂官以俘酋捫多索丕等跪奏請旨。命交刑部。刑部堂官跪領旨。押俘出天

安右門。王公百官行慶賀禮。尋命懸霍集占首級於通衢。宥俘酋捫多索丕等。○

上幸豐澤園。御大幄次。賜蒙古王貝勒額駙台吉及霍罕巴達克山齊哩克博羅爾諸部使臣等宴。○諭軍機大臣等。刑部查審察哈爾請領功牌一案。供出兵部武庫司書吏茹勝謙。得受賕銀。提訊該犯已於上年十一月內逃走。現據該犯同寓族叔茹濟蒼供稱。茹勝謙伯母胡氏在鎮江府城居住。可以投奔。并伊弟茹元分發湖南試用吏目。茹勝謙之父茹斌同在任所。及原籍浙江山陰縣挑園村地方。三處皆可蹤跡等語。蠹吏因事得贓。一聞發覺。輒冀潛逃漏網。最為惡劣。著傳諭各該撫等。立即密飭地方官嚴拏。務獲解部治罪。毋得僅照尋常通緝之案。虛應故事。俾得遷延免脫。自取咎戾也。仍即速行奏聞。○戊午。

上詣

大高殿行禮○奉

皇太后居長春仙館 詣

安佑宮行禮○幸圓明園 己未

上奉

皇太后幸山高水長。至乙丑皆如之。○布魯特

阿濟比使臣錫喇噶斯等至京。

上御勤政殿。錫喇噶斯等行禮。召至御座前。親

加慰問。○御山高水長大幄次。賜蒙古王貝

勒額駙台吉及霍罕巴達克山。齊哩克博羅

爾布魯特諸部使臣等宴。○庚申。

上奉

皇太后幸同樂園。侍早晚膳。至癸酉皆如之。○御奉

三無私殿。賜皇子諸王等宴。○諭軍機大臣等。阿

里衮久在軍營。著派新柱馳驛前往更換。俟

到日。阿里衮將一應事務明白交代。即馳驛

回京。又諭據周人驥奏。各省流寓民人入

川者甚多。請設法限制等因。一摺。此所謂知

其一不知其二也。國家承平日久。生齒繁庶。

小民自量本籍生計。難以自資。不得不就他處營生。餬口此乃情理之常。豈有自舍其鄉里田廬而樂為遠徙者。地方官本無庸強為限制。若其中遇有生事為匪之人。則在隨時嚴行查禁。不得以一二敗類潛蹤。遂爾因噎廢食。今日戶口日增。而各省田土不過如此。不能增益。正宜思所以流通。以養無藉貧民。即如現在古北口外。內地民人前往耕種者。不下數十萬戶。此孰非去其故土者。然口外種地者。衣食漸多。饒裕固難執一而論也。西陲平定。疆宇式廓。開展烏嚕木齊等處。在在屯田。而客民之力作貿易於彼者。日漸加增。將來地利愈開。各省之人。將不招自集。其於惠養生民。甚為有益。若如周人驥所奏。有司設法禁止。不但有拂人性。且恐轉滋事端。否則徒為增設科條。而日久又成故事。封疆大吏當通達大體。順民情。所便安。隨宜體察。倘有流為盜賊。如川省囑匪之類。則實力懲治。

母使養奸貽累。既不絕小民覓食之路。又可清閭閻盜賊之源。斯兩得之。著將此傳諭湖廣。江西。四川。各督撫。令其妥協辦理。○又諭據舒赫德奏。奉到辦送漠咱吧爾諭旨。擬以公事調來葉爾羌。再行解送。亦行文阿桂將伊弟呼岱巴勒氏辦送。昨據阿桂奏酌量情形。相機辦理。看來此事尚屬易辦。今又據奏阿克蘇伊什罕伯克頗拉特密呈回人等聯名文書。訐阿奇木伯克鄂對過失。請以頗拉特代任。已面斥擲還等語。回人猜妬擠排。乃其舊習。自當嚴為杜絕。鄂對果不勝任。亦不當因頗拉特之言。遽行斥革。且鄂對即因此獲咎。而頗拉特藉端聳衆希圖代任之罪。亦應察究。斷無墮其譎計。竟授為阿奇木之理。鄂對現隨兆惠來京。俟到日。再行詢問辦理。俱著傳諭知之。又諭曰。清馥奏稱追捕瑪哈沁至莽堪額爾紀斗齊。已經遁去。獲其妻室及所屬畢克拉扎布等。又招服根敦扎木

揚等戶口。送往巴里坤質訊。若無為匪情事。請送肅州備賞。其扎木揚與弟特穆爾斗齊屬人達什扎布。留為嚮導。又訊得喇嘛伊什班珠爾曾勸斗齊逃走。請於巴里坤正法。畢克拉扎布等。曾盜巴里坤打牲人等馬駝。或即正法。或解京備賞等語。喇嘛伊什班珠爾畢克拉扎布。情罪可惡。著同德等訊明正法。其根敦扎木揚所屬人口。著與斗齊家口一併送京。再斗齊之父巴圖克呼木往尋伊子曾否相遇。清馥亦宜問及。奏內並未聲明此等情節。俱著同德查審具奏。○又諭曰。安泰奏稱奉到巴里坤綠旗兵可否調往烏嚕木齊諭旨。現在烏嚕木齊糧石頗屬饒裕。內地所辦農器。多在巴里坤。所有兵丁九百名。與其在彼守候。即可調來烏嚕木齊屯田等語。烏嚕木齊增兵開墾。既有益屯田。而哈薩克貿易往來。昨尚諭派索倫兵數百名駐劄防範。今增調此項兵丁。更足以壯聲威。即照所

奏辦理（辛酉）

上詣

安佑宮行禮。御正大光明殿。賜朝正外藩及霍罕巴達克山齊哩克博羅爾布嚕特諸部使臣等宴。召章嘉呼圖克圖科爾沁和碩親王垂扎布色旺諾爾布多羅郡王和碩額駙齊默特多爾濟輔國公和碩額駙喇什納木扎勒輔國公固山額駙拉里達。教漢多羅郡王垂濟喇什固山貝子垂濟扎勒喀喇沁多羅郡王喇特納錫第翁牛特多羅郡王布達扎布多羅貝勒朋蘇克鄂爾多斯固山貝子納木扎勒多爾濟扎嚕特鎮國公訥遜額爾克圖喀爾喀和碩親王多羅額駙桑寨多爾濟和碩親王齊巴克雅喇木丕勒多羅郡王車布登扎布德木楚克車木楚克扎布多羅貝勒沙克都爾扎布輔國公三都布多爾濟扎薩克一等台吉齊巴克扎布厄魯特多羅郡王羅布藏多爾濟阿嚕科爾沁多羅貝勒

達克丹等。至御座前。賜酒成禮。○諭朕於二月初八日啟鑒恭謁

東陵禮成。迴次圓明園。恭請

皇太后安。駐數日。於二十二日啟鑒恭謁

泰陵祇謁。計迴鑾時。將軍大臣等正屆凱旋。即

於旋蹕黃新莊次日。前往郊勞。所有應行典

禮。該衙門敬謹豫備。○諭軍機大臣等。兆惠

等奏前據伯克霍集斯告稱伊從弟厄敏都

管霍什提布曾通信霍集占。不可留於舊地。

因將伊等拏禁庫車。應請旨正法。或送內地

充賞等語。大功告成。厄敏都管等著從寬免

其正法。俟解送京師時。再行請旨。○又諭曰

阿桂奏伊犁駐防屯田。皆必須辦理之事。若

酌派回人先往屯田。再添駐官兵。增派回衆

即易為力。請早為調撥起程等語。具見勇往

任事。適據兆惠富德楊應琚等會議本年屯

田。恐已踰期。但可遣兵巡查。已行文各駐劄

大臣。訖阿桂若業經准咨停止。則奉到此旨

亦未必能猝辦。或伊現在辦理有緒且確見
必須屯田即酌量帶兵前往併傳諭舒赫德
揚應琚知之。○順天府行鄉飲酒禮

大清高宗法天隆運至誠先覺體元立極敷文
奮武孝慈神聖純皇帝實錄卷之六百四

大清高宗法天隆運至誠先覺體元立極敷文
奮武孝慈神聖純皇帝實錄卷之六百五

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂
總裁官經筵講官太子太傅文華殿大學士文淵閣領事領侍衛內大臣戶部尚書張蔭桓滿洲都統軍功紀錄五次
世襲騎都尉軍功加九級隨帶加二級又加二級臣董誥內大臣戶部尚書張蔭桓滿洲都統軍功紀錄五次
尋常紀錄十四次臣德瑛經筵講官太子少保工部尚書紀錄六次臣曹振鏞等奉
敕修

乾隆二十五年庚辰正月壬戌

實錄卷六百五

上御正大光明殿賜大學士尚書等宴○御山
高水長大幄次賜王公大臣蒙古王貝勒額
駙台吉及霍罕色達克山齊哩克博羅爾布
魯特諸部使臣等茶果諭軍機大臣等在
京安插回人內額色尹係公品級瑪木特圖
爾都和卓係扎薩克應歸理藩院管轄又樂
工匠藝人等共編一佐領其佐領著白和卓
補授歸內務府管轄嗣後續到回人均入此
佐領下○又諭曰安泰等奏稱烏魯木齊祇

有綠旗兵屯田。其防範哈薩克等。仍須索倫察哈爾兵。請於葉爾羌等處調取一百名聽用等語。朕昨已傳諭舒赫德等。酌於回城所駐索倫兵內抽調三百名前往烏魯木齊。安泰所請兵數為數尚少。著傳諭伊等。仍遵前旨辦理。○癸亥。陝甘總督管理甘肅巡撫事務吳達善奏。甘省常平倉糧。乾隆二十二年以倉斗定額實貯三百六十萬石。近值歲歉。賑糶屢有動撥。缺額現貯僅一百三十七萬五千六百二十二石。猝難籌補。請俟來歲豐收再行設法通融。辦足額。報聞。○乙丑。上御山高水長大幄次。賜王公大臣蒙古王貝勒額駙台吉及霍罕巴達克山齊哩克博羅爾。布魯特諸部使臣等茶果。○丙寅。諭軍機大臣等。成衮扎布奏。莫尼扎布報稱。於恰克圖得俄羅斯文書。有哈薩克統衆三萬分三路侵犯卡座之語。看來此必係俄羅斯虛辭設間。若其事果屬確實。伊部落又豈肯通信。

然亦不可不豫為準備。著車布登扎布馳驛至烏里雅蘇台。領兵赴布延圖防範。若宜前進亦即相機辦理。成衮扎布仍駐劄烏里雅蘇台。接濟糧餉。此行有兵二千名方妥。除派調索倫兵一千名外。成衮扎布即將杜爾伯特扎哈沁烏梁海兵丁揀選數百名。不足者以喀爾喀兵充補。其馬匹牲隻口糧皆籌酌辦理。○又諭烏里雅蘇台軍營需兵防守。著噶布舒諾們察馳驛前往選派。呼倫貝爾之索倫達呼爾兵五百名。黑龍江墨爾根齊齊哈爾三處之索倫兵五百名。交署將軍副都統舒泰辦理。馬匹牲隻軍器口糧索倫達呼爾兵向無俸餉。年來効力軍營。甚屬黽勉。著加恩照呼倫貝爾官兵例。賞給一半俸餉。其額數著定為二千名。舒泰即曉諭官兵等知之。○丁卯。諭軍機大臣等。成衮扎布等奏。杜爾伯特管旗章京車塔爾等。因其汗索諾木哀布懦弱。而哈屯布尼達喇約束所屬頗嚴。

計欲遣回母家。據報差員查訊。俱稱哈屯理直。應將車塔爾等治罪。但伊部落向無定例。請將車塔爾等革職。安插其汗哈屯家務。交扎奇噶克齊和通。副管旗章京巴顏克什克等辦理。等語。成衮扎布等所辦未免姑息。在伊等以布尼達喇。乃喀爾喀部落之女。若重治車塔爾等。則有徇庇之嫌。殊不知車塔爾為人臣僕。而威脅其汗。欲逐出哈屯。不法已極。自應從重治罪。或念伊等新附。未知禮法。姑從寬典。亦不可存留舊地。致起釁端。可傳諭成衮扎布。即將伊等互訐之屬人。傳齊訊問。將其中不受布尼達喇約束。因而挾嫌設計者。著即解送來京。至其互訐供詞。有車凌烏巴什欲叛之語。諒係捏造成衮扎布即置若罔聞。方為妥協。其擬派杜爾伯特管旗人員。著照所請行。○又諭曰。納旺熟悉哈薩克情形。著前往宣諭。阿布賚云。我駐劄烏里雅蘇台將軍等。據報有統衆搶掠烏梁海者。自

稱哈薩克部落。或稱係阿布賚親身統領。將軍等奏請興師問罪。奉大皇帝諭旨。阿布賚受朕深恩。焉敢妄為。其中恐有別情。應行查詢明確。又據查獲俄羅斯管烏斯得衣尼卡頭目。寄管雅薩什諾衣頭目。書札內稱。哈薩克統衆三萬。渡伊爾得衣什河。將至烏斯得衣尼。可將雅薩什諾衣之人引避。附近俄羅斯邊界等語。其事深屬可疑。阿布賚恭順有加。其屬人來烏魯木齊貿易者。相繼自必不應出此。或係俄羅斯詭詞設間。俾我加兵。哈薩克以快其意。又慮查訊得實。故捏造此書。使我不疑。情形顯然。但哈薩克游牧。從來散處。或彼此妄行搶掠。不令阿布賚知悉。亦未可定。阿布賚惟應據實陳奏。自當斟酌辦理。此旨。即著納旺詳悉傳諭。仍賜阿布賚緞四端。○又諭。巴達克山等部落。歸降遣使入覲。朕加恩宴賚。不日遣回游牧。應派員護送。其護送巴達克山使人。仍著額勒登額索勒屯

和卓前往再添派明仁巴朗同行護送霍罕使人著伍岱阿布賚三摩羅莫爾瓚前往添派索諾木車凌諾爾占同行俟使人等各抵本界。明仁額勒登額已朗索勒屯和卓為一隊齎勅書賜物前往痕都斯坦索諾木車凌伍岱諾爾占阿布賚三摩羅莫爾瓚為一隊齎勅書賜物前往布哈爾頒給各該頭目令其祇受。戊辰諭巴里坤辦事人員甚少著五吉前往總辦其所遺哈密員缺著書保前往協同永寧辦事。諭軍機大臣等據清馥奏搜捕逃賊斗齊等因雪盛迷蹤未獲等語清馥前此追賊並未親身前往惟委之官兵致被賊誘去馬匹又借護送軍營馬匹為名竟回巴里坤業經部議革職因伊奉到申飭之旨復行前往是以暫令註冊以觀後效今既疎脫首犯罪不可逭著革職交舒赫德差遣効力贖罪。己巳諭軍機大臣等朕於謁陵禮成旋蹕黃新莊之次日前往郊勞凱旋之

將軍大臣等著傳諭方觀承於良鄉縣南附近四五里許擇寬展處所相度築臺以便舉行祭燾之典其時回部前來瞻仰者有四五十人應於良鄉豫備居停房屋並於所過通衢鋪面民房及香案燈綵留心部署齊備以壯觀瞻有應需用之處於存公閒款內撥用一切妥協經理務令遠人共知體制整肅又不絲毫派及民間庶為允協。庚午諭據愛必達等奏雲南布政使傅靖性耽安逸兼嗜麪藥一切公務漫不留心請旨革職等語傳靖由翰林洊陞道員朕南巡時召見以其年力尚壯冀可造就不次超擢用至藩司自應感激奮勉今雖無貪婪劣款而嗜酒玩誤公務其負恩溺職實出情理之外傳靖著革職發往葉爾羌交與舒赫德令其効力贖罪。諭軍機大臣等前據莊有恭奏浙省台州等幫漕船內丁力俱極貧疲請將台州後幫額船酌減九隻處州前幫酌減六隻後幫酌

減九隻。金華所酌減三隻。衢州所酌減四隻。嘉興白糧幫酌減十隻。錢糧加給疲丁米石。灑減濟運等語。現在交部定議。上年楊錫綬請將江西漕船加一裁減。經部臣議駁。復詢問該督。據稱江西幫船情形。與江浙等省不同。通融裁減。實與辦公有益。是以降旨准行。今浙省復以灑減為請。該撫或以江西業經奏准辦理。因復援例具奏。抑或減船灑運。僅為優卹貧丁起見。而於漕政果否實有裨益。不致負重妨運之處。著傳諭楊錫綬令其確按情形。逐細妥議具奏。○又諭據官保集福奏稱班禪額爾德尼札商第穆呼圖克圖遣使進貢。請由喀木一路入打箭鑪。自成都前來等語。著照所請辦理。並令移咨該督酌量護送。其所遣使人到京時。正值朕萬壽節。念經之際。臨時再行賞賚。著曉諭班禪額爾德尼第穆呼圖克圖。併傳諭開泰知之。○叅贊大臣舒赫德等奏查阿克蘇出產硝磺。曾派

回人十戶。採取交納。又行文阿桂酌增數戶。以供阿克蘇烏什駐防兵之用。至葉爾羌所用火藥。於沙爾呼勒托郭斯謙採磺。以葉爾羌所產之硝配造。其鉛子於和什喇布製造。和闐所用火藥。於克勒底雅取硝。於塔克取磺配造。其鉛子於阿克蘇葉爾羌採造。喀什噶爾附近產硝。亦由沙爾呼勒取磺配造。於特爾克製造鉛子。現在各城駐防兵共五千三百名。內鎗礮手三百餘名。一年所需火藥約八九千觔。即分派各城回人採辦。其如何定價抵補伊等應交糧石俟次年辦交時酌議具奏。嗣後需用火藥鉛子。停內地運送報聞。○以四川按察使顧濟美為雲南布政使。調山西按察使永泰為四川按察使。以山西歸綏道索琳為山西按察使。○辛未。諭軍機大臣等據李侍堯奏查審汪聖儀父子與番商洪任輝交結。借領資本包運茶葉深屬不法等語。汪聖儀身列成均。輒敢潛結夷商。領

本交通。營私射利。且一聞事發。詭計潛逃。行同鬼域。現經粵省責革審擬定罪。著傳諭尹繼善、高晉將該犯婺源本籍一切家貲財產。慎密查抄。無任稍有寄頓隱匿。辦畢將該犯照部議發遣。以為貪利狡詭潛通外夷者戒。

○叅贊大臣舒赫德等奏據薩納珠卡座送到土伯特使人達什佳木撮等十人稱係拉達克汗所遣。齋書呈送。臣會同大臣官員等傳見。達什佳木撮云。我係管轄右界五千戶頭目。聞大兵平定。回部特奉書稱賀。請通貿易。以番緞回帶為贄。臣等宣慰筵宴訖。授以復拉達克汗書及蟒錦緞疋。并分賞來使緞布。令其起程。再查現在回部安靜。其布魯特霍罕安集延瑪爾噶朗等貿易之人。絡繹不絕。臣等照舊例收稅數次。後回城伯克等懇告云。舊例收稅稍重。彼時牲隻價賤。尚不甚累。今逆酋擾害之後。葉爾羌喀什噶爾羊一隻。價至十餘兩。肥馬一匹。價至五六十兩。商

賈未免觀望不前。祈暫減收。俱係實在情形。請將回人買來牲隻暫改為二十分取一。外來商人牲隻暫改為三十分取一。其餘皮張緞布仍照舊例收納。報聞。壬申太僕寺卿宮煥文奏。各省鄉試中卷磨勘例。凡行文筆誤錯落題字正副考官同考官得以抹出免議。遂致疵蒙謬累之卷亦概為援免。查各省士子繁多。文取雅馴。乃必以犯抹之卷委曲遷就。恐佳卷反致遺落。又以抹出免議。益得遂其自便之私。况考官與磨勘官多係年世姻誼。難保無囑託代抹等弊。請將犯抹之卷舉子例應處分者。考官雖經抹出。仍令按卷處分。得旨。所奏似有所見。大學士會同該部議奏。尋議嗣後試卷所犯重者。考官雖經抹出。仍一體議處。至疵蒙謬累。或係數字數句。於通體文義無礙者。考官仍照例分已抹未抹辦理。從之。

○癸酉。大學士等議奏。盛京將軍清保等奏稱。盛京滋生銀四十萬兩。現積

欠銀五萬八千餘兩。一時難以歸款。查滋生銀係以本起息之項。此次積欠。若不由本銀內開除。恐承辦官員或私取重息。或以本銀彌補欠項。日久弊竇叢生。應令照數開除。仍於該處鋪戶存貯銀內抽撥八千兩。定為本銀三十五萬兩。以一分二釐起息。於每年賞給兵丁紅白事件官鋪公用。仍屬有盈無絀。至原欠人等。仍著該將軍行文各該旗省嚴催交納從之。○甲戌。

上奉

皇太后居暢春園 還宮 御豐澤園大幄次。

賜王公大臣蒙古王貝勒額駙台吉及霍罕巴達克山齊哩克博羅爾布魯特諸部使臣等宴。○以太常寺少卿黃登賢為光祿寺卿。

禮部題朝鮮國王李昫遣使表賀。

萬壽冬至元旦三大節及進歲貢方物賞賚筵宴如例。○乙亥諭御史吉夢熊奏經筵事宜一摺所言是非參半其中有應行采擇者有事

不必行。且已屢經降旨飭禁者。如講官係朕簡用大員。經筵講章本應自行撰擬。期副獻納論思之義。乃故事相沿。竟有由翰林院循例屬稿者。朕於講官呈本時尚為研討折衷。著為經書二論。務在自抒心得。而侍案敷陳者。顧以成言誦習。聊為塞責。可乎。該御史所奏實為近理。嗣後將此明著為令。至稱二十二史通鑑綱目諸書內有關治道者。應俱令其進講一條。此則可以不必。帝王宥密。單心。

緝熙典學。豈專恃此。每歲春秋兩舉之文。特以典禮崇重。必與廷臣面詢稽古。乃足懋昭嚮學親賢至意。夫經書義蘊畢駭。天德王道之大端。實為兼貫。初無待旁及史鑑以浩博相誇。且朕幾餘披覽。於古今治亂得失之故。研窮往復。現在自頒發正史之外。於通鑑一書。特勅儒臣分條修輯。彙冊陸續進呈。朕精研訂正。凡中有所見。必親加評隲。務期理明事覈。以成善本。若僅於進講時敷衍一二。則

以為甄綜史事。無論挂一漏萬。徒為具文。正昔人所謂一部全史。從何處說起者也。又稱講章在於簡約。不必以駢麗為工。云云。此則向來久經訓飭之事。即如殿試策內。士子多用頌語。朕以其無關實政。尚令一切屏除。況講筵自有體裁。何取冗詞長語。以富麗為工。前諭諄諄。講官當所素悉。向後當有則改之。無則加勉。以光鉅典。是用別白宣示。俾中外共知之。諭軍機大臣等。據安泰等奏。哈薩克阿布賚屬人。於正月初來烏魯木齊貿易。並獻馬三匹等語。哈薩克於去冬今春往來不絕。其情詞益為恭順。則搶掠烏梁海一事。非出自阿布賚可知。著傳諭納旺。即與同行厄魯特侍衛等。速赴烏魯木齊。酌派兵丁數名前往哈薩克。與阿布賚相見時。不得致令驚疑。可備述前後情節。俾伊即據實查明。委係何處人等搶掠。一得確信。速行奏聞。是日起。

上以祭

社稷壇。齋戒三日。○是月直隸總督方觀承奏。山海關駐防兵精歲需添買米石。例交通判。於奉省進關之米。併中衛中前所等處採辦。上年錦州寧遠一帶歉收。市價加昂。尚有未買米一萬二千七十石。即酌增價值而購買。數多恐妨奉省民食。請借撥山海關備貯穀一萬二千二百五十石。零及臨榆縣常平溢額穀二千二百七十石。撫寧縣溢額穀一千五百六十石。按二穀一米碾放。並臨榆溢額米三千九百七十石。零已可足數。除山海關臨榆米穀。即在本處支放。其撫寧倉穀碾運腳價。照例於永宣屯耗項下動支。至所撥備貯穀。仍令秋後買還。其溢額米穀扣存銀報部撥用。得旨如所議行。○又奏。凱旋察哈爾。索倫等處官兵。現據陝甘督臣吳達善咨稱。每起以三百名為率。間二日一起行走。查此次回兵行李無多。數兵跟役一人。不必拘一車二

兵之例。酌以四兵共載一車。仍屬輕捷。並移咨陝西河南一體照辦。得旨好。○福建按察使署布政使史奕昂奏。閩省各屬倉斛。由司督製分給。第木質有剛柔之別。行用經年。每因時地潛為盈絀。且潮氣薰蒸。易滋霉蛀。弔省較驗。往返路遙。臺灣遠隔重洋。尤難查覈。請照部頒斛式。鑄造鐵斛十二分。給福州等十二府州。凡所屬廳縣倉斛。責令每年春秋就近較對。其轄道盤查府倉。亦即就府弔驗。藩司仍不時稽查報聞。○給事中巡察濟寧漕務耀海。河東河道總督張師載奏。汶水分流南北運河。當春夏間。衆源微弱。全賴各湖之水。以資浮送。南旺以南。有馬場獨山南陽昭陽微山等湖。水勢有餘。惟南旺北僅馬踏一湖。儲蓄無多。常患不足。查蜀山湖。居馬場馬踏之中。臨河二間。一在寺前。間南曰金線。間水祇南流。一在柳林。間南曰利濟。間水可北注。請將金線間封閉。移建柳林間之北。使

蜀山湖。水全為北用。得旨如所議行。山西巡撫鄂弼奏。晉省陽曲等十九州縣。加賑災民口糧。無可籌撥。惟大同府大有倉積存軍需黑豆五萬餘石。均屬民食所需。請令災區輓運各回本地。或全給豆。或按半本半折搭放。應出糶者。亦按市價酌減。輓運脚價。每石每百里准銷銀一錢四分。於司庫耗羨項下動支。至賑糶豆石。均俟秋後買補還倉。得旨如所議行。○湖廣總督蘇昌奏。兩湖民情刁健。地方官不即時審斷。遂致訟牘日繁。現已通飭州縣有司。將准理詞狀。按月造報該管道府。即令就近督催。上月所准。下月必須審結。亦按月造報覈銷。剖斷未協者。題卷覆覈。改正實係刁誣虛妄。即嚴加懲治。又竊匪甚多。報獲者十無一二。皆緣積匪巨賊。結連夥黨。交通胥役。差捕查緝。斷難弋獲。惟密訪查拏。晝夜偵伺。緝捕一法。已面飭各地方官實心辦理。得旨具見留心實力整頓。更當要之。

以久毋懈。勉之。陝甘總督楊應琚奏闢展以西各臺兵口糧。係在所屬各城自行支領。相距或二三站及六七站。各臺兵無馱載牲畜。步運殊覺艱難。查庫車沙雅爾塞哩木拜阿克蘇等處回民業已均平貢賦。而自哈喇沙爾以至庫車中間庫爾勒等四處。復有新遷多倫回民墾種。請於今歲收成後。飭知各該伯克等。覈明各臺官兵數目。於應交糧內就近支給。至附近各臺及臨近大路地畝。亦飭該伯克等詢問回民。有願墾種者。俱令移居。及時開墾。將來居民稠密。無需更撥護臺之人。播穫收成。支領愈便。得旨甚好。

平定本六十三

二八

大清高宗法天隆運至誠先覺體元立極敷文奮武孝慈神聖純皇帝實錄卷之六百五

平定本六十三

二七

大清高宗法天隆運至誠先覺體元立極敷文
奮武孝慈神聖純皇帝實錄卷之六百六

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅大學士大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鎮邊將軍滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

欽修

乾隆二十五年庚辰二月丙子朔賜霍罕額

爾德尼伯克勅書曰爾遠處邊陲聞大兵平
定回城逆賊逃竄信息即慕化歸誠請擒賊
自効遣使入覲深可嘉尚來使等俱妥善至
京朕加恩召見頻申宴賚賜爾緞疋器什若
干爾其祇受又賞來使及從人等服飾器用
銀兩有差覽爾奏內有未盡之詞俾使人面
陳等語今來使等並無所請朕故未有他諭
但爾部落素被準噶爾侵擾今既為朕臣僕
自必加恩撫卹爾其約束所部永享無疆之

福護送爾使之索諾木車凌等仍有面傳諭

旨爾其知悉○賜拔達克山素勒坦沙勅書

曰爾遠處邊陲誠心向化擒戮逆賊霍集占

布拉呢敦呈獻尸首願以全部為朕臣僕又

遣額穆爾伯克巴圖爾伯克入覲恭順之忱

深可嘉尚今來使等俱妥善至京朕加恩召

見頻申宴賚以爾擒賊有勞特賜蟒緞文綺

衣服器什若干爾其祇受并賞來使及從人

等服飾器用銀兩有差從前準噶爾侵擾爾

等部落今既為朕臣僕自必加恩撫卹其循

爾舊俗以安生理約束所部永享無疆之福

至來使奏稱爾部落人等恐以霍集占之故

致啓讐鄰封等語夫霍集占負恩悖逆遠通

咸知况已就擒戮諒鄰部亦未敢妄動爾向

來若與鄰封有隙當自行辦理或果因霍集

占啟釁可呈報駐劄葉爾羌大臣俟查奏辦

理護送爾使之明仁等仍有面傳諭旨爾其

知悉○賜布魯特阿濟比博羅爾沙呼沙默

特齊哩克卓爾瑪特等勅書曰爾遠處邊陲聞大兵平定回部已達克山呈獻逆賊尸首即慕化歸誠遣使入覲深可嘉尚今來使安善至京朕加恩召見頻申宴賚賜爾緞疋器什若干爾其祇受又賞來使及從人等服飾器用銀兩有差爾部落素被準噶爾侵擾今既為朕臣僕自必加恩撫卹爾其約束所部永享無疆之福再代爾入覲之使人諸凡妥協當加以愛惜爾其知之○兵部議覆閩浙

總督楊廷璋奏稱水師官員例以本省之人題調惟是官居本地每與所轄屬員兵丁固結朦蔽查各省海洋惟閩省廈門至橫灣係屬橫洋沙線稍異粵東江浙均與福建連疆同一海面無需本省之人方能勝任除提鎮及千把微員毋庸迴避外其副將叅將均請迴避本省應如所請即將現任籍隸本省之副叅等請旨調補其現任本省遊擊堪膺豫保者均以隣省調掣至稱遊擊都司守備亦

宜迴避應改照陸路守備例缺出時於隔府別營內調補掣補至山東登州營水師遊擊守備亦應將籍隸他省及隔府別營人員揀調如果乏人即行題請將遊擊員缺照副叅調掣例以鄰省豫保之水師都司掣補守備員缺由健銳營將水師藍翎侍衛揀補又山東向無水師副叅之缺如遊守內有堪膺豫保者應令保題以隣省叅將都司調掣再閩浙水師遊擊缺出例於水師都司守備內通

字集卷三十一

融題補除將二省都司照例豫保遊擊外其現任守備堪膺豫保者應令督提酌量應以都司掣補及應以都遊兼掣之處聲明請旨又稱未堪豫保人員開單咨部聽調請令各督提詳加甄別人材技藝尚堪造就者照現議例對調有水師雖未熟練而漢仗弓馬可觀者以陸路改補衰庸即行叅處從之○湖廣總督蘇昌奏廣西柳州府知府邱銓長隨謝恩等戩死人命御史孫紹基指撞邱必達

銀兩一案。現在從重審擬。查告病告假人員。其聲勢原與休官不同。實緣請託地方官。每多瞻顧。周全有乖政體。向來未經議及。請勅部禁止。得旨。所奏是該部議奏。尋議。嗣後告病告假。回籍之京外大臣。翰詹科道等官。其有謁拜督撫。結納有司者。照不應重私罪律。降三級調用。督撫有司不行拒絕。令其進署。晉接者。亦照此例議處。從之。以鑲白旗蒙古副都統德爾素為正黃旗護軍統領。丁

丑祭

先師孔子遣大學士蔣溥行禮。諭御史朱丕烈。叅奏覆勘試卷大臣秦蕙田等瞻徇不公。一摺。經朕詳悉。面諭。並特派大臣等會同軍機大臣。提取各原卷。逐一詳加覈對。今據覆奏。有該御史原經簽出。而覆勘大臣誤行指駁者。江西省汪其度一卷。未經列入奏單者。湖北省陶大朋。廣西省蕭鼎揆二卷。秦蕙田等既經司事。覆勘乃未將原勘官簽出各

條。應存應駁。及應行聲明之處。悉心分別查辦。咎本難辭。至摺內所稱瞻徇考官鄉情。世好。為本生巧為開脫之處。則現在細覈各卷。如考官錢維城。王鳴盛。錢載等。勘過試卷內。其處分已有部議。應行降調及罰俸數年者。即增入摺內所指各條。亦並無所加損。是該御史所叅。俱無確據。朕復召入面詢。該御史亦不能更指其非。此其涇渭較然。固非此次派出大臣所能稍為偏袒。並調停中立。如和

事老人之為也。但磨勘一事。向來視為具文。以致舉子應試。考官衡文。無由大彰懲勸。以至士子習尚紛歧。罔識行文正鵠。不得不亟為釐正。是以詳定磨勘條例。然舉行伊始。朕本意實不過欲去其太甚。俾知警覺。提撕豈必逐字逐句。加意吹求。致獲雋者無一自全。而典試者盡干吏議。斯不已太甚乎。然考官銜命掄才。既優其廩餼。路貲。又復獲爾許桃李。即試卷有疵。若罰俸停陞之類。實所應得。

設致罷官降調。朕必曲宥。此中自有權衡。若官官相護。即此罰一年兩載之俸。亦必冀為開脫。則不獨覆勘者罪所難容。即考官等。朕亦豈能輕貸。今秦蕙田等既無此等情弊。則疎漏各條。所謂公過。非朕所深惡矣。朱丕烈以心疑。或然之語。彈劾屬虛。朕亦不能為之匿其所短。正所謂瑕瑜各不相掩者也。況直省硃墨卷。汗牛充棟。不但秦蕙田等三四人之力。未必精覈無遺。即自謂悉心推勘。如朱丕烈所分祇有數十卷。設令再派大臣為之檢校。伊能自信更無掛漏乎。明季科道惡習。專以黨援抨擊為務。遇事交章傾軋。而九列中又或各樹私人。互相報復。固由駕馭失宜所致。而臣工中各自便其門戶之私。不惜害及朝章國體。是其所關於治道者甚大。朕心存炯戒。乾綱獨攬。務期朝宁肅清。諸臣中諒不敢稍生狎玩之見。即有此等伎倆。亦何所復施。今磨勘一事。曉曉不已。然杜漸防微。其端

實不可長。所有覆勘疎忽之秦蕙田。觀保錢汝誠。著交部議處。然若因其叅劾大臣而該部遂有意從嚴。思以箝制言官之口。更難逃朕洞鑒。將此通行傳諭中外知之。○又諭前因吳達善奏。崔應階之子原任縣丞崔琇。贖罪留甘。委用一摺。甚屬乖謬。當經傳旨訓諭崔琇。以私遞家書。擅動驛馬。按律擬徒。而該撫徇其呈請之詞。以該員承辦軍需。那用庫項。因而寄書取銀彌補。為之解嘲。殊出情理之外。至奉到諭旨。非但贖罪之事毋庸再議。其矯誣之愆。更何從置喙。乃吳達善覆奏摺內。尚支離其詞。曉曉置辯。是誠何心。且朕原旨。正為吳達善辯白。而吳達善乃謂朕疑其有染指之事乎。昏瞶極矣。是轉不能不疑矣。又謂崔琇不能開銷之項。即在已蒙恩免并彌補之內。其說更屬荒唐。唐西陲籌畫軍儲。甫及五年。度支開銷不下數千萬。朕絲毫並不派累

閭閻而蠲除之旨。後先相望。自督撫以至官弁。既格外恩賞。而物價運腳。以次遞增。有加無已。此中外所共知。共見。毋論蠲免之後。司事者無不霑恩。即未免之前。承辦各員。亦不獨一崔琇。豈伊等皆係布政使之子。可以唾手驛致多金。一一權且彌補。以待寬免之旨者。且軍需全局。獨非吳達善經手所辦乎。如果承辦人員有賠累之事。此非吳達善辦理不善。致為屬員所欺。即將帑項正供。及節次恩賞。竟與各員通同侵肥中飽。非愚即貪。二者必居一於此。吳達善自當據實自行請罪。何至瞻徇崔應階之子。而謬為抱怨之詞。不知其糊塗顛倒。一至於此。是其居心尚可問乎。朕不難將吳達善等。即行交部按例處分。但事關軍行實政。朕若不將此中情節徹底清查。則庸愚無知之徒。未必不以此言出自督辦之巡撫。而心滋疑議。甚而承辦軍需各員。中有自便其私者。又得用此為口實。其弊尚

可言耶。現在國家膚功捷奏。荒陬並隸版圖。朕於軍需。復何所靳。即使果有那用賠累其罪自在。總理之督撫。朕何難執定律以繩之。矧在崔琇微末之員。准贖與否。又何足深論。然朕辦理庶務。從不肯顛預了事。此事尤有關係。非水落石出。亦何以服吳達善及崔應階父子之心。著派侍郎裘曰修。伊祿順。馳驛前往甘省。將各州縣辦理軍需會同吳達善。按籍逐一清查。秉公確覈。覆奏候朕再降諭旨。楊應琚若回任。亦著入議。○諭軍機大臣等。據扎薩克圖汗部落公拉沁。蘇隆巴爾桑。扎薩克台吉根敦。三都布呈稱。伊等四旗。因值災歉。生計艱難。懇借俸五年。以贍貧人等語。該部落被災。自應官為經理。若借俸以賑。則伊等養贍無資。著派副都統富鼎。支領庫銀五千兩。馳驛前往。會同該扎薩克等酌量辦賑。以示體卹。○禮部議准。山東按察使沈廷芳奏稱。

開帝原謚壯繆。實與功德未符。順治九年加忠義神武之號。名稱雖盛。謚法未更。今際武成大告式。荷神庥。請加更正。得旨。用神勇。

戊寅祭

大社

大稷

上親詣行禮。詣暢春園問

皇太后安。辛酉。明園。己卯。春分朝。

日於東郊。遣恒親王弘旺恭代行禮。諭朕此

次謁

陵著莊親王誠親王大學士來保蔣溥在京總

理事務。庚辰。

上詣暢春園問

皇太后安。諭軍機大臣等。閏相師奏甘肅各

鎮備戰馬匹及兵丁營馬。因陸續撥解軍營。率多缺乏。購覓維艱。請將哈薩克馬匹。買補足額等語。西陲大功告竣。內地營馬。將來無須調撥。而伊犁開展一帶。現議駐兵屯田。皆

需馬匹。是以經畫市易。務令有餘。其甘肅各營額缺。原可徐為補足。不必汲汲於此。今閏相師所奏。或因哈薩克屢來貿易。遂為籌補營馬起見。抑或該督撫等。催令各營補額。未為官兵熟計。不知內地馬匹。原以儲備調撥。今新疆既不需接濟。與其收槽充數。又不若立廠孳生。若急於購補。馬價昂貴。兵丁必多賠累。即足額後。終年飼秣。徒耗芻豆。何如即水草以善牧養。於公私均有裨益。著傳諭楊應璫。吳達善。據現在情形。妥議速奏。併傳諭閏相師知之。辛巳。遣官祭

關帝廟。諭上年截留北倉漕米四十萬石中。祇用過米三十萬石。尚餘米十萬石。仍應運交通倉。現在直屬有應修河道溝渠等工。刻下正值青黃不接之時。工次小民。買食未免拮据。著加恩。將此項米石。仍交與方觀承。即留於各該處。以為修濬河渠。以工代賑之用。該部遵諭速行。諭軍機大臣等。現在葉

爾羌。喀什噶爾等處。領隊大臣頗少。著德爾素馳驛前往。同豐訥亨領兵駐劄。○兵部議覆河南巡撫胡寶琛奏稱。豫省額設驛馬。現裁九百匹。每年額支雜費銀照各驛裁馬數目分別酌減銀九百五十五兩零。應如所請。至稱馬夫俱照現存馬按二馬一夫酌留。僅裁三百八十名。應令確查各原名數。按馬裁夫從之。○刑部議准山東按察使沈廷芳奏稱。竊禁解審斬絞重犯例著赭衣。至軍流各犯。往往不盡衣紅。難免疎脫。請嗣後凡囚衣於監禁解審發配時。上下表裏。無論棉單。悉以紅布製造。又秋審人犯。向例會勘後。即於省城雜髮。惟山東係發回始雜。請通行直省。俱於會勘發回後。再予雜髮。從之。○壬午。上詣暢春園。問皇太后安。○還宮。○以舉行仲春經筵。遣官告祭。奉先殿。

傳心殿

上御文華殿。講官暨侍班之大學士九卿詹事等。行二跪六叩禮。分班入殿。內序立。直講官四人出。就講案前。行一跪三叩禮。復位。直講官伍齡安。秦蕙田進講。四書四時行焉。百物生焉。二句。講畢。

上宣御論曰。斯言也。蓋孔子知命耳。順以後。所以示學者真實至當之理。非因子貢以言語觀聖人。徒為是不待言而可見之語。而別有所謂妙道精義也。且四時行。百物生之中。何一非天乎。而四時行。百物生之外。又何別有可以見天者乎。聖人視聽言動。晝作夜息之中。何一非妙道精義乎。而聖人視聽言動。晝作夜息之外。又何別有所謂妙道精義者乎。天即聖人。聖人即天。四時行。百物生。即聖人之視聽言動。晝作夜息。吾故曰。此孔子知命耳。順以後。所以示學者真實至當之理。非因子貢以言語觀聖人。徒為是不待言而可見

之語。而別有所謂妙道精義也。士希賢賢希聖。聖希天。學者由躬行實踐深造而自得之可矣。講官暨侍班官跪聆畢興。直講官介福。劉綸進講書經其難其慎。惟和惟一。二句講畢。

上宣御論曰。諸家解此者。大約以其難其慎。屬之君。惟和惟一。屬之臣。如是。則是伊尹泛訓之辭。而非訓太甲之辭矣。蓋難於任用。慎於聽察。此固君職。不待言矣。即惟和惟一。何莫非君職乎哉。且也不惠於阿衡。是不和也。庸罔念聞。是不一也。以致通訓允德。是既和且一。然後能為商令主。而謂是為訓人臣之語。可乎。然欲和一於後。必當難慎於先。周而不比。慎終惟始。用是道也。則君子進而小人退。相需殷而相得彰。蔡傳引而未發。予故申而論之。講官暨侍班官跪聆畢。大學士傅恒等奏曰。

皇上行健法天。至誠馭物。惟一以貫。昭存神過。

化之奇。奉三無私。著灼見克知之實。並乾坤而覆載。同日月之照臨。臣等幸侍講筵。親承聖訓。不勝榮幸。奏畢。諸臣出就拜位。行二跪六叩禮。禮成。

上還宮。賜講官及侍班官等宴於協和門。遣官祭昭忠祠。○諭曰。刑部侍郎伊祿順現在出差。永貴尚未到京。其刑部侍郎事務著勒爾森暫行署理。○諭軍機大臣等。書山等奏准兆惠等行文將齊凌扎布所送回人經過哈喇沙爾。借給口糧一百石。照吐魯番公素賚瑞所請於來年收穫時。由伊處交還等語。辦理殊屬錯誤。兆惠等亦未能籌及。蓋齊凌扎布解送回人。若經過素賚瑞所駐之地。偶值缺乏。伊願為接濟。尚屬可行。至哈喇沙爾距吐魯番甚遠。且以官項給發。回人而令素賚瑞償還。似專責伊等供應。於理不合。此等回人既官為安插。一切當於公項報銷。著傳諭齊凌扎布。即以奉旨官給口糧。曉示各降。

回仍傳諭兆惠素資瑞知之。○癸未上啟鑒謁

東陵○諭據倉場侍郎雙慶等奏泰北城廠書丁斌多領興平倉平糶麥石一案。廠書以空白印領冒支倉麥。法難寬縱。業據陳作梅於初六日奏。已將該犯等發交刑部審究。並將失察之監督海齡交部議處。其監督申大年。雖據稱是日患病。並未進署。而丁斌等冒領之時。何以不先不後。適於此日相值。邇其為支飾顯然。申大年著一併交部議處。至該倉場侍郎等專司倉儲。乃於陳作梅奏數日後始行查參。其失察之咎已屬難辭。雙慶等並著交部察議。○諭軍機大臣等。阿桂等奏稱伊犁屯田原議今歲派兵五百名。回人三百戶前往。今與楊應琚相見。始知將軍等酌議派兵四五千名。回人一千戶。但阿克蘇回人業經豫備。而庫爾勒等處所派尚未辦理。仍俟楊應琚到葉爾羌時與舒赫德定議。

等語。伊犁向為準夷腹地。加意經畫。故穡事頗修。今歸我版圖。若不駐兵屯田。則相近之哈薩克、布魯特等。乘機游牧。又煩驅逐。大臣等自當辦理妥協。不可苟且塞責。以圖早歸。看來駐兵屯田。惟當漸次擴充。今歲且照原議派兵五百名。回人三百戶。或并此俱行停止。來年再為舉行。則我兵既得休息。而回人生計亦稍寬裕。又可量為添派。以漸增多。此事朕惟責之舒赫德。伊不過於用兵時退縮。至於辦事心細。朕所深知。若果盡心。自能辦理。今雖命新柱前往協辦。究未熟悉。舒赫德惟視若己事。辦理妥協。方准其更換。此時應作何辦理。伊前奏多派兵丁回人。及河船糧運。經朕訓飭。何以尚未覆奏。俱著傳諭知之。○又諭曰。安泰奏稱。承德現在遵旨回京。其哈薩克貿易事宜。請令副都統伊勒圖協辦等語。此奏無庸置議。屯田貿易。皆屬公事。伊等駐劄一處。自應會同辦理。若謂未經請旨。

即不當辦事。乃推諉拘泥之陋習。假令彼地有瑪哈沁等生發。則與屯田貿易。俱無干涉。遂可置之不問乎。抑必待請旨而後辦乎。安泰。伊勒圖著傳旨訓飭。昨諭伊勒圖前往阿克蘇。永瑞仍駐烏魯木齊。即遵前旨行。嗣後屯田貿易事宜。俱著會同辦理。○是日。駐蹕煙郊行宮。○甲申。遣官祭

先醫之神。是日。駐蹕白澗行宮。○乙酉。

皇后千秋令節。停止行禮筵宴。○諭。上年晉省所屬州縣內。夏秋有偶被偏災之處。俱經分別蠲緩賑卹。但念時屆二月。例賑將停。而麥收尚遠。小民際此青黃不接。餬口未免拮据。著再加恩。將成災六分以上之陽曲等三十州縣。無論極次貧民。再行加賑一個月。仍照例折給。俾得買食充裕。以資接濟。該部遵諭速行。○是日。駐蹕隆福寺行宮。○丙戌。

孝康章皇后忌辰。遣官祭

孝陵。

上謁

昭西陵。

孝陵。

孝東陵。

景陵。俱未至碑亭。即降輿慟哭。步入

隆恩門。詣

寶城前行禮。躬奠哀慟。王以下文武大臣官員

隨行禮。○至

孝賢皇后陵奠酒。○諭軍機大臣等。五吉奏稱

派往阿克蘇之馬二千二百餘匹。伊親行解送。於正月二十八日。自巴里坤起程等語。以阿克蘇現有馬匹駝隻。合之新到馬匹。自足敷用。著傳諭阿桂。伊桂。豐訥。亨伊三人。即選派官兵。給以馬匹。搜捕瑪哈沁。務期一舉盡。勒亦不必過於急迫。惟酌量馬力。奮勉行走。○是日。駐蹕桃花寺行宮。○丁亥。諭軍機大臣等。據同德等將清馥招降瑪哈沁。斗齊半途脫逃。囑令護送人等。不得據實稟報。捏稱

斗齊打牲他往。未經搜獲各實情。審明叅奏。斗齊乃誑誘官兵馬匹之賊。清馥並未親往追捕。經降旨申飭。伊始前往。今詳閱各供。則清馥仍未前進。不過於巴里坤相距二三程坐候耳。伊前曾奏稱不獲斗齊。不回朕方謂清馥畏罪窮追。固所宜然。但無端勞苦官兵。朕實惜之。復諭以前行已二三月。口糧殆盡。伊即當枵腹從事。斷不得累及官兵。若能獲賊。固善。否則將官兵撤回。此特據伊所奏情辭確鑿。是以諄諄訓及。今觀同德等奏。伊僅離巴里坤不遠。遷延觀望。則前此所云不獲賊人不回之語。非有心欺謾乎。甚至囑令厄魯特等將賊人半途逃脫情節。諱匿不報。罪無大於此者。今大功雖成。各處駐劄大臣甚多。若似此效尤。何以集事。著將同德等奏摺錄寄舒赫德、阿桂等閱看。前諭將清馥革職。交舒赫德差遣委用。今著就伊所至之地審訊明白。伊若服罪。即於該處正法。或妄行狡

辯。可派員看守。解送來京。所有行裝查明入官。同德、淑寶審理此案。據實叅奏。毫無瞻徇。深屬可嘉。俱著交部議叙。仍傳諭各處駐劄辦事大臣等知之。○又諭據蘇昌彙奏。動用錢糧及工程報銷一摺。內辦理尚未完竣者。共有六案。部駁未完者四案。楚省事務尚簡。非江浙繁劇可比。該督衙門動用錢糧及工程報銷。現在未結者。何以積至十案之多。著傳諭蘇昌上緊趕辦。務期速結。嗣後遇有此等事件。必須隨時清釐。毋任屬員玩延。從事以致塵案日積也。○又諭曰。阿桂奏稱。辦送霍集斯之子呼岱巴爾氏。同其家口來京。應否將霍集斯兄弟家口一同辦送等語。著傳諭阿桂。霍集斯家口起程時。將伊兄弟之家口及同族皆毋庸辦送。○是日。駐蹕盤山行宮。至庚寅。皆如之。戊子。諭軍機大臣等。據吳達善奏。現在官兵凱旋。軍臺文報及欽差過往較前簡少。所有口外各塘站。原續增添

馬匹酌量減徹二百七十匹解赴哈密牧放等因一摺業已降旨如所議行甘省既如此辦理則陝西山西直隸等省從前所有添置塘站馬匹自應一體覈減俾歸實用著傳諭各該督撫令其各就本處情形查辦具奏尋直隸總督方觀承奏直省各軍站前經奏准於通省衝僻站內抽撥馬一百七十匹協濟今西陲歲功文報較少請將前項抽撥馬照數徹歸原驛內魏縣已經裁併原設遞馬四匹應一併裁汰得旨如所議行又山西巡撫鄂弼奏晉省沿邊二十八軍臺係專遞軍營文報前抽撥馬二百三十四匹應全數徹回各原驛其沿邊十二驛凱旋後仍有善後事宜及新附回部往來差使原額馬數不敷前所添撥馬二百七十九匹未便全徹請酌徹一百六十九匹其餘協濟馬一百一十匹仍勻配各驛應差得旨覽又陝西巡撫鐘音奏陝省沿邊各軍站前經抽撥馬五百一十四

匹嗣因大差往來抽撥之數仍不敷用將正腰各站俱添足六十匹共增設馬一千八十匹應請於二十九站內每站先酌減二十匹共減馬五百八十匹仍俟善後事宜全竣再將餘存增設馬全行徹減並內地抽撥之數徹歸原驛報聞○又諭曰阿桂奏稱辦送漢咱吧爾兄弟等來京時體察阿克蘇回人伯克等稍生疑懼業經出示安慰等語所見甚是今仍降旨宣諭著舒赫德等通行曉示各城再阿桂奏遵旨派索倫兵三百名前往烏魯木齊酌於二月初旬起程等語阿克蘇等處索倫兵既行派出而阿桂等巡查伊犁又必領兵前往則阿克蘇之索倫兵益少現在回人不無疑懼亦須彈壓著與舒赫德酌議或調葉爾羌索倫兵二三百名駐劄阿克蘇或令安泰選索倫兵一百名由烏魯木齊前往伊犁阿桂等由穆素爾嶺與安泰會合亦甚有益伊等宜會商妥協一面辦理一面具

奏不必候旨至阿克蘇辦事甚要阿里衮現在起程回京可就便暫駐阿克蘇俟阿桂巡查回日再行起程現今新柱往葉爾羌協辦著海明即至阿克蘇阿里衮俟海明到日再行回京俱著舒赫德阿桂酌議具奏諭回衆人等昨因烏什回人等訐告霍集斯父子苦累部衆侵漁貢賦經辦事大臣等具奏朕以霍集斯輸誠効力所有過失皆從前陋習若遽行治罪心有不甘但仍令其管轄所屬

則上下猜嫌必不能相安無事即如準噶爾人等亦因聚斂成讐上既凌虐下亦憤恨互相侵噬以底滅亡可為明鑒因將霍集斯父子優其廩祿安插京師而各城頭目亦自知所懲創悛改舊習但恐愚頑無識之徒因此遂長刁風擬拾已往之事公行告訐或伊什罕等圖得阿奇木之缺或所屬人等妄生事端挾制該管大干法紀嗣後有似此者非但不行辦理仍究明情節重治其罪斷不寬宥

爾等知此維期上下相安勤於生業勉為良善永享昇平尚其敬聽無忽○己丑戶部議准雲南巡撫劉藻疏稱寧台山銅廠硐路深遠需費較多加增價值辦銅始能充裕請照日見汎厥例每毛銅每百觔實給價銀五兩一錢五分從之○禮部議覆兵部左侍郎錢汝誠奏稱鄉試磨勘則例內不諳禁例一條未將字面款式輕重分別概予罰停三科未為平允請嗣後除直書

廟諱

御名及

先師孔子諱者仍罰停三科外其行款偶譌字面違式均照文內疵謬例罰停會試一科應如所請將一應字面款式詳悉分別纂入則例其本年題結之順天等省擡頭不合試卷併請改為罰停一科從之○庚寅諭戶部議駁莊有恭奏浙省漕船丁力貧疲請減船灑運一摺朕以該撫所奏似因江西准減漕

船。援例具請。而浙省情形未必與江西相同。是以傳諭楊錫紱。令其詳悉議奏。今據奏浙省漕務。疲丁積弊。能實力剔除。行之數年。尚可轉疲為殷。若裁減船隻。雖亦調劑之法。而非其切要等語。總之經理漕政。惟在地方大吏留心整頓。除積弊而蘇丁困。不徒以議減額船為灑貼貧丁計也。所有該撫請裁漕船一事。著照部議不必行。

實錄卷六〇七

大清高宗法天隆運至誠先覺體元立極敷文奮武孝慈神聖純皇帝實錄卷之六百六

大清高宗法天隆運至誠先覺體元立極敷文奮武孝慈神聖純皇帝實錄卷之六百七

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂
總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次尋常紀錄十四次臣德瑛經筵講官太子少保工部尚書紀錄六次臣曹振鏞等奉
敕修

乾隆二十五年庚辰二月辛卯遣官祭

實錄卷六〇七

歷代帝王廟○諭軍機大臣等成衮扎布等奏稱額爾克沙喇莫尼扎布等詢問被掠脫出之烏梁海等稱係哈薩克之巴魯克巴圖魯統衆搶掠未知果否確實即同察達克圖布慎等領兵抵哈薩克邊界捉生詢問等語搶掠烏梁海一事須查詢確實不可輕舉妄動即如俄羅斯訛傳哈薩克統衆三萬前來至今毫無影響固情節可疑而烏梁海等又稱係巴魯克巴圖魯則又是哈薩克而非俄

羅斯矣。朕前諭謂或係俄羅斯。或係哈薩克。不出所指四端。要於務得實信。今覽額爾克沙喇等報文。內稱與朕所指俄羅斯情節相近等語。若稍有附會。或拘泥辦理。必至歧誤。著傳諭額爾克沙喇等知之。昨諭莫尼扎布於查確後。前來奏對。仍著察達克同來。朕既可悉彼處情形。而伊等亦得承訓示。易於辦理。○戶部議准浙江巡撫莊有恭奏稱杭州駐防兵營地現有改捐義地。派撥惟乍浦駐防。須置民地。請於司庫備公銀內動給其地。糧豁除從之。○蠲免奉天盛京驛舊邊甸驢河白旗堡二道京小黑山。廣寧易路開原噶布拉村法庫。東關寧遠高橋小凌河沙河站十三山連山關嚴千戶屯等十九驛。乾隆二十四年旱災額賦。併分別加賑。○旌表守正捐軀之河南鄧州民王某女王氏。是日駐蹕大新莊行宮。壬辰遣官祭黑龍潭昭靈沛澤龍王之神玉泉山。

實錄卷六十七

二

實錄卷六十七

三

惠濟慈佑龍王之神。諭朕於本月二十日進宮。二十一日由宮啟鑾謁西陵。兵部議覆署兩江總督江蘇巡撫陳宏謀疏稱太湖左營簡村守備移駐東山改為都司。添設千總二員一員。隨同都司駐劄一員。分防簡村。均經奏准。東山本無營署。請添建左營都司右營千總衙署各一所。調回左營兵營房六十間。給右營兵營房二十間。應一併添設其簡村守備舊署給現設千總駐防。應如所請從之。○以內閣侍讀學士溫福為內閣學士兼禮部侍郎。以頭等侍衛額勒登額為正黃旗蒙古副都統。以故雲南廣南府土同知儂振裔子毓榮廣西慶遠府東蘭土州同韋振聲弟振馨各襲職。是日駐蹕三家店行宮。癸巳。上迴鑾詣暢春園問皇太后安。辛圓明園。諭軍機大臣等舒赫德奏阿克蘇現有索倫兵二百六十餘名又

於齊凌扎布所領新索倫兵內揀選三十餘名發往烏魯木齊等語阿克蘇地方緊要今所有索倫兵既全往烏魯木齊而阿桂又領兵巡查伊犁自應派兵防範乃舒赫德未見奏及若謂伊所駐葉爾羌之兵不便撥補阿克蘇則甚屬錯謬伊係總辦各城事務之人自當視同一體不可稍分彼此至阿桂亦未奏明巡查伊犁係派何處之兵而阿克蘇以何處兵丁駐劄自宜辦理妥協再烏什雖與阿克蘇相近仍需大員駐劄辦事著舒赫德等酌量辦理阿桂亦不得因總理有人遂生推諉當與舒赫德和衷商榷以期集事倘互相推諉以致貽誤朕不獨責備一人也俱著傳諭知之○甲午清明節

上詣

安佑宮行禮遣官祭

永陵

福陵

昭陵

昭西陵

孝陵

孝東陵

景陵

泰陵遣官祭

孝賢皇后陵

端慧皇太子園寢諭曰總兵郝琮奏稱於上年六月內因履任三年繕摺奏請陞見拜

實錄卷六百七

五

發時誤將應繳硃批齎進請交部議處等語郝琮前繳硃批時見其並無一摺已屬錯誤可笑今既摺奏及此而於陞見之處轉不聲明請旨更屬糊塗郝琮著交部議處並著調取來京陞見諭軍機大臣等阿桂等奏准永慶呈報烏什之阿琿伯克等列款控告霍集斯並稱葉爾羌噶西納齊薩里行走奮勉若授為烏什之阿奇木硃屬妥協隨示以薩里縱可委用究係本城之人豈此外無可勝

任者。且補授阿奇木我等尚不敢專擅爾輩
何得薦舉等語。阿桂所奏曉示回人之處甚
是。薩里曾控告霍集斯。若即授為阿奇木則
奸險之徒羣以陷人奪缺為得計。伊果行走
奮勉。應再行酌量加恩。至所奏噶岱默特可
勝阿奇木之任。伊現隨將軍等來京。俟召見
後再降諭旨。○又諭曰。成衮扎布奏據探信
侍衛阿扎喇稟稱。扎木禪多岳特詢問貿易
人等知哈薩克之巴魯克巴圖魯搶掠烏梁

實錄卷六十五

六

海。又有哈巴木拜屬人亦稱巴魯克巴圖魯
遇逃走之烏梁海等掠其馬匹牲畜等語。是
搶掠烏梁海係哈薩克之人無疑。已傳諭納
旺令其見阿布賚時責令拏送巴魯克巴圖
魯。即阿布賚不能擒獲。亦即在哈薩克確訪
其游牧處所。作速奏聞。若帶領新派之索倫
兵一千名直入擒拏。自可弋獲。著傳諭成衮
扎布等候旨遵行。刑部議覆。綏遠城右衛
副都統素玉奏稱。右衛係近邊衝途。旗民雜

處。官兵駝馬失竊。僅照偷馬例治罪。不足示
儆。請照偷盜蒙古四項牲畜新例。一二匹至
九匹分別遠近發遣。十匹以上將首犯擬絞。
秋審入於情實其竊盜之家主。無論閑散兵
丁。如有縱容及分贓情事。依律治罪。係官員
咨部查議。又兵丁軍器被竊。請分別按律加
等治罪。典買軍器之人亦從重辦理。均應如
所請。嗣後拏獲偷盜軍器之犯。除犯流絞罪
者依律懲辦外。其犯該徒杖者。照偷竊贓加

實錄卷六十五

七

一等治罪。仍於犯事之處再加枷號一月。典
買軍器之人減本犯罪一等發落。從之。○以
定邊將軍兆惠總理鑾儀衛事。○乙未
上詣暢春園問

皇太后安。還宮。諭軍機大臣等。齊凌扎布
奏稱。伊解送之伯德爾格塔哩雅沁烏沙克
回人等。由阿克蘇至庫爾勒中間脫逃男丁
十六名。又在吐魯番開展等處落後行走之
男婦三十一名口。據素齊瑞咨現在拏獲二

十人由哈密遁解。今解至肅州者共七百九十餘名口。已交與吳達善等語。此等逃走回人。務期拏獲。即於本處正法令回人等觀看。其已經解送者。亦即於所到之處正法。併傳諭自哈密至阿克蘇辦事大臣等知之。其解至肅州回人吳達善。即遵旨分賞官兵。毋令聚集一處。○又諭曰。定長等奏准阿桂咨查霍集斯有留於吐魯番之人。差遊擊達興阿嚴加看守。安插魯克察克。又漢咱吧爾從前差往開展。購買什物之人。亦行文書山納世通詳查具奏等語。大臣等於應辦要務。往往畏難。而此等毫無關係事件。輒瑣屑搜求。甚覺過當。定長即准咨辦理。俱未曉事。霍集斯効力軍營。尚欲加恩錫爵。其安插京師者。特恐仍居故地。為人所累。原以曲示保全。故賞給廩祿。務從豐厚。何必羈其屬人。查其什物耶。且辦理此事。當明白曉示。以霍集斯被人告訐。大皇帝念功宥罪。安插京師。即伊存留

之人。疑懼逃竄。不妨聽其所往。而代伊市買之人。縱有侵漁。亦何必過問。阿桂定長俱著傳旨申飭。仍降旨曉諭回人等。其霍集斯所留之人。可自備資斧來京。至所查霍集斯家產。力能自運。則已。或有不能。則官為幫辦。阿桂等即遵照辦理。○丙申上啟鑒。謁泰陵。○諭軍機大臣等。昨據額爾克沙喇莫尼扎布議於額爾齊斯解凍之前。速往哈薩克邊界。捉生詢問。又據貿易人等告稱。搶掠烏梁海。係巴魯克巴圖魯等語。已諭成家扎布俟索倫兵至日。令車布登扎布帶領前往辦理。但巴魯克巴圖魯不過小醜。妄行蠢動。所調官兵不必急行。富德亦無庸同往。著車布登扎布於七月初旬。以副將軍統兵瑪瑞車木楚克扎布為參贊。大臣相機擒勦。此時仍俟額爾克沙喇等偵探確實。不可拘泥辦理。是日駐蹕黃新莊行宮。丁酉遣官祭賢。

良祠。諭軍機大臣等尹繼善所奏撈濬徒陽運河動用司庫銀費一摺。運河按年撈濬。自屬歲修常例。但徒陽一帶前年甫經大挑。所費工力既多。則河道深通。自倍即須再挑。亦必遲之數年之後。至於去歲本年為時甚近。若仍如前每歲撈濬。需用至三千六百餘兩。則前此之大挑。何所取義。寧非虛文塞責。徒滋勞費乎。此摺已交部令其查覈覆奏。著再傳諭尹繼善。令將前後大挑歲修並各年

實錄卷之七

分銀數。作何辦理。緣由確切查明。據實奏聞。○又諭曰。白鍾山奏。同知巴靈阿呈請迎養伊母。並將伊弟年幼子女隨帶撫養一摺。此係照例陳奏之事。但行據實聲明。無不准其迎養。乃巴靈阿身係滿洲。而撫拾幕吏之浮詞。殊為惡陋。甚且有聖朝以孝治天下。凡屬滿漢人員。無不仰叨錫類云云。夫滿漢一體。此特自漢人言之。意恐不得比於滿洲耳。巴靈阿自問何人。乃為是語。則其漸染外官銅

習甚深。若令其在外循資陞用。知府斷乎不可。俟伊將來俸滿時。即著聲明送部。以京員補用。白鍾山據詳入奏。恬不為怪。伊獨非旗人乎。何弗思之甚也。並著傳旨申飭。所請迎養之處。仍照例准行。○是日駐蹕半壁店行宮。○戊戌駐蹕梁格莊行宮。○己亥上謁泰陵。未至碑亭。即降輿。慟哭步入隆恩門。詣

實錄卷之七

寶城前行禮。躬奠哀慟。王以下文武大臣官員隨行禮。○諭曰。兆惠、富德俱著授為御前大臣。兆惠、富德、明瑞俱著在紫禁城內乘馬阿里來。舒赫德至京時。亦著在紫禁城內乘馬。○是日駐蹕秋瀾村行宮。○庚子諭曰。桑寨多爾濟等以承襲根扎布多爾濟貝子爵。將該旗保舉人員陳奏。根扎布多爾濟並無過謹。其應襲之爵。理宜由伊子嗣內揀選承襲。惟伊子皆係歸化城所生。不能深悉蒙古性

情著草去扎薩克惟將貝子爵令根扎布多爾濟之次子車布登多爾濟承襲其根扎布多爾濟之弟格齋多爾濟兼管旗務有年著加恩賞給公品級授為扎薩克○旌表守正被戕之四川南部縣民盧某女盧氏○是日駐蹕半壁店行宮 辛丑

孝昭仁皇后忌辰遣官祭

景陵 諭軍機大臣等據莊浪副都統噶隆阿奏稱軍興以來莊浪兵丁解送馬匹等項所

實錄卷六十七

十一

借銀兩分作六年十年扣還者仍扣還外所有原任副都統佛倫接濟兵力及補買缺額並添餵馬匹尚應還銀一萬六千二百餘兩懇恩展限扣還等語甘省兵丁餒解馬匹借欠銀兩曾經黃廷桂查明具奏降旨分別豁免展扣今噶隆阿既有此奏恐尚不止莊浪一處為然從前黃廷桂如何辦理吳達善自必悉其原委著傳諭楊應琚吳達善將甘省各營出兵解馬兵丁借欠銀兩已經豁免者

若干現在分年扣還者若干未經查奏者若干逐一詳細查明據實具奏○禮部議淮安徽學政劉星煒奏稱歲科兩試童生請兼試五言六韻排律一首詩文並優者列在前茅或文可入彀而詩欠諧叶者量為節取並飭學官月課一體限韻課詩從之○添建江蘇新陽縣縣丞衙署從巡撫陳宏謀請也○緩徵黑龍江齊齊哈爾墨爾根乾隆二十四年旱災兵民未完額賦○是日駐蹕黃新莊行

實錄卷六十七

十一

宮翼日如之○壬寅定邊將軍兆惠副將軍富德叅贊大臣明瑞巴祿等振旅凱旋上自行宮啟鑒設法駕鹵簿軍士鳴螺鑼歌樂作至良鄉城南登壇列肅行禮王公將軍等隨行禮畢御黃幄將軍叅贊等以次趨進行抱見禮賜坐慰勞禮成凱歌樂作還行宮賜將軍叅贊隨征將士及新附回部伯克等宴王公大臣等皆與○叅贊大臣舒赫德奏大兵進剿回部安設臺站馳遞事件務在迅速

時有大員巡查。俱知勤勉。今各城平定。應酌量緩急。不糜帑。亦不誤公。查自葉爾羌至闐展。俱有回人居住。伊等善於步遞。請每臺派回人十戶。兼綠旗兵五名。識字之健銳營前鋒。或西安兵一名。以六品頂帶署筆帖式管理。每臺馬十五匹。駝四隻。四月至九月牧放。十月至三月。由各城支給芻豆。其官兵等二年一換。酌量保送。以示鼓勵。回人等一體給與口糧。及鹽菜銀兩。於十戶中。派出首領一

實錄卷六十七

古

人以七品頂帶管理。臺站附近地畝。仍令自行耕種。其葉爾羌至喀什噶爾和闐。亦請照此辦理得旨。如所請行。○以患病休致喀爾喀扎薩克輔國公三都克車木伯勒子車登扎布襲爵。○旌表守正捐軀之山東寧海州民高福妻李氏。○癸卯。

上迴鑾。詣暢春園問。

皇太后安。○幸圓明園。○諭軍機大臣等。據阿桂奏稱伊犁所派屯田回人及阿克蘇應調

之兵。俱已辦理。但須兼辦瑪哈沁而五吉所

送馬匹未到。若坐候。則誤農時。是以每兵給

馬一匹。先行起程。等語。阿桂此次辦事。甚屬

勇往可嘉。此時自以屯田為要。俟五吉送馬

至日。再辦瑪哈沁。亦不為遲。舒赫德此時亦

抵阿克蘇。即接收馬匹。派大員加意護送。毋

為賊所盜竊。交阿桂牧放。至秋間。搜勦瑪哈

沁等著伊桂達勒當阿帶領阿桂不必前往

惟專辦耕作營造事宜。務使兵丁回人樂於

從事。昨諭安泰領兵三百名。與阿桂會合。著

即沿途安設臺站。搜捕逸賊。併傳諭知之。

甲辰

上御正大光明殿。賜哈密扎薩克郡王品級貝

勒玉素布和闐阿奇木郡王品級貝勒霍集

斯。回部新附之阿克蘇貝勒品級貝子鄂對

等四十六人冠服有差。○諭前據永常等參

奏。知府何德新等辦運軍糧。將破爛毛袋率

行起解。請旨革職。時因辦理軍務。自應加意

實錄卷六十七

十五

整頓。以警玩違。今值大功告成。軍需俱已藏事。且伊等所辦糧運。尚無貽誤。購買毛袋草率。又經詳明巡撫。情尚可原。所有原任知府何德新。知縣杜蔭縣丞朱淳。俱著該部行文調取引見。候朕降旨。諭軍機大臣等。據多爾濟奏稱。由噶斯路通伊犁之得布特爾邊卡官兵。奉旨撤回。計多領口糧銀三千兩。有奇。已行文該扎薩克追繳等語。官兵多領口糧。雖應交還。當具奏請旨。遽令追繳。殊屬不合。著加恩寬免其半。即諭各扎薩克知之。以戶部尚書公兆惠署理兵部尚書事務。以鑲黃旗蒙古副都統鄂博什墨爾根城副都統舒泰對調。乙巳。

上詣暢春園問

皇太后安。還宮。諭上年因得雨稍遲。糧價易致增長。是以節次酌設五城各廠米豆草束多方籌畫出糶。以平市價。而麥麪一項至今源源接濟。現在河南麥石將次糶完。而山

東五萬石已經續到。江南十萬石亦已連艘北上。且商販以時轉運流通。當此冬雪優霑。春膏疊沛。秋苗青葱。暢茂所有。現在麥價尤當日就平減。乃據順天府尹奏報。現今時價較上半月每石加增三錢。此必其中奸商市販。巧為牟利。以致翔貴。若此。國家立法調劑。原屬因時制宜。非可援為定例。且前經降旨。將官員俸祿先行借放。原期米石倍為充裕。而商販乘時落價收買存積。及至支放已停。則乘機昂價獲利。在在有之。京城重地。設官糾查彈壓。至為詳備。顧任一二刁民乘間居奇。甚至齊行把持。累及閭閻口食。而莫之懲。儆可乎。著步軍統領衙門會同五城御史順天府嚴行飭禁。如有藉此多收囤積高擡市價者。即行查拏究處。以為逐利病民者戒。又諭曰。彰寶奏請苗疆地方命盜案件均照原定分限辦理。無庸加展一摺。具見實心辦公。不為外吏陋習所染。苗疆展限特係向例。

相沿其實此時內外肅清與腹地何異不過有司藉此遷延冀得為藏身寡過之地耳彰寶身任臬司能力清案牘不以展限自寬其志向甚屬可嘉所奏已如議行彰寶著交部議敘又諭部議失察流丐輪姦應行降調之房縣知縣唐文運引見時朕以地方遇有輪姦事犯向無遽將知縣降調之例因降旨面詢乃唐文運轉以流丐並非流民堅執自文夫流丐與流民有何分別及令吏部檢覈原叅則唐文運原以失察流民定案向來事干公罪朕量其人尚堪錄用者莫不加恩唐文運之罪本不至擯棄不錄乃當面奏時仍飾詞取巧轉覺其心不可問矣唐文運著照部議降調○又諭曰蔣炳明德奏甘省近年間被旱災請暫開甘賑事例一摺所奏非是現在西陲大功告成承辦軍需已經竣事其內地歉收各屬節次加恩蠲賑平糶不惜帑金億萬多方撫綏現俱辦理就緒何必於此

時為此權宜之計即地方實有應行通融等畫事宜亦當聽督撫等據實陳奏俟朕裁酌蔣炳等何竟不量事體之應行與否輒爾冒昧瀆請所奏不必行並著傳旨申飭諭軍機大臣等鄂弼覆奏酌辦臺站馬匹一摺有應行全數撤回者有應仍留協濟馬匹勻配各驛應差者自應因地隨時妥協撙節辦理至所奏沿邊一帶塘站從前差使簡省設馬無多今西陲聲教遐宣文報什倍疇昔應請另行詳籌妥辦等語塘站遞送文報前此原由內地調派安設其未經掣回之先本處並無貽誤今即以本省經制未便遽懸亦祇就額歸額足矣其沿邊應行籌畫之處亦祇隨宜量度裒多益寡不得轉出前定章程之外致滋糜費著傳諭該撫令其悉心詳查妥協經理具摺奏聞是月河東河道總督張師載奏黃河兵丁向例每丁一名春融時額裁柳一百株但前設柳園官地多年叢栽易啟

勝混虛捏之弊。現飭各汛員於本管汛內大隄裏面隄唇照數栽種交汛兵按段收管如該管廳汛不實力照料枯損數多除責令補栽外仍行叅處又兵丁堡夫額挑土牛近年堆積過多恐滋影射且隄頂排列太密中間蓄積雨水有妨隄工已飭豫東兩省各廳汛於大隄臨河一面將土牛攤平改築子堰酌量隄頂寬窄以頂寬三尺底寬六尺高四尺為率其無土牛之處亦將兵夫應積土陸續接築俟兩岸子堰完竣仍令照舊挑積土牛得旨具見留心○山西巡撫鄂弼奏晉省上年災區糧價昂貴請照各屬市價大加酌減其價在四兩以上者每米一倉石酌減三錢三兩以上者減二錢五分二兩以上者減二錢通飭各屬開倉碾糶及出糶豫米各廠均照減價畫一平糶每人每日買米不得過三升道府稽查監糶臣仍嚴行察訪得旨好盡心料理查弊為要勉之○湖南巡撫馮鈐議

准布政使許松佑奏稱鳳凰營通判駐劄鎮草土地瘠苦苗徭雜出詞訟皆歸審辦又有兵民交涉事件較永綏乾州兩廳為倍繁其額設養廉五百兩不敷辦公永州府同知原定苗疆難缺增給養廉銀一百兩今已將苗疆難字樣刪除應即以所增養廉銀酌減撥補鳳凰廳通判得旨如所議行○又議准按察使嚴有禧奏稱民苗結親原係例禁嗣經前督臣邁柱奏准永順一府及永綏綏寧各苗俱令與內地兵民結姻其乾鳳二廳并靖州通道等處仍照例禁止查苗向僻處深山服飾風俗究與民人有別其情愿婚姻者大率游手無賴之民利其產業而苗性貪得財禮藉其力作久之情意不投每滋訟獄且恐奸民藉口姻親出入苗地勾結成釁應請概行禁止其現在已婚已娶者飭令娶回不許贅居苗寨如奉禁後仍有違例結親及無故擅入苗地者按例治罪失察之地方官照例

叅處得旨如所議行○四川總督開泰議覆
按察使顧濟美奏稱川省咽喉匪類為害閭
閻性慣流蕩其事犯充徒者每乘間逃脫或
在配滋事應令解至配所即以應徒年限繫
帶鐵桿示衆限滿果能悛改由地方官具結
詳請釋放如限內仍有不法之處即徒滿亦
不准釋放統俟草心斂跡再行停止毋庸豫
計三年得旨如所議行○雲南巡撫劉藻議
覆原任布政使傅靖奏稱運銅各員回滇報
銷原令一月內造冊申報糧道但未定有逾
限叅處之例不免任意稽延應於正協運官
回省日勒限一月申報如遲叅處至糧道覆
覈移司亦應定限一月如有逾延統於報銷
冊內聲明聽部議處報聞

大清高宗法天隆運至誠先覺體元立極敷文
奮武孝慈神聖純皇帝實錄卷之六百七

聖訓

卷之六百七

大清高宗法天隆運至誠先覺體元立極敷文奮武孝慈神聖純皇帝實錄卷之六百八

監修總纂官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次並慶祥

總纂官經筵講官太子太傅文華殿大學士文淵閣領事稽察欽奉 上諭事件處管理刑部戶部工部事務

世襲騎都尉軍功加十九級隨帶加二級文加二級並慶祥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十五年庚辰三月丙午朔

實錄卷六百八

一

上御太和殿受朝凱旋將軍兆惠富德率從征各官行慶賀禮王公百官俱行禮○丁未

上御乾清門聽政諭軍機大臣等阿桂奏稱

伊犁河以南有地名海努克與固勒扎相隔

一日程途水土沃衍請於此處先行屯種相

其形勢分立村莊等語所辦甚是俱依議行

果能實心奮勉次第辦理則屯田一事當錄

伊經始之功也至村莊居住回人需兵防護

非尋常屯田處所可比必固其堡寨勤其瞭

望庶藏匿之瑪哈沁及哈薩克等不敢滋事

至所奏起程以前派回人修理穆素爾嶺道

路及將來安設臺站行知舒赫德酌辦等語

從前準噶爾與回人往來俱由穆素爾嶺一

路今既屯田伊犁自應時加修理其酌派回

人及安設臺站俱傳諭舒赫德知之入諭

曰安泰等奏屯田以漸開擴直通伊犁自烏

魯木齊至羅克倫擇水土饒裕之地立四村

莊每莊屯兵八百餘名委遊擊一員都司一

實錄卷六百八

二

員分派雜職等督課耕種等語所見甚是可

即勉力善為經理至設立村莊尤宜防範盜

賊不可輕忽所奏官兵四五千人間有疾病

乞賞給醫士及藥材等語著傳諭吳達善於

甘肅選良醫二名并各種藥材送至烏魯木

齊備用禮部議覆福建學政汪廷璵奏稱

童生入學係進身之始取進試卷例不解部

恐考官以意見去取童生以揣摩倖進請照

生員試卷解送十名例將取進文章前十卷

一體送部磨勘。查各學額進試卷僅解十名。恐取列中後之卷。仍有濫竽充數。應令全數解部。其有命題怪僻。文體疵謬等弊。照例指叅從之。以太常寺卿程巖為內閣學士兼禮部侍郎。○命原任河南巡撫圖勒炳阿駐劄庫車辦事。蠲緩安徽懷寧桐城潛山太湖宿松望江婺源虹縣靈璧泗州盱眙天長五河滁州建平平等十五州縣併泗州滁州二衛乾隆二十四年水災蟲災額賦分別賑卹。

○戊申。

上幸豐澤園。御大幄次。賜將軍兆惠富德及諸將士。併新附回部貝勒品級貝子鄂對等宴。王公大臣皆與。次第賜酒賞將軍及隨征將士等銀幣有差。○掌四川道監察御史朱嵇奏。殿試閱卷。皆係欽派大臣。日久不無懈弛。請倣內場監試例。於閱卷日派王公大臣及科道官員監試。至閱卷大臣擬定十名。後請即將十人帶領引見。仍於次日傳臚。得旨所

奏確當。如所請行。○已酉刑部議准浙江布政使明山奏。稱賭博案內出具牌骰之人。每稱買自過路。拾自道遺。難免避重就輕之弊。應於拏獲後。向各犯追究。賭具來歷。如不據實供出。即將案內出有賭具之人。照販買為從例。杖一百。徒三年。又開場窩賭。甚至積日累月。兩隣豈無知覺。應令據實出首。狗隱者照不應重律。杖八十。得財者照竊盜計贓從重論。從之。○綏遠城建威將軍公恒祿議覆。

右衛副都統素玉奏。稱兵丁紅白事件。恩賞銀兩。前因右衛資生銀不敷。祇賞給現兵之祖父母。父母本身妻室。及子女初次嫁娶等八件。其兵丁續娶及繼妻病故。並無子嗣之孀婦病故。又曾經出兵。因疾革退之兵丁。其本身妻室病故。及子女嫁娶等項。均未經賞給。今右衛資生銀除節年分賞及歸還藩庫一萬兩外。現存餘本息銀一萬二千五百餘兩。已屬充足。請照京師綏遠城例。一體照原

食錢糧賞給。應如所請。從之。以鑲白旗蒙古副都統溫布為呼倫貝爾總管。正白旗蒙古副都統由屯為額外總管。遇缺即補。旌表守正捐軀之河南寧陵縣民索某女素氏。（庚戌命查奏官兵親屬陣亡人數。諭軍機大臣等軍營効力有功及陣亡官兵等俱據奏節次勅部叙卹。至父子兄弟祖孫三人內有二人陣亡者。即未著有勞績而情尤可憫。自應格外加恩。著將軍兆惠等陸續查奏。

字錄本六十八

五

優卹陣亡官兵奴僕等。諭軍機大臣等軍營効力有功及陣亡官兵朕皆分別加恩叙卹。至官兵奴僕陣亡均屬為國捐軀。自當加恩。議卹著查明交部。若官員奴僕陣亡將伊子弟准其開戶為民。如係兵丁奴僕著酌賞伊主身價。亦准其為民。即照陣亡例議卹。其昭忠祠祭祀列名於兵丁之火以示優獎。又諭曰。安泰等奏稱哈薩克阿布勒巴木比特。阿布賚等遣呼圖拜阿塔賚等至烏魯木齊。

字錄本六十八

五

恭進馬匹。並求入覲。謹將奏章封進等語。看來哈薩克等恭順有加。著降勅獎諭。俟納旺抵烏魯木齊。安泰即令其同往。仍傳諭來使云。已代爾等奏請入覲。恩旨派侍衛薩木坦護送來京。沿途行走亦不必過急。一日約百里以外。併傳諭黑龍江將軍綽勒多。前所派索倫兵一千。若尚未派出。即行停止。或業已整裝。亦令其在該處候旨。併傳諭成衮扎布等知之。賜哈薩克阿布勒巴木比特。阿布賚。阿布勒比斯。哈巴木拜等勅書曰。去歲爾等哈薩克之人。搶掠烏梁海。我將軍大臣等即欲興師問罪。朕因爾阿布賚等歸誠已久。須詢問確實。續因爾等貿易之人。告稱搶掠烏梁海。係爾處之巴魯克。巴圖魯。則與爾等無涉。但爾等受朕深恩。若力能擒獻。巴魯克巴圖魯。更見惻誠。特遣侍衛納旺傳諭。尚在途中。爾等已遣使貢馬。並求入覲。或爾等知烏梁海被掠之事。悚懼祈請。以昭恭順。朕益

鑒爾等誠意。爾等但遵旨將搶掠烏梁海等所獲察出送還。即巴魯克巴圖魯亦尚可加恩。曲宥嗣後。惟約束所部以安生業。至爾等所奏遵旨與布魯特和好。而去年貿易人等為所掠奪等語。但爾等外藩使人來京。朕皆面諭以和輯隣部。將來布魯特入覲。必更加訓諭。務使守法安生。不致互相戕賊。爾等來使已命侍衛等護送來京。至日自加恩賞。今以降勅賜緞各四端。爾等其祇受敬悉。○禮

聖訓卷六十八

部題。和嘉和碩公主下嫁。和碩額駙福隆安其筵宴。請照淑慎和碩公主及和敬固倫公主之例。得旨。嗣後固倫公主著筵宴二次。和碩公主著筵宴一次。並載入會典。著為例。○兵部奏。平定回部凱旋之索倫吉林察哈爾兵。請照金川凱旋例。於德勝門外住歇一日。得旨。所奏是。伊等俱係軍前効力之人。今凱旋回去。若不令其來京。即由彼前往。稍覺未協。著照該部所奏。各隊兵丁到京之日。著內

務府總管同朕所派之御前行走大臣侍衛等。監賜飯食。稍為休憩。再令其回往各該處。○軍機大臣等議。覆建威將軍公恒祿奏。稱綏遠城駐防額兵三千二百名內。有年幼殘疾者四百名。應改為養育兵。逾歲者四百名。改為步兵。於城內進班巡哨。即以二千四百名作為定額。查設城安兵之初。叅駐家選兵糧餉。照右衛酌減。前鋒領催月支三兩。馬甲二兩。俱給五分口糧。今家選兵盡歸綠旗所

聖訓卷六十九

遺缺。係由京師滿營內遣往。而原有之兵均係另戶防守。其差操巡守。與右衛無異。應請將步兵養育兵糧餉酌減。每月各給餉銀一兩五錢。步兵給四分口糧。養育兵給三分口糧。俱照部定糧價折給。其額兵二千四百名。應照右衛例。各添餉銀一兩。前鋒領催月給四兩。馬甲三兩。仍給五分口糧。至步兵養育兵紅白恩賞銀。亦應減於馬甲。照匠役例賞給。應扣正項展限減半。坐扣併於佐領內揀

選二員。委為步軍協領防禦驍騎校內揀選八員。委為步軍章京。責令管束至駐防原額馬駝應照現改兵數。將拴養馬八百匹。駝二百隻。變價并庫存銀三千二百兩。交司作正項貯庫。均應如所請從之。○辛亥。

皇太后還宮。

上耕耤詣

先農壇行禮。更服至耤田所。

躬耕三推。復加一推。

御觀耕臺。命裕親王廣祿平郡王慶恒寧郡王弘收各五推。吏部右侍郎五福戶部左侍郎吉慶禮部尚書陳惠華兵部左侍郎錢汝誠刑部左侍郎王際華署工部右侍郎恩丕左副都御史赫慶通政使孫灝大理寺卿七達色各九推。畢順天府尹率農夫終畝賞賚耆老農夫如例。詣

皇太后宮問安。以兵部右侍郎兼管順天府尹熊學鵬為會試知貢舉。大學士蔣溥刑部

尚書秦蕙田為正考官。禮部左侍郎介福左副都御史張泰開為副考官。○壬子。上以和嘉和碩公主初定禮。御保和殿賜王公大臣等宴。○奉

皇太后居暢春園。幸圓明園。諭軍機大臣等同德等奏稱。准楊應琚咨將巴里坤牧馬一千一百八十餘匹。交存泰於三月十五日起程。由珠勒都斯賽哩木一路送往葉爾羌等語。近據舒赫德奏請送馬三千匹。朕以五吉業已送馬二千匹。諭同德再選一千匹。送往今所奏與朕旨相符。著沿途加意照看。牧放。毋致傷損遺失。○禮部議覆刑部尚書秦蕙田奏稱。磨勘各省鄉試卷。應令各磨勘官將成例熟悉所標之簽。必確與處分示例相符。方與指出其詞意無關處分者。不得濫指。并於卷面銜名之次。將應行處分幾條。應行免議幾條。註明。應如所請從之。○癸丑。諭開敬宗室之女。原無封授品級之例。今蘇巴什

里。為伊子羅布藏索諾木聘定閑散宗室弘
晃之女奏請加賞品級尚在可行乃欲以為
貝子弘景之女。加封縣君甚屬糊塗。但念伊
母公主及伊父兄勞績著將聘定弘晃之女
加恩授為鄉君品級。又諭曰。方觀承奏外
遣人犯患病留養遲延一案將查出應行議
處之地方官請旨交部並聲明該犯等俱由
各駐防弁兵管押遇留養稍痊每以恐致道
斃為詞不肯接遞等語駐防弁兵既有專司
遞解之責倘推諉遲誤自當與該州縣一併
查叅豈得以事隸駐防督臣竟無從察劾俾
延玩公事者倖免處分耶此案所有接遞遲
延之各弁兵著該督查明一體分別叅處至
直隸各駐防向例在京該管都統等每年僅
止巡查一次未免鞭長莫及耳目難周嗣後
直隸各駐防凡有關係地方事件即著直隸
總督就近稽查辦理其每年巡查事宜仍照
舊例行○諭軍機大臣等舒赫德等奏烏什

阿奇木伯克員缺甚屬緊要請以玉素布之
弟阿布都拉補授又據阿桂請以拜城阿奇
木伯克噶岱默特補授咨送奏稿前來查和
闐六城之阿奇木伯克尤屬緊要請以噶岱
默特調補其拜城之缺令伊子阿布都喇瑪
補授照英吉沙爾等城例作為四品等語烏
什阿奇木伯克著阿布都拉補授和闐阿奇
木伯克著阿什默特補授喀什噶爾阿奇木
伯克著噶岱默特補授葉爾羌阿奇木伯克
著鄂對調補阿克蘇阿奇木伯克著色提巴
勒氏調補英吉沙爾阿奇木伯克著索勒屯
和卓補授其拜城阿奇木伯克作為四品即
著阿布都喇瑪補授戶部議准湖廣總督
蘇昌奏稱荊州駐防滿營官兵應添撥米四
萬石存貯府倉以備兵丁借支之需又漢鎮
等市上行酌定完納稅銀二兩中行一兩下
行五錢其僻邑上行一兩中行五錢下行三
錢從之以副總管內務府大臣和爾精額

為正白旗蒙古副都統護軍統領伯鄂津為
鑲白旗蒙古副都統御前侍衛扎拉豐阿署
理正黃旗蒙古副都統內閣學士溫福署理
鑲紅旗漢軍副都統 蠲緩山西石樓應州
懷仁山陰豐鎮通判崞縣靜樂等七廳州縣
乾隆二十四年旱災額賦有差 皇十四子
永璐薨 甲寅

上詣暢春園問

皇太后安 還宮 諭軍機大臣等阿桂奏稱

官兵回人過穆素爾嶺時即領兵二三百名
在呼爾岱等處搜捕瑪哈沁令伊柱先往海
努克督課回人耕作若豐訥亨已到即與同
行否則暫留阿克蘇俟五吉送馬到日續來
接濟等語所辦甚是伊犁辦事需人常亮現
在丁憂來京著即帶關防馳驛前往交阿桂
收掌協同辦事又所奏圖桑阿固世衡現在
葉爾羌請派調一員等語俱著前往伊犁協
辦又所稱官兵行糧例載滿洲索倫等兵丁

月支羊三隻綠旗兵月支二隻現在伊犁未
通貿易綠旗兵於開墾營造亦屬勤勞請一
體支給俟秋收後再照舊例等語著照所請
行來年所發屯田兵丁秋收前亦照此辦理
其烏什之貧回五百餘人亦准將霍集斯所
存糧石酌量借給以為籽種秋收時照數扣
還併傳諭舒赫德知之 乙卯諭晉省隰州
大寧等二十七營及大同鎮標左營等四營
兵丁月糧折色上年曾經降旨增給現今該
省糧價尚未平減若遽照舊支領仍恐不敷
買食著再加恩將本年應支折色照上年之
例折價九錢者每石增銀二錢折價一兩者
每石增銀一錢俾兵丁日用充裕以示體卹
該部遵諭速行 刑部議覆河南按察使蔣
嘉年奏稱因捕殺賊之隣佑向例如無拒捕
情形即依罪人不拒捕而擅殺律擬以絞候
但隣佑本有協捕之責若概治以致斃重罪
反致觀望不前請嗣後如係賊人攜贓逃遁

協力追捕。倉卒毆斃。或賊勢強橫。不能擒送。以毆打戕命者。應量為區別。照事主毆賊至死。減闖殺罪二等。例杖一百。徒三年。應如所請從之。冊封朝鮮國王李吟繼妃金氏。以署散秩大臣栢成為正使。內閣學士世貴為副使。○丙辰。

孝賢皇后忌辰。遣官祭。

陵寢。旌表守正捐軀之河南南陽縣民張亮妻王氏。○丁巳祭。

先蠶之神。

皇后親詣行禮。諭軍機大臣等。據楊廷璋奏。福建漁船在於江南崇明縣地方搶劫商民。潘紹先等船貨一業。當委黃巖鎮遊擊黃天球帶領弁兵。由浙放洋蹤跡。至福建泉州府晉江縣地方。拏獲正犯林成功等。現在追究餘黨。轉解江蘇審擬等語。漁船白晝持械劫奪。非尋常搶刦可比。應照江洋大盜律從嚴辦理。以昭炯戒。而清海道。至此案潘紹先等。

雖在浙江之定海鎮呈報。而失事地方係江蘇崇明縣所轄。該撫提等何以並未奏聞。著傳諭陳宏謀王進泰并令其查明回奏。又諭曰。楊廷璋奏黃巖鎮遊擊黃天球於福建泉州府晉江縣地方拏獲漁船盜犯林成功等一案。黃天球由浙江放洋追至隔省捕獲匪盜。甚屬勇往能事。即應加以擢拔。以示獎勵。已於摺內批令送部引見矣。至晉江縣未獲餘黨。該督嚴飭地方官按名根緝。務期全獲。解江審擬。照江洋大盜例辦理。毋俾漏網。將此傳諭知之。又諭曰。永寧等奏稱固原州回民林福與民人馬友飲醉互毆。扎傷馬友殞命。將林福擬以絞候。解送巡撫衙門報部入於秋審。案內等語。哈密尚與肅州相近。若伊犁葉爾羌等處。又焉能長途解送肅州。此等新定地方立法。不可不嚴。將來內地貿易民人與回人雜處。凡關毆殺人之案。即應於本處正法。庶凶暴之徒。知所儆畏。非可盡。

以內地之法治也。著傳諭各該駐劄大臣等遇有似此案件即遵照辦理。俟新疆一切就緒再降諭旨。其林福一犯不必解送肅州著即行正法。○兵部議覆江蘇巡撫陳宏謀疏請更定武場事宜。一各省考試均於三回馬箭後復射地毯一回。事涉重複。徒稽時日。請馬箭止試二次。即試地毯一箭。以三次共中三箭者為合式。一步箭遠把向例五十步請酌改三十步。每人各射六箭。以中二箭者為合式。至步把高寬尺寸候部酌定。馬弓應以三力為率。步弓以五力為率。令考試之人場前註冊以便臨時抽驗。不及三力五力者不准合式。有能加重者聽一武經三子生童每就擬題宿構鮮能熟讀請於考試武童時作論孟論一首暫免武經論先令默寫一章或幾段以三百字為率。錯悞及有別字者不取。均應如所請。其步把以高五尺五寸寬二尺五寸為程。從前考試弓刀石後再試地毯

近把之例一併停止從之。○又議覆漕運總督楊錫紱奏稱江南水師戰船前經督臣尹繼善議無冗多奏准俱令存留。今復親查各營除廟灣鹽城東海等營毋庸議裁外其佃湖一營巡遊較近且額兵二百餘名設船九隻多寡未協請自安東至黃河口留巡船一隻配兵四名。唬船一隻配兵六名於內河上下巡遊。其黃河口留沙船一隻配兵十四名為海面巡灌河口留沙船一隻配兵十四名為海面巡防會哨之用。所餘巡船三隻唬船一隻沙船一隻俱請裁從之。○蠲緩浙江仁和錢塘海寧嘉興秀水嘉善平湖石門桐鄉安吉歸安烏程長興德清武康永嘉樂清瑞安等十八州縣并嘉興衛湖州所及雙穗蘆歷永嘉橫浦浦東下砂下砂二三青村索浦等九場乾隆二十四年水災蟲災田蕩額賦分別賑卹

戊午

上詣暢春園問

皇太后安。○幸圓明園。諭軍機大臣等特穆爾汗後裔莽蘇爾哈什木著加恩授為頭等台吉。舊和卓之孫阿布都爾瑞和卓著加恩授為二等台吉。歸併額色尹等佐領下安插。其霍集占之舊索丕摩羅瑪哩木等皆係附從逆賊之人。雖從寬免死未便留京著并其家口發往廣東福建浙江江寧等處駐防官兵為奴。戶部議覆江蘇學政李因培疏請酌定金山衛學章程一衛軍戶口散處各州縣相沿日久民衛易滋混冒查金山衛勲軍屯軍內坐落華亭奉賢婁縣金山上海南匯等縣共一千二百十四戶三千七百六十三名請將冊檔責令衛守備照造三本一存學政衙門一存布政使一存松江府以備考試核對編審之年仍令衛備收除另造一次。金山衛學文武生員四百名核其軍籍來歷可據者僅文生一百二十名武生二十九名餘係民籍冒進應歸入縣學又衛籍冒入各

學民籍十七名應收入衛學請一併推收造冊送部現在廩增推歸者作為虛廩虛增照考案收補其子弟均隨父兄之籍考試一金山衛童向歸華亭收考臨時童生自行開報無憑查核請照安徽鳳陽三衛學例改歸衛守備報名錄送提調轉送學政其童生保結令該衛廩生認保如無廩生准該衛增附生員互保僅有鎗冒等弊即行該衛備照例議處考試時仍令松江府查察一金山衛童向赴華亭考試不免遠涉之艱查衛備徵糧係於適中周浦地方現有公所請即於周浦考試一此次推收後實存衛學文生既少積年考進亦不能如往時之多廩增舊額各二十名幫補太易且推歸各學文生挨補較難請將衛學廩增俱酌減四名分撥華婁上南四縣各一名均應如所請惟實存衛學文生僅一百二十餘人廩增各撥四名外仍應各裁四名定為十二名其出貢照例三年一貢又

據查明衛童赴考者祇二百餘名應將取進原額酌減四名以十二名為定額從之。廣西太平府龍英土知州趙璞患病告休。子承業年幼以官男之曾叔祖哭協理州務。已未。

上御同樂園。賜哈密郡王品級貝勒玉素布和闐郡王品級貝勒霍集斯阿克蘇貝勒品級貝子鄂對等四十六人棉衣茶果。諭上年陝省沿邊一帶偶被偏災業已加恩撫賑現屆青黃不接之際麥秋未至而例賑已停農民口食未免仍有拮据著再加恩將被災五分以上之定邊榆林葭州神木府谷懷遠等六州縣無論極次貧民俱加賑兩月被災五分之安定延川宜川等三縣俱加賑一月照例折給以資接濟該部遵諭速行。又諭行宮周圍附近田地不許耕種原為扈從人等安營起見遇朕巡幸之期自應遵照辦理但永遠荒蕪亦屬可惜如朕巡幸木蘭皆在秋

令麥苗等項原可早為耕穫朕恭謁

二陵如在春季車駕已過秋穀儘可耕種如在秋季春花亦已收成著交總管內務府衙門將此次圈出各行宮附近田地即行賞給各行宮千把兵丁等遇朕經過之時留為隙地於經過前後分撥耕種則田地不至廢棄而於官兵生計亦大有裨益。又諭據鑲黃旗護軍統領伊勒圖奏稱護軍校蘇郎阿前在軍營感受潮濕舊疾忽作不能步履請令原品休致賞給全俸等語八旗奴僕在軍營奮勉亦分內之事老病休致人員按其勞績察奏賞給全俸半俸原係國家特恩如係軍營得傷後年老傷痕復發乃勞績確証尚可據實陳奏若並非打仗得傷而斤斤以曾在軍營感受潮濕為辭潮氣何處無之豈獨在軍營也伊等惟知微俸食俸並不知國家賞俸定例原不係乎曾在軍營患病與否也蘇郎阿不必賞俸著通行曉諭八旗駐防各省知

之。又諭曰成衮扎布等奏稱原任台吉旺沁多爾濟告假前往遊牧踰限不回軍營轉奪伊母哈屯馬匹向東逃走派人趕回詢問據稱自顧毫無生路因潛取馬匹欲赴京城等語前已將如何辦理之處行文理藩院旋准咨覆令將軍折衷辦理現在派員押解送京等語旺沁多爾濟原係獲罪留營効力之人乃乘告假踰限奪馬逃走拏獲後始以來京為詞如不被人拏獲當不知其逃往何處也成衮扎布並不參奏惟將如何辦理之處行文理藩院殊屬非是又稱伊現有病請遣回遊牧更為錯謬俟將旺沁多爾濟解送來京明白審訊治罪外成衮扎布交部察議至理藩院堂官接據文移亦不據情參奏率行咨覆迨成衮扎布奏請解京後朕面詢納延泰仍復支吾巧辨更屬糊塗納延泰著革去理藩院尚書其所遺員缺著富德補授諭軍機大臣等據鐘音奏乾隆二十四年分動

用錢糧採辦工程未完事件共十案其中雖有現在陸續造冊咨部者而核其未經報竣之件尚有七案殊屬遲緩著傳諭鐘音嚴飭屬員上緊趕辦倘任借端延玩以致塵案日積將惟鐘音是問又諭曰成衮扎布奏稱杜爾伯特汗索諾木衮布之哈屯布尼達喇告稱自扎奇噶克齊車塔爾等滋事以來副管旗章京巴顏克什克等頗屬誠心効力請即以該章京等代車塔爾等之任等語車塔爾獲罪由巴顏克什克等告訐若即補其員缺則無知之徒又復以告訐為能妄生希冀且扎奇噶克齊現有和通辦理巴顏克什克等不過令其協助足矣其所查車塔爾等牲隻什物即令索諾木衮布分賞所屬不必歸公又諭平定準噶爾時厄魯特之子嗣尚有奔竄回疆及各城回人將伊子嗣收養者但厄魯特情性狡獪若不留心約束恐將來行竊為匪妄生事端著傳諭新柱舒赫德定

長等將各回城現有之厄魯特及厄魯特之子嗣均宜妥為管束亦不必過事搜求僅有逃逸滋事者即於捕獲地方正法斷不可稍有疎縱以侍衛齊凌扎布署理正紅旗蒙古副都統○庚申

上御同樂園賜哈密郡王品級貝勒玉素布和闐郡王品級貝勒霍集斯阿克蘇貝勒品級貝子鄂對等四十六人茶果翼日如之諭回人和什克伯克著加恩授為公爵賞戴雙

眼花翎又諭據福州副都統富爾松阿奏稱三姓地方請添設臺站朕前曾降旨著各省副都統各陳已見奏事者誠欲觀其平素於地方事宜曾否留心之意伊等即宜按各地方情形據實陳奏如實無應奏事件即不行奏事亦無不可今富爾松阿已調補福州於現任事宜並未條奏轉將前任事件奏請顯係平素並未留心見朕有此旨乃奉行故事以圖塞責且三姓地方如果應設臺站伊

前在三姓副都統任內何不陳奏甚屬庸劣富爾松阿著嚴行申飭諭軍機大臣等吳士功奏泉州府晉江縣拏獲在洋搶劫商貨之盜犯林成功等一摺該撫提等能不分畛域率屬協同緝拏使盜匪不致漏網甚屬可嘉已於摺內批諭矣此案昨據楊廷璋奏到傳諭該督令將現獲之林成功等押解江浙研訊並嚴飭所屬追究餘黨務期全獲盡法治罪以示創懲該撫吳士功現在巡查漳泉等處就近督率查辦更為妥協著傳諭該撫即行密緝嚴拏違員押解審擬按照江洋大盜例定案俾匪類共知炯戒江浙福建濱海一帶漁船匪盜潛蹤出沒最為商民之害該撫等能和衷協力實心整頓地方何憂不靖該撫等其益勉之以故廣西鎮遠府都康土知州馮錫子永吉襲職

大清高宗法天隆運至誠先覺體元立極敷文
奮武孝慈神聖純皇帝實錄卷之六百八

實錄卷之六百八

三

大清高宗法天隆運至誠先覺體元立極敷文
奮武孝慈神聖純皇帝實錄卷之六百九

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事務處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂

總裁官經筵講官太子太傅文華殿大學士文淵閣領閣事稽察欽奉 上諭事務處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十五年庚辰三月辛酉

實錄卷之六百九

上詣暢春園問

皇太后安○諭曰巴圖魯侍衛扎奇勒圖阿勒

丹察二人奏請情愿留住京師著照所請即

令趕隊前往搬取家屬所有應給之項俟到

京日照例支給○又諭護送回人著如松去

烏爾袞保不必前往如松至彼著仍護領下

班回衆來京○賑卹江蘇上元江寧句容江

浦六合長洲元和吳縣吳江震澤常熟昭文

崑山新陽華亭奉賢婁縣金山上海南匯青

浦武進陽湖無錫金匱江陰宜興荆溪丹徒
丹陽山陽阜寧清河桃源安東鹽城高郵泰
州甘泉興化寶應銅山沛縣邳州宿遷睢寧
太倉鎮洋寶山海州沐陽併蘇州太倉鎮海
金山等五十五州縣衛乾隆二十四年水災
飢民併蠲緩額賦有差○旌表守正捐軀之
河南新安縣民朱廷貴妻朱氏○壬戌諭軍
機大臣等近因古州總兵李勲來京陛見朕
問及道員四十七據稱該撫飭調辦工近不

平定縣志卷之六

三

在本任又止有同知代理朕思古州為苗疆
重地佐貳不足以資彈壓豈所以慎邊防重
職守該督撫等遇有應行妥辦工程屬員中
自不乏隨宜酌調之人豈必令要地大員奉
檄奔馳轉致職司曠廢且向來各省邊缺人
員定有三年俸滿即陞之例其中或因地係
烟瘴勢難久居故於體卹之中兼寓鼓舞之
意今如古州等處日久已成重鎮與腹地無
異是以從前簡用總兵有在任七八年尚不

輕言更調者即此亦可為風土便安之明驗
况地方有司專司民社正當令其久任諳練
以資實用若仍拘泥前例使履任者視同傳
舍新舊相沿苟且塞責誰肯實心整頓正昔
人所譏五日京兆於地方官守均無裨益古
州如此其他皆可類推著傳諭各該督撫嗣
後如古州等處專任邊疆要缺之員概不得
調辦別項工程差務並通查邊缺內有地非
烟瘴宜令久任者於俸滿之時或量予優敘

平定縣志卷之六

三

或准其陞銜留任或其人實係材能出眾即
於本處附近應陞之缺酌量陞擢使該員等
益得熟悉本地事宜實力經理方為允協其
如何分別定例之處著各該督撫就本省情
形悉心詳查妥議具奏候朕降旨尋湖南巡
撫馮鈐奏湖南無烟瘴地方惟定有苗疆知
府同知通判知縣等十七缺五年俸滿題陞
現在遵旨酌議請於五年俸滿後覈其政績
可觀地方寧謐者保題以陞銜註冊俟在任

再滿三年。即行陞用。但查苗疆人員。既寬以八年之限。向例祇用附近應陞之缺。恐久任賢員。反不如腹地人員陞遷之速。請嗣後苗疆應陞之員。無論附近及應題。應選。應請。旨之缺。俱准其題陞。至苗疆人員。一體保薦。卓異。但既應久任。請凡卓薦之員。俱俟俸滿題陞後引見。仍將該員曾經卓薦之處。聲明請旨。閩浙總督楊廷璋奏。臺灣府屬。均係邊缺。三年俸滿。撤回內地候陞。應仍照舊例辦理。

字東本六五七

四

其閩縣侯官。福清。晉江南安。惠安。同安。龍溪。漳浦。九缺。係沿海兼三兼四要缺。原定有三年報滿陞用之例。應請於俸滿後。覈其政績優異者。俱以陞銜留任。兩廣總督李侍堯奏。粵東原定邊缺。均係烟瘴。或逼近黎疆。應仍照舊例行。廣西巡撫鄂弼奏。粵西惟思恩府知府。桂林府龍勝通判。原定苗疆近與腹地無異。應於五年俸滿後。覈其入地相宜者。題請優叙。仍留本任。四川總督開泰奏。川省打

箭鑪。松潘。雜谷。理事同知。三缺。例以五年俸滿保題。但非烟瘴可比。應於五年後。題請優叙。仍留本任。雲貴總督愛必達奏。滇黔兩省原定苗疆。除元江府知府。通判。知縣等六缺。永豐州知州一缺。實係烟瘴。應仍照例三年俸滿。即陞其滇省之昭通。普洱。知府。大關。恩茅。威遠。中甸。同知。魯甸。維西。通判。鎮雄。師宗。州。知州。恩安。永善。寧洱。恩樂。知縣。十四缺。黔省之貴東。道。古州。八寨。台拱。松桃。同知。丹江。都江。清江。通判。荔波。縣。知縣。九缺。應請於三年俸滿後。量予優叙。仍留本任。均下部議。尋議。均如所請。至三年五年俸滿後。留任年限及再滿三年後。遇缺題陞之處。俱照現議。湖南事例。辦理從之。又諭。朕詢問霍集斯。以烏什回眾等。告伊父子情事。據奏稱。因回人等與伊不合。是以被控。今懇請留京等語。其意殊屬誠切。著照所請。厚為資給。安置京師。但其先世墳墓。遠隔故鄉。著加恩將伊幼子

字東本六五九

五

托克托索丕遣回阿克蘇以供祭掃其烏什所有田產即行變價在阿克蘇置業賞給托克托索丕承管者舒赫德等遵照辦理仍傳諭該處回衆俾咸知朕意○又諭逆賊霍集占等雖負恩肆惡自取誅戮至其先世君長一方尚無罪戾今回部全定喀什噶爾所有從前舊和卓木等墳墓可派人看守禁止樵採污穢其應行修葺分例並著官為經理以昭國家矜恤之仁而外藩等亦共知所激勸

實錄卷六〇九

著舒赫德新柱等即遵諭行○賑卹奉天承德鐵嶺開原錦縣寧遠廣寧義州等七州縣乾隆二十四年旱災飢民併蠲緩額賦有差蠲緩陝西定邊安定延川宜川榆林葭州神木府谷懷遠等九州縣乾隆二十四年旱災額賦有差○癸亥

上詣

安佑宮行禮諭前經降旨於五城內外增設煮賑各廠並添給米石俾就食貧民得資餉

口今該御史等摺奏三月二十日例應停賑朕念現在春田雖得透雨而麥秋未屆正值青黃不接之時著再加恩內城展賑十日南城展賑十五日城外展賑二十日以示軫恤○諭軍機大臣等據舒赫德楊應琚等奏稱明歲前往伊犁種地馱載口糧共需駝三千餘隻除現在哈密闢展等處備有駝一千餘隻外再於口外商駝內購買一二千隻共成三千方可足用等語伊犁地方屯田駐兵雖俱係應辦之事但當隨時酌量辦理豈可豫期拘泥定議遽將數千兵丁回衆一時發往況阿桂今歲始行前往酌辦亦宜俟阿桂等今歲辦有頭緒約畧收穫糧若干足數若干人食用之處逐一計算或可給五百人或一千人明歲即可照數遣往此時豈能豫定至商人駝隻亦不應強行採買設遇急切軍務需用商人力量有餘即官價購取何妨若此際並無必應急需之事輒將商人駝隻抑令

交買。必致心存畏懼。裹足不前。既有緩急資用時。駝隻從何購覓耶。著即傳諭楊應琚等。將議買商人駝隻之處。速行停止。總俟阿桂等今歲試辦後。約計屯種所收若干。再將明歲墾種之處。酌定辦理。亦不為遲。先行傳諭伊等知之。○以故奉恩將軍世熙子永明阿襲職。○甲子。

上詣暢春園。問

皇太后安。○還宮。○臨和碩和婉公主喪次。賜

奠。○諭軍機大臣等。舒赫德奏稱。由阿克蘇至伊犁。臺站馬匹不足。請將庫車所有之馬。千餘匹。選擇備用等語。駐兵屯田。關係緊要。臺站馬匹。必須充足。今烏魯木齊所易哈薩克馬匹甚多。著即酌量調用。仍宜善為牧放。不可因哈薩克貿易馬匹。源源接濟。遂可任其倒斃損傷。著加意妥協辦理。○又諭據莽古齊奏。扎木禪呈稱。伊現患病。且未曾出痘。不能遠行。議令暫回游牧調養等語。前此降

旨。令扎木禪察達克來京。特以搶掠烏梁海賊衆。或係俄羅斯假借哈薩克之名。伊二人俱身在彼處之人。故令來京。詢明緣由。以便辦理。今已勘明。實係哈薩克。並與俄羅斯無涉。前疑已釋。毋庸照前辦理。扎木禪著不必來京。即察達克亦不必前來。惟莫尼扎布來往烏梁海。自必深悉情形。即著伊一人來京。可傳諭成衮扎布。併諭令額爾克沙喇莫尼扎布。即遵此旨行。○又諭曰。阿桂奏稱。現在辦理屯田兵丁回人等。於二月二十五日起。程。伊柱亦陸續行走。至阿克蘇督辦農具。又湊出馬匹之伊什罕。頗拉特烏什辦事之葉爾羌。噶匝納齊薩里等。各賞給緞疋等語。阿桂此次奮勉辦理。甚屬可嘉。回人頗拉特等亦俱能急公趨事。著加恩分別加賞緞疋。以示鼓勵。至所奏聞哈薩克有搶掠烏梁海之事。伊等若來伊犁。請體察情形。加意防範等語。哈薩克阿布齊等現在恭順有加。其滋事

特一巴魯克巴圖魯已命納旺前往傳諭索取。若哈薩克等前來伊犁當佯為不知。密加防範。不必使回人等知之。恐伊等性多疑畏。於事無益。至巡查塔爾巴哈台亦以屯田餘力酌量辦理。不必過於急遽。○旌表守正捐軀之安徽鳳陽縣民嚴廷玉妻張氏。○乙丑兵部議准江蘇巡撫陳宏謀疏稱江蘇撫標係左右兩營均歸中軍叅將管轄兵馬錢糧及撫署吏役全藉約束稽查且地居省會為東南衝途部選之員每不相宜請照江西省例改為調缺從之。○丙寅

上詣暢春園問

皇太后安。○幸皇六子第。○幸圓明園。○定皇孫皇曾孫戴用頂帽諭前因下五旗王公及遠派宗室等戴用結絨頂帽並有濫行賞給太監哈哈珠子者是以

皇考曾經禁止今果親王二子俱未戴用和親王之子果親王之子俱係

皇考之孫莊親王至二十三貝勒之子亦俱係皇祖之孫非別宗室可比仍應戴用結絨頂帽嗣後皇孫內未封爵者俱准戴用至曾孫世次既遠應俟封爵後各戴品級頂帶著宗人府存案永遠為例倘相沿日久復有僭越戴用及濫行賞人者著該衙門不時稽查○吏部議覆兩淮鹽政高恒奏稱淮南儀所暨淮北監掣同知接准部議裁汰遺員兼攝查淮南北均數百萬引鹽總匯之地弊端百出兼攝之員不足彈壓仍請作為同知實缺統於兩淮行鹽地方同知內會同督撫揀選題調如不得其人即於通判知州運判知縣內揀選題署試用一年稱職另請實授並鑄給關防應如所請從之。○護理廣西巡撫葉存仁疏報貴縣武宣宣化東蘭上林天保歸順等七州縣乾隆二十三年開墾老荒水旱民田五頃九十八畝有奇及田埤五十三埤半伍內水田五頃六十二畝有奇。○旌表守正捐

軀之廣西宣化縣民黃紹達妻雷氏。○是日
皇后行躬桑禮如儀。○丁卯

上御勤政殿聽政。○諭曰。如松現在出差。所有
兵部侍郎事務。著署副都統旌額理署理。○
以光祿寺卿黃登賢為太常寺卿。○戊辰
上詣暢春園。問

皇太后安。○諭曰。查倉之誠親王。奏萬安倉
守倉之正紅旗蒙古恩騎尉兼驍騎校賽明
阿漢軍馬甲董良錫曠班等語。恩騎尉係承

襲次數已完。念其祖父勤勞格外施恩。賞給
之職。伊等承襲後。自當感念朕恩。於一應差
違更加奮勉。况守倉原非重差。尚至貽誤。實
屬不肖。賽明阿著即黜革。其恩騎尉不准承
襲。董良錫著交該旗責革。將此曉諭八旗。嗣
後如有似此懶惰者。但不准承襲其官。必
且重治其罪。○又諭朕命沿河督撫查北上
商販運米船隻。自去歲至今春。實不為少。今
又據阿爾泰奏。東省臨清關自二月初旬開

壩以來。共驗放過商船麥石八萬餘石。雜糧
九萬餘石。俱經飛輓北上。等語。穀麥關係民
食。全資商販流通。源源接濟。市價自就平減。
上年近京收成稍歉。因於京城內外設法分
賑平糶。並先期支放俸米。以平市價。然此特
係補偏救弊之一策。其實懲遷有無彼此。轉
輸不遺。乃閭閻餬口常計所資。今臨清關口
既常有商舶銜尾北來。畿輔左近穀價。何以
未能大減。恐其中臨河各州縣。現因糧艘需
備剝運。辦理不善。或藉名多封車船。以致商
人輓運不無留滯。病商因而病民。甚有關係
著派侍郎錢汝誠。給事中朝銓。會同方觀承
於直隸至德州沿河一帶。前往悉心察勘。務
令舟車無阻。食貨充裕。稱朕念切民依至意。
○兵部議准。杭州將軍福祿奏。稱杭州駐防
各旗壯丁。除漢軍四旗。毋庸均齊外。其八旗
滿洲。蒙古各佐領下壯丁。多寡不一。請將八
旗滿洲現入丁冊之閑散人等六百一十九

名。按翼均齊。左翼每佐領下。應分二十四五名。一旗共應七十五六名。其蒙古八佐領下。現入丁冊之閑散人等八十五名。亦於左翼。每佐領下。分十二三名。右翼每佐領下。分九名。十名。至乍浦左右二營閑散人等。請即照杭州之例。一體將滿洲旗分。按營均齊蒙古旗分。仍照定例。籠統合計。均齊揀選官員。挑補領催披甲。即於均齊旗分內。挑選從之。命正藍旗蒙古都統新柱。往葉爾羌辦事。以叅贊大臣巴祿。為正藍旗蒙古都統。旌表守正捐軀之河南確山縣民李馬妻商氏。已已。

上御長春園。賜哈密郡王品級貝勒玉素布和闐郡王品級貝勒霍集斯阿克蘇貝勒品級貝子鄂對等四十六人宴。諭奉

皇太后懿旨。純貴妃久膺冊禮。克勦內治。敬恭淑慎。毓瑞椒塗。今皇子及公主俱已吉禮慶成。應晉冊為皇貴妃。以昭令範。欽此。所有應

行典禮。各該衙門照例舉行。又諭雲南臨元鎮總兵郝琮。前將奏請陞見一摺。遺落未封。自請交部議處。朕以無心失檢。尚屬可原。而於陞見之處。始終竟不聲明。則昏愎已甚。何以克勝節鎮之任。因令調取來京。陞見今據愛必達奏。郝琮年逾六旬。上年冬間。忽患痰疾。尚未痊可。請旨休致等語。所奏甚屬取巧。總督有節制文武之責。郝琮既年老有疾。自應隨時奏聞。以重官守。何得於降旨陞見之後。始汲汲以一奏塞責。其從前姑容瞻徇。不問可知。特慮郝琮到京。衰病之態。斷難掩飾。因藉此為卸過之地。殊不思此等伎倆。欲於朕前輕試。能乎否乎。況開泰岳鍾璜。前奏楊朝棟一事。早經降旨嚴飭。意謂該督等見之。自當用為炯戒。據實秉公甄別。乃隱忍久之。及今轉為效尤之舉。設使朕不令郝琮陞見。則將并無此摺矣。由此觀之。朕令總兵等過三年陞見之制。益不可謂非要政矣。夫封

疆大員一任頽唐廢事之人遷延戀棧不惜弛戎政而懈邊防豈方伯大臣所宜出此耶。愛必達著交部嚴加議處郝琮俟陛見之日再降諭旨。其雲南臨元鎮總兵員缺著佟國英補授。○又諭曰愛必達等奏沙匪郡尋與交目蘇由為難攔入沿邊漫卓馬鹿二寨搶掠滋事。況弁集兵追捕旋即奔回現在咨會安南國王迅飭擒拏解究若越界追捕未免疑懼等語。辦理甚屬非是該省邊地與安南接壤守界不可不嚴然此特為外夷恭順奉法者言之耳。今沙匪因交目而擅擾內地夷寨則已悍然為匪並不守界矣夫攔入者敢越天朝之界而追捕者轉不敢問外夷之界惟知按兵境上莫可誰何。徒事行文飭捕遷延歲月歸於烏有了事。成何體制。且官兵出境追賊所欲得者攔入我境之沙匪耳。於該國良民何與。亦本不當滋擾而乃先存越境疑懼之見。俾不肖弁兵從而藉口。此皆明代

以前漢人畏蕙錮習實則因循廢事反稱不開邊釁殊不知外夷因是得窺虛實輕視中朝其弊歷歷可觀。愛必達又何所顧忌而為此。選懦不曉事之語乎。在該督等駐劄省城偶遇緣邊一二奸徒竊發猶非意料所及本可不罪。今乃任弁目等平日巡防不力沙匪既乘間而來臨時又復擒捕不嚴以致沙匪潛蹤而去此等弁目正當嚴查特叅以示儆戒。又何得僅以疎防照例了事。此事在巡撫劉藻尚不兼節制可從寬免而該督提則誰可分尤。愛必達身任封疆統轄所見若此豈朕期許簡畀之意。愛必達著交部嚴察議奏。額爾格圖著交部察議具奏。○諭軍機大臣等此次入覲回人等賞賜頗多伊等亦有自置之物念其初來京師雇覓馱載維艱是以官為辦理但伊等若視為成例亦非經久之道著護送大臣等善為曉示仍傳諭永寧此等回人至哈密時即用所留馬匹更換若原

數稍有倒斃亦酌量代為雇覓起程毋庸官辦○又諭曰成衮扎布奏據薩拉布拉克邊卡送到從哈薩克脫出之厄魯特和屯博勒等告稱現在哈薩克等游牧已遷移塔爾巴哈台又聞伊等因巴魯克巴圖魯搶掠烏梁海一事恐大兵查拏致累議令將人丁牲畜送還倘仍不從即當擒獻等語哈薩克遷移游牧之信其果否雖難遽定但伊等部落人衆素無約束或有數戶人口潛來居住亦未可知著傳諭阿桂酌派官兵數人往探虛實伊等果有蹤跡即曉譬利害諭以此地為天朝平定將來辦理駐兵爾等從前在準噶爾時尚不敢越界此時豈可私行游牧立行驅逐出界併傳諭納旺見阿布賽時務即索取搶掠烏梁海之人或探知塔爾巴哈台有哈薩克等亦即以已意曉示阿布賽令其移回俱著相機辦理○以領隊大臣巴圖濟爾噶勒為內大臣命加索倫總管薩壘副都統

銜庚午禮部以會試中額請得旨這會試滿洲蒙古取中三名漢軍取中一名直隸取中十五名奉天取中一名山東取中十名山西取中十名河南取中九名陝西取中九名江南取中三十三名浙江取中二十九名江西取中二十名湖北取中八名湖南取中四名福建取中九名廣東取中八名廣西取中四名四川取中七名貴州取中六名雲南取中五名○諭軍機大臣等霍集斯和什克伯克請留京居住將伊等帶來屬人及留住該處之戶口具奏又有烏什和闐哈密吐魯番應取來京之人及遣往原處回人俱加恩照所請行但霍集斯所請賞給伊子托克托索丕屬人內多伊族且產業頭緒繁多著傳諭舒赫德等查明伊所派屬人果係世代僕役即照所請賞給或乘便指派官人則不可給與其和什克伯克請在和闐安插之耕種回人及哈喇哈什所屬巴塔木蘇扎等處房產

是否舊日原案。一併查明辦理。如實係伊等故物。絲毫不可入官。若稍有影射不實。斷不可任其得遂。僥倖之計。著將原摺一併錄寄閱看。○又諭曰。成衮扎布奏。准車布登扎布等咨。現在領兵三百前往布延圖。應需豫備口糧。所有從前奏派喀爾喀兵一千名向塔爾巴哈台駐哈薩克邊界之處。應行請旨辦理等語。前經安泰以哈薩克入覲貢馬情形具奏。是阿布賚等恭順有加。已將所調索倫兵一千名停止。近日脫出之厄魯特等。又有哈薩克人等欲擒獻巴魯克巴圖魯之語。則喀爾喀扎哈沁之兵。俱可不用。車布登扎布前往布延圖之處。亦可一併停止。朕於軍行進止。惟相度機宜。必不肯徒勞師旅。倘哈薩克將來竟不擒獻巴魯克巴圖魯。其勢必須用兵。俟臨時再降諭旨。署兵部侍郎。旌額理奏。科場條例內。載漢人交綠營官員。旗人交都統彈壓。查八旗舉子。不及漢人十分之

一。派有副都統。叅領。章京等官。漢人多至數千。綠營官。祇遊擊一員。守備四員。耳目難以周遍。請嗣後鄉會試。不論旗人漢人。俱交副都統會同御史督率委員等。分異彈壓。務令按卷入號。大臣及監試御史等官。公同查驗封號。毋令濫行出入。如管轄不嚴。將副都統等照例議處。叅領等如有疎慢。該副都統即會同御史據實叅奏。得旨。著照所請行。叅贊大臣舒赫德奏。臣於二月十九日自葉爾羌起程。三十日抵阿克蘇。查詢應設臺站處所。由阿克蘇至穆素爾嶺。請設六臺。嶺上無水。酌為步站。過嶺至海努克臺。站人數酌量增添。為三大臺。俱派叅哈爾總管敏珠爾原任副都統楊桑阿辦理。至官兵需用馬匹。惟烏什尚可酌派。現在烏什之伯克薩里等。願為承辦。諭軍機大臣等。伊犁臺站馬匹。伯克薩里額塞木圖拉等。願為承辦。殊屬効力。昨據舒赫德奏。以阿布都拉補烏什阿奇木之

缺薩里即無職掌。但遇有伊什罕等缺亦可補放。若烏什未有伊什罕之缺。則各城有伊應陞缺出。亦可奏補。仍與額塞木圖拉俱酌量獎賞。緞疋。○辛未。

上詣暢春園。問。

皇太后安。○還宮。○旌表守正捐軀之山東海陽縣民孫九盛妻臧氏。○壬申。諭軍機大臣等。據楊應琚奏。前往英吉沙爾勸導回人等耕種謀生。令茂薩明切曉示。衆皆誠心聽受。

踴躍奮勉等語。茂薩係額敏和卓之子。頗屬効力。近將玉素布之弟阿布都拉授為烏什阿奇木。茂薩自應加恩一體補用。現在未有缺出。著傳諭舒赫德遇有各城阿奇木缺出時。即以茂薩奏補。○又諭據楊應琚奏。巴里坤現存馬一千二百匹。而甘肅各營馬匹。每年例應出廠。巴里坤一帶水草豐裕。請於安西等五處。提鎮標營摘撥三千匹赴巴里坤牧放。即於此內撥出一千五百匹。解赴阿

克蘇。其伊犁屯田需馬九百匹。竟由巴里坤解往。烏嚕木齊豫備其餘俱存巴里坤牧放。備撥等語。所辦自屬可行。但不知內地馬匹是否足敷調撥。若已經照數撥往。則缺額竟不必急於籌補。甘肅綠旗額馬。視他省較多。原為邊防起見。今西陲平定。則各營馬匹不過供應差操足矣。況巴里坤水草既佳。同一牧放。而於馬有益。且省飼秣之費。豈不甚便。又如各營額缺。有必須購補者。即於哈薩克馬匹內酌量抽撥亦可。不必於內地採買。致費周章。或秋冬之際。有必須收槽馬匹。臨時豫為奏聞。至該督前奏伊犁等處設官屯田事宜。已據軍機大臣議奏行知矣。總之新疆自應次第經理。不可懈弛。亦無庸急遽。惟各就本地情形。因利乘便。隨時酌辦。以規久遠之計。若又大費內地財力。以為設官屯田之用。殊屬無謂。且軍務現已全竣。而收買駝驢紛紛滋擾。愚民轉致猜疑。亦豈休息鎮靜之

道併傳諭舒赫德等知之。○戶部議覆雲南巡撫劉藻疏稱永北等十一府廳州縣常平倉穀并稅秋兵米原設倉廩不敷收貯請添建永北府倉十三間景東府掌印同知六間嵩明州六間羅平州三間魯甸通判六間恩安縣十二間會澤縣四間寶寧縣三間昆明縣十五間又年深霉爛應行拆蓋之永北府倉四十間大理府倉二十七間馬龍州倉十八間均請動項修造應如所請從之。○刑部

議覆陝西按察使阿永阿條奏一官吏枉法贓與侵虧錢糧入己者定有限內完贓減等之例乾隆二十三年惟將侵虧入己完贓減等例停止但枉法與監守自盜同一貪墨贓雖可完人已受害請嗣後實係枉法贓者即限內全完仍照原擬治罪一私雕假印例載為首雕刻者斬監候為從者杖流查一切罪分首從者皆以起意為首雕刻之人多係得受雇值誤墮術中較之起意誑騙情屬較輕

若概坐以為首而立意偽造之人反致為從不足蔽辜請嗣後除誑騙財物本人自行雕刻者仍坐以為首其有雇倩雕刻者將起意偽造及下手雕刻之人俱擬斬監候為從者減等擬流一因姦謀死親夫本律姦夫擬斬監候此等案犯審擬招解動需時日奏到部覆或已逾秋審之期勢必遲至次年恐有免脫瘦斃不得明正典刑請嗣後過有此案已題未准部覆例入次年秋審者如四月以內

部文到省仍趕入本年秋審情實或五月以後至七月以內奉旨者即令刑部歸入各該省秋審冊內由九卿會勘毋庸另取督撫看語如有從犯仍照例入於次年秋審凡遇停勾之年仍將此等案件由部開具事由請旨正法均應如所請從之。○是日起

上以孟夏享

太廟齋戒三日。甲戌諭軍機大臣等同德奏准舒赫德等行文將巴里坤之馬於六月間

挑選九百匹。送往阿克蘇將駝騾驢頭內擇其驢壯者。送往烏魯木齊。其現有駝七十五隻。又購買商駝四百餘隻。俱於三月間緩行送往等語。近因楊應璩以籌辦伊犁屯田駐兵各事宜具奏。朕諭以次第辦理不宜急遽。亦無庸購買商駝。今同德等業經據文辦理。嗣後不必再行仍曉示商人以停止緣由。則價值自然平減。至巴里坤牧放馬駝一事。據奏交齊大勇辦理。齊大勇才具平常。若經管未能妥協。雖恭處亦屬無益。仍當留心稽察。再於巴里坤滿員內派一人協辦。蠲免山東海豐利津霑化樂安平度膠州高密即墨德州衛冠縣臨清館陶夏津武城恩縣臨清衛等十六州縣衛。併永阜永利王家岡等三場。乾隆二十四年潮災水災額賦有差。是月直隸總督方觀承奏平定回部。

御製告成太學碑文。請於畿輔九府六直隸州各照勒一碑。得旨不必如此。保定立一碑足

矣。又奏請將乾隆二十年平定準噶爾御製告成太學碑文一併摹勒。得旨是。又奏報保定省城得雨霑足。得旨以手加額欣慰。覽之京師較畿南為尤渥也。江南提督王進泰奏崇明外海洋面係派崇鎮及沿海川吳各營官兵自二月起至九月止每月駕船巡哨。復專委千把駐泊羊山所。其十月至次年正月例不出巡。嗣以此數月內遇有失事營鎮互相推諉。定議崇鎮及川吳等六營分管二十日。第外洋冬令無出巡官兵。宵小每乘間竊發。上年商民潘紹先等致有馬蹟山被竊一案。查冬月商船過行。巡船自無阻滯。應令無論冬夏一體出巡。惟外洋風潮原烈。冬令西北風大。未便多派官兵。常川在洋。請於十冬臘正四個月。即著現定分巡六營將備各於分限內派員坐駕小哨快船前往羊山馬蹟一帶遊巡。不拘迴往日期。並將分泊羊山之千把亦令照舊派往。得旨所奏甚是。

如所議行○安徽巡撫高晉奏廬鳳道庫收貯錢糧隨時出納前後任盤查交代向無定限請照府州縣例扣限兩個月並令藩司按限移催接任之員造具交代冊結由司轉詳咨部如逾限不清照例分別叅處並責成藩司於每年盤查糧驛道庫時將廬鳳道庫一體委員盤查結報至該道兼管之鳳陽關稅務一應交代考覈仍照舊例辦理得旨如所議行○署江西巡撫阿思哈奏江省軍丁係歸縣管統入民戶編查殷實半多脫漏現委員設法清釐計查出丁二十三萬三千五百四其違例典賣屯田均許據實首出免其治罪酌照直隸分年減價回贖旗地例弔契覈數責令原業主及運丁同族同船人等措價回贖計共贖回田地三百一十七頃至原撥屯田弓口溢額各軍自行開墾垵段寬餘併有誤作官荒報墾歸入民田納科等弊現已查丈改正計共清出田地九百二十五頃零

另題升科再軍戶屯田大半給佃耕種折租數少解道分給各船更為有限其十年大造及每年起運全憑丁力屯田竟無實濟請將各幫田均按地方情形科則高下一概酌增餘租計共加餘租銀十一萬七千七百三十兩零除九江吉安建昌贛州等衛原有分貼大造租費外其餘均無造費應統給餘租銀每船每造三百兩至一千兩不等每年起運除原有租銀外應加給餘租銀每船每運一百兩至三百五十兩不等其多寡互異係就各本衛田租之數分別派給至贛衛餘租過多仍行撥給撫饒等衛得旨此事所辦甚妥

閩浙總督楊廷璋奏浙省太平縣黃巖場一帶濱海地方向有准民認墾新舊沙塗多為豪猾說託認占出租漁利並不報墾升科現在委員查勘實丈有一十萬五十畝零於適中地方立定界限分別號甲迤南近場者歸甌迤北近縣者歸民一切空呈冒認各戶

均經釐剔刪除。現歸民墾田地六萬八千六百一十四畝零。寬墾田地三萬一千四百三十六畝零。勻給實在貧窮民窳。不許數過百畝。其已經試墾成熟者。例於當年升科。現飭縣場分別徵解。歸入地丁鹽課應徵冊內。其已經蓄淡。沙性堅實。易墾田地。及甫經築塘蓄淡之民業。仍照例分三年六年後起科。得旨好。○河南巡撫胡寶琛奏。汝寧郡治居汝水下游。北岸地低。每憂漲泛。或遇河流過盛。水不歸槽。即南岸關廂。不免停注。應於西門外石橋以南。開挖引渠。自西南門護城隄外。計長八百餘丈。至三里店地方。歸入汝河。以面寬一丈五尺。底寬五尺。深六尺為率。已酌用民力。於正月興工。其所挑土。即以加培護城之隄。得旨覽奏俱悉。○山東巡撫阿爾泰。河東河道總督張師載奏。東省運河。自館陶至德州三百餘里。一切民埝支河各工。現已興修完竣。惟查節年漫溢各處。初汕口門淺

窄。原易堵築。緣本地淺夫。不諳椿埽。致稽時日。迨請調河兵。口門業已刷深。工力不無多費。請於館陶等州縣八汛地方。每汛撥給河工椿埽兵九名。諳練効用。一名伏前分赴各汛。如遇險工。立時應用。倘人數不敷。准於隣汛調撥協濟。白露後。仍行撤回。其各汛原有淺夫。即令隨同學習。二三年後。諳曉椿埽。仍可免其派往。得旨甚好。○山西巡撫鄂爾泰。各省城工估計。在千兩以下者。例於繁費內。以二百兩為率。分年扣足興修。第扣費數年。始足。即不能先修一段。餘俟次年接修。倘數年中風雨不時。每至續埽。工料日增。請嗣後府州縣城垣。報有坍塌。估計在二千兩以內者。先將司庫公項借給興修。其借動銀。仍於該州縣繁費內。分年扣還。得旨。如所議行。○兩廣總督李侍堯奏。粵東左翼鎮總兵。自移駐虎門。有稽查內河外海之責。第每年統巡均於中右二營遊擊輪派。未定鎮臣何時出

洋條例請如碣石南澳二鎮每年上班巡洋
以左翼總兵為統巡仍酌留中右二營遊擊
一員駐劄虎門彈壓其下班統巡原係香山
協副將應仍照舊例又查香山縣屬之老萬
山瓦處大洋中與澳門南北對峙為來往商
船停泊總匯僅撥香山大鵬二協營千把外
委四員在彼遊巡既難鈐束目兵而上年把
總竟有帶兵私回等弊請於香山協左右二
營都司守備中每年輪派一員前往督率巡
防得旨著照所請行○廣西巡撫鄂寶奏據
貴縣知縣稟報縣民韋志剛向充五山五里
總約無知搖撞悉聽指揮撞人共呼為汗鄉
民咸稱老爺並私藏鐵礮三口烏鎗十餘桿
收養廣東訟棍在家起滅詞訟又招引匪徒
窩留行竊現在飛檄營縣密速搜拏臣即帶
同臬司親往查辦得旨嚴審究擬稱汗者非
反而何不可疎縱

實錄卷六十九

三

大清高宗法天隆運至誠先覺體元立極敷文
奮武孝慈神聖純皇帝實錄卷之六十九

實錄卷六十九

三

大清高宗法天隆運至誠先覺體元立極敷文奮武孝慈神聖純皇帝實錄卷之六百十

監修總裁官經筵講官太子太傅文淵閣大學士文淵閣領侍衛內大臣稽察欽奉 上諭事務處管理

吏部理藩院事務黃旗滿洲都統世襲騎都尉軍功七級隨帶加一級尋常加二級軍功紀錄一次並慶隆

總裁官經筵講官太子太傅文學殿大學士文淵閣領侍衛內大臣稽察欽奉 上諭事務處管理刑部戶部三庫事務

世襲騎都尉軍功加十九級隨帶加二級又加二級並賞給內大臣戶部尚書領藍旗滿洲都統軍功紀錄五次

尋常紀錄十四次並優獎經筵講官太子少保工部尚書紀錄六次臣曹振鏞等奉

敕修

乾隆二十五年庚辰夏四月乙亥朔享

太廟。

上親詣行禮。○詣暢春園。問

皇太后安。○幸圓明園。○諭曰。皇子內封親王

郡王者。所用朝帽頂。即照所封之爵。如封貝

勒貝子。亦著用郡王朝帽。金黃朝衣。○諭軍

機大臣等。伯克霍集斯。和什克伯克。額色君

瑪木特。圖爾都。和卓等。安置京師。著照伊等

應得俸銀。賞給祿米。以資養贍。嗣後在京安

置回人。俱遵照辦理。○丙子。諭。昨於乾清宮

考試差。內有主事周銘詒。詩句與主事史珥第三首詩。通首雷同。內廷考試重地。伊等又係應開典試之員。倍宜敬謹遵奉約束。乃史珥將自作草藁。輒行給人閱看。而周銘詒則竟依樣鈔襲。深屬無恥。史珥著交部議處。周銘詒著交部嚴加議處。其派出監試之大臣侍衛等。失於查察。並著交與領侍衛內大臣。分別察議。○又諭。據託庸等奏稱。所辦哈薩克貿易緞疋。若將大緞錦緞。減辦十之二三。

平泉卷六百十

二

其價值即可抵辦現添尋常綢緞四千匹之數等語。著傳諭各該織造等。其大緞錦緞等。內庫所儲。儘堪撥用。至尋常綢緞一項。乃貿易所必需。織造時。工料雖可照常辦理。不必過於精好。所有每疋尺寸。務須如式寬足。俾製衣材料。不致短少。庶於貿易。更為有益。○諭軍機大臣等。此次索倫。達呼爾等。軍前甚屬効力。因加恩額外補授總管副總管等官。但缺少人多。候補尚需時日。著將候補總管

副總管曹以佐領借補。候補佐領。驍騎校。暫以驍騎校。領催。借補。俱照原品。給與俸餉。俟應得缺出。即補。該將軍等。即遵諭行。○軍機大臣議奏。黑龍江將軍綽勒多奏稱。呼倫貝爾。撥爾德。二處。舊有軍營撤回之索倫達呼爾兵。計二千三百九十五名。支給半分錢糧。在打牲處捕貂。此項出自恩賞。並非實缺。遇有事故缺出。按名裁汰。計乾隆七年至二十四年。共裁一千三百三十七缺。現存一千五十八缺。查此次游牧撤回之索倫。達呼爾兵。亦係軍營出力。請准前例。再挑二千名。專充捕貂。亦支給半分錢糧。以昭恩賞。應如所請。從之。○戶部議覆。閩浙總督楊廷璋奏稱。浙省茶引。在內地行銷者。給引時。令引商將各茶客姓名籍貫。並領運某年引若干道。報明地方官。按省分遠近。酌定繳限。知照行茶處所。就近繳部查銷。至行銷口外蒙古地方茶引。過關截角。至崇文門。又復截去中間。給商

隨茶出口。斷不能重複影射。銷後殘引。該商隨手散失。請免追繳。仍將行銷引數。報部查覈。應如所請。從之。○丁丑。諭軍機大臣等。舒赫德前奏伊犁屯田。似以一時移駐數千回眾。事有難行。曾經降旨訓飭。嗣於會議屯田摺內。遂不叅一語。其意特以阿桂奮然請行。此事即與伊無與。將來辦理未善。當惟阿桂是問。復經飭諭。今據覆奏。願竭力圖效。若傳諭舒赫德。伊非不能辦事之人。惟宜實心盡力。若與阿桂和衷共濟。伊之出力。仍當在阿桂之上。其或意存沮抑。亦不能逃朕洞鑒也。至所奏烏嚕木齊牧放哈薩克馬匹。於來年送往屯田備用後。仍多為市易。送至阿克蘇等語。所見甚是。馬匹就近撥往。較之巴里坤辦解為便。朕以屯田一事。委之舒赫德。其加意勉之。○又諭曰。舒赫德奏。搜捕藏匿瑪哈沁一事。擬咨商阿桂。於抵伊犁時。候馬匹送到。即領兵赴伊犁上游。渡特克斯。向崆吉斯

哈什搜捕。安泰領兵往額林哈畢爾噶等處。越博囉布爾噶蘇嶺。至洪郭爾鄂博。和爾郭斯。齊齊罕車濟搜捕。再循伊犁河之阿布蘭山。與阿桂會合等語。著將原奏錄寄阿桂等閱看。伊等如馬力有餘。即照此行走。或稍有不足。亦不必勉強。仍將作何辦理情形具奏。

○戊寅

上詣暢春園。問

皇太后安。○還宮。○諭軍機大臣等。舒赫德奏

平定回疆

五

稱。伯克薩里等六人。辦馬一百三十四匹。解至阿克蘇。已照採買回人馬匹例。每匹給價十二兩。並賞給緞疋糧料等語。薩里等捐解馬匹。殊屬可嘉。雖經給價。仍著酌量加賞緞疋。以示獎勵。○是日起。

上以常雩祀

天於

園丘。齋戒三日。○己卯。諭軍機大臣等。同德奏稱。北路蒙古等。以性隻來巴里坤哈密關展

貿易者。俱由烏里雅蘇台。該處將軍。給與執照。其由張家口。歸化城。前往之商民。及內地扎薩克蒙古等。亦須折至烏里雅蘇台領照。未免紆迴。是以來者甚少等語。新疆駐兵屯田。商販流通。所關最要。著傳諭直隸山西督撫。及駐劄將軍扎薩克等。旗民願往新疆等處貿易。除在烏里雅蘇台行走之人。仍照前辦理外。其張家口。歸化城等處。由鄂爾多斯阿拉善出口。或由推河。阿濟行走。著各該地方官。及扎薩克等。按其道里。給與印照。較之轉向烏里雅蘇台領照。程站可省四十餘日。商販自必雲集。更於新疆有益。該部即遵諭行。○庚辰。

上詣

南郊齋宮齋宿。○諭曰。薩哈岱所奏河東乾隆二十四五兩年餘引餘課。於二十七年起限。分作八年帶銷帶徵一摺。經戶部照例議駁。但念河東嵯務。當積歉之餘。商力未免拮据。

著格外加恩。准照該鹽政所請。分年帶銷帶徵。以紓商力。○江南提督王進泰奏。崇明洋面。每年二月至九月。派弁兵出巡。十月至正月停止。近日商民潘紹先。在馬蹟山被劫一案。即係上年十一月之事。海洋重地。似應無論冬夏。一律出巡。得旨。所奏甚是。如所議行。○辛巳。常雩。祀。

天於
園丘。

上親詣行禮。○詣暢春園。問。

皇太后安。○辛圓明園。○以內務府護軍統領雲保。為正黃旗蒙古副都統。○壬午。諭軍機大臣等。據鄂寶奏。貴縣獐民韋志剛。私藏軍器。目無法紀。現在帶領臬司。親往查辦。並請將知縣石崇先革職看守等語。朕初閱鄂寶奏摺。韋志剛跡涉謀為不軌。自當嚴行究辦。不可疏縱。已於摺內批示。至覽該縣原稟。革役捐監。侵占民田。包攬詞訟。諸款。又不過鄉

平集卷六十一

七

平集卷六十一

八

里土豪之所為。且此原係該縣石崇先查出通稟。而該撫鄂寶。並未於原稟外。別有訪聞。其中案情。殊未明晰。設使韋志剛果有潛蹤。尚等造械聚糧。謀為不軌實跡。如馬朝柱。李開花等案。雖黨羽未集。亦應密速嚴辦。以正國典。為縣令者。如尚心存掩護消弭。為避重就輕之計。是不但題叅革職。並當重治其罪。若係獐徭土總。武斷滋事。僅止如原稟所稱。則此種惡劣之徒。所在多有。恐尚不止一韋志剛也。况按律重懲。亦自有應得之咎。儘可就案歸結。鄂寶現同按察使前往。當悉心據實體察。確案情形。秉公妥辦具奏。不得稍存成見。致失平允之道。固不可小題大做。亦不可化有事為無事。可將此詳悉傳諭鄂寶知之。並令速行奏聞。○欽差侍郎錢汝誠等奏。臣等自直隸至德州。沿河察看北上商船。不下數百餘隻。所載米麥。可及十數萬石。沿河市鎮。糧價有減無增。至漕運剥船。俱係旗丁

向民和產。臣等復公議出示。凡商船北販。於卸載後。地方官不得封抵。查豫省糧食。亦由衛河販入直境。現經知會東豫上游。一體辦理。並知會阿爾泰。於臨清關商船。亦隨到隨放。得旨好。○癸未。諭軍機大臣等。理藩院奏杜爾伯特溫圖呼爾等。因生計窮乏。聞伊弟安插察哈爾。告知該扎薩克。前往尋覓。有違定例。請解回原旗等語。溫圖呼爾等窮乏求生。實非得已。又經告知該管情尚可原。著加

平定縣志卷之六

元

恩。即與伊弟一同安插。但該部落自投誠以來。編設旗分佐領。原欲伊等各安生業。若不善為收恤。竟至分散。殊為可憫。著成袞扎布傳諭該扎薩克等。其各加意撫綏。俾不致流離失所。副朕痼瘼一體之意。○定邊左副將軍成袞扎布等奏。額爾克沙喇等報稱。二月間在哈薩克附近之那林布魯勒等處。收得烏梁海原任總管阿喇善逃散之屬人蘇克色格什等。率桑果勒卓輝逃散之屬人楚噶

木等。又瑪哈沁都楞烏拉岱。托布啟等。俱情願歸附等語。臣等查此等降人。向有收納之例。請將楚噶木。都楞等二十一人。交內大臣察達克兼管。烏拉岱。托布啟等二十二戶。蘇克色格什等四戶。交散秩大臣圖布慎兼管。得旨。如所請行。○辦理陝甘總督事甘肅巡撫吳達善奏。哈密留牧孳生羊四萬餘隻。經五吉查辦。挑出瘦癩羊四千三百餘隻。變價交內地另買。現於甘涼西寧三府屬商販收

平定縣志卷之六

元

買。並於正羊外。每百帶餘羊十隻。以備補缺。此項購辦之羊。先交地方官在本處暫行牧放。俟五月間青草茂盛時。即解往哈密。再查孳生羊。原議分撥哈密。巴里坤。屯田處。一併牧放。巴里坤入冬寒甚。且設廠之始。數尚不多。應請先於哈密設廠牧放。報聞。○以戶部郎中英廉為內務府正黃旗護軍統領。甲申。吏部議覆直隸總督方觀承奏。稱大宛兩縣事務繁劇。如果辦事勤練。請照五城司坊

官例。於到任日起。扣滿三年。會同府君。出具考語。送部引見。請旨照例陞用。其因公降革處分。帶於新任。如辦事中平。不稱保題。尚堪驅策者。即以外縣簡缺另補。應如所請。從之。

○刑部議覆。兩廣總督李侍堯奏。稱遵旨覆議。按察使來朝條奏一摺。一。民間製造烏鎗。呈官編號。立法已屬周密。若令一概繳銷。民間必致私造私藏。動干禁令。徒滋煩擾。應毋庸議。一。中途傷差奪犯。律有專條。所重究在是否糾謀。有無聚眾。若在家拒捕。乃衅起一時。因其金刃連傷二差。遂不問聚眾與否。將首從概擬立決。似覺過重。惟是此等糾結多人。持械肆毆。輒將就拘之犯。奪回釋放。其情形實與中途打奪無異。未便因在家僅科本罪。嗣後如聚至三人以上。均係持械共毆者。無論殺傷。俱照中途打奪現例。分別定擬。以上均應如該督請。並將所擬糾聚三人以上。持毆奪犯。照中途打奪例辦理之處。載入例

冊。通飭各直省一體遵照。從之。○乙酉。上詣暢春園。問

皇太后安。○丙戌。河南巡撫胡寶瑤奏。漳河改流。與直省接界。經督臣方觀承查勘。奏明興工辦理。尋委員來豫。會同豫省派員。督率開工。先挑故道。次築隄壩。於三月初十日。引河歸流。合龍之後。復行加幫趕築。全工告竣。報聞。○旌表守正捐軀之福建晉江縣民梁玉女梁氏。梁鮑女梁氏。○丁亥。諭軍機大臣等。耀海奏。漕船失風情形一摺。內稱本年自春入夏。暴風時作。少不留意。即致碰傷船隻等語。今歲入春以來。雨澤應時。風颶絕少。較往年情形迥別。雖京師與山東運河。未必盡如一轍。然大致不應迥相懸殊若此。或因向來漕船失風之案。多係隨時報明。漕運總督照例咨部辦理。未經每案專奏。而耀海以身任巡漕。一有見聞。即行入告。抑或今歲該處風信。實有較甚往年。以致碰損船隻。朕又豈肯

執京城以例運河。轉啟地方官諱飾之漸。著傳諭耀海。令將前數年漕船失風。視今年案數多寡。並該督等或奏或咨。作何辦理之處。詳悉查明具奏。固不得稍存迴護之見。亦不得因此而轉為遷就之詞。再旗丁自來陋習。中途或盜賣漕米。原數不敷。或米色青腰白臍。難以交倉收納。每欲借遭風失水之名。為自行掩飾之計。倘此端一開。於漕務尤有關繫。督運監運諸臣。不可不悉心訪查。實力整

理者。著一併傳諭耀海。令其逐一體察。秉公據實奏聞。○兵部議覆京口副都統鄂岱奏。稱京口水師左右兩營。向例間年巡江一次。為期較遠。官兵不無疏懈。嗣後除將軍到任巡查之年。副都統不巡外。其餘停操年分。與副都統按年輪巡一次。江防更屬嚴密。應如所請。從之。○以兵部侍郎錢汝誠。刑部侍郎王際華對調。○戊子。

上詣暢春園。問

皇太后安。○諭軍機大臣等。據阿爾泰奏。時屆小滿。天氣漸炎。委員搜掘蝻子。據蘭山。蒙陰。及新泰。沂水。等處。間有生發。現飭上緊殲除。並親往察看。嚴加督搜。以杜貽患等語。直隸及山東一帶地方。上年冬雪霑足。今春雨澤調勻。似可不致蝗蝻為患。但時值夏炎。上年撲捕後。水草低窪之地。不無遺孽。今東省既有蹤跡。則直隸地屬連界。不可不先事豫防。以杜將來潛伏蔓延之漸。著傳諭方觀承。及官著。長福等。速飭所屬文武員弁。實力查勘。加意搜掘。毋使稍有疏虞。致貽民害。不得奉行故事。循例文移催飭。一任屬員虛詞稟覆。遂爾了事也。○又諭曰。舒赫德奏。稱伊犁屯田回人一千戶。辦理陸續發往。應設立阿奇木伯克等缺。以資管轄。擬設三品阿奇木伯克一員。請旨補授。自四品伊什罕。至六品密喇布伯克十五員。或以現任伯克陞補。或於著有勞績之人。酌選補用。其五品以上伯克。

令戴孔雀翎。六品伯克。令戴藍翎等語。伊犁阿奇木伯克著額敏和卓之子茂薩補授。仍以公品級管事。其四品以下各員。應先於阿桂現在帶領之回人伯克內選補。庶足以昭平允。而示鼓勵。其作何酌量選補之處。著舒赫德會同阿桂議奏。所授伯克等品級。及戴獎賞翎。俱著照所請行。○軍機大臣議奏。刑部覈覆哈林太毆死傅林保一案。臣等遵旨將哈林太是否緣罪發遣之犯。詢問該部。據

軍機處

上

稱。凡係發遣之人。俱於咨內聲明。此案該將軍原咨內。止稱該犯係鑲紅旗厄騰額佐領下閑散。並無聲明字樣。即如上年吉林將軍所咨。寶存兒戮死萬受一案。兇犯寶存兒。係行竊發遣。入於鑲黃旗諾爾布佐領下當差。該將軍即於咨內聲明。今哈林太止稱滿洲閑散。並無發遣字樣。臣等復行文八旗將節年發遣人犯。及撥往種地戶口檔冊。逐一細查。亦並無哈林太其人。應行文該將軍查明

哈林太。或係該處滿洲。或係發往當差種地之人。咨覆到日。請旨。並令嗣後遇有此等人犯。務於招冊內。將係本地滿洲。或係犯罪發遣。及種地之人。分別註明。從之。○以降調之原任內閣學士王鳴盛。為光祿寺卿。○旌表守正捐軀之四川蒼溪縣民羅啟仁妻羅氏。○己丑諭曰。定長以恩賞臺站人員等事。咨詢兵部。該部以未經具奏。請旨。不便查辦。駁回具奏。各部院向於外來咨文。可以奏請辦

軍機處

上

理者。往往任意指駁。屢經訓飭。今恩賞臺站人員。久經降旨。定長咨詢。即當奏請辦理。或謂其應先具奏。則於奏內附參。亦無不可。乃徑行駁回。必俟其咨覆到日。始行具奏。往返稽遲。徒滋案牘。此皆推諉拘泥之陋習。兵部堂司官。著傳旨申飭。嗣後准到各處咨文。其應辦理者。即行奏辦。或當參奏。亦即附參。若仍前推諉拘泥。任意指駁。必將定案駁行之部臣。加以處分。著再通諭各部院衙門。及八

旗大臣等知之。○軍機大臣議奏。陝甘總督楊應琚奏稱。阿克蘇至葉爾羌。喀什噶爾一帶相距數千里。地方空濶。前與舒赫德等會議。設立文武大員。分地駐劄。不可無居中聯絡關通之處。查與葉爾羌相距八九站。有地名巴爾楚克。傍近河流。泉源充裕。若多召無業回民。保聚耕作。則灌溉有資。可漸成村落。又距阿克蘇六七站。有多蘭回民。亦藉耕作而食。其舊居之恒額拉克。可墾地畝甚多。若招散處回民。聽其墾藝。亦可成一大聚落。應俟阿克蘇等處籌辦駐官後。各酌派千總一員。駐劄恒額拉克。及巴爾楚克。庶可聲息相通。其應召回民。有貧乏不能自立者。官為借給口糧籽種。統於收成後。酌量分限繳完。查口外屯種事宜。前據該督等議請駐兵運糧。並添設文武大員各摺。經臣等定議。以該處派兵屯墾。祇可隨時酌辦。應俟阿桂今歲前往。試墾一年之後。定有就緒。將來即可酌量

平錄卷六十一

十七

照辦。且伊犁及回部。非巴里坤哈密內地可比。即須駐兵屯田。仍當以滿洲將軍大員駐守。非鎮道綠營所能彈壓。當即行知。今該督等復請設立員弁。分地駐劄。想此時尚未接到。至所稱巴爾楚克。恒額拉克。兩處可種之地甚多。若招令無業回民屯墾。俱可漸成村落。查回部地方。耕作迺其恒業。此時以回民墾種回地。本屬便宜應辦之事。但應募而來貧乏無力者居多。若如該督所請。借給籽種口糧。則購運轉輸。仍所不免。或其中實有情願出力墾種。不必全賴官為經理者。則招集墾種。為因利乘便之舉。亦屬可行。應令舒赫德等悉心酌辦。其恒額拉克。及巴爾楚克。各派千總一員。駐劄之處。亦統俟舒赫德等酌辦後。定有章程。另議從之。○又議奏。三姓副都統富僧阿奏稱。盛京吉林寧古塔等處。侵場放票收稅。文移所關甚要。請各按地名。鑄給關防。寧古塔等處官學教習。須清文

平錄卷六十一

十八

熟習之員。向由官學生內挑補。如一時不得其人。請即於貼寫馬甲內通融選補。三年期滿。教課有方。報部以筆帖式補用。其馬甲開缺另挑。一三姓地方緝捕事宜。向於發遣人內派充。此等皆不安本分之徒。轉恐騷擾滋事。請另設番役十名。並派員專管。遇有失察。將該員照例議處。均應如所請。從之。

實錄卷六百十

下九

大清高宗法天隆運至誠先覺體元立極敷文奮武孝慈神聖純皇帝實錄卷之六百十

大清高宗法天隆運至誠先覺體元立極敷文奮武孝慈神聖純皇帝實錄卷之六百十一

監修總裁官經筵講官太子太傅文淵閣大學士文淵閣領事領侍衛內大臣稽察奏 上諭事件處管理吏部理藩院事務正黃旗滿洲都統葉爾登都尉軍功七級隨帶加一級尋常加二級軍功紀錄一次臣履桂總裁官經筵講官太子太傅文華殿大學士文淵閣領事稽察奏 上諭事件處管理刑部戶部三庫事務世宗憲御前軍功加十九級隨帶加二級又加二級臣等謹將內大臣戶部尚書領侍衛內大臣滿洲都統軍功紀錄五次尋常紀錄十四次臣德瑛經筵講官太子少保工部尚書紀錄六次臣曹振鏞等奏

教修

乾隆二十五年庚辰四月庚寅

上御勤政殿聽政○諭軍機大臣等西陲新聞疆圉所有駐兵屯墾事宜前令楊應琚會同舒赫德等查勘嗣據該督前後奏到已屢經降旨傳諭令其隨宜妥辦現在阿克蘇葉爾羌喀什噶爾等處已有舒赫德等在彼專司其事自可遵旨次第經畫成規楊應琚身任總督內地事務亦關緊要且舒赫德等所辦事宜正資該督為之接應著傳諭楊應琚此時既無會商事件竟可即回總督之任將此

並諭舒赫德知之。○吏部議奏山東學政閱
鶚元奏稱士子有窩竊唆訟等情教官隱匿
不報自應照例革職其僅止一時失察並無
故縱情弊者請量為末減議以降調又稱州
縣官瞻徇教職處分往往於士子犯案後令
教職補報如經督撫查叅或別經發覺請照
徇庇例降調均應如所請從之○直隸總督
方觀承奏查看永定河下口上年清水停淤
處自開通之後汕刷愈深南流暢順南岸添
建減水草壩即日完竣本月初旬保定正定
河間等府易冀深定等州俱得雨四五六七
八寸不等趙州順廣大名一帶亦得雨二三
寸各處麥田青蔥遍野大田亦在普種得旨
但京師一帶尚未得雨頗覺悵望○又奏宣
化府屬歲需駐防兵米向於該州縣屯糧項
下動支今宣化縣因上年緩徵舊存屯米僅
一百二十餘石不敷支放查向例准於別州
縣通融撥運查宣化附近之龍門縣現存屯

糧一千九百八十餘石請照例撥運宣化以
充夏秋二季兵米支放得旨如所議行○辛
卯
孝端文皇后忌辰遣官祭
昭陵○諭軍機大臣等阿桂奏稱領兵過穆素
爾嶺前抵特克斯伊分兵二百五十名往阿
勒坦和碩之阿圭雅斯等處搜捕瑪哈沁餘
兵護送回衆往海努克屯田等語阿桂前奏
領兵往塔爾巴哈台堵截瑪哈沁等彼時因
烏梁海被掠一事未知確實故由北路派兵
令車布登扎布帶領在塔爾巴哈台堵截今
已稔知哈薩克巴魯克巴圖魯所為遣使往
索停止進兵阿桂亦可俟來年有暇再往巡
查並傳諭舒赫德知之再舒赫德奏稱除阿
桂帶往兵丁外因豐訥亨送馬伊犁又派滿
洲索倫察哈爾兵三百名合之前數共兵九
百名等語從前阿桂議奏兵數僅五百名今
年屯田收穫若不能給千人之食亦須豫為

籌畫。並傳諭阿桂。現駐兵丁。准之屯田。現收穀石。數用與否。如有不敷。即將餘兵。發回阿克蘇等處度歲。亦可。且接濟口食之牛羊。並須乘時送往。庶不致冒寒行走。徒多疲敝。舒赫德等。當會商辦理。○又諭曰。阿桂奏。領兵往阿圭雅斯一路。此時安泰。若即前來。尚可會合。但行文未能即達。不便守候。應令伊在伊犁附近地方搜捕。後即由博羅布爾噶蘇。直抵伊犁等語。前諭伊等會兵。特欲其兩路合圍。同至伊犁。並非謂伊等但一合兵。便可了事也。安泰此時已抵博羅布爾噶蘇。亦未可定。伊等宜互相探聽。隨便會合。惟以搜捕盡淨為要。至辦理瑪哈沁。與前此情形不同。現在逃往哈薩克之厄魯特等。多以困苦來投。或藏匿山谷。以丐餘生。亦不必盡行剿殺。當酌量招撫。其台吉宰桑之可疑者。解送來京。餘人分別安插。豫為曉示。則降者必多。否則伊等妄生疑懼。或以死守。或逃往他處。乘

間滋擾臺站。俱未可定。若有哈薩克錫喇等要犯。加意防護。勿致疎脫。併傳諭安泰知之。○禮部奏。

王牒告成。擇於五月初十日寅時進呈。是日奏請。皇上御中和殿。恭覽畢。總裁王大臣等。捧送皇史宬尊藏。其盛京一分。敬貯宗人府。俟冬初擇吉。奏派王大臣官員恭送。得旨是。朕照康熙五十四年之例。在宮中恭覽。

王牒不必御殿。餘依議。○壬辰。江南河道總督白鍾山奏。楊家莊以上。向有鹽河石閘草壩二座。以資運河分洩。其石閘年久傾塌。前經奏准。擇地另建。茲草壩亦因每年刷溜。跌成深塘。若因此堵閉。恐運河水大。鹽河一閘。不敷宣洩。若仍前開放。則愈刷愈深。修費更屬不貲。查石閘業經移建。而舊閘尚有石基。莫若將舊石脫落之處。安砌堅整。盤做裏頭。遇運河水大。即於裏頭外口。導引分流。以殺溜。

勢如值冬春水弱。於外口仍做草壩。堵築蓄水。以符舊制。得旨。如所議行。○癸巳。

上詣暢春園。問

皇太后安。○諭軍機大臣等。成家扎布奏稱。詢問烏梁海總管扎巴罕。從前內大臣察達克等。傳令遷移游牧。伊仍行戀住。致被哈薩克搶掠。又不能約束屬人。鄂勒哲依圖。致令逃走。章京布特勒圖。於官兵拏獲之哈薩克布什伯克等。交令看守。乃因睡踈脫。俱罪無可

辭。布特勒圖。請旨即行正法。看守兵丁碩達等。鞭責穿箭。扎巴罕亦應正法。但年甫十七。伊屬人藐玩成習。情有可原。應請革去總管。另行揀選承襲等語。布特勒圖等。踈脫賊犯。自應從重治罪。但念係愚蠢之烏梁海。著從寬免其正法。兵丁等斥革示懲。亦免其鞭責。穿箭。扎巴罕不能管轄屬人。踈脫賊犯。自應斥革。姑念伊年幼無知。從寬免其革職。仍留總管。著察達克。圖布慎等。有與伊游牧相近。

者。派員協同辦事。仍以朕憫念伊等。施恩曲宥之處。曉示知之。○以翰林院侍讀學士景福。為雲南鄉試正考官。右中允饒學曙。為副考官。戶部員外郎王協和。為貴州鄉試正考官。檢討熊為霖。為副考官。○旌表守正捐軀之浙江山陰縣民嚴文昇妻安氏。○甲午。兩廣總督李侍堯奏。粵省外海水師。如碣石。南澳。二鎮。每年按照班期。出洋會哨。其虎門左翼總兵。惟駐海口。並不定期巡洋。查該總兵同係外洋水師。自應照碣石。南澳。二鎮之例。一體巡洋。得旨。著照所請行。○乙未。諭。前據鄂寶奏。貴縣獐民韋志剛。滋事不法。現帶臬司往查。並請將該縣石崇先革職等語。朕彼時以此事本係該縣先行查出通稟。鄂寶亦並未於原稟外。別有訪聞。遽將該縣革職。恐其中不無屈抑。是以當即降旨鄂寶。且停革職。令其秉公安辦。今據李侍堯奏到。則該縣之訪緝。原係該督先行面諭體勘。然後查出。

通詳是該縣姑息養奸。於地方諸務毫不留心。若非該督豫行訓飭。則雖有匪徒滋事不法。亦將置之不問矣。石崇先著革職。拏問。歸於此案審擬具奏。朕辦理庶政。應懲應勸。各隨其人之自取。既不肯屈抑微員。亦不肯姑息庸吏。若此著將李侍堯摺及鄂寶原奏。並前降鄂寶諭旨。一併宣示。○丙申。以故副都統襲三等輕車都尉端濟布子伊達禮。襲職。○丁酉。諭軍機大臣等。據官保奏到。班禪額爾德尼第穆呼圖克圖等。因朕萬壽。遣使前來祝嘏。具見悃忱。伊等使人至成都時。如攜帶有零星貨件。著加恩與貢物一併官為資送。○戊戌。

上詣暢春園。問

皇太后安。○山東巡撫阿爾泰奏。查節年民欠米穀。例應麥後徵還。但民間糶麥買穀還倉。麥多價減。穀少價增。折納未免竭蹶。除原借之麥。照常交收外。其應還米穀者。請以麥抵

穀。細察現在情形。以麥六斗抵穀一石。聽民交納。倘有情願以穀交倉者。仍聽其便。俟新穀登場。令該州縣照例易穀。遇平糶之時。儘麥先行借糶。俾無久貯。得旨甚妥。○己亥。諭晉省各屬內。上年間有秋收歉薄州縣。一應民借倉穀。例應於今歲麥熟徵還。但該省迤北各屬。麥收俱在六月以後。青黃不接。為日正長。正需糶借接濟。若令新舊徵輸。民力未免拮据。著加恩將陽曲。代州。崞縣。應州。懷仁。陽高。寧武。七州縣。除成災村莊。民欠新舊倉糧。照例緩徵外。其未成災村莊。並勘不成災之渾源。廣靈。天鎮。左雲。右玉。平魯。祁縣。徐溝。文水等九州縣。及秋收歉薄之偏關。神池。忻州。定襄。繁峙。五臺。平定。樂平。太原。太谷。交城等十一州縣。所有新舊民借倉糧。俱緩至本年秋成後。徵收還倉。以紓民力。該部遵諭速行。○又諭。今日吏部引見揀發人員內。捐納入選者居多。雖為伊等年力壯盛。堪供差委。

起見。但專以此為去取。則其餘科目挨班需次人員。因此轉難與選人材不無淹滯。嗣後遇各省請發人員時。所有應挑各班內。如服闋赴補人員。原係曾膺民社者。自宜先儘揀用。至各項班次。亦應隨才酌選。每班各挑數人。以備簡擇。庶各員不致向隅。而掄選亦昭詳慎。○諭軍機大臣等。內大臣薩喇勒。人頗篤實。効力有年。今患病溘逝。深為軫惻。著加恩派散秩大臣一員。侍衛十員。往奠茶酒。仍賞銀一千兩治喪。伊兄布林。現在熱河。若欲來料理喪務。即著由驛赴京。或因天暑年邁。艱於行走。亦不必勉強。惟令薩喇勒之子奔赴可也。○浙江巡撫莊有恭奏。海寧東南有大小尖山。橫踞海口。向建石壩一道。掣溜南趨。北岸塘隄。藉無衝突之患。近因貼壩老沙。南面刷去五十餘丈。北面刷去二十丈。應用竹簍填貯塊石。兼用筏纜聯絡。以擋潮勢。並護塘根得旨好。○調福建建寧鎮總兵西琳。

為四川北鎮總兵。以服闋福建海壇鎮總兵楊瑞。為建寧鎮總兵。○庚子。山西巡撫鄂弼奏。晉省上年秋禾被旱。省南十一府州。民借常平義社倉穀。酌予緩徵。或徵半緩半。於次年麥後完納。今平陽等屬。麥收豐倍常年。但民借必令易穀交倉。糶糶時一出。一入。未免虧折。現在飭屬曉諭。凡借穀一石者。按一穀六米。交麥六斗還倉。與民情較便。貯倉之麥。至明春糶借案內。先儘動放。得旨甚好。○雲貴總督愛必達等奏。滇省湯丹。大碌等銅廠。採辦工本不敷。前經奏准。將東川錢局。每鑪每旬。加鑄半卯。以所獲息銀。為該廠加價之用。今計老廠及各子廠。年辦銅觔。不下一千一百餘萬。東局加鑄之息。尚不敷添價之用。可否將省城。臨安。二局。亦照東局。每鑪每旬。加鑄半卯。其鑄本即於銅本項下借支。再查大銅。大興。新廠。出銅豐旺。發價採辦時。即可以省。臨。二局所鑄之錢。搭放。將該新廠銅

本按數扣銀歸還鑄款得旨如所議行○辛丑

上詣暢春園問

皇太后安○諭軍機大臣等葉爾羌現有海明辦事阿里衮即可回京嗣後海明行文巴達克山諸部落俱列銜於額敏和卓之前但品秩未崇恐見輕屬國著授為蒙古旗分都統至新柱抵葉爾羌後開列名銜又當在海明之前俱傳諭知之○又諭曰舒常奏鄂齊爾告稱所攜俘獲人等情願於官給錢糧內自行養贍帶回等語從前因鄂齊爾等俘獲過多難盡官為給廩故傳諭舒常吳達善等作為已意曉示伊等若能於所得分例通融養贍即准帶回或力有不能再為酌辦今伊等既稱通融減省足敷口食仍聽帶回游牧無庸另辦○壬寅辦理陝甘總督事甘肅巡撫吳達善奏接准楊應琚來咨於甘州安西涼州西寧甘肅五提鎮標下按現存營馬酌撥

三千匹解巴里坤備用復於莊浪滿營內量撥數百匹以足餘馬查安西在口外與巴里坤較近隨移提臣劉順將撥馬四百匹先行解送其甘肅鎮撥馬六百匹於四月十九日業經驗明起解出關至甘涼西等處撥馬俟調到次第解赴巴里坤交道員同德接收現委副將達啟解往俟甘涼西撥馬到日再行委員續解得旨好○管理屯田大臣阿里衮等奏葉爾羌等處所種糧穀於三月二十一

二等日得雨深透發生甚旺此地自來雨澤稀少仰荷

聖主恩威遠播拯救葉爾羌全部回民是以上天佑順著太平景象於邊陲瀚磧之地回民生計自此充裕下部知之○旌表守正捐軀之福建上杭縣民葉青山妻張氏○癸卯諭軍機大臣等據吳達善奏甘省現在興修狄道等處城工並分派道府大員各經理一二處往來稽查督理等語前此准該督等所請

修葺城垣。原因該省被災民人得藉此就工覓食起見。今既經相度估計。有需帑至三萬兩。及五六萬兩以上者。動用既多。而興工又非一處。自應實力責成。董率大員。以杜侵蝕。那移之漸。迺吳達善並未將所派道府等開列名單。各分處所。是雖有稽察之名。而無專任之實。其何以重帑項而杜侵肥。著傳諭吳達善。令其詳慎遴派。分段督修。仍不時親行悉心查覈。一面先行繕單奏明。倘不肖之員。有從中滋弊。官帑不歸實用。以致年限未滿。工程不能堅固。在專督之大員。固罪無可逭。而該督身任總理。亦咎有攸歸也。○又諭曰。內務府奏新編回人佐領內。應補驍騎校一員。領催四員。薩哈勒索丕著加恩授為驍騎校。仍賞緞二端。其同來之捫多索丕。呢雅斯。索丕。業經編入佐領。若捫多索丕。能管轄人戶。即拔補領催。○吏部議奏。御史李綬奏稱。向例刑部司員。遇出有三缺。咨二留一。其應

留之缺。滿漢接算。未經分別。嗣後請應留滿缺漢缺。各自接算。查刑部司員。滿五十九缺。漢五十七缺。多寡雖屬相等。而所出則漢缺較滿缺為多。若如該御史所奏。恐漢缺所出既多。所留亦多。猶屬不甚平允。應令一滿一漢。輪流間題。倘有不能按次。必需通融題補之處。臨時奏明辦理。從之。○直隸總督方觀承奏。直省各屬。自春徂夏。雨澤頻霑。二麥收成。合計約有八分。正定以南。已次第收割。糧麥市價。俱就平減。近於二十六日。保定一帶。復得雨深透。即日可接種晚禾。得旨。京師亦得霑足雨澤矣。看來。天恩將次普被。慶慰之餘。益切虔悚耳。○江西巡撫阿思哈疏報。南昌等十三縣。報墾老荒新田一十五頃有奇。○以鑲白旗蒙古副都統愛隆阿為正白旗護軍統領。仍兼原旗蒙古副都統。左翼前鋒統領瑪璫仍兼正白旗漢軍副都統。○旌表勒嫁捐軀之湖北蘄州。

民陳常聞妻陳氏 是月兩江總督尹繼善
奏丹徒丹陽運河於乾隆八年定例六年大
挑一次每年止擇段撈濬惟十三十九兩年
因江口至西壩泥淤遂將此段改撈為挑又
十四年應行大挑勘明河水充裕僅就淺處
撈濬展至十五年始挑此各年大挑撈淺分
別辦理之情形也現在徒陽三縣運河係乾
隆二十三年興挑自應一律深通遲一二年
再行撈濬乃冬間水涸仍有淤淺重運遄臨

平糶奏卷十一

十六

勢不得不行撈濬查淤淺之由實因江潮挾
沙而上加以坍山土鬆岸陡一經大雨泥土
坍卸河身易淤是以大挑後仍須逐年撈濬
嗣後如有應撈工段臣親往查勘斷不敢委
之屬員致滋糜費報聞 湖南巡撫馮鈐奏
四月初八日接准江蘇撫臣陳宏謀札開查
拏兵部書吏茹勝謙即委長善二縣密赴善
化縣典史茹元署中搜緝無蹤當提茹元并
在署之親屬朱適均等親加研訊茹勝謙實

未來楚惟其父茹斌與其妻舅王正文來署
索欠已經回京又究出茹元在京那借茹勝
謙贓銀捐官及朱適均曾與茹勝謙同辦功
牌事件即委員將茹元朱適均解部審究並
咨浙省於茹元胞兄餘杭縣典史茹紹龍署
中搜緝又知會湖北一帶沿途追緝茹斌王
正文併案根究現經湖北咨到於河南襄城
縣地方業將茹斌王正文二人追獲就近解
京得旨覽 陝甘總督楊應琚奏查甘省各

平糶奏卷十一

十七

標營額馬五萬一千餘匹除征兵乘騎未回
五千餘匹撥缺未補四千三百餘匹又此次
撥赴巴里坤收放三千匹外實存四萬三千
餘匹已足供差操之用所有缺額之馬自可
徐議通融籌辦無需亟補向內地採買致費
周章至新疆經理一切事宜自當酌量情形
與口外辦事大臣會商妥辦得旨覽奏俱悉

大清高宗法天隆運至誠先覺體元立極敷文
奮武孝慈神聖純皇帝實錄卷之六百十一

實錄卷六百十一

六

大清高宗法天隆運至誠先覺體元立極敷文
奮武孝慈神聖純皇帝實錄卷之六百十二

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事務處管理
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂
總裁官經筵講官太子太傅文華殿大學士文淵閣領閣事稽察欽奉 上諭事務處管理刑部戶部三庫事務
世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次
尋常紀錄十四次臣德瑛經筵講官太子少保工部尚書紀錄六次臣曹振鏞等奉

校修

乾隆二十五年庚辰五月朔甲辰日食○諭

實錄卷六百十二

一

序臨北至一陰始生薄蝕適逢益切乾惕古
帝王克儆天戒不敢以宿離有常度為解朕
亦同此志彌月不雨蒿日增憂幸即霑膏麥
稔可望然盛滿為虞匪藉遇災知懼始斤斤
動色諮警為也前歲日食下詔修省而建言
者或毛舉細故撫拾浮詞雖不足深尤究無
裨實政又清理刑獄間歲已勅部舉行踵事
不已正昔人所稱赦非善政者應

天以實不以文朕方側席省躬所有本月朔內

廷例用龍舟。上年既以禱雨不行。今雖際時和。並飭停罷。用祇荷。

天仁示戒之至意。諭衆知之。○諭軍機大臣等。據方觀承奏。鹽山縣發遣巴里坤為奴之張七。解至山東臨清州。逃回等語。鹽山係直隸地方。該犯解往巴里坤。斷無轉經東省。遠道解陝之理。何以路過臨清。以致脫逃。著傳諭方觀承。令其查明具奏。○乙巳。

上詣暢春園。問。

皇太后安。○諭刑部改擬江蘇省蔣汝才斬決一本。並未將該督原擬駁回另審。遽行改正完結。朕憶前此法司改重改輕之條。曾經分別降旨。該部於此案所辦。殊未合例。因令軍機大臣詢問。則刑部引用前旨。是二是一。不能明晰。如前旨云。督撫等擬罪過輕。而部議應從重者。自應駁令再審。今蔣汝才故殺小功母姨。該部以該犯既竊其衣。復害其命。與竊賊臨時殺死事主者同科。罪應斬決。而該

撫僅擬斬候。不足蔽辜。正與由輕適重。應行駁審之旨。脗合無疑矣。至後條所云。如擬罪過重。而部議從輕者。若情節顯然。該部所見既確。即改擬題覆。不必駁審。是乃專指由重適輕者而言。使其中有情節未明者。固當駁回另審而已。且此等案件。並非謀逆重大要案。不容姑待者比。即俟另審題覆。亦未為遲。乃因情罪可惡。執行改擬結案。將使庸愚無識之徒。私心揣測。轉疑內部司獄者。有意從嚴。並不照例詰駁。是皆該部錯會前旨。有以致之也。此本著照例駁審。并將此宣諭內外。問刑衙門知之。○諭軍機大臣等。本月初一日日食。京師食甚。時日光照耀尚多。按之欽天監所奏。則京師較山東。山西二省。分數本少。是以所見如此。著傳諭阿爾泰。鄂弼等將各該省所見食甚時景象。有無餘光之處。詳悉查明。據實奏聞。○又諭。昨降旨將楊瑞補授建寧總兵。原以該員舊日曾任海壇。在閩

年久。或可收駕輕就熟之效。今請訓名見該員奏對之次。語言鈍澁。即領受諭旨。亦不甚了了。殊為不滿朕意。著傳諭楊廷璋。令其留心體察。如該員人本樸拙。於營務尚能實心辦理無誤。則其人固未可輕棄。倘該員直係顛預無用之徒。又豈可苟且姑容。致妨戎政。該督據實查明。隨時分別具奏。不必豫存成見。轉失虛公之道。○旌表守正捐軀之江蘇丹徒縣民殷永通妻唐氏。○丙午。

孝誠仁皇后忌辰。遣官祭。

景陵。○諭軍機大臣等。新闢疆土。如伊犁一帶。距內地窩遠。一切事宜。難以遙制。將來屯田駐兵。當令滿洲將軍等前往駐劄。專任其事。固非鎮道綠營所能彈壓。亦非總督管轄所能辦理。楊應琚如未經到彼。即可不必前往。既已親履其地。畧悉情形。即可回任。總之該督統轄所及。至烏魯木齊而止。自此以外。現有舒赫德等在彼經理。該督自應仍回內地。

俟將來有應行接應之處。妥為料理。是其專責。此時正毋庸久駐口外。籌辦一切。反致遺誤內地要務也。○又諭曰。納世通奏稱庫車一帶。通北山各嶺處所。俱安設卡座。派回人瞭望防守等語。所奏殊中肯綮。現在阿桂等駐兵伊犁。搜捕瑪哈沁伊等。無可棲止。或越嶺侵犯。回人地界。乘間盜竊。臺站馬匹。俱未可定。著傳諭各駐劄大臣等。將北山要隘。可通回部者。俱安卡派兵防範。仍不時委員巡查。嚴拏逸匪。不可少有疎忽。○軍機大臣議奏。陝甘總督楊應琚奏稱。烏魯木齊。現議移駐提督。管理地方糧餉之文員。自不可少。應照哈密。巴里坤之例。設同知一員。管理地方通判一員。收放糧餉。并倉大使一員。以供差遣。出納。再設巡檢二員。分駐昌吉。羅克倫兩處。以上各員。統聽哈密兵備道管轄。又稱漢中府同知。同州府通判二缺。韓城。洋縣縣丞二缺。西安府照磨一缺。應裁。即可移駐烏魯

木齊毋庸另設。均屬調劑得宜。應如所請。得旨。此同知定為滿缺。○又奏。查五城平糶錢。奏明發工程處。為物料工價之用。現在陸續支領訖。但目下錢價昂貴。若專藉此項。恐不足平減市價。臣等公議。五城平糶各廠。約計月得錢五萬餘串。而戶工二部。現貯錢尚餘四五萬串。查八旗俸餉冊內。支領錢糧之人。有每月給一兩五錢。及一兩以下不等者。請將此項應領銀。俱改支錢。照各廠每兩八百八十文之例給發。在伊等既省以銀易錢之煩。較市價且有盈餘。必踴躍願領。錢可流通。無滯行之數月。果有成效。錢價就平。再行奏聞。請旨。所有各廠平糶錢。應令以十日一次。解交戶部給放。不敷。即於戶工二部貯錢內支領。至奸商經紀人等。囤積之弊。現在交步軍統領衙門。暨順天府。五城御史。實力嚴拏。報聞。○丁未。諭。據愛必達奏。楚姚鎮總兵伍訥錫。狂妄乖張。出入違例乘轎。工作派累營

兵。縱飲無度。營務紛擾。請旨革審等語。伍訥錫身任總兵。自應飭躬奉法。表率營伍。乃罔顧官箴。違制妄為。種種不職。劣蹟顯著。伍訥錫著革職。交與該撫審擬具奏。雲南楚姚鎮總兵員缺。著馬乾宜調補。所遺興漢總兵員缺。著汪騰龍補授。○諭軍機大臣等。吳達善題。請於鄰省撥銀六十七萬餘兩。為涼州。寧夏。莊浪等營。加折糧料之用。部議以該撫甫經兩次撥銀三百八十萬兩備用。應即在第一次撥解銀兩內動支。毋庸再撥等語。已降旨依議矣。該撫前請撥銀八十萬兩。原係接准楊應琚移咨。遽行奏請。後該處屯田駐兵事宜。概從緩辦。則所撥前項銀兩。自屬備用充裕。且現在軍需事竣。諒亦無甚急需。著傳諭吳達善。此次請撥銀兩。即照部議。在第二次撥解八十萬兩內動支。其是否足敷應用。將來不致再有缺少需撥之處。詳悉查明奏聞。○以大學士來保。協辦大學士鄂彌達。內

閣學士富德赫赫。吏部侍郎程巖董邦達。恩不。戶部侍郎于敏中。禮部侍郎介福。兵部侍郎觀保。王際華。熊學鵬。刑部尚書秦惠田。侍郎錢汝誠。為殿試讀卷官。○鑄給江南壽春鎮左營都司關防。從安徽巡撫高晉請也。○予故左翼前鋒統領阿岱。全葬如例。○旌表守正捐軀之河南襄城縣民楊柱妻李氏。○戊申。

上奉

皇太后幸萬方安和侍膳。○策試天下貢士王中孚等一百六十四人於太和殿前。制曰朕

祇承

帝命。實懷永圖。審聽高居。惟勤至化。自纘膺鴻緒以來。早夜孜孜者二十五年矣。比雖遐陬款化。戎服救寧。風雨和甘。陰陽式協。顧日中之戒宜凜。載舟之喻宜思。公卿大夫與朕共襄治理者也。食德服疇之侶。宜何如啟佑而安輯之。爾多士利用賓王。當此三道。佇延讜

論。以沃朕心。帝王心法治法之要。莫備於經。其源流分合。厥論詳矣。若夫易著六象。書標七觀。詩兼三訓。禮經垂三種。春秋明五例。能約舉其條目歟。儒生夙昔誦習。果何以究乎性情政治之本。得失同異之歸。以黼黻盛明。羽翼傳注歟。記所云入其國而教可知者。又何道之從。科目所以求才。而文藝之淳漓。人品心術見焉。磨勘之申嚴也。將以蒸蒸日進於雅馴。以漸至於古之立言者。乃應試之文。猶不免夫支離疵謬。豈習尚之異趨歟。抑學臣之董率於平日者。有未至也。根之深者其實遂。辭尚體要。陳言務去之謂何。士貴自振拔耳。豈古今人果不相及歟。朕軫念民依。惟足食是廩。常平社倉之制。何嘗不設法舉行。顧積貯久。則有司以浥爛為虞。出納頻而胥吏得因緣叢弊。於是乃藉其稱貸之名。隱其缺額之實。安望蓄積多而備先具乎。京師設厰平糶。歲且周矣。而穀價未見平減。意者因

積之不免歟。市價擅奇贏。何以除之。泉流表其不匱。懋遷通其有無。豈竟無長策歟。古者屯田之法。籌餉兼以防邊。此非論於今日幅員無外者也。漢唐屯營其地安在。調戍之後。何緣而助。或佃或守。且戰且屯。史策所傳。當究厥理。方今平定西陲。擴地二萬餘里。闢展以西。耕屯相望。茲葉爾羌諸城。甘澍應時。農功大起。

天貺既渥。將使地無遺利。人無遺力。古法或宜於今者。可兼採歟。之數者。士習民莫之本。邊防食貨之原。朕一日二日。冀以保泰持盈。爾多士修絮博習。其必有以明其指畧也。各悉對著於篇。勿猥勿并。朕將覽擇焉。○諭軍機大臣等。舒赫德奏稱。過穆素爾嶺。下至山麓。有澗名塞塞克。愛噶爾雅勒。其險處約四十餘里。一值風雪。即難行走。從前準噶爾於其地樹牆。誦經致祭。今四月初旬。遞送事件兵丁。有凍斃者。酌於附近之克斯地方。造屋

以資避禦等語。穆素爾嶺。為往來要路。今山澗險阻。猝遇風雪。人力難施。蒙古風俗。俱誦經致祭。著傳諭舒赫德。如回人內有善於禳禱者。令其虔誠諷禱。或無其人。即遣尼魯特人致祭。○參贊大臣舒赫德等奏。四月初七日。五吉解馬至阿克蘇。臣等挑選八百餘匹。分給阿桂前次所領官兵。及此次豐訥亨所領官兵。俾即前往伊犁。餘馬一千三百餘匹。派員於阿克蘇附近。牧放備用。又選駝一百一十七隻。添送威遠礮一位。及火藥鉛繩等項。俱交豐訥亨帶往。報聞。○已酉。

上詣暢春園。問

皇太后安。○還宮。○諭貴縣撞民章志剛。滋事不法一案。前據鄂寶奏到。以知縣石崇先所稟。避重就輕。朕閱其情節。如所稱章志剛革後捐監。侵占民田。包攬詞訟。諸款。不過鄉里土豪所為。而謀為不軌。尚無實跡。非馬朝柱李開花等案可比。當即傳諭鄂寶。將石崇先

且停革職。秉公查辦。續據李侍堯奏到。則稱係該督面諭體勘。始行查出通稟。朕謂石崇先姑息養奸。罪無可逭。當即明降諭旨。將石崇先革職拏問。可見朕本無從寬從嚴之成見也。今該督撫審明定擬會奏。韋志剛陰謀不法之事。實屬毫無影響。乃轉以不問虛實。羅列通稟。歸咎於石崇先。則是石崇先既非避重就輕。如鄂寶原奏亦並未姑息養奸。如李侍堯之所云也。在石崇先不過以韋志剛恃符武斷。情似謀逆。不及詳悉體究。遽行通稟。誠不免冒昧。而鄂寶惟恐李侍堯先行入告。致落人後。故飛章參審。李侍堯復以鄂寶已經奏聞。又故甚其詞。為面諭體勘之語。今水落石出。不能科韋志剛以謀逆之罪。乃反坐該縣以率報之愆。而督撫如不與焉者。屬員皆有人心。何以使之折服耶。即此一事觀之。則該督撫二臣之不能和衷共濟。已可概見。此特其一事耳。該兩省地方公務。俱如此。

各懷意見。豈足以鼓勵人才。振肅綱紀。將朕所憂於二臣者。又不僅在於此事之虛實矣。在韋志剛雖無謀匪情事。其恃強豪橫。惡跡累累。擬以發遣。自所應得。知縣石崇先革職之處。俟該部議覆時。另降諭旨。著將此旨傳諭李侍堯。鄂寶嗣後務宜痛加省改。固不可一味和同。亦不可各挾私意。總以一秉虛公。破除習氣。副朕委畀封疆至意。尋吏部以廣西貴縣知縣石崇先革職議上。得旨。石崇先著該部行文。調取來京引見。○山東巡撫阿爾泰奏。東省水利。以濟運為關鍵。以入海為歸宿。查濟東泰武之老黃馬頰。徒駭。鬲津沙河等河。充沂曹之洸。泗。涑。順隄。百花等河。現經挑挖。計共六十餘道。皆節節疏通。暢流無滯。沂州府屬蘭。郯。舊淹之處。今開魚梁艾山。引鵝蛋等溝。入於芙蓉燕子等湖。工程率皆完竣。運河民埝。計長七百餘里。亦經加高培厚。修整完固。其魚濟等州縣。沿河向無隄埝。

者。恐微湖水溢。悉皆增築。以衛民廬。青萊所屬樂安。平度。昌邑。濰縣。高密等州縣。應挑之支脈。落藥。五龍。白狼等河。計共三十餘道。俱節次挑竣。再查青州府淄河入海之道。上寬下窄。中多灣曲。每遇山水建瓴而下。勢難容納。今經開直挑深。惟口門若加深濬。又恐海潮倒漾。祇宜勤加挑淤。堅築隄岸。捍禦萊州府之膠萊河。納上游青州府屬諸安。昌壽諸水。又高密縣境有膠河一道。其流亦趨膠萊。易致漫溢。今查有百脈一湖。若將膠河之水導之使入。分流而入膠萊。則水勢既減。其流自緩。而入海之勢亦暢。得旨。可謂留心民瘼。但河道既多。頭緒紛如。各繪圖貼說。奏來。庶一覽明白矣。尋奏。各河有歸湖入運者。有自運分流。由河達海者。又濟寧等州縣。有另開之引河。並青萊府屬之淄河膠萊。及新挑之福明等河。俱繪圖貼說。呈覽。得旨。甚詳妥。○是日起。

上以夏至祭

地於

方澤。齋戒三日。○庚戌。諭前經降旨。令旗丁餘米。准其在通變賣。以資日用。現在漕艘陸續抵通。所有各旗丁多餘食米。仍照前例。於正供兌足之後。即准其就通出售。於旗丁等既稱便益。而地方糧石流通。兼可平減市價。該部即遵諭行。○諭軍機大臣等。阿思哈奏。新淦縣士民。請捐貲修築城工。石隄一摺。具見該地方急公趨事之誼。殊可嘉尚。但此項工程。既係願出己貲。以資保衛。在地方官益當盡心秉公經理。斷不可任監修胥吏。從中稍有侵漁。轉為善舉之累。其所有捐項。如係人數衆多。難以區別。該撫只可量為獎諭。隨宜辦理。倘其中有捐貲較多。而倡率踴躍者。不過三數人。即當分別查明。照樂善好施之例。咨部量予議敘。以示鼓勵。著將此傳諭阿思哈知之。○又諭。日。託恩多奏。錢糧工程報銷。

案件清單內。有乾隆六七年間覈減銀兩。至今尚未完結者。外省動用錢糧。及工程報銷。均關帑項。自應上緊辦理。俾塵案速清。倘年復一年。勢必漸歸無著。前此屢經降旨。令各督撫加意清釐。毋任因循羈擱。何以該省未完案內。尚有歷年如許之久。而未經辦竣者。著傳諭該撫。將此數案。速行催趲完結。嗣後凡有似此者。並著隨時留心清理。毋仍蹈外省向來廢弛積習。○辛亥。諭廷試士子。為掄才大典。向來讀卷諸臣。率多偏重書法。而於策文。則惟取其中無疵類。不礙充選而已。敷奏以言。特為拜獻先資。而就文與字較。則對策自重於書法。如果文義醇茂。字畫端楷。自屬文字兼優。固為及格之選。若其人繕錄不能甚工。字在丙而文在甲者。以視文字均屬乙等。可以調停入彀之人。自當使之出一頭地。況此日字學稍疎。將來如與館選。何難臨池習之。倘專以字為進退。兼恐讀卷官有素

識貢士筆跡者。轉以此藉口滋弊。非射策決科本義也。現在定例。擬選十卷進呈。須俟引見。始定名次。衡文尚待觀人。而閱卷時。竟先抑文重字。可乎。又向來讀卷官。雖例不回寓。然皆各覓公所散住。地非鎖院。人得自由。在監試王公大臣等。既不能各分一員。同居糾察。而讀卷諸臣。從容退息。亦何不可遣人回家。潛通消息者。此而置之不問。則凡鄉會試之設法關防。又何取焉。且試策不過一二百卷。以十四人公閱。即一二日亦可竣事。乃遲之三五日。始行進呈。晨集暮散。展轉須時。於形跡尤為未協。著大學士。九卿。將嗣後讀卷官。如何參覈文字。務令取擇適中。並作何住居監察。刻期竣事之處。一併詳悉議奏。以協朕期於名實俱副。肅清銜枝之至意。尋議。廷試讀卷。自應取文義醇茂者。拔置上第。若策對全無根據。即書法可觀。亦不得入選。至讀卷官各覓公所散住。誠非設法關防之意。查

向來讀卷俱在內閣。本年經大學士臣來保奏明在文華殿閱卷。應請即於文華殿兩廊傳心殿之前後房間及派出監察之王大臣科道收掌等官一同住宿。再每科試策不過二百餘卷。舊例讀卷十四人未免過多。嗣後將應行開列人員請簡八員足資辦理。再閱卷請定限二日。擬定十卷進呈從之。○雲貴總督愛必達等奏滇省各屬城垣其給發工帑及既經修竣保固並無庸修之處謹就本省情形設立章程酌擬條款以期經久完善。

一。原估銀數在千兩及萬兩以上者先發五分俟工程將半再發三分收工時發一分扣留一分俟報部准銷再行找發如有覈減即於此內扣除。一。工程銀數在千兩五千兩以上者定限六個月完工一萬及二萬兩者八個月二萬至三萬兩者一年責成該管道府查催。一。未修城垣小有坍塌隨時可修整如坍塌過多即將丈尺通報立案於農隙時酌

撥民夫次第修理責成該地方官確估不得扶捏。一。既修城工保固三年後責成現任地方官隨宜修葺毋致積久傾圮。一。動用民夫應查額糧若干需用民夫若干公平輪撥不得藉端加派。一。滇省城垣現經分年興修即不應有坍塌地方官交替時遇有坍塌新任官即行揭報勒令前任賠修。一。滇省各府城垣每年應責成迤東迤西兩道巡查其各廳州縣城垣責成該管知府督查隨宜修繕。一。

城工向有官民捐修之例如遇坍塌地方官及富民紳士有急公好義者應從其便仍照定例分別辦理得旨如所議行。○以革職侍郎德爾格為郎中馳驛前往闡展隨副都統定長辦事。○壬子夏至祭

地於方澤

上親詣行禮。御養心殿召讀卷官入親閱定進呈十卷甲第。諭今歲廷試有條對策問

以古之屯田為勞民。今之屯田。勞民正所以惠民者。新進撫拾陳言。不悉實政。固不足怪。然現在新疆墾種。實無一勞民之事。以書升論秀者。尚不免形諸廷對。何況蚩蚩無識之徒。以訛傳訛。伊於胡底。故有不得明白宣示者。西陲戡定。回部悉平。朕之初念。豈務為好大喜功。今亦不過輯其舊部。復其本業而已。又安肯轉事勞民動衆。蓋回人等。本以種藝為生。自為準夷驅使執役。伊犁各處。習耕佃者。延袤相望。今當掃穴之餘。在殘衆自營生計。不過還其所固有。而駐防大臣等。循行勸墾。亦惟用其人以墾其地。曾有一內地百姓。抑之負耒而往者乎。總督楊應璩。前此酌籌屯務。於派駐兵丁。採買牲畜。部署頗涉紛繁。朕以其未得此事要領。屢降諭旨。令其從容隨宜經理。今日奏到。伊亦自知前議之非。并稱各就本地力量情形。因利乘便。可規久遠。則前後壁畫緣起。歷歷可數。至應遣之犯。

議令前往種地。以減死之人。而予以謀生之路。伊等既不得謂之民。又安得謂之勞也。且朕規畫此事。更有深意。國家生齒繁庶。即自乾隆元年。至今二十五年之間。滋生民數。歲不下億萬。而提封止有此數。餘利頗艱。且古北口外一帶。往代皆號巖疆。不敢尺寸踰越。我朝四十八部。子弟臣僕。視同一家。沿邊內地民人。前往種植。成家室而長子孫。其利甚溥。設從而禁之。是厲民矣。今烏魯木齊。開展各處。知屯政方興。客民已源源前往貿易。節簷土銓。各成聚落。將來阡陌日增。樹藝日廣。則甘肅等處。無業貧民。前赴營生耕作。汙萊闢而就食多。於國家牧民本圖。大有裨益。夫利之所在。雖禁之而不能止。民可使由。不可使知。將來亦徐觀其效而已。朕又何所為而先事勞之。前此武功告成。不過偏師嘗試之。而好議者或云。贖武。今辦理屯種。亦祇因地制宜之舉。而無識者又疑勞民。朕實不解。且

付之不必解。而天下後世自有公論耳。因閱對策。特降此旨。並將楊應琚奏摺通諭中外知之。○軍機大臣議奏。陝甘總督楊應琚奏稱。葉爾羌舊製錢。以普爾五十枚。為一騰格。作銀一兩。回民歲貢。兵丁月餉。以此為準。後市錢稍廣。經舒赫德等奏。請每銀一兩。以七十文為定。現在市錢日益平減。至以錢百。抵銀一兩。並一百零十文不等。官兵月領錢數十文。不抵應闕餉銀之用。既無可加增。又不便議令回民增錢上納。請將現鑄之錢。重如其舊。惟較舊樣微薄。而加廣。於錢面添鑄回字。一分二字。以錢百作銀一兩。鑄出新錢。即散為現。駐官兵月餉。所有回民歲貢。亦照此為則。查錢法之低昂。由於市值之多寡。聚散為權衡。時增時減。本無定準。在內地尚不能強繩以官法。節制以定價。況在回部地方。鼓鑄伊始。收舊鑄新。廣為流通。則錢價日就平減。亦屬物情自然。此時祇宜酌市值之貴

賤。以定出納之準。若必拘以一文抵銀一分。百文作銀一兩。則該處白金。本屬稀少。現在白銀一兩。已換至一百零五文。至十文不等。馬知將來不再加平減。則官兵等支領百文之錢。仍不抵其應闕餉銀之用。況錢式早經頒定。又復減薄分數。於錢上鑄明定值。強制回眾以不得增減。微特勢所難行。轉致更張成例。該督楊應琚業回甘肅。請交舒赫德酌量市值情形。隨時妥協辦理。所有該督請改定之處。毋庸議。至所稱阿克蘇每年有貢納銅觔。庫車亦有產銅之山。應令該處回民量力輸納。即於應徵貢賦內扣抵。以資鼓鑄。事屬可行。應一併令舒赫德查明妥議具奏。得旨。依議速行。○又議奏據陝甘總督楊應琚奏稱。現在軍務已竣。臺站馬匹。應酌分緩急。口外辦事大臣。如所奏緊要。仍用六百里傳牌速遞。如尋常奏報者。皆用四百里。應如該督所請。令辦事大臣酌量輕重緩急。如不必

遠奏之件。即稍遲數日。積有數件再行馳遞。併或有應奏之事。適他處軍報經過。亦即順便附奏。於傳牌內聲明。以免另發。從之。○辦理陝甘總督事甘肅巡撫吳達善奏。乾隆十九年。因西域軍務。甘省口內自肅州至寧夏之花馬池。安設正腰站七十六塘。每塘額馬二十匹。茲軍務告竣。各處往回摺報較少。應請每塘裁去四匹。酌留十六匹。儘數馳遞。所裁馬。即補驛馬倒缺之數。有疲敝不能供差者。變價於軍需項內歸款。得旨。如所議行。○癸丑。

上御乾清宮恭覽

玉牒。○御太和殿傳臚。賜一甲畢沅。諸重光。王文治。三人進士及第。二甲曹文植等五十人。進士出身。三甲陳開基等一百一十一人。同進士出身。○山西巡撫鄂彌奏。晉省局鼓鑄錢文。計每歲需銅二十萬觔。向係各商領價辦運。散赴各省採辦。查上屆銅商所運將完。

茲據布政使詳稱。有殷商願領承辦。每年運銅二十萬觔。以五年為限。共運一百萬觔。其運腳。照例每百觔給銀一十四兩。於封貯兩淮協餉銀內。每運先發三分之一。交足再找給三分之二。每萬觔帶餘銅千觔。以備折耗。得旨。如所議行。○甲寅。諭軍機大臣等。方觀承將鹽山縣解犯程途。繪圖具奏。此特以臨洺關為總路。而以臨清與保定二處。兩兩比較。則為彼近於此耳。臨洺固為河南入陝之路。但與其紆折繞道。又何如徑由正定一帶。取道山西。赴陝更為直捷。著傳諭方觀承。令其按照圖內硃筆所指。由正定至山西入陝之路。並由臨洺至河南入陝之路。查覈程站遠近。併繪一圖。即行具奏。○又諭。曰。同德泰奏。協辦錢糧之縣丞鮑立應。因回民孫起雲。濫與差役馬九互毆。將年逾七十之孫起雲。濫刑致斃。請將該員交部嚴加議處。鮑立應。徇庇衙役。違例杖斃無辜。若不重治其罪。何以

示懲。鮑立應著革職。枷號示衆。滿日。照發遣民人之例。仍留該處。此等劣員。同德僅請交部議。殊屬輕縱。著傳旨嚴飭。○吏部議奏。吉林副都統宗室增海奏稱。伯都訥副都統衙門。向設漢字筆帖式二員。請以一員辦理漢字事件。一員改作本處拜唐阿補放之缺。於通曉滿洲蒙古字能繙譯者挑取。令其專辦蒙古事件。應如所請。從之。○兵部等部議覆。山西巡撫鄂弼奏稱。晉省沿邊十二站。前經各驛協濟馬一百十匹。請即改為邊站正額。其內地極衝之徐溝縣同戈驛。額馬六十八匹。請增四。榆次縣鳴謙驛。額馬六十一匹。請增五。平定州甘桃驛。為由直入晉首站。額馬四十八匹。請增十七。陽曲縣成晉驛。平魯縣井坪驛。忻州九原驛。亦係省北衝途。額馬裁存甚少。共請酌增十三匹。此外祁縣平遙各屬。一十八驛。均額馬六十二。請增一二匹。至十餘匹不等。俱於次衝盤陀等驛馬內抽撥。

又稱。鳳臺縣攔車鎮巡檢事務。請仍前歸併星輅驛驛丞兼管。將該巡檢移駐山陰縣之岱岳站。兼管驛務。均應如所請。從之。○乙卯。諭軍機大臣等。據方觀承奏。直省並無蝻子生發之處。惟宛平縣宋家莊間有數塊。據土人云。實是土蝻。現已搜捕全淨等語。現在甘雨應時。蝻孽料已稀少。但不可因目前如此。遂不加意防範。即如去歲該督曾奏捕蝗已盡。而朕駐熱河時。聞京師左近。仍有飛蝗經過。昨因南海子中。蝻孽萌生。遣侍衛等到彼撲滅。此豈非去歲留遺未淨之明驗乎。且所稱土蝻。並非蝗蝻。何所取辨。此皆地方有司。捏詞支飾。當其初生時。則詭稱蝻。以誣搜捕之勞。及至羽翼長成。勢不可掩。則又稱來自他處。並非本地所起。此種陋習。為大吏者。斷不可為其所愚。著傳諭方觀承。仍不時留心稽察。倘將來復有萌生處所。畿輔近地。諒難掩飾也。○又諭烏魯木齊。市易哈薩

克馬一百三十餘匹。現議暫於巴里坤牧放。俟秋季得馬既多。再遣侍衛等前往分羣駐牧。此項馬匹。若候解到之日。始派員設立牧場。未免遲誤。著傳諭永瑞等。就喀薩克貿易情形。計至秋季得馬若干。先行具奏。以便早派員前往。旌表守正捐軀之河南邲縣民程二貴妻王氏。○丙辰。遣官祭

關帝廟。○諭。今日朕於大西門引見人員。大臣等俱以次侍立。而太常寺卿黃登賢。私於班後。憩坐階墀。殊屬不合。著交部議處。○大學士等議奏。綏遠城將軍恒祿奏稱。各處駐防旗員。俱按翼補放。綏遠城舊設蒙古漢軍佐領四員。於乾隆十二年。裁汰二缺。每翼現存二缺。若照例按翼補放。或一時不得其人。嗣後請於四位領下。公選技藝嫻習之員。通補。不必按翼補放。應如所請。從之。○巡漕御史朱續經奏。臣督催漕船。抵桃源縣之古城。

河內砂礮。現經挑挖。始能牽挽而上。上游之小關。水淺舟滯。雖放湖水接濟。而旋即消落。遇淺即剝。又前抵趙家口之徐家莊。亦復層層剝運。不可不亟籌疏濬。請飭河臣。會同漕臣詳議。得旨。著白鍾山。楊錫紱。會議速奏。尋奏。江南邳宿運河。綿長二百餘里。地勢本有高下。不能深淺一律。小關以上。向有間段砂礮。徐家莊逼近開口。衝出浮沙。易於停積。且江浙船輕。間需起剝。江廣船重。每幫必須剝運。經臣等雇集剝船。並將湖水次第開放。業已全數趲行無誤。臣等公同商酌。目下汎水漲發。難以測量估挑。須俟水落歸槽。量將淺澁應挑處所。覈實估辦。報聞。○丁巳。諭刑部。議覆浙江按察使李治運奏。請解犯與差役連鎖一摺。僅將同行兵役人多。易啟偏枯。推諉為詞。以毋庸議三字了之。而於李治運所奏不協政體之處。並未明言斥駁。殊屬率漏。解役受賄徇情。放縱重犯。自不必言。即懈忽

疏脫。加以嚴行懲創。亦不為過。若其發解在途。該役不過奉公差遣。初無罪名。輒牽連羈縻。是二犯矣。有是理乎。此該部定議所應首及者。至李治運摺內。奏明浙省現在即照此辦理。今覈覆之後。該省連鎖之法。應行應止。又部議所必當及者。而亦未置一言。李治運之見。既屬矯枉不情。該部應將縱犯治罪之條。詳悉折衷。務令人畏犯法。始非不教而誅。亦司讞者所宜然。凡朕令該部議奏者。亦云

議其可否耳。非概令以無庸議了事也。此案著刑部堂官明白回奏。原摺發還另議。李治運向以讀書人自居。今既冒昧陳奏。復率行解犯牽鎖之法。讀書人當如是乎。著交部議處。○諭軍機大臣等。黑龍江正黃旗滿洲驍騎校員缺。著擬正之嘉哈圖。金圖補授。擬陪之錫克索賚。坦色木保。著記名。年來官兵。因軍前有功。授職額外者甚多。各該旗缺出。應先將此項官員補授。俟錄用既徧。再照舊例。

揀選應陞人員。庶軍前効力者。不致壅滯。著交各該旗遵照辦理。○又諭曰。二等侍衛多隆武。在呼爾瑞等處擊賊。頗屬奮勉。今於軍營病故。雖非陣亡可比。亦殊堪軫念。著加恩賞給恩騎尉。准襲一次。仍賞銀五十兩。○豁免安徽懷寧。桐城。潛山。太湖。宿松。望江。婺源。虹縣。靈璧。泗州。盱眙。天長。五河。滁州。建平。等十五州縣。泗州。滁州。二衛。乾隆二十四年水災。蟲傷額賦。○戊午。諭軍機大臣等。伊柱奏稱。屯田兵丁。已抵伊犁之海努克。現在安設村堡。修理溝渠等語。看來伊犁屯田。俱有舊蹟。將來漸次開擴。更於軍食有裨。著傳諭伊柱。於一切應辦事宜。先時相度。加意奮勉。督策回人。盡力耕耘。勿為偷惰。其地畝數目。收穫情形。可遇便陸續奏聞。○又諭曰。舒赫德奏。拏獲阿克蘇盜馬回人拜密爾咱。因係積匪。照回人舊例。斬決梟示等語。回地新經平定。拏獲匪犯。自應從重辦理。但內地或間有

無恥兵丁僕役等偷盜回人馬匹。若仍照內地之律完結。非所以昭平允。著傳諭辦理。回部事務大臣等嗣後回人盜本處及內地人馬匹。及內地人盜回人馬匹。俱照回疆例辦理。併通行曉諭知之。○陝甘總督楊應琚等奏。南路自哈喇沙爾至庫車。二千餘里。內多戈壁。馬艱水草。其自布古爾和屯至托和奈。大戈壁內。查有阿爾巴特一處。可得水草。又由托和奈東行。有地名喀喇烏蘇者。近北山之深溝。水草亦有。可資牧放。其自庫爾勒抵哈拉哈阿滿一站。其間另有捷徑。小嶺不過數處。修其山麓。培土如棧道。人馬俱可安行。臣等前因布古爾和屯至托和奈中多戈壁。因於此二站內。安設三站馬匹。俾得輪流馳遞。今既查有水草之處。應將二站多備之馬。儘數撥出。另於阿爾巴特。安設一臺。再於喀喇烏蘇。安設一臺。於文報馳送既便。馬亦毋庸另添。得旨甚好。如所議行。○又奏。前因阿

實錄卷六十三

十一

實錄卷六十三

三

克蘇伊犁需馬。臣於陝甘省安西等營撥解三千匹。以一千五百匹解送阿克蘇。餘留哈密暫行牧放。仍由巴里坤解往。今接舒赫德來咨。阿克蘇之馬。現有三千餘匹。儘數撥用。則由巴里坤解往之一千五百匹。應移咨該處辦事大臣。於經過時。全數截留。即在彼牧放。如阿克蘇需用。再行調解。得旨好。

大清高宗法天隆運至誠先覺體元立極敷文奮武孝慈神聖純皇帝實錄卷之六百十二

大清高宗法天隆運至誠先覺體元立極敷文奮武孝慈神聖純皇帝實錄卷之六百十三

監修總裁官是議官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三廳事務

世襲騎都尉軍功加九級隨帶加二級又加二級臣董誥內大臣戶部尚書兼藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十五年庚辰五月己未以御史周於

實錄卷之六百十三

二

禮為四川鄉試正考官司業博卿額為副考

官刑部員外郎張樸為廣東鄉試正考官編

修羅暹春為副考官吏部郎中李敏行為廣

西鄉試正考官御史呂光亨為副考官侍講

學士周煌為福建鄉試正考官戶部員外郎

毛永燮為副考官編修葉觀國為湖南鄉試

正考官吏部主事孔毓文為副考官○鑄給

江寧龍潭歸仁界首桃山利國夏陽峒嵒各

巡檢司關防從江蘇巡撫陳宏謀請也○庚

申

上詣暢春園問

皇太后安○辛酉諭戶部議覆倉場侍郎雙慶

等具題經紀車戶豫領腳價請以辛巳年為

始分作十六年扣還一摺此項豫支腳價既

積至十萬七千七百餘兩之多雙慶等欲展

限通融辦理亦應專摺奏請何以祇照尋常

事件率行具題著雙慶等明白回奏看來經

紀等所欠腳價銀兩日積一日頓扣則辦運

實錄卷之六百十三

二

無措不扣則帑項久懸此中調劑得宜非雙

慶等所能辦理至北倉轉運向係旗丁照例

幫貼銀米給經紀等剝運無論至津至通總

屬旗丁所貼之項何以有不足資轉運復借

動官帑之事倘實屬不敷亦當另為設法俾

役力不致日就疲敝其如何通盤籌算酌定

章程使久懸之帑漸次歸款而該役等亦得

辦公無誤可以永遠遵行日久無弊之處著

派侍郎吉慶手敏中前往會同方觀承確查

妥議具奏。○又諭據鑲藍旗漢軍都統奏稱李境革去之散秩大臣係由恩賞除另行辦理帶領引見外。查伊身尚有世襲之三等伯世管佐領。或另行揀入。或仍留承襲等語。李境於午門內橋下淹斃人命一事。未經陳奏。是以降旨將伊散秩大臣副都統革去。但覈其情罪止於附和。不奏尚不至革去世職。著加恩仍留伯爵。及世管佐領。並留散秩大臣。著罰俸二年。○刑部議覆浙江按察使李治

軍機處

上

運奏稱沿海居民駕船出口樵採捕魚。向例給照票。止填在船人數。年貌籍貫。出洋時搜查有無夾帶違禁貨物。以防透漏。其作何生業並未於照內填明。是以回船所載貨物無從查覈。請各船領照時即將本船作何生業詳細填註。回船時海口官弁將貨物覈對。是否與照相符。若係不應有之貨。即加盤詰。倘來路不明。移交地方官審鞫。即來路有因。亦詳記檔簿。遇洋面報有失事。地方官開具失

單移查各口。其被劫日期并所失貨物有與檔記相符者。立即報查。則原贓不致消散。奸徒亦難漏網。應如所請。通飭沿海各省督撫一體遵照。從之。○調正白旗蒙古副都統常鈞為正白旗漢軍副都統。正紅旗漢軍副都統觀音保為正白旗蒙古副都統。正白旗蒙古副都統和爾精額為正紅旗漢軍副都統。○壬戌。

上詣

軍機處

上

雍和宮行禮。○軍機大臣議奏黑龍江將軍綽勒多奏稱索倫等處官兵營內損壞軍器。請照數製給。其項即於各該官兵應得俸餉內分作三年扣抵。應如所奏辦理。得旨。年來索倫等處官兵在軍營行走甚屬奮勉。所有損壞軍器著照數造給。不必令其賠補。但此次係格外加恩。不得援以為例。著傳諭該將軍等曉示官兵。嗣後毋得任意損壞。○癸亥。上詣暢春園問。

皇太后安。○諭行圍肄武。原為滿洲舊習。

皇祖在位六十餘年中。每歲必出口行圍。實為教養滿洲至意。朕臨御以來。仰法成規。歲行秋獮。本日恭閱。

皇考世宗憲皇帝實錄。雍正四年。

諭旨。

皇考六十年來。所行之事。朕力能效法者。無不遵奉施行。其力所不能者。則待朕黽勉於他日。即如。

實錄卷六十三

皇考慎重武備。每歲巡行邊塞。校獵講武一事。朕年來未一舉行。而庸劣無知之員。及怠惰不堪之兵丁。頗有以朕之不往為是者。此皆愚賤之人。偷安自便。不知大體之論。國家武備。關係緊要。不可一日廢弛。朕之不往。乃朕不及。

皇考之處。朕自知之。蓋。

皇考德盛化神。睿思廣運。巡幸所至。日理萬幾。畧無曠缺。與在宮中無異。朕則從朝至夕。殫。

竭心力。尚恐經理未周。實無暇及於校獵行圍之事。此朕不及。

皇考者也。

皇考神武天授。挽強貫札之能。超越千古。衆蒙古見之。無不驚服。而朕之技射。不及。

皇考矣。

皇考聖體康強。如天行之常健。春秋已高。猶不減壯盛之時。而朕之精力。又不及。

皇考矣。是以臨邊講武之事。未曾舉行。祇於前。

實錄卷六十三

歲令皇子出口行圍。以習訓練。而武弁及旗員引見。皆試以技射。而後用之。朕欲俟經理政事。悉皆得宜。即當於農隙之時。躬行獮狩之禮耳。仰見。

皇考世宗憲皇帝。雖十三年未經行圍。而。

聖心實欲訓練滿洲人。皆嫻於武事。朕每年秋。

幸木蘭。亦仰體。

皇考效法。

皇祖之心。為教養滿洲之道也。且於園中批答。

奏章事事辦理如常。從無停擱。即隨園官員兵丁亦時加賞賚。伊等當體朕心。講求騎射。不可習於偷安。廢棄滿洲舊習。將此通諭八旗知之。○又諭曰。九如所襲公爵。原係恩封。著領侍衛內大臣會同宗人府於承襲有分人員內揀選帶領引見。九如之子亦著一體揀選。○又諭曰。廣東鹽運使范時紀。以八年俸滿送部引見。念該員為漢軍世族。而現在伊家並無官至大員者。范時紀著加恩。

實錄卷六二三

留京以副都統用。○授一甲一名進士畢沅為翰林院修撰。一甲二名諸重光。一甲三名王文治為翰林院編修。○旌表守正捐軀之直隸曲陽縣民劉世明妻李氏。○甲子。諭馬步射清語。為滿洲根本。今值三年閱看之期。子爵博清額等三十二人。著在侍衛上行走。輕車都尉李文桂等九人。著在鑾儀衛行走。其餘竟有步射生疎。不能清語者。朕思馬步射清語。乃我滿洲分內應學之事。閑散世職。

除進班外。並無差務。尤宜勤學。且三年閱看一次。時日甚長。果能向學。斷無不精熟之理。斯皆由平日偷安。該管大臣等又復不勤加教訓所致。若不力為整飭。日趨日下。必致廢棄滿洲舊習。此次如輕車都尉劉文敬。騎都尉福柱。常在登寶雲騎尉關桂。克清額。恩騎尉王志誠。三官保等。理應罷斥。姑加恩寬免。俱著罰俸一年。嗣後務宜留心勤學。各該管大臣等亦應時加訓練。若仍前懶惰因循。下次閱看時。必不輕貸。○諭軍機大臣等。據實麟等奏。巡查臺灣營伍摺內。於兵丁及番目等。屢舉捐賞之語。科道巡視臺灣。量為獎賞。如係舊有成例。豈竟無支用之項。豈有該御史等。自京攜帶銀兩。往彼置買烟布。以備捐賞之理。著傳諭楊廷璋。吳士功等。查明向來此等賞需。作何酌量支用公項。抑或該御史所定養廉內。原係酌計從容足用。臨時作何豫備分賞之處。一併詳悉確查。據實奏聞。○

乙丑內閣翰林院帶領丁丑科散館修撰編修庶吉士引見得旨修撰蔡以臺編修鄒奕孝已經授職其清書庶吉士王大鶴彭冠劉亨地王紹曾鄭熾李宗寶俱授為編修周升樞授為檢討漢書庶吉士蔣士銓李汪度施培應薛宁廷汪新錢大經戴第元陳蘭森焦汝翰李翊柯瑾俱授為編修曹學閔吳湘于宗瑛何曰佩阿肅俱授為檢討鄭鴻撰王士榮俱著以部屬用田玉成富森泰俱著留館再教習

一年薛田玉劉成駒朱陽俱著歸進士原班銓選諭據耀海等奏貴州委員金甲押運白鉛船隻進京行至開河袁口等關於啟板後任意停泊又縱容水手人等阻撓糧艘拴毆汛兵甚屬滋事不法等語已傳諭方觀承遴員前往接替押運其運員金甲著革職即令直隸委員等交刑部按律審擬治罪吏部議覆陝西巡撫鍾音奏稱陝西榆葭道所轄僅榆林府屬五州縣且與知府同駐一

城其員缺可裁請即歸併延綏道管轄改為延榆綏道移駐榆林府再該道舊轄鄜州所屬洛川中部宜君三縣距省較近請改歸督糧道管轄應如所請並鑄給延榆綏道關防從之○丙寅

孝恭仁皇后忌辰遣官祭

景陵○諭軍機大臣等年來有事西陲凡陣亡官兵俱經加恩議卹但大兵各路進剿屢次攻戰其中或有被賊傷害因衆人未經目擊

疑為尚留賊地者今新疆平定此等迷失之人既未查獲即係陣亡伊等為國捐軀又復隱沒不彰殊堪憫惻著交各該處駐劄大臣通行查覈若有前經陣亡未行具報或止報未曾脫出者俱令詳查具奏候朕酌量加恩又諭從前德舒領兵搜捕瑪哈沁遇害業經加恩照陣亡例議卹其隨行各官兵有受傷及身故者亦著交部一體照例議卹軍機大臣議奏查北路軍臺張家口外自第一

臺至十臺。額馬各三十五。十一臺至二十五臺各二十五。其間有戈壁臺站者。駝亦二十五。今北路事既不繁。其額馬三十五之站。應減為二十五。二十五者。減為二十。駝亦照數裁減。其由烏里雅蘇台至喀喇沁之喀爾喀。凡二十臺。額馬各五十。駝二十。亦屬過多。每臺俱應裁半。從之。○丁卯。

上詣暢春園。問

皇太后安。○調正黃旗蒙古副都統額勒登額。

甲辰六月十三

十二

為鑲黃旗蒙古副都統以護軍統領努三兼管正黃旗滿洲副都統。○戊辰。福建巡撫吳士功奏。濱海漁船出沒。即為匪盜潛蹤之藪。謹酌議規條。一。漁船於赴縣領照。及商船改換漁船時。先令船戶取具族鄰澳甲保結。再令船戶出具舵水不敢為匪甘結。并十船連環互結。如有一船為匪。船戶治罪。餘船連坐。澳甲不首報。一併嚴處。一。漁船春冬出入。本有定期。因未定查報之例。往往在洋逗遛。嗣

後遇先進口之船。即向查明未回各船。現在何處。倘屆期不還。即稟明地方官。沿海行查。如澳甲匿不查稟。一併治罪。一。漁船回口。如攜帶貨物。應令於置貨地方。給單照驗。以杜來路不明。一。閩省商漁船。向止於船頭編刻字號。今應於船檣一體編刻。福建省某府州縣某號船商。漁戶某人。字樣。到處易於查驗。得旨。立法可謂詳明。行之尤宜實力。○己巳。上御正大光明殿。哈薩克阿布勒巴木比特來。

甲辰六月十三

十二

使瑚圖拜。阿塔賚。阿布賚來使額呼斯瑚勒。阿布勒比斯來使伯克奈布。噶特哈木巴巴來使玉森等。瞻覲行禮。○諭軍機大臣等。前因漢咱吧爾來京。曾詢問葉爾羌。喀什噶爾等處。所有阿奇木。伊什罕。伯克名目。及各該員所管事務。今質之霍集斯。與漢咱吧爾所奏不符。此由伊等各就所記憶為言。原無足怪。將名單交舒赫德。著將現在官名。逐一查詢。並詳悉覈對。如有遺漏錯誤者。即行改正。

具奏。○又諭方觀承奏通屬村莊生有蝗蝻。官著常復就近督捕淨盡等語。據該督所奏。則通州一帶。蝻孽似已盡除。乃今日聞通州左近有飛蝗經過。甚至徑里蔓延。此不特通州本地所生。必更有所從至。該督何以並不奏及耶。看來該督近日雖不諱蝗。却以土蝻蚱不食禾稼為支飾之語。試思所謂土蝻蚱者。不過趯躍於草間耳。若其成羣而飛。被隴而集。尚得謂之不食禾稼之蝻蚱乎。現在該督赴通查辦漕運。正可就近搜捕。運脚一事。尚有吉慶等在彼籌議。而捕蝗則尤該督所當獨任其責者。現已派御前侍衛及順天府尹等前往搜捕。著傳諭方觀承。一面協同撲滅。期於淨盡。一面即根查此蝗究係起於何處。作速奏聞。毋得支飾。今歲雨澤應時。田禾豐茂。秋成實有可望。若令蝗蝻遺害。或致歉收。豈不大可惜耶。○庚午。

上幸同樂園。賜哈薩克阿布勒巴木比特阿布

賚。阿布勒比斯。哈木巴巴使臣等宴。賜勅曰。哈薩克阿布勒巴木比特。阿布賚。阿布勒比斯。哈木巴巴等。爾等遣請朕安之。瑚圖拜。阿塔賚等。由駐劄烏魯木齊大臣護送來京。朕召見奏對後。加恩宴賚。賜爾等蟒錦。緞疋。綢綾。器物。若干。其各祇受。又賜來使等頂。翎。冠。服。朝珠。銀。緞。器物。各有差。仍俾護歸游牧。據爾等使人奏稱。厄魯特之地。現俱閒曠。今阿布勒比斯屬人。唐古塔爾。現在巴爾魯克。納喇巴圖。在特穆爾綽爾郭。哈爾克。呼部落。屬人。額森克勒德。卓羅木。巴特。在塔爾巴哈台。圖魯木拜。屬人。扎喇勒噶布。在阿勒坦額默勒。哈喇塔拉庫克烏蘇居住。又懇朕加恩。將來准哈薩克人等。至伊犁游牧等語。塔爾巴哈台等處。向屬準噶爾游牧。朕以大兵平定。爾哈薩克。及布魯特。塔什干。安集延。巴達克山。俱輸誠內附。爾哈薩克游牧。頗屬寬廣。理宜守其舊界。不可妄思踰越。爾等若謂為朕

臣僕便可越境游牧。則布魯特等亦皆朕臣僕。各以游牧為請。豈有大兵平定之地。而分給衆人之理。現在伊犁等處。內地官兵陸續移往屯駐。故爾阿布賚前曾懇請於塔爾巴哈台等處游牧。朕未允行。今豈得遽行專擅。且從前準噶爾恃強爭奪。爾等尚不敢近其邊界。朕平定伊犁。始得各安生業。尚可不知足耶。至伊犁將軍大臣等。於此等邊地。不時遣兵巡察。若見爾等屬人棲止。或行驅逐。或竟行俘獲。則反致失其生業。非朕撫卹爾等之初心也。爾等內附有年。諸凡恭順。或爾所屬無知之人。私往游牧。即當明白曉諭。令其移回故地。方足以昭誠悃。又來使等所奏。布魯特等搶掠爾部情節。其意蓋欲請兵報復。朕為天下共主。外藩諸部。一視同仁。倘不遵法紀。致干罪戾者。必遣兵往討。若彼此小有爭鬪盜竊。自當準情酌理。務得其平。豈可偏聽一面之詞。遽興師旅。昨巴達克山素勒坦

沙。曾擒斬逆回自効。因請兵往勦隣部。朕未嘗允行。爾等應亦聞知。且朕若發兵助爾等。而布魯特復來請兵。亦將與之否乎。夫盜竊之事。邊界時有。能彼此教戒屬人。勿貪小利而傷和好。斯為安生之善策耳。將來布魯特有使至。朕亦以此諭之。再從前爾等部落貿易之人。有謂內地商人。貨物不佳。價復昂貴。未行交易者。夫烏魯木齊貿易之舉。特念爾部難得內地之物。故招募商販。遠行交易。期有益爾等日用耳。或商貨不能精好全備。諭令善為購辦。尚屬可行。若價值則在交易之人。因物計算。貴賤隨時。未便官為減損。其或彼此不願。亦難以相強也。至去年爾部巴魯克巴圖魯等。搶掠烏梁海。爾霍集伯爾根之姪。托科洛被獲。詢係隨母往探親戚。非同來搶掠之人。因令使人等領回。即交與伊叔。仍以格外加恩之意曉示。至巴魯克巴圖魯罪應致討。北路將軍大臣。即欲發兵。朕以爾等

恭順有年。不欲以一人而驚擾全部。因遣侍衛納旺齋敕往諭。爾等應使巴魯克巴圖魯服罪。將從前掠獲。逐一查還。尚可曲為矜宥。此時自必遵旨辦理。俾納旺復命矣。爾等果能懷仁向化。惟約束所部。各守疆域。以安生理。庶可仰承朕恩。常享無窮之福。○大學士等議奏。前發下黑龍江將軍題報玉粒告成一本。奉旨。此等無關緊要本章。應查明裁減。臣等詳加酌定。查有部本四件。一。八旗放官。

一。改授庶吉士。一。盛京莊頭糧石數目。一口內莊頭糧石數目。通本十件。一。玉粒告成。一。鄉飲酒禮。一。恭繳郵符。一。各省耕耜日期。一。各省將軍副都統提鎮奉到勅諭恩詔。一。各省副都統提鎮加級紀錄謝恩。一。各省三年有無成故事件。一。各省並無匪類在營假冒食糧。一。督撫代藩臬謝恩。一。在籍翰林等官病故。均無關緊要。應請裁從之。○辛未。諭軍機大臣等。哈薩克使人瑚圖拜阿塔賚等奏

稱。厄魯特之地。現俱間曠。我哈薩克人等。有在塔爾巴哈台庫克烏蘇。綽爾渾。巴爾魯克。阿勒坦額默勒等處駐牧者。我等皆天朝臣僕。懇恩准至伊犁游牧等語。從前阿布賚請於塔爾巴哈台等處游牧。曾經降旨曉諭。今據來使所奏。則伊等已漸次闖入。自當驅逐。現在頒給勅諭。不允所請。著傳諭阿桂等。暫停搜捕瑪哈沁。以巡察邊界為由。領兵四五百名。前往塔爾巴哈台等處。遇有哈薩克人等。在彼駐牧者。即明切曉示云。此天朝平定之地。爾頭目等。從前奏請游牧。大皇帝並未允行。何得擅行棲止。因念爾等既經歸附。姑寬治罪。可即速遵諭遷徙。伊等如果及時移出。則已。或有意推諉遲延。即應懾以軍威。但不得遽行縱兵俘獲。阿桂一切可相機妥協辦理。此行兵數不宜太少。倘不敷用。即合之安泰所領兵。又得四五百名。可以號稱二千。其如何與安泰寄信會兵。並約計休息馬匹。

二十日。一同起程之處。俱著酌議奏聞。○又諭。據松阿哩奏稱。由阿克蘇。烏什。撤回之西安駐防兵一千名。內兵丁塔青阿。行次哈喇沙爾未回。貴柱。張俊。復以患病逗遛鹽池。請將營總特克慎。黑翰等交部分別嚴加議處等語。特克慎等係領兵行走之員。漫無稽查約束。以致遺失兵丁。又不報明駐劄大臣官員查緝。私行尋覓無獲。俱著交部嚴加議處。至駐防兵丁撤回。應有領隊大員。松阿哩何

實錄卷六二三

充

以不行叅處。著明白回奏。仍逐一查取職名。續叅。再塔青阿等隨從大隊行走。何至迷失。或係來間潛逃。亦未可定。著交哈喇沙爾。巴里坤。駐劄大臣。及甘肅巡撫。嚴行查拏。兵丁善福。係貴柱之婿。跟役張顯。係張俊之弟。委令照管。乃於半途先返。殊屬藐法。著拏送來京。交部審明治罪。○又諭。昨因通州地方蝻子生發。且有飛蝗來自別處者。已派御前侍衛等前往會同該督。令其搜訪撲滅。毋任稍

有留遺。今雖據該督奏。蝻子現在力捕。並分遣官弁追緝飛蝗所由。但方觀承此番辦理。多聽地方官飾詞。以搜捕所到。不免蹂躪傷禾。遂意存姑息。朕甚不取。試思蝗未蔓延。其所集之地。多不過數里。少或數十畝。就此一方而論。似覺地畝甚多。而以通省計之。僅萬分之一。及時撲滅。即稍有傷損。而根株可以盡絕。其所全者甚多。且即此搜捕之地。早稼不無踐踏。而補時晚種蕎麥之類。為時儘屬

實錄卷六二三

充

從容。此不待審度而後知者。若恐蹂躪禾稼。遂聽其日繁以夥。羽翼長成。東西充斥。此豈地方大吏。為民捍災禦患之道乎。若謂人力不務。轉聽村夫鄉嫗之言。謂跪拜祠神。可以却攘。此在牧令有司。以之自圖諉卸。尚屬不可。況身任總督者。而可出此乎。今歲仰荷上天仁愛。雨暘時若。秋成可望。若因捕蝗不淨。以婦寺之仁。害及歲事民生。責將誰歸。上年朕幸熱河。近京地方即有飛蝗。該督曾以螞

蚱不食田禾為解。今年之萌動即係上年因循所致也。惟念該督平日辦理諸事尚能妥協。姑不加深罪。若再執前見貽累地方。斷不能為該督寬矣。試思直隸豈少一方觀承作總督耶。朕亦惟視其自取何如耳。方觀承著傳旨嚴行申飭。若再徇庇屬員不嚴行叅處。或姑叅一二與已不合者了事。則更自貽伊戚矣。○壬申

上詣暢春園問

實錄卷六十三

五

皇太后安。諭軍機大臣等。據舒赫德奏路經穆素爾嶺地多冰石相雜。每日派回人十名。整鑿磴道等語。穆素爾嶺係往來要路。冰堅難鑿。恐十人之力不敷。應多派回人專責以修治道塗。冰雪之役行走人多。地氣漸就和暖。則凝沍自易消融。將此傳諭舒赫德知之。○又諭曰。舒赫德奏臺站所有綠旗兵丁每臺酌留五名。其餘遣回本營至管臺六品頂帶回人。從前未支養贍。請照千總例給與鹽

菜銀兩等語。近因定長請徹綠旗兵丁。經軍機大臣議入於闕。展屯田兵內不必遣回。仍著遵照辦理。其臺站効力回人。照千總例給與鹽菜銀兩。著照所請行。○又諭。昨據伊柱奏到。帶領回人三百抵伊犁。海努克地方辦理屯田。已興耕作。朕即降旨命伊柱加意鼓勵。並令將收穫情形。合計收成分數。詳悉奏聞。以便豫籌下年添撥回人屯田人數。酌定派往。若必俟秋收後始行奏及。則次年添撥事宜未免措辦不及。伊犁新墾駐設兵丁。事皆關緊要。將此傳諭阿桂。即將本年伊犁屯田於七月初旬。看其秀實。約計可收分數若干。先行奏來。是月浙江巡撫莊有恭奏據海寧縣報稱。胡家兜迤東海塘外。於三月初至四月。漲沙漸盛。自胡家兜至南門外。計長十八里。南北寬一千二百丈。其勢長狹向東。亦約有九百餘丈。五六十丈不等。臣於五月親往查勘。較之四月漲沙丈尺更有加增。

水底之沙亦俱凝實。東塘一帶塘脚得有外沙擁護。自可長資鞏固。得旨。此實佳兆也。應虔誠往觀潮樓。

海神祠致祭。並繪圖奏來。○福建巡撫吳士功奏。准刑部來咨。湖南新寧縣遣犯許鳳吳梅梅在獄脫逃。該犯籍隸福建。應一體嚴密查拏。茲據古田縣知縣趙起杲報稱。三月二十七日。在客店內捕獲吳梅梅。又於五月初五日。在縣境荒山捕獲許鳳。現在訊供定擬報部。得旨。趙起杲甚屬可嘉。平日居官如何。據實奏來。

四庫全書

五

一

大清高宗法天隆運至誠先覺體元立極敦文奮武孝慈神聖純皇帝實錄卷之六百十三

四庫全書

五

一

大清高宗法天隆運至誠先覺體元立極敷文
奮武孝慈神聖純皇帝實錄卷之六百十四

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級文加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十五年庚辰六月朔癸酉諭軍機大

實錄卷六百十四

二

臣等通州捕蝗一事已降旨方觀承令其速
行追緝飛蝗所由一面力捕淨盡一面即行
摺奏何以遲至數日尚未奏到方觀承身任
總督地方乃其專轄何得諉為不知況今年
蝻子萌生即上年順義懷柔密雲等處留遺
餘種其地在通屬中尤為至近又安得僅付
之員弁詢訪坐待遷延自古螟螣為災急界
炎火如果實力搜捕早淨一處則一處受福
而鄰屬不致蔓延縱使稍有躑躅而於晚禾

栽種並無貽誤豈該督久任封疆猶未見及
此乎此時如不嚴速查辦使根株永杜不特
目前雨水均調豐收可望之年必致減損分
數而遺孽在地亦難保後此不再生發該督
以地方民生為職自問能任其咎乎著再傳
諭方觀承即將督捕追緝情形據實速奏倘
再意存觀望以致滋害他處則惟該督是問
○叅贊大臣阿里衮奏奉到諭旨令派人看
守回部舊和卓木墳墓隨宣示各回人無不
感激頂禮當委提督董孟公茂薩等查辦據
稱回部喀什噶爾舊和卓木墳墓原有三十
帕特瑪地畝錢糧看守回人十二戶仍照舊
管理以供祭祀修葺餘為伊等養贍報聞
湖廣總督蘇昌奏辰州協兵糧例放折色每
石六錢又經奏准於湖南省停運黔米項下
派給十四標營辰協兵每年每名額領一石
四斗零又准豫給次年一季折色五錢四分
其所領本色止數四月有餘之糧折色合之

實錄卷六百十四

三

市價購米無多。實不敷口食。請於藩庫朋銀項下。動借一千五百兩。每歲秋成。赴產米處買運。俟停運米項支完之後。陸續搭放。所借朋銀。分作五年。於該協兵餉內。扣還歸款。得旨。如所請行。○甲戌。內閣翰林院帶領新進士引見。得旨。新科進士一甲三名畢沅。諸重光。王文治。已經授職外。曹文植。王燕緒。王顯曾。童鳳三。錢受穀。宋銑。劉權之。裴麟。張世祿。唐淮。金士松。孟超然。趙升。李瑞岡。劉墀。李孔陽。張光憲。王中孚。芮永肩。陳本敬。沈咸熙。蕭芝。馮晉祚。劉經傳。福興。姜錫嘏。藍應元。李臺蔣。曰綸。張鬻。達椿。孟邵。謝敦源。張廷桂。俱著改為庶吉士。程之章。王曾翼。張敦均。陸燦。姚左垣。李廷揚。熊啟謨。汪獻芝。姚昶。鄒夢阜。陳用敷。尹文澤。許寶善。朱岐。黃世樞。吳璜。孫錄。劉人睿。董之銘。俱著分部學習。魏廷燭。褚啟宗。歐陽立德。金光斗。吳肇煜。翟大程。孫維龍。陳奉茲。林人槐。倪廷模。崇士錦。潘經馭。將一

璉。戴望。嶧。羅均。折遇蘭。王紀曾。徐祐。彥。楊企曾。趙維翰。黃楚彥。潘祁。陳世榮。王瑤。劉雁題。俱著分發各省。以知縣用。劉謙。儲寶書。段廷遠。李花芳。周嗣綬。馬慶餘。雷文輝。俱著以教職即用。餘著歸班銓選。○諭軍機大臣等。據鐘音奏。鄉試動用銀兩。原係覈定章程之數。今歲恩科。係連年舉行。其一切修理及器具等項。自必較往科減少。飭令樽節辦理。事竣造冊報銷等語。所見甚是。上年辦理正科。至今歲恩科。甫及一年。所有貢院號舍。不過量為苦補。無庸大加修葺。一切器具。可以存用者尚多。亦不必通行置辦。較之三年一次章程。原可節省。司場務者。均當據實支用。毋任經手員役。藉口成規。恣行浮開。糜費帑項。將此傳諭各督撫。並順天府。一體遵照辦理。○河東河道總督張師載奏。五月以來。汶河。趙家口。大泛口。山河。節次水長。誠恐去路未暢。應豫籌宣洩。現經委員。將濟寧以南各閘月

河。及兩岸單閘橋壩。一律開放。並將湖口滾壩之內土壩南裏頭全拆。令水分入昭陽。南陽。微山等湖。即從湖口閘。兩路暢洩。一面將濟寧以上之寺前。柳林。二閘。日互啟閉。使汶水全向北流。上源南旺以北。汶水與沙趙二河並入運道。有八里廟滾壩。及徒駭。馬頰河。分路暢洩。入海甚近。惟衛河水勢日長。業已派員帶領椿埽河兵。會同州縣民夫。分股巡防。再東省運河水長時。應籌宣洩。渾流一過。又應將清水收入各湖水櫃。蓄以濟運。秋汛後。仍酌情形。早為貯蓄。得旨。具見留心。○乙亥。諭。甘省乾隆二十三。四兩年耗羨。業經降旨緩徵。其二十五。六兩年應徵耗羨。該撫吳達善。奏請帶徵。朕念隨徵耗羨。向遇蠲免。正供。例不應停緩。但甘肅自辦理軍務以來。小民急公趨事。誠樸可嘉。業已疊次加恩。凡屬緩帶及一切正雜錢糧。無不破格豁除。以示撫綏。今軍需告竣。幸遇暘雨應時。秋收可望。

正宜益加惠養。俾蒙樂利。鴻庥。著將該省二十五。六兩年應徵耗羨。概行豁免。用彰優卹。編氓。格外加恩之至意。該部遵諭速行。○丙子。諭。軍機大臣等。阿桂奏稱。領兵搜捕瑪哈沁。至阿圭雅斯等處。據侍衛翹蘇勒等。於呼爾岱。見有賊蹤。收獲男婦二十六名口。又至都木丹濟爾哈朗。侍衛碩通等。搜勦樹林賊衆。收獲馬匹。旋有藏匿賊匪。前來爭奪。獎賞藍翎鐵柱等。沿途共殺賊三十餘名。得馬三百五十餘匹。察哈爾署叅領車凌旺布。及兵丁三名陣亡。又得傷兵丁四名等語。此次搜捕瑪哈沁官兵。甚屬奮勉。侍衛碩通。前曾賜卓哩克圖巴圖魯號。著再賞銀一百兩。翹蘇勒。著賜錫勒哈達克巴圖魯號。仍賞銀一百兩。健銳營獎賞孔雀翎護軍校達什欣巴圖魯。沙爾瑚善。著授為三等侍衛。侍衛上行走。獎賞藍翎前鋒護軍鐵柱。著授為藍翎侍衛。仍賞給孔雀翎。索倫署叅領驍騎校烏爾庫。

勒圖察哈爾護軍署章京扎布俱賞給孔雀
翎健銳營前鋒護軍諾海察哈爾護軍車凌
多爾濟索倫署領催瑪塔木保三世保厄魯
特兵丁和通俱著獎賞藍翎陣亡得傷官兵
俱著造冊送部議敘議卹再烏什之噶匪納
齊伯克默特阿克蘇之都管伯克題尼阿琿
阿布都噶普爾照看回人屯田著加恩賞給
阿布都噶普爾緞二端伯克默特孔雀翎都
管題尼藍翎至阿桂等既經捉生詢問仍領
兵與安泰同往阿勒坦特布什阿呼喇哈爾
海搜捕搶掠布魯特馬匹賊人及在庫車搶
掠臺站戕害德舒之賊人色布騰霍濟格爾
等著給發孔雀翎五枝藍翎十枝以備獎賞
仍暫停搜捕瑪哈沁即巡查塔爾巴哈台驅
逐哈薩克人等又據奏此行未設臺站俟事
竣奏報等語未免聞信遲緩可傳諭舒赫德
著豐訥亨選派幹員領兵二三十名前往阿
桂處通信所有辦理情形阿桂即令齎回奏

聞○又諭刑部議駁吳士功條奏械鬪案件
請分別戶族強弱辦理一摺部臣所見甚是
已降旨依議閩省地處海濱民風刁悍聚眾
械鬪最為向來惡俗該撫身任封疆正當執
法鋤奸務在安善良而移風俗乃欲將族大
族小分立科條使械鬪者得以趨避其詞而
司讞者因而高下其手是欲博莠碩之浮譽
而不知守弼教之常經法司所指伊尚能置
喙乎吳士功自任巡撫以來辦理事件時露
沽名習氣非明切訓示恐日久竟成錮疾悔
之已晚試思朕慎持國憲臣工內有能假條
奏敷陳巧為嘗試者耶著將此傳諭該撫令
其刻自提撕慎毋故智復萌自貽伊戚○刑
部議奏安徽巡撫高晉疏稱民人邱銳謀死
孀母魏氏依律定擬凌遲應如所請得旨此
案邱銳因孀母魏氏與道人明遠通姦一時
憤激商謀致死法司依謀殺期親尊長律擬
以凌遲揆其起釁之由尚可量從寬減但邱

銳既邀同邱元祥。棒毆魏氏骨折。復褫及褻衣。扎傷下體。殞命情甚兇暴。亦難以致死有因。遽為末減。但魏氏犯姦屬實。邱銳著改為應斬立決。邱元祥依擬應絞。著監候秋後處決。○丁丑

上詣暢春園問

皇太后安。○諭軍機大臣等。伊犁葉爾羌喀什噶爾阿克蘇庫車等處駐兵。應即計其地之所入。以定章程。不可致煩內地民力。今各該處約有滿洲綠旗官兵若干。屯田收穫。及回人等一年所納貢賦若干。足敷官兵俸餉與否。可傳諭舒赫德查覈具奏。今年屯田收穫。回人貢賦。未免不齊。官兵等自不敷用。來年經理就緒。公私租稅。全行輸納。則經費即可從此覈定。並著豫為酌議奏聞。○又諭伊犁等處屯駐事宜。所有屯田收穫糧石。及回子所交稅糧。約足供屯兵若干之用。已降旨舒赫德令其詳查具奏矣。至甘省經費。有較從

前未用兵時。不惟不加多。且更加減省者。從前黃廷桂以綠營兵內借支銀兩。至數十萬。一時難於扣還。因奏請凡遇兵丁缺額。不復挑補。以其名糧抵還帑項。已經數年。昨歲據楊應琚奏稱。業有成效。將來扣清之後。其兵丁缺額。自不必再補。是此項名糧。較未用兵之前。已多減省。且甘省各營缺額馬匹。若由內地購補。拴餵其費自多。今各營額馬。除本省足數應用外。其餘既可不必汲汲買補。而屯田所用馬匹。現又取給於哈薩克貿易。其價值較之甘省購辦。已屬懸殊。兼就水草牧放。更非內地拴餵。需用芻豆可比。是馬匹一項。較前又可大省。合此數者。前後通計。則軍興數年。所費雖繁。而將來該省經費。日就減省。在疆土既經增擴。而財用仍可致虛糜。著傳諭楊應琚等。令其將此數項減省之處。通盤籌算。所用銀兩。較未用兵以前。約餘若干。或現在辦理伊始。所省尚少。將來行之既

久。自必漸次增多。此時亦可豫行覈計。詳悉具奏。○又諭曰。馮鈐所奏。沅陵縣知縣周升不能勝任一摺。內有請將該員撤回之語。甚不明晰。周升既不勝首邑繁任。自應以簡缺調用。該員既無別任可回。該撫徹將安用。或者周升係由別缺調至沅陵。現在應回原任。則前此由簡調繁。係何任巡撫之事。亦應一併查明。何得置之不問。著傳諭馮鈐。令其即行覆奏。或但因幕吏行文不通。竟爾率用無指。亦即據實奏聞。○又諭曰。白鍾山奏。山盱廳屬五壩。過水三尺有餘等語。前據該督具奏。山盱深壩情形。其時尚稱壩身高出水面二尺有餘。並未過水。距今甫二十餘日。何至驟漲五尺有餘。雖當大雨時行之候。水勢亦必漸次增長。自應隨時奏報。以慰殷懷。該督此番具奏。未免遲緩。現在高堰水勢既盛。則自高寶諸湖。以至下河。皆應籌及。以為洩水之計。所謂有備無患。應豫事綢繆者。再毛城

鋪過壩至尺餘。倘更有增加。附近地畝易致漫溢。雖河最宜留心。今歲仰荷天庥。雨暘時若。南北俱可望豐收。若司河務者。不於先時早為營度。以衛民田。則窪地稍被潢汙。豈不大為可惜。著一併傳諭白鍾山高晉。令其督率屬員。悉心防範。毋致稍有疎懈。○戊寅。上御勤政殿聽政。○諭據鞠愷奏。粵西省內應試生童。多有他省人冒籍。現在嚴行查辦等語。該省地處偏隅。嚮學者少。他省人士未免乘機混名冒考。但自乾隆三年。部議停止該省因本地無人應試。准令外省及本省異府人入籍之例。司學政者。自應嚴為禁飭。何以尚多混行冒試者。此皆歷任學臣不能查察所致。著該部查明乾隆三年以後。所有廣西學臣照例議處。至該學政奏請。將已經冒籍入學之各生。准照順天冒籍生員例辦理之處。並著該部定議具奏。再此等冒考弊竇。在

江浙等處尚少。他如雲貴川廣。偏僻州縣。文風稍陋。他省人或因父兄作幕。或因親友貿易。遂爾乘便混考。皆所不免。並著各該學政。留心查察。毋使滋弊。○諭軍機大臣等。據鞠愷奏稱。考試賓州文童。拏獲撞騙僧人蒙純。一一案具見該學政留心整飭。向來考棚作弊。最為士習民風之害。該犯身係僧人。不守清規。在外招搖滋事。尤與尋常奸民犯法者不同。此等惡僧。若仍留該省。將來開害惑人等事。皆所不免。著傳諭鄂寶。令其即速嚴審發遣。以示懲創。○又諭通州一帶飛蝗。據方觀承等奏。已經撲捕淨盡。其東安等處。續有生發。欽差等現會同該督。前往查辦。日內情形。是否即可搜除。著即查明具奏。再此時東直門外。亦有飛蝗停落。現遣御前侍衛前往撲捕。看來今年飛蝗。已經長翅。所到之處。必有遺種。若不及時務盡根株。又將貽異日之害。該督豈能身任其咎。著即實力督率屬員。

設法廣查。速行搜挖。不使稍留孽種。致滋後患。○又諭曰。馮鈐奏盤獲于恒假冒侍衛。私雕部印一案。自當詳悉研究。解部辦理。至稟報之湘潭縣知縣秦鏞。留心查緝。使匪犯就獲。看來有司中尚屬能事者。其平日居官若何。遇事是否俱能實心奮勉之處。著傳諭該撫。令其據實奏聞。○又諭曰。吳士功看來為人似有城府。且閩省地處邊遠。該撫居官行事。是否實心奉公。著傳諭楊廷璋。令其留心查察。倘有貌為樸訥。潛自營私之處。即行據實奏聞。○又諭。據鄂弼奏。晉省耗羨銀兩。收支動存各數一摺。內稱新收銀四十一萬七千餘兩。開除銀四十七萬四千餘兩等語。動支耗羨款項。雖年少年多。原有不齊。然大約不致入不敷出。况晉省耗羨。向來尚以餘數協濟鄰省。今開除新收之外。又將舊管所存津貼補用。若歲以為常。將來作何底止。抑係近年晉省亦有分辦軍需。不在尋常歲需定

款項內。以致為數較多之處。著傳諭鄂弼。即行詳細查明。據實具奏。○己卯。以留京改補副都統范時紀。署鑲紅旗漢軍副都統。○庚辰。諭據方觀承奏。通州一帶飛蝗。起於延慶衛之關溝等處。四月間曾有蛹子生發。該守備褚廷章。焚燒未盡。兼有未經查及者。以致五月間飛散。請將褚廷章革職拏問。北路同知朱山。暨霸昌道額勒登布。交部嚴加議處等語。此番蝗蝻。隨起隨捕。雖未至為害田禾。然非朕先期體察。特派侍衛大臣。前往督同搜捕。且降旨追緝飛蝗所由。則現在體質已成。自後萌生滋蔓。其為民生之蠹。豈可勝言。是在地方大吏。及有司官。先時悉心訪查。臨期盡力捕滅。自不致生者聽其長成。成者聽其飛散。乃該守備既不詳察於前。又不撲除於後。自應革職拏問。而朱山於該衛有專管之責。乃亦聾瞶自安。漫無覺察。與該弁情罪所爭。只一間耳。該督僅請與道員一體議處。

宜足示儆。著將朱山一併革職。送部照例治罪。以為玩誤害民者戒。其霸昌道額勒登布。並該督方觀承。俱著交部嚴加議處。○又諭。郡縣之外。復設衛所。原以所轄多係軍籍。然在有漕之地。清軍督運。尚有所司。而各衛之無漕政者。本朝定制。從無征調諸役。則名雖軍而實即民。所理仍皆州縣之事。乃充是任者。向例率用武途中不勝營缺之人。以衰庸武弁而膺民社。必多貽誤。月選牧令。必經九卿詳加驗看。至引見時。朕尚覈其才品。始行補放。而猥以庸劣武夫。寄同百里。欲望其有益民生。克稱吏職。豈可得耶。即如今日方觀承所參捕蝗不力之延慶衛。守備褚廷章。亦可畧見一斑矣。此等衛缺。莫如量為裁汰。設立州縣。以專責成。著吏兵二部。公同詳查。會議將各衛之無漕政者。逐一分別。或應改隸附近州縣。或疆里較廣。應另設州縣。一併詳悉定議具奏。○諭軍機大臣等。方觀承奏。

延慶衛守備褚廷章捕蝗不力。請旨革職。拏問一摺。褚廷章不查不報。任意延誤。罪固難辭。至署北路同知朱山。為該衛專管上司。理應嚴行糾劾。乃方觀承僅同統轄道員一體附參。殊為輕縱。另有旨諭部。方觀承仍傳旨嚴行申飭。該督向於捕蝗一事。多聽有司諉飾之詞。如螞蚱不食禾苗。及搜捕恐傷田穀之類。與養癰貽害無異。通州各處飛蝗。即係上年留貽餘種。今查出關溝生發之地。乃其明驗。若非朕一有所聞。即派侍衛大臣等。星往督同搜捕。追問根由。安能刻日撲滅淨盡。然飛蝗所過。孽種潛滋。勢所必有。是以當暑萌生。即方觀承所奏。亦不能自保。此時若不嚴飭所屬。實力追緝。務絕根株。則展轉蔓延。伊於何底。著傳諭該督。令其於曾有飛蝗經過停落之處。溝塍草澤。逐細體勘。加意剔除。毋以事過因循。自取咎戾也。○辛巳。

上詣暢春園。問。

皇太后安。○諭軍機大臣等。據吳達善奏。甘涼肅。留養之厄魯特等。送往熱河安插等語。於辦理此事。原委殊未知悉。此等厄魯特。與達什達瓦之人不同。現在烏魯木齊。阿克蘇。葉爾羌。伊犁各處。均有大臣駐劄。將來或尚有役使伊等之處。已降旨舒赫德。令其酌量分派。著傳諭吳達善。只須將伊等暫行養贍管束。俟舒赫德等知會到日。應作何派遣之處。即行發往可也。○又諭。從前用兵回部。自哈密。巴里坤以外。如闡展。哈喇沙爾等處。俱駐劄辦事大臣官兵等。今軍務告竣。自當酌量移駐。闡展水草。與屯田種植。俱屬平常。現在烏魯木齊。與哈薩克貿易。彼處係通伊犁大道。若調闡展辦事之副都統定長。往烏魯木齊。同安泰承辦屯牧貿易等事。應有裨益。若闡展。則不過與衝繁臺站相等。酌派官兵管理足矣。至哈喇沙爾。地亦狹小。不必駐劄。辦事大臣。惟近有安插之多倫回人。亦需照管。

應於舒山和其衷。二人內酌派一人駐劄。一人前往阿克蘇。協同舒赫德辦事。則烏魯木齊、伊犁、阿克蘇三處勢如犄角。而哈密、巴里坤已成內地。布置聯絡。聲息相通。著傳諭舒赫德等詳悉籌議具奏。再吳達善奏稱甘省留養之厄魯特共一百七十餘名。請送往熱河安插等語。殊不知此等厄魯特與達什達瓦之人不同。若分派烏魯木齊、阿克蘇、葉爾羌、伊犁等處安插。令其牧放馬匹。尚可得力。已諭吳達善仍行養贍。舒赫德亦酌量如何分派各城安插。一面定議具奏。即行文甘肅調取。至差遣厄魯特等。或有厭惡任情。諸事刻薄。不加體卹者。或有慮其逃走。優柔籠絡。致令驕縱者。皆未合理。惟在誠心教導。賞罰嚴明。不為姑息。亦不事操切。伊等亦人耳。自必共知勸懲。奮勉行走。併著加意辦理。○又諭據五吉等奏。將定長送馬一百二十餘匹。交齊大勇等牧放。俟秋季烏魯木齊送馬數

多。再請旨設立牧廠等語。從前定長奏送此項馬匹時。經軍機大臣議以馬匹甚少。暫歸巴里坤舊有馬廠內牧養。俟秋季馬多。另議添設。今烏魯木齊既移駐大員。則秋季所得哈薩克馬匹。亦不必送至巴里坤。即於本處酌量設廠。現有安泰帶回之索倫、察哈爾兵。可令牧放。其已送巴里坤馬匹。即於臺站豫備應用。併傳諭永瑞等知之。○旌表守正捐軀之直隸霸州民武起妻杜氏。○癸未。諭軍機大臣等。舒赫德奏從前撤回官兵所交駝四百隻。騾三十頭。由哈密送往巴里坤牧養。已經半載有餘。若挑選臚壯駝騾。於七月內送至阿克蘇。即將茶葉烟草等。駝帶前來。尤為省便等語。伊犁屯田陸續遣發。自應豫備馱載。著交五吉等。即照舒赫德所奏。挑選駝騾解送。聽用。五吉近日送馬方回。沿途水草皆所熟悉。著即親身解往。併傳諭舒赫德知之。○參贊大臣舒赫德奏。准副都統豐訥亨

咨稱。五月初八日。送馬至海努克。即日趲赴阿桂軍營。留知府銜富尼漢。同翼領立柱照管海努克兵丁回人。臣思屯田伊始。兵丁回人。必須大員統束。阿桂。豐訥。亨。伊柱。俱往搜瑪哈沁。歸期未定。查阿克蘇有副都統伊勒圖。即令領兵五十名。前往海努克。暫行駐劄。俟豐訥。亨等與阿桂會商。定議何人回駐。伊勒圖再回阿克蘇報聞。○山西按察使索琳奏。查歸化城歸綏道。審轉命盜各案。如兇盜屍親事主。均係民人。由七協通判承審。經同知歸綏道覆審。招解臬司。申請撫臣題結。其有蒙古與蒙古交涉命盜案件。由外藩各扎薩克。派員來城。會同通判審解。同知轉解都統。歸綏道。會審咨部。若係蒙古與民人交涉命盜案件。通判驗報。行文外藩該扎薩克。申請都統。各委員來城會審。仍經同知轉解歸綏道。會同都統覆審。移解臬司。轉解撫臣。會同將軍都統題結。凡此案件。例以扎薩克委

員到齊之日起限。有屢次訂期不至。案犯經年久羈。其干連待質之犯。省釋無期。更有牽涉二三旗分。或一旗委員未到。又另訂期。勢不能依限完結。查原定扎薩克委員會審之例。原因蒙古不知法律。恐其疑有屈抑。故令會審。以服其心。現今各扎薩克。無不深曉立法平允。即委員會審之時。亦從無異議。是會審之例。徒致案牘久懸。犯證拖累。請嗣後歸化城七協廳。蒙古與蒙古命盜各案。由通判驗訊。申請都統。就近派委土默特參佐領會審咨部。其蒙古與民人交涉之案。亦請都統委參佐領會審。由撫臣會題。所有各扎薩克委員會審之例。停止。結案後。仍將審擬定罪之處。由歸綏道行文扎薩克知照。得旨。所奏甚是。如所議行。○旌表守正捐軀之河南桐柏縣民徐學志妻曹氏。○甲申。諭八旗滿洲。蒙古。各有姓氏。祇因年久。竟有將本姓棄置而習於漢話。如鈕祜祿姓。竟呼為郎姓者。姓

氏乃旗人根本。甚關緊要。今若不整頓。必致各忘本姓而不知。著交八旗各省。嗣後凡有引見人等。姓氏俱於綠頭牌繕寫。予限一年。如逾限經朕問及。不能回奏者。定將該管大臣一併治罪。再選看秀女。亦照此將姓氏於綠頭牌繕寫。將此通行曉諭知之。○又諭。上年江浙二省。所有蠲緩漕糧。其應行減歇船隻運丁。例支一半月糧。但念貧丁餬口。未免拮据。著加恩於應支一半月糧之外。再行賞給一分。以示體卹。該部即遵諭行。○吏部以革職太常寺卿黃登賢遺缺請簡。得旨。黃登賢前因班後憩坐。交部議處。自有應得處分。即使部議革職。原可從寬留任。其罪不至竟行罷斥。如果情罪重大。無可輕恕者。即降旨革職。掣問。何所不可。而黃登賢所謂儀節之過。非大罪也。乃今日閱看吏部本內。有太常寺卿開缺請簡一本。究問其故。始知前此部議革職進本時。奏事太監錯誤遺漏。初未呈覽。

現已查明重懲。黃登賢著革職從寬仍留原任。以示朕不遂非。○諭軍機大臣等。成衮扎布奏。守卡之護軍校竈君保。近病瘋狂。因醫治不痊。束縛看守。給與兵丁口糧養贍等語。所辦非是。凡特旨差往。或有罪遣發。及身臨戰陣。忽稱患病者。自當查覈虛實。不可遽令遣回。竈君保。不過以侍衛銜。派往守卡。患病若實。自可辦送來京。何必留於軍營看守。竈君保。著即派員送京。現在軍務告竣。北路一帶。盡成內地。亦不必每處駐一侍衛。所有應行裁撤員數。及各員應得分例。移撥伊犁等處。應用各事宜。著軍機大臣等。詳悉查明議奏。尋議。北路自奈曼明安。至津濟里克。三十卡。每卡侍衛一員。又查看水草侍衛。共十二員。計四十五員。今軍務告竣。遵旨酌議裁減。每卡二處。用侍衛一員。末三卡用侍衛一員。共留十六員。查看水草侍衛。酌裁六員。仍留六員。交成衮扎布等。將北路年滿應換之

布三泰等十九人。再擇其次年深者四人。陸續遣回。所餘二十二員。存留應用。年滿屆期。照例派員更換。此次現議裁撤之侍衛等。共計二十三員。照此缺數。請令領侍衛內大臣。揀選人員。帶領引見。遣往伊犁。阿克蘇。葉爾羌等處。以備差遣。從之。○旌表守正捐軀之河南輝縣民王玉王氏。○乙酉。

上詣暢春園。問。

皇太后安。○諭軍機大臣等。據楊錫紱奏。請將

徐州府之江北一幫。並長淮輪兌徐糧之幫。船嗣後回空時。住泊阜河。令旗丁赴徐受代。自雇小船。運至阜河裝載。以免漕船由楊莊口門。逆溯徐城。道遠河險之虞等語。徐州糧艘。向從竹絡壩入運。後以黃水高於運河。並不能宣洩。駱馬湖之盛漲。是以將竹絡壩堵閉。而徐幫漕船。須繞道至楊莊口。始入運河。不惟道遠阻艱。且須官帑增給運丁繚挽之費。但從前竹絡壩未堵時。糧艘從此直達運

河。歷有年所。其中情形。因何今昔懸殊。著傳諭尹繼善。白鍾山。高晉等。令其悉心測量。逐一查明奏聞。該督現在所請回空後。住泊阜河。令旗丁赴徐受兌。剝運之處。果否於事理允協。並將原摺鈔寄閱看。令其一併公同悉心定議。速奏。尋奏。查竹絡壩未堵之前。外有箱口汰黃等壩。挑溜南趨。從倒勾河引黃入運。嗣於乾隆六年。倒勾河身漸淤。外灘日塌。於竹絡壩支河。建臨黃。臨運二壩。歲久黃水奔騰而入。轉有衝擊運河之勢。復於乾隆十四年。將支河悉行堅塞。徐屬漕船。由楊家莊轉口入運。此今昔不同之情形也。惟是徐屬漕船。由黃逆挽入運。不但稽遲時日。抑且風信堪虞。若將幫船住泊阜河。令旗丁赴徐受兌。用小船剝至阜河。僅二百餘里。盤壩裝載。甚便。應如漕臣楊錫紱所請。本年一起。即照此辦理。得旨。如所議行。○又諭。據高晉等奏。淮河等處。因五月中多雨。以致水長踰誌。幸大

小河道俱深通下達甚速等語。前因白鍾山奏。山盱廳屬五壩過水驟增。當即降旨。白鍾山、高晉等。令其將濰河毛城舖等處。加意防範。毋使窪地稍被潢汙。該督等諒即遵旨悉心辦理。看來今歲淮徐雨水較上年稍多。幸前此興修水利時。各河俱已開濬深通。是以河流迅駛。不至漫溢為患。但水勢既經驟長。下游淤淺必多。應傳諭該督等。一俟盛漲消退。即行詳加體勘。隨淤隨濬。毋以事過因循。致成大工。人勞費倍。庶可謂善保前功者。再現在濱河低窪處所。田禾間有過水者。此時節候尚早。一經洄出。即應速諭農民。及時補植晚稼。以冀秋成。於水利民生。均有裨益。○丙戌。諭。昨溫敏奏摺內。將滿洲人員名字。照漢人分寫。當即降旨。諭令滿洲之名。應聯寫不應分寫。今正黃旗滿洲都統。為署理那丹珠佐領。進呈家譜。內恩魁、成安、玉麟等名。俱行分寫。著該旗大臣明白回奏。將此再行傳諭。

八旗各省。嗣後滿洲之名字。俱聯寫。如有分寫者。定行治罪。再宗室內將名字分寫者甚多。亦屬不可。此係分別尊卑之道。將此通行傳諭外。那丹珠佐領。另行揀人帶領引見。○又諭。據張師戴、高晉、陳宏謀等。前後摺奏。俱稱五月中雨水較多。各河水勢疊次加長。旋即消退。工程俱屬平穩等語。今歲各省雨澤應時。較前此數年。俱為充裕。山東、河南、江南諸境。向有低窪處所。每慮水災。今幸不致漫溢。即間有被淹之地。亦旋即消落。可以補種晚禾。此皆前年辦理河工水利時。經朕特派大臣會同各該督撫。悉心相度。不惜帑項。疏濬得宜。是以河道俱極深通。雖水勢驟增。而消退甚速。可見事苟善籌。效必旋至。為其事而無其功者。未之有也。然此等工程。創之於一旦甚難。而隳之於日久則甚易。此時盛漲後。各河之淤墊必多。若不隨時撈濬。將來日復一日。又必漸成淺阻。與其修挑於甚淤之

後費大而人勞。何如修挑於未淤之時。事半功倍。此督河諸臣。及地方大吏。所當隨時留心辦理。以保前功於不壞者也。著該督撫等。一俟水退。即行查察淤淺處所。一律挑濬。仍不時相機籌辦。俾河道長得深通。水勢永無泛溢。用副朕乂安民生至意。○諭軍機大臣等。陳宏謀奏黃運兩河水勢驟長。現在加緊防護。不致漫溢一摺。昨高晉奏到。亦稱淮徐一帶。河水加增。看來今年春夏間。節次頻霪雨澤。田疇透足。則河流自為較盛。白鍾山雖將山盱廳屬滾壩等處。過水尺寸。曾經摺奏。而為時未免遲緩。已有旨傳諭。諒該督現在自當悉心防範。隨宜料理。不致貽誤工程。但前此未將水勢盛長之處。及時速奏。恐猶拘於外任習氣。惟以自行辦理。無庸上廛宸衷為詞耳。殊不知即此已開諱匿之漸。朕實所不取。著傳諭該督。令其將各工長水實在情形。并前後作何體勘籌辦之處。即行據實

實錄卷一百四

三

詳悉具奏。毋得粉飾。○丁亥。諭曰。西寧總兵容保之母年老。容保留京。以副都統補用。所遺之缺。著金梁補授。○四川提督岳鍾璜奏。嘉陵江自陝發源。入川省之朝天汎。經川北保寧。順慶。蓬州等處。乃由陝入川水路。前經奏准。設有哨船。下游經川東重慶府屬之定遠縣合州巴縣。直達楚省。向無哨船。沿江稽查未密。應請酌立塘汛。並設哨船七隻。往來巡緝。與川北聲勢。更為聯絡。得旨。如所議行。

實錄卷一百四

三

○以兵部左侍郎觀保。為浙江鄉試正考官。編修秦泰鈞。為副考官。兵部右侍郎王際華。為江西鄉試正考官。編修沈業富。為副考官。刑部郎中蔡鴻業。為湖北鄉試正考官。御史王懿德。為副考官。

大清高宗法天隆運至誠先覺體元立極敷文
奮武孝慈神聖純皇帝實錄卷之六百十四

大清高宗法天隆運至誠先覺體元立極敷文
奮武孝慈神聖純皇帝實錄卷之六百十五

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂
總辦官經筵講官太子太傅文華殿大學士文淵閣領閣事稽察欽奉
上諭事件處管理刑部戶部三庫事務
世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次
尋常紀錄十四次臣德瑛經筵講官太子少保工部尚書紀錄六次臣曹振鏞等奉
敕修

乾隆二十五年庚辰六月戊子諭軍機大臣
等據常復奏飛蝗雖已捕淨亟宜掘挖蝻子
請飭令前次落蝗州縣速行搜挖並酌給錢
米廣行易買等語前此飛蝗所經恐有遺蝻
為害跟蹤搜挖乃先事豫防之急務已屢降
旨令方觀承嚴飭所屬實心辦理矣今常復
所奏酌給錢米易買亦屬廣為杜患之一法
著傳諭方觀承因地制宜實力詳籌妥辦並
將現在搜挖蝻子得有若干是否根株淨盡
速即據實奏聞○又諭曰白鍾山奏稱湖南

水勢漸消。各工平穩。現在由邳宿一帶查勘工程等語。已於摺內批示。看來今歲雨水頻沛。田疇充足。則河水自必加增。高寶等處隄工雖皆穩固。而該地方民田並處低窪。是否有被淹處所。並現在水過。作何籌畫宣洩。著傳諭該督等。據實速奏。至駱馬湖已經騰空。豫為容納上游之水。固甚合機宜。而該處下游一帶州縣。亦當乘此水過。亟為相度修理。毋使日久淤墊。即間有一二被淹地畝。仍可勸諭農民。及早補插晚禾。均須悉心查察。一面辦理。一面奏聞。再白鍾山節次摺奏。徐州城外黃水正溜。較前刷深丈許。此固前年特行經理工程之明驗。但近聞中河一帶運道尚有黃水沁入。若果河底既已刷深。何以有此。並著該督等。將中河附近河身深淺若何。並前奏徐州刷溜情形。此時實在如何之處。一併查明據實具奏。毋得支飾。尋奏江南五六月間。雨水頻仍。黃淮並漲。山圩五壩滾洩。

之水。匯入高寶諸湖。一由邵伯迤南歸江。一由高郵三壩歸海。所有歸江開壩。節節啟放。河道深通。並無阻滯之處。惟歸海一路。由高寶紆迴數百里。方達海口。下河雨水既已盈溢。又值淮流異漲。兼之海潮頂阻。流洩遲緩。所有高寶與泰低窪地畝。多有被淹之處。刻下洪湖來水漸少。下河之水亦日就消落。自當及時力籌宣洩。駱馬湖面騰空。上游之充足資容納。下游由海州各壩暢洩歸海。並無旁溢。至徐州城外黃河。近來河底陸續刷深。今年黃水盛漲。普面漫灘。亦有從蘇家山滾壩而出者。即賴滾壩節制。下注荊山橋。以達王母山入運。均係清水。現在邳宿運河。至桃清中河楊莊以內。俱無黃水沁入。及倒漾淤墊之處。報聞。○調刑部侍郎永貴。為倉場侍郎。以正白旗漢軍副都統常鈞。為刑部侍郎。○己丑。上詣暢春園。問。

皇太后安。○諭曰。倉場侍郎員缺。著蔣炳補授。蔣炳現有軍需奏銷事件。俟辦理完竣。再赴新任。其未到任以前。倉場事務。著裘曰修暫行署理。甘肅布政使員缺。俟蔣炳事竣。奏聞到日。降旨簡補。○增設江寧布政使。諭軍機大臣等。江蘇錢穀殷繁。布政使一員。專司總匯。文案委積。日給不遑。即在敏幹之材。尚虞顧此失彼。歷年塵牘相因。不能依限釐剔。未必不由於此。因思現在安徽布政使。隨督臣駐劄江寧。所辦仍屬上江事件。文移往返。不免需時。而親臨地方各員。又非其專轄。於封疆體制。尚未允協。若將安徽藩司。仍回駐安慶。而於江蘇增設藩司一員。即駐劄江寧。以江南之蘇。松常鎮等處。江寧及江北之淮。揚徐通海等處。所屬地方。酌量分隸管轄。職分則事易集。一切政務。自可從容就理。所有區分府屬。及衙署養廉官吏經費各事宜。應如何通融定制之處。著尹繼善。陳宏謀。高晉等

會同悉心妥議。具奏到日。候朕明降諭旨。○軍機大臣議奏。閩浙總督楊廷璋奏。請撥直省馬五百匹。備來歲南巡浙江差務。其馬價仍解直省歸款。奉旨。交臣等行查兵部八旗馬若干。據覆。八旗傳事馬七百七十六匹。又額馬一萬一千二百六十五匹。其拴餵直隸者四千五百匹。出廠牧放者四千七百六十五匹。交卓索圖牧放者二千匹。臣等酌議。應請於直隸拴餵馬內。撥給五百匹。即令直隸總督行文浙省督撫委員赴領。所有浙省應交馬價。定例每匹價銀十六兩。較之直隸買馬定價。實屬多餘。應照乾隆二十年議。准江省撥馬之例。仍留浙省藩庫存貯。其直隸所缺馬五百匹。應令於八月以前。即行買補。如一時不足。即於直隸各標營內。量選備用。得旨。依議速行。○又議奏。盛京將軍薩拉善奏。稱。拉林阿勒楚喀地方。駐劄滿洲日多。居民日密。商販牲畜。不期而集。請照寧古塔伯都

訥之例。設立稅局。並派協領佐領防禦各員管理。按年將徵收實數報部。即充本處俸餉。俟二三年後。再定稅額。應如所請從之。○戶部議覆長蘆鹽政官著奏稱。山東永利永阜王家岡三場。並海豐縣竈地。乾隆二十四年。勘被潮災。除題請蠲免外。尚有按照分數餘剩應徵之課。仍請照例分年帶徵。應如所請從之。○以留京之西寧鎮總兵容保。為正黃旗漢軍副都統。○庚寅。諭曰。金梁已補授西

寧鎮總兵。所遺慶陽營副將員缺。著馬彪補授。金梁在軍營熟悉屯務。仍留烏魯木齊辦事。○諭軍機大臣等。蔣炳已有旨補授倉場侍郎。現在軍務告竣。所有一切軍需奏銷事件。即應加緊辦理完結。著傳諭蔣炳。即將任內經手各案。作速妥辦。事畢再赴新任。仍一面起程。一面即行奏聞。候朕降旨簡員補授。甘肅布政使。○福建巡撫吳士功奏。據泉州府稟稱。晉江縣續獲江南馬蹟山盜犯林炳

餘夥蔡潛等二十五名。起有賊證。現解江南併案辦理。得旨。好。○辛卯。諭軍機大臣等。據方觀承奏。熱河行宮照山偷砍樹株。在兵丁楊世喜等家。起出木植四十二件。屢經咨提。未據發審。請令熱河總管交出查辦等語。海保富貴。職任總管。山樹既被偷砍。雖在民人尚當咨會地方官。實力協拏。迅速根究。況楊世喜等。身係兵丁。賊據確鑿。該督屢經咨提。何得遷延徇庇。甚屬不合。海保富貴俱著傳旨嚴行申飭。並令其即將該犯等並起出樹株。即速解交方觀承。一併嚴審究擬。○軍機大臣議奏。據陝甘總督楊應琚奏稱。甘省各提鎮營。向俱有孳生馬廠。自軍興以來。屢經動撥。牧廠所存數目參差。內有平常數處。一交冬令。草枯不能飽噉。致馬羸瘠。孳生亦難茂育。若將此項兒騾馬。改撥巴里坤牧放。於孳生甚為有益等語。查甘省各標營牧廠。其水草平常之處。改撥尤為要務。但巴里坤水

草較之內地固佳。恐綠營官兵不善經理。現在烏魯木齊一帶。土沃草肥。該處駐防及屯田官兵。俱可就近照管。將來蕃息。又可就近調用。并省巴里坤撥解之煩。應令該督查明此項平常牧廠馬。現有若干。趁此水草豐盛時。徑解烏魯木齊擇廠牧放。其分起解送各事宜。請交阿裱。安泰等會同楊應璩酌議妥辦。得旨依議速行。但今年竟至烏魯木齊。恐已至秋深草黃時。在巴里坤過冬亦可。並諭該督等知之。○壬辰。

上詣暢春園問

皇太后安。○諭軍機大臣等。前因淮揚一帶雨水較多。恐河流盛漲後。必有淤墊處所。已屢次降旨。白鍾山等。令其留心查察。隨時撈濬。今據該督奏。淮黃水勢摺內。有毛城鋪所過之水。下達濰河。現在水已澄清等語。此在濰河。固不為害矣。而黃流當已漫之後。所挾泥沙。必有停淤之處。不得以下游澄清。遂不急

為撈濬。若不乘此盛漲後。即行查勘。修挑。閱時既久。勢必又成淤墊。豈所以衛前功而利民生耶。至伊摺內有西門外石工。倒卸二十一丈之語。所稱西門者。究係何地。據摺中有荊山橋之語。或即係徐州之西門外。但該處石工。不知為舊工乎。抑為新工乎。若係新工。則朕前歲親臨相度所築者。距今不及三年。正在保固之內。何以遽有坍卸。乃並未詳悉聲明。未免含混。著傳諭白鍾山。將毛城鋪以下。現在作何勘辦情形。及西門外石隄。委係新工舊工之處。一併詳查。據實速奏。尋奏。此次黃水未至。毛城鋪時。泥沙已停外灘。迨至毛城鋪。又有碎石壩。為之節制。水過沙停。是以濰河下達。並未停淤。但外灘黃水貫入處。仍應不時疏濬。至石工坍卸。係徐州西門外地方。該處原有外灘。因五月盛漲時。對岸長出灘嘴。逼溜南趨。外灘塌去。溜勢直衝。以致新舊相接處。坍卸二十一丈。內新工十五丈。

八尺。應飭承辦之員賠修。臣等前奏未經詳悉。敕出實屬疎漏。得旨覽奏俱悉。摺奏疎漏尚可。若於喫緊防備之時。亦如此疎漏。可乎。○漕運總督楊錫紱奏。漕運之有疲幫。實緣運丁債負一事。最為重累。查浙江之金。衛。嚴。溫。處。紹。台。嘉。等幫。江南之江淮。興武。鳳陽。大河。等幫。債欠尤多。幫疲益甚。欲除私負之累。莫若出借官帑為宜。請於浙江。江安道庫。各提銀六萬兩。專備疲幫領借之用。每歲督運道員。查按各疲幫沿途及抵通需用銀數。提交押運廳。至期散給。於次年新運應領項下扣還。俟疲幫漸起。奏明停止。得旨著照所請行。○甲午。諭軍機大臣等。據馮鈐奏。湖南通省五月中。雖節次得雨。總未深透等語。今歲各省雨水均調。秋成俱可望豐稔。湖南本係水鄉。缺雨之年頗少。今時際仲夏。甘霖未能霑足。朕心深為廬念。計該撫此奏拜發後。距今將及一月。不知續得透雨否。其山田高阜

之地。不致有礙否。倘間有偏災處所。或應酌量撫卹。或應借給籽種口糧。令其補種晚禾。均當早為籌畫。可傳諭馮鈐知之。並將現在是否得有雨澤情形。作速馳奏。以慰朕懷。○乙未。

上詣暢春園。問

皇太后安。○還宮。○遣官祭

火神廟。○軍機大臣議奏。綏遠城將軍恒祿奏稱。右衛駐防向無步兵養育兵。錢糧請於額設兵三千名內。覈其騎射平常。以及老穉殘廢者。裁汰四百名。添設步兵養育兵。各六百名。月支銀米。即於裁汰項下支放。並於各佐領內。每翼揀選二員。為步軍協尉。各防禦驍騎校內。揀選八員。為步軍校。應如所請。從之。○丙申。禮部議奏。兵部侍郎觀保奏。稱科場條例。鄉會試考官。原有搜閱落卷之例。間有佳文。分校官未經呈薦。及考官搜出。輒以磨勘嚴密為辭。不肯補用。薦條請嗣後各直

省正副考官搜出之卷。如分校官固執成見。竟即批取中字樣。俟到部磨勘。卷果有疵。與分校無涉。如所搜允當。分校官照濫抹佳文之例。嚴加議處。應如所請。從之。○叅贊大臣舒赫德等奏。伊犁屯田。初次遣回人三百名。小麥等種。未及播種。來年自應多為遣往。而海努克。固勒扎。兩處。俱派官兵屯駐。亦屬有益。現因各城伯克。來阿克蘇之便。會議派出回人五百戶。計阿克蘇一百六十一戶。烏什一百二十戶。賽哩木十三戶。拜城十三戶。庫車三十戶。沙雅爾十三戶。多倫一百五十戶。於來年二月。辦給籽種器具。攜眷前往。其行走口糧。及收穫以前食用。按期接濟。臣前所遣暫駐伊犁之副都統伊勒圖。至穆素爾嶺。聞豐訥亨已還。仍行轉回。將來遷移回人。即令伊勒圖領兵照看。報聞。○以御史胡紹南為陝西鄉試正考官。編修朱佩蓮為副考官。刑部左侍郎錢汝誠為江南鄉試正考官。御

史朱丕烈為副考官。○丁酉。上御太和殿視朝。文武陞轉各官謝恩。○諭軍機大臣等。據阿里衮奏。伊親赴喀什噶爾巡察卡隘。將地非衝要之處。所設兵丁酌量存留。餘俱調往烏什。又將綠旗兵四十名撤回。更換索倫兵二十名等語。前諭阿里衮不必赴喀什噶爾。即行回京。但喀什噶爾係布魯特安集延等處要路。必須大員彈壓。新柱至葉爾羌時。海明即赴喀什噶爾辦事。○又諭曰。成衮扎布奏。阿爾台之烏梁海內大臣察達克等。二年以來。未將所定貢賦。全行交納。應不准折賞緞疋等語。伊等歸服以來。頗知實心効力。朕寬其貢賦。加以賞賚。始稍有起色。而去年復遭哈薩克搶掠。著仍賞給緞布。此次出自特恩。後不為例。著曉示伊等知之。○直隸總督方觀承奏。據通永道報稱。通州生有蝻子之田陽。杜市。胡家堡。定興莊各村。落業已撲除淨盡。今蔡各莊。白廟。富河等處。

又有生發。雖零星不成片段。而散漫牽連。約寬一二里四五里不等。現在多撥夫役。溝埋火焚。約數日可以捕竣。臣仍前往督辦。得旨知道了。亟宜留心者。今年年成光景。可謂從來未見之佳象。正宜愛惜保護。若傷之於蝗。豈不孤負。

天恩。汝罪不可當也。勉之勉之。○戊戌。

上詣暢春園問

皇太后安。○幸圓明園。○旌表守正捐軀之直

隸南宮縣民劉起才妻郝氏。○已亥。諭曰。褚廷章捕蝗不力。事關農田民食。非尋常因公罪犯可比。所擬杖罪。不應准其納贖。著照例的決。以示懲儆。朱山身任同知。有專轄之責。漫無覺察。罪亦難辭。但到任未及兩月。且前在福建彰化縣任內。居官尚優。著從寬免罪。發往直隸。交與總督方觀承。以知縣委用。令其効力贖罪。○諭軍機大臣等。白鍾山奏自堰圩前赴高寶等處。勘視水勢情形一摺。內

稱探量車運南關二壩。過水三尺有餘。歸江各閘壩。皆通暢無阻。但近日海潮亦大。不免稍阻流緩等語。看來此次下游湖河之水。當大雨時行。勢屬盛漲。據該督現在相機啟放。以資分洩。但下河一帶。民間低窪地畝附近之處。恐不無淹浸。深為軫念。著傳諭該督。將農田是否被水。速即查勘具奏。再旬日以來。水勢消長。現在如何。並高寶下游及海口潮長流緩。應作何設法。隨宜疏濬之處。詳悉據實奏聞。至尹繼善。陳宏謀等。前已降旨傳詢。距今又幾半月。白鍾山摺內所奏光景。該督等何以至今並未奏及。著一併傳諭。令其速奏。以慰朕懷。○庚子。

上御勤政殿聽政。○辛丑。

上詣暢春園問

皇太后安。○諭軍機大臣等。海明等奏葉爾羌伯克等。謂鄂對不宜為阿奇木伯克。懇請以額敏和卓補授。隨咨商舒赫德傳集伊什罕

阿布都喇伊木等嚴行申飭。將呈擲還等語。舒赫德指示海明。所辦甚是。但所遞呈詞。阿璉列名於前。而伊什罕噶匝納齊等皆在後。阿璉乃回人。內誦經識字者。與準噶爾喇嘛相似。從前厄魯特等。不知事體。聽信喇嘛。致生變亂。豈可使回人因仍舊習。著傳諭舒赫德等。曉示各城回人。嗣後諸事。惟聽阿奇木等伯克辦理。阿璉不得干與。至舒赫德諳練有年。於新柱海明等。務宜詳加指示。不得因

平定回疆方略卷六十五

六

各有分駐之地。遂生推諉。併傳諭新柱海明等知之。○葉爾羌辦事都統海明等奏。五月二十五日。據裕拉哩克卡上。送到巴勒提貿易人等。據稱我等係頭目。默默斯帕爾。烏蘇完。兩處遣來貿易。我等兩部落。相隔一河。各有八千餘人。西接克什密爾。又西接痕都斯坦。南接哈普倫。東接土伯特。北接博羅爾。兩部落結姻。中間亦曾爭鬭。仍歸和好。向來在葉爾羌貿易。今聞

平定回疆方略卷六十五

七

天朝大兵。平定回部各城。是以欣悅。願來歸附等語。因呈獻兩頭目書禮。臣等加以撫慰。查所攜貨物無多。以初次前來。免其納稅。並酌給口糧。回人等俱感激叩首。俟貿易事竣。護出邊卡。報聞。○壬寅。諭軍機大臣等。回疆平定。各部回人。前來葉爾羌貿易者。必多。自可照海明前奏。巴勒提部人。遣人求通貿易之例。准其通商。並可諭及伊等。回疆今就平定。所有哈薩克。布魯特。巴達克山等部人。均為大皇帝臣僕。爾部如欲遣頭目入覲。以展歸化之誠。必代奏聞。將此傳諭新柱等。遵照辦理。○辦理陝甘總督事甘肅巡撫吳達善奏。甘省連年因旱歉收。今歲自春徂夏。雨水調勻。禾苗豐茂。市價平減。其從前各災地展賑平糶之期。俱於五月停。尚有撥運糧石未經起程者。概飭停止。在途者。即於所剩截留貯倉。據布政司等稟報。計可節省運費銀四十餘萬兩。得旨。節費猶其小者。所喜在吾民得

免溝壑也。○是月。安徽巡撫高晉奏。臣衙門駐劄安慶。濱臨大江。向設大小差船八隻。供應本衙門赴省秋錄。並巡查應用。其頭舵水手人等。歲支工銀。於司庫耗羨項下支發。現在各船年久朽爛。應勘估拆造。臣思每年赴省秋錄。不過一次。現有江寧額設號船。及安慶營哨船。可以撥用。朽船籌造。不若裁省糜費。得旨。如所議行。○山東巡撫阿爾泰奏。查東省將備等官。陞調離任。交代冊結。只有營

實錄卷五十五

中器械。無虧字樣。所有經管錢糧之有無。馬匹之疲壯。並未聲明。恐不無徇隱通融之弊。臣現在行咨各鎮通飭營員。於離任時開明清冊。接任之員。於錢糧馬匹軍火器械旗幟帳房等項。俱按冊查驗出結。如有短少。據實揭報。其水師等營。所存公費銀。並戰船蓬索桅舵各件。均照此例驗收。其各營將領。遇所屬虧缺。不時揭報。併漫無覺察者。照文員失察例。議處分賠。得旨。甚是。○貴州巡撫周人

驥奏。黔省鼓鑄。向係採買滇銅。因本省咸寧州屬銅產足敷鼓鑄。是以停買。近勾衆廠山空封閉。各屬新廠。礦產微薄。恐將來不敷鼓鑄。除現在仍用黔銅。及積存局銅項下抵補缺額外。請自來年為始。每歲酌買滇銅四十餘萬觔。即可敷用。其銅價運費。俟鑄出局錢歸款。再黔省新河運鉛。現在源源無滯。新報之都勻廠。產鉛甚旺。數月間已積至百萬。即飭趲運赴楚。以備各省採買。報聞。

實錄卷五十五

七

大清高宗法天隆運至誠先覺體元立極敷文奮武孝慈神聖純皇帝實錄卷之六百十五

大清高宗法天隆運至誠先覺體元立極敷文
奮武孝慈神聖純皇帝實錄卷之六百十六

監修總裁官經筵講官太子太傅文蔚閣大學士文淵閣領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣謹誌

總裁官經筵講官太子太傅文華殿大學士文淵閣領侍衛內大臣稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級尋常加二級軍功紀錄五次

尋常紀錄十四次臣等謹將經筵講官太子少保工部尚書紀錄六次臣等謹將尋常

敘修

乾隆二十五年庚辰秋七月癸卯朔享

太廟遣裕親王廣祿恭代行禮諭軍機大臣

等據曹瑛奏口外寧魯堡之韓家樑等處起

有飛蝗從邊外向東北飛去並未進邊現在

速往撲捕等語該處雖係口外然是處皆有

莊稼與口內無異不得以飛蝗未及進邊遂

稍弛搜撲曹瑛現往查辦應星即廣搜速捕

務使淨盡毋任蔓延再該處飛蝗既向東北

飛去則古北口以外如熱河塔子溝八溝等

處皆適當其地恐不免有停落處所著傳諭

吳進義和成會同熱河道良卿早為查察倘
有飛蝗停落務當盡力撲滅不使稍留餘孽
即目下並未飛至亦當留心早為防範無稍
疎忽該提督等奉到此旨作何查辦即行據
實速奏尋奏遵諭飛札宣化鎮和成並檄行
熱河道良卿河屯協副將四十八分委委員
各處周視巡查倘有飛蝗停落協力撲捕務
盡根株報聞命兵部尚書梁詩正兵部左
侍郎觀保教習庶吉士甲辰

上詣暢春園問

皇太后安諭軍機大臣等據鄂弼奏土默特

蒙古舊塘有蝗蝻飛至善岱所屬村莊殘食

禾苗即向東南飛去等語已傳諭鄂弼一面

速行搜捕毋令蔓延但既向東南飛去則直

隸宣化一帶適當其地恐不免有停落處所

著傳諭方觀承令其嚴飭該處地方官星即

豫行查察毋使闖入一有飛集速行搜捕淨

盡和成現駐劄該府昨因曹瑛奏到已傳諭

令其與吳進義會同良卿於熱河八溝塔子溝等處實力防範。宣屬正其專轄之地尤當加意體察。可再諭和成。令其與吳進義曹瑛等彼此知會督辦。勿稍因循。取咎。再通州一帶。現在蝗蝻捕除未淨。此即該地方官前此不能盡力剷挖。以致種類輾轉萌生。至今不已。此而不行懲處。將來司牧者誰肯留心民事。該督何以並不嚴行叅處。以為玩忽民生者戒。○又諭盛京瑪爾吞地方。彼處漢人俱

以馬二屯呼之。盛京所屬地名。多係清語。今因彼處漢人不能清語。誤以漢名呼之。若不及時改正。日久原名必致泯滅。著傳諭將軍清保等。所有盛京滿洲地名。漢人誤以漢名傳呼者。令俱查改。仍呼原名。並嚴飭彼處人等知之。○改定督撫及各道食俸數。戶部議覆湖北布政使公泰奏稱。道員向有叅政。叅議。副使。僉事等銜。俸銀分別三。四。五品支給。乾隆十八年奉旨。俱為正四品。停其兼銜。品

級既經改正。食俸應照品級。今查湖北。河南。陝西等省道員。原編俸銀照三品一百三十兩者九缺。江蘇省九十五兩者一缺。請嗣後道員食俸。俱照四品支給。應如所請。再各省督撫。均兼尚書侍郎銜。其俸銀亦應照兼銜查兩江。兩廣。湖廣。閩浙總督。俱兼尚書銜。而食俸仍照二品三品。江蘇。浙江。廣東。福建。湖北。湖南。巡撫。俱兼侍郎銜。而食俸仍照三品。應請將各省兼尚書銜之總督。均支食一品

俸。兼侍郎銜之巡撫。均支食二品俸。通行遵照。從之。○禮部議覆廣西學政鞠愷奏稱。廣西童生應試。多因親友影射。冒籍混考。竟有一學多至數十名者。不急為嚴禁。則土著進取為難。邊地文風日壞等語。應令該學政徹底清查。除現在查確者。即勒令歸籍。其未經發覺者。於部文到日。勒限一年。令本生自首。由該學教官會同州縣結送學政。咨回原籍。逾限不首。發覺斥革。仍將不行詳查之教官

州縣照例議處。再本年現屆鄉試。其已經查確各生。應照例罰停鄉試一科。仍行文雲南。貴州。四川。廣東等省。畫一辦理。從之。○乙巳。諭曰。蔣炳已補授倉場侍郎。甘肅布政使員缺。著許松估調補。所遺湖南布政使員缺。著彰寶補授。貴州按察使員缺。著勒爾金補授。其甘肅臨洮道員缺。著蘇凌阿調補。所遺福建糧驛道員缺。著朱珪補授。蔣炳辦理軍需奏銷。到京尚需時日。許松估著來京陛見。後再赴新任。○諭軍機大臣等。據鄂弼奏。土默特蒙古葦塘。有蝗蝻飛至。善岱所屬村莊。殘食禾苗。即向東南飛去。現在親赴善岱等處。督率撲捕等語。地方一有飛蝗。即應盡力速捕。無留餘孽。庶以衛農田而重民食。不得以飛自蒙古葦塘為辭。使不肖有司。豫為委卸之地。即使其言果確。而飛至內地之時。不行力捕。以致遺種滋害。罪亦難辭。況該省連歲歉收之後。今年雨澤沾足。可望豐收。若有一

二處被蝗蝻所傷。豈不可惜。鄂弼既前往查辦。務當廣搜迅捕。務盡根株。并詳察各屬。是否有飛蝗停落處所。並當一體防範。搜挖毋得疎忽。將此傳諭知之。○丁未。諭軍機大臣等。據五吉等奏。現在驛遞事件。較從前甚簡。請將巴里坤等處臺站。各照例留馬十五匹。駝四隻等語。軍營事簡。所設臺站馬匹。自應通行裁減。如伊犁阿克蘇。葉爾羌。喀什噶爾等處。俱著酌量情形。應存若干。庶得專意牧放。其戈壁處所。作何貯備草豆飼秣。不致傷損。倒斃。著舒赫德等會商辦理。○戊申。上詣暢春園。問皇太后安。○諭軍機大臣等。覽舒赫德奏。派入覲之葉爾羌等城伯克名單。人數頗多。其間七品頂帶伯克。約居大半。但新疆辦事需人。且沿途行走。亦殊勞費。著將應行入覲之伯克等六品以上者。辦送來京。其七品人員。不必前來。俟伊等陞轉後。再行輪班引見。著傳

諭舒赫德等。曉示回人知之。○山東道御史丁田樹奏。我朝自丁糧歸於地畝。凡有差徭。及辦理軍需。必按程日給價。併計守候回空。格外優恤。無所謂力役之征。近日州縣衙門。每於上司迎送。同寅往來。以及搬運私物。輒出票封拏車船。奸役藉票勒派。計所發官價。不及時價之半。而守候回空。概置不問。以致商賈裹足。物價騰貴。請嚴飭各州縣。嗣後除承辦大差。及委運官物。許其豫備車船。酌給官價外。餘照市價覓雇。不許出票封拏違者。從重叅處。得旨。所奏甚是。著照所請行。○已酉。諭軍機大臣等。據薩喇善奏稱。副都統巴岱查視挖濩人夫等船。每船人米浮多。因欲添票。伊等不遵。糾合多人。持挺將領催巴善打傷。又糾人數千。赴副都統衙門。關開巴岱。未及清查。各船人數。遂給與腰牌。令其起身。經薩喇善派副都統增海帶領官兵稽查等語。挖濩人夫。皆係內地之民。膽敢不法。關開。

情殊可惡。巴岱於起事之初。果能將為首關開之人擒戮。餘眾必知儆懼。恬然無事。乃不能迅速辦理。反給與腰牌。即令起身。殊屬怯懦不堪。薩喇善身為將軍。既聞此事。理宜親往查辦。乃止遣增海亦屬不知輕重。巴岱係薩喇善保舉之人。當時誤行薦舉。後來看出。亦即當具奏。乃至此時始奏。伊不能獨辦。姑息已甚。此時挖濩人夫。已經入山。各處挖濩。若即遣人往捕。勢必驚竄。不如從容俟其採回掩捕。於事有益。但為首關開之人。自知罪重。此時潛行逃回。亦未可知。其掩捕訪查之處。著薩喇善妥為辦理。倘致逸脫。惟薩喇善是問。從前朕謂薩喇善尚有人心。此事看來。竟不堪之極。著再嚴行申飭。○葉爾羌辦事都統侍郎海明等奏。六月初十日。據喀什噶爾之庫勒塔里木臺站。署筆帖式布占告稱。初九日。有回人四十餘人步行。各持木棍。我與兵丁俱被擊傷。搶掠牲隻衣糧。旋遇葉爾

羌護送馬駝兵丁亦稱被掠等語。即派副都統豐安選兵六十名前往接續臺站擒拏賊犯。十一日據葉爾羌伊什罕伯克阿布都喇伊木等呈送回字逆書內稱呢雅斯伯克等聞阿公起程已於六月初五日起事。有阿睦爾撒納遣使來告。初六日已取烏什。此書由牌祖阿巴特送至鄂坡勒庫勒塔里木。葉爾羌等語。查逆賊等造言惑眾。現在阿里衮舒赫德處俱未有信息。又選兵五十名令藍翎侍衛富柱等兼應豐安偵探情形。一面備辦官兵馬駝。臣額敏和卓派親信護衛等傳知英吉沙爾加意防範。并撫慰布魯特等。臣等又劉行和聞總兵丑達一體防範。仍一面知會舒赫德等。諭軍機大臣等海明等奏逆回搶掠臺站情形。回部甫經平定。人心易搖。或本處不逞之徒倡言煽惑。或去年勦賊時脫逃餘黨乘間窺伺。俱未可定。雖非大事。不可不痛加懲創。以遏亂萌。著傳諭舒赫德若喀

什噶爾無事。則不過賊匪流言或有變動。自必派兵辦理。舒赫德即領兵一二千名相機勦捕。此等賊人恐有厄魯特在內。倘逃往伊犁著阿桂就近堵勒。至逆書所言由牌祖阿巴特發行。若果係此處回人務宜全行勦滅。再臺站官兵等於無事時任意擾累。回人有事又不能擒獲。雖相沿陋習。而該管大臣亦難辭疎忽之咎。嗣後有似此者。定行嚴察治罪。著通行曉諭知之。以故奉恩將軍扎拉芬孫康麟襲職。庚戌叅贊大臣舒赫德奏六月十五日准葉爾羌辦事大臣海明等咨報賊回搶掠臺站。臣詳察情由。葉爾羌喀什噶爾等處各城回人雖處性習愚頑。此等不過失業貧人。妄言滋事。奸徒乘機煽惑。詭稱準夷餘孽。以掩其搶掠臺站之跡。其實回人等雖善惡不齊。現在兵戈寧息。欲圖生聚者居多。斷不致大為搖動。即如流言六月初五日喀什噶爾已亂。而初六日阿里衮尚有逃

到常行事件。其為虛妄可知。臣將海明等行知奏稿。毫不宣露。一面密派護軍校竈保住行文海明等。將賊人言詞虛妄。曉示回眾。但拏獲傳書之人。此事原由。即可明晰。至阿里衮現在已經辦理。亦未可定。俟得確信。即行具奏。諭軍機大臣等。舒赫德奏搶掠臺站賊人情形。所見甚是。但賊人既倡言煽惑。且業經搶掠臺站。深可痛恨。自應酌量領兵辦理。在造謀起事之人。固不可疎縱。其情尚可原者。亦當安撫。惟存之於心。不可使眾人窺測。反生僥倖。至阿布都喇伊木。從前率先歸附。此次呈出逆書。絕無瞻顧。殊屬可嘉。舒赫德即查覈情由。應如何酌量加恩之處。奏聞請旨。○辛亥

上詣暢春園。問

皇太后安。○還宮。視皇三子疾。○刑部議覆江蘇按察使蘇爾德奏稱。竊盜再犯。計贓除五十兩以上。及滿貫。仍照律分別徒流絞候。其

再犯計贓五十兩以下至三十兩者。加枷號兩個月。三十兩以下至十兩以上者。一個半月。不及十兩者。一個月。但竊盜原係計贓定罪。則枷號亦宜計贓遞加。應請將竊犯計贓應杖六十者。加枷二十日。七十者。加枷二十五日。餘以次遞加。再查旗犯應坐徒罪者。例得折枷完結。每一等遞加五日。今竊盜再犯。例應杖責者。各加枷號。則旗人再犯竊盜罪。應擬徒折枷者。統於應加枷號四十日外。再加一等。應如所請。從之。○移山西鎮羌堡把總駐豐鎮廳。殺虎協把總駐寧遠廳。從巡撫鄂弼請也。○壬子。孝懿仁皇后忌辰。遣官祭景陵。

上詣

雍和宮行禮。○幸圓明園。戶部議准閩浙總督楊廷璋奏稱。楓樞二營兵應領江山縣額徵楓樞二營兵米折色。不敷買食。請於辛巳

年為始。照舊徵收本色支放。從之。○癸丑諭軍機大臣等。海明奏。豐安擒獲搶臺賊匪邁瑪第敏等。據供。阿里衮擊敗賊眾。喀什噶爾安靜無事。又英吉沙爾阿奇木伯克色提巴勒氏呈稱。阿里衮聞邁喇木伯克等倡亂。隨回喀什噶爾安撫。并領兵往脾祖阿巴特查拏等語。新疆回人敢行倡亂。必當痛加懲創。著舒赫德等將首惡及其家口。全行正法。逆黨亦皆正法。其妻子分賞官兵。不必送京。即已起程在途。俱令解回辦理。阿里衮奉到回京諭旨。不候新柱到彼。即行起程。雖搶臺一事。非可豫料。而回人等素不安静情形。豈毫無體察。是其意見不到處。但聞信即回。尚屬龜勉料理。所有善後事宜。務須加意。併傳諭海明額敏和卓知之。○禮部議覆。湖南巡撫馮鈐議奏。前任學政鄭虎文。請設永綏廳學。查辰州府屬之乾州。鳳凰。永綏。三廳。皆係新闢苗疆。乾鳳二廳。已於雍正十年間設學。惟

永綏廳建治稍後。未經設學。該處苗民。現在義學肄業。堪應試者。有二百餘人。請照乾鳳二廳例。一體設學。應如所請。從之。○荊州將軍嵩椿等議覆。左翼副都統德奇保奏。稱荊州滿洲蒙古佐領。共五十有六。請於每佐領下擇人品端方。通曉清文。清語者。設教習一人。副教習一人。其滿洲蒙古十旗。於領催前鋒內。擇才足管轄者。每旗設總教習一人。賞九品頂帶。仍食本身錢糧。令教閑散幼丁。清書清語。騎射。該協領佐領等官。不時稽查。如果三年俱屬奮勉。佐領教習。遇領催前鋒缺出。一旗總教習。領催前鋒等。遇官缺出。俱置名前。列揀選。若訓誨不勤。革去教習。遇應陞之缺。不准開列。應如所奏。辦理。至協領佐領等官。稽查教習勤惰。尤其專責。如遇考試時。仍有不能清文。清語者。教習等照所奏。辦理。外。該管協領佐領等。參奏議處。報聞。○以洗馬史貽謨為河南鄉試正考官。御史李綬為

副考官。編修秦釁為山東鄉試正考官。翰林院侍讀圖裕布為副考官。編修蔣耦為山西鄉試正考官。翰林院侍讀德保為副考官。甲寅諭軍機大臣等。成衮扎布等奏稱土謝圖汗部落盟長達什丕勒副將軍桑寨多爾濟等屢次呈請。近日巴圖魯王等帶去之兵。及各項應賠牲畜換班等差。伊部落扎薩克等力窘不能應辦。經成衮扎布等指示駁回等語。喀爾喀等受恩日久。往年遇事。皆輸誠奮勉。並無似此推諉惡習。計目下差務較往日十分中減去五六。並無增加。朕即位以來。撤回兩路大兵。伊等已息肩十有餘年。近雖稍有軍務。亦不過數年可了。即云偶遇偏災。朕復加賑卹。疊沛恩膏。何至窘困至於此極。且凡遇差務。該扎薩克等果誠心倡率。屬下自必奮勉。若先存推諉之心。屬下焉有勇往當差之理。桑寨多爾濟係受朕重恩之人。喀爾喀等有此惡習。理宜匡正。乃反蹈此習。咨行將

軍大臣等殊屬非是。現在軍務已竣。車布登扎布帶往之兵。亦已停止。喀爾喀等尚有何掣肘之處。即伊等換班之差。附近游牧與家中供差無異。而桑寨多爾濟亦以為難。申報將軍等尤屬非是。再桑寨多爾濟現任副將軍。非無奏事之責。伊等屬下果有不得已情形。伊豈不可奏聞。此事交軍機大臣議奏外。車布登扎布桑寨多爾濟著傳旨申飭。參贊大臣阿里衮等奏。臣於六月初六日奉旨起程回京。初七日自喀什噶爾行至葉爾羌之雅木扎爾。本日據駐防玉斯屯阿喇圖什城把總等報稱。回人搶掠臺站人馬牲畜。圍困城堡。又准提督董孟報稱。伯克邁喇木往尋舊居之伯什克勒木村莊。並未在家。隨派兵查緝。於中途遇邁喇木所屬回人七騎。即行拏解。惟哈三和卓脫逃等語。臣速回喀什噶爾。據董孟告稱。聞商伯克邁喇木妄造阿睦爾撒納越庫庫訥克嶺已取阿克蘇之言。

希圖煽惑人心。肆其搶掠等語。臣即派兵查拏。行至伯什克勒木附近。已有賊衆千餘排列。臣率官兵八百餘名力戰。賊始入城堅守。復以鎗礮攻圍。是夜四鼓。圍城呼號乞命。即行招撫。詢據供稱。邁喇木同三四人渡河潛逃。隨追獲邁喇木所屬托克托默特瑪穆特索丕等。知向牌祖阿巴持一路逃走。即行尾追。至克色勒河。據居人云。牌祖阿巴持之阿奇木伯克呢雅斯。聞邁喇木逃來。遂與同行。不知所往。臣分途追捕。務期擒獲。此次陣亡得傷官兵。及隨吐魯番公品級茂薩擊賊得傷之回人等。續行查明具奏。諭軍機大臣等。阿里衮聞賊回搶掠臺站之信。即回喀什噶爾。擊敗賊衆。撫定回人。豐安揚寧等擒賊通信。此次雖非大征戰可比。但應機立辦。甚屬可嘉。阿里衮著交部議叙。伊子拜唐阿豐盛額著授為藍翎侍衛。額敏和卓豐安揚寧茂薩亦著交部議叙。色提巴勒氏托克托和卓

等酌量獎賞。其力戰有功及陣亡得傷官兵俱著查明報部。議敘議卹。又諭曰。阿里衮現在領兵追賊。諒能擒獲。若業經脫逃。必往布魯特游牧。倘不窮追務獲。則回人等無所懲創。且布魯特將來為遁逃之藪。此風斷不可長。著舒赫德等加意追捕。如已入布魯特。即遣人曉示利害。令其擒獻受賞。或稍有隱匿推諉。可速整兵攻其無備。以振軍威。不可遲疑誤事。○阿里衮又奏。臣等擊敗邁喇木所糾回衆千餘人。復悉力攻城。賊首黃夜於城北掘牆逃走。臣即追至牌祖阿巴持河。正在造筏欲渡。哨探官兵及克色勒布伊之阿里木伯克等告稱。邁喇木會同呢雅斯逃走。隨追至薩林都。尋蹤入布魯特。即派總管巴雅爾。公茂薩前追。臣領兵將布魯特出入要隘防守。因提督董孟患病。調總兵楊寧等巡查堵截。六月十八日。巴雅爾等報稱。追至和羅木魯克。見賊衆方欲會食。即拏獲邁喇木呢

雅斯將其家口屬人勦殺收獲馬騾軍器前來。臣逐一審訊。因呢雅斯聞多倫回人等傳說阿睦爾撒納之信。告之邁喇木。邁喇木適值議派邁喇木輪班進京。聞和什克伯克等戶口俱送京安插。恐被留在內。與呢雅斯商議行文搖惑人心。而官兵來勦甚速。隨糾集回人倉猝拒捕。及攻潰潛逃。投向呢雅斯。呢雅斯又已將所縛兵丁二十人殺害。遂與同逃。供認不諱。現派官兵將邁喇木。呢雅斯解京行文沿途大臣官員。加意防範。諭軍機大臣等。阿里衮奏。倡亂回人邁喇木。呢雅斯等俱已擒獲。此次辦理迅速。甚屬可嘉。伊子豐盛額著加恩授為三等待衛。次子倭盛額著授為藍翎侍衛。公品級茂薩。總管巴雅爾等奮勉追賊。殊為効力。茂薩著封公爵。巴雅爾著授副都統職銜。今渠魁雖獲。而逆黨多人。必須擒治。即如明伯克薩罕和卓頗羅特和卓皆肆行殺掠之賊。摩羅額都色勒木。執縛牌祖阿

巴特城兵丁摩羅色勒木。將兵丁全行戕害。深可痛恨。著傳諭舒赫德。阿里衮等務須窮搜盡獲。以彰國憲。至呢雅斯供稱噶匪納齊邁瑪第敏見邁喇木所發逆書。不肯鈐用圖記。遂往投喀什噶爾。是伊並未從賊。深可嘉尚。著酌量獎賞。英吉沙爾之哈子沙。巴伯克圖里野和卓等接得逆書。若當時即告之色提巴勒氏。尚屬無罪。或觀望欺隱。則不可留於本地。即拏解來京。前諭拏獲賊匪。不必解京。今計阿里衮派員押解。已將一月。舒赫德奉旨後。業已調回。則已。或彼此相左。即在京辦理亦可。其効力各官兵。仍著阿里衮查明速奏。○安徽按察使王檢奏。定例外任官員。除眷屬外。州縣准帶家人二十名。府道以上遞加十名。違數多帶。降一級調用。府道以上定額本寬。攜帶常不逾數。近日州縣當謁選之始。招用長隨。多憑薦引。濫收及久於外任。更多置僮婢。一署幾至百人。無論招搖滋

弊。而一歲養廉亦不足供廉費。請申明定例。如違數多帶。即行詳參議處。得旨。此奏是著照所請行。○實授阿思哈為江西巡撫。○乙卯。

上詣暢春園。問

皇太后安。○諭軍機大臣等。據白鍾山奏。伏況水勢盛長。該處興泰二州縣。高地尚無妨礙。附近過水窪地。已被淹浸等語。此次大雨時行。河水長發。下河如興泰等處。勢最低窪。民

田廬舍間。被水淹浸。在所不免。白鍾山雖稱現在查勘。但尹繼善陳宏謀身任督撫。尤應詳悉體察。及早奏聞。何以至今尚未具奏。著傳諭該督等。即將興泰二州縣窪地被水輕重實在情形。若何。於大田晚禾有無妨礙。及現在作何辦理之處。逐一據實奏聞。○又諭曰。楊廷璋等覆奏。閩海關少收稅課一摺。內有歲收歉薄。船隻稀少。以致課項比上屆較絀之語。閩省乾隆二十四年。歲收豐稔。且將

穀石協濟鄰封。該督撫等奏報甚明。其並非歉收可知。且是年收稅扣至八月。即接連二十三年。計算已過九月以後。為時不及三分之一。何得藉口飾詞。轉便吏胥作奸之計。況其時當新柱奉差離省。明福接任司權。在伊身為副都統。或未必即有肥索欺公之事。而家人書役等。因本管官交代。不無乘機侵蝕情弊。看來近日各關稅比較歲額。大率以部臣一駁。督撫一覆。即為奉行政故事。殊非覈實之道。此案已諭部明切指駁。著傳諭楊廷璋。令其逐一確查詳悉。據實奏聞。慎勿以前奏自護。尋奏。臣委員分往各關口。提集底簿。行單。細查詳報。臣逐條查閱。將少收盈餘數目覈對。均與奏報銀數相符。其較上屆缺少緣由。實因二十三年。雨澤愆期。糖蔗花生收成歉薄。而江浙所產棉花豆麥等物。亦偶值歉收。運販稀疏。以致稅絀。蓋閩省土產收成。俱在秋後。商人於年底及次春陸續裝運。二十

四年八月以前。新貨未出。所收關稅。尚屬二十三年之貨。臣前奏歲歉船稀等語。聲敘實未明白。至各關口。現有委員監督。層層查覈。丁役人等。委無侵隱弊混。報聞。○旌表逼嫁捐軀之安徽太湖縣民蔡起龍妻朱氏。○丙辰。諭軍機大臣等。昨據白鍾山奏。伏汎盛漲。興泰。二州縣窪地。多被淹浸等語。已降旨。詢問尹繼善。陳宏謀。令其確查具奏矣。今閱陳宏謀所奏。江北水勢情形一摺。則被淹之地。不止此二處。兼有高寶。甘泉。等州縣。亦復被災。且稱秋禾已淹。廬舍已在水中。等語。看來興泰等處。被水之地已多。此言若出於尹繼善。自當竭力妥辦賑卹。尹繼善何以未行陳奏。陳宏謀為人。向有沽名習氣。且伊所親勘之處。亦未必能悉周。著傳諭尹繼善。令其將該處被水情形。實在若何。較乾隆十九年被水時。孰為輕重。并現在被災處所。作何籌辦之處。作速據實具奏。斷不可存諱飾之意。○

刑部議准。江西布政使湯聘奏。稱重犯脫逃。例應無分疆界。出差廣緝。惟是差票出境。承緝正役。每倩人代緝。幫役藉票勒詐。並有偽造印票。捏稱官差。所至州縣。呈票掛號。各地方官。隨意蓋印。混假為真。每致要犯聞信。匿跡。請嗣後廣緝重犯。不得濫給印票。先將該犯年貌案由。並僉差名數。一面詳明督撫。移咨各該省。一面改用通關給差密緝。如有蹤跡。即將關文呈報該地方官。添差拏解。如緝無蹤跡。即投換回文。以為憑驗。倘有濫給印票。及差雇白役。藉端勒詐。而所至有司。不行實心協緝。與僉差不慎之承緝官。均照例分別議處治罪。從之。○旌表守正捐軀之江蘇丹徒縣民趙廣生女趙氏。○丁巳中元節。遣官祭

永陵。
福陵。
昭陵。

昭西陵。

孝陵。

孝東陵。

景陵。

泰陵○遣官祭

孝賢皇后陵

端慧皇太子園寢○諭據鄂弼奏稱遊擊韜柱守備西三泰不能整頓營伍騎射亦屬平常似此廢弛怠玩之員斷難姑容請將伊等

革職應派在何處當差候旨等語滿洲侍衛官員內原擇其騎射可觀差務勤勉者陞補綠營伊等到任後理宜勤習騎射整頓營伍今韜柱西三泰於營伍全不留心惟耽安逸并荒廢自己騎射甚屬不堪若不從重治罪無以示儆著革職解送來京發往吉林交該將軍充當苦差鄂弼所奏甚是著交部議叙至直省綠營皆有發往滿員倘有似此者著各省督提等查明據實叅奏不可稍有姑息

瞻徇再滿洲風俗向來純樸補放營員往往有恥於跪拜上司不願前往者今則惟務必得而抵任之後不思整頓營伍訓練兵丁惟求安逸殊有玷於滿洲舊俗將此通諭外省綠營旗員各宜爭自奮勉以韜柱西三泰為戒○兵部議覆河南巡撫胡寶琛奏稱武舉隨營差操三年期滿送部考驗分發隣近省分已揀選者以營千總拔補未揀選者以把總拔補與營中應拔千把之弁兵較量揀拔乾隆二十四年部議千總六年俸滿甄別後仍回原任無庸開缺是俸滿千總不致離任守候而候補千總亦應酌量變通查豫省千總祇二十八缺現在武舉五人已屬候缺無期况部中陸續分發更必遙遙守候本省把總共六十一缺較千總加倍有餘而應補把總之武舉現在無人請照文員大銜借補小缺之例把總缺出將候補千總之武舉叅酌借補遇有千總缺出仍與現任把總一體揀

拔應如所請。通行遵照辦理。從之。

大清高宗法天隆運至誠先覺體元立極敷文奮武孝慈神聖純皇帝實錄卷之六百十六

大清高宗法天隆運至誠先覺體元立極敷文奮武孝慈神聖純皇帝實錄卷之六百十七

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理吏部理藩院事務正黃旗滿洲都統世襲騎都尉軍功加七級隨帶加一級存案加二級軍功紀錄一次臣慶桂
總纂官經筵講官太子太傅文學殿大學士文淵閣領閣事稽察欽奉 上諭事件處管理刑部戶部三庫事務世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次
每常紀錄十四次臣德瑛經筵講官太子少保工部尚書紀錄六次臣曹振鏞等奉

欽修

乾隆二十五年庚辰七月戊午皇三子永璋

薨。諭軍機大臣等。胡寶瑑奏。衛河建壩挑河。以利漕運所需銀兩。照例於鹽規銀內動支一摺。衛河係漕運所經。既有淤淺處所。自當動項疏築。以裨實用。況胡寶瑑於辦理地方水利。自必實心經理。不肯為屬員慫恿浮冒。但向來有司陋習。率以多辦歲修工程。有為樂摺內所稱。嗣後每年照此辦理之處。則不可不及今酌定章程。示之限制。蓋前此十數年來。未經挑建漕運。亦無甚阻礙。其非

必須每年興工已可概見今或以相隔年久悉心相度修治舊日淤墊一清向後或三年一小修或五年一大修至及期鳩工專派道府大員覈實督修責令立限保固如有侵蝕按例著賠庶屬員不敢滋弊而運道得以深通著傳諭胡寶琮令其逐一確查妥議具奏尋奏今年疏築之後既得一律深通挑淤器用齊備仍可留貯下次取用遵諭三年小修五年大修凡工竣後即令照例具結保固如限內淤阻承辦官賠修鳩工稽查責成糧道督辦倘各縣承辦不實及有侵蝕等弊即行揭報題叅上司失於覺察一併議處得旨甚妥又諭昨諭將倡亂回人邁喇木呢雅斯等在本處正法又因業經解送即著來京審結今思回部辦事伯克等俱係頭目若一面具奏即於該處正法則造言生事之徒轉謂駐劄大臣等激變又殺之以滅口且將來大臣等亦不能保其竟無擾累甚有關係嗣後

回部伯克身犯重罪除持械拒捕臨陣勦殺外若已經拏獲不可即行正法四品以上著拏送來京五品以下審明具奏請旨著傳諭駐劄各大臣知之又諭曰海明奏稱葉爾羌伯克等採玉呈獻揀選送京并請諭和闐伯克有獻美玉者賞給緞疋等語朕命大臣等駐劄回城原以鎮撫新疆綏徠初附至揀選玉石何關緊要舒赫德尚知此意著傳諭伊等嗣後除舊例照常貢玉外回人等有求售及來獻者酌給價值不可傳知回衆令其採辦至大臣等果能實心辦事自必優加恩遇若辦事平常雖購得美玉亦復何益伊等知此庶識事體之輕重矣又諭曰阿里衮奏稱拏獲編造謠言惑衆搶掠臺站賊匪邁喇木呢雅斯訊供傳自多倫回衆阿睦爾撒納於庫庫訥克嶺外空處糾集多人定於七八月間來阿克蘇等處居住不久即至葉爾羌喀什噶爾等語阿睦爾撒納久已物故多

倫回衆。皆係新降之人。或編造謠言。恣行傳布。或邁喇木等懼罪捏誣。多倫回衆亦未可知。著寄信納世通。留心細察。不可洩露。令阿里衮將邁喇木等解送。俟審明後果。係多倫回衆有此等編造謠言之人。再行擒捕治罪。但多倫回衆皆近日移駐。撫循伊等甚為緊要。看來書山不能辦理此事。著納世通前往喀什噶爾妥辦。寄信舒赫德知之。○已未上詣暢春園。問

皇太后安。○諭軍機大臣等。方觀承奏直屬易蔚等州。以次接到晉省寧遠通判關文知六月下旬。有飛蝗落於寧遠之八墩窩村。旋又飛起。漸近邊牆。現在會同總兵和成薩音圖等查辦等語。飛蝗所至。一經停落。必有遺種。今歲直屬蝗蝻。皆上年搜捕未盡所留餘孽。現在既有飛蝗從寧遠漸近邊牆。自必有飛集之所。若不亟為查出。盡力撲除。并創挖種子。務使淨盡。勢必又為明年之患。輾轉萌生。

將何窮已。方觀承既經查辦。當以今年為戒。廣搜迅捕。毋使留遺。方為永杜後患之計。廣昌等州縣。雖已飭令防範。其紫荆關。長城嶺等處。石薄叢積之處。亦宜豫行留心。再鄂弼前奏善岱地方。有蒙古葦塘所出飛蝗來食禾稼。已親往撲盡。此番寧遠所屬。既有飛蝗。何以尚未奏到。著傳諭方觀承。鄂弼務宜彼此關會。於經過之處。尋查蹤跡。於傳落之處。搜盡根株。不可互相推諉。以致貽患。其如何

辦理。並即速行奏聞。尋方觀承奏。臣專委涿州營參將。帶領弁目。前往廣昌。協同地方文武。於晉省交界察探。如有飛蝗傳落一面。撥夫撲捕。仍一面知會鄂弼。一併殄除。報聞。○辛酉。諭今年為朕五十誕辰。已降旨臣工等。不得以合詞慶祝。踵事繁文。至督撫等各進土宜方物。朕不過以其封疆大吏。藉聯上下之情。未可徑斥若藩臬兩司。其位次本不宜貢獻。前庚午年。早經傳旨飭禁。惟託庸等數

人以兼管關差織造故不在遣卻之列乃今日調任甘肅布政使許松佑具摺進貢微特不悉朕意於體制亦屬冒昧已飭奏事處發還恐直省各員未能遍曉效尤之習不可不防其漸並將此明白宣諭知之又諭曰李侍堯等奏縣令才不勝任請分別改教勒休已有旨交部至所稱樂會縣知縣俞元禧年逾六旬不能坐堂理事此則吏治闕茸之尤州縣身膺民社雖日事聽斷猶恐民隱不能周悉乃一坐堂且視為畏途又安用此長吏為也朕臨御天下無日不召見臣工疇咨庶政矧任親民之官而頽廢至此不但難勝司鐸即僅令休致豈足示懲該督等所奏殊非澄敘官方之道俞元禧著革職李侍堯託恩多俱傳旨申飭諭軍機大臣等成衮扎布等奏稱布延圖卡座虛銜藍翎伯吉呈報聞特楞古特人等搶掠烏梁海內大臣察達克等已領兵迎敵隨派福祿領兵二百名防卡

等語哈薩克特楞古特烏梁海等互相盜竊事所時有未必有大隊前來若果有之亦非察達克等所能禦但喀爾喀等每易於傳說驚疑著傳諭成衮扎布惟宜密為辦理仍通飭各卡座嚴加防範并派員巡查不可疏懈又諭曰豐訥亨奏稱烏爾圖布拉克卡座拏獲瑪哈沁供稱布魯特一千餘戶移來阿特巴什居住詢之厄魯特藍翎侍衛色布騰據稱阿特巴什原係厄魯特游牧等語準噶爾蕩平凡有舊游牧皆我版圖布魯特曾經歸附豈可妄行踰越即應體察驅逐但現在問之霍集斯又云原係布魯特之地為準噶爾所侵大兵平定之後布魯特等已移居三四年等語自應查勘明確若果係準噶爾故地則在所必取非可以空言曉示遂能驅逐者此時且佯為不知待來年添駐兵丁回人再行相機辦理其或此地原非準噶爾所有又在特穆爾圖諾爾及巴勒琿嶺之外自當

聽其游牧。即係準噶爾之地。而遠處邊未與我界不相聯附者。亦不必張皇遣兵驅逐。著傳諭舒赫德阿桂等知之。又諭回地現在駐兵伊犁屯田亦駐劄兵丁。需用火藥自多。或係內地運往。或即用回地火藥。著舒赫德查明具奏。如回地火藥可用宜多。為採買解交阿桂收貯。並著傳諭阿桂知之。壬戌

上詣暢春園問

皇太后安。諭曰。成衮扎布等奏稱卡座侍衛

伯吉具報。據阿勒坦諾爾總管扎喇納克等稟稱。俄羅斯博勒和納克舍楞布圖揚帶兵擄掠烏梁海等交界。成衮扎布派驍騎校那爾錫等曉諭烏梁海防範。復咨副將軍等防範游牧。俟有確據。後傳集游牧兵丁前往等語。昨據成衮扎布以特楞古特構兵前來察達克等領兵迎往之處具奏。朕尚謂此事未真。令成衮扎布等妥為偵探。今據總管扎喇納克等復稱。俄羅斯兵到其中為首者。又與

舍楞之名相同。俄羅斯因我等索取舍楞甚急。不能不與。又懷觀望。是以配兵潛助舍楞。使之擄掠烏梁海等。及加詢問。則謂舍楞復逃。擄掠與伊等無涉。以為支吾之計。此事誠非喀爾喀等所能獨辦。必須另費辦理。著傳諭成衮扎布。今且不必張皇。傳集游牧兵丁第查探此舍楞是否。係我等索取之舍楞。察達克帶兵能否保護游牧。不致被賊擄掠之處。查明具奏。再車布登扎布車木楚克扎布係特派照料烏梁海游牧之人。著二人先往查辦。成衮扎布祇須帶兵往布廷圖卡座接應。遣副都統莫尼扎布前往查探。并傳諭察達克圖布慎。今年汝等未往木蘭。甚是嗣後。俟奉旨時再行前往。癸亥。諭軍機大臣等。阿爾泰題參沂水縣知縣大章違例擅責吏員趙芬身死。請旨革職。一本趙芬私砍祖塋樹株。并主使伊子斧傷族人。情甚兇橫。該縣索犯竟抗不遵。即予責懲。尚屬執法不足為

過豈得以該犯年邁恃符而本管官竟莫敢誰何。該縣因一時杖責致斃殊與違例濫刑者有間。該撫但循成例遽請革職辦理未免拘泥。著傳諭阿爾泰令將此案是否另有別情抑或實係該縣任情酷責難以姑容及大章平日為官如何之處查明據實具奏。倘情節不過如此竟可無庸叅革也。尋奏查趙芬恃符藐法原有應得之罪大章氣忿杖斃理應據實詳報。詎大章恐干叅揭捏報趙芬中風身死經兗沂曹道龔學海查知以濫刑捏詳稟揭臣因大章朦詳命案是以據揭題叅至大章平日居官辦公尚知畏勉並無劣蹟得旨如此則按例審處後再酌定可耳。工部議覆漕運總督楊錫紱條陳運河酌辦事宜。一河內樁石起除不盡宜驗實叅處查運河為糧艘經由要道凡岸石舊樁必須起除淨盡以免抵觸應令江南河東河道總督飭管河各該廳汛詳加察勘如糧艘並未遇風

因河底石塊舊樁觸漏致溺者令該管地方員弁驗實以觸漏具報免其失防處分將專管河務之文武各員查叅應如所請。照沿河隄岸豫先不行修築以致漕船阻滯例降一級調用。一凡有閘座之越河宜一律疏濬深通查開旁開挖越河原以分洩水勢必須深通無阻糧船亦便往來應如所請令各該河道總督嗣後疏濬運河將越河逐一測量查勘一併疏濬去其柳石樁樑以備運行一管河廳汛宜酌備挑撈器具南北運河向有淤淺處所乾隆二十四年曾經挑挖將應用挑挖器具酌量置備入於交代流傳應如所請並行文各該河道總督遵照辦理從之。乙丑。

上詣暢春園問

皇太后安。諭軍機大臣等前因白鍾山等先後摺奏下河大雨時行河湖盛長附近窪地多有漫溢曾降旨尹繼善等悉心查勘並將

被水處所較乾隆十九年孰為輕重。據實具奏。今該督等奏到高寶興泰甘泉五州縣低窪地畝各有被淹之處。看來下游一帶受水之區。民田廬舍不免成災。但較十九年光景究竟若何。該督等尚未經聲覆。倘果被淹分數較重。則豫籌撫卹賑借。皆地方官切要政務。至南巡辦差。正不妨酌量稍緩。即如上屆南巡原定於二十一年舉行。因江浙經理查賑。即降旨改期。此皆該督等身親承辦之事。

况開歲恭逢

皇太后七旬萬壽。敕天同慶。即稍遲一年至壬午之春敬侍

安輿。俯慰南服士民頌祝之忱。仍可恆輿情而叶盛典。何必遽為汲汲。著傳諭尹繼善等令其速將該處被災地方比較實在情形熟籌妥議。具摺奏聞。慎勿以南巡差務已經辦有端緒。遂意存回護也。尋奏查下河被淹州縣高郵約十分之九。興化十之七。寶應泰州十

之五六。該處被災情形較十九年畧重。其餘淮海各屬安東桃源清河被水較重。阜寧山陽海州沐陽次之。較十九年情形尚輕。臣現與撫臣委員查勘。災重者先行撫卹一月口糧。餘照例分別給賑。得旨覽奏俱悉。丙寅上御勤政殿聽政。諭軍機大臣等據永慶奏稱有喀什噶爾所屬阿喇古卡座佐領羅頗里等被阿喇古村回人喀喇和卓聚眾三百餘搶掠。隨經脫出。又遇回人二百餘圍守。三

晝夜。領催格尼德未經脫出。馬甲遜濟勒圖輝布爾賽卓巴圖爾奎蘇木保卓哈六人陣亡。賊仍急迫奮力相拒。始至烏什等語。此等回人肆行滋擾。其中必有渠魁。為之謀主。舒赫德等務將倡亂之人盡行弋獲。嚴加辦理。俾眾知懲。誠從前厄魯特等虐使回人。乃染其習氣。轉相倣效。大抵回人等威之則懼。撫之則驕。不可徒事姑息。此次阿里衮所辦甚妥。但現在來京。海明既視為大事。心存懼怯。

而舒赫德又若為無事意在消弭俱屬非是著傳諭知之○以禮科給事中朝銓為盛京刑部侍郎○丁卯諭軍機大臣等前因福建湖南俱有缺水之處因思廣西與湖南接壤湖南既得雨未透則該省毗連之處恐亦未能一律霑足今聞該省果有缺雨處所何以鄂寶竟未奏及玩視民瘼諱飾水旱可乎著該撫速即據實具奏以慰朕懷至黔省亦係接壤之地五月中曾兩次得有透雨此後雨水情形何如並著傳諭周人驥查明速奏尋鄂寶奏粵西今歲自春徂夏雨水調勻惟與湖南接壤之全州灌陽興安平樂修仁柳城等六州縣於六月上中二旬雨澤稍缺至六月下旬以來各屬俱已深透即全州等六處亦皆霑渥現在晚禾茂盛可卜有秋又周人驥奏黔省今歲雨暘應時入秋以來時晴時雨高下田禾無不暢茂實係大有之年報聞○又諭曰舒赫德奏豐訥亨報稱布魯特人

等應否准其在阿克巴什游牧臣因查閱富德所繪特穆爾圖諾爾地圖并無阿克巴什之名詢之厄魯特等云此地係布魯特那林郭勒之西山從前準噶爾曾奪取為沙喇斯游牧似非越界隨咨行阿桂於巡查之便再行質詢明白等語舒赫德既查閱地圖阿克巴什原係布魯特游牧雖經準噶爾占據而離伊犁甚遠即應以無庸辦理具奏何必再行質詢伊乃總理回部大臣豈得自比豐訥亨不敢徑行決斷今詢據富德奏稱阿克巴什相離甚遠從前繪圖時即未採入等語著傳諭舒赫德嗣後事有應行決斷者不可存推諉瞻顧之見○吏部議覆湖南按察使嚴有禧奏稱賊匪偷竊衙署應從嚴治罪經河南布政使蘇崇阿條奏不論犯次賊數照積匪例充發如係三犯及計賊滿貫者擬絞入於秋審情實查衙署被竊官員承緝不力原有處分定例但賊至滿貫始有半年不獲查

參罰俸之條。並無展參處分其贓未滿貫者。並無逐案查參之限。今既將罪名加重。而承緝處分仍舊。恐官民無所分別。請照辦理民間盜案例酌加處分。應如所奏。嗣後衙署被竊。除有關倉庫錢糧者。仍照例題參疎防外。其行竊署中物件。贓非滿貫者。照民間滿貫之案。扣限查參。不獲罰俸一年。其贓已滿貫者。初參照民間滿貫案。罰俸一年外。再限一年緝拏。不獲罰俸二年。再外省文武官員。均有地方之責。不能為民除盜。衙署反致被竊。亦應如所奏。無論贓數已未滿貫。均照防範不嚴例。罰俸一年。從之。戊辰。

上詣暢春園問

皇太后安。以英吉沙爾總兵揚寧為喀什噶爾提督。頭等侍衛福永為英吉沙爾總兵。已已。諭據成衮扎布等奏。稱總管扎喇納克等遣人傳喚俄羅斯博勒和納克。並未前來。據自俄羅斯放回五人。至阿勒坦諾爾稟稱。

俄羅斯非與天朝構兵。緣為分疆界而來。水之南流者為天朝之界。北流者為俄羅斯之界。克木克木齊和寧嶺兵一千名。喀屯河兵五百名。額爾齊斯兵一千名。阿勒坦諾爾兵一千名。共遣四路兵來分疆界。烏伊喀喇齊。潦設一標記。阿錫勒班設一標記。阿勒坦諾爾設一標記。共設立三處標記。而返。隨遣副都統莫尼扎布速行前往。詢明扎喇納克等。令於被獲五人內。擇通曉事體者一二名帶

至詢問等語。看來彼處並無大事。俄羅斯人等特因數年來。知大兵勦滅準噶爾。平定回部。收服哈薩克布魯特各部落。甚為惶恐。故佯遣人巡察阿勒坦諾爾等處地方。明係試探內地消息。是以朕前降旨。不必以此為事。紛紛豫備。但伊等既在克木克木齊等處駐兵。烏伊喀喇等處設立標記。若任伊等侵占疆界。亦殊不可。然此事今歲亦不必辦理。來年令阿桂酌派副都統一員。帶兵數百名。至

額爾齊斯地方。京中派一、二大臣會同車布登扎布、車木楚克扎布、棟派扎哈沁、杜爾伯特兵一千名。度阿爾台前往額爾齊斯地方。兩路會哨巡察阿勒坦諾爾等處。果有設立標記。即行拆毀。如有屯駐人等。即行驅逐。俟伊等辦理完畢。奏到日。再行降旨。至來年何時可以進兵。約於何地會哨之處。著阿桂、車布登扎布等詳籌咨商。一面辦理。一面奏聞。

○庚午。諭八旗兵丁。凡遇派出差務在部支領路費銀兩。原係按月支給之項。設有在途病故者。例應計日扣算追繳。但念伊等因公奉差。在途病故。其中無力繳還者居多。嗣後凡出圍牧廠及一切差務。如有在途病故者。著加恩一概免其追繳。永著為例。刑部議覆河南按察使蔣嘉年奏稱。查例載本夫於姦所獲姦。當時將姦婦殺死。審明姦情是實。姦夫擬絞。本夫杖八十等語。誠以本夫之殺。激於義忿。姦婦之死。由於被姦。故特寬本夫

之罪。而以姦夫擬抵也。至捉姦時。適有親屬聞聲勸助。黑暗之中。或轉身之際。本夫及例得捉姦等誤。認為姦夫。以致登時斃命。姦夫乘隙脫逃。在本夫因捉姦之故。誤殺旁人。自應照例定擬。而首禍之姦夫。既却旁人於非命。復陷本夫於重罪。乃止科姦罪完結。情法尚未平允。應如所請。將脫逃之姦夫。照本夫登時殺死。姦婦將姦夫擬絞。例減一等。杖一百。流三千里。但查殺姦義忿。定例祇許本夫。其有服親屬。但准捉姦。而不准殺姦。其有誤殺。恐有挾私情弊。未便照本夫一體問擬。仍照各定例科斷。從之。○以編修張裕華錢載充日講起居注官。○辛未。

上詣暢春園問皇太后安。○還宮。○是月。江南河道總督白鍾山奏查下河一帶窪地。上游來水日增。兼聞外海潮頂阻。易至停蓄流緩。應作何設法疏滌之處。俟水勢消退後。細勘情形。如有淤阻

應行疏濬。另請辦理得旨。此語不通。既云海潮長相抵。則非江口淤阻之故可知矣。且海潮果長。則賴此淤阻為之限制。不猶愈乎。但恐海潮相抵之語不實。而江口淤阻所致耳。不可迴護。一一明白奏來。若實因海潮。則天地自然之數。何必費帑復為疏濬。而轉引海水入江耶。更恐疏濬亦有其名而無其實矣。尋奏查洩水各河。俱於前歲水利案內挑濬深通。其歸江之路。實無淤阻處。緣興鹽泰州等處。范隄各閘外。向有歸海之引河十餘道。係宣洩下河諸水之要路。恐其間或有停止處。是以擬俟水落後。察勘情形。如果應行疏濬。另請辦理。若可不須疏濬。斷不敢輕費帑項。得旨。覽奏俱悉。

浙江按察使李治運奏。臣前以解犯與差役連鎖一事。冒昧陳奏。部議降調。蒙恩從寬罰俸。具摺謝恩。得旨。因過於嚴而得罪。莫又矯枉過正。一味過寬。沽名但一有心。必無實政。切戒。河東河道總

督張師載。河南巡撫胡寶瑤。奏。覆臣等遵諭。挑濬各河。相機籌辦。查各河皆過水之道。凡由支達幹處。不無浮沙停淤。應即剷削平坦。其河灣濶洄。搖漾對岸。必有衝刷。惟徹底削平。則水勢益順。再各河有隄處所。或因盛漲衝刷陡立。宜即時加鑲。隨勢整治。或剷去陡隄。今作坦坡。以漸加高。或應加築裏戩。以培養於後。或再建涵洞。以時啓閉。逐細測量。相其緩急。酌辦得旨。甚妥。甚詳。永久實力行之。

利民不淺。山東巡撫阿爾泰。奏。東省本年雨澤普遍。高下俱慶。有年。惟蘭鄆濟寧三屬。於夏杪秋初。連日風雨大作。積窪田禾。不無傷損。現委員確勘。如果歉收。即親赴妥辦。不敢因通省之豐收。畧此偏隅之歉薄。得旨。甚是。應撫恤者。妥協辦理。俾霑實惠。山西巡撫鄂弼泰。據助馬路叅將寶爾們等稟報。六月二十四五等日。有螞蚱從西北飛入。寧遠廳屬。隨即帶領兵夫。奮力撲捕。禾苗雖有損

傷尚未殘毀。臣前往助馬口外察看。因取閱所捕飛蝗頭翅。雖近蝗蟲。然身不甚大。農人皆呼為螞蚱。但業已高舉遠颺。即係飛蝗。撲捕尚易。不至飛騰蔓延。得旨慎莫為此言所誤。方觀承去歲即坐此病。總之蝗蝻如草賊。惟有極力翦滅之而已。無別法也。切莫姑息。

諱飾。四川總督開泰奏。川省華銀山地方毗連巴州等處。奸匪易藏。乾隆十四年經前撫臣題准。將順慶府通判移駐大溪口。重慶

平定縣志卷之十二

三

鎮標守備分駐大菴川北鎮標外委分駐木板凳。文武會同查緝。原議五年之內。地方寧謐無事。咨部議敘。近據藩臬兩司詳請。現任移駐大溪口通判永慶。分駐木板凳把總曹聖。各以五年期滿。呈請議敘。查華銀山一帶數年寧謐。實由各地地方官合力辦理所致。該通判等雖亦照例巡緝。並無實在案件可紀。除將通判等呈請駁飭外。請嗣後各員弁若值期滿。必實有功績可紀者。咨部量予議敘。

其尋常供職。不得以五年之例濫請得旨。公當之極。雲貴總督愛必達等奏。南掌國今屆貢期。來使人役較多。一切賞號查照上屆冊案。應增應減。確覈撙節辦理。得旨。用之於外夷。不可言撙節。但不可令不肖屬員冒銷侵沒。而外夷仍不得實惠。則汝之咎矣。

平定縣志卷之十二

三

大清高宗法天隆運至誠先覺體元立極敦文奮武孝慈神聖純皇帝實錄卷之六百十七

大清高宗法天隆運至誠先覺體元立極敷文奮武孝慈神聖純皇帝實錄卷之六百十八

監修總裁官經筵講官太子太傅文淵閣大學士文淵閣領事內大臣稽察欽奉 上諭事件處管理

吏部理藩院事務高宗純皇帝實錄滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十五年庚辰八月壬申朔

上詣

大高殿行禮○幸圓明園○遣官祭

關帝廟○癸酉遣官祭昭忠祠○諭軍機大

臣等海明等具奏審訊搶掠庫勒塔哩木臺

站賊首柰那克和卓一摺柰那克和卓信聽

浮言輒搶掠臺站情殊可惡其附從為惡者

亦勢所必有著舒赫德額敏和卓海明等逐

一嚴查按律分別辦理勿得稍有疎縱始足

為黨惡者戒其辦理之處仍照朕前旨四品

以上者拏解京師五品以下者審明在該處辦理示衆○又諭前據成衮扎布奏稱俄羅斯人等在克木克木齊等處駐兵在烏伊喀喇齊潦等處立標等語當經降旨令車布登扎布車木楚克扎布於明年選派扎哈沁杜爾伯特兵一千名由阿爾台至額爾齊斯與阿桂會合前往巡查今覽車布登扎布等所奏俄羅斯駐兵立標俱係濟喇那克旗布魯特人等捏造之言實無此事其扎哈沁杜爾伯特兵丁著不必派遣至阿桂明年既係領兵前往巡查塔爾巴哈台等處著順便領兵一千餘名前住額爾齊斯等處巡查相機妥辦○又諭曰海明等奏稱隨豐安等擒獲搶

臺賊匪柰那克和卓官兵及葉爾羌伯克等俱屬奮勉除吐魯番藍翎侍衛阿瑞密喇布葉爾羌商伯克托克托和卓之子邁邁咱爾和卓阿布都尼咱爾俱著賞藍翎六品頂吐魯番驍騎校阿舒爾等酌賞布疋皮張外其

奮勉効力之護軍校署章京通吉布等開列功次具奏等語。通吉布等俱著交部議敘。托克托和卓亦酌量獎賞。收得逆書即行呈報之伊什罕伯克阿布都喇伊木前已加恩獎賞。仍著記名。以阿奇木伯克用。遇缺即補。又諭曰海明等奏請續頒獎賞翎頂已如數發往。但所賞孔雀翎藍翎較之頂戴更宜慎重。必實係効力行間超羣出衆者方足以示鼓勵而昭榮寵。若稍能詎勉即行賞給則伊等轉視為尋常不知寶貴矣。著傳諭舒赫德等知之。○乙亥。

上奉

皇太后幸同樂園侍早晚膳。○諭軍機大臣等舒赫德奏內地所用銀兩攜至外藩交易有發無收將來恐致耗散請將綢緞多為解送較原價酌增運費則銀兩亦可漸次收回等語。所見甚是。著傳諭楊應琚等籌酌辦理。但所估價值祇增運費則未免太廉即如綢緞

亦內地所貴重行至外藩自當酌量物情以定價值。若初次價賤則奸商回人等私行興販徒為伊等之利。著舒赫德隨時籌畫酌量定價行之數年再為平減亦可。惟不得任商販私行攜帶減價售賣內地商販無多亦易於稽查禁止也。○丙子。諭軍機大臣等阿里衮奏阿喇古阿奇木伯克察拉瑪之弟呢雅斯子摩羅和卓俱賊首邁喇木之黨察拉瑪現往京師不便仍留該處等語。從來叛逆親屬俱行緣坐但察拉瑪以入覲來京或不知情著從寬免其治罪仍留本身品級但令其居住原處伊亦不能自安可行文沿途駐劄大臣於察拉瑪經過時即派妥員并其家口解送來京仍將格外加恩之處曉示察拉瑪及回衆知之。○丁丑。祭

先師孔子。遣和親王弘晝行禮。○諭晉省連年歉收屢經降旨加恩緩徵。今歲該省各屬晴雨均調夏秋二禾俱獲豐稔節年民借三

倉穀石與本年青黃不接時出借穀石均應於秋收後催徵還倉即分年帶徵民欠地丁錢糧與現年新糧均應於秋後起徵但念此等穀收處所本年幸遇豐收正宜及時休養俾安樂利若令新舊銀米一時並徵民力未免拮据著再加恩將二十五年領借常義社三倉穀石分作三年帶徵至分年帶徵舊欠各項地丁銀米亦著加恩本年暫緩徵收總俟明年秋成後再行酌量徵還以紓民力

清實錄

五

順天鄉試以兵部左侍郎兼管府尹熊學鵬府尹程盛修為監臨官左都御史劉綸為正考官內閣學士介福為副考官○戊寅祭

大社

大稷遣履親王允禩恭代行禮○兵部議覆廣州將軍福增格奏稱廣州設立水師係旗營防守海疆要務營兵在外洋操演水戰必須大員督率臣與副都統瑚圖禮會議每年輪派一人前往親閱操演於海面情形既可通

曉而兵丁亦可諳習海勢風濤駕駛得宜應如所請從之○己卯諭獻歲恭逢

皇太后七旬萬壽擬於新春敬奉

安輿時巡南服俯慰士民頌祝之忱并順道閱視徐州石隄及海寧塘工因降旨令該省地方官修整道路橋梁照例豫備今歲大江以南在在豐收惟夏間雨水稍多河湖盛長高寶興泰一帶低窪處所頗有漫溢前因河臣等先後摺奏特傳諭尹繼善查明下游被水之區豫籌撫綏復恐地方有司承辦南巡差務轉於賑卹事宜不能盡心經理是以諭令該督將實在情形確查具奏候朕降旨酌緩巡幸今據奏到高寶等處被水較重該處既現已成災亟宜以賑務為切要南巡一事原不妨酌量改期該督身任封疆自當權其緩急早為奏請何必待朕詢及始以入告耶所有南巡應辦差務暫行停徹改於壬午春恭奉

慈輦以慰輿情。仍可攬民風而昭盛典。大差既經停止。自可專心辦理賑務。該督等務宜仰體朕懷。董率僚屬。確按災地情形。實力妥辦。勿使窮黎稍有失所。以副朕痼瘼在抱之意。該部即遵諭行。○諭軍機大臣等。阿桂奏稱追捕戕害德舒賊人色布騰和濟格爾等。至塔爾巴哈台。賊已經過戈壁。亦未見哈薩克游牧蹤跡等語。此等餘孽。遁逃求活。前往古爾班察爾想投向俄羅斯。朕昨諭阿桂來年領兵巡察額爾齊斯等處。當偵探此等賊人藏匿之處。以大兵掩襲。不可驚散。或投入俄羅斯。即以不匿逃人之例曉示。并云入境追捕。於爾等毫無損害。若能擒獻。即可回兵著傳諭知之。○兵部議准。湖廣總督蘇昌奏稱。苗疆俸滿人員。副叅以下。遊擊以上。例得保題陞用。但俸滿時。尤必詳慎甄別。如材技俱屬中平者。祇應調回內地。不准即陞。倘營伍廢弛。亦應隨時叅處。不得以俸深免議。從之。

○庚辰。

太宗文皇帝忌辰。遣官祭

昭陵。

上奉

皇太后還宮。○詣

皇太后宮問安。○還宮。○壬午。

太祖高皇帝忌辰。遣官祭

福陵。○諭。今年為朕五十誕辰。內外大臣奏請

慶賀者。前經降旨。未准舉行。今行聖公孔昭

煥。尚書嵇璜等。俱係在籍之員。跋涉遠來。隨

班慶祝。情誼肫摯。宜量加賞賚。共慶鴻庥。孔

昭煥之祖母。暨嵇璜蔡新李清芳鄧時敏之

母。俱各賞給扁額。以昭優寵。孔昭煥仍加賞

表裏各十端。嵇璜加賞表裏各八端。蔡新李

清芳田懋俱加賞表裏各六端。鄧時敏葉一

棟俱加賞表裏各四端。其休致之宗人府府

丞徐杞著加一級。革職侍郎彭樹葵著賞給

三品頂帶。仍各賞表裏四端。用彰推恩。敷錫

之至意。○又諭朕此次巡幸木蘭。著履親王和親王。大學士來保。蔣溥在京總理事務。其月選之文員內通判州縣等官。武員內八旗護軍校驍騎校。及外省送到之補放水手官驍騎校。并年滿千總等官弁。俱著王大臣照例驗看。至外省督撫提鎮等奏摺。著照例自啟鑒之日為始。俱齎赴在京總理處加封。交內閣隨本呈送行在。候朕批示。隨本發回。仍於在京總理處。交齎摺人祇領。該部通行傳

諭知之。○諭軍機大臣等。前因噶隆阿奏莊浪副都統佛倫接濟兵力。及買補缺額馬匹等欠項一萬六千餘兩。請展限扣還。朕因陝甘各營未扣銀兩。當不止莊浪一處。諭令該督等查明具奏。今據軍機大臣會同督臣楊應琚議。查吳達善摺內查奏各項未扣銀兩。俱經現在辦理內。如佛倫因公借欠一項。應統俟查辦到日。請旨酌量展扣等語。朕念該營未經奉有緩扣諭旨。恐仍先照例扣還。兵

力未免拮据。著吳達善將佛倫此項銀兩。暫行停扣。統俟各案查明奏到後。再行分別降旨可也。尋據陝甘總督楊應琚。莊浪副都統噶隆阿。奏覆查原任副都統佛倫因公借欠各項銀一萬六千二百餘兩。內除買補缺額。並添餉馬匹等項。共銀一萬五百七十餘兩。原係軍需借欠之項。應統歸兩省滿漢各營軍需借欠案內覈辦。惟佛倫接濟兵力。借支銀一萬四千六百餘兩。除節次查扣外。尚未

扣還銀五千六百九十餘兩。此項原因歲值歉收。於應支折色兵餉內。豫期借支。並非軍需借欠之項。自應即行查扣。惟是莊浪滿營馬甲計僅一千名。今又有分作六年十年應扣之項。若復將此項豫支餉銀。即行扣還。兵力誠未免拮据。請將此項豫支未完餉銀。分作兩年查扣歸款。得旨。如所議行。於前項扣完時。再扣。○軍機大臣等議奏。據將軍成衮扎布奏稱。土謝圖汗。扎薩克圖汗。賽音諾顏

等各部落旗人貧苦者衆。充當差務。伊等馬匹缺乏。不敷騎用。請仍令車臣汗部落人等。照前一體均勻當差等語。查喀爾喀等除坐卡安臺牧養馬匹外。並無他項差務。偶遇災祲。亦蒙加恩賑卹。何以復至貧苦。若此。恐扎薩克圖汗等有勒索屬下。及藉端僥倖等情。業經降旨。令成衮扎布查奏。今據覆奏。並無勒索捏報等弊。但前次調兵一千名。土謝圖汗部落有五十。六佐領。令派出兵五百名。賽音諾顏。扎薩克圖汗二部落共派兵五百名。車臣汗部落。因係停差。未出兵丁。所辦不均。遂至桑寨多爾濟等。屢次具報。查車臣汗部落。前因被災。令其暫停差務。並非永遠停止。業經休息數年。嗣後喀爾喀等一切差務。請令車臣汗部落一體充當。但該部落人等在東面極邊居住者衆。應令成衮扎布量其游牧遠近。酌為派遣。俟數年後。該部落生計充裕時。再令一體供應。從之。○河東河道總督

張師載奏。查河工設立河兵堡夫兩項。修防隄埽工程。向有缺出。募民頂補。河兵係武弁。管轄力作守兵。每名歲給餉米銀十四兩。椿埽戰兵二十兩。堡夫係文員。管轄工食銀六兩。同屬修防勞苦。所得餉米工食。數大相懸。且河兵由守拔戰。拔外委。拔分防。遞陞至千把。以上進身有階。堡夫工食外。別無寸進。是以河兵缺出不待招募。即報充有人。堡夫缺出。多觀望不前。查雍正年間。設立河兵原係堡夫送補。今堡夫既多困苦。而河兵所辦工程。皆堡夫素所熟睹。應照例調劑。飭道廳營汛。嗣後凡遇河兵缺出。武汛即移知文員揀選。精壯堡夫頂補。得旨。甚是。如所議行。○

上詣

大高殿

壽皇殿行禮。詣

皇太后宮問安。○諭軍機大臣等。據永慶奏稱。

伊犁察布沁臺員報稱。牧放馬匹兵丁六名。夜間遇二十餘賊。被擒者四人。天明脫回。告稱。被賊帶至特克斯河釋放等語。此四人已被賊擒。豈肯釋回。使我知其蹤跡。著傳諭阿桂。親往查訊。若情節不實。則因疎防一二嗎哈沁。而妄言賊勢衆多。致駭觀聽。此風斷不可長。即以軍法從事。此等賊人。諒亦不能遠颺。著派伊犁領兵百餘名。從伊犁至穆素爾嶺。一路搜捕。務期肅清臺站。毋令滋擾。○又

平定六十二

諭曰。桑寨多爾濟奏喀爾喀四部落除車臣汗暫停官差外。其三部落遵旨派兵一千名。而土謝圖汗一部。已派兵五百名等語。朕以為三部落佐領相等。應均勻出派。何致一部落即居其半。或成衮扎布。因身任將軍。有所偏徇。今查該衙門冊籍。土謝圖汗一部落。即有五十六佐領。扎薩克圖汗賽音諾顏二部落共五十二佐領。若以按丁出派而論。則尚當加增數人。並無偏徇。桑寨多爾濟以此陳

奏。甚屬非是。嗣後宜痛改此等陋習。著傳諭知之。○軍機大臣等議覆。陝甘總督楊應琚奏。稱節省甘肅經費事宜。查各提鎮裁減名糧十分之一。歲省銀二十三萬九千五百餘兩。各標名糧酌改馬六步四。歲省七萬四千餘兩。緩購摘缺馬七千三百餘匹。歲省十萬五千三百餘兩。裁撤西寧口外臺卡官兵。歲省九千七百餘兩。裁汰瓜州渠道官兵。歲省三千四百六十餘兩。撤回安西推莫爾圖官兵。歲省七百七十餘兩。共計節省銀四十三萬餘兩。至安西提標官兵。仍遵前旨移駐巴里坤。以聯絡哈密。所有專派防兵二千名。即可全撤。歲省十萬餘兩。應如所請。從之。○又議覆。總督管甘肅巡撫吳達善奏。稱陝甘綠營馬。定例於夏秋放廠。冬春收槽。現各標存營馬。除征騎外出。及摘缺裁扣外。其現存較原額不及十分之八。今屆收槽之期。請將安提肅鎮二處現存馬。以七分收槽。三分下廠。

平定六十二

其餘陝甘二提。西涼寧河四鎮等營馬。統以六分收槽。四分下廠。既於差操無誤。兼可節飼餼之費等語。查肅州安西俱邊口要地。現軍務雖已告竣。而遞送文報及各處屯田差使往來。俱係派撥營馬供應。實與內地營分不同。其陝甘二提等情形。亦大畧相似。應如所請。從之。○甲申。

萬壽節

上詣

奉先殿行禮。○遣官祭

太廟後殿。○遣官祭

福陵

昭陵

昭西陵

孝陵

孝東陵

景陵

泰陵。遣官祭

孝賢皇后陵。○遣官祭

顯佑宮

東嶽廟

城隍廟。

上詣

皇太后宮行禮。○御太和殿。王以下文武各官進表。行慶賀禮。○乙酉。秋分夕。

月於西郊。遣顯親王衍潢恭代行禮。

上詣

皇太后宮問安。○奉

皇太后御暢春園。○辛酉。明園。○丙戌。

上詣暢春園問

皇太后安。○諭明年恭逢

皇太后七旬萬壽。欽奉

懿旨。來歲春和。虔諏吉日。祇謁

泰陵。用申誠悃。五臺顯通寺。為文殊師利道場。

梵宇琳宮。夙昭靈應。謁

陵成禮後。順道前詣拈香。欽此。所有應行典禮。

各事宜。著該衙門及地方有司。照例敬謹豫備。○諭軍機大臣等。烏魯木齊駐劄大臣及官員頗多。須將總理分辦之人。區畫明晰。嗣

後該處一應事務。著以安泰。定長。永德為總辦。列名具奏。其餘大臣侍衛等。俱照領隊大臣例。各指與一處專管之事。報知安泰等轉奏。再該處滿洲綠旗官員。亦覺太多。多一官。則本官應得分例。及跟役等行糧。徒滋糜費。著傳諭安泰等於滿洲綠旗官員內。効力未

平錄卷六十八

二十八

久。人可造就者。酌量足供差遣。准其留用。餘俱裁汰遣回。仍將留存撤回官員。列名具奏。○又諭曰。成衮扎布等奏。從哈薩克來投之厄魯特鄂勒推。係杜爾伯特剛多爾濟所屬。情願領回。烏梁海塔爾巴等詢之察達克等。非其所屬。亦願收領。或照伊等所請。或另行辦理等語。從前投來厄魯特等有遣往呼倫貝爾者。因無可歸。併安插之處。是以如此辦理。今鄂勒推等現有人收領。又何必另行籌

畫。徒費資糧。著傳諭成衮扎布。即照剛多爾濟察達克所請。將鄂勒推塔爾巴等領回安插。嗣後有似此者。俱酌照辦理。

平錄卷六十八

二十八

大清高宗法天隆運至誠先覺體元立極敷文奮武孝慈神聖純皇帝實錄卷之六百十八

大清高宗法天隆運至誠先覺體元立極敷文奮武孝慈神聖純皇帝實錄卷之六百十九

監修總纂官經筵講官太子太傅文淵閣大學士文淵閣領事領侍衛內大臣稽察欽奉 上諭事務處管理

吏部理藩院事務正黃旗滿洲都統世寶額都統軍功加七級隨帶加一級尋常加二級軍功紀錄一次慶隆

總裁官經筵講官太子太傅文華殿大學士文淵閣領事稽察欽奉 上諭事務處管理刑部戶部三庫事務

世襲將都統軍功加十九級隨帶加二級又加二級臣董誥尚書戶部尚書錢謙益滿洲都統軍功紀錄五次

尋常紀錄十四次臣德璜經筵講官太子少保工部尚書紀錄六次臣曹振鏞等奉

敕修

乾隆二十五年庚辰八月丁亥以甘肅西寧

平定人三十一

鎮總兵金梁陝西興漢鎮總兵汪騰龍對調

○戊子諭河東夏間雨水稍多池鹽出產減

薄本年新商配運已屬拮据所有舊時額引

更難如期配銷著再加恩將二十四年額引

展至來年六月清繳至二十二三兩年帶徵

課項業經疊次加恩寬作三年分限徵銷例

不應再為寬緩但念鹽池產薄購運維艱商

力未免竭慶著將二十二年帶徵之項於來

年十二月奏銷二十三年兩限帶徵之項於

二十七八兩年十二月奏銷其二十三年帶

銷之引仍隨二十五六兩年額引一併清銷

以紓商力該部即遵諭行○又諭此次開挖

積水潭等處工程之步甲著賞給錢糧一月

○己丑

上以秋獮木蘭奉

皇太后自圓明園啟鑒○詣

皇太后行宮問安○諭朕此次巡幸木蘭所有

沿途經過地方著蠲免本年錢糧十分之三

平定人三十一

○是日駐蹕南石槽行宮○庚寅喀喇沁貝

子敏珠爾喇布坦故派侍衛前往奠酒并賞

銀五百兩治喪○是日駐蹕密雲縣行宮○

辛卯

上詣

皇太后行宮問安○是日駐蹕要亭行宮○壬

辰遣官祭黑龍潭

昭靈沛澤龍王之神玉泉山

惠濟慈佑龍王之神○諭軍機大臣等安泰

奏稱。自哈薩克來投之厄魯特多羅克等十八名口。派員送京等語。準噶爾全部蕩平。哈薩克布魯特等俱經歸附。從前逃往伊等部落之厄魯特等。苦其役使。必有陸續來投者。或情節實有可疑。及原係台吉宰桑等尚可酌量送京。若本無關係之人。而每次勞費驛站甚屬無謂。著傳諭駐劄伊犁烏魯木齊大臣等嗣後本非台吉宰桑及帶有家口而情節實無可疑者。即隨便酌量安插。或令其牧放馬匹。供備差遣。俱可得力。不必概行送京。又諭曰。如松等奏稱。准阿里衮咨將阿喇古之阿奇木伯克察拉瑪交納世通等在庫車看守。又據噶岱默特呈入覲轉回之喀什噶爾伊什罕伯克阿布都喇伊木噶匝納齊伯克托魁阿喇圖什伯克和扎什托古斯伯克巴伯在霍集占時。即經委任。今聞賊匪倡亂。或生疑懼。請豫為防範。辦理等語。又詢之鄂對等。據稱。此次黨惡人等並無伊等子弟。

應將阿布都喇伊木等交鄂對等加意防範。并密行各駐劄大臣酌量辦理等語。噶岱默特心有所疑。即行呈告。具見悃誠。但阿布都喇伊木等係初次入覲。遣回之人且邁喇木等黨與內並無伊子弟名目。若以曾經霍集占委用。遂疑其反覆。則恐於伊等不無屈抑。而回衆更生疑懼。著傳諭納世通等除察拉瑪遵旨送京外。即行文舒赫德明白曉示。阿布都喇伊木等云爾等係入覲之人。不但未知賊匪倡亂之事。即子弟等亦全無附和者。皇上已洞鑒情形。與爾等無涉。嗣後惟當矢心報効。以期永承恩澤。曉示後仍令照舊辦事。并密諭噶岱默特以天朝法度。惟顯犯罪。惡始行懲治。從不無故猜疑。致有屈抑。但爾誠意可嘉。恩旨深為獎許。俱著遵照辦理。又諭曰。阿桂現在伊犁。總理事務著加恩授為都統。軍機大臣等議奏。據劄都統瑚爾起奏。稱呼倫貝爾地方連年亢旱。牲畜虧損。

兵丁生計蕭條游牧處水泉甚多請於新降之塔哩雅沁回人內約派百餘名前往指導兵丁引水灌田等語查呼倫貝爾在黑龍江極邊俱以收牧為業比年被災缺乏若賞給牲畜孳生數年即可寬裕如謂伊等貧苦已甚必需耕作現在解往肅州賞給官兵為奴之塔哩雅沁回子甚衆擇其善灌田者百餘人派往指導亦屬可行其應如何辦理之處請交將軍綽勒多體察彼處情形妥議到日再行議奏得旨著照瑚爾起所請行尋奏查解往肅州回子甚多應令陝甘總督揀派一百名約五六十人給車一輛送京兵部亦照此辦給送往呼倫貝爾但回子百名併家口即有二百名一時遣往恐米貴難以支持請將其妻子暫留齊齊哈爾支給口糧俟秋穫後陸續遣發先將男丁送往每人給籽種官牛及冬裘襁具等物與索倫巴爾虎等通力耕作至分莊授田按則升科之處交該將軍會

同副都統妥議具奏從之○以頭等侍衛伍岱為正黃旗漢軍副都統永德為鑲黃旗蒙古副都統老格為正紅旗蒙古副都統○是日駐蹕兩間房行宮○癸巳

上詣

皇太后行宮問安○是日駐蹕常山峪行宮翼日如之 甲午

世宗憲皇帝忌辰遣官祭

泰陵○諭據阿里衮奏稱竊盜扎克達台及額

斯圖額爾圖錫等邊卡馬匹牲隻賊匪俱已

拏獲等語此次官兵奮勉當即將賊匪盡數

拏獲所有得傷官兵俱著交部照例議叙○

吏部議覆貴州按察使彭寶奏准苗疆命盜

等案停止展限辦理一摺經臣部行文湖南

湖北四川雲南廣西甘肅等省並山西歸化

福建臺灣廣東瓊州等邊遠地方可否照貴

州一例辦理之處令各督撫詳議茲據各督

撫回奏苗獍夷獍久知奉法承審案件未便

仍舊展限。且內地定例。解審人犯。原准扣除。程限。今苗疆既照內地。不准展限。請一體扣除。應如所請。從之。○又議覆陝甘總督楊應琚奏。稱赤金靖逆二衛。經臣奏准改設為玉門縣。但查靖逆衛西至安西。西首邑淵泉縣交界。僅五十里。東至肅州交界。二百四十里。地勢偏於西隅。未便將縣治駐劄赤金衛。西距靖逆一百里。自靖逆至淵泉縣交界五十里。東距惠回堡九十里。自惠回堡至肅州交界

五十里。居中扼要。請將玉門縣移駐赤金衛。應如所請。從之。○參贊大臣阿里衮奏。查審賊犯分別辦理事宜。臣於伯什克勒木等處獲犯。供出聚眾戕害官兵。搶掠臺站之伯克頭目及子弟屬人等共二百二十二名。逐一研訊。內哈子伯克呢雅斯索丕等十六名。尤為首惡。應行解送。其附和為從之小伯克及回人共二百六名。將各犯在喀什噶爾正法示眾。妻子賞給額敏和卓等為奴。再邁喇木

糾合伯什克勒木二十村莊回人拒捕計勒殺四百八十六人。擒獲一百六十七人。乞降男婦一千九十四名。口現在地方空虛。應請將田園房產查明入官。其舊設之哈子伯克密喇布明伯克三缺。裁報聞。○緩浙江安吉歸安烏程長興德清五州縣災地。漕糧銀米乙未。

上詣

皇太后行宮問安。是日駐蹕喀喇河屯行宮。

丙申

上詣

皇太后行宮問安。遣官祭賢良祠。戶部議覆山東巡撫崔應階奏。稱州縣起解錢糧與部撥協餉同關帑項。查解部協餉俱令州縣營汛派官兵按站接遞。惟州縣起解餉銀向未定有派撥護送之條。請嗣後凡遇起解時。除胥吏家人外。應量其所解銀數。一萬兩以下者。撥兵一名。民壯二名。一萬兩以上者。撥

兵二名民壯四名如至二萬兩以上者按數添撥該州縣豫行關會前途由大路解運倘起解州縣不豫行知會任解役潛行小路或接遞州縣已准移文不照數撥護除餉鞘被失照例分別叅處外即僥倖無事亦應將該員等照違令律處分其潛行小路之解役照不應重律杖八十至州縣起解錢糧固須沿途接護而僉差之責尤重如起解時豫行知會而前途州縣亦已撥兵護送倘有疎失應

州縣認賠六分失事之州縣認賠四分

令起解之州縣認賠六分失事之州縣認賠四分如起解州縣不豫行知會以致失事應令一人獨賠至接遞州縣不照數撥護者其貽誤固在失事之州縣而起解之僉差不慎咎亦難辭應令各半分賠均應如所請從之是日駐蹕避暑山莊翼日如之 戊戌

上奉

皇太后自避暑山莊啟鑾幸木蘭。詣皇太后行宮問安。諭軍機大臣等據吳達善

奏甘省靈州之橫城堡河岸衝決現在詳勘修築但如簽椿下埽以及修做木龍等事南河弁兵最為熟練懇飭江南河臣選取素諳河工把總一員河兵四名迅速來甘等語著傳諭白鍾山即於南河兵弁內熟悉河務者如數挑選飭令先赴橫城將應修堤岸會同地方官確估妥辦仍留該省教習沿河營汛其把總即留甘酌補兵丁暫行頂食馬糧俟二三年後教習有成仍咨回本省量加拔補以示獎勵 又諭曰海明等奏審訊搶掠臺站賊犯奈那克和卓等分別正法俱著照所請行海達瑪特等三人毆死臺站官兵著嚴拏務獲正法以彰國憲臺站把總趙義身為職官見賊人搶掠即當奮往擒拏乃被其執縛毆傷殞命非陣亡可比可不必議卹仍傳諭軍營官兵等知之 刑部議覆四川按察使永泰奏稱各省遇熟審減刑除尋常一切輕罪照例援免外凡鬪毆殺人之案律應擬

答者。雖遇熟審。不准寬免。照例發落。又秋審女犯。應擬斬絞監候。情罪顯然。無庸改擬者。一次後。即停解審。應行解送者。令僉解有司。及經過州縣。選擇老成。妥役管解。仍派官媒。婆伴送。均應如所請。從之。○工部議覆江西道御史吳鵬南奏。請督飭司牧。修舉山林之政。一摺。經大學士九卿會議。令該督撫各就地方情形。妥議具題。茲據先後題覆。除福建浙江廣西三省。巡撫等聲稱。所屬境內栽種

無遺。無事再為勸墾。貴州巡撫奏明。現在試種桑麻。俟有成效。再行酌辦。外至直隸等一十五省。各該督撫。疏稱立法各自不同。應令各省凡官山官地。民間情願認種者。官給印照。聽其樹藝。長成後。旁枝准其砍伐。十年後照則升科。至官種之法。應令各該督撫轉飭地方官。有能自出已資。在官地栽種。三年後培植長成。該督撫委員查驗。照栽柳之例。分別議叙。至紳士商賈。捐資栽種。先將成活數

目呈報地方官。三年後亦咨部分別議叙。如數目有限。不及議叙之例者。酌給花紅扁額。應如所請。從之。○是日。駐蹕中關行宮。○己亥。諭江蘇錢穀殷繁。安徽布政使遠駐江寧。所辦專係上江事務。莫若於江蘇添設藩司。分職管理。方為有益。前曾降旨。該督撫等。令其酌議。將安徽布政使仍回駐安慶。而於江蘇增設藩司一員。駐劄江寧。分隸管轄。一切政務。庶可從容就理。今據尹繼善等奏到。請

將江淮揚徐海通六府州。分隸江寧藩司管轄。蘇松常鎮太五府州。分隸蘇州藩司管轄。其安徽布政使移駐安慶。專辦上江事務等語。著照所請。蘇州布政使事務。現有蘇宗阿管理。江寧布政使員缺。即著託庸調補。安徽布政使員缺。著許松佑調補。其應行添設衙署。養廉官吏經費各事宜。並著該督撫等詳悉定議具奏。又諭協辦大學士劉統勳。刑部侍郎常鈞。差往江南。有查辦事件。著馳驛

前往諭軍機大臣等據尹繼善等奏蘇宗阿具稟江蘇藩庫存貯耗羨存公二項銀兩內共缺少七十餘萬兩一摺殊深駭異已於摺內批諭矣。經管錢糧固屬藩司專責而督撫平日稽查出納更宜察覈周詳稍有絲毫不清即當嚴行查究以杜竄弊何至侵虧如許之多尚漫無覺察則所謂盤庫交代出結者何事。該督撫等乃憤憤若此至蠹吏顧涵業已供認自屬此案要犯蘇宗阿在藩司中

平定人三十一

尚屬能事之人此案尤非尋常侵蝕可比何以不將該犯亟行監禁而任其散處科房畏罪自盡臬司蘇爾德既經該撫派委會同藩司清理亦何以聽其自戕而畧不經意耶且侵蝕至數十萬之多豈有不早露風聲之理亦斷非一人所能為也其中必有別故此案發覺已閱月餘尚未確有頭緒看來非該督撫等所能專辦已令協辦大學士劉統勲刑部侍郎常鈞馳驛前往可傳諭該督撫等先

將案內各犯逐一拘齊根究一得實情即速行奏聞俟劉統勲等到日會同審訊尋尹繼善陳宏謀奏覆臣等於八月二十外先後到蘇臬司蘇爾德已先赴臺莊料理滿兵事務據藩司蘇宗阿鈔送各年耗羨存公庫貯奏報并司書程士雄等供首呈稟據程士雄等堅供各年耗羨存公並未缺少俱有印案可查從前本官將奏報與庫存比較銀數多寡不符一切款項不許抵兌歸還凡不對者俱

平定人三十一

算侵蝕嚴刑勒認著令首報祇得畏刑妄認等語臣等查蘇宗阿所送之冊祇以各年庫貯收除銀數與奏報收除銀數較對多寡互異即指為侵蝕既未將硃簿實存銀數滾算確切又未將各年收放案據比較明晰而訊問書吏各供復未得其實據是以從前混認此時翻供臣等逐款覈對據蘇宗阿原稟虧缺耗羨銀九萬餘兩清查並無分毫缺少其原稟虧缺存公銀六十七萬餘兩現在祇有

二萬餘兩之節年案據尚需細查其餘六十餘萬已經查清節年動用之數與現存之數實在款款相符並無情弊得旨覽奏俱悉另有旨諭○又諭據開泰奏川省奸民宋朝倫沈在伯羅文秀等邪教惑眾並造作狂悖字帖肆行流傳現在嚴行查辦等語該省僻處偏隅一切邪說惑人之事最易流播况該犯宋朝倫等所造字帖尤為狂悖其所稱岸前琉瓶等字樣必皆隱有所指所當逐一根究

聖諭

嚴加懲治以儆奸頑向來外省習氣具奏此等案件未有不稱從重辦理及至審擬定案非草率完結即姑息從寬則奸宄何自而懲愚民亦何自而知所儆耶著傳諭該督務將此案根查淨盡從重辦理以示懲創嚴加刑訊務得實在主謀者以靖根株勿得稍有輕縱尋奏將先經拏獲各犯隔別研審宋朝倫等以已故匪犯張保太為道岸其行教為首者稱岸前此案初係羅文仕稱岸前繼以孫

學海為教主即指孫學海為岸前而宋朝倫則自稱為代岸前至字帖內琉瓶等項字樣皆屬隱語訊之各犯琉瓶係取流平同音川省惟成都一帶平坦即暗指成都其餘隱語甚多不能細解臣督同司道等徹底根追此案主謀煽惑實係宋朝倫自應從重究擬餘更設東西南北四盤各有首領俱次第拏獲俟訊明按律辦理報聞○戶部議覆漕運總督楊錫紱奏稱楊家莊係漕船由黃入運之所最為險要遇漕船失風該處捕魚小船借名救護乘機搶掠地方官因無責成不行嚴究請酌定處分等語應如所請令該管河縣丞把總約束稽查倘有乘機搶掠即將該縣丞把總照約束不嚴例降三級調用從之○

聖諭

命戶部侍郎于敏中在軍機處行走○是日駐蹕波羅河屯行宮○庚子

上詣

皇太后行宮問安○是日駐蹕濟爾哈朗圖行

宮○辛丑賜扈從王公大臣並蒙古王公台吉等食○以甘肅按察使明德為甘肅布政使調雲南按察使吳紹詩為甘肅按察使以甘肅驛鹽道巴哈達為雲南按察使是日駐蹕碩隆哈達大營是月閩浙總督楊廷璋條奏清釐臺屬邊界酌定章程一臺郡彰化縣沿山番界年來侵墾漸近內地生番逸出為害今據該鎮道勘明於車路旱溝之外各有溪溝水圳及外山山根堪以久遠劃界

實錄卷六十九

其與溪圳不相接處挑挖深溝堆築土牛為界至淡防廳一帶從前原定火焰山等界僅於生番出沒之隘口立石為表餘亦未經劃清今酌量地處險要即以山溪為界其無山溪處亦一律挑溝堆土以分界限一彰邑各處越墾田園新舊界內共二十處或社番自行開墾或贖給民人開墾納租番民均屬相安若安設官莊則地盡歸官番民失業自應遵照乾隆十一年之例還番耕管以各社通

實錄卷六十九

事土目為管事以各墾戶為佃人分別納租仍令各通事土目將經收每年租粟及完納課銀各數目造冊查覈一淡水彰化二屬劃定新界之外其田園埔地盡皆退為荒埔還番管業不許漢人墾墾至如淡水廳所屬之拳頭毋山等處逼近生番時出擾害業經佃逃田荒應徵粟米均應按數豁免其未墾埔田飭令各業佃勒限三年開墾升科一淡彰二處沿邊要隘向派番丁把守今定界之後新屬沿邊共應設隘蔡十處派撥熟番二百一十七名淡水一帶共應設隘蔡一十八處派撥熟番七百二十名加謹防守其番丁口糧彰屬即於該社番租粟內撥給淡屬向無租粟查各社番墾埔現在未墾者尚多應令查出稟墾以資隘丁口糧仍令該管巡檢同附近汛弁於定界各處嚴密巡查得旨覽奏俱悉○總督管甘肅巡撫吳達善奏甘肅布政使蔣炳等奏稱甘省乾隆二十四五兩年

各屬折借籽種口糧銀四十七萬餘兩。例應於今秋徵銀還項。但農民糶糧易銀殊費周折。且甘省倉貯無多。明歲各營兵馬糧料約需四五十萬石。不敷支放。採買亦見繁難。莫若乘此歲豐免賦之時。將所借折色銀改收本色。於九月內秋收已畢。即照時價折徵還倉。應如所請辦理。但甘省每歲供支兵馬糧料。大概以米麥豆為多。而民間樹藝各相土地所宜。就該地所出糧色。按照時價折納。或

實錄卷六十九

二十九

遠鄉納糧不便。仍願完銀者。亦聽其便得旨。如所議行。○四川總督開泰奏。川省民居田地。類皆傍水依山。遇山水長發。溪河窄狹。宣洩不及。本年自夏徂秋。據營山渠縣岳池廣安廣元蒼溪鹽源等七州縣。陸續具報大雨連綿。山溪驟漲。沿河民居田地面被衝坍。淹斃人口。臣飛飭各地方官。照例分別撫卹。再清溪縣一帶橋道及營山西充廣安等州縣城亦間被水衝壞。俱經飭該州縣修補報聞。

大清高宗法天隆運至誠先覺體元立極敷文奮武孝慈神聖純皇帝實錄卷之六百十九

實錄卷六十九

二十九

大清高宗法天隆運至誠先覺體元立極敷文奮武孝慈神聖純皇帝實錄卷之六百二十

監修總裁官經筵講官太子太傅文淵閣大學士文淵閣領侍衛內大臣稽察欽奉 上諭事件處管理

吏部理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次慶桂

總裁官經筵講官太子太傅文淵閣大學士文淵閣領侍衛內大臣稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級尋常加二級軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十五年庚辰九月壬寅朔

實錄卷六二〇

上詣

皇太后行幄問安○行圍○諭軍機大臣等○八

旗官員指俸支借滋生銀兩原以備緊急事

件免致重息借貸按季帶扣輕息作為紅白

事件賞項俾其生計有益在旗人員果能按

已項支借將所借之銀辦理正事樽節用度

而都統等辦理此事計其所得俸餉足敷扣

還始行借給誠為美事今之借銀人員漫無

計慮祇圖目前任意支借銀一到手鮮衣美

食恣意奢費不過一兩月間蕩然無存至於

坐扣之時則以為俸餉盡數全扣口出缺怨

之言都統等平日並不留心妄行借給以至

一人拖欠千兩有餘本身既不能償累及子

孫甚至變其家產入官以甚有益之舉而辦

理不善轉至有累於民此後旗人支借滋生

銀兩各該都統等務須詳計所食俸餉足敷

扣還與否不得濫行借給是日駐蹕布克

大營 癸卯

上行圍 遣官祭

歷代帝王廟○遣官祭

都城隍之神○諭軍機大臣等此次朕巡幸

木蘭廢員內有於途次接駕獻詩者朕俱著

考試優等者降旨帶領引見惟其中原任翰

林鼎即阿身為滿洲亦效漢人獻詩考試時

又甚平庸看來伊從前會試中式必係夾帶

舞弊兩革職後自應悔過自責果能熟習騎

射充補護軍披甲後仍不廢其所學朕聞之

或予以原官。或補授侍衛。俱未可定。今飛郎阿素舍滿洲本業。效尤漢人。僥倖獻詩。諒其詩亦必係假手代作。朕斷不肯復加錄用。使旗人數尤而行滿洲本業。益至廢弛。將此通行傳諭八旗。嗣後旗人務守滿洲淳樸舊習。勤學騎射清語。斷不可薰染漢人習氣。流入浮華。致忘根本。○又諭曰。納世通奏奉到由庫車調往哈喇沙爾辦事沿途防範多倫回衆諭旨。俟體察得實。續行具奏等語。前因阿里哀奏賊犯邁喇木等所供有多倫回人等倡言煽惑之語。因諭納世通密為防範。今據審訊明確。係邁喇木呢雅斯等教令多倫回衆傳說。則並非伊等起意捏造。不須過為防範。仍宜加意安撫。俾伊等坦然無疑。庶新疆安插回人。可以永期寧謐。著傳諭知之。軍機大臣等議覆。參贊大臣舒赫德奏稱各城臺站官兵口糧不敷。請於三四月搭放羊隻。既省運米之費。皮張亦可禦寒。查哈密庫車

等處約羊四萬餘隻。計送烏魯木齊二萬。以一萬轉送伊犁。五千存留庫車。賽哩木拜一萬餘解送阿克蘇。搭放官兵糧餉。其喀爾喀貿易羊。由巴里坤採買。由烏魯木齊轉送伊犁。至布魯特等。雖間有羊來喀什噶爾貿易。但回人爭購。價值頗昂。請俟價平時再為妥辦。應如所請。從之。○是日駐蹕巴顏陀羅海大營。○甲辰

上詣

皇太后行幄問安。○行圍。是日駐蹕哈里雅爾大營。翼日如之。○乙巳

上行圍。閩浙總督楊廷璋浙江巡撫莊有恭奏浙省溫台所屬之五環山孤懸海外商賈不通。民間交易多用錢文。以錢易銀最為掣肘。查該山田地。向係徵收租穀。每年將穀變價以充經費。其盈餘存貯廳庫。計節年存積盈餘經費銀共三萬四千餘兩。乾隆十九年經前督撫臣喀爾吉善等奏准。以海洋遙隔

庫貯不宜過多。請於盈餘內酌留銀一萬二千兩存廳備用。餘銀盡解司庫。但嗣後起解時或因係屬碎銀傾鎔火耗無出。或因本係錢文易銀未便而欲運錢至內地易銀解司。運費未免浩繁。以致解司之項每多遲延。查玉環參將轄有左右二營。每季官兵俸餉赴司給領。除搭放一成錢文外。應領餉銀三千兩有奇。合計歲需一萬二千兩。官兵領餉入手均須換錢零用。現該廳應解乾隆二十三

清錄卷六二〇

上

四兩年盈餘銀共計有一萬一千三百八十餘兩。均係錢文。無從易解。若照該地時價就近抵給俸餉。一年即可放竣。應請於二十五年冬季為始。至二十六年秋季止。將所存一萬餘兩之錢按季照時價八四折算放給左右兩營官兵俸餉。以省運費。下部議行。○廣西巡撫鄂寶疏報蒼梧羅城天河等三縣共報墾水田四頃四十一畝有奇。天保縣田一百四埤有奇。○丙午。

上行圍。○山東道御史吳綬詔奏雲南學政李中簡奏准酌定童生考試格式一摺。據稱滇省僻處邊隅。文風淺陋。童生應試。四書文兩篇。日力既應接不暇。不能兼及詩篇經義。請裁去書文一篇。以一書一經一詩命題等語。該學政所奏。祇就滇省而言。未經概行直省。查各省人文雖多寡優劣不等。但童生小試不能皆拔萃之才。請嗣後各直省童生應試悉照該學政奏准格式。以一書一經一詩命題。其經文既準書藝。務期發揮經旨。闡明傳註。方准拔取。應請於試卷解部時。照四書文一例磨勘。下部議行。○閩浙總督楊廷璋奏查臺灣北路左營石榴班汛之林圯埔地方。內通水沙連番社。中隔大溪。外達觸口。從前因內地偏僻。行人稀少。是以祇於石榴班設汛防守。該地未經議建汛防。近日人烟稠密。商賈往來不絕。奸匪因之潛匿搶竊。時聞應請將林圯埔地方添設塘汛。即於石榴班汛

平錄卷六二〇

六

內撥兵十名。鹽水港汛內。撥把總一員。駐劄巡防。下部議行。○是日。駐蹕濟蘭烏里雅蘇大營。○丁未。

上詣

皇太后行幄問安。○行圍。○調湖廣提督黃仕簡。為廣東提督。以貴州古州鎮總兵李勲。為湖廣提督。調廣西右江鎮總兵王運濬。為古州鎮總兵。○是日。駐蹕齊爾伯庫昂阿大營。○戊申。

上詣

皇太后行幄問安。○諭軍機大臣等。吳達善奏。稱。遵照軍機大臣議奏。於安西等三營。孳生馬內。揀選一千四百匹。解送巴里坤牧放等語。此項馬匹。特令軍營分羣孳息。以圖久遠。獲效。著傳諭巴里坤烏魯木齊伊犁之該管大臣等。務派妥協官兵。加意牧放。不致盜竊傷損。方為有益。現在從哈薩克逃出之厄魯特等。若聞牧羣蕃息。必來盜竊。今地方雖云

寧靜。須仍如用兵時。嚴設卡座。加意防範。倘日久疎懈。致馬匹被盜。或大有傷損。定將承辦之大員官兵。以軍律從事。○是日。駐蹕僧機圖博勒齊爾大營。○己酉。

上行圍。○諭軍機大臣等。據鍾音奏。陝省沿邊各站。額外增添馬一千八十匹。除已徵五百八十匹外。其尚存五百匹。應盡行裁撤。仍照原價。每匹八兩。變價歸款等語。此項額外增添臺馬。從前雖經軍機大臣議令裁撤。但目

下陝甘二省馬價。尚在昂貴之時。若照原價變賣。將來倘有需購買之處。轉不免周章。且現今烏魯木齊等屯田處所。亦皆需馬。是以甘省此項增添臺馬。及孳生馬匹。皆令其解赴巴里坤等處。設廠牧放。今陝省應徵臺馬。事同一例。亦莫若照甘省之例辦理。在陝省既免變賣之煩。而出口牧放屯田處所。可就近撥用。亦甚為有益。著傳諭該撫。令其遴委幹員。妥辦解赴。勿致疲瘦。若業經變價歸款。

即不必另行辦理。尋鍾音奏查陝省馬匹缺額。是以奏明定價八兩採買應用。今裁存五百匹內。各州縣恐糜費草料。於具奏後已陸續變價過二百八十餘匹。尚存馬二百一十餘匹。遵旨解赴牧放。但長途遠解。且時屆冬令。草枯更虞傷損。請將前項現存馬。分發附近各驛餵養。無庸另支草料。俟各驛有應補倒斃額馬。即以此項補額得旨。如所議行。

吏部議覆總督管甘肅巡撫吳達善奏稱。甘省渠寧瓦亭鎮羌苦水大靖五處。先經題准各設巡檢一員。兼司驛務。請將五處巡檢印信。加兼管驛務字樣。再大靖堡向未設驛馬。嗣因軍興差員往來較近。該處改為正站。所調安馬三十六匹。驛夫十八名。僅堪支應差務。並請照原議再募弓兵十六名。至大靖渠寧並無衙署。亦請建蓋。均如所請。從之。

是日駐蹕安巴究和羅昂阿大營。庚戌。

上詣

皇太后行幄問安。侍早膳。蒙古王公等進宴。

行圍。○奉

皇太后閱馬戲。○是日駐蹕薩勒巴爾哈達大營。辛亥。

上行圍。○工部議覆安徽巡撫高晉疏稱。查宿州濉河兩岸通流之處。如西流黃疇沙溝蒿溝。桃溝唐溝栢山等七處。各設有石閘草壩。惟符離集之彭家溝。係北股分流。向祇設草壩。並無石閘。該處水流衝急。草壩不足節宣。且屢堵屢折。糜費更多。設遇黃水經過。搶築口門。一時施工不及。請一律建設石閘。應如所請。從之。

○葉爾羌辦事都統新柱等奏稱。搶掠鄂坡勒臺站為首回賊海達瑪特呢雅斯索丕。傳送逆書。回賊多里雅特默特俱經逃竄。臣等於總兵楊寧等查拏賊犯時。即令吐魯番回人阿瑞密喇布等識認現獲之賊。今准阿里衮咨。阿瑞密喇布等識認海達瑪特呢雅斯索丕。現在所獲數內已照原奏正。

法其多里雅特默特通行各城一體查拏務獲報聞○是日駐蹕伊綿峪大營○壬子。

上詣

皇太后行幄問安○行圍○諭軍機大臣等刑部奏本年秋審案件由緩決經九卿改入情實及由可矜改入緩決者惟廣東省獨多即如羅那根殺死妻子一案該犯以負氣逞怒一時連斃二命殘忍已極揆之情理實屬萬無可貸該撫題時朕即令存記以觀其入於

平定

情實與否乃僅列入緩決經九卿等會讞始改情實可見該撫在粵惟務姑息邀譽並不酌情理之平如此定讞其何以懲兇惡而昭憲典耶託恩多著傳旨申飭○工部議覆總督管甘肅巡撫吳達善疏稱甘州府屬山丹縣南城逼近沙河一遇水發衝刷莫禦必須開挖引河以分水勢建築攔水隄壩以固城垣應如所請從之○參贊大臣舒赫德奏臣奉諭將散秩大臣阿奇木補授阿奇木伯克

但現在回部各城阿奇木伯克俱補授有人

今阿奇木係布魯特人應於附近回城補授庶為人地相宜查阿喇古尚無阿奇木伯克請以布魯特阿奇木補授可以外防布魯特內輯阿斯騰阿喇圖什等處得旨如所請行○又奏奉諭以阿布都喇伊木發覺邁喇木等逆書應行獎賞但查該伯克現係葉爾羌伊什罕伯克四品頂帶今擬請加賞二品頂帶得旨如所請行○浙江巡撫莊有恭疏報錢塘鎮海象山定海上虞太平龍游江山平陽等九縣共報墾額內荒地八十一頃六十六畝有奇○是日駐蹕扎克丹鄂佛羅大營○癸丑

上行圍 諭軍機大臣等舒赫德奏審訊駐阿喇古卡座之索倫佐領羅頗里等並未被害喇和卓搶掠因遇賊得脫恐查詢獲罪故飾詞求免應請革職留軍營効力等語前據永慶奏羅頗里被喀喇和卓圍困三晝夜陣亡

兵丁六名。始得脫出。嗣經阿里衮審訊喀喇和卓。據供曾遇羅頗里隨給與口糧。指路令赴烏什。阿克蘇兩處。朕見其情詞互異。因諭令查奏。今舒赫德尚未奉到諭旨。即已訊得確情。則從前情節。顯係羅頗里畏罪捏造。夫卡座駐兵無多。遇賊力戰不支。始得脫出。本屬無罪。即賊勢委難抵敵。暫離汎地。其罪猶輕。今轉將給糧指路之人。誣為搶掠之賊。且以管兵官員。而欺飾妄報如此。理應正法。念其尚能與賊接戰。未至望風逃竄。姑從寬典。但僅予斥革。不足蔽辜。著將羅頗里永遠枷號示衆。再有似此者。定行正法。至新疆駐劄大臣等。應嚴飭所屬防範臺站。并體察官兵內。如有任意欺凌回人。侵占什物者。一經發覺。即行正法。俱著舒赫德通行傳諭知之。○又諭據阿桂奏稱。本年伊犁屯田。以播種計之。上地所獲二十倍。中地所獲十倍。足敷千餘人來年麥熟前之食。將來增墾益多。則需

人益衆。並請於開展廢員內。遣原任副都統圖克善。劉揚前來効力等語。今年數百回人。甫經耕墾。即收穫豐裕。覽奏殊為欣悅。伊犁地廣。屯田以多為善。其圖克善等俱照所請發往。若仍需人承辦。則烏魯木齊効力官員頗多。著一面具奏。一面調遣。亦傳諭烏魯木齊大臣等知之。○又諭曰。阿桂奏稱。固勒扎卡座盤獲由哈薩克逃來之厄魯特男婦十名。口。又洪郭爾鄂博。投入厄魯特三名。俱解送阿克蘇。交舒赫德辦理等語。此等厄魯特人。苦哈薩克役使。陸續投來者必多。與其徒煩解送。不若即留伊犁等處。令其牧放牲畜効力。此次投來人等。既送往阿克蘇。著傳諭舒赫德。將阿克蘇所有之厄魯特。通行體察。其頑梗叵測者。仍留原處。若携有妻子。無可疑情節。來年即發往伊犁。交阿桂等酌於屯田牧馬差遣。仍善為撫綏約束。○是日駐蹕達顏達巴罕。昂阿東大營。○甲寅。

上詣

皇太后行。懽問安。○賜扈從王公大臣。並蒙古王公台吉等食。○兵部議覆兩江總督尹繼善奏。准查各省駐防八旗寡婦等項。近已停止進京。江南共設各項沙宣等船三百餘隻。江西共設各項號座等船二百五十餘隻。冗設過多。不特閒泊河干。坐糜工食。且遇大小修造。需費更繁。應量裁。已飭令兩省司道查議酌減。恐各省亦有似此應裁之處。請勅各

該督撫一併查議。茲據各督撫議奏。除湖北湖南福建四川廣西浙江等省。船數並無冗設。照舊存留外。廣東裁船十八隻。江南裁船一百三十二隻。江西裁船四十一隻。共裁船一百九十一隻。設遇緊要差務。額船不敷。仍懇動項另雇。應如所請。從之。○命兵部左侍郎兼管順天府尹熊學鵬。知武舉。以吏部左侍郎董邦達。為武會試正考官。翰林院侍讀學士張若澄。為副考官。○是日。駐蹕鄂爾楚

克哈達大營。翼日如之。○乙卯

上行圍。○吏部議准。山西巡撫鄂弼奏。稱晉省歸化城地方。前經改七協理通判各給條記。但協理通判。既係虛銜。並無陞轉之路。又例不入計典舉劾。亦無以示激勸。查大朔二府所屬豐鎮寧遠兩廳原係口外衛所。今改設通判。給與關防。與內地通判無異。請將歸化城七協理通判。照豐鎮寧遠例。改為通判。頒給關防。其員缺補放。亦照豐寧之例辦理。再

歸化城地雖廣濶。究與內地稍殊。分設七廳。亦覺太冗。其善岱崑都崙二協地非緊要。應請裁併五廳管轄。從之。○刑部議覆廣西按察使申夢璽奏。稱粵西僻處邊陲。苗獍雜處。凡漢奸勾引苗人。教誘犯法。地方官自行據實究出。不論年月遠近。俱免議處。若別經發覺者。失察之地方官。照徇庇例降三級調用。倘有隱諱故縱。察出照溺職例革職。應如所請。從之。○理藩院等衙門議覆車臣汗部落

扎薩克貝子旺沁扎布不能約束屬下致副
管旗章京塔巴海醉後持刀傷斃人命復將
逃回盜犯哈布塔噶翁圖隱匿不報除將塔
巴海擬絞監候哈布塔噶翁圖解送黑龍江
即行正法外請將旺沁扎布之扎薩克及貝
子一併褫革得旨塔巴海依擬絞監候秋後
處決哈布塔噶翁圖解到時即行正法旺沁
扎布著革去扎薩克令應襲之人承襲其貝
子著降為鎮國公加恩仍留於伊本身○豁
免直隸蔚州萬全縣水衝荒地一百四十五
頃二十九畝額賦○丙辰

上詣

皇太后行幄問安行圍○諭曰恒祿著來京
陛見綏遠城將軍印務著舒明暫行署理
河東河道總督張師載疏報秋汛水勢情形
一摺得旨據奏秋汛水勢已過黃沁兩河工
程俱各平穩朕心深為嘉悅張師載著交部
議叙○是日駐蹕英圖昂阿西大營

大清高宗法天隆運至誠先覺體元立極敷文
奮武孝慈神聖純皇帝實錄卷之六百二十

大清高宗法天隆運至誠先覺體元立極敷文
奮武孝慈神聖純皇帝實錄卷之六百二十一

監修總裁官經筵講官太子太傅文淵閣大學士文淵閣領侍衛內大臣稽察欽奉 上諭事務處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次慶桂

總裁官經筵講官太子太傅文華殿大學士文淵閣領侍衛內大臣稽察欽奉 上諭事務處管理刑部戶部三庫事務

世襲騎都尉軍功加十九級隨帶加二級又加二級尋常加二級軍功紀錄五次

尋常紀錄十四次在德琳經筵講官太子少保工部尚書紀錄六次尋常紀錄尋奉

敘修

乾隆二十五年庚辰九月丁巳

上行圍○諭據明瑞薩喇善奏稱擒拏肆行開
闢之挖獲人夫等明瑞往會薩喇善將帶往
兵丁八百名潛添各路卡座俟挖獲人衆出
山後盡行驅逐薩喇善潛赴末卡同明瑞富
僧額在卡座內防範務期盡數拏獲至巴岱
本應拏問但案內人犯尚未捕獲如先將伊
拏問恐各路挖獲人衆聞風竄匿是以暫行
解往寧古塔俟將開闢之人拏獲後再將巴
岱拏問質審等語巴岱身為副都統於挖獲

人衆持棍毆打領催復聚集數百人赴署嚷
鬧伊竟不能辦理乃反給與牌票遣之起程
實屬怙懦不堪之至使彼時巴岱親出拏解
或可即日完結即使人衆拒捕被戕朕又安
肯輕貸自必一一拏獲治罪如從前滿福阿
敏道被賊戕害朕曾為之發兵復仇又加恩
賞給世職巴岱寧不聞知乃今以內地一二
刁民稍行放肆即畏懼至此若使其臨陣對
敵尚可望其與賊打仗乎似此怙懦之人不
可不從重治罪據伊咨報其罪狀業已顯然
又何待質審之有巴岱著即正法示衆將此
通行曉諭八旗及各省大臣官員等知之○
是日駐蹕巴顏溝大營○戊午

上詣

皇太后行幄問安○行圍○諭軍機大臣等刑
部奏浙江本年秋審人犯經九卿將緩決改
入情實者至四起之多即如毛進多史阿長
二案毛進多既毆斃王色又毆傷王于史阿

長。始則捏稱服第史國臣被毆。後恐病死無傷。忍將史國臣搭死。按其情罪。並屬兇橫已極。朕觀題到命案本時。即令本房存記。以觀其入情實與否。今該撫僅擬緩決。殊屬失當。九卿所改甚是。莊有恭在巡撫中。歷任年久。尚屬風厲能辦事之人。乃如此定讞。不獨無以使兇徒知儆。亦何以協情理之平耶。莊有恭著傳旨申飭。○總督管甘肅巡撫吳達善奏。西路自軍興以來。各臺站於額馬外。加增四匹二匹不等。今大功告成。自應裁撤。但一切章奏。雖較前減少。而駐劄大臣。及屯田臺站文武各員。仍屬往來絡繹。臣詳加酌議。每站設馬六匹。已足敷用。餘盡裁撤。撥歸本營。及變價歸款。附近巴里坤者。解往牧放。再上年歉收。及口外塘驛馬匹。請特給本色芻豆飼秣。俟秋收後停止。惟安西至哈密等站。或遠距內地。或路多戈壁。應請仍支本色。臣等再行籌辦。報聞。○吏部議准。江蘇巡撫陳宏

謀奏稱。淮安府屬之清河縣。逼近黃河。向無城垣。仗土隄為保障。前康熙年間。曾有決口之事。今年黃河水大。一綫土隄。寬僅數尺。縣治終屬堪虞。請移駐對岸之清江浦。從之。○廣東巡撫託恩多疏報。肇慶。雷州。瓊州。三府屬。墾復額內荒蕪稅。一十五頃四十五畝有奇。廣州。惠州。潮州。肇慶。羅定。五府州。墾復額外荒蕪稅。三十五頃七十畝有奇。○豁免浙江錢塘。仁和。海寧。三縣坍沒荒地。一百四十七頃九十五畝額賦。○是日。駐蹕巴顏布爾噶蘇台大營。○已未。上行圍。○諭軍機大臣等。前據尹繼善陳宏謀奏。江蘇藩庫虧空存公耗羨二項銀兩。至七十餘萬。此事實堪駭異。現已遣劉統勲等前往查辦矣。藩庫虧空。至如許之多。諒非一朝一夕所致。其中必另有情節。常亮甫離江蘇。其前後接手如何交代。自必深悉原委。著將原摺鈔寄與常亮閱看。令其將實在因何虧

空情由。據實馳奏。事關錢糧。如滿文有不能詳悉之處。不妨即用漢字奏聞。○是日。駐蹕都穆達烏拉岱大營。庚申。

上詣

皇太后行幄問安。○行圍。○諭軍機大臣等。據舒赫德等奏稱。綠營兵杜朝林。牧放駝隻。因有一駝驚跑。杜朝林前往追尋。並未回歸。或係迷路。或係墜水。現在飭查等語。著寄信與楊應琚。並駐劄喀什噶爾等處大臣等。將杜朝林嚴行查拏務獲。審明。如實係迷路。並無別情。毋庸置議。外倘有逃避情弊。即於彼處正法示衆。又諭曰。舒赫德。阿里衮等所奏。奮勉擒獲賊匪官兵。著加恩賜頭等侍衛。碩多隆武。特穆爾巴圖魯。號前鋒。叅領富虎布哈。巴圖魯。號。仍賞銀一百兩。副將索柱。著賞戴孔雀翎。主事挖穆齊圖。著陞授員外郎。其餘効力官員。各加一級。陞用兵丁等著照例給賞。○是日。駐蹕烏拉岱伯勒齊爾大營。

辛酉。

上行圍。○諭軍機大臣等。刑部奏本年山東省秋審情實人犯共二十六起。內由緩決。經九卿改入情實者五起。計改擬之案。幾至十分之二。秋讞大典。所以懲兇惡。儆頑愚。按情定罪。期於允協。何以審擬失當。至如許之多。阿爾泰身任巡撫。刑名事件。皆宜悉心定擬。刑必當罪。乃輕率若此。何以昭國憲而協情理之平耶。阿爾泰著傳旨申飭。○又諭。現在烏魯木齊。有安泰辦事。永瑞定長。亦俱前往。據舒赫德奏。請以德爾格。暫駐開展。將彼處一應事務。查覈明白。交代開展。承辦官員。方可赴烏魯木齊等語。開展辦事。仍須專員兼轄。可傳諭德爾格。查覈事竣。仍駐劄開展。兼轄文武官員。一切事件。與舒赫德定長商辦。有應行陳奏者。准其具摺奏聞。併傳諭舒赫德。定長等知之。○緩山東濟寧蘭山郟城三州縣被水災地額賦。○是日。駐蹕呼魯蘇台昂。

阿大營○壬戌

上詣

皇太后行幄問安○行圍○是日駐蹕海拉蘇

台大營○癸亥

上行圍○哈薩克汗阿布賚使臣都勒特克呼

等入覲○即命隨圍與觀○賜扈從王公大臣

蒙古王公台吉及哈薩克使臣等食○是日

駐蹕穆壘喀喇沁昂阿大營○甲子

上行圍○諭軍機大臣等刑部奏河南省本年

秋審人犯由緩決改入情實者五起○內趙甫

青淫惡不遂故殺其妻劉建功勒斃胞弟殘

忍滅倫並屬兇惡已極法無可貸從前題到

命案本時朕即令本房存記以觀其入於情

實與否○今該撫僅擬緩決經九卿始行改正

胡寶瑤在巡撫中歷任年久老於案牘何以

於此等案件辦理失當若此○胡寶瑤著傳旨

申飭○戶部議覆長蘆鹽政官著疏稱海豐

縣竈地並海豐場坐落海豐樂陵二縣竈地

被潮衝淹不能墾種所有應徵額糧請照民

地一例豁除應如所請從之○旌表守正捐

軀之山東長清縣民張某妻劉氏○是日駐

蹕察罕扎布昂阿大營○乙丑

上詣

皇太后行幄問安○行圍○諭軍機大臣等阿

桂奏稱察布沁臺站馬匹被竊派副都統豐

訥亨等帶兵追襲○迷蹤轉回行文開展烏魯

木齊等處一併查拏其原遣官兵休息數日

仍由珠勒都斯河源至阿勒坦呼斯坦等處

搜捕等語○此等瑪哈沁雖經豐訥亨等追襲

迷蹤料不能遠遁○著傳諭舒赫德安泰通行

開展等處駐劄大臣等嚴飭各站官兵查拏

務獲○以清臺路○是日駐蹕汗特穆爾昂阿

大營○丙寅賜扈從蒙古王公台吉哈薩克

使臣等食○禮部議覆山東道御史吳綬詔

奏稱鄉會試磨勘例用翰林講讀以上詹事

府中贊以上及京堂科道入班分閱員數本

屬敷用。惟內有出差事故。及應行迴避者。臨期扣除。不無短少。查翰林編檢。不下三四十員。其於開坊以上。體制無殊。職業最簡。請一體入班磨勘。應如所請。從庚辰鄉試為始。將來會試亦照此辦理。但該御史請添編檢。固為人衆起見。而近日通計到班者。不過七八員。若不嚴定責成。則人衆難以稽察。轉開諉卸之弊。臣等酌議。嗣後各應行入班官員。及新添之編檢。先期將職名開送。恭請欽點。四十員。臣部照例按各省卷數。分派赴班校勘。又奏稱。試卷中文理荒謬。議以斥革之舉。子歲科兩試。不問可知。乃歲試既免劣等科試。又送入闈。則學臣不能辭咎。請將舉子斥革一名者。該學政照主考官例處分等語。查定例。歲科生員前列試卷。俱解部磨勘。如有庸腐荒謬。學臣已有應得處分。未便與主考官一例議處。請嗣後舉子試卷。如經磨出文理荒謬。例應斥革。除將主考官議處外。行文該

學政。將原取科舉之卷解部。交原派大臣覆勘。如亦係荒謬。將學臣照主考例議處。若不過文理平庸。應得免議。從之。○兵部議准。兩廣總督李侍堯奏稱。武職年歲自應於進身之初。據實造報。未便任意裁減。以致前後不符。查粵省武員。往往年近五旬。自知年力就衰。慮干甄別。詐稱入伍考試時。因過於幼穉。虛報歲數。呈請改減。顯有規避情弊。應將准改年歲之例停止。并嗣後考試武童。選拔兵丁時。務令開明實在年數。取結冊報從之。○以內閣學士溫福為正黃旗蒙古副都統。予故喀什噶爾提督董孟祭葬如例。謚勇確。○是日駐蹕張三營行宮。丁卯上詣皇太后行宮問安。○是日駐蹕波羅河屯行宮。戊辰。孝慈高皇后忌辰。遣官祭福陵。○是日駐蹕中關行宮。己巳。

上詣

皇太后行宮問安。○諭軍機大臣等。鄂弼奏到五臺圖摺內。可將中臺照例豫備。其餘諸臺向經臨幸。此次俱不必豫備。惟白雲寺。千佛洞。鎮海寺。清涼池。玉花池。羅漢坪等處。及附近行宮。與道路必由之地。所有寺院名勝如殊像。顯通塔院等處。該撫俱可就便酌量除治。以備省覽。但不得過事華飾。將此傳諭知之。○豁免山東海豐。利津。霑化。陽信。樂陵。冠縣等縣。被水衝壓荒地九百八十二頃額賦。○是日駐蹕避暑山莊。至十月甲申。皆如之。○庚午。

孝敬憲皇后忌辰遣官祭

泰陵。○諭鄉會磨勘試卷。蓋以防弊實。正文風。所關綦重。前經降旨。勅部定議。實力奉行。司事者勸懲既明。持衡者去取自慎。其有剽竊支離。穿鑿險僻。希心詭遇之士。諒不敢濫登選格。自應糾彈。第矯枉無取失中。而掄才務

崇大體。經義之制。原以見理明通。措辭爾雅。為正。果能理明詞達。有大醇而無小疵。固稱上選。若其學識才情。大端確有可取。即一二字句失檢。無妨棄瑕採錄。蓋風簷寸晷。中日技藝。即在學問優通者。亦不能必無疵類。要不足為全璧之玷也。為考官者。倘意在求免吏議。因而吹求擯棄。轉謂平庸膚淺之文。似是而非。無可指摘。遂至燕石冒玉。魚目混珠。則所云救弊適以滋弊。殊非慎重磨勘本意。况定例疵蒙謬類一條。與不諳禁例等款。迥別。是以所得處分在舉子。不過停科在考官。不過罰俸。使懲莫吹鑿。而於文體真偽。所係概置弗論。又何以杜弋獲而示正鵠耶。嗣後鄉會典試諸臣。務擇清真雅正文義兼優之作。為多士準繩。不得因磨勘周詳。反以庸才塞責。更不得因有此旨。遂藉口瑕瑜不掩。以致怠忽從事。負朕崇實黜浮至意。將此通行傳諭知之。○辛未。

上詣

皇太后行宮問安。○參贊大臣阿桂等奏伊犁耕牧城守各事宜。一增派回人屯田。查伊犁收穫可敷屯田回人一千戶之食。本年現有屯田回人三百名。近經舒赫德增派五百名。已照例整裝。於來年春起程。仍有應派回人二百名。請俟伊犁麥熟後遣發。一增派官兵駐防屯田。查伊犁收穫。通來年增派回人五百名計之。可敷官兵二千五百人之食。現有駐防滿洲索倫察哈爾兵八百餘名。應增兵六百餘名。屯田綠旗兵一百名。應增九百名。以上增兵一千五百名。應陸續遣發。一增派官兵。請隨時酌量定數。查屯田回人一千計其收穫。則壬午年即敷官兵三千人之食。加以綠旗兵一千。則所收又倍。應酌量定額。以多駐馬兵。於邊防有益。如駐兵五千。則馬三步二。駐兵四十。則減步兵一千。一次第建置城邑。查伊犁要地。河北則固勒扎。河南則海

努克。其地土肥饒之處。則察罕烏蘇。應於海努克築城。以回人三百名屯田。用兵數百名駐防。西通哈薩克布魯特。及回地諸路。察罕烏蘇築城。以綠旗兵一千名屯田。並駐防伊犁河北一路。固勒扎須築大城。凡駐劄大臣公署倉庫咸在。以為總匯。其馬兵於草青時。分路巡查。霜降後。各回汛地。擬於壬午年夏季。派綠旗兵一千名辦理。令回人協助。一年內竣事。一豫備屯田兵馬駝。現議增派綠旗屯田兵一千。必須馬匹。查烏魯木齊所易哈薩克馬六百匹。尚不敷用。應將陸續市易之馬。令安泰等辦理千餘匹。及查明哈密巴里坤有無馬匹應用。其行裝駝隻。查烏魯木齊尚有七百。應揀選五百解送。即於伊犁牧放。從容往來轉運。得旨。軍機大臣議奏。尋議伊犁屯田。原屬次第辦理。除現在回人三百名外。舒赫德又派回人五百名。於來春起程。其續派之二百名。仍令酌量。若能一起前往。甚

善。如不能則竟於秋收後發往。庶回人不致竭蹶。而伊犁糧石亦可節省。至本年所收糧石。既足官兵一千人之食。則來年增墾可以類推。應如阿桂所奏。此項官兵於春秋二季分起調往。其官兵額數酌以四五千名為率。但必隨時出派。始不煩內地之力。應俟來年秋收後再行酌定。其駐防年限。照從前成議更換。又所奏建置城邑。實為邊防長久。不獨地當衝要。亦當相其形勢物產。查固勒扎地居曠野。薪炭無資。應於烏哈爾里克察罕烏蘇哈什崆吉斯伯勒齊爾等木植多處。或近山產煤之地。築城駐兵。仍令阿桂等再行勘定。其海努克察罕烏蘇二城。俱應如所奏辦理。但另派綠旗兵一千築城。未免張大其事。且多浮費。應令屯田綠旗兵於農隙次第興築。不必定以年限。又所奏屯田馬駝查所易哈薩克馬匹。現議陸續解送烏魯木齊。有駝七百隻即可選出五百。俾運送一千人。屯田

器具。至兵丁糧餉。春初照初次遣兵例。從阿克蘇辦給米麵羊隻。麥熟後則但給以程途口糧。并請嗣後添駐官兵總於烏魯木齊阿克蘇調撥。從之。○江南河道總督白鍾山奏報秋汛工程平穩。得旨。今歲淮徐一帶雨水過多。湖河水勢較盛。前據該督等奏秋汛已過。隄埝工程俱各平穩。具見修防搶護經理妥協深屬可嘉。白鍾山高晉著交部議敘。其在工員弁內。有保護險工實係出力者。著該督等查明具奏。一併交部議敘。以示獎勵。○是月。原任禮部尚書嵇璜奏。前督臣尹繼善等會議將運河東西二隄。勘修堅固。並挑濬淮揚運河。酌辦西隄港口。疏通諸湖引河。俾湖水暢達。歸江。惟歸江之路。尚有應行籌辦者。查運河東隄之金灣滾壩。口門寬四十丈。而尾閘仍歸六閘。河內未能暢注。應請於金灣壩下開挑引河一道。並將董家溝淺窄之處。量加疏挑。以注於江。再查廖家溝石羊溝

董家溝三壩壩面尚高。應請改低三尺。使就下歸江之水。益加暢利。得旨。此係卿在京曾奏之事。原以待明年南巡舉行。今已改期。且督河諸臣已有挑濬之舉。則及時此奏。實為允當。有旨。交尹繼善等勘議。○江南河道總督白鍾山。安徽巡撫高晉。奏本年五六月間。淮揚徐海一帶。時雨連綿。淮黃並漲。各處盈隄拍岸。當經辦理搶護工程。繼以秋汛踵至。舊水稍退。新水復增。臣親加察勘。督率道廳等相機設法。應修者星速鑲修。應守者加謹防護。至白露後。各處水勢陸續消退。現查徐州洪澤湖等處。所存長水。不過五六尺餘。今節屆霜降。秋汛已過。一切土石隄埝工程。俱修復穩固。得旨。欣慰覽之。○安徽巡撫高晉。奏。臣由邳睢宿虹一帶查勘工程。并到清河。與河臣白鍾山。將霜降後應辦事宜。逐一面商。徐州北岸新隄。本年黃水盛漲。時雖經搶築子堰。然卑矮處。應一律加幫高厚。其上下

各廳磚石土隄。因風浪汕刷。不無殘缺。亦應酌量興修。臣就近至泗州。盱眙等處查災。惟沿海沿湖極窪之地。積水消退稍遲。不及補種。而成災僅止五六七分不等。且二麥俱係豐收。其未被水淹及稍涸。即行補種者。收成約有八九分。臣一面飭令各州縣。將被災飢口。會同委員挨查。按月給賑。並將涸出田地。督民及時種麥。如有缺乏籽種。照例借給。得旨。覽奏俱悉。○河南巡撫胡寶瑤。奏。豫省倉穀。自定額以後。其溢額者。宜春糶提價解省。其缺額之州縣。應乘秋收買補。今歲閩省豐收。隣封又無協濟等項。民間食用有餘。亟應乘時買補。至小民值此屢豐。恐不知撙節。并令地方有司。徧行勸諭。報可。○湖南巡撫馮鈐。奏。查江省高寶等處。今歲辦理賑卹事宜。米穀必須協濟。湖南雖有偏災。應賑之所。但所需無幾。穀石有餘。若動撥二十萬石。協濟江南。猶易為力。如蒙恩允。即飛咨江省督臣

俟覆到日。即行照辦。得旨。高竇雖被災而隣郡皆豐收。可無藉湖南之接濟。若需米孔殷。朕早降旨矣。然汝如此留心。實屬可嘉。宜令各屬密為經理。候旨。若有所需。即降諭。旨亦不遲。此時不必咨問江省。陝甘總督楊應琚。陝西巡撫鐘音。奏延安榆林綏德三府州屬。原貯額糧。俱係粟穀。近因偏災。借糶倉穀。空虛。本年豐稔。例應徵收還倉。但沿邊一帶。地氣早寒。糜子。蕎麥。黑豆等項。雜糧收獲倍於粟穀。若必收穀還倉。則小民輾轉虧折。勢必完納不前。應請將延安等三府州屬。節年民欠穀石。准其雜糧兼收。得旨。災歉之後。自應如所請行。然不可為例也。

大清高宗法天隆運至誠先覺體元立極敷文奮武孝慈神聖純皇帝實錄卷之六百二十一

大清高宗法天隆運至誠先覺體元立極敷文奮武孝慈神聖純皇帝實錄卷之六百二十二

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事務處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次慶桂

總裁官經筵講官太子太傅文華殿大學士文淵閣領閣事稽察欽奉 上諭事務處管理刑部戶部三庫事務

世襲騎都尉軍功加十九級隨帶加二級又加二級董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

教修

乾隆二十五年庚辰冬十月壬申朔享

太廟遣和親王弘晝恭代行禮○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵○遣官祭

孝賢皇后陵

端慧皇太子園寢○頒乾隆二十六年時憲

書○順天府行鄉飲酒禮○諭學政馮成修

奏考試事宜一摺所見明昧各半其事之可

行與否自有部議惟是借事紛紜侈騰口說

為臣工章奏爭持惡習不可不防其漸蓋朕

向於科場及學政條奏率皆飭部議覆所謂

耕當問奴織當問婢科甲非朕所習不可強

不知以為知其中是非可否原無煩朕為區

別也馮成修此摺未免揣朕巡狩在外亦不

過一覽付部而已故得騰其口頰肆彼攻擊

而朕實反覆細繹茲故明斥其非然亦不棄

其是如馮成修所稱試題不宜割截牽搭一

條據其所列各省出過諸題則實係不顧文

理強為湊合非惟難覈真才抑且大悖經義

非取士之道即所奏童試取進文卷請免解

部磨勘雖不免有自為張本之意第童試之

文勢不能皆有醇無疵且一學政所取合計

通省不下數千卷。原非鄉會硃墨卷。應行磨勘者可比。此二條尚不為無見。若鄉試及歲科兩試皆免試詩帖。則其說已自矛盾。前因科場表判多涉雷同。勦竊陋套。是以改試排律。使士子各出心裁。若以詩為僅尚詞華。則前此表判獨非駢體乎。試問表判之詞華較排律之詞華孰難孰易。若如馮成修之議去詩。則將仍為表判乎。否乎。將仍表判盜襲之風為是乎。此論之必不可通者。至考試武生。

實錄卷六二二

三

請復用四書論題一條。所稱讀書明理。乃能宣猷闡外等語。尤屬誕謬。武科一項。不過舊制相沿。因仍不廢。若論我國家用兵。自開創以來。暨近日平準夷。蕩回部。皆我滿洲及索倫勇將健卒。折衝萬里。歲成大功。綠營兵尚無所用。更何嘗恃武科出身之人。而藉其干城腹心之寄耶。至侈談昇平。羽林棄武。尚文諸論。此不過見之詩歌寄興。尚可其實文恬武嬉。宴安耽毒。為國家之大害。朕必不出此。

實錄卷六二二

四

而我子孫萬世所當奉為家法。永為深戒。馮成修或別有深意。欲為嘗試乎。從前明季陋習。每遇一事。舉朝各挾意見。議論紛然。其時人主皆漫不省視。是以諸臣得遇事風生。紛呶。嗾甚至借建白之名。黨援門戶。無所不至。究與國是毫無裨益。朕於內外章奏。何一不親覽。而肯令此風稍啟。其漸耶。馮成修識見卑詐。如此。不可仍令司鐸著開缺。來京供職。其尚可。行二條者。該部定議具奏。尋禮部議嗣後各省考試生童命題。割截牽搭。不顧文義。實非取士之道。應如該學政所請。嚴行禁止。並行令各省地方官。將坊刻各種巧搭。選本一體查銷。學臣歲科試取准童生文卷。亦應如所請。停止。解部磨勘。從之。 癸酉

上奉

皇太后幸卷阿勝境。侍膳至壬午。皆如之。賜扈從王公大臣及蒙古王公台吉扎薩克王公台吉杜爾伯特親王車凌烏巴什回部郡

王霍集斯等飯至壬午皆如之。○軍機大臣議准。舒赫德等奏稱。明年派往伊犁屯田綠營兵。請由烏魯木齊撥五百名。烏魯木齊所缺兵額。以開展喀喇和卓等處應減兵撥補從之。○乙亥。

上御依清曠。勾到各省官犯。服制各犯。及雲南貴州。四川。廣西。情實罪犯。停決官犯。斬犯二人。服制斬犯九人。貴州斬犯四人。廣西絞犯一人。餘六十五人。予勾。○丙子。諭前據尹繼

善陳宏謀奏。布政使蘇崇阿稟稱。藩庫存公

耗羨二項。被書吏侵蝕至七十餘萬兩。朕以

為必無其事。或者因南巡那用庫項不清。是以遣劉統勳等前往會同該督撫徹底清查。今據劉統勳等查明奏到。親盤藩庫。並無絲毫短少。祇以蘇崇阿因奏報與存貯數目多有不符。心疑書吏有弊。嚴刑追究。書吏等遂畏刑誣認侵蝕如許之多。而蘇崇阿亦不復究其果否如此。即指謊供為確據。始終堅執

不移。種種荒唐。誠出情理之外。藩庫錢糧理

宜慎重。書吏等營私舞弊。原不能保其必無。苟稍有弊端。自當嚴行釐剔。以清帑項。但欲究侵虧虛實。必先查庫貯有無。今庫貯既無所虧。則所謂侵蝕者何項。即如蘇崇阿所云。書吏中飽。皆係壓批分侵外解銀兩。並非從庫運出。則外解之銀兩。既為所蝕。庫貯之項。又何從來。各州縣豈能每項各墊兩分。一解司而一飽吏乎。若謂各州縣仰承督撫風旨。

曲為事後彌補。亦豈能一時措辦如許銀兩。

解交司庫。而蘇崇阿又豈肯扶同收受。聽其掩耳盜鈴。若此乎。况尹繼善陳宏謀皆久任封疆。前司常亮亦尚屬實心任事。藩庫中不致大有竊弊。此亦朕所素信者。蘇崇阿始則妄事刑求。繼復遂非堅執。以數十萬帑項。全不推究確實。遽爾駕空懸坐。天下有如此荒唐之舉耶。蘇崇阿著革職發往伊犁。自備資斧。効力贖罪。蘇州布政使員缺。著彭寶調補。

湖南布政使員缺著永泰補授所遺四川按察使員缺著鄧錫禮補授○又諭曰劉統勳等查審江蘇藩庫一案已有旨諭部矣至藩庫錢糧收放款項本不應輕易借動即有本款無存必須借支者亦須隨時歸清以免滋弊該省每有借支借放不及時清釐歸款直至布政使交代時始行清楚之處此實向來相沿陋習毋怪乎頭緒繁多一時難於查對殊非釐剔之道今此案雖查無虧缺情弊但

一覽錄卷六十二

十一

嗣後辦理應令該督撫詳悉酌定章程務使及時清款不得仍前遞年滾算致滋牽混即有一時難以遽歸者亦不得僅在該省自行存案或按季或按年逐一造冊報部備覈以昭鄭重著尹繼善陳宏謀即行酌議具奏由部覈定遵行所有歷任布政使不將各款隨時分晰歸楚應行查叅之處俟該督等奏到該部一併覈議尋尹繼善陳宏謀奏藩庫錢糧原應正支正放緣江蘇賦額繁重款項兄

一覽錄卷六十二

八

難遇蠲緩驛站俸工等項本款無徵例許借支其賑濟請動地丁或徵存不敷或撥協未到亦須借款墊放司庫向遇動用均係統支統算儘有本款不敷暫借別款不隨時歸清之處今將屢年未歸款項先分別正雜造冊咨部備覈隨督令提解歸清請嗣後每遇歲底將已歸未歸之數咨部查考並庫內所收錢糧支放悉依本款動用本款無存及不敷者須豫先詳明指款借用俟本款解到歸還報督撫備查如歲底未經補足者亦另冊咨部違者查叅下部議行○調河南學政鴻臚寺少卿湯先甲提督貴州學政以翰林院編修秦百里提督河南學政○調福建建寧鎮總兵楊瑞為海壇鎮總兵廣東左翼鎮總兵陳先祖為建寧鎮總兵浙江溫州鎮總兵吳必達為廣東左翼鎮總兵以廣東香山副將馬銘勲為溫州鎮總兵○丁丑

今上皇帝生

上之第十五子也

母曰魏氏。○吏部等部議准。總督銜管理甘肅巡撫事吳達善條奏。安西五衛地方。經部議准。改為一府三縣。應行事宜。○新設安西府地方。應仍照五衛原管地界分撥。淵泉縣照安西。柳溝。二衛舊界。玉門縣照靖逆。赤金。二衛舊界。敦煌縣照沙州衛舊界。管轄。○前各衛城垣坍塌。應勘估興修。○巴里坤。哈密。距安西寫遠。新移駐之同知。通判。應定為直隸廳。歸安西道轄。其糧餉刑名錢穀等項。該道覈查。○安西道府廳縣經歷。縣丞典史等官。原議俱照邊缺例。五年俸滿陞用。其安西府教授。淵泉等三縣訓導。俸滿。一例照辦。○新設之安西府知府。經歷教授。移駐之巴里坤同知。哈密通判。淵泉。玉門。敦煌。各縣知縣。訓導。並淵泉縣分駐馬蓮井縣丞。均鑄給印信。門卑書役壯丁。齋夫。就五衛各項人役內。按數分撥。○道府丞倅。並知縣佐雜教職。各員

均地處極邊。食物昂貴。差務紛繁。俸銀請仍按品級照例支給。其養廉公費。安西道。於歲額養廉三千兩外。給公費銀五百兩。知府。照內地歲支養廉銀二千兩外。給公費銀五百兩。巴里坤同知。照舊歲給養廉八百兩。公費三百六十兩外。增公費一百四十兩。哈密通判。照舊歲給養廉六百兩。公費三百六十兩外。增公費一百四十兩。新設三縣知縣。應歲支養廉六百兩。公費四百兩。淵泉縣分駐馬蓮井縣丞。應歲支養廉四百兩。府經歷。三百兩。三縣典史。二百兩。教授訓導。例無養廉。各給公費六十兩。○安西道業經移駐所遺衙署。改為知府署。原裁安西衛守備署。改為淵泉縣署。安西衛千總署。改為府經歷署。其府教授。及淵泉縣訓導典史署。請於裁汰遊守舊署內酌撥。淵泉縣分駐馬蓮井縣丞署。請估建。靖逆原有通判。守備千總三署。改為玉門縣知縣訓導典史署。沙州衛守備舊署改

為敦煌縣知縣署。千總舊署改為典史署。其訓導署應請估建。一原有倉廩。安西。柳溝。歸淵泉縣經管。靖逆。赤金。歸玉門縣經管。沙州。衛。歸敦煌縣經管。安西廳既移駐巴里坤。原管瓜州倉廩。就近歸淵泉縣經管。一安西。靖逆。沙州。各衛。俱舊有監獄。新設府經歷兼管司獄。應添建府監。巴里坤同知。哈密通判。均管理地方。亦應各建監獄。一原設驛站。安西。柳溝。二衛。歸附府之淵泉縣經理赤金。靖逆。二衛。歸玉門縣經理沙州。衛。歸敦煌縣經理。一安西等衛。賦稅戶口。並無更張。照舊遵辦。一府縣應建壇廟。並祭祀銀兩。均照內地辦理。一安西等衛。原有文生一百九名。應分撥府學二十二名。新設三縣。各二十九名。武生五十九名。應分撥府學十一名。三縣各撥十六名。遇歲科試。每縣取進文武生各四名。再撥府學各二名。設廩增二缺。六年一貢。學政於肅州考棚調試。均應如所請。從之。○旌表

守正被戕之四川秀山縣民楊正林妻陳氏。○戊寅。上御依清曠。勾到廣東。福建情實罪犯。停決廣東斬犯一人。絞犯一人。福建絞犯一人。餘九十六人。予勾。○諭。刑部秋審情實招冊內。有案犯定讞時。已逾該省熟審之期。而九卿秋審。即提入本年冊內請勾者。此雖該犯情罪重大。法無可緩。用速憲典。以示創懲。但朕詳閱招冊。見其中情罪等差。尚有應行區別者。如一人連斃二三命。暨妖言惑眾。傳習符咒。並官員侵漁帑項。勒斂民財之類。非殘忍已極。即有關於民俗官坊。自不得不早正典刑。以昭炯戒。然亦應於秋審時。該部將此等案件。另開罪犯情單奏明。至尋常謀故等案。雖情節本無可緩。而定案期限。適在秋審後。此亦時會偶值。自可令其幸延一年之生。何必亟亟為也。將使天下好名無識之徒。不揆本末。轉疑法司亟議勾當。未免意存刻覈。甚無

謂也。即如前此按察使阿永阿奏。因姦謀殺本夫條內。有姦夫應按律斬候者。恐定讞時已過秋審。請令刑部即行歸入本年秋審情實一節。該部亦已議准。此等謀殺之案。若係姦夫起意。則姦夫已按律斬決。無庸更俟秋審。若起意本由姦婦。則姦婦亦已凌遲。其姦夫自不妨照例監候。如慮其遲至下年。或遇停勾。益致稽戮。則該部原有停勾年分。將重犯另請正法之例。亦可無庸置議。朕辦理庶

政。從不豫存成見。其應速行正法之犯。令其具奏入於秋審。固非有意從嚴。其可以不必速辦之案。令其仍照往例。亦非有意從寬。惟斟酌情理。期適當於協中之治而已。將此通行傳諭知之。○又諭曰。熊學鵬著調補刑部侍郎。仍署理兵部侍郎。兵部侍郎員缺。著謝溶生調補。仍留江西學政任。○又諭前因挖漫人夫。肆行閹閹。副都統巴岱不能辦理。乃反為所脅。給票遣往。怯懦之至。斷不可容。是

以將巴岱正法。薩喇善身為將軍。當聞信時。即應將巴岱嚴叅。並應親往查拏。眾犯迅速辦理。乃彼時既未親往。及朕傳諭申飭。亦未前往。仍以訪拏罪人。解至吉林。審訊等語。具奏殊堪駭異。看來薩喇善竟似天奪其魄。福澤盡矣。著革去將軍。發往伊犁。効力贖罪。吉林將軍員缺。著恒祿補授。所遺建威將軍員缺。著如松補授。○己卯。

上御依清曠勾到奉天陝西湖廣情實罪犯停決湖廣絞犯一人。餘六十五人。予勾。○庚辰。旌表守正被戕之四川鄰水縣民邱洪緒女邱氏。守正捐軀之河南封邱縣民王鉅女王氏。○辛巳。御史朱嵇奏。請嚴禁收漕積弊。查倉廩設斛斗升。所以分別戶之大小。糧之多寡。惟恐浮收升合。今則置斛不用。雖數十石百石者。概以斗量。取其為數廣而狼藉多。斗取其平。定例刷以木板。今則多用尖斗。一邑之中。有米萬石者。數萬石者。以斛斗之弊。積

其零星之數。不啻大半過之。於是官吏交通。約其浮收米數。已足正額。遂閉廩不收。包攬納米之人。又將未完人戶。大半以銀折米。富戶幸其簡便。小戶苦其守候。是以私折之價。倍於市價。至於暗開斛角。密寬斗面。浮冒尤甚。諸弊皆風聞所及。請飭有漕省分督撫嚴察得旨。摺內所稱置斛尖斗諸弊。或實有之。然則有漕省分督撫。誠何為者。至折銀一弊。實屬駭聞。然不可漫以風聞加諸各省。著朱

平糶人三二

一

開斛角。密寬斗面。且或置斗不用。專以斗量。又零尖浮收。至所收已經足額。即令各戶折價等語。已飭部速議。并令該御史指叅矣。徵收漕糧。向多積弊。屢經降旨釐剔。漸就肅清。如該御史所奏置斛用尖斗諸弊。或係該上司查察未周。以致不肖州縣。乘機舞弊。亦不能保其必無。然各督撫並未見查叅一二。至免漕封倉之後。復行折價。尤屬駭聞。如果有之。則營私蠹民。莫此為甚。該督撫自當嚴叅治罪。以示創懲。豈得漫無覺察耶。現在正屆收漕之候。著傳諭有漕省分督撫。速即留心訪查。據實具奏。尋山東巡撫阿爾泰。河南巡撫胡寶瑤。湖北巡撫周琬。浙江巡撫莊有恭。均奏訪查收漕州縣。實無各項弊端。俱報聞。江蘇巡撫陳宏謀奏。訪有署丹陽縣知縣四格。遇米多大戶。徵收時。私索外加五升。書後復索錢文。現叅發審在案。餘俱守法無弊。得旨覽奏俱悉。調任江西巡撫胡寶瑤奏。江西

平糶人三二

一

漕務臣莅任時。已經收竣。悉心體訪。尚無積弊。得旨覽奏俱悉。湖南巡撫馮鈐奏。開斛寬斗浮收折收諸弊。除飭道府確查外。復密差親信人役。潛扮花戶。買糧上倉。並赴各州縣暗訪。實無其事。得旨覽奏俱悉。又批。似此作。用。可偶為而不可登紙筆也。○壬午。調廣東布政使宋邦綏為山西布政使。以福建按察使史奕昂為廣東布政使。廣西蒼梧道富明。奏為福建按察使。○癸未。

上御依清曠。勾到浙江。江西。安徽。江蘇。情實罪犯。停決浙江斬犯一人。餘九十人。予勾。○諭軍機大臣等。據阿桂等奏稱。明歲遣綠旗兵丁。前往伊犁屯田。應調派大員管轄。烏魯木齊有達斡爾金梁同管屯田。請將金梁分派伊犁等語。烏魯木齊雖亦有屯田事務。但事已就緒。不比伊犁初次辦理。且金梁素係兼管哈薩克貿易事。哈薩克現聞伊犁屯田。必驅牲隻前往。可傳諭安泰。明歲遣兵丁往伊犁。

時。即令金梁管領。並傳諭阿桂知之。○甲申。上御萬樹園。幄次。賜扈從王公大臣。及蒙古王公台吉。扎薩克王公台吉。杜爾伯特親王車凌烏巴什。回部郡王霍集斯等宴。○乙酉。上奉。

皇太后自避暑山莊迴鑾。○詣。

皇太后行宮問安。○諭軍機大臣等。據舒赫德奏。葉爾羌哈喇沙爾。英吉沙爾各駐防馬兵。除卡座牧廠差遣外。所餘無幾。未便調赴伊

犁。現與阿桂札商。擬酌遣三百名前往。著即照所請行。至所奏葉爾羌各城兵米無缺。惟所交騰格錢文。不敷支放。該地雖係新定之區。現在安靜無事。即如近日邁喇木等變亂。數百兵即行勦盡。可見駐兵無須太多。各城所交錢文。支放不敷。恐亦十欠其三耳。若將該地兵裁三留七。則駐兵千名處。尚餘七百名。所差無多。自足敷用。蓋此時伊犁未駐大兵。該地自當畧駐兵丁。以現有之兵。食彼處。

所交之糧將來派往伊犁。並可就近移撥。若伊犁大兵駐定後。葉爾羌等處均屬邊徼。既有辦事官員。應酌留兵丁數名。其餘應遣往伊犁者。即行遣往。應撤回者。即行撤回。不惟不費內地之力。而伊犁駐兵。亦無庸另籌矣。再葉爾羌等處。哈密。吐魯番。回子。酌留數人。敷通事之用足矣。餘亦著撤回。總之辦理邊疆事宜。不可糜費內地財力。即伊犁駐兵後。亦祇可食彼處所獲之糧。無須撥運。祇撥解銀兩。方為長久之計。朕意如此。可傳諭舒赫德。照此辦理。並傳諭阿桂知之。○是日。駐蹕喀喇河屯行宮。○丙戌。兵部議覆。閩浙總督楊廷璋奏稱。臺灣北路左營林圯埔地方偏僻。請添設塘汛於鹽水港汛內。撥外委一員駐劄於石榴班汛內。撥兵十名。估建營房。應如所請。從之。○撫卹安徽宿州。鳳陽。懷遠。虹縣。靈璧。鳳臺。泗州。盱眙。天長。五河。及鳳陽。長淮。泗州。三衛等十三州縣。衛。本年被水災民。

並予緩徵。○是日。駐蹕常山峪行宮。

大清高宗法天隆運至誠先覺體元立極敷文奮武孝慈神聖純皇帝實錄卷之六百二十二

大清高宗法天隆運至誠先覺體元立極敷文奮武孝慈神聖純皇帝實錄卷之六百二十三

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次臣慶桂

總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加九級隨帶加二級又加二級 臣書浩內大臣戶部尚書鑲黃旗滿洲副都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十五年庚辰十月丁亥月食。

實錄卷六百二十三

上御行殿勾到河南山東情實罪犯停決河南絞犯一人山東斬犯五人絞犯二人餘七十人。予勾。○諭軍機大臣等刑部議覆莊有恭具題參革已故句容令周應宿應追代賠盜劫庫銀無力請豁一本原題內代賠字樣殊屬錯謬庫貯係縣令專責既經被劫該員方有疎防之罪其所失銀兩自屬分內應賠所謂代賠者原指屬員無力完款各該上司代為分繳而言若以盜劫而謂之代賠將代

盜賠乎向來應追款項如實係無力原有時格外加恩量予豁免至此案銀兩所謂典守者不得辭其責非尋常欠項可比地方官取具甘結詳請題豁竟稱代賠雖係外吏相沿故套然似為之抱屈矣此事未可遽信已有旨不准寬免並將此傳諭莊有恭令其確查據實奏聞。○又諭曰張師載奏查勘微山湖水摺內有濟寧州沿湖民田共涸出三四百頃等語所奏殊不明晰今歲江南高寶一帶間有被水處所而濟寧等處並未聞被淹該督所奏涸出地畝係前此疏濬微山湖伊家河等處河道時消涸未盡之地耶抑係今歲新淹之地耶從前興修水利後阿爾泰陸續奏涸出二三千頃如此時又續有涸出固伊等宣洩得宜之明效實可嘉矣若係今歲新淹地畝則該督撫何以並未豫行奏聞且現今所涸祇有此數則未涸者必尚多究竟被淹處所共有若干成災與否摺內亦未奏及

實錄卷六百二十三

二

此等事為地方民生所係。豈得不早為詳悉入告耶。著傳諭張師載阿爾泰令其將此項地畝究係何時被淹。共有若干之處。作速查明據實具奏。○戶部議覆御史朱嵇奏漕糧浮收改斛等弊。向俱定有科條。但日久弛。州縣官復蹈故習。自應嚴禁。請行令漕督并該督撫等查察。有情弊者指叅。未經查出之該管道府叅處不行。叅奏別經發覺。將該督撫等嚴加議處從之。○直隸總督方觀承奏

平定縣志卷之三

三

州縣常平倉。以備借糶賑卹。大興宛平二京縣向未設倉。原因京城平糶煮賑取足天庾無資。縣倉酌劑。惟是該二縣幅隕廣濶。遇京師平糶數十里者。猶可赴城。遠鄉殊多未便兼借給倉穀。每苦無出。往往於附近州縣量撥。請將大宛二縣添設常平倉。大興倉應建於南路同知所駐之黃村。宛平倉應建於西路同知所駐之拱極城。各貯穀二萬石。令廳員稽查。并責成該廳司獄兼管。至開倉收放

仍令知縣親身專理。得旨著照所請行。○是日駐蹕兩間房行宮。○戊子。

上詣

皇太后行宮問安。○諭此次接駕人員內原任主事詹學海疎防罪犯自縊。並非出自有心。著吏部於迴鑾後帶領引見。其原任同知盛運原任州判汪薰原任知縣米步青許本巽各本案緣事情節尚輕。俱著照原品賞給頂帶。○是日駐蹕要亭行宮。○己丑駐蹕密雲

平定縣志卷之三

四

縣行宮。○庚寅軍機大臣覆奏會審張家口總管瑪尼咨叅萬全縣知縣蔣良翊遲誤兵米一案。訊據各供緣萬全縣每年支放兵米倉額不敷。例許採買供支。分春秋二季關領上年督臣方觀承奏准於西寧縣額徵屯米內撥給九千餘石。令該縣運回備支。本年春季放米時。該縣以前赴領運脚價不敷。商同防禦富明安等議照時價折給。隨派運戶赴西寧領米。就地變價。將春夏季全數折放。該

縣又以西寧尚有應撥秋季米。令其一併變賣折給。富明安等樂其豫支。令各催領收銀。祇以春夏折銀告知該總管。而豫支秋季實未稟明。至八月應放秋冬米時。窮兵豫支銀已經花費。該縣又以秋米業經折給。應支冬米。令俟徵收屯糧後支放。瑪尼見兵丁待食情急。遂以遲誤報部。該縣隨即將新徵屯米補放冬米足數。查瑪尼於春間支放兵米。聽從防禦等折銀。又未查出豫支秋米情由。率

字案卷五十二

五

行揭報富明安等。雖訊無尅扣情弊。但既以應支本色折銀。又不將豫支事由稟知該總管。均有不合。至該縣恐運米賠墊。商同防禦折給。亦屬不合。應交部分別議處。查兵米折價。易致耗費。照舊例春秋二季關支。到手易盡。嗣後張家口支放兵米。請照京城甲米例。四季關支從之。○以江西按察使亢保為湖北布政使。湖北驛鹽道石禮嘉為江西按察使。○是日駐蹕南石槽行宮。○辛卯。

上迴鑾奉

皇太后居暢春園。問

皇太后安。○詣

安佑宮行禮。○幸圓明園。○以兵部尚書阿里

衮為領侍衛內大臣。○以正黃旗蒙古副都

統扎拉豐阿為正黃旗漢軍都統。○壬辰。

上詣暢春園。問

皇太后安。○諭軍機大臣等。據楊廷璋奏覆閩

海關二十四年分盈餘項內。比上屆缺少之

字案卷五十二

六

處。確因二十三年歉收所致。並無徵多報少。及丁役人等侵蝕情弊等語。此項短少緣由。前因明福甫經接任司權。恐新舊交代之時。家人胥隸。不無乘機舞弊。是以諭部指駁。並降旨著楊廷璋據實查奏。今據奏到。業經徹底清查。委無此等弊竇。該督自應照例具題咨部。所有前奉諭旨。不必敘入本內。可將此傳諭知之。○又諭曰。同德奏稱。採買巴里坤商販羊五千隻。以五百隻為一羣。選派官兵。

加意牧放等語同德前經獲罪遣往巴里坤効力今辦事甚屬奮勉著加恩賞給布政使職銜以示鼓勵○又諭曰舒赫德奏范時綬自開展解羊一萬三千四百餘隻至阿克蘇沿途倒斃不及十分之一請將官兵議敘等語范時綬此次管解羊隻督率官兵甚屬勤慎著加恩賞給叅領職銜各官兵著交部議敘○蠲緩直隸宣化萬全懷安西寧龍門冀州寧晉等七州縣本年水雹災民額賦有差並借給籽種○甲午順天府府尹程盛修以母老奏請終養允之○乙未上詣

大高殿

壽皇殿行禮○還宮○諭軍機大臣等據謝溶生奏巡撫阿思哈巧於納賄勒派屬員餽送各款並棘門小鈔二十四張實為駭然巡撫身任封疆自當正己率屬乃該學政所奏賕據累累至此將謂謝溶生與阿思哈別有嫌

隙遂可駕空捏說全無指實則自應治以誣奏之罪但所奏各條俱有款徵亦何從憑虛捏造若謂謝溶生好生是非則伊前任山東學政來京召對時於阿爾泰並無所指摘何獨於阿思哈而有意誣譏耶此事虛實不可不徹底根究將原摺並小鈔速行密寄劉統勲等於奉到之日即會同尹繼善速行前往秉公查審阿思哈婪贓事蹟果有確據一面即傳旨將阿思哈解任質審常鈞暫行署理撫篆一面將實在情形具奏並將阿思哈嚴行定擬奏聞如謝溶生所奏全虛即當質之該學政究其誣奏情由亦不得顛倒了事在尹繼善與阿思哈同任督撫不能覺察自有應得之罪但以失察獲咎其罪尚輕若更有意迴護阿思哈冀圖潦草結局無論劉統勲常鈞不肯扶同取戾即三人俱有遷就亦思此係何等事而朕肯聽伊等以和事老人伎倆畧為嘗試耶總之此案非阿思哈之款實

即謝溶生之誣奏。斷無中立之理。似此大案。政治攸關。劉統勲等其據實查辦。勿得稍存意見。摺內所奏席捲現在浙江並著即行調往質訊。○丙申。諭軍機大臣等。阿桂奏稱。凡由哈薩克。布魯特。陸續投來之厄魯特。應先行遣往阿克蘇。以供役使。俟一二年後。再調赴伊犁等語。所見甚是。可即照此辦理。至由哈薩克等處投來之厄魯特。將來日漸加

平定人字下

多。伊等前來貿易。或相識認。懇求賞還。當直告以此等厄魯特人。因苦爾拘束。始行逃出。況爾等已為大皇帝臣僕。事同一體。不便給回。亦不必向伊等稍為隱飾。著傳諭舒赫德。阿桂。安泰。定長等知之。○以原任倉場侍郎羅源漢為順天府尹。旌表守正被戕之直隸南和縣民王京保妻郭氏。○丁酉。上御乾清門聽政。○御懋勤殿。勾到山西直隸

情實罪犯。停決直隸斬犯一人。絞犯二人。餘九十三人。予勾。○策試中式武舉孫廷璧等六十二人於太和殿。○諭前令各省保舉堪勝知府。記名人員。朕量其人材較優者。率已次第擢用。所餘無幾。著傳諭各督撫。於所屬同知通判州縣內。遵照前旨。秉公慎選保奏。以備簡用。其有前次曾經保送記名。而未經擢用者。雖在引見時。其人未必遽見出色。但念人之才具不齊。或非可一覽而盡。在該督撫等。試看有年。

平定人字下

自必知之甚悉。此內如有真知灼見。信其可勝知府之任者。不妨聲明。仍列薦剡。以副獎拔人材之意。該部即遵諭行。○湖南巡撫馮鈐奏。前年動撥長。辰。岳。常。澧。五府州屬溢額。及加買穀石。碾米運浙。並各屬本年平糶。及動常平碾辦兵米。各項倉穀。例應俱於今歲秋收後。買補還倉。查衡州。永州。郴州。桂陽等四府州屬。本年俱被旱歉。收該地自應停買。長。辰。岳。常。澧。五府州屬。雖俱豐收。應行買補。

但均為永。柳桂水路可通之區。現在商販絡繹轉運。若復官買。市價必增。請將長沙各府屬。應行採買糧。一併停買。統於來歲秋成後買補。得旨。如所議行。○戊戌。禮部奏。

皇太后萬壽聖節慶賀禮儀。得旨。是。照例行禮。奉。

皇太后懿旨。今年停止筵宴。

上御紫光閣。閱中式武舉騎射。○戶部議准。湖廣總督蘇昌奏稱。六年俸滿千總。向例俸薪。

養廉。於卸事日住支。至奉旨仍回原任候陞。與俸滿開缺者有間。其額支俸薪養廉餉米。應照守備送部引見例。支給俸薪馬乾。及一半養廉。其年滿千總遺缺。如委署係候補千把。按其銜缺。支給一半俸薪。坐馬二匹。並酌給步糧三分辦公。應如所請。至所稱俸滿千總內。年力未衰。係不應保送。仍留原任之弁。應照舊支給。如有革休事故。於卸事日住支。亦應如所請從之。○己亥。

上御紫光閣。閱中式武舉技勇。○諭原任吏部尚書汪由敦之長子廕生汪承沆。現已病故。著加恩將原賞廕生。給其次子汪承霽。授為額外主事。在部學習行走。其三子汪承霽。並著賞給舉人。准其一體會試。○撫卹湖南常寧。耒陽。零陵。祁陽。東安。道州。寧遠。新田。郴州。永興。桂陽。臨武等。十二州縣。衛被旱災民。○庚子。

上詣

奉先殿

壽皇殿行禮。○御紫光閣。覆閱中式武舉騎射。○軍機大臣議。覆禮部奏。順承郡王福晉所生縣主卒。請派堂官致祭。查郡主縣主薨逝。向例遣部堂讀祝致祭。乾隆二十一年。曾經奉旨。諸王側福晉薨。著停止祭文。應不予祭。臨時具奏。郡主以下。自應遞減。今該部奏請遣堂官致祭。縣主未免過當。請嗣後親王。郡王。貝勒等。嫡福晉所出格格等薨。

遊均停止祭文裁減祭品。可否予祭。令其臨時請旨。至貝子嫡福晉所出縣君親王郡王貝勒貝子側福晉所出郡主郡君縣主縣君及宗室公夫人所出鄉君等。均停致祭。再宗室公夫人祭物亦請裁減。臨時應否予祭亦令一例奏請。從之。○是月直隸總督方觀承奏本年熱河各屬及蒙古地方田禾豐收。口外八溝四旗等處粟米更為充裕。現據該地方官具報糧價每石銀九錢餘。將來蒙古各

平糶奏冊二十三

處米糧湧集。尚當減落。請於司庫動項分委妥員會同該地方官買貯。運撥內地充用。得旨。如所議行。○直隸提督吳進義奏直省各營兵歲需操演火藥均係扣留公費名糧。按每年應用數目自行設局配製。逐年報銷。惟河屯一協康熙年間設立之初。因在邊外。兵丁又係旗人充補。是以議將所用藥鉛在工部請領。後經節次增添官兵。亦仍照舊辦理。查赴部支領既多跋涉。兼沿途州縣撥車輓

運更屬糜費。且於通省協營例不畫一。請將該協所屬四營停止赴部。令其自行造藥買鉛備用。若以邊外不便設局。請即在古北臣標藥局內配製造完。運撥各營。按年照通省協營例覈銷。得旨著照所請行。○閩浙總督楊廷璋奏浙江溫台所屬之玉環山雍正五年開闢。設有專營。叅將帶兵駐劄。為浙省海防要地。第設營之初。兵丁均從內地各營抽撥。需用盈甲。祇就原營攜往。未經奏請估製。

平糶奏冊二十三

迄今三十餘年。更多破裂澆薄。查海防營伍軍容甚屬緊要。請於耗羨備公銀兩內動支製造。下部知之。○河東河道總督張師載奏豫省黃河南岸商虞廳屬之虞城三十八堡。内外地勢俱窪。乾隆二十二三。四等年。河勢由北岸謝家莊西折向西南。直射三十八堡大隄。再折而走東北。竟成南北頂衝之勢。臣去冬赴豫勘閱。見其情形險要。督同道廳細加相度。於對岸謝家莊至袁家莊估挑分溜。

引渠飭廳汛領項興工。正在僭挑之時。大河全溜。直注南岸。勢甚危險。隨即估建壩臺。一面相機下埽搶護。一面嚴飭廳汛趕挑。五月內挑挖全竣。本年秋汛大發。大溜旁洩勢分。不至直注壩前。商貨重舟。並令由引渠行走。均無阻滯。查開挑引渠。分洩溜勢。原以保歲搶工程。應請歲加疏濬。所需銀。即於每年搶修項內動撥。得旨甚好。○河南巡撫胡寶琛奏報通省官吏賢否。內稱布政使台柱。明練

平定縣志卷之三

二

老幹。辦事詳慎。為人亦甚公正。吏肅民懷。按察使蔣嘉年。心地明白。諳練老成。雖慎於言語。不輕可否。細察實無徇徇之處。得旨。兩人皆中材。非大器。以河南事簡。且有汝在。故將就用之。未免過譽矣。○陝甘總督楊應琚總督銜管理甘肅巡撫事吳達善奏。甘省乾隆二十四年。各屬出借牛本銀十二萬五千餘兩。又分領鄂爾多斯牛隻。作價銀一萬四千餘兩。原請分二年徵還。內有乾隆二十四年

平定縣志卷之三

二

歉收。各屬民借銀兩。例得緩徵。今歲夏秋收成豐稔。例應徵收。但思民間糧石充裕。若必令糶銀還官。轉費周折。查甘省倉儲頻年動缺。亟宜照數籌補。莫若按照各地市價。不拘色樣。令民以所有糧石。抵完借欠官項。不惟輸納稱便。兼在官多儲一石。即多一石支用之備。請覈實各該地市價。飭令地方官遵辦。其情願完銀者。聽得旨。甘省災後如此從權。尚可。但不可滋弊。慎之。勉之。○陝西巡撫鍾音奏。陝省沿途驛站。額設所夫。過遞送餉鞘物料。或以馱運。或以車運。惟以原額工食支銷。乾隆二十年。因西路用兵。供應浩繁。額夫口食不敷。奏准照乾隆十三年金川軍需例。於額支工食外。按日增給。於建曠銀內動支。現在驛站供應。較前減少。應請將沿途各州縣所夫工食停增。仍照舊例辦理。報聞。

大清高宗法天隆運至誠先覺體元立極敷文
奮武孝慈神聖純皇帝實錄卷之六百二十三

實錄卷之六百二十三

十七

大清高宗法天隆運至誠先覺體元立極敷文
奮武孝慈神聖純皇帝實錄卷之六百二十四

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次慶桂

總纂官經筵講官太子太傅文學政大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶帶加二級又加二級並重誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十五年庚辰十一月辛丑朔

實錄卷之六百二十四

二

上御太和殿傳臚賜中式武舉一甲馬全趙琮
孫庭璧等三人武進士及第二甲鄭端揆等
五人武進士出身三甲彭成堯等五十三人
同武進士出身○諭軍機大臣等安泰等奏
稱奉到遣回涼州總兵達啟之旨已於十月
十一日遣令起程續准阿桂咨送奏稿將金
梁調往伊犁其烏魯木齊綠旗兵丁請派大
員管領等語安泰此奏係十月十三日距達
啟起程之期未遠何難即時追回乃另行請

派甚屬拘泥。但業已遣行。且達啟亦効力有年。不必再行調遣。著傳諭楊應琚。於陝甘副將內揀選一員。前往烏魯木齊。併傳諭安泰等知之。軍機大臣議覆伊犁屯田需用牲畜購辦解送。長途糜費。查商都達布遜諾爾達里岡愛牧場。總計馬駝十二萬八千有奇。牛三萬九百有奇。羊三十四萬九千八百有奇。請抽馬二萬。駝一千。牛六千。羊六萬。就牧場官兵內選熟習牧放飼秣之人。於來年草

請錄卷六二四

二

青時解送伊犁。仍請旨簡派侍衛照管起程。並行令巴里坤烏魯木齊大臣沿途派兵護送從之。壬寅。軍機大臣奏遵查八旗內看守官倉人員。鑲黃滿洲漢軍正黃蒙古漢軍正白滿洲蒙古漢軍鑲白滿洲鑲紅滿洲蒙古正藍滿洲鑲藍滿洲等旗俱係長派二人。該班臣等遵旨詢問。據稱均係相沿已久。查每旗閑散官員甚多。看守倉庾。理宜揀員輪班。今該旗等俱長派二人。勢必日久曠誤。請

將各該旗都統交部查議。仍通行八旗嗣後看守官倉俱令於一旗官員內。按日輪派從之。○刑部議准。山東按察使沈廷芳奏。窩賭宿娼同為民害。例載無籍棍徒及生監衙役兵丁窩頓流娼土妓。引誘局騙。及得受財物。挺身架護者。均杖一百。生監革去衣頂。衙役兵丁不准食糧。受財者准枉法論。從重科斷。但較之開場窩賭。分別初犯再犯。擬徒流例似猶未密。請嗣後如有生監兵役人等窩頓

請錄卷六二四

三

土娼。誑誘平人出身架護者。照窩賭例治罪。如偶然存留。為日無幾。枷號三月。杖一百。為時經久。杖一百。徒三年。再犯杖一百。流三千里。應如所請從之。○以奉恩輔國公永璚為左宗人。奉恩輔國公永璚為右宗人。○以兵部左侍郎觀保署翰林院掌院學士。○以副都統銜安泰為鑲黃旗漢軍副都統。○旌表守正被戕之山東萊陽縣民邢文富妻顧氏。守正捐軀之直隸獲鹿縣民蘇四月妻趙氏。

○癸卯諭軍機大臣等舒赫德奏阿克蘇等城出產紅銅現據該伯克等懇請設爐鑄錢流通行使並乞照葉爾羌之例範為阿克蘇字樣至工役器具皆所必需業經行文該督辦送器具其工役等若於葉爾羌分撥恐彼此俱不敷用仍請於內地另行派撥等語錢文為回民日用所必需自應照葉爾羌例一體鼓鑄著傳諭楊應琚即查照上年之例速行妥辦派員送往○蠲緩江蘇山陽阜寧清

河桃源安東鹽城高郵泰州江都甘泉興化寶應銅山豐縣沛縣蕭縣碭山邳州宿遷睢寧海州沐陽淮安大河徐州等二十五州縣衛本年被水災民額賦有差○予故廣東提督胡貴祭葬如例謚勤愨○甲辰

上詣暢春園問

皇太后安○幸圓明園○禮部議覆雲南學政李中簡奏稱滇省黑白琅三井並普洱鎮沅恩樂等府縣學取進文生乾隆十三年部准

設立廩增以考列優等者充補俟十二年後起貢現已屆期請照昭通東川二府屬出貢例辦理查該省昭通東川府屬鎮雄州永善縣每學設廩生八名於乾隆二十三年題准四年一貢今黑白琅三井普洱鎮沅恩樂等學廩數相符其貢期應如該學政所請從之○乙巳諭軍機大臣等徐垣奏副將以下武弁丁憂在任請停食俸一摺此等人員遇陞轉時既不算俸況自有馬乾等銀資用即不

給俸銀事亦可行但以向例支給之項槩議裁革無知者或轉以為節省錢糧起見殊非政體現已令軍機大臣查例倘各省內原有不給之例徐垣摺自可交部畫一議行若他省皆係給俸則在黔省既未便獨裁而一經交部覈議論說轉多且非教孝之義此摺竟可無庸置議矣將此先諭徐垣知之尋軍機大臣查奏武弁丁憂不離本任惟給假回籍數月例不支俸其在任時仍照常支給各省

並無不盡一之處。徐垣摺應無庸交議。報聞。
○又諭新柱等奏稱。准舒赫德等咨取喀什噶爾搶臺逆犯家屬九十二口。分賞兵丁。隨派外委把總董昌。趙廷士。李信。及兵丁二十九名解送。詎董昌等。因內多老弱廢疾之人。不便行走。除病故九口外。將六十七口。賣給沿途來往回人。得錢二百二十一騰格有奇。殊干法紀。將董昌擬斬立決。趙廷士等革職。枷責。令當差効力。兵丁等各擬棍責等語。

清實錄卷六二四

六

所辦尚未妥協。此等逆回家口。果係老弱廢疾。則海明即不應交付。董昌等又豈肯收領。乃既經接受。何以三日僅行五十里。縱使實不能行。亦當就近稟知海明。即英吉沙爾。亦有駐劄大員可稟。乃遽行售賣。深屬可疑。且起程未遠。何以沿途收買者。聞信若此之速。况垂死無用之人。收買者何所利而為之。朕意逆回家口內。必有喀什噶爾回人煽惑。不願往葉爾羌。遂賄通董昌等。將人扣留。直以

空名往報。又或潛約於第一站。私行出錢領回。董昌貪其厚利。捏稱不能行走。徑行賣放。如果有此情節。不但董昌罪無可逭。即趙廷士等。皆應一體正法。兵丁等亦當從重治罪。若實係不能行走。因而冒昧售賣。其罪尚不至斬決。當改為監候。可傳諭新柱。額敏和卓等。會同海明。將此等官兵。親加嚴訊。倘舞弊情實。即將董昌等正法示衆。併傳諭海明知之。○丙午。

清實錄卷六二四

上詣暢春園。問

皇太后安。○諭軍機大臣等。據錢汝誠奏。請將高寶甘泉西鄉一帶低窪地畝。豁免田糧。改輸蘆課一摺。似不為無見。該處上承洪湖之水。一遇盛漲。入運。去路稍遲。即被淹浸。是以低窪田地。屢被水災。而賑卹亦幾無虛歲。計自十九年起至今。所賑銀米。費已不貲。在國家物力。正當全盛。且隣近各省。俱幸豐收。撫卹災黎。度支原所不惜。但民生利病。務當權

其久遠不得徒為目前補捄之計。且以汙萊之地所供額征本屬無幾。較之賑卹所需。相去不啻以什百計。自應亟行相度籌辦者。尹繼善於該處地方情形。固所熟悉。但伊諸事樂於靜鎮。而憚於更張。著將原摺封寄劉統勲。常鈞令其於江西審案完結之後。仍會同該督親往悉心查勘。熟籌妥辦。其務從長計議。俾一勞永逸。勿稍為意見所拘。遷就了事。

○又諭曰。御史周於禮。參奏四川永寧道張

再齡挈家赴任。在陝西褒城縣青橋驛多索夫役。不遂喝令家人鞭打鋪戶一摺。已批令開泰鐘音將該道嚴察議奏矣。朕初意張再齡以隔省道員。所過地方。既非其管轄。又非奉差馳驛。例給夫役者可比。乃索夫不遂。輒敢肆行喝打。揆之情理。似不應有此。或者周於禮第據鋪戶一面之詞。遽爾陳奏。亦未可知。今詢之高琦。亦稱途次聞有此事。則該道之騷擾滋事。人皆知之。鐘音又何以不早參

奏耶。朕於諸事。從不徒任偏聽。務必推求確實。今此事業已眾著。著傳諭鐘音。令其將索夫之事。確查具奏。究竟實在情形何如。勿得因未經參奏於前。遂意存迴護。○丁未。豁除山東永利永阜二場。並海豐縣。乾隆二十四年分。被潮衝塌竈地五百十二頃二十二畝。有奇額賦。○戊申。

上奉

皇太后還宮。問

皇太后安。○諭軍機大臣等。周人驥審擬李雲鵬等偷竊生息銀兩一案。經刑部以情罪不符。議駁所指甚是。已批依議速行矣。李雲鵬以偷竊官銀之犯。貽禍滅親。情罪最為重大。該撫擬以絞候。誠為失當。至熊連貴乃兵丁。有看守之責。而夥同商謀。贓物皆其經手。扭取尤屬知情。覈其情罪。又豈尋常盜竊為從者可比。而該撫僅以杖流定擬。殊失明允之道。此部駁所未及。著傳諭周人驥。可將該犯

一併速行按律改擬。一面具題。一面速行摺奏。尋奏平越營守備李世英之子李雲鵬夥同兵丁偷盜生息銀兩。致伊父愧忿自盡。請改照子孫威逼祖父母。父母致死例。斬決。熊連貴係本營兵。通同行竊。請改照竊盜鞘餉銀百兩以上例。絞決。報聞。○己酉。

上詣

皇太后宮問安。○御懋勤殿。勾到朝審情實罪犯。停決斬犯十一人。絞犯五人。餘二十一人。

予勾。○諭朝審官犯內達世朗。龔益謙。均以軍行失律獲罪。定擬情實。上年因大功告成。秋決時暫予停勾。本年覆閱招冊。見二犯情罪不同。有不得分別辦理者。達世朗於攻圍庫車時。剗挖地道。燒傷兵丁。究係雅爾哈善調度乖方。勒限催逼。以致債事。其情尚有一綫可原。猶可停勾。若龔益謙職任領兵。乃至退縮誤期。轉以自行抹脖為詞。逗遛不進。試思伊果實係畏罪自戕。何至解訊時依然。

無恙。其為誑飾。更復何辭。向來綠營惡習。專以虛詞詭譎。文其懦怯。龔益謙乃敢自恃故智。貽誤戎行情罪。與達世朗迥別。事關軍務。若不即正刑章。何以懲狡猾而申紀律。是以將龔益謙即予勾到。第恐無知之徒。或以同案異法。未免疑滿漢歧視。或有謬謂滿大臣中有曲庇達世朗者。殊不知朕明慎用刑。輕重之間。一一各如其人之所自取。從來不設成見。至於軍前畏縮。則處分旗人。尚較綠旗加嚴。此亦天下所共悉者。即今內閣刑部大臣。又孰能參私議。高下其手。但朕思及此。不得不宣諭中外。使衆共知。○諭軍機大臣等。據阿桂等奏。現在伊犁屯種等事。需員料理。懇就於烏魯木齊所有滿員。或同知。或知縣。揀派一員。令往伊犁承辦糧餉等語。烏魯木齊現有發往留駐人員。著照所請。令安泰即行揀選。於明春種地兵丁起身時。一同前往烏魯木齊。如尚需人員。即行文陝甘總督照。

例派撥前往。並傳諭楊應琚知之。○河東河道總督張師載。山東巡撫阿爾泰覆奏。前奏濟寧州洩出地畝。係本年六七月被淹成災。原計一千六百二頃零。查濟寧河西窪地。東阻運隄。南阻橫壩。衆水所歸。最易停蓄。現經挑開橫壩。使積水下注。兼於湖口開壩。伊家河韓莊各路引渠分洩。漸次就涸。河東窪地積水。亦經開放運隄涵洞。水勢遞減。原報被淹地畝。自九月至今。共涸出八百三十餘頃。

餘皆積水數寸。尚易消涸。諭軍機大臣等。據張師載等覆奏。本年濟寧等處被淹地畝一千六百餘頃。現已涸出八百餘頃。一摺。前年興修水利。疏濬微山湖。伊家河等處。因地勢窪下。每遇雨水過多。民田輒被淹浸。因而鳩工大加挑挖。俾得永資宣洩。是以歷年涸出地畝。據阿爾泰前後奏報。已及二萬餘頃。今所奏本年被淹一千六百餘頃。雖不及十分之一。但經理大工。甫及一二載。何以復有

隨修隨淹之處。或前此各工。審度要害關鍵。尚有未協。以致難於善後。耶。著傳諭張師載。阿爾泰據實確查。將該地實在情形。繪圖貼說。詳悉具奏。尋奏從前興修水利。以消微湖異漲。年來上游濱湖地畝。得以有秋。今濟寧積水。實緣勢處下游。衆水匯集。兼今秋南陽昭陽等湖。汶泗各河漲發。宣洩不及。以致水勢停蓄。臣等確查要害關鍵。濟寧積水。向入南陽昭陽微山三湖。遞掣而下。二十二年開

挖伊家河。又於湖口開北。建築滾水石壩。宣洩甚利。但每歲冬月。將湖口閘及滾水壩堵閉。以收湖水。為濟江南邳宿之運。滾水壩基原定一丈二尺五寸。二十三年建修時。因濟寧有未涸地畝。奏請落低二尺五寸。窪地盡涸。以湖水一丈為度。今查湖水尚有一丈三尺餘。應仍留洩。放請嗣後。總以湖水落至一丈。始將湖口閘堵閉。滾壩既有壩基為準。應常久不堵。再查積水驟難入湖。皆由湖水收

納過多。而湖水所以多者。總由汶水南流太盛。請將南旺分水口以上之何家壩落低尺餘。遇汶水漲發時。先已由壩滾入北運。則南旺以南入湖之水可減。其落低工程。請歸入運河節省項下辦理得旨。如所議行。奏內稱。滾水壩基落低。以湖水一丈為度。批。八九尺亦足矣。可行無礙否。爾等再議。又稱。河家壩寬二十丈。高河底一丈。請落低尺餘。又批。竟應以二尺為度。○庚戌。軍機大臣議奏。前議

王貝勒等郡主縣主薨逝。停止祭文。裁減祭物。原專指在京郡主縣主而言。其蒙古額駙之郡主等。並未議及。查蒙古等世受國恩。郡主縣主未便與在京城者一例。請飭理藩院。仍行照舊辦理。從之。○廣西巡撫鄂寶覆奏。廣西布政使葉存仁條奏馬政一摺。內稱。廣東福建各標鎮協營馬匹。向係口外購買。乾隆十八年停。每年赴粵西購買。多寡無定。委買營員率額外夾帶漁利。請照京城左右翼

收稅例徵稅。以便覈察。查福建廣東赴粵西購買營馬。數目俱係呈報該省督提覈明。豫咨臣衙門。轉飭產馬地方官。照數購辦。本係以公辦公。與民買不同。况馬價係按地方給發。各有定數。若令輸稅。原定既不能增。稅亦無出。應請嗣後隣省採買營馬。令地方官將數目驗明給照。關會前途察驗。並將數目造冊送臣衙門。轉咨該省覈對。並咨閩粵督提。遇買補馬匹。嚴飭委員向地方官報驗。違者

上詣

皇太后宮問安。○禮部議覆。雲南布政使顧濟

美奏稱。各省鄉試印卷。辦理互異。前在陝省。係用提調道員闔防。閩省。係藩司首領官於接縫處用印。藩司於卷面用印。今滇省卷面及接縫處。則全用藩司印信。請通飭畫一。查鄉試墨卷。鈐用印信。理宜詳慎。除順天鄉試。應仍用府尹印外。江南係上下江巡撫輪流監臨。率同派委道員。辦理闈務。兩江布政使。向不赴闈。應令該督撫。於鄉試年分。酌用印信。報部存案。其餘各省試卷。無論正面接縫。均用藩司印信。從之。○壬子。

上以冬至祀

天於

園丘。是日起齋戒三日。○癸丑。

聖祖仁皇帝忌辰。遣官祭

景陵。○軍機大臣覆奏。杭州將軍福祿奏稱。杭州兵演習連環鳥鎗。鉛彈不能致遠。發出亦不甚準。查伊等所用。俱係康熙三十年造製。歲久損壞。可用者僅十分之三。請頒給健銳

營鳥鎗。以作定式。交地方官照例動項。選工監造。應如所請。從之。○總督銜管甘肅巡撫事吳達善奏稱。平涼府華亭縣瓦亭驛。乾隆二十年。裁汰驛丞。改歸華亭縣知縣管理。嗣因縣治去該驛太遠。奏准添設巡檢一員。兼司驛務。接年差務。雖無遲誤。但馬匹錢糧。仍須該縣照料。殊多未便。查平涼府屬之固原州。距瓦亭驛八十里。較華亭為近。請將驛務改歸固原州管理。其居民糧賦。一併撥隸。原

設華亭驛巡檢。應裁再平涼府屬之鹽茶廳。

回民雜處。獄訟繁多。向設同知一員。並無佐

雜。因公出署。倉庫監獄。乏員經理。請即以裁

減瓦亭驛巡檢。改設鹽茶廳司獄一員。下部

議行。○調鑲黃旗漢軍副都統福祿。為歸化

城副都統。○甲寅。

上詣

南郊齋宮齋宿。○遣官祭

先醫之神。○乙卯。冬至祀

天於

園丘

上親詣行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。○遣官祭

孝賢皇后陵

端慧皇太子園寢。○詣

皇太后宮問安。○諭軍機大臣等。據高恒參奏。

監掣同知張永貴承辦差務。任意冒銷。且聽

從家人匠役等收受使費。偷減料物。請旨革

職。現在該員經手差務鹽務。應俟查覈續參

等語。高恒不以曾經保送。現已離任之員。廻

護容隱。據實指參。深屬可嘉。因思張永貴為

包衣世僕。理應倍知勤慎。且甫經陞用。尤當

益加奮勉。乃恣意放縱。狡黠侵貪。若此。其經

手一切承辦諸務。看來必有不清之處。伊在

京家產。現今內務府查辦。至該員任內經手

差務鹽務。該鹽政可速加查覈。逐一清理。其

任所貲財。著一併嚴行封查。毋使稍有隱匿。

切不可因其已經革職。少為寬貸。也可將此

傳諭知之。○以通政使孫灝為順天武鄉試

正考官。翰林院侍讀盧明楷為副考官。

大清高宗法天隆運至誠先覺體元立極敷文
奮武孝慈神聖純皇帝實錄卷之六百二十四

實錄卷之六百二十四

二十四

大清高宗法天隆運至誠先覺體元立極敷文
奮武孝慈神聖純皇帝實錄卷之六百二十五

監修總裁官經筵講官太子太傅文淵閣大學士文淵閣領侍衛內大臣稽察欽奉 上諭事務處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領侍衛內大臣稽察欽奉 上諭事務處管理刑部戶部三庫事務

世襲騎都尉軍功加十九級隨帶加二級入加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二十五年庚辰十一月丙辰

實錄卷之六百二十五

上以冬至節詣

壽康宮行慶賀

皇太后禮王大臣於

慈寧門衆官於午門行禮○御太和殿受賀○

諭曰大學士來保史貽直年俱八旬嗣後凡

遇祀典不必隨班行禮○諭軍機大臣等據

尹繼善等覆奏清查江蘇藩庫歸款摺內有

應行議處各職名另摺具奏請旨之語乃檢

閱並無另摺當即指從前審案會奏時請參

原摺言之。果爾。則應用先行具摺字樣。何得有另摺云云耶。雖屬行文語病。亦不可不檢。著將此傳諭該督等知之。○又諭曰。高晉奏宿州申家窪等三處。民人開挑工程。請歸官辦一摺。所見非是。事關民生利病。在國家原不惜重帑修築。以資蓄洩。若原係民間自行修理之工。必其附近田舍。於義本無可辭。且統較官工。為數亦屬無幾。理應實力從事。勿令自開諉卸之端。如所奏三處工程。果應官為經理。則當原勘之初。即不應定入民修數內。乃勘定曾不逾時。復議改歸官辦。則此外民圩民埝。應修工程。尚多能一一援例乎。是徒使無知愚民。觀望廢弛。既不知自籌生計。而又以一切勞費。自有官為任之。尚能如自辦者之保護愛惜耶。此所謂知其一。不知其二。非所以為官。尤非所以為民也。即云工程浩繁。民力一時不集。勢需通融籌畫。則當明諭居民。使知大義。一面覈實確估。按數暫借。

官帑為之鳩工。仍酌分年限扣還。於事理方為允協。著傳諭高晉等。令其酌量實在情形。妥議具奏。請旨尋奏。申家窪等處工程。原係大工案內。勘明擬勸民修實。未便改歸官辦。但從前工程。俱係按照每年水勢大小。以定開挖丈尺。雇遠近人夫赴工。估需土方。每方例給銀一錢。今仍令附近有地人民修辦。應請酌借口食。查從前下江勸民修築圩堰。每土一方。借銀二分。作三年扣還。今宿州等處災歉之後。民力未裕。請將應修工程。按照原估土方數目。每方借銀六分。并製備畚鍤器具。責成地方官督辦。所借銀寬期五年扣還。得旨。如所議行。○又諭據陳宏謀摺。奏新舊錢糧有屆限不完者。現行地方官攜帶串票欠冊下鄉。許民就近完納。所奏自屬近理。可行。至稱州縣事繁。不能遍歷。遴委佐貳赴鄉徵收。交縣彙解一節。則其事易落弊端。不可不防其漸。諭民間積欠。為數零星。鄉愚以離

城路遠。或代納被侵。或催比賄捺。皆所不免。但須地方印官親身下鄉料理。則尚知自顧。考成冀可收勸課便民之效。若佐貳微員。其去胥吏一間耳。況勢屬代庖。不但閭閻滋累。且從中沉擱延捱。救弊更恐滋弊。曾不思州縣事務雖繁。而周歷鄉村。尤親民職。任所重。至其餘應理事件。何妨酌量分委各員代辦。此正封疆大吏所應隨宜調劑者。再該撫既稱現在飭行查辦。其從前民人積欠完納。若何吏胥侵蝕釐剔。若何並嗣後作何妥議立法盡善之處。著傳諭陳宏謀逐一詳悉具奏。尋奏。江省從前民欠。上年委員逐戶清查。鄉民俱就近投納。吏胥等侵蝕者。亦皆敗露爭完。實清理民欠良策。惟佐雜微員。下鄉徵收。誠不免擾累滋弊。請嗣後每年奏銷前。遇有負欠。令州縣官赴鄉。於適中地方。曉諭赴納。其倉庫錢糧。暫交丞簿典史稽查。倘衝劇繁難州縣不能分身者。許其自選可信佐貳詳

明上司專委代徵。如無可信。詳請於隣邑中批委。並責成道府就近查察。得旨覽奏俱悉。

丁巳

上詣

皇太后宮問安。戊午。吏部議覆陝西布政使方世雋奏。稱教職六年俸滿。才能出衆。例准保舉。以知縣用。惟查教職領憑赴任時。向由撫臣考試。分別等第報部。列一二等者。俸滿例准保舉。列三等者。不准。竊思該員中不少年力富強。才具明敏之士。若概以文藝考列三等。不准保送。則有志向上之員。未能及時効用。請嗣後將俸滿內考列三等。才具實在出色者。准其保舉送部。即於題本內聲明原考等第。一體引見。應如所請。又稱恩拔歲貢。曾經驗看。截取應選教職者。遇有事故。定例各州縣徑詳撫臣。覈咨吏部扣選。原詳批司覈存。近查部選教職。給憑到司。往往業經病故。皆因州縣止將貢照繳報學政。未經詳報。

司院咨部以致吏部仍按冊銓選行查輾轉員缺久懸請嗣後遇貢生候選教職病故飭令該州縣一面將貢照仍呈學臣咨繳一面照在籍候補候選州縣等官例詳報撫臣覈咨并報藩司存查亦應如所請飭各省督撫行令各該州縣遵辦違者嚴叅從之刑部議覆鑲黃旗蒙古都統勒爾森奏稱烏鎗過失傷人之案多有挾嫌狡詐掩飾等事請飭嚴究確情查烏鎗擦縱由已遇有殺傷自宜細心推鞠應如所請通飭問刑衙門詳研供情從實辦理開脫遷就者叅處又稱正法人犯宜令屍親人等共曉查正法人犯行刑多在城市鄉居僻村從無見聞是以不知律令往往作奸犯科應如所請令該地方官於奉文行刑時將該犯姓名並犯事罪由出示諭衆從之○豁除福建鳳山連江二縣乾隆二十四年分被水衝塌地畝額賦○撫卹甘肅洮州古浪靈州中衛擺羊戎西寧寧蘭金縣

河州渭源靖遠狄道隴西通渭安定寧遠鹽茶華亭靜寧環縣張掖永昌平番平羅大通秦安徽縣等二十七廳州縣衛本年水災飢民已未上御乾清門聽政諭軍機大臣等鄂弼奏請將大青山後民人租種土默特蒙古地畝歸官徵糧其蒙古應完官租三千餘石概行豁免一摺所見尚有未盡處此項地畝雖向係內地民人租種而蒙古人自以為世業已久今一旦歸官徵糧而免其官租所免之租不過三千餘石在蒙古既未必知感而以伊等世業竟行歸官其形跡轉似利其土地而有之者徒滋口實辦理殊未妥協看來民人種地交租原不無愚弄蒙古之處而蒙古人收納租石交官之外亦必尚有贏餘若徒免其官租而竟收其世業究無以使之心服何不仍其舊而官為經理令民人照應交租額輸之於官酌量分給蒙古若干仍令蒙古歲納

官租若干。以存輸賦之舊。如此則蒙古既不
失舊業。而於交官外亦仍有所餘。於事理尤
為允協。其應作何詳籌妥辦之處。著傳諭鄂
弼。會同舒明。悉心定議。具奏辦理。再伊摺內
土默特每年應納官租六千石。該處蒙古每
年應完三千餘石等語。該處蒙古。即土默特
也。既云土默特。蒙古應交六千石。又云該處
蒙古。應交三千餘石。所奏甚不明晰。或土默
特統計應輸六千石。而爭田相告之處。則為

平定人云云

三千石乎。並著鄂弼查明具奏。尋奏辦理蒙
古地畝。已札知署將軍舒明。當即詳籌妥議。
至前摺內所敘土默特每年應納官租六千
餘石。原指應輸總數。其該處蒙古每年應完
三千餘石。則專指爭田相告之地。報聞。○刑
部議覆御史陳大化奏稱京城本年迷失幼
童未經訪獲者共二十餘案。皆因各衙門通
飭查拏。而文移輾轉。每在十餘日後。以致奸
人遠颺。請嚴定承緝處分。應如所奏。嗣後遇

有此案。在內城者。令其即時稟報該管地方
步軍校。並即日報明步軍統領。轉行順天府
及各該管衙門。外城。即時報明該城。並各該
管衙門。均於報到日。一面行知內外看守城
門官兵。一面飛飭所屬員弁。並內外城附近
地方官兵。嚴緝務獲。如該管官兵。不即時轉
報。關緝照。推諉事件。例議處。又稱。拐犯不獲。
將承緝之員。照捕盜例議處。查幼童迷失。事
起倉卒。或逃或拐。情節未明。未便遽定承緝

處分。應申明定例。通行京城內外各衙門。嚴
飭所屬查緝。俟允徒獲日。審係迷拐。將失察
員弁。照例分別議處。隣境員弁。盤獲案犯。量
予紀錄二次。並通飭外省文武官弁。遇有迷
失案件。照辦從之。○以督辦西路軍營屯田
事副都統銜定長。為兵部右侍郎。○庚申
上詣

皇太后宮問安。○諭軍機大臣等。靖逆衛守備
沈趨虧空一案。據莊有恭以該備未完銀兩。

無力請豁。經部指駁。所見甚是。守備微員。即有虧空。何至一萬二千餘兩之多。且現將資產變追。尚未完銀九千餘兩。如係那移。自有應歸款項。若屬侵貪。尤宜照例辦理。以示懲創。該撫並未分晰聲明。率行請豁。辦理殊屬不合。著傳諭莊有恭並楊應琚。於該備任所原籍。再行嚴飭確查。務將虧空緣由。實在係何情節之處。詳細分別據實具奏。尋莊有恭奏。故備沈趨虧空情節。原籍無案可稽。現咨陝甘督臣辦理。尋楊應琚奏。沈趨係屯衛守備。原有經手錢糧之責。其那移等項。有款可歸者。久經歸還。其餘侵欺銀兩。實係在任年久。用度不檢所致。該備任所。無可著追。應令該管失察上司分賠。下部議行。○調湖廣荊州右翼副都統額爾奇木。為三姓副都統。以四川成都協領福納。為荊州右翼副都統。○辛酉。諭軍機大臣等。尹繼善等奏請酌撥葦柴。以濟工需一摺。朕以工料輕議更張。且物

價運費。參差不一。恐啟工員浮冒之漸。僅交該部議覆。或亦未悉此中情事。是以令軍機大臣會同定議。今經查案議駁。所指甚是。已依議准行。但此事從前奏請改辦秫稻。原為料實工堅起見。今行之未幾。又稱稽性虛鬆。不如葦柴堅固。在尹繼善猶可云隨事陳奏。而白鍾山則係原奏之人。何竟不自知其矛盾。若此。總之河工陋習。加料增運。固易滋各員高下其手之弊。而工程所關。究應作何辦理。亦豈得徒以一經斥駁。遂爾草率從事。著傳諭該督等。令將實在情形。詳悉確查。即行據實覆奏。○又諭曰。阿桂等奏。本年屯田回人三百戶。所收穀石。接濟前後駐劄官兵。及厄魯特回人二千餘口。可至來年五月。來年再增加開墾。則建置城堡。公署兵房等事。亦可次第舉行。不必更需阿克蘇糧石等語。今年伊犁屯田。稍覺逾時。尚能如此豐收。皆阿桂等盡心辦理所致。著加恩從優議敘。協辦

之伊桂。常亮亦屬奮勉。著交部議敘。舒赫德善於籌辦接濟糧餉。亦著一體交部議敘。阿桂等又奏稱。副前鋒章京富勒琿都司陳聖謨。承辦稽查田穀。催督回人耕種。亦屬黽勉。等語。著交部於應陞之處列名。其屯田回人三百名。亦應加恩。著各賞銀二兩。以示鼓勵。又諭曰。海明奏稱。伯什克勒木。有地二千四百餘帕特瑪。因得水甚難。未及耕種。等語。此項地畝。若果乏水。聽其荒蕪。亦可。或係回人指稱乏水。希圖隱納稅糧。日後私行耕種。亦未可定。著傳諭海明。善為稽察。若有耕種之人。即令按則升科。又諭。據海明奏稱。布魯特冲噶巴什之五品頂帶阿瓦勒比。來京入覲。回抵游牧。聞伊屬人等搶掠安集延之物。即查出銀兩馬匹等物交還。而安集延人等。反云尚短少銀馬若干。仍令阿瓦勒比酌量辦理。呈報等語。阿瓦勒比感激恩眷。查還搶掠隣封物件。甚屬可嘉。著賞緞二端。至安

集延人等。皆為臣僕。若果有銀兩馬匹未獲。即當再行查給。倘實係無有。則亦當告以阿瓦勒比頗知守法。斷不欺隱。且爾安集延附近布魯特部落甚多。保無他處為匪之人。豈可盡責之冲噶巴什爾等。仍宜訪察。至邊卡以外之布魯特等。倘有互相搶掠之事。來告。則不必如此辦理。當云爾等散處邊外。彼此盜竊。我處無憑稽察。但從爾等舊例辦理。如此分別曉示。方為各得其當。著傳諭知之。又諭。據阿桂等奏稱。蘇巴爾罕卡座解到投誠之厄魯特瑪哈沁巴雅爾等。俱係數年前被布魯特擄掠之人。現聞伊犁駐兵。逃出投順。請即留伊犁。與兵丁一體支給口糧。以備差遣。所辦尚是。但恐安插以後。不免逃竄滋事。著傳諭阿桂等。令其嚴加約束。如有偷竊馬駝逃竄者。即行拏獲正法。○壬戌。諭軍機大臣等。陝甘各營承辦軍需馬匹。所有墊用銀兩。自乾隆二十三年春季以前。屢經降旨

加恩寬免。今詢問蔣炳。據稱二十三年夏季起。至二十四年春季止。各營餵解官兵進勦馬三萬餘匹。約有墊項八十餘萬兩。又二十四年夏秋解送軍需馬匹沿途餵解。亦不免有墊項。現在該督撫詳查覈減。會同具奏等語。此項墊用銀兩。前曾令該督等分別查奏。今軍務久經告竣。所有滿漢各營前後辦解馬匹之借墊銀兩。或應行抵扣還項。或量予格外加恩。自當速為完結歸款。著傳諭楊應琚等。即將墊項實數若干。詳悉查明。務於年內據實具奏。候朕降旨。○癸亥。諭軍機大臣等。楊應琚奏稱葉爾羌現在市價。每銀一兩得錢一百二十文。而回人交納錢糧。則每兩七十文。兵丁之領餉亦然。及與回人交易。則不能不照市價。殊未盡一。請照阿克蘇等城之例。每錢一文。作銀一分。百文為一貫。凡官兵回人銀錢出入。一律辦理等語。回城設局鼓鑄錢文。自應與內地之出入一律。楊應琚

此奏。或綠旗官兵等傳說太過。亦未可定。總之官兵回人。俱不可有所偏徇。阿克蘇既出入相同。葉爾羌等處。自應照例辦理。著傳諭舒赫德、新柱等。公同酌議。嗣後回人交納錢糧。著以錢百文為銀一兩。倘伊等為交錢不便。即著交銀。務使市有定價。則公私皆獲其益。併將原摺錄寄閱看。○甲子。

上詣

壽康宮侍

皇太后宴。○諭軍機大臣等。書山奏伊犁屯田回人所需口糧。經阿奇木伯克鄂斯璘等辦理。從庫車、沙雅爾、賽哩木、拜、四城共派出四萬八千七百餘觔。陸續送往等語。此項口糧俱係各該伯克回人等捐助。急公可嘉。著舒赫德等酌量獎賞。○乙丑。

皇太后聖壽節。遣官祭太廟後殿。○

上詣

壽康宮行慶賀

皇太后禮王大臣於

慈寧門。衆官於午門行禮。奉

皇太后幸靜怡軒重華宮侍宴。丙寅

上詣

皇太后宮問安。幸瀛臺。諭前據謝溶生參

奏阿思哈收受屬員餽送贓款。疊疊朕意阿

思哈向來尚屬謹慎之人。未必果有其事。是

以遣劉統勲常鈞會同尹繼善前往查審。今

據奏到該撫因生女收受司道金錫綾緞一

節。証據已確。其他各款亦有端緒。是阿思哈

收受餽送已屬顯然。實為可駭。巡撫身任封

疆。正已率屬尚慮屬員巧為嘗試。乃收納苞

苴。先自大吏何以澄吏治而飭官方。且以阿

思哈平日操守尚似可信。而簠簋不飭。一至

於此。在伊納賄賂。自取重戾。固不足惜。而

朕亦將何以用人耶。阿思哈著革職。交劉統

勲等逐款嚴審。按律定擬具奏。江西巡撫印

務即著常鈞暫行署理。○諭軍機大臣等據

劉統勲等查奏阿思哈收受司道金錫綾緞

一節。証據已確。實為可駭。朕初意以為阿思

哈為人尚屬謹飭。未必實有其事。今此款既

確。其餘各款料非子虛。自應逐一根究。務得

實情。即如為原任道員董榕。彌補虧空一款

更有疑竇。董榕向來尚屬小心謹慎。其經理

贛關事務不應至有虧空。或係阿思哈平日

科派需索以致賠累。亦未可定。尤當詳悉確

查。者現已降旨將阿思哈革職。嚴審所有任

所貲財。即著劉統勲等查抄。毋致隱匿。巡撫

為封疆大吏。即屏絕苞苴。尚恐屬員巧為嘗

試。乃簠簋不飭。一至於此。不可不重治其罪

以昭炯戒。著劉統勲等嚴審。按律定擬具奏

將此傳諭知之。○戊辰。諭今日兵部帶領引

見人員內。其千總等俱穿蟒袍。此等微弁置

辦不易。嗣後文職自縣丞以下。武職自千總

以下。遇應服蟒袍之日。俱不必定行穿著。○

軍機大臣議覆定長奏闡展等處屯田收穫較上屆多一萬餘斛。將管轄官員分別議敘。兵丁酌量獎賞。應如所請。但從前進勦回部闡展等處。俱係衝要之地。故屯田以資口糧。今軍務告竣。屯田兵節次奉旨發往伊犁。並遣歸營伍。應交舒赫德阿桂定長等詳查闡展等處。何處係屬要地。仍應存留官兵。外其年久老疾之人。遣歸原營。餘俱陸續發往伊犁屯田。將從前所墾地畝。酌留給兵丁耕種。餘俱賞本處回人。至現收糧足數。臺站數年之食。請照數貯備。從之。移浙江青田縣縣丞駐龍泉縣安仁莊。從閩浙總督楊廷璋請也。已已。

上詣

皇太后宮問安。諭軍機大臣等。綽勒多等遵旨查奏兵丁內有一家三人陣亡。及三人內兩人陣亡各名數一摺。墨爾根城馬甲喀喇勒岱等四十九人之子弟。著加恩各揀選一

人以驍騎校用。呼倫貝爾馬甲塔爾吉察之子葉木伯訥衣。年甫八歲。著暫支馬甲錢糧養贍。打牲馬甲噶運察之子葉衣濟木保。著加恩以驍騎校用。又據查奏黑龍江等處陷賊未出。及傷發身故。並軍前溺斃之署叅領班第等一百八十人。尚未議卹。伊等均歿於王事。著照陣亡之例議卹。至陷賊被害之員。其人原與陣亡相等。又如三都布。豆斌等。臨陣傷重。雖延至數日。亦何異於陣亡。惟守卡坐臺人等。平時疏忽。遇賊倉卒被害。或得傷身故。豈得遽與陣亡同議。即減半賞卹。已屬格外加恩。此次查奏人員。著該部分別辦理。○吏部等部議准。雲南巡撫劉藻奏稱安豐井鹽大使。向無銜署。請動項興修。從之。○庚午。以翰林院編修朱佩蓮。提督廣西學政。○是月。署江西巡撫刑部右侍郎常鈞奏。外省官員。自府州縣以至佐貳雜職。內有記功記過一節。原以補加級紀錄降罰所不及。而豫

備考察也。臣在江西接見屬員。除分發試用州縣。無舊事可查外。其復補人員。所呈履歷。備陳前任事蹟。有因奮勉議敘加級者。有因行走獎勵記功者。惟緣事議處。免叅記過之事。概不敘及。查復補人員。不乏閱俸年久。老成幹練之人。舊任事蹟。正可證新任優劣。若將從前功過。棄置不錄。一切漫無考稽。殊於察吏之法。未密。請嗣後將記有功過之員。遇事故離任回籍。或赴補。或送部引見。或推陞別省。俱於咨籍咨部。咨別省文內。將功過開列。事由註明。如由部另補。或奉旨發往別省。亦俱於知照文內。逐一開載。得旨。此事瑣細。察吏故不在此也。○福建巡撫吳士功奏。臺灣府屬承審命盜案件。向例限十個月完結。臣前奏於命案酌減兩月。搶竊等案酌減三月。經部議准在案。但命盜案件。既經減定限期。則承緝承追。承查承變。承修承造。及盜案疎防等事。俱未便仍照向例扣限。查承審命

案。既減兩月。則凡初叅承緝。與承追承變等案。請一例減兩月。限八月完結。承審搶竊雜案。既減三月。則盜案越獄疎防。及承查承修承造等案。請一例減三月。限七月完結。得旨。好。○山東學政閔鶚元奏。按試東昌府屬。據提調官知府吳承勲稟稱。有府屬應考童生倪誠。范蘭芳。被撞棍李際龍等。冒充臣衙門書吏。指稱買求入學。假造鉛銀掉包。誑騙經本童窺破情形。索銀聲喊。被巡役拏獲。隨提該犯等嚴訊。均承認不諱。現將撞棍等枷號示衆。按律定擬。得旨。此非枷責可完之事。應將此旨傳諭阿爾泰嚴審定擬。○陝甘總督楊應琚奏。甘肅肅州地方。界當邊塞。地多荒疇。自開闢新疆以來。肅地為內外總匯。現在商民輻輳。查該州北鄉一帶。荒土界在邊牆以內者。始則編戶疇零。未及墾闢。遠在邊牆以外者。又以地有禁限。未許越耕。但際此拓疆萬里。中外一統。似不必區區以遠邊為限。

請將肅州隣邊荒土盡令開墾並為相其流
泉開渠引灌於軍需平餘項下借支工需令
承墾人戶分限繳還得旨甚姪○四川總督
開泰奏邪教流傳為地方大害川省民鮮土
著風氣不齊尤易煽惑奸民宋朝倫等踵行
無為教誘騙更夥且謬指從前劉奇案內早
經正法之孫奎謂其並未身死以聳衆聽總
緣孫奎正法時見之者少故得妄行捏造茲
宋朝倫一案現在案內等至省城拘禁擬以
監候遣徒以下等罪人犯共百餘名若不使
共覩宋朝倫等之死未必知邪教作孽之深
隨飭行按察使會同督提標員滿城協領派
撥兵役將衆犯先押赴行刑處所令其跪視
商民往觀者聽其近立始將宋朝倫等分別
凌遲處斬並將奸邪惡跡及犯嚴刑之處通
行出示得旨甚是

實錄卷六二六

二

一

大清高宗法天隆運至誠先覺體元立極敷文
奮武孝慈神聖純皇帝實錄卷之六百二十五

實錄卷六二六

三

大清高宗法天隆運至誠先覺體元立極敷文
奮武孝慈神聖純皇帝實錄卷之六百二十六

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次並慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級並董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

教修

乾隆二十五年庚辰十二月辛未朔諭軍機

大臣等據楊應琚奏酌籌就近抽撥母羊以資茂育一摺朕以其為經理孳生起見所辦甚好批令如所議行但應解烏魯木齊伊犁羊隻全為官兵口糧與孳生無涉該督請先儘母羊撥解牧放於官兵口糧並未籌及或係錯會原議辦理尚未妥協著傳諭楊應琚將應解烏魯木齊伊犁之二萬羊隻如尚未過巴里坤即於同德現買羊隻內儘數將羖羊替換解往其換下母羊留於巴里坤牧放

孳生如已解過巴里坤計此旨到日諒亦不遠仍可將巴里坤羖羊即行趕往換回則巴里坤既可以廣孳生而烏魯木齊伊犁官兵口糧亦可無誤矣此處更有旨諭巴里坤烏魯木齊之大臣等爾等相商辦理○吏部議准廣西按察使申夢璽奏稱緝拏脫逃兇首盜首不獲向例承緝官已閱四叅本身不至離任者仍入彙題按年照例議處接任代緝人員既經彙題一次即免續叅似承緝本嚴而接緝稍輕請嗣後遇接緝案件盜首係飢寒為匪無殺人等情者仍照舊例彙題一次免其續叅若盜首係兇惡大罪經久未獲接任雖已按限處分仍應一體列入彙叅照例議處應如所請從之○禮部議覆陝西按察使阿永阿奏稱外省流犯子弟同本地居民一體考試與例載平人入籍二十年以上始准收考之條不符請飭一體照辦查流犯安置為民原係罪應遷徙所配之處即係彼地

編氓子孫讀書向上向例既無禁錮自與無根冒考者有間。若亦以二十年為限。將隨配之流犯子孫欲留。則年限不符。格於應試。欲去則離親無倚。情亦可憫。請嗣後各省流徙其嫡屬子孫。同赴配所。令該犯於到配時呈報地方官立案。不拘年限。准其入籍應試。非嫡屬者禁從之。○叅贊大臣舒赫德奏。據烏什辦事伯永慶報稱。十月初十日夜。喀喇巴克回人烏朗噶及厄魯特察罕等。帶家口二十餘人盜馬逃走。比即派兵追捕。並向布魯特索取等語。臣隨派侍衛巴常。端濟勒圖。領兵前往策應。嗣據永慶續報。沿途查詢。並傳諭布魯特各部。嚴行拏解。查烏朗噶係布魯特種類。為霍集斯所信用。今聞霍集斯留京恐續行解送。遂起意潛逃。現有布魯特特穆爾占前來貿易。俟其回日。當即派侍衛等同往查拏。報聞。○壬申。

皇太后宮問安。○幸瀛臺。○諭。四川建昌鎮總兵員缺。著高琦署理。俟服滿之日。再行請旨實授。○吏部等部議准。直隸總督方觀承奏。稱永平府屬之盧龍。遷安。撫寧。昌黎。樂亭。臨榆。並遵化州。一切河渠隄埝。請均歸薊運通判管轄。從之。○甲戌。諭軍機大臣等。前經降旨。令劉統勲等。將董榕虧空之處。詳悉確查。或係阿思哈科派需索。以致賠累。俱未可知。今據方觀承奏稱。准咨查訊董榕家屬。據供上年董榕差人赴粵。代阿思哈置買物件甚多。約覈其值。不下數千金。而所發價銀。僅止二百兩。一百六十兩。則其科派賠累。已屬顯然。果不出朕所料。著傳諭劉統勲等。將供單內所開。詳加研訊。務得實情。一併定擬具奏。○又諭曰。海明奏。驍騎校阿克棟阿。僕人喜兒。偷竊伊主銀兩。逃走。在回人家匿藏。賭博宿娼。將銀用盡。復盜竊馬匹。售賣。現經拏獲。審明。正法。示衆等語。喜兒盜竊伊主銀兩。逃

走。在葉爾羌等處匿藏半載。始經發覺。則平日法律不嚴。緝捕不力。可知。海明於拏獲時正法。辦理尚為妥協。似此之人。若稍為寬縱。不惟無以懲創惡奴。官兵亦復何以役使僕人。兵丁逃走。尚應治罪。況奴僕乎。嗣後有似此逃走者。無論盜竊財物與否。均於拏獲日。即行正法。再回疆平定。官兵久居其地。僕人等宿娼賭博。如不拏禁。將來兵丁效尤。漸染成風。微末員弁亦必有為之者矣。兵丁所得月糧。果能搏節。不惟不至竭蹶。稍有存餘。攜以歸家。亦於生計有益。嗣後兵丁賭博宿娼。拏獲從重治罪。官弁繩之以法。並窩聚之回人。亦嚴加懲治。著傳諭舒赫德。新桂。額敏和卓。海明等遵照辦理。○吏部議覆山東學政閔鶚元奏。稱學臣按郡考試。吏胥平民。招搖撞騙。提調及地方官不能訪拏究治。均請一體議處等語。查吏胥假名誑騙。提調及該管地方官失察。自應照失察衙役犯贓例議處。

若場外平民。非在官人役可比。撞騙招搖。不行查拏。別經發覺者。提調官應請免議。其失察之地方官。請罰俸一年。隱狗姑容者。降調。至所稱提調及地方官實力查拏。將罪犯全獲。量予議叙。應如所請。將全行拏獲之員。紀錄一次。從之。○乙亥。

上詣

皇太后宮問安。○軍機大臣議覆叅贊大臣舒赫德等奏。五吉等送馬三千匹至阿克蘇。除送往伊犁及散給卡座臺站兵丁外。止存九百餘匹。不敷來年辦送伊犁官兵及葉爾羌等城之用。請於巴里坤牧放馬匹內。再行調撥。查阿克蘇為回地總匯。自宜多備馬匹。應如所請。於巴里坤撥千匹解往。又稱。五吉送駝三百隻。除補給臺站外。亦不敷用。嗣後遞送伊犁事件。就近量雇回人牛頭。亦應如所請。從之。○予故江蘇松江府知府贈太僕寺卿周中鉉。吏部侍郎前任河南巡撫尹會。

入祀各該地方名宦祠。河南光山縣禮部侍郎胡煦。入祀該籍鄉賢祠。○丙子。

孝惠章皇后忌辰。遣官祭。

孝東陵。○

上詣

雍和宮行禮。○以故奉恩將軍碩安子福增祿襲職。○丁丑。諭軍機大臣等。戶部議駁李侍堯奏。請加徵粵關補平銀兩一摺。所駁甚是。此項銀兩。甫經奏免。今復奏請加徵。既屬非

體。且該關法馬。即係戶部所頒。彈兌本屬畫一。如果兌足起解。自足敷該部兌收。是以向來從未有短少掛批案件。何至近日遽有無數部收之處。看來該關起解。縱未必短少。而解員中途滋弊。諒所不免。著傳諭李侍堯。嗣後起解稅銀。應慎選謹飭之員管解。仍留心查察。勿令滋弊。倘有侵蝕。即行嚴叅。示懲。以重課項。○軍機大臣議准。黑龍江將軍綽勒多奏。稱派遣回子百名。前往呼倫貝爾教導。

灌田。請官給住房。並派齊齊哈爾熟悉農事之領催。賞給七品頂帶。按月支給鹽菜銀兩。專司董率。五年期滿。以驍騎校補用。應如所請。又奏。請撥給農具耕牛。查農具應令該將軍酌量買給。牛頭請照部議給發百頭。每頭發價銀十一兩。購買。至所稱耕種之人。每名令領籽種二石。未收穫前。准以齊齊哈爾存倉米石內。借支口糧。俟二年後歸還。並令攜眷同往。亦應如所請。從之。○戊寅。

上詣

大高殿行禮。○己卯。

上詣

皇太后宮問安。○諭軍機大臣等。御史王啟緒所奏。豫嚴掘蝗之責一摺。此亦地方官應行辦理之事。但蝗蝻之有無。不盡關冬雪之多寡。即如去年冬雪霑足。而今歲通州各處。何嘗無蝗。則雪深一尺。蝗入一丈之說。亦未足深信。惟在有司之先事豫防而已。目下正屆

寒冬凍地恐難掘挖而開春土膏既動即當嚴飭各屬實力奉行著傳諭方觀承知之並將該御史原摺鈔寄閱看○又諭昨閱刑部議駁陳宏謀審擬陳貴致死范廷齡一案該撫將致死奪財之犯僅以尋常謀殺律問擬經部指駁甚屬允協今該撫審擬陸忝銳傷陸豪等一案又將脫逃行兇之盜犯僅依尋常流犯之例問擬復經部駁陳宏謀於刑名重案並不照例定擬以致疊干駁詰是其平日好名之故智復萌於一切審擬案件有意寬減獨不思律設大法若舍正條而從輕援引何以懲兇頑而昭平允陳宏謀著傳諭申飭並令將此案該撫作何另擬改正之處著一面辦理一面專摺奏聞尋奏陳貴幫同沈林勒死范廷齡剥取身衣請改照謀財害命不論首從律斬決陸忝本係行劫擬斬緩決之犯經恩赦減等擬流復敢逃脫行兇請改照發遣盜犯逃後行兇例即行正法報聞○

又諭曰厄魯特藍翎侍衛策伯克前隨瑞綽爾圖被圍既不從賊又未逃避他往且覓路回至軍營甚屬可嘉著加恩授三等侍衛賜卓哩克圖巴圖魯號仍賞銀一百兩○奉恩將軍登久奉恩將軍諾爾博病休以其子海寧鳳文各照例襲職○庚辰諭軍機大臣等前據蔣炳奏甘省各營餽解馬匹賠墊銀兩約有八九十萬因未得確數是以傳諭該督撫令其查明具奏今該督等奏到之數殊未明晰雖奏此摺時尚未接到前諭但此項銀兩原欲俟查明實數以便頒發加恩諭旨今該督所奏並未將歷年免過若干現在餘欠若干分晰開除乃豫計明年未扣之公糧謂可抵補有餘夫遠域平定無庸多兵則省費自是國家經權之道不可云為抵補起見該督所奏轉多牽混至歷任督臣前後承辦軍需事同一體今該督等以黃廷桂任內所辦與伊經手之項分別臚列未免意存畛域著

傳諭楊應瑒即速據實查明二十一年夏季以後借墊各項除歷次降旨豁免及曾經抵扣外現在欠數若干務於歲內速行奏到候朕降旨加恩○又諭曰李侍堯題奏陸川縣知縣應斯鳴縱賊害良一本該縣於武舉謝烈等前後具報失竊各案並不親提嚴究一任巡檢陸廷相草率了事後因事主赴廣東呈控該縣復文過飾非混將竊案委卸前任反謂事主恃符赴訴詳請斥革臬司申夢璽並未推究實情扶同率結此係粵西案件該撫鄂寶自應振刷清理豈竟毫無聞見雖本內督撫會銜亦不過外吏通行故套而於管轄地方察屬鋤奸該撫自有專責何至漫無覺察直待事主遠赴粵東控告始行究出定擬耶此案著鄂寶明白回奏○辛巳禮部奏乾隆二十六年十一月二十五日恭逢皇太后七旬萬壽請舉行慶賀典禮得旨奉皇太后懿旨停止進獻禮物○諭軍機大臣等

前據高晉奏請陞見已批不必來但明歲為八阿哥大婚吉期必須尹繼善自行來京料理一切未免多需時日其兩江總督印務應交高晉護理該撫宜在尹繼善未來之前先行陞見以便面諭護督事宜著傳諭高晉接到此旨即行來京○戶部議覆漕督楊錫紱奏請回空糧船准帶麥豆等物查回空船准帶土物原係矜恤運丁但年來京師麥收歉少倘令運丁回空帶麥恐麥多南歸而直隸麥價轉致昂貴除麥一項回空糧船不准攜帶抵數外其餘黃豆水果等食物應如所請准其回空帶往總以六十石抵數免其輸稅六十石以外有多帶者即行按則征收仍通行各管關督撫監督等將回空各幫船隻於過關時查明前項應帶貨物不得令運丁船戶人等朦混欺隱虧額亦不得令巡攔人等借端留難從之○移浙江江山縣縣丞駐二十八都廣濟驛驛丞駐清湖蕪管巡檢事務

福建浦城縣盆亭司巡檢駐廟灣從閩浙總督楊廷璋請也○豁除山東嶧縣滕縣河工侵占民田五十一頃十三畝有奇額賦○壬午旌表守正捐軀之河南項城縣民沈萬里妻梅氏○癸未

上御乾清門聽政○詣

皇太后宮問安○諭軍機大臣等近聞山西巡撫鄂弼在五臺山菩薩頂蓋造行宮朕在彼駐蹕為日無多何必蓋造但現已興作祇以

敷用為是勿得過為華侈再晉省止駐蹕二宿今菩薩頂已建行宮若仍於射虎川駐蹕使一應輜重逾嶺不免多需馬駝臺麓寺現有屋宇莫若畧加修飾建一小行宮則布城等項可嶺內以待較為簡便已命嚮導總管努三前往並傳諭鄂弼會同酌辦斷不可大興工役○以翰林院編修翁方綱充日講起居注官○甲申河東河道總督白鍾山山東巡撫阿爾泰覆奏前奏請微山湖水以一丈

為度奉硃批八九尺亦足令臣等再議查微山湖雖各州縣眾水之壑實濟東省八閘之運湖內少存一二尺水則上游坡水迅速入湖自於民田有益但江南邳宿運河係八閘下游上年小關一帶水勢微弱即於湖口閘南引渠廣洩湖水以濟江南運道今湖口閘金門若定以水深八九尺為度在東省八閘儘可濟運而江南運河自臺莊以下至楊家莊反恐不足濟運是湖內多存一二尺水於南運即受一二分之益應請仍照原奏水深一丈即挨次堵閉湖口閘引渠得旨覽奏俱悉○乙酉

上御太和殿視朝文武陞轉各官謝恩○諭軍機大臣等前因錢汝誠奏請高寶西鄉一帶低窪地畝豁免田糧改輸蘆課一摺當即諭令劉統勳常鈞於江西審案完結之後會同尹繼善前往該處查勘今江省案件尚未審明奏到劉統勳奉差在外已近半載常鈞現

在署理撫篆亦未暇即赴江南且尹繼善高晉等開歲後俱令其來京陛見此事應行籌辦與否該督撫等可以面稟機宜再行相度著傳諭劉統勳侯阿思哈一案審擬完畢即行回京○又諭曰白鍾山覆奏林稽改辦葦柴緣由一摺所奏非是河工料物全為工程起見如果必需葦柴亦不得以道遠難運遽爾草率遷就若葦稽原可兼用又何必輕議更張且所云災歉林稽艱致一節向因河工辦理失宜不無偏災今經整頓之後連歲年穀順成林稽自應豐裕該督即有改辦葦料之奏亦當於災歉時通融籌辦乃不奏請於歉收之年而奏請於豐稔之後又不將改辦緣由據實聲明及經部指駁降旨令該督將實在情形確查覆奏乃轉託於因時制宜曲護前非其實所奏情節多屬牽強此等文飾積習深所不取白鍾山著傳旨申飭○軍機大臣議覆馬殿總管巴爾品奏稱太僕寺左

翼馬乾隆二十三年查看除三十九羣無缺外其餘五十七羣共缺馬八千九百餘匹當經動項買補於管該牧羣官兵俸餉內按年坐扣一半陸續歸款未免年數過多請將不欠馬匹官兵等俸餉一併坐扣速結官項其事尚屬可行應令巴爾品善為調劑得旨巴爾品此奏軍機大臣等即照所請議覆均屬非是坐扣原欠馬匹官兵俸餉其咎本屬應得即多扣數年亦無不可何得以速完官項而以不欠馬匹人等俸餉令代他人賠補乎殊非懲勸之道且管牧羣官兵知有一體賠補之例又豈肯盡心牧養況原欠之人或已發遣或已斥革補其遺缺者並未缺欠馬匹亦不當扣伊俸餉嗣後著免其坐扣其原欠馬匹人等除本人現在及有產業者仍令照舊賠繳其業經治罪及無產業者著加恩寬免朕此番曉諭之後管理牧羣人等如再不盡心牧放復蹈前轍仍行缺欠不惟定行著

落賠補。必且從重治罪。○兩江總督尹繼善覆奏。蘇松鎮羊山弁兵營房。前經該鎮總兵黃錫申奏請添建。奉旨交臣妥議。查羊山孤懸海島。春魚秋蜆。商民聚集。兼外洋商船亦多經由。實為江省海洋扼要之區。該鎮長年派撥弁兵。駕船輪流巡緝。凡值潮信猛烈。必須停泊避風。應如該鎮所請。於該山建造營房。並設立墩臺。令官兵船巡之餘。以資棲止。即令該鎮於巡洋員弁內。遴委監造。得旨。如所議行。○喀喇沁固山貝子敏珠爾喇布坦故。以其子丹津達爾扎降襲鎮國公。

大清高宗法天隆運至誠先覺體元立極敷文奮武孝慈神聖純皇帝實錄卷之六百二十六

大清高宗法天隆運至誠先覺體元立極敷文奮武孝慈神聖純皇帝實錄卷之六百二十七

監修總裁官陸軍官太子太傅文淵閣大學士文淵閣領事內大臣稽察欽奉 上諭事件處管理

吏部理藩院事務正黃旗滿洲副都統世襲騎都尉功加七級隨帶加一級守備加二級軍功紀錄一次慶豐

總辦官陸軍官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲騎都尉功加十九級隨帶加二級又加二級軍功內大臣戶部尚書張蔭桓內閣副都統軍功紀錄五次

庫書紀錄十四次陸軍總辦官太子少保工部尚書紀錄六次內務府總辦等欽

欽修

乾隆二十五年庚辰十二月丙戌

上詣

皇太后宮問安○諭前據常清奏松阿哩坐扣兵糧勒索餽送等款當令劉綸伊祿順前往西安會同撫臣鐘音查審今據奏到各款已有確據松阿哩前曾奏都賚勒派屬員代買貂皮等物是潔已率屬之道彼所素知何為時未久復蹈其覆轍耶松阿哩著革職并案內應審人犯交劉綸等秉公逐一嚴訊定擬具奏尋奏○原參松阿哩於赫隆額呈

告旗兵賬項令該管官准於月糧內加利扣還查兵餉坐扣私債例有明禁赫隆額所告賬內且有以利作本之處松阿哩不行查究任意妄斷咎實難辭○原參指稱打點藩司書吏飭八旗兵丁湊銀令右司收訖緣八旗馬兵乾隆二十三年增添馬價在司庫借支銀兩議於月餉內分年歸款上年恩詔有兵丁按月扣餉之項悉予豁免右司書辦李文選疑此項亦應請免遂告知右司官轉稟將軍令旗兵湊銀賄託藩司書吏詳辦嗣軍需局不准援免仍將原銀散還各兵訊據各供雖均無染指但松阿哩明知有打點使費之說聽其科派實屬不合○原參派員買馬勒索餽送查本年松阿哩派參領張斌等赴張家口歸化城買馬囑令帶買走馬貂皮嗣聞常清奏俱各退還其挾勢勒索情已顯著○原參聽用親近隨丁盛哥等在外橫行無禮訊無實據惟查有代其主買所屬旗人婦

為妄一節證據明確松阿哩以將軍大員種種任意妄行除諸輕罪不議外其收受屬員馬匹皮張計贓八十兩以上請依枉法論律不減等絞監候餘犯均按律分別辦理下部議○又諭前因平定西陲版圖式擴朕本意欲於伊犁葉爾羌等處皆置屯田令地方官管理因念陝甘總督所轄既廣勢難兼顧是以准議將陝甘總督改為甘肅總督而陝西一省歸於川督管轄然軍需之際恐隔省呼應不靈是以雖定有此制仍令照舊統轄俟軍需辦完再降旨如新制今思新聞各處俱有大臣駐劄無須更設道員則甘督無鞭長莫及之處莫若仍舊管轄著將甘肅總督仍為陝甘總督統轄二省其四川總督不必兼管陝西○又諭曰胡寶瑔著調補江西巡撫吳達善著以總督銜調補河南巡撫兼管提督事務甘肅巡撫員缺著明德補授高晉現令來京陛見胡寶瑔到江西之後常鈞著前

往安徽署理巡撫印務○又諭永遠枷號人犯俱係身獲重罪怙終不悛然後加以嚴懲大理寺每於歲底分別能否改悔彙奏一次雖係循照舊例但此等人犯既經枷號拘管即欲復蹈前轍亦所不能又何從知其改悔與不改悔不過該管各官奉行故事究無裨於實政嗣後該衙門彙奏時止將各犯原案罪由摘敘摺內其分別能否改悔之例著停止○諭軍機大臣等陝甘兩省各營承辦軍需馬匹銀兩昨經諭令該督等速行查明實數具奏俟奏到降旨加恩惟是軍需馬匹歷任督撫先後承辦事屬一體乃楊應琚等屢次摺奏以黃廷桂任內所辦與伊等經手之項兩相比量多寡所見甚小至摺內所稱墊用字樣尤屬非是試思連年承辦軍需馬匹一切動用各項果係何人墊辦耶況以扣缺公糧抵補前項乃朕格外特恩該督等又何得以節省經費竟視為應行抵補之項耶楊

應琚久任封疆向來辦事從未至如此之謬。今此奏立意措詞均未得體著傳諭知之○又諭曰安泰等奏稱烏魯木齊等處耕種地畝需用牛隻等語甘省素產驢頭用以耕種原可以代牛力且發價購買尚屬易辦現已降旨五吉永寧令其於巴里坤哈密及喀爾喀之貿易商民帶有富餘牛隻驢頭酌量採買著傳諭楊應琚於肅州一帶按照該處情形不拘數目量為採買驢頭陸續解往烏魯

實錄卷六二七

五

木齊交與安泰等備用可也但不可以此累民○又諭據劉統勲等奏審擬阿思哈婪賄派累一案已批該部覈議具奏矣其中勒派董榕買物一款供單所開董榕代買物件與方觀承訊取伊家屬供詞覈對大槩相符阿思哈亦已承認但約計諸物價值不下數千金今摺內止稱代買紗葛及紫檀木器俱照值發過價銀四百兩並無累其賠墊等語試思以數千金而僅給四百兩其短發價值不

問可知尚得謂並無累其賠墊之事耶劉統勲等既未將短發價值之處詳悉覈究而於董榕是否因派累而致虧空亦未查訊分明殊屬草率著傳諭劉統勲等將此款再行詳訊具奏尋奏阿思哈派董榕代買諸物據實查估委係短發價值虧空之故原由賠累而生並查贛關稅務收解之外亦不無漏卮得旨該部覈議具奏○又諭曰阿桂奏據哈薩克等告稱伊等使人拜克奈回至游牧曾言

實錄卷六二七

五

大皇帝加恩將愛呼斯等處賞給我等游牧等語從前哈薩克使人入覲奏請在塔爾巴哈台游牧朕即面諭不允又載入勅書此特哈薩克等希圖僥倖造言生事現在納旺等帶領哈薩克使人將至京師朕仍以阿桂所奏哈薩克等造言生事之處再行申諭並勅駐劄大臣嚴行驅逐著傳諭知之○丁亥諭曰大學士蔣溥因患病未痊奏請解任蔣溥年甫五旬精力正強加意調攝自可漸次痊

愈著照舊供職。仍給假調理。不必開缺。○命翰林院編修蔣櫟。在南書房行走。○以故褒績公舒靈阿子隆興。一等子噶爾當子布達雅。二等子經溫弟託什。一等男祖尚賢子祖學恭。三等男佟兆勳子佟璜。各襲爵。○豁除浙江海寧縣乾隆二十四年分被潮衝塌地七十五頃十四畝有奇額賦。○調任河南巡撫胡寶瑤疏報。武安縣開墾額外田七十六畝有奇。○旌表守正捐軀之河南項城縣民胡得富妻王氏。○戊子。

上詔

皇太后宮問安。○諭軍機大臣等。據開泰岳鍾璜奏稱。奸民宋朝倫等踵行邪教一案。不能覺察。請交部嚴加議處等語。所奏甚無謂。已於摺內批示矣。查奸緝匪。綏靖地方。固屬督提職守。但此等奸匪。亦難保其必無。今一經發覺。該督提即拏獲查辦。復何罪之有。即地方有司。不能先事查禁。亦不過失察公罪。而

督提等於結案後。深自引咎。若實有抱疚於中者。殊不可解。此案原係會同富春審辦。豈彼係宗室公。會審時別有情節。致爾等有此奏耶。著傳諭開泰岳鍾璜。將因何奏請議處之故。據實覆奏。尋奏宋朝倫等以邪教展轉騙誘。復捏造狂悖字帖。非尋常案犯可比。臣等獲犯查辦。已將連年失察文武各員。分別查叅。但此案起自乾隆二十一年。至本歲計閱四年之久。始行發覺。臣等不能早為察出。

致使煽惑愈衆。是以奏請議處。至與富春會審。俱係面商公訊。意見相符。並未別有情節。報聞。○又諭據岳鍾璜奏。建昌鎮等處馬廠地畧多與民田相聯。屢致侵占。構訟請照提標馬廠之例。招佃開墾收租。添補餵養馬匹等語。此項馬廠地畝。原係給營牧馬在官之產。並非閒曠。乃毗連民地。以致日久私侵。互相控告。勢所不免。今據該提請將此項地畝佃民承墾成田。每歲收租散給添補飼餵之

資息爭端而清案牘。事屬可行。著傳諭開泰。令其確查勘丈。酌量情形。會同籌辦。務使兵民兩便。以為久遠相安之道。將此傳諭知之。○禮部議覆福建考官周煌等奏稱。閩省舊設同考官十二房。乾隆十八年。議裁易經一房。現在易經三員。書經二員。詩經四員。春秋禮記各一員。但詩經卷多。每房各分及千卷。校閱未能裕如。請以原裁易經一員。撥入詩經內。增為五房。應如所請。從之。○以甘肅按察使吳紹詩為甘肅布政使。以甘肅安西道文綬為甘肅按察使。○己丑。定駐劄回部厄魯特辦事大臣等養廉。軍機大臣議覆。回部厄魯特駐劄大臣事務繁雜。每歲請各給養廉銀二千兩。查西藏。西寧坐辦事務之大臣。均歲給養廉銀三千兩。未免過優。請於駐劄西藏大臣養廉內各減銀五百兩。駐劄西寧大臣養廉內各減銀一千五百兩。歸入駐劄西路辦事養廉款內從之。○吏部等部議准。

四川總督開泰奏。請以松潘同知。照雜谷理番同知例。改為直隸同知。歸松茂道管轄。從之。○移湖南湘陰縣縣丞。駐林子口。零陵縣周堂寺縣丞。駐冷水市。裁寶慶府司獄缺。為湘潭縣黃茅驛巡檢。永州府常德府司獄缺。為醴陵縣淶口司。清泉縣新城司。巡檢。從湖廣總督蘇昌請也。○以江南壽春鎮總兵齊斌為廣西提督。○以吐魯番伯克茂薩為輔國公。頒給封誥如例。○厄魯特貝子三都布故。以其養子貢楚克邦襲爵。○辛卯。上詣皇太后宮問安。○諭軍機大臣等。前因楊應琚奏辦抽撥母羊一摺。未將抵補口糧羊隻緣由。開除明晰。恐係該督錯會原議。是以降旨詢問。今據該督奏稱。因母羊艱於購覓。先於口糧羊隻內挑撥解赴。而撥缺之羊。仍於巴里坤買獲。祇羊內按照四萬隻口糧之數。撥補抵足。並無缺少。應如所奏辦理。將此傳諭。

楊應璩並巴里坤烏嚕木齊之大臣等知之。
○軍機大臣議覆。右衛八旗滿蒙漢兵。自乾隆二十一年。奏裁五百餘名。本年復議裁四百名。添設養育兵。步甲各六百名。今舒明奏稱。雖經兩次裁兵。官員請免裁減等語。查右衛兵丁。雖有看城守庫等差。實與各處駐防無異。原額兵三千五百名。設佐領五十二員。已屬過多。今復裁九百餘名。官員自應量裁。現在滿洲兵一千三百餘名。請分佐領防禦。

驍騎校等官各十六員。蒙古兵四百餘名。分佐領防禦。驍騎校各四員。漢軍八百餘名。分佐領防禦。驍騎校各八員。餘俱裁。其新添步甲六百名。請設步軍翼尉二員。步軍校八員。從之。○壬辰。

上幸瀛臺。宗室公如松等率葉爾羌喀什噶爾阿克蘇和闐烏什庫車沙雅爾賽哩木拜諸回城入覲。伯克薩里等。於西華門外瞻仰。隨於瀛臺賜食。復召薩里等。至重華宮賜茶果。

○刑部奏定擬阿思哈收受屬員餽送一案。得旨。阿思哈依擬應絞著監候。秋後處決。其餽送賀禮之司道大員。不能正已。率屬違例。餽送自應照部議革職。但該撫蘆簋不飭致屬員有意逢迎。罪在阿思哈一人。湯聘亢保蔣衡高積俱著革職。從寬留任。原任饒九道黃為兆著於補官日革職留任。尹繼善著銷去加二級紀錄。四次抵降三級。免其降調。○癸巳。

上御西廠。懷次賜朝正外藩蒙古王公及回部郡王霍集斯等葉爾羌諸回城伯克薩里等宴并賚冠服幣帛有差。調鑲白旗滿洲副都統傅良為伯都訥副都統。○乙未。

孝莊文皇后忌辰遣官祭。

昭西陵。

上詣。

皇太后宮問安。陝西巡撫鐘音覆奏遵旨確查四川永寧道張再齡勒索夫役情事。據漢中

道府詳稱該道絮眷抵任至青橋驛令店戶雇夫三十二名原許多給錢文該處居民稀少代雇不能足數該道疑其勒索家人妄用馬鞭毆打已雇人夫亦均分散該道遂自行覓雇行人實無勒索鋪戶及喝打情節適御史周於禮過站店戶因增飾聳聽但查此係九月二十四日事高琦過青橋驛在八月十五日不知從何聞知報聞又諭軍機大臣等前據御史周於禮奏奉四川永寧道張再齡挈眷赴任在陝西青橋驛多索夫役喝打鋪戶一摺適次日高琦自四川來京朕以伊亦由此路經過自必有所聞見是以面加詢問當據高琦奏稱途次亦聞此事等語隨經降旨鐘音令其將索夫實在情形查奏今據該撫奏高琦於八月十五日過青橋驛而張再齡之經過係九月二十四日是此事乃在高琦已過三四十日之後途次何由豫行聞知而在朕前言之鑿鑿耶朕於庶務無不推究確實

從未有可含糊了事者著傳諭高琦令其將此事究係聞之何人何地據實明白回奏○以浙江乍浦副都統英泰為直隸天津都統○丙申諭昨據欽天監奏明年元日午時日月合璧五星聯珠並繪圖呈覽請宣付史館朕以七政同躔互運凌犯或所時有靈台占候者轉指為瑞應以飾聽聞則大不是因召諸王大臣及監臣等面詢據勒爾森等稱五緯連貫相生不侵次舍實叶吉占並非以祿為祥等語朕於天文象緯素未深究從不强不知以為知但思日月五星行有常度史傳所載高陽氏時五星聚於營室年代荒遠已難具論即如漢高祖元年五星聚東井宋開寶元年五星聚奎殆千有餘年始一遇而其為實為偽亦莫可究及我朝雍正三年日月合璧五星聯珠相距宋時亦已七八百年今自己巳至辛巳章部甫及兩周何以遂應再觀耶據監臣奏稱較前度為尤昭明則安知

將來不有議此度之亦不昭明者耶。適日西陲大功底定。版圖式廓。遠逾二萬餘里。海宇宴安。年穀順成。內外諸臣。大法小廉。人民樂業。其為祥瑞。孰有大於此者乎。又如今冬京師風日晴暖。正在望雪之際。而六花疊降。四野均霑。直隸。河南。山東。山西等省。並陸續奏報得雪。而諸回城新闢耕地。亦有盈尺告豐之奏。此則祥瑞之實。而可徵者。固不在乎合璧聯珠。始足彰

上蒼符應也。在監臣等職司觀象。諒不敢妄相附會。以為潤色隆平之舉。而揆之於理。終難深信。即使懸象著明。星文表異。實為我國家世運亨嘉之盛瑞。惟當益加兢業。保泰持盈。用以上承

靈庥。以與我天下臣民。共享太平之福耳。至謂元正嘉兆。適逢

慈寧七旬大慶之年。可徵

萬壽延禧之祝。朕惟心識之。而默叩

乾。詔若必宣付史館。垂為慶牒。則各省文武大吏。必競以甘露慶雲等事。紛紛入告。將日事虛文。轉致貽誤實政。殊非朕敬

天勤民。宵旰圖治之至意。所奏不必行。仍將此宣諭中外知之。○又諭。內閣彙奏本年福建。廣東三省武員。續請頒發

上諭一摺。雖係循例奏請之事。第單內所開三教歸一一書。實與政治官方無與。原可無庸頒發。至遊擊以下微弁。未必盡通文義。所頒

一應

上諭。不過束之高閣。轉於體制有礙。嗣後不必給與。況此等書籍。通行頒發。果能朝夕省覽。觸目儆心者。誰乎。即朕今所降諭旨。尚不能保無事過輒忘之處。而遠年典冊。能信其皆遵守弗怠耶。朕諸事惟求覈實。若相沿具文。皆所不取。著內閣將向來例給諸書。擇具有裨實政者。頒發。餘俱酌量裁減。○又諭。西安將軍員缺。著嵩椿調補。嵩椿所遺荊州將軍

員缺著德敏補授。德敏所遺左都御史員缺著永貴補授。永貴所遺倉場侍郎員缺著常鈞補授。常鈞未到以前著裘曰修暫行署理。○諭軍機大臣等舒赫德在軍前年久應派員更換著左都御史永貴帶領此次入覲之回部伯克等前往與舒赫德交代後舒赫德即起程回京。○又諭此次入覲之回部伯克等起程時著派乾清門侍衛額勒登額伊德殷濟圖隨同永貴照看前往即留於駐劄大臣處聽候差遣其來年入覲之回人等著棟保訥齊訥帶領前來嗣後乾清門侍衛等即照此輪班行走。○又諭據阿桂奏豐訥亨等領兵搜捕瑪哈沁擒獲偷竊臺站馬匹之庫本諾雅特台吉特古斯孟克等語阿桂豐訥亨此次搜捕逸賊奮勉可嘉著交部議敘巴圖魯侍衛翹蘇爾厄魯特藍翎侍衛色布騰甚屬奮勉翹蘇爾著加恩授為二等侍衛色布騰授為三等侍衛德爾塞著授為藍翎侍

衛伊屯授為前鋒章京特英額授為護軍校額特訥斗濟勒圖哈濟噶爾俱賞戴藍翎其餘官員俱交部議敘兵丁酌量獎賞。○又諭曰阿桂此次辦理瑪哈沁甚合機宜今正值天寒雪盛瑪哈沁等無處棲身必四散奔走自應不時派兵搜捕但搜捕亦豈能淨盡今伊犁現議編設佐領管束厄魯特等仍應廣為招撫俾其來投可以肅清地方併省派兵搜捕之力著傳諭阿桂等出示曉諭此時瑪哈沁等能悔罪來投即行收養若負固藏匿則擒殺無赦於各處要路張掛悉使聞知可酌量辦理。○又諭葉爾羌喀什噶爾等城回子伯克等輪班來京入覲理宜覈計日期起程不必太早今年如松等帶領伊等來時因於彼處起程過早降旨令其緩行已於十二月二十一日抵京著傳諭舒赫德新柱等嗣後抵京日期即倣照此例。○永贊大臣阿桂等奏現在伊犁所有厄魯特及來年自阿克

蘇肅州送到之厄魯特等共百餘名將來藏匿哈薩克布魯特人等聞安插之信必陸續來投請嗣後來投滿百人則編為一佐領揀選佐領一員驍騎校一員領催四名管束更換日期將在京及察哈爾居住之厄魯特侍衛等揀選派出新舊參用三年一換兵丁著有勞績者給與錢糧新經來投之人給口糧候補跟役家口等酌給籽種牛羊下軍機大臣議行○是日起

上以歲暮給祭

太廟齋戒三日○丁酉諭軍機大臣等五吉等奏稱購辦巴里坤商販羊隻二十餘此內得北羊三百餘隻合之從前所購共羊一萬四千餘隻內北羊一千三百餘隻五百隻為一羣加意牧放等語昨阿桂等請將伊犁屯田牛隻在烏里雅蘇台購辦看來喀爾喀等赴巴里坤等處貿易者頗多則牛隻亦自必不少昨已諭伊犁牛羊俱由牧羣揀選駝隻在

巴里坤哈密購買著傳諭五吉等仍行購買牛隻解赴烏魯木齊備用○又諭曰海明奏稱前因英吉沙爾之阿奇木伯克素勒坦和卓入覲係色提巴勒氏署事又往辦牌租阿巴特之阿奇木事務故令伊弟阿克伯克暫署今素勒坦和卓已回阿克伯克無應辦之事等語阿克伯克暫署阿奇木以來辦事既屬妥協著交與舒赫德俟有阿奇木伊什罕等伯克缺出將阿克伯克酌量補用○又諭

曰海明奏布魯特冲噶巴什之阿瓦勒比查出伊屬人搶掠安集延什物給回此次又查拏盜馬回人烏朗噶等擒獲賊黨甚屬奮勉等語阿瓦勒比著再加恩賞緞二端所差屬人等各賞銀三兩仍以加恩獎賞之處傳諭知之○又諭從前海明奏解送助逆賊犯十六人來京此內昂瓜爾和卓請發回正法朕以此等賊犯解送已久將次抵京且據阿里衮所奏情罪相同而海明又未聲明應行發

回之由。因傳諭查詢。今據奏覆。牽引前後定罪情節。輾轉紛繁。意圖掩飾。從前海明所見。即屬拘泥糊塗。此次更為瑣屑。人誰無過。況在萬里之遙。一時意見不到。經朕訓諭。即直承錯謬。必加原宥。乃掩飾其詞。以圖文過。尤屬非是。海明係駐劄大臣。此事雖屬既往。將來遇有要務。亦如此倉皇掩飾。非徒無益。且貽笑於回人矣。著傳諭海明。嗣後遇一切事件。務加意奮勉。據實辦理。不可少存欺飾之

見○戊戌以歲暮禋祭遣官祭

太廟中殿

後殿○已亥禋祭

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵○遣官祭

孝賢皇后陵

端慧皇太子園寢○遣官祭

太歲之神○是日辛巳年立春順天府進土

牛春山寶座○庚子

上詣

皇太后宮問安○御保和殿筵宴朝正外藩左

翼科爾沁和碩親王垂扎布多羅郡王和碩

額駙齊默特多爾濟多羅郡王喇特納扎木

素輔國公和碩額駙喇什納木扎勒輔國公

索諾木色捷喇什色旺多羅額駙多爾濟固

山額駙索諾木三等台吉濟克濟扎布烏珠

穆沁和碩親王朋蘇克喇布坦教漢多羅郡

王喇什喇布坦輔國公固山額駙羅布藏錫

喇布輔國公桑濟扎勒土默特多羅貝勒索

諾木巴勒珠爾。歸化城土默特輔國公喇嘛
扎布喀爾喀多羅貝勒拉旺多爾濟。袞布多
爾濟。固山貝子喇布坦。輔國公恭格喇布坦。
喀喇沁固山貝子多羅額駙瑚圖靈阿。扎拉
豐阿。和碩額駙納木扎布。一等塔布囊格勒
克薩木噶布。巴林輔國公和碩額駙德勒克
多羅額駙丹津翁牛特一等台吉諾爾布扎
木素。二等台吉巴顏巴圖爾。三濟扎布。扎噶
特二等台吉朋蘇克。右翼科爾沁和碩親王

固倫額駙色布騰巴勒珠爾。輔國公固山額
駙拉里達。三等台吉敏珠爾多爾濟。色楞丹
巴。喀爾喀和碩親王成袞扎布。郡王品級貝
子達什丕勒。多羅貝勒丹津貝子品級輔國
公額爾克沙喇。鎮國公恭格敦丹。輔國公蒙
固。扎薩克一等台吉車登旺扎勒。阿巴噶多
羅郡王車凌旺布。輔國公旺沁扎布。綽羅斯
多羅郡王羅布扎。回子郡王品級貝勒霍集
斯。輔國公和什克額色尹。公品級漢咱吧爾。

扎薩克一等台吉圖爾都瑪木特。阿魯科爾
沁多羅貝勒達克丹。扎噶特多羅貝勒阿第
沙。翁牛特固山貝子巴勒丹。和托輝特輔國
公多爾濟車登蘇尼特。輔國公洛壘。和碩特
輔國公色布騰。扎薩克一等台吉特默齊。青
海扎薩克一等台吉多爾濟色布騰。教漢四
等台吉色布騰多爾濟。及領侍衛內大臣等
宴。召科爾沁和碩親王垂扎布。烏珠穆沁和
碩親王朋蘇克喇布坦。科爾沁多羅郡王和

碩額駙齊默特多爾濟。科爾沁多羅郡王喇
特納扎木素。教漢多羅郡王喇什喇布坦。喀
爾喀多羅貝勒拉旺多爾濟。袞布多爾濟。喀
喇沁固山貝子多羅額駙瑚圖靈阿。扎拉豐
阿。科爾沁輔國公和碩額駙喇什納木扎勒。
教漢輔國公固山額駙羅布藏錫喇布。科爾
沁和碩親王固倫額駙色布騰巴勒珠爾。喀
爾喀和碩親王成袞扎布。阿巴噶多羅郡王
車凌旺布。回子郡王品級貝勒霍集斯。喀爾

喀郡王品級貝子達什丕勒喀爾喀多羅貝勒丹津翁牛特固山貝子巴勒丹喀爾喀貝子品級輔國公額爾克沙喇科爾沁輔國公固山額駙拉里達和托輝特輔國公多爾濟車登至

御座前賜酒成禮○是月巡視南漕御史胡紹南奏遵旨協查南河各處工程俱與河臣原奏估冊相符惟邳境之猫兒窩宿境之力家莊白家莊等段初次估計係從水面探量間有遺漏今水涸河底畢現應請乘時挑濬至淮揚運河瓜儀江口均係糧艘經由要區現督率廳汛員弁夫役趕挑得旨好實力妥協督率不可空言○直隸總督方觀承奏張家口駐防兵豫支米經軍機大臣議准照京師甲米例四季關支茲通查直省各駐防兵惟保定雄縣古北口千家店向係按四季關支無庸復議天津水師營則係按月關支熱河按三季關支寶坻玉田三河冷口山海關盧

龍喜峰口羅文峪滄州昌平順義霸州固安東安大興良鄉張家口獨石口等十八處係春秋兩季關支辦理殊不盡一請悉照京師甲米例均作四季支放得旨如所議行○調任福建金門鎮總兵游金輅奏請陞見得旨今用汝為臺灣總兵即宜速赴新任此最要地一切勉之○山西巡撫鄂弼奏明春駕臨五臺山河東商衆敬輸銀三萬兩以充經費得旨量汝建造行宮所費用之餘仍給還又稱晉省各州縣紳衿呈請樂輸經費一邑中有二三千兩或一萬兩不等得旨斷不可收受○又奏晉省各屬得雪入冬未能普徧霑足現在省以南得雪較大餘府州俟詳報到日再奏得旨京師向亦望雪今得霑霑天恩矣想晉省亦必遍及速奏以慰遙企○陝甘總督楊應琚奏口外各城需用物件悉由西蘭一帶辦運惟清油程途遙遠腳力維艱查各該屯田處所種植靡不有收現在各城

官兵食用均無煩內地轉運。請飭蘭州藩司採買菜子胡麻運送肅州。按照各屯需用油觔分別給種。仍行文各該處辦事大臣。於明春相度種樹以省運費。得旨甚好。○又奏安西提督議准移駐巴里坤營制汛防。並官署兵房。擬建伊始必得大員經理。請於明春令提臣劉順親赴督率。再該營所需孳生馱運牲畜亦應乘時籌辦。並請就司庫酌借銀兩。交提臣於明春赴巴里坤時令該官兵採買。所借銀分四年於該標營應領餉銀內扣還得旨如所請行。○是年追予和闐等處回部出師陣亡之總管錦濟哈爾一員。叅領圖拉喀等五員。遊擊素爾登額一員。佐領溫都扎布等五員。四品台吉拉西扎木等二員。藍翎委署叅領端多克一員。委署叅領巴圖爾一員。藍翎章京扎奇納等七員。章京玉木喀爾圖等三員。雲騎尉奎素德一員。藍翎侍衛巴彥一員。驍騎校楊淮等七員。前鋒校布特納

等二員。護軍校色爾古倫等九員。筆帖式伊楞額一員。千總陳照雲一員。把總方廷樞一員。經制外委周延恒一員。帶翎頭目圖秉阿等六員。巴圖魯林保一員。前鋒禪岱等。護軍鄂爾活岱等。馬兵馬青等五十名。卹賞俱入祀昭忠祠。○旌表孝子直隸省夏正明一名。守節合例八旗滿洲穆騰額妻黃氏等九十口。蒙古奚三泰妻富察氏等十二口。漢軍聶先興妻孫氏等十八口。京口等處駐防成山妻卓佳氏等九十四口。直隸等省高鵬起妻張氏等四百五十九口。夫亡殉節滿洲五能義妻杜禮氏等十九口。未婚守志江蘇等省江恒昭聘妻吳氏等十七口。百歲壽民婦安徽等省汪崇爵等十九名口。各給銀建坊如例。○一產三男江蘇等省談勝英等六家。○會計天下民穀數。各省通共大小男婦一萬九千六百八十三萬七千九百七十七名口。各省通共存倉米穀三千一百九十七萬


高宗實錄 卷六二七

九千八百四十一石七斗四升七合九勺

實錄卷六百二十七

三

大清高宗法天隆運至誠先覺體元立極敷文
奮武孝慈神聖純皇帝實錄卷之六百二十七



統一書號: 11018·1355—16

定 價: 49.00 元